






M

13-22.e.28

XIX 922



DE POLITIA
ET IMMVNITATE
ECCLESIASTICA

Tractatus Theologicus.

AD S.D.N. PAVLVM V. PONT. MAX.



Bibliotheca S. Marie
Auctore Magistro Fr. Laurentio Ortiz de Ibarrola & Ayala,
Benedictino, Salmanticensi,
Monasterij Regij S. BENEDICTI Vallisoletani
Roma iterum Procuratore.

R O M A E,

Apud Stephanum Paulinum. MDCX.

SVPERIORVM PERMISSV.

R. *P. Abbatis Monasterij Regij S. Benedicti Vallisoleti, Reformatoris Generalis speciali, & signata facultate concessum est Auctori; ut si R. P. M. Thomas Maluenda, Ordinis S. Dominici, approbauerit Tractatum hunc (ceteris Romæ seruatis seruandis) typis excudi possit: ut constat ex eius Autographo, in Actis Dominici Amodei Notarij Cam. Apost.*

Tractatum Theologicum, de Politia, & Immunitate Ecclesiastica, ab admodum R. & Doctissimo Patre Magistro F. Laurentio Ortiz de Ibarrola & Ayala, Ordinis S. Benedicti, compositum, cum perlegerim: nihil in eo deprehendi fidei Orthodoxæ, aut bonis moribus, vel Ecclesiasticæ doctrinæ aduersum. Quin potius censeo, Opus pium, eruditum, maximè utile; dignumq; profectò, quod in lucem emittatur: ijs cumprimis profuturum, qui libertatem, & Immunitatem Ecclesiasticam, ut veros Ecclesiæ filios decet, sartam & tectam conseruari cupiunt. In quorum fidem, præsentibus manu propria subscripsi. Romæ, in Conuentu S. Mariæ super Mineruam. 10. Septembris. M DC VII.

Fr. Thomas Maluenda Ord. Prædic.

Imprimatur; si videbitur R. P. M. Sac. Pal. Apost.
Cæsar Fidelis Vicefg.

EX Commissione Reuerendiss. P. M. Fr. Ludouici Istella, Sacri Palatij Magistri, vidi, & diligenter perlegi Librum, de Politia, & Immunitate Ecclesiastica, editum à Reuerendo admodum P. M. F. Laurentio Ortiz de Ibarrola & Ayala, Ordinis S. Benedicti: & nihil in eo reperi contra nostram sanctam fidem Catholicam, & bonos mores: sed potius multa in eius defensionem, summa Auctoris diligentia, ex sacris Scripturis, & sacris Canonibus, & sanctis Patribus luculentissimè adducta: ideòq; censeo, Tractatum istum, in maximam Reipublicæ Christianæ, & Studiosorum utilitatem, in lucem prodire posse. Datum in Collegio S. Mariæ super Mineruam. 1. die Mensis Decemb. Anno M DC IX.

Fr. Ioannes Gonçalez de Albelda, Mag. & Regens.

*Imprimatur. Fr. Ludouicus Istella, Magister
Sacri Palatij Apost.*

AVCTORIS VOTVM.

CHRISTE, tuas leges, tua magna negotia famur;
Principibus mundi non temeranda pijs.

Castra Sacerdotum valeat queis reddere cætus

Iura foro sancto, quæ viguere diu.

Quæ Patribus stabilita olim sunt fœdera summis,

Dum populus pauper, secula Neronis erant.

Quando fuit capitis grandis reuerentia Romæ, &

Purpurei in pretio cura Senatus aus.

Dogmate firmamus Diuo discrimina rerum;

Ordinibus cunctis semina pacis habent.

Auspicijs conspira tuis: quod, sacra profanis

Haud permiscendum, sint docuisse satis.

S. D. N.
PAVLO V.
PONT. MAX.

*F. Laurentius Ortiꝝ de Jbarrola & Ayala,
ad humillima pedum oscula.*



DMIRATVS D. Hieronymus
prioris Tabernaculi maiestatem, ex
diuite vasorum supellectile, & ampla
Kimeliorum copia, quæ in eo, vel
donata, vel Domini iussu effecta,
continebantur: sicut in Exodo re-
feruntur: & ad altiora, quorum illa
erant primæ lineæ, mentis dirigens aciem; Tanta, dixit,
(Epist. Centesima vigesima octaua) & talia offeruntur
in Tabernaculo Dei: vt nullus desperet salutem: alium,
addens, aurum sensuum, alium argentum cloquij, vo-
cem æris alium exhibere. Concurrentibus igitur,
BEATISS.^{MA} PATER, pluribus Doctoribus
Catholicis, cum suis scriptis, ad ornandum, & sartum-
tectum tuendum, circa sacrorum hominum, ac bono-
rum Immunitatem, Tabernaculum posterius excellen-
tius, non manufactum, Ecclesiæ, cui V. S. præest, &
per longa præsit tempora; mihi Discipulo, & ceteris de-
stituto, visum fuit, (quo possum)

Aere ciera viros, Martemque accendere cantu

hoc ; vt præfatam Immunitatem , esse de iure Diuino
statutam , probent mecum simul , & confirment : quò,
ad Euangelicam legem , Apostolorum traditionem ,
Primitiuorum Credentium in cælis conscriptorum , præ-
xim & vsum eam redigentes , statuiq; Laico , & eius
Principibus explicantes , semel ipsis persuadeant ; (sunt
enim Catholici , & persuaderi se sinent) Ecclesiam , &
eius supremos Pontifices Romanos , nihil præsumere :
sed id , quod à Christo Domino , quod ab eius Aposto-
lis , quod à suis antiquis Patribus , & Doctoribus per ma-
nus habuerunt , conseruare . Mouerit verò huius The-
matis scriptores alios sacratæ auctoritas Sedis ; me certè
mouit & Sedentis : quam tanti semper æstimauì , (quod
V. S. benè scit ,) vt cum olim Cardinalem Burghesium ,
propter summam comitatem , & illustres animi dotes ,
summè coluerim ; PAVLVM V. summum nunc Pon-
tificem , propter summam suam sanctitatem , qua ratione
alia , nisi vt Christi I E S V in terris Vicarium , ab eo
haud occultis electum signis , venerer , non inueniam .
Hanc animi mei propensionem , volens , apud omnes
esse testatam : post nouem perpetuos annos , quibus egi
corà V. S. solante me conscientia , & fine ; vt in Monaste-
rio Vallisoleto , à maioribus nostris vitæ Monasticæ in-
stitutio , eù inclusionis perpetuæ Voto , seruaretur , ideòq;
curans , ne eius Abbatis electio , libera Monachis ab eo
externis , per S. Sedem Apostolicam , foret concedenda :
in hoc decimo anno , alterius generis maturavi fructus ,
quos S. V. in vicem priorum molestiarum consecrarem .

Erubescerem P.S. si in Curia degens, tam Diuinā, quā
Humanā sapientiæ Theatro; propter vnius Abbatis
nuncius remissus electionem: lectioni totius S. Scri-
pturæ, & Theologiæ, mea incuria, nuncium remissem.
An autem ipsi fructus Decumani sint, sicuti sunt cona-
tus, V. S. erit Apostolico iudicio comprobandum.
Suscipiat supplico, S. V. pedibus prouolutus, qua asso-
let benignitate, scriptum hoc, pro tuenda Ecclesiastica
Immunitate, haustum ab spiritu præcedentium per de-
cem secula Monachorū Ordinis S.P.N.BENEDICTI,
qui Ecclesiasticæ libertatis fuerunt acerrimi defensores;
littera licet, quam mei fert ingenij tenuitas, exarātū: &
quem me Fratres particulares à Monasterij quiete, sua
dictione, aduentū, & hospitem Romæ iterum effece-
runt, dignetur communis Pater, benedictione sua, semel
specialem ciuem Sanctorum, & Dei domesticum effe-
cisse. Christus IESVS S.V. ad piorum Christianorū, &
mea vota, Ecclesiæ sanctæ bono, diu seruet incolumem.
ROMÆ, Sextadecima Maij. Anno eius MDCX.

LECTOR CHRISTIANE.



SUBIECTVM huius Tractatus, ostendit eius titulus: Formam, seu Characterem, ipse totus: Finem, Theoricè, incipientis seculi in Ecclesia successus: Practicè, ostendent in sequentibus successuri. Instituti nostri rationem sic tene. Debetur multum hominibus, qui curas, & cogitationes suas omnes ad ceterorum salutem, & commodum contulerunt: excellentem tamen illi apud omnes honorem, & gloriam sunt adepti, qui, vel insituentis nouis Rebus publicis, vel ferendis legibus, atque adstringendis religioni, & officio populis, insudarunt. Huius paratè laudis cupiditate flagrantia præclara, & magna ingenia, in omni seculorum memoria, & maxime apud litterarum professione excultas Nationes, elaborauerunt: ut vel nouas efformarent Respublicas, vel reformarent veteres, eisque administrandis insisterent: vel illarum optimè gerendarum præcepta describerent, quæ tam præsentibus Igumenis, seu Duces, quam posteris inseruirent. Fuisset autem multò illorum industria utilior, ac illustrior, si quod humano ingenio, ac studio conati sunt adumbrare: id ipsum priùs singulari, ac præcipua summi Dei cura, & sapientia expressum præcessisse, apud Hebræorum gentem, cognoscerent: quò, ad illius unius Iuris stabiliti rationem, sua & ipsi in Republica erigenda, siue administranda, consilia, & monita conuertissent. Veri enim, (Deo ignorato vero) necessaria ad rem tantam, orbatu Cognitione; quæ altera est ala homines ad celestia subleuans: & in Boni Actione, quæ altera ala est, etiam in Documentis tradendis Theoricis errauerunt.

Attamen indotatis illis hoc ingenti Dei munere prætermisissis, ad nostra feracissima, si quæ alia, horum Politicorum secula deuenientes; quibus veri Dei cognitio cum Euangelij affulsit luce: miramur, sicuti dolemus, Christianos homines, adè circa priscorum Philosophorum doctrinam Politicam distineri: ut eius, quæ deberet esse vltima illis, ad Imperiorum, Regnorum, Principatuumq; institutionem, seu gubernationem sit quasi prima cura: & cum in Artibus, sit posteris gloriosum,

inuēta, noua accessione, reddere perfectiora: in hac Artium Arte, hominū
directiōne, quæ, ad sui ultimam lineā, erat Euangelicis præceptis nedum
amplificanda, sed etiam firmissimè stabilienda, nihil æstimetur; Philo-
sophia Politica in sua Ethnica perstante inuentione, ac origine, illis
quasi liberam missionem concessisse.

Inuentis, glandem quis non fastidit, aristis: Politici?
Christus passus est pro nobis: ex 1. Petri cap. 2. non Cornelius Ta-
citus: ut sequamini uestigia eius: non Tiberij Cæsaris: Christus est
uobis Doct̃or iustitiæ, ex Ioelē, c. 2. nū Aristoteles contributus. Neq; du-
bitamus, quin si Principes omnes Christiani semel intelligerent, quod stu-
dia eorū collimant, qui sub Politia secularis conseruande prætextu, Po-
liticis eos instruunt consilijs, Ecclesiasticam Rempublicam perturbanti-
bus, cane peius & angue illa uitarent; & Christianismi natiuā simpli-
citatem amplexantes, æternis illa flāmis, siue scripta, siue suggesta, de-
uouerent. Διδάσκοντες τοις βροτῶν ἐλεγχος: experientiam, quam, rerum ma-
trem, quidam esse dixerunt, mortalium examen, nuncupauit Pinda-
rus: οὐκ ἔστιν ὅπου quod neque Aristotelis Syllogistica demonstrationes, neque Ar-
chimedidis proportionēs forsan efficerent, res oculis hauriendas, & mani-
bus præbeat contrectandas. Hæresis, & Politica disciplina, ultimi seculi,
apud aliquot Nationes, & Prouincias, Dominatrices, promissa pro feli-
citate, miseriam; sperata pro libertate, seruitutem; pro rerum omnium
somnia copia, extremam eis egestatem adduxerunt. Lapidem altera
gestantes manu, altera panem ostentant: & sub specioso seu Euan-
gelij, seu regiminis Ciuilibus prætextu, non pacis nuncium, sed seditionum
disseminandarum originem præ se ferunt: omnibus latam aperientes
portam turbis; unde popularis confusio exoritur, ad quam, conuulsis
antiquis Principum legibus, peruenitur. Ergo, Principes Christiani,
ἐμὲτοι δὲ ἐπὶ λαοί, τοι, μὲν τὸν σοφῶτα, idē docuit Pindarus; testes sapiē-
tissimos; inde posteriores iudicans dies, quod discipuli sint priorum: sub
qua disciplina Magisterium tutissimum continetur. Hinc est conse-
quens, ut dies doctrinæ de Ecclesiastica Immunitate, discipulus diei
sacra Scripturæ, eructet uerbum salutis diebus uestrorum Imperiorum;
nox οὐδὲ νόστις Hæreticorum, ac Politicorum consiliorum, contra Ec-
clesiastica instituta, discipula, nocti eorundem indicet scientiā præter-
eunsi boni, & incurssi mali; tam miseris, quàm antiquis experiētijs,
humano generi comprobata. Hinc Christi I E S V, Dei & hominis,

mundi, qua Deus, Conditoris, qua utrumque Reparatoris, sapientia, sicuti conditi sumus, & reparati, sunt, si sapitis, gubernanda Imperia, Regna, & Dominia; immò si desipiatis.

Hoc igitur toto Tractatu instituiamus; hoc mōstramus: quo, videlicet, pacto Principes seculares Christiani, sphaeram suorum Principatuum in medio sphaera, Ecclesiastica disciplina, quasi rotam in medio rota, ex Ezechiele cap. x. agant: quo modo, spiritus oris eorum, in suis condendis legibus, Christus Dominus sit futurus: ex Thren. c. 4. ut sub huius umbra securi inter Gentes vivant: tui inter Paganos, & Hæreticos comorentur. Actum, dices Lector, me agere: sed quid, si forsitan plus bāserim bauriendo in sacrorum Bibliorum fonte, quàm è riuis aquam deriuando? Lege precor; elige quæ placent; quæ displicent religa, alteri placitura; vel relega; modò ne displiceat, nobis potiùs placuisse, propria edere, quantumvis minus sapida, quàm aliena recudere, quæ essent maiori cum voluptate perlegenda. Doctorem neminem ladimus, cum nemine velitamur, dummodo sit Catholicus: Monasticè scribimus; eosq; omnes suo ordine veneramus, qui de subiecta scripsere materia, siue S. Theologia, siue Iuris utriusq; prudentia fundamentis innixi; sperantes, superstitis nostram dicendi dispositionem satisfacturam: quæ, ut credimus, precedentibus satisfecisset: nam cum Xenophane, apud Plutarchum lib. 9. Con. quest. 14.

Τὰυτὰ δὲ δὴ οὐκ ἔστι μὲν ἰσχυρὰ τοῖς ἐτύμοισιν;

Hæc verò, remur, sancire aſſinia veris.

Cum Hæreticis, ac Politicis est nobis res solùm; quos habemus infensos grauissimè: illos, quia post irritam factam primam fidem, quod est primum, felicia aliàs ingenia, quibus, Catholica excultis doctrina, Ecclesiæ potuissent faciles partem ponderis, & æstus sustinuisse: spinis & tribulis errorum, quæ illa producere solùm patiuntur, ponderosissimi sunt: Politicos autem, quia sub Catholica Religionis velo, propriam utilitatē regentes, volunt Ethnicismum Christianismo sufficere: & ab Imperijs, Regnis, Principatibus Christianis originariam Euangelica professionis sinceritatem exfulare. Hi exsistere caussa, ut Opus hoc, quod aliàs ἐὼς ἔργον, seu facile currebat, laborem, immò molestiam nobis incredibilem pepererit: & gloriosus reputamus, eius defectum, ex ingenij tarditate, quàm effectū, ex facilitate, seu breuitate temporis æstimari: illud enim, ut quod in nobis nūc esset, poena, culpa hoc, ut quod fuerit, cēferetur.

Neque

Neque, ut speramus, offendet, occasione rerum Anglia, Tractatum in Quarta illius Parte aliquantulum ampliasse; immò vendentium humanitatem quammaximè commendat, si ad id, quod certo pretio appensum emptori est, corollarium, vile licèt, & exiguum, liberali accedat manu venditoris. Optauimus hoc vnum precipuè; ut imperante Ecclesiastici inuenirent in hoc scripto auctoritatem humilem, Laici deuotam, utrique prudentem: pauperes solatium; diuites, Ecclesiastici iustitiam, seculares condolentiam: Theologi, Pagina Diuinæ Conclusiones: Iurisprudentes suarum Decisionum fundamenta: Principes, & eorum Politici Consultores, quousq; perueniant in suis consilijs, sicuti mare apud Iob, cap. 38. & non procedant ampliùs, sed ibi tumentes eorum fluctus, quibus Christianas quatiunt Respublicas, confringantur.

Hucusque Lector, tibi, & tuis cantauimus Musis: sed quia extersum, si de Scribentis ultimò aues aliquid scire, lege vterius, sin minus siste. Nazione scim Hispanus, ortus Salmantica, altera Cariatb-sepber, seu Litterarum ciuitate; oriundus Cantabria, iuga Romanorum, ex Horatio; indocta ferre; vsque ad Augusti tempora; tres sumus residui germani fratres, Martino, & Francisca, honestis, nobilibus, ac pýssimis nati parentibus: alter Ioannes, Trilinguis, & Iurisprudens, & huius Tractatus Typographiæ Corrector est: tertius, Placidus, etiam Benedictinus, in celebri, ac religione insigni Monasterio S. Martini Compostella, Theologus, & Concionator: ego prior natus, postquam duo de viginti annos agens, Latinam, & Græcam linguas Salmantica Collega Trilinguis, Alma Vniuersitatis beneficio, publicè prælegerã, Vallisoleti Monasticã indui vestem, 26. Septembris, Anno 1573. in Monasterio Regio S. Benedicti, quod olim, Beatorum, nuncupabatur: quia Auctore R. P. Lope de Frias Abbate Monasterii, & religione, & antiquitate illustris S. Petri de Cardegna, in Historia, quam de eodem scripsit Monasterio: si S. Hieronymus vidisset Monachos, qui in Monasterio Vallisoletan. morati sunt, ab Anno sue Foundationis 1390. per Ioannem I. Castella Regem Clar. Mem. vsquequo suis industria, & impensis plura eiusdem Ordinis reformauit Monasteria per Hispaniam, qua vltimò Congregationem Vallisoletanam effecerunt, baud inferiores meritis eos estimasset, quàm Thebaidos regionis Monachos: neque minoribus eos, quàm illos, fuisset laudibus prosequutus. Cùm ergo ab ineunte ætate, ex parentum, ac propinquorum voto, ac proprii animi impulsu in

litterarum incubuissem studia, & humaniores disciplinas, sub optimis, ac doctissimis præceptoribus, didicissem: ex antiquorum illorum Beatorum reliquijs, habui Monachos viuos, quos imitari potuissem, ac debuissem; in Monastica vita sanctitate, in Linguarum cognitione, in Philosophia notitia, in sacra Theologia intelligentia, in verbi Dei excellenti prædicatione, in scientiarum omnium Encycloædia, & tandem in Diuina, & humana prudentia praxi & usu, cuiusque respectu, Reuerendis. Patres, Rodericum de Vadallo, qui Sicilia obiit Episcopus Cephalunen. Placidum de Salinas, qui me induit vestem, Ferdinandum de Medina, Benedictum de Gaona, Christophorum de Agüero, Petrum Docampo, Abbates Monasterij nostri, & Reformatores Generales, & Petrum de Pontepium, & eruditum Magistrum in Academia Salmanticensi habui & commonachos, doctissimos, ac religiosissimos Patres, Maurum de Salazar Magistrum etiam in præfata Schola, Alphonsum de Xuara, & Hieronymum Martbon: quorum ceteri vixerunt, ultimus viuit, spes maxima reformationis nostri Monasterij, & conseruationis perpetuæ inclusionis, in eo ab omnibus suis Monachis speciali Voto suscepta, & à futuris, si imitatores Patrum suorum esse voluerint, & Regum, quorum redditibus viuunt, votis sint corresponsuri, suscipienda.

Scias ultimo, Lector candide, à me non proprii, aut priuati vilius commodi, compendii, nominisvè causâ, sed communis ac publicæ utilitatis, quo ardemus incenso studio, Opus hoc susceptum, & hac in parte exantlatum fuisse: hinc exoratum te velim, ut apud Christum Dominum pro me ores. Bene vale. Roma, Anno à Virginis partu M DC X. Sextadecima Maij.

B I B L I O P O L A,



BIQUE terrarum sis, bene feceris; si, Auctore inconsulto, Tractatum hunc ne recuderis: ut forsân & illius, & tui experiaris augmentum. Quòd si, hac prætermisâ cautione, recudes; (exceptis pauculis Typographiz erratis) præcipio, nihil mutes: & adde; [Ad exemplar Romanæ editionis: Septimadecima Maij. Anni Domini M DC X.] Scriptum, vel dictum quodcumq; tecus; proscriptum à me, indictumque esto.

Auctor.

DE POLITIA ET IMMUNITATE ECCLESIASTICA.

Tractatus Theologicus.

SEPTEM PRINCIPIA
& Prolegomena totius Tractatus.

PRIMUM PRINCIPIVM.



DE IMMUNITATE personarum Ecclesiasticarum, quatenus concernit res Diuinas, & spirituales, non est quæstio: certum namq; est, in ijs Clericos esse de iure diuino immunes, & liberos à ciuili Principum Laicorum Potestate: videlicet, in Sacramentorum administratione: in suis spiritualibus muneribus obcundis: in cultus Diuini exercitio: in condendis legibus Diuina & spiritualia concernentibus: in explicandis Litteris sacris: in puniendis peccatis contra hæc commissis: in sanctione pœnarum Ecclesiasticarum, ut excommunicationibus, suspensionibus, interdictis, irregularitatibus, depositionibus, degradationibus: in Ministrorum examine, creatione, institutione, approbatione, confirmatione, ad Ordines promotione: & huiusmodi alijs.

Ergò præsentem Tractatum in quatuor diuidemus partes. In prima, præpositis alijs sex Principijs, explicabitur quæstio. Ad quid se extēdat Ecclesiastica Politia circa leges humanas, & ciuiles secularis Potestatis.

In secunda declarabitur primò, qualis fuerit ciuilis Christianorum administratio in Euangelio præscripta, & deinde quæstio, An personæ Ecclesiasticæ sint immunes & libere, iure diuino, à ciuili Principum Laicorum Potestate, in ijs, quæ criminalia, & ciuilia sunt, siuè quocumque modo temporalia: quæ breuitatis causa, sub nomine causarum ciuiliū, seu ciuilis Ecclesiasticæ Iurisdictionis, seu Ecclesiasticæ Politiz temporalis, comprehenduntur.

In tertia explanabitur tertia quæstio: An immunitas bonorum Ecclesiasticorum ad Ecclesias, Loca pia, & Clericos pertinet, quæ quomodocumque ministerijs & vñbus Diuinis deputantur, sit statuta Diuini iure: accipiendorum hic electionibus Ius diuinum strictè, prout distinguitur contra quodcunq; Ius humanum scriptum, siue Ciuile, siue Pontificium, & Canonicum.

In quarta, ad quasdam particulares obiectiones, quorūdam Scriptorum status secularis Principibus blandientium, respondebitur, & de Potestate Ecclesiastica ac Profana tractabitur.

TRACTATVS PRIMA PARS.

II. PRINCIPIVM.

CHRISTIANISMVS ex S. Basilio Homil. 10. in Hexamer. est Dei similitudo, quam humana natura capere potest.] Et cum res definita ad Christum relationem importet, hanc similitudinem in definitione comprehensam, non Dei solum; sed Christi, Dei & hominis futuram esse intelligimus: iuxta S. Augustinum dicentem Homil. 80. in Ioan: [Ille locus Euangelicus, vbi se dicit Dominus vitis, & Discipulos suos palmites, secundum hoc dicit, quod est Caput Ecclesiæ, nosque membra eius, Mediator Dei & hominum, homo **CHRISTVS IESVS**, Vnius quippe naturæ sunt vitis & palmites. Propter quod cum esset Deus, cuius naturæ non sumus, factus est homo, vt in illo esset vitis humana natura, cuius & nos homines palmites esse possemus.] Quod ipsum confirmat Paulus Apostolus, nunc Christianos sic exhortans ad Ephes. cap. 3. [Estote imitatores Dei, sicut filij charissimi] nunc verò sic se explicans 1. Corinth. cap. 11. [Imitatores mei estote: sicut & ego Christi,]

III. PRINCIPIVM CONSEQUENS.

CHRISTVS fuit perfectissimus Legislatores, & eius Christianismi lex fuit, & est iustissima, & perfectissima. Prima pars probatur ex dignitate, & excellentia personæ Diuinæ, humanam in Christo naturam sustentantis; Est enim vir coherens Deo: Zachar. cap. 13. [Frænea suscitare super pastorem meum, & super virum coherentem mihi.] Et inquit quod, nomine ipso, Gabriel, Angelus ad Virginem Sacram missus, id referebat, cum significet idioma Hebræo: Homo Velis. Est tandem [splendor gloriæ, & character substantiæ eius,] id est, Patris æterni: ex Paul. ad Hebr. cap. 1. & est [Emmannuel] id est, Nobiscum Deus. ex Isai. cap. 7. & 8. Vnde [Fuit sanctus, innocens, impositus, & segregatus a

pecca.

peccatoribus, & excellentior cælis,] idest, ipsis Angelicis Spiritibus, ex Paul. ad Hebr. cap. 7. & solus [Peccatum non fecit, neque inuentus est dolus in ore eius,] ex Petro 1. cap. 2.

Secunda pars probatur ex Isaia, de Christo dicente cap. 11. [Erit iustitia cingulum lumborum eius.] Ex Iocle cap. 2 de eodem dicente. [Filij Sion exultate, & lætamini in Domino Deo vestro, qui dedit vobis Doctorem iustitiæ.] Et ratione probatur: quia lex Christiana non solum perfecit legem naturæ, hominum mentibus innatam, verumetiam est excellentior omnibus humanis legibus, Officio, Fine, & Premio.

Nam legum humanarum, & ciuiliū Officiū est, facere homines morigeros, & obsequentes, patriæque amatores; Finis est, pacem publicam ciuibz querere: quod suū est cuique tribuere: ciues & eorum familias & fortunas ab hostium iniurijs tueri: dissidia & bella ciuilia tollere: omniaq; quæ ad ampliūdinem, & Reipublicæ splendorem, & utilitatem conducunt, procurare: & ijs aduersantia repellere: Præmiū tandem est, ciues honestos, morigeros, & de Republica beneficientes honorare: immunitatibus, & prærogatiuis decorare: malos verò homines, quique Rempublicam debonellant, & perturbant, supplicijs afficere; & infamia notare.

Legis verò Christianæ est Officiū, Christianos homines iustitia intrinseca, & fidei Sacramentis institutos, iustiores efficere; & ipsos sanctarum actionum officijs sanctificatos, vberiori gratia, æternæq; beatitudinis præmio digniores facere: Finis est, pax intrinseca, [quæ exsuperat omnem sensum: quæ custodit corda nostra, & intelligentias nostras:] ex Paulo ad Philip. cap. 4. Vnde qui legem hanc Christianam ex charitate observant, comparant sibi Dei gratiam, amicitiam, & fauorem; Præmiū tandem huius legis est, vita & requies cælestis promissa à Deo, iam à mundi conditione, leges suas custodientibus.

IV. PRINCIPIVM CONSEQUENS.

OMNES leges humanæ & ciuiles eatenus sunt æquæ & iustæ, quatenus vel in lege Christiana expressè continentur, vel ex ea legitima consequentia deducuntur, vel illi sunt conformes, vel saltim non contrariæ: Euangelium enim, saltim implicite, sufficientissimas leges continet, ad omnium, qui vnquam emergere possunt, casuum decisionem. Constat hoc ex ipso Proverb. cap. 8. vbi Verbum & Sapientia Dei Patris sic introducitur, loquens. [Per me Reges regnant, & legum Conditores iusta decernunt.]

Sed est insignis locus ad litteram de hoc intellectus, Psalm. 2. Cum enim Reges terræ cum suis populis, initio nascentis Christianismi, aduersus illum, & Christum eius Auctorem adstiterint: videlicet, Hebræi

populi rex Herodes, Gentium autem nomine, & Imperatoris Romani, & illius Imperij, quod orbis ambebat principatum, cum ipsis Gentibus, Pilatus Iudææ Procurator, sicuti ad litteram Psalmi, explicat S. Petrus, Act. cap. 4. dicens, ad Deum Patrem: [Qui Spiritu sancto, per os patris nostri David dixisti: Quare fremuerunt Gentes, & populi meditati sunt inania: Astiterunt Reges terræ, & Principes conuenerunt in unum aduersus Dominum, & aduersus Christum eius.] Conuenerunt enim verè in ciuitate ista aduersus puerum sanctum tuum Iesum, quem vnxiisti, Herodes, & P. Pilatus cum Gentibus, & populis Israel, &c.] sequitur Christus, dicens in Psal. [Ego autem constitutus sum Rex ab eo super Sion montem sanctum eius; prædicans præceptum eius:] Ecce, regnum Christi, vt omnes Christianos faciat reges, & regnum (Sic enim eos appellat Petrus, 1. cap. 2. [Vos autem genus electum, regale Sacerdotium.] Sic loquitur Iohannes Apocal. cap. 1. [Fecit nos regnum, & Sacerdotes Deo, & Patri suo.] & cap. 5. [Fecisti nos Deo nostro regnum & Sacerdotes: & regnabimus super terram,] prædicare illis Dei præcepta, quæ custodiant, quæ sequantur. Insuper adiudicatis Christo consequenter à Patre Gentibus, pro hæreditate, & terminis terræ, pro possessione, conuertitur ad Reges ad Principes, ad seculares Potestates; dicens: [Et nunc reges intelligite: erudimini qui iudicatis terram.] Seruite Domino in timore, & exultate ei cum tremore.] Sequitur, quod nostram concludit Principium: [Apprehendite disciplinam:] siue, Adorate filium, siue, Osculamini filium; omnia enim hæc significantur Hebraico sermone. Itaq; Reges terræ populos regendo, iudices iudicando, Principes gubernando, respublicæ statuendo, Potestates laicæ, leges dando, tenentur Christianam apprehendere disciplinam; Christum osculari, & adorare docentem præcepta æterni Patris [ne, quando] ab hac Christiana disciplina deuiantibus: [irascatur Dominus, & pereant de via iusta,] vt David ibi conclusit. Et hinc graues Iurisperiti quandoque didicerunt, quod in vulgus esset proferendum, siue circa legum ciuiliū naturam, siue circa earum declarationem, & ordinationem, semper ex sacris Scripturis antiquioribus, & ex Euangelij doctrina, suis Scriptis firmum, & certum iecerunt fundamentum, à quo solo fonte prudenter, & piè intellexerunt, posse veram Politiam, æquitatem, & rectitudinem deriuari.

V. P R I N C I P I V M.

HIC Christianismus, siue Ecclesia cum lege Christiana, Christum imitando, tam quoad actiones Monasticas, quibus homines cum obseruantia mandatorum, siue etiam Euangelicorum consiliorum, ad cælum tēdunt; quam quoad actiones OEconomicas, quibus familiæ con-

serua-

seruatio dirigitur; quàm quoad actiones Politicas, quibus versus ciuilem Laicum, siue Ecclesiasticum Magistratum obedientia continetur; Talis igitur Ecclesia non solum est vsque ad finem seculi duratura; verum etiam existit perfecta à sui initio, ante editionem cuiuscunque Scripturæ noui Testamenti.

Prima pars constat, ex illa promissione Christi apud Matth. cap. 16. ad Petrum facta: [Tu es Petrus: & super hanc petram ædificabo Ecclesiam meam: & portæ inferi non præualebunt aduersus eam.] Et cap. 28. [Ecce, inquit, ego vobiscum sum, vsque ad consummationem sæculi.] Iuxta illud Isai. cap. 59. [Spiritus meus, qui est in te, & verba mea quæ posui in ore tuo, non recedent de ore tuo, & de ore seminis tui, & de ore seminis seminis tui, dicit Dominus, amodò, & vsque in sempiternum.] Vnde Apostolus Paulus, hanc perfectam, dixit, esse Ecclesiæ Oeconomiam, & Politicam, scribens, sic ad Ephes. cap. 4. de Christo: [Ipse dedit quosdam quidem Apostolos, quosdam autem Prophetas, alios verò Euangelistas; alios autem Pastores & Doctores ad consummationem Sanctorum, in opus ministerij, in ædificationem corporis Christi: donec occurramus omnes in vnitatem fidei, & agnitionem Filij Dei.]

Secunda pars probatur; quia Christus nullum scripsit librum, neque legem scriptam mundo tulit; sed in illum mittens Apostolos, & Discipulos, sic illis præcepit: Marc. cap. ult. [Euntes in mundum vniuersum, prædicare Euangelium omni creaturæ.] Id est, quod ipse fecerat, & docuerat, vt explicuit S. Luc. Act. cap. 1. esse suum, & Christi Euangelium. Et hanc differentiam veteris & nouæ legis, vt quarum illa in tabulis lapideis, hæc in hominum cordibus esset scribenda, adnotauit Apostolus 2. Corinth. cap. 3. dicens: [Epistola nostra vos estis, scripta in cordibus nostris: quæ scitur & legitur ab omnibus hominibus manifestati, quoniam epistola estis Christi ministrata à nobis, & scripta non atramento, sed spiritu Dei viui, non in tabulis lapideis; sed in tabulis cordis carnalibus.] Vbi Apostolus ostendit, adimpletum fuisse illud quod per Jerem. cap. 31. Deus promiserat; sic: [Ecce dies venient, dicit Dominus, & feriam domui Israel, & domui Iuda fœdus nouum, non secundum pactum, quod pepigi cū patribus vestris, &c.] & paulò post subdit: [Sed hoc erit pactum, quod feriam cum domo Israel: Post dies illos, dicit Dominus, dabo legem meam in visceribus eorum, & in corde eorum scribam eam: & ero eis in Deum, & ipsi erunt mihi in populum.] De quo Chrysostomus videndus Homil. 1. in Matth.

V I. P R I N C I P I V M C O N S E Q V E N S.

AD indicandum quid sit de Iure diuino circa ea, quæ tractanda proposita sunt, recurrendum est omnino ad illum primitiuæ Ecclesiæ

statum,

statum, & ad factum & exercitium illius, circa Ecclesie Politiam, circa personarum Ecclesiasticarum, circa bonorum Ecclesie immunitatem. Probatur: quia cum vltima consummatio gratie facta sit per Christum, Ioan. cap. 1. dicente: [Gratia, & veritas per Iesum Christum facta est.] Vnde & eius tempus appellat Paulus ad Galat. c. 4. plenitudinem temporis: ideo qui fuerunt propinquiore Christo, sicuti Apostoli, plenius cognouerunt mysteria fidei, & factum, statum, & exercitium legis Christiane; & qualiter de illius Ecclesiastica Politia, & Ecclesiasticarum personarum Iure, de Sacri, & Profani Magistratus Potestate, de bonis Ecclesie adiudicatis, esset censendum. Hec est doctrina S. Thom. 1. 2. q. 1. art. 7. ad 4. quam ibi optime explicat Card. Caiet.

VII. P R I N C I P I V M.

L I C E T per traditionem Apostolicam multe habeantur Ecclesiasticae leges, quae semper & ubique, & ab omnibus credita & observatae fuerunt in Christianis Proincijs; à quibus arguendo, Politia Ecclesiastica, & immunitas Ecclesiasticarum personarum, & bonorum Ecclesie posset sufficiensissime confirmari; nihilominus, ut quicumque intellectus, non discolor, & inhumanus, conuincatur: ex Scripturis expressis, & maxime noui Testamenti colligendum est, qualem Christus in ijs, Ecclesie statum ordinauerit, & qualiter à primitiua Ecclesia fuerit hic ordo ad praxim redactus: & qualiter de iure harum rerum censendum sit, & esset, etiam nullis Scripturis noui Testamenti obstantibus: ut Christianismi vera facies vniformis conseruaretur: & qualiter tandem haec immunitas sit Diuina traditio, & de Iure diuino.

Q V A E S T I O P R I M A.

*Ad quid se extendat Ecclesiastica Politia circa leges humanas,
& ciuiles secularis Potestatis.*

V N I C A C O N C L V S I O.



Mnes leges humanae, & ciuiles cuiuscumque laicae Potestatis, ad normam Politiae, & legis Christianae sunt condendae; quae non seruata, per Politiam Ecclesiae, & eius Praelatos, & praecipue summum Pontificem, sunt corrigendae: etiam adhibitis poenis Ecclesiasticis coerciuis; & in dubijs, tam in particularibus, & vniuersalibus iudicijs, quam in earum conditione, subsidio dictae legis, & dictorum Ecclesiasticorum Praelatorum, & maxime Pontificis supremi, sunt explicandae.

Probatur primò in genere conclusio, ex doctrina illa Christi, Matth. c. 18. [Si peccauerit in te frater tuus &c.] vsque: [Si Ecclesiam nõ audierit, sit tibi sicut Ethnietus, & publicanus.] Ex qua Doctores omnes colligunt hanc conclusionem.

Sed probatur specificè, quoad primam partem: Christus ordinauit Politiam perfectiorem omnibus alijs Politijs; quæ omnes alias perficit, eas omnes ad finem superiorem acquirendæ beatitudinis, per officia congrua, cum premijs aptis, eleuat; ergo adamussim legis illius superioris sunt omnes aliæ, tanquam inferiores, regulandæ. Antecedens constat ex 3. & 4. principijs in genere: Constat etiam ex simili ad res naturales: de quibus dixit Arist. 1. Meteor. [Necesse est mundum inferiorem contiguum esse lationibus superioribus, vt inde eius omnis vis regatur, & gubernetur.] Sic Politiam civilem necesse est contiguum esse Ecclesiasticæ Politia, vnde eius regiminis æquitas, & iustitia dirigatur, & gubernetur. Sed in specie probatur ex eo, quia vbi supremus Legislator Christus, & eius Spiritus Politicas leges edidit, vel earum, proxima fundamenta iecit, inferiores Legumlatores ad illarum formam, in legibus ferendis, debent se accommodare: Sed Christus & Apostoli ab eo Orbi prædicatores cõstituti, ex eius doctrina tulerunt Politicas leges, easque ordinarunt, vel earum posuerunt fundamenta proxima: Ergo ad eas est ab alijs legum Politicarum conditoribus attendendum. Minor constat inductione: sic; Nam

De vnitate & congregatione ciuium, re prima ad Rempub. necessaria, habetur primò ex antiqua Pagina Isai. cap. 56. [Omnes sitientes venite ad aquas, & qui non habetis argentum, properate, venite, & emite, absque vlla commutatione, &c.] & Psal. 33. [Venite filij, audite me: timorem Domini docebo vos.] Sed ipse Christus dixit Matth. cap. 15. [Venite ad me omnes, qui laboratis, & onerati estis: & ego reficiam vos.] Venite ad me, videlicet, tanquam ad Caput congregationis hominum, immò & Angelorum, ex Paulo ad Ephes. c. 1. & 4. & ad Coloss. c. 1. & 2. tanquam ad fundamentum Ecclesiæ, scilicet, congregationis fidelium: ex 1. ad Cor. c. 3. & Luc. c. 11. [Regnũ in seipsum diuisum desolabitur.]

De auctoritate Magistratum in ciues iam vnitos, Luc. cap. 22. [Reges Gentium, dixit Christus, dominantur eorum, &c.] & Matth. capita 22. [Reddite quæ sunt Cæsaris, Cæsari: & quæ sunt Dei, Deo.]

De subueniendo egenis, & miseris in ciuitate, docuit Christus Luc. c. 10. [Quod superest date elemosinam.] & cap. 6. [Date, & dabitur vobis.] Huc spectant ratioinæ de operibus misericordie danda Mat. c. 25.

De reddendis tributis & vectigalibus, & exigendis, & de mensarijs, ipse Christus etiam, ad vitandum scandalum, reddidit pro se, & Petro statuerem fisci Imperialis receptoribus, Matth. cap. 17. & publicanos sic docuit Ioannes Baptista Luc. cap. 3. [Nihil amplius quam quod consti-

tutum est vobis, faciatis.] Paulus ad Roman. cap. 13. [Reddite ergo omnibus debita: cui tributum, tributum: cui vestigal, vestigal.]

De obedientia debita Magistratibus, ad Roman. cap. 13. Paulus ait. [Omnis anima Potestatibus sublimioribus subdita sit:] cum multis alijs ibi sequentibus, quæ faciunt ad ea quæ Potestati seculari sunt à Christianis præstanda. Et ad Tit. cap. 3. [Admone illos Principibus, & Potestatibus subditos esse.]

De charitate & amore mutuo ciuium, Ioan. cap. 15. inquit Christus: [Hæc mando vobis, vt diligatis inuicem: sicut dilexi vos. Manete in dilectione mea,] Et pro Apostolis, & omnibus Christianis sic orabat Patrem, Ioan. cap. 17. [Pater sancte, serua eos in nomine tuo, quos dedisti mihi: vt sint vnum, sicut & nos.]

De inimicorum dilectione ipse docuit, Matth. cap. 5. [Diligite inimicos vestros: benè facite ijs, qui oderunt vos, &c.]

De ex pluribus nationibus, & gentibus vna república Christiana erigenda; Paul. ibi ad Galat. c. 3. [Quicumque in Christo baptizati estis, Christum induistis: non est Iudæus, neque Græcus, non est seruus, neq; liber, non est masculus, neque femina: omnes enim vos vnum estis in Christo Iesu.]

De iustitia seruanda, & inter ciues sibi inuicem ope ferenda: Matth. cap. 7. & Luc. cap. 6. [Omnia inquit Christus, quæ vultis vt faciant vobis homines, ita & vos facite illis.] & Paulus ad Galat. cap. 6. [Alter alterius onera portate, & sic adimplebitis legem Christi.]

De conditione ciuium cognoscenda, & vnoquoque, iuxta suum statum, in officio continendo: Petrus 1. cap. 2. dicit. [Subiecti estote omni humanæ creaturæ, propter Deum; siuè Regi, quasi præcellenti, siue Ducibus, tamquàm ab eo missis, ad vindictam malefactorum, laudem verò bonorum.] & Paul. ad Tit. cap. 3. [Admone illos Principibus, & Potestatibus subditos esse.]

De vitanda eorum hominum communione, qui rempublicam perturbant, quoad Iudæos, propter suam perfidiam, Paulus & Barnabas Apostoli, Actuum cap. 13. illis dixerunt. [Vobis oportebat primum loqui verbum Dei; sed quoniam repellitis illud, & indignos vos iudicatis æternæ vitæ, ecce conuertimur ad Gentes. Sic enim præcepit nobis Dominus:] Quo ad Hæreticos, propter suam perniciosam conuersationem, & fidei Catholicæ abnegationem: Paulus ad Tit. cap. 3. [Hæreticum hominem post vnā, & secundam correptionem deuita: sciens quia subuersus est, qui eiusmodi est, & delinquit: cum sit proprio iudicio condemnatus.]

De honore inuicem deferendo, & modestia, & ordine in actibus publicis seruandis, Christus docuit. Luc. cap. 14. [Cum inuitatus fueris ad nuptias, non discumbas in primo loco: ne fortè honoratior te sit inuita-

tus ab illo, & veniens is, qui te & illum inuitauit, dicat tibi: Da huic locum, &c. Sed recumbe in nouissimo loco: vt, cum venerit, qui te inuitauit, dicat tibi: Amice ascende superius &c.] & Paulus ad Roman. cap. 12. [Honore inuicem præuenientes.] & cap. 13. [Cui timorem, timorem, cui honorem, honorem.]

De obedientia seruorum versùs dominos, Petrus 1. cap. 3. ait. [Serui, subditi estote in omni timore dominis, non tantùm bonis & modestis, sed etiam discolis.]

De reuerentia vxorum versùs viros, & de horum amore versùs vxores, Petrus ibidem: [Mulieres subditæ sint viris suis: sicut Sara obediebat Abrahæ, Dominum eum vocans. Viri similiter cohabitantes secundùm scientiam; quasi infirmiori vasculo muliebri impartientes honorem.] Et Paul. ad Coloss. cap. 3. [Mulieres, subditæ estote viris, sicut oportet, in Domino: Viri, diligite vxores, & nolite amari esse ad illas.] & ad Ephes. c. 5. [Mulieres, viris suis subditæ sint, sicut Domino.] & postea: [Viri, diligite vxores vestras, sicut & Christus dilexit Ecclesiam.]

De obedientia filiorum versùs parentes, & de eorum educatione paterna, & seruorum versùs heros etiam obedientiæ. Paul. ait ad Coloss. cap. 3. [Filij, obedite parentibus per omnia: hoc enim placitum est in Domino: Patres, nolite ad indignationem prouocare filios vestros: vt non pusillo animo fiant. Serui, obedite per omnia dominis carnalibus.] Idem habetur ad Tit. cap. 2. ad Ephes. cap. 6. & 1. Petri c. 2.

De matrimonijs Matth. cap. 19. Christus docuit: [Propter hoc relinquet homo patrem, & matrem, & adhærebit vxori suæ: & erunt duo in carne vna.] Item: [Quod Deus coniunxit, homo non separet.] Item c. 5. [Omnis qui viderit mulierem ad concupiscendum eam, iam mœchatus est eam in corde suo.] & infra: [Qui dimiserit vxorem suam, excepta fornicationis causa, facit eam mœchari, & qui dimissam duxerit, adulterat.] & Paul. 1. Corinth. c. 6. [De quibus autem scripsistis mihi: bonum est homini mulierem non tangere: cum multis ibi sequentibus.] & Petrus 1. c. 3. [Mulieres, subditæ sint, &c.] vt supra.

De vsuris. Matth. cap. 5. docuit Christus: [Qui autem petit à te, da ei, & volenti mutuare à te, ne auertaris.] & item: [Mutuum date, & nihil inde accipientes.] Luc. c. 6.

De ædificiorum modestia, iuxta ciuiũ fortunas, attendenda, Luc. c. 14. similitudo à Christo adducta, de turrim ædificanti, sumptibus in ea faciendis non computatis.

De inéundo bello, seu pacis conditionibus exquirendis, habetur ibidem alia similitudo à Christo adducta de rege, copijs, ad bello, cum alio rege configendum, minus instructo. & Ioannes Baptista sic docuit milites: Luc. cap. 3. [Neminem concutiatis: neque calumniam faciatis:

& contenti estote stipendijs vestris .]

Circa generalem vitę conuersationem, præceptum dedit Christus Dominus dilectionis, dicens Ioan. cap. 15. [Hoc est præceptum meum, vt diligaris inuicem, sicut dilexi vos.] Præcipere autem est, habentis iurisdictionem coactiuam: vt docet Hieronymus lib. 2. contra Iovinianum, & habetur cap. Quisquis. 14. quæst. 1. §. Quod præcipitur, imperatur: & quod imperatur, necesse est fieri: si non fiat, pœnam habet: vbi consilium datur, odientis arbitrium est, vbi præceptum, necessitas est seruientis. Circa quod videndus Turrecrem. in Sum. de Eccles. c. 47. vers. Primò in eodem. lib. 2.

Immò sicuti Romani Gentiles lumine tantum ducti rationis naturalis, omnes leges ad vnā hanc prudentissimè reducebant: [Salus populi suprema lex esto:] Sic in Christiana excellentiori Republica, celesti ac supernaturali illustrata luce, leges omnes ad vnā rediguntur charitatis legem, dicente Paulo 1. ad Timot. c. 1. [Finis autem præcepti est charitas de corde puro, & conscientia bona, & fide non ficta.]

De generali forma in ciuilibus causis Christianorum agitandis seruanda, est Christi institutio, Matth. cap. 18. [Si autem peccauerit in te frater tuus: vade, & corripe eum inter te, & ipsum solum: si te audierit lucratus eris fratrem tuum: si autem te non audierit, adhibe tecum adhuc vnum, vel duos, vt in ore duorum vel trium testium, stet omne verbum: quòd si non audierit eos, dic Ecclesię: si autem Ecclesiam non audierit, sit tibi sicut Ethnicus, & publicanus.]

De speciali forma accusationes aduersus graues personas, & seniores recipiendi, docet Apostolus 1. ad Timoth. cap. 5. [Aduersus presbyterum accusationem noli recipere, nisi sub duobus, aut tribus testibus.]

De bonorum cõmunium partitione, iustitia distributiva media intercedente, docuit idem Paulus ibidem dicens: [Qui bene præsunt presbyteri, duplici honore digni habeantur, maxime qui laborant in verbo, & doctrina.] id est, duplici bonorum Ecclesię portione cohonestentur. ex Hieronymo, & alijs.

Huc spectat illa generalis doctrina Apostoli 1. ad Timoth. cap. 3. sic scribentis: [Hæc tibi scribo Timothee, sperans me ad te venire citò: vt scias, quomodo te oporteat in domo Dei conuersari, quæ est Ecclesia Dei viui.] item & illa ad Philip. cap. 4. [De cetero fratres, quæcumque sunt vera, quæcumque pudica, quæcumque iusta, quæcumque sancta, quæcumque amabilia, quæcumque bonæ famæ, siqua virtus, siqua laus disciplinæ, hæc cogitate. Quæ & didicistis, & accepistis, & audistis, & vidistis in me, hæc agite, & Deus pacis erit vobiscum.] Vbi plures leges ciuiles, nedum Monasticas, & OEconomicas, Paulum tradidisse, facillimè intelligitur. item & illud 1. ad Thessal. c. 2. [Tenete traditiones, quas audistis, siue per sermonem, siue per epistolam nostram.] Item

& illud ad Titum c. 1. [Idcirco reliqui te Cretæ, vt ea quæ defunt, corrigas.] Item illud 1. ad Corinth. c. 11. [Cetera cum venero disponā.] & cap. 14. [Non enim est dissensionis Deus, sed pacis: sicut & in omnibus Ecclesijs Sanctorum doceo.] & item ibi concludit: [Omnia autem honestè, & secundum ordinem, fiant in vobis.]

In quibus locis colligitur clarè, Apostolum constituisse nedum modum conueniendi in Ecclesiam, ministrandi in ea, cõcionandi, orandi, psallendi, sedendi, sessum recipiendi aduentantes, communicandi, bona Ecclesiastica dispensandi, eisq; vtendi: verum leges pudicitie, in aspectu, in sermone, in cultu corporis, in balneatione, in habitatione ministrorum ordinis sacri cum suis coniugibus: item leges, & decreta pij, erga Deum: sobrii, erga seipsum: iusti, erga parentes, vicinos, ciues, peregrinos, Magistratus populi, Ecclesie Præsules, seruos & dominos, peccatores, & poenitentes: ac denique eorum omnium, quæ ad quodcumque virtutis genus & officium, & actionis laudabilis, rationem spectant. Paulus enim qui hæc docuit, & Apostoli, qui eodem, quo ille spiritu, & loquebantur, & agebant, disposuerunt quæcumque ad ordinem, & honestatem, ad pacem, & disciplinam vitæ Christianæ, & Ecclesiasticæ, ac ciuilis æquæ, ac modestæ conuersationis, & ad prouidendum bona coram Deo, & hominibus, pertinebant. De quibus idem Paulus ad Titum c. 1. scripsit. vt modo retulimus: [Idcirco reliqui te Cretæ, vt ea quæ defunt, corrigas.] Multas autem ex ijs Apostolicis legibus, Clemens in libris suarum Constitutionum Apostolorum comprehendit.

Et tandem ne longius per Euangelica, & Apostolica scripta euagemur, Christus docuit Matth. c. 19. [Si vis ad vitam ingredi, serua mandata.] ex quo habetur, nullam legem ciuilem esse iustam, nullam esse æquam, quæ vel ad Dei amorem, & cultum, quæ in tribus primis Decalogi præceptis continentur, vel ad proximi amorem, & vtilitatem, quæ in septem alijs præceptis comprehenduntur, non referatur. Nam sicuti ad duodecim fidei articulos omnia credenda reducuntur: sic ad decem illa mandata sunt omnes iustæ leges reducendæ. Manet ergo firmum & certum, quod quæcumque iustitia in legibus Politicis, & à seculari editis Potestate, comprehensa, siue exemplaris sit, siue purgatoria, siue sit Politica, siue formata, vt cum Iurisperitis loquamur, quidquid iusti, & æqui, quidquid boni habet, id ex Diuina lege oriatur, & dimanet, necesse est, cuius fauore, & subsidio egent, vt sciatur, quæ sint leges ciuiles habendæ iustæ, & obseruandæ, quæ verò contra, iniquæ sint, & abolendæ.

Secunda pars conclusionis, quod scilicet, leges ciuiles editæ contra formam legis Christianæ sint per Ecclesiam, & eius Prælatos; & præcipuè per summum Pontificem corrigendæ, constat; quia leges humanæ legi æternæ, & Diuinæ debent famulari, vt dictum est: Sed ad Ecclesiam, & eius Prælatos, & præcipuè summum Pontificem pertinet le-

gis aeternæ, & Diuinæ declaratio: Ergo ad eam, & eius Prælatos pertinet legum humanarum correctio. Maior præter ea, quæ adducta superius pro illa veritate sunt, adhuc ex naturali Philosophia est manifesta: [Primum, inquit, Arist. in lib. *Mela 2^a quæstio* in vnoquoque genere, est aliorum mensura.] Ergo lex Christiana & Diuina, vt legum præcipua, & excellentior, legum omnium debet esse mensura: Minor habetur ex promissione Christi ad Petrum facta, Matth. c. 16. [Tibi dabo clauis regni cælorum, &c.] & cap. 18. idem Christus ait: [Si Ecclesiam non audierit, sit tibi sicut Ethnicus, & publicanus, &c.] Et est doctrina Pauli Apostoli ad Ephesios cap. 4. dicentis de Christo: [Ipse dedit quosdam Apostolos, quosdam autem Prophetas, alios verò Euangelistas, alios autem Pastores & Doctores ad consummationem Sanctorum, in opus ministerij, in ædificationem corporis Christi: donec occurramus omnes in vnitatem fidei, & agnitionem filij Dei.] Ecce Ecclesiæ, & eius Pastorum & Doctorum, & maximè summi Pontificis munus: docere quid spectet ad homines in sanctitate consummandos, & doctrina sancta eos pascere: & docere quid spectet ad homines à sanctitate auertendos; & nullo modo permittere, vt pascantur legum doctrina, & directione, quæ ab vnitatem fidei, & ab agnitione filij Dei, ab Euangelicæ doctrinæ charitate, pace; & iustitia valeat deterrere.

Alterum membrum secundæ partis conclusionis, scilicet, quod poenæ spiritualibus sint coerciui puniendi ciuiles Legulatores, ab orbita legis Christianæ deuianz, probatur ab omnibus Doctoribus ex illo. Matth. cap. 18. [Si Ecclesiam non audierit, sit tibi sicut Ethnicus, & publicanus.] ex quo loco communi consensu eliciunt potestatem Ecclesiæ, ad Principes etiam seculares ab ea extrudendos, si legibus iniquis suos subditos inquietent.


Tertia pars conclusionis, quod scilicet tam in particularibus, & vniuersalibus iudicijs, quàm in legum ciuiliu cõditione, opus sit subsidio legis Christianæ & Ecclesiæ; eiusque Prælatorum, & præcipuè Summi Pontificis iudicio, vt illas explicant, probatur quidem primò ex insigni loco antiquæ Paginæ, Deut. cap. 17. [Si difficile & ambiguum apud te iudicium esse perspexeris inter sanguinem & sanguinem; causam & causam, lepram & lepram, & iudicium intra portas tuas videris verba variari; surge, & ascende ad locum, quem elegerit Dominus Deus tuus. Veniesq; ad Sacerdotes Leuitici generis, & ad indicem, qui fuerit illo tempore: quæresq; ab eis, qui indicabunt tibi iudicij veritatem. Et facies quodcūque dixerint, qui præsumt loco, quem elegerit Dominus: & docuerint te, iuxta legem eius: sequerisq; sententiam eorum, nec declinabis ad dexteram, neq; ad sinistram. Qui autem superbierit, nolens obedire Sacerdotis imperio, qui eo tempore ministrat Domino Deo suo, & decreto indicis, morietur homo ille, & auferes malum de Israel,

cunctusque populus audiens timebit; ut nullus deinceps intumescat superbia.] Qui locus probat optimè etiam conclusionis secundam partem. Deinde Sap. cap. 3. sic habetur. [Audite reges, & intelligite, discite iudices finium terrarum. Præbete aures vos, qui continetis multitudines, & placeatis vobis in turbis nationum: quoniam data est à Domino potestas vobis, & virtus ab Altissimo, qui interrogabit opera vestra, & cogitationes scrutabitur; quoniam cum essetis ministri regni illius, non rectè iudicastis, neque custodistis legem iustitiæ, neque secundum voluntatem Dei ambulastis.] Qui locus adeò probat dictum conclusionis, & Potestatem sæcularem id solum posse statuere seruandum suis subditis, quod sit cum lege Christiana coniunctum, quæ est simpliciter lex iustitiæ, & esse ministros regni Christi, idest, Ecclesiæ, & hanc esse audiendam ab eis, ut certò teneant, quid sit iustum in iudicijs iudicandis, & legibus, iuxta voluntatem Domini, condendis, ut nihil clarius possit dici. Idem probatur Aggæi cap. 2. [Hæc dicit Dominus, Interroga Sacerdotes legem,] & Malach. cap. 2. [Labia Sacerdotis custodiunt scientiam: & legem requirunt ex ore eius: quia Angelus Domini exercituum est.] Ex nouo Testamento probatur dictum: quia [Ecclesia Dei viu]i, ex Paulo 1. ad Timoth. cap. 3. [est columna. & firmamentum veritatis,] ergo quid verum sit, quid iustum, per eam est explicandum. Matth. cap. 16. dixit Christus Petro Ecclesiæ summo Pontifici futuro. [Tibi dabo claves regni cælorum,] quas hodie sui legitimi habent successores Romani Pontifices. Si ergo ex illo loco Sapientiæ, potestas secularis, siuè à Regibus, siuè à Ducibus, siuè à quocumque; Rempub. gubernante exerceatur, ministra est regni Dei; & summus Ecclesiæ Pontifex habet illius regni claves scientiæ, ad discernendum inter leges & leges, media, & media regnum Dei acquirendi: ad ipsum dubio procùl pertinet, dubia, circa leges ferendas ciuiles, explicare. Vltimò Matth. cap. 23. dixit Christus. [Super Cathedram Moysi sederunt Scribæ & Pharisei: omnia ergo, quæcumque dixerint vobis, seruate, & facite:] quod autem dixit Dominus de Cathedra Moysi, à fortiori de Cathedra Petri, & Ecclesiæ esse intelligendum, docent Doctores cum S. August. Epist. 165.

Tandem doctrina cõclusionis hac efficacissima ratione, ex sacra etiam educta Scriptura, probatur: Omnes homines instituti sunt ut essent, & viverent, non solum secundum propriam rationalem naturam, sed etiam secundum Diuinæ naturæ consortium: Vndè dicebat S. Augustinus. [Fecisti nos Domine ad te, & inquietum est cor nostrum, donec veniat ad te.] Ergo omnes homines de lure diuino subiiciuntur præcepto supernaturali de lege Christiana credenda, & seruanda, si velint æterna damnatione puniri: iuxta illud Marc. cap. ult. [Qui verò non crediderit condemnabitur.] Ergo laica Potestas nequit aliquod impedimen-

tum per leges ciuiles, vel alias ponere, quominus subditi ad consortium illud Diuinæ naturæ perueniant per gratiam, quæ fiat in cælo gloria consummata. Ergo omnes leges humanæ, omne humanum & ciuile regimen, omnes humanæ constitutiones ad legem Christianam, & Ecclesiæ, & eius Prælatorum, qui illius scientiæ habent clauem, iudicium, quasi ad lapidem Lydium, applicandæ sunt, vt sic vel approbentur, vel iudicentur reprobandæ.

Hæc conclusio tandem est, apud Doctores Theologos omnes, & Iuris prudentes, quædam communis scientis animi conceptio, vnde ab illis in speciali allegandis erit operepretium supersedere: cum passim ab Auctoribus eam tractantibus inducantur, nos verò ad res difficiliores explicandas properamus.



TRACTATUS


SECUNDA PARS.

QVÆSTIO II.

An persona Ecclesiastica sint immunes, & libera Iure diuino à ciuili Principum laicorum Potestate, in ijs, quæ criminalia, & ciuilia, siue quocumque modo temporalia sunt?

Attamen eius occasione, primo qualis administratio caussarum apud Christianos, ex Euangelij forma præscripta fuerit, explicemus.

PRIMA CONCLUSIO.

 EX Christiana prouidit sufficienter, quo pacto omnes lites, quæ inter Christianos poterant exoriri, inter ipsos absq; illo strepitu, & figura iudicij, & maximè per Prælatos Ecclesiasticos, ex æquo & bono, determinarentur.

HAEC conclusio intelligenda est de omni lite, quæ suboriri potest inter fideles, siue illa ortum habuerit ex crimine, siue non, siue crimen fuerit publicum, siue occultum: si tamen, quod attinet ad hoc vltimū membrum, præmittantur ea, quæ Christus Dominus Matth. cap. 18. præcepit: ex quo loco specialiter, quia fortè in praxi modus illic præscriptus accommodatior est, volumus ex professo, veritatem hanc firmiter stabilire.

Dixerimus item, [abſque illo ſtrepitu, & figura iudicij:] vt ordinem illum inſinuemus iudicij, quem tam noui, quàm antiqui & deſiderant, & expoſtulant ſacri Canones, anfraſtibus litium amputatis: iuxta Clemen. 2. de Verborum ſignificatione.

Concluſio ergò videtur expreſſa doctrina Chriſti Domini Mat. c. 18. ſic docētis. [Si peccauerit in te frater tuus, vade, & corripe eum inter te, & ipſum ſolum: ſi te audierit, lucratus eris fratrem tuum: ſi autem te non audierit, adhibe tecum adhuc vnum, vel duos; vt in ore duorum vel trium teſtium ſtet omne verbum: quòd ſi non audierit eos, dic Eccleſiæ: ſi autem Eccleſiam non audierit, ſit tibi ſicut Ethnicus & publicanus.] Et quidèm venerando ſanctorum Patrum & Doctorem de hoc loco explicationes plures, & eam, quam ex illis ſuperius adduximus, concluſione vnica, in illo loqui etiam Chriſtum ad litteram, ad concluſionis ſenſum, probatur. Nam Chriſtus qui Chriſtianam Rempub. excellentius inſtituit, ordinauit, & informauit, quàm quicumque alij Legumſatores ſuas Reſpublicas ordinarunt: vt conſtat ex 3. principio: clamaret, maximam ſibi iniuriam fieri ab aſſerentibus, quòd qui circa mores hominum ſingulorum, circa OEconomiam, circa Politiam plura præcepta, & conſilia dederat, de quibus Euangelix, & Apoſtoli faciunt mentionem, nuſquàm meminifſet, adhibendi remedium litium civilium anfraſtibus, quibus ſciebat Chriſtianos grauiffimè fore torquendos. Igitur ſi ex alijs Euangelij locis, ex hoc maximè colligitur, qualem Chriſtus reliquerit formam, omnes lites inter Chriſtianos componendi.

Primò videlicet, vt merita cuiuſcumque temporalis litis, & cauſæ, alter Chriſtianus frater alteri Chriſtiano repræſentet; & quaſi conteſtetur ipſum, per Chriſtum, vt ab iniuria deſiſtat inferenda, vel iniuriæ faciat ſatis illatæ: qua diligentia in caſum vertente; voluit vt ad vnum vel duos Chriſtianos, quaſi arbitros, res deduceretur: vt, illius, vel illorum ſententia, omne negotium, duobus vel tribus auſcultatis teſtibus, ſtaret, & componeretur: id enim ſignificat (ſtet omne verbum) ideſt negotium omne (Hebraica phraſi) componatur, neque vltèrius cauſa procedat: quo remedio irritò ſuccedente, voluit vt ad Eccleſiæ Prælatos pergeretur; id enim ſignificat illud, [Dic Eccleſiæ,] ideſt, ex Chryſoſtomo, ijs, qui Eccleſiæ præſident; vt illi ſua auctoritate & reuerentia ſummarie iuſtitiam læſæ parti adminiſtrarent.

Cum tamen legis Chriſtiæ non eſſet ſinis, aut opus, hanc civilem adminiſtrationem iuſtitie à Potèſtatibus, & Magiſtratibus auſſerre, ſi riguroſo opponendi, & excipiendi iure partes vellent agere, vel ſibi agendum eſſe neceſſarium duxiſſent: quo caſu nollet Chriſtianus Eccleſiæ Prælatis, lites, charitate media, & Chriſtiana legis modeſtia, inter ſummum ſas componentibus, obtemperare: voluit Chriſtus, vt inte-

grum esset iniuriam patienti Christiano, iniuriarum agere cum altero Christiano, a congressu fidelium, per excommunicationem, eiectionem, coram civili Potestate, eo modo, quo cum illo ageret, si esset Gentilis, Infidelis, vel publicus vectigalium exactor, quorum iustitia malè audiebat: & quibuscum fuisset inutile agere per viam charitativam, vel admonitionis, vel correptionis, vel arbitrariæ compositionis, vel obedientiæ, & respectus ad Ecclesiæ Prælatos, quos Ethnici, & publicani, vel maximè cōtemnebant. Hæc est doctrina Antiochenæ Synodi, annis quinque post Nicænam habitæ: renouans enim, eisdem ferè verbis, sententiã Canonis Apostolorum. 32. in eum presbyterum, qui contempto Episcopo, alioqui pio, & fidei, ambitiosè & tyrannicè aliud altare erigit, si vocatus ab Episcopo semel, iterum, & tertio parere nolit, & deiectus de gradu, adhuc tumultus, & turbas excitet: iubet in 5. Canone Synodus, ut corrigatur per civilem Potestatem, quam Pius Pont. Epist. 1. decret. Curiam vocat. Vtrumque Canonem, Apostolorum scilicet, & Synodi Antiochenæ citauit Synodus Constantinop. quæ vocata est, Prima & secunda, & habetur Græcè in Bibliotheca Vaticana, sic dicēs, extrema parte Canonis 9. Si qui verò fuerint, qui neque monitis, neque supplicijs Ecclesiasticis corrigi voluerint: nemo hos per Magistratus loci corrigi prohibuerit: siquidem Synodus Antiochena Can. 5. sanxit: ut, qui seditiones in Ecclesia mouerent, manu externa, idest, per civilem Potestatem, corrigerentur. Et licet hæc Synodus careat auctoritate, cum tamen ex ea Gratianus 7. quæst. 1. cap. Hoc nequaquam. in Decretorum corpus contulerit, nihil facimus nouum, si hunc Canonem 9. ex ea citamus: saltem ut videatur 383. Episcopos, ex quibus constabat Synodus, illam doctrinam edidisse, quasi legitimo fundamento Canonum, & Apostolorum, & Antiochenæ Synodi, superstructam. Quod etiam infra parte 3. arg. 3. contra 1. conclusionem 12. Notando. erit amplius explicandum.

Neque obstat, si dicatur, Christum Dominum hic de illis peccatis solum fuisse loquutum, quæ frater Christianus secretò omnino cōmiseret: Responderetur enim ex communi sanctorum Patrum explicatione, etiam de alijs non tam secretis, & de quacumque iniuria instituisse sermonem. Nam sicuti de peccatis sic secretò in fratre admissis posset frater secretò illum corrigere, admonere, & ab illo satisfactionem postulare, via fraternæ correctionis; de illis tamen nequiquam posset ab eo coram vno, vel duobus arbitris, per testes conuinci, quanto minus posset obtinere, ut Ecclesiæ Prælati delatus, illis in satisfaciendo obtemperaret. Ergo Christus hic loquitur etiam de peccatis, de quibus frater secretò correptus, adhuc patienter sustinet, vel sustinere debet, coram Christianis vno, vel duobus, adhuc etiam argui testimonio duorum, vel trium, testium; immò tandem consentit Ecclesiæ Prælati. circa illorum emendationem, obsequi. Loquitur etiam de fratribus Christianis lites quas-

cumque, & causas, quacumque occasione habentibus, de eorum iniurijs, negotijsq; secularibus, vt facillimè ex Christianæ legis præscripto, Christiana charitate, modestia, & æquitate dirimerentur. Sic intellexere hanc Euangelij doctrinam Clemens lib. 2. Constit. Apostol. c. 37. 38. & 46. & Felix. II. Epist. 1. decret. agens de Episcoporum accusationibus, & Innocen. III. c. nouit. de iudic. & alij inferius referendi.

Explicatur locus Euangelij; [Si peccauerit, &c.]

ATTAMEN, cum huius Euangelici loci explicatio, sit totius futuri nostri, & sermonis, & Tractatus firmissimum fundamentum; priusquam dictos Pontifices, suismet verbis loquentes proferamus; adhuc quedam non spernenda, in ipsis Christi Domini verbis explicandis, inducimus. [Si peccauerit in te, inquit, frater tuus;] in te, videlicet, contra te ipsum, vt explicant Augustinus, Hieronymus, & Chrysostomus infra referendi, vel in alium, vel alios, coram te, vel, te vidente, vt multi Doctores explicant. Item, si peccauerit coram te, vel, te vidente, contra Deum, vt graues Doctores interpretantur: vt sit sermo Christi de omni peccatorum genere; siue sint contra nos, siue contra Deum. Id enim Christi præceptum, eò tendit, vt peccatorem, non acerbe subito accusemus: sed benignè, si peccatorum circumstantiæ id admiserint, corrigamus. Ea autem ratione dixit specificè, [Si peccauerit in te,] quia tunc, & acres, & disertis reprehensores euadimus, cum eos, qui nos quacumque ratione læserunt, obiurgamus. Ibi ergo Christus nobis frænum adhibuit, vbi instabat verisimiliter periculum, ne in corripiendo præcipientes ageremur. Ergo ab vna peccatorum specie, totum est intelligendum genus, nisi quid aliundè obstat, quo minus hæc corripiendi gradatio sit adhibenda, & ad Ecclesiæ Prælatos, ea prætermissa, sit peccator, nulla interiecta mora, deducendus.

[Si peccauerit in te,] vbi Glossa interlin. sic habet; [iniuria, vel contumelia affecerit,] Certum est autem, hoc dupliciter posse contingere; vel eum priuatè lædendo formaliter, vel solum materialiter: errore putà aliquo offendendo: errorem autem appellamus ignorantiam, vel fragilitatem, siue infirmitatem humanam: quod ex verbo Græco ibi apposito, *ἀμαρτία*, sic deprehenditur explicandum; *ἀμαρτία* enim errore etiam, & ignorance delinquere, significat. Huiusmodi igitur peccata, charitate, æquitate, ac lenitate priuatim corrigenda sunt: estq; de eis frater, & proximus inuicem admonendus. quæ agendi ratio numquam est prætermittenda, quoad manifesta sit obstinatio, proteruita, & inobedientia: sed summa modestia, & prudentia agendū est: ne ad vltiorem agendi formā deueniatur. Ecce ex præscripto Euangelico, hoc primū, hoc antiquissimū esse debet consiliū: vt frater restituatur.

Adiungit Christus Dominus, [Si te non audierit, adhibe tecum adhuc unum, vel duos, ut in ore duorum, vel trium testimonium stet omne verbum,] quod est dictum: fratre, seu proximo peccante, & te, vel alium iniuria afficientem quacumque, siue etiam errore, aut ignoratione, offendente: per secretamque tuam admonitionem, correctionemque non respiciente: vnus vel duo arbitri iudices accersantur, qui in ore, id est, sermone, declaratione, vel depositione duorum vel trium testimonium, de causa illa testimonium ferentium, illam firment, illius merita decernant, ita ut contumax frater conuincatur, & ad faciendum satis laesæ parti preparatur.

Pergit Dominus. [Quod si non audierit eos, dic Ecclesie,] id est, ijs qui Ecclesie præsent, Prælati: ut ex Chrysostomo diximus. quem Euthymius, ac Theophylactus sequuntur: rem defer ad Ecclesie Pastores, eiusque legitimos Magistratus respectiue, quorum voluit Christus Legislator, ut summa iudiciaria auctoritas esse debeat, in Christianæ religionis disciplina: maxima etiam dignitas ad componenda fratrum dissidia, offensiones amovendas, inimicitias diluendas, gratiamque reconciliandam: ac denique ad omnem pacis, & charitatis mutuam commoditatem procurandam.

Additur [Quod si Ecclesiam non audierit, sit tibi sicut Ethnicus & publicanus,] id est, si Prælatorum Ecclesie disciplinam, sensum, & iudicium, suscipere, suspicere, & subire recusauerit, vitandus est: atque a consuetudine piorum arcendus, tamquam Ethnicus olim, & publicanus: hoc est, ut manifestus, & mali exempli peccator, quales publicani habebantur: vel omnino a veræ religionis communione alienus, quales Ethnici Idololatæ erant: Ethnici, inquam, qui errorem suum tueri, & defendere, atque Israelitarum religioni, ac cognitæ veritati anteponeere studebant. Fratre ergo in suo iniquo proposito perseverante, cum vitabis, tamquam Ethnicum & publicanum: vnde geminus tibi sit creascit fructus: alter, nam non dabitur deinceps occasio frequens te, vel alium coram te, lædendi: alter verò, nam si læsæ adhuc ab illo, tu, vel alius fueritis, non tantum admiraberis, aut offenderis, quippe cum nec nouum, nec mirum videri debeat, si quis te lædat, vel alium fratrem, qui a vestra sit omnino alienus religione.

Hæc tamen verba Christi, [Sit tibi sicut Ethnicus, &c.] non vetant iudicialem maiorem vel minorem, præter excommunicationem Magistratus cuiuscumque legitimi Ecclesiastici, vel secularis, vindictam in peccantem fratrem: immo ad eam, ab eis procurandam, liberam læsæ relinquunt electionem: sed priuatas singulorum vltiones, quæ prorsus Christi hac doctrina Evangelica prohibentur; iuxta expressam illam Ecclesiast. cap. 19. [Non oderis fratrem tuum in corde tuo; sed publice argue eum: ne habeas super illo peccatum.]

Et ut facilius aditus integræ huius loci expositioni pateat, & constet,

iudiciariam hic à Christo Ecclesiæ Prælatorum, quo ad omnes causas, institutam fuisse facultatem : fingamus nascentis Ecclesiæ initio in Vrbe, in qua hæc scribimus orbis capite, Romanum populum sub Imperatoribus degentem Ethnicis, ex septem suis, pro sex partibus Christi Domini fidem suscepisse, & Euangelicæ colla subdidisse disciplinæ. Neque est vana, aut forsitan necessaria fictio, cum Tertulliani tempore, ipso attestante in Apologetico, maior iam Romanæ ciuitatis & gentis pars Christiana effecta, sub Imperatore Idololatra, illius iugum pacatè sufferens, conuersaretur. Fingamus etiam illam septimam Ethnicorum partem ambire Imperatorem, & Senatores, omnesque vrbs rectores, ac Iuri dicundo præfectas Potestates. Supponamus etiam id, quòd humana considerata fragilitate, omninò tamquam certum supponendum est inter illam ingentem Christianorum hominum multitudinem, plures intercedere litium occasiones, & lites, plura adesse dissidia, offensiones, ac lisiones plures particulares non deesse. Et tandem firmemus Christianam hanc vrbs maximam partem, votis omnibus exoptare, vt Christus lux vera, quæ eam ab errorum eduxerat tenebris, septimam illam Ethnicorum etiam illuminaret partem, vt vnanimis, vno ore. omnis Romanus populus, vna in Christo facta societas, vnum Christum, esse verum Deum, & verum Dominum fateretur.

Hæc præuia fctione, quærimus à quocumque ad rationis amussim, intellectu constituto : si multitudo illa Christianorum cum suis illis litium siue civilium, siue criminalium anfractibus, & labyrinthis, subito, & hac Euangelica Christi intermissa doctrina, Potestates illas Ethnicas adiret, & eas in eis rigorosè decidendis distineret, quod nomen, quem honorem, quam gloriam Christo suo Legislatori compararet ? Hæcine esset via Ethnicam illam turbam, ad fidem rectam, & Christianam disciplinam conuertendi ? Dicerent certè, nec immeritò, Imperator, Senatores, Iudices, illæque vniuersæ Potestates : [Quæ gens tam barbara nostris successit terris ?] [Deum pacis, Christum per sanguinem suum pacificatorem, ac totius charitatis, concordiz, & vnanimis iactatis habere Legislatorem : cum tamen apud vos dissidia perpetua, offensiones, lisiones, ac lites continuz commorentur ?] Vel Christus vester Auctor nequiuit, vel nesciuit statuere, suamque rempublicam politicè condere, vel aliquis alius hic later error, nos, absque dubio, æqua ratione detenturus, quo minùs eius legi Euangelicæ concedamus. Decuit igitur omninò Christianæ legis perfectionè, hanc à Christo Domino viam regiam, offensiones, lisiones, lites, & causas quascumque inter Christianos exortas, dirimendi ac diluendi, cum potestate iudiciaria Ecclesiæ Prælatis fuisse concessam, verbis hisce expositis, & adhuc exponendis : vt quando ad Magistratum, etiam Ethnicum lites fratrum Christianorum, ex iurium apicibus terminandæ,

deferrentur, intelligeret: id non Christi Legislatoris, & eius Evangelicæ legis defectu, sed culpa, malè eam excipientium, suboriri.

Accedit dictis hæc fortissima ratio: nam sicuti in quarta parte Tractatus, inferius probandum est, & nunc illud supponimus: ab orbe condito, vsque ad annum præsentem 1610. perpetua successione semper fuit vnus Ecclesiæ Præses, ac Monarcha: vt in prima Monarchiâ constitit, deducta à Protoplasto Adamo, per Seth, Enos, Cainan, Malaleel, Jared, Mathusalem, Noe, Sem; & in secunda ab Abrahamo, seu potius Isaac eius filio (nam Sem Abrahamo superuixit) per Iacob, Leui, Caath, Amram patrem Moyfi, & Aaronis, quod totum longum annorum interstitium Legis naturæ tempus nuncupatur. De statu verò legis scriptæ postea dicendum. Ad hos autem Præsides & Monarchas pertinuit semper, in medio nationis cuiusque prauæ, vitia eradicare à suis subditis, eorum delicta punire, de eorum causis cognoscere: ac denique omnem Politicam viuendi formam inter eos exercere: quò nomen Domini in terra inuocaretur, & iustitiæ omnes intenderent conseruandæ. Rogamus igitur attentè considerari, quanto interuallo legem naturæ lex antecedit Evangelicæ? quæ eam non destrutura, sed perfectura, lex legum vltima superuenit. Esset ergo absurdissimum; potestatem hanc iudiciariam Ecclesiæ Prælati, à Christo esse contributam, negare: quæ in Præsidibus legis naturæ, tanto ad Evangelicam inferioris, à Deo ipsis concredita præcessisset.

Ad hæc supponamus, Christianorum Ecclesiam aliquam, in ea secularis alicuius Principis Ethnici, vel quocumque modo infidelis, existere ditione, in qua Magistratus non solum cælesti, ac naturæ vires excedente luce vera, sint orbat: verum ipso naturæ lumine in eis offuscato, publicè ea crimina in republica grassari permittant, quæ sint enormia, atrocita, immò ipsi infensa naturæ: quæ suppositio non est vana, cum Lacedæmones olim latrocinia admitterent secreta, & infideles hodierna die aliquot Principes, nefanda in suis dominijs patrari vitia impunè patiantur. Nonne esset absurdissimum asserere, Christianam legem adeò mancā à Christo fuisse suis asseclis institutam, vt extirpandis, in suis Christianis hominibus, similibus non sufficeret vitijs: ac libertate Infidelibus communi, Christianus, & Christianæ, puræ scilicet, sanctæ, ac castæ legis professor, posset impunè similiter congaudere?

Argumentum graue diluitur.

PO S S E T hic aliquem; hæc consideratio, circa hanc Evangelicæ huius loci explicationem, retardare: nam Christus Dominus id præmittit, vt in fratre corrigendo, vel admonendo, vel coram vno, vel duobus, per testes, conuincendo: vel tandem ad iudicium Ecclesiæ defe-

rendo,

rendo, peccatum omnino præcedat: [Si peccauerit, inquit, in te, &c.] Contingit autem sæpè, vt in litis vel causis alicuius contestatione, iustitia stet pro illa parte, quam pars altera sibi esse iniuriam existimat; ac iuxta Christi Domini doctrinam, & admonendam, & corripiendam, vt ab inst. tuta sileat prætensione: nullo igitur intercedente peccato, nulla præuia læsione, quid vniuersius, quàm opus esse, asserere, iustum fratrem ab iniusto corrigi, vel moneri, argui, aut accusari? Sed respondendum est, delicta, peccata, læsiones, & offensiones intelligere, esse rem arduam, Spiritu sancto per regium Vatè m sic asserente, Psalm. 18. [Delicta quis intelligit?] Ergo illud dictum Christi: [Si peccauerit, &c.] non tam obiectum, & materiam peccato inclusam, non tam actum ipsum peccati respicit, quàm potentiam, & dictamen intelligentis de actu, & materia peccati, siue illud ibi adsit, vel absit, illud tamen adesse iudicantis: quo casu stante, insurgit reciproca obligatio fratribus Christianis inuicem charitate; & lenitate seipsos admonendi, cumque neuter ab intentione in causa desisset, succedens per arbitros Iudices, vel Prælatos deinde Ecclesiasticos, iudicium, causam sine concludet debito, discussa partis iniquè intelligentis, & satagentis nebula; vel res tandem tota ad alium legitimum etiam Magistratum spectabit terminanda.

Secundò respondemus; propter hoc argumentum, fuisse in ea sententia Molinæ; vt putaret, hanc Christi legem: [Si peccauerit, &c.] in perspicuis tantum peccatis, habere locum, sed certè toto cælo errauit: si enim sic se res haberet; nulla ratione essent testes adhibendi: peruiulgata namque, & perspicua, siue, vt Canonistæ loquuntur, notoria, testibus tantum egent, quantum sol face: & tamen Christi lege illa cautum est: vt duo, aut tres proferantur: non sunt igitur nota tantum, clara, vel publica, sed etiam occulta: Christus enim Dominus ait: Argue eum priuatim, arbitris remotis; deinde testes adhibe; postremò, si nolit sic audire, dic Ecclesiæ: Non est igitur ibi sermo solum de publicis; seu de omnino vulgatis; euentia enim patrati sceleris, accusatoris clamore non indiget: vt docet Augustinus, citatus de Accus. c. Euentia: quod ipsū confirmat Ambrosius 2. q. 1. dicens, Manifesta, accusatione non indigent: de quibus multa habentur, de cohabitatione Cler. c. vlt. Neque est cur Ecclesiæ dicatur, aut nunciatur, quod ipsa satis nouit. Et cum tres sint, quasi legitimæ viæ ad delicta, & maleficia coercenda; Accusatio, Denunciatio, & Inquisitio: prima, non, nisi antecedente inscriptione, fieri debet; secunda exhortatione, vel admonitione beneuola, & fraterna: vltima verò Inquisitio, famam, seu clamorā in sinuationem sequi debet: in notorijs, neque inquisitionem, neque denunciationem, neque accusationem desideremus, oportet; quæ omnia tradita sunt expressè, de Simonia c. 31. Asserebat ergo Molinæ, legem præfatam, quæ de accusatione, vel denunciatione reuera agit; ad notoria, & perspicua so-

lūm referri : & minime ad iudicalem causę cognitionem pertinere. Attamen hoc Christi disciplinę contrarium omnino est; qui iubet, reum ab Ecclesia audiri; aliās quō sunt testes, si nolit? Cur enim reum, cuius partes æquiores sunt, quā accusatorem, non audiat? Vocabit ergo eum; ecce iudicij, initium : vt ait Iustinianus, de pœna temerē litigantium; propositoq; per accusatorem flagitio, si reus id neget, à se admissum; eius exceptionēs audiet Ecclesia; cū defensio propria, naturalis iuris sit : iuxta doctrinam Iurisperitorum : quę certē omnia iudicij actiones sunt : ac per hoc, an præcesserit peccatum, vel scelus illud in reo, an fuerit, errore, ignorantia, vel malitia ab accusatore conceptum, protinus apparebit : Vt sciatur ex iudicio, an sit pro Ethnico habendus, si non pareat, vel aliter emendandus, vel absoluendus.

Constat igitur, quo sensu accipiendum sit, illud prius, scilicet : [Si peccauerit in te, &c.] Neque reperietur vñquam ratio aliqua alia, vel commodior, vel congruentior, vel æquior, vel iustior; (etiam si totius orbis, tam antiqui, quā noui Legumlatores, essent de illa iudiciū suum interposituri,) quā sequi Ecclesiam oporteret, præter illum iudicij ordinem, quem Christus edidit Dominus, quemque ex ipsius doctrina, & nouissimi, & antiquissimi sacri describunt Canones. Dixerimus, ordinem iudicij, tam in breui illa explicatione conclusionis, quā hic sæpius; non autem inordinatos, & importunos æternarum litium, anfractus : sed vt vocato primū reo, eius exceptiones peremptorię, seu dilatorię, & omnes defensiones, quę iustę viſę fuerint, admittantur; fiatq; probandi copia; denique id quod, sine illo strepitu, ac figura iudicij, ex Clementina supra citata, diximus intelligendum.

Summorum Pontificum doctrina pro explicatione: [Si peccauerit, &c.]

Q VIBVS suppositis, iam erit operæpretium, priusquam cetera, quę super hunc Euangelij locum, dicenda restant, adiungantur : vt illius explicationem, ex ore Clementis, Felicis, ac Innocentij summorum Pontificum, superius citatam, proponamus. Clemens ergo, lib. 2. constit. Apost. c. 37. sic ait : [Oportet Episcopū rectē iudicare, &c. & quę vitij carēnt, retinere, vitiosa verō, vel curare, vel, si est ægritudo insanabilis, expellere : & non celeriter amputare, neque quibusuis credere.] & addito de ijs, qui per calumniam, aut aliās, iniquē suos, coram Episcopo, accusant fratres; addit : [Tu igitur considera eum, qui accusatus est, sapienter animaduertens, quę eius vitā sit, & quālis; & si reperis accusatorem dicere verum, fac, quod Dominus faciendum esse docuit. (Math. scilicet, c. 18.) conueni accusatum seorsum, & argue eum, nemine præsente : vt eum pœniteat : sin autem non paruerit, adhibito vno aut altero, indica ei erratum, monens eum, adhibitis mansuetudi-

ne, & disciplina: quoniam in corde bono requiescet sapientia, in corde autem insipientium non dignoscitur.] Deinde cap. 38. addit: [Si autem vobis tribus crediderit, bene habet; sin aliquis durus, obstinatusq; erit, dic Ecclesiæ: hanc si contempserit, neque audire voluerit; sit tibi, vt Ethnicus, & publicanus: & ne eum ad Ecclesiam, tamquam Christianum, admittas: immò tamquam publicanum deuita. Si autem vult agere pœnitentiam, assume eum; neque enim Ethnicum, aut publicanum ad communionem Ecclesia admittit, priusquam eos, eorum, quæ impie commiserunt, pœniteat: pœnitentia enim ductis Dominus noster Iesus Christus locum pœnitentiæ constituit.]

Item c. 46. sequenti: [Ne igitur disceptationes vestras Gentiles cognoscant: neque ad dicendum contra vos testimonium, adhibeantur; neque ab eis iudicemini; neque quicquam eis debeatis, quod ad tributum, & timorem pertineat: Quin potius reddite quæ sunt Cæsaris, Cæsari; & quæ sunt Dei, Deo; vt vestigal, aut censum, &c.] Ecce, iudicari omnes Christianos à iudicibus Ecclesiasticis, seu ab ipsis constitutis, intelligit Clemens esse, reddi Deo, quæ Dei sunt. Addit infra: [Si verò fratres habuerint aliquid aliud aduersus alium, quod Deus auertat, indidem intelligere deberis, qui Præpositi estis, quòd, qui huiusmodi sunt, non faciunt opus fraternitatis in Domino, &c. qui igitur conuictus fuerit, obiugetur, eiiciatur, & pœnas odij fraterni luat; deinde si eum, peccati pœnituerit, recipiatur: atque ita castigati, tribunal vestrum alienabunt. Oportet autem mutuo iniurias condonare, non quidem iudices, sed eos ipsos, qui inter se querelas habent; sicut Dominus dixit: cum ego Petrus sic eum percontarer: Quoties in me peccabit frater, & dimittam ei? Vsque septies? & respondit, Non dico tibi, vsque septies. sed, vsque septuagies septies. Sic enim vult Dominus esse veros discipulos suos, nihilque esse alteri in alterum, &c.] Ecce locum Euangelij, consequentem præfatum, de quo agimus, locum, explicat Clemens, ex ore Petri, etiam consequenter; vt qui in doctrina Christi priori, intellexerat, de dissidijs fratrum, in foro contentioso, coram superiori Ecclesiastico Prælato, agi; in posteriori parte, qua Petrus scrupulis rogauit suis à Christo fieri satis, intelligat, de illa agi etiam condonatione alterna delictorum, ac noxarum; per fratres ipsos, non per iudices, eorum sedandis discordijs præsidentes, faciendâ.

Ex quibus locis Const. Apost. tria singulariter sese nobis offerunt adnotanda: est primum ex c. 38. in hoc ordine iudiciario, à Christo Domino diuinitus instituto, & ab eius Apostolis, & obseruato, & vt à posteris obseruaretur, pluribus explicato, etiam Prælatis, Episcopis, seu Presbyteris, seu Iudicibus quibuscumque, per eos, quibus iudicium præcipue competeabat, delegatis, vel assignatis, à Christo Domino fuisse illam ritinam gradationem præceptam; vt constante iam per testes, vel instru-

menta, seu tabulas, vel aliàs de corpore delicti, ipsi Iudices, prius secretò, & arbitris semotis, delinquentem admoneant, corripiant, & arguant; deinde, si non paruerit, adhibeant secum vnum, vel duos, coram quibus, & cum quibus adhuc arguatur: quo in sua contumacia adhuc perseverante, rem totam coram Ecclesia, multitudine, scilicet, fideiũ, ad illum districtum pertinentium, deducant, vt reo interim obstinato, separatio, tamquam Ethnico, & publicano, à fidelium consortio nuncietur. Confirmat hanc explicationem Eucherius Lugdunensis Homil. Fer. 3. post 3. Dominicam Quadagesimæ, sic scribens: [Quæcumque alligaueritis, &c. Hoc Episcopi audiant, & hunc ligandi, & soluendi ordinẽ teneant. Prius singulariter, aut per se, aut per alium, peccantes conueniant; deinde, cum paucis; postmodum verò, cum tota Ecclesia, quam si audire contempserint, iam tunc eos ligare non dubitent. Qui enim sic ligantur, & in cælo, & in terra ligati sunt.] Quem ordinem arguendi, & iudicandi, obseruasse Augustinum inferius apparebit.

Secundò est obseruanda ex c. 46. coherentia, & continuatio Christianæ doctrinæ, ab illo exordio, Matth. c. 18. [Si peccauerit in te, &c.] quousq; Dominus, ac Legislator, dubitationi Petri, ad quem, respiciendo primò suos condiscipulos, tamquam ad eorum, & omnium fidelium futurum caput, & Pastorem fuit loquutus, plenissimè satisfecit. Ergò in eius continuatæ legis conditione, adiecit Christus maius quiddam, id autem fuit, rati habitio ipsa Dei; (quæ, vt habetur c. Quotiens, de pact. mandato comparatur; in eo, videlicet, ex Gloss. ibi verb. rati habitio, ratum habente, qui ab initio, mandare, vel constituere potuit;) & comprobatio sententiæ ipsius Ecclesiæ per eum facta. [Quæcumque, inquit Christus, alligaueritis super terram, erunt ligata & in cælo: & quæcumque solueritis super terram, erunt soluta, & in cælo.] Quæ lex, vt est generalis, sic generaliter omnes Christianos, cuiuscumque sint conditionis, tenet; sententiæq; Ecclesiæ, eius, videlicet, Præfectorum, quæ Dei etiam est, huius legis facultate lata, summum imperium erit in Christiana Republica, cui, aut parere fideles omnes oporteat, aut ab Ecclesiæ cœtu, eijs, expelli, exterminari.

Tertiò aduertimus, legis mansuetudinẽ, lenitatem, ac facilitatem, quæ tantam æquitatem, & iustitiam, eo disposuit modo, administrandam; vt sine, vel minima, secularium Principum iniuria; immò cum eorum, ditionum summa vtilitate, in praxi à fidelibus præstaretur. Licet enim cuiuscumque Congregationi, cœtui, aut societati, etiam artis cuiuscumq; Mechanicæ, absque Principis, eiusque ditionis iniuria, aut præiudicio, inter ceteras, talis Congregationis, iustas leges, hanc etiam rogare: vt tot, vel tot boni, ex societate, viri iudices caussarum deligantur, ad quos confratres, ac consocij, congregiq; omnes, in suis quibuscumq; discordijs, litibus, dissensionibus, aut differentijs, conueniant, vltimam ea-

rum compositionem, & sententiam, ab eis expectaturi; addito, vt, nisi illorum iudicio, etiam per congregationem approbato, stare voluerint, ab ea protinus, seu aliquot præmissis admonitionibus, arceantur; & non licuisset Christo Legislatori, hanc vtilem, & grauem legem, absque Principum laicorum præiudicio, aut iniuria, immò pro eorumdem rerum publicarum summo bono, & æquo, Ecclesiæ Catholicæ reliquisse? Reliquit certè, sicuti licuit: eamque, verbis propositis, conceptam, statuit semel; & si non statuisset, millies ab Ecclesia esset eius nomine, ex Spiritus sancti, qui eam dirigit, inspiratione, statuenda.

Sed iam accedat Felix II. Epistol. 1. decret. sic formaliter scribens: [Si quis aduersus Episcopum causam habuerit; non prius alios Episcopos adeat, vt eum accuset, quàm formaliter ei suam indicet querelam, & ab eo, aut iustam emendationem, aut rationabilem percipiat excusationem: ipsa nos instruente Veritate: Si peccauerit in te frater tuus: vade, & corripe eum inter te, & ipsum solum; si te audierit, lucratus es fratrem tuum: Si te non audierit adhibe duos, vel tres tecum: & si non hos audierit, dic Ecclesiæ; idest, accusa eum publicè. non prius, &c.] Ecce Felix explicat manifestè hunc Euangelij locum, de litibus, iniurijs, offensionibus, lèsonibus, & causis, quæ aduersus Episcopum, à quocumque poterant fratre Christiano, coram alijs Episcopis, in iudicio publico, dici, proponi, aut contestari. Cui doctrinæ Alexander etiam Pontifex I. & habetur 2. q. 7. cap. Siquis erga ad stipulatur.

Colligitur autem perspicuè ex hac Pontificum doctrina, Christum Dominum loquutum fuisse in illa lege, etiam de licium, causarumque quacumque materia, in iudicium, & forum contentiosum producenda; quis enim dubitabit, eandem rationem præfatæ doctrinæ futuram, si ad seculares materias, inter laicos fratres, & proximos, tractandas applicetur, quæ est ad seculares, seu Ecclesiasticos, contra Episcopos, quorum solum Felix Papa meminit, applicata?

Accedat iam Innocentius III. & doctissimus, & iuxta nomen suum, ab omnibus innocens æstimatus. Referentibus igitur Annalibus Gallicis, & AEmilij, & Gaguini, Constantia mater Arturi Britonum Comitæ interfecti, Ioannem Angliæ regem parricidij accusauit, apud Philippum Augustum regem Franciæ, eo titulo, quòd Angliæ reges, à regibus Franciæ beneficij, & clientelæ nomine, multa in Gallia possidebant; vnde & iurisdictionis erant eorum. Ioannes rex legitimis vocatus edictis, ad iudicium venisse recusans, reus parricidij peragitur, & damnatur, eaq; omnia, quæ habebat in Gallia, commissa, fiscoq; addicta, pronunciantur. Inter rei iudicata, etiam per arma, executionem, Ioannes coram Pontifice, de fœdere conqueritur per Philippum violato, quod paulo antea erat inter reges illos ictum: & tacito parricidio, instat Innocentio, vt Philippum, quasi neglecti fœderis reum, sua coerceat auctoritate; pa-

ratum se esse apud eum, vel eius Legatos, causam agere. Pontifex misit Legatum in Galliam, ac simul ad omnes Prouinciæ Antistites Epistolâ, ex qua cap. Nouit. de iudicijs, exceptum est: sic incipiens: [Nouit ille, qui nihil ignorat.] & infra: [Non putet aliquis, quod iurisdictionem Illustris regis Francorum perturbare, aut minuire intendamus: cum ipse iurisdictionem nostram, nec velit, nec debeat impedire. Sed cum Dominus dicat in Euangelio, si peccauerit in te frater tuus: vade, & corripe eum intente, & ipsum solum: si te audierit, lucratus eris fratrem tuum: si te non audierit, adhibe tecum xnum, vel duos, vt, in ore duorum, vel trium testium, stet omne verbum; quod si non audierit, dic Ecclesiæ: si autem Ecclesiam non audierit, sit tibi sicut Ethnicus, & publicanus: & rex Angliæ sit paratus, sufficienter ostendere, quod rex Francorum peccat in ipsum, & ipse circa eum in correptione processit, secundum regulam Euangelicam; & tandem, quia nullo modo profecit, dixit Ecclesiæ, quomodo nos, qui sumus ad regimen vniuersalis Ecclesiæ, superna dispositione vocati, mandatum Diuinum possumus, non exaudire: vt non procedamus secundum formam ipsius? nisi forsitan ipse coram nobis, vel Legato nostro, sufficientem in contrariū rationem ostendat. &c.] Ecce clarissima, ex Euangelica illa auctoritate, iudicialis causæ cognitio, non ab Innocentio detorta, vt dixit Molinæus calumniosè, aut præsumpta, sed iure executionis mandata: vt constat ibi: [& rex Angliæ sit paratus sufficienter ostendere, quod rex Franciæ peccat in ipsum.] Nam quia non constabat de peccato, seu offensione, de qua Ioannes querebatur, Iudex, & Legatus fuit in Galliam à Pontifice transmissus, quod, per testes, instrumenta, vel tabulas, tandem fieret notum, qui rex potiori iure niteretur, in causâ illa foeciali, de qua erat questio, cuius notio, cum de pactionibus fœderis ageretur, ad neutrum spectabat regem: cum neuter alteri pareret; vnde per regem Angliæ fuerat coram Papa instituta actio: veluti, ad quem, cum non ageretur de ineundo, sed de iam inito fœdere, eiusque obseruandis pactionibus, causæ cognitio omnino pertinebat; cum eius sit huiusmodi rebus intercedere, ob pacē Reipublicæ Christianæ: nisi hoc vinculum, quo Principes Christiani in ea contineri possunt, & suauiter, & fortiter, quoque nullum est aliud, vt pacatior ea degat, impiè, ac nefariè cum Hæreticis dirumpi patiamur.

Sanctorum Patrum doctrina pro eadem loci Euangelici explanatione.

PERGAMVS tamen, & in loco hoc difficili enodando, SS. Patrum, quæ ad rem faciant, explanationes indagemus. Et quidem Reuerendiss. Episcopus, ac doctissimus Toftatus ad hoc Matth. cap. 18. quæst. 84. de explanatione verborum: [Si peccauerit in te frater tuus.] sic ait: [Accipiendum quiddam dicunt: [Peccauerit in te,] idest, contra te. Contra aliquem verò esse, vel fieri dicitur, quod in eius damnum, vel

iniuriam cedit. Et ita videtur, illud dictum Christi esse contra iniuriatores aliquorum. Ita videntur exponere omnes antiqui Doctores: vnde Augustinus lib. de verbis Domini, ait: [Si neglexeris, peior eo effectus es: ille iniuriam fecit, & iniuriam faciendo, gravi se vulnere percussit: tu vulnera fortius contemnis; peior es tacendo, quam ille conuiciando.] Et ita de iniurijs, & conuicijs accepit: hoc dictum esse. Chrysostomus etiam dicit: [Ideo precipit arguere ei, qui iniuriam passus est.] Hieronymus etiam dicit: [Sciendum, quod si peccauerit in nos frater noster, seu qualibet causa laeserit, &c.] in quo voluit intelligi, tam de damnis, quam de iniuria.] Huc vsque Tostatus. Quæ doctrina est adeo certa, vt addat idem Auctor ibi: [Alij exponunt: [Si peccauerit in te, &c.] idest, te scientes: & ista expositio, videtur introducta esse, ne putetur, correctionem solùm fieri debere ab eo, qui passus est iniuriam; nam tunc in alijs peccatis, quæ non sunt contra nos; non haberet locum ista correctio, quod videtur inconueniens.] Quibus in verbis huius grauissimi Doctoris duo sunt considerata: primò eum asserere, hanc expositionem, secundam, introductam videri; quasi sentiat, sicuti sentiendum videtur, illam priorem esse, ab ipsis Euangelij verbis simpliciter, vt sonant, ductam: vt de iniurijs contra nos factis, fuerit ibi primò, ac principaliter à Christo institutus sermo. Secundò considerandum est, explicationi posteriori, esse attributum argumentum, ab inconuenienti, quod sequeretur, nisi etiam sic locus hic intelligeretur. Immo cum difficultatem explicationis vltimæ sentiret Auctor, si sanctorum Patrum est primò, circa loci expositionem, sententia recipienda, in fine quæstionis, argumentum subiungit hoc: [Sed adhuc dicitur contra: quia Augustinus, Hieronymus, & Chrysostomus ponunt exemplum correctionis huius solùm in iniurijs.] & respòdet, quòd accipitur largè iniuria, pro omni eo, quod contra nos sit, siue sit damnum, siue iniuria, vel quoddam nocuum, quale est scandalum, quod ex fratris patimur peccato, etiam si non sit, vnde actio specialis iniuriarum contra nos oritur.

Teneant ergo, & firmæ sint hæc distinctiones, & ne illud inconueniens sequatur, cum grauibz illarum Auctoribus admittantur; attamen firmum semper, pro nostra allata explicatione huius loci, persitet cum Augustino, Hieronymo, & Chrysostomo, Christum ibi fuisse loquutum de offensis, lesionibus, damnis, iniurijs, generaliter, & in vniuersum, quibus Christianus frater, Christianum afficit fratrem: aduersus quas, qui prætermitteret ageadi ordinem à Christo hic præscriptum, peior ipse facienti iniuriam, ac damnum, esset censendus, inferenti.

Hoc stante solido fundamento, sit fratris, qua me afficit, iniuria, occupare domum integram, cuius altera pars ad me, ex patris spectabat testamento: sit, pallij pretiosi ablatio: dehonestatio famæ propriæ; pecuniarum interceptio: Teneor primò illum secretò, vt ab iniuria cesset in-

ferenda, admonere; nihil proficio, adhibeo vnum, vel duos, & testibus. ius meum contra illius tuor iniuriam: egi incassum, Ecclesie dico, hoc est, eius legitimo Prælato; vel frater obedit, vel non obedit Ecclesie: Quæro nunc ab omnibus Theologis, ac iuris variisq; prudētibus, quid ex hac gradatione, vel ego intendo, vel Christus Dominus, à me, vel ab arbitris, vel ab ipso voluit intēdi Ecclesiastico Prælato? Id certē credimus respondebunt; vt inter alia, frater ab iniuria, & damno cessat faciēdis, & ego domum pro mea possideam parte, pallium recipiam, restituar famæ, pecuniæ mihi liberē consignentur. Hæc autem non ad denunciationem solam, non ad correctionem fratris solam, pertinent: sed ad veram accusationem; vt vel ille cesset à lædendo, & mihi fiat læsionis acceptæ satisfactio; vel à fidelium consortio, per Prælatum Ecclesiasticum separaretur; & ego illum, altera possim via, tamquam Ethnicum, & publicanum, cum vltimo strepitu, ac solempni figura iudicij, coram quacumque alia Potestate legitima, conuenire.

Quo supposito, vel cessat illa quæstio, quam mouet ibidem Tostatus, vel facillimè alio, quàm ipse responderet, modo, sit illi satis: [Quare videlicet, Christus non dixit: Si peccauerit in te frater tuus, dimitte ei; sicuti alibi docuerat?] cessat, inquam, quæstio, vel responderetur: quia hæc Christi doctrina, haud peccatorum tantum adducebatur remissioni: sed suæ etiam nouæ Reipublicæ statuendo regimini; vt apud Principum ditiones conuersans, iustitia Euangelica, absque Principum scandalo, regeretur. Iussit quidem Christus, dimittere munus ad altare, quousque fratri reconciliaremur: iussit, dimittere iniurias, ac in nos commissa delicta; vt nostra, nobis, à Deo dimitterentur: hæc doctrina stare debet, quam neutiquam violat, docere, vt si peccauerit in nos frater, cum admoneamus, & testibus conueniamus coram alijs, & vltimò eum accusemus: quia remoto rancore, ira exclusa, odio profligato, quod priora ordinant præcepta, latus restat campus iustitiæ, vt cum posteriori præcepto, Reipublicæ Christianæ decus, fas, & ius, in medio etiam nationis cuiusque prauæ, comparerent.

Ergo optimè hic succedit doctrina Anacleti Papæ, quæ habetur. 24. q. 3. [Tam sacerdotes, inquit, quàm reliqui fideles omnes summam debent habere curam de ijs, qui pereunt; quatenus eorum redargutione, aut corrigantur à peccatis, aut si incorrigibiles apparuerint, ab Ecclesia separentur.] Quò loco Glossa. verbo, fideles, ait: [id est, Prælatis: sic non est hic argumentum, quòd istud: [Si peccauerit, &c.] spectat ad omnes.] Monet autem Tostatus loco citato, ab hac Glossa cauendum, & merito: cum omninò, & textui, & Euangelij loco contraria sit. Quis enim non videat, dum dicit, [reliqui fideles omnes,] de promiscua Christianorum multitudine, non de Prælatis esse sermonem, quos, sub nomine sacerdotum, iam Anacletus comprehenderat?

Præterea quia ex Hieronymo, & Chrysostomo, & Augustino habuimus supra, peccatum fratris in nos, esse intelligendum, quodcumque damnum, quo nos affecerit, & iniuriam, quacumque nos leserit: vnde collegimus, illum Euangelicum ordinem seruandum, respectu etiam rei nostræ vindicationis, vel honoris restitutionis: vel denique, in foro contentioso per Prælatos Ecclesiæ administrato, cuiuscumque contra fratrem actionis intentandæ: audiendus est ipse Hieronymus in lib. Iudicum, & habetur, 11. q. 3. cap. Audi denique. Sic scribens: [Cum ergò per sententiam quis nominatus fuerit, cum eo communicare non debemus, &c.] & infra. [Vnde Dominus in Euangelio, tunc demum peccatorẽ dixit habendum sicut Ethnicum, & publicanum, cum Ecclesiam audire contempserit. Apostolus quoque non ait; Si quis frater est fornicator: sed, si quis frater nominatur fornicator: sententiæ nominationem intelligens.] Similiter Chrysostomus in Epist. ad Hebræos, & habetur, ead. caus. & q. cap. Ad mensam. ait: [Si quis, inquit, nominatus fuerit frater fornicator, aut auarus, aut ebriosus, cum huiusmodi, neque cibum sumere debetis.] Ex quibus sanctorum Patrum locis sic colligimus: Si ille frater nominaretur maledicus, aut rapax, quæ sunt etiam exempla adducta à Paulo. 1. ad Corint. cap. 5. ita vt nominatim excommunicaretur ab Ecclesia, eius videlicet legitimo Prælato, quia famam & honorem fratris, in re grauissima, denigrasset, vel furto illi quingenta surripuisset scuta aurea: & neque honorem, neque pecunias restituere vellet: rogamus, an frater, qui illum ad eas coegit angustias, vt à fidelium communione segregaretur, pro fine habuisset solum, fratris correctionem, an sui etiam honoris, ac nummorum recuperationem? Tunc vltra rogamus, stante regula Augustini, [Non dimittitur peccatum, nisi restituatur ablatum,] an quando Prælatus illum, nomine proprio, per sententiam à cœtu Christianorum expulit, prius illi indixerit: vt effectû ipso scuta fratri restitueret, famamque resarciret, vt ab instantia absolueretur, an solum, vt, in posterum à similibus perpetrandis facinoribus abstinere? Quis non videt, sanctos Hieronymum, & Chrysostomum, asserentes, actionem iniuriarum, ac damni nobis contra fratrem in Euangelio ordinari, ex consequio tenere, per accusationem vt procedamus, aditum nobis patefieri? vt Prælatus Ecclesiæ, vel cui ipse commiserit, tamquam legitimus Iudex, iurisdictione, ac potestate sibi à Christo tradita, nobis iustitiam administret?

Tertius accedat Augustinus hoc ipsum clarè demonstrans Homil. de penitentia: & refertur 2. q. 1. cap. Multi corriguntur. [Nos verò, inquit, prohibere à communione quemquam non possumus (quamuis hæc prohibitio nondum sit mortalis, sed medicinalis,) nisi aut sponte confessum, aut in aliquo siuè seculari, siuè Ecclesiastico iudicio nominatum, aut conuictum, &c.] & infra citato Paulo. 1. ad Corint. cap. 5.

de non communicando cum fratribus peccatoribus, &c. dum concludit. [Auferte malum de medio vestri:] addit Augustinus: [Quibus verbis satis ostendit, non temerè, aut quomodolibet, sed per iudicium auferendos esse malos ab Ecclesiæ communione, &c.] & infra. [Non enim contrarium est illud huic loco, quod dicit Apostolus; Tu quis es, qui iudicas alienum seruum? suo Domino stat, aut cadit: noluit enim hominem ab homine iudicari ex arbitrio suspicionis, vel etiam extraordinario, & usurpato iudicio; sed potiùs ex lege Dei, secundum ordinem Ecclesiæ, siuè vltro confessum, siuè accusatum, atq; conuictum.] Vbi Glossa, verbo, extraordinario, dicit: [Agendo contra eum denunciatiuè, vel inquisitiuè, qui modus agendi nouus est, & extraordinarius, secundum quosdam.] Sentit ergo Augustinus, per accusationem, fratrem delinquentem conuincendum, vt excommunicetur, quando non fuerit aliàs conuictus: & hoc appellat iudicium ex lege Dei, secundum ordinem Ecclesiæ: idest, seruata lege illa; [Si peccauerit in te, &c.] quæ consummatum ordinem iudiciale[m] Ecclesiæ comprehendit. Constat hoc dilucidius ex ipso Augustino, eadem Homil. & habetur apud Gratianum eodem loco, cap. Si peccauerit. vbi sic discurrit: [Si peccauerit in te frater tuus, corripe eum inter te, & ipsum solum: quare? quia in te peccauit: quid est in te peccauit? tu scis quia peccauit: quia enim secretum fuit, quando in te peccauit, secretum quare, eum corrigis, quod peccauit in te; nam si solus nosti, quia peccauit in te, & eum vis coram omnibus arguere, non eris corrector erroris, sed proditor. Attende quemadmodum iustus Ioseph tanto flagitio, quod de vxore fuerat suspectus, tanta benignitate pepercit, antequam sciret, vnde illa conceperat, quam grauidam senserat, & se, ad illam non accessisse, nouerat. Restabat igitur certa adulterij suspitio, & tamen ipse, quia non nouerat, quid dicit Euangelium? Ioseph autem cum esset iustus, & nollet eam diuulgare, vel traducere, voluit occultè dimittere eam. Ergo corripienda ipsa sunt coram omnibus, quæ peccantur coram omnibus. Ipsa vero corripienda sunt secretius, quæ peccantur secretius. Distingue tempora, & concordabit scriptura. Sic agamus, & sic agendum est, non solum quando in nos peccatur: sed etiam quando peccatur ab aliquo, & ab altero nesciatur.] Ecce Augustini mens clara est, vt omnino priusquam fratrem prodamus, seu accusemus lædentem nos, vel quæcumque nos afficientem iniuria, illum corripiamus: si secretum hoc est: idest, quod etiam pauci illud sciant: nam illud, [tu scis,] multitudinem excludit, non autem paucos: vt ibi notat Glossa verbo, Si peccauerit, circa medium: & est conforme legi Christi, qui, quem secretò admonere, seu corripere, iussit, subdit vt, testibus etiam adhibitis, coram alio, vel alijs conueniamus, &c. Quod si solus læsus, vel iniuria affectus frater, conscius esset delicti, haud illum fratrem coram

alijs, quasi delinquentem, posset conuincere, aut conuenire.

Pergit Augustinus dicens. [Nescio quem homicidam nouerit Episcopus, (loquitur de se Augustinus) & nemo alius illum nouit, ego nolo eum publicè corrigere, & tu quaris inscribere prorsus. Nec prodo, nec tamen negligo: corripio tamen in secreto: pono ante oculos eius Dei iudicium: terreo cruentam conscientiam; persuadeo poenitentiam: hac auctoritate prædici esse debemus. Vnde aliquando homines reprehendunt nos, quòd quasi non reprehendamus; aut putant nos scire quod nescimus, aut putant nos tacere, quòd scimus: forte quod scis, & ego scio, non tamen coram te corripio, quia curare volo, non accusare.] Et hic Augustinus illos reprehendit, qui prætermissa Euangelica accusandi forma, absque correctione secreta, secretum peccatum propagant, quod, inuicem arguendo, potuissent forsitan emendare. Verbum enim illud, [& tu quaris inscribere,] est conceptum, & iudiciale, & sumitur pro accusare: cum ad accusationem inscriptio, ex Clement. 2. de verbo. signific. requiratur. Quod & explicat clariùs, dicens: [quia curare volo, non accusare.]

Procedit ulterius. [Sunt homines adulteri, in domibus suis secreto peccantes: aliquando nobis, ab vxoribus suis plerumque zelantibus, aliquando maritorum salutem querentibus, produntur: nos non prodimus, sed secreto arguimus: ut ubi contigerit malum, ibi moriatur: nõ tamen vulnus illud negligimus: ante omnia ostendentes homini, in tali peccato constituto, fauciatamque gerenti conscientiam, illud vulnus esse mortiferum, &c.] Hic notandum, quali ratione distinguat Augustinus inter mulieres maritos de adulterio deferentes, vel ob zelotypiam, & sic accusatione procedentes, ad illorum poenam, vel ob salutem maritorum, & sic denunciatione sola vtentes. Vnde Glossa verbo, Zelantibus, ait [Argum. malo zelo denunciantem crimen fratris, audiendum: hoc est verum, si prosequatur suam iniuriam: ut infra q. 7. Si quis erga,] Vbi denunciantem, id est accusantem intelligit; cum accusans, non autem denuncians, in iure, suam iniuriam prosequatur. Ex quibus omnibus primò colligimus, Augustinum, legem illà Christi integram, de iurisdictione Ecclesiastica intellexisse; ita ut accusaturus quis, iuxta eam, fratrem suum, ad proprium commodum, & utilitatem particularem, eoque fine, ut de læsione, damnoe quocumque sibi fiat debita satisfactio, primò illum secreto ad satisfactionem præstandam cohortetur. Habemus secundo, quòd superius ex constitutionibus Apostolicis, & ex Eucherio admonimus; nemum partes, ad illam formam Euangelij seruandam, adstringi; in hac iurisdictione Ecclesiastica adeunda: ut gradatione, a secreta correctione vsq; ad publicam accusationem perueniatur: verum etià indices ipsos ab admonitione, & secreta correptione incepturos, ut delinquentibus amplior via ad emendationem aperiat.

Explicatio eiusdem loci ex Euangelio Luca, & Fabiano Papa.

QUID senserint hi sancti Patres vidimus, at qualiter omnino sic sentire debuerint, ex ipso sacro Euangelio depromamus. Et primo, ubi nostra Latina lectio habet. [Si peccauerit in te frater tuus.] Syriaca lectio, quæ est magnæ auctoritatis, habet, [Si errauerit in te frater tuus.] Vbi iam constat, quàm ad litteram superius, hoc peccatum, errorem aliquem, siue materiale, siue formale esse posse, explicauerimus. Deinde quia quæsiuimus, an de errore in nosmetipsos commissio Dominus fuerit loquutus? & affirmatiuè cum Patribus respondimus: nunc eam esse Christi ipsius doctrinam videamus, ex Luca Euangelista cap. 17. sic scribente, Magistrum cælestem docuisse: [Si peccauerit in te frater tuus, increpa illum, & si poenitentiam egerit, dimitte illi: & si septies in die peccauerit in te, (ex translatione Syriacæ, offenderit te,) & septies in die conuersus fuerit ad te, dicens: Pœnitet me, dimitte illi.] Nullus certè iam restat dubitandi locus, Christum Dominum de peccatis, seu erroribus, à nostris fratribus in nos ipsos, commissis, instituisse sermonem: cum remissionis eorum gratiam, quæ à nobis exspectari potest, à nobis, per errantes ipsos, docuerit postulandam, qui, de nostris, non de alienis iniurijs, remittere potes sumus. Quod si huic litterali contextui Euangelij, ac Symphonie Lucæ cum Matthæo adhuc esset querenda confirmatio, ea esset illustris, Apostolorum Christi Domini ad eiusdem hanc propositionem: suggestio. Quasi enim in ecstasim rapti, tantæ præuise in Christianismo futuræ fraternæ charitatis, ut Christianus frater fratri Christiano proprias iniurias, (nam de alienis non erat cur tantum mirarentur,) septies in die, idest, sine numero condonaret, odio omni, animique rancore prorsus deposito, quantumcumque in externo iudicio, actione iniuriarum cum illo ageret; ad tam ingentis doctrinæ; humanamque conditionem excellentis, praxim, à Magistro supplices sic fidei acceptionem postularunt: [Adauge nobis fidem.] Christus ergo Dominus de quibuscumque erroribus, quo modocumque in nos commissis, docuit, & illis per nos remissionem faciendam, in omni euentu, quo ad animi puritatem, conscientizque securitatem; & quo casu ad propriæ iniuriæ satisfactionem vellemus agere, remedium intra Ecclesiæ limites illud esse relictum, quod, gradatione per Matthæum relata, & hucusque explicata, continetur.

Huic doctrinæ fauet insigniter in genere, ac vniuersè loquens, Fabianus Papa & Martyr Epist. 2. decretali cap. 2. & habetur 6. q. 1. illi qui, dum dicit. [Illi verò qui illa peccata perpetrant, de quibus Apostolus, ait, (ad Gal. cap. 5.) quoniam qui talia agunt, regnum Dei non consequentur, valde cauendi sunt, & ad emendationem, si voluntariè noluerint, compellendi: quia infamie maculis sunt aspersi, & in barathrum

diabun-

dilabuntur: nisi ei Sacerdotali auctoritate subuentum fuerit.] Et vt intelligatur, quibus peccatis, ac delictis Sacerdotali iudiciaria potestate sit in Ecclesia obuiandum, & qualiter eorum auctores, per pœnas congruas, sint ad emendationem compellendi; ecce ea formaliter ab Apostolo, loco citato, relata: [Manifesta sunt, inquit, opera carnis, quæ sunt fornicatio, immunditia, impudicitia, luxuria, Idolorum seruitus, veneficia, inimicitia, contentiones, æmulationes, ira, rixa, dissensiones, secta, inuidia, homicidia, ebrietates, comestationes, & his similia: quæ prædico vobis, sicut prædixi, quoniam qui talia agunt regnum Dei non consequentur.]

Doct. Driedonis doctrina pro eodem loco, [Si peccauerit, &c.]

SE D quò nostra asserta sententia de præsentì loco Euangelij, confirmetur, visum est, inducere doctissimum Driedonem lib. 4. de Dogmat. &c. cap. 5. part. 3. cap. sic docentem: [Primum ex scripturis discimus, quoniam in corpore Christi, quod est Ecclesia, sit graduum, & Potestatum, tam secularium, quam spiritualium distinctio, facta ex ordinatione, ac prouidentia Dei, qui dedit quosdam Apostolos, (hoc colligit Driedo ex 1. ad Corint. cap. 12. ad Roman. cap. 13. ad Ephes. c. 3. & ex Ioan. cap. 20.) alios Prophetas, alios Euangelistas, alios Pastores, alios Doctores, alios linguarum interpretes, alios gubernatores, & sublimiores Potestates, in ædificationem corporis Christi, donec occurramus omnes in vnitatem Fidei.

Item, quòd gemina sit Potestas, vna secularis, quæ gladium ad vindictam malorum portat, cui, oportet, vnumquemque esse subditum, non solum propter timorem, sed & propter conscientiam; de qua Apostolus ad Rom. 13. Altera Ecclesiastica, quæ est super corpus Christi verum, in sacrificio altaris; super ipsum, videlicet, panem, & vinum, in corpus, & sanguinem Christi benedictio: & super corpus Christi mysticum, quod est Ecclesia: super membra, videlicet, in ligando, & soluendo in terris, quæ ligata, & soluta sint in cælis, remittendo, & retinendo, peccata; de qua potestate Ioan. 20. & 21. & Matth. 16. & 18.

Et quòd hæc potestas Episcopalis, aut Sacerdotalis, aut Diaconalis, non est secundum institutionem, aut adinventionem humanam: sed diuinitus instituta, Ecclesiæ data à Christo, qui, dixit, Tibi dabo clauis regni cælorum. Item, Quorum remiseritis, &c.

Et quòd Christus hoc non ad omnes, qui erant credituri, loquutus est, patet; quia præmisit: sicut misit me viuens pater, ego mitto vos: non autem tunc futuri credentes intelliguntur in illo verbo missi, sicut Apostoli; vnde & post resurrectionem multi erant credentes Ecclesiæ membra, & tamen solus Matthias, diuina sorte, iunctus est Apostolorum collegio, ex Act. cap. 1.] & paulò post subdit.

Deinde, ex Scripturis sacris habemus, (colligit hoc ex Matth. cap. 10. ad Rom. c. 13. & ad Hebr. cap. 13.) quod membra in corpore Christi debent obedire, & subdita esse Præpositis Episcopis, & etiam sublimioribus Potestatibus secularibus: & unicuique quod suum est tribuere, cui honorem, honorem; cui tributum, tributum; cui vestigal, vestigal.

Item (notetur valde) quod officium Ecclesiasticæ Potestatis sit, non solum docere verbum Dei, orare pro populo, & ministrare Sacramenta; sed & criminosos, aut suspectos in ius vocare, ab officio destituere, alijsque vijs coercere contumaces. Est enim, secundum claves Ecclesiæ datas, iurisdictio, & Potestas Ecclesiastica, & iudiciaria Potestas in Ecclesiæ Præpositis, qua valeant fermentum, seu zizania, idest, facinorosa, atque scelerata membra à corpore Ecclesiæ reijcere, ac rescicare: partim, ne illorum communione cæteri aut inficiantur, aut foueantur in malo, partim, quò ipsi, correcti pudore, resipiscant. Et quòd, in reijciendis membris à communione fidelium, seruandus sit ordo quidam iudiciarius; vt non criminosus occultus, sed testibus conuictus eiiciatur. Et hanc iudiciariam Potestatem docuit Christus Matth. cap. 18.] Hucusque Driedo.

Quattuor dogmata quæ ex illo loco, [Si peccauerit, &c.] colliguntur.

SEQVAMVR igitur, & luce solis clariùs demonstramus, Christum Dominum in illis verbis sequentia dogmata Apostolis prædixisse, quæ postea Spiritus veritatis, quem illis à Patre misit, illos latius, ac dilucidius docuerit, eisque illa suggererit, ab eisdem suis posteris, ac successoribus, & suggerenda, & prædicenda, & prædicanda. Ex illa quidem prudenti, ac successiua gradatione, dum ad id occasionis ventum est; vt neque vno, neque duobus fratribus Christianis arbitris negotium, de quo inquiritur, transigatur, & ad Ecclesiam vult Legislator illud iam esse deuolutum; docuit nos primò; Ecclesiam esse Principatum quemdam visibilem, & in plures Hæretici, quasi solum ex prædestinatis, vel ex bonis, vel ex perfectis, qui occulti sunt, ac inuisibiles, vel aliàs ex quodam ab illis hominum genere constantem, inuisibilem, aut potius nullam faciunt; absque dubio videri posse nolentes; quia Ecclesiæ seuerum, quod subire meriti sunt, iudicium, reformident. [Dic Ecclesiæ] ait Christus: Ecce relatio alicuius exterioris ac sensili loquutione dicturi, ad aliquem, vel aliquos, exteriori ac sensili auditione eum excepturos.

Si enim numerus prædestinatorum, aut bonorum, aut perfectorum, aut eorum, qui solum sunt in gratia constituti, esset Ecclesia Catholica siue in se, siue in suis partibus, tunc nulla esset ipsius certitudo: quod nullo modo de Ecclesia, ciuitate super montem posita, idest, super Chri-

tum ædificata, dicendum eſt. Vnde Auctor imperfecti apud Chryſoſto-
num Homil. 10. in Matth. ait: [Hæc ciuitas Eccleſia Sanctorum eſt, de
qua dictum in Pſalmo: Glorioſa dicta ſunt de te, ciuitas Dei. Ciues eius
ſunt omnes fideles, quibus Apoſtolus, ait; Vos eſtis ciues Sanctorum;
æ ergo ciuitas poſita eſt ſuper montem Chriſti, de quo Danielis 2. di-
citur, Lapis abſciſſus ſine manibus, factus eſt mons magnus: ſanè non
poſteſt abſcondi ſupra Chriſtum poſita, etiãſi ipſa voluerit: Mons
nim, qui eam portat, facit eam omnibus manifeſtam: ſic & Apoſtoli,
& Sacerdotes, qui fundati ſunt in Chriſto, non poſſunt eſſe abſconditi,
etiãſi voluerint: quia Chriſtus eos manifeſtat.] In hac ergo Eccleſia,
icèt Dei gratia, multi exiſtant, vt firmiter credimus, prædeſtinati, mul-
ti in gratia conſtituti; quorum etiam meritis adhuc durat mundus: non
amen propter prædeſtinationem, aut gratiam, quæ occulta ſunt, San-
cta Eccleſia dicitur Catholica, ſed propter vnius fidei communionem, ac
ſacramentorum, & præceptorum, quæ in omnibus, & bonis, & malis, &
prædeſtinatis, & reprobis, nota, & communia poſſunt eſſe; ex quibus
Eccleſia viſibilis viſibiliter integratur.

Præterea aut Chriſtus hoc loco remiſit nos ad aliquem certum iudi-
cem, aut incertum: non eſt dicendum, incertum: quia tunc, num-
quam fratris peccantis correctio, emendatio, vel punitio ſequeretur:
oportet igitur, vt ad certum nos tranſmiſerit iudicem: cumque Eccle-
ſia prædeſtinatorum, ſeu in gratia exiſtentium, ſit incerta, neceſſum
eſt, quòd huiusmodi remiſſio ſit ad Eccleſiam, quæ ſit nota, & certa
iudicibus, ſecundum vitæ præſentis ſtatum; cuiusmodi eſt Eccleſia Ca-
tholica in vnitæte fidei, & Sacramentorum, vbique, tam in ſe, quàm in
ſuis ſingulis partibus perſeuerans.

Illud autem [Dic Eccleſiæ,] haud credendum eſt eum reddere ſen-
ſum, vt ad Rempublicam Chriſtus voluerit cauſam talem eſſe reuocan-
dam, quæ eſt mens Hæreticorum huius ſæculi, ac Politicorum, qui Ec-
cleſiam in Rempublicam, ſeu, vt clarius loquamur, in Politicam ho-
minum Atheorum, & nihil credentium, Congregationem conuerterunt.
Neque eſt intelligendum cum iſdem interpretibus, illud, [Dic Eccle-
ſiæ] eum facere ſenſum, vt Eccleſiam quidem intelligant Chriſtianam,
tamen omnium Chriſtianorum multitudinem, eam fore interpretetur,
quod eſt abſurdum: tunc enim cauſa, vel negotium omni multitudi-
ni ſic haud quamquam poſſet: & eſſe poſſet; quid inde expediendæ cauſæ
accederet iuuamenti? Certè id non ad exitum, ſed ad exitium illius
enderet: dum non ad finem pacis optatum inter fratres obtinendum
conduceret, quinimo in perpetuas cauſam conijceret tenebras: quid
nim impetiti artifices, quid ignorantes ibi eſſent feminæ peccato-
ræ, & delinquenti, vel à iuſtitie orbita, modo quolibet, deuianti? Inde
ouis, ac continuis tribunalia ſimilia querimonijs replerentur, dum ſe

hi, vel illi Christiani, ad hanc, vel illam Ecclesiam, seu eius multitudinem pertinentes, se spretis, ac non vocatis, causæ iudicium esse definitum, quererentur. Christus autem Dominus, illa gradatione, eo rem voluit omnino reduci, ac causam quamcumque inter Christianos fratres motam; vt si neque inuicem, neque coram vno, vel duobus fratribus, de ea conuenirent, eam Ecclesia causam diiudicaret; idest, certus, aut certi Prælati Ecclesiarum; non quidem hominum, ac mulierum adunata confusio, à qua non expressa, & consentiens sententia, sed vulgi cuiusdam in contraria studia, deberet, scissio securius expectari.

Accedit his, Christum legis Mosæicæ finem in salutem omni credenti, ex Paulo ad Rom. cap. 10. haud, imperfectiori ordine, nouæ legis Statuta fuisse disposituram, quàm in antiqua disciplina, similem materiam attingente, ea vel disposuisset, vel à legis Doctoribus disponi permisisset. Certum est autem ipsis Rabinis, Iudeorumque magistris id sentientibus, apud eos non totam Synagogam, non totam illius communiatem, sed Archisynagogos, & iudiciorum, & excommunicationum, actiones, & munia exercuisse.

Verbum igitur hoc, [Dic Ecclesiæ:] dogma istud secundum nobis proponit: vt Ecclesiæ Prælati, ac Superioribus, respectiuè, causæ, de qua controuertitur, dicatur: vt ex Doctoribus, & Patribus explicatum est; eo dicendi vtente hic Christo charactere, quo Aristoteles lib. 9. Ethic. cap. 9. docuit id solitum esse attribui ciuitati, quod Optimates, & Principes agunt; nihil enim est magis in vsu, & praxi loquendi hominum, quàm Magistratus, qui Rempublicam gerunt, Rempublicam nominare, & quod ab illis sit, à Republica asserere factum esse.

Immo verò si rectè rem hanc perpendamus, non nisi propter Pastores & Præpositos, Ecclesiæ nomine, vocari debet aliqua multitudo. Vnde Cyprianus lib. 4. Epist. 7. [Ecclesiam esse in Episcopo,] & Hieronymus Dialog. aduersus Luciferianos, [vbi non sunt Sacerdotes Ecclesiam non esse,] sapienter, & verè scripserunt. Cui dicto Paginæ antiquæ præit loquendi vsus; Exod. enim cap. 19. legitur Moyses conuocans omnes maiores natu populi; exponensque illis omnes sermones, quos mandauit Dominus: & additur, [Responditque omnis populus simul: &c,] vbi vocat Scriptura omnem populum, qui tantum maiores natu ipsius populi censebantur.

Esse autem hanc litteralem, ac genuinam huius loci expositionem, id est argumento, quòd Christus, peccatorem ad eam Ecclesiam deferendum, docuit, de qua, versu statim sequenti, sic fuit loquutus. [Amen dico vobis, quæcumque alligaueritis super terram, erunt ligata in celo:] hoc autem non omni multitudini, sed solis Apostolis, cum quibus Christus loquebatur, & ijs, qui in eorum locum successuri erant in Ecclesia, legitimis Prælati, dictum est. Hoc idem Dionysius Arcopagita,

& Ambrosius senferunt, & ex Concil. Carthagen. 3. & Ancyrano. 2. & ex Tridentino sess. 14. cap. 16. confirmatur. Hinc Hieronymus sic loquitur super Matth. [Habent iudiciariam potestatem omnes Apostoli, habet etiam omnis Ecclesia in Episcopis, & Sacerdotibus.] Sic Ecclesia Romana edocta ab Spiritu sancto, ut instrueret fideles, ad Ecclesie Prælatos illud Christi dictum spectare, tum in Breuiario, tum in Missali, addidit hæc verba, quæ apud Matthæum non habentur, scilicet: [Respiciens IESVS Discipulos suos, dixit Simoni Petro;] [Si peccauerit in te, &c.] Etenim (quod diligenter animaduerti debet) ubicumque Christus Dominus Ecclesie suæ, vel potestatem, vel stabilitatem perpetuam in Euangelio promittit, non nisi Apostolis suis loquitur. Et hinc duo colligere licet, & potestatem ipsam Apostolicam, siue Episcopalem perpetuam, & stabilem esse, & hanc perpetuam potestatem, ac stabilitatem, non toti corpori immediatè, sed propriè ipsis Pastoribus, ac Ecclesie Prælati à Christo Domino fuisse in Euangelio, & promissam, & contributam.

Est iam hoc tertium dogma hisce conclusum Christi verbis; illam, videlicet, potestatem iudiciariam, causas quascumque, suo ordine, inter Christianos cognoscendi, perpetuò in futuris legitimis Ecclesie Pastoribus mansuram; ita ut perenni successione, ad novos, & novos indies sit Prælatos deuentura; ea, inquam, Pastorum successione, cui tantum, contra Hæreticorum confusionem, tribuendum putauerunt doctissimi, antiquissimi, & ex ijs quidam sanctissimi Patres, Origenes, Irenæus, Tertullianus, Cyprianus, Hieronymus, Augustinus, Optatus, & alij, quos longum esset enumerando recensere. Sicut ergo in promiscua Ecclesie multitudine numquam defuturæ erant quæstiones variæ, quæ possent Christianorum, vel specialem, vel vniuersam pacem turbare; sic voluit Christus, ut numquam Ecclesie deessent Pastores, & Præsules, qui eas in Ecclesie gremio, iudiciaria Potestate, vel in speciali, vel vniuersum, quod in se esset, iustitia, ratione, & æquitate media, consopirent. Et qui legem imposuit, peccatum, suo ordine seruato, Ecclesie Prælati dicturo, Ecclesie Prælatos perpetuò præparauit audituros.

Quod ut clariùs, ac profundius intelligatur, & ad maiorem huius sententiae, de Prælatorum in Ecclesia potestate, corroborationem, valde aduertendum est; regnum Christi Domini, quod in Ecclesia perpetuum est, ut quarta parte commodius ostendemus; propriè in Ecclesie Pastoribus & Prælati perpetuum esse. Cum enim Christi regnum, eo sic testificante, Ioan. c. 18. non sit de hoc mundo, sed spirituale; huiusmodi tamen, quod ad domum, & sceptrum David pertineat, sic annunciante Virgini sacre Angelo Gabriele, Luc. c. 2. [Dabit ei Deus sedem David patris eius, & regnabit in domo Iacob in æternum:] certè translato illo temporali regno, spirituale ut erigeretur necessum fuit, quod est per-

petuum Ecclesiæ sacerdotium, neque hoc sacerdotium illud est intelligendum, quod, & quale omnibus fidelibus est commune, propter fidei obedientiam, & Spiritus sancti vnctionem; vnde appellat nos omnes. Petrus 1. Epist. c. 1. [Regale sacerdotium:] sicut & Ioan. in Apocalypsi c. 1. (hæc enim est mens, & explicatio præsentium Hæreticorum;) sed est intelligendum illud sacerdotium, vnde propriè in Ecclesia Sacerdotes dicuntur, iuxta quod loquitur Augustinus lib. 10. de Ciu. Dei c. 10. In hoc namque sacerdotio, Christus Dominus propriè regnat, hoc est potestatem, & iurisdictionem exercet; docet; leges fert; peccata soluit, & ligat; fontes punit; mundum reconciliat: dissidentes homines ad mutuam charitatem reducit; denique hoc sacerdotium comprehendit omne illud, per quod Christus Dei filius à Patre rex constitutus, super homines regnum administrat.

Vocauit hoc Augustinus lib. 3. contra Crescon. c. 36. [Christum per Ecclesiam dominari à mare vsque ad mare, & à flumine vsque ad terminos orbis terræ.] Hoc etiam sic se habere docuit optimè Epiphanius Hæresi. 29. contra Nazænos; sic scribens: [Thronus Dauid, & regale sacerdotium, est sacerdotium, quod in Ecclesia sancta est. Christus enim Dominus Rex, & Sacerdos Rex, quia in stirpe Dauid, Deiq; vnigenitus, Sacerdos, quia secundum ordinem Melchisedech, sacrificium obtulit:] ipsum hoc suum regnum vnâ cum summo sacerdotio seruis suis summis Pontificibus Ecclesiæ Catholicæ largitus est.] Iuxta hoc regnum omnis Christo potestas data est in cælo, & in terra, Matth. c. vlt. de qua ipse loquitur Apostolis, Actuum c. 1. quam ipse, quantam, & qualem illorum requirebat munus, & officium, tantam, ac talem ipsis contulit sacerdotibus: vt Chrysost. 3. lib. de sacerdotio affirmat. Dedit illis etiam clauem Dauid, tamquam huius regni sceptrum portandam, quod sibi onerosum fuerat, vtpote super humeros in cruce gestatum, ipsis perpetuo honori futurum. Sicut enim de Christo propheticè per Isaiam dictum fuerat c. 22. [Dabo clauem Dauid super humerum eius; aperiet, & non erit qui claudat, claudet, & non erit qui aperiat,] quod totidem verbis de Christi persona in Apocalypsi Ioan. c. 3. repetitur; idq; pro validissimo argumento, hunc illum esse, qui regnaturus esset in domo Iacob in æternum; iuxta Angeli promissa ad S. Virginem. Luc. cap. 2. sic Petro summo Pastori, ac Christi Vicario in Ecclesia futuro, ac in eo suis successoribus Romanis Pontificibus, ab ipso Christo vicissim clauēs regni cælorum, datæ sunt, quibus clauderet, & aperiret; idest, ligaret, & solueret, ea firmitate; vt eodem modo, ligaretur, & solueretur in cælo: idest, ab eo clausum, nemo aperiret; & ab eo apertum, nemo clauderet. Sic Ecclesiæ per orbem dispersæ, futuris, legitima successione, Prælati dedit potestatem iudiciariam, de causis quibuscumq; Christianorum cognoscendi, ceteris seruatis seruandis; his quidem legem dans, vt Prælatos adirent,

prædictas causas illis diceret, ac proponerent, ab eisq; earum decisionem, & sententiam expectarent: illis autem vicissim legem ferens; ut Christianos subditos benignè audirent, eis satisfacerent, eos ad concordiam reducerent, unicuiq; quod suum erat ex æquo & bono, tribuendo; ut sic non solum, propter lites frequentes Christianorum, Christi nomen non blasphemaretur apud Gentes, quas inter erant conuersaturi; verum etiam eorum à Gentibus perspecta facili via pace fruendi, & concordiam conseruandi, eas ad Christi propensius suscipiendam & fidem, & legem invitarent.

Propter hanc causam (quod notatione maximè dignum est) August. lib. 20. de Ciuit. Dei c. 9. illud, quod de hoc Christi regno scriptum est. Apocal. c. 20. [Vidi sedes, & sedentes super eas, & iudicium datum est illis:] de hoc Prælatorum, ac Præpositorum in Ecclesiæ regno interpretatur, sic dicens: [Non hoc putandum est de vltimo iudicio dici: sed Præpositorum sedes, & ipsi Præpositi intelligendi sunt, per quos Ecclesia nunc gubernatur.] Quibus addendum est, quod cum de hoc Prælatorum regno prædixisset regius Vates Psal. 44. [Pro patribus tuis nati sunt tibi filij:] protinus subiicit: [constitues eos Principes super omnem terram.]

Ex his omnibus hoc tandem consequens fit, Ecclesiam Christi, non aliam ob causam propriè, & proximè, stabilem in fide, perpetuam in duratione, regnum Christi in potestate; & cum potestate esse, & Politica, Hierarchica, & ordinata constitutione esse firmatam, quam quia de Pastoribus, Prælatis, ac Magistris, Ecclesiæ prospectum est; à quorum ore veritas non recedet, ex Isaia. c. 2. quia etiam horum Prælatorum, & Pastorum successio, certa, atque perpetua futura est; quia tandem in his Prælatis & Pastoribus, excellentiori quodam modo, regnat Christus, tamque potestatem, vsque ad seculi finem, per eos exercet, quam à Patre accepit; pascendi, regendi, ac gubernandi; docendi, in veritatem, inducendi, Deum hominibus manifestandi, mundum reconciliandi, peccata soluendi, ceteraq; omnia ad salutem necessaria dispensandi. Hos enim Pastores ac Prælatos Doctores constituit, ex Paulo ad Ephes. cap. 4. in his verbum reconciliationis posuit. 2. ad Corinth. c. 4. hos dispensatores mysteriorum Dei, qui vice, & loco suo, pro illo legatione fungentur, effecit, 1. ad Corinth. c. 4. hos denique constituit testes veritatis, usque ad extremum terræ, Act. c. 1. & vasa electionis, ut portarent nomen eius in Gentibus, Act. c. 9. Et quia per vniuersos terræ fines regnum Christi propagandum fuit; propter ipsius Christi Domini gloriam, ipsi amquam homini, ex merito passionis suæ, debitam; propterea quoque Pastores, ac Prælati populorum, & Ecclesiarum Magistri (per quos, & in quorum ministerio propriè regnat) per vniuersum mundum Euangelium prædicaturi erant, ex Matth. c. 28. & in omnem terram eorum

onus erat exiturus, ex Paul. ad Rom. c. 10. praeunte Psalm. 18. prophetia, idq; vt ipse Saluator dixit, Matth. c. 23. in testimonium omnibus gentibus successurum.

Sequitur quartum dogma certum, quod ex enarratis Christi verbis colligitur: eum, videlicet, in eis abstrahere ab hoc, quod Ecclesia, & eius fideles sub Ethnorum, siue sub Christianorum Principum contineretur dominatu: & ad huius doctrinae exercitiu, illis esse omnino accidentariu, sub horum, vel illorum regum, vel quorumcumq; superiorum Magistratum secularium, ditionibus conuersari. Voluit ergo Christus, Ecclesiam cum sua Politia, & Hierarchia, cum suis congruis, & competentibus institutam Ministris, interne, nihil interim praedicti, quibuscumq; secularibus Principibus, & eorum regimini inferendo, sua Monastica, sua OEconomica, sua Politica viuendi instructione, quoscumq; inter Principes, siue Infideles, siue Fideles essent, iuste, fortiter, ac suauiter gubernari. Inde subiungit Christus: [Si autem Ecclesiam non audierit, sit tibi sicut Ethnicus, & publicanus.] Id est, si Ecclesiae Praelatis causam decidentibus, non crediderit, si eis non obtemperauerit, (id enim, ex Hebraica phrasi, hoc loco, audire, significat:) cum [Qui eos audit, me audiat; qui eos spernit, me spernat:] vt dixit Luc. c. 10. cum deuitabis, tamquam a meo regno scissum, ac sequestratum, eamq; insuper cum eo agendi liberè inibis rationem, ac si Gentilis sit, deorumq; falsorum cultor: quales multi erunt Principes, & eorum subditi, sub quorum prememini imperio: vel sit tibi eo ipso loco, quo erant Gentiles, & Idololatrae, quando sub eorum dominij Ecclesia premebatur. In referendis autem simul publicanis, ad Iudaeorum allusit Christus consuetudinem, qui eos, sicuti & Ethnicos, pro publicis peccatoribus, reputabant, & ab eorum consuetudine religiosius abstinebant.

Quod autem intellexerit Ecclesia, in illis Christi verbis, [sit tibi sicut Ethnicus, & publicanus;] non solum separationem Christiani fratris, Praelato non obsequentis, ab aliorum Christianorum cœtu, per excommunicationem, vel alias; sed etiam Christum, liberam, ac apertam reliquisse ianuam, vt cum contumace fratre, (ne delictum eius remaneret impunitum) alius teneretur agendi modus, etiam extra Ecclesiam, ius, ac iustitiam contra illum postulando, esto illustre exemplum Pauli Samosatani ab Ecclesia, propriaq; domo, insignis expulsio, quam Eusebius lib. 7. c. 30. Histor. Ecclesiasticae aeternae memoriae commendauit. Fuerat a Catholicis Episcopis in Antiochena Synodo, propter haeresim, a communione piorum eiectus, & Episcopatu priuatus Paulus Samosatenus; quo tempore Imperij regebat habenas Aurelianus Imperator, Idolorum cultui, si quis alius, supersticiosissime deditus, ac Christianae fidei acerrimus persecutor, Paulus considerans Imperatorem esse Ethnicum, ac inde praesumens, Ecclesiam coram eo haud vltius processu-

ram, Episcoporum, contempsit decretum; neque ab Ecclesiæ domo propria voluit abstinere. Tunc Catholici, ea ratione, Paulum sibi quasi Ethnicum, & publicanum, habuerunt; ut etiam Imperatorem ad eundem putarent, qui superbos illius conatus infringeret, Ecclesiæq; iudicium, ad effectum, sua reduceret auctoritate. Ergo rogatus sententiam Aurelianus, quamvis Ethnicus; intellexit tamen, haud sui muneris esse inter Episcopos iudicare. Et ecce ab impio Imperatore hoc sanctissimum emanavit decretum; ut illis domus ea adiudicaretur, quibus Episcopi Italiz & Urbis Romæ in dogmate concordēs, per litteras rescriberent, tribuendam.

Pauli Apostoli doctrina circa prædicta.

SED tempus iam, & occasio postulant, ut qualiter Apostolus Paulus hanc Evangelij theoriā ad praxim reduxerit, demonstremus. Is enim 1. ad Cor. c. 5. eum, precedente iā partim, (ut verosimile est) gradatione illa à Christo signata, crimina corrigendi, crimen cuiusdam incestuosi Corinthij ad Ecclesiæ aures, & notitiam pervenisset: neque interim Presbyterorum quispiam, ut par erat, quò Evangelicæ fieret satis disciplinæ, de eocuraret: Apostolus Corinthiorum Ecclesiæ legitimus iudex, breui, atq; acri tantæ negligentiz prævia reprehensione usus in Corinthios: sic contra criminis suam protulit verbis conceptis, diffinitivam sententiam; scribens illis: [Ego quidem absens corpore, præsens autem spiritu; iam iudicavi, ut præsens, eum, qui sic operatus est. In nomine Domini nostri IESV Christi congregatis vobis, & meo spiritu; in virtute Domini nostri IESV Christi, tradere huiusmodi hominem Sathanæ, in interitum carnis: ut spiritus salus sit in die Domini nostri IESV Christi.] Ecce Paulus disertè dicit, se non autem totam Corinthiorum Ecclesiam, scelestum illum hominem Sathanæ tradidisse. Neque dum aliqui ex Tertuliano in Apolegetico probare contendunt, usu fuisse receptum; ut in Christianorum congregationibus de peccantibus iudicaretur, aliquid aliud umquam probabunt, quàm coram multitudine; propter Ecclesiæ satisfactionem; sed non à tota multitudine, iudicia exerceri consuevisse.

Circa quem locum primò, pro Ecclesiæ declarata iudiciaria potestate, & ut intelligatur Paulus hic Corinthios percellere voluisse, quasi Christi Domini doctrinæ Matth. cap. 18. de corripiendis peccatoribus, vel immemores, vel contemptores essent; qui fratrem sceleratum Ecclesiæ iudicio non sisterent, ab eius Prælati, iuxta mensuram delicti, pro temporis ratione, cōdemnandum; audiendus est Augustinus lib. de Corrupt. & grat. cap. 16. dicens: [Neque enim viscera dilectionis maiora gesta- nus, quàm Paulus, qui docet 1. ad Thessal. cap. 1. Corripite inquietos: consolamini pusillanimes: suscipite infirmos: patientes estote ad omnes:

videte, ne quis malum pro malo alicui reddat: Vbi intelligendum est, tunc malum pro malo reddi, si corripendus non corripiatur, sed graui dissimulatione negligatur: (rara Augustini explicatio) Si peccauerit in te frater tuus, Matth. c. 18. corripe eum inter te, & ipsum: & seueritatem correptionis eo vsque perducit, vt dicat: si neque Ecclesiam audierit, sit tibi vt Ethnicus, & publicanus.] Ecce, Augustinus seueritatem correptionis delicti cuiusq; fratris, ad punitionem extendit illius, faciendam in tribunali Prælati, iudiciaria potestate: ostendens etiam, accusatorẽ proximo delinquenti inueniendum: nisi velit illius delicti conscius, & dissimulans, illi misero malum pro malo reddidisse. Et lib. de Vera, relig. c. 6. sic docet: [Sunt etiam in Ecclesia carnales quidam, idest, viuentes, aut sentientes carnaliter; quos tamquam paleas tolerat, quibus in area frumenta tutiora sunt: donec talibus tegminibus exuantur. Sed quia in hac area, pro voluntate, quisq; vel palea, vel frumentum est: tam diu sustinetur peccatum, aut error cuiuslibet, donec aut accusatorem, inueniat, aut prauam opinionem, pertinaci animositate, defendat. [Vbi pulchrè docet Augustinus, & apud Ecclesiam esse ius, fontes, & noxios, carnaliterq; viuentes, puniendi, ac deinceps, tam diu peccatum, aut errorem cuiuslibet sustineri, donec inueniat accusatorem. Inuenit ergo eum incestuosus hic Corinthius, vnde non debuit ab Ecclesia amplius tolerari.]

Est secundo aduertendum, qualiter initio nascentis Ecclesiæ (quando, vt in sequẽtibus fusè disputabimus, haud poterat, neque eã decebat, poenis corporalibus in peccantes, fontes, & noxios vt) simul atque accusati erant, & conuicti, tamquam putrida membra, ab Ecclesiæ corpore resecti, pro ea potestate, quæ data fuit Apostolis, & Ecclesiæ successuris Prælati, declarabatur, vt pro Ethnicis, & publicanis, iuxta Christi præceptum, haberentur. Itaque à fidelium communione reiciebantur, vnde dicebantur excommunicati, quod neque Christi, neque Sanctorum cum illis vlla merita communicarentur. Quamobrem, & à Sacramentis arcebantur, & eorum consuetudine pijs omnibus interdicebatur. Hoc, si quis rectè expendat, incomparabile erat damnum; tradebantur enim huiusmodi Sathanæ, qui cum & Christi meritis, & Ecclesiæ essent suffragijs destituti, plenam in eos, corporali etiam nonnumquam intercedente vexatione, accipiebat potestatem. Quà simili excommunicatione, quoties opus est, iuxta præscriptos Canones, Ecclesia in peccatores, ac nocentes, semper vti persueuerat: [Hoc nunc agit in Ecclesia excommunicatio,] dicit Augustinus, [quod agebat in veteri Testamento interfectio,] & alludit ad c. 37. & 39. Deuteronomio, ac, vt est apud Cyprianum, lib. 1. Epist. 11. [tunc gladio occidebantur, quando adhuc & circumcisio carnalis manebat: nunc autem, quia circumcisio spiritalis esse ad fideles Dei seruos cœpit, spiritali gladio superbi, & contumaces ne-

cantur:

cantur: dum ab Ecclesia eijciuntur: neque enim viuere foris possunt; cum domus Dei vna sit, & nemini salus nisi in Ecclesia esse possit. In disciplinatos autem perire, dum non audiunt (Ecclesiæ allusio ad verbum Christi: Si Ecclesiam non audierit:) neque obtemperant consilijs salubribus, testatur Scriptura, quæ dicit: Non diligit indisciplinatus castigantem se; qui autem oderunt correptionem, consumentur turpiter. Sic etiam scriptum legimus à Hieronymo Epist. 1. ad Heliod. [In veteri quidem lege, quicumque sacerdotibus, non obtemperasset, aut extra castra positus lapidabatur, aut gladio ceruicæ subiecta, contemptum expiabat cruore: nunc verò inobediens spirituali mucrone truncatur, aut eiectus de Ecclesia rabido Dæmone ore discerpitur.] Formidandum certè, neque aliquid aliud æquè homini Christiano tremendum, quàm à Christi corpore, quæ est Ecclesiæ, separari, & fieri tamquam Ethnicum, & publicanum: quod ex Augustino, contra aduers. legis & Prophet. cap. 17. multò grauius est, quàm si gladio feriretur, si flamma absumeretur, si focis subijceretur.]

Tertiò obseruandum est, id quod ex doctrina fundamentali Christi supra notabamus, in ijs omnibus, cum semper finem, quibuscumq. fratribus Christianis, & tandem Ecclesiæ Prælati præfixum esse debere; vt frater peccans omninò restituatur. Quamquam ergo hæc sit pœnarum grauissima, quoniam tamen, sicut summus Philosophus optimè docuit. 10. Ethic. [medicinæ quoque pœnæ sunt,] prædicta punitio, medicinæ prorsus causa, debet adhiberi. Numquam enim hæc animaduersione vtendum est; vt, qui è cœtu piorum eijcitur, perpetuò iam condemnatus, ac gehennæ supplicijs traditus prætendatur. Illud ergo magis propositum esse oportet Prælati, vt ad hunc modum castigatus, ad mentem aliquando suam redeat, atque ab eo, quo ligatus est, vinculo petat absolui: quod à Paulo loco præsentis discimus faciendum: [Iudeiani, inquit, tradere huiusmodi hominem Sathanæ, in interitum carnis; vt spiritus saluus sit, &c.] non ad spiritus, sed ad carnis interitum tradidit incestuosum hominem Sathanæ; hoc est, vt libido, tumor, superbia, contumacia, & si quæ erant alia carnis opera sic domarentur, ac penitus mortificarentur, quò ijs domicis, tantò minore negotio spiritus posset saluus fieri. Sic ad Thessalonicenses scribens idem Apostolus 1. cap. 7. [Quod si quis, inquit, non obedierit verbo nostro, per Epistolam hunc notate, & non commisceamini cum illo, vt confundatur: & nolite quasi inimicum existimare, sed corripite vt fratrem.] Ecce cui separationem indixit, dilectionem non præcidit, tali modo vetari eum volens, vt erubesceret, & ad mentem sanam esset aliquando rediturus. Quod si pudore correptus Christianus talis non fuerit, tunc ipse sibi causa est mortis, non is, qui sanatum eum, hoc remedij genere, cupiebat. Tandem docet Augustinus de Corrupt. & grat. cap. 15. [Corripiendo nihil

aliud agere nos debere: nisi vt ab illa pace, quæ est ad Deum, non recedatur, aut ad eum, qui recesserat reuertatur.]

Qualiter tamen, in hoc indiuiduo incestuosi illius Corinthij casu, hoc doceat idem Paulus 2. ad Corinth. c. 2. videamus. [Si quis autem, inquit, contristauit me; non me contristauit, sed ex parte: vt non onerem omnes vos. Sufficit illi, qui eiusmodi est, obiurgatio hæc, quæ sit à pluribus: ita vt è contrario magis donetis, & consolemini: ne fortè abundantiori tristitia absorbeat, qui eiusmodi est. Propter quod obsecro vos, vt confirmetis in illum charitatem, &c.] Ergo in vniuersum sic docuit Apostolus illud ex Deuter. c. 13. & 19. [Auferes malum de medio tui,] ad nostram Ecclesiam pertinere: vt eiectum ex illa propter peccatum, non oporteat negligere; quod Ezechiel cap. 34. in malis pastoribus damnat, dicens: [Quod eiectum erat, non reduxistis.] De quo habentur plur. apud Clementem, in Constit. Apostolicis, & maxime lib. 2. à cap. 12. & deinceps.

Quartò est ponderandum, simul, & grauissimam hanc esse Ecclesiæ aduersus delinquentes enormiter punitionem, & eam cum suis Prælatiis semper, in animi præparatione, fuisse præptam, vt nedum spiritualibus poenis, verum etiam corporalibus, cum maiores vires colligeret, vteretur. Hæc est doctrina antiquorum Patrum multorum, & inter eos Urbani Pontificis & sanctissimi Martyris, qui prohibens Epist. decretali, ne facultates Ecclesiæ in alios raperentur vsus conuertendæ, (de quo inferius multus erit nobis sermo) diripienti eas cuiusque excommunicationem minatus: [Hæc, inquit, fratres valdè cauenda sunt, & timenda; quia res Ecclesiæ, non quasi propriæ, sed vt communes, & Domino oblata; cum summo timore, non in alios, quam in præfatos vsus, fideliter sunt dispensandæ: ne sacrilegij reatuni incurrant, qui eas inde abstrahunt; vbi traditæ sunt, in poenam, & mortem Ananias & Saphiræ incurrant: & (quod peius est) anathema, maranatha fiant: & si non corpore, vt Ananias, & Saphyra mortui ceciderint, anima tamen, quæ potior est corpore, mortua, & à consortio fidelium aliena, cadat, & in profundum barathri labatur. Vnde attendendum est omnibus, & fideliter custodiendum, & vsurpationis illius contumelia depellenda; ne prædicia, vsibus sacrorum caelestium dedicata, à quibusdam irrudentibus vexentur. Quod si quis fecerit, post debitæ ultionis acrimoniam, quæ erga sacrilegos iure promenda est, perpetua damnatur infamia, & carceri tradatur, aut exilio perpetuæ deportationis seruetur: quoniam iuxta Apostolum, tradere oportet huiusmodi hominem Sathanz.] 17. q. 4.

Quintò est valdè considerandum, qualiter post latam sententiam illam, Corinthijs in eodem capite scribat Paulus: vt iam nimium contumax sit, oporteat, qui Ecclesiæ, assertam à nobis iudiciariam potestatem, amplius audeat denegare. [Scripsi vobis, inquit, in Epistola de

commisceamini fornicarijs; non utique fornicarijs huius mundi, aut auaris, aut rapacibus, aut Idolis seruientibus; alioquin debueratis de hoc mundo exisse. Nunc autem scripsi vobis, non commisceri, si is qui frater nominatur inter vos, est fornicator, aut auarus, aut Idolis seruientis, aut maledicus, aut ebriosus, aut rapax; cum eiusmodi, neque cibum sumere. Quid enim mihi de ijs, qui foris sunt iudicare? Nonne de ijs, qui intus sunt, vos iudicatis? Nam eos, qui foris sunt, Deus iudicabit. Auferte malum de medio vestri.] Ecce de quibus criminibus docet expressè Paulus, iudicium ad Ecclesiæ legitimos Prælatos pertinere: ac idem, de ceteris omnibus delictis inter Christianos accidentibus, iudicium ferendum est. Manifestè igitur docet Paulus in Ecclesia esse Politiam, & facultatem iudiciariam, qua; criminum inter Christianos grassationi, eatur obuiam; siue inter Principes seculares Ethnicos, siue inter Catholicos, ac sui generis Principes conuersetur: eorum interim nihil præiudicando ditionibus, si de criminosis velint cognoscere Christianis; sed Christi Domini explicando Euangelium, quo docuit, siue Principes, in continendis in officio suis subditis, sint negligentes, & uercores, siue præsent in sollicitudine, eam tamen Ecclesiæ esse maiestatem, ut interna gaudeat, ab ipso Christo sibi concessa, facultate, ac potestate: ut, per iudicium suorum Prælatorum legitimum, auferre possit malum de medio sui: ad quod Paulus Corinthiorum Ecclesiam, & in illa ceteras per orbem Ecclesias hortabatur.

Ex eodem Paulo dicta confirmantur.

TAMDEM hanc quam versamus, & reuersamus doctrinam: tradidit idem Apostolus 2. ad Corinth. cap: 13. & est mirum, quo exordio ad illam tradendam fuerit usus. [An experimentum queritis, inquit, eius qui in me loquitur Christus? Qui in vobis non infirmatur, sed potens est in vobis, &c.] Christi ipsius, se profitetur doctrinam illis expositurum, certus, & Christum per eius loquos: & certus, ipsum Christum adeo potenter in Corinthiorum regnare cordibus, per fidem: ut certissime crederent, & in Paulo loqui Christum, & ad ipsos loqui Christum: & certus, pijsissima affectione Christi sermonem esse suscepturos. Capite ergo præcedenti, dum, de quibusdam ab eis commissis delictis, ageret, per penitentiam nondum purgatis, sic scripserat: [Ecce iam tertio hoc paratus sum venire ad vos, & non ero grauis vobis.] & infra; [Omnia enim, charissimi, propter ædificationem vestram. Timeo enim, ne cum venero, non quales volo inueniam vos; & ego inueniar a vobis, qualem non vultis: ne forte contentiones, emulationes, animositates, dissensiones, detractiones, susurrations, inflationes, seditiones sint inter vos: ne itrum cum venero humiliet me Deus, apud vos, & luceam in multos ex ijs, qui præcauerunt,] & non egerunt penitentiam super im-

munditia, & fornicatione, & impudicitia, quam gesserunt.] Pergit iam Apostolus dicto cap. vltimo significando Corinthijs instantem suum adueptum, ad castiganda præfata illorum delicta, sic scribens: [Ecce hoc tertiò venio ad vos: in ore duorum, vel trium testium stabit omne verbum. Prædixi enim, & prædico, vt præfens vobis, & nunc absens ijs, qui peccauerunt, & ceteris omnibus, quoniam si venero iterum, non parcam.] & infra: [Non enim possumus aliquid aduersus veritatem, sed pro veritate:] & infra: [Hoc & oramus vestram consummationem: ideo hoc absens scribo, vt non præfens darius agam: secundum potestatem, quam Dominus dedic mihi in ædificationem, & non in destructionem.]

Quo loco primò obseruatione dignum est, Paulum minari se vltorem criminum, ac iudicem ad Corinthios venturum: neque interim illis se futurum grauem: Episcopus namque, & Ecclesiasticus Prælatus, ad præscriptam legis Euangelicæ normam, actiones dirigens ad iurisdictionem Ecclesiasticam pertinentes, neque actiue, præter functionis suæ executionem, vlli esse grauis, neque passiue ab vlllo subditorum debet grauis iudicari: hæc enim omnia præmittit Paulus, ad ædificium Ecclesiæ factum, & rectum seruandum, ab eo scire præstanda, ad subditorum, videlicet, ædificationem.

Præcauet secundo Apostolus, & sibi veretur, ea apud Corinthios peccata reperienda, quæ ipsum apud Deum humilient, cui quasi vadem se præstiterat, illam nuperam ad Christianismum conuersam gentem talia crimina neutiquam admissuram. Ecce Christiani gregis transgressio, & superbia, humilitas est pastoris.

Memor tertiò Euangelicæ doctrinæ, quam explicauimus, Matth. cap. 18.: securos reddit Corinthios, eius Auctorem Christum Dominum eandem per eius os denuo docere: cum ipse testetur ad Galat. c. 1. se Euangelium per reuelationem Iesu Christi didicisse: vnde ipsismet verbis Christi conceptis addit: [In ore duorum vel trium testium stabit omne verbum:] Corinthijs ad memoriam reducens, vt iuxta Christi institutum, ac iuxta quod illos præmonuerat, ac instruxerat 1. ad eos Epist. cap. 6. (de quo loco statim erit sermo) coram sapientibus vno, vel duobus Presbyteris, offensionibus, litibus, transgressionibus finem imponerent, salutari, leni, æqua, ac charitatem spirante penitentia, eam commiseritis. adhibita.

Prædicatione hac quarto rem omnem concludit: vt si nec per secretam correctionem, neque per sapientes Presbyteros, duobus vel tribus interuenientibus testibus, quæstiones, & offensiones apud illos excitatæ, componerentur, sibi persuaderent, ad vltimum esse remedium accedendum; vt Ecclesiæ dictæ, eius, videlicet, Prælato ipsi Paulo sigillatim propositæ, apud earum auctores, criminososque conuictos, inueniretur qua

lis ipſi nollent; iudex ſcilicet, durius agens, prædicta peccata promiſcùè ſiue ſecularia, ſiue Eccleſiaſtica; tam in ſecularibus, quàm in Eccleſiaſticis, rigoroſius caltigando. Quod omne ſe effecturum ſubiungit, protuenda, & ad praxim reducenda Euangelica veritate, contra quam nihil poſſet, & pro qua ſe eſſe potentem, ad quidvis iuſtè efficiendum, ſentiebat.

Quinto, ne aliquis animo conciperet, Paulum, aut Chriſtum per eius os loquentem, ditioni ſecularium ludicum inſidiari, vel à Magiſtratum ciuiliū ordinibus vires auferre, vel eas modo enervare quocumque, addit. [Hoc & oramus veſtram conſummationem:] eſt ſenſus, hoc oramus veſtram coagmentationem, veſtram Politiam, Euangelica vivendi, degendi, regendi, ac gubernandi Rempublicam Chriſtianam, ratione, numeris abſolutam omnibus, & quæ eius profeſſores reddit omnino conſummatos; nulla interim exſpectata Principum ſecularium in Chriſtianos directione: cum ipſi internè, ex vi legis Euangelicæ, ſufficientiſſimè habeant, vnde moraliter ac Politicè, abſque vel Principum, vel publicæ rei, vel Chriſtiani ſtatu fraude, iuſtè valeant gubernari. Id enim ſignificat nomen *καταρτισμός* Græcè ab Apoſtolo hic poſitum, coagmentationem, videlicet, perfectam, ac conſumatam. Et hoc omne, & propono, & oro, concludit Apoſtoloſ, [ſecundum poteſtatem, quâ Dominus dedit mihi in ædificationem, & non in deſtructionem;] id eſt iuxta eam facultatem, quam à Chriſto Domino omnes Eccleſiaſtici recipere Prælati, vt cum circa Chriſtianorum tranſgreſſiones, ſeu lites, percurſis alijs præcurrentis, ſuam ipſi eſſent laturi ſententiam: ea illam cautione proferrent, vt ſi minus audirentur, eſſet integrum vel ipſi Eccleſiæ, ſi rei eſſet communis, vel cuiſcumque Chriſtiano, propter aliterius inobedientiam, vim patienti, ad Magiſtratus ſecularis legitimum tribunal prouocare.

Ex eodem Apoſtolo comprobantur prædicta.

HA NC huius loci expoſitionem, & totam ſubiectam materiam, de qua eſt noſter multus inſtitutus ſermo, confirmat idem Apoſtoloſ, tribuens ſic ad Ephēſios, cap. 4. de hac Politica Chriſtiana inſtitutione. Et ipſe (loquitur de Chriſto) dedit quosdam quidem Apoſtoloſ, quosdam autem Prophetas, alios verò Euangeliſtas, alios autem Paſtores & Doctores ad conſummationem Sanctorum, in opus miniſterij, in ædificationem corporis Chriſti; donec occurramus omnes in unitatem fidei, & agnitionem filij Dei. Quo loco oportet, meminereſ regule Ticonij, ab antiquis Patribus ſatis commendatæ, de duplici corpore Chriſti, reali & vero, de quo hic non agebat Paulus, & myſtico, tota videlicet, Eccleſia, cuius caput eſt Chriſtus, de quo loquebatur: quod corpus per omnem iuncturam ſubminiſtrationis, vt habetur infra co-

dem cap. compingendum erat ex duobus his statibus, videlicet, seculari, qui Apostolos exciperet; qui ex eodem Paulo 2. ad Corinth. cap. 5. legatione pro Christo per mundum vniuersum fungebantur; vt Deo reconciliaretur: audiret Prophetas lingvarum donis diuites legationem illam explicantes; crederet Euangelistis Christi Domini gesta enarrantibus; Pastoribus denique, idest, Prælati docentibus, & exequentibus Christianam iurisdictionem præmio ac pœna contentam, obtemperaret: item & ex alio statu, Ecclesiastico, videlicet, excellentiori, qui ex præfatis Apostolis, Prophetis, Euangelistis, ac Pastoribus & Doctoribus erat integrandus: quod corpus sic compactum, ac connexum, vel corporis Christi mystici ædificium, & augebatur, & erigebatur, & surgebat ad consummationem Sanctorum: (Sancti appellabantur fideles, nascentis Ecclesiæ initio: de quo infra fuse dicemus 3. parte). Est sensus vltimus huius loci, vt Sancti, & fideles, per eorum regimen, & instructionem, consummati, & perfecti euadant; est sensus primus litteræ, ad consummationem Sanctorum, idest, vt habeat Ecclesia coagmentationem integram, atque perfectam corporis, etiam Politico regimine iusto firmoq; constantis; idem enim hoc significat dictum verbum Græcè appositum, καταρτισμός: quo alludit Paulus, sibi similis, ad locum 2. ad Corinth. c. 13. [Oramus vestram καταρτισιν, idest, consummationem. Vnde ad maiorem explicationem addidit, [in opus ministerij,] idest, ad omnem administrandam in Ecclesia superioritatis rationem.

Verbum enim ministrandi, & ministri, & ministerij, est in Euangelio verbum conceptum, à Christo Domino singulari captum ratione, & ab eius Apostolis intellectum, cum aperuit illis sensum, vt intelligerent, & Scripturas, & multa, quæ illos primò docuerat, & adhuc ab eis ignorata, post illius à mortuis resurrectionem, plenissimè perceperunt. Significat ergo Euangelico vsu minister, ministerium, & ministrare, superioritatem prælationem, & eius exercitium: quo verbo vsus fuit Christus, vt, qualis deberet esse omnis in Ecclesia domini, ac prælationis ratio, Ecclesiasticos doceret futuros Prælatos, quæ ministerium, omnem videlicet humilitatem, præferret: de quo erit infra fusiùs agendum. Sic factus fuit Christus Matth. cap. 20. & Marc. cap. 10. [Filius hominis non venit ministrari, sed ministrare, & Luc. cap. 19. [Quis maior est, qui recumbit, an, qui ministrat? Ego autem in medio vestrum sum, sicut qui ministrat. [Sic Paulus loquitur ad Rom. c. 4. [Sic nos existimet homo, vt ministros Christi, &c.] & 2. ad Corinth. cap. 3. [Qui idoneos nos fecit ministros noui testamenti, &c.] & alibi sæpe. Act. cap. 1. successorem Matthiæ, in Apostolatus dignitatem, appellarunt, ministerium, reliqui Apostoli, sic de Iuda loquentes. [Qui sortitus erat sortem ministerij huius.] de Matthia autem: [ostende quem elegeris ex his duobus accipere locum ministerij huius, & Apostolatus, &c.] quo verbo sæpe ad

hoc propositum videtur Paulus: ut cum Timotheum exhortatur, ut partes integerrime præstet Prælati, siue humilitate, siue seueritate sit opus, sic scripsit. 2. ad illum cap. 4. [Ministerium tuum imple.] Ergo hinc clare perspicitur, Apostolum, cum dixit, [ad consummationem Sanctorum; in opus ministerij:] hoc omnino voluisse significare, Apostolos, & reliquos ibi nominatos, attributos fuisse à Christo Legislatore Ecclesiæ, ut in ea regiminis, siue spiritualis, siue corporalis, temporalis, ac ciuilis, ratio constaret; ut illi adesset Cælestis, Politica, & terrena constitutio, ad Christianos homines moraliter, ac ciuilitè bonos efficiendos, & ad finem supernaturalem, sibi per Euangelium ostensum, destinandos. Hinc ipse Apostolus tantæ suæ, & Prælatorum Ecclesiæ, ciuilis potestatis memor, Timotheum 1. ad illū. c. 5. sic, ad eam exercendam, exhortatur. [Peccantes, id est cōuictos, corā omnibus argue: ut & ceteri timorem habeant.] & 2. cap. 4. [Argue, obsecra, increpa, in omni patientia, & doctrina.] Et ad Tit. cap. 2. [Hæc loquere, & exhortare, & argue cum omni imperio. Nemo te contemnat.]

Insignis locus Pauli pro eadem doctrina.

IMMO tanta Euangelij tuba, & in eo cōtentæ Politicæ facultatis annuntiatrice buccina, idem Paulus, solita sua, in grauioribus causis, dicendi vsus Apostolica *ραββία*, libertate, scilicet, (quam Latinus Interpretes ad Ephes. cap. 3. fiduciam, transtulit) sic ad Corinthios scripsit, 1. cap. 6. quem locum consultò hucusque afferre distulimus. [Audet aliquis vestrum, habens negotium aduersus alterum, iudicari apud iniquos, & non apud sanctos? An nescitis, quoniam Sancti de hoc mundo iudicabunt? Et si in vobis iudicabitur mundus, indigni estis, qui de minimis iudicetis? Nescitis quoniam Angelos iudicabimus? quanto magis secularia? Secularia igitur iudicia si habueritis, contemptibiles, qui sunt in Ecclesia, illos constituite ad iudicandum. Ad verecundiam vestram dico. Sic non est inter vos sapiens quisquam, qui possit iudicare inter fratrem suum? Sed frater cum fratre iudicio contendit, & hoc apud infideles?]

Insignis locus! circa quem aliquantulum immorabimur, dum prius illum hac Paraphrasi, ex Doctoribus deprompta Catholicis, illustremus. Optassem quidem Corinthij, inquit Paulus, factum meum apud vos, dum incestuosum hominem, in vestro repertum coetu, ab eo seiunctum Sathanæ tradidi, lata super negotio iudiciali sententia, eam legis rationem subiisse: ut nihil apud vos certiùs constaret, quàm Prælatos à Christo super vos constitutos, illam ab ipso suscepisse potestatem, ut ab eis, secluso seculari tribunali quocumque, de Christianorum causis iudicaretur. Optassem & vestris animis humiter insedisse, ex vi mei ad vos directi præcepti, fuisse adstrictos, cum fratribus, per sententiam

excommunicationis, nominatis fornicatoribus, avaris, Idolis seruientibus, maledicis, ebriosis, rapacibus, nulla vti communione; quos vestrorum Presbyterorum sapientum, ad id electorum, & meo stare iudicio necessum est: cum erga criminosos alios, qui Christo, eiusque legi nemina non dederunt, vt, qui Dei iudicio reseruari sint, nullam prorsus nos habeamus de illis iudicandi facultatem. Hæc omnia præcedenti conclusa huius Epistolæ capite, & gesta fuisse per me; ea Christo Domino faciente, & esse dicta per me, eo in me loquente, quoties oportuerit, vel vobis libuerit, experimento comprobabo. Maius tamen iam mihi vobiscum negotium hoc capite intercedit; neque vel insolentis possum vos audaciter excusare crimine, quod Ecclesia constanti, clara, & nobis prædicata, nec vobis vlllo modo incognita, sprete Politia, quæ in promptu est; quarumcumque materiarum, ad vsus humanæ vitæ pertinentium, litigia compefcere, Christiana quæ cum & lenitate, & æquitate componere, in ius frater fratrem vocet, causam dicturum apud seculare forum, eumque iudicio sistat, apud infideles iudicandum Magistratus, & non apud Christianos, ac fideles homines, iudices assignatos. An ignoratis, quoniam Christi fideles constituti sunt iudices infidelibus, ac huius mundi sectatoribus: siue in præsentiarum innocentia sua vita, ad illorum comparata, impiam, ac sceleratam, corruptamque conuersationem; Christiani enim, ac iusti mundo mortui, & vitam suam absconditam cum Christo seruantes in Deo, impios, mundo solum viuos, perpetuo condemnant: siue quia in posterum, extremo adueniente iudicio, peccatores, videntes, & irascētes, iudicio approbationis damnabunt, læti super eorum sanguinem manus lauantes, ac eorum vindictam intuentes.

Quod si homines carnales, ac suis traditi desiderijs, quales sunt infideles, inter quos conuersamini, estis iudicaturi, indigni ne eritis, qui inter vos de negotijs minimis, pecunias, vel similitum rerum questiones tangentibus, iudicetis? vel certè, indigni estis prorsus abiecto illo Gentilium foro, in quo ij sunt digni iudicari, qui eisdem, cum in eo iudicantibus, virijs inuoluuntur. Quid dixerim, vos esse à Christi & fide, & moribus deviantium iudices constitutos? hucusque ad vestram non peruenit notitiam, Angelos ipsos, qui Principatum suum non seruauerunt, suumque deseruerunt domicilium, sanctorum Christianorum esse iudicio subiectos? vel dum totum Ecclesiæ corpus mysticum, per Christum suum Caput, eos iudicabit, qui est à patre, & hominum, & Angelorum Caput, & Iudex constitutus: vel dum, immaculata vita, Christiani humiles illorum damnant superbiam, contra Deum, quem perpetuo prosequuntur odio, semper ascendentem. Quanto ergo potiori ratione idonei sumus, cōtentiones, & rixas, de vitæ necessarijs, inter nos ortas dissoluere? Perstet igitur deinceps apud vos hoc firmum; vt si ne-

esse fuerit eiusmodi iudicia introducere, eorū quæ ad cōmunem hominū vsum pertinet, ipsos abiectiones ex vestro coetu homines, ad ea decidenda, præficiatis. Sit dictum hoc à me, vt vos pudore suffundam: quasi non sit in tantā Christianorum congregatione, qui componere inter vos nulliusmodi litigia norit: vñ opus sit Christianum fratrem, cūm litem fratri intendit Christiana, quod excusari omnino voluissemus, eam in foro seculari iudicium infidelium contestari? Hæc, consultis Pauli Enarratoribus, suæ doctrinæ videtur consona interpretatio.

Absterge primò omnium, vt Apostolus, qui obedientiam versùs superiores Potestates, Christi imitator, sæpius Christianis inculcabat, voluerit ciuili, & seculari Magistratui derogare, vel ab illo, per vim, tribunal cognitionis secularium causarum, inter Christianos suborietur, ad Ecclesiasticos transferri iudices: etiamsi Principes seculares à Christiana essent alieni disciplina. Nouerat enim optimè, iudiciariam potestatem Ecclesiasticis Prælatiis fuisse collatam, vt Politicum seculare regnum noluerit Christus Dominus esse sublatum: nam idem ipse, quæ sunt Cæsaris, Cæsari: Matth. cap. 22. & ipse Paulus ad Romanos cap. 13. Principibus, vestigal, & tributum esse reddenda, præceperunt. Titumque Epist. ad eum cap. 3. docuit, vt suaderet Christianis, subditos esse Principibus, & Potestatibus: quod & Petrus præcipit 1. Epist. cap. 2. cūm dicit, [Subditi estote omni humanæ Creaturæ, propter Deum siue Regi, quali præcellēti, &c.] & paulo post. [Deum time, regem honorificæ.] Sed expressè rubore affectu Paulus Corinthios, eo quod, contempta legis Christianæ directione, & diuina ordinatione, qua Christus instituit, vt fraternā, vel amicabiliter, vel tandem paternè per Prælatos Ecclesiæ, quæstiones, & lites Christianorum componerentur, & iudicaretur, ea vellent, Ethnico more, & rigore, apud infideles iudices agitare.

Nam in reliquis, priores illi Ecclesiæ Patres, Iustinus Apolog. 2. Clementis Alexandrinus 4. lib. Stromat. & Augustinus Epist. 5. & 54. & super Psalm. 118. conc. 31. in id valde laborarunt; vt Ethnicæ, immo seculari Potestati persuaderent, Christianos seculares, illius tribunal, in secularibus causis non solum non contemnere, aut subterfugere, immo quoties, seruata lege Euangelica, opus esset, ab illo iustitiæ ciuilis cōgruam administrationem expectare.

Secundò est inspicendum, quod contemptibiles Christianos, idest, infimos, & abiectiones, censuit Paulus digniores & aptiores, qui lites finirent summarie, ex æquo & bono, & apud quos, nobiliores Christiani causam dicerent, cum charitate audiendi, quàm peritissimos, vel eminetissimos Vlpianos, Tribonianos, &c. in iuris prudentia iudices infideles, de eis secundum iustitiæ rigorosos apices, decisuros. Hoc & Theodoretus super hunc locum adnotauit. Et hoc de industria addidit

Paulus, ut Christianos puererent à litigando: nam aliàs omnino ad aliquem sapientem voluit iudicium illud, quasi arbitrarium, reduci: illius absque dubio Christi doctrinæ fectator, & interpres: [Si te non audierit, adhibe tecum unum, vel duos: ut in ore duorum, vel trium testium,] negotium quodcumque breuiter, ac faciliè transigeretur. Notat autem Ambrosius super hunc locum, nullam hic à Paulo fieri mentionem Episcoporum; cum tam ex ipsius mente; & facto, quam ex Christi præcepto, ad Ecclesiæ Prælatos, Episcopos videlicet, præcipuè huius iurisdictionis exercitium pertineret; sed fratrem iudicem eligendum scripsisse: quia certè adhuc Corinthiorum Ecclesiæ non erat rector Episcopus ordinatus. Licet ex Augustino infra, morem alium, dictos iudices assignandi, ex Apostolorum constitutione; simul producturi.

Sed omnino est hic audiendus Chrysostomus, sic super hunc locum scribens: [Cum hyperbole, & exsuperatione, nos volens docere: quòd quidquid sibi, non oporteat externis dare: mota, quæ videbatur esse, obiectione; ante eam soluit. Nam quod dicit, est huiusmodi. Fortasse dicet quispiam; nullum esse inter vos sapientem, neque qui ad discernendum, & indicandum sit idoneus, & quid tum? Nam etsi nullus, inquit, sit sapiens, vos minimis permittite.] & paulò infra: [Est enim admodum turpe, si ne fratribus quidem Sacerdos possit esse auctor reconciliationis: sed necesse sit, recurrere ad externos. Quamobrem dicens, [contemptibiles, qui sunt,] non hoc dicit præcipuè, quòd oporteat eos, qui sunt abiecti constituere: sed eos tangens; nam quòd eos, qui possunt discernere, ac iudicare, præmittere oporteat, significauit dicens, sic nec est inter vos sapiens quisquam.]

Est teritiò aduertendum, quàm miro Dei consilio, quàm maxima eius providentia effectum sit: ut dum Paulus in vna Corinthiorum Ecclesiâ collapsam iam restituere conatus fuit Euangelicam disciplinam, quid in posterum esset agendum circa similia, vniuersam, per orbem, Ecclesiam informaret. Erat quidem res magni ponderis, in Ecclesia iudicii tribunal erigere, quòtamen ipsa, cum eodem Apostolo, potius carere posse, voris omnibus exoptasset. Si enim omnes Christi fideles, ex æquo, eam, qua semel erant imbuti, excoluissent Euangelicam plebarem, incassum, ad eorum lites dirimendas, quodcumque fuisset tribunal constitutum. Et hoc est quòd dolebat ipse Paulus, hoc eodem loco, dum dixit, [Sed frater cum fratre iudicio contendit?] & infra: [Iam quidem omnino delictum est in vobis, quòd iudicia habetis inter vos. Quare non magis iniuriam accipitis? quare non magis fraudem patimini? Sed vos iniuriam facitis, & fraudatis, & hoc fratribus? &c.] Quo per Paulum considerato, & quòd essent semper futuri nonnulli Christiani rerum auidi temporalium, non tantum sua cupidè retinere volentes, verum & in aliena procaciter inhiantes, vel alijs se se similibus vi-

ijs contaminaturi; quod præsens illum experientia, apud vnum Corinthiacum populum, edocebat; opus fuit, Apostolum his consulere, & quod optimum reipublicæ Christianæ statum attinent, Christi inherendo estigijs, ordinare.

Quartò, haud dubitandum videtur, quin Apostolus, qui cetera humanæ conuiuens fragilitati, circa quæstionum, ac litium originem, ac prosecutionem, iuxta præsentis sui temporis statum, arguebat Corinthios, quòd secularia negotia ad Infideles deferrent Potestates, sanctos, fideles subterfugiendo arbitros, vel iudices: iuxta instantem Ecclesiæ statum, Christianos grauitè argueret, lites ex litibus, & caussas ex caussis, apud ciuilem serentes Potestatem, iisdem verbis, quibus Corinthios, ad verecundiam, obiurgauit. Nam de Ecclesiasticarum personarum caussis, ac prolixioribus litibus, acrius certissimè sentiret, & acerrimè fuisset proculdubio loquuturus.

SS. Patrum doctrina circa locum præfatum Pauli.

QUINTO, quid sancti Doctores, quid Patres antiqui de hac Apostolica doctrina senserint, paucis proponamus. S. Clemens Pontifex Epist. 1. sic habet ex ipsius Petri doctrina, & refertur 1. q. 1. [Si qui ex fratribus negotia habent inter se, apud cognitores seculi non iudicentur; sed apud Presbyteros Ecclesiæ, quidquid illud est, dirimatur; & omni modo obediant statutis eorum.] Item ibidem iniungit Petrus Clementi, vt secularibus commendet iudicandi munus inter laicos: [Quod inquit, non omnes ea facere scient, &c. à Diaconis discant, &c.] Et 2. c. 1. b. Constat. Apost. sic habet, c. 45. [Pulchra quidem Christiani hominis opus est, cum nemine litigare; sin autem alicuius opera, aut tentatione, uapiam factum fuerit, vt incidat ei lis, det operam, vt dirimatur; quāuis opus sit aliquid damni facere: ne adeat ad iudicium Gentilium: imo ne patiamini, vt seculares Magistratus de caussis vestris iudicent; per eos enim Diabolus studet, vt famulis Dei probrum etiam excitet: quasi non habeatis vos quempiam sapientem, qui possit inter vos iudicare, aut controuersias dirimere.] Et c. 46. sic habet. [Ne igitur disceptationes vestras Gentiles cognoscant, neque ad dicendum contra vos testimonium adhibeatur: neque ab eis iudicemini, &c.] Et c. 47. sic habet: [Fiant iudicia vestra secunda feria, vt si fuerit discessum à sententia, possitis liberè vsque ad Sabbatum sedare controuersiam, & pacificare disceptationes in diem Dominicum. Assistant autem iudicio Diaconi, & Presbyteri, qui, citra acceptationem personarum, tamquam homines Dei, iustè iudicent. Cum igitur vtraque persona, sicut lex iubet, in iudicium venerit, stabit vterque disceptantium in medio iudicio: quibus iudicatis, ferre sanctè, & incorruptè suffragia; & date operam, vt antequam Episcopus pronunciet, fiant amici; ne exeat Episcopi sententia,

super terram, contra eum, qui deliquit; quia habet sui, in tribunali, Christum Dei filium, iudicii comprobatores, & cognitores, &c.]

Anacletus Pontifex summus Epist. 1. decret. sic constituit: [Leges Ecclesie Apostolica firmamus auctoritate, & peregrina iudicia submouemus. Vnde & Dominus mentionem faciens Loth, per Moysen loquitur, dicens: Ingressus es quidem, inquiunt, ut advena, numquid ut iudices? Vnaqueque Prouincia, tam iuxta Ecclesie, quam iuxta seculi leges, suos debet iustos, & non iniquos, habere iudices: & non externos, nisi Apostolicę Sedis huius decreuerit auctoritas; quatenus quicumque, causam, habuerit, apud suos iudices iudicetur, & non ad alienos causas vagando, stimulante proteruia, suam despiciens patriam, transeat; sed ad duodecim eiusdem Prouincię iudices, ad quorum iudicium omnes causę ciuitatum referuntur, deferatur negotium. Si autem fuerit Ecclesiasticum, apud Episcopos, interueniente Primate, siquidem maior causa, fuerit: si verò minor, Metropolitano: si verò fuerit seculare, apud eiusdem ordinis viros, iudicio tamen Episcoporum: cum Apostolus, priuatorum Christianorum causas, magis Ecclesijs deferri, & ibidem sacerdotali iudicio, terminari voluit. Omnis enim oppressus liberè sacerdotum (si voluerit) appellet iudicium, & à nullo prohibeatur; sed ab his fulciatur, & liberetur.]

Alexander item I. Epist. 1. decret. & refertur 1. q. 1. c. Relatum. reprehendens sacerdotes Dei apud iudices publicos accusari, illudque prohibens, adiunxit: [Cum magis Apostolus Christianorum causas ad Ecclesias deferri, & ibi terminari præcipiat.] Qualiter autem horum Pontificum tempore, ex Pauli Apostoli doctrina, opus fuerit auctoritate Episcopi, in iudicandis secularibus causis, qui præerat Magistratibus laicis in iuredicundo Christianorum laicorum negotijs, & qua ratione, id fieret, dicemus infra 3. parte, argumento 3. principali.

Hieronymus Epist. ad Rusticum Narbonensem Episcopum, & habetur 95. d. Ecce ego sic ait: [Presbyteri verò ab initio iudices negotiorum, esse mandati sunt.]

De S. Ambrosio testatur Augustinus lib. 6. Confess. c. 3. tantum fuisse obrutum cognitione alienarum causarum, ut vix daretur ei resp. randi facultas: atque adeò, ut toto tempore, quo ipse Augustinus Mediolani resedit, numquam nactus sit Ambrosium ab his liberum, & otiosum: ut quod sæpius exoptauerat, mentis suę tricas, quę animum illius in diuersa distrahebant, prolixiori sermone, apud illum posset explicare.

Immo duę cõcurrebant rationes, ut Episcopi populi causas discuterēt, & iudicarent: vel, cum à dissidentibus inter se partibus, iudices eligerentur; vel, ut malè à secularibus iudicibus discussa, ac iudicata rescinderent, ac retractarent. Hoc innuit Anacletus nunc relatus, vltimis illis verbis: [Omnis enim oppressus liberè sacerdotum (si voluerit) appel-

let iudicium, &c.] Et de utroq; exstant apud Ambrosiū exempla, qui de
caussa, ex consensu partium, sibi delata, sic ait: Epist. 49. ad Marcel. Tom.
5. Rom. edit. [Cognoui autem, secundum sanz formam præceptionis, qua
me induit B. Apostoli auctoritas, & tuæ doctrinæ, & vitæ fama, ac disci-
plina. Nam cum ipse arguerem, quod adhuc inter vos maneret veterno-
sum iurgium, cognoscendi mihi necessitatem partes imposuerunt.] Di-
cit autem necessitatem, quod (vt paulò inferius repetet) Pauli Apostoli,
hæc præcipientis, mandato teneretur adstrictus. Rursum verò Magistra-
tum iniqua iudicia, immo & quæ Imperatorum iniusto essent firmata
rescripto, se irritasse testatur. de Offic. lib. 2. c. 29.

Augustinus ipse Epist. 87. ad Hieronymum, Tom. 2. sic scribit. [Quam-
quam negotiorum alienorum, eorumq; secularium, curis circumstemur
ingentibus, Epistolæ tuæ breuitati non facile ignoscerem, nisi cogitarem,
quam paucioribus verbis meis redderetur.] Et in Psalm. 118. conc. 24.
sic ait: [Maligni homines effragitant, aut certè infirmos premunt: vt
causas suas ad nos deferre compellant. Quibus dicere non audemus;
Dic homo, quis me constituit iudicem, aut diuisorem inter vos? Consti-
tuit enim talibus causis Ecclesiasticos Apostolus cognitores.] & paulò
post: [Igitur noscant obedientes fideles, qui pro suis secularibus causis
non raro nos quærunt, & iudicijs nostris facillimè acquiescunt; nec nos
contemnunt litigando; sed obtemperando potius consolantur.] Et scri-
bens ad Proculianum Donatistam, Epist. 147. de vnitæte, & concordia
Ecclesiæ procuranda; hæc subdit: [Et homines quidem causas suas se-
culares apud nos finire cupientes, quando eis necessarij fuerimus, sic nos
sanctos, & Dei seruos appellant: vt negotia terræ suæ peragant: aliquan-
do agamus & nos negotia salutis nostræ, & salutis ipsorum: nō de auro,
nō de argento, non de pecoribus, pro quibus rebus quotidie, submisso
capite, salutamur: sed vt dissensiones hominum terminemus.]

Attamen in libro, quem scripsit idem Augustinus, de Opere Monacho-
rum, c. 20. Episcopis eiusmodi iniunctum esse iudicium, testatur plenissi-
mè, cum ait: [Dominum IESVM, in cuius nomine securus hæc dico, te-
tem inuoco super animam meam; quoniam quantum attinet ad meum
commodū, multum mallem, per singulos dies, certis horis, quantum in be-
nè moderatis Monasterijs constitutum est, aliquid manibus operari, & cer-
tas horas habere ad legendum, & orandum, aut aliquid de diuinis lit-
teris agendum, liberis; quā tumultuosissimas perplexitates alienarum
causarum pati, de negotijs secularibus, vel iudicando, dirimendis; vel
interueniendo, præcidendis; quibus nos molestijs idem affixit Aposto-
lus, non vtique suo, sed eius, qui in eo loquebatur, arbitrio: quæ tamen
ipsum perpeffum esse non legimus. Aliter enim se habebat Apostolicus
eius discursus; nec dixit, secularia iudicia si habueritis, ad nos deferre,
aut nos constituite ad iudicandum; sed eos, qui contemptibiles sunt in

Ecclesia, eos, inquit, collocate. Ad reuerentiam vobis dico; sic non est inter vos quispiam sapiens, qui possit inter fratrem suum iudicare: sed cum fratre iudicatur, & hoc apud Infideles? Sapientes ergo qui in locis consistebant, fideles, & sanctos, non qui huc atque illuc, propter Euangelium discurrebant, talium negotiorum examinatores esse voluit; vnde numquam de illo scriptum est, quòd aliquando talibus vacauerit; à quibus nos cessare non possumus, etiamsi contempribiles sumus; quia & hos collocari voluit, si defecissent sapientes, potiùs quàm negotia Christianorum deferrentur in forum: quem tamen laborem non sine consolatione Domini suscipimus, pro spe vitæ æternæ: vt fructum feramus cum tolerantia: serui enim sumus eius Ecclesiæ, &c.]

Quòd si antiquiora euoluamus exempla, de Magno Gregorio Thaumaturgo Neocæsare in Ponto Episcopo, Decij temporibus, refert Gregorius Nyssenus Orat. ult. de eius rebus gestis, eum negotijs cognoscendarum causarum, litiumq; secularium definiendarum, fuisse satis implicitum, dum ait: [Nec secularium quidem, ac temporalium controuersiarum aliud vllum iudicium sibi magis ratum, ac firmum, maiorisq; auctoritatis esse probabant; sed omnis quæstio, disceptatioq; & omnis intricatus, difficilisq; negotiorum nexus, illius consilij, & admonitionibus resoluebatur, ac dirimebatur: vnde cum communiter vniuersis, tum singulis, illius beneficio, tam æquitas, rectaq; iuris constitutio, quàm pax erat.] Addit mox, de lite inter germanos oborta, occasione diuidendæ hereditatis paternæ, eiusdem arbitrio, ad eorum postulationem definienda; deque miraculo, ab eo tunc lata sententia, comprobata. Habetur etiam eiusdem grauis Epistola, à Græcis Canonica nuncupata, vbi inter alia refert, quòd discussurus de causâ eorum, qui bonis fuerant ab alijs spoliati, Euphrosynum misit, vt cognosceret ex legibus Ecclesiasticis, quorumnam accusationes essent recipiendæ, quorumue refutandæ.

Exstant, de hisce occupationibus, Episcoporum similes querelæ illis, quas ex Augustino retulimus. Sed antiquam illam, ac potissimam Synesij Ptolemaidis Cyrenensis Pentapolitanæ Prouinciæ in Aegypto Episcopi, confustò, vt postea videbitur, haud prætereundam ducimus. Fuerat homo Philosophus Gentilis; tùm Christianus effectus, inuitus licet, Episcopus fuit creatus. Cuius muneris dum integras obire partes, iudicandarum secularium causarum onere pressus, Episcopatu, si licuisset, se procurauit abdicare. Suam hanc mentem, tum multis alijs, tum maxime litteris contra Andronicum scriptis, quibus missionem petit, Epist. 57. hisce verbis declarauit: [Priscum seculum eosdem tulit sacerdotes, & iudices: nam & Aegyptij, & Hebræorum gens, multo tempore sacerdotes reges habuerunt. Deinde (vt mihi videtur) cum diuinum opus humano mod. perageretur; seiunxit Deus vitæ condiciones, & alius sacerdos,

alius

alius Dux effectus est: alios enim ad materiam direxit, alios sibi ipsi collocauit. Ordinatum quidem est, ut illi quidem in rerum negotijs, nos autem in precibus versaremur: quod verò bonum est, ab ambobus exigit Deus. Quid igitur reducis? Quid separatim à Deo coniungere conaris? qui neque ut gubernemus, sed falsò ut gubernemus expectis. quare quid miserius fieri potest? Opus est tibi Præfecto? ito ad procuratorem legum Reipublicæ. Opus habes aliqua re Deo? ito ad sacerdotem ciuitatis.] & infra. [Otio opus est ei, qui cum Philosophia sacerdotio fungitur. Non condemno Episcopos, qui in rerum negotijs versantur; sed magis miror eos, qui vtrumque possunt: mea facultas non est duobus dominis seruire. Si verò sunt aliqui, qui neque à condescensu leduntur, poterunt sanè & sacerdotio fungi, & ciuitatum Præfecti esse. Radius enim solis, si cum stercore versabitur, purus manet, non inquinatur: ego verò cum idem hoc fecero, fontibus & mari opus habeo.] Hæc cum multis, id genus, in Episcoporum conuentu Synesius perorauit; cum peteret missionem, quam reclamantibus, ac meliora sentientibus, & frequentibus in alia omnia euntibus, suis Coepiscopis, fuit numquam, consequutus.

Parergon de Ecclesiasticis Iudiciis, & Consultoribus.

QVO loco, siue per parergon; siue rei præsentis id exigit occasio; lectorem Christianum exoratum desideramus: ut primò attendat Synesium à secularibus negotijs, ut vidimus, abhorrentem, adhuc tamen cum necessitas imperauit, non tantum illa suscepisse, sed & ipsos Prouinciarum Præsides, in administratione iniuste se gerentes, acerrimo iudicio condemnasse. In Andronicum enim Præfectum Prouinciæ Pentapolitanæ, quod nonis, ac seuis cruciatibus in reos vteretur, quod edictum pro Ecclesiæ foribus affixisset, quod sacerdotibus grauius multa, fuisset comminatus, quodque plura alia enormia delicta perpetrasset: tum etiam in Tonantem, ibidem Magistratum iniquè administrantem, excommunicationis protulit sententiam, his verbis conceptam, quæ Epistolæ eius 58. habentur. quibus intelligi possit, quanta esset grauitas, auctoritas, & constantia sanctorum Episcoporum, in secularibus secularium, etiam Magistratum negotijs, à iustitiæ & iuris fontibus deuantibus: ut ea ad eos, rursus, cura sacerdotali, deriuarent.

Notetur secundò, Synesium modestia singulari, demissaq; humilitate postulasse à secularibus administrandis litibus, missionem: quasi in sua persona indiuiduè tantarum moles rerum, cum otio spirituali, ac occupationibus Deo ab ipso impendendis, locum non inueniret; eorum nihilominus Episcoporum exercitijs insigniter commendatis, qui vtrique parti & Deo, & proximis, in suis secularibus quæstionibus decidendis, satisfacere potuissent. Neque enim Synesius Christi, & eius Apostoli

Pauli expositam doctrinam ignorabat, plus ab Episcopis, quàm ipse præstare optabat, expetentem.

Adnotetur hinc tertio, illam Synesij distinctionem, scilicet, opus esse Præfecto, vel opus esse Deo, si rectè consideretur, fuisse ad propositum, quasi quandam subtilem, & Metaphysicam, aut cum melancholico spiritu coniunctam theoriam. Nam quia quando Christiano fratri opus erat Præfecto, ac Præside, in suo seculari discutiendo negotio, tùm maximè opus erat Deo: idcirco Christus, & per eum loquens Apostolus, voluerunt ad Ecclesiæ Prælatum, quasi ad Deum, in hisce quæstionibus esse confugiendum: cùm de Prælati iis scriptum sit: [Ego dixi dii estis.] [Psalm. 81.] ut legis Christianæ maiestas, & excellentia resfulgeret, quæ diuina ordinatione prouiderat, ut causæ illæ seculares breuiter, cum æquitate, & charitate, ab Episcopis, & Ecclesiæ Prælatiis, vel à Christianis bonis viris, per eos assignatis, discuterentur: quæ, apud seculares ciuilibus Potestatibus iudices, essent, vix multo labore præcedente, multo etiam tempore terminandæ.

Ponderetur quartò exemplum, de prisco seculo, à Synesio adductum; in quo apud Aegyptios, & Hebræos primò, in eandem personam, & sacerdotis & Regis, seu Ducis munera concurrebant, quæ postea fuerint à Deo in diuersas secreta personas, ad legis gratiæ, & noui Testamenti, sanguine Christi mortui, & postea perpetuò viuents, consecrati, comparisonem, non tenere. Haud enim eadem fuit ratio gratiæ Christi præstitæ, vel præstandæ: nam olim fidem Christi venturi profluentibus, cùm ad mensuram Spiritus sancti donaretur gratia, adueniente temporis plenitudine, Christoq; nobis à Patre dato, quomodo cum illo non omnia nobis donaret? Certè charitas eius diffusa fuit, in Apostolorum, & Prælatorum Ecclesiæ cordibus, per Spiritum sanctum illis cælitus missum: ut primitias illius habentes, & precibus vacare potentes essent, Deo quotidianis eas ab illis exactionibus petente, & precibus subditorum attenderent, secularia negotia, per ipsos componi, postulanti- bus. Sic ergo eos Christus voluit ex charitate Dei, orationibus interesse, ut rationibus Christianorum fratrum, ex eorum charitate, non deerent: certos eos reddens, se illis os, & sapientiam daturum; os, quò, Deo quasi coniuncti & mente, & corpore, diuinas illius laudes personarent: sapientiam, quò, hominibus quasi coniuncti miseris corq; in visceribus, eorum discussioni secularium causarum præualerent. Et hæc est etiam iustitia illa abundantior, quàm Pharisæorum, & scribarem si cõfesset, à Christo Domino, Matth. c. 5. Apostolis commendata. Hæc est etiam gratia abundans Christi, ab Apostolo sapius commemorata: est item iustitia nouæ legis excellentior, ac glorioꝝ legis antiquæ dispositionibus: de qua idem Paulus, 1. ad Corinth. c. 3. scripsit: [Nam si ministratio damnationis in gloria est, multò magis abundat ministratio iustitiæ

in gloria.] Hinc Augustinus, loco ultimo citatus, postquam, secundum inferiorem rationem, seculares has deplorauerat occupationes, iuxta Superiorem, quasi seipsum corrigens, ac imbuens gaudio, dicebat: [Quem tamen laborem non sine consolatione Domini suscipimus, pro spe vite eternæ: ut fructum feramus cum tolerantia; serui enim sumus eius Ecclesiæ.]

Intelligatur quintò, nihil esse facilius, quàm Rhetoricè de hac materia declamare: & hanc ornare eloquentiæ floribus propositionem, à Synesio, Epist. 57. prolatam, scilicet: [Ciuilem virtutem iungere cum sacerdotio velle, est miscere omnino non miscenda:] Quis enim ignorat, simili consideratione Cæsares, Principes, sacrosq; Canones Episcopis, Presbyteris, Diaconibus, Monachis, & alijs Ecclesiasticis personis, vacationem, & immunitatem à pluribus secularibus personalibus negotijs, & muneribus dedisse? ne essent, videlicet, circa diuina officia desides, ac humano more. (quod dixit Synesius) diuinum opus perageretur; immo ut, omnibus alijs derelictis, Dei Omnipotentis ministerijs insisterent. Vbi cumq; terrarum Christi nomen colitur, ut liquet ex Constit. Iustiniani, l. Generaliter sancimus. 52. C. de Episc. & Cler. data sunt iisdem immunitates à tutela, curatela, &c. ut & in c. Generaliter. 16. q. 1. c. Si cupis. c. De presentium. & c. Placuit. & c. Monachia Monasterio. ibi: c. Episcopus. 88. d. extra: per totum tit. Ne Cler. vel Monach. secul. neg. se immis. 21. q. 3. per totam. cap. 6. nonel. 123. C. de sanctiss. Episc. Hæc certè sunt loca communia, & quæ nullus, vel secularis, vel Ecclesiasticus, modò, quid ad cuiusvis status munia perfectè præstanda opus sit, intelligat, ignorabit. Et quid opus est, vel Synesio, vel quocumq; alio, vel Rhetore, vel Philosopho, aut Theologo, aut Politico, contra Ecclesiasticos, ut solos intra suos se contineant limites, declamante? Vnus pro omnibus Apostolus intonat Paulus, 1. ad Timoth. c. 2. dicens: [Nemo militans Deo, implicat se negotijs secularibus.] Terribilis, sicut brevis, propositio: immo quæ non solum Synesij videatur mentem, & doctrinam, confirmare, verum etiã totius à nobis, immo ab ipso Apostolo, & ab ipso Christo etiam supra alta, erectæ fabricæ, de Episcoporum potestate iudiciaria, circa seculares Christianorum causas, fundamenta conuellere.

Aliter tamen omnis se res habet: Spiritus enim sanctus sibi similis, quæ supra docuit, hic confirmat; & Apostolus ipse voluit Christi Domini, & prænarrati textus proprii, proprius existere Commentator. Aliud est ergo, (quod optamus maximè animaduerti) aliquem Ecclesiasticum, à Christo Domino, & ab Ecclesia eiusdem sponsa, negotijs decidendis secularibus implicari, aliud longè est, aliquem Ecclesiasticum, seipsum negotijs tractandis secularibus implicare. Et quidem quod ad verb. l. formalia Pauli pertinet, Græco idiomate sic loquitur: [Nemo militans

Deo *implicatus*, idest, implicatur negotijs secularibus:] quòd verò ad sensum spectat, optimè Latinus interpres, [*implicat se,*] transtulit, quasi vice commentarij, de illo absque dubio Apostolum loqui insinuans, qui neque à Christo, neque ab eius Ecclesia vocatus, dum Ecclesiasticis, ac religiosis munij obsequiis inharere debuisset, secularibus se immiscet, ingerit, intrudit, adeò, in sacris citatis Canonibus, reprobatis.

Accedant igitur Ecclesiastici docti, & pij intrepidi, Principum secularium, quoties eis vsu fuerit, (erit autem sæpius, si sapiunt, vt diximus,) consultationibus dirigendis, non Aristotelicam, non Liucam, non Tacitam spirantes Politicam consulendi rationem; sed expressam Dei legem, quæ consiliorum gubernaculum est futura. Accedant hausto alto, idest, ex Scripturæ sacræ, & Euangelij fontibus deriuato, spiritu ciuili, non vili, quæ sua sunt, non quæ Principum quæsituri. Accedant Christi IESV, qui manet heri, & hodie, & in perpetuum, gloria, non suo, tristi esu, quem destruet Deus, consilia metientes; & nihil dubitent, Apostoli Pauli textu dicto non comprehendi: immo certò sciant, tunc se, vt bonos milites Christi IESV, bonam militiam certaturos, cum à caelestibus proprijs otijs obtenta missione ad tempus, malicia præsentis diei, quæ, iam non sibi sufficiens, dies posteros conatur inficere, ciuilibus suis sanis consilijs, condescendant occursum.

Obseruetur hinc sextò, propter Synesij præfatam propositionem, & aliam Nicephori Gregoræ lib. 3. Histor. dicentis: [Non enim spiritualis contemplatio, & ciuilis administratio, vt plurimum, inter se iunguntur:] aliquos Ciuilis doctrinæ Tractatores, contra aliorum melius sentientium placitum, sensisse, Principum consilijs haud interesse debere viros sacros, religiososque, hoc est, legis eius peritos: quasi, qui sint ad deliberandum de ciuilibus, ac secularibus imperijs. Et quidem si hæc quæstio inter Ethnicos agitaretur, præiudicata sententia, ij causa caderent; Plinio in Panegy. sic rem decidente: [Nihil rectè, nihilque prouidenter homines sine Deorum immortalium ope, consilio, honore auspiciari:] Vnde sit consequens, ad auspicata consilia, eos, qui à Deorum secretis essent, eorum, videlicet, sacerdotes, cultores præcipuos, & ministros, fuisse in primis conuocandos. Attamen cum quæstio Christiani status Politicam tangat rationem, meminerint, oramus, Principes Christiani, Cyprianum in Epist. sic breuiter docuisse: [Consiliorum gubernaculum, lex diuina.] Ergo viros sacros, qui eam explicare norint, vt consilijs adhibeant suis est necesse: docente Ecclesiastico. c. 37. [Anima viri sancti enunciat aliquando vera, quàm septem circumspectiores sedentes in excelsis.] Quis ergo damnet, quasi inutilem, illam mixturam, qua ex viris, & secularibus, & Ecclesiasticis selectis consilium Christiani Principis coalescat: nisi qui velit eum, in deliberando à lege Dei insigniter aberrare? Quod si Ecclesiasticorum patrocinium, vt Monachi

Acciperemus, nihil indignum à nostro gereremus instituto. Haud tamen illo egent homines à Christo, & Apostolo Paulo selecti, quibus concederent vniuersæ Ecclesiæ ciuilia, ac secularia negotia iudicanda. Hi certè non erunt idonei, qui consiliis intersint Reipublicæ, qui Principum adhibeantur consultationibus, qui rogari de rebus ciuilibus mereantur?

Timent nihilominus aliqui ex pientioribus, ne Ecclesiastici, ac religiosi viri, distracti terrenis curis, cælestia deferant; cùm potius deberent sperare, quòd, addistrictos terrenis curis Principes, cælestia deferant, quæ suis consultationibus certam securitatem, ac præclaram afferant dignitatem. Metuunt etiam, ne terrena ipsa (cùm sit aliud illorum munus) satis commodè, aut decorè ab eis sint administranda. Quibus, cùm rationibus multis, & præcipuè cùm infinitis possemus satisfacere exemplis Ecclesiasticorum, qui res magnas, magnè, magni ipsi confecerunt: legant precamur, solùm quid temporibus difficillimis, Gregorius Papa VII. noster olim Monachus Benedictinus, pro Ecclesia, contra Imperatorum effecerit furias: & quid nudiustertius Pius Papa V. ex Dominicana quondam familia, contra Turcarum gesserit effirænem potentiam. Legant quid Bernardus, etiam Monachus noster, Abbas primùm, tota Hispania Monastico splendore celebris, Monasterij Regij SS. Facundi & Primitiui, & postea Archiepiscopus Toletanus seculo Ildefonsi Regis VI. & Franciscus Cardinalis Ximenez Cisneros Minorita primò, & deinde eiusdem Toletanæ Ecclesiæ Archiepiscopus, præcedenti seculo, bello paceque mira patrauerint: & videbunt, an commodè & decorè, cū opus est, terrenæ res ab Ecclesiasticis administrantur.

Sciant interim vniuersi Principes seculares, plura eorū imperia postquam Ecclesia respirare cœpit, Ecclesiasticorum fuisse consilij, ope, opibus, & manibus firmata, eorumque publicas res, armis etiam tutatas, moribus ornatas, emendatas legibus: uti tam ex profanis, quàm ex Ecclesiasticis constat Historijs, & ex sanctis Concilijs; & Prouincialibus præcipuè: in quarum, quorumque lectione parùm, & in electione minimùm, esse versatos oportet, novos quosdam Politicos Principum laicorum Monitores, qui ab illorum consultationibus, Ecclesiasticas personas, & maximè rerum vsu exercitas, & cum eis legem Dei, immò ipsum Deum, ipsi insigniter Athei, & optant, & cohortantur exulare.

Diluitur quadam obiectio.

VT tamen vnde digressa est, nostra reuertatur oratio, scrupulum eximamus ex lectoris mente oportet; qui nos arguet forsitan inconstantia: dum ex Ambrosio, ad Episcopos hanc iudiciariam potestatem Ecclesiæ ostendimus pertinere; ex Chrysostomo ad Sacerdotes ex

Clemente, & Anacleto ad quosdam iudices ab Episcopis constitutos; quæ varietatem arguere videntur; ac non firmum in Ecclesia iudiciorum secularium fuisse tribunal constitutum. Cui obiectioni respondemus, quomodocumque in pravi, usu, & exercitio se res habuerit, hoc iudicium, à Christo Ecclesiæ Prælati fuisse concessum, & contributum. Cumque nascentis Ecclesiæ initio, Presbyteri maiores natu illius eodem fere, quo Episcopi, gauderent honore, ac Prælati in suis paræcijs ceterorum existerent Christianorum, hanc iudiciariam potestatem exercebant. Deinde Episcopi, ut quibus haud vacaret moli tantorum interesse secularium negotiorum, dispartitis curis, in Presbyteros, Diaconos, & Archidiaconos eam sollicitudinem diuiserunt. Vltimo quid mirum, quod ubi pondere negotiorum premebantur, Deum timētes, & qui odissent auaritiam seculares, qui seculares deciderent quæstiones, iudices assignarent? quod cum ex Ecclesiâ, & eius Prælatorum fieret commissio-
ne, iudicium hoc, Ecclesiasticum, oportuit, semper existimari. Sed tertia parte inferius longiorem de hoc sermonem instituemus.

Ecclesiasticorum hoc iudicium tribunal adhuc ostenditur.

CVM plura verò possemus adducere sanctorum Patrum, ac Scripturæ sacræ Interpretū, & præcipuè huius Paulini loci, 1. ad Corinth. cap. 6. ne tadio lectori simus, hoc ex illis omnibus tandem colligimus: Episcopis impositam fuisse præcipuè necessitatem, causas quascumque Christianorum suarum Dioeceseon cognoscendi, & sine debito per se, vel, à se nominatos iudices, terminandi: si eorum iudicium dicti fideles postularent. Cui doctrinæ inherēdo Patres in concilio Triburien. anno Domini 895. celebrato, cap. 21. sic statuerunt: & habetur, 2. q. 5. cap. [Si quis Presbyter contra laicum, vel laicus contra Presbyterum, aliquam habet querimoniam controuersiam: Episcopo præcipiente, sine personarum acceptione, finiatur.] Quo loco Glossa, verbo, præcipiente. Sic habet. [Sed quare hic actor non sequitur forum rei; contra id 11 q. 1. Experientia, & C. de iurisd. omn. iud. in l. iuris ordinem? Sed dic quod loquitur secundum tempora, quando omnes causæ determinabantur ab Ecclesia: vt 11 q. 1. Relatum & q. 3. Cum apud.] Qui Canon, scilicet, Relatum. vt supra diximus, est Alexandri I. super quem Glossa, verbo, Christianorum. sic ait; [Hoc obtinuit, secundum primum statum Ecclesiæ: vt 2. q. 5. Si quis Presbyter. & 95. d. Ecce. Vnde adhuc secundum legem, si iudex secularis est suspectus, Episcopus ei adiungitur: vel causa transfertur ad iudicem Ecclesiasticum: vt in Authent. vt dif. in §. si tamen. Collat. 9. In criminalibus causis tamen, scilicet, sanguinis, non sunt Clerici iudices: 32. q. 6. His à quibus.]

Vbi minimè prætermittendum est, hanc praxim, lites inter Christianos dirimendi, appellatam fuisse, IVS APOSTOLICVM:

Immo cum eiusdem occasione, negotium quandoque partes facerent
ijs iudiciis Ecclesiasticis, quasi suas, in iure reddendo, non integras
præstitissent partes; Concilium Africanum, sub Bonifacii & Cælestini
summ. Pontificum habitum temporibus, sic Can. 26. statuit, ab Impera-
toribus postulandum: & est Canon notatu dignissimus.

Petendum etiam: ut statuere dignentur: ut si fortè in Ecclesia quam-
libet causam, IVRE APOSTOLICO Ecclesijs imposito, agere
voluerint: & fortasse decisio Clericorum vni parti displicuerit: non li-
ceat Clericum ad iudicium deuocari eum, qui cognitor, vel præsens
fuerit. Et nulla ad testimonium dicendum Ecclesiastici cuiuslibet perso-
na pulsetur.]

Ex eodem Paulo prædicta roborantur.

AD HVC tamen, hanc in Ecclesia esse iudiciariam potestatem, ex
ipso Apostolo probatur, qui alludens certissimè ad illum Psalmi
44. locum, hanc Christi, & eius Ecclesiæ potestatem inuenit, dum ibi
dicitur, [Virga directionis, virga regni tui;] & sciens huius virgæ
duplicem esse vsum, alium ad vlciscendum, alium verò ad docendum:
iuxta primum sic ipsos Corinthios, 2. Epist. c. 10. alloquitur: [In prom-
ptu habentes vlcisci omnem inobedientiam:] & in hac 1. Epist. cap. 4.
[Quid vultis? in virga veniam ad vos:] iuxta secundum verò statim sub-
dit, [an in charitate, & spiritu mansuetudinis?] De quibus locis, &
similibus, quia aliquis ea, ad meram spirituales eius potestatem, pos-
set detorquere, cum de eis inferius agemus, adhuc plurimus redibit
sermo, veritatem conclusionis confirmaturus.

Locus Euangelij, [Si peccauerit, &c.] ex Paulo Apostolo explicatur.

VLTIMO idem Apostolus interpres accedat loci Euangelici, ex
Matth. cap. 18. Ad Galat. enim scribens cap. 6. sic eos exhortatur.
[Fratres, si preoccupatus fuerit homo in aliquo delicto, vos qui spiri-
tuales estis, corripite huiusmodi in spiritu lenitatis: considerans te ip-
sum; ne & tu tenteris. Alter alterius onera portate: & sic adimplebi-
tis legem Christi.] Preoccupatum inducit Paulus Christianum fratrem
in delicto, Græcè, *προληψθῆ*, id est, si frater præsumitur, & existi-
matur esse in aliquo delicto, coniecturis, quæ id suadeant vehementi-
bus accedentibus; nolite statim illum, vel traducere, vel acriter ob-
iurgare; sed qui spirituales estis, huiusmodi leniter, ac mansuete in-
struite, similis proprii possibilis lapsus memores. Vel is omnino est sen-
sus, ex verbo Græco hic apposto, *καταγριψῆς*, quod significat, homi-
nem, animo perturbato, componere, ac sibi restituere. Si aliquis fra-
ter, antequam canere valeat, in delicto fuerit deprehensus, [cogido con
el hurto en las uenas,] dicitur Hispanè, vel, [cogido entre puertas,] Ita-

licè [*colto all'improvviso*,] nolite duriter illum reprehendere ; sed potius in spiritu lenitatis eum componite, qui estis spirituales Patres, ne acerbius obiurgatus, mentem, animumque despondeat : quo pacto, altero alterius onera sufferente, lex Christi est à vobis adimplenda.

In quo loco ad nostrum intentum, primò notandum est, Apostolum Paulum, nedum fratrem actu delinquentem, sed etiam illum, de quo, vehementi suspitione delictum præsumebatur ; docuisse, leniter, ex charitate, corripiendum : vel omninò, si fuisset actu in delicto inuentus, quasi non inuentus : ut qui voluisset præcauere, tamen non potuisset, quin aliqui fratres iniquum eius rescirent, & deprehenderent factum, ex eadem charitate mansueret, dixisse, corripiendum : ita tamen, ut hæc correptio ad spirituales Patres pertineret. Et merito quidem, nam cum res neque esset secreta, aut fratris adversum fratrem singularis, unde primæ scilicet Dominicæ ordinationis, scilicet, [*corripe eum inter te, & ipsum solum*,] non erat locus : sed neque secundæ, ut scilicet, unus, vel duo, de re deliberarent arbitri : quia præsumptum solum delictum esset : vel quia eo modo commissum, ut leni obiurgatione superioris Prælati potius, quàm, vel arbitrantium iudicio, vel alia maiori punitione, fratris emendatio sequeretur : dicti superiores Prælati soli talem delinquentem, in spiritu mansuetudinis, obiurgarent.

Secundò est advertendum loco verbi, spirituales, Græcè habere, *πνευματικοί*, quod est verbum ab Apostolo, & Ecclesia factum singulare, ac conceptum : per quod sacrum mysterium Sacramentalis auricularis confessionis, & Prælatorum, ac Superiorum in Ecclesia auctoritas nosceretur. Vocabantur enim Confessarii, quos nunc Patres etiam spirituales Hispanè vocamus. Pneumatici : vel ab effectu, quasi qui spiritum Christi in se haberent, quo insufflauit super Apostolos cum illis remittendi peccata contulit potestatem, Ioan. cap. 20. ad peccatorum, sibi confitentium, remittenda crimina ; vel Pneumatici dicebantur à causa ; videlicet, quia ad abluendas sordes animarum filiarum Sion, ex Isaia cap. 24. & sanguinem conscientiarum Iesuralem lauandum, de medio eius, iudiciosa, ac insigni charitate, spiritu scilicet iudicii, & spiritu ardoris, sicut indigebant, utebantur. Hæc ex Basilio Magno constant, qui illud, [*Alter alterius onera portate*,] quasi sit idem ac illud Iacobi Apostoli in sua Canonica cap. 5. [*Confitemini alterutrum peccata vestra* :] de confessione intellexit etiam Sacramentali, asserens verbum *ἑκἀκτου*, quod Latinus explicuit Interpres, portate, significare item, tollite, vel auferte, & facere sensum, alter alteri onera peccatorum, per Sacramentalem tollite, vel auferte, absolutionem : sed hoc Pneumatici, id est, Confessarii, ac spirituales Patres ad id deputati. Item Pneumatici dicebantur Presbyteri, in Ecclesia sapientes homines ad hoc electi munus, ut iuxta Apostoli præscriptum ad

Corinthios, sapienter causas Christianorum iudicant. Tertiò, est obseruandum iam strictè ad locum Euangelij, de quo est hucusque actum: eundem Basilium, sic ex hoc loco Pauli, illum explicare, Interrogatus enim, Interrog. 178. [Quid est, alter, alterius opera portare, & sic adimplebitis legem Christi? & qualem legem adimplebimus, si hoc faciamus? ait. Hoc inter nos onus vicissim alij ab alijs collimus, utque amputamus: quotiescumque operam damus, ut respiciant, qui peccant. Legem autem Domini adimplebimus, qui dicit, Non veni vocare iustos, sed peccatores ad penitentiam; ex Luc. cap. 8. & nobis, quid faceremus lege illa, precepit, cum dixit, Matth. c. 18. Si peccauerit in te frater tuus, vade, corripe eum inter te, & ipsum solum: si te audierit, lucratus es fratrem tuum.]

Idem Basilius Interrogat. 47. interrogans, [An aduersus peccantes dissimulatione uti conueniret? sic ait. Sanè, quòd hæc fieri non debeat, perspicuum est, ex præceptis Domini, qui, in veteri Testamento, dixerit: Corréptione corripies fratrem tuum: & non sumes, propter illum peccatum. In Euangelio autem Matth. cap. 18. Si peccauerit in te frater tuus, vade, corripe eum inter te, & ipsum solum: si te audierit, lucratus eris fratrem tuum, &c.] Et statim adhibitis exemplis Achán furis, & eorum, qui cum eo perierunt, Josue cap. 7. & Heli Sacerdotis, 1. Reg. cap. 2. non meritis penas de filiis peccatoribus sumentis, ideoque morte puniri, &c. addit infra. [Quod, si aduersus eos, qui seculis auctoris consilij non fuerant, Dei vehemens adeò ira exarsit, quid de ijs dicendum est, qui, & consilij sunt, & tacentes dissimulant? Qui, nisi ea præstiterint, quæ ad Corinthios scripta sunt, his verbis, 1. cap. 5. Quare non magis iustum habuistis, ut tolleretur de medio vestrum, qui hoc opus fecit? & quæ deinceps ipsos fecisse, idem Apostolus, testatur; scilicet Epist. sequenti, cap. 17. Ecce enim hoc ipsum secundum Deum contristatos esse vos, quantam in vobis operatur sollicitudinem, sed defensionem, sed indignationem, sed timorem, sed desiderium, sed emulationem, sed vindictam? Hi, inquam, nisi hæc omnia præstiterint, prorsus periculum est, ne nunc etiam omnes simile exitium incurrant: vel eò grauius etiam, quò grauius peccat is, qui Dominum spernit, quàm qui legem Moysi irritam fecerit, ad Hebræ. cap. 10. & qui idem audeat eum eo, qui, ob eandem causam, ante damnatus sit: septuplum enim ultio data est de Cain, de Lamech vero septuagies septies, qui in simili peccato lapsus fuerat.]

Quartò est ponderandum, ex Basilio colligi manifestè, Christum Dominum hanc legem Ecclesiæ instituisse, ut primò omnium in quacumque, quotiescumque peccatorum expiatione faciendâ, si alia circumstantiæ non sint impedimento, per secretam admonitionem, frater deuians à lege Christiana, ad viam reducatur; deinde, si illa non sufficiat, sapien-

tes arbitri illum reducant: terriò, si neque hoc successerit, Ecclesiæ Prælati negotium omne dicatur: ut de illo, cum facultate, ac potestate iudiciaria, pronuncient: & delinquentis obedientia subsequuta, causa sicut: inobedientem verò seiungant, per excommunicationem, à pio, cum cœtu: vel congrua alia urgeant castigationes; vel omnino ad secularem eum liceat deferre Magistratum, pœnis; si oportuerit, corporalibus coercendum: & tandem habemus, hoc esse alterum Christianum alterius onera portare, & legem Domini per Matth. cap. 18. explicatam, adimplere, & Politiam, sacram ac iustam ab eo institutam, usu, & praxi solemniter venerari.

Pro Ecclesiasticis, circa iudicia secularia occupatis, ex officio.

VLTIMO sic hic considerandum, non solum nimium esse delictos, & morosos censors, verumetiam esse duos, ac proteruos legis Euangelicę detortores, eos, qui prætextu pio, in facie, intus tamen astuto, ac reuera malitioso, Ecclesiasticos, prorsus à secularium negotiorum, arcendos esse docent, tractatione. Legem enim Christi tunc impleri docet Paulus, explicantibus Ecclesiæ Doctoribus, cum illud præscriptum apud Matthæum statueretur, [Si peccauerit in te, &c. à Christianis opere exercetur: quo statuto insignis illa doctrina, ut Pastores Ecclesiæ negotia, etiã secularia, suis expediant ouibus, eo modo, quo diximus, & infra dicemus, & ut, oues eos, in suis discutiendis difficultatibus, adeant, continetur. Qui sunt ergo, precantur, audiendi? hi noui Aristarchi, Ecclesiasticos, ad sola Ecclesiastica munia peragenda, remittentes, an Christus, qui terrenarum etiã dirimendarum questionum onus, certa ratione, illorum imposuit humeris sufferendum? Quod vidimus in Concilio Africano appellatum fuisse, IVSAPOSTOLICVM, ECCLESIASTICVM IMPOSITVM. Certè crediderimus, Christum, Dominum esse auscultandum, qui sua lege, nihil iniunxit vquam alieni statui, seu personæ impossibile, aut cum inconuenienti grãu coniunctum. Vnde ipse istam, iugum suauē, & onus leue, nuncupauit, Matth. cap. 11. & ipsius mandata grãuia non esse, affirmat Ioan. 1. cap. 5. & de lege ea verè prædixerat regius Vates, Psalm. 18. [Lex Domini immaculata, conuertens animas: testimonium Domini fidele, sapientiam præstans paruulis: iustitiæ Domini rectæ, latificantes corda: præceptum Domini lucidum illuminans oculos.]

Non equidem negamus, sub hisce aquis, Gygantes quondam genuisse. Sic Moyses ad Deum clamabat, Numer. cap. 11. [Non possum solus sustinere onem hunc populum: quia grauis est mihi.] Sic David rex negotiorum oppressus pondere, Psalm. 54. optabat, [Quis mihi dabit pennas sicut columbæ? & volabo, & requiescam.] Sic legimus Augustinum, & alios sanctos Prælatos, occupationes secularium negotiorum deploran-

tes. Interim tamen neque Moyses sibi deerat, quia inter populi negotiorum explicandas curas, celestis cum Deo conuersationis dulcedine fruere-
 tur: neque Dauid intermittebat, quin media nocte confurgeret, ad Domino confitendum; neque Augustinus, & alij sancti Prælati Ecclesie, suis congruis tempotibus, Rachelis contemplatricis amplexibus priuabantur. Doleat ergo, ac desistant sancti Ecclesie Prælati, se hisce terrenis negotijs occupari, quasi à celestibus integrè curandis officijs abstrahantur: id admittimus, id laudamus: vellent tamen illis dare remissionem, id non admittimus: immò vituperatione dignum existimaremus, eorumque fore ingentem pusillanimitatem, immo dissidentiam inexcusandam: ut qui non crederent, Deum, (in quo numquam Ecclesie Prælatis defuit,) & ipsis illud onus imponere, & ipsummet gratiæ suæ adiutricis medio, maiorem partem oneris suis humeris supportare. Quid prædictis alijs posset obstare, vel præsentis seculi deterioris occasione, vel ob statuum Ecclesiasticis, & secularis quandoque instantem, in suis functionibus obeundis, desidiam, vel negligentiam, non ponimus: nihil disputamus de facto: legem tantum Euangelicam, esse affirmamus illam, conclusionis ergo, in superioribus explicatam.

Sacerdotes apud Gentiles erant Iudices.

HABEMVS ecce ex Euangelio, & Apostolo Paulo, & Patribus, in Ecclesia hanc Politicam fuisse à Christo institutam viuendi normam: ut negotia Christianorum quacumque inter ipsos, ac tandem per eorum Prælatos, iudicari possent. Et quid mirantur hoc seculares Principes, eorumque Consiliarij? quid frontes contrahunt? Atheniensium Rempublicam, sapientum videlicet, & potentum, rogamus, confident; in celebri enim illo, omnium calculis approbato, iudicio, apud Areopagum, Sacerdotes itidem iudices erant: ac summus eorum Sacerdos, rogans singulorum sententias, suffragia colligebat: quod constat expressè ex ipsorum decreto, à Iosepho, Antiq. lib. 14. cap. 16. recitato. De Druidis, Gallorum sacerdotibus, sic refert Cæsar, Comment. de bello Gallico lib. 6. [Magno hi sunt apud eos honore, nam ferè de omnibus controuersijs publicis, priuatisque constituunt; & si quod est commissum facinus, si cædes facta, si de hæreditate, si de finibus controuersia sit, iidem decernunt, præmium pœnasque constituunt.] Et paulò post: Hi, certo anni tempore, in finibus Carnutum; quæ regio totius Gallie habetur media, confident in loco consecrato; huc omnes undique, qui controuersias habent, concurrunt, eorumque iudicijs, decretisque parent.] In Romana Republica, quæ legibus fuit alijs ornatior, sicuti celebrior, quantum fuerit Augurum ius, (qui Prophetis, ac sacratis Deo hominibus in Hebræorum Republica, & nostra etiam Christiana, respondebāt,) præ Magistratibus ceteris, Cicero 2. de Legibus luculenter hisce verbis

declarat: [Maximam] autem; & præstantissimum in Republica ius est Augurum, cum est auctoritati coniunctum. Neque vero hoc, quia sum ipse Augur, ita sentio: sed quia sic existimare nos est necesse. Quid enim maius est, si de iure querimus, quam posse à summis Imperijs, & summis Potestatibus comitia tollere? Concilia, vel instituta dimittere, vel habita rescindere? Quid magnificentius, quam posse decernere, ut Magistratu se abdicent Consules? Quid religiosius, quam cum populo, cum plebe agendi ius, aut dare, aut non dare? Quid legem, si non iure rogata est, tollere?] His similia plura habet ibi Cicero, & Orat. de domo sua, quale etiam esset Pontificum ius, demonstrat coram eis, contra Clodium, perorans: & de Aruspicum responsis eosdem habuisse, iurisdictionem, quamdam civilem attestatur.

Apud Hebræos erant Iudices Sacerdotes.

HEBRAEORVM Rempubicam, lege diuinitus data, optimè constitutam, etiam post introductos Reges, certum est habuisse, magnum illud Septuaginta duorum seniorum Iudicum Concilium; à tempore Moysi, quod Sanhedrin dicebatur, cui Sacerdos & Pontifex præsidebat, eiusque erat munus, & officium, de lege, Rege, & Propheta iudicare. Quamobrem Herodes maior, maiorem non ferens, si illud Concilium, ex Iosepho, Antiq. lib. 4. c. 17. non præsumpsit potius antiquare, ac grauioribus ex illo amotis Consiliarijs, viles alios in eorum locum subrogauit. Hæc modò, ad intentum, ex Hebræo regimine retulisse sufficiant: de quo vberius varijs locis, est à nobis infra pertractandũ.

Primum Consecrarium ex prædictis notandum.

HABEMVS primò ex his tandem cum Socrate apud Xenophontem, lib. 4. de illius factis, & dictis: Quod ab omnibus gètibus obseruatum est, id omninò à Deo sancitum esse. Vnde si nulla existeret in sacris Codicibus de præfatis scripta lex, ex tot sapientum Nationum, in sacerdotum auctoritatem, conueniente iudicio, iudiciaria sacerdotum Christianorum potestas, Diuino iure concessa, plenissimè probaretur. Benè tamen factum! cum Christus Dominus noster Legislator, clarissimè, ac manifestissimè voluit illam in Euangelio perpetuè memoriz consignare: ne vltimis hisce calamitosi temporibus, apud Principes seculares, iurisdictionis, ac imperij anidos, solum ex consequentijs, exemplis, & similibus, aut ex verosimilibus rationibus, iudiciaria Ecclesiasticorum tanta potestas dependeret.

Obiectioni cuidam respondetur.

VNVS ex prædictis adhuc scrupulus videbatur superandus; quid videlicet, tunc opus esset facto, si Prælati Ecclesiæ in hac admi-

nistran-

instruenda iudiciaria præfata potestate, ea abuterentur? neque se eos præstaret, quales optat Apostolus, 1. ad Timoth. c. 3. & alibi: sed percussores, & vagos per reliqua vitia, quæ ibi enumerat, exhiberent. Respondemus tamen, hoc, nullo modo, ad nostrum præsens spectare institutum; usus Ecclesiæ, & eius ministrorum expendimus, abusus non expandimus: de quibus, si placuerit, aliquid intelligere, consulat lector Origene homil. 14. in Leviticum, & Hieronymum in Ezechielem, c. 34. Intra tamen aliqua hoc argumentum attingentia deducemus.

Consecrarium secundum notandum.

CONSTAT secundò ex superioribus, Ecclesiam, & eius Politiam esse ædificationem constructam in Christo, ex Matth. cap. 17. & ad Ephes. c. 2. in qua, ne Christiani essent paruuli fluctuantes, & circumferrentur omni vento doctrinæ, siue dæmoniorum, siue Hæreticorum, siue Principum leges iniquas contra Christi præcepta condentium, vel de facto mores hominum bonos corrumpi tolerantium, dedit Ecclesiæ suæ ad Ephes. c. 4. Apostolos, Euangelistas, Prophetas, Pastores & Doctores, quorum ministerio ædificaretur in corpus eius, donec omnes fideles crederemus in virum perfectum. Quibus Pastoribus & Doctoribus sic ab omnibus obediri voluit: vt ex Luc. c. 10. qui eos audiret, Christum audiret, qui eos sperneret, Christum sperneret: & qui illis, vitia Christianorum quæcumq. corrigentibus, & iudiciaria Evangelica dicta potestatem, vindicantibus, non obtemperaret, quasi Ethnicus, & publicanus à ceteris haberetur.

Confirmatur ultimo Conclusio.

ASSIGNATAM loci Evangelici, Matth. c. 18. explicationem esse germanam, immo communi vsu & praxi in Ecclesia receptam, præsertim euentissimâ ratione confirmamus; quòd plures Reges & Principes Catholici, plures Christiani nobiles, & genere illustres, & ininitus vtriusque sexus Christianorum numerus, ab initio nascentis Ecclesiæ, ad nostrâ vsque tempora, causas grauissimas, grauiores, & graues, seu etiam minores, de quibus inuicem non conueniret, Christianis viris prudentibus arbitrandas, seu Prælati Ecclesiæ terminandas, charitate, & iustitia, Christianaq. æquitate commiserunt, & quotidie committunt. Hoc autè hinc oriri fateamur necessum est, quòd lex Christiana scripta in cordibus nostris, iuxta quintum Principium, sit ea, quam referimus, hoc loco Christum, & postea Apostolum Paulum, ab ipso institutum, docuisse. Et ad hanc Christi doctrinam se conformauerunt Arcad. & Honor. Imperatori in l. Si qui ex consensu. & in l. Si quando. C. de Episc. aud. rescribentes. Seculares propagantes iurisdictionem Episcopi, teneri eius iudicio stare. Quod idem plenius constituit Theodos. Imper.

vt in c. Quicumque, & in c. Omnes. 11. q. 1. & à Carolo Magno postea renouatum, & confirmatum fuit, c. Volumus. ead. caus. & q.

Et vt Innoc. c. Nouit. de iud. arguit ab hac lege, nō vt confirmet eā, sed vt ostendat, quantam affectionem Imperatores habuerunt erga sacerdotium, vt inquit Gloss. d. c. Quicumque. sic nos ab ea arguimus, ad demonstrandum, legem tam liberalem, in hac materia, à seculari editam Potestate, omnino à legis Christianæ dictamine, & Christi hac doctrina, iuxta dictum Principium, dimanasse. Et illam fuisse prioribus illis felicitibus Ecclesiæ seculis, immo & succedentibus medijs, in manuali praxi, id valde declarat, quod S. Isidorus in Epist. ad Ludefredum, & refertur 25. d. Perleſtis. & adducitur ab Innocent. III. de Officio Archidiaconi. c. 7. Archidiaconi describens officium, sic inter alia subdit: [Solicitude quoque Paroeciarum, & ordinatio, & iurgia ad eiusdem pertinent curam.] Quibus duobus in locis Glossa verbum: iurgia, minus aptè explicuit: nam intelligenda sunt, videlicet, omnium Christianorum suæ Paroeciæ; non solum autem Ecclesiasticorum, de quo exstat Canon expressus 57. Concilij Nicæni. Immo hoc habet fundamentum in ea lege, quam Clemens in illa Epist. ad Iacobum fratrem Domini, & refertur 93. d. dixit se à Petro acceperisse de Diaconis, dum ait [Diaconi Ecclesiæ, sunt tamquam oculi Episcopi, oberrantes, & circumlustrantes veracundè adus totius Ecclesiæ, & perſerutantes diligentius, si quem videant vicinum esse præcipitio, & proximum esse peccato, vt referant hoc ad Episcopum, & commoneri ab eo possit is, qui in præcipitium lapsurus est, & reuocetur, & non corruat in peccatum.] Item eadem Epist. habetur, vt Christiani ab Episcopo nominati ad sollicitudines seculares suscipiendas, inter quas erant præcipua pars ordinariæ controuersiz, à Diaconis discant, quod ad id obeundum munus ignorarint: & refertur. cap. Sicut enim. 11. q. 1. Sed de his Theodosij, & Caroli Magni legibus, infra redibit longior sermo. 10. probatione sequentis Conclusionis, & 3. par. 3. argumento principali contra primam Conclusionem.

Argumenta duo ex Euangelio soluuntur.

POSTREMO non obstat si explanationi huius loci opponatur, Luc. c. 12. fratrem quemdam Christo, contra iniustum fratrem, supplicasse; vt illum iuberet ab iniuria desistere: nihilominus ab eo fuisse illius reiectam supplicationem: qui tamen factis prælucebat semper ei, quam spargere doctrinam nitebatur.

Quia respondetur, partem læsam hic Christum, tamquam proprium iudicem compellasse, dicendo: [Magister, dic fratri meo, vt diuidat mecum hæreditatem.] id est, phrasi Hebrææ: iube, impera, & diffinitiuam, profer sententiam, à qua, tamquam à te iusto, & legitimo iudice probata, nequeat iniquus meus frater appellare. Hoc autem facere Christum,

fuisse

fuiſſet à ſuo extraneum inſtituto: licet, vt poſtea dicemus, à ſua non fuiſſet alienum poteſtate. Quo circa, qui frater contra fratrem, ſi alia ratione, à Chriſto auxilium in caſu poſceſſet, forſan illo minime fruſtraretur: rem quaſi iudiciaria peragi poſtulans poteſtate, ab intento omnino debuit excludi; vt intelligerent auditores verbi, Chriſtum bene terrena declinare, qui propter diuina deſcenderat: ex Ambroſio: & ne Chriſti malitioſis obſervatoribus anſa, ipſum accuſandi, quaſi ſecularem dominationem aſſectantem, præberetur.

Hinc eſt etiam, quod cum, Ioan. c. 6. cognouiſſet IEſVS, quia venturi erant illi homines, quos pauperat in deſerto, vt facerent eum regem: fugit in montem: eſſit enim dominio regali, oblato ſibi per homines, quia noluit rex per homines fieri, qui regnum dabat hominibus: vt ait Auguſtinus: vel propter exemplum noſtræ humilitatis: quia homines ambitioſè honoribus, & imperijs inhiabant, rex fieri noluit: quia verò diuitias pernicioſè appetebant, pauper eſſe voluit: & quia mortem, & contumelias homines ſuperſtitioſiſſimè horrebant, crucē, & omne genus contumeliarum ſuſtinuit: & vt ſemel dictum ſit, quidquid Dei filius in terris per hominem, quem ſuſcepit, dignatus eſt operari, diſciplina noſtrorum fuit morum; ex dicto Auguſtino libro de vera Religione.

Aliud maius enodandum reſtat argumentum, quod conſultò ad vltimum locum, inter argumenta contra concluſionem i. parte 3. Tractatus, relegamus.

SECUNDA CONCLUSIO.



CHRISTVS Dominus inſtituit in Eccleſia, & Chriſtiana Politia Magiſtratum Eccleſiaſticum Politicum, ſeu civilem, conſtitutum omnino à Magiſtrato civili laico, ſuè à Chriſtianis, ſuè ab Infidelibus, adminiſtrato; cui perſonæ Eccleſiaſtica parere debent: vnde de Iure diuino libera ſunt, & immunes à civili laica Poteſtate.

HÆC concluſio probatur primò in genere, ex illa Chriſti reſponſione data Iudeis, dum de negotio civilis, iuriſdictionis fuiſſet ab illis malicioſè requiſitus: Matth. c. 22. videlicet: [Reddite quæ ſunt Caſaris, Caſari: & quæ ſunt Dei, Deo.] Sed ſpecificè habetur doctrina concluſionis, Matth. c. 16. Marc. c. 10. & Luc. c. 22. dum inſtituit Chriſtus Apoſtolos; videlicet, Eccleſiaſticas perſonas; & in illis omnem ſtatum Eccleſiaſticum, de maioriſtate, ac primatu in Eccleſiaſtica iuriſdictione adminiſtrandis concedentes; circa modum, & formam illa adminiſtrandi: Sic enim omnes Patres Græci, immò & multi Latini, intelligunt;

Apostolorum illam contentionem inde ortam, quod Christo è viuis migraturo, oporteret, aliquem ex eis illius vicem gerere, in Ecclesiastico tractando Magistratu, & ceteris è Christi schola, eorumque actionibus gubernandis.

Primò igitur Christus non arguit illos, vt dicit Glossa, inita contentio- nis; sed formam humilitatis, quam sequantur, vt ad honores admini- strandos perueniant, præscripsit: statum quidem Magistratus, & Eccle- siasticæ iurisdictionis confirmandus: solum circa modum illam maiori- tatem in illo obtinendi, & gerendi, satagens: qui sit talis, vt, iuxta Ambro- sium: [Non sit de prælatione iactantia, sed de humilitate contentio:] dum sic docuit: [Reges Gentium dominantur eorum;] idest, Gentibus, quod nomen *εθνῶν*, Græcè neutrum est: [& qui potestatem habent super eos,] idest, super Gentes, [benefici vocantur:] idest, quantumuis malè subditos tractent, ab eis vel adulantibus, vel timentibus, [benefi- ci vocantur;] idest, affectant speciosos titulos, vt habeantur munifici, seu beneficiorum auctores, quantumuis subditos iniquis habeant modis. Nam licet apud Hebræos, ij, qui sui non erant generis, Gentes diceban- tur; tamen feroces, superbi, sæui, impij, & tyranni, Gentes dici, sole- bant: vt cap. 10. Ecclesiastici dicitur: [Terras Gentium subuertit Domi- nus, & perdidit eas vsque ad fundamenta.] Vos autem, inquit Chris- tus, non sic:] idest, status Ecclesiastici iurisdictionis superioritas, & potestas aliter est, & querenda, & administranda: videlicet: [sed qui maior est in vobis,] idest, qui appetit esse Pontifex, Episcopus, Iudex, Rector, is humilitate, [fiat sicut junior,] idest, quasi minor natu, [& qui præcessor est,] Græcè *ὑπομνῆς*, idest, Dux, & Rector, [sicut mini- strator.] Sit igitur omnium à nobis dicendorum, hoc firmissimum fun- damentum: Christum Dominum hic non solum nō Ecclesiasticam Hierar- chiam, & Politiam voluisse confundere, verum eam maximè erigere, & instituere. Voluit tamen curare in Ecclesiasticis Prælatiis mentis tu- morem, & superbiam, (grande in eis malum futurum) amputare.

Nec obstat, si dicatur, Christum hic genericè fuisse loquutum cum statu Politico Christiano, prout comprehendit tam sacrum, quam pro- fanum Magistratum, cōdistinguendo illum à statu Politico, seu civili re- gum Gentium, seu Infidelium; vt faceret sensum: quancumque superio- ritatem, siuè secularem, siuè Ecclesiasticam esse querendam, & geren- dam inter Christianos, media humilitatis contentione, contra quam Gentes illam, vel querebant, vel administrabant.

Respondetur enim, Christum ibi dicendo: [Vos autem non sic,] præ- cisè de Ecclesiastica Potestate, & Prælatione sermonem fecisse, prout di- stinguitur à civili & laica Potestate: siue illa à Gentibus, & Infidelibus Principibus, siue à Christianis exerceretur: licet regum Gentium, quasi qui tyrannicè ferè populos gubernarent, fecerit solum mentionem. Nā

ibi ad personas expressè Apostolorum, qui erant futuri Episcopi in Ecclesia, & ad eorum successores, direxit sermonem: ac si diceret: An nescitis, hoc quod facitis, ambitionis esse proprium Principum? neque omnium quidem, sed Gentium: apud quas, non iustitia, non virtus, non dignitas, sed ambitio, sed vis, sed tyrannis regna obtinet, & Principatus: & ubi Principes, non quæ suis populis, sed quæ sibi sunt utilia, & honorifica, quærunt? Quæ videtur esse Euthimij, super Matth. c. 20. interpretatio. Tantum igitur monethoc loco Christus, non debere Apostolos, & eorum successores Episcopos, & vniuersè, Prælatos Ecclesiasticos, qui ad Ecclesiæ gubernationem sunt vocati, Gentilium Principum ambitionem & tyrannidem imitari. Vnde non quoslibet, sed Gentium, Principes nominavit, qui ambiciosiores, & crudeles magis soliti erant esse, quàm Iudæorum, qui, vel dabantur à Deo, vel eius timore, & religione, in officio continebantur. Quo sensu Petrus, ut statim diceretur, admonet eos, qui Ecclesiam gubernant, ne in Clerum dominantur. Restat igitur, ut Christus de iurisdictione Ecclesiastica tanta, quo ad personas, iuxta illam, iudicandas, & iudicaturas, & de illa maiori parte in statu Ecclesiastico, & Politico, quem distinctum à laico statu instituebat, fuerit ibi clarissimè loquutus.

Neque hanc Apostolorum contentionem, fuisse subortam de primatu, seu maiori parte, tantum circa res spirituales, & diuinas, inter ipsos, & per ipsos in Christianismo administrandas, ut inde colligatur, hanc maiori partem solum fuisse à Christo institutam, & approbatam, in rebus tantum spiritualibus, & diuinis; id clarè conuincit, quod cum Christus nondum esset per crucis ignominiam glorificatus, neque Discipulis erat datus Spiritus sanctus, neque aperti eorum sensus erant, ut intelligerent Scripturas, & de diuinis, & spiritualibus, quæ per illos erant administranda, adeo enixè vel agerent, vel cogitarent. Erat igitur contentio de ciuili adhuc, iurisdictione, & de potestate, & præfectura etiam in temporalibus, Christo absente, inter ipsos exercenda. De hac non semel tractauerant; & sibi Petrum in ea præficiendum, Iacobo, & Ioanne fratribus verentibus, Matth. c. 20. matrem, ut à Christo huic dexteram, huic sinistram, importuna petitione, in suo regno impetraret, subornarunt. Ergo Christus ad Discipulorum attendit maxime intentionem, curans, animis, ambientium etiam temporalem hanc, & ciuilem superioritatem, medicinam adhibere.

Explicatur fundamentaliter Conclusio, ex Petri Primatu.

VERVM TAMEN pro explicatione radicali huius Politicæ præfecturæ, in hoc loco à Christo Domino expressè, & formaliter instituta, notandum est: Matth. c. 16. eundem Dominum promississe Petro, edificaturum se fore Ecclesiam suam super illam petram: id est, super

Petrum in fide roborandum, & roboratum: & hoc in sempiternum: siquidem ipsam Ecclesiam perpetuam esse voluit: portis ipsis inferi inuitis, ac, contra eam, nihil unquam praeualituris. Vnde debuit Petri fides in perpetuum stabiliri, tamquam medium omnino necessarium, ad firmum & aedificium, & tanti aedificij fundamentum; idest, ad tantam in aedificanda, propaganda, & regenda Dei Ecclesia futuram docendi certitudinem, & pascendi, atque regendi potestatem.

Hanc igitur geminam functionem priusquam Dominus Petro effectum conferret, robori illi fidei, in eo necessario requisito fundamento, diligenter prouidit; ut eo iacto, totius Ecclesiae surrectura moles consisteret, nullis iam, inuidiae Daemonis, astus mundi, fallaciae carnis, Haereticorum perfidia, Infidelium ceterorum potentiae, quantumcumque agitata tempestatibus, obruenda.

Ergo cena facta, turbati Apostoli, propter verba Christi, asseuerantis fore, ut vnus ex ipsis laesa Maiestatis crimine, iam animo, & pacto, praepeditus, ipsum esset magistrum, ipsum esset Dominum traditurus, inter se quærere coeperunt, quis ex eis, insolens factum animo concepisset; & quis ad effectum Magistri mortem esset reducturus. Mox, ut in subitis casibus, animorum succedente perturbatione graui, fieri solent; ex ista lite, in aliam inciderunt: dicente Luca, ut vidimus: [Facta est contentio inter eos, quis eorum videretur esse maior.] Hanc illorum intempestiuam contentionem cum sedasset Christus Dominus, dicens: [Reges Gentium dominantur eorum. &c. Vos autem non sic, &c.] docēs, videlicet, omnē dominandi appetitum, & libidinē, a suis ministris, quam longissime abesse debere: ne tamen omnē dominandi potestatem pariter prohibuisse, aut sustulisse existimaretur; ad Petrum conuersus, alijs Apostolis attentē audientibus, dixit: [Simon ecce Sathanas expetiuit vos, ut cribraret sicut triticum: ego autē rogauī pro te; ut non deficiat fides tua: & tu aliquando conuersus, confirma fratres tuos.] Quae verba apertissime demonstrarunt, illum fore maiorem, primum, caput, & Praefectum eorū, de quo erat suborta contentio; & ex consequenti, maioritatem, praerogationem, ac praefecturam Politicam Ecclesiasticam, nedum illis a magistro non interdici, verum ipsius vltimis verbis, ipsius tandem sanguine, ad noui Testamenti confirmationem, insigniter roborari.

Expendamus Christi verba diligenter, & qualiter praedicta sibi consent clarē perspicimus. Duo igitur in illis Christus fecit; nam primō in communi omnium periculo, solum Petrum sic confirmat: [Simon, ecce Sathanas expetiuit vos, ut cribraret, sicut triticum: ego autem rogauī pro te; ut non deficiat fides tua.] Deinde ne, illa confirmatio solius Petri causa facta fuisset: aut, ad personalem fidem Petri, videretur solum pertinere, addidit: [& tu aliquando conuersus, confirma fratres tuos:] declarans nimirum ea illum ratione in fide praecipue confirmari,

vt, omnium aliorum fidem, ipse postea futurus omnium Pastor, confirmaret; illumque verè fore firmam petram, super quam Ecclesia ædificaretur. Cùm enim fides sit basis, & fundamentum ad Ecclesiæ structuram, eiusque integrum statum: sic eam Apostolo, ad Hebr. c. 11. definiente: [Est fides *visio*, idest, substantia, seu basis rerum sperandarum:] positurus Christum Petrum, ad Ecclesiæ erigendam, pro fundamento, & basi, eum, ante omnia, in fide roborat, & confirmat.

Nam cùm fides sit Dei donum, non ex nobis: ex Paulo, ad Ephes. c. 2. indeque verè solus Deus eius Auctor fidem infundat, & præueniente gratia cor hominis illuminet, excitet, atque moueat: eadem tamen quo ad nos, ministerio Prædicatorum ædificatur. [Fides enim ex auditu; & quomodo audient sine prædicante?] ad Rom. c. 10. Huius autem prædicationis duæ sunt præcipuæ partes; docere, & confirmare; vel, vt loquitur Paul. 1. ad Corinth. c. 3. plantare, idest, docere: & rigare, idest, regere, seu firmare; Christus Dominus, cui excellenter sunt data à Patre, Matth. c. vlt. potestas ædificandi, & confirmandi Ecclesiæ, hanc potestatem vni Petro eminenter, & per eum aliis communicaturus: ne fides vquam in Ecclesia, vsque ad seculi consummationem, decisset: de prima illa initiali prædicatione, ac plantatione, dixit soli Petro: [super hanc petram ædificabo Ecclesiæ meam:]; de altera verò parte, nempe ipsorum fidelium confirmatione, & gubernatione, quia hoc opus erat etiam ministeriale, sicut ipsum prædicare, dicit soli Petro: [tu aliquando conuersus], confirma fratres tuos:] hoc est illos, qui iam sunt, & erunt fideles. Hoc enim est alterum, & præcipuum etiam, circa fidei ministerium, officium: de quo genere scripsit Apostolus, 1. ad Corinth. c. 1. [Sitis perfecti in eodem sensu, & in eadem sententia:] idest, in veritate fidei, vna mente, vnaque voluntate confirmati. Et hæc quidè, circa huius loci explicationem, sunt nobis cõmunia, cum doctissimis Theologis, qui præcedenti seculo contra Hæreticos, primatus Petri oppugnatores, conscripserunt.

Sed vt mysterium adhuc hic latens aperiamus, conclusionis valdè cõfirmans veritatem, hæc omnino coniungenda sunt; & Christi promissio facta Petro, ibi, [super hanc petram ædificabo Ecclesiæ meam,] & Christi rogatio Patri facta, pro fide Petri, vt, iam solidatus in ea, alios deinde suos fratres facilius confirmaret. Hinc est ad litteram, sic philosophandum: Ecclesiæ ædificium fide firmatum, ad suum regimen, nedum Hierarchicum, sed etiam Politicum, constat ex Apostolis, Euangelistis, Prophetis, Pastoribus & Doctoribus, qui omnes erant necessarij, ad Ecclesiæ molem struendam, & vt essent ministri, atque, vt aliàs explicuimus, Prælati in Ecclesia, ad eius corpus mysticum, interius & exterius ædificandum: & vt omnis in ea Politica, & Hierarchica viuendi norma constaret: ergo dum iubetur Petrus à Christo, suos confirmare fratres, iam ipse petra firmissima effectus, idest, fidei dono excellenter & dona

tus, & firmatus: iubetur, ex consequio, hoc ædificiū præfatum Ecclesię ordinare, instruere, componere, instaurare, ac sartum, ac testū conseruare.

Antecedens est doctrina expressa Apostoli Pauli sæpius citata, ad Ephes. c. 4. dicentis: [Et ipse dedit quosdam quidem Apostolos, alios autem Euangelistas, alios autem Prophetas, alios autem Pastores & Doctores, ad consummationem Sanctorum, in opus ministerij, in ædificationem corporis Christi, &c.] Consequentia inde probatur: quia ex suppositione, quod super Petrum Ecclesia, cum sua Hierarchia, Politicæq; administratione, erat ædificanda: item quod Ecclesia plurium erat fidelium, sub vnius fidei, ac eorundem Sacramentorum professione, ac sub vno capite militantium, adunata Congregatio: oportebat, vt Petrus omnino ipsius fundamentum, eam confirmaret: idest, nedum fidei plantatione, ac irrigatione, prædicatione, & in eadem confirmatione, eam solidaret; verum illius confirmaret columnas Prælatorum: in ea distribuens munia Episcoporum; instaurans verbi prædicandi administrationem: Presbyterorum ordinans exercitia: Diaconorum instituens ministeria: ac totius Politici regiminis disponens regulam: quò quassæ, licet Ecclesia, futurarum in ea tempestatum vndis, neutiquam flecteretur. Oportebat insuper, vt moralem viuendi normam, quam à Christo exceperat, quo ad Monasticen, & OEconomicen, fideles instrueret: quæ omnia simul Ecclesiæ fortissimum efficerent ædificium, & mundi totius Principibus fidelibus verendum, infidelibus formidandum.

Et notandum valdè est, Apostolum Paulum, eo loco ad Ephesios, ad ducta illa omnia munia coniunxisse; & prædicationis fidei; & confirmationis in fide, & coagmentationis, seu instaurationis statuum, & Ordinum Ecclesiæ, totiusque administrationis Politicæ, cum dixit: [ad consummationem Sanctorum, in opus ministerij, in ædificationem corporis Christi, &c.] hæc enim sunt ex quibus Ecclesia constat, fide, & Sacramentis, & capitis, ac membrorum connexu; in quibus omnibus à Petro erat, Christi iussu, confirmanda; vt sancti, ac fideles consummati, perfecti, ac omnibus numeris euaderent absoluti. Insuper considerandū ad litteram est, Paulum id expressisse verbo, consummandi, quod Christus expresserat, confirmandi verbo: cum *καταρτιζω*, quo Paulus, & *συνίζω*, quo Lucas, Christi nomine vsus est, idem ferè significant. Deinde cum Paulus dixit, [ad consummationem Sanctorum;] vel vt transferri etiam potest [ad instaurationem, seu coagmētationem Sanctorum;] immo, vt habet Syriaca lectio, [ad complementum Sanctorum, in opus administrationis, in ædificium Meschiacho,] præcedentia omnia munera à varijs Ecclesiæ ministris docuit esse obeunda; vt confurgeret integrum Ecclesiæ ædificium, & corpus cum perfecta, & Spirituali, & Politicæ administratione; simul etiam viam nobis aperuisse videtur, hunc locum Evangelij, iuxta præfatam expositionem, vberiùs explicandi.

Cum enim Dæmonis ea esset intentio, ut cribrando Christi Discipulos, ab eorum animis, si posset, fidem in Christum eriperet, & eos quasi grana, in terram aridam, & incultam, non ulterius fructum allaturam, disijceret: paleas autem, & tegmina superius conseruaret: Iudæ, scilicet, pecunijs, & Magistri morte ouatē, & famam de discipulis iniquam apud Iudæos sparsam, quasi ipsi corpus Christi, monumentorum impij effossores, sustulissent; & hæc omnia, ad Christi memoriam efficeret abolendam: cum etiam Christus ipse prædixisset, protinus completum iri antiquum illud Zachariæ, c. 13. vaticinium: [Percutiam pastorem, & dispergentur oves gregis,] his sic se habentibus; illud ad Petrum Christi præceptum: [Tu aliquando conuersus, confirma fratres tuos:] hunc omnino sensum, ut efficiat, est consequens. Petre, tu es Ecclesiæ meæ ædificio præstitutum iam à me fundamentum: nutabis quidem; sed mutaberis in virum alterum; id meis precibus à Patre obtinentibus, ut in fide ulterius immobilis perseueres: oportet ergo, ut tunc dispersas oves congreges, & congregatas conserues: eas confirmes: destructam in meo grege, & fidei confessionem explicitam, & Politicam meæ scholæ, & reipublicæ, conuersionem instaurando. Confirma ergo cōuersus fratres tuos, ad pristinum nempe statum præfecturæ, & obsequij scholam Ecclesiasticam restitucendo; prædictum enim fuit etiam de præsentī occasione, seu scandalo, per Prophetam Isaiam, c. 54. In modico eam à me derelictam, in miserationibus magnis fore congregandam.

Executio præcepti: [Confirma fratres tuos,] per Petrum facta theoricè.

TALE fuisse hoc Christi Domini præceptum, ex ipsius præcepti executione per Petrum facta, clarissimè intelligemus ex sequentibus. Sicuti enim regulam generalem, diuinas Prophetias, & earum sensus intimos, penetrandi, sancti Doctores illorum realem, dicunt, esse exhibitionem, quæ in eis futura prædicebantur; quando, scilicet, dicitur verè. Vide prædictum, ecce completum: quoscumque infideles, qui eas aliò detorquerent, coarguendo: sic regula infallibili, videbimur uti, præfatum Christi præceptum, [confirma fratres tuos,] intelligendi, illius praxim & vsum, ex ipsa executione, per Apostolum Petrum præstita, demonstrata. Is ergo Epist. ad suos fratres, & præcipuè, qui erant generis Abraham, dispersos per varias regiones directa, quinque capitibus comprehensa, hoc maximè agit: fidem in Dominum IESVM Christum illis annunciat, & in ea confirmat eos diligentissimè: multa etiam de charitate, ac patientia, Christi; imitatione addens, ad eiusdem fidei viam robur ostendendum: tandem Politicum omnem Ecclesiæ statum, eiusque rationem luculentissimè, & describit, & disponit: ut eam attentè legentibus apparebit.

Primo enim capite, [per fidem asserit, aduenas dispersionis, suos fratres,

custodiri in salutem paratam reuelari, in tempore nouissimo:] cosque per tentationes probatos, reportaturos finem fidei propriæ, suarum animarum salutem. Ecce fidei prædicatio; in ipsa autem confirmatio toto capite efficacissimis argumentis pertractatur. Capite deinde 2. memor adificij totius Ecclesiæ, quod ex tot, ac tantis fratribus fidelibus erat confuturum, suis humeris à Christo impositi, qui erat principii illius, ac primum fundamentum; sic ad eos loquitur: [Ad quem accedentes lapidem uiuum, ab hominibus quidem reprobatum, à Deo autem electum, & honorificatum, & ipsi, tanquam lapides uiui, superadificamini domus spiritalis, sacerdotium sanctum, &c.] Quo argumento profundè prosequuto; conuertit se ad confirmandos fratres, Politicam hanc, necessariam vniuersæ Ecclesiæ, regulam asserendo. [Subiecti estote omni humanæ creaturæ, propter Deum: siue regi, tanquam præcellenti, siue Ducibus, &c.] & infra: [Deum timeate, regem honorificate.] Hoc subiectionis subditorum ad suos Principes prædicto fundamento, & in quo totius Politici regiminis cardo versatur, ad alias inferiores regulas descendit, Oeconomicas scilicet, dicens: [Serui subditi estote in omnibus, dominis, &c.] Capite deinceps 3. Oeconomicam etiam edocens viuendi rationem ipsorum patrum familias, sic docet: [Similiter & mulieres subdite sint viris suis, &c.] & circa earum cultum modestiam, aliquantulum protrahens sermonem, subdit: [Viri similiter cohabitantes secundum scientiam; quasi infirmiori vasculo muliebri impartientes honorem, &c.] Reliquum capitis, cum magna parte sequentis 4. capitis, in generalibus; ad vitam Christianè degendam; exhortationibus expendens: memor etiam in Ecclesiæ corpore non omnia membra, eundem actum, instar humani corporis, habere: ut quisque gratiæ à Deo acceptæ exercitio sit contentus, à fratribus postulat, dicens: [Vnusquisque sicut accepit gratiam, in alterutrum illam administrantes; sicut boni dispensatores multiformis gratiæ Dei. Si quis loquitur, tanquam sermones Dei: si quis ministrat, tanquam ex virtute, quam administrat ei Deus.] Christi autem ibi, & Christianorum nomen magnificando concludit.

Quibus expositis, hoc vnum deerat ex præcipuis capitibus, inclusis in confirmatione, per Petrum, suorum fratrum perficienda: ut Politicam Ecclesiasticam coagmentaret, & illius, diuulsam olim tempore Christiani passionis, instauraret harmoniam: quod, præcepte à Christo confirmationi, esset penitus satisfactum. Ecce igitur capite 5. (ò diuinum Christi Iesu Saluatoris præceptorum, & præceptorem, & interpretem, & exequutorem!) sic intonat: [Seniores ergo, qui in vobis sunt, obsecro consentior, & testis Christi passionum; qui & eius, quæ in futuro reuelanda est, gloriæ communicator: pascite qui in vobis est gregem Dei, &c.] sicuti statim fusus est à nobis explicandum. Et infra, [Adolescentes sub-

dicti estote senioribus: omnes enim inuicem humilitatem insinuate, &c.] ac concludit, [Deus autem omnis gratiæ, qui vocauit nos in æternam suam gloriam, in Christo IESV, modicum passos, ipse perficiet, confirmabit, solidabitque, &c.] Alloquitur toto capite, vsque ad hæc verba, Ecclesiasticos siue Prælatos, siue subditos: Seniores, hoc est, Episcopos, ac Presbyteros: quod ex eo constat, cum se illis conseniores adnumeret: hoc est compresbyterum, siue Coepiscopum, ex nimia humilitate: cum eis, omnibusque aliis Episcopis, & Presbyteris, esset dignitate summi Pontificis antecellens. Sic habet communis SS. Patrum, & Interpretum huius Epistolæ consensus, Petrum hic de Ecclesiasticis præcise agere personis. Caprat deinde ad ea, quæ confirmare volebat, ordinem putæ, ac statum Politicum Ecclesiasticum instauraturus, eorum, ad quos scribebat, & attentionem, & benevolentiam: reddens eos certos, de duobus Christi Saluatoris functionibus solemnibus interfuisse; de quibus reddens testimonium, mereretur, ut ea quæ laboris, ac oneris illis iniungeret, humiliter exciperent, & ea, quæ in posterum ipsis eroganda promitteret, magnanimitè expectarent. Cum & Christi passionum testis fuisset, quæ ad eius humilem, incitabant fratres, & maxime Ecclesiasticos, imitationem: similiter & adstitisset in môte Thabor Christi gloriæ admirator, & particeps: cuius transiens illa prælibatio, futuræ æternæ, & Christi, & eius imitatorum glorificationis, certum prægium ostendebat.

Vsus fuit Petrus hisce prolegomenis hoc capite; quia tantæ molis erat, Ecclesiasticam condere Politiam: cam instaurare; ac, iuxta Christi præceptum, suos in ea fratres perficere, ac confirmare. Hinc cum toto capite normam Ecclesiasticæ disciplinæ conseruandæ, ac Politicæ ipsdẽ statuendæ, quo ad regimen, & quo ad mores, & senioribus, Episcopis, ac Presbyteris, & adolescentibus, Diaconibus, & alijs inferioribus ministris tradidisset: quasi suo, in fratribus indique confirmandis, functus munere, præceptoque Dominico sese liberans, & absolvens, in ipsum Dominum reciprocam, illa omnia, quæ ordinauerat, confirmandi curam regerens, ad fratres suos Ecclesiasticos, ea usus fuit conclusionẽ, [Deus autem omnis gratiæ, qui vocauit vos in æternum Euangelium Christi IESV, (illud, videlicet, professuros, prædicaturos, & Politicæ imperandi, & parendi ratione; perpetua successione conseruatos) modicum passos,] idest, ut i. dixerat capite, [modicum nunc oporteat contristari,] tempus opportunius expectando, quo, non obstantibus infidelibus Principibus, Ecclesia, & eius Politica emergat liberatio, [perficiet, confirmabit, solidabitque.] Et quod Latinus Interpretes, assenerando, atque promittendo, transulit, Græcè, optando, & per quattuor essent verba: duo priora sunt illa concepta, quibus alias Christum, Luc. cap. 22. & Paulum vsos fuisse ostendimus,

καταρτίσαι υμᾶς, iuxta Paulum, perficiet, consummabit, coagmentabit, & instaurabit : & επιζηᾶς, confirmabit, iuxta Christi verbum : insuper δυναῖσαι roborabit, & θεμελιώσει fundabit : vt Ecclesia tandem & numero, & fidelium merito aucta, Pastorum ordine stabilita, cum sua conspicua, ac veneranda Politia, illustri per orbem fulgeat maiestate.

Executio praecepti, [Confirma fratres tuos,] per Petrum facta practice.

SVNT hæc posteriora, quæ Petrus gessit præceptum Dominicum ad vnguem impleturus, præposterè à nobis hic inducta : vt symphonia promissionis Propheticae de Ecclesia, statim relata, scilicet. [In modico dereliqui te, &c.] & sensus illius Apostolicæ Petri monitionis, scilicet, [modicum nunc si oporteat contristari, &c.] & item, [modicum passus ipse perficiet, &c.] proximè sentiretur, competenti allusione ad locum Euangelij, quem expendimus, applicata. Nam si de prioribus Petri gestis, quibus præceptum Christi adimpleuerit, inquiratur : dum Ioan. c. 20. refertur Thomas Apostolus resurrectioni Christi fidem subtrahens, ab alijs discipulis de Christi suscitati visione, ac manifestatione testimonium reddentibus, instrui ad idem credendum ; quis dubitet, Petrum per octo continuos dies, non nimio sudore cum Thoma laborasse, vt ab eo incredulitatis rubigine deterfa, ipsum in fide tanti mysterij roboraret ? Act. deinde cap. 1. considerans Petrus vnâ ex duodecim Ecclesie columnis, Iuda, videlicet, humanæ diuinæque læse Maiestatis obnoxio crimine, iam suspensio, loco moram : vt Politiam confirmaret à Christo institutam, ad Ecclesiam per orbem colligendam, ipse fratres ceteros conuocauit, Matthiam nouam columnam in Apostolica fabrica sustenturum.

Item cap. 2. in die Pentecostes Spiritu sancto in linguis igneis super Discipulos effuso, ipsisque varijs idiomatibus, ad varias loquentibus Nationes, cum illarum vulgus in contraria studia scinderetur, quibusdam malè sanis hominibus, ebrietatem, cælestem Apostolicam eloquentiam, interpretantibus ; Petrus inter, & ante omnes, stans, assumpta parabola, ad ingentem auditorum frequentiam habuit concionem, tanta verborum grauitate, sententiarum pondere, Prophetiarum declaratione, ac mysterij præsentis, & Christi IESV illud efficientis, in illorum animis insinuatione : vt appositæ fuerint illa die animæ circiter tria millia, Petri sermone excepto, & Christi baptismo consignatæ.

Et cap. 3. ascendentibus Petro, ac Ioanne in templum, Petrus claudum à suæ matris vtero, ad templi portam Speciosam, stipitem expectantem, dextra illius apprehensa, in nomine Christi IESV, sanum reddidit, plantis eius ac basibus solidatis. Quem locum tractans diuine piæ, ac verè Ambrosius, serm. 68. sic considerat : [Primum signum mirabilium suorum Petrus fecit, claudum pedum restaurando vestigia :] &

relato Christi promisso, [Tu es Petrus, & super hanc petram, &c.] addit: [Si ergo Petrus petra est, super quam ædificatur Ecclesia, rectè prius pedes sanat: vt sicut in Ecclesia fidei fundamentum continet, ita & in homine membrorum fundamenta confirmet.] Ergo si verè, si piè, suus locus spirituali hic sensui asseruandus est, omnes fideles intelligant hinc, oportet, ad Petrum, & illius successores Romanos Pontifices spectasse, perpetuoque spectare, siue in doctrina fidei, siue in moribus Christianæ Reipublicæ, tam in vniuersum, quàm particulariter, statum claudicantem solidare.

Petrus item, occasione tanti ab eo patrati miraculi, populum Hebræum conuenientem, grauissimâ etiâ, ac pijsimâ concione erudiuit, de Christo ipsi olim promisso, ac tandem exhibito; fratres eos compellans, ac fidem Christi procurans in illorum animis plantare, ac confirmare: quousque, ob prædictam prædicationem, Apostoli illi carceribus mancipati, imperio Sacerdotum, ac Templi Magistratum, cum illa tentatione Deum tantum sensere fecisse prouentum: vt multis ex concionis auscultatoribus fidem suscipientibus, credentium ad quinque virorum millia numerus augetur. Post hæc Petrus, si vnquam aliàs, se præstitit admirandum: cum Spiritu sancto repletus, Principum populi æterna obliuione IESV nomen sepelire volentium: sicut illius, hac etiam mente, sepultum iri corpus vanè existimauerant: ac Apostolis IESV doctrinæ, ac inuocationis, seu nominationis, interdictum perpetuum imponentium, retudit conatus: ac interdicto iniusto, se suosque liberans Coapostolos; sui propositi iudicium, rectum nec ne esset: vt, qui Deum plusquam homines censeret auscultandum, corruptissimis ipsis iudiciis, liberè reliquit æstimandum.

Petrus cap. 5. Ananiam, & Saphiram mendaces coniuges in traditione pretij venditi agri, ad ceterorum etiam terrorem Christianorum, subita morte mulcavit. Petri vmbra saltim contegi, proiecti per plateas, & in grabbatis, infirmi desiderabant: certi, ea sola, à quibuscumque se esse infirmitatibus liberandos. Petrus ibidem denuò Magistratum conatibus viriliter restitit: ac primus inter omnes Apostolos in carcerem coniectos, ac tandem casos, efficaci defensione, causam agens: & Patris æterni, qui IESVM filium suum, in mundum à semisum, à mortuis suscitauerat, & IESV ipsius, qui pro mundo fuerat mortuus, & Spiritus sancti sibi obedientibus dati, qui suorum verborum testis erat: id vltimò consequutus fuit, vt Magistratus rabidè irati, de Apostolis omnibus de medio tollendis, cogitarent.

Postea cap. 8. [cum audissent Apostoli, qui erant Ierosolymis, quod recepisset Samaria verbum Dei,] laudâtes eum, quod non esset cum illa gente amplius agendum interdicto reticendæ Euangelicæ prædicationis, à Christo imposto, cum dixit: [In Ciuitates Samaritanorum ne

intraueritis: Matth. cap. 10. miserunt ad illos Petrum, & Ioannem: ad vnā enim Prouinciā in fide confirmandā, Petrus erat omnino, tamquā summus Pontifex, ipsemet cum Ecclesia tota illud ordinante, destinandus. Præterea cum Ioannes apud Luc. cap. 9. postulasset à Christo facultatem, ignem de celo super Samaritanos, illum, in suā ciuitatem cum suis Discipulis, non recipientes euocandi: quando fuit à mansuetissimo Domino, ob vindictā illius appetitionem, reprehensus: oportuit, vt Ioannes etiam Petro comes adiungeretur: vt ambo sciēte: iā cuius Spiritus essent filij; ignem alium descendere super Samaritanos supplicarent, orantes pro illis, vt Spiritu sancto replerentur. Petrus ibidem Simonem, donum Spiritus sancti hominibus per manuum impositionem conferendi, pecunia possidere tentantem, cum ipsa pecunia perpetuę perditioni, nisi resipisceret, erogauit.

Petrus cap. 10. Angeli hortatu, solus, inter omnes Apostolos, à Cornelio accersitur, vt in fide cum instruat; cuius occasione, vidit vas lintheum è celo descendens, volatilibus, quadrupedibus, reptilibusque terrę oppletum: quæ omnia delicatus, immo, & superstitiosus Petrus manducare fuit iussus: superstitiosus, inquam, quod à Deo animalia mundata, Gentes, scilicet, ad Ecclesiam vocatas, ipse Ecclesię factus fundamentum, eas super suos humeros portaturus, adhuc immunda, adhuc & communia reputaret. De quibus omnibus, opus fuit, vt fratribus ex Iudeis superstitiosis cap. 11. faceret satis, ingenti illum existimantibus piaculo constructum, quod ad viros præputium habentes, cum illis etiam manducaturus, introiret. Et cap. 12. licet Herodes Iacobum occidisset Apostolum, cum tamen considerasset studia, ac Iudeorum placita eo collimare; vt vnus tūc Petrus omnino interficeretur: eo apprehenso, in carceremque coniecto, Hebræorum desideria satiasset: nisi Deus summum Ecclesię Pontificem, pluribus, ac grauioribus efficiendis in Ecclesia negotijs, Angelico ministerio, è carcere, è catenis, è quatuor militum, vigilibus in eo custodiendo, quaternionibus subduxisset.

Magna sunt quidem hæc cum Petro, & à Petro gesta Scripturæ sacræ testimonijs comprobata: ex quibus clarè conſtet, inter splendorem, quem dabant Deo ceteri candidi Nazarej eius, Apostoli videlicet, esse, vel quasi tot sydera, totve soles, declarantia, Petro olim à Christo Ecclesię prælationem, & primatum, seu maioritatem, vt Apostoli loquebantur, promissam, dum Matth. cap. 16. dixit illi: [Tu es Petrus, & super hanc petram ædificabo Ecclesiam meam: & tibi dabo clauēs regni celorum, &c.] tandem, pridie quā pateretur, illi exhibita, dictis verbis. [Et tu, aliquando conuersus, confirma fratres tuos.] Ostendunt etiam ab Apostolis ipsis, de maiestate, ac primatu contentibus, perspicuè ex illis adiunctis verbis Christi pro forma exercen-

de dicta maioritatis, quam præscriperat, dicens, [Reges Gentium, &c. vos autem non sic, &c. Simon, &c. aliquando conuersus, confirma fratres tuos:] fuisse intellectum, Magistri constare voluntatem, vt Petrus omnibus esset maior, ac prælatus: cum in longo relato Apostolorum Ierosolymis discursu, vel vbiunque alibi, vel omnes simul, vel sequestri incederent, vnanimi tamen consensu, in grauioribus, & difficilioribus rebus; primas, tamquam primo, semper Petro detulerint partes: ipseque, totius propagandi Christiani ædificij, pars magna, referatur, existisse.

Magnum certe est argumentum ad præfata roboranda, Petrum Antiochia postea per septem annos Ecclesiæ vniuersæ, ex Cathedra Apostolica, ac suprema, ius administrasse. Magnum est etiam, inde orbis caput Romam Sedem eandem transulisse; ac in animum induxisse suum, magnaque ex parte effecisse; vt ciuitas errorum omnium mater, ac magistra, esset filia, ac vnius discipula veritatis. Magnum fuit, inde ad orbis varia loca, variasque nationes plures Apostolos, Episcopos, Presbyteros, ac fidei Christianæ prædicatores, Petrum destinasse: quæ, cum prolixam eius vitæ narrationem contineant, ab eius Historiographis sunt petenda. Sic tandem magnum fuit, Petrum, & ipsam Romam, iuxta nomen suum, & Isaiæ vaticinium, cap. 26. ciuitatem sublimem sic humiliasse: vt quam orbis ferè vniuersus terrarum, pro capite suo, & super caput suum, veneratione humili, agnoscebat constitutam, pauperis, & egeni Petri peditis pes ac pedes conculcauerit viuens, conculcauerit moriens, eius summum Imperium temporale in summi Sacerdotij commutans Imperium; vt quicquid in orbe non possidebat armis, Christiana religione contineret.

Maximum exemplum quoddam in Petro exsequutionis mandati,

[Confirma fratres tuos.]

MAGNA sunt quidem hæc cum Petro, & à Petro gesta: sed adhuc restant, maxima quedam Petri acta declaranda, quæ doceant Christum ad hunc usum rogasse pro fide Petri immediatè, pro fide verò fratrum mediante Petro: eorum scilicet fratrum, qui à Petro firmandi essent: nec enim caput esse poterat, nisi aliquorum caput esset, eorum putà, quos Petrus in fide solidaret. Quod si pro fide Petri, & eorum, qui per verbum Petri firmandi erant in fide, orauit Christus Dominus, & orando exauditus est: consequens est necessario, vt cum dixit, post magnificam illam fidei Petri confessionem: [Tu es Petrus, & super hanc petram ædificabo Ecclesiam meam,] quæ, scilicet, esset vsque ad consumptionem seculi duratura: non aliam fidem intellexerit, nec alium, in quo eiusmodi fides esset, præter fidem Petri, & eius in fide, & Cathedra firma successorem; quam Cathedram ea nocte eandem, occasione qua-

tionis, & contentionis Discipulorum, Petro, & eius legitimis successoribus confirmavit.

Sint ergo hæc duo sequentia exempla maxima, exercitij Petri in confirmandis fratribus: primum quorum habetur Act. cap. 15. Habita fuit Synodus Ierosolimitana de relinquenda legis Mosaicæ observatione: in qua Petrus suam proposuerat diffinitivam sententiam, de dicta lege abroganda. Et quia Iacobus erat Episcopus Ierosolimitanæ Ecclesiæ, in qua surrexerant ex hæresi Phariseorum quidam, qui dicebant, oportere servari legem Moylis: necessariumque videbatur, ut quid ipse sentiret, populus, cui præerat cognosceret, & utrum cum capite suo concordaret: postquam Petrus peroravit, & tacuerunt Paulus, & Barnabas, qui cum Petro consentientia, de conversione Gentium, narrauerant: respondit Iacobus, dicens: [Viri fratres, audite me: Simon narrauit, quemadmodum primum Deus visitavit sumere ex Gentibus populum suum nomini suo: & huic concordant verba Prophetarum.] & paulò post: [Propter quod, ego iudico non inquietari eos, qui ex Gentibus conuertuntur ad Deum:] & quæ sequuntur. Iacobus igitur auctoritatem Petri citat, cum Prophetico testimonio consentientem: quæ confirmatus, audeat dicere constanter; [Propter quod ego iudico, &c.] id est, quia Simon sic exposuit, & cum eius expositione, ut à Deo reuelata, concurrunt verba Prophetarum: [iudico, non inquietari eos, qui ex Gentibus conuertuntur ad Deum.] scilicet, cogendo eos ad observationem legis: quod dixerat prius ipse Petrus: [Nunc ergo quid tentatis Deum, imponere iugum,] scilicet legis Mosaicæ, [super ceruices Discipulorum, quod neque nos, neque patres nostri portare potuimus?] Addidit deinceps Lucas: [Tacuit autem omnis multitudo:] quod satis explicat, auctoritati Petri omnem Synodum acquieuisse, in fide illius dogmatis confirmatam.

Sed de hac Petri sententiâ, quid scribat Tertullianus in libro de Patientia, videamus. Postquam dixit, in Petro constructam esse Ecclesiam, volens exemplis id ostendere, exitum, & experientiam rei manifestantibus, subiungit: [Ipse denique primus in Christi baptismo referavit aditum celestis regni, quo solvantur alligata retrò delicta; & alligantur, quæ non fuerant soluta secundum veram salutem; & Ananiam vinxit vinculo mortis, & debilem pedibus absoluit vitio valetudinis.] & infra. [Sed, & in illa disceptatione custodiendæ legis, primus omnium Petrus Spiritu instinctus, & de nationum vocatione præfatus, etiam nunc, inquit, quid tentastis Dominum, de imponendo iugo fratribus, quod neque vos, neque Patres vestri sustinere valuerunt? Sed enim per gratiam Dei credimus salutem consequuturos, sicut illi.] Vltimò addit Tertullianus hanc sententiam. [Et soluit quæ omissa sunt legis, & alligavit quæ servata sunt.]

Verum consideremus, pro hac confirmatione fidei à Petro expectanda; quod Lucas post Iacobi perorationem subiunxit: [Tunc placuit Apostolis, & Senioribus cum omni Ecclesia, eligere viros ex eis, & mittere Antiochiam, &c.] Tunc, scilicet, cum Iacobus propter expositionem Petri Apostolorum Coriphæi, & verba Prophetarum illi consona, iudicauit, non esse legis obseruationem à Gentibus requirendam. Ecce quemadmodum tam Apostoli, quam Presbyteri, & omnis Ecclesia firmitatem sententiæ ex Petri explicatione, & diffinitione, cum testimonijs consentiente Prophetarum, eduxerunt. Cui formæ Synodum ratam habendi, vniuersa deinde Concilia, ritè celebrata insisterunt: vt eorum Decreta, non nisi Pontificis auctoritate, firma essent; vt sicut Benedictus III. ad Igmaram Rhemensem Archiepiscopum, de Synodo eius à Pontifice confirmanda, ante septingentos annos scripsit: [questio inde nullis aliquando temporibus oriatur, & aspirantes in Deo anhelitus, compressi funditis perpetuò maneant, ne amplius illorum contradicentium aduersitatibus Dei conturbetur Ecclesia.] Ob hanc causam etiam Leo Magnus Chalcedonensem Synodum confirmauit: vt ipse in Epist. ad Marcianum Imperatorem testatur, dicens: [Ne, per malignos interpretes dubitabile videatur, vtrum, quæ in Synodo Chalcedonensi, per vnanimitatem vestram, de fide statuta sunt, approbem: hæc ad omnes fratres, & Coepiscopos nostros, qui prædicto Concilio interfuerunt, scripta direxi, &c.] Eadem quoque fuit causa cur Tridentina Synodus, contra ætatis nostræ Hæreticos, habita præcedenti seculo, à Pio IV. Romano Pontifice confirmaretur: ad quem, ex dictis, spectat confirmare, ac ratam habere Concilij sententiam: vt etiam Phocius Constantinopolitanus ad Nicolaum I. scripsit, & Basilius Magnus, cum postularet à Romano Pontifice, vt transmitteret Legatos suos ad Orientem, cum actis Concilij Ariminensis, vt ea rescinderet; confitetur, Romanum Pontificem *ὁ ἐκ ταύτης ἀνέστη*, (hoc enim verbo vtitur,) idest, ius, & auctoritatem habere in his: vt ex eius epistola ad Athanasium, in qua hæc scribit, intelligi potest: *ἡ ἐκ ταύτης ἀνέστη*.

Neq; prætereamus, pro vfu huius maxime functionis Apostoli Petri, esse obseruatione dignum, eum rem omnem controuersam sic diffinisse: [Viri fratres, vos scitis, quoniam ab antiquis diebus Deus in nobis elegit, per os meum, audire Gentes verbum Euangelij, & credere. Et qui nouit corda Deus, testimonium perhibuit, dans illis Spiritum sanctum, sicut nobis, & nihil diserguit inter nos, & illos: fide purificans corda eorum. Nunc ergo quid tentatis Deum imponere iugum super ceruices Discipulorum, quod neque nos, neque Patres nostri portare potuimus? Sed per gratiam Domini IESU Christi credimus saluari, quemadmodum & illi.] Vnde est consequens, in illis verbis, [Vos scitis:] & item in illis, [elegit per os meum:] Petrum significasse, *ὁ ἐκ ταύτης ἀνέστη*, idest, auctoritatē sibi à Deo

tributam, quæ eis scientibus, conuenienter Scripturæ sacre, ad confirmandam Christianorum omnium fratrum fidem, & verbi promulgationem, pertineret: Hac enim ratione *hæc apostolica*, idest, auctoritatis excepta, æque omnes Apostolos ad prædicandum Euangelij verbum, Christus elegerat: sed ratione, ut diximus, huius eminentis auctoritatis, Petrus solus fuerat, os omnium, constitutus.

*Maximum aliud secundum exemplum executionis, per Petrum
facile, mandati. [Confirma fratres tuos.]*

MAXIMUM tamen Petri gestum, secundum pro executione tanti præcepti, cum Pontificij, ac primatus munere, sibi à Christo iniuncti, ex Apostolo Paulo, Epist. ad Galat. c. i. restat explicandum. Gloriatur apud illos, ibi Paulus, id Euangelium prædicasse, quod non ab hominibus, neque per hominem, sed per ipsius Christi reuelationem didicisset. Hinc hominum quorumcumque ad illius noticiam, consuetudine, ac magisterio prætermissis, Apostolorum etiam sibi priorum, Ierosolymæ assistentium, conuersatione non curata: cum Arabiam, euangelizando Dei verbum, pertransisset, & Damascum, ubi Christus IESVS illum vas electiõis, hoc est, electum, illi ministerio designarat, illud fideliter exsequendo, reuersus esset: hiscè sic additi [Deinde post annos tres (à conuersione, scilicet), veni (è Damasco, nempe fugiens, de quo Act. c. i. ut quidam interpretantur) Ierosolymam, videre Petrum: & mansi apud eum diebus quindecim.] Maximum iam hic elucet Petri gestum: per tot annos Christi Euangelium, illud sibi Christo ipso reuelante, prædicauit Paulus: Apostolorum alium vidit neminem, nisi obiter Iacobum fratrem Domini; quos non adiit, quia, ad sui muneris executionem, illis, neque theoricè, neque practicè, sibi persuasit, indigere; & tamen post tres annos, Petrum ut videret, ascendit Ierosolymam, & cū eo fuit per plures dies commoratus.

Hic notat Ambrosius, Paulum ad Petrum venisse, veluti primum, inter Apostolos: & sic opus erat, ut Paulus cum Petro Euangelium conferret: ut dum ab eo, & illud, & eius prædicatio essent comprobata, Petrus præcepto, de Ecclesiæ vniuersis munijis confirmandis, esset par, & Paulus obligationi, de Ecclesiæ, & eius summo Pontifici suam doctrinam subiiciendo, non deesset. Aduertit etiam Theophylactus Paulum, tamquam ad se maiorem honorandum, ad Petrum venisse: & ideo non dixisse, *Idcirco*, idest, cernere, simpliciter: sed *hyscè*, idest, videre & cum obseruatione intueri.

Afirmauimus Paulum cum Petro illis quindecim totis diebus, suam doctrinam Euangelicam contulisse, hiscè moti fortissimis literalibus argumentis. Primo, nam cum c. sequenti fateatur Paulus, post annos quattuordecim sibi reuelatum fuisse, ut ascenderet Ierosolymam: illius

aduentus illa fuit præcipua caussa; vt cum Ecclesiæ columbis Petro, Iacobo, & Ioanne Euangelium, quod prædicabat, conferret: ne fortè in vacuum curreret, aut cucurisset. Qui licet nullam accessionem, ad doctrinam, quam docebat, fecissent, eam tamen hæres inde habuit utilitatem; vt cognita per Apostolos gratia, à Christo Paulo communicata, eiusque prædicatione inuenta pure Evangelica, ac omni digna & confirmatione, & laude, iunctis dextris inter eos, concordia, & amicitia, scilicet, Symbolo, in Ecclesiæ Ierosolymitanæ facie, liberius posset Paulus munere vel Apostolatus in Gentibus, Euangelium illud nempe annunciando, quod Iacobus, quod Ioannes, & quod ipse Petrus omnium Apostolorum vertex, & Coryphæus, suis: ex circumcisione charissimis fratribus, nuntiarent.

Hoc ergo prædicto fundamento, certo certius colligitur, quando primùm Paulus adiit Petrum solum, & apud eum quindecim egit dies, hoc præcipuè in illis ab utroque fuisse gestum; vt Paulus, quod per reuelationem IESU Christi, ad Patris dexteram sedentis, Euangelium acceperat, Petro, qui illud à Christo in terris visit, & cum hominibus conuersanti didicerat, referret; vt Paulus, ex hac assequeretur collatione, symphoniam & suam, & Petri doctrinam, & nihil suæ superadditum, nihil à Christo fuisse detractum; immò se idem prædicare Euangelium, quod Petrus, ab eodem Auctore, apud suos fratres, & contribules & prædicandum, & confirmandum suscepisset.

Est secundum argumentum, quia Paulus cum illo i. capite scripisset, Euangelium se per Christi reuelationem expressisse, vt illud Gentibus afferret: addidit, [continuo nõ acquieui carni & sanguini; neque veni Ierosolymam ad antecessores meos Apostolos, &c.] Scimus Hieronymum, argumento quodam coarctatum, sic distinguere: vt illud mox, statim, suæ continuo, non cum carne iungeretur, & sanguine, sed cum superiori legèretur coherens, scilicet, [vt euangelizarem illum in Gentibus continuo:] & statim exordiat: [Non contuli, &c.] Sed esto, exordium sit sequentium, & legatur; [continuo non acquieui, &c.] est sensus, non continuo contuli cū carne, & sanguine. (ad præparandum, habetur Græcè, idem, scilicet, verbum, quod infra c. 2. repetitur, ὑπὸ τῷ πνεύματι, & Interpretes vertit; nihil mihi contulerunt:) tum cum homine, nemine communicauit: hominem neminem, super Euangelij doctrina, in consilium, adhibui: addit, continuo, idest, tunc; quia vt vidimus, diu post eum Petro, & alijs Apostolis, de Euangelij contulæ prædicatione. Ex verbis ergo Apostoli habemus, hac phrasi loquendi vsum, cum carne & sanguine non contulisse Euangelium; quasi (quod verum est) quod cælesti diuinoque firmatum decreto erat, ab homine esset nullo modo discernendum. Haud tamen hinc erat consequens: vt cum ipso decernente Deo, decretum illud non iterum, ac tertio, immò sæpius conferretur.

Oportuit ergo; vt Paulus per totum illud triennium, quod, à sibi facta Euangelij reuelatione, fuit elapsum, secum millies euoluisset: in Euangelio quod, priuilegio quodam miro, & insolito, cælitus acceperat, contineri Petrum Apostolum, illam fontalem Euangelij confessionem, qua Christum, filium Dei viui, Patri consubstantialē prædicauit, Matth. c. 16. non ex reuelatione carnis, & sanguinis, idest, non, quia, eam, vel cum vllō hominum contulisset, vel ab homine accepisset; sed Patre ipso cælesti reuelante; ad Christi filij pedes, Apostolis ceteris præsentibus, extulisse. Opus hinc erat; vt si caro & sanguis, homines nempe, nō erant, de diuinitus præiudicata Euangelij doctrina, in consilium vocandis; ad illius tamen collationem, homines similis reuelationis participes vocarentur. Cumq; Petrus tali priuilegio fuisset inter Apostolos insignis, dicente Christo, Matth. c. codē, [Beatus es Simon Bar Iona: quia caro & sanguis non reuelauit tibi; sed Pater meus, qui est in cælis:] immo ex hoc gratiis Patris fauore, quo Petrum fuerat prosequutus, ansam Christus sumpisset, Petro totius Ecclesiæ regimen committendi; subdente eodem statim: [& ego dico tibi, quia tu es Petrus, & super hanc petram ædificabo Ecclesiam meam, &c.] Petrus inter omnes Apostolos à Paulo fuit querendus, & cōueniendus: vt reuelatio, reuelationi comparata, & per eam confirmata, indubitata per Ecclesiam auctoritatem obtineret.

Suffecisset verò Paulo cum Petro quindecim dies Christianæ doctrinæ collatores exegisse: vt & sibi non defuisse videretur, quin arcana Evangelica, quæ, ad tertium cælum raptus, didicerat; Petro, qui cælorum omnium clauēs, à Christo acceperat, patefecisset: vt ianitor cæli, an ad cælos fuisset admittendus Paulus, fidei suo testimonio declararet: item vt Petrus præcepti Dominici illius, [cōfirma fratres tuos,] cōstans, ac pertinax exsecutor manifestaretur; qui doctrinam Paulo à Christo è cælis per reuelationem traditam, Christi ipse in terris Vicarius, tanta auctoritate, nihil illi detrahendo, nihil augendo confirmasset. Suffecisset hoc; inquam, vt post quindecim annorum deinde spatium, haud necessarium fuisset Paulo, etiam præiua reuelatione, Ierosolymam ascendere, cum Petro rursus, & ijs qui ibidem in pretio erant Episcopis, & Presbyteris, quam Gentibus afferebat, doctrinam Euangelicam collaturus. Intercedente tamen grauissima persecutione, quam à falsis quibusdam fratribus patiebatur Paulus Christi sedulus imitator, nouum, suæ veræ, ac certæ Euangelicæ professionis, ac enunciationis, testimonium inquisiuit.

Ostendebat, & præ se ferebat Paulus quocumque terrarum prædicās proficisceretur, se plenam, & absolutam Euangelij doctrinam diuinitus, non verò ab hominibus accepisse: reuelationes sibi factas, & ad cælos raptum, cum id, gloriæ Dei augendæ, ferebat occasio, sincerius enarrabat. Erant interim quidam ex Iudaismo subintroducti falsi fratres, circum-

cisionem Baptismo associare volentes, illamq; haud esse vquam, etiam Gentilibus ad fidem conuersis, pratermittendam, proteruè defendentes, contra id quod, & Paulus docebat, & quod in Apostolorum, ac Presbyterorum Concilio, Act. c. 15. fuit ad mentem Pauli definitum. Fratres illi Apostolos, Presbyteros, ac ceteros maiores natu Ierosolymis degentes, magni æstimabant, in pretio esse habendos maximo, assercbant, eorum laus, & existimatio, maximopere iactabatur ab illis, atque malitiosè, & inuidiosè eorum doctrina, cum Pauli doctrina comparabatur: vt hoc contentionis præiudicio, Paulini Euangelij auctoritas, fidesque esset insigniter minuenda. De quo Augustinus super Epistolam ad Galatas ipsius Apostoli, est videndus. Totius rei cardo in hoc versari videbatur, An Paulo, ea, quam exigebat, esset fides adhibenda: cum affirmabat, se in fonte originali Christi pectoris Euangelij fluëta potauisse. Quid faceret tum Paulus? id equidem quod in simili graui difficultate fecit Christus; ne, quantumcumq; cælestibus auctus reuelationibus, super magistrum discipulus esse conaretur.

Ergo Christi IESV Saluatoris doctrina ex eo, apud Iudæos, in suspicionem, vel non veræ, vel insolentis, venerat; quod, à suo solum auctore, haberet testimonium; cui, in propria causa, non esse credendum, & præcipuè, si de re maximi ageretur momenti, qualis erat mutatio integri Hebræorum status, & apud ipsos Hebræos, & apud Gentium Nationes viri sapientes docuerunt. Christus huic obiectioni apud Ioan. c. 5. sic respondit: [Si ego testimonium perhibeo de me, testimonium meum non est verum:] ac si dicat, pluribus Græcis Doctoribus explicantibus: quia ego de me ipso testimonium perhibui, existimabitis non esse verum? At non est sic. & subdit: [Alius est, qui testimonium perhibet de me: & scio, quia verum est testimonium eius, &c.] & c. 8. opponentibus Phariseis sic: [tu de te ipso testimonium perhibes: testimonium tuum non est verum:] respondit Christus: [Et si ego testimonium perhibeo de me ipso, verum est testimonium meum: quia scio vnde venio, & quo vado, &c.] & infra: [Solus non sum, sed ego, & qui misit me Pater, & in lege veltra scriptum est, quia duorum hominum testimonium verum est. Ego sum qui testimonium perhibeo de me ipso, & testimonium perhibet de me, qui misit me Pater.] Ecce Christus, qui fidelis, & verax erat, & viam Dei in veritate docebat, etiam falsò, etiam, malitiosè, etiam per contemptum, illius credibilibus satis testimonijs fidem abrogantes, haud fuit dedignatus remittere Iudæos ad testimonium, quod de ipso sua opera dabāt, quod Ioannes Baptista dederat, Ioan. c. 1. & ad Patrem, Matth. c. 3. testificantem: [Hic est filius meus dilectus, &c.] & rursus ad eundem, testimonium idem, immo auctius, Matth. c. 17. in Thabor monte repetentem. Qua rei gesta huius luce, & quo Christi exemplo præeunte, opus fuit Paulo, similibus illi calumnias, circa suæ doctrinæ euulgationem, fra-

tribus falsis tentibus, diligenter obuiam ire; ad aliquod eos compellans, & compellens testimonium adeo firmum sentiendum, quo eorum falsi, de Pauli ambigua doctrina, sparsi rumores euanescerent: & id tale erat omnino futurum, si iidem, qui apud dictos fratres erant in pretio, quorum primus erat Petrus, post exactam Paulinæ doctrinæ disquisitionem, nihil accessionis, nihil diminutionis eidem factæ, dextras cum Paulo sociarent, eandem ex condito, quam Paulus retulerat, Evangelicam veritatem, cum esset eadem cum illa, quam ipsi prædicabant, in posterum per orbem vulgaturi.

Quinque Corollaria, ex præfatis excerpta.

COLLIGUNTUR ex prædictis sequentiâ Corollaria, doctrinam, circa quam versamur, valde corroborantia. Et primum est, Petri maximam esse prærogatiuam, etiam per Paulum ipsum fuisse declaratum, scribente Tertulliano, lib. 4. contra Marcionem, Paulum, cum adiit Apostolos, collaturus cum eis Euangelium, ne forte in vacuum, curreret, aut ecurrisset: id significasse, ne non secundum illos credidisset, & euangelizaret. Et addit Tertullianus: [Auctoritatem fidei & prædicationis suæ optauit,] quam præcipue à Petro erat habiturus, quatenus erat caput, & petra Ecclesiæ fundandæ apposta à Christo fundamentum, iuxta effectum sui nominis, Cephas, quod Chaldaicè petra, Græcè autem, caput significat. Vide Theodoretus Epist. ad Leonem Papam affixa Commentarijs eius, in Epistolam ad Romanos: [Si Paulus, inquit, prædicator veritatis, & Spiritus sancti tuba ad Petrum accurret; ut ijs, qui Antiochiæ, de viuendo secundum legem Moysis, disceptabant, definitionem, & explicationem ab eo ferret: multo magis nos, qui pusilli sumus, & viles, ad solium vestrum Apostolicum accurremus; ut à vobis medicinam vlceribus Ecclesiarum feramus.]

Asserit etiam Hieronymus Commentarijs in Epist. ad Galat. Paulum post annos tres, honoris ipsi Petro deferendi causa, illum intuisse: quod & Epist. 1. ad Augustin. repetit. Addit Chrysostomus Homil. 87. in Ioan. [Quia os Apostolorum Petrus erat, & vertex ipsius cætus, propterea, Paulus ascendit eum videre, præ alijs.] Et Ambrosius Commentarijs in eum locum ait: [Quia dignum erat, ut ciperet videre Petrum, cui delegauerat Saluator curam Ecclesiarum.] Adiungit Tertullianus, de Præscription. [ex officio, & iure id illum fecisse.] Theodoretus etiam dixit: [Principi Apostolorum, quem, par erat, honorem tribuit.] Vide non dubitauit Gregorius, Homil. 8. in Ezechielem, Apostolum Paulum, minorem fratrem, appellare: sicut nec Augustinus, Petro posteriorem: imò dicere, [primatum Apostolorum in ipso Petro excellenti gratia præminere.] Neque obiter prætermittimus considerare, ijs actionibus, videndi primo Petrum, ac deinde, etiam per reuelationem, admonitum

Paulum ascendendi Ierofolymam, ad cum alijs Apostolis, & senioribus Petrum ipsum, quasi caput, & fundamentum Ecclesiæ, primò consulendum, futuris omnibus demonstrasse Christianis, nullam doctrinæ successionem in Ecclesiâ fore recipiendam, & approbandam, præter illam, quam per Apostolorum Euangelium, & prædicationem exceperat. Quod adeò constanter obseruatum fuisse à primitiua Ecclesiâ notat Augustinus, ut si Paulus ipse (verba sunt Augustini lib. 28. contra Faustum c. 4.) non inuenisset in carne Apostolos, quibus communicando, & cum quibus Euangelium conferendo, eiusdem societatis esse appareret, profectò Ecclesiâ illi (sic extra ordinem misso) non crederet; sed cum cognouisset, eum hoc annunciantem, quod Apostoli annunciantes, in eorum unitate, ac communione viventem, meruit auctoritatem.] Quod idem Tertullianus contra Marcionem prius adnotat.

Sophronius scilicet Ierofolymitanus Patriarcha Epistola Synodica ad Honorium Roman. Pontificem, cuius etiam meminit Procius Constantino- politanus, in sua Bibliotheca, sic scripsit: [Apostolica, & vetus traditio inualuit, ut qui ad Hierarchiam eliguntur (Episcopatum intelligit,) ad eos, qui in Hierarchijs capescendis, & administrandis, maiores sunt, omnino sincerè referant, quid sentiant, & qua fide sint, ut Paulus illis tradidit valde cautè: ne in vacuum currerent, si qua in parte fides manca esset, &c.] Et infra querens, quare Paulus cum Petro, & Apostolis contulerit Euangelium, [*Κοινωνήσας αὐτῷ τοῦ εὐαγγελίου*, idest, cupiens, affectans, concilians, seu, iuxta quosdam, poscens, interrogando, quod dicunt esse Latine stipulari, & Græcè *μενεύσασθαι*, ut firmum sibi fieret, quod tradebat.] Hoc est igitur, quod Tertullianus dixit, veluti vim verbi huius Græci exprimens, [auctoritatem suæ prædicationi operasse.] Videnda sunt cetera, quæ multum faciunt ad hoc argumentum, in præfata Epistola. In eandem sententiam Theophylus Alexandrinus in 2. lib. Paschali, notauit in Origene: [In tantum, inquit, seipso magistro intumescens, ut non imitaretur humilitatem Pauli, qui plenus Spiritu sancto contulit cum prioribus Apostolis Euangelium, ne in vacuum curreret.] Immo notandum est maximè, non prius Paulum de prædicatione sua dixisse, ad Galat. c. 1. [Licet nos, aut Angelus de cælo euangelizet vobis, præterquam quod euangelizauimus vobis, Anathema sit,] & iterum: [si quis vobis euangelizauerit præter id quod acceperitis, Anathema sit,] quam dogma fidei suæ prædicationis auctoritate Petri, Iacobo, & Ioanne in concilium adhibitis, firmatum, ac solidatum, & veluti sigillo Apostolicæ petræ signatum fuerat, & munitum.

Habetur Corollarium secundum, qualiter Petrus ex officio, ac præcepto, confirmauit hic fratres illos, qui subintroierant libertatem Pauli, in Euangelio prædicando, exploraturi, & cum apud ceteros Aposto-

los, quali circumcissionis contemptorem damnaturi, Pauli nempe doctrina laudata, & approbata, ab illorum animis falsam, quod in se erat, opinionem eximendo: qui nisi refractarii, & à fide alieni esse vellent, Petro, & in eo Ecclesie, super eum stabilitæ, erant dubio procùl credituri. Ecclesie enim dicentis vox, diuina est vox; nam cum Christus Luc. c. 10. Apostolis dixit, [Qui vos audit, me audit;] apertè docuit, vocem magistrorum Ecclesie, esse vocem Dei. Vnde Paulus, 1. ad Thess. c. 2. sic docuit: [Cum accepissetis à nobis verbum auditus Dei, accepistis illud, non vt verbum hominum; sed sicuti verè est, verbum Dei.] Hinc Augustinus, verbum Apostolorum, verbum Dei esse ostendit, dicens, Tract. 109. in Ioannem: [Non propterea non est verbum Dei, quia dictum est verbum Apostolorum: sed ideo verbum Dei, quia Deus id donauit: ideo verbum Apostolorum, quia Deus illis primitus, ac præcipuè commendauit.]

Tertium Corollarium est, Paulum merito, toties gloriatum fuisse de Christi imitatione; immò ipsius stigmata in suo corpore portare. Nam præter id exemplū dudum à nobis inductum, de testimonio Christi, apud perfidos nutante Phariseos; & de testimonio Pauli, apud fratres contempto malitiosos: Christus Dominus, sic Matth. c. 16. suos rogauit discipulos: [Quem dicunt homines esse filium hominis?] Et illis varias, ac totidem falsas opiniones referentibus, subiunxit: [Vos autem quem me esse dicitis?] idest, vt Hieronymus ibidem exponit; [illis, qui homines sunt, humana opinantibus, vos qui estis Dij, quem me esse existimatis?] Quando Petrus Apostolus diuino afflatus spiritu, ac Patris æterni reuelatione delibutus, illam protulit, millies à Christiano cum pietate indies proferendam, confessionem: [Tu es Christus filius Dei viui.] Paulus autem communicans Christi passionibus, à diuersis diuersa de eo sentientibus, ac dicentibus fuit fratribus impetitus; vt aliquando dixerit: [Quasi morientes, & ecce viuimus; vt castigati, & non mortificati; vt seductores, & veraces; per infamiam, & bonam famam: per gloriam, & ignobilitatem:] & his similia: sed præcipuè circa doctrinæ Euangelicæ prædicationem, plures molestias, à pluribus falsis fratribus, supportauit.

Oportuit ergo, vt tantus Christi imitator, discipulos ipsos Christi adiret, & maxime Petrum, quasi iam expertos, ac peritos, ad similes questiones respondere, rogans illos: [Vos autem, quem me esse dicitis?] Tunc Petrus, Paulo primū per quindecim auscultato dies, ac post annos quattuordecim discursu eiusdē prædicationis fructuosissimè perspecto: gratia insuper, quæ ipsi cælitus data erat, cognita: dextra societatis illi cum Ioanne, & Iacobo Coapostolis data, quod erat concordie Symbolum, vt diximus; & prædicationis ministerijs diuisis, vt illi in Circumcisionem, hoc est, ad Iudæos maxime attenderent conuertendos; Paulus in Gentes, hoc est, studio præcipuo, ac primo, Nationum, vbi

Deus notus non erat, conuersionem ad fidem Christi procuraret: hoc omnino de Paulo visus fuit Petrus coram Ecclesia, & ad Ecclesiam, graue testimonium protulisse. Hic est vas electum à Christo, in quo sibi complacuit nomen suum, ac Euangelium, per orbem portari: ipsum audite: Et in hoc sensu negare non possumus, Petrum Apostolum, Pauli Apostoli, non ab hominibus, neque per hominem, sed per reuelationem IESV Christi edocti, tanti, scilicet, Theodidacti etiam, quasi ex officio, ac Christi præcepto, seriem prædicationis, ac doctrinam vniuersam confirmasse.

Quibus hic addendum est, aliàs Petrum Apostolum doctrinæ Pauli eximium, & commendatorem, & assertorem, & confirmatorem extitisse. Cum enim sua Epist. 1. c. vltimo, agens de extremo iudicio, illius Pauli assertionis meminisset ad Romanos, ad idem propositum, scriptæ, c. 2. scilicet: [Existimas autem, ò homo, qui ita iudicas, eos, qui talia agunt, & facis ea, quia tu effugies iudicium Dei? An diuitias bonitatis eius, & patientiæ, & longanimitatis contemnis? An ignoras, quoniam benignitas Dei ad pœnitentiam te adducit?] assertionem eam, sic Petrus approbando, citauit. [Propter quod, charissimi, expectantes, satagite immaculati, & inuiolati ei inueniri in pace, & Domini nostri longanimitatem, salutem arbitramini. Sicut & charissimus frater noster Paulus, secundum datam sibi sapientiam, scripsit vobis: sicut & in omnibus Epistolis; loquens in eis de his. Et protinus Petrus subiungit: [In quibus sunt quædam difficultia intellectu, quæ indocti, & instabiles deprauant; sicuti & ceteras Scripturas, ad suam ipsorum perditionem.] Legerat quidem curiosè summus Pontifex Petrus Pauli Epistolas, easque voluit diligenter euoluere: quasi dignas, quæ è manibus Ecclesiæ Præfectorum numquam caderent: & quæ non essent à nobis oscitanter legendæ: ni velimus eas, seu nostra inscitia, seu scientia instabili, deprauare.

Quartum Corollarium, ad nostrum præsens intentum, certissimè sequitur: Paulum cum Petro omnem Politici regiminis rationem, quæ vel ad Ecclesiasticorum spectaret seorsum Politiam, ciuilemque administrationem, vel quæ ad totius corporis Ecclesiæ normam pertineret, expressè contulisse: & hoc tam in genere, & vniuersè, quàm specificè, & singulariter; eamque omnem sicuti Paulus, in cælis se illam accepisse, attestabatur, à Petro in terris fuisse, & exceptam, & confirmatam. Immo est certissimum, tunc in re illa grauissima, & quæ vt ponderosissimam, est incredibile prorsus, à primis illis Ecclesiæ columnis non fuisse maxima cautione animaduersam; Petrum multa specialiter agnouisse ex Pauli conuersatione, quæ Christus illi, ad tertium raptò cælum, clarè circa Ecclesiæ Politiam vniuersam, gerenda monstrauit, quæ Apostolis, in carne degens mortali, haud declarare voluit; quia neque tempus, neque occasio, neque illorum dispositio, neque rerum status, neque nationis

Hebraicæ conditio, neque redemptionis, & eius humilitatis cursus, neque tandem antiquarum Prophetiarum complementum, agendi, docendi, aut conuersandi alium modum postulabant. Hoc assertum, est expressa doctrina ipsius Apostoli Pauli, qui iterum contra eos, qui verba eius, tamquam humana, contemnerent, scilicet ipsos, tamquam peritos, ac sapientes, venditarent, sic ad eos loquitur, 1. ad Corint. c. 14. [An à vobis verbum Dei processit? aut in vos solos peruenit? Si quis videtur Prophetæ esse, aut spiritualis, cognoscat, quæ scribo vobis, quoniam Domini sunt mandata.] Et tamen multa, quæ Paulus ad Corinthios scripserat, in Scriptura Evangelica non habentur: sed doctrinam suam, Domini mandatum vocat, sicut alibi Euangelium suum; quia ab illo, tamquam ab Apostolo, & Euangelista, & Doctore Gentium, verbum illud Dei processit, non ab illis alijs superbis Corinthijs, qui illum procaciter contemnebant.

Sequitur quintum Corollarium strictissime ad nostrum institutum: Quæ cumque Paulus in suis disposuit Epistolis, quæcumque docuit in sui Apostolatus discursu, circa Politiam Ecclesiasticam, eiusque regimen civile, siue solas respiceret Ecclesiasticas, siue etiam seculares personas; ea omnia esse mandata Dei, & Euangelium Christi IESV, & à Christo IESV Paulo per reuelationem communicata, & per Petrum, & Ecclesiam approbata, & confirmata: & quæ de Iure diuino ligent omnes Christianos respectiue: & à quibus, Dei Euangelio constante, neque à secularibus, neque ab Ecclesiasticis Principibus, & Pastoribus integrum & licitum sit recedere: ab illis Ecclesiasticam, modo quocumque indebito, Iurisdictionem vexando, ab his eam, vel, ob cupiditatem, ampliando, vel ob desidiam, non defendendo,

Confirmatio Politie Ecclesiasticæ, ex alijs Scripturæ locis.

CVM igitur multa iam dixerimus, ad probandum ex Christi Domini verbis, in vltima cæna habitis, colligi, eum instituisse Politicum Magistratum Ecclesiæ Præfectorum: immò ex verbis prædictis, quibus specialiter Petrum fuit allocutus, illum summum constituisse Pontificem ac Prælatum, addito præcepto, vt ipse ceteros fratres, non solum in fide confirmans, verum etiam & instaurans, consummans, perficiens, vniuersæque confirmans eorum Politiam, & Diuinam, & humanam, sibi in Euangelio insinuatam, totum ædificium Ecclesiæ solidaret: hoc nobis agendum restat, vt locis alijs Scripturæ sacræ, & sanctorum Patrum explicationibus, assertionem prædictam confirmemus. Habuimus quidem in superioribus, confirmandi Ecclesiam, & curam, & munus Petrum Apostolum ad Christum Ecclesiæ angulare fundamentum reieccisse, 1. Epist. cap. 5. alludendo, videlicet, ad Prophetiam Vatis regij Apostolorum nomine Deo supplicatione expositam,

Psalm. 67. scilicet, [Confirma hoc Deus, quod operatus es in nobis, &c.] habuimus & Christum vicissim Petro Apostolo confirmandi Ecclesiam, & curam, & munus, quasi ipsius futuro Vicario, demandasse.

Reperimus tamen Paulum Apostolum calitis edoctum, eam etiam rationem, vniuersam confirmandi Ecclesiam, & eius fideles, siue in spiritualibus, siue in Politicis actionibus, intellexisse, subdelegari posse: cum ad Thessal. 1. cap. 3. sic scripsit. [Misimus Timotheum fratrem nostrum, & ministrum Dei in Euangelio Christi, ad confirmandos vos, & exhortandos pro fide vestra: ut nemo moueatur in tribulationibus suis. Ipsi enim scitis, quod in hoc positi sumus.] Et ut quæ confirmatio esset à Timotheo Thessalonicensibus facienda, constet: & esse similem illi, de qua Christus loquutus fuit, iniungens Petro, [confirma fratres tuos:] notandum est, ex cap. 2. ipsius Epistolæ; Thessalonicensium Ecclesiam, & eius Prælatos, graui, & vrgenti tribulatione fuisse exercitos, à suis etiam affinis, & contribulibus excitata: ne Euangelium Christi Gentibus vltèrius nunciarent. Hoc sic describit Apostolus; [Vos enim imitatores facti estis, fratres, Ecclesiarum Dei, quæ sunt in Iudæa, in Christo IESV; quia eadem passi estis vos à contribulibus vestris, sicut, & ipsi à Iudæis, qui & Dominum occiderunt: IESVM, & Prophetas, & nos persequuti sunt, & Deo non placent, & hominibus aduersantur: prohibentes nos Gentibus loqui, ut salui fiant.] Hæc tribulatio, & angustia, de qua hic Apostolus facit mentionem, Ecclesiæ Thessalonicensium Capita, Pastores, videlicet, & Presbyteros, ac Præfectos omnes Ecclesiasticos principaliter, & quærebat, & inueniebat. [In hoc enim, inquit Apostolus, positi sumus:] ex persona sua ostendens, eos omnes, qui præfecturam cum illo haberent communem, in communem etiam esse positos quasi ruinam, & in signum, cui foret contradicendum. Et hinc est certum, primitiuis illis (cum spiritus gaudio reperendis) Ecclesiæ temporibus, quibus persecutiones vigeant Christianorum, Episcoporum, vel ambis, vel desiderasse, nihil fuisse aliud, quam optasse, ac voluisse, pro Christo martyrio consummari. Misisse ergo Paulum ad Thessalonicenses suum Discipulum Timotheum, ad eos, & confirmandos, & exhortandos, idem est, ac, misisse, ad confirmandam Hierarchiam, & Politicam Præfectorum illius Ecclesiæ; ne propter persecutionem, à suis, & affinis, & concubus, motam, animo desponderent circa fidem, & Ecclesiæ gerendi, tam Spirituale, quam Civile regimen; sed illis, qui eorum exspectabant iugulum, spontaneè, pro Evangelij gloria, & publicatione, iugulum præstarent. Est etiam idem, ac, misisse, ad exhortandos Christianos ceteros, ut pro fide, ac circa fidem, quam illuc usque fortem habuerant, se tunc fideiiores ostenderent: ipsa fide, & omni obedientia, ad suos Præfectos obseruata; quo utroque, & imperantes, & obsequentes, immotos, tribulatio præfens, inueniret.

Est & alius locus, Act. c. 13. ubi de Paulo scriptum est: [Perambulabat autem Syriam, & Ciliciam, confirmans Ecclesias, præciens custodire præcepta Apostolorum, & Seniorum:] idest, sedulo monens, primo, ut in regula fidei accepta manerent: deinde ut Hierarchiam, & Politiam Ecclesiasticorum ministrorum, & imperantium, & parentum illibatam conseruarent: quod Ecclesiæ ædificium altè consurgeret. Qui enim Corinthios, Christo etiam in sermonis exordio contestato, Politicum regimen, circa negotia secularia, per Christianos ipsos administranda, docuerat: qui Ephesios instruxerat, circa Politiam Ecclesiasticam, viuendi regulam, per tot ministros exhibendam: [ad consummationem Sanctorum, in opus ministerij, in ædificationem corporis Christi,] quod est Ecclesia vniuersa; quomodo prætermitteret, partes ipsius corporis, Ecclesias Syriæ, & Ciliciæ, & in fide, & in omni Politica administratione confirmare? hic Presbyteros, illic Episcopos, alibi Prophetas, verbi Dei interpretes, pro locorum necessitate, constitueret, munia illis Ecclesiastica dispartiendò, præcepta Apostolorum, ac Seniorum, ac Christi Iesu, circa obedientiam, ad seculares Principes; circa reuerentiam, ad Ecclesiasticos Prælatos: ac circa totius Christiani status structuram, illis sæpius inculcando.

Eadem est confirmatio, & illa, quæ Act. c. 16. scribuntur Paulus, & Timotheus solerter præstitisse: hisce verbis: [Cum autem pertransirent ciuitates, tradebant eis custodire dogmata, quæ erant decreta ab Apostolis, & Senioribus, qui erant Ierosolymis. Et Ecclesiæ quidem confirmabantur fide, & abundabant numero quotidie.] Incrementum hic fidelium, traditur ab Historiographo Luca, quasi effectus confirmationis Ecclesiarum; vsu loquendi Scripturæ, quo, coniunctione illa, &, sæpius rem, cui adiungitur, à priori insinuatur, emanare. Crescebant ergo, numeroq. augebantur Discipuli, ac Christiani, quia Ecclesiæ eorum genitrices, ac matres, fide confirmabantur: fide inquam operationis, quatenus ab Apostolo, & Timotheo, animis promptis, ea omnia, & credenda, & facienda, & obseruanda excipiebant, quæ Apostolorum, & Seniorum nomine, sibi, & proponebantur credenda, & imperabantur præstanda. Inter hæc autem, cum ex præcipuis vnum esset, Hierarchiæ, & Politicæ Ecclesiasticæ, circa vtrumq. forum ordinata dispositio, Ecclesiarum illa, confirmatio, vtriusque etiam illius fori, & insinuationem, & conseruationem, pertingebat.

Quid colligatur ex prædictis, & circa explicitam à Petro faciendam fratrum confirmationem, SS. Patrum sententia.

COLLIGIMVS ex his locis, & alijs, ad cauendam prolixitatē, prætermittis, illa, quæ præcipua sunt in ratione fidei propagandæ, officia; ædificare, videlicet, & consummare; plantare, & rigare; inchoa-

re, & perficere: tum verò Ecclesiæ Hierarchiam, eiusque regiminis Politiam instruere: & instructam, sartam, & tectam tueri: & ea omnia, sub confirmationis verbo, comprehensa esse latè conspeximus. Colligimus etiā hæc officia, quæ Deo sunt principaliter propria, Petro nihilominus primum, & eminenter in vltima cœna ab ipso Deo, Christo; videlicet, Deo & homine fuisse communicata, quæ post eum, vel potius per eum, alijs essent ministerialiter communicanda: & id omne, præceptum illud, [Confirma fratres tuos,] includebat; quo sermone ad Petrum habito, maioritatem, seu præfaturam, in Ecclesiasticis personis esse futuram, Apostolos præfentes, & eorum edocuit successores. Hierarchiam ergo, & Politiam, & spirituales, & temporales, perfectissimam fore insinauit: eam tamen, quæ à Petro, videlicet, tamquam omnium confirmatore, & ab illius successoribus Romanis Pontificibus, eodem, fratres omnes fideles confirmandi, functionis munere, dependeret. Quod vltimum asseritur 4. Parte erit ex professo pertractandum.

Hunc sensum ex Sacris Scripturis hucusque erutum, iam olim Sancti etiā Patres, & Doctores præfata Christi verba explicantes, nobis tradiderunt. Leo Maximus, in suæ assumptionis Anniversario sermone, sic ait: [Commune quidem erat omnibus Apostolis periculum, specialis tamen à Domino Petri cura suscipitur: tamquam si aliorum status certior sit futurus, si mens Principis victa non fuerit. In Petro ergo omnium fortitudo munitur, & diuinæ gratiæ ordinatur auxilium; vt firmitas, quæ per Christum Petro tribuitur, per Petrum Apostolis conferatur.] Hic illa verba, [tamquam si aliorum status certior sit futurus,] maximè sunt notanda: status namque Apostolorum erat, esse sal terræ, lucem mundi, ciuitatem supra montem positam, prædicatores Euangelij, Pastores & Doctores orbis terrarum vniuersi; quæ omnia munia & excellentiam, Apostolorum, eorumque successorum, super fideles omnes manifestant; & ex consequio, statum huius Ecclesiasticæ Politicæ, fore per vnum Petrum ordinatissimè confirmandum.

Augustinus in lib. de Quæst. veter. & nou. Testam. q. 79. sic ait: [Quid ambigitur? pro Petro rogabat Saluator, pro Iacobo autem, & Ioanne non rogabat, vt ceteros taceam? Manifestum est in Petro omnes contineri. Regans enim pro Petro, pro omnibus rogasse dignoscitur. Semper enim in Præposito populus aut corripitur, aut laudatur.] Et serm. 124. de Tempore, scribit: [Totius corporis morbum in ipso capite curat Ecclesiæ, & in ipso componit omnium membrorum sanitatem.] Vbi meminisse oportet eorum, quæ diximus supra, ex Apostolo Paulo, de coagmē tatione, & instauratione, seu consummatione sanctorum, in opus ministerij, in ædificationem corporis Christi mystici, tempore passionis eiusdem Christi Domini realis corporis, languidi, ægroti, conuulsi, sed ad pristinam sanitatem, Petro adimplente Christi præceptum illud,

[Confirma tuos fratres] restaurandi .

Ambrosius in Psalm. 43. mirè nostro suffragatur intentui : exponens enim hæc ipsa verba : [Vide, inquit , quid dicat Dominus, & intellige. Ventilatur Petrus, incidit in tentationes : sed Ecclesiæ præponitur, postquam tentatus à Diabolo est ; ideoque ante significat Dominus , quid sit illud , quòd postea eum elegit Dominici gregis pastorem : nam huic dixit : Tu autem conversus , confirma fratres tuos.] Hic manifestè videmus, verba illa, [confirma fratres tuos :] significare, Ambrosij iudicio, fore Petrum Dominici gregis Pastorem , & ex consequenti , Christum Dominum Apostolorum contentionem diremisse, haud damnata in Ecclesia superioritate , ac prælatione, immo Petri eis insinuat, & præostenso Pontificatu , ac Hierarchia , & Politia omni Ecclesiastica prænotata : Præfectorum in ea ordinibus præiactis : ministrorum munij prædoctis : parentum , & imperantium exercitijs præfixis : ac denique nihil in Hierarchia , & Politia Ecclesiastica Apostolos , & Seniores , maioresque hatu Ecclesiæ instituisse ; quod à Christo Domino, inter relinquendum in perpetuum suum verum , & reale corpus, corpori suo mystico, quod est Ecclesia, in æterna ultima non fuerit & præconceptum, & eius Apostolis circumstantibus præstitum .

Rem totam hanc sic Theophilactus super Euangelij, quem versamus , locum , explicauit : [Manifestus , inquit , verborum sensus est : Quod cum te Discipulorum Principem fecerim ; tu, cum post negationem, reueris , & resipueris , confirma reliquos. Hòc enim te decet, qui post me Ecclesiæ petra , & firmamentum es ,] Nihil dilucidius, nihil clarius poterat dici, vel potest adduci ad præfatam auctoritatem explicandam.

Dissoluitur Argumentum contra probationem Conclusionis sumptam ab illo loco, Luca. cap. 22. [Vos autem non sic, &c.]

SI dicatur adhuc contra prædicta : Fuerit Apostolorum illa contentio, de præfectura quacumque ab illis, post Christi Præceptoris mortem, administranda, siue in spiritalibus , & diuinis rebus tantum , siue etiam in ciuilibus, ac exterioris fori : Christi tamen responsio , & Primatus approbatio, seu institutio , & Petri ad illius , & Ecclesiæ supremum caput assumptio , & designatio, ad rerum spiritalium negotia gerenda tantum videtur facta, ut supra arguebamus, quæ in primo principio iam diximus , absque controuersia ad Ecclesiasticam spectare iurisdictionem. Est tamen in oppositum hoc irrefragabile argumentum. Christus Dominus tam hoc loco , quam alibi instituit in Ecclesia sua Hierarchiam de iure diuino per se primò, constantem Episcopis, Presbyteris, & alijs ministris ipsi Ecclesiæ coeternam, (immo propter quam Ecclesia, ex dictis supra, est æterna) & liberam à iurisdictione cuiusq; laicæ Potestatis : Ergo potestas Politica, quo ad Ecclesiasticas personas

temporalis exterioris fori, eſt etiam de Iure diuino, & illæ ſunt immunes, & liberæ tali iure à quacumque iuriſdictione ſeculari.

Antecedens propoſitio, eſt doctrina Apoſtoli. 1. ad Corinth. cap. 12. ſic ſcribentis: [Et quosdam quidem poſuit Deus in Eccleſia primum Apoſtolos, ſecundò Prophetas, tertio Doctores, deinde Virtutes, &c.] & infra: [Numquid omnes Apoſtoli? numquid omnes Prophetæ? numquid omnes Doctores? numquid omnes Virtutes?] Et ad Ephes. cap. 4. ſcribit: [Et ipſe dedit quosdam quidem Apoſtolos, quosdam autem Prophetas, alios verò Euangelistas, alios autem Paſtores & Doctores, ad conſummationem Sanctorum, &c.] Vt ſupra latè deductum eſt. Quo ex loco in Concil. Trid. ſeſſ. 23. cap. 4. colligunt Patres dictæ Hierarchia conſtitutionem, & Can. 6. ibidem ſic diſſinitum eſt: [Si quis dixerit, in Eccleſia Catholica non eſſe Hierarchiam, Diuina ordinatione inſtitutam, quæ conſtat ex Epiſcopis, & Presbyteris, & miniſtris, Anathema ſit.] & Canon 7. ſequenti: [Si quis dixerit, Epiſcopos non eſſe Presbyteris ſuperiores, &c. vel ordines ab ipſis collatos, ſine populi, vel Potestatis ſecularis conſenſu, aut vocatione, irritos eſſe, &c. Anathema ſit.] Conſequentia præſati Enthymematis probatur: repetendo primum illud ſuppoſitum ſuperius factum: Ad Eccleſiæ, videlicet, & durationem, & conſiſtentiam eſſe accidentarium, ipſam eiufque fideles ſub infidelium, ſiue ſub Catholicorum Principum, ditionibus contineri. Tum ſic procedimus: Hierarchia ſpiritualis nequit omninò quieta, pacifica, ac perpetua conſiſtere, ſecluſo grandi miraculo, niſi ciuilibus Eccleſiaſticarum cauſarum in rebus temporalibus adminiſtratio, quietam, pacificam, ac perpetuam illius durationis materiam, ac cauſam efficientem miniſtrorum ei ſuggerat: Ergo vbicumque à Chriſto Domino, ab eius Apoſtoliſ, à ſacris Concilijs Hierarchia ſpiritualis de Iure diuino ſancita eſt; ex conſequenti, eſt de Iure diuino, ſaltim per ſe ſecundò, Politica externi fori temporalis adminiſtratio Eccleſiaſtica conſtituta.

Propoſitio antecedens probatur: & ſingamus, Romanam Eccleſiam hucusque ſub ditionibus infidelium Imperatorum permaſiſſe: quis vnquam mentis compos enunciaret, ad Diocletianum, ad Commodum, ad Caligulam, ſimileſque Imperatores Gentiles, ad Conſtantium, Theodoricum, ſimileſque Hæreticos Principes, eorumque fidei, ſeu perſidiæ miniſtros, cauſas ciuiles Eccleſiaſticarum fuiſſe, & fore deferendas, quæ dubio procul vel retardare, vel promouere, curſum dictæ diuinæ Hierarchiæ poſſent? vt ab expertibus, & contemptoribus, vt à deprauatoribus rerum Eccleſiaſticarum, Hierarchia Eccleſiaſtica dirigetur, conſeruaretur, augeri valeret, vel impediri? Quid cani cum balneo? vel cum ſancto? quid porcis cum margaritis? quid fideli cum infideli? quid Chriſto cum Belial? cum ipſe dicat, Matth. cap. 7. Nolite ſanctum dare canibus, neque mittatis margaritas veſtras aut porcos.

Vbi meminisse oportet, rei illius gestę, ac supra relatę, corā Aureliano Imperatore Idololatra, instantibus Catholicis Episcopis contra Paulū Samosatenum Hæreticum, super possessione domus Episcopatus, à quo fuerat eiectus: de qua re lumine solo naturę ductus, & doctus Imperator, respondit, Ecclesiasticorum illud iudicium haud ad suam iurisdictionem pertinere.

Confirmatur hoc antecedens assertum fortissimè: quia videtur esse Canon expressus 57. Concilij Nicęni: qui sic habet, iuxta translationem, ex Arabico doctissimi Francisci Turriani, quę eadem est ferè cum ordinaria illa Alfonso Pisani. [Locus Episcopi, inquit Concilium, in oratione sit in semmo scelli, siue capellę, &c. In omnibus verò, quę ad Diaconos spectant, quibus præst Archidiaconus, siue quid inimicitie, aut peccati, aut litis, inter eos ortum fuerit, aut aliud quidquid ad iudicium eius necessariò pertineat, nihil referat Archidiaconus ad Episcopum: sed ipse potius eorum controuersias dirimat; si quidem sub potestate eius sunt Diaconi, & debet leuare Episcopum hoc onere. Archidiaconus enim præst vniuerso officio orationis, & per eum gubernari, & disponi debent quęcumque ad Ecclesiam pertinent: ne si huic officio desit, transferatur hoc iudicium, & gubernatio ad seculares; quę quidem possit esse causa, vt meritò Clerici minus Episcopum timeant, & potestas Episcopi, & Sacerdotum debilitetur: quia non possunt tueri veritatem: ex quo fiat, vt populus multa peccata incurrat, neque acquiescat iudicio, in quo oporteat, acquiescere, & in vniuerso populo alij alijs placeant, & non Deo: & hoc etiā populum ab oratione auertat.]

His accedit vltimò Christus, & eius Apostolos, qui insigniter subiectionem, & obedientiam ad Principes laicos, suos Christianos discipulos docuerunt, Ecclesiasticos ministros, circa hanc Politiam illorum, exterioris fori, dictis Principibus obedire debere, numquam docuisse. At sub generali quacumque regula subiectionis ab eis data, intelligenda non venit: quia idem fuisse, vt ad sensum præfati Canonis Concilij Nicęni colligitur, ac dixisse, Non sit Ecclesia; cū extorsionibus, circa ciuiles Ecclesiasticorum causas, frequentibus, possent Principes infideles, clauam fidei, & Diuinę Hierarchię, à ministris Ecclesiasticis extorquere. Quę ergo facultas, ac potestas infidelibus Principibus, in Ecclesiasticarum ciuiliū causarum administratione, numquam competit, vt neque Christianis competat Principibus, necessum est.

Explicatur adhuc locus. Luc. 22. pro confirmatione Conclusionis.

MON VIT ergo Christus præfato loco suos Discipulos, vt in hoc Ecclesiastico, etiā Politico Principatu administrando, nō Gentium reges, sed illum imitarentur, subdens: [Nam quis maior est, qui

recum-

recumbit, an qui ministrat? Nonne, qui recumbit? Ego autem in medio vestrum sum, sicut qui ministrat.] Hoc & præcepit Calixtus I. Epist. 2. c. 3. fieri in administratione civilium causarum, per Ecclesiasticos gerenda, dicens: [Nec aliquo dominationis fastu, sed humillima, & concordii administratione: sicut Dominus ait: Non veni ministrari: sed ministrare. Matth. c. 20. & alibi: Qui maior est vestrum, erit minister vester.] Atqui, si Dominus exemplo suo, Apostolos, & eorum successores, Prælatosq; quoscumq; Ecclesiasticos dominationem administrare iubet, certum est, non solum illorum principatum Ecclesiasticum non negare, immo & ipsum maximè constituere; nam de se dixit ipse: [Data est mihi omnis potestas in cælo & in terra.] Matth. c. 28. & Paulus 2. ad Corinth. c. 14. scripsit: [In hoc Christus mortuus est, & resurrexit: ut & viuorum & mortuorum dominetur.] Hoc ipsum manifestè declarat particula comparatiua à Luca ibi apposita, scilicet, [vos autem nõ sic:] quocumque enim sermone Latino, Hebræo, Græcò in collatione, demonstratione, seu affirmatione posita, similitudinem nouimus denotare.

Quod si ad etymon, verbiq; proprietatem attendamus; κατακυριεύειν Græcè, quod verbum habetur etià apud Matth. c. 20. & apud Marc. c. 10. cum Apostolorum ambitionem enarrant contentionem: non simplici forma dominari significat: sed nimium, vel violentia quadam media: ut si versum fuisset Latine, [dominantur in eos:] Latina præpositio accusandi casui iuncta Græcæ præpositionis κατά, vim exprimeret, quæ frequentius in malam accipitur partem. Est similis huius verbi vsus pluries in Scriptura; ut apud Iosue c. 15. Chaleb desiderans ciuitatem Chariatsepher in suam redigere potestatem, dixit: [Qui percusserit Chariatsepher, καὶ κατακυριεύσῃ αὐτῷ, idest, & ceperit eam; ut translulit Hieronymus, & est dictu, tamquàm captiuus, eius fuerit dominatus: & iure belli potestatem illius fuerit adeptus, quæ sibi liceat iura, quæ Domini habent in seruos, in eam exercere: de quibus Exod. c. 21. fit mentio.]

Hunc locum Lucæ sic paraphrasi illustrauit Origenes: [Principes Gentium ait, non contenti tantum regere suos subiectos, violenter eis dominari nituntur. Inter vos autem, qui estis mei, non erunt hæc: & qui principatum desiderat Ecclesiæ, debet fieri omnium seruus, in humilitate serui; ut obsequatur omnibus, in his, quæ pertinent ad salutem, &c.] & infra: [Non ista dicimus, ut inclinemus Ecclesiasticum principatum: est enim interdum quando, secundum vocem Apostolicam, peccantes coram omnibus arguant: ut & ceteri metum habeant; est aliquando, ut vtens potestate sua, tradat peccantem Sathanæ, in interitum carnis; ut spiritus saluetur in die Domini nostri IESV Christi.] Sensit idem Chrysostomus, adnotans, Christum ibi non solum Apostolorum contentionem, sed vno ictu Gentium etiam tyrannicum principatum reprehendisse: sic sententiam elucidans: [Ita horum quidem inuidiam;

illorum verò arrogantiam succidit .]

Immo ipsa Evangelij littera seipsam, quibuscumq; eiusdem Enarratoribus, clariùs explicat. Queritur inter discipulos de primatu; si Christus illum suis voluisset abrogare Ecclesiasticis, quid facilius dictu fuisset, quàm respondere: vbi non est primatus, neque est Primas, vestra sodalitas æqualitate hac fuit à me instituta, vt Capitis, ac Præfæci, & nomina, & munera longiùs sint ab ea releganda. Vel certè quid meliùs, ac diuiniùs respondisset Christus, discipulorum facili contentionem sedaturus: illos interim ad Principibus laicis meram obedientiam præstandam, remittendo. Attamen alia processit summus Præceptor via: admisit enim primò contentionis, ac quæstionis Apostolorum subiectā materiam, scilicet, primatum, ac maioritatem, inter illos & habenda, & exercenda: neque suam Christianam Rempubicam futuram Acephalam; cū protinùs esset moriturus, non solum pro gente Iudæorum, quod Caiphas, anni illius Pontifex, Ioan.c. 11. prophetauerat: sed etiam vt filios Israel, spiritu etiam, non carne solum, dispersos per mundum, vsque ad Christi consummationem, congregaret in vnum: vt scripsit Ioannes ibidem; vt Prophetiæ descriptæ apud Ezechielem, & alibi, de vnitae, Pastoris futuri in Ecclesia, complerentur. De quibus agemus postea: Ad hunc ergo effectum, Monarchicam Christum relinquere Christianam Rempubicam oportebat; cum integra Hierarchia, ac Politia; vt à Capitis, ac Pastoris vnitae, vnitas expetita in quibus resularet.

Subiecto verò contentionis supposito, ad qualitates attributas, ac opportunas, seu necessarias, in discipulo, primatum volente inter ceteros obtinere, suæ integræ responsionis descriptionem applicauit. [Qui maior est in vobis, dixit, apud Lucam, fiat sicut iunior, & qui præcessor est, sicut ministrator: Nam quis maior est, qui recumbit, an qui ministrat? Nonne qui recumbit? Ego autem, in medio vestrum sum, sicut qui ministrat.] Apud Matth. [Quicumque voluerit inter vos maior fieri, sit vester minister: & qui voluerit inter vos primus esse, erit vester seruus: sicut filius hominis non venit ministrari, sed ministrare.] Apud Marcum: [Quicumque voluerit fieri maior, erit vester minister, & quicumq; voluerit in vobis primus esse, erit omnium seruus. Nam & filius hominis non venit, vt ministraretur ei; sed vt ministraret.]

Ex qua Christi doctrina, nedum primatum inter discipulos, ac generaliter in Ecclesia, non prohiberi, aut improbari, immò maximè statui, ac probari, sic facile colligitur. Quisquis inter vos volet primus esse, dixit Christus Dominus, esto vestrum omnium seruus; ergo hic seruus erit primus: primatusque erit, omnium seruum esse, ac omnibus ministrare. Talem primatum se habere inter fideles, quibus Euangelium, annuntiabat Paulus, 1. ad Corinth.c. 9. asseruit: [Cum essem liber, dicēs, ex omnibus, omnium me seruum feci.] & 2. ad eosdem, c. 4. [Non enim

nosmetipsos prædicamus : sed IESVM Christum Dominum nostrum; nos autem seruos vestros, per IESVM.] Non ergo Christus improbavit illam seruitutem, quæ primatus est, & maioritas; immò eam tantum docet, ac confirmat, & præterea nihil. Ea enim sunt eius verba, & inens: vt fiat sicut minor, minister, & seruus, qui affectat aliorum suscipere principatum. Ratio hæc subsequens Christi id confirmat: [Sicut, vel, etenim filius hominis non venit, vt ei ministraretur: sed vt ministraret, exponeretque animam suam pro multis.] Christus certè erat Primas, habebat imperium, exercebat maioritatem: id est, potestatem amplissimam, Pontificatum maximum, præfecturam summam, supremum sacerdotium: [Vos vocatis, inquit, me Magister, & Domine, & bene dicitis: sum etenim:] Ioan. c. 13. Et tamen primatum illum, eam superioritatem, se habere explicat, quam imperat Apostolis. demissè, ac humiliter exercere: [Etenim, inquit, filius hominis venit; non vt ministraretur ei: sed vt ministraret.] Non carebat, idcirco Christus alio primatu, neque hæc ministratio, seu seruitus, præfecturam aliam auerit, vel excludit, vel simul ferre non potest.

Primatus hic vterque iam olim coniungi iubetur, etiam ab Ethnicis: vt quânto quis maior sit, tantò se gerat summissius: quod Cicero cum omnibus Politicis luculenter docet. Præstat quis præfectura, dignitate, ac Magistratu, est Princeps, est Rex: est ergo primus, est summus, caputque Reipublicæ, omnesque dignitate antecedit. Ecce maioritas, ecce primatus, ac præstantia dignitatis. Is idem præcellit humanitate, comitate, clementia, mansuetudine, tapinophrosine; non est ferox, & sauus, sicuti Ethnicis: hæc re ceteris est antependus, erit prior, & primus. [Rectorem te posuerunt,] inquit Salomon, Eccles. c. 32. [noli extolli, esto in illis, quasi vnus ex illis. Curam illorum habe, & sic confide: & omni cura tua explicita recumbe, (siue vt Græcè habetur, & omnem vsu, tui fac, & approbatus quiesce) vt lateris propter illos: & ornamentum gratiæ, accipias coronam,] siue vt Græcè scribitur, & *ἡλικία* *χαρις*, id est, moderationis, seu, modestiæ, seu officij rectè gesti, gratia, accipias coronam. Hæc docuit Rex regum, eorumque princeps, Deus per regem: haud reges tollens; sed, ne essentur superbe in suos fratres, eos inferuens.

Et ne per plures etiam ex Ethnicis regibus, ne per plurimos sacros Antistites, exempla sic querere necessarium, exemplorum sufficit primum exemplar Christus, qui de seipso dixerat: [Disce à me, quia mitis sum, & humilis corde.] Mat. c. 23. Quis enim se vnquam eo gessit demissius? Cum suorum, etiam Iudæ, abluisset discipulorum pedes, ait: [Scitis quid fecerim vobis; vos vocatis me Magister, & Domine, & bene dicitis, sum etenim.] Si ergo ego vester Magister, & Dominus laui pedes vestros, quânto magis vos, alter alterius debetis lauare pedes? Ex-

plum enim dedi vobis ; vt quemadmodum ego feci vobis , ita & vos faciatis.] Ioan. c. 13. Quod intimè adnotauit Paulus, cùm de Christo scripsit, Philippenfes exhortans Epist. ad eos. c. 2. [Hoc sentite in vobis, quod & in Christo I E S V, qui, cùm in forma Dei esset, non rapinam arbitratus est, esse se æqualem Deo ; sed semetipsum exiniuit, formam serui accipiens, in similitudinem hominum factus, & habitu inuentus vt homo.] Ecce Christus, Magister, & Dominus; ecce de quo ipse Paulus scripsit ad Hebræos, c. 9.] Christus assilens Pontifex futurorum bonorū, &c.] quò maior fuit, eo demissiùs seruus omnium esse voluit; non suam amittens potestatem; sed ornans: non suam præfecturam abnegans, sed confirmans; non primatum suum abrogans, sed constituens: suis tantùm discipulis viam muniens, qua ad dignitates, præfecturas, ac primatus Ecclesiasticos faciliè expeditè, dignèque valeant peruenire.

Quid ni etiam, occasione primatus, ac præstantiæ dignitatis, semel iam discipulis contendentibus, voluerit Christus paucis, nedum typhū, omnemq; fastum, ab illorum eximere animis, quòd ad res ipsas spectat, verim & illos edocere, quibus nominibus, superioritas, & prælatio quæcumque, in Ecclesiastica schola, quæ omnem spirarent humanitatem, ac mansuetudinem, vocaretur? Hinc munia, & officia Præfectorum Ecclesiasticorum, ab ipso nascentis Ecclesiæ exordio, sancta, sanctèq; à nostris progenitoribus concepta, Apostolus, Papa, Episcopus, Archiepiscopus, Pastor, Primas, Patriarcha, Presbyter, Diaconus, Hypodiaconus, Archimandrita, Abbas, huiusmodique cetera, quæ, proprijs consideratis etymis, hanc, à Christo in suæ scholæ Præfectis, desideratam sollicitudinè, humanitatem, curam, seruitutem, minoritatem, ministracionemq; insigniter repræsentent. Itaque principatum, seu ipsius rem, apprimè in Ecclesiastica schola necessaria esse, ab ipso Christo intellexerunt Apostoli, & ab illis eorum sanctissimi successores; ac discipuli perceperunt: nomina verò in principatu minimè ea præsertim, quæ insolentiores excitare motus, sumosioresq; spiritus stultis possent hominibus commouere. De quibus præclare, vñico verbo, sic loquutus fuit Magnus Gregorius, [Non titulis studeo florere, sed moribus.]

Inter istam tamen à Christo demissam adeò commendatam, præfecturæ Ecclesiasticæ administrandæ formam: ne quis vel secularis iurisdictione amans, vel amens, sibi persuaderet, quæ humanitate, ac mansuetudine cum subditis, per Ecclesiasticos Præfectos geri non possent, in se facta ad illorū libitum, permanens; ministracionem, ac seruitutem illam esse innuit Christus, qua, flagello etiam arrepto, sacra profanantes, è templo, vt per ipsum olim, si esset possibilitas, arcerentur. Vndè subito Paulus ipse, omnium aliàs factus seruus, & seipsum prædicans seruum, per I E S V M, ab eo etiam iam immortalis edoctus; in suo Evangelio in illo Christiani, ac Diuini corpore Iuris, quasi titulos de Iudicijs, de

Accusationibus, de Testibus, &c. inseruit, 1. ad Timoth. cap. 5. scribens, [Aduersus Presbyterum accusationem noli recipere, nisi sub duobus, aut tribus testibus.] Et 1. ad Corinth. c. 4. cum praposuisset, se esse ministrum Christi, &c. quò explicaret, hoc ministerium, adeò ab ipso in vltima cæna discipulis demissè gerendum, iniunctum, iudiciali potestatis auctoritatem includere: c. 5. & 6. eam actu, & effectu ipso in Corinthios exercuit, & quo pacto esset ab Ecclesiasticis iudicibus exercenda commōstrauit. De quo infra latè est agendum, & latè etiam superiùs actum est.

*Probatio praposita Conclusionis, & eius veritas, Petri sententia
secundò confirmatur.*

IN prafatam loci huius Evangelici expositionem, miro consensu Patres omnes Græci, immò & Latini conspirarunt. Erit tamen iam operæpretium, eam ex testimonio Apostoli Petri, 1. Epist. c. 5. audire: qui, verbis ipsis Christi conceptis, locum illum elucidans, sic Episcopos, Presbyteros, Rectores, Ducesq; & Potestates omnes Ecclesiasticas alloquitur: [Pascite, qui in vobis est, gregem Dei: providentes non coactè, sed spontaneè, secundum Deum: neque turpis lucri gratia, sed voluntariè: neque vt dominantes in Cleris; sed forma facti gregis, ex animo.] Ecce quale regimen ciuile docuit Petrus, per Ecclesiasticos solum Prælatos, in Christianos omnes, sed præcipuè in Ecclesiasticas personas, administrandum. [Pascite,] inquit, idest, regite, id enim verbum, *ποιμαίνω*, etiam significat, Græcè: vnde illud Interpret, modò per verbum, regere, vt Matth. c. 1. [Ex te exiet Dux, qui regat populum meum Israel:] modò per verbum, pascere, transfert: & apud Ethnicos etiam Auctores, vt apud Homerum passim, hoc verbum significat, regere, & gubernare: quasi idem sint, pascere cibo, pascere verbo. [Pascite,] ergo ait, vel regite, [qui in vobis est, gregem Dei:] idest, Christianos qui Christi sunt grex, vobis gubernandus commissus: [providentes: non coactè, sed spontaneè.] Presbyteros ergo vult gregi suo providere, & attendere, Græcè *ἐπιμενέω*, idque non vi, sed voluntariè, ac liberè, non solum enim intelligendum est hoc actiue, ex parte regentium, [vt cum gaudio illud faciant, & non gementes:] vt dixit, ad idem propositum, Paul. ad Hebr. c. 13. sed ibi omninò allusit Petrus ad hanc Christi doctrinam, quam tractamus; vt hæc aduerbia, passiuè etiam intelligantur, ex parte gregis regendi; quasi dicat, in causis & negotijs, quæ ad vos adducta fuerint, quasi per modum arbitrarie compositionis, ex promiscua Christianorum multitudine, neminem cogatis, præter omne ius, & fas, circa libidine causas decidendo: nam tunc certè esset nuncium remittere legi Christi, [Si peccauerit in te, &c,] qui testibus agi, & à Præpositis Ecclesiæ, seruatis seruandis ceteris, eas voluit terminari.

Addit Petrus [secundum Deum], idest, iuxta Christi doctrinam: vel propter Deum, idest, propter Christum, qui hoc vobis onus imposuit; vel, [secundum Deum;] idest, solum Deum, & eius legis equitatem, in nostris cordibus scriptam, considerantes: vel, vt loquitur Damasus Epist. 4. ad Stephanum, & Concilia Africæ, de hac materia latè scribens, cap. 6. [charitatiuè pro Deo, & fraterno amore cuncta peragentes;] Addit: [neque turpis lucri gratia;] idest, absit à vobis omnis quæstus, aut auaritia, quæ iudicium animis est solita insidiari; sed propter Christum, hanc assumite prouinciam, in visceribus charitatis.

Attamen (quod ad præsentem præcipuè facit conclusionem) cum de causis Ecclesiasticarum personarum ciuilibus, ad vos, tamquam ad legitimos iudices fuerit delatum; quia ibi maius vobis imminet periculum; sicut in quibuscumque, exclusa omni alia ciuili Potestate, Præfecti, eas tractate, [non dominantes in Clericis;] idest, non aliquo dominationis fastu, sed humillima, & concordia administratione: vt dicit Calixtus I. loco citato supra Epist. 1. non vexantes eos imperiosa auctoritate, & potentia: non instar laicorum, & secularis potestatis duriter, ac importuno strepitu, iurisdictionem exerceatis in Ecclesiasticas personas; quæ maiori sunt cum maiore tractandæ: vt quæ præcipuè, sunt de hereditate, & sorte Domini, & quarum Deus præcipuè, fors, & hereditas est: [sed forma,] idest, exemplum [facti] veseri specialis huius [gregis, ex animo,] idest, sincerè, & mente pura, ad imitationem Christi Domini, qui cum hanc nobis suggereret doctrinam, nostram iurisdictionem Ecclesiasticam, ciuilem etiam, eontra regum, & principum, siue Gentium, siue Christianorum, ciuilem Potestatem etiam, distinguens, subiecit: [Nam quis maior est, qui recumbit, an qui ministrat? nonne qui recumbit? Ego autem in medio vestrum sum, sicut qui ministrat.] Luc. c. 22.

Hinc colligitur, qualiter sit explicandus Apostolus Paulus, scribens sic ad Corinth. 2. c. 1. [Non quia dominamur fidei vestræ; sed adiutores sumus gaudij vestri.] Certum est enim, Apostolum, causa fidei ab eis susceptæ, non fuisse dominum Corinthiorum. Vnus est enim nostrum, omnium Dominus qui nos creauit, & in libertatem Euangelij, per redemptionem, asseruit. Præpositum tamen, & Pastorem fuisse vice Christi, & eius nomine leges ferre, & præuaricatores punire potuisse, non negabit, qui legerit illud, 1. ad Corinth. c. 11. [Laudo vos quod præcepta mea tenetis;] & plura alia, quæ statim latius exponenda consequentur. Ergo nullus vniquam Catholicus docuit, debere Episcopos populis dominari violentia; aut iniuria: Patres, Pastores, Presbiteri, non dominos esse dicimus, eo sensu, quo Christus ibi dominatum Gentilium regnum reprehendit, tyrannidem, & superbiam eorum redarguendo: & docendo se filium hominis non ministrari, sed ministrare, de Patris sinu descendisse: modum ethnice gubernationis taxans, & sui regiminis formam.

proponēs: qui cū verē esset Magister, & Dominus, vt ipse ait Ioan. c. 13. ea tamen humilitate præerat, vt seruire, ac ministrare potius videretur.

Et hanc doctrinam, quam Petrus, & reliqui sui Coapostoli, à Christo didicerant, ea ratione in praxi, & vsu exercuerunt; vt per ciuitates & loca congrua, Patriarchas, & Primates constituerint, à quibus grauiores causæ non solum Ecclesiasticorum, verū etiam omnium fratrum Christianorum, iudicari deberent. Præbet de hoc luculentum testimonium Stephanus I. qui anno Christi 257. rexit Ecclesiam, sic scribens, Epist. 2. Decret. [Vrbes enim & loca, quibus Primates præsidere debent, non à modernis, sed, etiam multis ante aduentum Christi, sunt statutz temporibus: quorum Primates, etiam Gētiles, pro maioribus etiam negotijs, appellabant. In ipsis verō vrbibus post Christi aduentum, Apostoli, & successores eorum Patriarchas, vel Primates posuerunt, ad quos Episcoporum negotia, salua in omnibus Apostolica auctoritate, & maiores causæ, post Apostolicam Sedem, sunt referendæ. Ex licet (Apostolo prohibente) inter Christianos non debeant accusationes exerceri; sed si prohiberi non poterit, accusationes Episcoporum, ad memoratos Primates debent, ab accusatoribus deferri. Studendum est tamen Episcopis, vt dissidentes fratres magis ad pacem, quam ad iudicium eos vocent.

Vnica hac ratione circa Christi, ac Petri verba conclusionem confirmamus: nam illa nequiquam congruē spirituali, ac diuinæ Hierarchiæ, modestē, & demissē administrandæ, tantum aptari possunt; non enim eius administratio sola, siue ex parte materialis, siue ex parte efficientis causæ, videtur adeo capax esse illius tam solertis Christi, & Petri paraneleos ad Ecclesiasticos factæ Præfectos, de modestia, ac humilitate in illius exercitio conseruanda, & prætendenda. Certum est namque inter gerenda spiritualia, diuinæq; munia, haud illud fuisse timendum, tantum periculum superbiæ dominationis, ac insolentis supercilij, cui præcauendo, Christus, ac Petrus, & verbis, & rebus gestis, summa diligentia laborarint. Tollatur à diuinæ Hierarchiæ exercitio alterum exercitium Politicæ potestatis circa externas res, ac temporales in Ecclesiæ Prælati: nihil ferē ibi, nisi oneris intercedit. Quod honoris est, id magna ex parte, si nō maiori, Politicæ exterioris fori sibi gubernatio vēdicat; tale est hominum auersum de rebus iudicium. Vnde cū pauci onus, honorem plures & optent, & ambiant, credendum omnino est, Ecclesiasticorum inuicem gerendorum appetentiam, etiam per ipsosmet Apostolos, nondum Spiritus sancti donis recreatos, quō humiliores essent, iam tunc conceptam, in rebus his cōiunctibus in vnam eandemq; Hierarchiam, non vnera pluries, sed honores affectare. Tandem hinc fit consequens, & ex parte Ecclesiasticorum hominum, semper esse intellectum in Ecclesiastico statu, illa non separari exercitia, & ex Christi, & ex Petri parte esse admissum, immò institutum; vt administrata cum

modo, & forma, per ipsos Ecclesiasticis præfinita personis, numquam fuissent separanda.

Hæc qui, præ incitiam, non intelligit diuinæ Paginæ loca; vel si intelligit, malitiosè deprauat; is oportet, ut terminis ipsis rerum exprimendarum insigniter abusus, & transgrediatur terminos, quos in theoria designarunt Scripturæ sanctæ, & earum optimi Enarratores, & sacra Concilia, & tot adhuc sanctissimi Pontifices, item & quos in praxi posuerunt Patres nostri Apostoli, eorumque dicti supremi Romani Pontifices, ceteriq; Episcopi, ipsorum Apostolorum respectiue successores, quos terminos immotos hucusque conseruauit Ecclesia: neque eos, ea etiam inter Gentes conuersante, illarum Imperatores ausi sunt transgredi, vel illos suo loco unquam Catholici Principes commouerunt. Sed quanta cum ratione, & solido hæc dicantur fundamento, ex sequentibus probationibus apparebit.

Ex Apostolo Conclusio, & eius præfata explicatio tertio probatur.

EADEM Euangelici loci explicatio confirmatur testimonio eiusdem Pauli Apostoli, Act. c. 20. dum, vale dicens maioribus natu, & Presbyteris Ecclesiæ Ephesinæ, sic eos fuit exhortatus: [Attendite vobis, & uniuerſo gregi: in quo vos Spiritus sanctus posuit Episcopos, regere Ecclesiam Dei, quam acquisiuit sanguine suo.] Dictum verbum Græcum *πορεύω*, etiam habetur hic, & illud optimè tranſtulit Interpres, regere. Esse igitur hoc regimen, de quo Ephesios Prælatos admonebat Apostolus, maxima ex parte Politicum, seu ciuile, circa Ecclesiasticarum nedum personarum causas, per illos tractandas: verum etiam circa omnes omnium Christianorum lites, discordias, & differentias: est efficaci argumento, primò: quod de munditia manuum suarum circa vestes, aurum, & argentum Ephesiorum, seu circa illorum concupiscentiam subiunxit statim sermonem, dicens: [Argentum, & aurum, aut vestem nullius concupiui, &c.] ut, qui discipulos suos ad sui erat solitus imitationem exhortari, Ephesios ludices, Ecclesiasticos, Presbyteros, & Episcopos, ad similem abstinentiam, à muneribus super innocentem accipendis, animaret. Hoc autem circa spirituale iurisdictionem exercendam contingere, non est frequens: immo illo fuit beato seculo, præterquam Act. c. 8. apud Simonem Magum, inauditum.

Secundò, quia regiminis huius Ecclesiastici ciuilis habenas, eo maiori cum cura, & attentione, prudenter tractari Apostolus commendauit; quia videlicet, esset, [regere Ecclesiam Dei, quam acquisiuit sanguine suo.] Cumq; Christus in Cruce non acquisiuerit, vel meruerit mundi creationem, aut Potestatum, quæ illum gubernant institutionem, acquisiuit tamen in sanguine suo munditiam, & splendorem stolarum animarum sanctarum, quæ lotæ in illo, candidæ ex mensuratis coram Pa-

tre aeterno comparerent : neque negari potest, immò est omninò fatendum, Christum summum Sacerdotem acquisiuisse in Cruce, sanguine suo, speciali ratione, Ordinis sacerdotalis, & Hierarchiæ Ecclesiasticæ, prout à laico etiam Christiano ordine distinguitur, maiestatem, secundum totam suæ potestatis, siue spiritualis, siue civilis, latitudinem ; ut Gentibus, quæ erant eius hereditas, & terminis terræ, qui erant eius possessio, ex Psal. 2. conuertendis, & ad Christianum gregem adducendis, aditus faciliior, per Ecclesiasticos ministros, à nemine, quocumque prætextu, impeditos aperiretur ; possentq; liberè dicere : [Viam facite, præbete iter, declinate à semita, auferte offendicula de via populi mei] Isai. c. 57. atque etiam, ut maior in figurato Christiano sacerdotio excellentia refulgeret, quàm olim, siue in legis naturæ statu, siue in Mosaicæ legis testimonio præfulsisset. Nec enim veteris legis sacerdotes characterem habebant Ordinis ; sed tantum potestatem faciendi ministraciones, quas, sub pœna mortis nulli alteri licebat facere : ut notat Tostatus ad cap. 3. Matth. cum tamen legis gratiæ, seu nouæ sacerdotes characterem habeant, & sint perfectioris status, quàm Moy ses, qui fuit primus Prophetarum, & quàm Aaron, qui fuit summus Sacerdos ; & hoc quo ad potestatem etiam, quàm à Christo Domino, & absoluendi, & ligandi susceperunt. Nunc enim, ut Leo Magnus, serm. 8. de Passione loquitur, [& clarior ordo Levitarum, & dignitas amplior seniorum, & facratior est vñctio sacerdotum.]

Quòd si huic loco Pauli ad Ephesios in Actibus loquentis, quem tractamus, adiungantur conditiones illæ, quæ inter alias, ab eodem Apostolo, Epist. 1. ad Tim. c. 3. & ad Tit. c. 2. requiruntur in Episcopo ; videlicet, iustitia, & integritas, & c. si Pauli etià addatur maiestas, ac potestas, ad Corinth. 1. c. 4. hac auctoritate scribentis : [Quid vultis ? in virga veniam ad vos, an in charitate, & spiritu māsuetudinis ?] (de quo loco Paulino plurimus infra redibit sermo :) facile perspiciemus illud, de quo Ephesij Presbyteris, & Episcopis Paulus loquebatur, post doctrinæ, ac fidei firmitatem illis commendatam, fuisse regimen iudiciarium, & civilis Ecclesiasticæ administrationis, à Prælati Ecclesiæ cum primùm expectandum : ut qui succederent, tamquàm scribæ docti, & iudices recti, in docendo, & iudicando, scribis & iudicibus Leviticæ tribus, non iam ad vnam tribum Leviticam, sed ad duodecim tribus Israel, id est, omnem populum Christianum, modis explicatis, iudicandum, confessuri.

Probaturs Conclusio quartò ex lege naturæ, & scripta.

VNDE sicuti si à Patriarcha Iosepho A Egypti summo Præfecto, per Pharaonem regem constituto, esset requisitum : quare Genes. cap. 47. terram sacerdotalem, quò tempore vendentibus A Egyptiis, præ-

fame, suas possessiones, omnis terra in regiam concesserat potestatem immunem præsauerat: & eam sacerdotibus integram, ipso rege Pharaone annuente, reliquisset? responderet Patriarcha sanctus: Quia id adeo esset legi naturæ conforme: ut hominum mentibus, quasi esset ab ipsa inscriptum, illudque dictaret: ut, loquendo cum Theodoro ibidem, [quantumuis, homines impij eos, qui non erant dij, pro dijs tamen habitos, tantopere venerarentur:] De quo naturæ lumine exstat notatio Ambrosij Epist. 71. ad Irenæum. Ex qua lege, euidenti conclusionem colligitur, quod sacra à profanis, & personæ diuinis mancipatæ cultibus, ab alijs omnibus hominibus liberæ secernerentur.

Et sicuti, si postulatum fuisset à rege Iosaphat, quam ratione circa Ecclesiasticam illius temporis Politiam, 2. Paralip. cap. 19. ministeria Principum familiarum, & Leuiticæ tribus distinguendo, designasset Sacerdotes, & Leuitas, qui cum Principibus illis iudicia in Ierusalem exercerent; sic dicens, [Omnem causam, quæ venerit ad vos fratrum vestrorum, qui habitant in urbibus suis, inter cognationem, & cognationem; ubicumque quæstio est, de lege, de mandato, &c. ostendite eis, &c.] & infra: [Amarias autem sacerdos, & Pontifex vester in his, quæ ad Deum pertinent, præsidebit; porro Zabadias filius Ismael, qui est Dux in domo Iuda, super ea opera erit, quæ ad regis officium pertinent:] facile respondisset: quod iudicium ciuiliu causarum inter cognationem, & cognationem Leuiticæ tribus, ad iudices superiores eiusdem tribus Ecclesiasticos pertineret: ipsa lege Domini id ordinante: cum Aaroni summo Pontifici, & eius successoribus Deus dono Numer. cap. 1. omnes Leuitas concessisset. Cuius etiam iudiciariæ potestatis habetur insignis memoria, Deuter. cap. 16. & 1. Esdr. cap. 7. & 3. cap. 8. & Ezechiel. cap. 44. qui Prophetæ legem Domini, circa hoc disponentem, optimè nouerant.

Sic tandem ad nostrum propositum colligendo; si rogatus fuisset Paulus, an loco prædicto, ciuilem hanc regendi, & iudicandi, & præcipuè personas Ecclesiasticas, facultatem Ephesijs Ecclesiasticis voluisset commendare? certè respondisset, vel maximè eam illis commendasse sanctæ tractandam: quod status Ecclesiasticus, & sacerdotalis nouæ legis, non fuisset dono datus Christo summo Sacerdoti; sicuti Leuitarum tribus Aaroni: sed à Christo fuisset in cruce suo sanguine specialiter acquisitus: ut Sacramentorum, excellentioris ordinis nouæ legis, ministris liberis, & immunibus à temporali Potestate secularium Principum, hæreditatem omnium Gentium, sibi à Patre promissam, facilius vendicaret. Vnde de hac immunitate, seu parte, & sorte speciali sacerdotum Dei viuientis, & Ecclesiasticorum omnium potuit melius dicere Christus statui Ecclesiastico, quàm olim moriturus dixit Iacob Patriarcha ad Ioseph filium suum, Genes. cap. 48. [Do tibi partem vnā ex-

trā fratres tuos , quam quidem non tuli in gladio, & arcu meo de manu Amorræi : ſed illam acquiſiui in cruce proprii ſanguinis effuſione.

Confirmatur adhuc quarta probatio Concluſionis, ex lege ſcripta.

QUAM vltimam probationem Concluſionis ex fundamento, quod habet in lege naturæ, & in lege Moſaica, libet adhuc vberius corroborare. Et quidem quod atinet ad hanc immunitatem Eccleſiaſticam certiffimè non ſolū imitari eam, quam Sacerdotes habebant in lege ſcripta, & noſtro hoc tempore Gratiæ, nihil illorum auctoritatis Eccleſiaſticis, & Diuinæ legis adminiſtris deceſſiſſe, verū etiam cumulationem accēſſiſſe, antiquas Scripturas diligentius ſcrutando; reperiemus. Siquidem lib. Num. cap. 17. iubetur Princeps, & omnis populus ingredi, atque egredi ad verbum Eleazarī Sacerdotis. Et lib. Leuit. cap. 4. deſcribuntur quattuor genera ſacrificiorum: ex quorum ordine, ac dignitate rectè colligunt Interpretes ordinem, & dignitatem perſonarum, pro quibus ea offerebantur. Erat primum ſacrificium vituli, quo nullum erat maius; idque pro ſolo Pontifice, vt pro perſona omnium digniſſima: alterum ſacrificium item vituli, pro tota Synagoga: tertium hirci vilius, ſcilicet, & abiectius, pro rege: quartum denique capræ, id eſt, inſimum, & viliſimum, pro privato quolibet immolabatur. Ex quo Philo Hebræorum doctiſſimus, in lib. de Victimis. Theodoretus Quaſt. 1. in Leuit. Procopius Gazaſ in Comment. 4. cap. Leuit. Pontificem Rege præſtantiorem, & maiorem, etiam apud Hebræos, fuiſſe confirmant. Sic in lib. Ioſue cap. 14. 17. 19. & 21. perpetuò, eū nominandi ſunt Sacerdos, & Princeps, Eleazarus, & Ioſue, primo loco Sacerdos, ſecundo Princeps appellatur.

Tandem illud ex 4. lib. Reg. cap. 11. eſt ſummopere conſiderandum; vbi Ioſiada Pontifex Maximus Athalia reginam, tū, ob tyrannidem, tū, ob corruptam religionem, de ſolio deturbari, & Ioas regem in eius locum ſubſtitui, iuſſit: atqui non conſulendo, aut orando, ſed plane imperando, negotium omne confeciſſe, verba illa ſacri Codicis aſſeſtantur. [Et fecerunt centuriones iuxta omnia, quæ præceperat eis Ioſiada Sacerdos.] Qui auctores autem Catholici hanc ſecretam Pontificiam, & ſacerdotalem poteſtatem, à poteſtate regia, ſeu ſeculari uiſo in ſtatu antiqui Teſtamēti negant: vt Auctor, quiſquis fuerit, Opuſculi D. Thomæ attributi inter ſua, num. uo. lib. 1. cap. 14. & Toſtatus ſuper cap. 1. Exodi, & Ioſue cap. 3. & 4. & 3. Reg. cap. 2. & ſuper caput 12. 4. lib. Reg. quaſt. 8. ipſi viderint; quibus inſiſtis teſtimonijs, ſeu rationibus innituntur. Nobis enim, ſi quæ dicta ſunt non perſuaſiſſent, Leuitas, Eccleſiaſticum, videlicet, ſtatum, in lege ſcripta fuiſſe immunes, tam quoad perſonas, quā quoad res, & bona ſua à Politicā laicā Potestate: attamen hæc euidentis idem demonſtratio ſuaderet. Nam cum lege

illa cautum fuerit: vt Leuitis certę ciuitates ad habitandum assignarentur: Deut. cap. 3. 5. quas postea Iosue cap. 21. suę Historię, illis contradidit, numero quadraginta octo ciuitates, sex illis, quę pro fugitiuis seruiebant, adnumeratis: si Leuitę, quibuscumque alijs Israelitis exclusis, illas ciuitates incolebant; vt Leuitę suam Politicam iurisdictionem inter se exercerent, statu seculari suorum fratrum ab ea excluso, adeo est necesse intelligere: vt ad aliud sentiendum nullus aditus esse reliquus videatur.

Iudiciorum qualis fuerit ordo apud Hebręos.

VBI non sine fructu, & probatione Conclusionis, qualiter in Hebręo populo iudiciorum fuerit tractata materia deducamus. Omisissis igitur ijs, quę ex Talmudicis libris Petrus Galarinus (& sunt consideratione digna,) retulit: ex antiqua, & noua sacra Pagina, & ex Iosepho Concilij Ierosolymitani institutionem, confirmationem, ius, & potestatem, sic colligimus. Apparet ergo in primis, hoc tribunal a Deo fuisse institutum; vt a iudicio iudicum, ad concilium Seniorum, & Sacerdotum, veniretur. Nume. enim cap. 11. sic loquitur Dominus ad Moysen. [Congrega mihi septuaginta viros de senibus Israel; quos tu nosti, quod senes populi sint, ac magistri: & duces eos ad ostium tabernaculi fœderis, faciesque ibi stare tecum: & descendam, & loquar tibi: & auferam de spiritu tuo, tradamque eis; vt sustentent tecum onus populi: & non tu solus graueris.] Deuter. autem cap. 17. sic scriptum est, Moysē ad populum dicente: [Si verò difficile atque ambiguum apud te iudicium esse perspexeris inter sanguinem, & sanguinem, causam & causam, lepram & lepram: & iudicum intra portas tuas videris verba variari; surge, & ascende ad locum, quem elegerit Dominus Deus tuus.] vt ibi scilicet eū inuoces. [Veniesque ad sacerdotes Leuitici generis, & ad iudicem, qui fuerit illo tempore: quęresque ab eis, qui indicabunt tibi iudicij veritatem; & facies quodcumque dixerint, qui præsunt loco, quem elegit Dominus: & docuerint te, iuxta legem eius: sequerisque sententiam eorum; nec declinabis ad dexteram, neque ad sinistram. Qui autem superbiuit, nolens obedire Sacerdotis imperio, qui eo tempore ministrat Domino Deo suo, & decreto iudicis, morietur homo ille.] Hoc ergo iudicium tributum fuit iudici, siue supremo Principi, & sacerdotibus, ac senioribus populi: hi enim erant præcipui, qui præerant loco, quem elegit Dominus.

Iosephus autem lib. de Antiq. sic hanc legem concepit, vt præcipuam Senatus fecerit mentionem, sic scribens: [Si verò iudices nescierint, de rebus ad se delatis, pronunciare: integram causam in urbem sanctam mittent: & conuenientes Pontifex, & Propheta, & Senatus, quod visum sit pronuncient.] Postea ipse Moyses cap. 19. nominat clarè iudi-

ces ipsos, quos diximus sacerdotes, dicens. [Si steterit testis mendax contra hominem, accusans eum prauaricationis: stabunt ambo ante Dominum, coram sacerdotibus, & coram iudicibus, qui erunt in illis diebus.] Et Iosephus item sacerdotes commemorauit, lib. 2. contra Appionem, sic scribens; [Sacerdotes nostri semper colunt Deum, quos semper regit, qui genere primus est: qui quidem ante alios sacerdotes Deo sacrificat: leges custodit: diiudicat controuersias: conuictos delicti puniunt: cui qui non obedit, is penas luit, tamquam in Deum impius.] Et rursus eodem loco: [Sacerdotes, omnium inspectores constituti sunt à Moyse; qui autem principatus fieri possit hoc sanctior? aut quis honos Deo conuenientior? ubi & plebs vniuersa est ad pietatem bene comparata, & sacerdotibus concredita rerum maximarum cura precipua.] Hactenus Iosephus.

Quin etiam Moyses ipse in concilio causam cognouit eius, qui Sabbatho ligna colligebat: ut habetur Leuit. cap. 15. sic referente Philone lib. 3. de Vita Moysis: [Comprehensum hominem adduxerunt ad Principem, cui assidebant in Concilio Sacerdotes: aderat verò vniuersa multitudo ad audiendum, in die Sabbathi. Moyses autem, quo supplicio dignus esset, ignarus, Deum consuluit; qui lapidibus cecidendum esse, respondit.]

Hoc tribunal à Moyse institutum, denuò sanciuir, ut supra referebamus, Iosaphat rex Iudzæ iudicijs alijs in ciuitatibus confirmatis: ut scribitur Paralip. lib. 2. cap. 19. [In Ierusalem quoque constituit Leuitas, & Sacerdotes, & Patriarchas ex Israël; ut iudicium, & causam Domini iudicaret habitatoribus eius: præcepitque eis, dicens, sic agitis in timore Domini fideliter, & corde perfecto. Omnem causam, quæ uenerit ad vos, fratrum uestrorum, qui habitant in urbibus suis, inter cognationem, & cognationem, ubicumque quæstio est, de lege, de cæremonijs, de iustificationibus (in translatione uero Græca habetur apud Septuaginta Interpretes, de præcepto, mandato, iustificationibus, & iudicijs,) ostendite eis: ut non peccent in Dominum, & ne ueniat ira super uos, & super fratres uestros: sic ergo agentes non peccabitis. Amarias autem Pontifex uester in ijs, quæ ad Deum pertinent, præsidebit: Zabadias filius Ismaël, qui est dux in tribu Iuda super ea, opera erit, quæ ad regis officia pertinent: magistri (Græcè, scribæ) Leuitæ erunt coram illis.]

Inibant igitur hoc Concilium, ut ex dictis apparet, Iudex, siue Rex cum Principibus populi: duodecim, uidelicet, tribuum singularum capitibus, & cum senioribus populi, septuaginta, scilicet, illis Senatoribus, quos diximus, & Pontifex cum Principibus sacerdotum, illis, uidelicet, qui vicenis quaternis sacerdotum classibus, seu vicibus, singuli præerant singulis; & tandem cum scribis, hoc est, legis Doctoribus,

quos Iosephus Prophetas nuncupauit. Quo Concilio Babylonica deleta transmigratione, cum reuersis in solum natale Iudæis reliqua instituta restituerentur, fuit etiam, referente Iosepho lib. 11. sacerdotibus potestas iudicandi in Concilio restituta. Præmonuerat hoc Ezechiel cap. 44. Dei mandato, inquit: [Sacerdotes populum meum iudicabunt, quid intersit inter sanctum, & profanum; & inter impurum, ac purum indicabunt eis: & circa iudicium sanguinis, ipsi insistent, ut diiudicent: & iustificationes meas iustificabunt; & iudicia mea iudicabunt: & leges meas, & præcepta in omnibus diebus festis meis custodient.] Hoc est de causis capitalibus, & religiosis cognoscent: atque homines iustificabunt, idest, absoluent: & iudicabunt: idest, condemnabunt, sicuti ego in lege præscripti faciendum: ubi, qui venia, qui poena digni essent, demonstraui.

De iudicio in hoc Concilio peracto in ipso Assamonorum Imperio, Hyrcano regnante, fit mentio apud Iosephum, lib. 14. quo tempore, vigeat lex, cuius idem meminit: [Ne cui nocenti eriperetur vita, nisi huius Concilij, (sive, ut Græcè illud explicemus, Synedrij) sententia condemnato.] Sed Iudæa inde, post Aristobulum vicum, in potestatem Romanorum redacta, ac prouincia constituta, Antipatrum Herodis patrem Procuratorem accepit: eo iure, ut nec Pontifex Concilium ipso infcio, atque inuito Procuratore, conuocare: nec Concilium, absque auctoritate Procuratoris Romani, in damnatum possent animadvertere: ut Iosephus lib. 20. agens de sancto Iacobo, Domini fratre, subnotauit.

Herode postea vita functo, & Archelao eius filio rege ab Augusto Cæsare Viennam relegato, Iudæa iterum prouincia Romanorum effecta, & Procuratori subiecta fuit. Quo tempore Pharisei, & Sadducei magnas in hoc Concilio, & opes habuerunt, & gesserunt partes: duæ, videlicet, sectæ, seu hæreses Assamonorum temporibus subortæ: id quod ex Senioribus, Sacerdotibus, Scribis, & Principibus, alij in vna, in altera alij hæresi versarentur. Hinc Christus Dominus, qui hac tempestate Euangelium mundo attulit, sæpè huius Concilij, & eorum, qui illud inibant, fecit mentionem; quod ipsius Euangelij diuulgationi, ac Christi eiusdem gestis sæpius legitur obstitisse: & à quo tandem iudicium sicuti iniustissimum, sic & celebratissimum, de eius morte prolatum fuit: ut ex Evangelica Historia comprobatur.

Quam autem iurisdictionem hoc exerceuerit Concilium etiam habetur Act. cap. 3. 4. 5. 6. & 23. & apud Ioseph. lib. 20. dum agit de S. Iacobo Minore, & de Bello Iud. lib. 4. & in vita S. Matthiæ Apostoli, & apud Iosephum Gorionis: dum refert gesta anni, quo Ierosolyma à Tito fuit euersa. Sed de hac tribus Leuiticæ immunitate, & iurisdictione, adhuc statim alium locum, ex Ioanne subiiciemus.

Ex quibus omnibus clarè perspicitur, in antiquo populo, nedum, causas sacerdotum, & Leuiticæ tribus, ab ipsis fuisse Leuitis iudicibus cognitæ: verum etiam totius populi Iudaici causarum cognitionem, ad Sacerdotes, & tribum Leuiticam pertinuisse. Absit autem, ut quicquam Christianus suum in animum inducat, Synagogam Iudeorum rectius fuisse ordinatam, iustius, aut sanctius: ideoque ea ex parte Christi Ecclesiæ præferendam: umbram, scilicet, quam appellauit Paulus ad Hebræ. cap. 10. corpori: figuram, & legem, veritati, & gratiæ; quam nuncupauit Ioann. cap. 1. humile tugorium veteris Testamenti à seruo constructum, & paucis post annis destruendum, noui Testamenti regali Palatio, quod ædificauit Deus, & non homo; ex Paul. ad Hebræ. cap. 8. & ædificauit in omnem æternitatem duraturum.

Vltimò. Pro hoc argumento est notandus insignis locus ex Euangel. Ioann. cap. 2. Habetur enim apud Lucam, cap. 20. sacerdotes, & scribas Iudeorum Ierosolymitanum administrantes Magistratum Ecclesiasticum, iniquè ferentes Christum in templo frequentissimè ad populum, conciones habere, quadam die à Christo fuisse in templo percunctatos, qua illud faceret potestate? Quod fuit quærere, quis ex superioribus Leuiticæ tribus ministris illam sibi commississet facultatem? & cum alia, sed sicuti opportunissima, sic, & prudentissima interrogatione ad illos facta, tunc respondere Magister noluisse: postea tamen, cum dicto loco apud Ioannè è templo pluribus impositis flagellis euentes, & vendentes ibi boues, oues, columbas, & nummularios eiecisset: & res non solum ad verba, sed ad verbera etiam, à Christo esset redacta: nam eo facto sacerdotum, & Leuitarum beneficijs, redditibus, fructibus, atque emolumentis, ex cambijs, ex illicitisque negotiationibus nimium detrahebatur: iam tunc rem vrgentes, illum sic fuere alloquuti: [Quod signum ostendis nobis, quia hæc facis?] Ergo ad nostrum propositum: si negotiationum ciuiliū quæ vendendo, & emendo, & ad mensam, camporum, ac nummulariorum dando in templo à Leuitis, & sacerdotibus gerebantur, & iusti, & iniusti, iuris, & iniuriæ, quæ ibi poterant reperiri, esset iudex, secularis Iudeorum Potestas, & Magistratus, potius Sacerdotes ad illum, Christum deferrent, eum accusantes, quod in Republica, sub zelo religionis, tumultus excitaret, rerum commutationes, ac pecuniarum interdicere vsus, & hominum necessaria commercia prohiberet. Si potestas illa ad Procuratorem Pilatum, & Romanum spectaret Magistratum, grandis sui voti euassissent compotes; ut qui anxie desiderarent, Christum iudicio sistere Præsidis Romani, quasi Cæsaris ditionem perturbantem. Restat igitur, ut iudicia negotiorum ciuiliū temporalium inter Leuitas, ad solos Leuitarum Præfectos, qui Christum tunc interpellabant, pertinerent. Vnde colligendum est; congruentius, æquius, iustiusque, Ecclesiasticam familiam Chri-

Itianam foro secreto, & proprio ex iure gaudere diuino, quanto Leuiticæ tribus sacerdotio, excellentius fuit sacerdotium consequuta.

Confirmatur adhuc probatio quarta Conclusionis ex lege natura.

QUOD verò spectat ad alterum membrum probationis præfatæ, hanc scilicet immunitatem Ecclesiasticam, vel esse de iure naturæ, vel saltim adeò esse iuri naturæ conformem: vt si non euidentissima consequentia, ex illius deducatur principijs, saltim euidenti deducatur; probatur illa doctrina, quam speciali de causâ, hic inferimus ex Couarruuiâ pijsimo, & doctissimo Doctore, & Episcopo. Is ergo Præf. Quæst. cap. 31. nu. 2. sic asserit 3. concl. [Totus ferè orbis Christianus in hanc Clericorum exemptionem à seculari iurisdictione, propter publicam vtilitatem, consensit.] Vbi duo sunt valde notanda, consensus, videlicet, communis Christianorum; & ratio consensus; videlicet, publica vtilitas: quæ duæ res vix possent, immò neutiquam possent sic coaluisse: nisi ex iure naturæ euidenti consequentia ducerentur. Id enim in quod homines omnes ratione inducti conspirant, à ratione insita à natura procedat, necessum est. Id præterea quod publicam asserit vtilitatem, est plusquam certum, vt ad naturæ legem consequatur. Licet præfatus Doctor exemptionis nomine, nos immunitatis vtamur, vt qui via alia procedamus.

Probatur quintò Conclusio, ex communi seculorum consensu.

QUO argumento possumus similiter concludere quintò principaliter, hanc immunitatem Ecclesiasticam esse de iure diuino; vt habet Conclusio, sic colligendo: Status Ecclesiasticus yniversus ab initio nascentis Ecclesiæ sensit, hanc sibi immunitatem à seculari Potestate, deberi, propter publicam vtilitatem: ergo est illis debita de iure diuino, & legis Christianæ institutione. Antecedentis veritati vsque ad tempora Conciliorum, quæ in tertio Ecclesiæ seculo celebrata sunt, nihil potest opponi; quia primi Ecclesiæ Prælati & Pastores id senserunt, vt Clemens Epist. 1. ad Iacob. fratrem Domini: Anacletus Epist. 1. nu. 1. & 2. num. 1. & 3. nu. 4. Alexand. 1. Epist. 1. nu. 1. & refertur 11. quæst. 1. Relatum est. Sixtus 1. Epist. 2. nu. 1. & refertur. 2. quæst. 6. si quis vestrum. Telosphorus Epist. vnic. nu. 4. Higinus Epist. 1. num. 2. 3. & 4. Pius 1. Epist. 1. nu. 2. Anicetus Epist. vnic. nu. 3. Eleutherius Epist. vn. nu. 2. & 3. Victor Epist. 1. nu. 3. & refertur 3. quæst. 6. Accusatus, & Epist. 2. Zepherinus Epist. 1. & 2. nu. 1. Calixtus 1. Epist. 1. nu. 2. & habetur 11. quæst. 3. Iniustum, & Epist. 2. nu. 1. & refertur 23. quæst. 3. Notum est. Fabianus Epist. 2. nu. 2. & Epist. 3. per totam, & refertur. 1. quæst. 6. Si quis iudicem, & 3. quæst. 6. Si quis Episcoporum, & Pulsatus ante, & Qui crimen. Cornelius Epist. 2. nu. 2. Lucius Epist. vn. num. 2. & ha-

betur

betur 2.q.7. Criminationes. Stephanus Epist. 1. per totam, pluries in decretis relata, Sixtus II. Epist. 1. & 2. vt ibidem pluries. Felix I. Epist. 2. vt ibidem sæpius. Gaius Epist. vnic. nu. 1. 2. & 3. vt ibi pluries. Marcellus I. Epist. 1. Eusebius Epist. 1. & 3. vt ibi sæpius. Melchisedes Epist. vn. nu. 1. Qui omnes Pontifices sancti cum alijs per orbem Christianum, inferioribus Episcopis, in executionem Apostolicorum Canonum 73. & 74. qui immunitatem Episcoporum, & Presbyterorum à secularium iudicium potestate declarauerant; quoties per Principes seculares tyrannos ab huius immunitatis exercitio non fuerunt præpediti, illam administrare. Magnum est autem, eadem habere monumenta maiorum, iisdem vti sacris, & sepulchra fortiri communia, quæ apud antiquum populum ingens fuit benedictio reputata.

Iam deinceps exstat in Concilio Antiocheno circa annum 340. habito c. 11. relato, 25. q. 8. Si quis Episcopus. expressum Patrum præceptum, de hac Politia, vt Ecclesiastici omnes coram Ecclesiastico solum foro agant, & suas tractent causas; in quam ordinationem sequentia Concilia consenserunt vnanimiter: vt constat ex generali Concilio Sardicen. cap. 3. relato 6. q. 4. Hosius Episcopus, & cap. 7. relato 11. quæst. 9. Si quis Episcopus, ex Concilio etiam Africano, sub Bonifacio, & Cælestino, Canon. 21. & in Concilio generali Nicæno. Can. 57. & Chalcedonen. Can. 9. & habetur 11. q. 1. c. Si clericus. ex Concil. Agathen. Canon. 31. vt ibidem. c. Clericum. Carthaginen. 3. Can. 9. vt ibidem. c. Placuit. Mileuitan. circa idem tempus, Can. 19. ibidem. capit. Placuit vt quicumque. Romano sub S. Siluestro I. ibidem. c. Si quis clericus. Hispanen. 2. c. 9. Matisconen. 2. Can. 9. & 10. Colonien. p. 9. c. 20. Lateranen. sub Leone X. sess. 9. & ex Concil. Triden. sess. 25. cap. 20. vbi hoc vltimum Concilium, ordinatione diuina, asserit, hanc Ecclesiasticam immunitatem sancitam; sicuti illud Lateranen. sub Leone X. affirmat, non solum humano iure, sed diuino esse Ecclesiasticos à seculari immunes potestate. Consensus igitur communis Ecclesiasticorum Patrum, & maxime in Concilijs conuenientium in hanc suam immunitatem, propter publicam Ecclesiæ vtilitatem, nequiret absque dubio, nisi ex legis Christianæ intimo sensu, quæ illam esse de iure diuino dictat, emanare.

Neque obstat, si dicatur, Patres ibi suam causam egisse, & cum non haberent, qui impedirent, facile sibi hanc iurisdictionem, seipsis auctoribus, usurpasset. Nam responderetur, Spiritum Christi, qui Concilijs sacris interest celebrandis, numquam fuisse passurum, vt qui ad Christi gloriam congregati sunt, Christi doctrinæ interpretes, & sequaces, etiamsi definiendo non processerint, de iure diuino alias non coherentem, hanc iurisdictionem sibi adiudicassent: & eam ordinatione diuina asseruissent institutam; nisi spiritu eodem dictante, eam eo strictissimo titulo, & iure sibi esse debitam, intellexissent.

Sextò probatur Conclusio ex Christi Domini doctrina apud Matthæum .

PROBATVR sextò principaliter Conclusio , ex dicto illo Christi Domini, apud Matth. c. 17. Cum enim occasione didrachmatis, per capita singula , à populo Iudaico tributì ergò debiti Romano Imperatori: quod didrachma, an Christus esset solitus soluere , vel tunc soluere vellet, ab illius exactoribus fuerat à Petro postulatum, rogasset Christus sic Petrum: [Reges terræ à quibus accipiunt tributum , vel censum ? à filijs suis, an ab alienis ?] & Petrus respondisset: [Ab alienis:] subiunxit Christus protinùs: [Ergo liberi sunt filij:] idest, [inuestigabiles,] inquit S. August. 1. de Quæst. Euangel. c. 23. addens: [Quantò magis sunt liberi filij regis, sub quo sunt omnia regna:] idest, vt communis habet Doctorem expositio; quantò magis ergo liber sum ego æterni regis filius , totaque mea Ecclesiastica familia .

Neque hic egisse Christum , de vniuerso populo Christiano, quasi ex eo quòd, in filiorum numerum computetur, sit inuestigabilis, & à tributis Reipublicæ liber; docet Apostolus, qui ad Rom. c. 13. Christianos ad soluenda vectigalia , & tributa regibus , ac reipublicæ , instruit. Ergo Christus de se solùm, & de sua tota familia id dixit: quasi quæ ex sua natura , & conditione fuerit à Christo instituta de Iure diuino à civili bus immunis Potestatibus .

Neque hic loquutum fuisse Christum de se solùm, quatenùs erat filius Dei; itaut, tamquàm homo , necessitate coactus didrachma soluerit , constat; quia Ioannes XXII. damnavit Ioannem Iandunum, & Marsilium de Padua Hæreticos , id asserentes . De se ergo quatenùs etiam homo erat, & Ecclesiæ caput, id dixit: neque de se solo, sed de se, & sua cuncta familia egisse, est manifestum; cùm Petro iniunxerit , pro ambobus statem Imperatoris Fiscali receptori consignare .

Probatur septimò Conclusio Christi Domini factò .

SEPTIMO probatur Conclusio Christi factò , qui sacerdotum illicitas, & turpes negotiationes, vendendo, & dando ad mensam pecunias in templo, etiam flagello adhibito, castigauit; qui tamen rogatus ab illo laico, de quo supra diximus, inter eum, & suum fratrem noluit iudex confedere. Hinc sic colligimus argumentum; Christus, etiam vt homo, erat temporalis mundi totius Rex, & Monarcha, potestate excellentiæ; qua sibi, ex vi hypostaticæ vnionis, vt homini filio Dei naturali, & creaturarum omnium fini, homines nedùm, verumetiam creaturæ omnes, de iure subdebantur; [Per eum enim fecit Deus Pater, seculum,] inquit, Paulus ad Hebr. cap. 1. non solùm efficientia ipsa, vt qui cum Patre sic vnus Deus , qui mundum condidit: non solùm vt per rerum creaturarum exemplar , verumetiam vt per finalem earum omnium causam,

nam,

sam; unde sicuti, ex eodem Paulo, est [finis legis Christus, in iustitiam omni credenti:] ad Rom. c. 10. sic finis est conditionis mundi Christus ad perfectionem omni existenti: inde erat à Patre Rex seculorum, & regum, & Dominus dominantium constitutus. Hanc tamen potestatem temporale Christus cohibuit, illi homini præfato in sua causa exercitium iudicij postulatam denegando; Cæsari, ex condescensione, tributum pendendo; Regis nomen, & munus, quod sibi turbæ voluerunt imponere, Ioan. c. 6. etiam cuitando: ut maior in Christo versùs homines misericordia præfulgeret, qui cum esset diues, & Dominus, propter nos egenus factus est; non minus mirabili dispensatione, hanc excellentissimam potestatem non exercendo; quàm, ut pati posset pro nobis, gloriæ, quæ ex eadem vnione suo corpori debebatur, ne in illum influeret, temperando. Et nihilofeciùs ipse Dominus potestatem, quàm, ut Sacerdos summus, etiam in Ecclesiasticos specialem habebat, voluit in templo cõtra Leuitas, & sacerdotes facto ostendere, nedum in eorum quæstus, qui in odia hominum incurrerant, improbatione: sed adhuc in negotiationum secularium lucris vetitis castigandis. Documentum certe firmissimum, de ipsius esse institutione, immunitatem Ecclesiastici fori in Politicis causis, quam solam ipse, seclusis alijs negotijs laicæ Politicæ, per seipsum, tam grandi auctoritate exercere dignatus est.

Probatur octauo Conclusio, ex Apostolo Epist. ad Timotheum.

OCTAVO principaliter probatur Conclusio insigni loco Pauli, 1. ad Timoth. c. 5. sic scribentis: [Aduersùs Presbyterum accusationem noli recipere, nisi sub duobus, aut tribus testibus.] Ecce verba concepta; Episcopus; Iudex; accusator, quicumque, siue Christianus, siue infidelis: reus, Ecclesiasticus: testium plurium depositio: causæ instructio: quæ adeo probant fori Ecclesiastici, exteriorisq; eius tribunalis in causis temporalibus institutionem; ut secundum allegata, & probata, iudicium feratur; de iure esse dinino: ut contra sentientes minimè ab hoc loco valeant expediri.

Nam si nomine Presbyteri, intelligat Paulus quemcumque hominem seniore: siue is sit sacerdos, siue laicus; ut sentit Chrysostomus; habemus intentum expressum, non solum huius Conclusionis, sed etiam & præcedentis: causas, videlicet, etiam laicorum in foro exteriori Ecclesiastico omnino debere iudicari: Si verò iuxta Ambrosij, & Patrum communem explicationem, intelligitur hic, Presbyter, solus ille, qui est sacerdos, habemus; Ecclesiasticum Presbyterum non permittendum, accusari: nisi sub duobus testibus in foro Episcopi. Sed iuxta hanc interpretationem, etiam colligimus, laicos apud Episcopum accusari solitos; unde doctrina Apostoli cõtendit: ut faciliùs aduersùs eos accusatores

& admitti, & audiri possent: quam contra sacerdotes, propter Ordinis dignitatem.

Hic locus est illustris, & quem Theologi Doctores, qui aliàs formalitates subtilissimas venantur, & Iuris canonici textuales prudentes, & legum ciuiliū acerrimi Ponderatores, vt qui in rebus his Politicis, ac moralibus tam dilucidè hanc iurisdictionem Ecclesiasticarum personarum repræsentet, insigniter venerantur. Vnde nobis præbet occasionem propositam Conclusionem firmissimè probandi ex doctrina summorum Pontificum supra relatorum: sed præcipuè Clementis Epist. 1. Anacleti 1. 2. & 3. Euaristi 2. Alexandri 1. 1. Telephori 1. Pij I. 1. & 2. Stephani I. 2. Sixti II. 2. Eusebij, Fabiani, & aliorum: atque etiam sacerdotum Conciliorum, & Patrum sanctorum, quorum omnium Decreta 2. q. 7. & alibi pluries in Iuris canonici corpore referuntur. de Non accusandis Episcopis. Ergo inter eos Clemens testatur ex B. Petri doctrina, sic de Episcopis dicēs: [Sed & laicos ab eorum accusatione, & vexatione semper repelli debere rogabat: & cunctos illis subditos esse præcipiebat: cunctorum sacerdotum vitam superiorem, sanctioremq. ac discretam à secularibus & laicis hominibus esse, & spirituales quosq. (Pneumaticos, videlicet, de quibus supra diximus) atque sacerdotes super carnales, & laicos semper constituendos docebat: quoniam pro minimo inquit, nobis esse debet, vt à talibus arguamur, & iudicemur, vel ab humano die.] Quæ verba eadem sunt cum illis Pauli, 1. ad Corinth. cap. 4. sic dicentis: [Sic nos existimet homo, vt ministros Christi, & dispensatores mysteriorum Dei. Hic iam queritur inter dispensatores, vt fidelis quis inueniatur. Mihi autem pro minimo est, vt à vobis iudicer, vel ab humano die: sed neque meipsū iudico: nihil enim mihi cōsciū sū: sed non in hoc iustificatus sum. Qui autem iudicat me, Dominus est.]

Vter verò horum Apostolorum ab altero hæc verba sit mutuatus, nostra nihil refert; illud verò multū refert, vt pro re nata ea sinceriter intelligamus: quæ Photius Constantinopolitanus hoc scholio illustrat: [Existimet homo, sic nos habere, vt dixi: & quod potissimū dispensatores decet habere; nos quoque existimet. Decet enim illos, vt fideles sint: hoc autem dixit, non extollens se; sed potius doctrinæ suæ, quam prædicabatur auctoritatem tueretur. Etenim si liberum illis reliquisset iudicare de se, & in se inquirere, prædicationem minimè recepissent. Ne tamen videretur, non propter prædicationem, & ad communem vtilitatem, dixisse hæc, sed ad arrogantiam, subiungit; sed non in hoc iustificatus sum. Non licet vobis, nec alijs, me dijudicare; sed oportet potius doctrinam percipere, credere, & nihil dubitare: immò nec ego, quāuis nihil mihi cōsciū sum, possum me dijudicare; sed expectanda mihi est sententia iudicis: & interim in timore mihi viuendum.] hætenus Photius.

Hinc potest intelligi illud, quod Petrus in Epist. Clementis eisdem, verbis, eodemq; spiritu vsus, dixit, ad auctoritatem quoque Euangelicæ doctrinæ, quam Episcopi prædicabant, & prædicant, & ad sanctitatem vitæ illorum, voluisse pertinere. Episcopos enim non decet, nec æquum est à laicis, contra charitatem, accusari. Quòd si accusandi iuste sunt, non apud laicam id fieri oportet Potestatem. Docuit enim bene Petrus sacerdotum vitam, sanctiorem, ac discretam à secularibus, & laicis hominibus esse, & Spirituales, scilicet, Pneumaticos, quosque, atque sacerdotes, ad cognoscendum potius de carnalium, atque laicorum causis semper constituendos, ea firma ratione, quia, inquit, indignum est, ut qui Spirituales sumus, & fideles ministeriorum Christi dispensatores, à talibus, idest, à carnalibus iudicemur. Neque verò solum indignum, est Spirituales, sacerdotesq; à carnalibus laicis iudicari, sed nec iudicari etiam ab humano die: idest, quantumvis persecutiones ita volente, Deo patiantur, indignum est tamen, ut contemptui propter eas habiti, pretio minimo à secularibus reputentur.

Sic ipse Paulus gratulatur Galatis, Epist. ad eos, c. 4. quòd apud eos non fuerit iudicatus ab humano die; dum dixit: [Nihil me læxistis. Scitis autem, quia per infirmitatem carnis euangelizavi vobis iam pridem, & tentationem meam in carne mea non spreulistis, nec respuistis: sed sicut Angelum Dei excepistis me: sicut Christum IESVM.] idest, verbum, quod euangelizavi, non accepistis, ut Epist. 1. ad Thess. c. 2. idem scripsit, [sicut verbum hominum: sed sicut verbum Dei.] Itaque infirmitatem carnis, & tentationem in carne, vocauit, humanum diem; ut Petrus in Epist. Clementis. Hac loquendi phrasi vsus est Abdias Prophetæ c. 1. iuxta lectionem Septuaginta: cum prophetans Idumæis (qui calamitatibus Israelitarum lætabantur,) ultionem in bello: [Ne aspicias, quit, ò Idumæe, diem fratris tui, in die Aliegenarum.] idest, ne habeas quasi pro spectaculo calamitatem Israelitarum, qui sunt fratres tui ex Iacob oriundi, & ne læteris super filijs Iuda, in die interitus eorum.

Idem Petrus, quasi Pauli præfatam doctrinam, de modo recipiendi accusationem aduersus Presbyterum, & à quo debeat recipi, cõfirmans, docet dicta Epist. Clementis, non solum Diuinas, sed & humanas leges, maiores à minoribus accusari, & iudicari, prohibere. Iam verò certum est, inter Ecclesiasticum, & secularem statum, illum, maiorem, minorem hunc, meritò fuisse in Christiana Republica iudicatum. Ergo Petrus eos, qui sacerdotibus cõuales non erant, ab eorum accusatione, & vexatione prohibebat: quia discipulum super magistrum esse, aut vllam, ei iniuriam inferre, nullatenus debere oportet. A cõqualibus autem permittit, eos accusari: idest, ab idoneis, & probatis, & qui suspicionibus, & sceleribus careant: ut ait Anacletus, Epist. 2. Neque cum tales sunt accusatores, habentur infra eos, qui accusantur; neque tunc esse di-

scipulum supra magistrum, est, contra adductam doctrinam Petri, præsumendum.

Addit autem Paulus: [Testor coram Deo, & Christo I E S V, & electis Angelis eius, vt hæc,] scilicet, quæ ad recipiendam accusationem aduersus Presbyterum, & quæ ad correptionem publicè peccantium pertinet, [custodias sine præiudicio:] id est, sine inconsideratione, & temeritate: id enim significat Græcè *χωρίς προϋποθέσεως*, sequitur Paulus, [nihil faciens in alteram partem declinando.] Temeritas autem, præiudicium, & inconsideratio, in recipiendo accusationem aduersus Presbyterum, declinatur: si, Apostolica Constitutio ex 2. lib. Constit. Apostolic. c. 49. seruetur; quæ iubet, vt ab Ecclesiastico iudice primum, de accusatore diligenter inquiratur, quæ eius vita antea acta, & qui mores; quæ conscientia, quæ causa ad accusandum adduxerit; vt etiam Euaristus, Epist. 1. & Telephorus, Epist. 1. ordinarunt, quod Igmarius Rhemenfis Archiepiscopus dixit, [an ex propria temeritate,] & expressius adhuc S. Thom. 2. 2. q. 68. art. 1. ad 2. tradit; [cùm causa vexandi, & non affectione charitatis; sed praua voluntate, ad accusandum accedunt.] Hoc ipsum prius Gratianus quoque dixerat, 2. q. 7. Si qui sunt. & ferè per totam. Tunc enim superbia inest in eiusmodi accusatione; quam meritò lex, non solum Diuina, sed & secularis prohibet. Sic igitur ratio Petri rationi, & dicto Pauli annectitur, Pneumaticos, seu Spirituales quosque, eosdemq; sacerdotes, semper supra carnales, eosdemq; laicos constituendos esse: quod est, esse illos maiores, & hos minores: & sic maiores à minoribus accusari, & iudicari prohibere legem Diuinam: illam, scilicet, ore ipsius Christi latam, Matth. c. 10. [Non est discipulus supra magistrum.] Ex qua fit consequens, Episcopos, & sacerdotes, & in vniversum Ecclesiasticos, qui sunt Spirituales, à carnalibus laicis iudicari, per legem Diuinam, non licere. Immo quasi eius legis transgressores reprehendunt Ambrosius, Epist. 78. & Augustinus, Epist. 161. eos, qui Ecclesiasticas causas terrenis iudiciis iudicandas committunt.

Conclusio probatur nonò ex Apostolo, Epist. ad Hebræos.

NONO probatur principaliter Conclusio testimonio eiusdem Apostoli, ad Hebræos c. 13. sic scribentis: [Obedite Præpositis vestris, & subiaceite eis.] Ecce Apostolus Episcopis, & Rectoribus Ecclesiasticis, & illorum fori Ducibus, sic enim habet Græca lectio, *ὑποτάσσεται* vult obedientiam præstari, & illis omnes Christianos subiacere; & subditos esse. Agere autem hic Apostolum de Prælati tantum Ecclesiasticis, constat primò, ex eodem Capite: non enim longè ab eius initio, sic fuerat Hebræos exhortatus: [Mentote Præpositorum vestrorum, qui vobis loquuti sunt verbum Dei.] Ecce appellat Præpositos, Apostolos illos, qui ipsis verbum Dei annunciauerant, Petrum, videlicet, & alios

Disci-

Discipulos. Constat secundo, ex ratione adducta ibi, ut illis morem gerant: [Ipsi enim, inquit Paulus, peruigilant: quasi rationem pro animabus vestris reddituri: ut cum gaudio hoc faciant, & non gementes.] Licet enim ex accidenti, quia modo Ecclesia Principes habet Christianos, illis etiam obediri debere colligamus ex hoc loco; cum etiam suo modo, & ordine peruigilent, quasi rationem Deo, pro subditorum reddituri animabus; attamen Hebraei Neophyti, ad quos tunc scribebat Paulus, neque habebant, neque ceteri Christiani, quibus hæc doctrina communis tradebatur, erant habituri semper Principes seculares, qui pro illorum peruigilarent animabus, Deo, illius summum, & ultimum iudicium reuerentes, de eis rationem reddituri.

Alias interrogandi essent Neronēs, Decij, Diocletiani, & similes Imperatores, & nunc Reges Sinarum Gentiles, quam vigilantiam adhibuissent, vel adhibeant, quasi rationem reddituri pro animabus Christianorum, quos vel habuere subditos, vel habent? qui neque immortalitatem animarum credebant, vel credunt: Reliquum est, ut de Præfatis solùm Ecclesiasticis egerit Paulus, non solùm Dinina, & spiritualia administrantibus: sed etiam in foro exteriori causas ciuiles, Ecclesiasticas præcipuè, atque etiam seculares, expediētibus; quod fastidium, solo, subditorum obedientiæ, & promptæ subiectionis, condimento, videbat posse deuorari: sicuti Augustinum dixisse, meminimus supra: ut omnino impleteretur illud, quod Ecclesiastic. 7. dictum est: [In tota anima tua time Dominum: & sacerdotes illius sanctifica. In omni virtute tua dilige eum, qui te fecit; & ministros eius ne derelinquas. Honora Deum, ex tota anima tua: & honorifica sacerdotes.]

Neque obstat, si dicatur contra, Adhuc ipsam rationem dicti Apostolici arguere, ibi agere Apostolum, de rebus Prælatorum purè spiritualibus, ad suas omnes pertinentibus, de quibus reddituri sunt rationem Deo Pastores, ac Præpositi Ecclesiæ, & in quibus absque dubio, exclusa laica Potestate, omnem exercere debent iurisdictionem: ut primo Principio supposuimus. Respondetur enim, sub hac vniuersa doctrina, ibi Apostolum maximè exhortatum fuisse Hebræos Neophytos, qui, ut ex Actis Apostolorum, c. 2. constat, omnibus suis fortunis cesserant, vel mobilia, & immobilia vendiderant bona, eorum pretium ad pedes Apostolicos adducentes: vel à perfidis Iudæis ea diripi fuerant passi libenter; ut ex eadem Epist. c. 10. apparet, dum illis scribit: [Rapinam bonorum vestrorum cum gaudio sustinuistis:] & denique seipsos, corpora, animas, bona, Apostolis contradiderant. In quorum bonorum, per Præpositos Ecclesiæ, administratione temporali, cum possent aliquando scrupulis molestari (vti Act. c. 6. cœperunt murmura inter ex Græcis, & ex Palæstinis Hebræos Neophytos, circa hoc subnasci) an dicta bona ab ipsis abdicata, bene, vel malè, iuste, vel iniuste, ab Ecclesiæ Præpositis admi-

missarentur: hinc Apostolus etiam de temporali subiectione, quam, circa ciuilia negotia, Ecclesie, Prælati præstandam esse sciebat, cogitans, dixit: [Obedite Præpositis vestris, & subiaceite illis:] nihil interim, curantes, qualiter illi, vel inter vos dissidia componant, vel vestra, olim bona, iam verò Ecclesie communia, distribuant; certus sum enim quòd ipsi peruigilant: quasi pro animabus vestris rationem reddituri.] Sed Paulum circa hunc locum iterum, & tertio audiemus infra 3. P. argumento. 2. contra Conclusionem, 1. & Par. 4.

Probatur decimò Conclusio, ab effectu.

DECIMO confirmatur Conclusio, ex post facto, & ab effectu subsequito circa hanc iurisdictionem Ecclesiasticam; tempore, quo Christianam Imperatores orbis fidem, ac disciplinam susceperunt. Nam sicuti supra à consensu communi orbis Christiani arguebamus, hanc immunitatem esse, vel de iure nature, vel euidenti consecutione ex illo deduci; sic nunc erit operæpretium, ut eam esse de iure diuino colligamus, eandem rationem prosequendo, Christianorum Imperatorum, & Principum secularium non solum consensum, verumetiam iudicium, appellare. Hi enim omnes, & omnes laicæ Potestates, Ecclesia iam ad finem tertij seculi, & deinceps maiores vires colligente, vna conspiratione, vno sensu, iudicio vno, hanc illi immunitatem, hanc libertatem personis Ecclesiasticis per leges, per statuta, per Constitutiones, quæ passim habentur, & ab omnibus ferè hanc causam defendentibus reuerentur, facto ipso, & facti, legumque sancitarum perpetua tuitione, restituerunt; nihil certè, ex proprio, & suo donantes, nec auctores dictæ immunitatis, vel eius inchoatores, seu introductores existentes: quasi lege priuata, seu priuilegio, vel gratuito, vel honesto Ecclesiam, & eius Ecclesiasticas personas decorantes. Verùm cum de sacris doctrinis, de iure Ecclesie, essent optimè instituti, & informati à suis Apostolis, & Christianis Doctoribus; intellexerunt, hanc immunitatem, fuisse diuinitus datam Ecclesie à Christo; cum eam, per vim, Imperatores Ethnici, & antiqui tyranni, sicuti Deo cultum debitum, sponte suæ Ecclesie, prioribus seculis, abnegassent. Hinc ergo hanc immunitatem, Ecclesiasticis personis restitutam, factam & tectam conseruari deinceps mandarunt: certi dubio procul, nihil ex hac Ecclesiastica potestate, ac iurisdictione, suis iri detractum ditionibus, ac ciuili potestati: immò certi, honorem regis, iudicium diligere: neque egere terrenam Maiestatem, (Ecclesiasticam, videlicet, inuadendo Politiam externi fori) ex Diuo Bernardo, falsis honoribus, veris ornatam titulis dignitatum.

Sed ut in speciali facto aliquid circa hanc rationem proponamus; Federicus Imperator in Codice Iustiniani, de Episcopis, & Clericis, Authent. Statuimus omni iurisdictione omnino interdicit in Clericos,

omnibus Magistratibus. [Statuimus, inquit, ut nullus Ecclesiasticam personam in criminali quaestione, vel civili, trahere ad iudicium seculari presumat, contra Constitutiones Imperiales, & Canonicas sanctiones: quod si actor fuerit, suo iure cadat; iudicatum non teneat: & iudex ex tunc, potestate iudicandi priuetur. Sancimus etiam, ut si quis Clericis, vel Ecclesiasticis personis iustitiam denegare praesumpserit, tertio requisitus, iurisdictionem suam amittat.] Iustinianus ipse, quid eo ipso loco Authentico praecedenti? multam certè, viginti auri pondo illis irrogat Magistratibus, qui in ius Episcopum vocauerint. Nouel. 123. c. Nulli, & ibi Episcopos apud Metropolitans, hos apud Patriarchas, dicit, iudicium accepturos. Vbi valde est notandum, à Iustiniano omnem aditum intercludi putantibus, id sua constitui auctoritate: cum in exordio se, ex antiquis sacris Canonibus, ita statuere, profiteatur. Quod & titulus ipse docet: laicosque etiam permittit, Episcoporum iurisdictionem prorogare.

Imò quædam quæ, tantum ostensis fontibus, supra adduxeramus, erit nunc opportunum expressius enarrare. Arcadius, & Honorius ante Iustinianum, ita scribunt Praefectis Praetorio, de Episcop. audien. 1.8. [Si qui ex consensu, apud sacrae legis Antistitem, litigare voluerint, non vetabuntur: sed experientur illius, in civili dumtaxat negotio, more arbitri sponte residentis, iudicium.] & 1.9. [Episcopale iudicium sit ratum omnibus, qui se audiri à Sacerdotibus elegerint: eamque illorum indicationi adhibendam esse reuerentiam iubemus, quam vestris necesse est deferre potestatibus, à quibus non licet prouocare. Per iudicum quoque officia, (ne sit cassa Episcopalis cognitio,) definitioni exsequutio tribuatur.] Hoc ipsum copiosius antea statuerat Theodosius Magnus, anno Christi. 395. & habetur 11. quaest. 1. [Quicumque, inquit, litem habens, siue petitor: vel in initio litis, vel decursis temporum curriculum: siue cum negotium peroratur, siue cum iam coeperit promissententia: si iudicium elegerit sacrosanctæ sedis Antistitis, illico, sine aliqua dubitatione, etiam si alia pars refragatur, ad Episcoporum iudicium, cum sermone litigantium, dirigatur.]

Qui Canon collectus fuit ex C. Theodosiano, lib. 16. tit. de Episcopali iudicio. l. 1. quæ repetitur lib. 6. Capitul. cap. 281. & in Conc. 3. Valentino, sub Lothario. Et apud Iuonem, & Anselmum, sequuntur hæc: [Multa enim quæ in iudicio captiosæ præscriptionis iuricula non patiuntur, inuestigat, & promittit Sacrosanctæ religionis auctoritas.] Item ead. caus. & quaest. sequitur Canon. [Omnes itaque causæ, quæ vel prætorio iure, vel civili tractantur, Episcoporum sententijs terminatæ, perpetuo stabilitatis iure firmentur: nec ulterius liceat retractare negotium, quod Episcoporum sententia deciderit. Testimonium etiam ab vno licet Episcopo, perhibitum, omnes iudices indubi-

tanter accipiant : nec alius audiatur, cum testimonium Episcopi à quolibet parte fuerit repromissum. Illud est enim veritatis auctoritate, firmatum, illud incorruptum, quod à sacrosancto homine conscientia mentis illibata protulerit. Hoc nos edicto salubri aliquando censuimus : hoc perpetua lege firmamus, malitiosa litium semina comprimentes.] Quæ lex per Carolum postea fuit renouata in suis Capitularibus, loco modo allegato, & habetur eadem causa, & q. cap. Volumus. Hinc Patres in Concilio Mileuitano, Imperatorum Arcadij, & Honorij, ac Theodosij Constitutiones, & acceptantes, & executioni dari optantes, sic Canone 19. statuerunt contra Ecclesiasticas personas, quæ suo non vterentur Ecclesiastico foro, & refertur 1. quæst. 3. [Placuit, ut quicumque ab Imperatore cognitionem iudiciorum publicorum petierit, honore proprio priuetur. Si autem Episcopale iudicium ab Imperatore postulauerit, nihil ei obsit.]

Hoc cõ referimus libentiùs, primò, vt sit notum omnibus, quanta fuerit apud omnes, & apud Imperatores præsertim, vetus Episcoporum auctoritas : secundò, vt eluceat fundamentum illud Ecclesiasticæ iurisdictionis supra à nobis latè tractatum, & adhuc infra tractandum, ex loco Euangelij Matth. cap. 18. [Si peccauerit, &c.] Ex quo enim alio loco conuenientiùs ortum habuit hæc edita ab Imperatore Ecclesiastica potestas ? nisi quia Episcopos ad iudicandas suas temporales causas eligere Christianis omnibus ab initio licuit, & in eodem Ecclesiastico tribunali eas erant soliti tractare ? ita vt Theodosius in hac Episcopos repererit possessione, & haud dignum duxerit, morem antiquum perturbare. Vnde inquã, hæc tanta iurisdicção Ecclesiastica ? & tãti ab Imperatoribus æstimata ? & tanta maiestate continuata ? nisi quia nata fuit cum Republica Christiana ? & ab ore prodiuit Christi illius Institutoris ? & cum Republica Christiana succedentibus seculis adoleuit ? Cumque Christiani effecti Imperatores, Ecclesiam, non barbaram, non dissutam hominum esse congeriem reperissent ; sed Congregationem, quæ à perfectissimo suo Legislatore Christo, perfectissimas leges, etiam Politici sui regiminis : nihil interim perturbatis, quassis, aut loco motis Imperatorum, ac Regum, etiam Ethnicorum ditionibus accepisset : illius potestatem civilem immotam reliquerunt, & ampliarunt.

Et quod non caret admiratione : Theodoricus Gothorum rex, quamuis esset Arrianus, ac Italiam, Romamque teneret ; de hæreditariis controuersia inter Episcopum, & priuatum cognoscere noluit : vt de eo scribit Magnus Aurelius Cassiodorus ipsius Theodorici Præfectus Prætorio, lib. 3. Variarum. [Quoniam, inquit, causarum vestrarum qualitas, vobis iudicibus terminari debet : à quibus expectanda magis, quam imponenda iustitia.] Et lib. 1. de Clericis Augustanæ ciuitatis, calumniantibus Episcopum suum, quicquam decernere noluit : sed reiecit

causam ad Mediolanensem Archiepiscopum, cuius erat illa iurisdictio: eò quod, inquit, Clericatus nomine fungebatur. Qualiter autem Pontifex Maximus etiam Episcopis ius dicebat, vel eligere arbitros compellebat, habetur apud Gregorium Magnum lib. 1. Epist. 36. Concilia etiam in Prouincijs, vel Metropolitanis hoc iudicium versùs Episcopos exercebant, à quibus ad Romanum Pontificem, si opus esset, pronocabatur. Quæ iuribus vulgaribus satis constant.

Tandem Alexander Consil. 8. lib. 1. ex sententia illa Iustiniani in Authentico. Quomodo oporteat Episcopos, docet distinctas esse à Deo has iurisdictiones, Ecclesiasticam, & Laicam: & ibi narrat Baldum scribere, de prohibente Clericum in ius vocari, vt non constituat ius nouum; sed discedat ab errore veterum legum Eθνīcorum. Si quidem nunquam Clerici iurisdictionis fuerunt laicorum.

Posset etiam Conclusio confirmari ex pluribus summorum Pontificum decretis, editis post tertium Ecclesiæ seculum: nam Prædecessorum acta circa hoc, & decreta, iam sunt supra relata: quasi quæ apud eos qui proterua mente huic Ecclesiasticæ non aduersantur iurisdictioni, credidimus pondus habitura. Posset fulciri etiam ex multis Sanctorum, & antiquorum Patrum testimonijs, etiam in corpus Pontificij iuris redactis, ex quibus hanc immunitatem esse de Iure diuino colligitur: quod est certè forte argumentum, audire id docentes Pontifices, apud quos clauis scientiæ resedit, & Doctores, apud quos vberiùs donum intellectus resedisset. Attamen quia Patres illi, quasi partes (quod certè minime decuisset) in suspicionem affectatæ iurisdictionis, ab aliquibus, de Catholica Ecclesia malè meritis, forsan vocarentur, & quia hoc argumentum est ab excellentibus Doctoribus Iurisperitis satis dilatatum: nos fabrilis ad fabros tractanda relegantes, ab illo prosequendo penitus abstinemus nunc: quarta huius tractatus Parte pro aduersantium argumentorum confutatione de eo forsan aliquid addituri.

Probatur undecimò Conclusio, ex vi prioris Conclusionis.

VNDECIMO, roboratur Conclusio, nam si Christus reliquit Ecclesiæ sufficiens remedium, iuxta primæ conclusionis assertum, quolites quacumque inter Christianos omnes excitatæ, sopirentur ex charitate, & aq̄uitate Christiana, in Ecclesiasticis tribunalibus: si Paulus audaciam Christianorum in vniuersum accusabat, qui dicte Christi doctrinæ vestigijs non insistentes, secularia negotia ad laicam Potestatem deferrebant indicanda; neutiquam credendum est, eundem Christum Dominum, & eius imitorem Paulum, & ceteros Apostolos, in tot locis Euangelij, & suorum Scriptorum supra adductis, de hac Iurisdictione Ecclesiastica in foro exteriori, iuxta præfatas illorum expositiones, & de hac Ecclesiasticarum personarum expressè de Iure diuino

statuta immunitate non egisse. Quæ ratio adeò valuit apud Patres in dicto Concilio 3. Carthaginen. anno 400. ferè à Christi ortu celebrato, vt ordinauerint cap. 9. & refertur. 11. quæst. 1. cap. Placuit. vt viri Ecclesiastici ad forum solum Ecclesiasticum in causis quibuscumque accederent temporalibus: sic concludendo notandis verbis: [**MALE SENTIRE DE ECCLESIA, QVI DE IVDICIO SECVLARI POSCVNT AVXILIVM: CVM PRIVATORVM CHRISTIANORVM CAVSSAS APOSTOLVS AD ECCLESIAM DEFERRI, ATQVE IBI TERMINARI, PRAECIPIAT.**]

Conclusio probatur duodecimo, ab inconuenienti.

OVES (duodecimo argumento) pateretur Christus de suis Pastoribus iudicare? Sal terræ, Ecclesiasticas, videlicet, personas, vellet in sua perfectissima Politia, propter suas lites, & negotia secularia, à secularibus iudicibus, quasi sal euanesceus, foras mitti? Illuminatores mundi, ab in eo illuminandis, vellet, in negotijs etiam iustitiam civilem concernentibus, illuminari? Ciuitatem supra montem positam, vellet, à villis, à castellis, à suburbijis status laici, discerni? Et vrenda Patrum voluisset Christus, à filiis quotidie discooperiri? Ecclesiasticorum, scilicet, qui sunt Ecclesiæ Patres, culpas ciuiles, & temporales, permisisset passim in secularibus tribunalibus manifestari, argui, & iudicari? quò facile statui laico Sacerdotalis maiestas in contemptum deueniret. De quo videndum d. 96. Quis dubitet. cum alijs ibi relatis. Absit, vt hoc de tanto Legislatore suspicemur. Et non potius firmiter nobis persuadeamus, Christum Dominum sufficienter prouidisse Ecclesiæ, circa ea quæ necessaria sunt, nedum ad salutem æternam, & spirituales res, verumetiam ad ordinis, & status Ecclesiastici Politiam, & externam conseruationem: iuxta illud Isai. cap. 5. [**Quid est quod debui vltra facere vineæ meæ, (idest, Ecclesiæ,) & non feci?**] Ad quod omninò requirebatur in Ecclesiæ Pastoribus & gubernatoribus potestas exterior coercitiua, & directiua circa res ciuiles, & versùs Ministros Ecclesiasticos: vt Ecclesia non solum diceretur appositissimè similis esse humano corpori, regno, ciuitati, domui, ouili, naui, aræ Noe: verumetiam terribilis, ex Cant. cap. 6. vt castrorum acies ordinata vocaretur.

Absit, vt non potius Magnum Constantinum Imperatorem, intelligamus, Dei spiritu motum, libellos supplices, (quod referunt Ruffin. lib. 10. Histo. c. 2. & Sozomen. lib. 1. c. 16.) malefactorum Episcoporum, & de sua dignitate, & immunitate Ecclesiastica male meritum, causas suas ciuiles, & temporales continentes, flammis commendasse: Episcopos, Clericos, & Ecclesiasticos omnes ministros, & eorum causas, solius Dei iudicio, idest Ecclesiasticæ Diuinæ iurisdictioni affirmando,

fuisse à Christo Domino reservatos; ut qui dii essent vocati, & idcirco non possent ab hominibus, qui dii non essent similes, iudicari.

Quæ ratio tam videtur efficax, & adeo intellectum convincere cuiuscumque Catholici, ac bene dispositi hominis: ut ea sola sufficeret, ad hanc immunitatem Ecclesiasticam, apud eum esse de Iure diuino comprobandam: quantumvis propositis firmissimis testimonijs essemus destituti: cum dicente legis Christianæ æquitas, excoꝛtentia, & ordo Christianorum cordibus iuxta quintum principium aliter reposita: hanc immunitatem neutiquam fuisse à Christo liberè dimissam, quæ ad nutum posset, sub quocumque velamine, à Potestatibus secularibus violari.

Hoc argumentum, quasi palmarium; (si de hac materia testimonijs sacris adeo confirmata, argumentis adhuc agendum est:) assumpserunt Patres in illo Concilio: Matiscœnensi, supra citato, dum Can. 19. sic statuerunt: [Licet Reuerendissimi Canones, atque sacratissimæ leges de Episcopali Audientia, in ipso penè Christianitatis principio, sententiam protulerint: tamen quoniam eadem postposita humana in Sacerdotes Dei grassatur temeritas: ita ut de atrijs venerabilium Ecclesiarum violenter abstrahos, ergastulis publicis addicant: censemus, ut Episcopos nostros secularium fascibus præditos, iure suo contumaciter ac perperam agens, de sancta Ecclesia, cui præest trahere audeat.] & data statim forma iudicandi de Episcoporum causis per Metropolitanos, &c. additur: [Nefas est enim, ut illius manibus Episcopus, aut iussione de Ecclesia trahatur, pro quo semper Deum exorat, & cui, inuocato nomine Domini, ad saluationem corporis, animæque, Eucharistiam sæpè porrexit. Hoc enim decretum à nobis præfixum, qui fuerit audacter transgressus, tam ipse, quam omnes, qui ei consenserint, vsq; ad generale Concilium Anathemate de Ecclesia separentur.] Ratio autem hæc Patrum grauissima, cum sit communis omnibus Ecclesiasticis respectiue; idem Can. sequenti. 10. de eisdem statuerunt: Et certè his, & alijs à nobis prædictis attentè consideratis: videtur nihil aliud velle quicumque magnam Chaos, (quod inter statum ac ordinem Ecclesiasticum, & secularem de Iure diuino, in huius Politicæ administrationis, ac iurisdictionis, ratione firmatum est) seiuungere, discernere, expellere, ac separare contendit: quàm vnum in toto orbe Christiano, eiusque statibus efficere vultum: [Quem dixere Chaos, rudis indigestaque moles.] & quem sic confulse profanz, ac religiose iurisdictionis vultum, neque ipsa bifrontis Iani, vel tricorporis Gerionis, aut tricipitis Cerberi secula cognouerunt.

Probatur decimotertiò Conclusio, ex Christi doctrina: Matth. cap. 18.

[Si Ecclesiam non audierit, &c.]

DECIMOTERTIO (& sit confirmatio quarundam præcedentium rationum:) Ecclesiæ, eiusque Prælatorum summa est potestas in hac

Christiana republica erigenda, regenda, dirigenda, corrigenda, augenda, & conseruanda. Hæc doctrina, oportet, vt sit nobis communis cum omnibus Catholicis hominibus, quique Euangelij profitentur integram veritatem, quæ id docet Matth. cap. 18. ex ore Christi: vt [qui Ecclesiam non audierit, sit nobis sicut Ethnicus, & publicanus] estimandus. Hæc lex omnes tenet ciuiles Magistratus, omnes afficit Christianos: denique aut fidelis non est, aut huius legis venerator, opus est, fiat, qui de iurisdictione Ecclesiastica optat de iure disputare; aut effectui ipso discernere vult. Neque intelligat oportet, legem illam à Christo nudam, ac inermem scitam, latamque fuisse: immò eo legi adhibito robore, vt se præstiterit securum vadem, addito, Amen, in cælo fore similiter ligatum, quod Ecclesia, eiusque Præfæcti in terra ligassent; solumve ratione fore eadem in cælo, quicquid in terra eidem Præfæcti dissoluissent.

Expositores verò huius loci Evangelici, qui de potestate data Ecclesie, idest Concilio Episcoporum, illum intelligunt, haud moramur: nec nos retardabunt, dummodo haud cum Hæreticis Interpretibus, negent Chrysostomo, Ambrosio, Theophylacto, Euthimio, & Doctoribus multis alijs, dici Ecclesie rem, cum eius etiam dicitur Prælatis singulis, respectiue, eosque Ecclesie nomine à Christo fuisse significatos; cum jam supra ex Cypriano, & Hieronymo intellexerimus, multò magis dici Ecclesiam propter Præsides eius, quàm propter fideles, quæ constat, reliquam congregationem. Sit ergo veraque interpretatio vera cum scriptis in Ecclesia grauissimi suboriantur casus, qui Conciliorum, siue Provincialium, siue Oecumenicorum postulent, sub conuenienti Capite, solemnitate: interpretationem vtramque amplectimur, quæ causæ nostræ confirmandæ valet conuenientissimè deservire.

Si igitur Ecclesie Episcopus Apostolus Paulus, quominus Christiani forumulare adirent, in suis negotijs secularibus, intercessit: si iussit, vt suis Præpositis obedirent: quòd nedum de ciuili, inter ipsos Ecclesiasticos, regimine, sed de eo, prout ad ipsos protenditur laicos, intelligendum est: si ipse iniunxit Episcopis, vt attenderent sibi, & uniuerso gregi, cui pascendo, ac regendo Spiritus illos sanctus præfecerat: si summi Ecclesie Catholice Præfæcti Romani Pontifices, idest, Ecclesia, si sacra tot Concilia, idest, Ecclesia prohibuerunt, Ecclesiasticorum causas cognoscenda ciuili laicæ iurisdictionis Potestate; necesse est, vt de iure diuino Ecclesiasticæ personæ Ecclesiastico obtemperent Politico Magistratui: necesse etiam est, vt omnes Principes seculares, omnes Magistratus ciuiles legibus dictorum Apostolorum, Pontificum, ac Conciliorum, hanc immunitatem Ecclesiasticam facientibus, pijs obsequantur animis, Hierarchiam, ac Politiam Ecclesiasticam, circa suum Politicum externum temporale regimen, non violando: nã velint ab Eccle-

sia tamquam Ethnici, ac publicani, per eius Prælatos, & præcipue, per summum Pontificem, separari. Sanctorum enim harum legum, ac sacrarum Constitutionum Principes seculares non oppugnatores, sed patronos, ac protectores, ad eas exsequutioni decençi mandandas, Apostoli, Pontifices, Concilia delegerunt.

Ex duobus Notandis Collectio valde attendenda, pro Conclusionis confirmatione.

TAMDEM, vt concludamus, notandum est primò: Omnes Catholicos Doctores, qui de hac Ecclesiastica iurisdictione, & immunitate, seu vt quidam loquuntur libertate, aut exemptione scripserunt, vnanimi consensus; siue Theologi, siue sint Iurisprudentes, docuisse; hanc libertatem, vt sic loquamur, fori, quam modo possident Ecclesiasticæ personæ, etiamsi non esset de Iure hoc præcisè diuino, non posse, à quocumque Christiano Principe, neque debere auferri, tolli, imminui, aut impediri: iuxta 1. Si quis argentum. §. fin. de Donat. & Princ. inst. Innocent. cap. Nouit. de iudic. Decium. ibidem num. 93. qui Imolam, Felin. & alios citat. Card. in cons. 83. num. 4. Felin. in cap. 1. n. 19. de Const. & in c. 1. not. 1. de probat. Innocent. & alios c. 1. de maior. & obed.

Huius assertionis ea ab his Doctoribus adducitur prima ratio: quia cum talis libertas, seu exemptio sit Dei conueniens seruicio, & ad honorem, & suorum ministrorum maiestatem, & exteriorem splendorem inroducta: Pontifici supremo sacrarum rerum Principe existente, potuit ipse solus ad hunc effectum, & ad finem hunc, Dei patris, Christi IESU, & Spiritus sancti seruutium, per orbem amplificandi, absque alicuius secularis Principis, vel consensu, vel privilegio, hanc exemptionem Ecclesiasticis attribuisse personis. Sic Nauarr. cap. Nouit, de iudic. notab. 6. num. 29. quam esse communem opinionem docuit Couarr. nu. 3. cap. 31. Quæst. Præf. Conc. 34. por. ib.

Est secunda dictæ assertionis ratio: quia Principes seculares omnem habent auctoritatem à Republica, & à populis, qui in eos illam à se transferunt: vt partim superius à nobis dictum fuit, & vberius 4. Part. Tract. infra deducetur: Sed vniuersa Christiana Respublica, Ecclesiasticarum personarum exemptioni, suum præstitit consensum: Ergo Principes illam nequeunt ab illis auferre, vel illius vsum impedire. Hæc fuit sententia Victoris Relect. 1. de Potest. Eccles. sect. 7. prop. 7. Soto in 4. dist. 25. q. 2. art. 2. Conc. 6. qui sic loquitur. [Quamuis Clerici neque in suis personis, neque in suis bonis essent Iure diuino liberi, nihilominus potuit Papa, etiam inconsultis Principibus, & debuit, eos ab eorum exactionibus, & foro excipere; cui quidem exemptioni Principes contrauenire nequeunt.] Quod idem scripsit Couarr. loco statim allegato, Conc. 4.

Hi omnes Doctores, cum alijs, quibus hæc doctrina non solum, verum & ratio doctrinæ communis est, ad grauissima illa verba Nicolai I. ad Michaellem Imperatorem scribentis respexerunt; dum dicit, [Ecclesiæ Romanæ priuilegia Christi ore in B. Petro firmata in Ecclesia ipsa deposita, antiquitus obseruata, & à sanctis vniuersalibus Synodis celebrata, atque à cuncta Ecclesia iugiter venerata, nullatenus possunt minui, nullatenus infringi, nullatenus commutari. Quoniam fundamentum, quod Deus posuit, humanus non valet amouere conatus, & quod Deus statuit, firmum validumque constituit; illeque potissimum peccat, qui Dei ordinationi resistere tentat. Priuilegia, inquam, eius Sedis, vel Ecclesiæ perpetua sunt, diuinitus radicata, atque plantata sunt: impingi possunt, transferri non possunt; trahi possunt, euelli non possunt: quæ ante vestrum Imperium fuerunt, & permanent (Deo gratias) hæcenus illibata, & quibuscumque Christianum nomen prædicatum fuerit, illa subsistere, non cessabunt, immutata.]

Secundò notamus, esse certum ex Gregorio Magno, vt habetur 11. q. 3. [Priuilegium omninò mereri amittere, qui permessa sibi abutitur potestate.] Idem docuere Simplicius Papa, Epistol. 3. Decret. & Nicolaus I. Epist. ad Igmaram, quæ incipit, Beatitudinis tuæ, & Augustinus serm. 247. de tempore, Gloss. in c. Rescripta. 23. q. 2. sic dicens: [Si ex post facto incipit enormiter ledere, statim non valet: vt extra, de decimis. Suggestum. quàm citò enim priuilegium recedit ad iniquitatem, statim non valet; vt ff. de vulg. subst. ex facto, &c.] Cuius Glossenarij doctrinam, sequutus fuit Panorm. in c. Suggestum. de decimis. cum communi Iurisprudentum Schola:

Quibus præmissis, sic colligimus. Si hæc Politica Ecclesiastica potestas de iure præcisè diuino non est, videtur ex dictis, de iure positito Canonico, seu Ciuili, ad hos fontes, ad has radices, ad hæc omninò fundamenta reducenda. Et sine ordinis præiudicio, Primò, videlicet, ad Principum laicorum voluntatem, & consensum, & eorum priuilegia: vnde intrat iuris regula: [Quod semel placuit, amplius displicere non potest.] Secundò, ad conuenientiam pro Dei seruitio, edita à summis Pontificibus statuta Canonica: pro potestate, quam in res, seu personas habent sacras, & pro obligatione, & debito illa edendi: Tertiò, ad translationem spontaneam, quam Respublica fecit Christiana huic ciuili potestati, per Ecclesiasticos iudices, in Ecclesiasticas personas exercendam. Quibus accedat: quartò, vsus antiquus, & inueterata consuetudo: Quintò legitima præscriptio: Sextò interrupta iusta possessio: Septimò immemorabilis acquisitio; accedant Octauò in foris Principum secularium pro ea perpetua sententiæ; & Vltimò continua cum his, & alijs, si qui restant, titulis, Politicæ huius potestatis obseruantia. Fontes sunt certè hi limpidi, haud facilè turbandi: radices sunt certè firmæ fundamenta

alta; & quæ hand facile conuelli queant à Principibus laicis, aliquid contra hanc Ecclesiasticam iurisdictionem volentibus admoliri. Aliàs nobis sigillatim à primo vsque ad vltimum Christianum Principem respondeant, supplicamus: quando cum hisce titulis, cum hisce iuribus, immò cum illorum aliquibus, suas possident ditiones: defendentne illas à quocumq; Principe extraneo in eas irruente, Christiana lege integra? Bello, ferro, igne circa hoc iniurias sibi illatas propulsabunt, charitate Christiana non discussa? Diuitias, opes, pecunias, honorem, vitam, & suas, & suorum subditorum cuiumque exponent periculo, Christi Evangelio illibato, ne maiorum suorum ditiones in dominium iniustum alieni Principis concedant? Credimus certè, eos ingenuè professuros, se esse paratos ad sua imperia, sua regna, suas Respublicas, suas ditiones, sua denique omnia iuste possessa, & iniquè impetita, tacendum, quocumque Principe, siue Ecclesiastico, siue seculari, non obstante; immò neque de iure valente prohibere.

Et tamen hæc Ecclesiastica Politica iurisdictionio, tot titulis, tot iuribus constans, si alicubi terrarum minus seuerè à iudicibus Ecclesiasticis exerceatur, si vnus Clerici delictum aliquod (quod non est difficile contingere) remaneat impunitum, vel ea ratione, qua laici adores, vel alij exprocebant, vel exoptabant, non punitum: Deus bone! quæ, & quanta subito tragædiæ à ministris secularibus excitantur? qualiter in iurisdictionem hanc inuicunt? eam non priuilegium, aut aliquid eorum, quæ relata sunt; sed iuxta secundum notabile, præuilegium esse, iam non ferendum, conclamando. Hinc si Principes ea imbuti sint doctrina, diuinam ciuilem Ecclesiasticam potestatem iure diuino non subsistere, verendum est, vt sinistris Consultorum malè de Christiana pietate merentium, accedentibus consilijs: post tot, quibus aliàs dicta Politia subsistit iura, tam promptos, tam expeditos, tam faciles, tam se præstent paratos ad eam proculeandam, & cum sua potestate laica ciuili confundendam; vt se promptos, expeditos, faciles, paratosq; ad suas ditiones, multò minoribus constantes, defendendas, iuribus, præstitissent.

Interest ergo maximè Ecclesiæ rem, pijsimi, & doctissimi Theologi, & iuris prudentes Doctores præteriti, qui instans hoc Ecclesiæ periculum non vidistis; præsentis, qui illud iam oculis instare cernitis; futuri, qui, quæ temporum gliscit calamitas, illud forsan instantius experiemini: interest, inquam, vt filios vestros discipulos, item & Principes Christianos, ac omnes seculares, quibus estis Sal, & Sol à Christo Domino contributi, doceatis; vt memoriter teneant, & ore decantent, hanc Politicam Ecclesiæ facultatem, ab ipso Christo Domino, à suis, eius spiritu per fufus, Apostolis de iure diuino fuisse institutam; vt si alicubi terrarum, propter Ministrorum idauriam, Ecclesiasticorum negligentiam, vel abusum nutet, si in damnum potestatis Principum secularium ver-

gat: intelligant, cuiuscumq; damni, nocuenti, aut inconuenientis cuiuscumq; ex ea actiue, vel passiue orti, remedium à summo Pontifice ab Ecclesia ipsa esse expectandum; nulla autem ratione, illius applicatione, de iure, sibi fore ipsis præsumendam. Nam asserere, posse dari casum, quod summi Pontifices Romani, quod Ecclesia, suæ iurisdictionis causa, quibuscumque subortis damnis, nocuentis, inconuenientibus, vel abusus non cat subito obuiam, & gratis dicetur, & haud cum ratione congruit, haud cum Ecclesiæ, & summi Pontificis illius Capituli, & Episcoporum, Presbyterorum, & aliorum ministrorum stat Hierarchia; cum sit Ecclesia columna, & firmamentum veritatis; terribilis, ut castrorum acies ordinata; cultrix iustitiæ: totius equitatis conseruatric. c. 1. §. sed diuersum. de alien. feud. lib. 1. fol. 175. & ibi notat Bald. notab. 6. nu. 5. fol. 25. cum alijs pluribus.

Rogabunt verò nos Catholici Doctores, an illos ad affectum, an ad effectum eius doctrinæ, quam ab eis postulamus edoceri, conuocemus? An, videlicet, optemus, eos sic affici Ecclesiasticæ iurisdictioni, ac Politicæ, ut eam vellent esse de Iure diuino, an verò, ut eam de Iure diuino esse, efficacitate demonstrent? Affectu enim, & voto, dicent, se facile teneri; effectum autem hunc ab eis, non ita facilem æstimari. Quibus respondemus cum Christo Domino. Matth. c. 7. [Omnis qui petit, accipit; qui querit, inuenit; & pulsanti aperietur.] Petant ergo, & accipient; querant, & inuenient; pulsent, & aperientur illis Scripturæ sacræ ab eo, qui aperuit discipulorum sensus, ut illas intelligerent; absq; dubio enim ex illis, partim à nobis adductis, partim inferius adducendis, & ex alijs, quas uti doctiores, & in eis exercitatiores, reperient, affectu præuio pio, qui plurimum ad hoc conducit, hanc Politicam Ecclesiasticam Potestatem, non esse libertatem, aut exemptionem, titulis dictis supra, vel eorum aliquibus, vel humano quocumque, aut positiuo iure, in Ecclesiam introductam: sed esse immunitatem, Ecclesiæ, de Iure diuino, connatam; neque fuisse, aut esse Reipublicæ Christianæ voluntariam actiuam suæ potestatis in Ecclesiasticos Præfectos translationem; qualis est potestas secularium Principum; sed fuisse & esse translationem passiuam, utique à Christo Domino, & eius Apostolis à seculari foro, Ecclesiastici fori exterioris expressam separationem, secretionem, & distinctionem; à quo, Euangelio integro, velint nolint seculares Principes, velit nolit status, & ordo Ecclesiasticus, tam actiue, quam passiue, inabdicabili proprietate debeat gubernari. Sicut enim solis naturæ, consequa affectione, lux inheret & sicuti hominem esse rationis particeps animal, uti discursu, & admirari, & ridere, *uider*, coniunctum est: sic suo sequitur ordine, & modo, Ecclesiam esse, ac inseparata proprietate, habere regimen Politicum externum, à ciuili laico secretum, pro Ecclesiasticis personis, ab Auctore Ecclesiæ constitutum.

Maneat ergo firmum, Christum Dominum in Melchisedech rege, & sacerdote, Genes. c. 14. & Psal. 109. & ad Hebræos c. 5. adumbratum, & ex sacerdotibus, & regibus ortum, regnum sacerdotale, cuius sit mentio Exod. c. 19. in regale sacerdotium conuertisse: ex Petro, & Ioanne supra relatis: hoc est, noui Testamenti Sacerdotio impertitum etiam fuisse Politici regiminis auctoritatem, & dignitatem, in superioribus à nobis ex sacris Codicibus, & eorum grauib; Enarratoribus deductam: & inferius adhuc deducendam. Vt cum in hac sua noua lege sit altius, ac sublimius Sacerdotium, uti per quod homines. ad bona caelestia traducuntur: non solum à ciuili iurisdictione laicorum Principum immune sit effectum à Christo supremo Sacerdote, illius institutore: verumetiam, ut supra omnem civilem Magistratum ita excellat, ut hic illi, Diuino iure, iuxta quod superius Conclusionem Vnicā. 1. Parte probatum est, debeat, si à Christianis administretur Principibus, subiaccere.

Circa cuius II. Conclusionis probationem, adhuc in solutione ad 2. proximum Argumentum, item ad 2. & 3. Argumentum 3. Partis, erit nobis amplius immorandum.

OPPOSITIONES

CONTRA

SECUNDAM CONCLUSIONEM.

PRIMUM ARGUMENTUM.

Ab exemplo, & facto Salomonis, circa Abiathar Pontificem.



ON obstat si contra Conclusionem sic arguatur primò: Salomon rex 3. Reg. c. 2. exsuit summo Pontificatu Abiathar, unde colligitur antiquæ legis sacerdotes seculari Politicæ paruissē. Respondent enim aliqui, vel id fuisse factum, spiritu Prophetico: ut impleteretur, iniquiente sacro Textu, sermo Domini, quem loquutus est super domum Heli, in Silo: sic Turcremata: vel factum vnus Principis non esse pro iure constituendum. Simili enim ratione, Christi lege iam per orbem vniuersum coruscante, factio iniquo, & exemplo iniquiore, Imperatores nonnulli, seu Reges, Pontifices etiam Romanos, & iudicauerunt, & deposuerunt, ut Constantinus in exilium misit Liberium, Iustinianus Siluerium; Theodoricus rex Ioannem I. in carcerem coniecit, vbi etiam

mortem obiit. Otho I. Ioannem XI. deposuit, & Leonem VI. substituit. Henricus II. Gregorium VI. sede expulit, & Clementem II. iussit ordinari; de quibus omnibus obuiæ historiæ mentionem offerunt sufficientissimam. Cum tamen hæc omnia facta sint, neque aliquo bono subsistant iure, ut de Liberio testatur Athanasius, in Epist. ad solitariam vitæ agentes: idem de Siluero Liberatus in Breviario, c. 22. de Ioanne I. Gregorius lib. 4. Dialog. c. 39. & certissimum est Constantium, & Theodoricum fuisse Arrianos, Iustinianum Euthychij detentum hæresi; unde, tyrannide præuia, Pontifices deposuerunt. Ab Othone I. bono zelo, sed scientiæ experte Ioannes XI. fuit Pontifex destitutus: ut etiam refert Otho Frisingensis lib. 6. c. 23. qui idem eod. lib. c. 32. affirmat Henricum II. haud Gregorium deposuisse; sed persuasione sua, ut Pontificatui cederet, expressisse, quia Simoniacè videbatur ingressus; quo sponte cedente, Clemens fuit in illius locum canonicè subrogatus. Sic multi Catholici Principes Episcopos, & Sacerdotes propter priuatas iniurias in exilium egerunt, qui tamen nullum idè iudicium Ecclesiasticum iustum, vel exerceuerunt, vel se exercere posse, existimauerunt.

Sed notamus pro responsione speciali argumenti specialis: quòd culpe Abiathar, ut à sacerdotio esset removeri dignus, hæc sunt è sacro textu ibi: David rege supersite, eo inconsulto, & inuito, Adoniam partes fuit seditiosè sequutus, regnum illi affectans asserere; contra Dei præscriptum, David voluntatem, & in Salomonis, cui diuinitus erat repositum, fraudem, Salomone tamèn in regni thronum euertito; cum Adonias legatur illi supplex, sub mentis melioris conditione, ipsius gratiæ restitutus; nusquam tamen legitur Abiathar reuerentiæ, regibus à sacerdotibus debitæ, Salomoni præstitisse. Cuius pertinacis animi, & conspirationem continuò, contra Salomonem, molientis, signum illud est; quòd ambiente postea Adonia, etiam regis matre Bethsabea media, Abisac regis David quondam uxoris, virginis tamèn, nuptias; Salomon insidias, quæ suum in regnum parabantur, subodoratus, matri respondit: [Postula ei, & regnum,] quasi diceret: id enim est consequens ad reginæ conubium: addens, [ipse est enim frater meus maior me, & habet Abiathar sacerdotem, & Ioab filium Saruie;] quasi legitima colligens ratione, fratrem Adoniam maiorem natu ad reginæ thalamum assumptum, summi Sacerdotis Abiathar vnctione approbatum, Ioab summi belli Ducis protectione munitum, regno protinus, ab ipso, nedum cum ignominia deturbato, verumetiam vita, exsuto Salomone, poriturum. Ecce quot crimina in vno summo Sacerdote: sacrilegij, perduellionis, seditionis, pertinacis conspirationis, & omnino læsæ regiæ Maiestatis. Quibus criminibus publicam Iudaici populi pacem turbantibus, cum non suppetere alius commodius Regi remedium, quàm Pontificis, qui se illis contaminauerat, ab officio suæque functione destitutio: haud sine Numinis

volantate, in ordinem illum redegit. Quod si adhuc de facto processit, tantò Salomoni plus est ignoscendum, quantò absque electionis alicuius turbamētis, ex institutione antiqui Sacerdotij, rectam per lineam, Sadoc, ex Eleazaro seniore filio Aaron descendens, erat subitò certus successor ad Pontificatum assumendus.

Neque crediderimus, absque grandi mysterio, in republica Hebræorum instituendæ; Deum Opt. Max. Moysen, qui erat summus Sacerdos; ut habetur Psal. 98. Exod. c. 40. Leuit. c. 8. & docent Damasus, Epist. 5. & Gregor. Nazianz. 1. Orat. de Moysē, & Aaron, Augustin. de regno Moysi, quest. 68. in Exod. & de Pontificatu, q. 23. in Leuiticum, & Enarratione in eundem Psal. 98. Hieronym. lib. 1. contra Iovinianum, Chrysost. Homil. 3. in Act. Apost. Philo. Iudæus, lib. 3. de vit. Moysi, & omnes ferè Doctores Græci, & Latini: etiam Regem, sicuti eum appellat Philo, ubi supra, populo suo constituisse; nè à tanti Legislatoris, si secularis, & laicus solum fuisset, factis, & iudicijs exercitis, etiam circa Sacerdotalem tribum, in Scriptura relatis, arguerent, similiter vero, Ecclesiasticam impugnantē esse de Iure diuino immunitatem, Sacerdotes scriptæ legis Principibus secularibus subiacuisse. Quid? Immo aliquando cum Anton. de Rosellis, lib. de Potest. Papæ, & Imper. errarunt quidam, asserendo, insanum esse, & Hæreticum dicere, quòd administratio vniuersalis rerum temporalium possit esse apud Romanum Pontificem, aut apud aliquem alium in sacris ordinibus constitutum. Quem graui censura notauit Nauarr. super c. Nouit. de Iud. notab. 3. qu. 76.

Quæ initia Politicæ Hebræicæ regiminis sub Sacerdote, eodemq; Rege, seu Duce, si cum eius vltimis cōferamus, reperiemus; reuersis è Babylonia, post annos septuaginta captiuitatis, Iudæis: Pontifices denuò, ut inquit Iosephus lib. 1. qui fuerūt pro tempore, & Sacerdotum, & Iudicum gessisse personas, ut iam superius idem referebamus. Et populo deindē ab Antiocho seruitute oppresso, Leuiticam Assamonæorum surrexisse familiam, ut ex libris habemus Machabæorum, qui primum sub nomine Principis, postea sub Regis nomine, rem Iudæorum vniuersam administrarunt; donēc pertinaci duorum fratrum regum Hyrcani, & Aristobuli dissidio Cn. Pompeius, bellum in Syria gerens, adductus, ipsam prouinciam occupauit. Hinc fratribus extinctis, populi Romani beneficio, Proselyti Ascalonitæ à primo Herode in regno succedere Iudaico, qui rectius appellari tyranni potuerunt. Vnde colligimus, quòd Iure diuino, neque assistente, neque resistente, quòd Sacerdotes temporalem Reipublicæ teneant administrationem, vel ab illa arceantur; Sacerdotes voluit Deus plures simul populo Duces, Iudices, & Reges, existere, ne in Christianæ legis statu, potestatem regiā, seu merè temporalem, qualem summus Pontifex Romæ, & suo in Ecclesiastico statu, & alij Ecclesiastici Prælati per varia loca habent, Sacerdotibus seculares Principes,

vel inuiderent; vel illam cum ſpiritali ſua, & Politica hac, de qua tractamus iurisdictione, eſſe inſociabilem affirmarent, quam inferioris ordinis antiqui ſacerdotes tenuiſſent.

Alia exempla, & facta in lege antiqua, contra aſſertum Concluſionis aſſeruntur, & diſſoluuntur.

ARGVITVR etiam contra hanc Eccleſiaſticam immunitatem, exemplo Iofue Ducis Iſraelitarum, qui ipſe non ſacerdos geſſit regimen Sacerdotum, dum cap. ſux Hiſtoriz, 2. præſcripſit Sacerdotibus de portanda Arca fœderis: immò quod eſt maius, cap. 4. expoſuit myſterium duodecim lapidum, quos in tranſitu Iordanis crexit: & cap. 5. circumcidit filios Iſrael: & cap. 8. ædificauit altare Domino: & cap. 25. conſecratus fuit populo, illum, ne commercium iniret cum Gentibus, admonendo.

Dauid ſimiliter rex regimini inſtitit Leuiticæ tribus, dum, 1. Paralip. c. 13. Arcam reduxit, & capit. 16. benedicit populo, in templo, & c. eod. conſtituit miniſtros altaris.

Iofaphat item rex, capit. 17. conſtituit Leuitas, & ſacerdotes, &c. & cap. 20. prædicauit leiunium vniuerſo Iuda, & populum ad fidem fuit cohortatus.

Ezechias rex inſtaurauit templum, tulit æneum ſerpentem, conſecratur Sacerdotibus, & Leuitis, 2. Paralip. cap. 29. iuſſit fieri Phaſe extra tempus ſuum, c. 30. Et idem de Iofia rege narratur, c. 34.

Ad quæ exempla primò reſpondetur in vniuerſum; quòd cum Synagoga vetus in vno concluderetur populo, & in vno loco ſub illa fieret ſacrificium, non erat incommodum, vt vni Iudici, alterius à Leuitica tribu, vni quoque Regi Synagoge cura, magna ex parte, committeretur; immò ſic erat ſacerdotium vni regno coniunctum: vt ex regni partitione, partitione religionis fuerit, quaſi neceſſario, conſequuta. Hoc exemplo Ioboram, 3. lib. Reg. cap. 12. conſtat, qui regni ſciſſionem, religionis quoque ſchiſmate, cumulauit. Quamuis enim directè, & immediatè, non religionis, ſed regni fuerat facta diuiſio, vt edocet Auguſtinus lib. 17. de Ciuit. Dei, cap. 12. & de Vnitate Eccleſiæ, cap. 12. tamen propter coniunctionem ſacerdotij cum regno Dauidico, & cum Ieroſolymitano templo, conſequutum eſt ſchiſma, ipſo, videlicet, Ieroboam timente, ne ex occasione vnius religionis, in vno loco obſeruandæ, regnum quoque ad vnã eſſet Dauidicam familiam, reuerſum. Attamen Eccleſiæ latitudo maxima, quæ orbis ipſius ſolùm limitibus eſt circumſcripta, cum vnitæ religionis Chriſtianæ multitudinem regnorum optime comprehendit: quia non vni regno, aut loco, ſed vni ſummo Paſtori, & vni regulæ fidei religio ſacra Chriſtiana innititur, & adhæret: eas in ſuo regimine, ex ſux institutionis natura, habens vires, vt ſecularis ad ſuam.

consistentiam, ac perennitatem nullatenus sit indiga potestatis.

Hoc discrimen clarè & apertè Scriptura ipsa videtur insinuasse: cum Synagoga quidem dicta sit, regnum sacerdotale, Exod. c. 19. Ecclesia autem à Petro, 1. Epist. c. 2. regale Sacerdotium nuncupetur. In ijs enim Petri verbis Auctore, S. Thoma in Commentar. ad illum locum, prærogatiua noui Testamenti, respectu veteris innuitur. In nouo enim Testamento sacerdotium præminet regno, sicut spiritus corpori: in veteri verò regnum præminebat sacerdotio: idè ibi regnum, hic sacerdotiũ in substantiis ponuntur, eò quod ibi quasi ex regno, subsisteret religio, hic verò ex sacerdotio perennetur.

Sed quia adhuc nonnulli vrgent argumento, ex Augustino, Epist. 48. quasi veteres reges figura fuerint Principum Christianorum: sciendum est, non esse illam mentem Augustini, quam fingunt; illos enim horum fuisse figuram; sub conditione docet Augustinus, his verbis: [Verumtamen, inquit, si facta præterita in Prophetiis libris figura erant futurorum; in rege Nabuchodonosor vtrumq; tempus præfiguratum est, & illud quod sub Apostolis habuit, & quod nunc habet Ecclesia.] vbi ille non rem asserit categoricè, sed proponit hypotheticè.

Deinde sint illa facta præterita figura futurorum, non propterea in omnibus debet figuræ veritas respondere: sed tantummodo, quantum, & quatenus nobis huius, & temporis, & Testamenti patitur excellentia. Cum ergo sit hic status excellentior, idè quoscumque veteris regiminis defectus, debet, non imitari, aut exprimere, sed corrigere, & superare. Effet autem ingens defectus in Ecclesiæ regimine, vt ex pluribus demonstrauimus, seculari Potestati subijci, quod fieri potuisse (sine præiudicio veritatis facti) veteris Synagoga imperfectio non vetabat.

Attamen, ne euasisse potius, quàm argumento satisfecisse videamur, & vt præfatorum regum illæ res gestæ intelligantur; exemplis singulis respondemus: Iosue ergo Moyse successit, vt habetur Num. cap. 27. & Deuter. cap. 34. Refertur enim, quod Moyse ipsi Iosue manus imposuit, iniciante quoque cum Eleazaro: & repleuit eum spiritu Sapientiæ. Itaque non omnem quam Moyse, sed magnam partem illius exercuit potestatis. Moyse enim à Deo immediatè fuit missus, atque edoctus in omnibus, fuit etiam, vt supra probauimus, & dux seu rex, & sacerdos: Iosue autem dux tantum populi creatur, vt quæst. 48. in Numer. Theodoretus adnotaui. Idè enim ad Moysem dixit Deus: [Dabis ei partem gloriæ tuæ, (non ait, omnem, & eandem) vt audiat eum omnis Synagoga filiorum Israel,] & subiungit Deus: [Pro hoc, si quid agendum erit Eleazar sacerdos consulat Dominum, ad verbum eius egredietur, & ingredietur ipse, & omnes filij Israel cum eo.] Ecce iam non Iosue dux est Eleazaro, in his quæ ad Deum pertinent, sicut Moyse erat Aaroni, sed contra, Eleazarus sacerdos ipsi Iosue præponitur, & ex eius consilio om-

nia Iosue facere precipitur. Consilio diximus, non quòd liberè, aut acceptare, aut repudiare posset: sicuti Princeps suorum potest Consiliario- rum sententias: sed cui omninò esset ab eo obtemperandum: sicuti ante- rea ipsi Mo, si debebat Aaron obtemperare. Tandem certum est, Iosue, non illa omnia, quæ in obiectione fecisse dicitur, per seipsum præstitisse: ad textum enim illius veritatem sufficit, ea ministris, ad quos spectabant, fieri commendasse.

Modo simili, quæcumque David rex fecisse refertur, ea omnia haud ipse fecit, sed fieri curavit: nec ex suo ea fecit genio, ut lib. 1. Paralip. c. 16. habetur; sed [iuxta omnia, quæ scripta sunt in lege Domini, &c.] cuius etiam legis (ne in ea, vel accipienda, vel explicanda sua auctoritate, uti posse videretur,) iubetur futurus rex, Deuter. c. 17. (quod piam David fecisse omninò credendum est,) accipere exemplar à Sacerdotibus Leuiticæ tribus. Præterea per Davidem constituta sunt Sacerdotum, & Leuitarum vices [secundum ministeria sua, 1. Paralip. c. 24: ut ingredian- tur domum Domini, & iuxta ritum suum,] non arbitrio regis præscri- ptum, sed sub manu Aaron patris eorum, sicut præceperat Dominus, [id est, sub spirituali regimine Aaronico, nò regio: nisi quatenus, ad obser- vationes rituum executioni mandandas, opus esset. Et hanc potestatem Christianis Regibus non negamus, immò sacra Concilia eos obstitantur, ut Ecclesiæ Constitutionibus assidue insistant exsequendis.]

Quæ refertur Iosaphat fecisse, ea mente, eo sensu, eo modo fecit, quibus David, & Iosue, nihilque excessisse, ipsemet 2. Paralip. c. 24. hisec verbis demonstrat: [Vbicumque quæstio, inquit, est de lege, de mandato, de ce- remonijs, de iustificationibus, (vel, ut Græca habet lectio, & superius dixisse meminimus, de præcepto, mandato, iustificationibus, & iudicijs,) ostendite fratribus vestris, ut non peccent in Domino. Amarias autem Sacerdos, & Pontifex vester, in his, quæ ad Deum pertinent, præsidebit. Porro, Zabadias, qui est Dux in domo Iuda, super ea, operatur erit, quæ ad Regis officium pertinent.] Ecce qualiter ea, quæ Divina sunt, & ad Hir- uina faciunt, secularis Principis curæ subtrahuntur. Verbis enim illis, [in his, quæ ad Deum pertinent,] non solum rei Divinæ cultum, quasi spirituales, significari, sed etiam omnem plenè rerum, quæ ad Divinam, quomodocumque spectant, administrationem, certum esse eisdem epito- verbis usus est Deus, Exod. c. 4. ad Moysen dicens: [Aaron erit os tuum. Tu autem eris ei in his, quæ ad Deum pertinent.] Quis autem dicat Moy- sen tantum in re Divina facienda præfectum à Deo fuisse? cum hoc po- tius Aaronis esset, & officium, & exercitium? Eisdem rursum verbis ve- nit Ietro, Exod. c. 18. ad Moysen: [Esto tu populo in his, quæ ad Deum, pertinent: ut referas, quæ à Deo dicuntur ad eum: ostendasq; populo cere- monias, & ritum colendi, &c.] ubi aperte ea, quæ ad Deum pertinent, exponun- tur, ad doctrinam, & regimen, non ad cultum spirituales tantum referri.

Ezechias non aliter circa Dei cultum operam dedit, quam Iosue, David, & reges prædicti, dicente de eo Scriptura aperte, 4. Reg. c. 18. [Fecit quod erat bonum coram Domino, iuxta omnia, quæ fecerat patre eius.] scilicet David, & apertius, 2. Paralip. cap. 29. [Constituit Leuitas, & c. secundum dispositionem David, & Gad videntis: & Nathan Prophetæ, sicuti Dominus præceperat.] fuit per manum Prophetarum, eius: 3. re, videlicet, executioni committeret, quæ per ministerium Prophetarum, & Sacerdotum Deus præceperat. Quicquid tandem refertur Ezechias fecisse, quæ siue ad Diuinum, siue ad Civilem Leuiticæ tribus iurisdictionem, videntur pertinuisse, de consilio id, & postulatione Sacerdotum fecit, ut Lyrensis in Glossa iuxta Hebræorum sententiam, explicauit. In Adomhia Regis Iosia gesta responderetur. eum diligenter curasse, & suæ regis mandato decreuisset, ut cultus Dei in lege præscripti seruarietur, quæ leges per Moysen olim datæ, hic per manus Heleæ Sacerdotis accepit, ut narrat Scriptura 4. Reg. c. 22. & 2. Paralip. c. 34. illudque præstitit, quod in ipso Deuteronomio c. 17. Moyses iussit, accipere exemplar legis à Sacerdotibus, deinde custodire verba, & ceremonias eius. Custodit autem Rex verba legis, non solum ipse seruando, sed etiam curando, ut ab alijs seruentur. De quo. videndus, Augustinus lib. 1. contra Parmenian. c. 7. & in epist. 48. ubi de religione dicere, seu cognitionem, eius sum causarum, permittit seculari Principi, hoc sensu, ut delinquentes Ecclesiasticos, seu Ecclesiastico subditos foro, exilio, mulctis, gladio punire possit: punire quoque non simpliciter, sed postquam ab Episcopis conuicti, damnati, & gradu Clericali deposti fuerint: huc enim rem disputando deduxit. Ergo gesta Iosia ad eam executionem spectant, quæ Regibus, quæ Principibus secularibus, iurisdictione civili Ecclesiastica illibata, concessa est: vobis scilicet, præscribann, quæ sua est potestas, & efficientia arte exsequendo, non quomodo faciat status Ecclesiasticus, sed ut faciat, & tunc Ecclesiastici, non Imperium Principis, sed præceptum exsequuntur legis, procurante, & iubente Principe. Eset hoc idem ac, si Rex quicumque Catholicæ fidei professor iuberet, in aliquo sui regni loco, hæresi contaminato, & derento, omnino Sacra fieri Catholicorum rituum intermissa: tunc enim illud præstare Sacerdotes, non ut mandatum regium, sed ut iam Diuinum, & Sacerdotalem functionem, à Deo, per Ecclesiæ ministerium, institutam; rege tamen procurante, & opportuna mediis, quibus illud faciat, adhibente. Longè igitur aliud est ponere, Potestatem seculari medietate quoddam esse nobilissimum, ad Diuinam, & civilem Ecclesiasticam Potestatem restaurandam, & conseruandam, & exsequendam: & longè aliud est affirmare, illam etiam in esse, ac natura sua, à potestate seculari ut Principum dependere: cum illud verum, hoc esse falsissimum conuincatur.

Pro solutione horum Argumentorum generali, Notandum.

Sed pro pleniori solutione horum omnium exemplorum, iuuabit meminisse ex superius dictis, B. Synesum in Aegypto Episcopum nos edocuisse: antiquitus & Sacerdotis, & Regis munera in eandem personam conuenisse. Quæ quidem sic gesta fuisse, in prima Ecclesiastica Monarchia, vsque ad legis scriptæ originaria tempora in Dei populo, in 4. Parte infra erit à nobis amplius explicandum. Interim certum est, etiâ Gentilium illorum tempora, quibus veritatis radius haud, sicuti nobis, vel antiquo effulserat Hebraico populo, semper intellexisse, ad eod proprium esse Principum, curare, & tueri Sacra ut plerique veterum hæc duo munera, Sacerdotium, scilicet, & Regnum habuisse coniuncta describantur. Diogenis Pythagorici fuit hæc expressa & mens, & doctrina: qui apud Stobæum de Regno, tria hæc in legitimo requirit Rege, [ut belli Dux sit: ut Index, & Sacerdos.] Attamen quia multiplices illæ curæ, nimium distingere Principē videbantur: merito ab alijs inter eas fuit discrimen institutū. Refert Tit. Liu. sic lib. de. Numa: [Tum Sacerdotibus, ceteris animam adiecit, quamquam ipsæ plurima Sacra obibat: ea maxime, quæ nunc ad Flaminem Dialem pertinent. Sed quia in ciuitate bellicosa, plures Romulos, quàm Numas reges putabat fore: iturosq. ipsos ad bella: ne Sacra defererentur, Flaminem Ioni assiduū Sacerdotū creauit.] Quod tamen haud perpetuò conseruatum fuit: cum Augustus Cæsar iterum, Maximū Pontificatū Imperiō adiunxerit: & idem sequuti fuerint Principes posterī: quasi & tutelæ suæ, & Maiestati, immo & Reipublicæ, quo Deorum conseruaretur cultus, conueniret. Hoc idem apud Malabarum reges in Orientali India, referente Ferd. Lopez lib. 1. Hist. Ind. cap. 14: religiosè suo modo pensat, qui & Reges, & Brachmenes, seu Sacerdotes sunt, & lex eos in loco sacro mori cogit, Deo veluti ministros consecratos.

Sed ad nostrā animū appolentes: Principibus Christianis eam inspectionem in rebus Sacris futuram, quæ tuendi eorum causā, susciperetur: sicuti sancta Concilia eam illis iniungunt, ut constat ex vitimo OEcumenico Tridentino sess. 16. in fine, & 25. cap. 20. prope finem, & olim prædictum fuit, & sancti Patres illud docent, & ratio ipsa conuincit. Edixit Deus prædicendo, per Isaiam cap. 49. Ecclesiam suam, affando Sponsam: [Erunt reges nutrices tui, & reginæ nutrices tuæ.] Iterum cap. 60. [A Edificabunt filij peregrinorum muros tuos: & reges eorum ministrabunt tibi.] Augustinus Tract. 1. 1. in Ioan. [Pertinet hoc ad Reges seculi Christianos, ait, ut temporibus suis, pacatam velint habere matrem suam Ecclesiam.] Leo autem I. sic alloquitur grauissimè Leonem Imperatorem: [Debes Imperator incunctanter aduertere: regiam potestatem tibi, non solum ad mundi regimen, sed maxime ad

Ecclesię præsidium esse collatam. Causam horum describit Ambrosius Epist. ad Valentinian. [Cum enim, inquit, omnes homines, qui sub ditione Romana sunt, vobis militent Imperatoribus terrarum, atque Principibus: tum ipsi vos omnipotenti Deo, & sacrę fidei militatias.] Certum est autem, primum militię Sacramentum esse, salutem, commodam, & dignitatem eius, cui militamus contueri. Hoc verò dum sancti Patres docent, dum Coudilla Sacra à regibus postulant: dum Spiritus sanctus; ab eis præstanda prædixit: regibus ac Christianis Principibus in Ecclesiam ipsam nihil dederè iuris, neque regimen Politicum: seculare cum regimine Politico Ecclesiastico miscuere. Absit, id tantum voluere: ut vim, fraudes, turbas, & externa mala ab Ecclesia, arcerent; & quod esset in ipsis, pacata Sacra præstarent, & quicquid: cum, qua Christiani sunt; velle debeant, quæ potentes sunt; id ipsis posse, à Deo, propter summum imperium, concedatur. Contra hanc veritatem sola vox Hæresiarum Dodæci, vel eorum, qui ipsius in hærebunt vestigijs, audiri poterit; scilicet: [Quid est Imperatori cum Ecclesia?] olim iam apud Opratum Mileuit. lib. 11. condemnata. Pro veritate verò ipsa, inter innumera exempla, sufficiant Constantini Magni, Caroli Magni, Caroli V. Imperatorum, ac æternæ mem. Philippi II. Hispaniarum Catholici Regis tempora; quorum Heroum inspectione, tutela, & protectione, qualiter floruerit Ecclesia vniuersa, partim oculis nostris perspeximus; partim antiquiora illa secula conspexere.

SECVNDVM ARGVMENTVM.

A termino spiritualitatis.

NEQVE obstat, si dicatur secundo: Testimonia ex sacra Pagina supra adducta sufficienter explicari in genere, de spirituali, circa Diuina, Ecclesiasticarum personarum Politia, iurisdictione, superioritate, præfectura; & obedientia; quam, ut in primo principio dictum est; status secularis Ecclesiastico statui non negat, neque inuider.

Respondetur enim primo, similes Scripturę sacrę citatę Interpretes, hoc subterfugio, nō posse euadere Conclusionis doctrinam, vel hoc a recte conuenire adificium illius, tam profundis innixum explicationum, literalium sacrę Scripturę fundamentis. Ergo hæc omnia simul consideranda sunt, & sumenda: primo, id quod, ex rei natura, dicitur intellectui bonè dispositi lex naturalis, & ipsius lumen: deinde, quid dicit ipsa lex Christiana: tertio, quid reperitur scriptum in sacris antiqui, & præcipuè noui Testamenti libris: quarto, quomodo fuerint hæc testimonia explicata, & intellecta à sanctis Patribus; ab antiquis Classicis Doctoribus, ac præcipuè à sacris Concilijs, & à summis Pontificibus, qui Spiritus Christi assilentiā, & clauem habebant scientiæ, ad sensus Di-

uinorum eloquiorum aperiendos : quinto totius Christiani orbis, iam inde à nascentis Ecclesie primordijs, in hanc immunitatem consensus, propter ipsius utilitatem : sexto, præcipue Imperatorum omnium, & Principum Christianorum, & cuiuscunque generis Potestatum communis conspiratio, in eadem immunitate suis Constitutionibus sancienda, & suo fovenda patrocinio : septimo, esse deus subsecutus, quo pacifice, & quiete gaudet Ecclesia hac immunitate, & hoc foro exteriori civili, possessione nullò tempore vngquam interrupta. Quæ omnia adeò arguunt esse Divinam traditionem, & à Christo Domino de Iure fuisse divino ordinatam : ut insufficientissimè Doctores tænarium sentientes eam à solo Iure humano, siue positivo, siue cum addito, à Iure divino Canonico, concedant procedere, contenti Iuri esse divino stricto, de quo nos loquimur, conformem non negare : vel ultimò docentes, hanc, quam verissimè appellamus, Immunitatem, potius esse formaliter exemptionem ; positivam Ecclesie lege sanctitam ; & obedientiam, seu privilegium Principum Christianorum confirmatam ; quamquàm inchoativè à Divina Christi, & à naturæ legibus ortum habuerit.

II. Responso, à conjunctione Politie Ecclesiasticæ cum Hierarchia.

RESPONDETUR secundo, spiritualement Ecclesiasticorum Prælatorum potestatem, circa res Divinas, & spirituales, adeò esse conjunctionem cum potestate hac Politicâ, seu Iurisdictione civili temporali, de qua loquimur ; ut in praxi, & usu nequeant vlla ratione separari. Vnde est necesse ; ut atque esse de Iure divino, quod ab omni humano positivo, Canonico, vel Civili distinguitur, confiteri. Qualis enim fuisset, vel esset Ecclesiasticæ spiritualis administrationis facies, in locis maxime, ubi sunt adeò rari Ecclesiastici, ut unus Parochus numeroso Christianorum gregi, pro administrandis Divinis Sacramentis, sit constitutus : si laicæ illorum Potestati liceret, de sui Parochi vitijs, & negotijs secularibus, vel inquirere, vel cognoscere ? Absit ab Ecclesia, quæ [suprà firmam petram] est fundata, [Matth. cap. 7.] [terribilis etiam, ut castrorum acies ordinata,] Caotic. cap. 6. talis imbecillitas, talis confusio. Immo cum Christiano populo sigillatim sit æterna salus, de Iure divino, per Sacramentorum remedium, ex vi Baptismalis professionis, conquirenda : censendum est, Christianum populum habere de Iure divino, ius contra laicam Potestatem, ut ab ea ministri Sacramentorum, status videlicet Ecclesiasticus, nullo possint prætextu præpediri ; quin ad exercenda sua accedant munia : cum iustitiæ sit, in Ecclesiasticorum delictis, satis consultum, si solum per Prælatos Ecclesiasticos puniantur. Quod argumentum in superioribus fuimus ex Decretis sacrorum quorundam Conciliorum prosequuti.

Hæc ratio habet hoc altissimum fundamentum. Nam licet hominum

ſocietates tranſtulerint dominium, & regimen temporale, quo, eas lumine naturæ illuſtrante, tenebantur gubernari, in Imperatores, Reges, Principes, & Præfectos quoscumque, iuxta vel Monarchiæ, vel Aritocratiz, ſeu cuiuslibet gubernationis formam: quo factio iure Gentium ſtabilito, nunc velint, nolint, illis ſunt obtemperaturæ: quæ omnia, utrumque ius tractantibus ſunt nota: nulla ratione tamen in dictos Præfectos quoscumque tranſtulerunt poteſtatem regiminis, quæ ex rei natura erat intransferibilis; & cuius, ex conſequenti, dictæ hominum vniuerſitates dominium non habebant: Sed poteſtas adminiſtrationis Politicæ, & iuriſdictio in perſonas Eccleſiaſticas, & Diuino cultui mancipatas, erat intransferibilis ex ſua natura: Ergo ea nequaquam in Principes ſeculares fuit tranſlata. Maior huius ſyllogiſmi conſtat ex regula Iuris in 6. [Nemo enim plus Iuris in alium tranſferre poteſt, quam ipſe habeat.] Minor probatur, quia illa poteſtas ciuilis, ſeu immunitas, ut perſonæ Eccleſiaſticæ, ac Deo ſacratæ ſecreto tribunali & regant, & regantur, ex coniunctione ad poteſtatem, quam perſonæ Eccleſiaſticæ habent ſpiritualem, & Diuinam, & cum qua nihil habent commune laicæ Poteſtates, facta eſt altioris ordinis, quàm ſit poteſtas regiminis ciuilis ſecularis, & ad eſſe ſpirituale eſt eleuata: ut cogitatio potentis in homine, ex coniunctione ad potentiam rationalem, facta eſt quaſi rationalis, ad particulares attingens ſyllogiſmos faciendos: Ergo dicta poteſtas eſt à poteſtate ſpirituali inſeparabilis; Ergo omninò fuit, & eſt intransferibilis.

Confirmatur hæc ratio primò: nam ut in 3. Parte Tractatus dicemus, regna non fuere inducta propter reges; ſed reges propter regna. Hinc regna ſunt regibus ſuis potiora: immò ſuperiora caſibus illis, quibus reges poteſtate ſibi conceſſa abuterentur ad eorum deſtructionem: vel ad ſinem contrarium illius, ad quem regna ſe ipſis regibus conceſſerunt, vel concedere debuerunt. Verba ſunt doctiſſimi Nauarri ſuper cap. Nouit. de iudic. notab. 3. num. 100. & ibi citat Almain. cap. 15. col. 11. de Suprema poteſtate Eccleſiæ, & in Veſperijs, docentem, regnum non eſſe regis, ſed communis, & ipſam regiam poteſtatem, iure naturali, eſſe ipſius communis, & non regis: ob idque communis non poſſe à ſe penitus illam abdicare. Ergo ſi communis nequit à ſe abdicare poteſtatem, & in Principem tranſferre, ut in ordine ad ciuile & naturale bonum Reipublicæ, ipſe Princeps deſtructionem illius moliatur, multò minus potuit ſe abdicare poteſtate gubernationis paſſiuæ ſpiritalis, & Politicæ exterioris, quæ ad rem ſpiritualem pertinet omninò conſeruandam: nullaque ratione eſt admittendum, facultatem regiminis Politici, ſeu ciuilis Eccleſiaſticorum miniſtrorum, quibus, in ordine ad ſinem ſupernaturalem, eget, in Principes ſeculares tranſuſiſſe.

Secundò fortiſſimè confirmatur; quia ex regio Vate, qui regum iura

optimè nouerat, Psalm. 113. [Cælum cœli Domino: terram autem dedit filiis hominum.] Ergo terrenorum solum cura, & administratio ad Principes pertinent: attamen ex Ezechiele. cap. 18. [Ecce, dicit Dominus, omnes animæ meæ sunt.] Ergo animarum cura & administratio, vt præcepto affirmatiuo de credendo in Deum, & colendo eo satisfaciunt, à Principum ordine, regimine, iurisdictione, ac civili gubernatione non pendet: ergo neque ministrotum, quibus hæc omnia peragenda sunt regimen, & administratio ad seculares dictos Principes spectat: uti in quos populi nequiuerunt, in sui præiudicium spirituale, illam potestatem reiecit.

Argumentum contra hanc solutionem dissoluitur.

QUOD, vt facilius intelligatur, sic arguitur contra: Hæc Politica potestas est simpliciter temporalis: cum iuxta temporalia simpliciter versetur: ergo hac parte, & est transferibilis in laicos Principes, & fuit in eos per hominum congregationes cum quacumque alia ab initio translata potestate.

Respondetur tamen: Iudicium de hac potestate esse sumendum, ex eo, quod in ea est simpliciter, formaliter, & per se ex parte effectus, non autem ex eo, quod est simpliciter, materialiter, & per accidens, & ex parte causæ. Licet ergo exerceri iudicium in Ecclesiasticas personas, per Potestatem laicam in rebus temporalibus, sit materialiter, & ex parte causæ, quid temporale simpliciter; hoc tamen est per accidens, ex quo potest talem effectum producere, quo dicta potestate à secularibus Principibus præsumpta, in ordine ad mores, ad acquisitionemque æternæ beatitudinis, dictæ societates hominum vehementissimè læderentur ex impedimentis, quæ circa Sacramentorum administrationem, Dei verbi prædicationem, & applicationem cuiuscumque spiritualis medicinæ, quæ per ministros Ecclesiasticos animarum languoribus deberet adhiberi, facile possent suboriri. Cum ergo hominum societates nequiuerint eam potestatem ministrorum Diuini cultus, quæ circa spiritualia versatur, suis Principibus tradere, quia sua non erat, vt constat ex præiacta secunda confirmatione, neque etiam potuerunt in eos transferre potestatem hanc civilem, quæ illi est annexa, & qua translata, suum spirituale interesse, cui cedere nequiuerunt, & nequeunt, haud integrum remaneret.

Confirmatur secunda argumenti responsio, ex lumine naturæ, & Romanorum antiqua lege, & ab inconuenienti.

CONFIRMATUR hoc ipsum tertio, ex ipso lumine naturæ, quo illustrati Legislatores Romani omnem Reipub. Politiam, omne robur, & columen ad hoc tandem generalissimum legum suarum

princi-

principium voluerunt esse reducta, scilicet. [Salus populi suprema lex esto:] de quo videndus Cicero lib. 3. de Legib. Ad hanc legem, tamquam in vltimum finem, in grauissimis Reipublicæ negotijs omnia voluerunt consilia referri: vt sub qua pietas generis humani, iuraque omnia ad eam seruandam instituta, omnisque Reipublicæ moderatio contineretur. Quod si Gentes populi salutem, & quidem temporalem, supremam esse legem, in Imperatores, Principes, & Potestates quasque dominantem, censuerunt: nihil insolens affirmamus, scilicet, salutem populi Christiani æternam, supremam esse legem, in omnes Potestates laicas, æstimandam. Cuius legis supremæ, cum non minima ratio constet, ex hac Ministrorum Ecclesiasticorum immunitate, quod spiritualium functionum persitet excellentia, & exercitium, illam diuino esse iure sancitam asseueramus; vt cui populi, & hominum cætus, nisi propriæ salutis rei, & contemptores fuissent, quod de eis præsumendum non est, cedere numquam valuerunt.

Hoc argumentum habet hanc vltimò energiam, ab inconuenienti, & absurdo ingenti, quod in humanis legibus, à naturali solo instinctu editis, non contingens, aliàs in statu Christianismi ordinatissimo, vt est castrorum acies, Cant. cap. 6. ordinata, esset admittendum; vt videlicet posset status secularis, dictæ iurisdictionis Ecclesiasticæ prætextu, trahere ad se spirituales Ecclesiasticas potestates, immo illam contemnere, vel conculcare: vnde in subditis prorsus Catholicæ religionis integritas deperiret. Hoc inconueniens considerantes Patres, in Concilijs, supra relata, ea decreta, quæ nihil aliud quam explicationes huius Diuini iuris fuere, tradiderunt. Heu Principatuū, qui ab Hæreticis possidentur misera, & dolenda exempla, hoc argumentum confirmantia!

Confirmantur hac sacra Scriptura testimonijs.

ET vt totius huius argumentationis vis ex sacra Scriptura fortius colligatur: attendere oportet, Christum Dominum Apostolos, operis sui primos vicarios, & Ecclesiasticos rectores, non homines, sed maius quid hominibus æstimasse: ex Hieronym. in illud Matth. cap. 16. [Vos autem quem me esse dicitis?] ab Ecclesiasticis rectoribus, ac præfectis, docens, esse expetendum iudicium, non quasi ab hominibus, sed quasi à dijs; quod non solum in rebus est intelligendum spiritualibus, verum etiam in civilis iurisdictionis administratione, quæ est quoddam quasi spirituale iudicium: quod expresse probatur ex Psalm. 81. sic incipiente: [Deus stetit in Synagoga eorum: in medio autem deos dijudicat.] Et in qua congregatione Deus steterit, illos dijudicans, explicatur in fine Psalmi, esse; videlicet, Ecclesiasticorum iudicium præcipue, dum dicitur: [Ego dixi, di estis, & filij excelsi omnes:] ad quod allusit Christus, Matth. cap. 19. dicens, [ergo liberi sunt filij]

[Vos autem sicut homines moriemini, & sicut vnus de Principibus cadetis.] Ecce qualiter Ecclesiastici iudices à laicis distinguuntur, dum illorum iudices iniquos à sede & vita, quasi vnum ex iniustis Principibus secularibus, prædicitur deturbandos. Deos appellat Spiritus sanctus Prælatos Ecclesiæ in Diuinis, & spiritualibus rebus præsidentes, deos appellat ciuiles Ecclesiæ causas dijudicantes; vt qui tamquam dii illis superiores, etiam ipsorum Imperatorum, Regum & Principum secularium, sunt à Deo constituti: etiam tamquam dii dijs, ad iudicandum, non Principum munificentia, à seculari Magistratu, sed Dei ornatissima prouidentia, secernantur.

Contra Politicorum hæresin.

DISCURSVS noster, cum habeat magnas vires contra Politicorum nostri temporis pestilentissimam hæresin, est dignus, qui ab omnibus Catholicis Doctoribus Theologis, ac Iuris vtriusq; prudentibus, & excipiat, & vberius confirmetur. Pro quo est omnino sciendum: Politicorum genus quoddam Hæreticorum vltimis hisce temporibus consurrexisse Homericæ simile Chimæræ, quæ, Parte leo prima, media capra, anguis in ima, fingeatur. Hac fictione homines hi relictæ, verè corde Athei, ore dubij, opere Hæretici reperiuntur. Quos merito doctissimus, ac piissimus Cardinalis Hosius, cò plerumq; manifestis Hæreticis nocentiores esse censuit, quò facilius virtutis, & officij simulatione decipiunt, efficientes id tandem, vt prudentes alijs, atque simplices Christiani, à sinceritate Euangelicæ doctrinæ, & fidei, ad quamdam semigentilem Philosophiam dilabantur. Horum nos omnia placita, seu deliria etiam, quæ è re nata sunt, nolumus recensere: referemus aliqua; id primum admonentes Christianum lectorem, hanc gentem, Cruci Christi inimicam, eiusdem æquor hac velle nauigare conditione: vt quasi noui Afoij arcam Dei, idest, fidem Christi, iuxta Idolum Dagon, hoc est, iuxta Euangelicorum, (sic enim, si dijs placet, Hæretici vltimi se nuncupant) perfidiam, in eodem templo, velint stare; & ipsum Dagon immobilem permanere. Quem ruentem, nec dissimilis societatis ferentem coniunctionem, suis erigunt consilijs: & millies nutantem, & cadentem, millies nituntur, sacræ Arcæ in sociabilem sociare. Miseri, ac dolosi homines, hostibus Iudæ, ac Beniamini similes, qui ad Zorobabel, & ad Patrum Principes, 1. Esdræ, c. 4. sic loquebantur: [A Edificemus vobiscum: quia ita vt vos quærimus Deum vestrum.] Quos rectè reprobauerunt Zorobabel, & Iosue, & reliqui Patrum Israel Principes, dicentes: [Non est nobis, & vobis, vt ædificemus domum Deo nostro: sed nos ipsi soli ædificabimus Domino Deo nostro Israel.] Quæ ratione æquum, immò necessarium est, vt Politicis respondeant Catholici Principes, nisi velint, suorum Principatuum ruinam celerem intueri.

Igitur eorum hi sunt quidam errores ex illis, quos cōtra nostrā argumentationis certam seriem profitentur: Regem, videlicet, nullis subdi legibus, sed supra leges, & omne ius esse; nullumque habere superiorem: quamobrem, ut boni suorum regum serui, (sic enim se appellant,) dum illis morem gerunt, securē se quid vis agere posse, putant; quantumque cum scelere sit coniunctum: ut ad Assassinorum album illum pertinere videantur, qui ut scribit Paulus A Emilius circa annum 1235. in Perfide, nullam legem, neque fidem agnoscebant, præter Principis sui voluntatem. Sic & isti blaterant, Regem suum solius Dei, non hominum iudicio subiācere: populo autem id solum esse relictum, ut ore, ac regis, animo demisso, quascumque dispositiones patiatur. Maiora crimina censent aduersus Rēpublicā cīuilem, quā aduersus Ecclesiā: aduersus corpus, quā aduersus animam: magis apud eos negotiosē de tributo Cæsaris, quā de cultu Dei disputatur: grauiusque inter illos in Principis, quā in Dei Omnipotentis Maiestatem; crimina commissa puniuntur. Similes alias Ethnicē defendere hæreses referuntur, inter quas, cum ipsi Athei religionem, nihil aliud, quā Phantasia, ad eludendos, & deterrendos hominis opinionē, homines, commentum esse existiment; non solum, excluso quocumque Ecclesiastico foro, ac regimine, secularibus omnem cīuilem in omnes subditos attribuant potestatem, verum etiam in malorum delapsi profundum, ad nutum, & nictus voluntatis Principum omnia efformant: sicuti ad primi cæli mobilis gyrum, inferiores mouentur orbes; sic docendo, in suscipienda, conseruanda, vel deferenda religione, ad Principum electionem, & voluntatem, subditorum debere voluntates conformari.

Et ut immensa æterni Numinis eluceat prouidentia, & iustitia: & Catholicus populus æternas ipsi gratias agere non desistat, ecce cum hisce Hæreticis, Hæreticos plures alios, & maxime eorum superbos Ministros insigniter castigauit. Alicubi enim Centuriarum Magdeburgensium Babylonici confarcinatores conqueruntur, Politicos hos, illotis quasi manibus, in gubernationem illam spiritualem irrupisse: falcemque misisse in alienam messem: in functionibus se immiscuisse alienis peragendis: sicuti olim rex Osias, magnosque cum supercilio audere, nouas religionis formas componere, easque Ministris, sub ministeriorum administrandorum efficaci, ac immisericordi destitutione (grande malum!) intrudere prædicandas. Iam de Politicis hisce quidam Ministrorum proprius Propheeta Fl. Illyricus præfagisse refertur, fore; tale eos in Ecclesiā administrationem introducturos, qua in fine sæculi, partim imposturis, partim crudelitate, ita extinguatur fides Christi, ut apud paucissimos, cum iudicaturus uiuos, & mortuos veniat, inueniatur.

Sed quid infelices animæ aliud exspectabatis? Almx Catholicæ Romanæ Ecclesiæ sacra Capita Pontifices supremos, ceteramque illius Di-

uinam Hierarchiam despexistis; & cum eis vniuersam Catholicam religionem proculcastis; veritatis certæ, ac fidei auitæ, & immaculatæ, quæ S. Romana docet, docuit, & semper docebit Ecclesia, esse discipuli contempsistis; antiquorum, ac præsentium aliorum errorum, vos nuperos Magistros vendicastis; quid erat reliquum? nisi vt qui Sacerdotum, summorum audite, blanda monita non sustinulistis, infimorum etiam laicorum dura præcepta Epicurea toleretis. An plus honoris, & commodi (antiqui Hæreticorum parentum vestrorum scopi) insolenti hac, atque audaci religionis Catholicæ mutatione, vestro abdomini, cui infausse seruitis, vos esse acquisituros existimastis; quam essent Athei similes Principes, eorumque Magistratus, pro grandioribus proprijs honoribus, & vtilitatibus ad sui libitum, ex vestro ministerio quaesituri? Ergo Agar superbæ, ac fugitiuæ filij, reuertimini ad Saram, sanctam Catholicam Romanam Ecclesiam, Dominam vestram; & sub manu eius humiliamini: vt quam, ex commutata religione, vim pati à Magistratibus Politicis condoletis, cum eadem reslituta, in viam eos, ne vltcrius Ecclesiastica iura violent, reducat.

Cum ergo Politici hi Regum, & Principum potestatem dilatantes, vsque ad Ecclesiæ, vsque ad Dei contemptum, & Episcopis, & Doctoribus, Theologis, & Iurisprudentibus, & Philosophis, & Orthodoxis omnibus; immo & ipsis etiam Hæreticis Ministris, ac eorum alijs Symmictis vociferantibus, sint Ecclesiæ pestes, eamque impleant Idolomania, & Christianismum in Epicureismum nitantur transformare; certè Conclusionis nostræ hæc adducta ratio, est merito considerata, & à Politicorum calumnijs, & futilibus impugnationibus, per Doctores Catholicos vindicanda, quæ potestatum, ac facultatum in Rerumpublicarum, spontanea suæ iurisdictionis translatione disiungit officia: vt Regibus, ac Principibus, illis, quæ sua sunt, integris remanentibus, ab Ecclesia, quæ sua sunt, minimè subtrahantur. Vnde contra hos vanos, & insanos Politicos Catholici Principes, vnam religionem Christianam Orthodoxam Apostolicam Romanam venerantes, & tenetes, illius Ministros diuino esse iure immunes à sua ciuili fateantur oportet potestate; vt religionis Christianæ, & Catholicæ professio firmitus subditorum animis hæreat, intelligentium, Ecclesiasticum statum, Ecclesiæ Prælatos, & verbi Dei sanos, & puros Prædicatores esse audiendos, tamquam de iure diuino immunes prorsus, & liberos à Ciuili laica Potestate: cui noluit Christus subessent; ne à temporalibus suis forsan commodis multi distracti, in illis, circa quæ à Principibus secularibus aliàs dependerent, à via recta doctrinæ Orthodoxæ, & Catholicæ fidei, ad deuias semitas peregrinorum, dogmatum declinarent. Hoc Ecclesiasticæ Hierarchiæ decebat regiminis maiestatem, ex qua apud Gentes etiam barbaras eius Auctoris Christi Domini Maiestas nosceretur.

TERTIVM ARGVMENTVM.

Ex loco Pauli ad Roman. c. 13. [Omnis anima, &c.]

TERTIO opponunt multi contra Conclusionem, & contra Paulum Apostolum pro ea allegatum, ipsummet Apostolum Paulū, ad Roman. c. 13. sic docentem: [Omnis anima Potestatibus sublimioribus subdita sit. Non enim est Potestas nisi à Deo: quæ autem sunt à Deo, ordinatæ sunt:] cum pluribus sequentibus doctrinis: quæ assertionis nostræ vires videantur enervare. Quæ locū sic explicat Chrysostomus: [Facit hoc Apostolus, ut ostendat Christum leges suas non ad hoc induxisse, ut Politias evertat: sed ad melius instituat: ostendens, quod ista imperantur omnibus Monachis, & Sacerdotibus, non solum secularibus: id quod statim in initio declarat: Omnis anima, &c. siue sit Apostolus, siue Propheta, siue tandem quisquis fuerit, neque tamen pietatem subvertit ista subiectio.]

Sequitur eum Theodoretus, super eundem locum, sic dicens: [Siue sit Sacerdos aliquis, siue Antistes, siue Monasticam vitam professus, ijs cedat, quibus sunt mandati Magistratus.] Similiter Oecumenius explicat, dicens: [Omni animam intruit, siue Sacerdos sit quispiam, siue Monachus, siue Apostolus; ut Magistratibus subdantur.]

Huic præcipue imituntur argumentis, quasi palmario, qui hanc civilem Ecclesiæ iurisdictionem, & Ecclesiasticarum personarum immunitatem non diuinitus traditam, sed donatione, seu privilegio maxime Principum asserunt, fuisse in Ecclesiam introductam.

Ad quod sufficienter respondent plures Doctores, considerantes ab initio Capitis, vnde illius materia, & finis congruè sumenda sunt, Apostolum amplissimam, & latè patentem sententiam proferre: & sic ad seculares dumtaxat Magistratus minime restringendam. Hinc sublimiores Potestates, quas Paulus nominat, ipso adhuc annuente Chrysostomo, vniuersæ accipiunt; ut Ecclesiasticas etiam Dignitates complectantur: & sit sensus; omnem Christianum instrui ab Apostolo, obedire superiori Potestati, suppositione, ut loquuntur Logici, accommoda; seu ut iuris loquuntur prudentes, respectivè; videlicet, Christianum secularem laicæ Potestati, Ecclesiasticum verò Ecclesiasticæ. Sic Tertullianus in Scorpion. c. 24. Irenæus, lib. 5. c. 24. Ambrosius, Chrysostomus, Theodoretus, Theophylactus, Primasius, in illud c. 13. Epist. ad Rom. Alexander Allen. 3. p. q. 1. memb. 5. S. Thomas, Bonaventura, Ricardus, Aegidius, Durandus, Carthusianus, sent. 4. vltima, Anselmus super hunc locum, sic scribens: [Omnis anima, id est, omnis homo, sit humiliter subditus Potestatibus, vel secularibus, vel Ecclesiasticis, sublimioribus se.] Sequitur D. Bernardus, Epist. 42. ad Senonensem Archiepiscopum, & Epistol. 183. ad

Conradum Imperatorem : ex hoc testimonio conuincens illum , debere summo Pontifici subdi , hisce verbis : [Quam tamen sententiam , cupio vos , & omnimodis moneo custodire , in exhibenda reuerentia summa , & Apostolicæ Sedi , & B. Petri Vicario : sicuti ipsam vobis vultis ab vniuerso seruari Imperio .] Quem locum Apostoli S. Symmachus , & S. Hormisdas , Epistolis ad Anastasium Imperatorem , & S. Leo IX. Epist. ad Michaellem Patriarcham , modo prædicto explicauerunt .

Ergo ex hac doctrina Apostolica hoc habetur , quemq; in suo ordine , & genere parere debere , filium patri , vxorem viro , ciuem Magistratui , Magistratum ipsum superiori Principi ; quod & Paulus Græca hac voce significat , *ὑπερῷον ἐξουσίαν* , idest , superioribus Potestatibus : quare vniuersè ab eo est propositum , & vniuersè concludit , dicens : [cui tributum , tributum : cui vectigal , vectigal : cui timorem , timorem : cui honorem , honorem : nemini quicquam debeatis , nisi vt inuicem diligatis .] Hinc non solum ad ciuilem , sed ad omnem etiam aliam Potestatem lex Pauli pertinet ; tamen exempli causa , illam eò proposuerit , quòd ciuiles Magistratus , cum gladio vtantur , videri poterant , non constituti à Deo : sed vi , & armis Imperium vsurpasse . Immo , inquit , Apostolus , Dei sunt Diaconi , ad vindictam malefactorum , bonos verò commendandos , ac condignis præmijs confouendos . Ecce hæc responsio habet fundamentum in Græca lectione illius verbi , sublimioribus , scilicet , *ὑπερῷον* , quod sonat Latine etiam , præcellentibus , seu clariùs , superioritatem habentibus : quancumque , videlicet , siue Ecclesiasticam , siue secularem . Cumque , vt dictum est , Prælati Ecclesiastici habeant hanc præfecturam : dum illis se subdunt Ecclesiasticæ personæ , oportet , vt Apostoli doctrinæ satisfecisse censeantur .

Ex Basilio solutio præfata confirmatur .

SE D Magnus Basilius insigne luce Apostoli hunc locum , ex alio ipsius Apostoli loco , c. 23. lib. de Const. Monasticis illustrauit . Arguit ergo sic , à minori colligens ad maius , quanto maiori attentione sit Ecclesiasticis , quàm secularibus obediendum Principibus . [Si igitur , inquit , qui mundo huic præsent , ex lege humana , illam imperandi potestatem habuerunt , ijs diuina lex pietatis cultores tantoperè voluit esse subiectos : & quod maius est , quorum vita tota tunc erat impietas : quàm magna tandem ei à pietatis cultore præstanda obedientia est , qui à Deo constitutus Præses sit , & imperandi potestatem à legibus illius acceperit ? Et qui defendi potest , eum non Dei ordinationi resistere , qui Antistiti resistat suo ? Præsertim cum apertissimè Apostolus iubeat , omni in re parendum esse spiritualibus Præpositis ? ipsi enim peruigilant , quasi ratione pro animabus vestris reddituri , vt cum gaudio hoc faciant , & nõ gementes ; hoc enim nõ expedit vobis .] Ecce secundum Basiliũ Apostolus

Apostoli Glossator, propria Glossa proprium textum explicauit.

Et nihilominus si cum solo Hieronymo hæc res esset transigenda; ipse facile responderet, per sublimiores Potestates, esse, Ecclesiasticas Dignitates, intelligendas.

PRIMUM NOTANDUM.

Circa quæ sit sublimioribus Potestatibus obediendum.

ATTAMEN pro pleniori satisfactione, & huius loci exacta intelligentia, primò est norandum: hanc obedientiam, ab Apostolo in cunctis Christianis requisitam versùs sublimiores Potestates, eam solam esse intelligendam, quæ cum Christiana, aliàs non pugnat pietate. Hæc est doctrina D. Ignatii, Epist. ad Antiochenos, dicentis: [Cæsari subditi estote in ijs, in quibus subdi nullum animæ periculum est.] Approbatur etiam hæc doctrina in Concil. Ephesino OEcum. Tom. 4. cap. 16. inducta illa regij Vatis auctoritate, ex Psalm. 118. [Loquebar de testimonijs tuis in conspectu regum: & non confundebar.] Sed quia tam Patres Græci, quàm Latini idem sentiunt, ab eis citandis abstinendo, ipsum Paulum, sic ad Tit. c. 3. seipsum explicantem, audiamus. [Admone illos Principibus, & Potestatibus subditos esse: dictæ obediētes: ad omne opus bonum paratos esse.] Quo in loco sic loquitur Hieronymus: [Si bonum est, quod præcipit Imperator, ac Præses, iubentis obsequere voluntati: si verò malum, & contra Deum sapit, responde ei illud de Actibus Apostolorum: Obedire oportet magis Deo, quàm hominibus.] Et Augustinus serm. 6. de Verb. Domini, secundum Matth. sic egregiè docet: [Potestates à Deo ordinatæ sunt: & Potestatibus obediendum est: sunt enim à Deo.] Sed hic ipsos humanarum rerum gradus aduertit. Si aliquid iusserit curator, nonne faciendum est? Tamen si contra Proconsul iubeat, non utique contemnis Potestatem: sed eligis maiori seruire. Nec hinc debet minor irasci, si maior prælatæ est. Rursus si aliquid ipse Proconsul iubeat, aliud iubeat Imperator; numquid dubitatur, illo contempto, huic esse seruiendum? Ergo si aliud Imperator iubeat, aliud Deus, quid iudicatis?

SECUNDUM NOTANDUM.

Explicatur quæ Potestas sit à Deo.

SECUNDO est notandum ex Chrysostomo, Homil. in Psalm. 148. & præcipuè ex Isidoro Pelusiota, lib. 2. Epist. 216. & ex Theophylacto, ad cap. 13. Epist. ad Rom. loco quem tractamus: [Pronidentia Dei opus esse, in eos, qui Magistratus gerunt, & in eos, qui illis parent, vniuersum diuississe: ne hoc sublato, interiret: dicente Salomone, Prou. c. 11.

Magistrat. officium
 & eiusdem p.
 p. p. p. p. p. p. p.
 & eiusdem p. p. p.
 Magistrat. officium

vbi non est gubernator, populus corrumpitur. Vnde est aduertendum, Apostolum non dixisse: non est Princeps nisi à Deo: sed dixit: Non est potestas nisi à Deo: vt intelligeretur, ibi esse sermonem de re ipsa, idest, de Magistratus officio, non de Magistratum gerentibus. Nam quod inter homines Imperia, & Magistratus sint, atque alij imperent, alij pareant, neque sursum, & deorsum omnia miscantur, hoc dixit Paulus esse opus Diuinæ sapientiæ. Quod si impius, vel sacrilegus Princeps gesserit Magistratum, nequaquam dixit Paulus, à Deo illum fuisse creatum, aut designatum: licet à Deo sit, propter peccata populi, & alijs de causis, regnare permissus. De quo in 4. Part. Tractatus nobis grandis restat sermo.

II. Responsio ad Argumentum, ex D. Petro, & SS. Patribus.

POTEST ergo sufficienter ad Argumentum responderi; quod tunc potestas Ecclesiastica Civilis, super Ecclesiasticas personas fuerit à Christo tam decenti ordine, tam decenti ratione, diuinitus instituta, & potestas secularis laica etiam sit à Deo: & iuxta Apostoli sententiam in [quæ à Deo sunt] potestates ordinatæ sunt;] facile ex hoc ipso loco arguitur, iurisdictionem Ecclesiasticam, & immunitatem Civilem personarum Ecclesiasticarum non solum non tolli, verumetsum acriter confirmari. Nam si circa opus hominum tantum, si circa ea, quæ cum pietate coniuncta sunt, omnis anima adstricta est Potestatibus subdi secularibus: si ex Potestates velint auferre ab Ecclesia, & Ecclesiasticis personis hanc potestatem, & immunitatem cum id esset iniquum, malum, & contra pietatem, nequaquam in hoc esset illis obediendum.

Præterea, cum Potestates sint à Deo ordinatæ, si nulli Magistratus vellet hanc Civilem Ecclesiasticam tollere iurisdictionem, hoc non esset ordinare, sed ordinem confundere: vnde quæ auctoritate Pauli vult sibi laicæ Potestas obediendam præstari, eadem debet recognoscere, hanc à solis laicis personis sibi esse præstandam; neubi quæ tamen ab Ecclesiasticis, in rebus, quæ forum exterius Ecclesiasticum, iam ab antiquo, habet, ad se, ex usu & praxi, pertinere. Itaque vt vno verbo rem concludamus, Potestates laicæ sunt ordinatæ à Deo, sed, sub Deo, ne tempesterumpant in potestatem, quam ab ipso Deo esse probauimus datam, creatam, institutam. C M A T O N V C H 2 3

Hanc harum Potestatum secretionem, & spem vtriusque, & secularis, & Ecclesiastici distinctionem, magnificis, sicuti Diuinis verbis, significauit Spiritus sanctus, per Christi Domini Apostolum Petrum loquens, 1. Ep. c. 2. hanc secularium Christianorum Principum potestatem, quasi Ecclesiasticam, sacramq; functionem censendo; dum ad differentiam antiqui scatus, qui Exod. c. 19. fuerat regnum Sacerdotale ab eodem Spiritu sancto, & habitum, & appellatum, regnū noui Testamenti statum, Sacerdotiū

appellauit. Quia nimirum Christianorum reges tunc regio senomine dignos ostendunt; si sacerdotali, & Ecclesiastico Christi statui sustinendo, & sacerdotum Ecclesiasticis legibus corroborandis, suam regiam, auctoritatem impendant. In quo vort propriè eundem regalis, inter Christianos, splendore, omnino antiquissimi, & sanctissimi docuerunt Episcopi, omnes forasisti, & quicquid, & Imperatores, & Reges crediderunt. Sic qui Magni Constantini Imperatoris temporibus viuit Magnus Hosius Cordubensis Episcopus, Constantium illius filium, ab Arrianis seductum, & eundem per suadentem, negotijs Ecclesiasticis se immiscuentem, grauitè monet, apud Athanasium, in Epist. ad Solitaria vitam agentes, dicens: [Ne te misceas Ecclesiasticis, nec nobis Episcopis, Imperator, in hoc genere rerum Ecclesiasticarum præcipe, sed ea potiùs à nobis discet. Tibi Domi Imperium commisit nobis ea, quæ sunt Ecclesiasticæ Imperatoresque, eundem clarissimè Episcopi Martinus, Troasensis, Lucifer Cardianus, Dionysius Mediolanensis, & alij, scripserunt monuerunt: ne Ecclesiasticæ contemperet: noue Romanorum Imperia Ecclesiasticis Constitutionibus immisceret: quorum iudicium Magnus item Athanasius comprobauit.]

Sed Gregorius Nazianzenus, pro Contione, Imperatorem Theodosium grauitissimè sic alloquentem, sentiamus; Orat. 17. [Te quoque, o Imperator, imperio meo, ac throno lex Christi subiicit. Imperium nos quoque Episcopi gerimus: addo etiam, præstantius, ac perfectius: nisi verò æquum est, spiritum eum in fasces submittere, & caelestia terrenis cedere, Diuinit præferri humanæ? Sed non dubito, quin hanc dicendi libertatem in optimam partem accepturus sis: ut potè sacri mei gregis ovis sacra Magni; Pastoris alumna, rectèq; iam olim à spiritu docta, & instituta.] In hanc eandem sententiam loquitur Chrysostomus, Homil. 4. de Verb. Isaie. Quibus Patribus, & sanctis Episcopis Græcis accinunt & Latini Patres, & Episcopi sancti; sic enim Ambrosius, Epist. 32. Ver. edit. Valentinianum ostatur Imperatorem: [Noli te gravare, Imperator, ut putes, te in ea, quæ Diuina sunt, Imperiare aliquid tuis habere. Noli te extollere: sed si vis diuitiis imperare, esto Deo subditus: scriptum est, quæ Dei, sed & quæ Cesaris, & Castari. Ad Imperatorem palatia pertinent, ad Sacerdotem Ecclesiæ: publicorum tibi mentiorum ius commissum est, non sacrorum.] Hilarius autem Pictauiensis Episcopus sic eam Athanasio, Hosio, Paulino, & reliquis Constantium Imperatorem alloquitur, lib. ad eundem: [Provideat, inquit, Clementia tua, ut ad omnes ubique iudices præuine iurum, ad quos sola cura publicorum negotiorum pertinere debet, scribatur, ne posthac præsumant, atque usurpent cognoscere causas Clericorum, &c.]

Quibus in locis Episcopos sanctos non loqui de sola spirituali, & Diuina, circa Diuina, & spiritualia pura, & mera, Prælatorum Ecclesiæ po-

testate; sed etiam de ea, quam in foro exteriori ciuili Ecclesia habet, ab illorum seculari potestate secerata, & ex dictis superius, facile potest percipi: & ex eo, quod tam hi sancti Doctores, & Episcopi, quam alij antiquiores similes laboriosè in hoc vnum in sudarunt: vt Imperatoribus, & Principibus secularibus persuaderent, apud Ecclesiasticos, non apud seculares, Episcoporum, & aliorum Ecclesie ministrorum ciuiles causas agitandas.

TERTIVM NOTANDVM.

Circa statum Euangelice promulgationis.

PRO vrgentiissima tamen responsione ad argumentum, adhuc tertio est notandum: quod cum lex Christiana esset inter infideles per orbem prædicanda, quorum regimen, ipso naturalis luminis radio, in ipsis obscurato, tot erroribus scatebat: & quorum Principes, plerumque subditos, quasi tyrannide, opprimebant; immò eam præcipuè arx Imperij totius orbis Roma esset Christo, & eius doctrinæ Euangelicæ, & Apostolis sacris petenda; quod facilius lex Christiana in orbem vniuersum penetraret: quæ est ratio S. Leonis ter Maximi, maxime condecabat ad eiusdem legis sanctitatem declarandam, & ad progressum Christianismi: ne Christiani, ex eo, quod à Christo Domino, eorum Audore, in libertatem Euangelij, idest, libertatem à peccato vocati erant, extollerentur in superbiam; & arberarentur in huius vitæ itinere, non esse seruandum ordinem suum; vt, Imperatoribus, & Potestatibus sublimioribus, quibus pro tempore rerum temporalium gubernatio tradita erat, se non esse subdendos, æstimarent.

Si enim tempore procedente, sed ante Augustinum (cuius est hæc doctrina in expositione quarundam propositionum, in Epist. ad Rom. prop. 7.3. quæ sequitur Anselmus, iisdem verbis, in dictam Epist.) Cresconius Grammaticus, si longè post, Vualdenses, & Begardi Hæretici: si deinceps Ioannes Vuicleuus, & tandem Martinus Lutherus, & sentina Hæreticorum plurium nostræ tempestatis illius fetore infecta, & maxime qui Libertini, & Liberi fratres vocantur, ex varijs locis sacre Scripturæ perperam intellectis, vel ex suo malo genio, Magistratuum secularium ordinatam à Deo potestatem, & denegant, & denegabant: si rustici in Germania hoc præcedenti sæculo anno 1525. Thoma Muncero instigatore, & duce, adeò furescos tumultus excitarunt, & adeò sanguinolentas strages ediderunt, occasione, per dictos Hæreticos, assertæ & prætextæ Euangelicæ libertatis; quid foret illo beato sæculo, quando fidei zelus, & charitatis spiritus in primitiuorum fidelium pectoribus fervebat? Quam facile infidelibus, Principibus, siue etiam fidelibus, dum eos forsitan non tam religiosè, & Christianè conuersari, & regere,

vide-

viderent, potestatem inhiherent, & eis subdi, quasi Deo gratum obsequium præstantes, detrectarent? Nam de potentia, qua iam, & numero, & Gentis auctoritate erant instructi Christiani, non solum ad impune negandam Imperatoribus hanc obedientiam, verumetiam ad ipsos opprimendos, & cum suis Idololatriis ceteris subditis prorsus delendos, si libuisset, vel licuisset, audiendus est Tertullianus in Apologetico, in hoc patientiam Christianorum commendans, & Imperatorum Infidelium insipientiam propalans, & traducens, qui non animaduertent, eorum imperia Christianæ legis modestia, & sufferentia, non Idolorum cultu, & efficacitate propagari.

III. Responso ad principale Argumentum, ex iustitia, & prudentia publicationis Euangelij.

IGITUR ad argumentum plenissime respondendo: ut occluderetur os Principibus Infidelibus, nec existimarent, legem Christianam eorum dominijs insidiari; Christi IESV præceptoris vestigia sequutus, qui dixit: [Reddite quæ sunt Cæsaris, Cæsari: & quæ sunt Dei, Deo:] Paulus 1. ad Timoth. cap. 2. benevolentiam Christianam versus Principes seculares Christianis iniungens, ait: [Obsecro igitur primum omnium fieri obsecrationes, orationes, postulationes, gratiarum actiones pro omnibus hominibus, pro Regibus, & omnibus, qui in sublimitate constituentur: ut quietam, & tranquillam vitam agamus.] Præcipiens autem, ut exhiberent honorem, reuerentiam, & obedientiam Principibus debitam, scripsit ad Tit. cap. 3. [Admone illos Principibus, & Potestatibus subditos esse; dicto obedire: ad omne opus bonum paratos esse: neminem blasphemare.] Et de hoc ipso erudiens Christianos Petrus. 1. Cap. 2. scripsit: [Subiecti estote omni humanæ creaturæ, propter Deum: siue regi quasi præcellenti, siue Ducibus, tamquam ab eo missis ad vindictam malefactorum, laudem verò bonorum.] & postea addit: [Regem honorificate.] Et tandem ipse Paulus generalissimum circa prædicta complexus dicendi modum, & hanc Christianam Philosophiam fidelium omnium cupiens mentibus firmiter inhzrere, loco quem tractamus, coneludit sic: [Omnis anima Potestatibus sublimioribus subdita sit, &c.]

Respondetur Oppositioni contra solutionem loci Paulini.

NE QVE obstat, si adhuc dicatur contra: Si particulari hac de causa Apostolus illam vniuersalem adhibuit doctrinam: debuisset saltem Antistites Ecclesiæ, Apostolos, & Euangelistas, & Monachos, ibi ab hac civili Principum potestate docere immunes esse: vel certè debuisset, clarè, & manifestè hanc immunitatem Ecclesiasticarum personarum ibi adstruere. Quid enim periculi erat, raros Episcopos, raros

Presbyteros, raros Parochos, raros Ecclesiasticos, quales habebat Ecclesia primitiva, & Apostolos, & Euangelistas, & Prophetas esse communes à Civili hac Principum potestate? dicendo, quò facilius, & dulcius coram laica Politia, huius iurisdictionis, & immunitatis Ecclesiasticæ nomen leniret: Ego enim accepi à Domino, quod & tradidi vobis: quoniam Dominus IESVS in qua nocte tradebatur, vel aliis alibi, Sacramentorum, quos instituit ministros, omnino à Idica Principum liberos esse infunxit Potestate.

Respondetur enim, quòd eam Apostolus Ephesios, & Timotheam, & Titum, & Discipulos alios, per universam suæ prædicationis peregrinationem, sufficienter de hac immunitate, siue per literas, siue domesticè intra priuatos parietes, instruxisset: scribendo ad eos, qui Romæ erant, vel futuri erant, Christianos, huius immunitatis facere specialem mentionem, ut non decuisse: tam ex parte Principum imperantium, quàm ex parte Christianorum subditorum. Ex parte Imperatorum, quia eum iurisdictionis, & immunitatis materia sit odiosa, & zelo plena, difficile persuaderentur, illam Civilem potestatem Ecclesiasticam, sic manifestè prædicatam, contra ipsorum potestatem non aliquid insidiosum concipere, non aliquid turbamenti continere. Hac suspicio eò cresceret maximè, cum, numerum Ecclesiasticarum personarum non augeri, esset accidentarium, quo aucto, Politica status considerata ratione, grande suis distionibus censerent periculum, grande damnum generari. Ex parte verò Christianorum subditorum non dechit; primo, quia cum Ecclesia tunc inciperet florere, faciliè posset marcescere, & ad nihilum reduci, (Deo per maiora, & frequentiora miracula, non succurrente:) si, quò ad suum statum Ecclesiasticum, & Sacerdotalem Principum legibus, & Potestati civili publicè non parere edocita, & triusque ex consequio status Christiani homines, à Principibus, non ut Christi Martyres, sed ut seditij, atque Rerum publicarum, earumque Civilium ditionum enesores publici necarentur. Secundo, quia si cum fastuoso, ac sonoro strepitu Ecclesiasticorum tribunalium Ecclesia fundaretur, cum tunc etiam coniugati, & habentes liberos ad Sacerdotium admitterentur, libertatis insuper, ac immunitatis dulci nomine blandiente, faciliè Christianorum excedens numerus ad statum Ecclesiasticum conuolare; quò Principum secularium, ac Politici sui regiminis molestias effingerent: vnde legis Christianæ amor in odium, ipsæ etiam Christianis suis Principibus, verteretur. Si eam nudius tertius opus fuit, ut Concilium Tridentinum Sess. 23. cap. 6. medelam adhiberet, ne occasione primæ acceptæ tonsuræ, in reliquis merè laici, homines à seculari essent immunes Christianorum Principum potestate: quid fuisset actum originariis illis Ecclesiæ nascentis temporibus, in quibus Principes infideles Sanctis dominabantur?

Hæc eadem ratione intelligendum est, Chrysostomum, & illos Patres Græcos, explicando locum Pauli, quadam quasi hyperbole, Apostolos, Evangelistas, Prophetas, & Monachos ad obediendum sublimioribus Potestatibus fuisse ibi vocatos, affirmasse: Quia ex illorum hac inclusione sub illa regula generali, nullum sequebatur periculum: ut qui aliis insisterent optime seculares Potestates, quid nam illis in his, & in quas solum personas competeret, simul verò exemplum laicis dabitur: ut facilius obedientiam Principibus præstarent, à qua neque tales Ecclesiasticæ personæ subtraherentur. Si verò illos excepissent: certò imminerebat ingens periculum: ut ad vocem libertatis, ac immunitatis similium personarum à laica Potestate, multi à Deo non missi renascerentur Apostoli: plures surgerent vani Prophetæ: neque novi mendaces decessent Evangelistæ; ac sicuti olim Thebaide deserta sanis, sic tunc frequentes civitates malè sanis Monachis repleverunt.

Neque magis mirum est, Apostolos huius Ecclesiasticarum personarum, & eorum Civilis iurisdictionis immunitatis, in legis Christianæ visceribus contentæ, quæ, temporum successu, erat plenius vñ manifestanda, & usque ad seculorum erat siquid duratura, non claris meminerit, ijs verbis, quibus omnium contra sentientium os oppilaretur: quam mirum est, in Concilio ab Apostolis Actuum cap. 15. celebrato, Spiritui sancto, & ipsis visum fuisse, novæ ex Gentibus in Ecclesia factæ plantationi indicere, Idesancita, & suffocato, & sanguine abstinere; quæ lex erat, mutatis circumstantijs, citissimè progressu temporis abroganda. Præterea Catholicis, ac pietatem spirantibus, & Principibus, & eorum Consiliarijs, quæ ex sacris Codicibus loca habemus, pro Ecclesiasticæ asserenda immunitate, suffiunt: ut illam & tæteant, & admittant, & venerentur: illis verò, qui, ut inquit Apostolus, sunt ex contentione, sicuti Evangelij Christi I E S V clarissima doctrina ad sanctissima Mystéria Sacramentorum credenda, & confitenda non sufficit, neque aliter apposita ad confitendam, & recipiendam Ecclesiasticam iurisdictionem sufficisset.

Immo ex ipsa maxima animadversione, qua, in theoria, Politici huius regiminis Ecclesiastici materia, ab ipso nascentis Ecclesiæ exordio, tractata fuit, intellexerunt pro Apostolicis patribus nati in ea sequentes filij, etiam Patres nostri, quæ maximè cautione, potestate sibi à Christo tradita, sine circa Divinam Hierarchiam, siue circa Politiam Ecclesiæ anteriorem, essent vsuri. Notamus enim, Evangelij luce iam Principum Gentilium mentibus illustratis, maiorum nostrorum providam circumspersionem existisse, ut Imperatores, ac Reges, etiam circa fidem ipsam Catholicam, vel multis opiniones, vel ipsas puras hæreses profectas, patienti animo viderent. Sic Constantium, ac Valentinianum, Anathasium Eutichyanum, Heraclium Monothelitam, & similes

alios passi sunt: ne prudens Ecclesia potestate sibi & licita, & debita, incassum, spe sublata fructus, vteretur. Docuit enim nos antiqua experientia, tantam esse quorundam Regum cum improbitate, ac sœuitia coniunctam potentiam; vt Ecclesiastica censura, neque ad eos coercendos quicquam proffit, & Catholicis populis, in quos Principes irritati magis sœuiunt, esset damna non mediocria paritura. Quid namq; quæsumus, profuisset quondam Ecclesiæ, si tentasset, vel Ostrogothos Reges in Italia, vel in Hispania Vuisigothos, aut Vvandolos in Africa excommunicare nomine ipso, ac de folio deturbare? quamuis id facere iure optimo potuisset. Quod idem de Constantio, Valente, & alijs supra relatis est similiter intelligendum. Neque enim omnia, quæ licent, consequens est, etiam expedire.

Erant siquidem ea tunc tempora, vt potius ad martyrium subeundum Episcopi, quàm ad Principes, parati inuenirentur, coercendos. Cum, tamen florere postea cœpit Ecclesia, viditq; suæ potestati exserendæ locum congruum aperiri, vel cum ipsorum Principum spirituali vtilitate, vel certè ab'que detrimento, & perniciæ populorum; non sibi desuit, quin tam circa res fidei maiores, quàm circa Ciuilis suæ iurisdictionis exercitium, vt pluribus ad manum exemplis constat, amplissimam sibi à Christo traditam facultatem demonstraret.

Q V A R T V M N O T A N D V M.

Seu IV. solutio Argumenti principalis.

VLTIMO tandem, pro huius Paulini loci explicatione, & ad illud ab eo sumptum argumentum facillima responsione, considerandum est: quòd hac Ciuili Ecclesiastica potestate integra, & firma, constituta, non ideò non est omnis anima, id est, omnis Christianus, etiam Ecclesiasticus, Potestatibus sublimioribus secularibus subdita. Episcopi enim, & Parochi, & Monachi, & omnes vniuersùm Ecclesiasticæ personæ in Christianis Prouincijs subditi sunt, & vassalli Imperatoris, Regum, & Principum secularium: si non quò ad potestatem coactiuam, saltem tenentur obedire eorum legibus temporalibus, quæ haud legibus Ecclesiasticis aduersantur. Tenentur etiam si acores sint, in suis litibus ciuilibus, quas gerunt contrà laicos, illorum fori stare iudicio; & subsunt secularibus Principibus in rebus generalissimis temporalibus, statu Reipublicæ, legibus Canonicis saluis, concernētibus. Subsunt etiam simpliciter, quò ad subiectionē reuerentialem, de qua in specie fuit loquutus Apostolus illo loco, dicens; [cui timorem, timorem: cui honorem, honorem:] quod testatur Nicolaus Papa in Epist. ad Michaelem Imperatorem propè finem: & Theodoretus lib. 4. Hist. cap. 7. re-

fert verba Imperatoris; scilicet, [Probos Episcopos non solum Dei, sed etiam Imperatorum legibus obtemperare.]

Explicatur Innocentius, cap. Nouerit. de Sent. excom.

ET hoc sensu videtur congruè explicandus Innocentius in cap. Nouerit. de Sent. excommunicat. sic dicens. [In temporali autem generaliter, & generali Ecclesie solus Imperator, qui vniuersis, & Clericis, & laicis in temporalibus praeesse debet, privilegia concedere potest.] Est enim intelligendum hoc dictum, iuxta illud Apostoli, quod explicamus, scilicet, [Omnis anima Potestatibus sublimioribus subdita sit.] Si enim subditi debent Imperatori tam Clerici, quam laici, certè eo modo, quo subditi sunt in temporalibus generaliter, in illis, scilicet, generalibus rebus dictis, quæ innuit Apostolus, etiam debet Imperator illis generaliter praeesse: non autem in particulari hac ciuili Politia, quæ aliàs fuit à Christo data suo Clero, & quam Apostolus, in foro secreto exteriori, Ecclesiasticos docuit habituros. Deinde cum in spiritualibus praeesse non debeat: cum hæc immunitas Ecclesiastici status sit quid coniunctum cum purè spirituali illius potestate: ex supra probatis, adeo ut Iurisdictio ciuilis Ecclesiastica sit ab ea inseparabilis, propter eleuationem hanc, quam habet ad esse quoddam spirituale: iam non dicitur quid temporale, in quo debeat Imperator præsidere.

Sed quia sermones sunt omnino, ex certa Philosophia, intelligendi formaliter; cum Innocentius ibi fuerit loquutus de privilegijs, quæ concessit Imperator Ecclesie, circa ea temporalia, vel eas res, in quibus, ex rei natura, ipse præerat, & praeesse debebat: quam præsentiam à se abdicauerat, lege priuata eam Ecclesiastico statui relaxando: Respondetur, Imperatorem generaliter Ecclesiasticis etiam praeesse in temporalibus, quò ad protectionem: ut inquit Glos. c. Conuenior. 23. q. 8. vel præstet quò ad generalissimam gubernationem eorum, quæ in Nouiss. Iustiniani, seu Iustini, ordine 149. referuntur: ad quam gubernationem temporalem ibi relatam, cum, ex rei natura, tributa, & vectigalia, per singulorum subditorum capita, requirantur, in his temporalibus, & Clericis, & laicis præstet Imperator; itaq; etsi bona Ecclesie sint, tamquam bona Dei, & pauperum, ab hisce oneribus immunia: ut docet Ambrosius dicto c. Conuenior. de quo postea 3. Parte dicemus, personæ tamen Ecclesiasticorum ab hoc tributo, seu vectigali, ad quod recipiendum Imperator omnibus præstet generaliter, non sunt immunes in actu, ex sua natura; sed ex Imperatoris, vel Principum exemptæ sunt privilegio: vel ex summi Pontificis, id Principibus assentientibus, Constituto.

Et sic strictè esse intelligendam hanc Imperatoris præsentiam, docent Iustinus Orat. ad Antonin. Pinm, Didymus Alexandrinus Enarratione in 1. Epist. Petri, estque doctrina ipsius Ambrosij dicto c. Conue-

pior. immo Apostoli Pauli, qui loco illo explicato, ad Rom. c. 13. cum addidisset: [Itaq; necessitate subditi estote, &c.] subinixit: [Idco enim & tributa prastatis:] quod [est signu subiectionis,] inquit Dionys. Carthuf. ibid. Itaque Paulus specificè declarando se, ad tributa, & vectigalia reddenda subiectionem contraxit. Immo est doctrina ipsius Christi, qui omnino existens inuestigabilis, ut ex Augustino diximus, pro se, & Petro iussit tributum seculari reddi Potestati, cum propter vitandum scandalum; tum propter exemplum; ostendens bene reddere eos, qui debent, cum ipse reddidit, qui non debebat. De qua re sic notabiliter docet Ambrosius, ad c. 5. Luc. [Magnum quidem est, & spirituale documentum, quo Christiani viri sublimioribus Potestatibus docentur debere esse subiecti; ne quis constitutionem Regis terreni putet esse soluendam. Si enim censum filius Dei soluit, quis tu tantus es, qui non putes esse soluendum? Et ille censum soluit, qui nihil possidebat: tu autem, qui seculi sequeris lucrum, cur seculi obsequium non recognoscas?] Et Augustinus Tract. 6. ad cap. 1. Ioan. & refertur c. Quo iure. 8. d. ait: [Quare nolite dicere, Quid mihi, & Regi? nam quid tibi ergo, & possessioni? Aliter noli dicere, possessiones tuas: quia ipsa iura humana renuntiasti, quibus possidentur possessiones.] Quo loco Augustinum de eis possessionibus loqui, non quas Ecclesie intuitu, sed quas titulis alijs Ecclesiastici obtinent, certum est; nam de bonis Ecclesie, seu Christi Domini eius Auctoris, quid sentiendum sit, 3. Parte disputamus.

* Et quia desideramus Theologicè huic satisfacere difficultati, conservando hanc iurisdictionem, Ecclesiasticamq; immunitatem esse de iure diuino, & non esse exemptionem ex privilegio Imperatorum, seu Principum: & simul admittere, Imperatores generaliter debere praeesse & Clericis, & laicis, ut dicit Innocentius, rogamus considerari: Imperatores Christianos non debere praeesse plus in Ecclesia Clericis, quam Imperatores Ethnicos approbavit Christus Hebræo in populo praeesse, & approbaverunt Apostoli in populo Christiano eisdem Clericis praefuturos. Sicut enim non decet ab obedientia, & subiectione, quam Christus, & sui discipuli Imperatoribus prastari voluerunt, & docuerunt, aliquid detrahere; sic neque est conveniens, illorum praesidentiam in Ecclesiasticas personas amplius dilatare. Ergo si Christus, ex condescensione, tributum pro se, & etiam pro Petro Imperatori Romano soluit; idco fecit; quia sciebat, exactores tributorum scandalizandos, si Magister adeo verax, & viam Dei in veritate docens, tributa, quæ ad Potestatis secularis Romanæ onera ferenda, honestè, ex suppositione, quod Hebræo populo præerat, ordinata fuerant, soluere denegaret. Sed hac praesidentia Romanorum Imperatorum in cunctam gentem Iudæorum, & horum subiectio in temporalibus sub Romanis Imperatoribus, non derogavit spirituali libertati, & subiectioni eorum sub Deo: neque Politicæ

potestati Sacerdotum, ut sua iudicia civilia, in causis suis Leviticis, & sacerdotalibus. exercerent: quod habebant de lege Moysis: ut notat Dionys. Carth. ad c. 22. Matth. & nos supra elare probauimus: cum ex Ioann. c. 2. Christum in templo Sacerdotes ostendimus, etiam iudiciariè, cum ludæorum patientia; castigasse; Romani Imperatoris, qui tdm Clericis, quàm laicis in temporalibus præerat, illæ auctoritatè; ergo concludendum est, hanc civilem Ecclesiæ iurisdictionem; & hanc Ecclesiasticorum immunitatem ex Diuino iure esse constitutam; neque obstare, quominus possit Imperator eam non habens, neque illam priuilegio Ecclesiæ conferens, utpotè, quæ sua non erat, adhuc dici, generaliter, & generali Ecclesiæ in temporalibus præesse debere.

Et si hæc solutio adhuc non facit satis iuris Canonici Doctoribus, cum ipsi nobiscum teneant Conclusionem propositam cum Innocent. videlicet, & Hostiensis c. 1. de Maior. & obed. Gloss. in c. Si Imperator. distin. 96. verb. Diuino. & Ioan. Andr. Dominicus, Archidiaconus, Ancharran. Franchus, in c. Quamquidam de censib. in 6. post Gloss. ibi. Abbas, Felinus, Debus, Butrius, in c. Ecclesia S. Mariæ, de Constitut. Auzerius, Clem. 1. de offic. iudic. ordin. vers. Ad questionem, Lap. alleg. 93. nu. 7. Prob in addit. ad Monach. in cap. Si iudex, de sentent. excom. in 6. nu. 1. ubi etiam in hac sententiam citat Materet. in Tractat. de Elect. Hieron. Gigas in Tract. de crim. l. 2. de Maiestatis; quæst. 88. num. 5. Tiber. Decian. in Tract. crimin. lib. 9. cap. 9. nu. 1. Riminald. in reper. c. Quæ in Ecclesiis, nu. 54. Euclard. Conf. 191. nu. 13. incip. In materia questionis, & in Confil. 42. incip. Visis, & bene discussis. nu. 35. & 36. Petrus Belluga Valentinus in Speculo Princip. rubr. 11. tit. de præposit. §. videndum, nu. 1. & 2. Alex. Conf. 8. n. 1. vol. 1. Nat. Cbnf. 435. nu. 15. Roland. Conf. 4. nu. 7. vol. 1. Bened. Cano. de Priuileg. Eccles. personal. tit. de for. comp. Priuileg. 11. Ferdinand. Vasquez, de success. creat. §. 22. limit. 28. Rota Romana, in antiq. tit. de Conser. Decis. 10. n. 4. Decis. Consilij Neapolitani, apud Grammaticum, Decis. 61. Decisio Senatus Parisiensis, relata à Rebuff. in Concord. ubi de protectione Concord. ipsi omnes viderint, qualiter ipsius Innocentij dicto sit faciendum satis: nam doctrinam à nobis hucusque adductam credimus Theologica esse valde conformem facultati.

Explicatur S. Ioannes Chrysostomus.

AD cuius Argumenti calcem iisum est, Chrysostomum explicare, qui in Dialog. de Sacerdotio separat regalem potentiam ab Euangelico ministerio: dicens: [Ministerium esse munus commissum à Deo, ut sine armis doceatur homo: non autem esse potestatem dandi, aut addendi regna; seu, (quod ad nostrum facit institutum) sciendi leges ad Reipublicæ administrationem.] Si tamen rectè Chrysostomi mens inspicuatur, non negat eo loco, posse summum Pontificem esse Regi, & Prin-

cupum causas, quæ statum Christianismi, cuius est Caput, & Iudex, concernunt, agere, & leges Politicas Ecclesiasticas condere, & Ecclesiam ad id non habere à Christo Domino potestatem: sed solum disputat de difficultate, quam Episcopi, in ouibus suis curandis, patiuntur. Docet ergo pastores irrationalium ouium, quibus corporales tantum morbi curandi sunt, posse faciliè oues suas, licet renitentes, & inuitas curare: cum sit illis promptum, eas vincere, includere, secare, & vrere. Similiter iudices seculares, qui solum externas populi actiones regunt, faciliè posse, vinculis, carceribus, gladio, quibuslibetue pœnis populum cogere, ad externam tranquillitatem, & pacem; Episcopo verò, cui propositum est, vitijs animorum mederi, difficillimam impositam esse prouinciam: cum nemo possit curari à vitijs, nisi velit; neque tormentis ullis adigi possint homines ad virtutes.

Chrysostomum autem non fuisse in ea sententia, vt non possint Episcopi, & leges ciuiles Ecclesiasticas ferre, & ad earum obseruantiam suos subditos cogere, testimonio est ipse Chrysostomus Homil. 70. ad populū Antiochenum: vbi prohibens, ne quis mulieres prœficas aduocet, ad funera deploranda, de quibus habetur Marci c. 5. sic loquitur: [Ne cogam eas verò, & propria mala deslere.] Et infra: [Si verò, quod absit, contempti fuerimus, minas ad rem deducere cogemur: vos quidem Ecclesiasticis castigantes legibus, illas verò, sicut eis conueniet:] habebat enim per vniuersum Patriarchatum carceres signatos, pro reis subditis castigandis. Et Homil. 83. in Matth. Diaconos monet, vt indignè ad Eucharistiam accedentes, pro potestate, cohibeant, ijs notandis verbis: [Si Dux quispiam, si Consul, si ipse denique, qui diademate ornatur indignè adeat, cohibe, & coerce; maiorem in illo habes potestatem.] Hinc colligitur, cum scribit Chrysostomus, lib. 2. de Sacerdotio, Episcopum solis persuasionibus, non autem vi, & potestate cum ouibus suis acturum, Sanctum, acerrimū aliàs iurium Ecclesiæ defensorē, loqui de animorū interna conuersione, & curatione, non de externa improbitate cohibenda. Videndus ipse Chrysostomus, Homil. 44. in Psalm. Homil. 2. in Acta Apostol. Homil. 15. in Epist. 1. Pauli ad Corinth. Vbi maximè aduertit, vt in vniuersali Ecclesiæ tribunali, cum charitate paterna, & Christiana pietate, eius summa potestas coniungatur.

Q V A R T V M A R G V M E N T V M.

A iudicio exercito in Christum coram Pilato.

Q V A R T O arguunt aliqui contra Conclusionem ex eo, quòd Christus Dominus tribunali steterit P. Pilati, secularis Principatus Romani iudicio condemnandus, & condemnatus: vnde hanc assertam à nobis immunitatem Ecclesiasticam, ex Christi summi Pontificis hoc facto, credunt labefactari.

Et quidem Marsilium de Padua, & Ioannem de Ianduno hoc argumēto abutentes, hæresis condemnatos videbit lector in Bulla Ioann. xxi. l. vbi latè explicatur, Christum de iure ibidem non potuisse iudicari: factum autem nihil suffragatur Conclusionis veritati destruendæ. Mirandum tamen esset, viros Catholicos, ad rem, de qua agitur, velle hoc exemplum detorquere. Quid enim oportet Christi Domini pro humano genere spontè susceptam passionem cōmemorare? de qua miratus Isaias dixit c. 53. [De angustia, & de iudicio sublatus est:] qua iniquitate occupatus Propheta, Epiphonemate subdidit: [Generationem eius quis enarrabit?] id est, homines illos tam profligati seculi, & eorum iniquitatem? iuxta grauissimorum Patrum explicationem.

Igitur cū OEconomia nostræ redemptionis tantæ sit profunditatis, tantæ sit admirationis, tantæ sit immensitatis res; vt de consilij æternis Beatissimæ Triadis in Verbo incarnato, per crucis consummationē, iam manifestatis, adhuc admirabilitate stupefacti Angelici spiritus de Christo ad Patrem, purpureis illis insignē notis, ascendente rogaerint, vt refert eodem spiritu Prophetico Isai. c. 63. [Quis est ille qui venit de Edom, tinctis vestibus de Bosra?] immo oportuerit, eos de multis, quæ dispositionem huius sacramenti absconditi à seculis, vt inquit Paulus, fuerunt subsequuta, per Ecclesiæ militantis certos fieri illuminationem: iuxta quod, explicante D. Thoma, docet Apostolus ipse ad Ephes. c. 3. dicens: [vt innotescat Principibus, & Potestatibus in cælestibus, per Ecclesiam, multiformis sapientia Dei:] his inquam datis, quid oportet, intellectum humanum ansam, ex iudicio, in Christum Dominum arripere exercito, ad iudicium Ecclesiasticum, à laica, ex ipsius Christi institutione, immune Potestate, interrompendum? Traditus fuit Christus, & ad mortem damnatus ab statu Ecclesiastico Sacerdotum, ab statu seculari reipublicæ, ab Hebræis, à Gætibus; vt inde maior esset ipsius gratia, inde illustrior effulgeret misericordia: quòd qui pro omnibus à Patre, & à se, ex Diuina charitate, tradebatur, ab omnibus, ex humana iniquitate, traderetur; & omniū statuum, omnium hominum sentiret iniuriam, qui omnium statuū, & hominū omniū statuebat iustitiam: & omnium hominum experiretur ingratitudinem, qui omnium hominum debebat impietatē.

Cū autem ex dicto Christi Domini, Ioan. c. 19. ad Pilatum, videlicet, [Non haberes in me potestatem, nisi tibi datum esset desuper:] Hæretici prædicti, Pilatum fuisse ordinarium Redemptoris nostri iudicem, asserabant; Hæretico suo fallabantur spiritu: illa namque verba de potestate, ex Dei permissione, sunt accipienda: vt sensum hunc reddant: nulla aduersus me potestate vti posses, nisi Deus hoc tibi permitteret. Quæ explicatio est Chrysostomi: quem sequuntur Glos. & Præpos. in c. Verum. 96. dist. iuxta hanc etiam Dei tolerantiam, conformiter ad Evangelij verba, Augustinus, & Bernardus, de hac potestate agentes, sunt explicandi.

Q V I N T V M A R G V M E N T V M .

Ex appellatione Pauli Apostoli ad Cæsarem interposita.

Q V I N T O arguunt nonnulli contrā Conclusionem; Paulum Apostolum Act.c.25. Cæsarem appellasse: qui, si hanc Ecclesiasticam, recognosceret immunitatem, & iurisdictionem, summum eius Iudicem, fuisset potius appellaturus; quo eodem argumento dicti Marcellus de Padua, & Ioan. de Landuno damnati à Ioanne XXI. abutebantur. Respondetur tamen facile; Paulum, in sua illa causa, non potuisse, nec debuisse aliter effugere vim sibi ab impijs illatam Iudæis, & à Festo Procuratore, qui eis gratiam præstare volebat, ut ibidem asseritur, dissimularem; quod ipse Paulus etiam expressit, dum se id fecisse coactum affirmat: ut iam Doctores etiam plures adnotarunt. Quæ solutio sic est explicanda: nam in primis Concilium Ecclesiasticum Ierosolymitanum, Iudæorum legem zelantium, ad quod Paulum Festus deducere quærebat, iam Christiano, & Apostolo, non erat legitimum forum; appellare verò Petrum Ecclesiæ Christianæ Caput, & summum Pontificem, res Festo Gentili plusquam ridicula videretur. Ad quem ergo appellaret Christianus homo, & ciuis Romanus? nisi ad Imperatorem Romanum Festo supremum iudicem, qui nedum Iudæorum technas, verum & Festi iniusticiam detegeret, & Paulo debitam libertatem arrogaret?

* Est simile, sicuti si Christianus hodie ab Hæreticis vim aliquam Constantinopoli, religionis causa, pateretur: cerè non ad Papam vel quicumque Ecclesiasticum Prælatum; sed Christianissime ad ipsum Turcæ, qui sibi ius diceret, appellaret. Sic enim de anno 1585. Budæ, cum Christianis Catholicis, quoddam in ea templum factum, & rectum, cum suis Sanctorum imaginibus conservare contendebat, Hæretici quidam, Calvinistæ Leonoclastæ obstreperent, & templo potiri, & imagines Sanctorum subvertere, & delere appetentes; re per Catholicum Sacerdotē templi Ministrum, non ad Papam, sed ad Turcæm Bassam, & quidem iuvenem, civitati ius reddentem, appellata: ipse auscultato, & approbato argumento Sacerdotis, ab antiquitate templi, cum suis Sanctorum imaginibus, per reges Hungariæ erecti, qui Catholicam Religionem profiterentur: & novitate reiecta sectæ illorum, qui è sacro loco conabantur, & Catholicum Presbyterum, & Divorum imagines deturbare: causam pro antiqua, & vera religione tuitus, ac Sacerdotē, sicuti possidebat, possidere, inisso: profanos Hæreticos, baculo etiam percussos, à templo procul abesse iussit, condemnatos.

Respondetur secundo, & optamus plurimum responsionem adnotari. Paulum non de fidei negotio, aut de hæresi fuisse tunc à Iudæis accusatū: aliis tantus Apostolus hand iudicem fidei Christianæ hominem Ethnicum, ac inde eiusdem fidei planè contemptorem appellasset. Si enim pa-

ti noluit Ambroſius in Palatio Valentiniani Imperatoris, qui ſe tamen Chriſtianum profitebatur, Chriſti cauſam agitari: ne forte Ethnicus aliquis inter iudices, qui de Chriſto triumphum ageret, conſederet: ſi Magnus Athanaſius Conſtantium Auguſtum Antichriſtum appellare non dubitauit, quòd in Concilio Sacerdotum præſidere auſus eſſet; Apoſtolus Paulus Athanaſij, & Ambroſij præceptor eiſdem Chriſti cauſam, ſpontè ſua, ad Imperatorem Ethnicum, tamquàm ad legitimum iudicem, detuliſſet?

Erat igitur cauſa, non de fide, non de hæreſi, ſed de ſeditione, ſuborta; ac de tumultu in Iudaico populo excitato; quam, primùm coram Felice, deindè coram Feſto, poſtremò coram Nerone iudice perorauit. Nā accuſatores eiſus, A. C. c. 24. dicebant: [Hunc inuenimus hominem peſtiferum, & concitantem ſeditiones omnibus Iudæis in vniuerſo orbe, & auctorem ſeditionis ſectæ Nazarenorum: qui etiam templum violare conatus eſt.] Et Paulus reſpondebat: [Non plus ſunt mihi dies quàm duodecim, ex quo aſcendi adorare in Ieruſalem: & neque in templo inueniunt me cum aliquo diſputantem, aut concurſum facientem turbæ, neque in Synagogis, neque in ciuitate.] & cap. 25. [Neque in legem Iudæorū, neque in templum, neque in Cæſarem quicquam peccaui.] Quinimò ipſi Romani iudices non ita impudentes erant, vt de ijs rebus iudicare vellent, quas non intelligebant: quod in Pilato Chriſtum iudicatuſſe nouimus eueniſſe; qui dum variè de templi Ieroſolymitani, vel de ſtructione, vel reedificatione, de Dei inuiſibilis filiatione præſumpta, rebus, ſcilicet, ad legem Iudæorū ſpectantibus, Dominus I. E. S. V. S. apud illum conſtantiffimè ab ipſis Iudæis accuſaretur, moras ſubinde, ac moras, in eo damnando, neſteterat: tamen dum de regia affectata dignitate fuit inſimulatus, Cæſaris reueritus regiam, ac conſpicuam poteſtatem, accuſatorum, ad effectum reduci poſtulationem impiam, iudicauit. Idem ſit notum in eòdem Paulo, verba coram Gallione, A. C. c. 18. pro ſui deſenſione facturo: quem, ſicuti & Iudæos illius accuſatores, ſic, præmeditata ratione, excepit Proconſul: [Siquidem eſſet iniquum aliquid, aut facinus peſſimum, o viri Iudæi, rectè vos ſuſtinerem: ſi verò quaſtiones ſunt de verbo, & nominibus legis veſtræ, vos ipſi videritis, iudex ego horum nolo eſſe.]

Cùm igitur Paulus, quaſi ſeditionis concitator, à Iudæis accuſaretur: & Iudæorum reſpublicæ in Romanam adminiſtrationem conſeſſiſſent, apud quam, & eiſus Principes, ſummoperè intererat Chriſtianorum ſtatum, ſemel intelligi, ipſorum in vnum coitiones nullam, ſub religionis prætextu, in ſecularem Rempublicam conſpirationem machinari: iure optimo Apoſtolus ſuam innocentiam, circa tantum, ac tam ſcandalosū ſibi imputatum crimen, purgaturus, vt ipſi inimici Gentium Principes eſſent iudices, poſtulauit.

Respondetur tertio, & vltimo: Apostolum Paulum Gentium Magistrum, in sua tunc persona, exemplo docuisse Ecclesiam, qualiter siue inter Gentes, siue inter Christiano addictos iam nomini, esset omnibus Ecclesiasticis conuersandum. Eorum enim illibata iurisdictione permanente, voluit in quibusdam casibus, ciuilem Potestatem laicam, conniuncente, immò & sic statuete Ecclesiastica disciplina, de Ecclesiasticis personis iudicare. Casuum horum vnum est schisma, seu seditio: cuius criminis tunc Apostolus reus agebatur: vt refertur inter alios, à Gloss. 23. q. 5. c. Principes, verb. intra Ecclesiam, quam integram placuit hic transcribere: [Laici, inquit, habent iurisdictionem multipliciter intra Ecclesiam: quandoq; in personis ipsis, cum sint incorrigibiles; vt 32. dist. Eos qui. & infra e. De Liguribus. Item quandoq; propter ambitionem alicuius: vt 79. dist. Si quis pecunia. Item cum fidem volunt subuere, vt dist. 8. Quo iure. vt sup. eo. cap. 1. & 17. dist. Nec licuit. Item cum falsarius est Clericus: vt extra. de crim. fals. Ad falsarium. Item cum & schisma faciunt Clerici, & cum contemnunt excommunicationem: vt infra e. De Liguribus. Item & vbiq; Ecclesiastica potestas deficit: vt hic. Item & cum tributum petunt ab Ecclesia: vt infr. 23. q. 8. Conuenior.] Hucusque Gloss. quæ qualiter cum dictis casibus sit intelligenda, seu ad praxim reducenda, consulendi sunt Iurisprudentes, & summus Pontifex, ad quem spectat iura Canonica, & condere, & interpretari. Quod ad rem verò facit, ex hac Glossa intelligitur etiã, iuxta assignatũ in ea penultimum casum, Ecclesiastica tunc potestate deficiente accidentariè, cum de Ecclesia potuisset Paulus dicere: [Soror nostra parua, & vbera non habet:] Cant. c. 8. legislationis, videlicet, in simul & exsequutionis, iure optimo eum, & voluisse, & debuisse suos accusatores ad Cæsaris tribunal prouocare.

SEXTVM ARGVMENTVM.

A varia administratione huius Politicæ potestatis, per summos facta Pontifices.

SEXTO arguitur fortissimè contra Conclusionem: Nam ea existente vera, non posset summus Pontifex hanc Ecclesiasticorum immunitatem alterare, restringere, vel minuere; cum tamen illam in multis restringat causis; nequiret etiam causas, & lites Clericorum laicis Iudicibus committere dirimendas: & tamen Glossa in c. Valdè. dist. 49. hoc admittit: & c. Non si. 2. q. 3. habetur. Romanos Pontifices suas causas Imperatoribus delegasse: nequiret ex privilegio laicæ Potestati hanc Ecclesiasticam iurisdictionem, & Politicam regimè administranda permittere: neque tandem potuisset multis in locis, contra hanc Clericorum immunitatem, consuetudo in rebus nonnullis præualuisse: quæ contra Ius diuinum vtique non teneret.

Prima pars solutionis ad Argumentum

ARGUMENTVM hoc plura innouit, quæ sunt propriæ à Iuris
 verisusque peritis tractandæ, immò latissime ab ipsis tractatur; ad
 quos Lectorem, ad rem hanc integre percipiendam, vt à nostro instituto
 extraneam, amandamus. Vnde per rerum capita breuiter responderetur.
 Hanc infusilem diuisionem Ecclesiasticam Politicam, seu ciuilem diuidi in le-
 gum Ecclesiasticarum conditionem, & in earum legum executionem. Et
 quidem leges condere Ecclesiastico foro deferentes, directiuas, & co-
 actiuas sunt, ad solam Ecclesiam, & eius pertinet Prælatos de iure Diui-
 no. Non dixerimus, modo dubitari, in Ecclesia esse de iure Diuino po-
 testatem; ad puniendum Christianos, id meritis, punitione coactiuâ,
 nam asserere contrarium, est hæresis damnata, cum suis auctoribus di-
 ctis Marfillo de Padua, & Ioanne de Landino, in præfata Bulla Ioannis
 XXI. Sed quod dicimus, consequenter ad nostram Conclusionem, est, ad
 Ecclesiam, & dios Prælatos, & summum Pontificem, & Concilia sacra
 spectare, de iure Diuino, legum ciuiliu, Ecclesiastico foro deferuen-
 tium, conditionem, non autem ad laicam Potestatem; à qua nulla lex
 coactiuâ potest in Ecclesiasticas ferri personas. Attamen prædictarum
 legum executionem, nihil obstat, ab Ecclesia, & eius Prælatu laica
 cuiusque committi Potestati. Et tunc talis laica Potestas non gerit
 officium iudicis per se Ecclesiastici, sed Ministri executionis legum Ec-
 clesiasticarum.

Hac videtur expressa doctrina Apostoli Pauli, dicto loco ad Roman.
 c. 13. sic de Christianis, siue laicis, siue Clericis, discipulis, in specie loquen-
 tis: [Si autem malum feceris, time;] scilicet, Potestatem, de qua est ser-
 mo. [Non enim sine causa gladium portat: Dei enim minister est, vindex
 iraem, qui malum agit.] Ecce quam Apostolus, vt dictum est, ex
 Augustino, & Anselmo, fuerit maxime cautus, ad Christianos, qui Romæ
 debebant, scribens ea ratione, & forma, ne Romæ tantopere af-
 fectata potestas, vel minimum, à Christianæ legis professoribus damna-
 retur. Sciebat tamen, Christianos nimium offendendos Imperatorum,
 Ethnicorum, & eorum Ministrorum similibus impietate: ac insuper
 prouidebat, illos, nisi acri freno coercitos, vix sibi, quin in Potestates Eth-
 nicas insurgerent, fuisse temperaturos. Hinc tot incommodis, ac tan-
 tis inconuenientibus obuiandis, haud sibi visum fuit remedium sufficiens
 illum Apostolicam Canonem, & Christianis edictum omnibus, scili-
 cet [Quisquis Imperatorem, aut Magistrum contumelia affecerit,
 supplicium iusto.] Si Clericus sit deponitor, si laicus à communione re-
 mouetur.] Voluit igitur eo loco serio instruere fideles, tam laicos, quam
 Ecclesiasticos, ita ab eis cum Principibus, etiam Gentilibus, lege, & pa-
 tientia Christiana esse agendum; vt si ab illis, verbis, factisue, ostendens

dis, & a designandis facinoribus, non desisterent, quæ facili via ab Ecclesia per poenarum, iuxta sua sancita, inflictionem valerent purgari; id remedium esse in promptu, ut laica Potestas adinaduerteret, etiã gladio: in seculares quidem personas, tamquam Dei minister, qui laicam ordinasset Potestatem: in Ecclesiasticas vero, tamquam Dei Minister, id est, Ecclesie, cuius caput est Christus, Deus, qui Ecclesiasticam Potestatem instituisse, cuius exsequendis legibus omni debeat, tamquam Minister, Princeps secularis deferuire, extrahi esset infidelis, docuit Paulus, vel ultimè propter hanc Ecclesie utilitatè, à Christianis omnibus honorari.

Immo est certum, Prælatos Ecclesiasticos: cum suam potestatem, & auctoritatem in Clericos sibi subditos nequeunt, propter illorum, vel contumaciam, vel insolentiam, vel alias exercere, ad Principes seculares omnino debere recurrere, & eorum auxilium, & brachium postulare: qui eis suffragari tenentur: notantibus Bald. in c. Quidam, num. 14. de rescripto. Panor. in c. Tuus, nu. 10. de decimis, & alijs addito text. in c. 1. de offic. ordin. De quo brachio seculari præstando, latè à Iurisprudentibus, tam hisce, quam alijs in locis varijs, & huiusmodi à pio, ac erudito Moliho. Ierdensi Doctore, optimè disputatur non inopertuit.

Confirmatur hæc doctrina ex illo loco superius adducto, Sapient. 2. ubi Spiritus Sanctus Reges, & Potestates seculares, appellat Ministros Regni Dei: id est, Christi, & eius Ecclesie, quæ est summu regnum, ad executionem etiam specialiter Ecclesia secularum legum, & factorum Canonum: ex quorum custodia, Ecclesie totius Politia, & eiusdem compago integrè perservat in Cuiusdivine doctrine accinit Clemens, Epist. ad Iacobum fratrem Domini, idum se scribit de Petro: [Omnes Principes terræ, & cunctos homines eis obedire, (id est, Episcopis,) & capita submittere, eorumque adiutores existere præcipiebat.] Intelligendum certe adiutores futuros, non in Ministris Sacramentorum consecrandis, sed in legibus civilibus Ecclesiasticis exsequendis.

Neque tamen importunius nimium consensio vel parum pius, qui huius Epistole non tantum federat auctoritatè, illam (si Catholicus sit) 3. q. 5. Principes, cum tribus seqq. & Conc. Trid. defugiet, qua Sess. 16. in fine, & Sess. 25. c. 20. propè fin. sub tit. De recipiendis, & observandis Decretis Concilij habetur: ubi adeo anxie Ecclesia laice commendat Potestati, ut sacrorum Canonum, & Conciliorum Decreta, & immunitatem Ecclesiasticam Divina ordinatione sancitam, tueantur, conservent, & executioni debite mandent: Quo in loco Patrum intentio sancta fuit, ut laicas Christianas inducere Potestates, ut assistant Ecclesiasticorum, tribus alijs in primis, tem adinuando, quo personæ Ecclesiasticæ securius sua omnia exerceant munera, & quando opus fuerit, per Ecclesie Prælatos legitimos castigentur. Immo seculares Principes eo enixius exhortatur Conc. Iun. ad sacrorum Conciliorum, & Pontificum Decretorum, curandam, exse-

quotionem, in rebus Politici externi fori: *new* dicebat Imper. Arcadius, C. citato, de Episcopali: *audire* l. 9. sic *cassa* Episcoporum cognitio: atque etiam quod præsumit facilius, laicas Potestates, reuerentia, quæ Dei ministris, ac personis Ecclesiasticis debetur, præpeditas, ad eorum poenarum culpæ conformium, exsequutionem, difficilius induendas.

Est igitur Ecclesiastici fori decentissimus mos; iam ab initio nascentis Ecclesiæ, ut ex Epist. 2. Deetotali Pij Papæ constat, ut supra innuimus, in grauissimis, & atrocioribus criminibus, ultimo supplicio afficiendos homines Ecclesiasticos laico remittere Magistratui, mortis poenam in eos exsequituro. Neque hoc facit, quia non possit Ecclesiasticum tribunal iudicium corporalis poenæ (etiam sanguinis) in subditos Ecclesiasticos exercere; exemplo Christi, qui Ioan. c. 2. ut ex eo loco supra arguebamus. 7. Conclusionis confirmatione, flagris etiam impositis, profanatores templi, & Sacerdotes, & laicos ab eo eiecit; exemplo Petri summi Pontificis, qui Ananiam, & Saphiram coniuges, Spiritui sancto mendaces in iusta pretij consignatione agri diuenditi, subita morte mulctauit: Act. c. 5. exemplo Pauli, qui Elymam Magum, Proconsulem Sergium, Paulum à fide abducere conantem, cæcitate ad tempus percussit: Act. cap. 13. & contrarium docentes, Marsilium de Padua, & Ioannem de Ianduno Ioannes xxii. in dicta Bulla hæresis damnauit: ut diximus. Sed hanc exsequutionem poenarum, & corporeæ torturæ, (quam posset etiam Dæmonibus committere, sicuti fecit Paulus, incestuosum Corinthium, 1. Corinth. c. 5. & Hymegum, & Alexandrum blasphemos, ad Timoth. 1. cap. 1. tradens Sathanæ torquendos;) & Ecclesiasticos mortis poena animaduertendos laicis remittit iudicibus, inter alia plura; ut ipse status Politicus secularis agnoscat, Ecclesiam, quæ à Potestatibus illius in laicas personas iustitiam desiderat administrari, eam etiam strictissime, iuxta suas Canonicas Sanctiones, in personis Ecclesiasticis custodire.

Circa quam doctrinam adhuc est operæpretium, propter nonnullorum, qui se Catholicos venditant, cum nihil sint minus, fusi immorari. Quod igitur ad hæresis maximè cognitionem criminis attinet, ad Politicum concedimus spectare Magistratum, in Hæreticos, ab Ecclesia iudicatos, & damnatos, seuerè animaduertere: atamen iudicare, siue aliquis Hæreticus, an non, qui ad Politicum Magistratum, & non potius ad Ecclesiasticum, existimat pertinere; eum frigide nimis, in Ecclesiasticis nedum iuribus versandis, verum & historijs euoluendis, fuisse oportet, spatiatum. De quæ materia scripserunt latè plures D. Thomæ Interpretes, super Artic. 3. q. 1. r. 2. 2. & Doctissimi Castro, de Iusta Hæretici punit. & Episcopus Simancas in suis Catholicæ Instit. Est himis nota illa Athanasij vox, in Epistola ad Solitariam vitam agentes, de Imperatore Constantio, qui in causis fidei iudicium sibi arrogare nitebatur. [Quando, inquit, à condito uo auditum est, quod iudicium Ecclesiæ auctori-

tatem suam ab Imperatore accepit? Aut quando unquam hoc pro iudicio agnitum est in Placitis, antea Synodi fuerunt, multa iudicia Ecclesie habita sunt: sed neque Patres istiusmodi res Principi persuadere conati sunt; nec Princeps se in rebus Ecclesiasticis curiosum præbuit.] Et infra: [Quis videns eum in decernendo Principem se facere Episcoporum, & præsidere iudicijs Ecclesiasticis, non merito dicat, eum illum ipsam abominationem desolationis esse, quæ à Daniele prædicta est?]

Hand est dissimile, quod S. Martinum Imperatori Maximo, de hæresi Priscillianii cognoscere volenti, pàlam dixisse, scribit Sulpitius, 2. lib. Sac. Histor. [Novum & inauditum esse nefas, quod causam Ecclesie iudex seculi iudicaret.] Accedit Ambrosius, sic alloquens Valentinianum Iuniorum. Epist. 32. Vet. edit. [At certè si vel Scripturarum seriem Divinarum, vel vetera tempora retractemus: quis abnuat, in causa fidei, in causa, inquam, fidei Episcopos solere de Imperatoribus Christianis, non Imperatores de Episcopis iudicare? Eris, Deo fauente, etiam senectutis maturitate prouectior: & tunc de hoc censebis, qualis Episcopus sit, qui laicis ius Sacerdotale substernit: Pater tuus vir maturioris æui dicebat, Non est meum iudicare inter Episcopos: Tua nunc dicit Clementia; Ego debeo iudicare.] Et infra: [Si conferendum de fide, Sacerdotum debet esse ista collatio: sicut factum est sub Constantino Augustæ memoriæ Principe, qui nullas leges ante præmisit: sed liberum dedit iudicium Sacerdotibus.]

Secunda pars responsionis ad Argumentum.

SED esto quod ad aliam partem argumenti, summus Pontifex, nedum exsequutionem legum Ecclesiasticarum laicæ Potestati, verum absolute cognitionem causarum, circa personas Ecclesiasticas, Principi, vel Potestati cuiusque seculari committat, & deleget: adhuc & id potest facere, Iure Diuino, ex quo iurisdicção hæc sibi competit, non violato. Docet id Glos. in c. Valde. dist. 49. quia eorum, quæ sunt iurisdictionis, capaces sunt laici, quibus queant committi: secus eorum, quæ Ordinis sunt, quorum semper incapaces existere. In quo casu solum vitur, tamquam ministra, illa persona, quam iudicem constituit, ad illarum causarum cognitionem. Qui iudex delegatus, id Papa sibi non prohibente, si procederet, in causarum talium cognitione, per leges civiles Reipublicæ communes, etiam pœnales, & coerciuas, etiam grauissimas, non haberent tunc Ecclesiastici quid de Pontifice quererentur, quasi de iuris Diuini transgressore, qui legibus coactiuis. Principis secularis Clericos quoscumque subiceret, à quibus diximus diuinitus esse immunes. Sicuti seculares Potestates non habent unde colligant, hanc Ecclesiasticam iurisdictionem non esse Iure diuino sancitam, quam summus Pontifex illis potest delegare, etiam si in cognitione causarum, suis legibus utan-

tur coactiuus. Et ratio horum est, quia cum legis Christianæ opus sit ex Principijs 2. 3. 4. & ex alijs supradictis, non solum legem naturæ, sed & omnes leges humanas perficere, & æternam beatitudinem hominibus procurare; condecens fuit, & est, vt intelligant Ecclesiasticæ personæ, à quibus maior est sanctitas, maior est vitæ puritas exquirenda: de quo videndum Concil. Trid. Sess. 22. c. 1. Ref. leges, quæ laicis sunt formaliter coactiuæ, sibi, si id propriæ exigant culpæ, esse coactiuas virtualiter; quando summus Pontifex id dignum esse iudicauerit: nam tunc non leges Ciuiles, sed Ecclesiasticæ sunt censendæ; quasi, ex virtute Commissionis causæ, à Pontifice ad Ecclesiasticos, in sententijs, & earum exsequutionibus, applicatæ.

Tertia pars Responsionis ad Argumentum.

AD illam partem Argumenti, de consuetudine circa hanc iurisdictionem vbicumque introducta, respondetur: eam, si legibus sequendis Ecclesiasticis, in procedendo contra Ecclesiasticos, insistat, esse interpretandam, quasi Ecclesia, & eius Prælati, & summus Pontifex illum regiminis modum, quasi Ecclesiasticum esse intellexerint; & eo, & illum, excreantibus vt, quasi legibus Ecclesiasticis, & Ministris ab ipsis delegatis, quod possunt efficere ex supradictis.

Quarta pars Responsionis ad Argumentum.

AD partem aliam Argumenti de Priuilegijs, circa hanc immunitatem, per Pontifices laicæ attributis Potestati: satisfaciunt Iurisprudentes, qui de hac materia scribunt luculentissime: nos præcipue Theologiam tractamus: interim solum affirmantes, neque per concessionem huiusmodi priuilegiorum summum Pontificem ius ledere diuinum, ex quo sibi hæc iurisdicção competit: quia nunquam siue subdelegando, siue priuilegia conferendo, à se hanc abdicat potestatem, quæ est in totum inabdicabilis; veluti de Iure illi inherens diuino. Vnde semper illi restat cum priuilegiatis Principibus secularibus accumulatiua iurisdicção, vel ab illorum iudicijs ad suum supremum tribunal prouocatio:

Pro generali Responsione ad Argumentum, Notandum.

PRO cuius Argumenti totius adhuc in genere solutione, est maxime considerandum: quod Ecclesiæ Prælati, & iudices, & præcipue summus Pontifex, debent esse semper parati, non solum ad reddendam omnipotenti eos rationem nostræ spei, siue fidei, iuxta doctrinam Petri Apostoli 1. c. 3. verumetiam tenentur eam reddere Deo strictissimam, & hominibus insigniter satisfacere, circa fori Ecclesiastici huius exterioris administrationem. Hæc doctrina est Christi Domini, eo ipso tempore, Ecclesiasticis omnibus facta, & verbis tradita, quo eos esse immunes, &

liberos à civili Magistratu declarauit. Nam cum loco allegato Matth. c. 17. pronuntiaſſet Chriſtus, liberos eſſe filios: id eſt, ſe, & ſuos diſcipulos, & omnem ſuam Eccleſiaſticam familiam: vt eſt probatum: ſtatim Petro præcepit ſic: [Vt autem non ſcandalizemus eos, vade ad mare, & mitte hamum, & eum piſcem, qui primus aſcenderit, tolle, & aperto ore eius inuenies ſtaterem, illum ſumens, da eis pro me, & te.] Ecce quantum, & quatenus voluit Chriſtus hanc libertatem filiorum, & immunitatem Eccleſiaſticorum inter ipſos exerceri; ſcandalum, actiui videlicet, occasione ſublata; qua intercedente, nullum non lapidem iuſſit moueri; vt iuſtitia ſuus locus, in oculis laicæ Poſtatiſ, relinquatur. Quam Chriſti, circa Eccleſiaſticam immunitatem, institutionem, & circa vſum eius doctrinam, ſic intellexit Petrus ipſe Apoſtolus 1. c. 2. inſtruens ſpecialiter quidem Eccleſiaſticos, quibus maior hæc obigit libertas, & immunitas: [Quaſi liberi, inquit, non tamen velamen malitiæ libertatem habentes.]

Colligimus ex hoc, quòd quo Iure diuino gaudet Eccleſia hac immunitate, eodem diuino Iure tenetur prouidere ſummus Pontifex, vt Eccleſiaſticum forum, ſeculare non ſcandalizet forum; & vel per ipſos Eccleſiaſticos, vel per ſubdelegationem in laicam Poſtatem, vel per Priuilegia ipſi conceſſa, vel concedenda, omnino fiat iuſtitia in Eccleſiaſticas perſonas. Scandalis enim eſt omnino obuiandum; vt notat bene Gloſſa ſuper c. Presbyterum. & De rectoribus. & Tua nos. de Cler. xgro. & hæc eſt doctrina Chriſti Domini Matth. c. 18. latiffimè propoſita. Vnde Felin. in c. Nihil. de præſcript. refert cumulatè 33. caſus, quibus, ratione ſcandalum, aliquid contra regulas Iuris communis conceditur. In caſu autem noſtro, quod agitur à Clericis, ab alijs facilè trahitur in exemplum: vt in c. Magna. de reg. iur. Corda enim infirmorum ex mala fama, & malis Clericorum geſtis percutiuntur: & miniſterium Eccleſiæ vituperatur: 2. q. 5. c. Presbyter ſi à plebe. Et de ſcandalo vitando legendus S. Thom. 2. 2. q. 43. Alex. 2. 2. tit. de ſcandalo. Ricard. in 4. d. 38. Attamen vt hæc ad praxim, & vſum faciiliùs reducantur, S. Sedi Apoſtolicæ, cuiusque ſupremo Pontifici Chriſti Domini Vicario, eſt maximè attendendum ad Prouinciarum Chriſtianarum maiorem, vel minorem ab alma Vrbe diſtantiā, propter ordinarias appellaciones, & neceſſarios ad ipſam recurſus: Regionum varietatem, iuxta quam hic mitiores, ſerociorès illic ſunt homines; Eccleſiaſticorum maiorem, vel minorem potentiam, ad iuſtitiam adminiſtrandam, vel ſufferendam: laicorum promptiorem, vel minus promptam, ad hos, vel ad illos iudices. obediētiā: ad Nationū cum Hæreticis, & Infidelibus, vel cum Catholicis cōfiniā; & denique ad Gentium ſeruentiorē, vel repidiorē, verſus Eccleſiaſticos, vel ſummum Pontificem, pietatē; vt omnibus his, & alijs circūſtantijs apprimè conſideratis, colligant dicta S. Sedes, & eius ſummus Chri

Christianorum Sacerdos, & Iudex, qua via, quo medio, quo temperamento, absque dicto scandalo, ubique Ecclesiasticæ iurisdictioni consulatur.

Iudicium de Imperatorum, & maxime Iustiniani Constitutionibus, de rebus sacris, &c.

ERGO sicuti neque affirmauerimus, Imperatores illos, quorum vel Leges etiam, & Constitutiones de rebus, & personis Ecclesiasticis adhuc in corpore Ciuili iuris habentur, eas malo animo, quasi Ecclesiasticæ iurisdictioni vellent præiudicium inferre, diuulgasse: Quid enim facerent sub tali temporum conditione? certe illa videntur ducti ratione, quod Ecclesiæ adhuc corpore vires integras non habente, neque summis Pontificibus in tam excelsum Maiestatis thronum (sibi aliis semper debitum) euectis, & Episcopis minus potentibus, & Ecclesiasticis rarioribus, & promiscuo populo insolentiori, Gentilitij cultus nondum facibus defæcato, non repererunt facilius præ manibus remedium, quam Imperatoria Maiestate omnes cuiusque status Christianos in officio continere, sic etiam nunquam nobis persuadebimus, quosdam Theologos, & etiam Iurisprudentes, qui vltimis hæc temporibus hanc materiam tractarunt, negasse de Iure diuino esse hanc immunitatem Ecclesiasticam institutam; nisi attendissent ad suorum temporum abusus: qui, utpote antequam vel S. Conc. Trid. celebraretur, vel antequam in Prouincijs Christianis plenè obseruaretur, circa Ecclesiasticæ immunitatis exercitium, irreperant. De quibus vtrumque, & quandocumque existerint, summus Pontifex, & sacra Concilia, & Prelati Ecclesiæ sunt respectiue interpellandi, orandi, monendi, quorum scitis, legibus, sanctionibus, senatusconsultis, consilijs, exhortationibus, factis denique sunt vniuersæ Ecclesiasticæ Politicæ energia, & fructus desideratæ reformationis expectanda. Attamen quia Scriptores aliqui, contra hanc immunitatem Ecclesiasticam, Iustiniani Nouellæ in medium proferunt; quibus Ciuiliū, & Ecclesiasticorum criminum differentia notatur; & ex illis, in corpore Sacri iuris adhuc exstantibus, vrgere videntur, ad laicam Potestatem de Ecclesiasticis Ministris iudiciū spectare: addentes etiā à Ioanne 111. Pontifice cum fuisse Imperatorem. I. Inter claras. C. de Sum. Trinit. & fide Cathol. insigniter commendatum; nos ab hoc argumento, præiudicata grauissimorum, & Chronologorum, & Theologorum, & Iurisprudentium responsione dissoluto, vterius premendo, desistimus. Sufficiat tantum, Nouellarum lectores, & commendatores admonere, primo, Iustinianum non propter earum editionem fuisse à Pontifice laudatum; quas neque vidit: etiam antequam ederentur, diem clausisset extremum. Laudauit ergo Pontifex in Imperatore, quod Ecclesiæ dignitatem tueretur; Maiestatem coleret; Sedi Apostolicæ cuncta subijceret: Romanam Ecclesiam aliarum omnium caput, & Magistrum agnosceret: iustitiam administraret: sceler-

ra castigaret: flagitia legum auctoritate compesceret: contra eas delicta vlcisceretur: ac denique tunc res Ecclesiasticas pio studio complecteretur. Secundò admonemus eos, Iustinianum temporis successu à fide Catholica alienum existisse: quantuncumque eum Nicephorus, zelo potius, quàm scientia, curauerit excusare. Quid ergo mirum, si accedente Treboniani hominis impijs, legum illarum de rebus sacrosanctis Ministeri, opera, in messem alienam miserit falcem, qui referente, & dolente Ambrosio lib. 5. epist. 32. vet. edit. inaudita temeritate, fidei controuersias diffinire, non dubitauit? Tertiò hortamur eos, vt legant attentius Nouellam 8. qua, qui zelo (sit admissum) bono, tulit de Ecclesiasticis rebus leges, quas consultius, sicuti iustis edendas ad Ecclesiasticam Politiam detulisset: is potestate iusta, & ab Euangelij sacris fontibus, & Canonibus suprà relatis hausta, & expressa, SINGVLIS PROVINCIARVM PRAEFECTIS, VOLVIT, INSPECTORES EPISCOPOS IMMINERE; VT SI QUID INIUSTVM ADMITTERENT, EIDEM IMPERATORI DEFERRENT. Quæ sanctio si hodie in Prouincijs Christianis obseruaretur, Deus bone, quas iustitiæ secularis administratio vires sumeret, quibus curis, damnis, calumnijs, vexationibus, & exactionibus, pauperes, & vniuersè omnes Principum longè agentes Vassalli eriperentur: quæ salus integra rebus publicis, & earum supremis Potestatibus resularet?

Notandum, pro usu Ecclesiastica huius immunitatis, &c.

SE D pro usu huius Ecclesiasticæ immunitatis sanctius exercendo, & pro abusu diligentius vitando: cum plura possent dici, quæ à nobis diu debita auctoritate carerent: supplicamus, pauca quæ D. Bernardus ad hanc rem mirifice facientia, lib. 3. de Consideratione ad Eugenium Papam scripsit, considerari. [Et quia hæc scribimus Romæ, ne quis sibi in animum inducat, illius nos velle, vel tribunalia vellicare; vel, omnino tacendo, plus innuere; Quam non debeat vim nobis adhibere maiorem meus, quàm fides, dicamus liberè: ad Nunciorum, quos summi Pontifices per Prouincias mittunt Christianas, vellemus præcipue attendi personas; quæ tales essent; vt ex vngue illorum rectæ administrationis huius sacræ immunitatis, in Leonis cognitionem; integritatis, videlicet, Curia, possent omnes Catholici, ipsi denique possent Hæretici deuenire.] Sed de hac immunitate quò ad personas Ecclesiasticas, adhuc nobis infra eum Apostolo Paulo, grandis sermo. 3. Part. Conclus. 1. Argumento: contra eam.

Interim haud pro huius Partis coronide silentio prætereundum existimauimus: hoc esse certissimum: quod siue iudices Ecclesiastici; & Sacerdotalis fori ministri ritè rectèque in suis obeundis iudiciorum munij versentur: siue quæ, vel temporum, vel hominum sit misera condi-

tio: aliquoties abusus aliquot, circa id irrepan, Principum secularium vetustissimum esse morbum: vt mira, sicuti dira istiusmodi prurigne virgeantur; vt quæ Sacerdotum sunt, noua in dies appetentia, properent vsurpare. Vnde notauit iam olim Ambrosius lib. 5. epist. 32. edit. vet. vulgo dici: [Quod Imperatores Sacerdotium magis optauerint, quam Imperium Sacerdotes.]

Suppositum notandum pro legibus à quacumque Potestate ferendis.

QVO loco, vt tandem genericè, ac vniuersùm de legibus, siue Ecclesiasticis, siue secularibus serèdis, sermonem semel conferamus, qui ad totius Tractatus doctrinam non leue præstet iuuamentum, hoc esto maximè notandum Suppositum.

Legis cuiusque iustitia, vel iniustitia, eius obligatio, seu non obligatio, præcepti denique cuiusque obedientia, vel inobedientia, ex quattuor causarum communium generibus, formali, materiali, efficièti, & finali, est necessariò mensuranda. Sic docet S. Tho. 1. 2. q. 96. ar. 4. & 2. 2. q. 60. 2. 5. ad 1. Ad quæ causarum genera reducuntur omninò qualitates omnes legis positivæ, quas describit Isidor. lib. 5. Etym. c. 20. citatus. dist. 4. Eric autem lex, & illa etiam, quæ à Platone in Dial. de Regno, & ab Aris. 2. Polit. c. 3. & 7. referuntur: & de quibus idem S. Tho. dicta 1. 2. q. 95. 2. 3. cum suis Interpretibus latè disputat.

Oportet igitur ad legis iustitiam, vt causa finalis accedat, & ad bonum commune, siue spirituale, siue tēporale, referatur; si lex, videlicet, profana sit, ad ciuium pacē; si Ecclesiastica, ad Ecclesiæ pacē, & animarum salutem; vt loquitur S. Tho. Quod lib. 12. Art. 26. Efficiēs causa ille est omninò futurus, qui in eos, quibus lex affertur, exercet imperiū: nec suam transgrediatur potestatem. Causa cōstat formalis, quando lex iuridico fertur modo. Attamen quò ad materiam illud requiritur necessariò, vt prohibeantur opera mala, & præcipiantur virtutes: siue ea, quæ concernunt iuris diuini, seu naturalis, vel Ecclesiastici exsecutionē. Leges enim siue præcepta quæcūq; si darentur, quæ Diuino, naturali, aut Ecclesiastico bono repugnarent, eis tamquā iniustis, & nullā obligationē inducentibus, intrepidè esset obstitendū. Docuit namq; optimè S. Tho. 1. 2. q. 19. 2. 4. & q. 95. Ar. 2. & 3. omnē humanā legē eatenus vim legis habere, quatenus à lege Diuina, & naturali deriuatur, & eis est conformis; quòd si aliquid cōtra Deū, vel Ecclesiā præcipiat, tamquā iniusta, nec obligat, nec ei est obediendū: vt testatur S. Th. 1. 2. q. 96. 2. 4. & 2. 2. q. 12. 2. 2. ad 1. & q. 60. 2. 5. ad 1.

Ex qua certissima doctrina, poterunt vtriusq; fori Principes, Ecclesiastici, & seculares, deducere, qua ratione se gerere debeant in sua exercenda potestate, circa legum conditionem: vt neq; quæ iuris diuini sunt, seculares audeant Principes temerare: neque quæ ad laicum omninò spectant Magistratum, Ecclesiastici Ministri affectent exercere.

TRACTATUS

TERTIA PARS.

QVAESTIO TERTIA.

An immunitas bonorum Ecclesiasticorum, ad Ecclesias, Loca pia, & Clericos pertinentiam, qua quomodocumque ministerijs, & vsibus Diuinis deputantur, sit statuta de Iure diuino?

EST sensus Quaestionis: An Clerici sint immunes, & liberi Iure diuino, à soluendis tributis, censibus, contributionibus, & alijs oneribus, ratione bonorum Ecclesiasticorum, quæ soliti sunt Principes laicorum suorum subditorum bonis imponere? Hanc Quaestionem in hoc sensu tractamus, vt consequenter loquamur ad secundæ Quaestionis decisionem; vbi ex Paulo, & eius sanctis Interpretibus, ex Christi facto, & ratione reddita sui facti, collegimus; nullum esse inconueniens affirmare, Ecclesiasticas personas, (sine veritatis præiudicio) ratione personarum, vestigalia, & tributa pendere debere Principibus secularibus: nisi ex priuilegijs, vel alias ex consuetudine tolerata, ab eorum fuissent exemptæ solutione: bona tamen Ecclesiæ, & personarum Ecclesiasticarum, & pauperum vsibus dicata, Diuino Iure immunia esse ab omni exactione tributorum affirmamus.

Quam etiam distinctionem, soluendi tributa pro persona, vel pro bonis Ecclesiasticorum, habemus ex Ioanne XXI. in Bulla relata Marfilij de Padua, & Ioannis de Ianduno damnatoria: affirmante, non concludi ex facto Christi tributum Cæsari soluentis, quod omnia Ecclesiæ temporalia subsunt Imperatori, & ea possit accipere, velut sua: cum quantumvis Christus tributum soluerit ex debito, quod est falsum; pro personis tamen sua, & Petri id soluisset, non pro rebus, quæ possunt esse libera, persona tributaria existente: sicuti contra, rebus, & bonis tributarijs existentibus, posset persona inuestigabilis permanere.

PRIMA CONCLUSIO.

BONA ad Ecclesiam, modo quocumque, spectantia, sunt immunia, & libera de Iure diuino, à quocumque onere, per Potestatem secularem, imponendo.

Probatur primò Conclusio ex confessione secularium Principum.

HAEC Conclusio primò probatur ex ipsorum secularium Principum confessione, tam in facto, quàm in iure; hac suppositione præuia, quòd Principes non patiuntur, vectigalium, & tributorum facile subtractiones abrogari. Id constat expressè ex conuersione Ciceronis, circa hoc, de diuisione agri Campani, lib. 2. ad Attic. epist. 16. & ex liberalitate Neronis, in vectigalibus omnibus plebi relaxandis, per prudentes Còsiliarios, & Senatores cohibita; vt habet Corn. Tacit. lib. 13. Annal. & ex 1. Vectigalia. 10. de Vectig. & còmiss. li. 4. C. tit. 61. & alijs ibidè legibus.

Cùmque Principes adeò attentè incumbant vectigalibus, tributis, & censibus à bonis subditorum corrogandis, pro Reipublicæ, & status còseruatione: nihilominus facto, & iure Pharaò rex Aegypti, (quæ gens, vt Auctòr est Iustinus Martyr, generis vetustate ceteris nationibus sese antecellere iactabat;) vt habetur Genes. c. 47. siue Iosephus rege annuente, terram Sacerdotalem liberam reliquit ab omni tributo imposito terris, ob penuriam, venditis: quod erat quintæ partis frugum. De quo factò videndum Iosephus lib. 2. Antiq. c. 4.

Neque obstat, si dicatur, hoc fuisse factum ex priuilegio Principis, vel fuisse non Barbari regis opus, sed Iosephi, ex suæ religionis moti pietate, ad illam exemptionem Sacerdotibus concedendam. Nam respondemus; quòd cùm immunitatem Druidarum, qui religionem, & sacrificia publica, & priuata apud Gallos olim procurabant, relatam à Cæsare lib. 6. Commentar. de Bell. Gall. prætereamus adducere, ad Conclusionis confirmationem: sicut & Atheniensium, & Romanorum Sacerdotum libertatem, à Græcis, & Latinis Historiographis celebratam: hoc factò, & exemplo Aegyptiaco libenter vtimur: quasi, in Scriptura sacra, ex sanctitate, & iustitia facientis insigniter approbato. Atque etiam respondemus, iure factum, quòd apud Aegyptios nedùm Sacerdotes erant, ab antiquioribus temporibus, ab omni tributo immunes, verumetiam à tributis exactis ab alijs, tertia pars illis, ex Pritanzo, seu publicis horreis, dabatur ad cultum diuinum; & eorum alimenta; altera Principi; tertia militibus: ex Diod. Sic. lib. 1. Biblioth. c. 6. Quos imitati sunt Romani, antiquo illo instituto, quo sumptus sacris in rebus necessarij, iam inde à Numæ temporibus, suggeri sacerdotibus ex publico ceperunt: vt Liuius lib. 1. commemorat. Ex quo loco simile formamus argumentum, sicuti superius de immunitate sacerdotum à ciuili Potestate: scilicet, quòd lumen ipsum, naturalis legis id suadeat: vt quæ Deo sunt sacrata, ab omni onere libera conferuntur. Viden. Liu. lib. 1. Arnob. lib. 3. adu. Gent. Dionys. Plutarch. & Blond. lib. 2. Rom. Triumph. Alex. ab Alex. li. 2. c. 8. & li. 5. c. 10.

Et quidem Deo dicatum non esse ad vsus humanos transferendum, habetur in iure Ciuili. In tantum. §. sacra. de rer. diuis. P. sacra. eod. tit.

apud Iustinian. l. Aut sacræ. de contrahen. empt. P. Sed in l. Summa. ff. de rer. diuis. & Inst. eod. tit. §. Nullius. sic dicitur: [Diuini iuris sūt res sacræ, religiosæ, & sctæ, & quod Diuini iuris est, id in nullius bonis est.] sed Dei: ut ibi; Glos. subaudiendū esse, testatur. Igitur Ecclesiastica bona, quæ sūt Deo dicata, & oblata, sancta, & religiosa sunt; ergo sunt facta Iuris diuini, in nullius hominis computata bonis: & à ciuili, & profano, etiam Regio vsu secreta, Deo reseruata, cui, & non Cæsari sunt reddenda. Habeatur etiam ex iure Canonico, c. Bone quidem. d. 96. c. Decretum. 10. q. 1. c. Nulli. c. Prædia. c. Apostoli. c. De rebus. c. Indignè. 12. q. 2. c. Laicis. & c. Si quis primum. 16. q. 7. c. In qualibet. §. Sancimus. 12. q. 8. c. Quæcumque. 25. q. 2. c. Cum laicis. de reb. Eccl. non alienan. Concil. Agathen. 1. c. 4. apud Gratian. c. Clerici. 13. q. 2. Cōcil. Charthag. 4. c. 3. apud eumdē ibidē. c. Qui oblationes. Cōcil. Rom. 5. sub Symmacho. 16. q. 1. c. In Canon. Concil. Aurelian. 3. c. 21. Aquisgran. sub Pipin. c. 26. Valentin. 2. c. Vnico.

Probatur secundò Conclusio ex lege Veteri.

PROBATVR secundò Conclusio ex legis antiquæ statuto: Leuit. c. 27. [Omne quod Domino consecratur, inquit, siue homo fuerit, siue animal, siue ager, non veniet, nec redimi poterit.] Vnde Bonifacius I. illud edidit decretum 22. q. 2. cap. Nulli. quo constituitur, quicquid Domino consecratur, ad ius Sacerdotum pertinere. Et quando Deus iussit numerari populum, & capitationem pro singulis dari in vsū tabernaculi, Exod. c. 30. Leuitz non fuerunt numerati, ea ratione, ut capitationem soluerent: sed alia, ut ministeria tabernaculi exsequerentur. Ezechielis quoque cap. 45. diuisio fit totius terræ promissionis in quattuor partes, post separatas primitias Domino: quarum prima templo, & Sacerdotibus deputatur: altera Leuitis: tertia ciuitati: quarta Principi; & iussum ibi; ut Princeps contentus esset sua parte, nec partes populi, seu Sacerdotum, & Leuitarum depopularetur.

Probatur tertio Conclusio ex Concilio Lateranensi.

TERTIO posset probari Conclusio testimonio plurium summ. Pontificū, quorum etiam Canones sacri in corpore Iuris referuntur: à quibus, ratione superius consulta, adducendis supersedemus. Et quia à Doctoribus hanc materiam ex sacris Canonibus tractantibus passim adducuntur. Solū interim rogamus, Magnum Gregorium lib. 7. epist. ad Sabinianum, de hac Conclusionē docentem, & legi, & auscultari. Attamen Concilij Lateranen. sub Leone X. grauissimum testimonium, Sess. 9. in Bulla reformation. Curiz non prætereamus: quod sic habet: [Et cum fructuum Ecclesiarum Cathedralium, & Metropolitanarū, Monasteriorumque, & aliorum quorumcumque beneficiorum Ecclesiasticorum plenaria dispositio, & administratio ad nos, & ad Romanum

Pontificem pro tempore existētem, & illos etiam, qui huiusmodi Ecclesias, Monasteria, & beneficia iure, & canonicè obtinent, solum pertinere: secularibus; Principes, omni etiam Diuino iure id prohibente, dictis Ecclesijs, Monasterijs, & beneficijs intromittere se nullatenus debeant, &c.] Ecce totius Ecclesie, & Spiritu sancto assistente, de immunitate bonorum suorum beneficiorum, &c. iudicium, quale in Conclusionē retulimus.

PRIMUM NOTANDUM.

Pro quarta probatione Conclusionis.

VT tamen quartò Conclusionem probemus, ad originaria, more nostro, ac iuxta 7. Principij præscriptum, Ecclesie tempora recurramus. Est ergo notandum primò, Christum Dominum habuisse plures Discipulos per vniuersam Iudæam, & Galilæam, & alias regni Iudaici provincias, qui non solum ipsum ad suas ciuitates venientem excipiebant hospitio: verum & quæ vitæ erant necessaria sibi, suisq; Discipulis subministrabant; idq; tam copiosè, vt quod fortunæ tenuioris hominibus, & alijs pauperibus Christum insequentibus, distribui posset, interdum superesset. Hoc habemus ex Ioanne, non semel testante, Christum ad domum Lazari, & eius sororum in villa Bethaniz diuertisse: vt habet c. 11. & 12. Idem apparet, Luc. c. 19. de Zachæo. Item Ierosolymis erat Christo obuia semper domus Simonis leprosi, vt Matth. c. 26. & Marc. cap. 14. vel illa in qua Diuinum illud celebrauit Pascha nouissimum. Vidua similiter Nainita, & Centurio Capharnaïta, Christi in gentibus, ac notis deuincti beneficijs, perpetui erant illius hospites. Qui omnes præterea eleemosynas affluenter Christo, & suis faciebant Discipulis: sicuti Luc. 8. refertur: quòd cum Christus discurreret prædicando per villas, & castella, comitatus suis duodecim Apostolis, mulieres aliquæ, quæ fuerant curatæ à spiritibus infestis, ac malignis, & à grauib; infirmitatibus, videlicet, Maria, quæ vocatur Magdalena, & Ioanna vxor Chusæ Procuratoris Herodis, & Susanna, & aliæ multæ Christum sequebantur: de suis facultatibus ei conuenienter ministrantes. Hinc habuerunt Apostoli ad manum paucos illos panes, & pisces, quoties Christus numerosam multitudinem hominum, illis sua benedictione multiplicatis, sustentauit: apud Matth. cap. 14. & 15. & Marc. cap. 8. & Luc. c. 9. Et Ioann. c. 6. referuntur Apostoli dicentes: [Euntes, emamus denariis ducentis panes, & dabimus eis manducare.] Ex quo intelligitur Apostolos ad prædicta denarios habuisse.

SECUNDUM NOTANDUM.

NOTANDUM est secundo, Christum Dominum maximè curasse, vt dicta bona, præter necessaria ad suæ familiæ sustentationem,

xpi habuit plures discipulos per vniuersam iudæam & galilæam & alias regni iudaici provincias qui non solum ipsum ad suas ciuitates venientem excipiebant hospitio: verum & quæ vitæ erant necessaria sibi, suisq; discipulis subministrabant; idq; tam copiosè, vt quod fortunæ tenuioris hominibus, & alijs pauperibus christum insequentibus, distribui posset, interdum superesset.

in pauperum vsus concederent. Hoc constat ex insigni loco Ioan. c. 12. nam cum Christus in illa vltima cena Iudæ dixisset proditori: [Quod facis, fac citius. Quod nemo sciuit discumbentium, ad quid dixeris ei: quidam enim putabant, quia oculos habebat Iudas, quod dixisset ei I E S V S, eme ea, quæ opus sunt nobis ad diem festum, aut egenis aliquid daret.] Quem locum explicat Augustinus in Psalm. 103. dicens: [Ergo quia dicebamus, fratres, & de pascendis pauperibus: cum Dominus oculos haberet; tamen quando dixit Iudæ eum tradituro, Quod facis, fac velociter; non intelligentes ceteri quid dixisset, arbitrati sunt, eum dixisse, vt aliquid præpararet, quod daretur pauperibus; illo enim oculos habebat. Possent hoc suspicari, nisi hoc haberet in consuetudine Dominus? De his ergo, quæ dabantur, & in oculos mittebantur, dabatur tamen & illis pauperibus, quos, Dominus docuit, non contemnendos.]

Est etiam similis doctrina Chrysostomi, in Comment. super Ioan. dicentis: [Quare veram verbi I E S V causam nonprehenderunt? Putabant, vt egenis aliquid daret, dixisse. Multum I E S V curæ erant pauperes: & hoc ad nostram doctrinam; hic enim oculos habebat, & pecunias: atqui nemo pecunias Christo dedisse narratur: sed quod Discipulis victui necessaria præbebant. Quomodo enim, qui neque peram, neque baculum ferri iubet, oculos ferebat? Ad pauperum ministerium, vt intelligas, quanta tibi inopum, & miserorum, hac etiam parte, cura impendat.]

Eandem doctrinam sic deducit dictus Augustinus, lib. de Mendac. c. 15. citatus 12. q. 1. cap. [Habebat Dominus (sequitur) oculos à fidelibus oblata conseruans, & suorum necessitatibus, & aliis indigentibus tribuebat. Tunc primum Ecclesiæ pecuniæ forma est instituta: vt intelligeremus, quod præcipit, non ad hoc fuisse præceptum, vt nihil pecuniæ seruaretur à Sanctis: sed vt Deo propter ista non seruiatur: & per inopiam timorem, iustitia deferatur.]

TERTIVM NOTANDVM.

TERTIO est notandum: Quod quia nonnulli huius adductæ à Sanctis doctrinæ, & testimoniorum sacri Textus, quæ retulimus, mentem, & verba ad simplicem vsum facti, segregatum ab omni proprietate, vel dominio, & ab omni iure vtendi, detorquebant: Ioann. xxi. in Extrauag. Licet. Apostolica diffinitione conclusit, talem explicationem, & assertionem erroneam, & Hæreticam esse censendam: & quod Christus Dominus, eiusque Apostoli habuerunt dictorum bonorum proprietatem, & dominium; & quod ius illis vtendi ipsis competierit: & illa vendendi, donandi, vel ex ipsis alia acquirendi: prout dicta Extrauag. & eius Gloss. latissimè, & continetur, & explicatur.

Curtas quidem, ac pertenuēs Chriſtus, ſed tamen aliquas habuit facultates: neque enim eam ſibi vitæ rationem inſtituendam putauit, vt præ inopia mendicare cogeretur: id quod ſacræ Paginæ perſpicuè ostendunt. De quo videnda etiam definitio dicti Ioann. xx i. Extrauag. Cùm inter nonnullos. & Extrauag. Quia quorundam. de Verbor. ſignific. vbi Zenzelinus. videnda etiam damnatio ab Urbano IV. facta nouem Articulorum contra illam Extrauagant. Cùm inter nonnullos. Pariſijs deſenſorū: quæ habetur inter errores, poſt 4. lib. Magiſtri Sent. excuſſos. De qua materia, & pro Notādi confirmatione, vidēda Oratio R ac Doctiſſimi D. Ioannis de Polemar Archidiaconi Barchinoñ. S. Apoſtolici Palatii Rotæ Cauſſarum Auditoris, qua de Ciuili Clericorum dominio agēs, in Concilio Baſilienſi, anno Domini 1433. per tres dies, quartum Bohemorum Articulum reſutauit. Vid. vlt. edit. Concil. Colon. an. 1606.

Q V A R T V M N O T A N D V M.

ADNOTANDVM eſt quartò, Quòd hæc bona temporalia, quæ Chriſtus cum ſuis Apoſtoliſ habuit: (in quorum locum ſucceſſere, bona, quæ modò habet Eccleſia: ſicuti, & Eccleſiaſtici in Chriſti, & ſuorum Eccleſiaſticorum Diſcipulorum locum,) & quæ alendæ ſuæ familiæ, & pauperum ſubleuandis neceſſitatibus, deſeruiebant; quatenus erant alimenta Chriſti, & Apoſtolorum, & proinde quatenus modò ſunt alimenta Eccleſiaſticorum miniſtrorum: erant illis tunc, & ſunt nunc iſtis debita de iure Diuino: & erant, & ſunt bona Dei, & Chriſti, & Eccleſiaſticorum, de tali iure Diuino à Chriſto expreſſè tradito, & ab Apoſtoli� elarè expreſſo. Chriſtus enim inter alias poteſtates, quas dedit Apoſtoli�, & eorum Succeſſoribus, & miniſtris Eccleſiaſticis, eſt vna, accipien di vitæ neceſſaria ab ijs, quibus ſpiritualia ſubminiſtrant.

Hanc poteſtatem contulit Dominus, cùm mittendo ad prædicandum Apoſtoli�, illis dixit, Matth. c. 10. & Luc. c. 10. [In eadem autem domo manete, edentes, & bibentes, quæ apud illos ſunt: dignus eſt enim operarius mercede ſua, vel cibo ſuo.] Hoc ipſum Apoſtolus Paulus ex multiplici radice deducit; ſcribens 1. ad Corinth. cap. 9. [Quis militat ſuis ſtipendijs vnquam? quis plantat vineam, & de fructu eius non edit? quis paſcit gregem, & de lacte gregis non manducat?] Quod confirmat ex ſcriptura legis Moſaicæ, Deuter. c. 23. dicentis: [Non alligabis os boni trituranti:] illud de Eccleſiæ Miniſtris explicādo. Et ſubdit paulò poſt: [Si nos vobis ſpiritualia ſeminauimus, magnum eſt, ſi nos carnalia veſtra metamus?] Et poſt pauca: [Nescitis, quoniam qui in ſacrario operantur, quæ de ſacrario ſunt edunt: & qui altari deſerviunt, & de altari participant?] Ita & Dominus ordinauit ijs, qui Euangelium annunciant, de Euangelio viuere.] Et 1. ad Timoth. c. 5. ſic etiam docet: [Qui bene præſunt Presbyteri, duplici honore digni habeantur;] id eſt, duplicata.

bonorum temporalium portione gaudeant: id enim significare etiam, honorem, in Scriptura docet Hieronym. ad Matth. c. 15. & est frequens Apostoli phrasis: [Honora,] inquit, initio huius capituli, id est, ale, [viduas, quæ verè viduæ sunt:] sequitur dicens, [maximè, qui laborant in verbo, & doctrina: dicit enim Scriptura: Non alligabis os boni trituranti. & Dignus est operarius mercede sua.]

Et in hac potestate sumendi vitæ necessaria fundatur, maxima ex parte, rationabilitas decimarum, & totius dotationis Ecclesiæ, loco decimarum, & primitiarum, quæ in lege veteri templi ministris, & Leviticis toti tribui solui iuebantur. In Exodo, Levitico, Numeris, & Deuteronomio.

Quatenus verò hæc dicta bona, quæ Christus, & sui habebant Discipuli, & quæ similia modò illorum habent successores, & Ecclesiasticus status, erant, & sunt bona pauperum necessitatibus applicata, & applicanda: & in quo, maxima etiam ex parte, fundatur rationabilitas decimarum, & primitiarum, dotationisque Ecclesiæ, ex Card. Caiet. in 2. 2. S. Thom. q. 87. art. 1. & q. 185. art. 7. loco illarum decimarum, quæ Deuter. c. 14. & 26. specialiter pro pauperibus, & peregrinis, & aduenis, & pupillis, & viduis secernebatur: & quas noluit Deus in Christiana lege ab alijs secerni decimis, propter præsumptam maiorem eius Ecclesiasticorum ministrorum, in illis dispensandis cum pauperibus, charitatem: ut docet Alex. Alensis 3. p. q. 51. art. 5. membr. 6. hac inquam ratione, sunt etiam iuris Divini, & immunia, quasi bona Dei, & Christi, & ab eo de iure Divino, facto ipso, libera instituta; qui solus ipse cum suis Apostolis Ecclesiasticis personis, exclusis etiam ab hoc ministerio Septuaginta alijs electis Discipulis, horum bonorum voluit habere proprietatem, dominium, & usum, ea reddendo immunia ad dictos duos effectus, à quacumque secularis status Potestate; ut in quæ, tanquam in bona Dei ipsius, inferior laici Principatus dispositio actione omni penitus priuaretur.

Doctrina hæc est S. Anacleti Martyris, qui anno Christi octuagesimo quarto, ipse quintus à Petro summum gessit Pontificatum: qui sic ait Decretal. Epist. & refertur, 12. q. 2. [Qui abstulerit patri, aut matri aliquid, dicetque, hoc peccatum non esse, homicidij particeps est. Pater noster, sine dubio, Deus est, qui nos creavit; mater verò nostra, Ecclesia est, quæ nos in Baptismo regeneravit. Ergo qui Christi pecunias, & Ecclesiæ rapit, vel fraudat, homicida est.] Ecce sanctissimus Pontifex bona semel à fidelibus Ecclesiæ oblata, docuit ab Ecclesiasticis ferventi zelo, & studio singulari defendenda: quod essent pecuniæ Christi: sic enim eas appellat, & consequenter uti iuris Divini, immunia à laicis sibi oneribus imponendis.

Hoc etiam sensit S. Prosper, lib. 2. de Vita contemp. c. 16. dicens: [Nunc autem, quia Christiani temporis Sacerdotes magis sustinent, quam cu-

rant possessiones Ecclesiarum, etiam in hoc Deo seruiunt: quasi Dei sunt, earumque conferuntur Ecclesiis: Dei opus agit, qui res Deo consecratas, non alicuius cupiditatis, sed, fidelissima dispensationis intentione, non deserit. Quapropter possessiones, quas oblatas à populo suscipiunt Sacerdotes, iam non sunt res mundi credendæ; sed Dei.] Quam doctrinam hausit ex S. Augustino, Tract. 6. in Ioan.

Idem docet Chrysostomus Magnus, apud Nicephorū Calistum, lib. 13. Hist. Eccl. c. 24. qui cum Olympiadi Diaconis, eo inconsulto, suas opes aliis, profusis eleemosynis, & donis, in pauperes eroganti, modum vellet imponere: quo in veros pauperes dispensarentur: sic eam alloquitur: [Illud autem te maximè spectare decet Olympias, quandoquidem tu, sponte Deo ipsi bonis tuis cessisti; & dominio, possessioniq; pecuniarum renuntiasti: ut eas de cetero, veluti Diuini iuris factas, rectius, maiori cum æquitate dispenses: obnoxiamq; te rationi reddendæ, si quid de eis præter rationem factum fuerit, esse scias.]

Sed nisi nos vehementer cæcutimus, vnicum illud exemplum de Anania, & Saphira coniugibus, Act. c. 5. relatum hanc doctrinam Anacleti, & dictorum Sanctorum, esse Spiritus sancti doctrinam demonstrauit. Erat quidem Petrus Ecclesiarum caput, Euangelicæ doctrinæ singularis cultor, ac in pascendis Christi ouibus, ipsius Christi Magni Pastoris, magnus ipse, ac sedulus imitator: & audierat Christum docentem, Matth. cap. 11. [Discite à me, quia mitis sum, & humilis corde;] interfueratq; concioni illi altissimæ, quando Christus docuit, Matth. cap. 5. [Beati mites; quoniam ipsi possidebunt terram;] & abscissa Malchi auricula, eiq; per Christum restituta, quasi non Malchum, sed Christi patientiam, ut bene adnotauit Tertullianus, percussisset, illum dicentem audiuerat: [Mitte gladium tuum in vaginam, &c.] nihilominus tamen is tantus Christi Apostolus, ob vnius mendacii crimen, super agri proprii horum coniugum venditione, & pretij consignatione, vtrumq; morte repentina castigauit.

Quid agis Apostolorum Coryphæe? summorum Pontificum Archetypum, Sacerdotum vertex, Episcoporum exemplar, speculum Ecclesiasticorum? Hoc est, iuxta præscriptum tuum, pascere gregem non coactè, sed voluntariè; neque turpis lucri gratia, sed formam, te factum esse gregis ex animo? Ager ille hæreditarius erat Ananiæ, & Saphiræ; si illum non vendidissent, non peccassent; si mobilia tantum bona sua ad pedes attulissent tuos, merito ingenti non caruissent. Vendunt agrum, partem pretij tibi offerunt, partem suis quotidianis necessitatibus referuarunt; quid hic criminis intercedit, quod tam exemplari esset punitione vindicandum? Certè patrociniū Petri suscipere res erit felix: nā ad hæc omnia proposita responsio facilis est: Ager venditus ea mente, ut ad pedes poneretur Apostolorum, pro ministrorum Ecclesiæ sustentatione, & pro pauperum alimentis, non est ager Ananiæ & Saphiræ,

sed est Christi pecunia: quæ & facta Divina, nequit, nisi per ministros Ecclesiasticos dispensari. Unde ager, & eius pretium Deo donatum, fraudari nequivit in parte, quod in toto potuisset absque labe non offerri. Quæ veritas, ad futuram rei memoriam; & omnium exemplum Christianorum oportebat, ut in Ecclesia per eius summum Pontificem Petrum Apostolica illa sicuti brevi, sic & gravi punitione, fundaretur. Hic est discursus Textus sacri: sic enim ad fraudatorem illum loquutus fuit Petrus: [Anania, cur tentavit Sathanas cor tuum, mentiri te Spiritui sancto, & fraudare de pretio agri? Nonne manens tibi manebat, & venditum in tua erat potestate? Quare posuisti in corde tuo hanc rem: non es mentitus hominibus, sed Deo. &c.] Eant nunc, & bona ab Ecclesia legitime iam possessa, dicant nonnulli male de ea meriti, de iure Divino non esse immunia, quasi bona Christi: cum hæc Spiritus sanctus dixerit, etiã fuisse Dei, & hominis, Christi IESU, & eius Ecclesie bona, agrum & agri pretium possidentem addito etiam per os Petri, eorum OEconomia, ad illius curam, quasi ad OEconomum perspicacissimum, cui, & non hominibus, fuerat Ananias mentitus, pertinere.

Q V I N T V M N O T A N D V M.

res ecclesie non sunt in potestate
EANT nunc, & sit quintum Notandum, hi novissimi bonorum Ecclesie Catones Censorini, & dicant, ea non fieri propria Ecclesie: nam in eis convincendis, haud æquum reputamus, tempus terere: hoc enim apud Catholicos Doctores in controuersiam venit nullam, sed Conciliorum Decretis, auctoritate summorum Pontificum, sanctorum Patrum sententijs, & Imperatorum est legibus comprobatum. Immo est etiam certum, res dictas Ecclesie, siue adiudicatas, siue donatas, siue quasitas, repeteri, reuocari, vel adimi non posse. Cum enim fiat res talis accipientis Ecclesie, si dominium, & possessionem, suam denique omne ius donans, adiudicans, vel contrahens amittat: iam non deinde à donantis, vel adiudicantis contrahentis, dantis, vel offerentis consensu, vel dissensu dictarum rerum dominium, & proprietas pendent. Alias precaria certe earum esset possessio, non res Ecclesie: si voluntate mutata, ex quibuscunque sit causis, donans, adiudicans, vel contrahens, dans, vel offerens ipsas posset reuocare. Itaque aut res Ecclesie, necesse est, neque factas esse, neque amissum ius à donantibus, &c. aut ab eis repeteri non posse, neque eorum voluntatis ullam rationem habendam.

Sciunt Iurisprudentes, sciunt morali tantum virtute præditi homines, nihil tam ab omni iuris, æquitatisque ratione remotum, quam consensu, vel dissensu vnus ex contrahentibus à contractu, conventionem, pacto, concordia, renunciatione, vel donatione facta discedere: vel relicta testamento, codicillis, vel aliquo supremo iudicio, hæredes, ac posteros, vel non præstare, vel præstita repetere, & reuocare: vel ea, quæ cum gravi

communitate transiguntur, vel transacta sunt à maioribus, casta, & irrita reddere. Corruit enim totum ipsum ius Civile, nedum Canonicum; omne societatis humanæ fas, Congregationum æquum, commercij vis, ius Gentium repugnat, unde nati contractus; nedum Christiana omnis, & religiosa disciplina. Fides data violatur; leuitas, inconstantia, temeritas alitur: quibus rebustandem consociatio hominum ipsorum inter se dissoluitur: à quo non solum generosi, & illustres animi abstinent, tamquam ab indignissimis sordibus, verumetiam catarij ipsi, lanij, fectores, & vnguentarij sunt soliti abhorre. Dictum fuit bene de aliter, vel agentibus, vel sentientibus.

Quod prius spernit, repetit quod nuper omisit:

Æstuat; & vita dissonant ordine toto.

Neque aliud hic potest considerari, quam defectus propriæ æquitatis, & turpis sententiam mutantium mentis vacillatio.

Perstet igitur, proprietatem, & dominium rerum Ecclesiæ, non in contrario consensu, vel dissensu donantium, contrahentium, dantium, vel offerentium, aut eorum tandem à quibus acquisitæ sunt, sed in iure ipso esse firmiter posita, & stabilita. Plures enim adias mutatur voluntatis, & consensus contrarij specie, sicut causæ, & rationes nunquam donantibus, &c. deessent, si ab illorum constante, vel inconstante voluntate bona Ecclesiastica dependerent. Sic nec multis olim Imperatoribus, Regibus, ac Principibus rationes defuerunt, quorum cupiditati alij Christiani Principes, Præfectorum Ecclesiæ infirmitatem adiuvando, fortiter repugnantes; nec tamen illi eo prætextu invadebant res quasdam Ecclesiæ, quod ex eorum arbitrio, siue antecessorum suorum donantium, ita ius Ecclesiæ pendere putarent: sed quod vel Imperij, Regni, aut Principatus esse, aut privatus iniurias, se vicisci, ac persequi, assueverant.

SEXTVM NOTANDVM.

SED illam collectionem, quod hæc bona quatenus sunt pauperum bona, ab omni sint seculari Potestate immunita: notamus sexto, adhuc eo confirmari certiore, & veriore, quo ex loco Chrysostomi citato in Commentar. super Ioannem conijcimus, eum sensisse: quod forsitan Christus Dominus loculos non habuisset, neque voluisset Ecclesiastico in statu eos nunquam haberi, aut propter ministrorum tantum alimenta possideri. Et est ratio, quia facile posset sperari, absque aliqua proprietate, vel dominio Ecclesiasticarum personarum, circa bona temporalia, quotidiano victui necessaria à Christiano grege Pastoribus fuisse liberaliter eroganda: iuxta illud, quod apud Luc. c. 10. dixit Christus Apostolis, mittens eos ad prædicandum: { Nolite portare sacculum, neque peram, neque calcementa } & postea c. 21. [Quando misi vos, sine sacculo, & pera, & calcementis; numquid aliquid defuit vobis? At illi di-

xerunt : Nihil .] Alimenta enim, & quibus teherentur, quibus contenti debebant esse Apostoli, & Ecclesiastici ministri, ex Paulo, 1. ad Timoth. c. 6. quis non sperasset fuisse à Christianis benignè illis suppeditanda ? Fit nihilominus voluit bonus Dominus Ecclesiam amplissimis facultatibus dotari, & Ecclesiasticas personas bona temporalia etiam affluenter possidere; vt inopum solatio, & pauperum indemnitati, quorum vñibus illa debebant multum inservire, tutius, & consultius prouideretur.

Quæ coniectura ex Chrysostomi doctrina adducta, habet etiam altius fundamentum in illa Diceta, per quinque Apostolos celebrata, super diuisione prædicationis Euangelij, ex parte Nationum: & super curis, quibus ab eis, inter prædicandum, erat incumbendum: quæ sic descripta, legitur, Epist. Pauli ad Galat. c. 2. [Cum cognouissent gratiam, quæ data est mihi; Iacobus, & Cephas, & Ioannes, qui videbantur columnæ esse, dexteræ dederunt mihi, & Barnabæ societatis: vt nos in Gentes, ipsi autem in Circumcisionem: tantum vt pauperum memores essemus: quod etiam sollicitus fui hoc ipsum facere.]

Mira res! acceperat Paulus à Christo Domino, quod tradebat Ecclesiæ: non acceperat ab homine, neque ipse per hominem didicerat Euangelium: sed illud per reuelationem habuerat IESU Christi: vt ipse testatur, 1. ad Corinth. c. 15. & ad Galat. c. 1. nihil circa hoc illi contulerant dicti Apostoli, vt ibidem asserit: qui vt ex dictis superius constat, nihil incrementi, decrementi nihil illius fecerant prædicationi: vnde nouerat benè Paulus Euangelicæ, & Christianæ doctrinæ instituta: circa quæ, & Symboli collectionem, & diuulgationem vniformem ab Apostolis ordinatam, nihil Paulum instruens, nihil commones facientes, pauperum inuicem solam curam, & memoriam, à Christo crebris concionibus in iunctant ministris Ecclesiasticis, refricauerunt. Egenorum enim solatio, nisi fidelium oblationibus, ad Ecclesiasticas manus, liberis, & immunitibus peruenientibus, haud; per illas, potuisset conuenienter prouideri. Vnde Gregorius Nazianzenus, Orat. 16. sic de hoc facto loquitur: [Veneror Christi loculos, & Petri, & Pauli conforme iudicium in pauperum cura non diuidenda: cum tamen prædicationem diuisissent.]

SEPTIMUM NOTANDUM.

ECCLESIASTICARVM rerum, vt notamus septimò, duo sunt genera: vt ex S. Thom. in 4. d. 25. & alibi, & ex Archidiacono ad c. 19. apud Gratianum, 16. q. 7. & Panormitano, ad c. 38. de Simonia colligitur. Quædam namque res spirituales, quædam annexæ spiritualibus dicuntur. S. Thomas res spirituales in duas distribuit species, ceteri in tres; quæ differentia verbis, non re, tenetur. Aut eoim natura dicuntur spiritualia: vt ea, scilicet, quæ per seipsa huiusmodi sunt: vt res ipsæ Diuinæ: propter quas reliquæ & sunt, & dicuntur spiritualia: vt fides, spes,

charitas, & gratia: dona, & beneficia Diuina: beatitudo, ac felicitas sempiterna: & Deus ipse. Aut spiritualia dicuntur causa: & sunt quibus illa consequimur: qualia sunt Sacramenta, à Christo fidelibus tradita: quasi quædam auspicia, quibus illa comparantur: vt Baptismus, manuū impositio, &c. Aut tandem dicuntur spiritualia effectus: qualia sunt, quæ ex illis proficiuntur, functiones, & munera, quæ ab alijs accepta, alijs traduntur, vt sacerdotium, & dignitas ordinis: vt ait Glossa ad c. primū. 1. q. 1. His addit Archidiaconus quarto loco, signa, prodigia, miracula, vaticinia. Huic diuisioni accinit Aristoteles 4. Metaphys. asserens, sanum dici, vel ipsam sanitatem: vel eius causam, eamq. conseruans: vel eius effectum, seu signum: vt venustatem, ac pulchritudinem.

S. Thomas ubi supra, breuius spiritualia illa omnia duplici claudit differentia: aut enim, inquit, sunt res ipsæ per se, vt Sacramenta, & Diuina beneficia: aut sunt munera, & officia sacra, & functiones. Spiritualibus verò annexa appellat alia quidem, quæ Sacramentorum causa parata sunt: vt vasa sacra, templa, fana, delubra, cœmeteria: alia verò officijs sacris dedicata: vt decimæ, primitiæ, oblationes, & ius patronatus. Appellat hæc Archidiaconus, accidentia: Panormitanus, dependentia; alij nominibus alijs. Patronatus ius longius abest à spiritualibus, quàm decimæ: ex Canonistarum sententia: quas non solum annexas spiritualibus, vt Theologi, sed spirituales etiam esse iudicant. Licet hæc facili cōciliantur: si decimas ipsas, & fructus consequi, & adiunctos esse, connexosq. spiritualibus dixerimus: quod Iuris Canonici Doctores non negabunt; ius verò ipsum decimarum, dictorumq. fructuum tam ex parte Dei Auctoris illa instituentis, quàm ex parte finis, ad quem instituta sunt, spirituale esse: quod videtur S. Thomas dicto loco docere. Quibus sacris muneribus accedunt fundi, census, & similes redditus, quæ quadiū illis adiuncta sunt, eorum, quibus adiunguntur, induunt naturam. [Quæ enim religiosi adhærent, religiosa sunt,] inquit Paulus Iureconsultus, l. 45. de rei vindicatione. Hinc Armacanus lib. 10. c. 16. in Questionibus Armenorum. non aliter de bonis illis, quàm de spiritualibus censet statuendum.

Ergo si fructus ipsos, qui percipiuntur, quando vel decimæ, vel ceteri redditus soluuntur Ecclesiæ, consideremus: nulli est dubium esse quid carnale, seu temporale: ius tamen illud, fructus illos, ac decimas percipiendi, & spirituale est, & Ecclesiasticis tantum conueniens; nec laicorū esse potest, qui illius incapaces sunt: & quia Deo consecrata sunt, & quia primum sibi ipsi ipse Deus, non homines consecrarunt. Si enim ad originem decimarum, ac primitiarum soluendarum recurramus, in lege antiqua, quæ nouæ, ac nostræ fuit figura, Exod. c. 22. & Leuit. c. ultimo. Deus sui iuris decimas fecit: quas Sacerdotibus, & Leuitis, Num. c. 18. & Deut. c. 18. liberaliter dedit. Voluit etiam adeo sibi sacras esse signi-

*decimæ sunt
annexæ spiritualibus
sed illæ parata
sunt ad alia
spiritualia quæ
consequuntur
Ita ut decimæ*

ficare, vt se ipſe propter decimas, hæreditatem Leuitarum, & Sacerdotum per Metonymiam dixerit: [Dominus, inquit, eſt hæreditas eorum.] Ecce decimæ ſunt Sacri ordinis hæreditas, & hæreditas eſt ipſe Dominus: celeſtis, ſcilicet, Spiritus, à quo vita nobis, ſpiritusque, quem nos omnes ducimus, eſt conceſſus, quique quaſi per vniuerſitatis huius arterias eſt diſfuſus. Is, inquam, Spiritus eſt illa hæreditas, & decimarum ius: vnde ius hæreditarium ſpirituale eſſe merito eſt exiſtimandum.

Immo ſingulari conſideratione aduertendum eſt: noluiſſe Deum ex vno, vel duobus laicorum fundis hac veſtigalia, ſeu decimarum tributa percipi, ſed ex omnibus; deinde non ex hiſce, vel illis terræ fruſtibus, ſed ex omnibus; ex frumento, ex ſætu, ex lana, ex arbore, &c. vt omnino Regiam, vt ſummè Imperatoriam, negotium præſefferet, maiestatem. Aſſerunt namque Iuriſperiti, l. 6. de præſcription. tributa, & ſtimonium eſſe vniuerſalis domini, & Imperij: quod ſe habere Legiſlator ſupremus, dum dictas decimas ſibi præſtari, & ſui loco Leuitis vltimò lege lata Diuina auctoritate fanciuit.

Has decimas earumque ſolutionem haud improbauit poſtea Chriſtus ipſe: immo nõ omittendas eſſe docuit, Luc. c. 11. dicens ad Phariſeos. [Vt vobis, qui decimatis mentam, & rutam, & omne olus; & præteritis iudicium, & charitatem Dei. Hæc autem oportuit facere, & illa non omittere.] Neque hoc veſtigal, ac tributum Dei ſuſtulit in Eccleſia, noua ſua Republica, immo & Caſari, ſuum tributum, Deo, ſuum aſſeruit; illis ſicut Diuinis, ſic compendioſis, ac myſterio plenis verbis: [Reddite, quæ ſunt Caſaris, Caſari. & quæ ſunt Dei, Deo.] Matth. c. 22. & Mat. c. 12. Niſi quis velit tempore legis gratiæ, quo Leuitarum clarior eſt ordo, ex Leone Maximo, quo excellentior eſt Sacerdotum dignitas, quo Eccleſiaſtica Hierarchia Synagogæ Politicæ tantò eſt illuſtrior, quantò Solis ſplendor, Lunæ claritati: & quantò veritas, figuræ: vmbra, ipſa rerum antecellit imago; hoc, inquam, tempore velit, non poſſe dici de ordine, ac ſtatu Eccleſiaſtico, cum ſuis annexis, ſeu accidentibus, ſeu dependentibus rebus, melius multò, quàm de Leuitica tribu:

Spiritus intus alit, totosque infuſa per artus

Mens, (ſcilicet Diuina) agit molem, & magno ſe corpore miſcet.

Non diſputamus in præſentiarum, de horum, fruſtuum, ac decimarum quora: de hac vel illa, tanta, vel tanta parte, quaſtio, ſiue à Theologis, ſiue à Canoniſtis ſuis aptis locis diſputata: de rei agimus ſubſtantia: vt quora, vel ad conſuetudinem, vel ad præſcriptionem, vel ad alium competentem reducatur titulum; ac quæcumque, ſiue vniuerſitas, ſiue perſona Eccleſiaſtica particularis, id iuris eo, quo ceteræ tractantur materie, coram iudicibus tueatur. De ipſius rei agimus entitate; pauperibus, ſcilicet, ſacris ædificijs, ac vaſis, & ornamentis, Eccleſiaſticis varijs miniſtris, tamquam victimas aræ, hæc bona adiudicata, hos fruſtus contribu-

tos, has decimas, esse secretas, affirmantes: vt qui altari seruiunt, ex Apostolo 1. ad Corinth. c. 9. de altaris debeant emolumentis, de Iure diuino, sustentari. Quid vocat altare; seu aram? an lapides ipsos? an ara res sacra non est? an igitur bona Ecclesie, decimæ, & oblationes, quas ara nomine significat, sacræ non erunt? Sunt certè sacræ, sunt Iuris diuini, sunt Clericorum propriæ, quibus summus ille Princeps, ac Sacerdos, suum istud vestigal, quod sibi à laicis pēdi voluit, liberalissimè resignauit. Appellentur ergo à Canonistis latiori vocabulo, spirituales, quia ea, quæ Clericorum tantum sunt priuatiuè ad laicos, spiritualia illis dicuntur; siue à Theologis, qui hac voce, spiritualis, vtuntur in stricta magis significatione, annexæ spiritualibus, nominantur; vt demonstrent, earum ius à Clero seiungi non posse: siue elegantius cum Hieronymo 16. q. 1. c. ultimo, Diuini iuris nuncupentur, verè res sunt sacræ, ac sacris mysterijs dedicatæ. Et si rerum summa diuisio est, ex Paulo Iureconsulto l. 1. de Rerum diuisione. vt aliæ Diuini iuris sint, vt sacræ, & religiosæ; aliæ humani: quæ aut priuatæ sunt, aut publicæ: certè hæc bona Ecclesie, eiusque ministrorum, sub illo sunt primo diuisionis membro computanda.

Hinc Can. 4. & 5. Apostolorum in domum Episcopi, & Presbyterorum, primitiæ perferri iuebantur: qui eas in singulos Diaconos, ac reliquos Clericos distribuere. Hinc lib. 2. Constit. Apostolicarum c. 25. de soluendis decimis, ac earum faciendæ partitione, diuinæ, ac specificè dissertur: locus à pijs quibuscumque & legendus, & cum magna animi consolatione meditandus. Qualiter autem hæc decimæ sint tributum Dei, habetur in Concil. Lateran. 3. c. 54. & ex eo extra, de Decimis. c. 33. & quomodo sint soluendæ, & quæ sequantur incommoda ex earum non solutione, pluribus in locis, tam in corpore Iuris, quàm apud sanctos Patres agitur: sed hæc sunt stricti potius tractatus, nos ad bonorum Ecclesie laetitudinem reuertamur.

OCTAVVM SVBNOTANDVM.

ATTAMEN pro præcedentium Notabilium, & pro Conclusionis ipsius pleniori, ac stricta magis probatione adhuc octauo subnotandum est: quod ex illo loco Matth. c. 17. superius allato, ad probandam Ecclesiasticam immunitatem, quod ad personas, dicente Christo: [Ergo tibi sunt filii:] licet non colligat Ioannes XXI. in Bulla damnatoria Hæreticorum Marsilij de Padua, & Ioannis de Ianduno, omnium bona Ecclesie esse immunita, & nequaquam obnoxia, vt à seculari Potestate, possint vestigalibus, censibus, seu tributis onerari: ostendit tamen inde non colligi oppositum, scilicet, esse subiecta. Et quia Conclusio nostra ex dictæ Bullæ serie si non definitur, tamquàm de fide tenenda, docetur certè, tamquàm vt verissima non neganda: placet illius verba formaliter recitare; & sunt hæc.

Ergo

*Dei ius p[er] se
sacrum est*

*Id est in Bulla
damnatoria Mar-
tilij de Padua et
Ioannis de Ianduno
dicitur quod omnia
bona Ecclesie sunt
immunita, & non
subiecta, quia sunt
filii Christi.*

verba Bullæ p. 221

Ergo liberi sunt filij: constat autem Christum secundum carnem fuisse David filium: iuxta testimonium Angeli sic dicentis: Dabit ei Dominus sedem David patris eius, &c. & per consequens, quod ipse à solutione tributi, vel census erat prorsus immunis. Hoc etiam ex hoc patet, quod statim subiunxit: Vt autem non scandalizemus eos, vade, & dastaterem pro me, & te, eis: ubi euidenter patet, quod, non vt adstrictus, sed vt euitaret scandalum, staterem tributi exactoribus iussit solui. Ex prædicto autem dicto suo nituntur cōcludere præfati viri reprobi, quod omnia temporalia Ecclesiæ subsunt Imperatori; & ea potest accipere velut sua. Videntur enim supponere, quod ex hoc, quod Christus tributum soluit ex debito, res temporales eius Imperatori subessent, & per consequens res Ecclesiæ temporales sint Imperatori subiectæ, & eas possit recipere velut suas. Quæ quidem Conclusio nullatenus ex præmissis sequitur, nec sequi potest, etiam apparenter. Cū enim liqueat ex prædictis, Christum fuisse à solutione tributi, vel census liberum, & immunem; & staterem non soluisse ex debito, sed vt aliorum scandalum euitaret: nullo modo potest concludi, quod res Christi, quales sunt res Ecclesiæ, subsint Imperatori. Præterea etiam si Christus staterem soluisset ex debito, impertinenter concluderetur ex eo, quod res Christi, quales sunt res Ecclesiæ, subessent Imperatori: cū Christus non pro rebus, sed pro persona, staterem soluerit antedictum: quod patet ex eo, quod illum iussit solui pro se, & Petro, modo prædicto, non pro rebus suis, & bonis. Vnde non sequitur, quod ex eo, quod persona est tributaria, sint & bona: immo, qui pro persona tributum tenetur soluere, habere potest bona libera, & e contra.] Hucusque in Bulla.

Videmus, qualiter hic summus Pontifex illos duos Hæreticos contrarium dogmatizantes damnauerit: vt etiam falsa admissa suppositione, quod Christus fuisset soluendo obnoxius tributo pro persona, res tamen eius nullo modo, sicuti colligit, & strictissime docet Papa, tributorū oneri subiaceret. Et hoc ideò, quia illa Christi consequentia: [Ergo liberi sunt filij:] ijs fortissimis antecedentibus, doctrinæ ab ipsius spiritu emanantis, solidetur.

Nam primò Christus erat filius Dei, & homo Deus, Regum terræ Dominus, & Princeps: vnde ab illius rebus nullus poterat Princeps tributū exigere. Ad hæc, eius Apostoli erant de sua familia, gaudebant per consequens Patrisfamilias immunitate: vt supra Parte 2. diximus. Deinde pro Patribus antiquis Sacerdotibus, nascebantur in Ecclesia Apostoli, & Ecclesiastici filij: ex Psalm. 44. Ergo sicut illorum bona erant immunia, vt & horum etiam essent bona libera, erat necessarium. Vltiùs in eodē Psalm. quæ de Christo, & Ecclesia interpretatus fuit ad litteram Paulus, ad Hebr. c. 1. Ecclesia appellatur filia; [Audi, inquit, filia, & vide, & inclina aurem tuam: & obliuiscere populum tuum, & domum patris tui:]

in cuius præmium, etiam temporale, hæc facta fuit ad illam repromissio: [Et filii Tyri,] idest, Gentilitas, [in muneribus,] non iam Idolorum oblati templis, vt de templo Vestalium virginum, quo loco modò Ecclesia S. Petri ad Vincula est, legimus apud Blondū lib. 2. Romæ Triumph. sed [in muneribus, vultum tuum deprecabuntur omnes diuites plebis,] absque dubio, precantium more, preces in Ecclesia muneribus, & oblationibus præmunes; de quibus Paul. 1. ad Corinth. c. 13. vt de Ecclesia diuitijs, etiam affluenter, ornata posset dici illud Prouerb. c. vii. respectu cuiuscumque falsæ religionis, apud Nationem quamcumque, cum suis opibus, & ministrorum splendore conspicuæ: [Multæ filiz congregauerunt diuitias, tu supergressa es vniuersas.]

Attamen, quia in hac erat constituenda à Christo maiestate, illam spernendo: & inter diuitiarum copiam, & affluentiam, non in illis cor apponendo; sed ad effectus dictos, & dicendos: committenda prædicatur, cum suis bonis temporalibus, iam Christo per orbem prædicato, Regibus sic tractanda: Isai. c. 49. videlicet: [Ecce leuabo ad Gentes manum meam, & ad populos exaltabo signum meum:] Christum, scilicet, in cruce: [& afferent filios suos,] Ecclesiasticos, scilicet, viros, [in vlnis, & filias suas,] scilicet, Ecclesiæ varias religiones, [super humeros portabunt: & erunt Reges nutritij tui, & Reginæ nutritiæ tuæ.] Quod explicans adhuc vberius idem Propheta, sic de Ecclesia prædixit, c. 60. (quod legi à pijs omnibus desideramus: cum enim omnibus Sanctis, & Doctoribus cōsentientibus, ibi ad litteram de Ecclesia sit sermo Catholica, haud possibile erit, quin ex lectione illa, gaudio speciali, de excellentia futura tūc in Ecclesia, & nunc iam existente, & ad oculos demonstrata, perfundantur:) [Et fugēs lac Gentium, & māilla Regum lactaberis.] Ecce officium, & munus Regum, & Principum secularium versùs Ecclesiam gerendum; vt eam alant, nutrant, pascant, etiam pretioso suarum diuitiarum lacte. Ecce libertas, & immunitas bonorum Ecclesiasticorum, & vis consequentiæ à Christo factæ: [Ergo liberi sunt filij.] Itaque Principes, & laici Potestates, eo ipso, quòd sibi arrogare vellent ius Ecclesiam grauari, & tributorum, censuum, & vectigalium super suis bonis imponendi, eodem se gererent modo, sicuti illi, qui cum suæ protectioni conmissum haberent orphanum; vt ipsum, suasque fortunas in libertatem affererent: ipsi rerum pupilli auidi, & sitibundi, extincto orphano, quæ defendere, & protegere sua debuerant auctoritate, in propria conuertere commodi, in suam, toto conatu, trahere possessionem procurarent.

Ex his Notandis Conclusionis colligitur probatio.

QUIBUS præuijs annotationibus, facillè Conclusionis veritas elucescit. Si enim Christus Dominus habuit bona, & eorum dominium, & proprietatem, & vsum: pro suæ familiæ Ecclesiasticæ sustentatione,

& pro pauperum miserijs succurrendo: super quæ nullum censum, nullum vectigal, tributum nullû admittit: Si bona Ecclesiasticorû succedere in locum bonorum, quæ Christus habuit: Si quatenûs sunt alimenta ministrorum, sunt illis debita immunia de Iure diuino: Si quatenûs sunt bona pauperum, sunt Iuris diuini, & Christi pecuniæ, in nullius alterius bonis computanda: Si Diuina prouidentia præcipuè gestum est, vt Ecclesia loculos haberet, & amplas dotationes, & pingua Sacerdotia; vt pauperes, qui euangelizabantur, maximum suæ inopiæ leuandæ remedium in Euangelistarum cura, & patrocinio reperirent: Si bonorum semel Deo, etiam proposito solo, dicatorum, penes dicantes amplius potestas non conceditur remanere: Si in antiquæ legis decretis, Sacerdotali status ab omni tributo ex suis bonis liber erat soluendo, qui noui excellentioris Sacerdotij erat figura: Si naturalis legis lumen Gentibus, vt suorum Sacerdotum immunia reseruarent bona ab his oneribus dictauit: Negari non potest, hanc immunitatem bonorum, quæ ad Ecclesiam spectant, de Iure esse diuino constitutam. Vnde non mirum est in Concil. Lateranen. sub Alexandro 111. habito, c. 19. relato in c. Non minus. de immunit. Eccles. conqueri Patres, quòd seculares Potestates, & ciuitates tot onera imponerent Ecclesijs, & bonis, & personis earum: vt sub eis deterioris conditionis factum videretur Christianum Sacerdotium, quàm sub Pharaone, qui legis æternæ noticiam non haberet; & nihilominus Sacerdotum terram, vt habuimus suprà, à quibusuis oneribus immunam, & liberam declarasset.

OPPOSITIONES

CONTRA

CONCLUSIONEM.

PRIMUM ARGUMENTUM.

A concessione Priuilegiarum Principum speciali.



RGVITVR tamen sic à nonnullis contra Conclusionem. Si hæc bona Ecclesiæ adjudicata sunt Iure diuino, à quibuscumque Principum secularium oneribus immunia; vt Pontificum Constitutiones prætermittamus nunc, quid opus fuit, dictos Principes priuilegijs particularibus Ecclesiæ, circa hoc, concedere, exemptionem? Sic enim habet Imperator Iustinianus lib. 1. C. tit. de Sacros. Ecclesijs. Lege 18. [Sancti-

mus res ad venerabiles Ecclesias, vel Xenones, vel Monasteria, vel Prochotrophia, vel Brephotrophia, vel Orphanotrophia, vel Gerontocomia, vel denique ad aliud tale consortium descendentes, ex qualicumque Curialis libertate, siue inter viuos, siue mortis causa, siue in vltimis voluntatibus habita, à lucratiuorum inscriptionibus liberae esse, & immunes; lege scilicet, quæ super huiusmodi inscriptionibus posita est, in alijs quidem personis suum robur obtinente: in parte autem Ecclesiastica, vel aliarum domuum, quæ huiusmodi pijs consortijs deputatæ sunt, suum vigorem, pietatis intuitu, mitigante. Idem conceditur in Nouell. Constitut. 131. §. Ad hæc. Latioꝝ deinde Constitutio in fauorem Ecclesiæ Federici II. Cæsaris emanauit in §. Item quæcumque communitas. de Statut. & consuet. Episc. & Cler. C. Quorum priuilegiuꝝ instar in omnibus ferè Christianis Prouincijs, alia per Principes seculares Ecclesiæ circa suorum bonorum exemptionem concessa nescimus: quæ legibus, & statutis earum particularibus referuntur. Sic de Ethelulpho Rege Angliæ scribit Guillelmus lib. 2. c. 7. & Ranulphus lib. 5. c. 30. Polychron. sic de Bolislao Rege Poloniæ, Cromerus lib. 3. de rebus Polonorum: sic de alio Bolislao Pudico respectu Ecclesiæ, & Archiepiscopi Cracouiens. idem Cromerus lib. 9. scribit, priuilegia Ecclesiasticis, quibus à publicis oneribus liberarentur, indulgisse.

SECUNDVM ARGVMENTVM.

Contra immunitatem personarum, à simili Priuilegiuꝝ concessione.

IDEM argumentum formari potest contra immunitatem Ecclesiasticarum personarum superius Parte 2. assertam. Nam si illa de Jure diuino est statuta, quid opus fuit priuilegijs Constantini, Iustiniani, Theodosij, Arcadij, Honorij, vel aliorum Imperatorum etiam in corpore Ciuilis iuris relatis? quid necessum fuit Henricum Archiepiscopum Gnesensem ingenti auctoritate sua, diligentia, & persuatione, Lesci Albi Principis, & Ducum, Procerumque Polonorum obtinuisse consensu, & vniuersi Conuentus constitutione; vt Ecclesiasticus ordo ab omnium profanorum Iudicium, etiam Ducu, ac ipsius summi Principis iurisdictione prorsus liber esset; ita ut ne per exceptionem quidem vllam, aut reconuentionem, pertrahi ad vllum profanum, siue laicum forum possent: Summo Pontifice suo id diplomate confirmante? vt habet Cromerus lib. 7. Hist. Quorum priuilegiuꝝ instar, respectu vtriusque immunitatis, personarum videlicet, & bonorum Ecclesiæ, in omnibus ferè Christianis Prouincijs, per Principes seculares concessa plura noscuntur: quibus, si Ecclesia de se hanc haberet immunitatem, nullatenus indigeret.

Prima Responsio ad Argumenta.

HÆC argumenta sunt conuinia, & similia, & ideo à nobis simul hic posita; ad quæ breuiter, & verè posset responderi, sicuti supra ferè

responsum fuit; hæc priuilegia concessa à Principibus secularibus Ecclesie circa immunitatem personarum, & bonorum, seu exemptionem, ut dicunt, qui ex priuilegijs ortum habuisse eam asserunt, non fuisse verè Priuilegia sed veram restitutionem immunitatis, quam Ethnici Principes tyrannicè Ecclesiasticis interceperant personis, & bonis; & ipsi Principes Christiani paulatim didicerunt Ecclesie esse debitam, & à Christo, & eius Apostolis institutam: postquam Prælati, & Ecclesie Doctores, temporis successu, id ipsis efficaci periuasione suggesserunt.

Ergo quotiescumque Principes seculares de immunitate Ecclesiastica leges tulere fauorabiles Ecclesie Ministris, non dicuntur certè noua priuilegia constituisse, sed ab onere veterum discessisse legum: quia ut supra bene probatum est, numquam à principio Clerici subiacerunt laicæ potestati: in quam sententiam communi ferè consensu Iurisprudentes eunt: ut Bald. in Authent. statuimus, Alex. Conf. 8. Videtur super primo nu. 1. vol. 1. Bertrand. Conf. 182. Prima etenim. num. 36. volum. 2. Riminald. iunior in c. Quæ in Ecclesiis. sub num. 54. de Constit.

Quibus non obstat, reperiri constitutiones Pontificum, in quibus eximuntur Clerici à potestate Iudicis laici: quia responderetur, tales eorum exemptiones, & prohibitiones esse potius declaratorias, quàm de nouo promulgatorias; cum iam antea à tali subiectione essent immunes, ut inquit Gloss. in c. Si Imperator. in verbo, & discuti. 96. d. quam sequuntur plures grauissimi Iurisprudentes, à quibus citandis abstinemus, contenti ipsius Ioannis Pontificis aurea verba referre, scilicet: [Ad sacerdotes Deus voluit, quæ Ecclesie disponenda sunt, pertinere, non ad seculi Potestates: quas si fideles sunt, Ecclesie suæ Sacerdotibus voluit, esse subiectas,] & infra: [Non à legibus publicis, non à Potestatibus seculi, sed à Pontificibus, & Sacerdotibus omnipotens Deus Christianæ religionis Clericos voluit ordinari, & discuti.] Glossæ verò verba sic habent: [Ergo antequam esset aliqua Constitutio, Clerici non erant de iurisdictione seculari. Vnde omnes Constitutiones, quæ emanauerunt, quòd Clerici nō sūt iudicandi, nisi ab Episcopis, nō sunt nisi Iuris Diuini declarationes.]

PRIMUM NOTANDUM.

Circa Euangelij per urbem plantationem.

SED pro plenissima Argumentorum solutione, notandum est primò: Initio nascentis Ecclesie, in id Apostolos persuadendum Gentibus ad fidem conuersis maximè desudasse; ut intelligerent, nullum ex disseminatione Euangelij fieri Apostolis, & eorum Discipulis prædicatoribus compendium, siue diuitiarum, siue humanæ gloriæ, potentie, & æstimationis: immò his contemptis, se esse paratos, illorum bonis in nullo grauatis, eorum libertate in nullo lesa, suis etiam sumptibus, & suis

laboribus, sua patientia, iminò, & ignominia, [per infamiam, & bonam famam, per gloriam & ignobilitatem,] vt ait Paulus Euangelij lucem illis inferre: modò remedia ad hoc, vt è suis mentibus infidelitatis, & vitæ veteris, & profanz tenebras eliminarent, accipere non recusarent. De quo dixit Paulus, ad Ephes. cap. 5. [Eratis aliquando tenebræ: nunc autem lux in Domino.] Et 2. ad Corinth. c. 12. [Non quæro, quæ vestra sunt, sed vos.] Et specialiter, 1. Corinth. c. 9. postquam longo sermone docuisset, mercedem deberi suam Euangelij, ministris, ex ipsius Christi instituto, addidit: [Sed non vsi sumus hac potestate: sed omnia sustinemus; ne quod offendiculum demus Euangelio Christi.] Et 2. ad Corinth. c. 11. ait: [Aut numquid peccatum feci, me ipsum humilians, vt vos exaltemini: quoniam gratis Euangelium Dei annunciaui vobis?] Et infra: [Et cum essem apud vos, & egerem, nulli onerosus fui; nam quod mihi deerat suppleuerunt fratres, qui venerunt à Macedonia: & in omnibus, sine onere me vobis seruaui, & seruaabo.] Et cap. 12. ait: [Signa tamen Apostoli facta sunt apud vos, in omni patientia.] Et Act. c. 20. loquens maioribus Ecclesiæ Ephesinæ, sic coram eis suam, circa hoc, causam, perorauit: [Argentum, & aurum, aut vestem nullius concupiui: sicut ipsi scitis: quoniam ad ea, quæ mihi opus erant, & his qui mecum sunt, ministrauerunt manus istæ.] Et de sua patientia, vt Thessalonicenses Christo lucrificaret, scribit ad illos, 1. Epist. c. 2. [Nam & ipsi scitis, fratres, introitum nostrum ad vos: quia non inanis fuit: sed antè passî multa, & cõtumelijs affectis, sicut scitis in Philippis.] Hinc Chrysostomus docet, quòd isthæ orbem Christo fidelem, ac obedientem pepererunt: in Apostolis, & Euangelicis Prædicatoribus: [terribilium perpeffio, diuitiarum neglectus, gloriæ contemptus, & secularium negotiorum segregatio.]

Ergo ad rem, de qua agimus, Apostoli, & Prædicatores Euangelij, & Ecclesiarum Prælati, qui ne offendiculum vllum ponerent Euangelio, in locis, vbi erat opus, siue actiue, siue passiue illud vitare, à Christianis aliorum locorum victum, & vestitum accipiebant: & summa cum humilitate, & patientia conuersabantur illis: quid efficerent in exercenda potestate, & superioritate fori exterioris Ecclesiastici à Christo Domino, propuniendis ciuilibus culpis Christianorum, quæ ad illum forum pertinent, instituti? carcere siue signarent? compedes, & catenas præpararent? machinas erigerent, ad reos torquendos? Nequaquam. Et tamen lex Christiana non erat iniustior antiqua lege præcipiente, Deuter. c. 25. Pro mensura peccati, erit & plagarum modus; neque apud illam ignorabatur bonos virtutis amore peccata odio prosequi, quæ committere mali, vel pœnam propter ipsam, reformidant. Hac igitur necessitate, compulsi Apostoli, ad pœnas confugerunt spirituales, in quibus admittendis nihil Christiani dubitarent; vt quas scirent, nihil omninò commodi imponentibus Prælatibus, sibi autè salutarem esse futuras medicinâ.

Hinc Apostolicorum Canonum pœnæ illæ, excommunicationes, & ab usu Eucharistiæ remotiones, & Sacerdotum depositiones, & similes aliz. Hinc pœnitentiæ illæ publicæ antiquæ non solum, sed etiam solennes, maxima cum animi alacritate à delinquentibus acceptatæ: de quibus Augustin. Epist. 54. Concil. Carthaginens. 2. & 3. Orig. in Homil. 15. in Leuit. Ambros. de pœnit. c. 10. S. Syricius Papa, Epist. 1. c. 5. vt Feria etiam quarta in capite Ieiunij saccis induti, ab Ecclesia per Episcopum expellerentur, instar Adami, è Paradiso extorris: quousque Feria quinta Hebdomadæ pœnosæ, ad reconciliationem, & communionem recipiebantur. De qua solemnī pœnitentia est frequens mentio apud omnes Auctores, qui de officijs Diuinis Tractatus composuere. Et apud Innocent. 1. Epist. ad Decennium Episcopum Eugubinum, c. 7. & Concil. Agathen. apud Gratia In. c. in capite. d. 50.

Colligitur confirmatio II. Conclusionis 2. Partis.

HIVS doctrinæ insigne exemplum habetur, 1. ad Corinth. c. 5. supra adductum, sed hic obiter repetendum. Condemnatus Apostolus Paulus in foro exteriori Ecclesiastico quemdam Corinthium publicum incestuosum: vt qui patris sui habebat uxorem: longo præambulo sermone, c. 4. sic Ecclesiam Corinthiorum alloquitur: [Sic nos existimet homo, vt ministros Christi, & dispensatores mysteriorum Dei.] Et multa deinde differens, qualiter minimi faceret à Corinthiis iudicari, idest, approbari, & commendari; sic enim explicat Georgius Græcus auctor; siue reuera illud [d vobis iudicer] intelligatur: iudicio sisti, vel vobis, vel [iudicer ab humano die,] idest, cuiuscumque iudicio, ex Ambrosio. Nam sicuti dies iudicii appellatur in Scriptura dies Domini, sic iudicium hominum, dicitur dies humanus: (quem locum supra, 2. Parte aliter explicuimus, etiam ad idem intentum) subdens deinde, sibi nihil conscium esse; muro ahenico se esse munitum: nulla facti conscientia, nulla culpa, qua palleſceret, prægrauari: nihilominus addit: [Qui autem iudicat me, Dominus est:] idest, approbationem, & commendationem Domini magnificatio; non enim qui, vel à se, vel ab alio commendatur, est approbatus: [sed quem Deus] approbat, vel [commendat;] vt ipse dixit, 2. ad Corinth. c. 10. Vel certè est sensus: soli iudicio Domini, neque alicuius alterius, subsum: quasi Apostolus, quasi vester Episcopus, Pastor, & Pater: [Nam per Euangelium ego vos genui.] ex 1. ad ipsos c. 4.

Neque obiter pertranscundum nobis est: hic, Paulum Scripturæ antiquæ Interpretem Diuinum, videri formaliter, ac literaliter alludere, ad locum illum Ieremiæ, cap. 17. Vbi cum Propheta præmississet, maledictione cum hominem præpeditum iri, qui in homine consideret: statuendo, videlicet, [carnem brachium suum:] idest, in humana fragilitate sua spei figendo anchoram, & firmando potentiam: ex Augustino, lib. de Gra-

tia, & lib. arb. cap. 4. ſubdit deinde: [Benedictus vir, qui confidit in Domino: & erit Dominus fiducia eius:] addit infra de Iudeis ſuis contribulibus, eius verbis, quaſi ex ore Dei non procedentibus, fidem abnegantibus: ac ſeſe prædicationis, ac commonefactionis Prophetice iudiciis, ac cenſoribus conſtituentibus: [Ecce ipſi dicunt ad me: Vbi eſt verbum Domini? veniat. Et ego non ſum turbatus, te paſtorem ſequens; & diem hominis non deſideravi: Tu ſcis. Quod egreſſum eſt de labijs meis, rectum in conſpectu tuo fuit. Non ſis tu mihi formidini: ſpes mea tu in die afflictionis.]

Ecce conqueſtio ſimilis Paulina cum Corinthijs, eos cum fuit de verbo Domini, circa Eccleſiaſtica Hierarchiæ, ac Politicæ immunitatem, cap. ſequenti 4. inſtructurus. Præiacto enim fundamento, ſe eſſe miniſtrum Chriſti, & diſpenſatorem myſteriorum Dei: hoc eſt in Deo, non in homine fidere, ſubdit: ſibi nihil eſſe curæ, quod Corinthij de ſuæ doctrinæ veritate, de ſui miniſterij facultate, de ſuæ diſpenſationis, circa Eccleſiaſticam iuriſdictionem, auctoritate vellent iudicare: cum nihil certe deberet turbari, etiam requiſitus à Corinthijs de hoc verbo Domini: cum ipſum Dominum Euangelij ſui Auctorem paſtorem ſequeretur, cuius iudicio ſolo hæc erat cauſa reſervata. Et ſicuti Ieremias, rectum fuiſſe, quod de ore eius egreſſum fuerat, affirmavit: ſic Paulus, & ſibi nihil conſcium eſſe: & ſicuti Propheta adhuc poſt declaratam ſuam innocentiam, Dominum deprecabatur: ne illi eſſet formidiniſ: ſic Paulus, à Domino conſiderans, ſe ſore iudicandum, ſuæ diſſidens innocentiz, [non in hoc, inquit, iuſtificatus ſum.] Tandem Ieremias diem hominis, id eſt, proſperitatem humanam, nõ deſideravit: & Paulus ab humano die, id eſt, Corinthiorum, ſive quorumcumque fidelium laude approbari contempſit, ſive ſicuti Ieremias, ex Chald. interpretatione, diem hominis, id eſt, tribulationem, & afflictionem inimicis ſuis non optavit: ſic Paulus, ut ſupra innuebamus, in die mala, non timebat à die mala: in ſuis, videlicet, periculis, ac laboribus, pro Euangelicæ doctrinæ diſſeminatione, pro nihilo reputavit, præiudicata hominum ſententia, vel approbari, vel reprobari: nihil illis vñquam mali optans, qui ipſus in prædicando veritatem detraxerat libertati: dummodo curſum Euangelij propagandi, ac ex eo docendi Eccleſiæ Prælatorum poteſtatem, conſummaret.

Quorſum hæc omnia Paule? In fine illud addit Capitis: [Quid vultis? inquit, in virga veniam ad vos, an in charitate?] Quo loco per virgam exponit Auguſtinus, lib. 3. contra Epiſt. Parmeniani, c. 1. iudiciariã poteſtatem puniendi peccatores, & delinquentes, in foro etiam exteriori: in eandem conſcientibus explicationem Chryſoſtomo, & ceteris eius loci Interpretibus. Ergo ſic intelligendus eſt Paulus loqui: ſive approbetis, ſive me commendetis præ alijs Apoſtolis, qui omnes ſumus miniſtri Chriſti: ſive de mea vita, & moribus, & converſatione velitis, quã

tumuis vestrum non sit, sed Domini, iudicare; omnino ego sum vester iudex Ecclesiasticus in foro exteriori. Vultis ergo, ut veniam ad vos rigidus index, an mansuetus Pater? Audite ergo me patienter, & continuat, c. 5. [Omnino auditur inter vos fornicatio, & talis fornicatio, qualis nec inter Gentes; itaut uxorem Patris sui aliquis habeat;] & proferens sententiam, concludit postea: [Ego quidem absens corpore, præsens autem spiritu, iam iudicavi, ut præsens, eum, qui sic operatus est. In nomine Domini nostri I E S V Christi, congregatis vobis, & meo spiritu: cum virtute Domini nostri I E S V Christi, tradere huiusmodi hominem Sathanæ, in interitum carnis: ut spiritus saluus sit, in die Domini nostri I E S V Christi.] Quem locum sic explicat Theodorus Græcus, quod per abiectionem ab Ecclesia, & abalienationem à Deo, in potestatem Sathanæ veniret.

Mirum est, quàm hic locus secundam Conclusionem, à nobis in 2. Parte superius positam, illustret. Ecce Christianus reus incestuosus; cuius delictum, etiam hodie, ad forum exterius Ecclesiasticum pertinet. Ecce iudex Episcopus, & Apostolus Paulus, quasi pro tribunali sedet: [Absens, inquit, corpore, præsens autem spiritu, iudicavi eum, qui sic operatus est:] id est, condemnauit: sic enim intellexit, & transtulit Interpres Syrus. Ecce sententia: Christi nomine inuocato, videlicet: [In nomine Domini nostri I E S V Christi, &c.] Hoc non est expressè in Pagina noui Testamenti, habere Ecclesiam, & suos Prælatos de iure Diuino, iurisdictionem distinctam à seculari Potestate in civilibus causis? Est certè: nisi ab hac littera longè discedamus.

Sed legatur deinceps finis illius Capitis: [Nonne, inquit Paulus, de his, qui intus sunt vos iudicatis? nam eos qui foris sunt Deus iudicabit. Auferte malum ex vobis ipsis.] Ecce verba expressa fori Ecclesiastici à laico foro, & iudicio distincti. Ecce Paulus sit, qui omnem animam docuit fore Potestatibus sublimioribus subditam, & qui, si audiret Corinthiuni aliquem Christianum laicæ Potestatis subterfugere dominationem, illum acriter reprehenderet; confirmat Corinthios, ut erigant tribunal Ecclesiasticum, & in eo diffinitiuis sententijs culpas civiles, ad illud, castigent, pertinentes. Ecce verba concepta, scilicet: [Auferte malum ex vobis ipsis;] mutuata ab Apostolo, ex præceptis iudicarijs Domini, in antiqua lege, crediderimus, in Deuteron. à. cap. 13. & deinceps nouies repetita.

Obiectio contra prædicta diluitur.

ATTAMEN pro huius primi notabilis maiori adhuc claritate, instemus cum ijs, qui hanc immunitatem sentiunt, non esse diuinis traditam; sic contra arguendo: Apostolus hoc casu, solum usus fuit sententia excommunicationis: neque negamus Prælatos Ecclesiæ, hanc

posse

posse imponere : hoc enim ad illorum pertinet spiritualem potestatem de qua 1. Principio dictum est, non esse questionem : nam pœnas spirituales, iuxta suam Politiam, seu Hierarchiam merè spiritualemente, à nomine negatur, posse ab illis in Christianorum delictis applicari.

Nam hinc objectioni, seu nostri Notandi solutioni, sic respondetur vel hic Prælatus in Ecclesia Apostolus Paulus, imposuit hanc pœnam, & protulit hanc spiritualemente sententiam excommunicationis in hunc hominem Corinthium, ea sola ratione, quæ Christianus existens, delictum contra sextum commisit Decalogi præceptum; quasi idem potuisset facere contra quodcumque peccatum, circa quodcumque admissum præceptum; & si hoc datur, est consequens, non solum iuxta 1. Conclusionem 2. Partis, omnes causas, & lites Christianorum quorumcumque; à Prælatis Ecclesiæ posse indicari, si illi consentiant, vel illorum implorent tribunalia : verum etiam debere iudicari necessariò, per pœnarum spiritualium applicationem; immò, quæ iam est maior Ecclesiæ potentia, per pœnas etiam corporales : quod non credimus admissum iri : ut Nauarrus infra citandus docet : quod Episcopus, videlicet, contra publicum furem, vel percussorem, vel contumeliosum in fratrem secularem quemcumque sententiam ferat excommunicationis, & illum Sathanæ sic tradat : vel illum pœna temporali, & corporali mulcet. Ergo illa pœna excommunicationis fuit per accidens spiritualis : ratione, videlicet, euitandi nunc strepitum pœnarum corporalium, quibus, ut in Ecclesiastico tribunali sit nunc, debuisset ille Corinthius castigari. Ergo illa sententia ab Apostolo in Corinthium incestuosum prolata non fuit, quasi à iudice spiritualis Hierarchiæ potestate vtente, ratione peccati simpliciter : sed tamquam à iudice Ecclesiastico Politico, & Politica Ecclesiastici externi fori vtente potestate in causa, quam hodie etiam in facto videmus ad Ecclesiæ forum externum pertinere. De quo argumento videndus Nauarrus, in c. Nouit. de iud. Notab. 6. num. 21. & 22. Vbi asserit sibi difficultimum illucisque visum fuisse.

Quod si dixerint, Causa Corinthij incestuosi erat mixti fori, vnde potuit Apostolus de illa cognoscere : habemus intentum : Ergo Ecclesia habet de iure Diuino exterius forum, cum quo habeat seculare forum mixtum quarundam causarum cognitionem : nam, mixti fori, tertij sunt relatiui ad verumque forum, quorum altero deficiente, delicta neutrius mixti fori, vocarentur.

II. NOTANDVM: SEV AD I. CONSEQUVTIO.

VRGENTISSIME verò hunc locum prosequendo, notamus secundò, Apostolum Paulum eosdem Corinthios, 1. ad illos. cap. 10. instruxisse sic : {Rogo autem vos: ne præsens audeam, per eam confidentiam, quæ existimor audere in quosdam, qui arbitrantur nos, tamquam

secundum carnem ambulamus.] Edidit enim, sic vos in bonum componite, ne, cum ad vos venero, iure meo utar, per eam potestatem, qua in suspicionem venio aliquorum, quasi corporeis pœnis velim vos in officio continere: & subdit: [In carne enim ambulantes, non secundum carnem militamus:] idest, haud hac forma, per pœnas calligando corporales, divulgare decreuimus Evangelium: cuiusq; Hierarchicam, ac Politicam potestatem: quod non terrore, sed amore à vobis & credi, & operibus cupimus, acceptari. Subdit per parenthesis: [Nam arma militum potest non carnalia, sed potentia Deo, ad destructionem munitionum,] idest, adeo valida Dei virtute, vt munitiones & machinas Principis huius mundi eutrescere, & demoliri possint: sequitur, [consilia destruentes,] idest, (continuando superiora) militamus non carnalibus pœnis legem Evangelicam plantantes, sed consilia Græcè λογισμῶν, idest, syllogismos, & Philosophorum vanas, sicuti humanas rationes, quibus ad fidei nostræ principia se munijunt destruenda, destruimus, & dissoluimus. Sequitur: [et omnem altitudinem,] videlicet scientiæ, siue potentie deprimimus, [extollentem se aduersus scientiam Dei: & in captiuitatem, redigentes omnem intellectum in obsequium Christi.]

Eccce forma divulgandi Evangelium, qua oculis, & auribus intuentium, & audientium proposita, adeo faciles faceret progressus, vt ad illud quærendum, excipiendum, & obseruandum Gentes mutuis sese exhortationibus incitando consuerent, illud Isai. c. 2. complentes, & dicentes: [Venite, & ascendamus ad montem Domini, & ad domum Dei Iacob. Et docebit nos vias suas:] ne doceant nos vltra Philosophi, vel potius decipiant suis consilijs, seu sophismatibus: quia, [non docebit iam, vir proximum suum:] ex Isai. cap. 31. sed omnes erimus discipuli eius, idest, [docti à Domino,] ex Isai. 54. & Ioan. c. 6. qua audita, & credita doctrina, sequuntur dicentes, quò ad promptam obedientiam fidei operum designandorum, [et ambulabimus in seminis eius:] & reddunt sui facti rationem, videlicet: [quia de Sion exibit lex, & verbum Domini de Ierusalem:] idest, hæc lex, & hoc verbum Evangelij docetur à Deo, dicitur, & commendatur à Domino, cuius ignis est in Sion, & caminus eius in Ierusalem. Isai. c. 31.

Eccce differentia nouæ, & antiquæ Legis, & divulgationis variusq; Vetus Legem latus, Exod. c. 19. manifestatur Deus Moyse terribilis in monte, ignem, & fumum spirante, qui mortis timorem ipsi populo incussit. Et c. 24. promittit, se illi daturum legem scriptam in tabulis lapideis, Et c. 31. dicitur: [Dedit quoque Dominus Moyse completis huiusmodi sermonibus in monte Sinai duas tabulas testimonij lapideas, scriptas digito Dei.] Et c. 32. [Et reuersus est Moyses de monte, portans duas tabulas testimonij in manu sua, scriptas ex veraque parte, & factas opere Domini. Scriptura quoque Dei erat sculpta in tabulis.] De noue

legislatione scribitur, Act. c. 2. [Apparuerunt Apostolis disperata lingua, tamquam ignis:] in cuius medio non solum non sunt timore percussi, non astutiae, Eccl. c. 51. verum [ceperunt loqui,] scaturigine maxime consolationis perfusi, [prout Spiritus sanctus dabat eloqui illis.]

Ecce non Moyses portans in manibus legem scriptam in tabulis lapideis, sed illud Deuteronom. c. 33. ad litteram completur, dictum de Deo, legem Christianam ferente: [In manibus eius ignea lex,] de igne Dei in Sion, videbitur, & de camino eius, quod erat in Ierusalem, vt dixit Isaias procedens iuxta cuius legis splendorem, & ardorem, docet Paulus cum sua illa feruenti charitate, cum patientia, Corinthios, & Christianos omnes legis Christianae disciplinam, non cum carceribus, non cum pauore, non cum timore, non cum corporearum infirmitate poenarum, quibus occupatur Gentes ad legem, & Legislatorem, & eius Ministros accedere, formidarent. Toto caelo erant haec mysteria, agenda diuersa: in Legis enim Mosaicae latione, populus ad montem Sina appropinquare prohibetur, de legis Christianae diuulgatione, dicitur consequenter in Deuteronomio: [Qui appropinquant pedibus eius, accipient de doctrina illius.] De quam doctrina? qua homines liberi vagentur, nullis poenarum timoribus praepediti? quod natura ad malum prona instigante, & lege nulla poena prohibente, per suorum possint desideriorum exsecutionem spaciari? Absit. Nam legis Christianae disciplina non legibus Platonis, non Aristotelis, Licurgi, Solonis, & similium erat ordine, & iustitia superanda: in quibus lumine solum naturae ducti earum conditores, praemio, & poena per leges ostensis, ac impositis, docuerunt optime, omnem esse Rempublicam moderandam.

Haec omnia otiose videbatur dicta, si Apostolum ad Corinthios, locis quae tractamus, post obsecrationes, & preces, sermonem, prosequenter audierimus, institutum: [In promptu, ait, habentes vltisibi omnem inobedientiam: cum consumpta fuerit obedientia vestra.] Verba aurea, immo verba ignea contra quosunque forum Ecclesiasticum exterius, & immunitatem Ecclesiasticarum personarum esse de iure Diuino, & a Christo ipso fuisse institutum, abnegantes. Quorum verborum hic est sensus germanus, nullo Doctore Catholico repugnante. Postquam vos Corinthij remedia adhibueritis, a me praescripta: illis non proficientibus, ad vltionem delictorum vltius procedemus. Remedia autem data ab Apostolo, Corinthijs, & quae dabat Christianis, in delictis puniendis, erant illa quidem spiritualia, erant illa pharmaca, quibus ex conditio Apostoli vti decreuerunt, quia erant excommunicationes a Christianorum fratrum commercio; ab Ecclesia eiectiones; ab Eucharistia vsu priuationes: in Ecclesiasticis vero personis, etiam depositiones, & similes poenae, quae ad animarum salutem ab Apostolis excogitatae, omnem a delinquentium Christianorum animis extimerent suspensionem.

Prælatos Ecclesiæ aliud, quam illorum æternam salutem procurare. Quo autem erat ulterius procedendum, explicat illis verbis; [in præputu habentes vlcisci omnem inobedientiam;] ac si diceret, remedijs lenibus, suauibus pharmacis, blandis medicinis, quæ, (quantumuis sint alijs dura, cum ad solam charitatem, & animarum tendant salutem, ipsi delinquentibus alicubi, ea vel per publicam, vel per solemnem penitentiam admittere non solum non recusantibus, verum etiam, ut spiritus saluus fiat in die Domini, illa appetentibus,) ex præscripto nostro processerunt, vestra obedientia applicatis in culpis publicis, energia, & optata efficacitate carentibus: iam deinceps sum paratus, pœnis corporalibus, contra delinquentes procedere, signatis carceribus, & iudicio aduersus eos instructo, Ecclesiastico in foro; ut iustitia charitati succedens, partes sit legis Christianæ in nullo deficientis, impletura.

Igitur idem Apostolus, qui Corinthijs, quorum multi deliquerant, vel ipsi delicta perpetrando, vel aliorum culpis conniundo; ut 1. Epist. ad illos, dicto c. 5. notauerat: scribens illis secundam, c. 1. sic in fine ait: [Ego autem testem Deum inuoco in animam meam: quod parcens vobis, non veni ultra Corinthum; non quia dominamur fidei vestræ:] id est, distuli venire ad vos, ne rigorofo examine de vestris delictis in foro exteriori Ecclesiastico esset mihi opus inquirere. Quod, absit, dicam, quia præfecturam, & dominationem velim mihi super vos arrogare, ea ratione, quia Christianam apprehendistis disciplinam; quod vel maximè ab ea, & à meis est moribus alienum. Epistolam tamen concludendo, c. 13. ut illorum animi hac semel imbuerentur opinione, Apostolum id magnis de causis, & speciali, & necessaria consideratione fecisse: non quod ex legis ordinatione, aliter sibi agere non licuisset: sic ad eos loquitur: [Prædixi enim, & prædico ut præsens vobis, & nunc absens, ijs, qui ante peccauerunt, & ceteris omnibus: quoniam si venero iterum, non parcam.] Et infra subdit: [Ideo hæc absens scribo: ut non præsens durius agam, secundum potestatem, quam Dominus dedit mihi in ædificationem, & non in destructionem.] Durius posse agere Apostolum, potestatem habere ad alias pœnas, quam excommunicationem, quam iam apud Corinthios exercuerat, infligendas; quantum alia potestas est, quam coercitiua potestas Ecclesiastica, medijs carceribus, catenis, compedibus, pecuniarijs pœnis, & similibus corporalibus, & temporalibus, castigationibus, quæ, in foro cōtentionoso Ecclesiastico, eas merentibus infliguntur? Quam potestatem non à Principibus secularibus, non ab eorum donationibus, priuilegijs, & exemptionibus habuisse, sed à Christo, plenis buccis in Imperatorum Romanorum conspectu, asseruit Apostolus sibi traditam: quod Ecclesiastici fori ædificium perduraret. Vnde superius eodem hoc dixerat capite: [An experimentum queritis eius, qui in me loquitur Christus?] dum in eorum errata exteriori iudicio, ac pœna, si

opus esset, se anlmaduersurum minaretur. Quamtuuius, vt postea dicitur, gladij huius potestatem Ecclesia, quoad Imperatores Christiani effecti fuere, consueuissima ratione, non fuerit vsa.

Cuius discursus, & loci Paulini expressam assertionem de hac immunitate, ordinatione, & traditione Diuina in Ecclesia a suis initijs constante, ipse Pauli visum est alio testimonio vltimo confirmare: omnem huius secundi Notandi, & longam seriem hoc epologo breui ex ipso ad Timotheum 2. c. 4. scribente sic, concludendo. [Testificor, inquit, coram Deo, & Christo IESV, &c. Prædica verbū, in sta opportune; importune argue, obsecra, increpa in omni patientia, & doctrina.] & paulo post: [Tu verò vigila, in omnibus labora, opus fac Euangelistæ.] Ecce quanta, commendat Apostolus Ephesiorum Episcopo Timotheo, vt Christianæ obseruantia cursus apud Ephesios prosperaretur: vnico tamen verbo quod supererat sic concludit: [Ministerium tuum imple:] id est, si doctrina tua patiendū non capitur, fac vt agendū capiatur: Si dicta non sufficiunt, accedant facta: Si contemnunt verba, experiantur verbera: Si conuincere reos non est sat, vincere sit satis: Si obsecrari se non sinunt, obserari conueniet: Si culpam increpatio despiciat, deprecatione indigeat poenarum: quas per Deum [per Christum IESVM, qui iudicaturus est viuos, & mortuos per aduentum ipsius, & regnum, testificor] esse ab eo in Ecclesia ordinatas, iuxta Ministrorum, Prælatorumque Ecclesiæ præscriptum, in foro exteriori, delinquentibus imponendas: quibus hanc dedit, sicut, & mihi potestatem; vt eorum ministerium copiosius impleatur. Immo vt lex Euangelica, (iuxta quod 3. Principio ostendimus) legibus omnibus esse perfectior demonstretur.

Quæ omnia à Paulo, Timotheo, & in eo omnibus in Ecclesia futuris Episcopis, Pastoribus, & Præfatis, iniungebantur, eo modo tractanda, & in vsu, & exercitio præstanda: vt pro temporū varietate, iuxta Ecclesiæ maiores, vel minores vires prudenter, gererentur: quod nos docuit ipsa rerū mater experientia; vt, videlicet, illis humilioribus Ecclesiæ initijs, Prælati in ea, pœnis spiritualibus, prius adhibitis Christianis discipulis, iuxta delictorū mensurā puniendos aliis, corporaliter, ciuilibus Principū laicorū Potestatibus traderentur supra dictū est: pro qua causa gladiū portabant, etiam vt Dei ministri, Temporū verò successu, Ecclesiæq; & respirante, & viribus aucta, in suo foro potentiori, & ad pœnas etiam temporales, & corporales adhibendas apto, & instructo punirentur.

Obiectio contra prædicta ex ipso Paulo dissoluitur.

VNVS ex ipso Paulo, contra ipsius Pauli tam hic, quàm in superioribus adductam doctrinam, scrupulus restare videtur: cum tam ferius Christi homini inuitator, qui Ioan. c. 6. ne Rex à turbis eligeretur, fugam in montem arripuit: immò postea cap. 18. regnum suum non esse

de hoc mundo affirmavit, Christianos omnes, & præcipue Ecclesiasticos sic docuerit Ministros: 2. ad Timoth. c. 1. [Nemo militans Deo implicat se negotijs secularibus:] quia doctrina, toties assertam, temporalem Ecclesiasticam Iurisdictionem, quasi secuti negotijs plenam, visus fuit Apostolus condemnasse.

Respondetur tamen Christum, quem habitabatur Apostolus, noluisse Regem creare in hoc mundo; & mundi, quæ mundus formaliter est, regnum prudentissimè recusasse; quia Rex atroxus d. Patet constitutus erat super Sion montem sanctum eius; & acceperat Gentem heroditatem suam, & possessionem suam terminos terræ: ex Psalm. 1. Undè etiam Apostolis, & successoribus eorum non Regnum aliquod terrarum, sed Ecclesiasticam præfecturam eum amplissima commisit potestate.

Quæ quamvis ad res Divinas, & æternas propriè pertineat; (undè etiam nomine clauum Regni celorum appellata est) tamen ad res etiam terrenas, & corporeas se extendit, quoties id postulat fidei causa, religionis incolumitas, animarum salus, & exterioris, Politicæque administrationis Ecclesiasticæ ratio. Quare non implicat se, (vt ad Apostoli Christi imitatoris deveniamus edictum;) negotijs secularibus, qui secularia negotia non propter præsens seculum, sed propter æternam, attingit felicitatem. Alioquin Apostolus ipse negotijs se implicasset secularibus, dum. 1. ad Corinth. c. 7. & 1. ad Timoth. c. 5. de coniugati debito reddendo, & de nuptijs adolefcentium viduarum, & de liberorum procreatione, & educatione adeo singularia præcepta tradidisset. At de hoc 1. Parte supra à nobis fusius disputatum est. Patergo de Ecclesiasticis iudiciis. &c. fol. 37. & tit. Pro Ecclesiasticis circa iudicia secularia occupatis fol. 66.

TERTIVM NOTANDVM.

Circa statum Christianorum initio Ecclesie.

NOTANDVM tertio pro argumenti solutione, quo pacto initio nascentis Ecclesie status Iudæorum, siue etiam Gentium, quæ fidem Christi amplectebantur, se haberet. Ergo eò ipso quod aliquis ex Hebræis ad Christianam transibat professionem, ceteri Iudæi crucis Christi inimici, tam effrato animo, tantaque eos indignatione infestabantur; vt eorum nedum personis, si possent, vim inferrent; verum etiam illorum res perdere, inuadere, diripere, ipsis summa esset religio. Hoc Saulus verum esse, Actuum cap. 9. abundè demonstravit; primò pater-narum traditionum abundantius æmulator existens;] vt ipse testatur ad Galat. c. 1. Iudæos Neophytos persequendo; postea verò à Christo misericordiam consequutus, ex Iudæo seruente factus Christianus ardens, in ipso se conversionis limine, multis modis à Iudæis ad mortem appetitus. Quod ipsum ex martyrio Stephani, & eius concione ad Iudæos,

habita A. 3. c. 7. & ex persecutione magna in Ecclesia facta A. 3. c. 8. vberius comprobatur.

Sed videndum, qualiter ipse Saulus, iam Paulus, ad suos contribules scribens, cap. 10. sic eos laudat: [Rememoramini pristinos dies, in quibus illuminati magnum certamen sustinulistis passionum. Et in altero quidem opprobrijs, & tribulationibus spectaculum facti, in altero autem socij taliter conuersantium effecti. Nam & vincis compassi estis, & rapinam bonorum vestrorum cum gaudio suscepistis, cognoscentes vos habere meliorem, & manentem substantiam.] Neque maior fuit gratia Gentilium in eos, qui ex ipsis Christo nomina dabant: ab illis enim, ut erant rabidi, & truces, Christianorum bona crudeliter diripiebantur. Hoc docet idem Paulus ad Thessal. 1. c. 2. sic eorum fortitudinem comendans: [Vos enim imitatores facti estis, fratres, Ecclesiarum Dei, quæ sunt in Iudæa: quoniam & vos eadem passi estis à proprijs contribulibus, quemadmodum & illi à Iudæis.]

Ille tamen priori feritate, in Iudæis iam proprijs sedibus per Romanos pulsus, ratione commutationis status, deferuescente: in Gentibus verò, ratione numerosissimæ Christianorum multitudinis, mitescens, tam hi, quam illi, ceperunt Christianorum bonis minus inhiare: & contenti Gentium Principes, (nam Iudæorum prorsus corruit imperium) cuiuscumque essent conditionis, sive laicis, sive Ecclesiasticis vsibus inferrent, gravissimis tributis, vectigalibus, & censibus onerare. Exstat huius veritatis insigne testimonium apud Socratem Hist. Eccles. lib. 3. c. 7. de Iuliano Apostata Imperatore, qui exactione, & multis pecuniarijs persecutionem Christianorum gravissimè auxit: quam occasionem nacti Prouinciæ præfides, ipsi etiam indolenti proprij causa, longè grauioribus exactionibus, Christianos exhaustabant. Quod si addamus ex Tertulliano in Apolog. c. 43. solitos fuisse Gentiles conqueri de Christianis, quod à contributionibus, pro suorum templorum fabricis, se suberaxissent: facile intelligemus, quibus oneribus ab ipsis Gentilibus super suis bonis premeantur. Quæ tamen Christianarum prioribus illis seculis facies, ne per Historiographos amplius relata, quærat, presentem statum bonorum, quæ Christiani sub tyrannide communis inimici Turcæ possident, sub tot, & tam importunis tributis, exactionibus, & rapinis, manifestè qualis fuerit conspicietur.

II. RESPONSTIO AD ARGVMENTA.

QUÆVS adnotatis, iam est faciliè ad Argumenta proposita respondere. Nam etiam antiquis istis persecutoribus cessantibus, Gentilium Imperatorum, & Principum, Christianarum Prouinciæ Principes, & Imperatores, & Principes Christiani cum suis Ministris, cum suo regimine, cum suarum Rerum publicarum institutione, in antiqua se-

conspi-

conspicerent exstare possessione, etiam attentata, etiam iniusta, de delictis etiam Clericorum, in suis tribunalibus cognoscendi; & exigendi tributa, & census à bonis, etiam Ecclesiàrum vñibus applicatis: non fuisset facile immunitatem Ecclesiasticam circa has res, per Ecclesià Patres sibi demonstratam, à Christo institutam, & traditam fuisse de iure diuino, ad vñi, & praxim reducere; immò fuisset impossibile, nisi firmissimis suis Sanctionibus pragmaticis id cauissent; vel forum Ecclesiasticum exterius stabilire: vel à tributis bona Ecclesiastica liberare. Vocentur ergo ab eis donationes, priuilegia, exemptiones, exceptiones, liberae concessionis, vel huius integræ immunitatis relaxatio, alijs mille nominibus ad libitum ab eis, vel à quibuscumq; contrarium sentientibus Doctoribus, nuncupentur; nobis numquàm aliud. certè erunt, quàm, Leges, seu Constitutiones immunitatem firmantes, quàm Dominus IESVS in Ecclesia tradidit, ac instituit; vel illius immunitatis declarationes: vel veriùs restitutiones; nam antiqui moris contrarij, & consuetudinis numquàm allegare potuissent præscriptionem: non solum tamquam male fidei possessores, verum etiam, quia, cum hæc immunitas esset de iure diuino statuta, eam contra Ecclesiam non potuerunt præscripsisse.

Quòd si ex Constitutionibus Imperatorum, vel Principum, immunitatem hanc, iuxta veritatem, Ecclesià restituentibus, iuxta aliquorum doctrinam, eam priuilegijs, vel donationibus, relaxantibus, licet arguere; illam, Ecclesiam de iure diuino traditam non habere; licet sic viris contra vxores arguere, vbi non fuerit specialis, & expressa lex prohibens concubinatum: videlicet, Constantinus Imperator. 1. de Connub. C. Theod. statuit, ut nemini licentia concederetur, matrimonio constante, concubinam apud se habere; Ergò hoc fuit priuilegium ad vxorum editum fauorem, ergo aliàs licet concubinam vxori adiungere. Mala consequentia. Concubinatus enim de iure diuino, vxoratis est prohibitus: Matth. c. 5. & 19. & 1. ad Corinth. c. 6. Sanciat igitur de hoc legem Imperator, ea enim opus est, non ad ius, quod iam præexistit, statuendum; sed ad Imperatoria Maiestate, ius illud diuinum ad praxim, & vñm reuocandum.

Sancimus, dixit Imperator Iustinianus, ut Canones quattuor sanctorum Conciliorum seruentur. An idcirco Canones hi auctoritatè, robur, & vim habent sua à Iustiniani Sactione? Absit. Ergo dū Imperatores, Reges, Principes, Populi, & Nationes, de iure, de fide, religione, statutis, præceptionibus, legibus, constitutionibusq; Diuinis aliquid statuunt, leiscunt, sanciunt, imperando, prohibendo, permittendo, hæc earum rerum, quas ita iubent, vel vetant, Auctores sunt, neque ab eis dicendæ sunt institutz. Hominum enim sententia, scita; decreta, vel suffragia, vertere rerum essentiam, vim, & efficacitatem nequeunt: quàm ex sua natura sortiuntur. Itaq; Imperatores, Reges, Principes, Constitutiones de ciuili Ecclesiastica potestate publi-

cantes, quæ aliàs à Deo emanauit, non secus fecerunt, aut faciunt, quam Magistratus, cum Principum statuta, & leges generales seruare iubent: quod rectè, quidem faciunt, estque eorum munus: legum tamen vis haud ab eis proficiscitur, quarum condendarum non ipsi, sed Princeps habet potestatem: apud quem summum Imperium ad id necessarium reperitur.

Sub hac agendi forma, multi Reges in suis dominijs, de Ecclesiasticis rebus leges tradiderunt: quas suis populis, vt Ecclesiæ tutores, ac defensores seruandas commendarunt. Sic Catholici Hispaniæ Reges copiosissimè, qui eorum erat Catholice fidei zelus, de rebus Sacris, ac Ecclesiasticis personis, multa suis cauerunt legibus, ac ex veterum Patrum sanxere decretis: sicuti 1. Parte Constitutionum Regni, titulo 4. l. 72. & quinto, l. 66. vbi de Pontifice Maximo, quas ob causas constitutus sit, explicant: item quæ sit eius auctoritas, ac potestas; quod fortasse nullo in loco alio clariùs, ac dilucidius pertractatur. Ibidem de toto ordine Sacro statuitur: Episcopos demonstrant hospitalitatis, docendiq. causa institutos. Et quid mirum, si de hisce rebus, etiam à Regibus, tot leges ferantur? Omnium namque cum intersit, illorum maximè interest, statum, ac ordinem Ecclesiasticum, quasi Reipublicæ dignissimam partem, sanam, ac incolumem conseruare.

Exstiterè olim frequentes, apud Ethnicos Philosophos, disputationes, quis optimus esset Reipublicæ status? Et varijs inter eos, discrepantibusque sententijs, solus Christus Dominus silentium imposuit: cum in optimis Antistitibus illum esse docuit collocatum. [Vos] inquit Matth. c. 5. [estis sal terræ:] quo sine, omnia putrescunt. [Vos] inquit Matth. c. 5. [estis lux mundi:] qua sine, omnia tenebræ. [Vos] inquit Matth. c. 5. [estis ciuitas super montem posita:] id est, estis ceteris eminentiores: vt qui sitis Episcopi, & Pastores ab Spiritu sancto constituti: quibus sine Ecclesia nihil aliud erit censenda, quàm, grex huc, atque illuc dissipatus. Hinc non solum Pontificijs, Ecclesiasticis, & Comitialibus fuit opus legibus: sed iustissimorum etiam Regum: vt consultissimè ista omnia suis in regnis anteuertent: & status Ecclesiasticus, sub Regum protectione se esse considerans, suis munij diligentius vacet obeundis: ac status, & ordo secularis, Regum, ac Principum curam, de Ecclesiasticis conseruandis functionibus attendens, suis contentus spatijs, Ecclesiæ non inhiat immunitatibus auferendis, ac diuitijs deuorandis.

Huc igitur Regum leges, & illæ maximè Hispaniarum collimant: vt nedum Pontificij libri, Concilia, & Patres Prouinciam omnem de statu edoceant Ecclesiastico, verum etiam Constitutiones, legesque Regiæ, quæ tantam apud Gentem habent auctoritatem. Hæc verò haud putandæ sunt vlla ex parte Pontificis Maximi debilitare Maiestatem; immo magis iuuare: cum vtraque Potestas & sacra, & profana sibi mutuas impendunt operas: vt vtraque omni adhibita cura, sollicitudine, ac dili-

gentia inuicem se conseruare, & possit, & debeat: & Diuina, humanaque sint coniuncta, & deuincta; cum vnus sit vtriusque Princeps æternus Deus, & Christus, à quo vtraque fuit, & qui vtramque continet in hac mortalium procuratione, vtramque ministram, vtramque habeat Reipublicæ Christianæ, ex vtroque constante statu, perennitati famulantem.

Sed pro maiori totius rei explicatione, & vt intelligatur, quid ad Imperatores, Reges, Principes Christianos spectet: pro Hierarchiæ, & Politicæ Ecclesiasticæ statu tuendo, defendendo, ac conseruando, placuit adscribere formaliter quattuor Capitula Canonica, ex 23. q. 5. quæ sic habent. Primum est Isidori dicentis:

Principes seculi nonnumquam intra Ecclesiam, potestatis adeptæ culmina tenent; vt, per eandem potestatem, disciplinam Ecclesiasticam muniant. Ceterum intra Ecclesiam Potestates necessariæ non essent: nisi, vt quod non proualent Sacerdotes efficere per doctrinæ sermonem, Potestas hoc impetret, per disciplinæ terrorem. Sæpè per regnum terrenum, cæleste regnum proficit: vt qui intra Ecclesiam positi, contra fidem, & disciplinam agunt, vigore Principum conterantur: ipsamque disciplinam, quam utilitas Ecclesiæ exercere non proualet, ceruicibus superborum potestas principalis imponat; & vt venerationem mereatur, virtutem Potestatis impartiat. Cognoscant Principes seculi, Deo sed ebere esse reddituros rationem, propter Ecclesiam, quam Christo tuendam suscipiunt. Nam, siue augeatur pax, & disciplina Ecclesiæ per fideles Principes, siue soluatur, ille ab eis rationem exigit, qui eorum potestati suam Ecclesiam tradidit.]

Item Leo Papa c. [Res autem omnes aliter tutæ esse non possunt: nisi quæ ad Diuinam confessionem pertinent, & Regia, & Sacerdotalis defendat auctoritas.] Vbi Gloss. verb. Cõfessionem. explicat, idest, [ad Ecclesias Christum confitentes.]

Item ex Cõcilio Turonensi 3. c. [Incestuosi, parricidæ, homicidæ, multi apud nos reperiuntur; sed aliqui ex illis Sacerdotum, nolunt admonitionibus aurem accommodare; volentes in pristinis perdurare criminibus: quos oportet, per secularis Potentis disciplinam, à tam praua consuetudine coerceri: qui, per salutifera Sacerdotum monita, noluerunt reuerti.]

Item Hieronymus super Ieremiam. c. [Regum officium est proprium, facere iudicium, atque iustitiam, & liberare de manu calumniantium, vi oppressos: & p. regnis, pupillisque, & viduis, qui facilius opprimuntur à potentibus, præbere auxiliũ: & vt curam eis præceptorum Dei maiorem inijceret, intulit: Nolite contristari, vt non solum eripiat: sed ne patiamini quidẽ, vt vestra cõuiuentia eueniat, eos ab alijs contristari; & sanguinẽ innocentẽ nõ effundatis in loco isto. Homicidas enim, & sacrile-

gos, &c. Et post pauca: Si, inquit, hoc feceritis, o reges Iuda, tenebitis pristinam potestatem.

Huius Sanctorum doctrinæ limitibus, si se Imperatores, Reges, Principes Christiani contineant, pacatam habebunt matrem suam Ecclesiā; quod Augustinus ab illis postulat: ut vidimus supra, hoc argumentum etiam tractantes, 2. Parte. Arg. 1. contra 2. Concl. tit. Pro solutione horum argumentorum generali. fol. 142.

Idem dixerimus de omnibus alijs Constitutionibus Imperialibus, quæ in corpore Iuris habentur, non solum dictam tribunalis Ecclesiastici immunitatem, in rebus civilibus, attingentibus, sed ipsa merè spiritualia, quæ in primo Principio retulimus, ordinantibus. Quo iure enim, (si sana mente, quod credimus, procedebant,) de spiritualibus Sanctiones ediderunt, eodem & de civilibus ordinarunt; quod si malo animo processissent, quæ necessitate fuere postea coacti, à sanciendo circa merè spiritualia, ibidē cōtenta, desistere debuerunt etiā ab impedienda civili, & Politica administratione Ecclesiæ destitisse. Neque fuisset unquam possibile omnes Christianarum Nationum Imperatores, Reges, Principes, & laicas Potestates vnanimi conspiratione, ut dictum est, in hac asserenda Ecclesiæ immunitate conuenisse; nisi Ius diuinum in eorum cordibus id scriberet, diceret, inspiraret.

TERTIVM ARGVMENTVM.

Contra totam Politiam Ecclesiasticam.

AD calcem probationis primæ Conclusionis 2. Partis Tractatus huius, & alibi remisimus argumentum difficile hoc loco dissol- uendum; quod est generale ad omnia, quæ de Ecclesiastica, & Iurisdictione, & Immunitate, hucusque, quasi firmissima, diximus, confedere. Arguere igitur sic liceat, contra prædicta: Conclusionum præpositarum constante veritate, & statu, ac ordine Ecclesiastico de Iure diuino immuni passiuè à Laicorum Principum iurisdictione; eodemque statu, ac ordine actiuè superiore, ac iudice legitimo constituto, in omnibus Christianorum causis. nihil omnino videtur ab Ecclesiastico exceptum foro: vnde consequens, seu necesse est, omnem secularium Principum iurisdictionem penitus absorberi. Quæ certè est grauissima difficultas: & à pijsimo, & doctissimo Nauarro, dicto c. Nouit. de Iudic. optime ponderata.

Itaque internam iurisdictionem Ecclesiæ, eiusque Prælati esse attributam, faciliè, ac sine inuidia admittunt Principes: quæ, communione, cōgressuque fidelium delinquentibus in materia congrua, interdican: eos, videlicet, excommunicant: quod iurisdictionis est: ut latè de Sent. excom. & ex l. Vlpiani 8. de Pœnis, habetur. Admittunt etiam ea, sine quibus hæc

iurisdictione nequit explicari: quæque necessario comprehendit: qualia sunt, rei vocatio, seu citatio; eiusdem defensio; & si oportuerit, & voluerit, inde ad aliud etiam Ecclesiasticum maius tribunal prouocatio: qui ordo iudicij, etiam in hac interna iurisdictione exereenda, necessarius est: ex Concilio Sardicensi, & Carthaginensi, & alijs apud Gratianum, 1. r. q. 3. Et tandem caussa est docenda legitima: vt habetur 2. q. 1. ex Iustiano in Authentico, de Sanctissimis Episcopis: nisi interueniat contumacia: vt eodem loco ex Concilio Triburiensi demonstratur. Hanc iurisdictionem appellare etiam, externam, nihil vetat: nos eam, internam esse, dicimus: ea ratione, qua animos hominum, quasi vinculis, adstringit. [Omnis Christianus,] dicit Augustinus, 1. 1. q. 3. [qui a Sacerdotibus excommunicatur, Sathanæ traditur. Quomodo? quia, scilicet, extra Ecclesiam diabolus est, sicut in Ecclesia Christus: ac per hoc quasi diabolo traditur, qui de Ecclesiastica communione remouetur.]

Nec difficiles se præbent Catholici Principes, plures casus Ecclesiasticæ civili iurisdictioni relinquendo: quos refert Nauarrus, ad c. Nouit. de Iudicijs. Notab. 3. num. 123. Attamen asserere, sicuti nos mordicus & asseruimus, & asserimus, ex Euangelij dispositione, Matth. c. 18. [Si peccauerit, &c.] omnes lites Christianorum ad Iudices Ecclesiasticos fuisse deferendas ita, vt peccatum, seu crimen, hanc iurisdictionem illis tribuere videatur: adeo est difficile intellectu Principibus laicis, vt statim colligant, hoc concessio, ad Ecclesiasticum exterius forum omnia esse delicta pertrahenda, suasque iurisdictiones funditus interire.

Molineus urget hoc argumēto: & eius euasiones contra Politiam Ecclesia.

HOC argumentum fuit Molinzi, quasi Achilles: quo Ecclesiz potestatem, ac iurisdictionem conuellere, sibi posse persuasit. Premebatur certè primum, expresso Euangelij textu, quem negare non poterat: licet illud detortè nimis voluerit explicare: quasi non esset ibi sermo, nisi de peccatis publicis: quod nullo modo subsistere posse, iam 2. Parte circa 1. Concl. dictum est. Deinde Constituta illa Theodosij, & Caroli Magni, relata supra 2. Parte circa probationem 10. Concl. 2. fol. 125. quæ illa Epistola Innocentij 141. ad Galliz Episcopos, vnde c. Nouit. de Iudic. sumptum fuit, etiam notat: vt siue actor, siue reus, posset, etiam alio inuito, & lite contestata, Iudice relicto laico, Episcopum adire: vt suo iudicio litem dirimeret: hæc, inquã, Constituta, hominem, alias ingenij acerrimi, valde conturbarunt: considerantem, illa veterem Episcoporum auctoritatem insigniter demonstrare: neque leuiter Imperatores tantos ad illud Episcoporum tribunal plurimum ampliandum processuros fuisse; nisi Ecclesia, & illius Sacerdotium Euangelica, quoad suam iurisdictionem, maiestate fuissent originaliter ampliata. Quocirca gratum lectori faciemus, si ad quas angustias res tanta Molinæum adegerit, ex ipsius

hac formali responsione cognoscamus.

Hoc factum esse, inquit, cum Principes, etiam Franci, & Gallici nullū faciebant quæstum de litibus subditorum: nec sacrosanctam Iurisdictioni administrationem quæstui habebant; sed debito oneri: nec aliud quærebatur, quàm vt lites, & earum occasiones minuerentur: & subditi quambrevissimè, & minori sumptu sincerum ius obtinerent: quo etiam tempore ambitiosi, & indocti non fiebant Episcopi: sed viri sanctitate, doctrinæ, & vitæ conspicui: quorum iudicio, (si eis vacabat) pacificari subditos, non solum subditorum intererat, sed Principum: qui sic eate- nīs commodè exonerabantur: nec periculum erat, quòd veteres illi Epi- scopi, hac occasione, iurisdictionem Principum sibi vendicarent. Et pau- lō post: Et sic cessante causa legis, videlicet, Innocentia, Doctrina, & Fidelitate Episcoporum eius temporis; quibus tam Principes, quàm subditi tutò fidere possent, cessat lex.] hucusq; Molinæ.

Contra evasiones Molinæ.

HI C primò clarissimè conspicitur, quid sit *εὐνοία*, seu con- tra torrentem niti: ecce quanta in paucis verbis censura digna, in homine, qui nedum Episcoporum, verum & Principum se Censorem iactavit. Sacram ergo iurisdictionem Episcoporum in laicos excidisse primò, ait, ex Principum quæstu: cum olim hand fuerit quæstuosa, sed Principum munus, & officium. Et quidem primam huius assertionis par- tem diffisile probabit; cum lucra ex iuris, & iusti administratione, cir- cæ lites, & iurgia, antiquissima apud Principum, & Rerum publicarum ditiones sint: possentq; exempla, etiam invidiosa, adduci contra litium antiquos comperendinatores, vipereumque sibilantes aduocatos: quæ ostenderent, quæstus rationem numquam litibus, in foris secularibus, tractandis defuisse. Est tamen; alicubi quæstuosa non fuerit: sed Prin- cipum munus, & officium haberetur: quid aliud secundò sacrorum Mini- strorum iurisdictionem commendat magis, quàm eam à Principibus il- lis fuisse approbatam; qui eam, suum esse munus, reputantes, hand meli- us suo functuros se munere credebant, quàm si eam exercendam Epi- scopis, ac Ministris Ecclesiasticis reliquissent? Tertio ingenuè, hand ab ingenuo teste, ingenuam tamen in se ipsa confessionem excipimus, & ve- neramur: quòd, scilicet, quotiescumque quærebatur, litibus, & earum tri- buiariis occasionibus, & subditos breviter, paruo sumptu, sinceroque iure iudicari, id in Ecclesiasticis Ministris fuisse omninò reperendum. Hucusque Principum antiquorum sanam mentem fuisse narrat Moli- næus, præsentium verò taxat avaritiam: qui, siue sint, siue non sint, Episco- pi huius tempestatis tales, quales fuisse olim statim subiungit: quæstui tamen inhiantes, ab illis integram illam, quam habebant prius, vel sal- tem, quam illis Theodosius, & Carolus reliquerant, iurisdictionem in

laicos abstulerunt. Quo casu, quid opus fuit ad inclinatam præsentium Episcoporum virtutem confugere? Quantumcumque enim illa suis staret numeris absoluta, cupiditate intercedente Principum, exstingueretur: hæc enim si regnet, potentior est, & res maiores in orbe demolitur: quanto magis iure, si quod erat illis ea in re, Episcopos spoliaret?

Attamen quartò, an mitius cum Episcopis agat, perlustremus. Tripliciter eos inurit nota: scilicet, Innocentia, Doctrina, & Fidelitate defecisse: quæ supponit, legis exstirpasse causam: eaque deficiente, vulgaribus id ostendentibus iuribus, legem omnino cessaturam. Currit hic Molinæus, plusquam discurret: mouetur affectu, effectu non stat: rapitur oratione, ratione non fertur: quid enim opus est Innocentia Episcoporum? quid Doctrina? quid Fidelitate? Nihil enim eis suorum iurium tutum, nihil eis saluum foret, ubi quæstu, & lucro res à Principibus ageretur. Deinde, integerrimis Episcopis aliquot, ex tantò eorum numero, existentibus, doctrinaq; & innocentia conspicuis: cum ratio in eis non cessaret legis, nec ipsa cessaret: nisi petulanter, ac procaciter tales esse hodie aliquos, immò multos Ecclesiæ Præsules negaretur. Quintò; isthæc omnia insanam eorum hominum redolent hæresin, qui subiectionem, & obedientiam ijs Præfectis exhibendam afferunt tantum, qui vitæ merito, sanctitatēq; pollerent: hæc enim interna sunt, Deoq; soli cognita; neque parendi necessitas, efficiendiq; obligatio, quæ legitimi Præsides commendant, ab animorum puritate, sed à suorum munerum nascitur designatione: docente, & dicente Christo, etiam de Scribis, & Phariseis Moysis doctrinam exponentibus, cum ab eius longius abessent exercitiorum Matth. c. 23. [Super cathedram Moyse sederunt Scribæ, & Pharisei. Omnia ergo quæ dixerint vobis, seruare, & facite: secundum opera verò eorum nolite facere.] Nam de Infidelitate Episcoporum, quod dicit causam fuisse, quare adempta fuerit eis: illa grandis iurisdicctio; periculo, scilicet, subeunte, ne reliquam etiam omnem sibi vendicarent: fidem non reperiet apud prudentes: inermes enim Sacerdotes armatorum Principum numquam ditiones vi oppugnassent: sicuti neque armati potentiaq; instructi eas hucusque alicubi terrarum oppugnarunt. Ecce quæ terra opplere, quo puluere voluit Molinæus, sacram Ecclesiasticam iurisdictionem obscurare.

PRIMUM EX XVIII. NOTANDIS.

ERG O pro huius rei declaratione, primò notandum est: Totius huius controuersie caput esse, legem illam Christi, Matth. cap. 18. latam, & à nobis superius expositam: 2. Parte, Concl. 1. scilicet: [Si peccauerit in te frater tuus, &c.] Lex illa in hac potissimum potestate spectanda est: quæ eum sensum facit, quem ibi diximus, quemque Innocentius 111. dicto c. Nouit. de Iudicijs. constanter defendit; ut de peccato sit

omninò iudicium, ac Censuram Ecclesiæ iudicium; dicente Christo: [Si peccauerit, &c.] Dixerimus de peccato, vel certo, vel ab accusante per errorem, vel malitiam, peccato reputato. Nullus igitur negare potest, Christum Ecclesiæ de peccato decernere notionē, & iudicium: ait enim: [Si peccauerit, &c. dic Ecclesiæ.] Eò ecce res à vobis reducta, ut iam, non cum personis, an ratio legis cesserit in eis, sit agendum: sed ea ipsa sit in se lex circumspicienda; cui opponi, de dicta ratione cessante, non potest: ut cum Christi Legislatoris iustitia, & æquitas nitatur, ab hominibus haud valeat prehendi.

SECUNDVM NOTANDVM.

EST secundò notandum: Facile nos admittere, in publicis, seu per vulgatis peccatis, nihil impedire, quem moneri priuatim; & ita de ipsis posse cum argui, adhibitis etiā testibus, & formula Evangelij seruata; quod & Hostiensis, & Felinus docent. Verè tamen non est necessaria: cum neque teste tunc, neque accusatore sit opus: ut iam ostendimus. Vnde Paulus negotium hoc decidisse videtur: dum 2. ad Timoth. c. 5. ait: [Peccātes coram omnibus argue:] id est, [conuictos,] ut explicat Glossa [ut ceteri timorem habeant;] docens publica publicè esse reprehendenda. At priuata priuatim arguenda, docent Ambrosius ad Caput 17. Lucæ, & Hieronymus ex ipso Paulo 2. ad Thessalonicenses: sic eos instruente: [Quod si quis non obedit verbo nostro, per Epistolam hunc notare: & ne commisceamini cum illo, ut confundatur: & nolite quasi inimicum existimare: sed corripite, ut fratrem.] Ecce diuersæ reprehensionis diuersi fines: in priori, ut ceteri coercentur, intendendum est; in posteriori, ne quis suo vulgato scelere fiat impudens, & præfractus. Intelligi autem præcipua ratione in illo Evangelico textu, non ea flagitia, quæ peruulgata, seu notoria dicuntur; sed quæ latent, explicauimus superius, ex Augustino: quod & repetit ad Cap. Matth. 13. & apud Grat. 2. q. 1. sic illum locum explicans: [Si peccauerit in te, id est, in te solum scientem:] quod & Hieronymum, & Chrysostomum ostendimus docuisse: neque hanc aliquis ymquam Doctor explicationem impugnauit.

Immo habemus eam ex Canone 79. Concilij Nicæni, sic dicente: [Et quicumque ex Ecclesia aliquid indignum faciat; adhibebitur ei remedium, per exhortationem, & diligentem admonitionem; dum non est manifestum, quod facit: ut non perseueret in eo, & discedat à via Sanctorum Dei, eorumq; conuersatione; imponendaq; ei pœnitentia, prout conueniet. Quod si pœnitentia, & exhortatione non emendetur, separetur à communione fidelium, & abscindatur, tamquam membrum putridum: ne contagio eius in reliquum corpus peruadat. Et qui non paruerit, Synodus eum excommunicat.] Hic Canon nihil aliud est certè, quàm expressio quædam verborum Christi: [Si peccauerit, &c.]

TERTIVM NOTANDVM.

TERTIO est notandum; Maximam inter Doctores Catholicos quaestionem versari, de quibus delictis loquatur Christus Dominus: nam si de omnibus sit eius sermo, nihil erit, de quo non sit ad Ecclesiam referendum; siue in criminali, siue in civili conuersione sit negotium peragendum: cum omni iudiciali, & negotiali quaestioni subfit iustum, vel iniustum; & peccatum verum, vel imaginatione comprehensum. Nam si quis, ut de actione loquamur personali, ex aliquo contractu, vel quasi contractu, maleficio, vel quasi maleficio, sit mihi obligatus, (qua ratione obligatio his contineri dicitur à Iurisprudentibus, l. i. de Actionibus, & obligationibus; & in Instic. Iuliani) num peccare videbitur in me, si non soluat? similiter ille in quem actione, in rem, vel interdico experiri possum; si rem quam vendico, vel possessionem non restituat, an non in me peccare dicam? Siue cum etiam explicuerimus, illud peccatum genericè, ac in vniuersum fore de ijs etiam, quæ contra Deum, & proximum perpetrantur, intelligendum; si illa etiam Ecclesie sunt indicio deferenda, quid civili iudicio relinquatur? Quod si contra intelligamus, nihil horum Christum complecti, quid ergo erit Ecclesie? quorsum dici, vel quid dici Ecclesie à Christo imperatum est?

QVARTVM NOTANDVM.

QVARTO est notandum; Doctores Canonistas huius legis Christi pondere hinc oppressos; & illinc Argumenti facti vi, absolutam delictorum notionem Ecclesie negare: ut scilicet, per accusationem proceditur: illam tamen certis in casibus ei concedunt planè, & absque ulla conuersione. Sic Hostiensis, Ioannes Andreas, Barbatius, Panormitanus, & alij multi censent, verbum hoc: [Si peccauerit, &c.] ad hæc tantum pertinere: ad crimè suapte natura Ecclesiasticum, ut Simoniam, Hæresin, vsuras, nuptiarum causas, iniurandum, pacem, publica delicta, & quibus præterea in rebus civile iudicium non datur; ut in obligatione, naturalitantum; ad causas quoque calamitosorum; miserorum, & afflictorum fortunæ hominum; ut viduarum, pupillorum, inopumque; ex ijs, quæ traduntur à Gratiano, d. 87.

Sed hæc omnia copiosius cum suis expressis textibus, refert Nauarr. ad c. Nouit. de iudicijs. Notab. 3. Argumento posito. n. 2. & resoluit in eius solutione sic. nu. 123. [Fatendum est potestatem Ecclesiasticam in casibus in eo relatis, & alijs, quos referunt in eo citati, cognoscere inter laicos: eo quod ea, de quibus cognoscit, sunt supernaturaliter instituta, vel reuelata: quales sunt articuli fidei: & qualia sacramenta, aut eis annexa: & sacramentalia: & per legem Diuinam supernaturalem declarata, cum essent obscura, sola lege naturali attentæ; qualis est prohibitio vsurarum,

aut inest eis aliquid supernaturaliter institutum: quales sunt personæ, & res Ecclesiasticæ: aut cognitio illa est necessaria, vt aliqui consequantur vitam æternam: aut ad tollenda impedimenta, illa consequendi: qualis est gubernatio Imperij vacantis, & datio curatoris alicuius regis: & similia.] Quæ sequuntur apud Nauarrum, iam ad aliud genus rerum pertinent, ibi videantur.

A Doctoribus ergo ijs, qui ad hæc peccata, & ad res has circumscribi volunt illam legem Christi, cuius rationem non docent, rogamus. Quis amplissimæ, ac vniuersæ legis illius sententiam cancellis illis circumsepsit? Deinde illæ distinctiones, ac subdistinctiones, potius casuum, confusionem, quàm claritatem, innuunt: vt difficillimè inter Ecclesiasticos, & laicos iudices, de illorum positiva, vel priuatiua cognitione, possit conuenire. Tertiò, hi casus quamam via Ecclesiæ tuti, ac salui erunt? An, quia ei Christus de iure Diuino, eos dicta lege concessit? an quia Principes sic illos admiserunt: vt potuissent etiam recusare? an, augeri, vel minui ad suam, ac suorum Consiliariorum, & Ministrorum, voluntatem possent? Nam si ex rerum, ac personarum ratione, ac circumstantijs, visum fuit semel, legis sententiam hisce vinculis adstringere; illis, quod facillimum est, mutatis, rursus oporteret, legem strictius coarctare. Ac tandem, & à Principibus, & à Doctoribus inquirimus, cum Isai. c. 40. [Quis mensus est pugillo aquas, & ælos palmo ponderauit? Quis appendit tribus digitis molem terræ, & librauit in pondere montes, & dolles in statera? Quis adiuuit spiritum Domini? aut quis consiliarius eius fuit, & ostendit illi? Cum quo iniit consilium, & instruxit eum, & docuit eum semitam iustitiæ, & erudiuit eum scientiam, & viam prudentiæ ostendit illi?] vt cum illam sanxit legem, sic voluerit omnino, fuisse intelligendam, sicuti dicti Doctores autumant, ne alias à iuris eorum prudentia deuiaret?

Q V I N T V M N O T A N D V M.

Q V I N T O est notandum: Quod cum aliqui Doctores Theologi, & Iurisprudentes etiam teneant, hanc Ecclesiæ miram potestatem cepisse à Christo passo, nempe à tempore, quo dixit Petro, Ioan. c. 20. [Pasc oves meas:] & refertur c. Solitz. de Maior. & obedientia, qui possent etiam adducere illud Matth. c. ult. [Data est mihi omnis potestas in cælo, & in terra. Euntes ergo, &c.] alij dicant ortum habuisse à tempore, quo Christus dixit Petro, Matth. c. 16. [Tibi dabo claves regni cælorum:] nos cum hæc loca Evangelica partim iam supra tractauerimus; partim simus infra vberiùs tractaturi, 4. Parte: & sciamus, ijs optime probari, Ecclesiæ, ac eius summi Pontificis potestatem; nihilominus horum Auctorum sensui nihil repugnantes, etiam nostrum proponimus, cum Doctoribus alijs, approbandum.

Is ergo est, illam Christi legem, Matth. c. 18. toties à nobis repetitam, iurisdictionis Ecclesiasticæ fortissimum, ac firmissimum iecisse fundamentum: ut qui eam impugnant, sicuti impius Molinæus, impugnans iniquè, ac traducens Innocentium 11. qui dicto c. Nouit. de iudicijs. ei, inter alia, innitebatur: legē illam oppugnare videantur, ad quam tuendam adiunxit Christus Dominus, statim ab eius sanctione, admirabilem illam potestatem, qua nulla alia umquam hominibus continget maior: firmissimūq; illud excommunicationis Ecclesiasticæ præsidium, quod inicitur ijs verbis, ex receptissima sanctorum Patrum, & Doctorum interpretatione; immò ab ipsis Hæreticis non negata: [Si peccauerit in te frater tuus, corripe eum inter te, & ipsum solum. Si te audierit, lucratus eris fratrem tuum; si autem te non audierit, adhibe tecum adhuc unum, vel duos: ut in ore duorum, vel trium testium stet omne verbum. Quòd si non audierit eos, dic Ecclesiæ. Si autem Ecclesiam non audierit, sit tibi sicut Ethnicus, & publicanus. Amen dico vobis, quæcumq; ligaueritis super terram, erunt ligata & in cælo: & quæcumq; solueritis super terram, erunt soluta & in cælo.] Quæ lex, nisi de accusationibus super flagitijs, peccatis, delictisue, quibuscumq; siue in nos, siue in proximum, siue, quod est maius, in Deum, loqueretur commissis, haud tam firmo fundamento sancti Patres, & vniuersa Ecclesiæ, eiusdem potestatem in excommunicandis rebellibus, & accusatis fontibus, collegissent.

S E X T V M N O T A N D V M,

NO T A N D V M est sexto: Philosophos antiquos multa de differentiæ arte, multa de rebus naturalibus, earumq; causis, de Diuinis etiam non pauca, & disputasse, & conscripsisse, tam ingeniosè, quam eruditè: quin etiam de ea Philosophiæ parte, quæ ad mores pertinet, siue Ethicæ, siue OEconomicæ, siue Politicæ spectamus, plurima litteris prodidisse. Legumlatores præterea priscos statutis, decretis, ac sanctionibus pluribus Respublicas ornasse, instituisse, ac gubernasse; sic verò hæc, ut cùm Philosophi, quam Legumlatores omnes virtutem nobis, tãquam egregium quoddam caput, oculis tamen orbem designarint. Cùm enim Charitas, & Humilitas virtutis veluti oculi sint: quibus sublatis, omnis eius splendor extinguitur; alteram illi, scilicet, Charitatem ne, per somnum quidem, quod dicitur, umquam conspexerunt: hinc omnino caruerunt vinculo perfectionis: alteram, scilicet, Humilitatem è virtutum numero semper expungendam, atque inter vitia censuerunt collocandam: vnde totius studiosæ actionis absolutum ædificium, eius fundamento sublato, deturbarunt. Et hoc est, quod Augustinus in illis merito desiderabat, lib. 7. Confess. c. 20. cùm se ex Platoniorum librorum lectione Charitatem, & Humilitatem discere, negaret, potuisse. Hoc & cap. sequenti latè prosequitur: & à nobis nunc inducitur, qui sumus me-

mores, 3. Principij huius Tractatus, ubi differentiam inter leges Civi-
les, ac legem Christianam notabamus.

Ergo quid amplius hæc Christiana Respublica ceteris, seu antiquitas celebratis, seu in posterum celebrandis, habeat: qua parte earum, ac Regnorū, Principatuum, Imperiorum emineat legibus, sciris, decretis, statutis, sanctionibus, si consideremus, legis Christianæ Charitatem, ac Humilitatem statim inspicimus: & hisce virtutibus suam Politiam omnem contineri videntes, oportet, illam quibuscumque alijs legibus præponamus. Charitas Verbum æternum fieri hominem in tempore fecit: dicente ipso, Ioan. c. 3. [Sic Deus dilexit mundum, ut Filium suum Unigenitum daret.] Quod & 1. Epist. c. 3. & 4. Attius reperitur ab ipso Ioanne: accitante Apostolo, ad Rom. c. 7. & ad Ephesic. 2. & alibi sæpè. Et qui Charitate sua sola moris, ad tantam se degnisse Humilitatem, ut morte Crucis, humillimo patiendi genere, consummaretur: nihil aliud sæpius, nihil enivis, nihil diligentius hominibus, quam Charitatem, per Evangelij latitudinem, commendavit. [Finis præcepti,] Idcirco Apostolus, 1. ad Tim. c. 1. est Charitas. In x. præfectio etiā explicatur. Finis enim ac legis Christianæ perfectio unico Charitatis nexu, exercitio, & vinculo terminatur. Nouerat hoc optime Iohannes Euangelista, suis discipulis Charitatem, usque ad illorum etiā natiuitatem, prædicando: hoc adhibito pharmaco, ut, eam quasi repetitam Crantem, gustu exciperent placido, facilibusq; auribus eandem iteratam sæpius doctrinam auscultarent: quod præceptum Domini, Charitas in proximum, esset: quo adimpleto, subdidit Paulus, ad Rom. cap. 13. legem suis integrè partibus adimpletam.

Fuit igitur, quod optamus, maxime animaduerti ab Ecclesiasticis omnibus, ratio ea præfixa Christo Domino, eiusque discipulis Petro, & Iudæ, qui, sua Canonica, dominationem spernentes taxat, & Apostolo Paulo, qui doctrinam hanc in tertio hausit cælo: vt, videlicet, seculares secularium causæ Christianorum, quatenus sunt Christiani, in Ecclesia, per Ecclesiasticos Ministros, vel ab eis designatos iudices, decernerentur: vt Charitas inter eos vigeret, nutritur amor, seruetur dilectio, conspiceretur Humilitas, flagitium tolleretur.

Charitatem Christus, & eius Apostoli Christiane Politicæ institutores, in Christiano actore postulante utrum primò conveniat amicè super delicto in se admisso, Christianam ab eo satisfactionem expectando. Charitatem adhuc ab eo expectant: dum unum, vel duos adhiberi secum statuunt; quò testibus additis, à convicto reo, Arbitris cum illis confudentibus, aliàs satisfactio negata possit obtineri. Charitatem, & ulterius ab illo exigunt, dum ad Præfectum Ecclesiasticum rem totam iubent, ab eo deducit: ut non tantum Ethnicis legibus, siue aliis Civilibus, quâ tum ex legis Christianæ æquo, & bono, ius & fas dicto actori tribuatur. Humilitatem commendant reo: dum, quia damnum intulit

vel iniuriam fecit, volunt, absque sua iniuria, à læsa parte secretò conu-
niri, corripì, & admoneri. Humilitatem docent illum: dum argui testi-
bus deberi volunt, & vnus, vel duorum sui dedecus facinoris demonstrā-
tium stare verbo. Humilitatem illi exponunt vberius exercendam: dum
Præfetti Ecclesiastici iudicio, vt obediat, præcipiunt: ni velit à com-
munione fidelium extorris, ipsi Dæmoni præda factus, quasi alter Cain
profugus peruagare. Humilitatem contra actori præ oculis ponunt:
dum iniustum passum, cum iniuste agente, mitissimo se gerere modo con-
stituunt, vt conditionis humanæ, miseræ, scilicet, ac talibus subiectæ
accidentibus, memor, non tumore præsentis sui iuris, sed timore simi-
lis futura casus, eandem benignitatem impendat peccanti fratri, quam
sibi peccanti ab eo optaret exhiberi. Charitatem simul obtendunt reo:
dum quàm ipse, iniquè agendo, discedit, cum fœnore reportat: quando
sive actor, sive Pneumatici, vel spirituales, & sapientes ab eo Arbitri in-
ducti, sive Ecclesiastici Præfetti, seu indices, non malum pro malo illi,
quod supra dicebamus ex Augustino, reddentes: sed iræ locum dantes,
cum ad mutuam cum fratre charitatem, primò omnium procurant, con-
ciliandam, reuocare.

SEPTIMUM NOTANDUM.

SEPTIMO notandum est: quo pacto hæc omnia, quæ theoricè di-
cta sunt, in praxi vera reperiuntur: ex locis & superius adductis, &
modo, quia id rei postulat ratio, repetendis. Clemens Epistola illa 1.
sæpè citata, refert, sibi Petrum præcepisse: vt lites laicorum Diaconis,
immo laicis ab eis instituendis, dirimendas committeret; propter ne-
cessitatem; ne laici apud infideles disceptarent; quod est in Christianam
religionem contumeliosum; & ne Episcopus in ijs occuparetur, cuius
cura, & sollicitudo essent, Dei verbo prædicando, melius reseruanda. Non
commisit etiam hoc Presbyteris, sed Diaconis, vt puderet laicos ire ad
Ethnicos iudices; cum scirent esse in Ecclesia infra Episcopos, immò in-
fra Presbyteros, qui possent, & noscerent sapienter causas de dissidijs, ac
rebus secularibus iudicare. Sic docuit Paulus, 1. ad Corinth. cap. 6. vt
ἀπὸ ἐκτὸς ἵστασθαι, quo eius verbo vtamur, idest, vt, [ad verecundiam,] illis
dicens, eos, videlicet, rubore suffundens, à iudicijs Ethnicorum adeundis
retraheret, dixit: [Secularia igitur negotia si habueritis, contemptibili-
les, qui sunt in Ecclesia, illos constituite ad iudicandum. Ad verecun-
diam vestram dico. Sic non est inter vos sapiens quisquam, qui possit iu-
dicare inter fratrem suum? sed frater cum fratre iudicio contendit, &
hoc apud infideles?]]

Pertinent & huc, quæ superius retulimus, ex Clemente libr. 2. Con-
stit. Apostolic. c. 45. & 46. de iudicandis causis secularibus in Ecclesia;
eadem sunt enim cum ijs, quæ Paulus illo loco docuit. Ex eiusdem ta-

nien dicta Epistola i. notanda sunt illa verba, scilicet: [Qui lites habent fratres, ne à Potestatibus mundi iudicentur: (has enim vocat *ἐξουίας*) sed à Presbyteris Ecclesie ad concordiam adducantur: eisque omnino promptè pareat.] Vbi Clemens prohibet fidelibus, contendere apud infideles iudices ac, ne eorum iudicia, propter imperitiam legum secularium, adeant: iubet Presbyteris, non quidem, ut seculares causas laicorum, tamquam ciuium forenses iudices cognoscant, & iudicent; sed potius tamquàm ijs, ad quos pertineat praeire laicis Christianis, veluti Charitatis, & Humilitatis duces: ut hi illos sequantur, & ad Deum, ex illorum arbitrio, iudicio, & quo, & bono, prolato se couertant, & à peccatis desistant, ac flagitijs, & sceleribus perpetrandis: quod est officij sacerdotalis proprium, ut ex Dionysio Arcopagita lib. de Eccles. Hierarch. c. 9. potest intelligi, cum de Melchisedec dicit, cur in Scriptura vocatus sit Sacerdos, idem Rex existens: ut qui utroque, scilicet, munere, & Regis, quo ad populum, & Sacerdotis, quo ad Deum, insignis esset: ut regiminis ciuilibus negotia, quæ temporalium naturam rerum habent, ab æterno fine, cui adipsendum interuit Sacerdotium, sciamus, haud esse superanda.

Immo ipse Clemens c. eo citato ex 2. lib. Const. Apostol. clarius se ipsum explicuit: cum enim c. 46. dixisset: [Ne igitur disceptationes vestras Gentiles cognoscant:] sequenti deinceps c. 47. ait: [Fiant iudicia vestra secunda Feria: ut si fuerit discessum à sententia: (scilicet, si non paruerint promptè, ut in Epistola dixerat.) possitis liberè vsque ad sabbatum sedare controuersiam: & pacificare disceptantes in diem Dominicum.] Quod proximo superiori capite dixerat: *συμβιβάζειν εἰς οὐκίαν*; quo verbo *συμβιβάζειν* vsus est idem Clemens in eo loco Epistolæ nunc recitato: quod non est eorum, qui propriè modo secularium iudicij præ sunt; ut reddant tantum unicuique ius suum, nihil præterea ad eos spectet, ut disceptantes à peccatis reuocent: sed magis eorum, qui ideo tamquam seculares quidem legati, Christi præ sunt huiusmodi iudicio: ut omnem curam, ac diligentiam in primis adhibeant, quo ad concordiam, & pacem res omnis, ne peccent fratres, adducatur.

Verbum enim hoc *συμβιβάζειν* suum fecerunt tigniarij, siue fabrilignarij, qui duo ligna *συμβιβάζουσαν*, cum illa inter se committendo, aptandoque coire faciunt, Vulgo *incassare*, Hispanè *encajar*. Vnde sumitur pro cōpingere, & cōagmentare, accommodare, & ad coherentiam adducere. Sic loquutus fuit Paulus de Christo Ecclesie capite, ad Colossen. cap. 2. [Ex quo totum corpus, per nexus, & coniunctiones subministratum, & constructum, crescit in augmentum Dei.] idest, per commissuras, & compages, suppeditatum: & *συμβιβάζουσαν*, cōagmentatum, seu compactum, augescit augmento Dei. Et ad Ephes. c. 4. [Veritatem autem facientes in charitate crescimus in illo, per omnia, qui est caput Christus; ex quo totum corpus compactum, & connexum, per omnem iuncturam subministra-

tionis, secundum operationem in mensuram vniuscuiusque membri, augmentum corporis facit in edificationem sui, in charitate. Id est, ex quo totum corpus, conuenienter, congruenterque *συνεχίζεται*, coagmentatur, & compactum, siue commissum, &c. inde translate *συνεχίζεται*, (ut coagmentari pacem dixit Cicero,) significat conciliare, & ad amicitiam, sedulique adducere.

Hæc fuit mens Anacleti Papæ Epist. 1. item & Carthaginen. Concilij 3. c. 9. quæ supra Partē 2. citauimus: dū secularia negotia ab Ecclesiastico tribunali voluere, sacerdotali iudicio, terminari: Christi Domini primò, & Pauli doctrinæ insistentes; qui priuatorum causas Ecclesijs deferri iussit. Quibus locis, tam Anacleti, quàm Concilij Carthaginensis, priuatorum causas, id est laicorum, oportet, intelligamus: laici enim in genere sunt priuari homines respectu Clericorum: qui cum sint Ecclesiæ ministri, vel dignitates, vti communes, & publici homines reputantur. De quo videnda Gloss. dist. 4. c. Deniq; verbo ipso.

Habemus ex ijs: tamdem Christi Domini, & Apostolorum eius finem, & intentum fuisse, ad Charitatem omnia inter Christianos redocere. Charitatis vnicam erigere Categoriā: vbi omnes eorum actiones locarentur; Charitati creandæ, fundandæ, radicandæ, augendæ, conservandæque incumbere, vt corpus illud, quod mysticum representant Apostolos, ad Colossenses, & Ephesios, cuius caput est Christus, cor vnum, & vnā tantum habens animam, ex innumeris Christianorū, & animabus, & corporibus resuleret. Neque rem impossibilem, dum hoc & desiderant, & iniunxerūt Reipublicæ Christianæ, eius institutor Christus, & eius operis vicarij Apostoli animo conceperunt: cū initio Ecclesiæ nascentis, referat Lucas, A. c. 4. multitudinis credentium, cor vnum, & vnā animam exstisse. O mirum Christianæ Reipublicæ ædificium! Ecclesiasticis Præfectis tremendum, Principibus secularibus adorandum! Quis enim vñquam hoc genus iudicandi inter laicos Christianos, tamquam de vita æterna, vel morte, vt ait Clemens ibidē, (siquidem agitur de peccato ad mortē tollendo,) ad potestatem Gentium, siue ad quācūque Ciuilem potestatem laicorum Principum, qua Ciuis est, pertinere dixerit? Quis velle *τὸ συνεχίζειν τὴν ἐκκλησίαν* id est, conciliare, seu pacificare, dissidentes, spectare vñquam putauit ad illud, quod de Gentibus dixit Christus Dominus in Euangelio, Matth. scilicet, c. 20. & Marc. c. 10. [Principes Gentium dominantur eorum: & qui maiores sunt, potestatem exercent inter eos.] *κατακυριεύουσιν* enim, & *κατεξουσιάζουσιν*, exercere potestatem contra eos, siue in eos dominari significant: & hæc est vis illius præpositionis *κατά*, locis illis, vt supra etiam aduertebamus. Sed cū hæc doctrina sit quasi communis & Euangelij, & illius Enarratorum conceptio, vidend. dist. 90. per totam, & maximè illud ex Concil. Carthaginen. 4. cap. [Studendum est Episcopis, vt dissidentes fratres, siue Cleri-

eos, siue laicos ad pacem magis, quam ad iudicium coerceant.] & ibi Glossa omnino videnda.

Legantur igitur sacri Codices: Euangelia sancta relegantur: Apostolorum euoluantur scripta, & inspiciantur acta: suorum discipulorum, primigenia illa millies repetantur Decreta: & Conciliorum, summorumque Pontificum Constituta ab Ecclesie exordio, ad nostra usque tempora, inquirantur: plenè reperientur paginae, quibus Imperatoribus, Regibus, Principibus, iubentur Christiani, etiam Ethnici, honorem, timorè, tributum, vectigal, & similia deferre: attamen ubi Ciuilis potestas in Christianos, qua Christiani sunt, illis immediatè attribuitur, inueniet nullibi: quia Ciuilis potestas, quatenus Ciuilis, Charitatem illam neque habet, neque pro fundamento proficitur: quam voluit Christus in sua Republica, omnibus Christianis eiusdem incolis, in suorum operum, actionibus, prælucere: & in suis quibuscumque discordijs, litibus, & questionibus, per Prælatos Ecclesiasticos, ministraricū, ex rei natura, Christianus, qua Christianus est, supernaturaliter Ecclesiasticæ potestati subijciatur.

OCTAVVM NOTANDVM.

HINC est breuiter notandum octauò, quare Christus Dominus, cum illam tulit legem, qua huius iurisdictionis iecit fundamentū, dicens, [Si peccauerit in te, &c.] nō dixit, [Si te audierit,] tibi de iniuria, vel læsione, seu quocumque errore in te admissio, fiet, per illum fratrem, satisfactio: sed dixit, [Si te audierit, lucratus eris fratrem tuum.] Erat scitum hoc, Christi que Constitutum, Charitatis lex: de Charitate primò cogitauit: & qui iustitiæ potuisset, in illa gradatione, ac procedendi iuridica forma, primas deferre, detulit Charitati: quia voluit, ut præcipue curaret frater de peccato, in fratre lædente, tollendo: & id maxime curarent Arbitri, ut à peccato, & errore, illū ad Charitatis inducerent rectam viam: & est vltimò Iudices habereot principalem, & eximium scopum, ut pacem inter fratres discordantes conciliarent, ac coagmentarēt. Nā in ceteris, quis vnquā negabit, illa via à Christo propalata, illa ab eo forma iudiciorū præscripta, etiam iustitiæ, quò læsæ fieret satis parti, suas fuisse partes asseruatas? Optimè hic illud Pauli, 1. ad Timoth. c. 1. dici potest: [Fini præcepti est Charitas:] id est, præcipuus huius præcepti scopus, Charitatis fuit inter Christianos conseruatio.

Hinc notanda clausula sua Canonica Epistolam concludit Iacobus Apostoles, illustri Commentario hunc Euangelij locum explicans: (unde in Biblijs Vulgatis ad marginē in eo loco, cū hoc Matth. c. 18. concordantia citatur:) sic dicens, [Fratres mei, si quis ex vobis errauerit à veritate, & conuerterit quis eum; scire debet, quòd qui conuerit fecerit peccatorem ab errore viæ suæ, saluabit animam eius à morte: & operit mul-

titudinem peccatorum.] Ecce Iacobus, saluatorem animæ fratris appellat eum, qui iuxta Christi doctrinam, & dictum, fratrem suum lucratur: ut fratrem lucrari, & fratrem saluare, idem sint: neque mirum fiat, Apostolum, 1. ad Corinth. c. 3. Christianos, Dei adiutores nuncupasse: immo ad Coloss. c. 2. hoc respectu, & similibus, difficillimum illud aliàs Axioma [Adimpleo ea, quæ defunt passionum Christi in carne mea, pro corpore eius, quod est Ecclesia:] protulisse.

Et hanc præfatam sanctionis Evangelicæ mentem fuisse, docuit clarè Photius Constantinopolitanus Patriarcha, in illius loci Scholio. Postquàm enim Christus Dominus reos egit auctores scandalorum, quique in fratrem peccant: sermonem conuertit ad eos, qui se putant iniuria affectos ab illis: perindeque est, ait Photius, ac si diceret: [Ne concidas animo, neue peccatum proximi in te commissum, damnum putes: potes enim illud in magnum lucrum vertere: scilicet, si adieris eum, qui in te peccauit, ostenderisque ei peccatum, & re ipsa coargueris: plerique enim, cùm peccant, exæcati, non vident turpitudinem facti: postea verò pulsa ex-citate, vident: qui exiguam occasionem nacti, omnino corrigunt, quod commiserunt. Tu verò, quamuis ille sit duriusculus, & ad emendationem difficilior, ne continuò negligas ire ad eum; immò semel, & iterum, & tertiò adi; eumque ad emendationem prouoca: magnum enim lucrum, feceris, si fratris tui liberator exstiteris.] hætenus Photius.

Cuius in Scholio illa verba sunt maxime notanda, scilicet, [eum re ipsa coargueris:] item, & illa: [corrigunt, quod commiserunt:] item illa: [ad emendationem difficilior:] tandem illa: [ad emendationem prouoca. Nam esto, peccatum fratris fuerit furto pretiosam suppellectilem à fratre surripuisse: supposita superius allata hac certissima Augustini regula: [Non dimittitur peccatum, nisi restituatur ablatum:] quomodo re ipsa frater coargueretur? quomodo corrigeret, quod commiserat? quomodo illum ad emendationem difficiliorem, ac contumacem, frater adhuc ad emendationem prouocaret: nisi in omnibus his actionibus, ea subesset charitas, quæ restitutionem ablatæ suppellectilis necessariò includeret: ut iustitia etiam suum locum consequeretur? Sed quia finis legis Christianæ, eiusque præceptorum est charitas, ut habemus ex Apostolo, per charitatis terminos loquutus fuit Christus: iisdem vñ sunt Apostoli: iisdem & Patres, ac sanctorum Codicum Enarratores. Christus dixit, [Lucratus eris fratrem tuum:] Iacobus scripsit, [Saluabit animam eius à morte.] Photius explicuit, [Lucrum feceris, si fratris tui liberator exstiteris.] Christus docuit Petrū de numero remissionis eulparum, ac peccatorum: [Non dico tibi septies, sed vsque septuagies septies.] Iacobus dixit, [Operit multitudinem peccatorum:] Photius commentatur, [Quamuis ille sit difficilior ad emendationem, ne continuò negligas ire ad eum: immò semel, & iterum, & tertiò adi: &c.] & de vno, eodemq;

delicto agebat, cum si ageret de pluribus, haud finito numero necessitatem, fratrem ad eundem, comprehendere voluisset. Quæ omnia charitatem spirant, charitatem loquuntur, charitatem clamant: qua semel inter fratres constituta, iustitiæ, in satisfaciendo iniurijs, necessarij sunt dubio procul omnes actus successuri.

NONVM NOTANDVM.

NONO est notandum; Quod cum Christiani primò Ierosolymis, vt ex Apostolorum Actis cap. 4. & 9. constat ad illorum pedes omnia conferrent: nec quicquam cuiusquam proprium esset, etiam licibus eos carere, necessum erat: neque iniuriæ, vel maleficii causa, adeundus erat iudex: cum bonorum communioni maior animorum accederet vnio: ingenti illo, ac numeroso Christianorum corpore, quasi esset corpus naturale vnum, vno corde, & anima vnica, sustentato. Et hæc quidem fuit huius nouæ Reipublicæ plantatio; quæ cum latissimè deinceps diffunderetur, ac vbique terrarum propagaretur: solùm collegium Clericorum, vt infra vberius deducemus, communes fortunas habuit: ipsi enim & decimæ, & primitiæ, ipsis stipes, Christianorumque dabantur oblationes: ab ipsis, tamquam Reipublicæ totius Christianæ Rectoribus, in eos vsus, quos infra referemus, infumendas.

Hinc inter Clericos, de rei vindicatione, nullas, scelera fortasse, erant aliqua: inter laicos verò, ab utroque capite, varix accidebant disceptationes: quæ omnes illa ipsa Christi sanctione, [Si peccauerit, &c.] iudicio Ecclesiæ sedabantur. Ethnico verò tribunali vndique erat aditus interclusus: nisi Christiani in ius ab Ethnicis vocarentur: tunc enim necesse erat eis parere: vt Paulum quoque, & Petrum, & omnes viros sanctos vi magis, quàm vltro legimus fecisse. Immo Paulo commodum, seu necessarium fuit visum, Cæsarem appellare, Act. c. 25. Nec Christus ipse ab Ethnicis improbis, ac impijs iudicibus, & ab eis decreto supplicio euasit: cum tamen per se ipse iure liber existeret. Quæ omnia cum originalibus illis Christianis essent notissima, & vsu, & præcepta, iustissimè Paulus Corinthios, vt sæpius vidimus, increpabat, quòd iudicio inuicem coram infidis contenderent censoribus, & iudicibus: iudicetque, pro suis negotijs Christianum iudicem constituere. Vnde restat clarum, omne iudiciũ Christianorum fuisse Ecclesiasticorum Præsectorum, vel iudicum, quos vel Ecclesia, eiusue Prælati nominassent.

DECIMVM NOTANDVM.

EST decimo notandum: In hoc Ecclesiastico iudicio cruentam non fuisse pœnam, nec sanguinis imperium; sed quasi relegatio, vel deportatio, & capitis diminutio, excommunicatio succedebat; per quam ciuitas Christiana amittebatur; & à societate, & fidelium communione,

rebellis, ac inobediens Christianus pellebatur. Hoc fuit Christi statum dicentis: [Si Ecclesiam non audieris, sit tibi sicut Ethnicus, & publicanus.] Cui & alia annecebatur animi, ac corporis poena; cum Sathana tradebatur, visibiliter affligendus; quæ ex alijs ipsius legis verbis fuit sumpta: cum dixit Christus: [Quicquid ligaueritis, &c.] Horum omnium illustris, sicuti curiosus, ac verax testis est Tertullianus, qui, Hieronymo Auctore, floruit anno Christi ducentesimo decimo, & ante Imperatores Christianos annis centum. Hic ergo in Apologetico cap. 39. mores, & ritus Reipublicæ sic descripsit Christianæ: [Certè, inquit, fidem sanctis vocibus pascimus, spem erigimus, fiduciam figimus; disciplinam præceptorum nihilominus inculcationibus densamus; ibidem etiam exhortationes, castigationes, & censura Diuina. Nam & iudicatur magno cum pondere, ut apud certos de Dei conspectu: summumque futurum iudicij præiudicium est, si quis ita deliquerit, ut à communicatione orationis, & conuentus, & omnis sancti commercij relegatur.] Huusque Tertullianus.

De qua re Constantinus cognomento Apostolicus, ante hos mille annos, scripsit in præmio Collectionis Canonum Apostolorum, & Synodorum, quos tempore Iustiniani in quinquaginta capita distribuit. [Discipuli, inquit, Christi, iidemque Apostoli, quin etiam, qui ei successerunt, & Ecclesiæ sanctæ Episcopi, & Doctores fuerunt. quibus multitudinem Gentium, ac Iudæorum fallacia, & tyrannide Diaboli liberatam, & ad Regem, ac Dominum gloriæ recto animo, & fide conuersam, Spiritus sanctus, sanctè regendam, commisit; non sunt arbitrati decere; ut qui peccarent, verberibus afficerentur, ut ciuiles leges faciunt: hoc enim valde stultum esse videbatur, ac nimis indecorum. Immo potius studèbant, ut quam promptissimè periculis se pro eis obijcerant; retrò regressos reuocarent; errantes adhuc, & à recta deflexos via, sine mora corrigeret; in profundum præcipitatos omnibus modis extrahere curarent. Qui vero iam putrescerent, ac valde ægrotarent, sapienter gladio spiritus absunderent; contractos, & viribus defectos quibusdam blâdis pharmacis, & vinculis rationalibus alligarent, & eis pristinam valetudinem, Diuina gratia, & Spiritu sancto adiuuante, restituerent.

V N D E C I M V M N O T A N D V M.

V N D E C I M O est notandum: Quod ad Clericos, ac statum Ecclesiasticum spectat, illorum, solum Episcopum iudicem semper extitisse; hoc testante Paulo ad Timoth. 1. c. 5. dum sic illum instruit: [Aduersus Presbyterum accusationem holi recipere, nisi sub duobus, aut tribus testibus.] Laicis ab Episcopo iudex assignabatur: ut ex Epistola eiusdem Pauli 1. ad Corinth. habemus, superius à Clemente, & Anacleto, in suis Epistolis, explicata. Ex quo constat, Episcopos huius Chri-

stianæ Reipublicæ Principes fuisse, & eius regendæ, dirigendæ, & conferuandæ habenas tenuisse. At, quia res tanti ponderis Moyse præiudicato exemplo, in plures tractus humeros dispersiendi; habebat Episcopus leuicioris gubernationis causa, quasi duo Magistratum generat: vnum erat Presbyterorum, qui veluti illius consiliarii, & assessores, Reipublicæque senatores, iuxta nomen suum, maximis, ac summis rebus operam dabant: [Qui bene præsunt Presbyteri,] dixit Paulus ad Timotheum, loco relator: [duplici digni honore habeantur; id est, ex Ecclesiasticis bonis dupla portione: [maximè qui laborant in verbo, & in doctrina.]] Quibus duabus rebus, ut ipsi Philosophi Gentiles adnotabant, nihil maius, nihil poterat præstabilius reperiri. Alterum genus erat iudicum, apud quos Christiani disceptabant: qui & ab Episcopo creabantur, & illi parebant: Vnde, clarè perspicitur, quòd omnis hæc iurisdictionis potestas Episcopi solius erat; siquidem ipsi ligandi, ipsi soluendi facultas erat contributa; nemo alius id efficere poterat, præter Episcopi voluntatem; cùm id à Christo omnibus, sine discrimine, non fuerit concessum: sed Apostolis, quorum, in locum soli Episcopi successerunt.

Erat ergo necessarium, ut iudicio horum secularium Magistratum, in causis secularibus, Episcopus præfret sententiarum pronuntiationibus; ut quicumque non pareret, gladio ignis, sic enim Anathema Clemens vocauerat, feriretur: Nihil enim prodesse iudicare laicos secularia, si non fuisset, qui cogere posset ad parendum: quod tunc fiebat, quando Episcopus, durum, & contumacem Christianum, sententiæ non obsequentem, ab spirituali consortio ceterorum ablegabat. Non poterat tamen aliud Ecclesia, nec grauiori supplicio sub Ethnicis Imperatoribus aliquem afficere: neque aut illi, aut sui Magistratus id essent passi: immo in Christianos iudices, quasi in sicarios animaduertissent; qui sine imperio,mero, vel mixto, & nulla publica auctoritate, & potestate, id sibi arrogarent; ignorantes, hanc Rempublicam à maiore, æterno, videlicet, Principe constitutam. Prædicto igitur modo Episcopus cum secularibus Magistratibus, secularia negotia iudicabat: quia non possent aliter Censores illi in suo iudicio exhibere, ut nunc loquuntur iustitiæ complementum; neque actores, siue ligantes quicumque obtinere ius suum; ex quo fieret, ut facile in peccato remanerent, qui parere nolentes iudicio, nulla poena ad id compellerentur: quod à Canonum Doctoribus dici solet, propter defectum, vel impotentiam: cùm tamen è maxime totius illius Politicæ finis collimaret, ut malum auferre posset, ac efficaci medio, ne quis in peccato usque ad mortem persisteret, prouideret.

XII. NOTANDUM.

DVODECIMO est notandum; Non propter prædicta esse existimandum, Ecclesiam non habuisse gladii potestatem; licet Impe-

ratorum illorum, ac Principum metu, ea non vteretur. Hæc enim potestas Civilis, seu Politica est; quod est dictum, omnes homines iure in vnum cœtum sociatos, per seipfos illam habere: est enim naturalis, & necessaria; sine qua nulla populorum congregatio, aut societas esse potest: sed cum illa, & ex illa, quasi propria quædam affectio, & proprietates, ex essentia rei, quod dicunt Philosophi, nascitur, & emanat. Nam nisi sint, qui improbos coercere, flagitiosos cohibere, refrenent insolentes, qui que descendant ab iniuria bonos, ubi societas consistit? Est autem gladij potestas, ex sententia legis tertie Vlpiani, de Iurisdictione omnium Iudicum, nihil aliud quam, Præfectura gladium habens, ad animaduertendum in homines scelere contaminatos; id est, Præfecti sunt ipsi, tuendis bonis, comprimendis que facinorosis, designati.

Hoc idem scripsit Paulus ad Romanos, c. 13. cum Ethnicorum etiam, patienter iniunxit Christianis imperium ferre: dicens de Potestatibus: [Ideoque necessitate subditi estote, non solum propter iram, sed etiam propter conscientiam:] id est, non solum, quod metuendi essent, qui constituti sunt à Deo ministri contra flagitiosos, sed etiam ob conscientiam, quod malè agendum non sit id enim tunc fuit conscientia. Siue ut Chrysostomus ibi explicat, dicens: [Itaque etiam si inobedientem nulla ira consequeretur; sic quoque tamen te subijci oportebat, ne conscientia care videreris: atque erga beneficium ingratus.] Similiter Petrus 1. cap. 2. docuit, Duces Regum missos [ad vindictam malefactorum, laudem verò bonorum.] Vnde hæc præfectura non potest non esse laudabilis, & commendatione digna in omni hominum congressu, etiam latronum, etiam pyratarum: si inter eos viles scelerata ratio aliqua haberetur. Præfecturam istam habent populi, & ciuitates, quæ defectione imperium legitimi Principis disruperunt; eam habent tyranni, qui provincias, ciuitates, ditiones propriorum Dominorum occuparunt; hanc habere possunt Principes, Turca, Sophus, Scythia, Tartarus, & Christiani nominis perfidiores hostes; quæ si carerent, in nullum hominem iuste animaduertenterent, sed iniuste, sceleratissimi ab eis damnati, punirentur.

Potestatem verò hanc, & naturali lege constare, & Gentium Ciuiumque iniri inniti, ea fortissima ratione probatur, scilicet, quod præceptum de non occidendo homine, iuris naturalis Divini sit; ex cap. 4. Genes. Exod. c. 20. & Matth. c. 26. at à lege Divina nemo potest casum aliquem excipere; nisi Deus ipse legis Auctor; quia illud verè est dispensare in lege naturali, & Divina; quod fieri nequit ab homine: ut habetur apud Theologos Doctores, super 37. d. 3. Sentent. & S. Thomam, 1. 2. q. 100. ar. 8. ad 3. Gloss. 1. memorabilem in Summa, distin. 5. Innocentium, communiter receptum, c. Quæ in Ecclesiis. de Constit. Ergo si quæ est lex, quæ in aliquo casu permittat, vel iubeat, occidere hominem fontem, oportet illam legem esse, siue Divinam, siue naturalem, siue Civilem, seu Gentium

legem iustam : sed potestas ista, de qua loquimur, in prafatis, & similibus hominum Congregationibus, extendit se vsque ad hominis occisionem inclusiue, etiam ab Apostolis Petro, & Paulo commendatam; qui laudant gladij potestatem, idest, prafecturam, & Prafectos gladio vten-tes, [ad vindictiam malefactorum.] Ergo à Deo, siue à legis naturalis emanat principio; quasi passio, affectio, seu proprietas ipsi hominum, sociato congressui naturalis.

Cum vero Christiana Respublica fuerit à Deo legitimè erecta, non caruit profecto hac Ciuili, simul atque instituta fuit, potestate: neque si coitiones hominum ille, quas retulimus, suam secum Politicā, attulerunt, & afferunt, quasi naturali ex consequio, potestatem, Christiana tot Gentium communio illius erit expers æstimanda. Quid expers? Propria est, germana, ac genuina hæc Ecclesiæ assignata Ciuilis facultas, ex eius essentia fluit; habent siquidem naturalia, habent moralia, habent & similiter supernaturalia suas affectiones, & proprietates, vt supra innuimus, quibus carere non possunt. Hac potestate vti valet Ecclesiastica Congregatio, quoriscumque res postulat; neque cum ea vtitur, tunc talis potestas extrinsecus accedit: sed accedit actus, siue vsus: vt cum ridet, qui est rationis particeps, & simul ad rideudum aptus. Tantum igitur abest, vt ab Imperatoribus, vel Principibus Christianis hæc fuerit potestas profecta, Ecclesiæq; communicata; vt ante Christianos quoscūque Principes illam habuerit, vt suæ coruam natiuitati, ac erectioni: quare ab Imperatoribus, ac Principibus Christianis eripi postea non potuit; neque iure aliquo hac sponsali dote Ecclesiam potuerunt spoliare.

XIII. NOTANDVM.

TERTIO DE CIMO notandum est; Quod neque inde colligimus, succedente Republica Christiana, cum sua hac legitima ciuili potestate, Ethnicorum fuisse ciuilem extinctam potestatem; aut certe Turcarum, & Barbarorum nulla nunc Politica potestas haberetur; immo Christiani in coercendis, ac castigandis Christianorum delictis, capitali, vel cruento supplicio, illa Ciuili Ethnicorum potestate utebātur; vel cum Ciuili in causa, obedientia iniurij deficiebat fratris, fratri læso licebat, illum fratrem ad vltiorem, ex legum apicibus, Gentilium Ciuilem potestatem deferre indicandum; quod Concilium Antiochenum cum Paulo Samosateno egisse, iam supra retulimus. Et fortasse nihil intererat, à quocumque flagitia punirentur; cum Christiani, à suæ potestatis, etiam gladij exserendi, essent exercitijs impediti. Cui malo vt iretur obuiam, & ne intelligerent Christiani fontes, flagitiorum à se, commissorum, liberè pœnas debitas euasuros, si monita, & supplicia, cū quibus ab Ecclesia contra eos procedebatur, spiritualis suæ portiones obliti, minus obtemperarent; consultissimè ab Ecclesia prouisum fuit.

Et quidem Pius Pontifex, Epist. 2. Decretali. similes homines, cum expressè de Clericis disposuit, Curie seculari tradi præcepit. Erat enim themor, Christum Dominum, Matth. c. 3. legè Euangelij, quæ spiritualis est, iussisse; [iustitiam nostram abundare, plusquam Scribarum, & Phariseorum;] quod Paulus, 1. ad Timoth. c. 1. interpretatus est, [superabundasse gratiam Domini nostri I E S U Christi, cum fide & dilectione;] & item ad Hebræos, c. 10. [hanc legem non operati iam iram, ut illa vetus, quam qui irritam faciebat, sine ulla miseratione, duobus, vel tribus testibus moriebatur;] immò diuersa ratione in futurum seculum iudicium mortis reseruasse: nihil interim expressè in hoc sanciendo, metu capitalis pœnæ cum nihil nisi propter fidem, & dilectionē, iubeat, aut vetet. Unde Apostolus Episcopo, seu Presbytero, non esse percussorem expressè præcepit. Meminerat tamen, ex eo, quod Christus, ut habetur, lib. 6. de Constit. Apost. liberam reliquerat voluntatem Christianorum, non præsentī, eademque breui morte mulctans Euangelicæ legis transgressores: sed reiiciens negotium in altero seculo iudicandum: non idcirco Potestates seculi frustra aduersus, vel Clericos, vel in vniuersum Christianos omnes, gladium portare: quia ut docetur Constit. Apostolica, libro eorum 2. apud Clementem, c. 34. [Potestatis seculi est, præesse corporibus custodiendis, & ad custodiam corporum pacem, ac bellum suscipere.] Hinc cum Clericus reus mortis erat, Curie tradebatur; idest, Potestati seculari, ut pro Ecclesia cum eo bellum susceperet: quod fiebat, cum ab eo, iuxta delicti mensuram, pœnas exigebat; quod hodie in praxi ab Ecclesia etiam obseruatur. Igitur & ex Euangelio, & ex Apostolorum traditione, quæ omnia honestè, & secundum ordinem in Christiana Republica fieri præceperunt, habemus: eas causas, quæ potestatem gladij requirebant, ne delicta Christianorum remaneret impunita, unde ferociores indies fieri possent, Ecclesiæ gladio; cuius exserendi, quatenus Respublica legitimè instituta erat, habebat potestatem, Præheipsum Ethnicorum potentia, & legis Christianæ, qua laborabant, ignorantia, intercepto, per ipsos saltē Ethnicos Principes, voluisse castigari.

Pro qua doctrina legendus est omnino Canon Apostolorum. 27. prohibens, [ne Episcopus, aut Presbyter, aut Diaconus fideles, propter peccatum, aut infideles, propter iniuriam verberarent; alioqui gradu mouerentur; non enim (inquiunt) Dominus hoc docuit, quin potius cum, percuteretur, non reprecuebat; cum pateretur non comminabatur.] Quem Canonem sequuta fuit Antiochena Synodus annis quinque post Nicænam celebrata: innouans enim ferè eisdem verbis Canonis Apostolorum 32. sententiam, in eum Presbyterum, qui Episcopo pio, & fideli alioqui contempto, per ambitionem, & tyrannidem, aliud altare, contra Episcopum erigeret; si vocatus ab Episcopo semel, iterum, & tertio pa-

rere nollet, & gradu moris tumultus adhuc, & turbas in Ecclesia ciceret; lubet. Synodus Canone 5. ut, per civilem Potestatem, quam Pius Pontifex more, & usu Romano, vocauit Curiam, corrigatur.

Citauit utrūque Canonem, & Apostolorum, & Synodi Antiochenæ Synodus Constantinopolitana, quam retulimus 3. Parte, initio probationis 1. Concl. dum in extrema parte Canonis sui Noni, in eos, qui Canonem Apostolorum malè interpretabantur: quasi prohibuisset quidem, Presbyteris, ne alios propter peccatum suis manibus verberarent; sed non, ne inhererent ab alio verberari: sic statuit: [Si qui verò fuerint, qui neque monitis, neque supplicijs Ecclesiasticis corrigi voluerint, nemmo hos per Magistratus loci corrigi prohibuerit, siquidem Synodus Antiochena, Canone 5. sanxit, ut qui seditiones in Ecclesia mouerent, manu externa, idest, per civilem Potestatem corrigerentur.] Non ignoramus hanc Constantinopolitanam Synodum, utpote sub impio quodam Patriarcha Photio habuam illegitimam esse repositam, quantumcūq; Theodorus Balsamon, citando ex eo quosdam Canones, sanctam, & Oecumenicam nominari: immò Gratianus, 2. q. 2. c. Temporis. & c. Hoc nequaquam. eandem etiam Synodum, formaliter disponentem, ibidem citauerit. At tamen hoc, saltem certum est 383. Episcopos, in illa Synodo prædictæ sententiæ fuisse, asserendo, se eam ab antiquitate, & præcipue ex Concilio illo Antiocheno desumpsisse. Iam verò certum est, Synodum Antiochenam legitimam, cuius Canon i dicti Episcopi inherentes, illud decreuerunt, de incorrigibili Presbytero sanxisse, ut Potestati civili traderetur: quasi quod ex traditione Canonica Apostolorum dimanaret, quæ Episcopis prohibet verberare. Ex quo consequens certissimum est, primitiuam Ecclesiam idem, in omnibus omnium Christianorum criminibus, quæ gladio, pœnâq; cruenta indigerent, obseruasse. De quo Part. 2. supra actum est, loco modo citato.

Totius tamen huius Norandi confirmationem, nisi fallimur, Apostolus Paulus, 1. ad Corinth. c. 6. supra fusiùs explicato, manifestè præstat. Nam primò optabat, nulla iudicia inter Christianos exerceri: cum, dicit: [Iam quidem omninò delictum est in vobis, quod iudicia habeatis inter vos. Quare non magis iniuriam accipitis? Quare non magis fraudem patimini? Sed vos iniuriam facitis, & fraudatis: & hoc fratribus?] Quo loco, sicuti quando scripsit ad Romanos, c. 12. [Non vosmet ipsos defendentes, Charissimi: sed date locum iræ: scriptum est enim: Mihi vindictam, & ego retribuam, dicit Dominus:] enargationem fecit Apostolus Evangelicæ illius doctrinæ, Matth. c. 5. & Luc. c. 6. [Audistis, quia dictum est, oculus pro oculo, & dente pro dente. Ego autem, dico vobis, non resistere malo: sed si quis te percuterit in dexteram maxillam tuâ, præbe ei alteram; & ei qui vult tecum in iudicio contendere, & tunicam tuam tollere, dimitte ei & pallium.] Hanc Christi, & Aposto-

li doctrinam replicauit Clemens supra ex Constitutionibus Apostolicis citatus: vt quæ primò omnium Christianis, pro Charitatis conseruatione sit replicanda.

Pergit tamen Apostolus, arguere Corinthios ex concessione; ac, quid illo Christi consilio non excepto, litibus, dissensionibus, iudicijs, & eorū occasione, alijs accidentibus; gerendum inter Christianos vniuersè sit, demonstrare. Hoc autem erat vt iudicia fratrum inter fratres tractarentur. Ergo ex suppositione, talis est Pauli Propositio: & Apostolica lex: [Secularia iudicia per Christianos administrantur.] Et quia excipere possent Corinthij: Quid si fratres iuris ignorent Civilis disciplinam? sequitur Paulus legis suæ Apostolicæ conditionem: seu nouam apponere legē, scilicet: [Contemptibiles Christiani,] id est, qui neque iuris scientia pollent, neque vlla in æstimatione habentur; Ethnicis quibuscūque prætermisiss, fratribus iuridicundo præficiuntur.] Hæc vltima legis pars, seu noua lex, est ab Apostolo inducta consultò Corinthiorum tacite obuias exceptioni: nam de priori ab illis neglecta, quasi iam ipsis edita & nota conqueritur; eos audaciæ, ob eam rationem, inculcundo.

Sequitur quasi nouæ legis, seu eius partis apud Apostolum correctio: cum dicit: [Sic non est inter vos sapiens quisquam, qui possit iudicare inter fratrem suum?] Est sensus; si non suppeteret frater intelligens iudicij inter vos, pro vestris discordijs, seu negotijs administrator; cum, hucusq; non instituerim, aut expresserim, etiam inferiores, seu fratres viliores iudicijs edicendis, esse, præ Ethnicis, omninò sufficientes, ad iudicium vos nihil egisse insolens; iustitiam apud Infideles iudices, de fratribus, vobis fieri postulantes. Ne enim delicta remaneant impunita; & vt suum ius vnicuiq; tribueretur: iudice competenti Christiano non habito, quin iudex infidelis adiretur, haud prohibuissem. Colligimus ex his, ad rem nostram: Deficiente iustitiæ administratione ex parte causæ efficientis, iudice, scilicet, sapiente, apud Corinthios, & Christianos admitteret Paulus, iudicem adiri Ethnicum: Ergo deficiente iustitiæ executione ex parte effectus, adire Ethnicum iudicem non vetaret: Ergo sua illa lege, qua Christianis forum seculare Cætilium adire prohibuit, haud iurisdictionem voluit Principum secularium tam necessariam in mundo violare. Immò consequenter adea, quæ dicta sunt habemus ex Apostolica doctrina, Evangelicæ illius sæpius citatæ: [Si peccauerit in te, &c.] confirmationem; fratres Christianos monitis, arbitrijs, præceptis, sententijs, ac tandem supplicijs spiritualibus Ecclesiæ non emendatos, quin à fratribus latis, actione suæ restitutionis, seu iniuriæ apud competentes alios Magistratus accusarentur, prohibitum in Ecclesia nō fuisse. Ad hoc facit mirè doctrina illa S. Isidori supra adducta, ex Gratiano, 23. q. 5. Principes.

Voluisse autem Paulum Apostolum, Euangelio, quod à Christo de cæ-

lis acceperat, sibi preunte, ut quamdiu à Christianis, neque innocentes defendi, neque nocentes poterant castigari; quòd ab ipsis iuris, & iusti præstari non poterat, per ciuiles, etiam Ethnicos, Magistratus præstaretur. Idem nos admonuit: cum de eis, ad Romanos, c. 13. scripsit: [Nò sine causa gladium porrat. Dei enim minister est; vindex in iram, ei, qui malè agit.] Hinc illis tributa pendere, & parere adeò sollicitè Christianis omnibus commendauit. Hanc obedientiam, quæ non præstata à primæuis illis Christianis, ipsis adhuc Principibus Ethnicis, eos scandalizaret: ut, immorigeros, ex hominibus ciuilibus, immò sicarios, lege Euangelica, eos effectos esse, proclamarent; tum maximè elucebat; dum crimine à Christiano commisso, quod pœna capitis, aut alio quopiam grani supplicio esset plectendum; Ethnicorum Curie tradebatur. Quæ enim ratio, lex Christiana, totius iustitiæ speculum, & exemplar, carere voluisset ea utilitate, quæ ex correctione, per leges Ciuiles, ac Potestatem, etiam Ethnicorum, percipiebatur; ut sui professores, ad bene viuendum, & à delinquendo cessarent, incitarentur? Et hac ratione vsus fuit Cyrillus in Iulianum scribens Apostatam, Christianis, quòd Romanorum vterentur legibus, exprobranti. Quod prius docuerat Calixtus I. Pontifex, Epistola 2. Decretali, hisce verbis: [Quis enim dubitat, leges humanas, rationi, & honestati non repugnantes, esse amplectendas: præsertim ubi vel publicæ consulunt utilitati, vel Ecclesiasticæ dignitatis auctoritatem defendunt, ac pro adminiculo tuentur?]

Hoc tamè vnù restat hic à nobis explicandū, quid esset factum: si, exẽpli gratia, dū Petrus, & Paulus Apostoli Romæ sacrū Euangelium prædicarunt; à cuius fontibus hanc Ecclesiæ potestatem Ciuilem, diximus, emanare, illud protinùs Imperator Claudius, & vniuersus S. P. Q. R. suscepisset, illud Nero, cum Romano eodem populo, & sequentes Imperatores acceptassent? Cum enim Christi IESV, eiusq; Euangelij sit quasi Gentilitium insigne: [Non eripit mortalia, Qui regna dat cælestia;] quid esset circa Politicæ huius administrationis rationem inter Apostolos, & Imperatores gestum? & qualiter hoc merum Ecclesiæ imperium explicarent? Neque aliud respondendum videtur: quàm quòd Apostoli Christi IESV Romanis Imperatoribus, ac eorum ministris, & Magistratibus exponerent: legem Euangelicam leges omnes Ciuiles perficere, earumq; fas & ius eatenus æstimandum, quatenus ab illius nò exorbitant iure: iuxta Conclusionem vnicam, 1. Parte à nobis assignatā. Adderent deinde: finem legis præfatæ eò excellentiorem finem legum Ciuiliū, quò illa ad æternam, isthæc ad temporalem hominum tendant pacem fundandam, & confouendam: iuxta quod 3. Principio à nobis fuit inductum. Subiungerent præterea: legem Euangelicam docere suos professores, inter mundanas eorum dissensiones, vel per iniuriarum cõdonationem, vel per conuenientem seipsis actoribus, reis, arbitris, & iudi-

tribus satisfactionem, eas confopire: vel Arbitris quibusdam bonis viris
 cōfopindas permittere; vel eād. in Episcopis, ac Prælatiſ Eccleſiaſticis,
 ex iuſticia, & charitate, abſq; illo ſtrepitu, & figura i. dicij, cōmittere di-
 ſimēdas: iuxta Chriſti præſcriptū illud: [Si peccauerit in te, &c.] Adiun-
 gerent vltერიus, & ſimilem agendi modum circa delicta in proximum,
 vel in Deum commiſſa: iuxta prædicta Parte 2. circa Concl. 1. explica-
 tionem: tandem præſcriberent hoc certum Principiū: Eccleſiam, hanc
 habere internam à Chriſto poteſtatem, per ſuos exercendam Prælatos,
 et de Chriſtianorum omnium delictis, ac peccatis cognoscat, nè in illis
 ad mortem uſque perfeuerent. Docerent etiam illos, Eccleſiam habere
 de iure Diuino, de cauſis Eccleſiaſticorū iudicare, priuatiuè ad ſecula-
 res Principes; explicantes illis luculētissiē ſeriem Euangelij, ac Chri-
 ſti eius Auctoriſ mentem, tam in terris, quā in cælis à Petro, & Paulo
 hauſtam, & expreſſam. Hoc ſuppoſito, dicti Imperatores, eorūq; Ma-
 giſtratus abſque dubio, & Eccleſiaſticū tribunal, quō ad Eccleſiaſticas
 perſonas, primò omnium venerentur, protegerent, & conſeruarent:
 deinde, eas leges, quas Conſtantiū, Arcadiū, & Honorij, Theodo-
 ſius; & Cærolus Magnus ediderunt, quas ſupra retulimus, ipſi priores
 edidiſſent. Et tandem Eccleſiaſticū forum, exemplum facti totius
 mundi alijs Principibus, in ea, quam hodie habet in Hiſpanijs maiestate,
 ſub Catholicorum Regū proteſtione, immò fortasſe in maiori, ac grā-
 diori auctoritate, conſeruasſent.

Ex his omnibus eſt ſatis exploratū, Ciuilem omnem iuriſdictionem
 in Eccleſia fuiſſe, eoquē iurē uſos Chriſtianiſ ſemper præter eam, quā
 merum imperiū Iurecōſulti appellāt: i. eſt, gladij poteſtatem, quæ
 accidente calu; erat præpedita. Quod imperiū, ſi gerere potuiſſent,
 geſſiſſent profectò, non iniquus, quā illi Chriſtiani nunc, qui ſub Tur-
 cæ ſunt ditionibus; ſi potentiōres euasſent. Sed cum æquū ſit, ſtagitiō-
 rum eſſe pœnas; & iuſtos, ac bonos deſendi; à quocūquē id fieret, primi-
 tiui Chriſtiani, quaſi minus referret, non curabant. Immo vt quietam,
 & tranquillam vitam degerent, tributa pendi, & veſtigalia præſtari,
 Principibus iubebat Paulus; & orationibus, obſecrationibus, poſtula-
 tionibus, & gratiarum actionibus, pro eorū ſalute fundendis, Chriſtia-
 nos diſtineri. Quid tamen foret, ſi Paulus à vi, & gladio, meroque
 Ethnicorū imperio, omniq; pœnitione cœuenta, Chriſtianos exime-
 re potuiſſet? Exemiſſet certè: vt à ciuili alia iuriſdictione, tam eorū
 foro fidelibus prohibuit; hoc namq; poterat, illud minime. Vt enim aſt
 illa priori ad Corinthios relata Epiſtola: indignum eſt, vt vōs, qui An-
 gelos iudicabitis, quibus omniā parebunt, ab impio, ab inſido, quaſi cœne-
 rabido, iudicemini. Oculis tamen lynceis Paulus inſpiciebat, ne quid
 officeret Euangelij propagationi; cuius cauſa, faciliōres alias res, cum
 tamen poſſet, vt ipſe teſtatur alicubi; haud exſequutioni demandabat.

XIV. NOTANDVM.

QUARTODECIMO notandum est, Imperatoribus postea Christianismo imbutis, non simul & semel, Ecclesiasticam hanc Politicam, Ciuilemque potestatem, in nouam fuisse formam commutatam. Non fuit vnum genus Magistratuum continuò, ex Ethnicis, & Christianis iudicibus constatum; immò annis octoginta post Magnum Constantinum, qui res Christianorum ipse Christianus miro studio auxit, Theodosio item Magno imperante, Symmachus Ethnicus fuit Præfectus Prætorio Urbis Romæ; vt ex eius intelligitur Epistolis; qui ad Paganismum, qui iam ferè sepultus erat, suscitandum: curauit Valentinianum Imperatorem commouere. In quem Ambrosius, lib. 5. Epistolarum scripsit. Prohibuerant quidem edicto Constantinus primò, deinde eius filius Constantius, sacrificijs Ethnicis, Idolis, templis, ac omni Gentili ritu: vt docent lex 3. de Paganis. in Codice Theodosiano, & lex 1. de Paganis. in Cod. Iustiniani. & ibi habetur pluribus alijs legibus: id ipsum à Gratiano, Valentiniano, Theodosio, & tandem ab Arcadio, & Honorio factum esse cognoscitur: & Concilia Imperatores, vt ita constituerent, hortabantur: vt Carthaginense Concilium V. postremo Capite. Nondum tamen Paganismus conciderat, quod ex Concilio Africano, c. 17. intelligitur: sed Imperatores, sicuti Iudæos, sic & Paganos sinebant; & à Theodosio lege 6. in eo ipso Iustiniani Codice fuit sancitum, ne Pagani à Christianis laderentur.

Extincto verò iam, sensimque dissuto, consumptoque Paganismo, (fuit enim postea crimen publicum, vt lege postrema ibidem Leone Imperatore, perspicitur:) vnus tum fuit omnium Magistratuum laicorum status; neque iam, si quis frater Christianus eorum sententiæ non obtemperaret, haud erat necessaria Episcopi auctoritas, ac censura Diuina; cum esset Princeps, qui egeret, vel apparitoris seueritate, vel supplicio, vel ijs modis, qui referuntur in iure Cæsareo, de Iurisdictionibus, de Re iudicata, & exsequutione. qui; erant antea Paganismi: nam ius etiam Ciuile Digestorum, Paganorum fuit, & Codicis Iustiniani bona pars. Optimus enim Reipublicæ Romanæ status, sicuti consilio, prudentia, & æquitate, sic amplitudine, splendore, & gloria omnem Ethnicum regiminis modum, qui aliàs fuit vnquam, superauit. Id etiam factum fuisse, non sine Diuino consilio, adnotauit Cyrillus in Iulianum scribēs Apostatam: vt Respublica Christiana commodius dilataretur; quò, vt postea sumus dicturi, Principum plurium inter se dissidentium æmulatione, Euangelij non obstatet promulgationi: sed facilius ad Gentes, sub vnus Imperatoris Romani contentas Imperio, penetraret.

Effecit itaque prudentia Iuris Ethnica Romana, vt Christiani Imperatores, populi, prouinciæ, & nationes eam retinerent; illis demptis,

quæ Episcoporum disciplinæ, Christianzq; Reipublicæ moribus repugnarent: in reliquis, videtur in illis legibus, vt de Tutelis, de Contrahibûs, & alijs multis, ipsa Christiana pietas relucere. Atque vt Imperatoribus illis, potentissimis alijs, principiò Paganismum terre, fuit necessarium: sic & sanctissimis alijs Episcopis nonnulla à lege deuantia Euangelica: sicuti vsuras, Iustiniani etiam ætate; quæ omnia temporis processu, Christiana pietate, ac doctrina sese in Gentium cordibus insinuante, ac sidente, fuere in formam congruentem, ac debitam restituta.

Quando igitur non fuit iam opus adire Episcopos, contra illos laicos, qui Magistratum Christianorum dicto non essent obedientes, Imperatorum, Regum, ac Principum ea fuit præcipua cura, vt non tantum iurisdictionis huius negotia, sed grauiorum etiam casuum Reipublicæ momenta, & ad summa in eis ferenda Decreta, cum Episcopis, & Presbyteris, sicuti cum laicis primarijs Senatoribus consultarent: cum antea in maximis etiam Reipub. Christianæ periculis, ac discriminibus, veluti tyrannorum Ethnicorum, vel ferenda, vel vitanda immanitate, rei totius clauum Episcopi tenerent. Immò in præsentem diem hinc Episcopi, vt apud Hispanos, Regum à consilio, & sunt, & nuncupantur. Quamobrem iam deinceps Episcopi ab illis antiquis curis vacui omnibus, & à grauissimo Iurisdicundi, quod eminenter gerebant, munere, ac à reali præsentia in iudicijs assistendi, onere liberi, potuere diligentius, deuotius, & attentius Diuinis rebus, cum Presbyteris, ac Clericis dare operam, ac cælestia, duplicato cum sænore temporis, meditari. Quo nouo, atq; insolito otio fruêtes, sicuti olim Apostoli cum effectu dixerunt: [Nō est equū nos derelinquere verbū Dei, & ministrare mēsis:] Act. c. 4. sic & Episcopi sentiebant: Non esse bonū, cælestibus, idest, potioribus occupationibus prætermisissis, litium enodandis, vel calumnijs, vel anfractibus ministrare. Hinc Augustini, & aliorum, quæ supra retulimus sanctorum Episcoporum suspiria, ex rerum temporalium, civiliumq; negotiorum iudiciali inter laicos exercitio, quibus Deus nondum fecerat otia illa, toties exoptata.

Iudicarūt ergo iam postea Magistratus Imperatorum, Regum, & Principū illos ipsos laicos, quos antea Episcoporum Magistratus, seu ab eis censores, ac indices constituti iudicabant: nisi cum de religionis præceptionibus, ac causis controuersia nasceretur. [Quoties,] inquit Arcadius, & Honorius (l. priori de Religione in Codice Theodosiano): [de religione agitur, Episcopos conuenit agitare: ceteras verò causas, quæ ad ordinarios Cognitores, vel ad vsum publicum pertinet, legibus oportet audiri.] Quicquid igitur religioni Christianæ repugnabat, ad Episcopi iudicium deferabatur: & cum multa repugnarent, multa quoque eius erant: causæ quoque viduarum, pupillorum, & inopum: quod ex multis Concilijs, tum ex Carthaginensi V. c. 9. & refertur 23. q. 3. explo-

ratum est. [Ab vniuersis, inquit, Imperatoribus, visum est postulandum, propter afflictionem pauperum, (quorum molestijs sine intermissione fatigatur Ecclesia: vt Defensores eis aduersus potentias diuitum, cum Episcoporum prouisione, deligantur.]

XV. NOTANDVM.

EST quintodecimo notandum; Ecclesiasticorum causas omnes, Ecclesiastico semper foro iudicandas remansisse; quod aliter fieri nequiuit: cum hæc iurisdictio de Iure diuino per ipsos administranda Clericos, fuerit à Christo instituta, erecta, & ordinata; neque potuisset Ecclesiasticus status, ea se, etiam si voluisset, abdicare. Vt enim Clericorum, institutor, & probator est Episcopus, ita fuit semper, esseque debet iudex, & censor: neque hæc iurisdictio potuit esse Imperatorum, Regum, aut Principum, cum Magistratum Episcoporum, eam solum in Christianos subditos iurisditionem naçi fuerint; seu ad se transfulerint, seu conseruauerint, quæ solum laicos, in negotijs laicorum, pertingebat. Huic veritati præstat primò irrefragabile argumentum, Imperatores, scilicet, ac Reges, ceterosque Principes, qui Euangelicæ colla submiserunt disciplinæ, cum ad iurisditionis actum, & exercitium inter ipsos, & Episcopos deuentum fuit, Ecclesiasticum forum, Ecclesiasticis semper intactum, ac illibatum reseruasse. Est quidem iurisdicundi, hominesque, sub hac ratione, morigeros efficiendi, quo Respublica constet, Principibus innatus quidam zelus, vt numquam passi fuissent, tantam Clericorum multitudinem à suo seculari foro, iri subtractum: si ad se trahere, transferre, vel in se conseruare hanc eorum iurisditionem, sicuti eam, quæ secularium erat, potuissent. Hoc argumentum, propter materiæ zelotypia plenè grauitatem, cum sit de iurisdictione, à priori, quod docent Logici, nostram assertionem videtur comprobare.

At secundo argumento illam etiam confirmamus: id autem est, quòd cum nonnulli Clerici ius quæsituri, vel quæsitum, conferrent se ad Magistratus Imperatorum Christianorum, (hæc est enim audaciz, contumaciæ, & petulantiz vis, nisi efficaciter comprimatur:) à Concilio 3. Carthaginensi, citato 11. q. 1. c. Placuit, fuit sancitum, Ecclesiasticos, forum proprium Ecclesiasticum, in temporalibus suis negotijs sequi debere; hæc addita in contumaces nota: [Malè sentire de Ecclesia, qui de iudicio seculari auxilium postularent.] De quo supra 2. Parte, hoc loco etià adducto, est fusiùs pertractatum. Huc pertinent leges illæ omnes Imperatorum, qui Magistratibus ciuilibus laicis hæc omnia interdixerunt; quæ à Gratiano 11. q. 1. ex Concilijs sacris adnotantur.

Neque solum apud ciuiles Magistratus conueniri nequeunt Ecclesiastici: sed nec damnati à suis Episcopis, ab illis debent adiuari, aut uterque arcetur à fidelium communione, ex Concilio Agathensi, c. 13. & habetur 21. q. 5. & ex Concilio Antiochensi, paulò post Nicænum celebrato.

Refertur etiam ibidem: [Vt si Presbyter, vel Diaconus, ex auctoratus, ad Imperatorem confugerit, ob hanc ipsam temeritatem, numquam instituitur: neque venit spes ulla ei super sit: sed prouocet Metropolitanum, vel legitimum alium superiorem.] Quorum omnium sacra Concilia, ac sanctorum Patrum scripta luculenter pluries testimonium subministrant. videndus Gratianus citata 11. q. 1. multa his similia referens.

Episcoporum autem causas Romanus cognoscebat, sicuti hodie cognoscit, Pötifex; quod ex Gratiano, loco citato, notum est: & ex Gregorio, lib. 4. Epist. 34. ad Constantinam Augustam, sic scribente: [Si Episcoporum causæ mihi commissorum apud piissimos Dominos, aliorum patrociniis disponuntur: infelix ego in ista Ecclesia quid facio? Sed vt Episcopi mei me despiciant, & contra me refugium ad seculares iudices habeant. Omnipotenti gratias ago, peccatis meis deputo. Hoc tamen breuiter suggero, quia aliquantulum exspecto: & si ad nō venire distulerit, in eo exercere distictionem Canonica nullo modo cessabo.]

Idem & tertio argumento breuissimo roboremus; quod cum illo tempore Episcoporum nulla esset potentia: neque diuitijs aucti, eo splendore externæ conuersationis fulgerent; vnde posset præsumi, iurisdictionē hanc Ecclesiasticam in Clericos vsurpasse: est consequens, illam tamquam inseparabilem proprietatem à sua Diuina, ac purè spiritali fluentem, potestate: quasi Ecclesiastico ordini, ac statui naturalem, ac consequam, inter supremas Principum secularium Potestates, non ex pacto, conuentione, aut contractu, inter ipsos, & Episcopos: non exemptione, priuilegio, aut libera illorum laxatione, aut concessione, aut conuiuentia: sed quale illud rei natura postulabat, integram constantissimè perseuerasse.

Et quartum etiam adiungemus, idem probans, argumentum: quia quoties Imperatores, vel Reges, seu Principes conati sunt iurisdictionem hanc sacram Ecclesiasticorum lædere, suam ipsi mutarunt, & imminuerunt: & quamdam malorum Iliadem suis & personis, & Principatibus inuexere. Exemplum inter plurima alia sint clara, Henrici, & Friderici Imperatorum, qui Episcopos dare & pelleræ præsumentes, & Ecclesiasticam iurisdictionem, quasi rebus vti profanis; sicuti in suos spirituales patres insurrexerūt, sic in eos naturalibus eorū liberis cōmotis, Hēricus IV. à filio vexatus miserè periit, Fridericus II. à Manfredò filio suffocatus; Henricus II. Anglorum rex, qui Thomam Archiepiscopum Cantuariensem indignis habuerat modis, ac, eius occasione, gladijs eandem impiorum Martyrē occubentē vidit, à filio propemodum oppressus fuit: Fridericus verò Imperator, cognomento Aenobarbus calamitosior, cum sacræ aliàs gerens bellum, ob totum tamen contra Alexandrum III. tot annis Schismā, & Ecclesiasticam Politiam, ac immunitatem adeo vexatam,

Obrutus insanis disperisset aquis.

Succedat & quintum firmissimum argumentum, quo clarissimè con-

spiciatur, hanc iurisdictionem Ecclesiasticam, Ecclesię Ministris, tamquā eorum propriam, ac de iure traditam, & habitam diuino, fuisse semper conseruatam. Nam haud nuda, & formaliter in Ecclesiasticos, & de Ecclesiasticis causis in Episcopis perstitit: immo pluribus alijs attribuenda, & applicanda casibus: quos supra ex Canonistis enumerauimus Doctoribus, & non omnes quidem; quod est illustre testimonium, non per attributionem iurisdictionis à Principibus laicis factam Ecclesię, illius potestatem Politicam, seu Ciuilem constare imino non esse modo ampliorē, per decretionem, seu imminutionem suę amplissimę illius potestatis contigissesquę non fuit tanta, quin Ecclesiasticum forum suę relictum, primę Christianę, & Apostolicę institutioni, ad lites multas laicorū se extendat decidendas. Sic supra referebamus ex Concilio Carthaginēsi 5. & ex alijs, quę à Gratiano 23. q. 9. referuntur, causę viduarum, pupillorum, & inopum, ad Ecclesiasticum forum spectant; si quis similiter per potentiam alicuius non potest ius consequi à ciuili Magistratu, ad tribunal Ecclesiasticum, tam ex. c. 11. & 15. de foro competenti, quā ex pluribus Concilijs venire permittitur. Quin etiam Episcopi id per se ipsi curabant: [Vt iudices, aut potentes,] inquit Concilium Turonense, c. 27. [qui paupere. opprimunt, si commoniti à Pontifice suo, non se emendauerint: excommunicentur.] Leguntur multa etiam exempla, qualiter propter adulteria, vel diuortia, in viros potentissimos Episcopi, & summus Pontifex vsi sint hac sua Ciuili Ecclesiastica potestate. Et tandem multarum aliarum causarum notio, vt ex Concilijs sacris, ac Canonibus Ecclesiasticis colligitur, Episcoporum fuit, & est hodierna die; quę nec breuiter perstringi possunt; immo cū superius relatę ferē sint, & multum aliās sermonem postulent, relinquuntur, loco proprio cognoscēdę. Quę omnia demonstratiuē probant, iurisdictionem Ecclesiasticam, nō vt riuiulum à flumine laicę iurisdictionis deductum, priuilegio currere: sed, tamquam flumen ipsum à fonte Diuini iuris, ex ipso Christi, & Apostolorum eius pręscripto, deriuatum.

Argumentum hoc sextum rem omnem concludat: nam cū illa demū grandis causā esset, cur Episcopus ex epistolis Pauli, Clementis, & Anacleti citatis, de secularibus causis cognosceret, ac iudicaret; ne, videlicet, in peccato ad mortem perseueraret, qui eius decretis, vel sententijs parere nōllet; (ad hoc enim denunciabatur Anathema, vt sicut Apostolus ait: [spiritus saluus fieret in die Domini:]) & sic Christiani discerent non blasphemare: sicut dicit alibi; denique vt sic discerent, nō fraudare, non furari, aut similia designare scelera, aut alia quacumque iniuria, afficere: immo quia, propter peccata impiorum, vt ait Salomon, Proverb. c. 28. iudicia, sine lites excitantur, & Episcopi sunt medici spirituales peccatorum: quibus curatis, lites tolluntur, & iudicia vacant: idcirco integrum semper, & absolutum fuit, & est, de omnibus causis secula-

ribus, Episcopis eatenus saltem cognoscere; vt in peccato ad mortem, non remaneat frater; quod Canonicæ Doctores, cognoscere per viam, denunciationis, appellarunt. Hoc tamen intelligendum docent, dummodo laicus actor, qui relicto suo foro iudicium petit Ecclesiasticum, non agat hoc, dolo, vel malitia: quod excipere potest reus, eamque exceptionem Ecclesiasticus iudex, si legitima sit, ex c. Nouit. de Foro competenti. omnino tenetur acceptare.

XVI. NOTANDVM.

SEXTODECIMO est notandum; Quibusdam adhuc scrupulum Shinc circa prædicta ingenerari: quia si verâ sunt ea tanta, tamque miranda, quæ hætenus de iurisdictione Ciuili Ecclesiasticæ potestatis explicauimus, cur, dicunt, lex illa Theodosij Magni, & Caroli Magni, relata 11. q. 1. c. Quicumq; Volumus. cuius supra mentionem fecimus, abrogata est: qua sancitum erat, vt liceret cuique, siue is actor esset, siue reus, relicto foro seculari, etiam lite contestata, iudicium Ecclesiasticum adire. Quibus faciemus satis, ex pluribus capitibus propositæ difficultati respondentes: si ante omnia causas dictæ legis stabilientiæ proponamus.

Et primò ex parte laicorum considerandum est; longam, scilicet, & antiquam à suis maioribus acceptam consuetudinem, lites, quæstiones, dissidia, disceptationes, omnigenasque dissensiones, ac differentias, coram laicis Magistratibus, per Episcopos designatis agitantis, quarum exitus, ac termini faciles, præsentia accedente Episcopi, Anathematisque timore, quæ partibus, quin eximiè placeret, erat impossibile: id in Christianorum animis effecisse: vt cum iurisdictione laicorum, quos Imperatores Magistratus habebant, successisset, quæstiuosa forsân, & saltem formula, sicuti longa, sic & odiosa vtens, negotia, & lites sine debito terminandi; suis honestis, ac frequentibus ab Imperatoribus querimonijs obtineret, vt legem illam ferrent, instantibus tot inconuenientibus obuiaturam.

Secundò respondemus, quia religiosissimi Imperatores intelligebant, verissimum esse illud, quod ex Salomone dudum referebamus, ex impiorum peccatis lites suboriri, quas sapientes exstinguerent: ad Episcopos autem, tamquam ad medicos quosdâ spirituales, spectare, peccatis medicinam adhibere; optabant sanctè, & piè, vt sublata inter Christianos litium causa, id est, peccatis, lites simul, eorum effectus, auferrentur.

Est tertia fortissima ratio, ex parte ipsius Christianæ legis. Omnis enim Christianus, quatenus est Christianus, supernaturaliter videtur subijci potestati Ecclesiasticæ, super quocumque actu, etiam profano: vnde nihil aliud illi effecere Imperatores, cum illis legibus, quàm vt flumina ad locum, vnde exierant, reuerteretur; iurisdictionem, scilicet, Ecclesiasticam suo antiquo cursui restituere.

Has rationes, & causas legis dictæ, quisque de antiquorum Christia-

norum sinceritate, de Imperatorumque pietate meritis, & sentiens bene, veriores, potioresque iudicabit, quàm illam Molinzi supra adductam: quòd ea tempestate tanta esset iudicum Ecclesiasticorum Innocentia, Doctrina, & Fidelitas, in iudicando: vt illi Imperatores legis huius lattores è Republica esse existimauerint, vt omnes lites, alterutra ex partibus volente, Ecclesiasticorum iudicio cernerentur: Illa namque integra pars Sinceritatis, Sciētis, & Fidei, esto, illas concederemus beatis antiquioribus seculis, sequentibus in malum, ac peius in dies labentibus: (quæ est & rerum, & humanorum maximè morum, & vicissitudo, & incōstantia,) deficere poterant; at hoc mutari non poterat, quin ad Ecclesiasticos spectaret, tamquàm ad spirituales medicos, peccatorum curatio; nec illud rursus mutari, quòd ait Scriptura, [Ex peccatis nasci lites:] & idem Salomō Prouerb. c. 17. [Qui amat delicta, gaudet pugnis:] idest, iurgiis, & contentionibus delectatur.

Causa ergo stabilitæ legis declarata, cur & abrogata fuerit, oportet, declaremus. Est quidem verissimum, ac certissimum, à Christo fuisse Ecclesiæ concessam eam iurisdictionem Ciuilem, cum singulari potestate, quam Diuinam, ac spiritualem, non immeritò, nuncupare possumus: cum ad celestia homines legis Euangelicæ professores eleuaret, efficeretque, vt terrena subito peritura æternis, duraturis perpetuò, deseruieret. Est perspectū satis, ex dictis diffusè à nobis supra, legis Christi quasi Interpretem Paulum existisse: dum Corinthijs, & in eis Christianis omnibus Ethnico prohibuit foro, ac iudicio. Est etiam extra controuersiam, usam fuisse Ecclesiā eorum, vt ex Tertulliano, & ex Concilio Carthaginensi, Ciuili illius potestatis auctoritatem, & exercitium, IVS APOSTOLICVM, vocante cognouimus. Neque dubium iam est, Ecclesiæ gladij potestatem non defuisse, cum societas, ciuitas, ac congregatio hominum legitima esset; neque eam clariùs dari, aut exprimi à Christo fuisse necesse: cum instituendo ipsam Rempublicam, illam quoque potestatem intelligatur, instituisse, sine qua esse iuste, & ordinatè minimè potuisset, docente etiam naturali Philosophia, eum, qui vult finem, & ea quæ ad finem necessaria sunt media, ex consequio, volitutum. Et vltimò certum est, hac gladij potestate non usam Ecclesiā, nisi postquam Christiani Imperatores Euangelicam doctrinam, ac fidem suscepērunt.

Et tamen si in Ecclesia iurisdicatio instituta fuit à Christo, ab eo quoque usu distincta fuit: vt Petrus est interpretatus. Sic enim dixit Clementi, in epistola sapiùs allegata, vt refertur, 11. q. 1. [Te quidem oportet irreprehensibiliter viuere, & summo studio niti, vt omnes vitæ huius occupationes abijcias: ne fidei iussor exstiteris; ne Aduocatus litium fias: ne in vlla aliqua occupatione prorsus inuehiaris, mundialis officij occasione, perplexus. Neque cognitorem secularium negotiorum hodie te ordinare

vult Christus, ne præfocatus præsentibus hominum curis, non possis verbo Dei vacare. Hæc verò opera, quæ tibi congruere minus diximus, exhibeant sibi inuicem vacantes laici: & te nemo occupet ab ijs studijs, per quæ salus hominibus datur.] Relicta ergo fuit laicis exercitatio causarum forensium inter ipsos laicos, iurisdicçãoque Ciuili, seu merum, mixtumque imperium Ciuile: non illud quidem Diuinum ligandi, & soluendi, quod Episcoporum, tamquam qui Apostolis succedere, quibus illud dedit Christus, proprium est, & quibus illo laud vniquam licuit abdicari.

Dum igitur lex illa Imperatorum optionem daret actoribus, & reis, causas seculares ad Episcopum deferendi, doctrinam Petri, & Ecclesiasticam disciplinam, Christianorum nimis aucto numero, iam confunde-
bat, & sollicitudinem salutis animæ, in sollicitudinem secularia iudicandi, conuertebat. Hinc meritò fuit abrogata: cum illa solum in Ecclesiastico foro expedierit postea iudicare, quæ pertinent vel ad tollendum peccatum iniustitiæ, ex defectu; vel ad tollendum peccatum fratris fratrem scandalizantis: vel denique illa, quæ maturo, grandi, & antiquo consilio sacra Concilia, & Pontifices supremi, (quæ recensere denuò, vel omnia, hæud est necessarium,) Ecclesiastico iudicio referuarunt.

Et hæc quidem præcedens ratio, tenet ex parte ministrorum Ecclesiasticorum: addamus aliam ex parte litigantium: nam sub Principibus Christianis, & qui iustitiam, quasi tales, volunt in suis Rebus publicis administrari: si reus declinaret laicam iurisdictionem, optans apud Ecclesiasticam iudicari; quoties illi iuxta Imperatorum legem allatam, libuisset: facile intelligeretur, malitiosè, dolo, ac fraude, id facere. Quòd si actor rursus, parato reo ad satisfaciendum coram laica Potestate, illud ad forum Ecclesiasticum pertrahere veller, facile etiam perspiceretur, malitiosè id, dolo, ac fraude machinari. Et hæc exceptio posset semper adhiberi, quam Ecclesiasticus iudex admittere deberet: cum Ecclesia sancta fraudem, & dolum odio habeat: c. Sedes. c. Ex tenore. de Rescript. c. 2. de Operis noui nuntiatione. nec vexare aliquem cupit, quæ omnes leuare desiderat: c. finali. de Dolo, & contum. c. Vt debitus. de Appellat. Hinc igitur prudenter actum est; vt qui potest conueniri coram laico Magistratu, ne utiquam coram Ecclesiastico conueniatur: & qui ibi iudicio fisci non vult, nullibi velle facere satisfactionem præsumatur. Hinc legem prædictam fuisse iustè constat antiquatam.

XVII. NOTANDVM.

DECIMO SEPTIMO notandum est, facile ex prædictis, argumento proposito fieri satis posse. Non solum enim Principum secularium iurisdicção, & potestas, ex Ciuili Ecclesiastica potestate, damnum non recipit; non solum ab ea non absorbetur, quin potius maxime stabi-

litur,

litur, ac roboratur. Nam primò Ecclesiasticum forum, olim amplissimum, seculares secularium causas à se prorsus abiecit, easque laicis Magistratibus cognoscendas, ac decidendas reliquit, casibus exceptis excipiendis. Præterea sacra illa propria potestate ligandi, & soluendi, quociens opus est, seculare forum adiuuat; ut iustitia in Republica quacumque Christiana floreat, ac ius suum unicuique tribuatur. Quo loco videmur omninò nobis considerare sacros Antistites, qui olim totius erant aræ menses, utpotè ad quos prædicta Ciuilis integra iurisdicção laica inter Christianos pertinebat; nunc spicas solùm colligere, quæ metentium iungunt manus; de certis quibusdam cognoscendo casibus laicis; qui si rectè perspiciantur, negotij multum, laboris plus, fastidi plurimum secū afferunt: utilitatis propriæ, excepto exercitio charitatis, nihil, aut parū: cum ea, quæ honoris sunt, & quætuosa, omnia ab ipsis Magistratibus secularibus agitentur. Quod tamen Ecclesia non solùm non fert molestè, verum etiam gratissimè accipit: id tantùm à laicis postulans Potestatibus: ut suis contentæ limitibus, sacros Diuinæ, ac Politicæ iurisdicçãois Ecclesiasticæ terminos non inuadant.

XVIII. NOTANDVM.

DVODE VIGESIMO tandem notandum est, interim dum in 4. Parte inteximus differentiam harum Potestatum, Ecclesiasticæ, & secularis: utramque esse à Christianis maximè colendam, & obseruandam: ut quæ à Deo proficiantur, qui hanc Christianam Rempublicam, gemino hoc brachio, voluit, esse potentem: ut bene refertur 96. dist. Duo sunt. ut scelera in flagitiosis vindicarentur, & ad illorum, qui iusti sunt, quibus lex non est posita, ex Paulo 1. ad Timoth. c. 1. morum honestatem collaudandam. Oportet tamen, ut considerent laici Principes, Ecclesiasticam in sua latitudine, (quod ex antiquis Patribus, tota dist. citata docetur,) semper superare Potestatem: ut quæ à Christo Domino sit immediatè instituta, ut fusiùs 4. Parte videbimus; & quæ ab Ecclesiæ cætu extrudere potest: quod omnibus mundi Principibus secularibus efficere numquam licuit, nec licebit. Talem enim, ac tantam, eam Christus Ecclesiasticis contribuit Præfatis, Apostolis, videlicet, eorumque successoribus sacris Antistitibus, & Prælatis, qui Christi eiusdem locum replicant: ut nullus ab ea eximi valeat, si Reipublicæ Christianæ incola velit recenseri.

Quò tamen est hæc Diuina Ecclesiasticorum potestas Præfulum maior, & excellentior, eò considerari magis oportet ab illis, ut eam, nisi grauissimis de causis, uti prætermittant. Fuit quidem ea utendum sæpius, antequam Principes laici militiæ Christianæ adscriberentur: propter publicam Ecclesiasticorum Magistratuum auctoritatem, ad scelerum coercionem: cum exercere aliam cruentam pœnam nequirent; neque com

modius remedium vllum flagitijs: suppeteret enitandis: gladij potestate, (quæ aliàs Ecclesiæ debebatur,) per Magistratus seculares interclusa. Vnde hoc erat tantum supplicij, hæc pœna, hic omnis metus, hoc vinculum, hic nexus totius Christianæ Reipublicæ, eiusque & spiritualis, & civilis disciplinæ. Itaque, vel, quod est simile vero, Christi Iesu sanguinis adhuc feruentis sensu, ac consideratione inanima, Christiani omnes attentius à perpetrandis sceleribus, à delictis abstinebant committendis: & à commissis maiori cura resurgebant; vel tandem, Præpositi eorum, hæc pœna aliquoties irrogata; & sæpius solum significata, statum Christianismi charitatis funiculis alligantes, debito in officio continebant. Poterat igitur tunc aptissime dici illud, quod de Iano Ovidius Fast. 1. loquente, sic scripsit.

*Pròque metu populum sine vi, pudor ipse regebat;
Nullus erat, iussis reddere iura, labor.
Nil mihi cum bello, posses, pacemque tuebar;
Et clauem ostendens, hæc, ait, arma gero.*

Attamen iam nunc in Principatu, Imperioque Christiano non tantopere Anathematè, summà illa, videlicet potestate, est opus: gladius est namque præsto, adsunt apparitores, qui exsequantur: pœnæ ad manum, sunt corporales: & agendum est cum hæreditate, & rebus, & corpore, non cum animo, ut confodiatur: neque est, pro libidine, hæc sacra abutendum medicina: empti enim sunt Christiani pretio magno: neque sic sūt faciles, & gratis iterum pro calecamentis venundandi. [Ipse præterea, ligandi, atque soluendi potestate se priuat,] inquit Gregorius Magnus, & habetur 11. q. 1. [qui hanc pro suis voluptatibus, & non subditorum moribus, exercet.] & deinde: [Iudicare dignè de subditis nequeunt, qui in subditorum causis, sua, vel odia, vel gratiam sequuntur. Non debet is pœnam sustinere Canonicam, in cuius damnatione, non est Canonica prolata sententia.]

De hoc Clemens, 2. lib. Const. Apostolicarum. c. 21. sic scribit: [Scitote enim, quòd qui eum, qui iniuriam non fecit, eiecit: aut, qui se conuertit nò recipit, fratrem suum occidit: & sanguinem eius fundit. Sicut Cain sanguinem fratris sui fudit, cuius sanguis, qui ad Deum clamat, requiratur: Iustus enim à quopiam iniuste occisus, apud Deum oritur in requie sempiterna; similiter eueniet ei, qui ab Episcopo, sine causa, fuerit excommunicatus. Qui tamquam pestiferum eiecit eum, qui est extra culpam, is quidem scivior est interfectore: quòd neque in Dei misericordiam inuenitur, neque bonitatis Dei erga pœnitentes memor est; neque in eos aspiciet, tamquam in scopum, qui multorum peccatorum veniam, pœnitendo, impetrarunt. Ideirò violentior est ipso homicida, qui corpus perimit, is, qui innocentem ex Ecclesiâ eiecit.] Et tandem Leo Max. Epist. 89. in ult.

edit. Concil. accedat, sic scribens Episcopis quibusdam: [Nulli Christianorum facile communio denegetur: nec ad indignantis fiat hoc arbitriū Sacerdotis; quod in magni reatus ultionem, inuitus & dolens quodammodo debet inferre animus vindicantis. Cognouimus enim, pro commissis, & leuibus verbis, quosdam à gratia communionis exclusos, & animam, pro qua Christi sanguis effusus est, irrigatione tam sœui supplicij fauciatā, & inermem, quodammodo, exsutamq; omni munimine, Diabolicis incurſibus, vt faciliè caperetur, obiectam.]

Animaduersio pro his, quæ de pœna Anathematis, seu ignis gladio, tam hic, quàm 2. Parte dicta sunt.

CV M autem tam 1. Parte, circa 1. Conſolutionem, quàm hic plurade hac vltima Christianorum pœna, scilicet, Anathemate, seu gladio ignis, scilicet, excommunicatione, sceleribus non cognitis, per flagitiosos, neque salutari prœnitentiâ purgatis, dixerimus: Aduertendum omninò est, haud nos sensisse, omnibus æqualiter delictis, quasi ipsa essent æqualia, vt sentiebant Stoici, illam Anathematis spiritualem fuisse pœnam applicandam, aut applicatam. Vltimis ergo flagitijs, extremisq; contra Decalogi prœcepta, seu legis Christianæ clarâ disciplinâ, commissis facinoribus, seu illis, quæ, cunctis attentis circumstantijs, id exigebant, excommunicatio, & ab Ecclesiâ congressu eiectio seruabatur. De ceteris sic docet Clemens, lib. 1. Constit. Apostolicarum. c. 48. [Ne de omni peccato idem iudicium pronuncietis: sed de vnoquoque suum; singulis delictis, tum paruis, tum magnis, multâ prudentia iudicatis. Aliter, inquam, factò, sermone, item aliter proposito, alio modo conuictio, alio suspicione: atque etiam alios quidem solis minis, & terroribus subijcietis: alios mulctatione largiendi pauperibus: rursus alios ieiunijs comprimes: item alios ex Ecclesiâ eijcietis, pro magnitudine, & grauitate criminis; siquidem lex non omne delictum eodem supplicio puniebat; quinimmo alio, atque alio, commissâ in Deum, in Sacerdotem, in templum, in hostiam: aliter in Regem, in Ducem, in militem, in subditum, in æqualem, aut in famulum, aut in possessionem, aut iumentum, siue in pecus. Rursus secus peccata in parentes, & propinquos; aliter peccata ex consilio, aliter non voluntaria: atque alios quidem morte puniebat, vel cruci affigendo, vel lapidando, alios verò multa pecuniæ, vel verberibus, vel ratione. Ergo vos quoque diuersa delicta, diuersis penis plectite: neque iniuria accidat, quæ iram Dei prouocet. Cuius enim iusticij eritis intermedij, eius mercedem foretis: nam quo iudicio iudicabitis, Matth. c. 7. eo iudicabimini.]

Argumenti Conclusio.

QV AE quidem sufficiant, vt Principes seculares, nullam de Ecclesiastica iurisdictione in postorum laborent sinistra opinione:

cum neque antiqui, neque præsentes Ecclesie Prælati, umquam aliud præ oculis habuerint, quam ut Euangelij lege seruata, omnia Christianorum acta in charitate fierent: & vtraque inconfusa iurisdictione, vni Deo Patri, & Christo IESU, in Spiritus sancti vnitatem, ab omnibus seruiretur. Sed iam reliqua prosequamur.

SECUNDA CONCLUSIO.

DISPENSATIO, & administratio bonorum ad Ecclesiam, & Ecclesiasticos formaliter pertinentium, & similiter circa eadem Legislatio spectat, de iure Diuino, ad Ecclesiasticas personas, respectiue; exclusa ab his omni laica Potestate: nisi ad horum aliquod, tamquam ministra, ab Ecclesia conuocetur.

DIXERIMVS illud verbum in Conclusionem, [formaliter;] ut intelligatur, hic non comprehendere bona, quæ etsi ab Ecclesiasticis possideantur, sunt tamen vel patrimonialia, vel aliâ ad ipsos pertinent: non verò qua ratione Ecclesiastici sunt: de quibus Concl. 1. loquebamur. Dixerimus aliud verbû, [respectiue,] ut intelligatur à Capite Ecclesie, summo, videlicet, Pontifice Romano, vsque ad quemvis Prælatum, vel ministrum Ecclesiasticum, unicuique, iuxta sanctiones Ecclesiasticas, dictas in Conclusionem qualitates conuenire.

PRIMUM NOTANDUM.

PRO cuius Conclusionis explicatione, est hic notandum primò Quòd cum in superioris 1. Conclusionis probatione, bona Ecclesie in aliena Ministrorum, & vsus pauperum diuiserimus tantum; fecimus id, quia Christi Domini viuientis in carne passibili habuimus rationem, qui, ad duos dictos effectus, sua bona destinarat. Quo ad cælos assumpto, iam oportuit, hæc bona Ecclesie, & suorum Ministrorum in tertium etiam, effectum concedere: qui non minus illorum assertam immunitatem, esse de iure Diuino confirmabit.

Igitur Ecclesie bona sunt adiudicata, atque distincta ad ministrorum alimoniam, primò: & ad pauperum secundò sustentationem: & tertio ad cultum Diuinum exteriorem instituendum, & conseruandum, & si à tyrannibus tollatur, restituendum: quod vnico verbo, pro fabrica, videlicet, declaratur: ut personis Ecclesiasticis, & pauperibus, & fabricæ, sint omnino dicta bona adiudicata. Hanc bonorum Ecclesie distinctionem, & partitionem, subdiuidendo portionem personarum, in partem Episcopis, partem ceteris Ecclesiasticis attribuendam, primus lege Ecclesiastica induxit S. Silvester: qui copiosissimis donatus fidelium oblationibus, co-

gitans, qualiter & eorum votis, & intentioni, & suo satisfaceret ministerio: congregata Romæ ducentorum septuagintaquinque Episcoporum Synodo, adhuc sub Constantino Magno Imperatore, hanc Spiritu sancto ibi assistente, definitionem promulgauit: cap. 4. [Commoneo autem vos omnes mihi consortes, monumentum hoc; ut de redditibus Ecclesiæ quatuor partes fiant: quarum vna cedat Pontifici, ad sui sustentationem; alia Presbyteris, & Diaconis, & omni Clero: tertia templorum, & Ecclesiarum reparationi: quarta pauperibus, & infirmis, & peregrinis.]

Hanc quadrariam bonorum Ecclesiæ, seu simpliciter trifariam distributionem sequuti sunt omnes deinde Pontifices, Synodiq; omnes, ut S. Simplicius, S. Gelasius, S. Gregorius Magnus, & alij, ut 12. q. 2. latissimè legitur. Quæ quidem partes horum bonorum, quatenus alimentis Ecclesiasticarum personarum, & pauperum leuandis miserijs assignantur, iam superius probatum est, fuisse Christi Domini institutione: quod & Sanctorum roborauimus doctrina, & præcipue Augustini, lib. de Mendac. c. 15. adducta. c. Habebat. 12. q. 1. Tertiam verò portionem pro fabrica, siue templorum ædificatione, reparatione, & cultus Diuini exterioris conseruatione, qualiter etiam de iure sit instituta Diuino, ut probemus, ad principia proxima Ecclesiæ, ut moris est, & iuxta 7. Principij assignationem, mentis oculos conuertamus.

Ergo Isaias cap. 56. agens de statu præsentis Ecclesiæ, & Diuinis ad eam factis promissionibus, sic Deum loquentem inducit: [Adducam eos in montem sanctum meum: & lætificabo eos in domo orationis meæ. Holocausta eorum, & victimæ eorum placebunt mihi, super altari meo; quia domus mea, domus orationis vocabitur cunctis populis.] Hoc est, Hieronymo, ibidem Auctore, [non vni Genti Iudææ, nec vni Ierosolymæ vrbis loco: sed in toto orbe terrarum.] Quem locum ipse Christus Dominus, Matth. c. 21. Marc. c. 7. & Luc. c. 19. ad templorum, & sacrarum Ecclesiarum, quæ in Christianismo erant erigendæ, commendandam maxime venerationem, contra profanatores templi Ierosolymitani Sacerdotes, & laicos adduxit. Ecclesias autem has, & orationis domus cæptas fuisse ædificari, saltem in domibus particularibus, ut in eis ad adorandū, & Sacramenta celebranda à fidelibus conueniretur, statim à Christi in cælos ascensione, docet Paulus, 1. ad Corinth. c. 11. eos reprehendens, quod ab eis Agapæ, quas initio sanctè in Ecclesia coluerant, iam in conuiuia, diuinitum dissolutione, fuissent commutatæ; sic dicens: [Numquid non habetis domos ad manducandum, & bibendum? aut Ecclesiam Dei contemnitis, & confunditis eos, qui non habent?] Et deinceps: [Si quis esurit, domi manducet.]

In harum autem Ecclesiarum mole struenda, & fartatecta conseruanda partem esse bonorum Ecclesiasticorum infumendam, est expressa Christi institutio: cum enim eo viuente in carne passibili, ipse solus esset Ec-

clesiæ, templum, & summus Sacerdos, & sacrificium: non solum de eo illud, quod Salomon, suo templo magnificentissimè ædificato, 3. Reg. c. 3. dixit, poterat enunciari, scilicet: [Ergo nē putandum est, quod Deus habitet super terrā?] Verum si Apostolo Paulo licuit, ad Corinth. 1. cap. 3. & in illis Christianis omnibus dicere: [Si quis autem templum Dei violauerit, disperdet illum Deus. Templum enim sanctum est, quod estis vos:] multo melius potuit, & debuit dici templum Christum, in quo, iuxta eundem Paulum, ad Coloss. c. 2. [inhabitabat plenitudo Diuinitatis corporaliter.] Igitur cum hoc sanctissimum templum Maria Magdalena adiret venerabunda, cultum Diuinitatis plenitudini, & Christi humanitati patriæ exhibitura: Matth. c. 26. Marc. c. 14. & Ioan. c. 12. libra vnguenti pretiosi nardi pistici illius caput, & pedes vnxit, trecentis denarijs à Iuda æstimati proditore. Quo de tanti pretij perditione dolente, quasi illo in egenorum vsum conuerso, charitati fuisset melius consultum; pro templis Christum, & sacrorum eorumdem vasorum, vensiliū, & ornamentorum copia, & vsu, causam suscipiens, docuit, non solum de Ecclesiæ cunctis bonis, personarum Ecclesiasticarum alimonijs providendum, ex iustitia: non solum pauperum necessitatibus succurrendū, ex iustitia, & charitate; verum, & Ecclesiarum, & templorum cum suis omnis generis sacris apparatus, instandum erectioni, & conseruationi, & restitutioni, ex iustitia, & religione: neque partes pauperum, & templorum, rerumque, dictarum, maiori necessitate non vrgente, confundendas, quas testamentum vltimum, & nouum ipse iamiam condens, quasi distincta legata, haud confundi permisisset. Hæc cum iam scripsemus, legimus Theophylactum, super Marcum, hanc Christi Domini vnctionem, quasi forte argumentum, contra illos assumpsisse, qui, sub erogandæ eleemosynæ prætextu, Eucharistiæ Sacramentum Augustissimum in vili pyxide, seu turricula conseruabant.

Christo verò Domino postea de Cruce deposito, ecce Ioseph ab Arimathia, nobilis Decurio, ecce Nicodemus, vterq, Christi Discipulus; ecce deuotæ mulieres, Matth. c. 27. Marc. c. 15. Luc. c. 23. & Ibān. cap. 19. cum varia dona Christo in viuīs agenti, & eius Discipulis, & misissent, & præstitissent, tam pro sua, quā pro egenorum inopia perferenda: iā adesse tempus intelligentes; quæ bona Ecclesiæ, & Ecclesiasticis oblata in vsum Diuini cultus etiam essent conuertenda: quis mereatur sindonē nouam, Christi inuoluendo corpori; quis fert mixturæ, & aloës quasi libras centum, ipsam vngendo, cum aromatibus ingentis pretij; quis parat aromata, quasi integrū triduo Christus in sepulchro fuisset vngi de nouo expectaturus; quis angustum templum ædificatum donat templo sanctissimi corporis, & plenitudini Diuinitatis ab eo numquā discedētis: sepulchrum, videlicet illud nouum in petra excisum: quo angustius aliud non fuit in mundo, templo præsepis excepto, quod Christo in car-

ne apparente, non post illius illustrem, & longam prædicationem, & miraculorum, etiam moriendo, raram patrationem, rationales creaturæ, sed ipsarum deficiente charitate, in rupe etiam excisa, fortuiti ipsius casus, obuiæ naturæ ipsius manus parauerunt.

Neque mirum fiat, si sepulchrum Domini, quod ex Isaia, c. 11. erat futurum gloriosum, templum etiam nuncupemus: nam in ipsis Ecclesiæ exordijs nedum, verum sequentibus aliquibus seculis, in Cæmeterijs Episcopi, & Synodos congregabant, & Psalmos canebant, & Sacramenta administrabant. Quod si non oculis ipsis Romæ, in S. Pancratij Cæmeterio, seu Catacumbis, Conciliorum appellatam, sicuti erat, subterraneam Cameram perspexissemus, id habemus scriptum apud Clementem, lib. 6. Constitut. Apostolic. c. 19. & ab Athanasio in Apologia sua. Cumque Cæmeteria, seu sepulchreta, quæ vocat Plutarchus, lib. de Homero, & Catullo, essent Christianis, quod nunc sunt templa, & Oratorium loca: ut constat etiam, ex Cassiodoro, lib. 5. Histor. Tripar. cap. 3. quando profani Imperatores persecutionem in Christianos instaurabant, in primis eos, à Cæmeterijs arcere solebant, ne in vnum facultas conueniendi suppeteret: eos insuper sugillantes, quod ad mortuorum sepulchra, tamquam ad novos Deos adorandos, concurrerent; ut legitur in vitis Sophistarum, ab impio Eunapio descriptis; dum verò persecutionem intermittebant, rursus mandabant, ut Cæmeteria Christianis libera restituerentur. Vnde fit, ad nostrum intentum consequens, Cæmeteria cum templorum iuribus, de bonis Ecclesiæ participare.

Hinc iam ab antiquissimis Christianisni temporibus, post exstructam Basilicam, duo decreta sunt Ecclesiæ necessaria, ad rem Diuinam, in ea, peragendam: vnum est dos, alterum consecratio. Dos opus est, ut Sacerdotum victui, & vestitui aptius consuleretur: eorumque rationibus esset prouisum. Sic enim habet Concilium Bracharense 2. tit. 5. [Hoc tantum vnusquisque Episcopus meminerit: ut non prius dedicerit Ecclesiam, aut Basilicam, nisi antea dotem Basilicæ, & obsequium ipsius, per donationem chartulæ confirmatum accipiat: nam non leuis est ista temeritas, si sine luminarijs, vel sine sustentatione eorum, qui ibidem seruituri sunt, tamquam domus priuata, ita consecretur Ecclesia.] Et in Concil. Tolet. 3. cap. 19. Episcopis interdicitur, Ecclesiā consecrare: nisi prius dotem chartula confirmatam habuerint. S. Chrysostomus verò Homil. 18. in Acta: [Quasi, inquit, ducta vxore, vel sponsa, vel data virgine: sic erga Ecclesiam affectus sis; dotem inscribe illi: ita tibi benedictionis prædium multiplicabitur.] De quo habetur, de Consecr. d. 1. c. Nemo. & c. Cum sicut.

SECUNDVM NOTANDVM.

SED ut primi huius Notandi ratio ab ipsa nascentis Ecclesiæ origine educatur; notandum est secundò: Quod ea bona, quæ in superio-

ris Conclusionis probatione, Notando i. retulimus, Christum Dominum habuisse: deinceps dicebamus, ea sic ab eo fuisse administrata, vt, familiaria propria, exceptis alimentis, & alijs, quæ parcissime ad vitæ erant vsus necessaria, reliqua in egenorum manus peruenirent. Et cum haberet Christus plures Discipulos laicos viros pios, & mulieres religiosæ, & diuites, vt diximus, illum sequerentur: quorum omnium aliquibus posset munera, & dona sibi oblata dispensanda cōcedere: eis prætermisiss; immò Septuaginta duobus alijs Discipulis præteritis, ex suo Collegio duodenario Iudam discipulorum bonorum dispensatorem elegit: qui etli postea scelestus fuerit, & immanis proditor, dignitate tamen, immò secundum præsentem iusticiam, alijs vniuersis discipulis, præter vndecim, illustrior, & sanctior habebatur. Huic Christus Oī condominæ familiæ, huic pauperum curam commisit, ipsi loculos tradidit, vt ea quæ mittebantur, non suo arbitratu, sed Magistri ex præscripto dispensaret.

TERTIVM NOTANDVM.

TERTIO est notandum: Quòd quantum ex Christi facto, & institutione elicere possumus: hanc primam legem tulit de bonis Ecclesiasticis dispensandis, Matth. cap. 14. & Marc. c. 6. vbi cum referatur, Apostolos voluisse dimittere turbam hominum copiosam, post Christi conuersionem; vt per villas, & castella cunctes corpora curarent, Christus id illis prohibuit, dicens: [Vos date illis manducare.] Quod nihil fuit aliud, nisi, ex suppositione, quòd Apostoli viri Ecclesiastici, habebant tunc pecunias, vt habetur in textu, ex responsione illorum hac: [Euntes emanus ducentis denarijs panes, & dabimus illis manducare:] hoc, inquam, casu, Christi dictum fuit lex præceptiua talis: ECCLESIASTICI I, DE BONIS SVIS, EGENOS ALVNTO. Quòd si responsio Apostolorum fuit representatio suæ indigentiz, & imperatæ subuentionis impossibilitas, referente Ioanne c. 6. Philippum fuisse, qui dixit: [Ducetorum denariorum panes non sufficiunt: vt vnusquisque modicum quid accipiat:] hoc casu lex vrgentior est, videlicet, cum stricta clausula, HABITA, VEL NON HABITA FACVLTATE, ECCLESIASTICI PRÆLATI EGENOS ALVNTO. Id est, quacunque curent industria, per alios pios, & locupletes Christianos, pauperibus prouiderere; vel, vt legis vim adhuc vrgeamus, (quæ explicatio effectibus mille quadrat subsequitis) sic lex concipiatur: ECCLESIASTICI PRÆLATI, AD PAUPERVM SVBVENTIONEM, SI ALIVNDE NON SVPPETAT, MIRACVLA EDVNTO. Ad cuius iussionis, seu legis sonitum, fide plenus, orationi instans, S. Benedicū Pater noster ducentis farinæ modijs, auctore benignitatis, præter Deum, ignorato, ad portam Monasterij Cassinensis repertis, fuit famelicos suos fratres consolatus: ex Gregorio Magno Papa, & suo olim Monacho, lib. 2. Dial. c. 21.

Immò

Immo cum Christus, Luc. c. 12. sic Christianos fuisset exhortatus: [No lite solliciti esse animæ vestræ, quid manducetis, neque corpori, quid induamini:] & infra: [Pater autem vester scit, quoniam his omnibus indigetis:] decuit omnino dicta lege providere, quo sollicitudinem, quam ab his removere curabat, aliorum sollicitudine, qui de illis, & pro illis essent solliciti, compensaret. Vnde quando paupertas, neque esset effectus primæ hominum inobedientiæ: quando non pareret fructus, qui ab Augustino, serm. 2. de Serm. Domini in monte, à D. Bernardo, Sermon. in Festo omnium Sanctorum, à Cassiano, Coll. 3. & à S. Thoma, 3. Part. q. 40. art. 3. referuntur; Diuinam certè maximè declarât providentiam, potentiam, & sapientiam, quæ de hac pauperum OEconomia inducitur, Prouerb. c. 8. sic loquens: [Cum eo eram cuncta componens, ludens in orbe terrarum:] quod dixit quidam:

Ludit in humanis Diuina potentia rebus.

Est enim hic Diuinus lusus, vt pascens, scilicet, Christus s; pius hominû millia, ex paucis panibus, & piscibus: velit se, & suam Apostolicam familiam à Martha sollicitè hospitari, & pasci: Lucæ c. 10. Est Diuinus lusus potentis Dei, impotentes velle hic inter versari homines, & egenos: & nomen illorum, olim probrosam, coram se honorabile reddere: ex Psalm. 71. vt diuitibus mendi eos esse ditiores ostenderet; cum diuitiarum abiecta sollicitudine, diuites ipsos, vel alios pauperes, sed celesti, virtute locupletes, suæ inopiæ curatores, & prouisoires fuissent con-secuti.

Vnde in hac lege condenda, ex consequio, miris modis Christi effulget prouidentia: qui, ne materia deesset vniquàm Ecclesiasticis Prælati, cam obseruandi, vniuersam Ecclesiam hac prærogatiua decorauit; vt in ea pauperes semper conuersarentur, quibus confratres Christiani benefacerent, & quorum curam Ecclesiastici gererent. Quod priuilegium ipse Legifer, & summus Pontifex suo diplomate munivit, quo tempore, vltimò fuit ad Patrem discessurus. Accedente etenim, vt referēbamus, ex Matth. c. 26. Marc. c. 14. & Ioan. c. 12. Maria Magdalena ad Christum recubentem, & illius capite, & pedibus vnguento pretioso delibitis, Christus excepit Iudæ murmurationem, quasi in fraudem esset peuperû factus ille tantus sumptus, hisce verbis: [Sine illam, in diem sepulturæ meæ seruauit illud. Pauperes enim semper habetis vobiscum, me autem non semper habetis.] Id est, cura pauperum te minus tangit, qui diuitis, & pauperis simul in vnum sanguinem vendidisti. Sciant tamen Ecclesiæ meæ Prælati, eò ab eis maiori studio illorum curâ retinendam, quò eos certiores reddo, cum præsentia meâ corporali passibili caruerint, in mei locum, & vicem, pauperum copiosam turbam numquam in Ecclesia defuturam.

Q V A R T V M N O T A N D V M.

VBI libet maximè quartò aduertere ; Christum Dominum impensè desiderasse : vt apud nos multis, miris, & ineffabilibus modis illius memoria conseruaretur : immò vt apud nos seipsum passim, volentibus, nolentibus præsentaret. Hinc voluit remanere apud nos primò, per præsentiam realem corporalem, sub figura visibili: secundò per præsentiam realem spiritualem, inuisibilem : tertio per præsentiam figuralem, visibilem. Sic primò habemus Christum præsentem in Augustissimo Eucharistiæ Sacramento : secundò habemus Christum spiritualiter Ecclesiæ regimini, immò Christianorum quorumcumque in vnum, in illius nomine, coeuntium directioni assistentem : tertio habemus Christi Vicariam pauperum multitudinem. De primo ipse dixit, Matth. c. 26. & 1. ad Corinth. c. 11. [Accipite, & comedite. Hoc est corpus meum:] & Luc. c. 22. [Hoc facite in meam commemorationem.] De secundo ipse promisit, Matth. c. vltim. [Ecce ego vobiscum sum omnibus diebus, vsque ad consummationem seculi.] Et c. 18. [Vbi fuerint duo, vel tres congregati in nomine meo, ibi sum in medio eorum.] De tertio dixit illud: [Pauperes semper habetis vobiscum, me autem non semper habetis.]

Circa primum, præceptum habemus ; id enim est illud : [Hoc facite, &c.] ac si dicat, Præcipio vobis, vt sacrificetis. Facere enim, est sacrificare, tam apud Ethnicos Auctores, Plautum in *Asinaria*, Virgilium in *Bucol. Eclo.* 3. Cicer. pro *Muræna*. Macrob. 3. *Saturn.* quàm apud sacras Litteras, *Leuit. c. 15. & 23. Numer. c. 6. 8. & 9. Iudic. c. 13. 3. Reg. cap. 18. Ezech. c. 43. Ierem. c. 7.* וַיִּשָּׁחֵק, enim verbum Hebraicum, & facere, & sacrificare significat, וַיִּשָּׁחֵק, habetur *Exod. cap. 10.* idest, [& faciemus,] idest, sacrificabimus Domino : sicuti idem verbum habetur, *Psal. 66.* dum Latine translulere Interpretes : [Offeram tibi boues cum hircis.] Et *Ezechiel. c. 45.* dum Latine transfertur : [Et sacrificium ephi per vitulum: & ephi per arietem faciet.] Esse verò præceptum, fieri hoc sacrificium, est doctrina *S. Dionys. de Eccles. Hierarch. c. 3. S. Martialis, Epist. ad Burdegalem. c. 3. Clementis lib. 3. Apostol. Constit. c. 18. & omnium sequentium Ecclesiæ Doctorum.* Circa secundum, & tertium habemus Christi promissum, quod certius est, fore adimplendum, quàm est certum, nos primum illud præceptum adimpletuos.

In primo vult Christus, memoriam retineri suæ præteritæ passionis, in secundo suæ præsentis actionis, in tertio nostræ passionis, & actionis: patribus enim conspectis, vult, vt factum demittamus, humilitatis admoniti ; & miseriam eorum considerantes, ad mentem, alias auersi, redeamus ; charitatis operibus, & elemosynis propria peccata redimendo.

In primo eget status laicus Ecclesiastico statu ; cum apud solos Sacerdotes potestas conficiendi illud Diuinissimum Sacramentum, & sacrifi-

cium resideat; in secundo eget vterq; status Christo, immò eget Christo, & seipso; ille enim semper stat ad ostium nostri pectoris, etiam pulsando. Apocalyp. cap. 3. vnde si per nos non steterit, vasa subtrahentes, 4. Reg. c. 4. oleum illud & pretiosum, & effusum, Cant. c. 1. Diuinæ suæ specialis assistentiæ, siue maioribus, siue minoribus Christianorum Cōgregationibus influere non cessabit: in tertio quasi eget Christus nobis cuius tanta est ad homines charitas, tantus amor, vt cū resurgens ex mortuis iam non moriatur, ex Paulo ad Rom. c. 6. cū humanæ miseræ mala pœnæ, quæ pro nobis suscepit, iam ad eius Diuinum, & humanum non accedant tabernaculum: ex Psalm. 90. voluit inter nos certissimos suæ ipsius personæ olim in terris visæ, & cum hominibus conuersantis, indigentes, & pauperes, Vicarios esse substitutos, ipso testante, Matth. toto cap. 25. Est Diuina Christi mens: vt si forsan in throno Eucharistiæ maiestate eminentem, in Congregationum regimine, & directione superiorem residentem, ad illum accedere vereamur: in pauperibus egentem, & nobis supplicē, quasi superiores adire promptis gressibus audeamus.

In primo tandem status Ecclesiasticus est natu maior, & excellentior laico statu. Sacerdotes enim sunt [ministri Christi, & dispensatores mysteriorum Dei:] ex 1. ad Corinth. c. 4. sed ex consequio sunt statui laico superiores, & Patres; in secundo vterq; status est æqualis, egendo Christi spiritu, qui actiones omnium aspirando præueniat, & adiuuando prosequatur: sine quo nihil possunt facere, ex Christi ipsius assertionem, Ioan. c. 14. in tertio status Ecclesiasticus est minister: ex Paulo ad Rom. c. 15. est seruus, & laico statui hoc sensu inferior: cū Christus voluerit ab huius humeris tantum onus administrandi, dispensandi, & legibus erigendi, & emendandi, bona, & circa bona omnia, quæ ipse habet in Ecclesia, ad Ecclesiasticorum Prælatorum humeros transportare.

Neque ex hoc discursu intelligat status secularis, nos, asserentes nostram immunitatem, in bonis Ecclesiæ administrandis, dispensandis, & leges circa isthæc ferendis, velle illum reddere immunem ab eleemosynis erogandis, quò pauperum inopiæ subueniatur. Imensum certè ab hac doctrina distamus. Habent namque Christiani omnes à Christo Domino sibi impositum hoc præceptum, Luc. cap. 11. [Quod superest, date eleemosynam: & omnia munda sunt vobis:] id est, non necessaria, sine quibus vitam vos, vestrique commodè transigere potestis, pauperibus largimini: seu, ex his, quæ vobis diuitijs affluentibus superfluerint, eleemosynas erogate. Et Luc. c. 16. præcepit diuitibus, vt [facerent sibi amicos de Mammona iniquitatis.] Et ibidem c. 17. viduam pauperculam, duo minuta mittentem in Gazophylacium, vnice commendauit; cū prius cap. 16. diuitem immisericordem in Lazarum mendicum æternis flammis punitum demonstrasset. Et Paul. ex Psal. 111. 2. ad Corinth. c. 9. sic docuit: [Qui parcè seminat, parcè & metet; & qui seminat in bene-

ditionibus, de benedictionibus & metet.] Et superius c. 8. terminum, & modum in elemosynis faciendis seruandum, Christianis proponēs, ait: [Si enim voluntas prompta est, secundum id, quod habet, accepta est: non secundum id, quod non habet. Non autem ut alijs sit remissio, vobis autem tribulatio: sed ex æqualitate, in præsentī tempore, vestra abundantia illorum inopiam suppleat; ut & illorum abundantia vestræ inopiæ sit supplementum.] Sed cum de hoc omnes sancti Doctores super his locis diuinè loquantur, & S. Thom. 2. 2. q. 32. sit præcipuè videndus: vnum, Gregorium Nazianzenum, Orat. 16. audiamus, dicentem: [Haud existimassem, esse præceptum de elemosyna largienda: nisi viderem, quod in iudicio de hac re rationem sibi reddi postulabit, quod famelicus fuit in suis pauperibus, & eius fami non fuit subuentum.] Et Chrysostomus Homil. 37. ad Popul. Antioch. docuit, elemosynam non tantum fuisse à Christo Domino, propter pauperes, quantum propter eam facientes commendatam.

Q V I N T V M N O T A N D V M.

Q V I N T O est notandum: Quod Christus Dominus secundam legem tulit de bonis Ecclesiasticis administrandis, Matth. c. 10. & Luc. cap. 10. cum ad prædicandum destinans Apostolos, sic dixit: [In eadem autem domo manete; edētes, & bibentes, quæ apud illos sunt: dignus est enim operarius mercede sua.] Hæc fuit lex præceptiua circa bonorum Ecclesiæ dispensationem: cuius est sensus: ECCLESIASTICI, EX BONIS EORVM, QVIBVS ECCLESIASTICA ADMINISTRANT, ALVNTOR. Quam legem Paulus, 1. ad Corinth. c. 9. & ad Galat. c. 6. & ad Timoth. c. 5. insigniter fuit interpretatus. A cuius tamen obseruantia inter Corinthios abstinuit; ut ipse docet dicto c. 9. & 2. ad ipsos Corinth. c. 11. speciali motus causa, scilicet, offendiculum quoddam à via Euangelij auferendi: propter quosdam Pseudoapostolos. Felicius in hoc Protoparentibus, qui cum comedendi de omni fructu arborum paradisi, vno excepto, haberent mandatum, Genes. c. 2. eos de illo solo vetito, & intra breue tempus, legimus comedisse; cum Apostolus non in vno paradiso, sed inter Corinthiorum populosissimam Ecclesiam, voluerit, per longum tempus, ab illorum, ad suum victum, ex lege Christi, concessis, bonis omnibus abstinere.

S E X T V M N O T A N D V M.

S E X T O est notandum; Quod Christus Dominus tertiam legem tulit de bonis Ecclesiasticis dispensandis, quando cultui Diuino externo, ea insinuauit inseruitura: loco dicto, Ioan. c. 12. cum, vel Apostolis pluribus, vel solo Iuda indignè ferentibus, vnguenti pretiosi effusionem super caput Christi; quasi melius fuisset consultum, si pretium vnguenti

venditi, in pauperum consolationem cecidisset. Christus mulieris bonum opus, verbis gratissimis, futuris seculis, & æternam facti memoriam commendauit. Quod certe nihil aliud fuit, quàm legem hanc condere, videlicet: **DE BONIS ECCLESIAE, CVLTVS DIVINVS EXTERNVS INSTITVTOR, AVGETOR, ET CONSERVATOR.**

SEPTIMVM NOTANDVM.

SEPTIMO est notandum; Quòd crescente in millibus, & millibus numero fidelium, vt habetur Act. c. 2. & 4. viri, & femina diuites, & opulenti cuncta, quæ habebant, etsi amplissima essent, & opulentissima, bona terrena, vt expeditius Christum consequerentur, distrahebant: eorumque pretia Apostolis, quibus suas animas concederidebant, pro suo arbitratu, ceteris Christianis, hilariter offerebant, dispensanda. Testatur hoc Luc. Act. c. 2. dicens: [Omnes qui credebant, erant pariter, & hab. bñt omnia bona communia. Possessiones, & substantias vendebant, & diuidebant ea omnibus, prout cuique opus erat.] & c. 4. [Multitudinis Creditum erat cor vnum, & anima vna; nec quisquam eorum, quæ possidebat, aliquid suum esse dicebat: sed erant illis omnia communia.] Et infra: [Neque enim quisquam egens erat inter illos. Quotquot enim possessores agrorum, aut domorum erant, vendentes, adderebant pretia eorum, quæ vendebant, & ponebant ante pedes Apostolorum. Diuidebatur autem singulis, prout cuique opus erat.]

Hac rerum pulchra facie in Ecclesiâ introducta; oportuit, vt Apostoli lege sancita, quo pacto, tot, tantaque bona, tot fidelium ministrarentur, & sanctè dispensarentur, ordinarent. Multitudo igitur Christianorum ex varijs coaluerat Nationibus, cumque Græcorum Hebræorum, animos suspicio intercedentis cuiusdam affectus, circa hanc bonorū partitionem, versus Hebræos Palæsthinos, vel veri, vel imaginatione comprehensi, titillaret, Act. c. 6. ecce Apostoli conuocata multitudo, illi optionem, considerandi viros boni testimonij, præstiterunt, quos Apostoli ipsi præficerent ei muneri, inter alia, vt pauperibus ministrarent: quò ipsi interim mensarum ministerio liberi, prædicationis officium liberius adimplerent.

Hæc fuit ratio septem illos primos Diaconos, seu Ecclesiasticos constituendi ministros, per manuum impositionem, qui Apostolis rem sacrā facientibus assisterent, qui Euangelizarent, & tandem pauperum, & viduarum curam susceperent, eisq; ministrarent non tantum, verum, vt fiducia, quæ inter ipsos pauperes, ac pauperum ministros orirentur, componerent, & transigerent; & vt in vnuersum iurgia omnia inter primum Christianorum multitudinem excitata, per illos, vt supra ex Ili-

Horum Diaconorum instas, in omnibus Ecclesijs, iuxta Christianorū

maio rem, vel minorem numerum, & Ecclesiarum in bonis temporalibus sufficientiam, Diaconi plures, vel pauciores fuere ab omnibus Apostolis creati. Benè tamen Diaconos illos nominauere: quia non solum ministri pauperum, & multitudinis Credentium fuere electi: sed, vt ministri Apostolorum etiam essent; à quorum ordine, arbitrio, & imperio haud debebant exsilire: cum certè Apostoli, vt ex c. 2. Epist. ad Galat. superius probauimus, curam pauperum absolute, tamquam à suo munere, & ab Euangelizando insociabilem, neuiquam abiecerint. Et hoc nihil aliud fuit, quam hanc de bonis Ecclesiae acquisitis, & acquirendis, legem condere: videlicet: ECCLESIAE BONA, PER DIACONOS, ECCLESIASTICOS VIROS, ADMINISTRANTOR.

OCTAVVM NOTANDVM.

ET quia de electione, ac institutione Diaconorum egimus, operæ pretium erit, semel de Hierarchia Ecclesiasticorum notitiam inferere: vt qualiter à secularibus distingueretur, agnoscat.

Notandum est ergo octauò, qualiter, & in quos status hæc noua Respublica, quam Ecclesiam appellamus, scinderetur. Nuncupauit Christus Dominus hanc suam Rempublicam, Ecclesiam, idest concionem, & gregem: & in vtraque nomenclatura, suam esse constantem voluntatem declarauit, vt vnus esset Ecclesiastes, & vnus Pastor, isque esset Petrus: cum Ecclesiae nomine ei dixit, Matth. c. 16. [Tu es Petrus, & super hæc petram ædificabo Ecclesiam meam:] gregis verò spectato vocabulo, [Pascere,] inquit, Ioan. c. 20. [oues meas:] & cum Apostolorum nulli tale quid dixerit, Petri Praefectura omnium est aliarum certissima: vt ea sit sola Ecclesia, concio; & grex, quam ducit Petrus eius Pastor, à Christo Domino primo Pastore designatus. Ergo quantumuis Græcè, Ecclesia, concionem denotet; nos tamen Christiani eo nomine, Fidelium esse solum congregationem, iam per Antonomasiam intelleximus; cui Petrus, & eius successores Romani Pontifices, Ecclesiastes, Coryphaei, & Pastores existant: quod & Cyprianus, & Hieronymus, olim dixerunt; nam qui ab hac *παρρησία*, seu grege discedunt, vt docet Ambrosius, citatus 24. q. 1. c. Aduocauit: fideles nec sunt, nec dicuntur; vnde Nouatorum, & omnium Hæreticorum, & antiquarum, & nouarum congregationes, & coitiones, Ecclesiae non sunt: & Theodosius, & Valentinianus de Hæreticis, l. 5. conuenticula dici voluerunt, nomenque Ecclesiae, aiunt, nimia sibi audacia vendicare.

In hac Ecclesia, seu Republica Ecclesiastica, Hierarchia eius tota sic fuit nata, sic adoleuit: vt eius causa omnino Diuina sit, nihilque humana ratio, vel secularium Principum, in ea statuenda, sibi attribuere possit diligentia. Principio igitur Christus ipse Hierarchiae Auctor Ecclesiasticæ, duos instituit ordines, Apostolorum, videlicet, duodecim, ac Septuaginta Discipulorum: ex Luc. c. 6. & 10. multitudo reliqua, Credentium,

nomine signabatur: ex A& c. 2. vbi, Credentes, vna esse referuntur. & c. 4. [Multitudinis Credentium erat cor vnum: &c.] Fratres etiam dicebantur: A& c. 11. & tandem Antiochiæ Christianorum nati sunt nomen: ex eod. cap. Apostolos creauit Christus, qui pro eo legatione per mundum fungerentur, ex Paulo, 2. Corinth. c. 5. & ad Ephes. c. 6. Discipulos septuaginta per regiones, ad quas ipse erat venturus, binos, ac binos prædicatores destinauit: ex Luca, c. 10. Tertius Diaconorum ordo ab Apostolis fuit adiectus: qui in communi vita degentibus Christianis omnibus ministrarent, iuxta nomen suum: *διακονῶν* enim Græcè id significat, ministrare, scilicet: quem ordinem, re, & nomine facillè percipiemus ab ipso Christo Domino in sua fuisse institutum personam, qui dixit, Matth. c. 10. [Nō veni ministrari, sed] vt sim Diaconus, [*διακονῶν*], Græcè, idest, [ministrare] ceteris, & illud actu, & reuera præstiterit, discipulorum lauando pedes, & suū sacratissimū corpus ipsis tūc dispertiendo; vnde cetera sacra munia, quæ ad Diaconos, præter mensarū curam, pertinebant, facillè colliguntur. De quo vidend. d. 93. apud Gratianum per totam.

Apostoli etiam, qui omnes à Christo fuerant Episcopi creati, Episcopos alios creauerunt, qui sibi vita functis succederent, quique per ciuitates Christianas præficerent, & verbum Dei, quod illorum erat, sicuti est, maximum munus, prædicarent. Hi haud poterant vbique in ciuitatibus docere publicè, neque cetera curare, quæ huius Reipublicæ erant, impediri Ethnicorum impietate, ac potētias (immo neque ipsi Apostoli, initio passi mille Iudæorum persecutiones, Ierosolymis:) prohibebant enim collegia, cœtusque, vt Plinius Nicomediz, ex Traiani edicto, fecisse narrat, Epist. lib. 10. & Martianus Iurisconsultus de Collegijs illi citis, mandatis principalibus, ad Provinciarum Præfides, ita contineri ait. Fuit igitur necessum primò ab Apostolis, deinde ab Episcopis ab eis institutis, & eorum successoribus eligi viros ætate prouectos, atque ingenio, doctrina, probitate, religioneque eximia, qui Presbyteri inde dicti sunt, quos sacerdotio inaugurarent: sicuti & ipsi à Christo Domino in vltima cœna sacerdotes fuerant ordinati; & cum quibus sua onera dispertirent, scilicet, docerent populum in ciuitatibus, vel vicis, publicè, vel priuatim, vt rei serebat commoditas: sacrificium Deo offerrent, Episcoposque iuuant in toto hoc munere, Christianæ Reipublicæ gubernandæ.

Presbyteros hos fuisse iam Apostolorum temporibus, ex eorum Actis, c. 14. & 15. constat, & alibi; item 1. ad Timoth. c. 5. ait Paulus: [Qui bene præsunt Presbyteri, duplici digni honore habeantur: maximè qui laborant in verbo, & in doctrina.] Et ipsi vetat, quominus accusatione contra Presbyterum, nisi sub duobus, vel tribus suscipiat testibus: quod ex Apostolorum Can. 2. est peruulgatum. Quæ omnia haud sine exemplo veteris Reip. ab Apostolis gestata sunt: in qua Num. c. 11. iussus fuit Moy-

ſus ſeptuaginta congregare Presbyteros, cum quibus Dominus Deus, de ſpiritu, ac energia Moyſis, aliquid partiretur: quò populi in regimine, cum ſanctius, ac expeditius adiuuarent. Horum inſtar, Presbyteri ab Epiſcopis conſtituebantur: vt docendi, baptizandi, ſacra faciendi, ac denique adminiſtrandæ huius Reipublicæ, cum eis curam, & onus ſuſtinerent. Exſtant de hoc Apoſtoli Canon 2. & 38. & Tertullianus id docet, Apologet. c. 39. dicens: [Præſident probati quique Seniores, honorem iſtum non pretio, ſed teſtimonijs adepti: neque enim pretio vlla Dei res conſtat.] vbi vocat Epiſcopos, Seniores: quia Epiſcopi omnes, Presbyteri, ſeu Seniores dicebãtur; licet nõ eõtrario: Epiſcopus enim Presbyterorũ omniũ eſt maximus; vnde, & ſummum Sacerdotium, Epiſcopatũ, Taurinatenſe Conciliũ c. 1. nuncupauit. Epiſcopatus igitur eſt dignitatis nomen, Presbyteratus ætatis, vt & Hieronymus ait, apud Gratianum, 93. d. de quorũ Seniorũ, ſeu Presbyterorũ ad Epiſcopos ſubiectione, præter id, quod ex Paulo ad Timoth. ſtatim retulimus, Ignatius Epiſt. ad Trallianos, & Magnẽſianos, & Philadelphenſes, Epiſcopi, Presbyteri, & Diaconi partes deſcribens, eſt legendus. Erat & inferior ordo eorũ, qui Hypodiaconi dicti ſunt; & ſenilatinè, vulgò, Subdiaconi, appellantur, in Diaconorum creati ſubſidium, quibus & ſuberant, ac miniſtrabant: de quo fit mentio Can. 43. Apoſtolorum.

Hiſ Ordinibus, quos ſacros maiores noſtri vocauere, acceſſerunt ſequentes minores, Acolythos, videlicet, dicebatur, quaſi non prohibitus, à verbo, ἀκλύθως, Græcè, quia ei quaſi ſoluto, & libero, ac initiato, licebat ſe ſacris immiſcere, ac cercolum, & vircolum, quod ſacræ conſigendiæ Eucharitiæ parabatur, quaſi res ſacras contræctare: cuius & erat munus, Eccleſiæ lucernas, ac luminaria concinnare. Licet iſidorus, omninò videndus pro his, quæ referimus, d. 21. Cleros. Ceroſerarios, appellet Acolythos: & nonnullis placeat, dictos eſſe Acolythos, vel Acoluthos, à verbo ἀκλύθως, quod ſequi ſignificat: vt eſſent quaſi pedifſequi, ac famuli, ſeu comites, quos deſignauerunt quidam Iureconſulti, de Iniurijs l. 15. eos, qui frequentandi cuiusque cauſa, vt ſequerentur, eſſent deſtinati.

Exorcifte deinde erant, qui Chriſti aſpicio, numine, ac nomine, Dæmones proſtigabant, vel comprimebant: & precationes, quibus ad hoc utebantur, Exorcifmi dicebantur. Hoc munus eſt antiquiſſimum, & à Chriſti diſcipulis, vt ex Euangelio conſtat, Luc. c. 11. & alibi, peragebatur: & Act. c. 19. oſtenditur, & etymon verbi, & Exorcifmi forma, dum dicitur: [Tentauerunt autè quidam, & de circumeuntibus Iudeis Exorcifſtis inuocare ſuper eos, qui habebant ſpiritus malos, nomen Domini I E S V, dicentes: ἐπιſτάμεν ὑμῖν τὸν ἰσχυρὸν; id eſt, oreizamus vos, per I E S V M, quem Paulus prædicat: &c.] id eſt, [adiuramus,] vt trãtulit Latinus Interpres: vt faciat ſenſum, iuramento adſtringimus: id enim ſignificat ἐπιſτάμεν, exacto iuramento, ab aliquo cauere; & illi Exorcifte reli-

gione, quā, iusiurandum, veteres appellarūt, obstringebant Dæmones, religionis IESV Domini vi, eos coercerant, ac sedabant potestate; sibi ab Episcopis data: qui eū eam à Christo acceperant ligandi, ac solvendi; & comprimendi, & adstringendi Dæmonis facultatem etiam fuerant cōsequuti; eū eam Christus Dominus in se credentibus, Marc. v. ultimo, communicauerit; dicens, illos, in eius nomine, ab Energumēnis Dæmones eiecuros.

Præterea & Anagnostes erat, Latine Lector: qui ordo Apostolorum etiam fuit ætate: vt apparet ex eorum Canone 43. Is maxime fuit necessarius, nam præcationes, & supplicationes; ac processiones publicæ fiebant, legendiq; in concione ipsa Christianorum mos erat, horis etiam anteluceanis: vt Plinius, lib. 10. Epist. ad Traianum, & Tertullianus in Apologetico, c. 2. & 29. tradiderunt: & oportebat, vt essent aliqui, quibus horum incumberet cura, vt commodè fierent: cum S. P. N. Benedictus, etiam ad lectionem inter epulas, cauerit, cap. 38. Regula, ne frater quicumq; arreptō casu codice, recitaret, aut contineret: sed is, qui & præuia, Hebdomadæ initio, benedictione, ad Missarum dominicalium solemniū exitum, & studio diligenti factō prius, fratrum edentium valeret aures recreare. Anagnostis his quidam annumerant Psalter, Latine Cantores; sed certe hic non est ordo, cum Psalmista posset absque scientia Episcopis, sola Presbyteri iussione, cantandi suscipere officium, ab eo admonitus, vt quod ore cantabat, corde crederet, neq; id operibus improbaret.

Ostiarius est vltimus; quem nedum cum ædes sacræ construi cœperunt, verum & initio eiusdem Ecclesiæ per domos singulas, quasi peregrinantis, est verosimillimum existisse, cui clauēs committerentur: sub quibus & sacræ vasa, & cetera mystica ornamenta, ad sancta faciendā, asservabantur. De quibus omnibus ministris Ecclesiasticis ab Episcopo, vsq; ad Ostiarium, & Psalter, videndum Concil. 4. Carthaginense, c. 2. vsq; ad 10. citatum à Gratiano, c. 3. d. Subdiaconus. cum 5. seqq. Attamen de eorū muneribus, ac functionibus, cum hodie in Ecclesia perseverent, & praxi ipsa constent, plura dicere super sedemus: solum antiquissimo vno teste Ignatio, Epist. ad Antiochenes, eorum antiquitatem demonstrantes, dum sic scribit: [Saluto sacros Diaconos, & c. saluto Hypodiconos, Lectores, Canēores, Ostiarios, Laborantes, Exorcistas, atque Confessores.]

Facile est iam ex dictis colligere, discrimen grande totius Christiani populi tunc cœptum esse, duplicem eiusdem statum, ac conditionem, successisse: eū hi ministri, ordinem integrarent vnum, qui omnino fuit à reliqua Christianorū multitudine, quasi alio ordine secernendus. Ergo Fideles, seu Credentes omnes, aut Clerici erant, aut laici: ducimus genus Christiani ab Oriente, & Græcis: quid mirum, si & ab eis nomina,

Græca fortiamur? Laici dicuntur Latine populares, seu, ut quidam interpretantur, profani; λαός namque est, populus: Clerici dicuntur, qui in sortem peculiarem Domini sunt adsciti: κληρικός enim sortem significat: unde & Clerici, sicuti Isidorus, d. 21. dicta declarauit. De quibus omnibus, & ibi, & d. 23. licet plura videre sicuti, apud Apostolorum Canones, & Concilij Romani per Siluestrum statim post Nicenum celebrati, c. 7. & Epist. Nicolai, 1. ad Michaellem Imperatorem: ut in corpore iuris Canonici pluribus in locis.

Cum igitur hæc Respublica indies per orbem aueretur: liberum, erat cuiq; sua retinere, ut dicemus postea: mensibus tamen singulis, vel cum velleret, cōterebat stipem, aut quiddam maius pro deuotione, vel pietate, aut sufficientia maiore; ut habetur ex Tertulliano ubi supra: quibus tempore procedente, ac toto ferè orbe Christiana in pace composito, primitiæ fuerunt, & decimæ contributæ. Alebantur ex ijs præfati ordines, qui sacris faciendis, Reipublicæq; administrandæ operam dabant, & quod ita in eam sortem, victus, curandæq; rei sacræ, & publicæ essent vocati, & quasi sortitò electi, Clerici appellabantur. Res ex omnes, quæ dabantur à fidelibus, in Episcopi erant manu, & is distribuebat illas Clericis, quibus erant communes, necnon & inopibus: ut ex Canone Apostolorum, 3. & 4. compertum est. Hæc omnia exemplo antiquitatis nuper Hebræorum Reipublicæ facta sunt: uti Hieronymus citatus 12. q. 1. Clericus. docuit. Terram namque Canaanorum, Deuter. c. 23. iussit Deus diuidi vndecim Israel tribubus, duodecimæ autem quæ Leuitarum, siue Ecclesiasticorum erat, sacrificia, decimas, primitias, oblationesq; dari voluit: eorumque partem sese esse dixit: unde Leuitæ verè dicebant, [Dominus pars hereditatis meæ:] quod sic interpretatur Hieronymus, illa ipsa Quæstione. Clericos etiam eo dici ait, quod Deus sit fors eorum, idest pars, & sorte electi sint: omnes, inquit, Deus in suos elegit: hi namque sunt reges, se & alios in virtutibus regentes, & ita in Deo regnum habent, quod ipsum & corona in eorum capite designat. Et alibi idem Hieronymus latè demonstrat, quanta olim Clericorum, & præsertim Presbyterorum dignitas exstiterit.

Qualiter autem [Christus Dominus assistens Pontifex futurorum bonorum,] ex Paulo ad Hebr. c. 9. & quando gesserit hæc omnia enarrata, munia Ecclesiastici corporis huius mystici, per suum reale corpus, petendum est ab ijs Doctoribus, qui de sacris ritibus, de ordine Ecclesiæ Hierarchico, agunt ex professo; nobis ad statuum, seu ordinum Ecclesiæ notandam distinctionem, dicta sufficiunt.

NONVM NOTANDVM.

NONO est notandum; Qualiter vnus Apost. Paulus Conclusionis propositæ probat efficacissimè veritatem. Is enim 1. ad Corin. c. 8.

Macedonum, & Christi exemplo ad largiendas in vsum pauperum eleemosynas, Corinthios exhortans, Macedones, per illius manus, suas eleemosynas, etiam rogando, ut illas acciperet, Sanctis Ierosolymæ egentibus, testatur, remisisse. Eodem capite laudat Apostolus Deum, cui pauperum cura adeo est cordi, ut, mirabili sua providentia, ministros prædestinaret, qui ardentissimo zelo procurarent, quæ ad pauperum essent vsum conferenda. Inter eos autem Titum huius ministerij commemorat studiosissimū, dicens: [Gratias ago Deo, qui dedit eadem sollicitudinem pro vobis, (videlicet circa pauperes,) in corde Titi: quoniā exhortationē quidem suscepit: sed cū sollicitior esset, sua voluntate profectus est ad vos. Misimus etiam cum illo fratrem nostrum, cuius laus est in Evangelio, per omnes Ecclesias. Non solum autem, sed & ordinatus est ab Ecclesijs comes peregrinationis nostræ, in hanc gratiam, quæ ministratur à nobis, ad Domini gloriam, & destinatam voluntatem nostram.]

Eccē Paulus mittit cum Tito Presbytero, seu iam Episcopo fratrem, & comitem suæ peregrinationis Barnabam, etiam Episcopum, segregatū ex Dei præcepto, Act. c. 13. in opus Evangelij, & administrandi bona Ecclesiæ, qui cum alio tertio fratre Presbytero, cuius infra eodem capite meminit, faciant Collectas, siue colligant eleemosynas à Corinthijs oblatas, quas à se solum, non à secularibus ministris, dixit administrari ad Dei gloriam, iuxta Pauli promptam voluntatem. Similiter bona Ecclesiæ ex fratrum eleemosynis, Act. c. 11. corrogata, ad subuentionem pauperum Sanctorum, qui, fame grassante sub Claudio Imperatore in vniuerso orbe, Ierosolymis vehementerangebantur, per manus Barnabæ, & Sauli mittuntur ad Presbyteros Ierosolymitanos, qui ea Christianis egentibus dispensarent. Item ad Rom. c. 15. est insigne exemplum huius administrationis bonorum Ecclesiæ, pro alimentis ministrorum, & subuentione pauperum, sed iisdem bonis per Ecclesiasticos solum dispensandis: dum sic scribit Paulus: [Cū in Hispaniam proficisci cōpero, spero quod præteriens videam vos, & à vobis deducar illuc: Si vobis primum ex parte fructus fuero. Nunc igitur proficiscor in Ierusalem, ministrare Sanctis. Probauerunt enim Macedonia, & Achaia collationem aliquam facere in pauperes Sanctos, qui sunt in Ierusalem. Placuit enim eis, & debitores sunt eorum. Nam si spiritualium eorum participes facti sunt Gentiles, debent, & in carnalibus ministrare illis. Hoc igitur cū consummauero, & assignauiero eis fructum hunc, per vos proficiscar in Hispaniam.]

Ergo Macedonia, & Achaia contribuunt ad alimoniam pauperum Sanctorum, qui erant Ierosolymis: id est, Ecclesiasticorum Ministrorum præcipuè, & Christianorum, è quibus exierant, qui illis Gentibus annunciaueraut verbum Dei: hi enim tamquam qui paupertatem illam, grandem in Evangelio solum consuleant, amplexi fuerant, Sancti, ad

differentiam communium pauperum, vt infra videbimus, dicebantur. Attamen vt fundamēta hæc, quibus innititur Conclusiois probatio, firmissima perstent, vnus locus Pauli accedat, ex 1. ad Corinth. c. 16. Vbi sic eos alloquitur: [De collectis autem, quæ sunt in Sanctos, sicut ordinavi Ecclesijs Galatiz, ita & vos facite. Per vnâ Sabbati vnusquisque vestrum apud se seponat, recondens, quod ei bene placeat: vt non cum venero, tunc collectæ fiant. Cum autem præsens fuero, quos probaueritis per Epistolas, hos mittam perferre gratiam vestram in Ierusalem. Quod si dignum fuerit, vt ego eam, mecum ibunt.] Super quem locum notat valde illud verbum, [ordinaui,] Chrysostomus; [Non consilium dans, inquit, non rogans, sicut alias fecerat, sed Apostolica auctoritate statuens, & ordinans.]

Ecce Apostolus statuit, & ordinem adhibet, quo pacto Ecclesiæ bonæ ad alimenta Sanctorum Ministrorum, qui erant Ierosolymis: (quibus nihil minus, quam à Macedonibus, debebatur à Corinthiis, qui spiritualium illorum bonorum participes etiam fuerant facti) & ad eleemosynas etiâ Sanctorum aliorum, per collectas Dominica Die, qua præcipue ad Deum colendum Christiani, iam ab ipsis Ecclesiæ primordiis, conueniebant, cōgregata, sint mittenda Ierosolymam, per talium Presbyterorum manus, quibus comitem assignari Paulum ipsum, sibi maximo ducendum esse, honori, iudicaret. Ordinatione ergo Spiritus sancti, per Paulum ordinantis, sancitum est de iure Diuino, hæc bonâ Ecclesiastica, siue pro alimentis ministrorum, siue pro eleemosynis pauperum, hinc tandem pro fabricis sint expendenda; vt per Ecclesiasticos administrarentur, dispenserentur, & circa horum bonorum rationem leges Ecclesiasticæ constituantur. Immò crediderimus, sacrum Concilium Tridentinum, ad hunc locum Pauli respexisse, quando Sess. 25. c. 10. loquendo de Ecclesiastica immunitate in genere, [Dei ordinatione,] illam, dixit, fuisse constitutâ.

Colligitur Conclusiois integra prima probatio.

QUIBUS præmissis notationibus, Conclusio posita sic probatur. Bona Ecclesiæ formaliter adiudicata, quadrariam, vel simpliciter trifariam distribuenda sunt, vt ex S. Siluestri Constituto patet, in 1. Notando: ad alimenta, videlicet, Ecclesiasticarum personarum, ad pauperum subuentionem, & ad cultus Diuini externi maiestatem. Et vt constat ex 2. Notando, Christus Dominus suâ bonâ, in cuius locum Ecclesiæ bona succedere, per Ecclesiasticum suum ministrum Iudam, dispensauit: neque simpliciter ad illius arbitrium, sed vt semper ex Magistri nutu, in bonis illis administrandis, dependeret. Similiter vt ex 3. 4. 5. & 6. Notandis clarum est, Christus ipse, qui apud nos miris voluit modis remanere, leges tulit, & ordinationes, & dispositiones fecit, quo pacto hæc bona essent dispensanda; tractantes. Et vt apparet ex 7. No-

tando, Apostoli Præceptoris Christi vestigijs inhzrentes, ordinarunt, & disposuerunt, qualiter hæc bona essent distribuenda. Et vt 8. habet Notandum, Hierarchia apparet Ecclesiastica, quam hæc bonorum pertinebat distributio. Et 9. Notando Apostolus Paulus clarissimam lucem, huic doctrinæ dedit, siue hæc bona distribuendo, siue circa ea, vt Apostolus, præcipiendo, legem ferendo, ordinando cum imperiò; quo toto primitiuæ Ecclesiæ tempore, pluribus existentibus secularibus Discipulis sanctissimis, nulla illorum vmquam, circa hoc, habita fuit ratio. Ergo exclusa omni laica Potestate, ad Ecclesiasticos pertinet horum bonorum dispensatio, administratio, distributio, & circa illa Legislatio: nisi, ex illorum commissione, aliquid horum laicis gerendum commendetur.

DECIMUM NOTANDUM.

Pro 2. & 3. integra Conclusionis probatione.



ERVMTAMEN, vt sicuti testimonijs, sic ratione etiam, ex intemis sacre Scripturæ visceribus educta, Cõclusio probetur, notandum est decimò: Hanc bonorum Ecclesiæ administrationem, & circa ea legislationem adeò esse cum, spiritali Ecclesiasticorũ immunitate, & potestate, immò cum ipsa religione Christiana, quatenus Respublica Christiana est, cõiunctas: vt quantumuis, circa bona temporalia distribuenda, versentur, nequeant tamen religione, & spiritali potestate, & immunitate illas, ab eis, in praxi separari. Scimus autem apud omnes de Christi Domini Euangelio rectè sentientes, constare, quæ pertinent ad religionem, & Dei cultum, adeò cum iure coniungi Ecclesiastico, vt qui alterum tulerit, vtrumque videatur sustulisse: cap. Quicumque. 12 q. 2. cap. Frater. 17. q. 4. l. 1. C. de Sepulch. violat.

Hoc ergo primum sciendum est, antiquos diuersarum hæreseon, seu sectarum Auctores Philosophos, omni studio semper curasse, ad suas sectas propagandas, discipulos externis beneficijs atticere, & in societate, & amicitia, temporalibus subsidijs, conciliare. Refert Diogenes Laërtius, in vita Epicuri, illum Philosophum moriturum, in vltimis tabulis, partem magnam suorum reddituum consignasse, ad eorum sustentationem discipulorum, quicuius doctrinæ sectatores, suis patrimonijs diuenditis, in communem vixerant; ne deinceps, Præceptoris præsentia orbat, mendicare cogerentur. Plato 12. Dialog. de Legibus, hospitia publica, voluit propè templa edificari, in quibus Sacerdotes, eos omnes, qui ad Athenarum studia, & mores, & ceremonias confluerent visendum, ex proprijs templorum redditibus susciperent, & alerent. Lucianus in Dea Syria est Auctor, similibus publicis hospitijis peregrinos, qui ad eam religionis, ergò, proficiscerantur, hospitatos fuisse. Gymnosophistæ,

differentiam communium pauperum, ut infra videbimus, dicebantur. Attamen ut fundamenta hæc, quibus innititur Conclusio probatio, firmissima persistent, vnus locus Pauli accedat, ex 1. ad Corinth. c. 16. Vbi sic eos alloquitur: [De collectis autem, quæ sunt in Sanctos, sicut ordinavi Ecclesijs Galatiz, ita & vos facite. Per vnâ Sabbati vnusquisque vestrum apud se seponat, recondens, quod ei bene placuerit: ut non cum venero, tunc collectæ fiant. Cum autem præsens fuero, quos probaueritis per Epistolas, hos mittam perferre gratiam vestram in Ierusalem. Quod si dignum fuerit, ut ego eam, mecum ibunt.] Super quem locum notat valde illud verbum, [ordinavi,] Chrysostomus; [Non consilium dans, inquit, non rogans, sicut aliâ fecerât, sed Apostolica auctoritate statuens, & ordinans.]

Ecce Apostolus statuit, & ordinem adhibet, quo pacto Ecclesiæ bonæ ad alimenta Sanctorum Ministrorum, qui erant Ierosolymis: (quibus nihil minus, quam à Macedonibus, debebatur à Corinthiis, qui spiritualium illorum bonorum participes etiam fuerant facti) & ad eleemosynas etiâ Sanctorum aliorum, per collectas Dominica Die, qua præcipue ad Deum colendum Christiani, iam ab ipsis Ecclesiæ primordiis, conueniebant, congregata, sint mittenda Ierosolymam, per talium Presbyterorum manus, quibus comitem assignari Paulum ipsum, sibi maximo ducendum esse, honori, iudicaret. Ordinatione ergo Spiritus sancti, per Paulum ordinantis, sancitum est de iure Divino, hæc bonâ Ecclesiastica, siue pro alimentis ministrorum, siue pro eleemosynis pauperum, siue tandem pro fabricis sint expendenda; ut per Ecclesiasticos administrantur, dispensentur, & circa horum bonorum rationem leges Ecclesiasticæ constituantur. Immo crediderimus, sacrum Concilium Tridentinum, ad hunc locum Pauli respexisse, quando Sess. 25. c. 10. loquendo de Ecclesiastica, immunitate in genere, [Dei ordinatione,] illam, dixit, fuisse constitutâ.

Colligitur Conclusio integra prima probatio.

QUIBVS præmissis notationibus, Conclusio posita sic probatur. Bona Ecclesiæ formaliter ad iudicata, quadrifariam, vel simpliciter trifariam distribuenda sunt, ut ex S. Siluestri Constituto patet, in ti. Notando: ad alimenta, videlicet, Ecclesiasticarum personarum, ad pauperum subuentionem, & ad cultus Divini externi maiestatem. Et ut constat ex 1. Notando, Christus Dominus sua bona, in cuius locum Ecclesiæ bona succedere, per Ecclesiasticum suum ministrum Iudam, dispensauit: neque simpliciter ad illius arbitrium, sed ut semper ex Magistri nutu, in bonis illis administrandis, dependeret. Similiter ut ex 3. 4. 5. & 6. Notandis clarum est, Christus ipse, qui apud nos miris voluit modis remanere, leges tulit, & ordinationes, & dispositiones fecit, quo pacto hæc bona essent dispensanda; tractantes. Et ut apparet ex 7. No-

tando, Apostoli Præceptoris Christi vestigijs inhaerentes, ordinarunt, & disposuerunt, qualiter hæc bona essent distribuenda. Et vt 8. habet Notandum, Hierarchia apparet Ecclesiastica, quam hæc bonorum pertinebat distributio. Et 9. Notando Apostolus Paulus clarissimam lucem huic doctrinæ dedit, siue hæc bona distribuendo, siue circa ea; vt Apostolus, præcipiendo, legem ferendo, ordinando cum imperiõ; quo toto primitiuæ Ecclesiæ tempore, pluribus existentibus secularibus Discipulis sanctissimis, nulla illorum vnuquam, circa hoc, habita fuit ratio. Ergo exclusa omni laica Potestate, ad Ecclesiasticos pertinet horum bonorum dispensatio, administratio, distributio; & circa illa Legislatio: nisi, ex illorum commissione, aliquid horum laicis gerendum commendetur.

DECIMUM NOTANDUM.

Pro 2. & 3. integra Conclusionis probatione.



ERVMTAMEN, vt sicuti testimonijs, sic ratione etiam, ex intimis sacræ Scripturæ visceribus educta, Cõclusio probetur, notandum est decimò: Hanc bonorum Ecclesiæ administrationem, & circa ea legislationem adeò esse cum spirituali Ecclesiasticorũ immunitate, & potestate, immò cum ipsa religione Christiana, quatenus Respublica Christiana est, cõiunctas: vt quantumuis, circa bona temporalia distribuenda, versentur, nequeant tamen religione, & spirituali potestate; & immunitate illasis, ab eis, in praxi separari. Scimus autem apud omnes de Christi Domini Euangelio rectè sentientes, constare, quæ pertinent ad religionem, & Dei cultum, adeò cum iure coniungi Ecclesiastico, vt qui alterum tulerit, vtrumque videatur sustulisse: cap. Quicumque. 12 q. 2. cap. Frater. 17 q. 4. l. 1. C. de Sepulch. violat.

Hoc ergo primum sciendum est, antiquos diuersarum hæresion, seu sectarum Auctores Philosophos, omni studio semper curasse, ad suas sectas propagandas, discipulos externis beneficijs attricere, & in societate, & amicitia, temporalibus subsidijs, conciliare. Refert Diogenes Laërtius, in vita Epicuri, illum Philosophum moriturum, in vltimis tabulis, partem magnam suorum reddituum consignasse, ad eorum sustentationem discipulorum, quæ eius doctrinæ sectatores, suis patrimonijs diuenditis, in comuni vixerant; ne deinceps, Præceptoris præsentia orbati, mendicare cogerentur. Plato 12. Dialog. de Legibus, hospitia publica, voluit propè templa edificari, in quibus Sacerdotes, eos omnes, qui ad Athenarum studia, & mores, & ceremonias confluerent visendum, ex proprijs templorum redditibus suscipere, & alere. Lucianus in Dea Syria est Auctor, similibus publicis hospitijis peregrinos, qui ad eã, religionis ergò, proficiscebantur, hospitatos fuisse. Gymnosophista,

referente Philostrato, in vita Apollonij, lib. 6. c. 4. domos habebant communes, in quibus, & excipiebant, & benignè, proprijs sumptibus, tractabant eos, qui conveniebant ad eos, consilij postulandis, vel Philosophiæ secretis mysterijs, aut Deorum ceremonijs addiscendis. Iosephus narrat de Hebræis, lib. 21. quanta charitate, & benignitate Profelytos amplectebantur; de quibus Christus sic reddit testimonium, Matth. c. 23. [Vobis Scribæ, & Pharisei, quia circuitis mare, & aridam, ut faciatis unum Profelytum, &c.] Quod idem facere Turcas hodie, cū his, qui Machometi turpibus mysterijs initiantur, referunt Marinus Barlecius, & Cuspinianus, ille lib. 1. Hist. Epit. hic de Relig. Turcarum.

Sed ut ad priora, & antiquiora Ecclesiæ secula veniamus, Augustinus lib. 2. de Morib. Manich. scripsit, quemdam ditissimum Manichæum, Romæ Discipulos plures Manichæi diu domi continuisse, & proprijs sumptibus sustentasse; quia doctrinæ sui Præceptoris nondum capaces, eam non sequendam, sed irridendam auditoribus proponebant, Gennadius de Iuliano Episcopo Capuan. Hæretico Pelagiano scriptum reliquit, illum pauperum cura suscepta, & inter eos, & pecunijs, & muneribus largis distributis, plures ex illis studiosè, & acriter, in Pelagianæ hæresis partes sollicitasse. Sit ultimum exemplum, ad cognoscendū quantum doctrinæ accedat auctoritatis, si ex ea sperent auditores, compendia sibi temporalia etiam affutura: Heraclides lib. de Paradiso c. 30. ait, se oculatum esse testem, plures Hæreticos ad Catholicæ fidei gremium Galatiæ rediisse, duorum piorum coniugum, valida grassante fame, largis eleemosynis inuitatos.

Fuit ergo iustius, ut Apostoli Christi doctrinæ sectatores, Christi operis Vicarii, maiori intenderent cura, Christianis Neophytis alendis, non ut quasi arcta, beneficentiæ, & communionis, de qua loquitur Apostolus ad Hebræos c. 13. arte, homines vellent, ut Christiani fierent, inescare; quod graviter annotavit Bonifacius Papa, & habetur 1. q. 2. c. Quam pio. idque eò minus de Ecclesiæ illius columnis potuit cogitari, quò bona, quæ distribuebant, pro maiori portione, ab ipsis ea acceperant, Christo, & eius pauperibus renunciata, in quorum ea rursus beneficium dispensabant.

Attamen Apostoli sancti id solum præ mentis oculis habebant, hominum animos diabolica fraude deceptos, è tenebris Aegyptijs, ad veritatis lumen adducere; & quousque virtutibus plumescerent, curabant, in Ecclesiæ nido, pullis cornuorum eos invocantibus, ex Psalm. 146. escas præparare; quousque ad montana, ad caelestia, videlicet, possent, sicuti maiores passeris, transmigrare; postulantes ab Aegyptijs vasa aurea, & argentea, & vestem pretiosam, Exod. c. 11. & 13. quæ deerant, ad plenè, extrà Aegyptum, Domino sacrificandum. Tunc ad litteram adimpletum fuit id, quod Christus Dominus Marc. c. 10. & Luc. c. 18. promisse-

rat, dicens: [Nemo est, qui reliquerit domum, aut fratres, aut sorores, aut patrem, aut matrem, aut filios, aut agros, propter me, & propter Euangelium; qui non accipiat centies tantum nunc, in tempore hoc; domos, & fratres, & sorores, & matres, & filios, & agros, cum persecutionibus, & in seculo futuro vitam æternam.]

Quæ res tantæ fuit apud Apostolos considerationis, ut priusquam septem illos Diaconos eligerent; de quibus diximus supra: etiam relicta predicatione Euangelij; & cum verbi Dei dispendio, quod in bonam terram cadens faceret fructum centuplum; Matth. c. 13. numerosissimæ Christianorum multitudini sustentandæ defudarent; ut ipsi conqueruntur Ad. c. 6. dicentes: [Non est æquum derelinquere verbum Dei, & ministrare mensis,] non solum Christi legis, ex Marco nunc citatæ, sed etiam veteris legis, licet mortuæ, nondum tamen forsitan tunc mortiferæ, habentes rationem; qua Deuter. c. 15: sic cauetur: dum de libertate septimo anno seruis agitur restituenda: [Et quem libertate donaueris, nequaquā vacuum abire patieris: sed dabis viaticum de gregibus, & de arca, & torculari tuo, quibus Dominus Deus tuus benedixerit tibi.] & infra: Non auertes ab eis oculos tuos, quando dimiseris eos liberos; quoniam iuxta mercedem mercenarij, per sex annos seruiuit tibi.

Hac lege edocti Apostoli, eos, quos Christus Dominus seruis suo pretioso sanguine in libertatem Euangelij, id est, à legis durtia, & à peccato asseruerat, ipsi Christi operis gestores, & actores, ne utiquā vacuos abire permittebant: imo illorum necessitatibus corporalibus apprimè semper consuluerunt: quasi paupertatis, deformis alias sponsæ, speciosi Paranymphe charitatis paralyti in ventrem Neophytorum insiliente, Christianæ professionis feruor tepesceret, vel omnino deficeret: donec [formato iam Christo in illis,] ex Apostolo ad Galat. c. 4. [in mensuram ætatis plenitudinis deuenientes fidei,] ad Hebr. c. 10. [scirent supereminentem scientiæ charitatem Christi:] & sic [impleretur in omnem plenitudinem Dei,] ad Ephes. c. 3. vnde quasi viri, [perfecti in agnitionem eiusdem Dei filij,] ad Ephes. c. 4. [occurrere potuissent.]:

Hæc etiam est expressa doctrina D. Ioannis 3. Can. sic scribentis ad Caium. [Charissime, fideliter facis, quicquid operaris in fratres, & hoc in peregrinos, qui testimonium reddiderunt charitati tuæ, in conspectu Ecclesiæ; quos benè facies deducens dignè Deo. Pro nomine enim eius profecti sunt, nihil accipientes à Gentibus. Nos ergo debemus suscipere huiusmodi: ut cooperatores simus veritati.] Explicant hic aliqui illud [veritati,] videlicet fidei, alij sanctitati. Est tamè germana huius loci explicatio hinc sumenda. Christus est Veritas, ipso dicente apud Ioan. c. 14. [Ego sum via, & veritas, & vita:] cooperari ergo veritati, est opera similia facere veritati, vel cum eadem veritate, scilicet Christo, eadem opera efficere. Christus igitur Luc. c. 9. volentibus Apostolis dimittere turbas,

poſt concioneꝝ habitum ab eo, vt ſupra notabamus, ſic illis præcepit: [Vos dato illis manducare:] quod & præſtiterit ipſe, hilaris, & abundanti conuiuiſio, ad manum panibus paucis, & paucis piſcibus multiplicatis, eas extirpiendos.

Vbi Ambroſius non decuiſſe, docet, copioſam illam auditorum multitudinem famelicam dimitti: ne deſicerent in via; ſi deſt; non ſolum, ne corporali deſatigatione languereſcerent: verumetiam, ne à doctrina audita deſicerent, ne ſerupulis circa illam angereſcerent, & dubitationibus, quæ ſubnaſci in eorum animabus, (quæ ex doctrina Ariſtorelis, & Galeſii, afficiuntur à corpore, ſicut è conuerſo) ex corporibus fame laborantibus, moleſtarentur. Cooperari, iuxta hoc, veritati, dixit S. Ioannes, eſſe, Chriſtianos, ſcilicet, pauperes, & peregrinos, cibo animæ; cibo etiam corporis, Chriſti imitatione, recreare.

Similem reddit Auguſtinus rationem Collectarum, quas Apoſtolus faciebat: lib. de Catechizandis rudibus: quia hi, qui ex Gentibus ad fidem Chriſti veniebant, & ſuis ſuadendis facultatibus, ſemel eas pauperibus largiebantur; hanc potuiſſent, & Deo ſervire, & vitæ neceſſaria procurare: adhuc rudes in doctrina Chriſti, & quaſi tyrones in arcta mûltitudo Chriſtianiſmi. Cumque ex Remigio ſuper c. 15. ad Rom. hi Neophyti haud eſſent myſterijs inſtituti, vt poſſent verbi Dei incumbere prædicationi, ideo ieiunijs, vigilijs, & orationibus vacantes, ſacræ Scripturæ intelligendæ, quod reliquum erat temporis, incumbabant.

Hinc ad Apoſtolorum imitationem, primis illis Eccleſiæ temporibus, ex Tertulliano, in Apol. c. 34. tanta cura, tanta ſollicitudine, condemnatos Chriſtianos ad arenarias; ad aurifodinas; ad lapidicinas; ad metallas; ad hæſtæarum ſtructurās; (quorum veſtigia adhuc ipſa Romanæ Urbis nos docet ruina,) denique ad carceres, ſubueniunt ſuis largis, & frequentibus elemoſynis, ceteri Chriſtiani procurabāt; ne tam neceſſario deſtituti ſubſidio, fidei Catholice profeſſioni renunciarent.

In quibus omnibus nentiquam hæc ſubſidia temporalia, ſinem dicimus fuiſſe conſtituta eorum, qui illis adiunabantur; quod fuiſſet non Deum, ſed ſeipſos, & corporalia quæerere: ſed erant quadam condicio, ſine qua, haud fuiſſet, miraculis crebris non ſuccedentibus, poſſibile, tanti ædificij molem, vel conſurgere, vel inconcuſſam perſeuerare. Et his conſonat doctrina illa Auguſtini, à nobis ſuperius adducta, videlicet, [Non eſt cogitandum de craſſino, non ad hoc fuiſſet præceptum à Chriſto, ut nihil pecuniæ ſervaretur à Sanctis, ſed ut Deo, propter illa, ſerviat, & propter inopie timorem, iuſtitia deſeratur.]

Quibus antiquioribus rebus geſtis, ſi præſentis Eccleſiæ ſtatum comparemus, in partibus vniuſque Germaniæ hæreſi infectis, in Anglia, Scotia, Hibernia, Polonia, Geneva, Seduno, Rupella, & ubicumque Hæreticorum audacia Eccleſiæ bona in ſecularis poteſtatis transferenda docuit,

& efficit potestatem: unde omnino abscissus est spes, per Episcopatum, Abbatiam, Sacerdotiorum pingulum, & Ecclesiasticorum reddituum subsidia, pauperes hereticos ad saniores mentes, ex occasione, convertendos, & Catholicos in sancta sua professione confirmandos; facile ex his omnibus, hac ratione collecta, Conclusionem roborabimus.

I. I. Probatio integra Conclusionis.

BONA temporalia Ecclesie, quatenus utilia ad opera virtutum, excedenda, quibus in vitam eternam perducimur, videlicet, ad eos usus, quibus, iam diximus, esse adiudicata, secundum hoc dicitur; & simpliciter contenta fuerit sub merito Christi Domini; sicuti & nostra prima gratia, & illius augmentum, & omnia illa, quibus adiuvamur, post primam acceptam gratiam, ad beatitudinem consequendam. Unde dicta bona nuncupantur congruè, sanguis Christi in orace effusus; ergo sub hac ratione, ab illis solum sunt administranda, & dispensanda, & ab illis, circa ea, sunt ordinationes, & leges præstribendæ de Lore diuino, quibus spirituale nostræ beatitudinis opus, est de iure diuino, per Christum Dominum, & per eius sacros Apostolos, demandatum. Sed hoc solum spe stat ad Ecclesie Ministros, & Prælatos, & maxime ad summum Pontificem; ergo Conclusio nostra vera est.

Maiores antecedens propositio est doctrina Sancti Thomæ, 1. 2. q. 114. art. 10. Consequentia in maiori est nota; quia media necessaria ad finem spiritualem, ut sic, & curantibus spiritualia sunt tractanda. Assumptio cū ex pluribus locis Sacre Paginæ possit probari, sufficiat modò ille Apostoli Pauli ad Ephes. 4. de Christo scribentis: [Ipse dedit quosdam quidem Apostolos, quosdam autem Prophetas, alios verò Evangelistas, alios autem Pastores & Doctores, ad consummationem sanctorum, in opus ministerij, in ædificationem Corporis Christi.] Ecce Prælati Ecclesie sunt consummatores Sanctorum, ut corpori Christi realiter, & vero corpus Ecclesie mysticum cohereat, & ædificium consurgat Ecclesie integrum, & illud Regnum, resultet, quod Deo, & Patri est eadem Christus traditurus; ex ipso Paulo, 1. ad Corinth. 12. 13. de quo inferius adhuc sermo redibit. Tota ergo argumentationis vis coheret.

Obiectio quadam soluitur.

NEQVE obstat, si dicatur contrà, Ratione eadem posse probari, omnia bona status secularis esse etiam ab Ecclesiasticis, & ministris spiritualibus dispensanda, &c. quatenus sunt utilia ad dicta opera virtutum, quibus ducimur in vitam eternam; & quæ comprehenduntur etiam sub merito Christi.

Nam respondetur, quòd hæc bona temporalia sunt bona hominum, iuxta illud Psalm. 113. [Terram autem dedit filijs hominum:] & non

sunt simpliciter, & per se ad illum finem destinata: unde habent se ad eum remore: quocirca eorum dispensatio simpliciter spirituales ordinem non attingit: sed ad homines, ut sic, pertinet. Attamen bona Ecclesie sunt destinata ab ea ad illum finem proximè, scilicet, dum sunt alimenta Ecclesiasticorum, ut habeamus Pastores & Doctores ad consummationem Sanctorum; dum sunt subuentio pauperum, ut dum [pauperes Euangelizantur,] ex Isai. c. 62. Matth. c. 11. & Luc c. 4. [& beatificentur.] Matth. c. 5. & Luc. c. 6. Christus exulans in illis sapius à domibus diuitum, habeat in Ecclesiasticis bonis ubi caput suum reclinat; dum sunt applicata pro fabrica, & cultu Diuino externo, habeat Ecclesia ubi Deo pensum debitum & soluat suarum laudum, & venerationis; in quibus omnibus considerationibus sunt simpliciter, & per se bona ad illum finem destinata; ut illis medijs, in suo genere, vltimam quietem in celis adipiscamur. Ergo tamquam bona Dei, & Christi, & media ad illum colendam, illi seruiendum, & ipso fruendum, sunt à solis suis ministris Ecclesiasticis, qui Matth. c. 16. & Ioan. c. 10. maiores hominibus, & Dij ab ipso Christo vocantur, dispensanda, &c.

III. Probatio integra Conclusionis.

VNDE sicuti colligebamus supra, immunitatem personarum Ecclesiasticarum, ex coniunctione, quam habet ad spirituales potestatem, esse factam quasi illius ordinis, & ab illa esse inseparabilem: sic modo colligimus, hanc dispensationem bonorum Ecclesie, & circa ea, legislationem, ex coniunctione, quam habent, ex Christi, & Ecclesie institutione, ad dictum finem, esse factas altioris ordinis, ad solos Ecclesiasticos, & spirituales Ministros pertinentes.

Quod ex eo vltimo confirmatur: quia nisi ab hoc esset exclusa laica Potestas, [abundante iniquitate, & charitate refrigescens:] quod futurum prædixit Christus Matth. c. 24. facillè timentes Dominum minuerentur omni bono, contra illius promissum, Psalm. 33. & videremus iustum derelictum, & semen eius querens panem: cum id nunquam viderit Regius Propheta: ex Psalmo 36: quo tempore charitas in mundo breuioribus spatijs ardebat.

L E G E S

De Bonorum Ecclesie dispensatione.

SED pro Conclusionis, & eius probationis complemento, adiungimus leges expressas, quas Apostoli, & Ecclesiastici sequentes Prælati, in sui muneris executionem, circa hæc bona Ecclesia tulerunt, vel antequam à S. Siluestro, sicuti diximus, in Concilio Romano qua-

drifariam distribuuerentur, vel paulò post. Ergo ipsi Apostoli Canone, 41. citato, 12. q. 2. sic diffiniuerunt c. [Præcipimus, vt in sua potestate res Ecclesiæ habeat Episcopus. Si enim animæ hominum pretiosiores illi credita sunt, multò magis decet, eum curam de pecunijs agere : itaue eius potestate omnia indigentibus dispensentur, per Presbyteros, & Diaconos; & cum timore, & omni sollicitudine ministrentur,] sequitur in c. [Ex his autem, quibus Episcopus indiget, si tamen indiget, in suas necessitates, & peregrinorum fratrum vsus, & ipse percipiat : vt nihil ei omnino possit deesse. Lex enim Dei præcipit, vt qui altari de seruiunt, pascantur de ipso.]

Fuit secunda lex lata præcedentis germana, in Concilio Agathensi, c. 35. & refertur eadem 12. q. 2. c. [Episcopus Ecclesiasticarum rerum habeat potestatem : ad dispensandum erga omnes, qui indigent, cum summa reuerentia, & timore Dei. Participet autem & ipse, quibus indiget, si tamen indiget, tam in suis, quàm in fratrum, qui ab eo recipiuntur, necessarijs vsibus, profuturis : ita ut nulla qualibet occasione fraudentur : iuxta S. Apostolum sic dicentem : Habentes victum, & vestitum, his contenti simus. Quòd si contentus his minimè fuerit, conuertat autem res Ecclesiæ in suos domesticos vsus : & eius commoda, vel agrorum fructus non cum Presbyterorum, Diaconorumque conscientia pertractet : sed horum potestatem domesticis, aut propinquis, aut fratribus, filijsque, suis committat : vt per huiusmodi personas occulte res lædantur Ecclesiæ, Synodo Prouinciæ pœnas iste persoluat.]

Tertiam legem edidit Concilium Carthaginens. tertium nomine, & inde refertur, 12. q. 3. videlicet, [Placuit, vt Episcopi, Presbyteri, Diaconi, vel quicumque Clerici, qui nihil habentes ordinantur, & tempore Episcopatus, vel Clericatus sui agros, vel quæcumque prædia nomine suo comparant, tamquàm rerum Dominicarum inuasionis erimine, teneantur obnoxij : nisi admoniti, Ecclesiæ eadem ipsa contulerint. Si autem ipsis propriè aliquid liberalitate alicuius, vel successionè cognationis obuenerit, faciant inde, quod eorum proposito congruit. Quòd si à suo proposito retrorsum exorbitauerint, honore Ecclesiastico indigni, tamquàm reprobi, iudicentur.] Fuit igitur hoc Patrum sacrum sancitum, vt quæ Episcopus, aut Clericus ex paupere ditior factus, ex bonis Ecclesiæ emisset, eadem Ecclesiæ cederent, eidemque illa, in quemlibet, quouis titulo, transferendi facultas non esset. Sanciendi autem huius Canonis hæc fuit occasio : Cum reddita Ecclesiæ pace, vbique bonis afflueret, quàmplures ex his, quæ ei ministrabant, pietatè in quæstum commutantes, studio sanctitatis, & cura pauperum abiectis, diuitias colligendi ardore dumtaxat flagrabant. De quibus sic scripsit Hieronymus, Epist. 2. ad Nepotianum. [Nonnulli sunt ditiores Monachi, quàm fuerant seculares. vt Clerici, qui possident opes, sub Christo paupere, quas sub locu-

plete, & fallace Diabolo non habuerunt; vt suspiraret eos Ecclesia diuites, quos mundus tenuit ante mendicos.] Et paulò post: [Negotiatorem, Clericum, & ex inope diuitem, ex ignobili gloriosum, quasi quamdam pestem, fugè.]

Quartam legem tulit Symmachus Papa, sic ad Casarij consultatione respondens: Epist. 5. [Possessiones quas vnusquisque Ecclesie proprio dedit, aut reliquit arbitrio, alienari, quibuscumque titulis, aut distractionibus, vel sub quocumque argumento, non patimur: nisi fortè, aut Clericis bonorum meritorum, aut Monasterijs, religionis intuitu, aut certè peregrinis, si necessitas largiri suaserit: sic tamen, vt non perpetuò, sed temporali ter perfruantur.]

Quinta lex est Gelasij, qui 12. q. 2. sic statuit. [Quattuor tam de redditu, quàm de oblatione fidelium, prout cuiuscumque Ecclesie facultas admittit: sicut dudum rationabiliter est decretum, conuenit fieri portiones. Vna est Pontificis, altera Clericorum, tertia pauperum, quarta fabricæ.] Et similia habet Gregorius Magnus ibidem, dum scribit Augustino Cantuariens. Archiepiscopo, in hæc verba. [Mos est Apostolicæ Sedis, ordinato Episcopo præcepta tradere: vt de omni stipendio, quod accedit, quattuor debeant fieri portiones: vna, videlicet, Episcopo, & familiariz eius: propter hospitalitatem, atque susceptionem: alia Clero: tertia verò pauperibus: quarta Ecclesijs reparandis.] Quod Concilium Toletanum, ead. q. institutum ab Apostolis fuisse, testatur, vt ex Can. 4. r. supra adducto exploratum est. Et de horum Ecclesiæ emolumentorum iusta partitione, habetur diffusè, per Ambrosium, aliàs citatum, 12. q. 2. cap. Aurum habet.

Episcopus vnde dictus.

ET cum hisce legibus, Episcoporum appellentur personæ, vt Ecclesie res, iuxta illius administrent decreta: placuit semel adnotare: nomen hoc, vnde, vel quare retinuerint. Probauimus partim in superioribus, Episcopos Ecclesie, & præfuisse, & præesse debere, & summam Ecclesiasticæ administrationis ad illos spectare: quod ipsum est adhuc inferius comprobandum. Episcoporum tamen nomen potius, quàm Præsidum, vel Præfectorum, vel illustrius aliud sequuti sunt; quia quantumvis Episcopus, Latino vocabulo, Inspector sit, quod eorum optimè adaptatur muneri: hi tamen apud Ethnicos etiam Episcopi dicebantur, qui pani, ac rebus præfecti erant venalibus: quæq; ad quotidianū victū pertinebant. Hoc erat personale munus: vt Arcadius Ethnicus Iureconsultus docet, in l. postrema, de muneribus, & illud definit esse, quod functione animi, & corporis exsequimur, sine aliquo nostro incommodo. Vt tutela, & cura. Sic Valentinianus, & Valens Imperatores, in l. de Episcopali audientia, scribunt. [Negotiatores, qui ad domum nostram

pertinent; ne commodum mercandi videantur excedere, Christiani, quibus verus cultus est iuvare pauperes, & positos in necessitate, provideant Episcopi. Nondum erat Paganismus sepultus, & id antea Episcopi Ethnici curabant. Item ex Concilio Valentino, de emptione, & venditione, sic scriptum est. [Placuit ut Presbyteri plebes suas admoneant,] ut & ipsi hospitales sint, & non carius vendant transeuntibus, quam mercatu vendere possunt; alioqui ad Presbyterum transeuntes hoc referant: ut illius iussu, cum humanitate sibi vendant. Vbi Presbyter, Episcopus dicitur, ut etiam Bernardus explicat.

Primum ex quattuor Corollarijs, quæ colliguntur notanda.

QUÆ Apostolorum, & summorum Pontificum, Conciliorumque, Decreta, alijs similibus, quæ afferri poterant, nunc omisis, eo etiã sine fuere hic inserta, quia magno usui, ad inferius tractanda, sunt nobis profutura. Interim tamen primò ex illis colligimus: non solum prædicta fuisse curæ Episcopis: sed ex Ecclesiæ etiam bonis, sua nimirum parte, ut ex Gregorio Magno perspeximus, hospitales erant in egentes, aduenas, & peregrinos. Vnde Ioannes Apostolus Diotrophem quemdam execratur, quod istud officium negligeret præstare, His addit Concilium Carthaginense, 4. c. 30. excipi etiam solitos conuiuio, quod conuiuium, quæ hospitalitas, & humanitas, Agapæ pauperum dicitur, in Laodicensi Concilio, & apud Gratianum, d. 42. *ἀγάπη* Charitas dicitur, ab *ἀγατίζω*, id est, diligere. Episcopi autem a suis Diaconis, de fuorum, & aduenarum inopia; certiores fiebant, de morbis eorum, & grauioribus quibuscumque casibus, quò essent parati, illis subuenire. Et hoc fuisse inter præcipua munera Diaconorum, ex Epistola Clementis, iam citata supra; habemus: sicuti ex illo Apostolorum Canone, paulò ante adducto, per eos, & per Presbyteros necessaria fore illis subministranda. Nunciabatur etiam Christianæ plebi, ut inuiceret, ac, largis elemosynis, grauiissimè decumbentes subleuaret.

Secundum Corollarium.

COLLIGIMVS secundo, & quanto in periculo suarum animarum versentur Episcopi, vel similes Prælati, qui quadrantem illum pauperum retinent inter suos redditus: neque eum pauperibus, & egenis, per singulos annos, restitunt, reddunt, & consignant. Quadrans certe ille, id est, bonorum Ecclesiæ temporalium quarta pars lege Apostolica, Pontificia, Comitali; voluntate denique eorum, qui res Ecclesiæ donarunt, quotannis est pauperibus persolueendus: nam non plus iuris Antistites in sua quam egentes, in sua habent portione: sunt enim illius tantum administratores, ad erogandum illis, non autem ad suis, vel sanguine, vel affinitate iunctis, vel domesticis arrogandum. Neque ad

corruptelam prauæ, ac inueteratæ consuetudinis, licet illis appellare, quæ ius nulli tollit: sed ipsa potius est tollenda. Abusus & vitij apud integros iudices nulla est præscriptio: immò pœna grauior: vsucapiendum enim est, non abusus: & consuetudo auget flagitium, non minuit, denique non præmium, sed sceleris pœna computatur. Habent Clerici Ecclesiæque ministri, sua & pingua alicubi sacerdotia, & stipendia, quæ partes eorum loco sufficienter esse possint: ex Concilio Toletano, relato. 12. q. 2. quadrans ad reficienda ædificia sacra, alijsque ministerijs templi inserviendum, constitutus, licet alicubi non integer, attamen nulla præscriptione summonetur, quin si opus est per iudices competentes dictis munijs, inuitis etiam eius detentoribus, applicetur. Cur quadrans hic quartus afflictorum, & egentium, quæ est quasi tot liberorum legitima pars, in iudicium, Romanis id Pontificibus, quorum est Christiani populi cura, præcipientibus, non veniet: siqui sunt Antistites, qui æs istud a' ienum dissoluere recusarent?

Quid? illa lapidea ab Ecclesiæ magis, quàm animantia ista curanda? Absit. Cùm præsertim in summa egestate, vel Reipublicæ ultimo damno, ac quasi extremo spiritu, non tantum, quæ ædificijs reficiendis, vel erigendis sacris, similibusque muneribus destinata sunt, verum etiã sancta ipsa vasa, & omnia penitus intima domus Dei vtensilia, externa denique, ac interna, quæcumque sunt paramenta, egentibus sint contri buenda: quin etiam demolienda essent templa: si eorum lapides panes essent, aurum, vel argentum, vt pauperes, inopes, & afflicti in illa anno nę caritate leuarentur. Quid vniquam sacri Pontifices Romani æquius, pius magis, sanctus magis, & magis Numini æterno gratum, ac Reipublicæ Christianæ ex vsu magis, quàm hæc vna res esse posset? cùm hanc ob causam pietatis in iacentes, infirmos, miseros, viduas, pupillos, senes imbecillos, & Nobiles ad inopiam redactus, felix publica res, & priuata summa pax, & tranquillitas, sempiterna salus, & incolumitas promitti à Deo, ex sacrorum Codicum testimonijs, comprobetur.

Se præsentem, etiam corporaliter, in Sacramento mirabili Eucharistiæ, Christus Ecclesiæ semper affuturum promisit: dicens, vt habet Ecclesiæ, [Hæc quotiescumque feceritis, in mei memoriam facietis.] & Luc. c. 22. [Hoc facite in meam commemorationem:] quod supra dicere cœpi mus. Se affuturum præsentem Ecclesiæ, spopondit, per gratiæ, & regiminis assistentiæ, & subministratiõem: cùm dixit: [Ego vobiscum sum, vsque ad cõsummationem seculi:] at quia ad corporis realis Christi receptiõnem ea requiritur, ex Apostolo, 1. ad Corinth. c. 11. probatio, ne indigne illud præsumamus manducare: quia ad gratiæ, per Sacramentum, poenitentis, vel aliàs veram contritiõem, grandis requiritur in peccatore diligentia: ad regiminis ab Spiritu sancto communicati, grandis est in Pastoribus Eccl. siq. vigilantia necessariat: facillimam tertiam inijs

Christus viam, sese hominibus presentandi, dicens: [Quicquid vni ex istis,] de minimi habitis, ac pauperibus, & afflictis loquebatur, [fecistis, mihi fecistis:] quod per regium prädixerat Vatem, Psalm. 40. [Beatus qui intelligit super egenum, & pauperem:] idest, ex Euthymio, intus egenum, & pauperem, legit Christum.

Locus esset infinitus communis in liberalis eleemosynæ laudibus, & excellentijs declamandis: quid, non in liberali, sed de iustitiæ rigore debita ab Episcopis portione pauperibus postulanda? Nonne hæc voluntas Imperatorum, Regum, Principum, Rerumpublicarum, & eorum qui Ecclesias locupletarunt, appareret: quantumvis Apostolorum, Conciliorum, Pontificum, Patrumq; Ecclesiæ sanctorum Decretis sancitum esset prorsus nihil: ut egenis, ac inopia laborantibus, reliquam aliquam partem quoque vellent, non autem totum vni soli, qui, quasi Charybdis vorax, omnia valeret absorbere? Numquam profecto ea tot defunctorum mens fuit: numquam is tot Christianorum animus: immo salutis æternæ studium, quod in hac exercenda pietate effulget, quod in miserorum succurrendis necessitatibus declaratur.

Quod si tantopere leges, & omnis Divina, & humana ratio, atque iudicium, defunctorum voluntates amplectantur, & colunt in rebus, quæ singulorum sunt visibus applicatæ: quid in hac publica, Divina, & religioni adeo coniuncta? Quocirca supplicamus summo Pontifici Paulo V. pijsimo, ac Canonum Ecclesiasticorum zelantissimo exsequutori: & per Christi IESU, cuius personam gerit, viscera obtestamur: idemque vivi, idemque mortui, tam ab eo, quam à suis Romanis Pontificibus successoribus, supplices deprecamur: ut commoneant, & ubi opus est, cogant sua auctoritate Apostolica Antistites, per orbem Christianum: siqui sunt, qui istud negligunt: ne hoc sacrum Evangelicum, Apostolicum, Conciliare, Pontificum, Comitialeque ius excidere patiantur: ne status secularis ab Ecclesiastici ordinis reuerentia deterreatur: si videat, dum, millia millium scutorum aureorum, immo decies centena millia non ministrant, (cùm abscondita, & inuisa sint:) sed assistunt solis Antistitibus; millium millia pauperum, & decies centena millia virginum, viduarum, seniorum imbecillium, orphanorum, Nobilium egentium, carceribus detentorum, ac peregrinorum egent, torquentur, & affligantur.

Exempla duo administrandi Ecclesiæ bona, prosequentibus

Corollarijs notanda.

HIC tamen nolumus silentio premere duo notanda exempla: alterum laicæ Potestatis, circa bona Ecclesiæ dispensanda, iniquè sagagentis, per Ecclesiam æquè reiectæ: alterum laicæ Potestatis, circa legem iustam, de bonis Ecclesiæ ferendam, curantis, ab Ecclesia non admittæ: ex eo, quod leges Principum, ac Civilium Magistratum, si quid

priuatum ad Ecclesiā, siue Clericorum vtilitatem decernant: nisi firmentur Ecclesiastica auctoritate, irritum sit, & inane: cap. Bene quidem. d. 96. cap. Final. de reb. Eccles. non alien. Gloss. & Doctor. cap. Eccles. v. Maria. de Constit. præcipue Panor. num. 2. notab. 3. Butr. num. 3. Zabarel. nu. 9. Imol. nu. 7. Berous. nu. 6. & 26. Dec. nu. 16. 88. 91. Felinus latissimè. Bal. nu. 5. & cap. Si duobus. nu. 3. de Appell. Abb. cap. Non minus. num. 10. de Immun. Eccles. Surd. lib. 3. Cōf. 62. & 391. Turrecrem. cap. Cū ad verū. d. 96. nu. 4. Card. cap. Quæ in Ecclesiarum. nu. 2. de Const. Imol. ibidem. nu. 6. D. c. nu. 16. & infra. Butr. num. 97. quæ omnia iura Canonica nihil sunt aliud, quàm iuris Diuini, & Evangelici latior explicatio.

Ergo cū Sixtus I. Pontifex, in ipsa ad martyrium via, sanctū admoneret Leuitam, seu Archidiaconum Cardinalem Laurentium, de thesauris Ecclesiæ festinè in pauperes dispensandis: cū post triduum esset ipsum gloriosi martyrij triumpho sequuturus: ea dispensatione per eum studiosè facta, ad Pontificis vota; Principe laicæ potestatis tyranno armato gemina face; auaritia, vt à Laurentio tolleretur aurum; impietate, vt auferret Christum; Laurentius vnico verbo victoria ouans, ostensis Ecclesiæ pauperibus, per eorum manus, in caelestes thesauros Ecclesiæ facultates fuisse, respondit, deportatas. Cūque ex Eusebio, lib. 6. Hist. cap. 26. Et ex Orosio, lib. 1. c. 25. diuitiæ illæ Ecclesiæ maximè fuissent thesauri Philippi Imperatoris primi Christiani, quos Fabiano, plusquàm decennio ante, ad pauperum vsum, pro expiandis suis obtulerat facinoribus: ne nobis sint importuni contradicentes, illum fuisse Principem Infidelem, cui Laurentius tradere Ecclesiastica bona nō debebat: fingamus, fuisse eundem Philippum Christianum Imperatorem, qui ea bona à Pontifice, vel eius Ministris repetebat; eadem certè animi fortitudine, per martyrij etiam, si oportuisset, intercessionem, fuissent illi à Laurentio deneganda: atque in pauperum vsum infumenda.

Alterum est exemplū ardentissimi zeli immunitatis Ecclesiasticæ defendendæ: cū in Concilio Romano, sub Simplicio Papa, Basilio, Odoacri Regis vicemgerenti, legem, de non alienandis bonis Ecclesiasticis, ferenti Patres intercesserint: legem aliàs competentem, ab incompetenti laico Legislatore editam consultissimè refutantes. Videndum Concil. 3. sub Symmacho Papa, cap. 1. & seqq.

Tertium Corollarium.

HINC colligimus tertio, loquendo vniuersè, tam quò ad personarū Ecclesiasticarum, quàm quò ad earum bonorum immunitatem: quo magno Consilio, tam iura Canonica, quàm Ciuilia cauerint. vt cū semper spectandus sit animus Legislatoris, vnà cum verbis, quibus leges exprimuntur: l. Cū. Paſer. §. donationis. ff. de legat. 3. Calder. Consil. 12. inter Consil. Anchar. n. 3. Anch. ipse Consil. 145. & ad c. Canonum statuta.

quæst. 11. princ. num. 168. de Const. Alex. lib. 2. Conf. 211. nu. 10. Si legis verba Ciuiliſ obſcura ſint, aut ambigua, Iudex tum Eccleſiaſticus compellere poteſt Legislatorem, vt legem perinde interpretetur: vt appareat, ea Eccleſiaſticos non comprehendī. Gemin. c. fin de immunit. Eccleſ. in 6. Franc. ibidem. nu. 2.

Quartum Corollarium.

COLLIGIMVS quartò, quàm rationi congrua eorum ſit Iuriſ prudentium ſententiā, qui eas leges Ciuiles, contra libertatem Eccleſiaſticam eſſe definiunt, ex quibus Clerici efficiuntur timidioreſ. Bartol. Auſtent. Caſſa. C. de ſacroſ. Eccleſ. & l. 1. §. quæ oneranda. ff. quarum rerum actio non datur. Angel. ibidem. Bald. d. Auſtent. Caſſa. Abbas. cap. Nouerit. de Sent. excommun. & in repet. ad cap. Eccleſia ſanctæ Mariæ. de Coſtit. Anchar. c. Canonum ſtatuta. verſ. quæro circa hoc. de Conſtitution. item quàm certa ſit eorum Iuriſ ſcientium opinio, qui illas leges, eſſe contra libertatem Eccleſiaſticam, affirmant, per quas tolluntur, vel imminuuntur, ea quæ iuriſ communis beneficio, vel aliquo ſaltem priuilegio Eccleſiæ, atque perſoniſ Eccleſiaſticis debentur ſic Cin. & Salicet. d. Auſtent. Caſſa. C. de ſacroſ. Eccleſ. Bald. in repet. ad l. Cunctos populos. verſ. nunc de tertio membro. C. de ſumm. Trinit. & Fid. Cathol. & in Auſtent. ſtatuiſmus, in fin. C. de Epiſc. & Cleric. Conf. 187. & §. ius autem Ciuile. q. vlt. Inſtitut. de Iure nat. Gent. & Ciuil. Fulgoſ. l. 1. C. de ſumm. Trin. & fid. Cathol. Lap. alleg. 91. Alex. lib. 2. Conf. 211. lib. 6. Conf. 18. Conf. 209. nu. 14. Conf. 210. num. 11. Butr. Imol. Felin. c. Eccleſ. S. Mariæ. nu. 69. de Conſtit. idem Butr. c. Nouerit. de Sent. excommun. n. 9. Innocen. & Panorm. ibidem. nu. 2. qui lib. 2. addit, hanc eſſe communem theoricen. Rurſuſ Imol. in c. Cùm terra. de elect.

Explicatur vltima pars Conclusionis.

ILLA particula vltima Conclusionis, quā aſſerimus, laicos homineſ, ex commiſſione Eccleſiaſticorum, ad quos ſpectat bonorum Eccleſiæ diſpenſatio, poſſe aliquid circa ea gerere negotij: nulla eget probatione. Nam ſuppoſita veritate Conclusionis, tamquàm miniſtri, ad illud munuſ poſſunt aſſumi. Hic tamen nullum præiudiciũ factũ eſſe volumuſ, ſecularibuſ ſuſpatronatuſ habentibuſ, in quibuſcumque Eccleſiaſticis, & pijs lociſ; & ob id aliquam bonorum ibi adminiſtrationem, vel curam: de quo videre licet Concil. Tolet. 9. c. 1. quod nihil obſtat noſtræ Conſeſuſioni. Cùm talia Eccleſiaſtica, & pia loca nequeant inſtitui, erigi, conſeruari, niſi Eccleſiaſticis viriſ, & Prælatiſ, reſpectiue, conſentientiſ, ea conſeruantiſ, viſitantiſ, reformantiſ. Quæ omnia alio riſ ſunt ſpeculationiſ, longè diſtantiā à noſtri Tractatuſ inſtituto.

Dubia quadam circa prædicta.

VERVUMENIMVERO, ut his faciamus satis, qui vel Ecclesiæ opibus, sitibundi, & hiantes, insidiantur: vel illas saltem Ecclesiæ inuident: vel ultimò circa earum dispensationem dubitant: vel fatigant: vel, quod peius est, se ingerunt non vocati: conueniens visum fuit, sequentia tractare Dubia fusiori disputatione.

- I. *Circa Ecclesia bona, & maximè immobilia.*
- II. *Circa bonorum Ecclesia acquisitionum dispensationem.*
- III. *Circa Legislationem de bonis Ecclesia acquirendis.*

D V B I V M P R I M V M.

Circa Ecclesia bona, & maximè immobilia:

NON desunt, qui zelo, & æmulatione, Dei forsàn, sed non secundum scientiam: ex Apostolo, ad Rom. cap. 10. voluissent, Ecclesiã Christum suum caput pauperem sequendo, in ea puritate, & simplicitate permansisse: qua primitiui eius post Christum institutores Apostoli fuerunt, per orbem vniuersum, conuersati; tantò à rerum temporalium extranei cura, quantò æternarum auidi curatores; qui in carne degentes, verè dicebant cum Paulo, 2. ad Corinth. c. 10. [In carne enim ambulantes, non secundum carnem militamus:] quia, ad Philipp. cap. 3. [nostra conuersatio in cælis est.] Felicis status felix quidem votum: felicior etiam Ecclesiasticis hominibus actus: si possent, instantibus his temporibus periculosis, dicere cum ipso Paulo, 1. ad Corinth. c. 6. [Quasi nihil habentes, & omnia possidentes:] & non potius vereri possent, de illis proloquium eiusdem Apostoli verificandum: scilicet: [Nihil intulimus in hunc mundum, haud dubium, quia neque auferre quid possumus.] 1. ad Timotheum, cap. 6.

P R I M V M N O T A N D V M.

ET ut facilius ab hac difficultate nos expediamus, eius abdita per decem sequentia Notanda propalemus. Est ergo notandum primò Philosophos antiquos voluisse inducere Respublicas, ad publicas res, & communes habendas. Hoc fuit Platonis institutum, in suarum legum conditione: sicut & S. Clemens, Epist. 5. De communi vita docet: & refertur 12. q. 1. c. Dilectissimis. Est tamen Auctor Theodoretus, lib. 9. contra Gentiles, nullam Rempublicam, Regnum nullum leges Platonis suscepisse: neque ipsos suos Athenienses illarum curasse: quas crudeles, & inhumanas esse censuerunt: & Aristoteles, lib. Politic. 1. c. 2. eam com-

municationem rerum, difficilem nuncupauit.

Nihil tamen mirum, homines in natura lapsa, ex Procoparētis delicto, & in proprijs mille alijs criminibus volutantes, ingens id naturæ integræ bonum, quo temporalibus bonis indistinctè, absque, meū, & tuum, pronominibus, frui hominibus licebat, & nesciuisse, & ad praxim reduci, impossibile esse, iudicasse. Neque mundum ad illa retrahere suæ infantie felicia initia, gloria erat Philosophis concedenda, quæ mundi Conditori, & Reparatori esse noscebatur reservata. Itaque Christus Dominus hæc bonorum temporalium communionem, & Apostoli eius Discipuli prædicarunt, & ad vsum, & praxim reuocarunt: & inter primos Christianos fuit obseruata religiose: vt constat ex Apostolorum Actibus: cap. 4. & refertur 12. q. 1. c. Scimus. & hodie in Religionibus obseruatur, & fortasse perfectius: vt iudicat R. Episcopus Toletus q. 29. super 3. cap. Genes quàm tunc inter Christianos communes seruabatur.

SECUNDVM NOTANDVM.

VBI omninò aduertendum est secundò: Hanc vitæ communitatem ab Apostolis sanctis institutam, & Apostolico exemplo, primæ illi Ecclesiæ Ierosolymitanæ commendatam, ad quam hortatur Clemens dicta Epistola, vt ad vitæ sanctitatem commodissimam: ne quis eam, tamquam otiosam, & humanæ vitæ incommodam, contemnere, aut reprehendere auderet: vt iam olim ausi sunt Hæretici quidam, patres eorum qui hisce ultimis temporibus, eam ab Ecclesiâ, etiam cum Ecclesiâ, à suis prouincijs perfidè profligarunt: idcirco ad ortum naturæ integræ ante peccatum retulit eius originem Clemens, dicens: [Vnus enim omnium, quæ sunt in hoc mundo, communis omnibus hominibus esse debuit: sed per iniquitatem, hoc est, propter peccatum Adæ, factum est: vt alius hoc suum esse dicat, & alius istud: sic inter mortales facta diuisio est.] Et ad hunc eundem statum naturæ integræ, ac nondum, propter peccatum, diuisæ, hoc genus vitæ communis, Magnus Basilii docuit, referendum.

Quo ergo Clemens, exemplo Apostolorum, traditionem vitæ communis, maximè ex voto susceptæ, commendaret, & ad eius necessariam vuentibus obseruantiam commoueret: rationem ex naturæ integræ statu petiuit, ac si diceret. An status naturæ illius, quæ à Dei manibus, suis numeris absoluta egressa est, in quo vñs omnium rerum esse debebat communis, non satis edocet vos, communem vitam à sanctis Apostolis traditam, ad excellentem statum pertinere? Vt iam qui statum vitæ communis Religiosorum improbant, vt faciunt noui Hæretici, sit consequens, vt statum quoque primæ innocentie, Paradisiacæ improbasui plane videantur.

Huius tamen vitæ communis, ex naturali charitate proficiscētis, perfectio, & consummatio, est vita communis per Diuinam gratiam ostensa,

& tributa: cum Dominus, ut docet Basilus in Asceticis Constitutionibus, congregatis discipulis communia omnia, & se ipsum communem eis prae-
buerit: sicuti charitatis naturalis perfectio, & absolutio, est charitas spi-
ritualis, & Diuina. De quo notando videndi sunt dictus Basilus, & Au-
gustinus, & maximè dum Psalmum 127. [Ecce quàm bonum, & quàm iu-
cundum habitare fratres in vnum:] pertractant: cum alijs Patribus, &
Doctoribus, qui Cœnobicam defendunt viuendi disciplinam.

TERTIVM NOTANDVM.

TERTIO est notandum: Bona temporalia, & eorum possessionem
haud esse legi Christianæ repugnantia: sicuti Hæretici dicti Apo-
stolici, apud Augustinum de Hæres. c. 40. malè docebant, & Iulianus Apo-
stata: qui, sicuti supra diximus, Ecclesiæ persecutionem augens, cum
vestigalibus, tributis, & varijs extorsionum modis, Christianorum bo-
na ferè omnia depeculabatur: ad eorum querelas, ex Christi doctrina,
iuxta ipsius commentationem, Christianos mala fide bonâ habere tem-
poralia, solitus erat respondere.

Vltimis autem temporibus in Conc. Constantien. fuisse damnati hi
Vvitelessi tres errores grauissimi, Sess. 8. 10. 32. & 33. Primus videlicet,
[Ditare Clerû, est contra regulam Christi.] Secundus, [Silvester Papa, &
Constantinus Imperator errauerunt, Ecclesiâ ditando.] Tertius, [Contra
Scripturam sacram est, quòd viri Ecclesiastici habeant possessiones.] San-
ctus autem Thomas 2. 2. q. 188. a. 7. quærens, An habere aliquid in com-
muni diminuat perfectionem Religionis? partem negantem acerrimè
defensauit. Neque poenitebit lectorem consulere Orationē R. Ioannis de
Polemar Hispani, S. Rotæ Auditoris, quā habuit in Concil. Basiliensi, de
Ciuiili dominio Clericorum: anno Christi 1433. & habetur To. 4. Con-
ciliorum in vltima editione Colontensi.

Attamen D. Dionysius lib. de Diuin. nomin. c. 6. scripsit Christianam
Rempublicam initio nascentis Ecclesiæ trifariam fuisse diuisam: in Mo-
nachos, Clericos, & Seculares. Monachi, ex Philone, lib. de Vita contem-
plat. in remotioribus locis vitam agebant austeram in communi, & sine
proprio: orationibus, & mysterijs addiscendis, & contemplandis vacan-
tes. Clerici vivebāt in communi, & vixerunt vsque ad tempus Urbani I.
Papæ, de quo dicemus statim: non tamen quin ex illis aliqui suas in par-
ticulari facultates possiderent: sicuti fuit Philemon, & aliqui Christi Do-
mini, secundum carnem, consanguinei: qui fuerunt Episcopi, & heredita-
tes possidebant: iuxta Eusebium, & Egesippum: de quo videndus Thom.
Vvalden, lib. 1. art. 3. c. 37. Ex Christianis ceteris multi, vel quia Con-
cilium Apostolorum, Act. c. 15. id non postulauit; vnde arctissima nole-
bant constringi vita: vel alijs de causis, de quibus quinto Notando sta-
tim dicemus, earum facultatum neque usum, neque proprietatem abdi-

cabant:

cabant: ut constat ex Act. c. 9. ubi refertur Dorcas piissima femina Ioppe à Petro resuscitata, precibus etiam plurimum viduarum, quæ Petro ostenderunt tunicas, & vestes, quas, ex suis facultatibus, illis fecerat.

Ibi etiam habetur, Petrum in eodẽ portu apud Simonem Coriariũ, per dies multos, fuisse commoratum. Act. etiam c. 16. Lydia purpuraria Paulum cum Timotheo coegit in domo sua manere. Hoc clarissimè probatur, ex Pauli 1. ad Corin. c. 11. ubi reprehendit diuites Corinthios, qui sacratissimam sumpturi Eucharistiam, soliti primò ex ipsius Pauli institutione, Christi assecle, pauperes ad conuiuium excipere in Ecclesia: iam illis contemptis, vel non expectatis, charitatis fraternæ fomento in libidinem solutam diuitum commutato, & conuiuia communia, & opipara celebrabant, & sacræ Communionis celestibus mysterijs pascebantur. Vnde est consequens, Corinthios suas integras facultates retinuisse.

Immo iudicia, & Iudices erant, & lites: ibidem c. 6. & ad rei familiaris curam, & studium hortatur idẽ Paulus Ep. ad Timoth. c. 5. & ad Titũ, c. 2. Nec serui, propter Baptismi susceptionem manumittebatur, aut liberabantur dominorũ potestate: ead. Epist. c. 6. In quò etiã constat, diuites fuisse, cum eos exhortetur, ne in thesauris suis spem reponant, & c. & ad Coloss. c. 3. ait: [Exspoliantes vos veterẽ hominem, cum actibus suis: induentes nouum; cum, qui renouatur in agnitionem secundum imaginem eius, qui creauit illum: ubi non est Gentilis, & Iudæus, circumcisio, & præputium, Barbarus, & Scythia; seruus, & liber; sed omnia, & in omnibus Christus.

Alij tandem Christiani, licet facultatum suarũ proprietati nõ renuntiassent: vsum tamẽ earum ex charitate liberum reliquerunt, fratribus Christianis, tanta cum animorum sinceritate, ut referat Lucianus in vita Peregrini, multos ex Gentilibus astu, & dolo malo Christiana abutentes simplicitate, diuitiarum non mediocria fecisse compendia, se Christianos egentes simulando. De qua Gentium oculis innisa, auribus inaudita, & moribus insolenti fraternitatis charitate, immò de ipso nomine fraternitatis, & fratrum, qualiter in admirationem Gentiles raperentur, notat Tertull. in Apologet c. 39.

Q V A R T V M N O T A N D V M.

HIC tamen est quartò subnotandum; quòd singularis fuit ratio de Christianis, qui Ierosolymis, ad Christi, & Apostolorum prædicationem, crediderant: hi enim omnem suarum diuitiarum proprietatem, & vsum à se abdicantes, tam mobilia, quam immobilia bona distrahentes, suarum facultatum pretium ad pedes Apostolorum adducebant; ut habetur Act. c. 3. & 4. qui prout singulis erat opus Christianis, & vestitum, & victum quotidianum, initio per seipsos, deinde per Dia-

conos, quos ad id crearunt munus, diuidebant. Cum enim in hanc Rempublicam, qui venirent, & sua venderent, & vniuersitatis eorum, pretia etiam facerent, ad Apostolorum dispensationem: fuit consequens, ut inde, tamquam ex arario publico, Christiani omnes alerentur: eisque, quasi in Prytaneo, victus quotidianus praberetur.

Hæc Apostolica institutio habuit causam materialem, Iudaicæ Reipublicæ, videlicet, futuram dispersionem, & ciuitatis vastationem à Christo prædictam: Matth. c. 24. Marc. c. 13. & Luc. c. 19. sic habetur 12. q. 1. c. [Futuram Ecclesiam Apostoli in Gentibus præuidebant. Idcirco prædix in Iudæa minimè sunt adepti: sed pretia tantum ad fouendos egen-tes, & cetera.] Cumque ciuitas, & templum essent subuertenda, ne, ut docet Beda Venerab. paruuli, & laetantes in fide, admirando sanctum seculare, à Prophetis sanctis, à Domino ipso institutum, à sinceritate, fidei Christi ad carnalem Iudaismum laberentur: consulta ratione nihil proprii voluerunt Apostoli in ea terra ab Ecclesia possideri, in qua Christi sanguine clamante Iudæorum obstinatorum interitum, radices non erat altas habitura.

Verum ad formalem, & finalem causas adspiciendo, id ea ratione, ab Apostolis fuit gestum: ut reparationis nostræ per Christum IESVM gratia afflueret mundo, ad eius creationis gratiam comparata; & secundi hominis de celo celestis 1. ad Corinth. c. 17. ad primum hominem de terra terrenum excellentia coruscaret. Vnus enim Adamus, & eius coniux in gratia conditi, quam Deus illis, cum natura fuit ipsa, largitus: in paradiso omnibus affluentes bonis, quasi omnibus egerent, ligni vetiti copia non suppetente, de eo gustantes, non Dei scientiam, falsò à Damone promissam, sunt consequuti: sed gratiam, & sanctitatem perdiderunt. Erant certè vnica tantum prohibente lege adstricti, ad custodiam facili, in materia non odiosa, & quam, si per extrema Paradisi, & non per proprii appetitus vagarentur extrema, in medio virtutis obedientiæ habitantes, in medio Paradisi non fregissent.

Quibus contrà opponitur Ierosolymis, Act. c. 2. & 4. amplissima ciuitate, O Christi IESV gratia immensa, & donum non ut delictum 1. ad Rom. c. 5. multitudinis Credentium inuicem; & cum Christo cor vnum, & anima vna: qui omnibus egentes, omnibus abundabant: quoniam nullus eorum, quæ possidebat, aliquid suum esse dicebat: & legis Christianæ arcta via, ex Matth. c. 7. circumsepti, quasi ex Matth. c. 11. Iugum suauē, & onus leue sufferentes, in medio nationis prauæ, ex Epist. ad Philipp. c. 2. templi adita vnanimiter frequentantes, frangentes circa domos panem, saluari scilicet Ignovitæ, Eucharistiæ sacramento recreati, cum exultatione, & simplicitate, & charitate, quæ omnem exsuperabat scientiam, Deum nouæ lucts, & noui Mundi, & nouorum hominum Conditorum collaudabant.

Vnde quò nostrum afferamus intentum, de illa primitiuorum Ecclesia in cælis conscriptorum,relata ad Hebr.c. 12, placet considerare; fuisse dubio procul dictum in spe, quod in re de illorum fuit parente Iacob pronuntiatum: Sapient. c. 10. Cum enim filij, ex Aristotele, sint aliquid patris: de Israele ipso; & simul dictum fuit de suis carnalibus, & quod gloriosius est, de spiritualibus filiis, iuxta illud, quod Ioan. c. 1. dixit de Nathanaele Christus, scilicet; [Ecce verè Israelita; in quo dolus non est:] & iuxta illud Pauli, ad Rom. c. 2. [Non enim qui in manifesto Iudeus est, neque quæ in manifesto in carne est circumcisio: sed qui in abscondito Iudeus est, & circumcisio cordis in spiritu, non littera:] &, c. 9. [Non enim omnes qui ex Israel sunt, ij sunt Israelita: neque qui semen sunt Abrahæ, omnes filij; sed in Isaac vocabitur tibi semen. Id est, non qui filij carnis; hi filij Dei; sed qui filij sunt promissionis, estimantur in semine.]

Ergo Spiritus sancti proloquium de Israele parète, & Israelitis filijs tale est: [Iustum deduxit sapientia per vias rectas, & ostendit illi regnum Dei: & dedit illi scientiam sanctorum.] Verè enim sapientia Dei Patris Christus IESVS, qui olim in Israel effecerat & hæc, & quæ inferius referuntur, in veris Israelitis Christianis primis idem perfecit: illos enim deduxit per vias rectas: quando suos Discipulos eduxit à ciuitate Ierosolymitana, Luc. c. 24. quasi valedicerent legis Mosàicæ obseruantis: & deduxit eos foras in Bethaniam, iuxta suum nomen, domum, videlicet, obedientiæ legis Euangelicæ: præcipiens eis, vt eo ad cælos assumpto, ne discederēt à ciuitate Ierosolymitana: sed expectarent promissionem Patris: Act. c. 1. quæ impleta, deducerentur, & deducerent alios per vias, & semitas rectas. Isai. c. 40.

Insuper ostendit illis regnum Dei: quando rogatus ab eis ibidem: [Domine si in tēpore hoc, restitues regnum Israel?] eis respondit: [Non est vestrum nosse tempora, vel momenta, quæ Pater posuit in sua potestate: sed,] aliud, videlicet, vobis ego regnum meditor: [accipietis enim virtutem superuenientis Spiritus sancti in vos:] qui efficiet vos [regnum Sacerdotale, & regale Sacerdotium:] 1. Petr. c. 2. & Apocalyp. cap. 5. [qui docebit vos omnia quæcumque dixerò vobis.] Ioan. c. 14. Et tamē sic dedit illis scientiam Sanctorum: quæ, scilicet, scirent [reprobare malum, & eligere bonum.] ex Isai. c. 7.

Felix certè infelicitis promissi, in donum felix, commutatio: tunc enim pro scientia promissa à Dæmone primis parentibus, quæ illos in barathrum coniecit ignorantis, & sui, & Dei, data fuit Christianis primordialibus illa scientia Sanctorum, vt posset Paulus, Sanctos eos simpliciter, ad ceterorū per orbem Christianorum distinctionem, celebrare: sic enim de eis ad Rom. c. 15. loquitur: [Nunc igitur proficiscor in Ierusalem ministrare Sanctis. Probauerunt enim Macedonia, & Achaia colla

tionem aliquam facere in pauperes Sanctos, qui sunt in Ierusalem.] Quo loco Remigius eos, a Paulo appellari pauperes Sanctos, qui fortunis suis venditis, ad Apostolorum proiecerunt pedes earum pretia: vel illos, qui propter fidei confessionem, suorum bonorum rapinam cum gaudio sustinuerant: ad quos Paulus sepius argentum, aurum, triticum, & vestes, ut antiqui scripserunt Doctores, affluenter etiam demandauit.

De quibus idem Paulus sic loquitur 1. ad Corinth. c. 9. [Quoniam ministerium huius officij, non solum supplet ea, quæ desunt Sanctis: sed etiam abundat, per multas gratiarum actiones, in Domino.] Agebat Paulus de eleemosynis à Corinthijs erogandis primitiuis Christianis, Ierosolymis egentibus: & est sensus: Quoniam harum eleemosynarum administratio, non solum necessaria victui, & vestitui Sanctorum, qui sunt in Ierusalem, subministrat: sed etiam facit, ut plurimæ, à plurimis, Deo gratiæ agantur; quia vestra ea charitate corda inflamat, ut tanto cum animi candore, Sanctis illis subuenientes, quasi confiteamini denuò Euangelium Christi, illius primis professoribus communicantes (iuxta quod ipse ad Galat. c. 6. docuerat) in omnibus bonis: quasi, qui ab eis, & vos, & ceteri catechizentur Christiani: & insuper, quia ipsi reciproca, vel etiam eminentiore, pro vobis obsecrant charitate.

Q V I N T V M S V B N O T A N D V M.

C O N S E Q V E N T E R quinto est subnotandum ex Augustino, libro nunc citato cap. 23. quod hi pauperes, seu Sancti, in numero Ecclesiæ exercitu excubias faciebant; ieiunijs, & orationibus assiduò vacantes; & contra Dæmonum efferatas, vitæ sanctimonix, dimicantes potestates: quibus stipendia, ex aliorum Christianorum bonis, Apostoli mittebant: qui, si nihil aliud facerent, quàm Apostolis, ad debellanda vitia, per orbem diffusis, custodire sarcinas Constitutionum Christianarum, & rituum cultus Diuini, quæ Christus, quæ Apostoli, instituerant; & docuerant; stipendio illo non essent priuandi, ex spolijs auarorum diuitum, quos Apostolica victoria Christo subdiderat; hoc iure belli, per os Magni illius bellorum Domini Ducis Davidis; olim sic enunciato 1. Reg. c. 30. [Æqua pars erit descendentis ad prælium, & remanentis ad sarcinas: & æqualiter diuident.]

Sed cum de his Sanctis Ierosolymitanis pauperibus, & causis eos sic Apostolos consolandi, Ambros. in 1. ad Corinth. & Hieronymus epist. contra blasphem. Vigilant. & q. 1. ad Hedibiam, optime loquantur; solum notentur, in c. 5. ad Romanos, illa verba, quæ consultò hic referenda volumus, scilicet: [Obsecro ergo vos fratres per Dominum nostrum IESVM Christum, & per charitatem sancti Spiritus, ut adiuuetis me in orationibus pro me ad Deum, ut liberer ab infidelibus, qui sunt in Iudæa: & obsequij mei oblatio accepta fiat in Ierusalem Sanctis.] Quo lo-

60 Hieronymus illorum inde arguit excellentem sanctitatem, quod Apostolus, quasi quid excellens, dixerit primò, se proficisci in Ierusalem, ministrare Sanctis; sed inde præcipue, quod orationibus se Romanorum commendat, ut dicti Sancti velint illas eleemosynas acceptare. Vnde, concludimus, de illis ad litteram Isaiam fuisse vaticinatum, dum c. 6. Iudaica delineata cæcitate, in Christo agnoscendo, & conuersione quorundam ex eis, maximè ex ciuitate Metropoli Ierosolymitana, sic prophetari: [Et adhuc in ea decimatio, & conuertetur:] & infra: [Semen sanctum erit id, quod steterit in ea;] id absque dubio semen, de quo c. 1. dixerat: [Nisi Dominus exercituum reliquisset nobis semen, quasi Sodoma fuisset, & quasi Gomorra similes essemus.]

S E X T U M N O T A N D U M.

SE X T O est notandum; vix Apostolis, vel eorum pluribus vita sanctissime functis, pristinum illum Credentium ardorem paulatim tenuisse: ac pro communi illa quiete, discordias, ac contentiones, consilio diabolico, succreuisse. Fuit eius rei illa potissimum occasio; quòd non eodem omnes iure haberentur, qui ad fidei professionem accedebant. Si quidem ab ea multitudine, quæ ex alienigenis, & varijs, ac diuersis gentibus consuebat, Ecclesia, iam vsque à primis Apostolorum temporibus, ex eorum Conciliari decreto, Act. c. 15. edito, nihil amplius requirebat, nisi, ut ab immolatijs Idolorum, à fornicatione, à suffocato, & sanguine temperarent. Hoc enim pro stabiliendis fidei fundamentis, abolendaque inueterata Gentilitatis consuetudine, expedire iudicatum est.

Hæc libertas malè accepta, deteriorem reddidit antiquum communis vitæ statum; cum enim non omnibus, sed Gentilibus tantum, ea, quam diximus ratione, indulta fuisset; effecit nihilominus, ut Ierosolymitana etiam Ecclesiæ perfectio contaminaretur: siquidem crescente magis in dies indigenarum, aduenarumque numero, eò paulatim res fuit redacta, ut non solum in ijs, qui ad fidem Christi recens conuenerant, verumetiam in illis, qui erant Ecclesiæ Principes, communis antea vitæ vinculum laxari cœptum fuerit: vnoquoque ex illis secum statuente, nihil se magnopere reprehensione dignum admittere: si, quod Gentibus concessum esse videbat; retentis substantijs, proprijsque facultatibus, Christi fidem, ac confessionem sequeretur. Tractat de hoc fusè Cassian. Coll. 18. cap. 5. & hæc fuit occasio Clementi, scribendi epistolam illam 5. supra relatam, de Communi vita, fratribus Ierosolymitanis.

Vt cumque sit, quòd facilius genus Christianum propagaretur, in suis, quemque ad fidem venientem, facultatibus viuere permissum est: ne rerum communicandarum, aut amittendarum metus, à Christianismo quemquam reuocaret. Verum iniquè non solum quo tempore, quadragesimo post Christi Domini mortem anno, Iudæa à Vespasiano, & Tito va-

stata, & Ierusalem ciuitas, olim sancta, fuit cum templo diruta, & igni, ac ferro depasta, saltem aliquod hoc semen sanctum, quod referebamus adhuc superfuisse in ciuitatem Berithum translatum fuit: ne cum impijs Iudæis deperiret, & ibi diu conseruatum Verumetiam Sanctis illis originalibus, in ciues Sanctorum, ad Ephes. c. 2. & domesticos Dei in celos translatis, successere Ecclesiastici religiosissimi, immo & seculares viri multi, qui in communi viuentes, Apostolorum, & Sanctorum, quos diximus, vitam imitantes, vitæ Christi memoriam, non libris scriptis, sed rebus gestis, diutius conseruant.

De quo videnda Epistola Decretal. Urbani I. de Comm. vi. & oblat. fidel. ad omnes Episcopos. Videnda etiam Epistola ad Ierolymitanæ Ecclesiæ Clericos, Clementis I. qui hanc ipsam viuendi regulam tenuit; & refertur 12. q. 1. Consilium. Quo verò ne latius serperet malum illud præconceptæ discordiæ, magisque in dies ad contentionem animi incitrerentur: hac ratione tanto huic periculo primùm occursum est. Siquidem communi & Sacerdotum, & fidelium omnium consensu fuit præelectum: vt loco pretij, quod pro venditis agris solui consueuerat, hæreditates ipsæ, ac agri, Episcopis traderentur. Existimarunt autem id fore consultius, Ananiæ, & Saphiræ exemplo persuasi, cum sic omnis in posterum, mentiendi similiter occasio tolleretur.

Dicti verò Urbani I. sanctissimi Pontificis, iam tertio Ecclesiæ seculo, anno Christi 224. exstat de hac re dispositio cap. Scimus. 12. q. 2. & cap. Videntes (sequitur) summi Sacerdotes, & alij, atque Leuitæ, & reliqui fideles, plus vtilitatis posse conferre: si hæreditates, & agros, quos vendebant, Ecclesijs, quibus præsidebant Episcopi, traderent: eò quòd ex sumptibus eorum, tam præsentibus, quàm futuris temporibus, plura, & elegantiora ministrare possent fidelibus, communem vitam ducentibus, quàm ex pretio ipforum: ceperunt prædia, & agros, quos vendere solebant, matricibus Ecclesijs tradere, & ex sumptibus eorum viuere. Ipsæ verò res in ditione singularum Paroeciarum Episcoporum, qui locum, tenent Apostolorum, erant, & sunt vsque adhuc, & futuris semper debent esse temporibus; è quibus Episcopi, & fideles dispensatores eorum, omnibus communi vita degerè volentibus ministrare cuncta necessaria debet, prout melius potuerint: vt nemo in eis egens inueniatur: ipsæ enim res, fidelium oblationes appellantur, quæ à fidelibus Domino offeruntur. Memoratis ergo augmentationibus, in tantum Ecclesiæ, in quibus Episcopi præsent, Domino adminiculante, creuerunt, & in tantis maxima pars earum abundat rebus, vt nullus sit in eis communem vitam gerens, indigens: sed omnia necessaria ab Episcopo, suisque ministris percipiat. Ideo si aliquis exstiterit modernis, aut futuris temporibus, qui hæc auellere nitatur, iam dicta damnatione feriatur.] Hucusque Pontificia Constitutio.

Consecraria decem ex pradiis habitata.

EX quo contextu plura colliguntur, quæ ad rem apprimè faciunt primò enim miramur fuisse, qui dicant, Ecclesiam à tempore Urbani I. Pontificis, bona immobilia possedisse: cum ipse testetur, iam antiquitus cepisse superiores Ecclesiæ Prælatos immobilibus prædijs, in comuni vitam agentium necessitatibus subuenire. Sic legimus Calixtum quintum decimum à Petro Pontificem, iuxta Augustini supputationem, decreuisse, ut ex eius Epistola 2. Decretali constat; ne Prælati alienarum Parœciarum, sibi possessiones vendicarent: ex qua habentur Canones, 7. q. 1. Sicut alterius vxor. & 9. q. 2. Nullus. Ipso etiam prior Pius Papa I. decimus à Petro, decretum tulerat contra seculares, Ecclesiæ in suos usus prædia pertrahentes. exstat Epistol. 2. & inde habetur, 17. q. 4. Sicut qui Ecclesiam.

Ecclesias, secundo, Christianorum possessiones olim sub Gentilibus Imperatoribus habuisse, non tantum Pontificum dicta Decreta declarant, sed ipsa etiam Imperatorum Edicta, quibus eas illis ablatas reddi mandauerunt, idem euidenter demonstrant. In Edicto namque Constantini, atque Licinij, hæc scripta leguntur: [At quoniam ipsi Christiani non solum ea loca, in quæ conuenire solent, sed etiam alia habuisse cognoscuntur, quæ non priuatim in singulos, sed ad ius totius ipsorum Communitatis, idest, Christianorum, spectabant: singulis, qui ea possident, mandes, velim, ut omnia per legem, quam supra posuimus, absque vlla controuersia, Christianis, idest, Societati ipsorum, & conuentui reddât.] Illa autem loca, quæ ad Christianos dicit spectare, Ecclesiastica fuisse, sequens eorum Edictum, ad Annullinum conscriptum declarat, his verbis: [Quare volumus, ut simulac hæc litteras à nobis acceperis, si quæ ex his possessionibus, quæ ad Catholicam Christianorum Ecclesiam, in quibuscumque ciuitatibus, aut locis pertinent, &c.]

Quæ gesta, & Pontificum decreta tertio, maximam habent cum gestis, & decretis in antiquo Testamento affinitatem: in quo omnia, ex Paulo, 1. ad Corinthios c. 10. in figura contigerunt. Nam olim Leuitis, quamquam decimis ditarentur, non erat omnino interdicta rerum possessio; quippè qui ex mandato Dei, Num. cap. 35. in singulis tribubus vrbes sacerdotales habebant, ad habitandum: ipsisq; concessa erant suburbana ad alenda pecora: & poterant agros, & vineas ex oblationibus populi licitè emere, licitè etiam distrahare, & vendere: quod Leuit. c. 25. & 3. Reg. c. 2. & Ierem. c. 32. & Act. c. 4. satis indicatur aperte. Si ergo hoc antiquis illis Sacerdotibus Diuino erat iure concessum, quo iure, quauè ratione, hoc noui Testamenti ministris Ecclesiasticis erit interdictum? Approbavit quidem Deus Patriarchæ Iacobi filium Leui, exheredantis sententiam, eiusque posteris nullam partem terræ in duodecim dumea-

xat partes , pro numero duodecim tribuum diuise assignari permisse . Attamen decimam partem omnium fructuum sibi , tamquam proprio Iudæorum Regi , loco tributi debitā , vna cum quadraginta & octo cinita tribus , inclusis illis quæ erant refugij , & earum suburbanis prædijs , illis tamquam suis hæredibus donauit . Esset quidem ridicula vehemens illa multorum Pontificum , & Conciliorum Decretis , rerum Ecclesiasticarum interdita alienatio : si Ecclesia nullam rem licite possideret .

Neque obstat quartò , Christum , Luc. c. 14. sic docuisse : [Qui non renunciat omnibus , quæ possidet , non potest meus esse Discipulus ;] id enim intelligendum est , sicut & illud , quod sequitur : [Si quis venit ad me , & non odit patrem , & matrem , & uxorem , adhuc autem & animam suam , non potest meus esse discipulus .] Certum est enim , non ad odium , sed potius ad amorem parentum , filiorum , vxoris , & vitæ propriæ quemlibet hominem Diuina lege obligari : si horum amor Dei charitati , quem super omnia diligere debemus , nihil obstat , aut præiudicat . Sic si rerum possessio , animum à Dei cultu auocet , mala est , eoque casu planè deferenda . Si verò Ministris Dei , & pauperibus alimenta præbendo , eundem Dei cultum promoueat , vtilissimè sanè , & iustissimè Ecclesia temporalium rerum , & bonorum dominium , ac possessionem , iam ab antiquioribus suis seculis , est solita retinere .

Quintò patet , hanc bonorum immobilium assignationem , non summorum Pontificum solum , non Episcoporum , non Presbyterorum , non Diaconorum , & tandem Ecclesiasticorum solum iudicio , verumetiam secularium fidelium hominum sententia , & assensu fuisse factam : vt qui in communi , siue Ecclesiastici , siue laici debebant , commodius possent sustentari . Hinc notent seculi præsentis , & deterioris seculares , quo animo Ecclesiæ diuitias , vel inuadant , vel inuideant , quas ei secularium melioris seculi sententia confirmauit .

Sextò est certum , quòd ad solos Episcopos , & fideles ab eis nominatos dispensatores , cura horum bonorum pertinebat , & in posterum voluerunt prædicti omnes pertinere .

Septimò apparet , quòd horum bonorum ea lege distributio fiebat , vt Ministri , quorumcumque in communi viuentium , rationem habentes , iuxta personarum qualitatem , officium , & meritum , vitæ necessaria eis largirentur .

Octauò est maximè ponderandum : quòd hæc bona immobilia , ex sua primæ institutione , solum fuerunt deputata ad eorum vsum , qui illis renunciantes , in communi vitam agere , ritu Apostolico , eligebant : & ad pauperum , qui illis adhærebant , subuentionem . Nam ad victum , & vestitum Ecclesiasticorum Catechistarum , & Ministrorum , quibus , ex Apostolo , contenti esse debebant , vt diximus , fideles omnes de iure Diuini contribuere alias tenebantur ; exclusa consideratione illorum bonorum

immobilium, quæ aliundè ex fidelium oblationibus fuerant solidata. Et hoc primò constat, quia cum ministrorum labor, & his, qui bona sua retinebant, & illis, qui ea in communi vtenda erogabant, insudaret: fuisset iniustus, diuites, & commoditatibus affluentes Christianos à Ministris eximi sustentandis, vt ex pauperum oblationibus viuentes, illis gratias inferirent. Secundo conitat, ex Agathensi Concilio supra relato: cap. 33. de quo, 12. q. 2. cap. Episcopus. vbi omnino supponitur, Episcopum ex bonis, quæ administrabat, neutiquam sibi, & familiæ necessaria comparaturum; nisi eo casu, quo alias indigeret: addita hac conditionali: [si tamen indiget:] quasi res esset infrequens, Episcopum & Pastorem alias à suis ouibus non pasci corporaliter, quibus spiritualem partem ministrasset.

Nonò, quòd hæc bona appellantur bona Domini, ipsi in terra morientium oblata à fidelibus, vnde quasi superioris iuris, extra hominum secularium sunt curam, & administrationem: quæ spectat ad eos, qui sunt de sorte Domini, & quorum Deus est fors, scilicet, Clericos.

Vltimò, quòd Episcopis horum bonorum curam gerentibus, miris incrementis Ecclesiastici hi redditus augebantur.

SEPTIMUM NOTANDUM.

S E P T I M O est notandum, ea quæ, de vitæ communione inter Christianos hucusque obseruata fuisse, retulimus, promiscuè ad vtrumque ordinem, & Ecclesiastici, & Secularis status pertinuisse. Laicis tamen, ab ea communione secedentibus, Clerici in eodem vitæ statu diutius permanserunt. Avaritiæ enim motus illi, vnde tota Laicorum orta fuit, abiecta vitæ socialis participatione, secessio, haud ita faciliè eorum, qui Diuinò se cultui addixerant, mentes concusserunt. Hoc esse verum id valdè confirmat, quod Hieronymus relatus 12. q. 1. c. Duo sunt. Leuità quemdam, quòd propria obtineret bona increpans, sic ait. [Illi autem, nempè Clerici, victu, & vestitu còtenti, debèt omnia habere communia:] at si ea bona habere propria passim licuisset, reprehensioni illi locus nò fuisset. Accedit Augustinus Hieronymo, qui Serm. 52. ad populum, Hyponensem, & refertur ead. eaus. & q. cap. Nolo. sic loquitur: [Qui habuerit proprium, vel habere voluerit, parum est, vt dicam, non mecum manebit:] & infra. [Quomodo ergo cuiusque, qui voluisset extra manere, & de suo viuere, non tollèrem Clericatum ei?]

Quibus non obstant, quæ supra diximus, de diuisione tripartita, seu quadripartita bonorum, per Siluestrum Pontificem facta, ex quibus pars quarta Clericis erat assignata: hoc enim sic est intelligendum, eam inter eos fuisse sic diuisam: vt cuiusque necessitatibus subueniretur: non tamen vt proprium, eis esset licitum possidere. Succedente tempore, licèt communis hæc vita à Clericis fuerit suscepta, non tamen eodem modo, eam legimus conseruatam. Nam cum passim à ceteris fructus tan-

tum communicarentur, agrorum verò proprietates possent esse singulis peculiares: exstiterere nonnulli, qui proposito sanctiori, sese ex voto arctiori communioni deuinxere: ac præter fructus, communicata insuper rerum suarum omnium proprietate, eodem plures in loco vitam degere præoptarunt. Quem morem ab Urbani Papæ primi ætate, vt iam insinuauimus, à nonnullis institutum. cap. Scimus, & c. seq. 12. q. 1. ad Augustini, Gregorij I. immò & Gregorij vi I. vsque tempora, traductum fuisse pluribus in locis reperimus: vt c. Nolo. c. Certi. c. Tua fraternitas. ead. q. & causa: cap. Quoniam. de vit. & honest. Cleric. & in Cathedralibus Ecclesijs præsertim fuisse seruatum, asserit Gulielm. Durand. lib. 6. de Diuin. offic. de septem diebus post Pascha. nu. 6.

Cum igitur constet, hanc rerum temporalium communionem diuini inter Clericos, quam inter laicos fuisse retentam: etiam certum est, hos non ita constanter in ea perseverasse. Et quidem circa eam, aliud de bonis Clericorum patrimonialibus, aliud de Ecclesiasticis est ferendum iudicium: cum non simul & semel hæc bona communia esse desierint. Et de patrimonialibus si agamus bonis, illorum diuisionem, non eodem tempore, & tentam, & obtentam fuisse reperimus: sed illud in hac re, quod in alijs rebus, vsu videmus contigisse, quas aduersus Principes, siue spirituales, siue temporales sint, attentat multitudo: vt non nisi post ingentes, diuturnasque contentiones, suorum votorum optatum exitum consequatur.

Testis est huius contentionis Hieronymus, qui à rerum cupiditate, propriarum Clericos curauit reuocare, ostendens sequentibus verbis, quod illis vitæ institutum conueniat maximè, qui se Clericos esse profitentur. [Est autem,] vt refertur c. Duo sunt. 12. q. 1. inquit, [vnum genus, quod mancipatum Diuino officio, & deditum contemplationi, & orationi, ab omni strepitu temporalium cessare conuenit, vt sunt Clerici. Aliud verò genus est Christianorum, vt sunt laici: his licet temporalia possidere.] Et ead. q. & caus. c. Clericus. sic idem loquitur: [Quod si Clericus quidpiam aliud habuerit, præter Dominum, pars eius non erit Dominus: verbi gratia, si aurum, si argentum, siue possessiones, si variam suppellectilem, cum istis partibus, non dignatur Dominus fieri pars eius.] Et infra subdit: [Sed quasi Leuita, & Sacerdos viuo de decimis, & altari seruienti, altaris oblatione sustentor: habens victum, & vestitum, his contentus ero, & nudus nudam crucem sequar.]

Augustinus verò multitudini efflagitanti nolens amplius obsistere, eiusque annuens votis, sic Hyponensem populum, ser. 52. asseritur: & refertur 12. q. 1. c. Nolo. & c. Certi. [Qui volunt habere proprium, quibus non sufficit Deus, nec Ecclesia sua, mancant vbi volent, & vbi possunt: non eis aufero Clericatum, nolo habere hypocritas: malum enim esse, quis nesciat? malum est cadere à proposito, sed peius est simulare propositum,]

& infra subdit: [Dixeram enim, & scio me dixisse, quòd si nollent suscipere socialem vitam mecum, non illis tollerem Clericatum: sed seorsum manerent, & seorsum viuerent: quòd quomodo possent Deo viuerent: & tamen ante oculos posui, quantum mali sit, à proposito cadere: malui enim habere, cæcos, vel elandos, quàm plangere mortuos: qui enim hy pocrita est, mortuus est.] Attamen quia Clerici professioni iudicatum est non aduersari, vt propria quis bona obtineret: in Concil. Agathensi, supra citato, cum leges de bonis temporalibus Ecclesiasticorum referrebamus, ea illis omninò permisa fuere: vt 12. q. 1. c. Episcopi. habetur, & additū, vt de rebus Episcopi proprijs, vel acquisitis, vel quicquid Episcopus de suo proprio habet, heredibus suis, si voluerit, derelinquat.

Et hæc quidem de bonis patrimonialibus Clericorum dicta cum sint, si de bonis proximè Ecclesiasticis agamus, ea communicari seriùs desinere: sicut enim Clerici diuturniori tempore, in vitæ socialis communione permanserunt, sic & fuit par, illos cum sibi adiudicata à Siluestro portione bonorum Ecclesiasticorum, diutius in vitæ communione perseverasse. Sic supra diximus, Simplicium Papā I. illam diuisionem bonorum approbasse: c. De redditibus. 12. q. 2. & Gelasium anno Christi 494. c. Nobis. & cap. Concesso, ead. q. & caus. Cum verò Episcopi, sibi cepissent vendicare etiam ea bona, quæ Parochialibus Ecclesijs, etiam cum onere illas fartas, & rectas, conseruandi, erant obligata: Clerici suo præiudicio moniti, etiam cæpere quisque suæ Ecclesiæ oblata, vt propria retinere, certa parte decimæ Episcopis reseruata: quod consuetudine primum introductum, postea lege fuit cautum in Tarraconen. Concilio 1. c. 8. sub annum Christi 482.

OCTAVVM NOTANDVM.

NOTANDVM octauò, qualiter se res habuerit postea, illo prioris deuotionis seruire in dies iam tepescente, quo vitæ communio fuerat asseruata; nam cum plures reperirentur Christiani, qui neque in abditos deserti secessus se vellēt recipere: neque etiam palam in vrbibus, hominumque frequentia commorari: medium quoddam vitæ genus elegerunt, in ciuitatibus quidem, sed ab hominum semori commercio, intra claustra sese continentes, cum certis legibus, & specialibus regulis alicuius Senioris imperio subiecti morabantur. His autem nullo iure denegari potuit, quin certa prædia, resuè alias immobiles possiderent; quorum redditus communem illis victum suggererent. Immo cum deuotione, vt diximus, in Christianis frigescente, nihilominus illos in quibus frigebat doleret, grande illud bonum vitæ communis, seu Paradisi cælestis è manibus sibi eripi, ab oculis sibi dilabi: cæpere fideles nobiles, & pecuniosi, diuitijs proprijs supplere, quod vitæ instituto non valebant, seu volebant præstare, & illis, qui vitæ arctam communionem

conseruabant sub prædictis legibus, & obedientia affluenter opes diuidere, quibus loca communia construerent: ad quæ se reciperent, vitam communem culturi, quicumque, ex vocatione Christi, maioris perfectionis studio tenerentur.

Institutum hoc probauit Iustinianus Imper. Nouel 133. & confirmatum fuit in Concil. Agathen. cap. 38. illa verò loca appellata fuere Cœnobiaz, à communi ibidem obseruata viuendi ratione: sicuti quòd ea conuersatio non multum abesset à solitudine, illius professores Monachi, ipsa autem loca, Monasteria etiam fuere nuncupata. Neque Anachoretæ, Monazontes, & Sarabaitæ lectorem præpediant: quasi ab illis vel Monasticæ vitæ institutum primò emānarit, vel de illis sermonem, non subteamus specialem, quia de re hac vniuersè agimus, neque ad propositum nobis scopum spectat, horum seu originem, seu progressus indagare. Hoc certissimum est in Orientali Ecclesia primò, Magni Basilij tempore, anno Christi 369. & in Occidentali deinde, à S. P. N. Benedicti ætate, ab anno 500. circiter vsq; ad 542. & deinceps, Monasticū hūc Ordinem, ab Antonio item Magno in Aegypto, sub annum 357. & ab alijs sanctis Patribus in desertis varijs, ex cultum insigniter floruisse. Et tunc Anachoretæ pro Monachis, & Monachi pro Anachoretis sunt habitati: sicuti constat ex Cassiano Collat. 18. & lib. 3. c. 36. & ex Hieronymo epist. ad Paulinum, & habetur c. Si cupis. 16. q. 1.

Hic tamen omninò est aduertendū, non omnes qui hōc vitæ communis genere vtebantur, & Monachos existisse, eūdem fuerint multi etiam qui Monachorum instar, eundem locum plures simul incoherent, vnoque omnes resectorio, & dormitorio vterentur: qui à vita communi, quam ducebant, Canonici appellabantur: qui pariter, sicuti de Monachis dictum est, res possidebant immobiles: vnde singulis Præbendæ suggererantur. De his exstat Constitutio Gregorij I. anno Christi 591. cap. Quia tuas fraternitas. 12. quæst. 1. & Eugenij I. anno 654. c. Necessaria. ibidem: eiusque à Gregorio VII. facta approbatio, anno 1073. cap. Quoniam. de vit. & honest. cleric. quò spectat decretum illud Concil. Tolentani. 4. c. 23. (Ob hoc constituendum oportuit, vt si qui in Clero puberes, aut adolescentes exsisterent, omnes in vno conelauui atrijs commoerentur: & lubricæ ætatis annos in disciplinis Ecclesiasticis agant: deputato probatissimo se iore, quem testem vitæ, & magistrum disciplinæ haberent.) cap. Omnis ætas. 12. q. 1. Quorū Canoniceorum duo genera existunt, alterum eorum, qui præter communia bona, ipsi etiam singuli propriū aliquid obtinebant: qui quoniam non erant adstricti certæ alicui regulæ, poterant dici, non regulares Canonici: vnde passim, Canonici, simpliciter appellabantur: alterum eorum, qui communi vitæ, paupertatis insuper vōrum adiunxerunt. Vnde rebus omnibus relictis, præter quas in dies ex communitatis, & cæterus substantia, ad vitæ sustentationem

tionem percipiebant, diuino cultui sese totos dicauere : & quia arctior vita generi, & instituto erant addicti, fuere Canonici Regulares appellati.

Hinc egressum fuit examen illud sanctorum Monachorum, qui D.P. N. Benedicti disciplinæ sectatores, ipsius coronæ fuere in cælis effecti participes. Hinc exortus sanctorum copiosus numerus Canonicorum Regularium sub D. Augustini regula viuentium, vt de Occidente solummodo loquamur, atque etiam de eo tempore, quo sequentes in Ecclesia Religiones nondum fuerant institutæ: sed vel Canonici Regulares, vel Monachi Benedictini præcipuè Apostolicâ viuendi formam in Ecclesia conseruabant. Hic licuit videre, quanto consilio Ecclesia Spiritu sancto inspirata, immobilia bona voluerit ab Ecclesiasticis possideri: cum ex hisce duabus tantum scholis Apostolicæ disciplinæ, pro Apostolis, & viris Apostolicis patribus, tot filios fuerit consequuta: vt illud Isaia, c. 49. ad litteram viderit in se completum: [Viuo ego, dicit Dominus: quia omnibus his velut ornamento vestieris: & circumdabis tibi eos, quasi sponsa: quia deserta tua, & solitudines tuæ, & terra ruinæ tuæ nunc angusta crunt, præ habitatoribus: & longè fugabuntur, qui absorbebant te. Adhuc dicent in auribus tuis filij sterilitatis tuæ: Angustus est mihi locus: fac spatium mihi, vt habitem. Et dices in corde tuo. Quis genuit mihi istos? Ego sterilis, & non pariens, transmigrata, & captiua, & istos quis enutrit? Ego destituta, & sola, & isti vbi hic erant?]

NONVM NOTANDVM.

NONO est notandum, consequenter ad doctrinam superius adductam ex Chrysostomo: quòd i Ecclesiam, & eius Ministros bona immobilia possidere, in illorum potius fauorem secularium, qui ea bona Ecclesiæ contulerunt, gestum est, quàm in eorum, qui iisdem bonis sustentantur. Quocirca meminisse oportet, id quod iam suprà inuebamus, & modò vberiùs prosequimur; Christum Dominum in suis Diuinis concionibus grandi seruire diuites, & potentes, ad opera misericordiæ præstanda, semper fuisse exhortatum: quasi negotiorum, quæ à Patre in mundo agenda suscepit, vnum esset ex maximis, pauperibus, & inopibus parcere: & ex vsuris, & iniquitate redimere animas eorum: Psal 71. & hoc, nunc duris, & tenacibus interminando: nunc suauibus, & benignis magna promittendo. Luc. c. 11. sic ad Phariseos diuites hypocritas dicebat, [Date elemosynam: & ecce omnia munda sunt vobis.] Et cap. 14. consulens, quæ personæ essent ad conuiuium ab illis excipiendæ, ait: [Cum facis prandium, aut cœnam, noli vocare amicos, neque fratres, neque cognatos, neque vicinos, neque diuites, ne forte te, & ipsi reuincent: & fiat tibi retributio. Sed cum facis conui-

uium, voca pauperes, debiles, claudos, & excos, & beatus eris.] &c. 6. diuitibus auaris, duris, & immiseri cordibus sic comminatur: [Vx vobis diuitibus, qui hic habetis consolationem vestram. Vx vobis, qui saturati estis: quia esurietis: Vx vobis, qui ridetis nunc: quia lugebitis, & flebitis.]

Et certè cum diuites, vt propositum nostrum adhuc inducamus, possent esse contenti: quantumcumque alijs pauperibus succurrere iuberentur, hac sorte, quod bona, quæ natura fecit communia, Gentium iure, à se fuerint occupata; quæ forsitan pauperum Maiores olim occupauit, & vel impotentia, vel negligentia, vel per alios mille casus, mille rerum discrimina, perdiderunt: vnde ab ijs ipsi essent liberi difficultatibus, quas inopia, & egestas innumeras secum aduehit: nihilominus tamen Christus, qui hinc pauperum causam, adeo benignè fouendam, & sauendam suscepit; ne vel illud ipsum, quod diuites in pauperum conferrent subsidia, & vsus, extimescerent sibi perituum: magnificis promissionibus, amplissimaque tum temporali; tum æterna mercede pollicita; eleemosynæ præceptum nedum exornare, verumetiam voluit communire.

Sic Matth. c. 19. Apostolis sciscitantibus à Christo, quid præmij tamdè sibi, qui propter ipsum euneta reliquerant, esset expectandum? Præceptor dulcis, nihil moratus, eos inclinasse cor ad eius faciendas iustificationes, propter retributionem: ex Psalm. 118. sic respondit: [Omnis qui reliquerit domum, vel fratres, aut sorores, aut patrem, aut matrem, &c. propter nomen meum, centuplum accipiet;] vbi Marcus addidit, dixisset: [etiam in tempore hoc: & vitam æternam possidebit.] & Matth. cap. 5. sic loquitur ad misericordes; [Beati misericordes; quoniam ipsi misericordiam consequentur.] Luc. c. 6. sic ad diuites concionatur: [Date, & dabitur vobis: mensuram bonam, & confertam, & coagulata; & supereffluentem dabunt vobis in sinum vestrum. Eadem, quippè mensura, qua mensi fueritis, remetietur vobis.] Hoc est excef su haud comparabili præmij, & retributionis magnitudo, pro eleemosynis vobis in futura vita rependenda, superabit officiorum vestrorum, quæ in præfenti vita pauperibus præstitistis, meritum, ac dignitatem.

Quid quod Matth. c. 18. & 25. se hospitem in hospite susceptum, egenum in egeno beneficio affectum fuisse, infirmum in infirmo fuisse curatum, carcere inclusum in carceri emancipatis fuisse visitatum, & tandem quicquid in minimis ex suis beneficij collatum fuerit, in se fuisse collatum, constantissima doctrina asseuerauit? Et Matth. c. 5. dum celestem mercedem promittit illis, qui non vt gloriæ vanæ mancipia damnata, sed, vt veri filij Dei; opera faciunt, & patris æterni gloriam suis studijs satagunt promouere, sic effatur: [Et Pater tuus, qui videt in abscondito, reddet tibi.]

Speſtant etiam huc parabolæ duæ, altera de diuite epulone, & Lazaro paupere, Luc. c. 16. altera c. 10. de homine illo, qui cum ab Ierufalem in Iericho iter perageret inſtitutum, à latronibus interceptus, & miſerabiliter exſutus, & læſus, ac vulneribus conſoſus, dereliſtus à Sacerdote etiã, & à Leuita interim immiſericorditer præteritus; à Samaritano, fauciſ calamitate taſto, erectus, equoq; impoſitus, in ciuitatem reductus, hoſpiti, qui eius curam gereret, ſolus prius ſumptibus, fuit commiſſus. Hinc Theophylaſtus ſuper Epiſt. ad Theſſal. c. 4. docet, Deum plures feciſſe, pauperes, vt hac medicina fauciſ diuitum conſcientiſ mederetur. Et vbi Paulus ad Rom. c. 15. ſcribit: [Obſecro vos fratres, &c. vt adiuuetis me, in orationibus, &c. vt obſequij mei oblatio accepta fiat in Ierufalem, Sanctis:] notat Hieronymus, inde colligi, plus vtilitatis dantibus, quàm eleemoſynam accipientibus ſuccreſcere: cum orationibus ſit à Deo obtinendum, vt pauperes velint eleemoſynam acceptare. Auguſtinus Serm. 26. de Verb. Domini, & Theophylaſt. ſuper Epiſt. ad Titum c. 3. latè ponderant, qua ratione Chriſtus, qui Angelorum miniſtriſ, ſicut aliquando fecit, poterat paſci, Marthæ, & ſororis ſedula miniſteria, illarum conſulens meritis, & vtilitati ſpirituali, voluerit experiri. Simili inducit ibi Auguſtinus cauſa, olim Eliam ad viduam fuiſſe Sareptanam à Deo miſſum paſcendum, 3. Reg. c. 17. qui certa, & quotidiana portione, prius à coruo paſcebatur; vt viduz, ſcilicet, vtilitati potiùs, quàm Prophetæ neceſſitati conſuleretur.

Vbi nequè eſt prætereunda ſilentio parabola illa villici, Luc. c. 16. apud herum proſuſionis inſimulati; qui ad rationes ſubducendas vocatus, adeo prudenter cum heri debitoribus negotia tranſegit; vt ſi in poſterum villicatione deſtitueretur, illorum, quos ipſe medijs liberauerat debitiſ, gratitudinè intercedète, poſſet ſubſidijs adiunari. In qua parabola inducenda, Chriſtus Iudæos fuit exhortatus, vt facerent ſibi amicos de Mammona iniquitatis: id eſt, beneficentia in pauperes, conciliarent ſibi amicos, qui cum ipſi deſicerent, vitæ curſu exacto, in Diuina, & æterna ſua tabernacula eos reciperent.

Ergo ex Mammonâ iniquitatis, videlicet; diuitijs (quæ non quòd per ſe ſint malæ, ſic fuere à Chriſto appellatæ; ſunt enim creaturæ Dei, & eius donæ, ſed quia plerumque ad malum inſeſtunt;) plures Chriſtiani Eccleſias erigentes, Monaſteria Fundantes, Cœnobia condentes, cæque redditibus copioſis exornantes, id tamdè effecerunt; vt agmina Sanctorum Eccleſiaſticorum, Epiſcoporum, Canonicorum, Sacerdotum, Leuitarum, Monachorum, & vtriuſque ſexus perſonarum, religionis vinculo adſtrictarum conſurgerent; quæ tot Fundatorum; & ingentium diuitiarum largitorum, peccata comedentes, & ipſos, quaſi Angeli ab Abrahamo, & Sara hoſpitio ſuſcepti, Genef. c. 18. vt fructus operum Deo acceptorum, producerent, benedixerunt: eos etiam; vt agnum diuitiarum ſacrificiò

completo, iuxta præceptum Exod. c. 12. comederent, animarum ex vicino pauperum addito numero, adiuuerunt: ipsorumque oculos in fractione panis suarum diuitiarum aperuerunt: sicuti fecit Christus in Emaunte, Luc. c. 24. ut mysteria cælestia penetrarent: & tandem in æternis tabernaculis, mansiones etiam illis æternas, sicuti & beatas præpararunt.

DECIMUM NOTANDUM.

DECIMO, & vltimò, circa præsens Dubium, est notandum: quòd cum crescente mundi malitia, & in diuitibus opù tenacitate, iam à fundandis nouis Monasterijs, post vndecimum Ecclesiæ seculum ferè fuisset cessatum: & ea quæ erant fundata, aliquantulum à sua perfectione originaria defecissent: & Ecclesiastici ceteri etiam partim inutiles facti essent, & à semita recta declinassent: Christus Dominus, qui est lapis ille Zachariæ, c. 3. super quem septem oculi sunt, circumspiciens, non dormitans, neque dormiens, ex Psal. 120. custodiens Ecclesiam; qui vt benè notat Alex. Alen. 4. p. q. 107. memb. 2. art. 2. prioribus Ecclesiæ seculis prouidit Ecclesiæ de miraculis, in Sanctis, potentibus in opere, & sermone, contra Idololatriam: seculis sequentibus de doctrina, in tot Patribus, & Doctoribus lumine superno, ad Scripturas intelligendas, illustratis, contra Hæreses: & nos addimus de doctrina, & charitate prouidisse tot, & tantorum Monachorum, contra seculorum currentium tepiditatem: hisce tandem vltimis seculis, contra hominum declaratam auaritiam: cum in illis adeò iam abundet iniquitas, & refrigescat charitas: iuxta Christi prædictionem, Matth. c. 24. prouidit de Religionibus mendicantium Religiosorum; quorum exercitus ad debellanda superflua diuitiarum in secularibus à Deo armatus, & instructus, bona possidet, etià in aliquibus Religionibus immobilia, millium millibus Religiosorum, & pauperum sustentationi, & cultus Diuini exterioris vsui sufficientia: quæ in manibus secularium paruissimo hominum numero forsàn sustentando, haud, vt iamiam explicabimus, sufficissent.

DVBIVM SECVNDVM.

*Circa Bonorum Ecclesia acqvisitorum
dispensationem.*

LONGIVS se protraxit stilus, quàm voluissimus, in præcedenti tractando Dubio; sicuti etià, nobis inuitis, ipse Tractatus totus protrahitur: neque alia melius ratione à lectore veniam precari scimus; quàm si consideret, tam illa, quæ de Ecclesiasticis personis, quàm, quæ de Ecclesiasticis bonis, & verorumque immunitate differimus, ea ex Ser-

pturis ſacris firmitate muniri: vt ſi ipſi inimici noſtri Hæretici ſint iudices, ex Deut. c. 32. quin ſobrietatis, & veritatis verba cum Paulo, Act. c. 26. loquamur, nequeant inficiari .

Igitur de adminiſtratione bonorū Eccleſiæ diſturi, duas claſſes diuiſas videmus, eorū, ſcilicet, qui, ſiue bona æmulatione, ſed nō ſecundū ſciētiam , ex Paulo ad Rom. c. 10. vt dicebamus ; ſiue mala mente , & malo animo, de Eccleſiæ diuitijs argumentantur. Et de his vltimis nihil curemus; quia cū bella argumenta , vbicumque potuerunt , in bellica conueſterint tormenta, pilis, & gladijs de fide Catholica diſceprando , Eccleſijs diruendis, Monasterijs ſubuertendis, Cœnobijs diſſipandis, & Xenodochijs deſtruendis : ad ſimiles diſceptationes reſpondere non eſt facile, quia [acie vincendæ ſunt:] ex Tacito. Scimus tamen, quod dolemus, id obtinuiffe Hæreticos Germanos in multis ſuperioris , & inferioris Germaniæ prouincijs, & quorundam Principum ditionibus , Hæreticos Anglos, & Scotos etiam in Anglia , & Hibernia , & Scotia obtinuiffe : ſicuti alibi Hæretici alij obtinuerunt: vt, videlicet, dirutis templis , vel in ſordidas officinas commutatis, expulſis Sacerdotibus , Episcopis ſuis ſedibus exactis, Monachis è ſuis Cœnobijs excluſis , cunctis denique Eccleſiaſticis, Catholicisq; Miniſtris è ſuis dignitatibus perturbatis : bona illorum, poſſeſſiones, ſcilicet, hæreditates, prædia, redditus, emolumenta, & prouentus, Principibus ſecularibus adiudicarentur. Hæreſiarchæ, Lutherus, Zuinglius, Philippus Melancthon, Brentius, Caluinus, Beza, & alij ſimiles, ſceleſti, & facinoroſi , filij Diaboli , & gloriæ infernalis putida, mancipia, Principibus, inquam, ſecularibus, quorum venabantur gratiā, & fauorem , diuitias Eccleſiæ , reformationis , quod peius eſt, intuitu , nefariè tradiderunt .

Retinent ea Eccleſiæ bona illi Principes: & quieto, quamuis malo animo ; poſſident tamen: quaſi veluti cum delectabili, & vtili, ſic etiam cū bono honeſto attentata illa poſſeſſio cohæreret . Rogamus interim ipſos, vt nobis ſignificent, quotus illorum ſit, qui in locū tot vnus Ordinis S. P. N. Benediſti Monasteriorum funditus euerſorum , in quibus tot Monachi, tot Sacerdotes, tot Nobiles, tot pauperes, tot peregrini , tot hoſpites alebantur: ſaltem vnum Xenodochium erexerit: in quo bona illa Monachis, & alijs, & ſecularibus , & Eccleſiaſticis viris crepta , pauperibus Chriſti, ſaltem quō ad centeſimam ex his, quas abligerierunt , partibus, contribuuntur ! Vnicui certè non proferent, neque proferre poterunt , qui hoc fecerit : cū nobis ſit in promptu oſtendere , conſilio horum Hæreticorum, quæ illorum eſt conſueta pietas , pluſquā ſexcenta Xenodochia, inter alia pia loca, ſuorum Principum auctoritate, euerſa, direpta, & ſois bonis fuiſſe ſpoliata.

Neq; ignoramus, ipſos Duces Saxoniz, iam ſapiens doluiſſe ruinam, & direptionem tot Monasteriorum , quæ in ſuis ditionibus olim illuſtriſſi-

ma exstiterunt: videntes iuuentutis mores in dies ad peiora dilabi; neque esse vnum in amplissima Prouincia locum comunem, vbi si non Catholica, saltem morali, saltem humana, illa iuuentus imbui possit disciplina, & a frequentibus, quæ secum aduehit, vitijs deterreri.

Sic in specie Augustus Saxonix Dux, dum Ratisbonæ cū Maximiliano Imp. patre Rodolphi præsentis Gloriosi Imp. in publica ageret Dieta, cōtessus fuit ingenuè Alberto Duci Bavarico, præsentis Guillelmi Ducis patris, se vnus brachij fuisse abscissione, si liceret, redempturum, vt tot, ac tanta suæ prouinciæ exstarent Monasteria; tot, ac tanta loca similiter pia manerent: quæ sui subditi Lutherani solo adæquauerant: ea adducta ratione, quod nobilitas filiorum aucta profapia, ac tot felicia suorum, vassallorum ingenia, neutiquam vltra possent placido negotio, scientiarum, & totius litteraturæ otia excolere: otia profana, & iuuenilem libertatem, confectariaque inde mille vitia deuitando.

Confitetur idem ingenuè Scotix prouincia: agnoscens Monasteriorum tam virorum, quàm feminarum generalem in ea demolitionem, eorumque reddituum in profanos status secularis vsus conuersionem, quasi totius prouinciæ opes, diuitias, & pecunias exhaustisse. Mirum dictū! sed quod experientia, rerum matre, verum esse cognoscatur: diuitias, videlicet, Ecclesiasticas, secularibus additas diuitijs, quasi aquilæ plumæ, inferiorum auium plumas erodunt, seculares diuitias corrosisse. Nullo enim inter statum Ecclesiasticum, & secularem interiecto discrimine, hominū sacrorum coelibatu cessante: seculari pompæ omnes cū seruiant, familijs studeant augendis, liberis propagandis, nece sum est, vt diuitiæ prouinciæ, non iam inter Ecclesiasticos, & laicos, proportionem proportionis laico statui, vtili, & congrua, & Ecclesiastico sufficienti: sed commutata Mathematica proportionem, inter laicas personas diuidantur. Hinc non solum Scotix, sed & Angliæ, & Germaniæ superioris, & inferioris prouinciæ hæresibus infectæ, suis edoctæ malis, intuentur, qualiter a se proiectis Ecclesiasticis, & Catholicis ministris, per quos res earum secundæ quondam erant ornatae, nunc si aduersæ sint, haud à suis Pseudoministris, vel minimum, subleuantur.

His tamen Hæreticis omissis, quorum iniquitates, quando completæ fuerint, ex Genes. c. 15. tunc misertus Dominus Ecclesiæ suæ, super illis acriter visitabit: ex Isai. c. 10. ad illius primæ classis homines deueniamus; qui, quasi charismata æmulantes meliora, ex Paulo 1. ad Corinth. c. 12. circa diuitiarum, quas habet Ecclesia, dispensationem, optarent, vt alia via procederetur. Boni sanè viri, sed stultè sibi consulentes: qui cū cane peius, & angue, ab Hæreticorum deberent sententia fugere, qui Ecclesiasticos viros, & Ecclesiam Romanam matrem nostram, & dilectam Christi sponsam suggillantes, & infamantes, fictis in dies criminibus, apud incautos, & inscios populos admurmurant, obijcientes: bona

Ecclesiæ esse bona pauperum, & subinde viros Ecclesiasticos esse illorum crudeles necatores.

Hi, inquam, boni viri, cum yniversa alia Hæreticorum dogmata, vti execranda, maximè deestentur: quo tamen malo genio ducti, nescimus, hæc in causâ illi plus nimio se fautores præstiterunt. Est autem nobis plûsq̃am compertum, si hoc à grato in Ecclesiâ animo, vereq̃ue in pauperes liberali proficisceretur: fuisse illos cautiorem, ac moderatiorem liberalitatem desideraturos. Attamen cum ex eorum controuersis de hæc causâ sermonibus, sæpè à mendacio, contra veritatem, homines seculares stare consuecant: eorum non solum dicendi, verùm & carpendi in cauta assiduitas, ingentem in illis dicendi, immò, & faciendi, (quod experimentaliter conuersatione cognouimus:) aduersus Ecclesiasticorum diuitias audaciam generauit.

Quibus, vt faciamus satis, eorū vota, Sanctōrū Patrū esse vota proponamus: vt si Sæctis illis Ecclesiæ Proceribus satisfactū fuerit per nos, nequeât sibi non satisfactū iri denegare. Ambrosius 2. lib. de Officijs. c. 28. & refertur 12. q. 3. c. Aurū. sic docet. [Aurum Ecclesia habet, nō vt seruet: sed vt erogat, & subueniat in necessitatibus. Quid est opus custodire, quod nihil adiuuat?] & infra: [Aurū sacramenta non quærun: neq; auro placent, quæ auro non emuntur: ornatus factorū, redemptio captiuorū est.] Cuius argumenti tã ibi, quàm alibi plura idem S. Doctor sæpius repetit.

Hieronymus Epist. ad Nepotian. & habetur ibidem, c. sequenti, sic ait: [Gloria Episcopi est, pauperum opibus prouidere: ignominia Sacerdotis est, proprijs diuitijs studere.] & infra, eodem cap. ex eodem Hieronymo de institutione Monachi, ad Paulinum: [Crates ille Thebanus, homo quondam ditissimus, cum ad philosophandum Athenas pergeret, magnum auri pondus abiecit: neque putauit, se posse, & virtutes, & diuitias simul possidere: Nos suffarcinati auro, Christum pauperem sequimur.] Idem Epist. ad Demetriadem, causam pauperum, & infirmorum, etiam contra templorum fabricas, & Ecclesiarum ornamenta, perorat. Et epist. ad Rusticum, S. Exuperij commendat charitatem, qui vasa altaris distraxerat Tholose, vt pauperibus subueniret: sic illum laudans: [Nihil illo ditius, qui corpus in canistro, sanguinem portat in vitro.] illam sacræ Eucharistiæ pyxidem, seu Custodiam, omnibus vasis aureis, vt pauperes sustentarentur, præferendo.

Chrysostomus sic docuit: [Pauperibus Christi debentur ornamenta altaris.] & Homil. 16. in Matth. consulit, vt potius pauperibus, quàm Ecclesiæ ornamentis, in legatis distribuendis, provideatur.

D. Bernardus in Tractatu de colloquio Simonis, & Iesu, dixit: [Sanè patrimonia pauperum, sunt facultates Ecclesiarum.]

Neq; ignoramus Cimonem Atheniensem prædiorū, & vinearū, hortorū, & possessionum parietes, muros, & sepes, vt refert Plutarch. demolitū,

ut egenis omnibus, & peregrinis suæ essent diuitiæ communes.

Fabium Maximum, apud Valerium, lib. 4. de Liberalit. legimus, unicâ hereditatem propriam vendidisse; ne captiui Romani quidam ciues apud hostem Hannibalem remanerent.

Hæc exempla, & has, & alias mille sententias similes, quas Hæretici vanè iactant, Catholici imprudenter commemorant, perlegimus, vdimus, ac pro dignitate expendimus. Sed quid inde? Anne, quia vel aliquis abusus in bonorum Ecclesiæ dispensatione irrepsit; vel si (absque veritatis præiudicio,) non hodie, sicuti olim, tam sanctè expenderentur, inde esset consequens, ut Ecclesia, dicta bona non possideret; & secularibus, ac dominis forent attribuenda profanis, quibus plures alere possent canes, equos pascere, sustentare parasitos? An si, circa bonorū Ecclesiæ dispensationem, aliquot litteræ commotæ sint, fuerintve, consequium fuit, vel est, ut tota, de eis administrandis, Christiana habet disciplina?

Suppositum ad sequentes Considerationes.

ET pro dicendis, supponendum ducimus: Diuitias, inter alias, hanc secum difficultatem comportare, ut inter homines discordiarum facile semina ferant: quod abundè vel Genes. c. 13. illa manifestat historia; quando Abrahamum, & Lothum, quos natura sanguine, gratia coniunxerat charitate, vnū ad dexterā, & alterū ad sinistrā regionis, infociabilis diuitiarum societas separauit. Hinc colligamus oportet, nihil esse mirum, si diuitiarum Ecclesiæ occasione, acuta, plusquàm pia, nonnulla ingenia tumultuentur: quæ speramus, sequentibus Considerationibus, si non in facto, de iure tamen quietanda.

PRIMA CONSIDERATIO.

Circa Oeconomiam difficilem diuitiarum Ecclesiæ.



PRIMA sit consideratio. Tractare diuitias, res est difficilis: diuitias autem tractare Ecclesiasticas, difficillima res est. Primam propositionem latissimè probare potuimus, post Gregorium Magnum lib. 1. Moralium in lob, c. 26. cum tamen lectoris experientia probandam relinquimus: circa secundam sic versamur. Vnum habuit Christus, ex duodecim Apostolis, specialem suorum bonorū dispensatorem, Iodam: & hic fur erat: & propter auaritia, ipsum tradere Diuinum Præceptorem non dubitauit. Sic Ioannes, in Euangelio, c. 12. cum exposuisset Iudæ murmurationem, propter vnguentum à Magdalena, in Christi caput, & pedes effusum, adiecit: [Dixit autem hoc, non quia de egenis pertinebat ad eum: sed quia fur erat, & oculos habens,

quæ

quæ mittebantur, portabat.] De quo Cassian. lib. 7. c. 23. affirmat, eum, nequaquam ad tam scelestum prodicionis facinus fore deuolutum: [nisi Philargyriæ morbo fuisset infectus; nec Dominicæ nec cationis reus sacrilegus exstitisset: nisi prius solitus fuisset creditos sibi loculos cõpilare.]

Apostoli ipsi, Christi Domini primi filij, & Ecclesiæ primi Patres, erant dispensatores eorum bonorum, quæ ad illorum pedes à Fidelibus oblata, omnium Christianorum communi vsui deseruiebant; & A. c. 6. [Crescente numero Discipulorum, factum est] subito [murmur Græcorum.] (id est, Iudæorum, qui ex Græcia erant,) [aduersus Hebræos, eo quod despicerentur in ministerio quotidiano viduæ eorū.] Paulus 2. ad Corint. c. 8. refert, sibi datū fuisse ab Ecclesijs comitē, vt eleemosynæ, quæ in pauperes colligebantur, quàm rectè dispensarentur, suo testimonio comprobaret. Locus est insignis, & sic habet: [Mimus etiam cum illo fratrem nostrum, cuius laus est in Euangelio, per omnes Ecclesias. Non solum autem, sed & ordinatus est ab Ecclesijs comes peregrinationis nostræ, in hanc gratiam, quæ ministratur à nobis ad Domini gloriam, & destinatā voluntatem nostram: deuitantes hoc, ne quis nos vituperet in hac plenitudine, quæ ministratur à nobis in Domini gloriam. Prouidemus enim, bonā, non solum coram Deo, sed etiam coram hominibus.]

Idem Apostolus scribens ad Rom. c. 15. de eleemosynis, quas à Macedonia, & Achaia collectas Ierosolymam ad Sanctos deportabat, sic loquitur: [Hoc igitur cum consummauero, & assignaui eis fructum, hunc, &c.] vbi Glos. id est, pecuniam obsignatam reddidero. Et Anselmus docet, pecunias Ecclesiarum, regionum, seu provinciarum, sigillis fuisse Paulo traditas obsignatas, qui in earum consignatione, illius fidelitatis signum euidentissimum exstitissent. Quibus addendum est, ex Ambrosio, & Theophylacto, non solum signatam pecuniam Paulum tulisse; verum etiam illam Ierosolymis Sanctis distribuendam assignasse: id est, in publico xario, seu deposito, sub fidei custodia, vt moris erat, posuisse.

Ipse Apostolus sic scribit ad Corinth. 1. c. 16. [De collectis autem, quæ fiunt in Sanctos, sicut ordinari Ecclesijs Galatiæ, ita, & vos facite. Per vnā sabbati vnusquisque vestrum apud se seponat, recondens, quod ei benè placuerit: vt non cum venero, tunc collectæ fiant. Cum autem præsens fuero, quos probaueritis per Epistolas, hos mittam perferre gratiam vestram in Ierusalem. Quod si dignum fuerit, vt ego eam, mecum ibunt.] Ecce Apostolus Dominica die iussit, quemque Corinthium domi suæ seponere eleemosynam, quæ viris probatis in Ierusalem transportanda traderetur: ne, vt inquit Glos. in Ecclesiam delata, fortè à Sacerdotibus in alios vsus consumeretur.

His si adiungamus Deuteron. c. 14. fuisse præceptum, vt Israeliticus populus, tertio quoque anno. separaret decimam partem, ex omnibus, quæ sibi nascebantur, & intra ianuas suas reponeret: vt peregrini, pupil-

li, & viduz comederēt, & saturarentur: quasi securiūs, apud vnumquemq; decimas dantem, decimæ illæ, quàm apud quoscumque Collectores cōseruarentur. Item si meminerimus, 4. Regū, c. 12. prohibitos fuisse Sacerdotes, propter infidelitatem, vltra accipere pecuniam à populo, ad instauranda fartatecta domus Domini: sed Ioiada Pontificem, Gazophylacio instructo, statuisse: ibi recipi offerentium eleemosynas: quod pro maiori populi, & Regis Ioas satisfactione, coram ipso Pontifice, & Scriba regio aperiebatur, & pecunia operum Templi Præsidibus numerabatur: ex his, inquam, habebimus, quàm sit difficilis, quàm semper erit, bonorum Ecclesiæ, recta, pura, & immaculata dispensatio.

Hinc Christus, Matth. c. 24. & Luc. c. 12. sic dicebat: [Quis putas est fidelis seruus, seu dispensator, & prudens, quem constituit Dominus super familiam suam, vt det illis cibum, seu, in tēpore tritici mēsuram?] Et Paulus hortabatur, scribēs ad Rom. c. 12. [Qui tribuit in simplicitate,] id est, ex Sanctorum Patrum expositione, dispensator, & bonorum Ecclesiæ distributor, ad iustitiæ, & æquitatis normam, nulla intercedente fraude, ea bona dispense. Et 1. ad Corinth. c. 4. dicebat: [Hic iam quaeritur inter dispensatores, vt fidelis quis inueniatur?]

Et hæc quidem dicta sint, circa difficultatem tractandi Ecclesiasticas diuitias, quò ad obiectum ipsum: nam si quò ad illud consequentia, factum, videlicet, & superbiam, quæ, ex occasione, in harum distributione, opum, Diaconibus solita sunt innasci, calamus esset extendendus, longiùs forsan, quàm desideramus, & proposueramus, abiremus. Interim tamen, ad præsentium temporum leniendam inuidiam, & simul, vbi, & quibus opus est, cautionem debitam applicandam: hoc solum, & retulisse, & meminisse iuuabit: Anastasium, scilicet, I. Pontificem summum, circa annum Domini 400. constituisse, vt quoties Euangelia recitarentur, Sacerdotes non federent, sed curui starent; cuius decreti, & sanctionis noscer lector hanc occasionem intercessisse.

Tempore enim Anastasij Romæ inter Presbyteros, & Diaconos grauis fuit oborta contentio: hi enim res Ecclesiæ temporales administrantes, elati supercilio, Presbyteros, ordine superiores, contemnebant. Hinc Presbyteri in illos insurgentes, ex consuetudine Romanæ Ecclesiæ, cuiusque præscripto, ipsi sedentibus, Diaconos stare debere, contendunt. Contentiois eò est progressa pertinacia, vt etiam cum stantes Diaconi coram populo legerent, seu Euangelium decantarent, Presbyteri tamen minimè è sedibus exsurgerent. Hoc factum fuit Anastasius illo decreto detestatus: vt Augustinus, & Hieronymus monuerunt;

Licet verò Romanæ Ecclesiæ Diaconi maiori tumescerent fastu, Augustini testimonio, propter Urbis Romanæ magnificentiam, quæ omnium Christianorum est caput, & quia ordinandis Presbyteris adstarent, & causas diuerforum ad summum Pontificem referrent, accepta-

que ab ipso responsa petentibus redderent : attamen ex bonorum temporalium administratione, non Roma tantum, sed ubique maiori obsequio Diaconi, quam sacerdotes frequentabantur ; eaque occasione, aduersus Presbyteros ceruicem fastuosius erigebant . Exstat celebre testimonium de hoc apud Gregorium Magnū lib. 1. epist. 19. & lib. 2. epist. 14. 15. & 16. Honoratus namque ibi Archidiaconus Salonitanus conqueſtus est degradari se potius, quam prouehi ; cum ab eo in Presbyterum tentaretur ordinari ; non aliam sanè ob causam, quam quod Diaconi maiori honore, propter bonorum administrationem sibi commissam, à populo obseruarentur . Horum autem procaciam c. 15. & 18. Concilium etiam Arelaten. 1. Can. 16. vulgato 18. Concilium Nicenum cap. 18. Concil. etiam Carthagineñ 6. nomine, licet ordine 5. c. 36. & Concil. Toletan. 4. postea vberius vidimus retulisse.

SECUNDA CONSIDERATIO.

Circa causam Ecclesias locupletandi : & earum bona iuste expendendi .



SECUNDA sit Consideratio. Charitas, quam viri Ecclesiastici in pauperes exercebant, exstitit potissima causa, vt Christiani tot prædia, tot possessiones, tot Ecclesijs hæreditates, tot bona applicarent temporalia; hoc pro comperto habentes, & Dei cultum sic semper augendum, & redditus, & bonorum prouentus, inter Ecclesiasticos ministros, & pauperes, fideliter iri distributum. [Neque sunt fraudati à desiderio suo ;] ex Psal. 77. cum sanctus Martyr, & Pontifex Urbanus in suis illis decretis suprâ ex 12. q. 2. c. Videntes, relatis, hoc reddat testimonium : [Memoratis ergo augmentationibus, tantum Ecclesiæ, quibus Episcopi præsent, Domino adminiculante, creuerunt ; & in tantis maxima pars eorum abundat rebus, vt nullus sit in eis, communem vitam gerens, indigens : sed omnia necessaria ab Episcopo, suisque ministris percipiat .]

Quapropter maxime ab Ecclesiasticis viris curandum est ; vt bona Ecclesiastica fideliter, & cum charitate dispensentur : ne si partim iam adimpleta est, tandem omnino illa D. Bernardi Prophetia adimpleatur : scilicet : [Deuotio peperit diuitias, filiz suffocabunt matrem .]

Et vt interim quænam hac deuotio fuerit, siue in Sacerdotibus accipientibus, siue in secularibus donantibus, siue fuerit in vtrisque, quod est verosimilius, explicare pertranseamus : verendum certè multum est, bona Ecclesiastica, & eorum redditus notabiliter imminuendos ; nisi de eorum fideli, integra, & religiosa dispensatione, per Ecclesiæ Prælatos, & per summum Pontificem præcipue, legibus, & sanctionibus Ecclesiasticis, quæ vel antiquas sanctas innouent, vel nouas efficacis-

limas addant, quantocius provideatur. Non recitamus hæc ex folijs Sibyllinis, neque oracula Apollinis venditamus, Lacedæmonum Rempublicam, propter avaritiam, ire pœsum, respondentis; Cicerone asseuerante 2. lib. Offic. idem, de omni diuite Republica, prædixisse. Sit etiam quasi parergon; id quod Theophrastus lib. 5. de Plantis, c. 15. & lib. 6. c. etiam 15. scribit: plures plantas, & arbores, plura etiam animalia à sua propria crassitie suffocari; spiritibus vitalibus, per poros, & venas, ne transeant, interceptis.

Ad Christum ergo nostrum veniamus Diuinum Legislatorem: qui si in templo, lege Mosæ adhuc viuente, illicitas non admisit negotiationes, & arrepto, seu potius paulatim, & magna cum patientia, facto ex funiculis flagello, Ioann. c. 2. vendentes oues, boues, & columbas, & ad mensas, manibus colybo decoloratis, sedentes mensatores eiecit è templo, effuso ære, & mensis eorum subuersis: credimus, illum laud facile esse passurum, Ecclesiastica bona in quæ administrari, cum Ecclesiasticos viros, ad secularium hominum reformationem curandam, in Ecclesia constituerit: & ad eos Sanctos consummandos: quod dicebat Apostolus, sæpius supra relictus: non autem vt bona Ecclesiæ, eiusdem Ministris, & pauperibus erepta, qui sunt filij, dent canibus ad manducandum.

Dicite Pontifices, in freno quid facit aurum?

aiebat D. Bernardus, epist. 41. ex Persio: tot miseris, egenis, & pauperibus, ob similes superfluitates Ecclesiasticorum, fame percurrentibus. Refert Gaguinus lib. 4. Hist. Gall. Ludouicum Pium Imperatorem Aquigrani in Episcoporum Synodo, id ab eis obtinuisse: vt vestium profanitate, & annulorum, ac gemmarum curiositate reiecta, Ecclesiasticam, viuendi modestiam externo cultu Episcopi, & Sacerdotes repræsentarent. De quo videnda, quæ decreuit Concil. Toletan. sub Sixto IV. Pont. de anno 1473. sub tit. [Quod Prælati non incedant publicè sine rocchetto: nec induantur sericis vestibus, nec calcient sotulares albos, &c.] item sub tit. [Quod non induantur Clerici vestibus sericis, rubris, vel viridibus: nec calcient sotulares albos: vel borseguis albos, vel rubros, nisi cum nigris desuper sotularibus.] Immo de vita, & honestate Clericorum, quales debeant esse, iura Canonica sæpius alloquuntur.

Quod si asseramus, hæc vltimis Ecclesiæ temporibus, ea maxime ratione, seculares Principes occasione sumpsisse, ad bona Ecclesiæ pro grandi parte, siue licitis, siue illicitis modis, in suos fiscos inuehere; quia transuersam illorum dispensationem fieri ab Ecclesiasticis considerabant: forsitan à vero nihil deuium proferemus. Hæ sunt decimæ, hæc sunt subsidia, hæc sunt in dies alia onera à secularibus Principibus petita, & à summis eis concessa Pontificibus, ex bonis Ecclesiasticis. Sunt, videlicet, commemorationes isthæ Ecclesiasticorum imme-

bonorum Christi I E S V beneficij, & vel cum Zachæo, dimidium suorum, dixerimus melius Christi eiusdem, bonorum, pauperibus tribuere: vel quartam saltem partem à S. Siluestro, & sacris Canonibus illis attributam, fidei dispensatione consignare.

Templorum immunitate, ò Ecclesiastici diuites, tamdiu malefactores, & illorum res, & bona gaudent, quamdiu eorum sacra septa non transgrediuntur: in personis, & in bonis poenas, si transgrediuntur, protinus luituri. Ecclesiæ bona, eorum sunt Christianorum magna ex parte, oblationes, ut S. Urbanus, loco citato, dicebat, qui pro suis redimendis peccatis, elemosynarum loco, Ecclesijs, & Ecclesiasticis viris dispensanda tradebant; quæ quamdiu in Ecclesiasticos legitimos vsus fuerint distributa, immunitate gaudebunt; quæ malè, & iniquè dispensata, vel quia ab ipsis secularibus, modis quibuscumque, Deo sic iustissime permittente, intercipientur; vel quia Christus Dominus alijs eà velit imminutum iri, ab immunitate ad imminutionem facillimè dilabentur. Quantumcumque enim habeamus eiusdem Christi Domini promissionem; Ecclesiam in finem vsque seculi duraturam: bonorum, tamen eius temporalium durationem, haud est certum, sub hac promissione contineri. Qui enim fecit, ut initio nascentis Ecclesiæ multitudinis Credentium esset vnum cor, & anima vna, omnibus bonis temporalibus pro nihilo reputatis, abiectis, & contemptis; efficere poterit, ut ad locum, vnde exierunt hæc charitatis, & fraternitatis clara, & rapida flumina reuertantur, ut iterum similiter fluant: Eccles. c. i. nisi fide, integritate, ac religione, à priuatis Ecclesiasticis dispensentur.

Hanc Considerationem hac consideratione concludimus; Ecclesiasticos omnesque brantes, considerent: hinc tot exactiones, per Principes seculares, à bonis Ecclesiasticis quotidie fieri; quia id expetunt debita, ex illis, pauperibus non soluta. Vnde Christus summus Pontifex assistens futurorum bonorum ad Patris dexteram, ad Hebr. c. i. & 9. & simul Aduocatus pauperum apud Patrem, per suos Vicarios summos Pontifices præsentium suorum bonorum vult fieri has vel commutationes, vel compositiones: quæ si nunc tertiam, si mediam bonorum vel similem attingunt quotam, quo casu hæc bonorum Ecclesiæ temporalium administratio ad iustam non reducat bilancem, timendum est; ne Christus ipse sicum aridam omnino reddat, [ne vniquam ex illa fructus nascatur in sempiternum:] sicuti fecit Matth. c. 21. & Marc. c. 11. quo loco ex Lyrensi, de sacerdotibus ad litteram, factio ipso, Christus Dominus fuit loquutus: in quibus nullam fuit expertus pietatem.

Quis enim credidisset, Prophetam sanctum, grauem concionatorem, ipsorum Sacerdotum modestum veneratorem, Ierosolymæ triumpho publico, sicuti in solito, ac miro exceptum; ipsis infantibus ipsius laudes perficientibus, non fuisse aliàs ab vno ex Sacerdotibus hospitio, & con-

uiuio excipiendum ? cū Glossa super c. 11. Marc. asserat, eum, an aliquo inuitaretur, oculatissimè circumspexisse. Vndè illum, oportuit, Bethaniam, eadem die, regredi impastum : vt Lazari, & sororum solita, charitate pasceret. Hauserunt forsā Sacerdotes Hebræi impietatem, & in pauperes tenacitatem ab Aegyptijs Sacerdotibus ; de quibus refert Herodotus lib. 2. ad recipiendum faciles, ad donandum semper tenaces, & difficiles reperiri. A quorum omnium moribus eò plus decet Ecclesiasticos esse longè, quò Sacerdotio excellentiori initiati, temporalia bona calcando, æterna, quæ sunt illorum pars, funiculus, & hæreditas, debent semper meditari.

TERTIA CONSIDERATIO.

Circa tempus, & modū Ecclesie diuitias, &c. pauperibus, &c. erogandi.



TERTIA sit Consideratio : Non ideo quia bona Ecclesiarum immobilia non distrahuntur, ornamenta Ecclesiarum non liciantur, altarium, & totius cultus Diuini vasa sacra non venduntur ; vt inde pauperes alantur, redimantur captiui, orphanis, & pupillis, peregrinis, ac vtriusque sexus indigentibus Christianis omnibus subueniatur, Ecclesiarum bona, est colligendum, iniquè dispensari. Absit, absit, Ratio enim, quæ in primitiua Ecclesia, el suadebat Patribus, vel verius ab illis exigebat, vt Ecclesiarum bona siue essent prouentus annui, siue sacra vasa, in pauperum vsus, & subsidia, siue in quotidianum victum, & vestitum interdum conflata expendere, illa fuit, quæ à nobis supra cū fuerit tractata, superfluum, esset, modò eandem repetere pluribus ; breuiter tamen erat : vt fidelibus, qui siue ex Hebræis, siue ex Gentilibus fidem susceperant, bonorumque suorum, post personales persecutiones, fieri spolia ab Infidelibus constanter patiebantur, apud fideles summa esset charitate consultum : neque temporalium subsidiorum defectus, æternorum valeret votorum cursum retardare.

Ex his Christianis plurimi Tyrannorum deuittantes rabiem, & furorem, ad eas se conferebant ciuitates, in quibus Episcoporum protectione, & auctoritate contutatis, securius vitam transigere, concedebatur. Tanta verò interdum horum confluebat multitudo simul, vt in vna ciuitate propè Constantinopolim, Nicza dicta, plura quàm decem millia propter Christum exsulantium fuerint inuenta : ad quorum subsidium Atticus Archiepiscopus Constantinopolitanus sanctitate, & doctrina, vir insignis, ex Nicephor. lib. 14. c. 24. trecentos coronatos misit Callipio Presbytero Nicæno, vt eos in dictos egenos Christianos distribueret, consignandos. Testis est Chrysostomus Homil. 33. ad populum

Antiochenum, qualiter vna sola Ecclesia Antiochiæ, suis annuis redditibus, tria millia viduarum, & virginum sustentabat.

Quotiescumque igitur casus ferebat, tantam, tamque copiosam fidelium multitudinem ad aliquam se recepisse ciuitatem, tum temporis, si vel diuturnum, vel omnium aliorum Christianorum elemosynæ non sufficiebant eis sustentandis; Episcopus, cui ex Christi, & Apostolorum institutione, hoc onus incumbēbat; suo ex officio in horum fidelium pauperum victum, & alimoniam, quicquid haberet insumerē tenebatur. Et si adhuc id non esset illorum lenandis necessitatibus satis, bona Ecclesiastica, quæcumque illa forent, consultis Presbyteris, Diaconibus, & viris alijs Ecclesiasticis, in hos sanctos vsus poterat, & debebat expendere: adeo ut si bona ruralia, si prædia, hereditates, & agri, & similia non sufficerent, ipsa vasa sacra, rebus deputata Diuinis peragendis, ipsæ vestes sanctæ, quibus ornabantur Ministri sacra facuri, omnia denique templorum essent ornamenta distrahenda; ut dictæ necessitati omnino succurreretur.

Itaque si quando Symmachus Papa, referente Ioan. Diacono, in Anastasio, & in Hist. Miscell. lib. 15. ducentis viginti, iuxta Sigibert. verò in Chronico, ducentis viginti quinque Episcopis Africanis in Sardinia insula exsilio relegatis, per impium Trasamundum Vandalorum Regem, quotidiana præbebat subsidia, aliunde illi thesauri Ecclesiæ non suppetere: (sicuti propter suam largissimam charitatem, abunde semper suppetierunt,) nisi sacra profunderet vasa templi Vaticani, nisi ab ipsis Sanctorum Petri, & Pauli capitibus adorandis, gemmas, & sapphyros auferret in Sacrosancta Basilica Lateranensi, cum ceteris eius pretiosis paramētis: vasa sacra, gemmæ, & sapphyri, paramēta omnia fuissent, ac Ecclesiæ Romanæ ornamenta, subastanda: quo sacris illis Episcoporum Africanorum capitibus necessaria subsidia non deessent.

Sic etiā præsentium suorum temporum peregrinis necessitatibus subueniendum, & ex charitate, & ex iustitia, censuit Ioannes IV. summus Pontifex, dum de anno Domini 640. referente Anastasio, misit per omnem Dalmatiam, seu Istriam multas pecunias ad redimendam captiuorum multitudinem, quam Slauī Gentiles fuerant deprædati. Qui cō prudentius ea fuit liberalitate vsus, in Ecclesiæ Romanæ, ad similes vsus, erogando thesauro, quo experientia compererat, illud ab Honorio prædecessore in damnum fuisse ipsius Ecclesiæ congregatum. Cum enim sciret, Imperatores, eorumque ministros auidē in Ecclesiarum inhiare bona, eamque ob causam, in eas, sacrilegas plures fecisse inuasiones, quod malum præuenteret, indemnitateque Romanæ consuleret Ecclesiæ, præiudicata S. Laurentij sententia, & efficacitate, illud vtile satis remedium æstimauit, thesaurum, videlicet, Ecclesiæ pauperibus erogare, Christianos tot captiuos ē Gentilium manibus redimendo.

Vbi volumus omnino, posteritati in his scriptis antiquorum Ecclesiarum seculorum memoriam consecrari : quibus, si pauperes, si infirmi, si peregrini, qui beneficijs, eleemosynis, & subuentione indigerent vrgentioribus in ciuitate aliqua non conspicerentur ; tunc ad pauperes Ecclesiarum, & ciuitatum viciniorum subsidia residua mittebantur : ita, tamen, vt missæ illæ oblationes ab Episcopis & Pastoribus, Presbyteris, seu Diaconibus, & reciperentur, & distribuarentur. Immo non proprij nostri iudicij sensui innixi, sed Apostoli Pauli auctoritate suffulti, & eius Diuinis exemplis instituti, & præceptis salutaribus confirmati, audemus, & dicere, & docere : si res eueniret, casusue id postularret, ita omnino præsentibus seculis fore faciendum. Is enim Diuinus, & Doctor, & Apostolus collectas Macedoniæ, & Achaïæ factas, atque Corinthi, Ierusalem in eorum pauperum, qui illic agebant, (quos, vt supra vidimus scriptis, Sanctos vocat) misit : vt etiam superius fuit latissime relatam. Paulus autem cum esset Episcopus, & illis tunc pauperibus sic consuleret, etiam facto ipso, Oeconomiz subsequenteris in posterum Episcopis obseruandæ, quotiescumque similis emergeret necessitas, viuum exemplum dereliquit.

Cum verò Romæ Ecclesia, omnium per orbem Ecclesiarum mater, & magistra, & fuerit, & sit, & vsque ad finem seculorum, (quicquid hæreticorum turba obstrepat) sit futura : hoc Apostolicum adeo excepit exemplum, adeo illud quasi vni sibi impositum agendi præceptum fuit amplexa : vt olim, si quæ, pauperibus Romanis passis, essent anecdia, seu residua, ab illa, per sui summi Pontificis manus, ad pauperes aliarum ciuitatum, quorum tunc temporis magnus erat concursus, mitterentur. Huius religiosæ consuetudinis exstat insigne testimonium Dionysij Episcopi, apud Nicephorum Calixtum, lib. 4. cap. 8. Hist. Eccles. Is enim in Epistola, quam ad S. Sotereum Romanum Pontificem scripsit, sic ait : [Iam inde ab initio hæc vobis consuetudo, vt fratres omnes vario beneficiorum genere afficiatis ; & Ecclesijs multis, quæ passim sunt in vrbibus, subsidium mittatis ; per quod iamdudum egenorum penuriam recreatis ; & fratres in metallis opus facientes alleuatis : moremque Romanum à maioribus acceptum Romani retinetis. Quem non solum conseruauit, sed adauxit etiam Beatus Episcopus vester Soter : cum liberaliter munera submittendo : tum fratres ad nos redeuntes, vt filios suos pater amantissimus, sermonibus beatis cohortando.] Hucusque ex Nicephoro.

In quibus animaduersione dignum esse maxima censemus, id quod affirmat, morem, scilicet, à maioribus acceptum fuisse Romanis, plura beneficiorum genera, & subsidia mittere fidelibus fratribus, qui in alijs ciuitatibus commorabantur : vt hinc liceat nobis colligere, Ecclesiam, quæ in tot, ac talibus benedictionibus seminauit, & in dies varijs bene-

ficientiæ generibus seminatur, de benedictionibus, secundum Apostoli Pauli, ex Psalm. 111. etiam prophetiam, ad Corinth. 2. c. 9. iustissime tantam, ac talem maiestatem in spiritualibus; & in temporalibus mesuisse.

Prævia hæc obseruatione, erit facile intelligere, quo sensu sit excipienda Chrysostomi sententia illa, scilicet; [Ecclesiæ ornamenta pauperibus debentur:] Item, & illa Venerab. Vualfredi Abbatis, de Rebus Ecclesiæ, c. 14. eum satius esse, dixit, pauperibus, quæ viua Dei sunt, & sic nobiliora tēpla, subuenire, quàm tēplorū parietes extruere, vel exornare: eoquē nomine B. Gregoriū in primis laudat. Item, & cunctæ aliæ sententiæ à SS. Patribus prolatae de bonis Ecclesiæ administrandis. Id enim pij viri solū docent, videlicet, in his, quauis sacris, ac religiosis tēplorū ædificijs, & ornamento, si cetera non adsint Christianæ pietatis officia, religionis perfectionē nequaquā esse sitam: sed præstantiores, nobilioresque virtutes sedulo parandas, quibus animis ad pietatē informatur, Deo Opt. Max. longē gratus acceptiusque videri beneficentiæ genus illud, quo indigentium inopia subleuatur, quàm quo tēpla, atque altaria auro gemmisque fulgent. Quo sensu aliquid subolfaciebat naturali lumine solū ductus Persius à D. Bernardo supra citatus: dum dixit:

Dicite Pontifices, in sacro quid facit aurum? &c.

Vbi referemus consulto ex Auctore vitæ eiusdem D. Bernardi lib. 2. cap. 8. tantum illum Abbatem, & pijssimum, & Dei cultus zelantissimum, quondam Theobaldum Comitem, eadem pietate, similiq; zelo, magnos facientem sumptus in Abbatibus construendis, & nouis templis ædificandis, monuisse: vt domesticis fidei pauperibus subleuandis inseruiret: vt templis egentium Christianorum immortalibus ædificandis plurimum operæ impenderet. Intellexit sanè sanctus ille Doctor, quàm certa, quàm secunda sit Philosophia illa:

Est modus in rebus, sunt certi denique fines: Quos, &c.

neque ideo quasi qui contra templorum, & Monasteriorum erectionem declamauerit, inculpandus est: de quo verissimè enunciari potuit illud Ecclesiast. c. 50. [Templi etiam altitudo ab ipso fundata est; duplex ædificatio, & excelsi parietes templi:] qui nedum materialia plura tēpla, & Monasteria extruxit: verū, & templi maioris, quod est Ecclesia vniuersa, altitudo, & moles tunc ab ipso, quasi fundata, quasi in veritate, rectitudine, & iustitia fuit confirmata, quando Petro Leone Antipapa excluso, Innocentium esse verum, & certum Pontificem, Ecclesiæ, illum abijcientibus demonstrauit.

Igitur quid nostræ ætatis Episcopi nonnulli Deo in extremo iudicio rationem cū ipsis ponenti, & hoc ipsis exprobranti, poterūt respondere? Qui cū non multitudinem, sed exiguum satīs hominum numerum, propter Catholicæ fidei confessionem exules, proscriptos, egenos, nudosq; videant, incerta sede vagari, panemque vitæ sustendendæ vilissimam, &

abieciſſimā quærere mēdicatione, ipſi niſiſonimū nulla commiſeratione tanguntur, nihil patiuntur ſuper eorum contritione: iuxta illud Propheticum lamentum, Amos c. 6. nec eorum ſortem miſerantes, eis non ex ſacrorum vaſorum pretijs, ſed ex ſuorum theſaurorum, à tuncis, & blatis corroſorum, ſuperfluitatibus minimè curant providere.

Quod audiimus, quod vidimus, & perſeximus, & Miniſtrorum Regis noſtri Catholici Philippi II. xternæ, claræ, & piæ memoriæ manus contrectaverunt, & per eorum manus, omni exceptione maiorum, accēpimus, hoc teſtamur: Regem illū habita notitia D. Nicolaum Sanderum Anglia profugum Callaica, verſus Hispaniam, petiſſe littora; in hanc Archiepiſcopo Compoſtellano ſcripſiſſe formam: [Nicolaus Sanderus Doctōr Catholicus, & pius, & amicus noſter, propter Chriſtum, Anglicis finibus extorris, ad Callaicas noſtras appeller oras: bene facietis, ſi per vos, & veſtros ſuffraganeos Episcopos deduxeritis illum ad nos, dignè Deo.] Qua tanti Regis animaduverſione, & tantorum Archiepiſcopi, & Episcoporum Euangelica charitate nobiliter exceptus, & ad Regem introductus Catholicum Doctōr ille cum ſuis locijs, Apoſtolica gauſi ſunt ſe viſiſſe apud Hispanias tempora, qui Apoſtaticam ſuorum contribulium fuerant experti tempeſtatem.

Quod ſi ad inſtantis temporis, quod nos ad hæc ſcribenda impuſit, ſtatum, hanc Considerationem traducamus: tūta ſupererogationis quaſi opera ulterius vrgere prætermittentes, quæ ſupra de Eccleſia Romana, & de Attico Conſtantinop. Archiepiſcopo, verſus longè diſſitos pauperes retulimus: aduertant, obſecramus, Episcopopi, aduertant Eccleſiaſtici diuites, & pecunioſi, quomodò ſe gerant cum Sacerdotibus, cum viris Religioſis, cum Eccleſiaſticis, cum ſecularibus ex dominijs terrarum, quæ hæreſibus detinētur, ad ſe conſugientibus, ut Catholico ſibi liceat more viuere: nam aliqua nos inuadit rationalis ſuſpicio, plures Eccleſiaſticos, & ſeculares ab illis dominijs reſeſſuros fuiſſe, ſi charitatem maiorem in diſpenſandis bonis Eccleſiaſticis ſe ſperarent, inter nos Eccleſiaſticos, recepturos.

Pro taliū ergo, & ſimiliū pauperum exſulium, & extorriū cauſa, licet Episcopis res alienare Eccleſiaſticas: immo illas debent diſtrahere; quā doctrinam latè definitam reperirent apud Ambroſium lib. 2. de Officijs, c. 28. qui inſoris huius reicognitionis deſiderio tenerentur.

Alia eſt etiam cauſa, ratione cuius ſacri Canones decreuerunt, Eccleſiaſtica bona venundari, & alienari; & hæc eſt, captiuorum redēptio, Declarat, hæc eſſe idoneā cauſam, S. Gregorius Magnus ſummus Pontifex x, lib. 6. Epist. c. 199. ſeu Epist. 35. ad Episcopum Meſſanum, & reſertur 11. q. 2. ſic docens: [Et ſacrorum Canonum, & ſegalia ſtatuta permittunt, miniſteria Eccleſiæ, pro captiuorum eſſe redemptione vendenda.] Et ad Demetrium, & Valerianum Firmanos Clericos, idem, de re-

eadem, sic constituit, lib. 7. Epist. 14. & apud Gratian. cap. sequen. [Sacrorum Canonum statuta, & legalis permittit auctoritas, licite res Ecclesiasticas in redemptione captiuorum impendi.]

Est simile & illud decretum, quod ex Ambrosio lib. de Officijs, ibidem citatur c. Aurum. & aliud, quod ex octaua Synodo sub Hadriano II. c. 15. ibidem refertur c. [Apostolicos, & paternos Canones renouans hæc sancta, & venerabilis Synodus definit: neminem prorsus Episcopum vendere, vel utcumque alienare ciuilia, & vasa sacrata: excepta causa, olim ab antiquis Canonibus, ordinata: videlicet, pro redemptione captiuorum: sed non tradere salaria Ecclesiarum in emphyteotica pacta: nec alias rusticas possessiones venundare; ac per hoc Ecclesiasticos redditus læde re, quos ad propriam utilitatem, & ob esam pauperum, & peregrinorum, sustentationem, esse decernimus.] & infra: [Quisquis autem post hanc definitionem nostram, contrarium quid huic sanctæ Sedi, & vniuersali Synodo agere tentauerit, deponatur, ut præuicator Diuinarum rerum, & præceptorum: cassata, videlicet, quæ facta est in scriptis, vel sine scriptis, ab Episcopo, venditione, vel emphyteotica traditione, vel alia quolibet alienatione ciuiliu, & salariorum locorum. Qui verò ceperit, aut emerit aliquid ex prædictis ciuilijs, vel salarijs, & non restituerit Ecclesiæ iterum, quæ Ecclesiæ sunt: vel non reddiderit, ad incidendum, chartam venditionis, vel emphyteoseos, sit Anathema, usque dum fecerit, quod ab hac sancta, & vniuersali Synodo confirmatum est.]

Tertia est etiam causa, qua sacrorum alienationem bonorum Canones permiserunt: & hæc est fabricæ necessitas, & indigentia. Et pro maiori totius huius rei, & claritate, & confirmatione, visum est, doctrinam integram Ambrosij, dicto c. Aurum. apponere: [Aurum, inquit, habet Ecclesia, non ut seruet; sed ut eroget, & subueniat in necessitatibus.] & post pauca: [Nonne melius constat Sacerdos, pro alimonia pauperum: si aliqua subsidia defunt: quam si sacrilegus contamine, & asportet hostis? Nonne dicturus est Dominus; Cur passus es tot inopes fame mori? Certè habebas aurum, unde alimoniam ministrasses.] & paulò infra: [Quid dicet? Timui, ne templo Dei ornatus deesset; respondet: Aurum sacramenta non querunt; neque auro placent, quæ auro non emuntur. Ornatus sacrorum, redemptio captiuorum est; nemo potest dicere, cur pauper viuit; nemo potest queri, quòd captiui redempti sunt; nemo potest accusare, quia templum est ædificatum: nemo potest indignari, quia humanis fidelium reliquijs spatia laxata sunt: nemo potest dolere, quia in sepulchris Christianorum requies defunctorum est. In his tribus generibus vasa Ecclesiæ, etiam initiata, confringere, confrare, vendere licet: Opus est, ut de Ecclesia, mystici poculi forma non excut, nec in vfus nefarios sacri calicis ministerium transferatur: ideo intra Ecclesiam primum quæsitæ sunt vasa, quæ initiata non essent, deinde comminuta, po-

stremo conflata, per minutas erogationes, dispensata egentibus, captiuorum quoque pretijs profuerunt.]

Quandocumque vna ex his tribus narratis causis vrgeret, esset tunc temporis integrum Episcopis, & Ecclesiasticis viris, res Ecclesiasticas in eos vsus, quos Canones sacri præscribunt, insunere: ea tamen adhibita moderatione, quam octaua illa Synodus adhibendam decreuit: scilicet, Ecclesiarum salaria, non esse tradenda in emphyteotica pacta: neque alias possessiones rusticas fore vendendas; neque Ecclesiasticos redditus imminuendos: quos in utilitatem propriam, & pauperum escam, peregrinorumque subuentionem, & sacri cultus externam professionem, esse destinatos, antiqui Patres Ecclesiæ statuerunt.

Imperatorum etiam Sanctionibus, secus ne fiat, rerum sacrarum alienatio, quàm ex relatis causis, solerter cautum est; ad sacrarum legum maiestatem exsequutioni facilius commendandam: vt l. 16. de Sacrosanctis Ecclesijs. & Authentica, quæ sequitur eam legem, ob res alienum, Ecclesiæ, id quoque licere docet, in vasis tantum non necessarijs. Egentibus ergo, captiuis, & Sacris, ab antiquis Patribus eximia charitate, pietate, bonitate, & iustitia, consultum est; adeò vt ipsa Sacra, inopum quoque causa in promptu sint, non solum res aliæ Ecclesiæ. Et quid mirum, si decimas ipsas, vt superius diximus, magna ex parte, suæ consequuntur iustitiæ complementum, quia egentium animarum sunt tributa? [Decimæ,] inquit Augustinus 15. q. 1. [tributa sunt egentium animarum. Quòd si decimam dederis, non solum abundantiam fructuum recipies; sed etiam sanitatem corporis, & animæ consequeris. Non igitur Deus præmium postulat, sed honorem: Deus enim noster, qui dignatus est totum dare, decimam à nobis dignatus est recipere, non sibi, sed nobis sine dubio profuturam.]

Qui oblationes] inquit Concilium Carthaginense 4. c. 95. & habetur 13. q. 2. [defunctorum, aut negant Ecclesijs, aut difficulter reddunt: tamquam egentium necatores excommunicentur.] Et Concilium Vasanse 1. c. 4. eodem loco Gratiani. [Qui oblationes, inquit, defunctorum retinent, & Ecclesijs tradere remorantur, vt infideles, ab Ecclesia sunt abijciendi; quia vsque ad exinanitionem fidei peruenire certum est, hanc pietatis diuinæ exacerbationem: quia, & fideles de corpore recedentes, votorum suorum plenitudine, & pauperes consolatu alimonix & necessaria sustentatione fraudantur. Hi ergo tales, quasi egentium necatores, neque credentes iudicium esse Dei, habendi sunt. Amico quippiam rapere, furtum est, Ecclesiam verò fraudare, sacrilegium.]

Iustissimæ sanæ, & sanctissimæ, & Pontificiæ, & Conciliares, & Imperatorix Cõstitutiones: nam vt ad importunas hominum quorundam propositiones conuiueremus: vt ad illorù vota, semel bona Ecclesiastica distracta, vendita, & alienata, in captiuorum concederent redemptionem, vel in

pauperum manus traderentur: attendat ipsi, & attendite, precamur, boni viri seculares, dicite, amabo, Ecclesiastici, & Patres Regulares, harum propositionum, vel Doctores, vel introductores, quam miserabilis, quam obscura, quam foeda praesentis nostrae Ecclesiae facies conspiceretur? Bonis enim Ecclesiae semel diuenditis, & distractis, neque unde Ecclesiae ministri viverent, neque exstruendis templis, neque iuuandis pauperibus, unde peregrini exciperentur, esset reliquum: templa ruerent, ministri deficerent, qui in sacris ministerijs operantur, religio funditus interiret: & Ecclesia, regina, & sponsa, quae adstat a dextris Christi, ex Psal. 4. [In vestitu deaurato, circumdata varietate,] viduam se doleret; & pro laticia, & exultatione, luctum esset maximum inuisura. Hoc Lutherani vellent, hoc Zuingliana optarent, hoc magno mercarentur Caluista, hoc inferni proles, Haereticorum colluuiis ad praxim reduci vos omnibus desiderarent.

Præterea ut vestris semel dictis faciamus satis, qui Ecclesiastica bona captiuorum, velletis, redemptionem commutari; esto, venundentur: ad Turcam transmittantur: nihil prorsus Ecclesiae sit reliquum: ut nullus pro hostes Christiani nominis homo Christianus detineatur: si hostes christianismi his denuo diuitijs aucti, irruptionibus nouis factis, alios caperent Christianos: quibus bonis essent in libertatem vindicandi? verisne viri seculares? (nam iam cum Ecclesiasticis omnibus, firmata suppositione, spoliatis bonis temporalibus, non loquimur.) Sed hoc quantum vobis arrideat, vos ipsi iudicate, qui ardentius aurum, avidius argentum, opensus temporalia bona, quam viri omnes Ecclesiastici procuratis. Hoc opus, hic esset labor, illis secularibus persuadere, ut vel decem captiuos Christianos, cum centies millesima suorum bonorum portione, libertatem asserent, qui omnes captiuos vellent hodie redimi, omnibus Ecclesiae bonis alienatis. Quam efficaciter, siue Logice, siue Rhetorice declamarent. Unde familiam, dignitatem, filios, domesticum splendorem, ea, quam a maioribus accepimus, sustentabimus honestate? Qui reipub. causam, qui amicorum, qui sanguine nobis coniunctorum negotia tractabimus? Qui Regum, & Principum obibimus munia? Qui inimicorum effugiemus insana? Qui augendis sufficiemus fortunis, ne crescente prole, in plures diuisa hereditate, plures relinquamus filios pauperes, vnius patris diuitijs successores? Compertum habemus, hæc, & similia plurima, tales inuidos, & rerum Ecclesiasticarum osores, suarumque inuitores, fuisse enuntiuros; qualia sunt soliti inculcare, quoties ad eos, de eleemosynis largiendis, sermo, per Dei præcones, enarratur. Sed cum ad plura, quae adhuc restant dicenda, nostra properet oratio, sit animus in sequentibus hoc argumentum, contra seculares viros, pro Ecclesiasticis, fortius urgere: hanc gratiam a viris Religiones sacras possidentibus, nobis fieri supplicamus; ut, qui in dispensatione bonorum

Ecclesiasticorum, præcipua debeant esse exemplaria ceteris Ecclesiasticis; notent, quid Chrysostomus, & Theophylactus explicent oleum quinque prudentium virginum esse, apud Matth. c. 25. ubi illud ad opera misericordiae omnino autumant pertinere. Gregorium legant lib. 1. Regist. Epist. 24. vñtionem illam lapidis à Iacob factam, Genes. c. 28. ad contemplatiuos religiosos, interim ad fratrum subleuandas necessitates, descendentes, applicantem. Isidorum lib. 2. de Dipin. offic. audiant, Monachorum antiquorum circa pauperes alendos curam maximam commendantem. Cassianum auscultent lib. 10. c. 20. Diuinè de Monachorum opere manuali differentem. Augustinum tractent lib. de Moribus Eccl. c. 21. omnino videndum, ut antiquorum Monachorum inspecta charitate, præsentium Monachorum tepiditas confundatur. S. Basilium Epist. ad Iulianum videant, & ibi quemdam Monachum sacrorum Euangeliorum codicem distrahentem, ut pauperibus eius pretium daret: hoc addito elogio, [Vendidi doctrinam, quæ me docuit omnia vendere, & dare pauperibus.] D. Thomæ attendant Theologiæ declaranti, 2. 2. q. 187. ar. 2. quid seculares, quid religiosi teneantur, tempore necessitatis, facere, ut pauperibus subueniatur.

Et tandem cum Sanctorum Monachorum, & Patrum charitas effecerit, ut plures viri seculares, suas libentissimè ipsis dispensandas relinquerent possessiones; quibus bona temporalia Ecclesiae insigniter fuere aucta: ut Petrus Blesensis optimè notat epist. 29. timeant cum eo ibidem, ne auaritia Principum futurorum, occasione accepta à Religiosorum negligentia charitate, in redditus, & possessiones Ecclesiasticas inuolent: & illud Iob cap. 31. impleatur: [Si despexi prætereuntem, eò quòd non habuerit indumentum, & absque operimento pauperem: si non benedixerunt mihi latera eius, & de velleribus ouium mearum calefactus est: si leuaui super pupillum manum meam, etiam cum viderem me in porta superiore: humerus meus à iunctura sua cadat, & brachium meum cum suis ossibus confringatur.] In pœnam enim iustam frigescentis charitatis, aduertit ibi grauissimè dictus Blesensis. Monasteriorum, & Conuentuum redditus minorari.

Et qui Ecclesiasticos, per horum Sanctorum doctrinam, credimus esse de suis muneribus, ac obligationibus sufficienter commonefactos; modò seculares oramus, meminerint, lib. 2. Machab. c. 3. grauem vindictam factam de Heliodoro; quòd, ex mandato Regis, vellet aurum etiam creditum, seu depositum, intra templi septa accipere: grauior enim est expectanda vindicta à Deo in seculares, qui non solum deposita in Ecclesia: sed bona ipsius Ecclesiae, quæ ipsius Christi deposita sunt, ex quo ipsi seposita, auferre volunt, vel tentant: in quo templi sanctitas magis in proprijs, quàm in alienis, violatur.

QUARTA CONSIDERATIO.

Circa presenti tempore, Ecclesiasticorum bonorum dispensationem.

INTERIM tamen, dum considerantes cum S. Leone ter Maximo, naturā hominū, sicuti semper habet quò recedat, semper habere quò crescat, Ecclesiasticos, quasi fideles dispensatores bonorum Ecclesiæ, conamur, per Sanctorum Patrum exempla, & exhortationes, in officio continere: deuios verò ad officium reuocare: & laicos circa huius materiz tractationem consideratiores reddere: quarta sequatur Consideratio: & statum Ecclesiæ hodiernum parumper inspiciamus, in bonis Ecclesiæ dispensandis: & forsan, non solū Hæreticos, verū Catholicos quosdam nimis sciolos, de hac bonorum dispensatione vanè differentes, confundemus. Vbi cum viros Religiones graues professos videamus, circa bonorum Ecclesiæ administrationem, & Monasteriorum diuitias, non differere, sed blaterare, facilè suspicamur, externo eos tantū cultu, habitu tantū externo, religionis materiā degustasse. Si enim quos Ecclesiæ fructus Religiones solū Monasticæ, cum suis diuitijs, pepererint, millium, & millium Sanctorum, & Doctorum, & Pontificum summorum, & Cardinalium, & Archiepiscoporum, & Episcoporum, Martyrum, Confessorum, & Virginum consideremus, vel vnus S. R. N. Benedicti Ordo insipientium Religiosorum: ora debuisset obturare.

Ergo ab Ecclesia Romana, aliarum omnium Imperatrice, & Magistra vsque ad vltimas per Orbem Ecclesiās, si leuemus oculos ad ingentia Sacerdotia, pingues Episcopatus, affluentes Ecclesiasticos redditus, in septuplo, credimus, secularium hominum, quā Ecclesiasticorum vsui deseruire. Et qui Ecclesiasticorum bonorum proventus, si inter Ecclesiasticas solū personas diuiderentur, forsan quotidiano victui, & vestitui illorum congruè non sufficerent: inter plures distributi, per ipsos Ecclesiasticos, seculares, aliquorum ex illis forsan delicijs, plusquam necessitatibus mancipantur.

Vbi vellemus maximè aduerti Historiam Iudic. c. 17. relatam de Michæ diuite, Leuitam apud se hisce verbis detinentem: [Mane apud me, & esto mihi parens, ac sacerdos: &c. fuitque illi quasi vnus de filijs. &c.] Itaque, quem, vt parentem, ad illum venerandum, excepit; vt filium, ad illum delicatè tractandum, acceptauit. Nostis verò temporibus, quā prouicia diligentia, quo medio examine, quā, etiam Mathematica, seu, strictius loquēdo, Astrologica indagine, Princeps vnus, vel Nobilis, seu maioris pecunijs mercator, sacerdotem vnum in domum admittit suam; quò rem sacram, Missam, scilicet, celebret: quem ad hoc munus semel exceptum, paulatim filij pædagogum, domus semiconomum, grauium

deinde negotiorum constituit gestorem: ut à Missa, ad missum se conspiciens trallatum, ne mittatur foras, oporteat, suas omnes res missas facere, expectans in dies, quando cura, seu supersubstantia equorum, seu comestallia, modesto Sacerdoti concedatur. Quod omne, primum ingens vnus parce portionis, cum duodecim forsitan annuis scutis, consequitur: reliquum, in expectatione praestandi sibi in posterum, apud aliquem potentem Ecclesiasticum, fauoris continetur.

Cum è conuerso, quicumque Ecclesiasticus, vel ducentorum annuis scutorum redditibus honestatus, duos saltem secum assumat seculares; & simili proportionem omnes Ecclesiastici in suis infumendis procedant redditibus: ut Ecclesiasticorum bonorum vsus ferè sit secularium, cura verò, & sollicitudo, ut illi commodè degant, ad Ecclesiasticos sit potius patronos deuoluta. Sunt certè Ecclesiasticæ diuitiæ hodie, quasi agnus ille Paschalis, Exod. c. 12. Nam cum Ecclesiasticorum, (qui alios deberent ex domestica æquitate, & charitate, Ecclesiasticos, ad illius esum admittere, siue hac, siue illa non fiat occasione, de quo nunc non disputamus) maior sit numerus, ut sufficere possit, ad vescendum agnum, scilicet, ad illas diuitias consumendas; assumunt vicinos, seculares homines: iuxta numerum animarum, non solum quæ sufficiunt ad esum agni: verum etiam quæ interdum supersint, ut ossa illius, alijs non comminuenda, confringant: ipsa videlicet Ecclesiastica bona, quæ ad proprietates, hereditates, possessiones integras, vel debitis onerent, vel prorsus comminuant, infringant, & distrahant: contra factorum, quæ supra referebamus, Canonum instituta.

Sunt Ecclesiastica bona, apposita quidem Ecclesiasticorum mensis: quorum redditus, & prouentus cum Ecclesiasticis cantant; si tamen attentè considerentur; non opus est, cum Daniele c. 14. pauimenta domorum tot hominum Ecclesiasticorum cinere spargere; non opus est absconditos introitus, & subterraneos inquirere meatus, per quos videantur introire, qui ad ea bona concurrunt denoranda ceteri non Ecclesiastici: nam clarè, & apertè, Ecclesia id dissimulante, ea innumera secularium turba consumit, varijs ad mensam, & demensum Ecclesiasticorum titulis admittenda. Inter quos ille Princeps Ecclesiasticus Toletanus Archiepiscopus, hunc grauitè retulit, cum nobili quodam viro ei inferuire, ambiente, in familiæ contubernium ab eo tandem admissò, & Oeconomo interpellante, illius minimè domum, ut quæ familiæ numerosa constaret, noui hominis egere ministerio: subiunxit Archiepiscopus: [Si nos illo non habemus opus, opibus ille nostris habet.] Vnde valde miramur, homines seculares non votis omnibus desiderare, ut Ecclesia, & Ecclesiastici diuitijs augeantur: quas vident, & sciunt, in suos ipsorum secularium vsus esse maximè conuertendas.

Pergamus tamen vterius, & ab his rigidis Ecclesiasticorum redditibus

ensoribus percontemur: quidnam futurum esset de tam copiosa sexus
 triusque multitudine, quæ in Religionibus Deo seruit, consilia Euange-
 lica pro præceptis colens, si ea Ecclesiasticorum bonorum pars, tot Mo-
 nasterijs virorum, ac mulierum non fuisset attributa? Nam ut præter-
 eamus, quod in hac re præcipuum est, prædestinatorum numerum, hac
 ratione, multum iri auctum, dum Christiani vocationi Diuinæ annuen-
 tes, in portu Religionis securè nauigant, quis tantam esset hominum cõ-
 gregationem, pro dignitate, in seculo saturaturus? Nobiles suis fideicõ-
 niis, & primogenitiis, ad primogenitos, omnes. ferè suas, volunt, opes
 deriuari: primogeniti, quæ hominum est auaritia, & ambitio, secundo, &
 tertio, deindeque genitos, suasque sorores contemnunt, & alicubi, neque
 mensis dignantur: & non solum vna hæreditas, vna possessio, sed neque
 [Romanos geminos,] ut Diuinè adnotauit S. Cyprianus, [vnum nõ cepit
 regnum, quos vnũ vteri suscepit hospitium.] Et tam insolenti ambitio-
 ni, auaritiæque secularium sola medetur Religio: dum Monasterium,
 vnum alicuius Ordinis Monachalis, (ut ibi modò fiat exemplum, ac iuxta
 nostræ Hispaniæ prouinciæ morè:) tribus millibus annuorum reddituum
 scutis dotatum, triginta (præter aliam variam hominum multitudinẽ,) alit
 Religiosos, seu Religiosas, & nobiliter, cuius Monasterij splendorem
 plures seculares primogeniti, cum singulis tribus millibus scutis annuis,
 non exzquant.

Solum meæ professionis Monasterium Regium S. Benedicti in ciui-
 tate Vallisoleti, S. Sedi Apostolicæ immediatum, & cuius R. Abbati, post
 summum Pontificem, tantum debeo obedientiam, cum decem millibus
 vix scutis annuorum prouentuum, domi sexaginta Monachos, viginti
 Conuersos, triginta seruitores, seminarium viginti quattuor scholarium
 laicorum alit: præter eleemosynas, quas in particulari, & secretò, viris,
 & feminis aliis honorem profertentibus, sed egestate laborantibus, &
 promiscuis pauperibus, publicè bis in hebdomada largissimè ad portam
 tribuit: præter in fabricam, & cultum Diuinum, & benignam hospitali-
 tatè, amplas expensas: & præter sumptus non modicos, quos in reforma-
 tione ordinaria suæ Congregationis Vallisoletan. per suũ Abbate facit:
 & præter impensas, in celebrandis singulis triennijs in domo propria
 Congregationis Capitulis generalibus: quibus oneribus vnus ex illius
 prouinciæ Potentatibus, cum suis centum millibus scutorum annuis,
 non esset sufficiens perficiendis, & perferendis.

Hæc considerata fuisse iam longè ante à Chrysostomo Homil. 33. ad
 populum Antiochenum: dum diuitem taxans auariciam, dixit: [Si vellẽt
 diuites, facillè possent alimenta egenis præstare: quandoquidem Ecclesiæ
 Antiochiæ, & quidem non amplioribus redditibus, quàm illorum quilibet,
 honestata, neque etiam ad ditiores facta collatione, alit quottidie
 tria millia viduarum, & virginum, absque carcere inclusis, ægrotis, pe-

regnis, & egenis mendicis, quibus etiam succurrit, & absque victu, & vestitu Ministrorum, & omnibus est sufficiens. Ingens, ac mira sane vnus illius Ecclesie charitas! non solum veneranda, sed & imitanda: quam, vtinam vetustatem, nouitas legum, & Ecclesiasticarum Sanctionum per summos Pontifices, & per sacra Concilia restauraret.

Quod interim dum fit, ab Ecclesiasticis omnibus est enixe postulandum vt Hymnis, Psalmis, & Canticis spiritualibus, quibus se quotidie, iuxta Apostoli doctrinam, inuicem exhortantur: ad Ephes. c. 5. & Deo sacrificium laudis, ex Psalm. 49. immolant: symphoniam adiungant manuum ad linguæ concentum: vt [in intellectibus manuum suarum] iuxta Psalm. 77. prosperè deducantur, bona Ecclesiastica, quasi bona non sua, sed aliena, Dei, scilicet, profusissime in pauperes, & eiusdē cultum impendendo. Sic enim misericordia ceteris sacrificiis à Deo, per Oseam cap. 6. praponitur: qui Diuinas alias laudes sacerdotis personantis, pietate, & charitate nudas; sic per Amos increpat, c. 6. Qui eanitis ad vocem Psalterij: sicut Dauid, putauerunt se habere vasa cūcti. Bibentes vinum in phyalis, & optimo vnguento delibuti: & nihil pariebantur super contritione Ioseph. Quos certè, manibus ad os applicatis, Dæmon formidaret; qui à Saule Regum 1. c. 16. Dauide coram eo psallente, recedebat, non tam Musicæ artis concentu, quàm Dauidica tremefactus pietate.

QVINTA CONSIDERATIO.

Circa ea, quæ ab Ecclesiasticis præstanda sunt, in Principum, ac Rerumpublicarum necessitatibus.



VERVM TAMEN pro bonorum Ecclesie dispensatione iustificanda; & vt penitus hanc causam introspectiamus, & eius, quam tractamus, resecretiora mysteria diuulgemus, quinta iam sequitur Consideratio: Ergo Imperatores, Reges, Principes, Respublicas, egentes non solum fingamus, sed factio ipsi, & experientia consideremus, eos, plus forsitan, quàm particulares suos subditos egere; & pecuniarum inopia, ad tot, & tam grauias sufferenda onera, laborare. Et supponamus modò, pontem ciuitatis, maligna fluminis irruptione, demolitum, rursus reficiendum: monia, vel vetustate, vel hostis tormentis diruta, & collapsas vias communes dissipatas: vt cessare cogantur per eas transeuntes; & denique ciuitatis, vrbis, prouincie, communia, & confinia loca ea defensione, erectione, reedificatione, seu instauratione indigere, quæ à Principe solum, à Republica solum, à ciuibz solum, vel fieri est impossibile, vel est nimis difficile, vel quantumcumque sit possibile, vel non tam difficile, est tamen difficillimum, secularium, & comprouincialium hominum sedare multitudinem: quin contra Ecclesiasticos viros, se ab his oneri-

bus subtrahentes , non murmurent cum scandalo , vel non insurgant . Quid tunc factum est opus ? quænam hæc est immunitas Ecclesiasticorum bonorum , quæ has murmuraciones , vel non sopiat , si est de Iure diuino ; vel non quietet , si adeò fundamentis validis solidatur ? Quòd si his addamus , Imperatores , Reges , Principes , Reipublicæ Duces in suis etiam personis egere , argumentum ad vltimum , sui ponderis deducemus .

Quod circa hanc Considerationem dicitur , esto , non solum Ecclesiæ , verum cuiuslibet lectoris pij iudicio suppositum : nã , & Ecclesiæ , & Christianorum Doctorem sapientium , & insipientium omnium appellamus iudicium , & sententiam , quibus ex Paulo , ad Rom. c. 1. debitores nos esse confitemur .

Supponimus quidem omnino , & præmonemus , non esse inuidendum Ecclesiæ , & Ecclesiasticis viris : si laicis personis bella gerentibus , longè à suis domibus pugnantibus , tributis , censibus , vectigalibus , ad Reipublicæ munera tuenda , & functiones obeundas , oneratis , huiusmodi Ecclesiasticæ res , & personæ sua immunitate , & libertate potiantur ; quamquam , & ipsi in eadem contineantur Republica , in eodem sint loco : & quamuis in privilegijs , & vtilitatibus publicis , ex dictis cõtributionibus succedentibus , participes sint : & commoditate , defensione , & beneficio , quæ per tributa , & vectigalia indicta , & superindicta , eneniunt , perfruantur . Siquidem sicuti Ecclesiasticæ personæ , & cum suis bonis Ecclesiæ , immunes sunt à laicorum illis oneribus , & participant nihilominus commodis , & vtilitatibus illorum ; sic contrà , laicorum personæ immunes sunt ab oneribus , laboribus , muneribus , & functionibus Ecclesiasticis : & nihilominus participes sunt cultus Diuini , orationum , meritorum , & ministeriorum Ecclesiasticarum personarum . Sic corpus nutritur Reipublicæ , per temporalia , corporalibus necessarijs , per spiritualia verò , verbo in anima : & ita onera in vtriusque vitæ diuersis modis agendi , & degendi iustissimè compensantur .

Ergo Ecclesiastici Deo Domino quotidiè pro se , & pro populo inferunt , & ministrant : Hinc ut laici in corporalibus onera contrà soli sustineant , est congruum : ne Ecclesiastici duplici onere , & ministerio corporali , & spiritali prægrauentur . Hæc doctrina traditur optimè à Nicolao I. in epist. 7. ad Michaellem Imperatorem : & inde refertur dist. 10. c. Quoniam idem . quæ videtur expressa in populo Israelitico . Exod. c. 17. contrà Amalec , pugnante , & Moysè sedente in collis vertice , & Dominum , pro victoria obtinenda , manibus leuatis , exorante . Unde non esse absurdum , quòd Ecclesiastici gaudeant beneficijs statutorum populi , licet non supportent onera temporalia , quæ seculares ferunt ; quia onera , & certè maiora , subeunt spiritualia ; docuit Paul. Castren. Conf. 300. incipiente , In Christi nomine . Et hoc primò docue

rat Apostolus Corinthios 1. Epist. c. 9. sic scribens; [Si nos vobis spiritualia seminauimus, magnum est, si nos carnalia vestra metamus!] Si alij potestatis vestræ participes sunt, quare non potius nos? Et ad Romanos scripsit c. 15. [Nam si spiritualium eorum participes facti sunt Gentiles, debent, & in carnalibus ministrare illis.]

Hæc tamen omnia ea sunt non distinctione, sed discretionē tractanda: cum eo nedum grano, verum integro modio salis condienda, vt facile sit alijs in errores plures incidere: facile sit, non solum quietē non conuersari vtramque, & Ecclesiasticam, & laicam Potestatem; verum etiam illas misceri, vocari in inuidiam, & penitus conturbari. Nam si illo Exod. loco c. 13. Mosē, interim dum populus descendit ad prælum, orantem consideremus; licebit videre, Aaron, & Hur manus Moisis graues sustentantes: quo habitu corporis durante, inspexerant, victoriā ab Israelitis stare, quo deficiente, ē manibus elabi. Et hoc idem esse dictū, haud incongruē intelligemus, ac Imperatōrē, Regem, Principē omnia pacata, omnia prospera populo negotiari, dū Deo primū per orationes, & preces placato, Imperatoris, Regis, Principis, manus, & brachia, manu vtraque, brachio vtroque rerum temporalium Aaron, & Hur, Ecclesiasticæ videlicet, & laicæ Potestatis sustentantur; vtrisque, sua bona temporalia, suas diuitias pro Imperatoris, Regis, Principis, necessitatibus offerentibus.

Quia verò exempla valdè docent, & theoria in praxi, maximè circa res has morales, qualiter sit intelligenda, declaratur: refert Gregorius Turonensis de Gest. Franc. lib. 4. c. 1. Iniuriosum Episcopum, quinquagesimum à S. Martino, Turonensem, Clotarij Regis edicto restitisse: quo mandauerat, vt omnes Ecclesiæ tertiam partem fructuum fisco penderent; & cum ferè omnes Episcopi subscripsissent, illum solum id denegasse: poenas, etiam grauissimas Regi comminatum, si bona Ecclesiastica attrectare pergeret: eoque territum Regem, edictum antiquasse, & veniam culpæ ab Episcopō fuisse deprecatum.

Auctor est Neubrigenſis lib. 5. c. 21. & 24. quod sub annum salutis 1195. cum Ricardus Anglorum Rex nervis ad bellum gerendum necessarijs destitueretur: (nam fiscus erat exhaustus, cum sui ē vinculis redemptione, cum continuis cum Rege Gallorum bellis) ab Episcoporum bonis manus non abstinuisse. Hoc ferens indignè Gualterius Rothomagensis Archiepiscopus, alijs Regi familiarissimis, statim sacris inuierſa sua Diocesi cessantibus, ad Romanum Pontificem confugit; inque eius gremium querulas voces cum lacrymis effudit. E vestigio Regijs Legatis subsequētib; ac Regis sui Domini corā Pontifice necessitatem, qua urgebatur, exponētib; ibi summus Pontifex pro Rege prudentissimè pronunciauit.

Ecce Iniuriosus Episcopus laudandus, & imitandus: ecce Gualterius

ab ipso Pontifice zeli inficij notatus : dum ille Regem, absque necessitate, Ecclesiastica bona iuste vetuit contrectare: hic Ecclesiastica bona, quin à Rege in extrema necessitate haberentur zelo, non secundum scientiam, voluit impedire.

Narrat Oforius lib. 9. rerum Emmanuelis, quòd Alphonsus I. Lusitaniz Rex inclutus, qui cum tenues admodum opes possideret, Saracenos innumerabiles, opibus, & potentia feroces, maxima, ac diuturna belli contentione, è Lusitaniz finibus expulit: numquam tamen sacris opibus manus, vel permissu etiam Pontificis summi, iniicere, in ahimum induxerit. Neque Sancius eius filius, qui cum bellum durissimum Saracenis Beticam incolentibus inferret, propè Hispalim, Beticum fluvium eorum sanguine tinxit: neque Ioannes I. qui Septam urbem expugnaui: neq; Alphonsus V. qui Tingim, & Arzillam, & Alcañarem armis, atque virtute cepit: neque Ioannes II. qui in Africano bello clarissimum specimen egregie virtutis exhibuit.

Contrà verò ex eodem Oforio ibidem, Emmanueli Regi, quamvis prædecessores suos opibus longissimo intervallo superaret, Leo X. Pontifex concessit anno 1513. vt tertiz, atque decimæ partes vestigalium, quæ alendis Sacerdotibus, & alijs sacris vsibus sunt distincta, in belli, quod in Mauritania gerebat, sumptus illi tribuerentur: sicut & effectum est. At verò Legatorum opera, qui sacra pecuniz lucris inhiabant, adiectum fuit; vt illa vestigalia, non modò pro Christi religione verè militantibus, sed quacumque alia ratione, benemeritis à Rege possent condonari. Quo introitu ad hominum cupiditatem Aulicorum patefacto, id actum est: vt sacra vestigalia multis in locis hominibus lautissimis, qui non solum numquam hostium vultum adspexerant; sed etiam, facta Africani belli mentione, contremiscebant, donarentur. Itaque post illius muneris concessionem, nec Africæ bellum eadem felicitate gestum fuit, & nobilitas maiori inopia consistari, & pluribus querelis vti cepit, & Regis ærarium, quo plures vestigalium accessiones fiebant, eò sumptibus minus necessarijs, & casibus interdum acerbioribus exhauriebantur.

Argumentum pro causa laicorum Principum.

ATTAMEN circa hanc Considerationem, pro secularium causa, circa bona isthæ, vrget argumentum hoc: quòd lib. 4. Regum c. 18. Rex Ezechias metu Sennacherib Assyriorum Regis, pacem, per subiectionem, ei offerentis, vtque solueret eidem indicta per ipsum, tribui nomine, trecenta talenta argenti, & triginta talenta auri, dedit omne argentum, quòd repertum fuerat in domo Domini, & in thesauris Regis. Ex quo loco videtur colligi, quòd in casu necessitatis, ad contributiones, pro Reipublicæ utilitate, Ecclesiarum, & Ecclesiastico-

rum bona vocentur; hocque indè colligitur, quòd bona hæc, vt diximus supra, sunt adiecta Ecclesiæ, vt oppressos, & captiuos redimat, pauperes iuuet: c. Sacrorum. c. Sicut. ex Gregorio. c. Aurum. ex Ambrosio. c. Gloria Episcopi. ex Hieronymo 12. q. 2. Et indè multò magis pro defensione patriæ, ex quo prospicitur, antenentitur, & precauetur, ne captiui fiant, & pauperes: satius enim est, damnum præuenire, quàm, post vulnus acceptum, querere medicinam. l. fin. C. in quib. caus. in integ. rest. non est necess. l. 2. C. quando liceat sine iud. se vind. & omninò [Præcauere periculum præstat, quàm deprecari pœnam;] vt docuit Prouerbialis Philosophia.

His accedunt aliqui casus ab Imperatoribus expositi, in quibus voluerunt, ipsas Ecclesias, & domos ipsas Imperiales, eorumque bona contribuere: in c. Ad hæc sancimus. in Nouel. 131. in l. Ad instructionem. C. de sacros. Eccles. quando videlicet, sternendæ essent viz publicæ: aut pontes noui instruendi, aut dum instructi, essent reficiendi: vel si quid habeant in ea ciuitate, aut loco vbi talia opera sunt: quæ & trahuntur ad muros ciuitatis, puteos publicos, & similia: quibus inbreptes Senatus quidam seculares aliquando Ecclesiasticas personas, ratione suorum bonorum, ad contribuendum similibus operibus condemnarunt; vt de Senatu Parisiensi Papo in sua Rhapsodia Arrestorū nò semel refert.

Præterea, quia in negotijs, quæ ad communem utilitatem pertinent, æquum videtur, vt personæ Ecclesiasticæ, ad quas pertinet etiam commodum, contribuant. Sic videtur colligi ex cap. Peruenit. de Immunit. Eccles. contra personas Ecclesiasticas, ea ratione, in murorum custodia, quia omnes tam hos, quàm illos respicit. Et tandem, iuxta regulam generalem, [Non est ferendus, qui lucrum quidem amplectitur, onus autem subire recusat.] l. vnica. §. pro secundo. C. de caducis tollendis.

Responsio; & difficultatis resolutio.

QUIBVS expositis, primò omnium, vt videtur, resoluendum est: leges Imperiales dictas, vel alias similes laicæ Potestatis, nullo modo obligare Ecclesiasticos: neque super illorum bonis, & rebus, seu personis, rerum contemplatione, potuisse, vel posse vmquam eis tales leges præscribi; vt satis supra probatum est, & nunc breuiter probabitur. Imperatores ergo id admittimus effecisse, vt interim dum per Ecclesiam, & maiestate fungentem, & eius summos Pontifices potentiores, circa hæc providebatur eo modo, quo ad exitum res deueniret opratum, & iustum: quid æquum, & ius Ecclesiasticum ferrent, ostenderent; qui Pontifices potentia iam firmati, numquam statum secularem in his, de Ecclesiasticis conqueri, passi fuerunt. Itaque non impugnamus Imperatorum leges, quia ex causis, propter quas ad contri-

butionem teneri Ecclesiasticos asserunt, iniustas reputemus: cum enim reuera sint iuste, & æquæ, mouere debent Ecclesiasticos, ad subueniendum laicis, in necessitatibus urgentibus: sed eas rejicimus, quia disponunt de rebus Ecclesie, quod facere iuste non possunt.

Ratio autem horum est, quia ex S. Thoma 2. 2. q. 16. art. 1. lex non imponitur ab aliquo Domino, nisi suis subditis. Vnde legis præcepta præsupponunt subiunctionem cuiuslibet recipientis legē, ad eum qui fert legem: de quo videnda, quæ ad calcem Partis. 2. huius Tract. dicta sunt: Ecclesiastici verò, & eorum bona non subiacent Imperatoribus, aut Principibus secularibus: illi quidem, propter causas in 2. Parte Tractatus: huius superius adductis; bona verò quia sunt Dei, & Christi IESV, & à fidelibus Ecclesie oblata, Deo, & eius Ministris, cultui externo Diuino, & pauperibus inseruitura: vnde non sunt legibus secularibus administranda, sed Ecclesiasticis: cum super illis leges condendi sola Ecclesia, & eius Prælati, & præcipue summus Pontifex, & sacra Concilia legitimam habeant potestatem.

Hæc doctrina fundatur in illa adducta ab eodem S. Thom. 1. 2. q. 90. art. 9. ubi asserit, non sufficere, quod lex primò, & principaliter respiciat bonum commune: sed etiam esse opus, ut emanet, vel à multitudine, vel ab habente curam multitudinis. Cumque in nostro casu summus Pontifex sit, qui multitudinis Ecclesiasticorum, & suorum bonorum curam habet: ut laxissime supra probatum est: ad illum, & ad Ecclesiam, non ad laicam Potestatem legislatio de prædictis, attinget bonis distribuendis. Quo loco D. Thomæ p. citato videndus omninò Card. Caietanus, etiam pro hac summi Pontificis, quam circa multitudinem Ecclesie, habet, cura, optimè differens.

Stantibus his, intrant optimè obiter iura Canonica, hoc idem confirmantia. c. Benè. quidem. c. Si Imperator. c. Cum ad reum. 96. distinct. c. fin. de reb. Eccles. non alien. c. 2. de Forò comp. & viden. Quidrad. Conf. 83. nullus est enim in lege condenda maior defectus, quam potestatis. l. Omnes populi. ff. de iust. & iur. & ibi Caccialup. & Ias. l. Curate, & ibi Bal. C. de don. ante nupt. c. Super. de offic. deleg. Romanus Conf. 118. n. 2. Et ius extra territorium dicenti impunè non paretur. l. fin. de iur. omni. iud. de quo videndi Doct. c. 2. & c. Etsi Clericis. de iud. Abb. in c. Ecclesia S. Marig. num. 10. de constit. in 6. & specialiter Rebuff. in Constitution. Regni in Procmio. num. 61. qui allegat S. Thomam pro hac, quam ibi docet, conclusione probanda. Intrat etiam congruè ius civile: idem confirmans l. Decernimus. C. de Episc. & Cler. Immo certum est, leges quascunque civiles omni prorsus auctoritate carere, si Clericos, siue eorum bona oblique tantum attingant. c. Statutum 1. & ibi. Glos. & Doct. verb. indiretè, de Hæret. in 6. c. final. de immunit. Eccles. in 6. & ibi Glos. verb. libertatis. Anchar. conf. 33. num. 7. & 8.

Quibus sic præmissis; in necessitatis casibus; ubi facultates laicorum sunt exhaustæ; posse ex consensu personarum Ecclesiasticarum, aliquid exigi auxilij nomine, iam placuit Concilio generali Lateranench. quod etsi prohibuerit, propria laicali auctoritate exigi, vel imponi; tamen, ex consensu Episcopi, permisit; ut haberetur in c. non minus. de Immunit. Eccl'es. His tribus concurrentibus, ut ibi notat Panorm. num. 5. Primò, quòd collectam deliberet Episcopus, cum Clero; quia cum immunitas, circa hæc bona Ecclesiastica, sit totius Cleri illa habentis; & Ordini à Deo concessa; non sufficit Episcopi consensus; Secundò requiritur, quòd hæc subsidia petantur, & solvantur, imminente maxima necessitate, vel utilitate ciuitatis: vel angustia regni maxima id suadere: Tertiò, quòd facultates laicorum ad id congrue non sufficiant.

Hodie tamen quartò requiritur, quòd summus Pontifex ad id consultatur: ex alio Concilio Lateranench. ex quo habetur cap. Adversus. de Immunit. Eccl'es. quod huic nititur rationi, quia tanta est hodiè inuidia, & ut textus ibi loquitur, impertinentia laicorum, ut facile vel minis, vel epactione, Clericos ad consentiendum compellere possent: etiam non urgente necessitate. Ideò sub pœna excommunicationis, ne id fiat inconsulto Pontifice, vetitum est. Deinde alia præcipua ratione hoc est dispositum; quia cum hæc immunitas, uti dictum, sit singulorum Ecclesiasticorum: non potest, etiam à singulis Clericis, in sua præiudicium renuciari; Pontifice causam non cognoscente; & dispensante. Sed hoc ex ipso Panormitan. adhuc intelligitur, dummodò recursus hic ad Papam, nimia urgente necessitate, non impediat. De quo videndus ipse omnino d. c. Non minus. num. 10.

Vbi inter alia notat hoc, quòd maximè esse notandum, credimus: hæc omnia non ad deliberationem solam laicorum esse faciendam. Vnde, inquit Panorm. [ad hoc pòndera, quòd cum ad hæc onera, possessiones non sint obligatæ; sed collecta est imponenda personis, contemplatione rerum: oportet, quòd Clerus, & populus principaliter conveniant; & deliberent super hac exactione redimenda; nec totius populi deliberatio obligabit Clerum, nec contrà. Cum enim agatur de utilitate verorumque, oportet, & consensum verorumque interuenire: & quod omnes tangit, ab omnibus debet approbari: Clem. 1. de censib. c. Ad hoc. de offic. Archid. In similibus enim omnibus populum; & Clerum concurrentibus, utriusque debent vocari: c. fin. de fer. c. 1. de constitut. Si tamen Clerus nollit, absque causa legitima; consentire, populus poterit officium superioris Ecclesiastici implorare; ut cogat Clerum, ad consentiendum, & contribuendum: ut in simili in c. Nullus. de iur. patr.]

Hinc maxima nos premittit admiratio, qui fiat, quòd seculares Principes opem ab Ecclesiæ opibus imploraturi, non primùm hanc Panormitani obseruent doctrinam; quæ seruata, certum est, eos maiora forsan

fuisse ab Ecclesiasticis Ordinibus subsidia expectaturos, ad consilia, prius de imminentibus necessitatibus, & earum remedio vocatis; stante illa certissima Gomei cuiusdam Philosophia: [Nulla res tam facilis est, quia difficilis fiet, quam inuitus facias.] & contra: Quod cum proponimus, aduertant, vellemus, Principes seculares, hac lege esse istud expolcandū; dummodò Regulares, quorum non est minima in Ecclesiastico statu pars; & qui non minimā illius bonorum foreiti sunt portionem, ad dictorum consiliorum partem, & ad bonorum illam distributionem, vocandi essent: cum aliās à suis Coneclesiasticis Clericis secularibus, in similibus partitionibus, quia illis neque expectatis, neque auditis, eas faciunt, notabiliter onerentur.

Rem tamen hanc clariùs, & strictiùs explanando, cum rationes pro secularibus magnam habeant vim, ad tria capita præcipua causam hanc intelligimus posse reduci: nempe considerata potestate Imperatoris, Regis, Principis, seu Reipublicæ; deinde necessitate, & tandem, temporalium rerum qualitate, & quantitate. Demus enim Regem, fidem dicimus de superioribus quibusque secularibus imperantibus, egere, ad onera regni supportanda: Ecclesiasticos autē bonis temporalibus assuere; necessitatem tandem valde premere, & urgere; tunc certè necessitas, quod non est in lege licitum, efficere potest licitum: c. Quod non est licitum, de reg. iur. in 6. Amarissime enim, immò inuictæ sunt necessitatis leges; quæ permiserunt Davidi, à facie Saptis fugienti, præ esurie, comedere de panibus propositionis, de quibus alijs, quàm Sacerdotibus, non licebat participare. 1. Reg. c. 26. Effecerunt etiam, ad deuitandam paratam mortem ab inimicis, vt, contra præceptum legis, Sabbato pugnaverint Machabæis lib. 2. Machab. c. 3. Similiter effecit famem, vt excusarentur Discipuli à Christo, quòd sabbato satorum spicas vellerent, & ederent: Luc. c. 6. Davidis insuper dicto exemplo à Christo Domino ibi iuncto: p. omnesque consilii deo.

Amarissimæ ergo cum sint necessitatis leges, cò in negotio, quod tractamus, sunt amariores, quòd plura, quæ tam circa personas, quàm circa bona Ecclesiastica, pro necessitate fuerant admissa, aliàs non admittenda necessitate cessante, malè, & aduersus personas, & bonis Ecclesiasticis verterunt conditionis humanæ miseria sic ferere. Belliciosis vltimis temporibus in provincijs, vbi hæresis ferociùs est grassata, cò pretextu, quòd de salute communi, & Ecclesie, & Religionis ageretur, quidam Principes Catholici personas Ecclesiasticas, & Ecclesiarum bona oneribus personaribus, & realibus prægrauarunt: & Clericos, & Regulares ad arma capienda compulerunt. Hinc effectum est, vt exigua scitilla Religionis, quæ in Ecclesiis, & Monasteriorum, erat sepius conseruata, ab Hæreticorum vastatione, & irruptionibus, propemodum extincta fuerit; & qui stabant in cultu, & in castris Dei,

iam mores militares insolentis, isecuti, caelestis militie obliui, didicerunt: Vnde quorum arma ieiunia, & orationes sunt, & quibus serio vacantes militiam temporalem insigniter, ad victoriam de Hæreticis obtinendam, adiuuissent: subtrahit à Dei seruitio, eius indignationem, & iram vehementius, suis malis moribus, prouocarunt.

Instante similiter necessitate, cum Hispania Saracenorum impio dominatu premeretur: post felicissimam illam à Molisimensi Monasterio D. P. N. Benedicti Ordinis, in Cistercio, Monasterio eiusdem Ordinis, ortam reformationem: cum plura eiusdem obseruantiz Monasteria in Hispania ditissima, suis opibus, & Monachorum personali industria, ac fortitudine, ad bellum contra Mauros proficiscentium, ab illorum manibus partem non medioerem Castella per Calatrauam, & Alencaram eripuissent: tandem Monasteria cum suis Monachis, & bonis euauerunt illis, ad quosdam religiosos, scilicet, vxoratos Commendatores, commutatis.

Neque illius tempestatis, neque presentis, quam referebamus, Ecclesiastici bella gerentes felices Abrahami, & Regis, & Sacerdotis imitatores existerunt: qui Genes. 14. cum suis vernaculis trecentis decem & octo, tam Ecclesiasticis, quam secularibus, & scholasticis scientias, & cultum Diuinum, & pietatem à magno illo Patriarcha, & Doctore in Schola publica addiscentibus, contra quinque illos Reges, prædam multam, & vassallos à Sodomorum Rege abigentes, instructis, & cum illis de dictis Regibus victoria potitus, ad sua reuersus, eadem pietate cum illis fuit, quæ antea, in posterum conuersatus.

Quid dixerimus, eos non fuisse Abrahamum Patriarcham feliciter imitatos? Regem vtinam fuissent Sodomorum Gentilem, imitati: qui Abrahamo gratias accepti agens beneficii, hac fuit animi magnitudine, vsus, dicendo: [Da mihi animas, cetera tolle tibi]. Abiissent, & milites abiissent bona Ecclesiastica tam tunc, quam modo, & personas, & animas, & Monasteriorum, & Ecclesiarum cultrices retinuissemus: quæ Deo in Ecclesijs, & Monasterijs illis seruitia, rite in antiquo Monastico, impenderent, quantumuis aliàs cogerentur mendicare.

Nisi forsitan Hispaniarum Catholico, & pientissimo nostro Regi Philippo 11. potius placeret, (quò Sanctorum Patrum nostrorum Benedicti, & Bernardi, quibus illa Monasteria, quorum redditibus Commendatores dicti, in Hispanijs hodie viuunt, suam institutionem, & suam debebant reformationem, votis, etiam Hispaniam cum suorum Monasteriorum opibus defendendi, sanioribus respondere: & bellica suorum regnorum negotia fortius, & securius tractaret: suorumque subditorum in illis regnis quieti, & paci consultius esset prouisum) cum S. D. N. Papa Paulo V. agere: vt consilium illud Illuminati Eremitæ Raymundi, quod inter alia, Lugduni, ab his prædictis quinquaginta annis, cin-

etiam, summo Pontifici, & Cardinalibus dedit, tandem admittitur; ut, scilicet, ex dictis illis; & omnibus alijs Hispaniarum Ordinibus Comendatorum Militaribus, vnus tantum fieret Ordo Militaris; qui ad imitationem Religionis D. Ioannis Ierosolymitani, maritimis in locis Provincie nostrae assistentes, Saracenorum, & Turcarum nedum domi insularum continuos prohiberent; verum etiam foris illorum potentiam opprimerent, infringere, enervarent.

Conclusio Considerationis; cum Appendice notanda.

EX quibus omnibus, huius Considerationis conclusionem hanc, cum suo Appendice, colligimus: videlicet, maiorem tributorum, & exactiorum partem in Ecclesijs, & Ecclesiasticis factam, importunis Principum secularium postulationibus; non tam necessitate, quam inuidia populi factam, qui vniuersi Diuina; & humana; vel nesciat, vel nolit, constituere differentiam; & modolo super pedesque crasso; De opes; & diuersas Ministros dimittit. Nomen enim omnis necessaria defensio, quae conseruet utilitatem Ecclesiae, exigere debet ab Ecclesia auxilium de bonis; aut personis: quandoquidem iacui ad hoc tenentur ex officio, protegere, scilicet, & defendere bonis, & personas Ecclesiae, tanquam eius filijs, sicuti, & Curiones; & qui bonis gaudent Ecclesiae, & munus gerunt de seruienti Diuino cultui, tenentur curare; & Deum interpellare, pro communi salute; & laicorum animarum; etiam si nobis largitionibus non iuuentur. Immo postquam Princeps, Dei minister, & populus Ecclesiam defendere; nulla alia ab ipsa expectata mercede: {Serui iuueniles sumus; quod debuimus facere fecimus;} ex Christi Domini doctrina; Luc. x. 17. dicere debuissent.

Appendix est: sanctissimis summis Pontificibus, & Principibus secularibus, & Ecclesiasticis personis proponimus; his vltimis quidem, primo, ut quoties in Republica, in regno, in ciuitate, vel loco, ingruunt communes necessitates; faciles sint ad eis subueniendum; non ea sumptibus, vel arctis a Rapione relaxis, vel seculari quique relaxis; quorum manibus ocularis, cum manualibus; & ocularis subsidij, sit facilius satis, quam cum intellectualibus, subtilibus, & Metaphysicis; circa hanc obligationem; distinctionibus. Secundo, illis in memoriam reuocamus leges, de dispensatione bonorum Ecclesiae, quas supra delibauimus: scilicet, clauem auream, ad haec bona Ecclesiastica aperienda, & dispensanda sine in his maioribus, siue in ordinarijs necessitatibus, hanc esse per Ecclesiam antiquitus illis traditam: Ut siquidem Chondibus Apostolorum, oblationes fidelium, & bona Ecclesiae in Episcoporum, & Ecclesiasticorum Praelatorum potestatem, respectiue, redigi, sit stabilem: sequentium tamen Pontificum summorum, & Conciliorum sacris decretis, intelligant; sibi tres hos terminos fuisse appositos, & his tribus regulis, suam illam esse facultatem circumsepsisse. Prima, {Na pro suo libito, ea bona dispen-

sent; sed consilio Presbyterorum, & Diaconorum. Secunda. [Ne consanguineis, aut domesticis, vel amicis dispensanda committant: nedum omnino attribuant.] Tertia, ac postrema. [Ne ea Ecclesiastica bona à sacris, quibus, fidelium deuotione, dicata fuerant, liceat viti-
bas alienare.]

Principibus proponimus secundariis: ut metuant, formident, & valde trepident, Ecclesiastica bona contrectare, & à suis primò caveant consiliarijs; à suis secundò timeant confidentibus; ab ipsis tertio fugiant sibi inimicis, & secretis Ecclesiasticis auscultandis: si vlciores honores ab ipsis adhuc expectant obtinere: quoties de his bonis agendum: illis est, vel contingendis, vel à summo Pontifice postulandis: & hanc tantam rem, non cum hominibus in Angelos lucis transformatis, sed cum viris omni ambitione, & proprijs vacuis utilitatibus, immò cum ipsis veris Angelis lucis, qui sibi præsident, tractent: quid dubio procul securus illis se præbunt, per inspirationem, monitores, & consiliarij, habientes ex fonte notitiæ æterni Verbi quid deceat Reges, de his temporalibus postulare. Adest ex occulto omnibus magister Deus: ex antiquissima Philosophia, nedum Christiana: & vassallorū ab Ecclesiasticis, ad laicos nuper in Hispania translatio, cum minimo fructu Regij ararij, & ingenti, & vassallorum, & Ecclesiasticorum Dominorum, damno, de hac Christiana, necessaria, & iusta Paranesi, Principes omnes Christianos, poterit, & debet sufficienter edocere.

Sanctissimis Summis Pontificibus proponimus, & supplicamus: ut illis placeat, quoties de bonis Ecclesiasticis copiam, & facultatem secularibus Principibus, seu Rebus publicis fecerint, illos maxime hortari, ne illa bona in suorum conuertant ministrorum vsum; & prorsus illis inhibere, ne illorum bonorum exactio, & consignatio fiat, per secularium ministrorum manus; sed per ipsos Ecclesiasticos distribuunt, colligantur, & Principibus assignentur. Quo seruat, Ecclesiastici ipsi, & eorum bona, maximè partis expensarum compendium facient: seis etiam laicorum ad hæc bona aliquantulum exstinguetur: si ipsi eis exigendis non occupentur. Principum tamē secularium utilitas, insigniter promouebitur: si per manus Ecclesiasticorum integram habeant bonorum partem à Pontifice designatam, quæ ministerio laicorum ad æcaria Principum sapius peruenit imminuta.

S E X T A C O N S I D E R A T I O .

Circa Ecclesiæ thesauros: qualiter sint araria publica.

SE X T A tandem, & postrema, circa Dubium hoc, succedat Consideratio: quæ forsitan seculares omnes, & præcipue Principes, reddet plus consideratos, in Ecclesiasticis bonis, vel inui-

dendis, vel querendis, vel postulandis, vel, si ab ipsa fuerint oblata Ecclesiasticis, etiam à summo Pontifice, quorumdam præcedentium Principum exemplo, non attestandis. Et supponimus, Imperia, Regna, & Respublicas, semper procurasse, araria habere publica, ad res, bello, paceque gerendas, & pro Reipublica securitate, & defensione, quæ maximè in pecuniarum sunt sita copia; & quibus suppetentibus, & domi, & foris, res gravissimæ conficiuntur. Notum est, ex Suetonio in Augusto, c. 92. Principem illum, qui valde rem Romam auxit, præter alia antiqua Urbis araria, ad Imperij duratorem conservationem, ararium militare, cum veditigalibus novis instituisse, ut perpetuo, ac sine difficultate, sumptus, ad tuendos, in militia, scilicet, milites, & præmij, post militiam, & à missione, prosequendos.

¶ Nostros temporibus qualiter se habeant in Aethiopia Rex, seu Imperator Presbyter, quæ vocant, Ioannes, qualiter Turca, legimus alibi, quo pacto se geram Respublica Veneta, Genuensis, Lutetensis, & alia, vel legimus, vel audimus, vel vidimus. Regem Galliarum Christianissimū, quæ illius est animi magnitudo, & rerum gerendarum experientia, pecunijs augendis, & in ararium, quod regni sit tranquillitas, studere intelleximus, comportandis. Regem nostrum Catholicum, paternæ, atque auitæ pietatis, studiosissimū, diluturnis bellorum in Germania inferiori, & à sibi motibus, Imperij etiam proprii mole, terrarum accedente disiunctione, & continuis auxilijs varijs Christianis Principibus præstandis, contra Hæreticorum insulas, & Turcarum irruptiones, scimus, esse plurimum exhaustissimæ ararium speciale in publicam, ac generalē beneficentiam, adhuc in non subditas sibi gentes commutasse. Sed omnibus Principibus Catholicis, omnibus Rebus publicis, vellemus, esse persuasū, Deum Opt. Max. qui altiori cura rebus eorum prospicit, gubernandis, & dirigendis, araria voluisse coram illorum oculis esse proposita, & quidem ditissima, suis loco, & tempore, in usus necessarios, exhaustienda.

Sunt hæc araria, bona Ecclesiastica mobilia, aurum, argentum, vasa, vestes, gemæ, & varia ornamenta, & myrmecia, quæ in singulis Ecclesijs Monasterijs, pijsque alijs locis prostant, Dei servitio, uti vota Christianorum, nuncupata: quæ Deus ipse, in Principum etiam secularium commodum, & usum, si oportuerit, vult ibi, dispensanda, conservari. Non eget Deus Dominus hæc thesauris: [cuius est terra, & plenitudo eius:] ex Psalm. 13. [Meæ sunt omnes feræ silvarum:] inquit ipse Psalm. 49. [fumenta in montibus, & boves.] Cognovi omnia volatilia cali, & palchritudo agri mecum est. Si esuriero non dicam tibi: meus est enim orbis terræ, & plenitudo eius.] Et Regius ipse vates inde Dominum Deum esse sum arguit, quoniam bonorum eius non egeret. Psalm. 14. Et licet ipse Deus Dominus posset, Principibus Christianis, per suos Apostolos, & Prædicatores, explicare, quod, & ipsi Principes crederent,

vel credere saltem deberent, eum semper esse paratum illorum succurrere necessitatibus: quantumcumque id per miracula esset expectandum: tamen voluit Dominus, (ut præsentiori remedio viso, animis ne despondeant,) eos præ oculis habere promptam medicinam, vltimis, & grauissimis penuriz pecuniarum agrotationibus medendis: hoc est, thesauros in Ecclesia honorum temporalium esse repositos, quasi ex ararijs communibus, in illorum usum, si res sic postulet, infundendos.

Principum, ergo, ac Reipublicæ interest totius negotium, Ecclesiasticos thesauros sanctissimè aservari, & augeri; cum non solum Divini cultus gratia: sed etiam salutis Principis, & publicæ causa reponantur, Diuitiæ hæc latere non possunt, privatorum possunt: illæ citra tumultum, & seditionem in acerbissimo Reipublicæ tempore, siue famis, siue belli, capiuntur, privatorum vix unquam: nam maior est semper rei familiaris studium, quàm publicæ, vel Principis: quæ, quasi demissa per aures segnis irritantia animos, ad illa quæ sunt oculis subiecta fidelibus, seu potius dixerimus, infidelibus comparantur.

Non sunt hæc somnia vnius Monachi, vel Rhetorica theorematata, quæ in praxi non succedentia, haud eloquentiâ, sed loquacitatem arguant, efficacitatem verò in opere subterfugiant. Et cum plurimis possemus exemplis uti, quæ sunt in hac materia extremæ demonstratiõis, pro omnibus tamen tria subsequentiâ, ne antiquiora quæramus, deseruiant: ex quibus, quasi ex vigne, leonis reliquam struaturam, & proportionem, liceat æstimare. Præcedenti seculo, de anno 1577, Rege inclyto Lusitaniz Sebastiano bellum in Africam meditante, & modis omnibus apparanti; cum suus auunculus Gloriosissimus Philippus II. sanctæ mem. Rex Catholicus ad Guadalupen, S. Mariæ Cænobium, neque precibus, neque consilijs, illum à malefanijs, maleque institutis posset auocare deceretis, tandem profecturo ad bellum, pecuniarum copia minus suppetente, sui Lusitani Regni Ecclesijs, ac earum Præsidibus, & Gubernatoribus exposita necessitate, promptissimis animis omnes, omnia ei vasa aurea, & argentea, cunctamque pretiosam suppellectilem templorum obtulerunt. Quo maximè subsidio, exercitus, Rege præcunte, ductus in Africam, successu infelici fuit pugnatum; neutiquàm tamen ab Ecclesiasticis, obstantibus quin eorum diuitiæ illuc adportarentur, euitato.

Anno verò millesimo quadringentesimo quinquagesimo tertio Constantinopoli à barbaris Turcis obfessa; cum Constantinus Paleologus eius vltimus Imperator ciuibz prudenter proponeret Constantinopolitanis, ut eductis, vel potius effusis proprijs pecunijs, & thesaurorum apertis abdicis, frumenti publicata copia, re adiuvarent publicam, eisque liberaliter in commune redactis, adiuvaretur præsens miles Latinus Vennetus, ac Genuensis, qui Turcæ conatibus resisteret, pariam obsidione liberaret, eique Imperium assereret: visus eis quasi ludens loqui, dum

thesauros secretius abscondunt particulares : dum nummos occultant : dum pretiosam ibi fodiunt supellectilem ; immò ipsam annonam , & frumentum , inopia simulata : adminiculo rerum Ecclesiæ tantum , sacrique ærarij , Imperator Barbarorum impetum sustinuit : quousque in summa rerum egestate vrbs capta est : ac immanis hostis nouæ Romæ potitus , id eandem effecit , vt qui publicis adeò laborantibus rebus , suis solum consulentes , & proprijs commodis , succurrere noluerunt ; commodis nedum proprijs , verum etiam thesauris , pecunijs , supellectile , filijs , vxoribus , libertate , patria denique charissinia priuarentur . Auctor est huius lacrymabilis Historiæ Leonardus Chienfis , Archiepiscopus Mytilenensis , qui tunc aderat : & ad rem gestam sic exclamat : [O miseri Græci , qui inopiâ fingebatis ; ecce iam in lucem venerunt thesauri vestri , quos , pro vrbs subsidio , denegastis . Turcæ securibus scrinia scindunt , fundos fodiunt pro thesauris , qui tanti reperiuntur noui , & veteres , vt nulla sit vrbs , quæ tantis affluat , & omnes absconditi in manus Turcarum deueniunt .]

Quod facinus , tacita quædam est responsio , ad illud argumentum , quo contra nostram , poterant viri laici , insurgere Considerationem , asserentes : suas seculares diuitias , æraria esse publica , & obuiandis publicis exposita patriæ ; & Principis periculis ; neque esse opus mysterium aliud fingere , ad æraria Ecclesiæ publicæ confugiendo . Nihil enim aliud illis opponimus , aut respondemus , quàm rem hanc Constantinopoli , atauorum nostrorum ætate gestam ; absque dubio nostris seculis , (caueant enim benè sibi Principes) similibus , in occasione simili , experimentis iterum , & iterum , & millies gerendam . Plura namque exempla posset afferri , quibus in summis Reipublicæ periculis , cum quæ erant Ecclesiæ adessent , priuatorum opes Principibus suis defuerunt .

Quibus exemplis , si ea dolenda tertiò accefferint , ex Angliâ , Scotia , Hybernia , veriusque Germaniæ magna parte , & alijs prouincijs , olim Catholicis , vbi iam thesaurus sacer nullus est ; vbi Hæreticorum , falsum verbum , & verus gladius omnia Ecclesiæ bona diripuit , abstulit , deprædatus est : eaque in seclarium Principum , vel in suorum Ministrorum transulit potestatem ; (Idololatriam , si Dijs placet , vt ipsi blaterant , deuitantes , verè autem Argyrolatriam inducentes ;) haud nostræ Considerationi , & credere , & accedere dicti Principes hæsitabunt . Hoc enim est plusquàm compertum , redditus , qui vni alendo integro Monasterio , Monachorum numerosissimo constante numero , erant sufficientes ; vni Ministro , cum sua curia , non sufficere hodie , familia sustentandis . Principes deinde non ideo ditiores , non feliciores , non augustiores floruisse .

Si verò mentis attentis oculis , (vt par est) Imperatores , Reges , Principes , Respublicæ Catholicarum prouinciarum , nostram hanc versent Considerationem , inuenient : suorum Principatum diuturnam stabilitatem , non Theologicè , non Philosophicè , sed Politicè solum , immò omnino

Ethnicè, considerando, res illorum nimium interesse: vt Ecclesia diuitijs augeatur, Ecclesiastica personæ floreat, & numero crescant: illarum, negotia, & res pacatè se habeant, plebs promiscua ad Principum nutum, & imitationem, illis se obsequentem præbeat: quæ est tanta quædam, firmitas, & fortitudo contra res nouas in Reipublicæ statu molientes, nedum contra Catholicam fidem, verumetiam contra Principum ditionem, quanta est hodie imbecillitas Principum, qui Hæreticorum in insanis consilijs, res Ecclesiæ pessumdantes, & Ecclesiasticos contemnentes, vel prorsus exterminantes, iniquius, quàm fuit Glauci, & Diomedis permutatio, commutarunt fortitudinem, qua contra sceleratos subditos pollebant olim, stante Ecclesiæ Hierarchia, & Politia terribili, vt castrorum est acies ordinata, in imbecillitatem, & impotentiam, qua se vident pluribus in locis à suis vassallis, distractis ad confusionem Hæreticam, sperni, contemni, & alicubi conculcari. Is enim semper est, is fuit semper, is semper erit Hæreticorum animus, & finis: eam, videlicet, potentiam sibi in plebe parare, qua elati, cristas contra ipsos Principes erigentes, eos sibi in omnibus habeant morigeros: immò vt illos è dominijs, & ditionibus facile possint exigere, sibi solis Rerum publicarum regimen affectando.

Animaduertere tamen hic opus erit, quandoquidem æraria hæc publica thesaurorum, & diuitiarum Ecclesiæ, pro Reipublicæ necessitatibus, affirmamus, esse consultissimè, & providentissimè asseruata, ne Principes seculares hæc necessitates, vel fingant, vel somnient, vel faciliè, quæ sunt extrema pericula, explicent: quæ tanto remedio egeant, vt Ecclesiarum bona, à suis statibus vsibus distrahi, ab Ecclesiasticis, & summis Pontificibus sit petendum. Hæc namque omnia, ea sunt cautione tractanda, ea, consideratione providenda, eo ponderanda libramine, nè dum ad extremam, vel quasi extremam, æstimant fortasse Rempublicam aleam deuenisse: quæ tamen erat media, & cui medijs poterat primis mederi: extremis Reipublicæ remedijs consulentes, ad extremam ipsi Principes, & consilij, & pecuniarum, semel intempestiuè profusurum, penuriam reducantur. Igitur, vt hæc Deo dicata, sunt certissimus Dei, & Principis, ac Reipublicæ thesaurus oculatus, ita extrema esse debent: neq; prius quàm cum solum hoc Diuinum humanis superest auxilium, attingenda.

D V B I V M T E R T I V M.

Circa legislationem de bonis Ecclesiæ acquirendis.



V M ex diuitijs, & earum occasione subnaſci faciliè iurgia, iam superius, exemplo, Abrahæ, & Loti, auunculi, & nepotis Sanctorum, comprobauerimus; & ea quæ modò dicenda sunt, eandem veritatem vberius declarabunt. Creuere cum Christiana deuotio-

ne Ecclesiarum, & Ecclesiasticorum diuitiarum, usque ad Valentiniani, Valen-
tis, & Gratiani Imperatorum tempora: quibus adeo inualuerat sordi-
da, & impudens Clericorum, & Monachorum quorundam avaritia, ca-
ptantium munera, & hereditates viduarum, & pupillorum: cuius rei pre-
bent testimonium Hieronymus Epist. 2. 3. & 22. & Ambrosius paulo post,
Sermon 7. & lib. 3. Epist. 31. in antiqua. ut lege Divina, ea ratione, contem-
ptui habita, lege fuerit cohibenda Imperatorum: quam habemus ad Da-
masum Pontificem rescriptam, in C. Theodosiano, lib. 16. l. 20. de Epi-
scopis, & Clericis.

Eam tamen legem non secularem, sed potius esse dicendam Ecclesia-
sticam, hinc autumamus: primo, quod lecta fuerit in Ecclesijs Romae,
præter omnem morem: quod est argumentum, ipso summo Pontifice Da-
maso agente, qui tantam Ecclesiasticorum insolentiam reprimere non
poterat, ab Imperatoribus editam, aduersus Diuinorum decretorum,
contemptores, ad eiusmodi Ecclesiasticorum quæstuariam, & sordidam
officinam protrudendam.

Colligimus idem secundò ex Hieronymo, dicta Epist. 2. ad Neporian.
ubi huius legis faciens mentionem largam, sic eam perstringit: [Pudet
dicere; sacerdotes Idolorum, Mimi, & aurigæ, & scorta hereditates ca-
piunt; solis Clericis, & Monachis hoc lege prohibetur; & prohibetur, non
à persecutoribus, sed à Principibus Christianis: nec de lege conqueror:
sed doleo, cur meruimus hanc legem.] Vbi, dum Hieronymus non con-
queritur de lege, de qua per seculares Principes solum edita, in materia
tam graui, & re tam probrosa, Pontifice, ad quem fuit factum rescriptum,
non id postulante, esset maximè conquesturus; haud est simile vero, eam,
Papa non petente, fuisse latam.

Tertiò, quia à Principibus Christianis dicit fuisse factam prohibitio-
nem illam: cumque Damasus esset Princeps Principum Christianorum,
ab illo, prius procurante, qui eam etiam, per Ecclesias diulgauit,
emanasse, credendum est.

Quartò id censemus, quia cum dictus Pontifex esset sanctissimus, & caus-
sa legem condendi fuerit, per insolentiam Ecclesiasticorum, notissima;
omniò est intelligendum, remedium tanti mali, ab eo, qui Ecclesie ro-
tius curam gerebat, fuisse contra Ecclesiasticos, legis Dei contemptores,
perquisitum; quos ipse non valebat, efficacitate, & potentia, ad id neces-
saria, coercere.

Et hæc ratio inde maximè confirmatur, quòd, ut habetur Epist. 4. eius-
dem Damasi, decies in Decretis citata, plures vulg. ait ille Pontifex
Ecclesiasticas leges, ad fori contentiosum spectantes; qui si ad efficiendū
prædictam legem facillè acceptari, se cerneret potentem, eam ipse solus,
absque Imperatoribus, protulisset. Vt cumque tamen sit, dicta lex, ali-
quando fuit tolerata, sed breui videtur abolita: sicuti non multò post

lex quædam alia, huic perſimilis Valentiniani, Theodoſij, atque Arcadij, Cod. Theodoſ. lib. 16. de Epiſc. & Cleric. l. 27. hortatu, (vt creditur) Ambroſij; ab iſdem fuit Imperatoribus antiquata.

Quæ lex, quantumcumque non prohiberet Eccleſijs, hæreditates accipere, vel legata, vel quid huiusmodi: neque ius contrahendi, neque acquirendi bona ſtabilia: ſed iſtis Eccleſiaſticis perſonis, ſive Clerici eſſent, ſive Monachi, prohibebat, ne hæredes inſtituerentur; quia malis, immò ſordidis artibus, nonnulli ex illis hæreditatem expetebant viduarũ, & pupillorum, eos circumuenientes, eorumque bona, magno filiorum, ac neceſſariorum damno, per ſpeciem pietatis, aucupantes: quod, tamquàm impium, reprehendit Auguſtinus Serm. 49. & 50. de diuerſ. qui tamen eos magnopere laudat, qui ſecundo, tertioque loco Eccleſiam ſcribunt hæredem: nihilominus adhuc lex dicta aditum nobis facit, ad diſſerendum, quid in ſimili caſu, ſeu alijs, qui caſum illum imitentur, vel imitari videantur, in Eccleſia ſit agendum: & qua ratione, leges, & à quibus ſint ferendæ; ne ſtatus ſecularis, & Principes, de Eccleſia, & Eccleſiaſticis perſonis, quaſi nimium cupidis, conquerantur.

Sciendum eſt ergo, quòd, vel huius legis imitatione, vel caſuum ſimilium contingentia, vel intuitu boni publici, vel aſſidua cura, qua hominum incertæ prouidentię, & cogitationes timidæ, rebus futuris conantur prouidere; vel puſillanimitatis tandem, quidam ſpiritus ſeculares inuadens Principes; iam, per eorum quosdam, leges notauiſmus editas, per quas Eccleſijs, Collegijs, Monaſterijs, Societatibus, & Locis pijs, bonorum immobilium acquiſitio interdicitur; quas Communitates, Manus mortuas appellauere; vel quia quantumcumque perſonæ earum ſingulares eximantur rebus humanis, & mutantur; ipſe nihilofecius ſemper permanens immutatus; vel quia, ſicut morientium, manus firmiſſimè, quòd apprehendunt, retinent; ſic quicquid ſimiles Societates in manum, & potèſtatem ſuam ſemel accipiunt, difficillimè remittunt, immò illud accumulando conſeruant.

Non eſt nobis mens, ſuſius de Amortizationis materia hæc diſſerere, quàm ſit neceſſarium ad Dubij poſiti formalem reſolutionem delibandam. Ideò allegare textus iuris, vel Pontificij, vel Cæſarei plures, vel ſuper eos Doctores ſcribentes ſuperſedemus; quibus hæc, & ſequentia multa poterant confirmari; ad eos enim, qui hoc ex profeſſo tractarunt, reliqua remitteſmus; noſtrum Traſtatum Theologicè, iuxta nomen ſuum, quantum valeamus, continuando.

Harum legum meminerunt Petrus Belluga Valentinus, in Speculo Principum. rubr. 14. & Franciſcus Cohelius de Immun. Eccleſ. quò ad Valentinum, & Luſitanum regna in Hiſpanijs: Faber quò ad Gallias ad l. quorics. C. de rei vend. Idque ab omni æuo, inquit Guillelmus Benediſti, ad c. Raynutius. ad ver. Et vxorem. num. 3. & 4. de teſt. Quò ad

Belgium, per Burgundos Principes fuisse similiter latas, & à Carolo V. Imperatore amplificatas, & confirmatas, refert Petrus Pech. Tra& de Amortizat. c. 4. Quò ad Angliam Polydorus lib. 17. eadem leges refert Heduardum I. protulisse.

Aduersus quas leges fuit inuenta medicina, quæ appellatur Amortizatio: quæ est, earum solutio, & laxamentum; & deferibi potest. [Translatio bonorum immobilium: iussu, seu licentia Principis, in Manum mortuam facta: ex qua resultat Communitati, quæ Manus mortua dicitur, ius, illa in perpetuum retinendi.]

Argumenta pro his legibus instituendis.

DE harum legum iustitia, seu iniustitia, acriter hinc, inde, à multis Doctoribus Iurisprudētibus disputatur; quibusdam eas, tamquā libertati Ecclesiasticæ contrarias, damnantibus; quibusdam eas approbantibus; quasi illam non lædentes; neque in illius odium promulgatas: horum præcipuæ rationes sunt.

Primò, quia Princeps, cuius imperio omnia, & omnes à sua origine subduntur, legem sibi placentem rebus suis potest imponere.

Secundò, quia laicos, in rebus temporalibus, Ecclesiasticis præponere, est æquum.

Tertiò, quia non odio Ecclesiæ, sed bono publico sunt ex leges indutæ; ne maiori rerum immobilium parte ad Ecclesiam translata, laici soli publicis oneribus ferendis compellantur; neque id præstare possint.

Quartò, quia leges hæc rem sibi subiectam respiciunt, & personas suorum subditorum ad contrahendum, obligandumque sese Ecclesiæ inhabiles reddunt.

Quintò, quia Ecclesiæ nihil detrahitur, sed solum acquirere prohibetur.

Sextò, quia non est hoc Ecclesiæ iura diminuere; sed nolle laicos, sua illi communicare.

Septimò, quia Ecclesia non læditur in quæsitis: sed certam formam accipit in quærendis: ne omnia bona temporalia in eius potestatem deueniant.

Octauò, quia interest iura varia Principum plurimum, ne bona immobilia in Ecclesiam transferantur; vnde illorum fisci detrahatur.

Nonò, quia sicuti testator quilibet potest prohibere, ne sua alienentur bona, & in Communitatem mortuam deueniant: fortius Princeps eam potest prohibitionem, de dictis bonis, promulgare.

Decimò, & vltimò, quia sicuti Ecclesia, & summus Pontifex leges tulerunt, de illorum bonis non alienandis: sic Principes de secularibus bonis suorum subditorum non alienandis, & in Manus mortuas tradendis, leges, videntur, iuste posse publicare.

PRIMUM FUNDAMENTUM.



RIMUM igitur, pro dicendis, hoc iacianus fundamentum. Huiusmodi leges, & constitutiones, censemus, nequaquam odio Ecclesie tulle exortas, neque latas: quia hoc est à Christianorum Principum pietate nimis alienum; qui semper præsunt iuste, & pie ad leges condendas moueri: Glos. ad leg. Relegati. ff. de pæn. quod sæpius docent Doct. Et illorum Constitutiones eorum subditis, in dubio, sanctæ, & rectæ videri debent: donec vel ab ipsis, vel ab Ecclesia aliter iudicentur: & ad dictas leges ferendas, bonam fuisse intentionem statuentium, sensit Driedo, de Libert. Christiana Lib. 2. c. 3.

Quod si in specie loquendum sit: Reges Galliarum experta fuit Ecclesia, cum leges has conderent, Christianissimos; Reges Hispaniarum summè Catholicos: Duces Burgundiæ, & Imperatorem Carolum V. fidei auitz tenacissimos, & hostibus Ecclesie infestissimos; Angliæ Reges obsequentissimos Ecclesie: & Religionis, quando eas leges terebant, deuotissimos; ita vt, per id tempus, Anglia, omnium ferè totius Europæ orbis Latini Monasteriorum, & Cœnobiolorum parens, & alerix, appellari potuerit: ex ea enim prodire, qui vel nouos instituerunt, vel veteres viuendi eorū ritus instaurarunt; qua gloria idem Polydorus in dicta Historia, & quidem iuste, felicem illā tunc, at modò infelicissimā, insulam decorauit. Quid non decoraret? cum tam ea, quàm Hybernia, & aliæ adiacentes sibi, Sanctorum insulæ vocarentur? O tempora! O mores! O rerum vicissitudo! Quis vmquam tantum tunc sperare dolorem potuisset? ibi, sub Regibus edita secularia solum tractantibus, fidē Catholicam integram perseuerasse: sub Regibus litteras, etiam sacras profitentibus fidem Catholicam corruisse.

SECUNDUM FUNDAMENTUM.



SECUNDUM sit fundamentum. Quicquid Ecclesia bonorum possidet, habet, & acquirit, id in fauorem maximū possidet, habet, & acquirit secularium, & laici status. Quod proloquium si semel secularium, siue Principum, siue subditorum, animis infideret; & si Ecclesiastici, qua decet, & æquum est, oculata obseruantia; legum præfatarum de bonis Ecclesie dispensandis, id demonstrarent; ea forsan inter vtrumque statum, Ecclesiasticum, & secularem, super bonis Ecclesie temporalibus acquisitis, seu acquirendis, quies confurgeret; quæ nulla vmquam legum similium intercessione rumpe-
retur. Circà quod fundamentum ea, quæ suprâ diximus in hac secunda parte Tractatus, cum de bonis Ecclesie ageremus, Conclusionē primā, sunt omnino reuidentia.

Et priusquam fundamenti rationem adducamus, hoc solum aduertimus,

mus, quod bona mobilia, veluti sacra vasa, iocalia, monilia, vestes sanctæ; apparatus, & ornamenta templorum, quæ habet Ecclesia, neque Ecclesiastici status, neque laici ea esse iudicamus, quod ad dictum fauorem æqualem: cum Dei ministerio inseruiant in sacris locis: è quibus cum nihil propriæ utilitatis proveniat Ecclesiæ Ministris: si seculares homines ea bona Ecclesiæ inuident, cum Deo, non cum Ecclesiasticis id agant Ministris; & Deum eam partem bonorum, quibus externo cultu internus in eum Christianorum affectus appareat; (ut per eos fiat, ad salutem, confessio fidei, quæ, ex Paulo ad Rom. c. 10. creditur ad iustitiam,) conquerantur Ecclesiæ contulisse; qui totum quod bonorum temporalium habent, illis liberaliter, & gratosè largitus, ingratis eam etiam bonorum Ecclesiasticorum portionem non adiunxit. Sed adhuc hæc bona mobilia habitualiter, & in præparatione animi, seu spiritus ipsius Ecclesiæ, ad secularium ipsorum fauorem sunt asseruata: cum occasione, & tempore id exigentibus, ut dictum est, promptissimè ab Ecclesia in laicorum usus, & utilitatem insumerentur.

Suppositio notanda, pro Fundamento stabiliendo.

ERGO pro fundamento probando, suppositionem placet hanc fingere: Ecclesiam, scilicet, omnia bona immobilia omnium Christianorum possidere; quæ est suppositio omnino repugnans eorum menti, & intento, qui, ne Ecclesiæ plura bona immobilia accrescant, dictis legibus præcauerunt: quasi verentes id ingens inconueniens, quod sequeretur; si Ecclesia non solum omnes, verum plures iam Christiani orbis diuitias occuparet. Ecce ergo ex hæc suppositione, Ecclesia omnibus Christianorum, & ornata, & onerata immobilibus bonis, non solum umbram habens in Religionibus primitiui sui aurei seculi, & præteritorum bonorum: sed ipsam, in suo toto ambitu, imaginem rerum: facilius certè nunc è tantorum, quæ fingunt seculares Principes, inconuenientium salebris effugiemus. [Diuidebant] inquit Luc. Aët. cap. 2. (agens de Apostolis dispensatoribus, & bonis Ecclesiæ dispensatis) illa omnis, prout cuique opuserat.] Quod idem repetit iisdem verbis cap. 4.

Attendite obsecramus, Principes Christiani seculares, quid faci, quid iuris, si Ecclesia, sicut bona quædam certa immobilia possidet, ab eius Montuis manibus omnia tenebentur. Imperatori, Regi, tunc temporis, Principi; Nobili, ignobili, ciui, hospiti, peregrino, virgini, viduæ, uxorato, celibi, hero, seruo, prout cuiusque ferret status, & conditio, ab Ecclesia esset cumulare satisfaciendum; mœnia ab ea ciuitatis essent struenda, & restituenda; faciendi, & reficiendi pontes; sternendæ viæ publicæ; putei excudi communes; fontes huc illuc deriuandi; belli negotia gerenda; pacis artes tractandæ: & tandem, curæ in tanta,

& tam copiosam Rectorum secularium multitudinem dispergitur, vnus Ecclesie, & Ecclesiasticorum, forent solitudine perferenda. An hoc ingens inconueniens videtur, Principes Christiani seculares? An videtur mille, & mille legibus à vobis præcauendum, ne illud cogamini deuorare? Haud ea certè est rerum iam humanarum dispositio, vt sint aptæ, quatenus cum illis benè adeò gereretur. Actum est tamen benè cum Ecclesia, & eius Ministris, quos à curis huius mundi secretos voluit suus sponſus Christus sibi, & suis ministerijs continuò intendere, spiritualibus: vt nemo militans Deo, implicaret se his negotijs secularibus; vt ei, cui se probauit, iuxta Apostoli doctrinam, ad Timotheum 2. cap. 2. possit aptius complacere.

Et nascentis Ecclesie exordio, nihil dubitamus, Apostolos, sicuti feruenti Christi sanguine adhuc exterius conspersos, sic eius ardenti charitate interius inflammatos, prouinciã hanc, si non impossibilem, difficillimam tamen, subiisse: spiritualia, videlicet, & temporalia administrandi; vtrique muneri se suffecturos sperantes: cum illorum, quodlibet per mille, & alios mille ministros, vt congruè fiat, sit representandum. Vnde tempore paulatim procedente, & querimonijs, seu lamentis, siue iustis, siue iniustis, super bonorum per fideles oblatorum, distributione, etiam Apollolicè facta, subortis, inter ex Græcis, & ex Palæsthis, Hebræos Christianos; tandem intellexerunt Ecclesie illæ duodecim columnæ, ampliora esse spatia charitatis in animo, quàm, quæ corporeis possent gressibus perambulari: & huic muneri, temporalia ministrandi, & distribuendi, liberè renunciante, & Diaconibus septem illud præstandum iniungentes, Dei verbo se reseruauit prædicando.

Tria Conſectaria pro Fundamenti ſtructura.

EX qua doctrina colligimus primò, consequenter ad ea quæ præcedenti Dubio tractabamus: quòd Ecclesia, & Ecclesiastici viri ea proportionē tenentur, in eorum secularium fauorem, qui inibi relatis sacris Canonibus, & doctrinis præscribuntur, sua bona immobilia, & eorum prouentus dispensare, qua bona hæc immobilia possident. Cited quod S. Thom. 2. 2. q. 185. art. 7. & omnes super eum Doctores scribentes sunt consulendi.

Colligimus secundò, quòd si aliundè non esset res considerata, ex hoc capite non esset valdè Ecclesie, & Ecclesiasticis viris laborandum: vel pro bonis temporalibus acquirendis, vel quominus non acquirantur, legibus secularibus, de hoc agentibus, resistendum: vbi habent expressam Spiritus sancti doctrinam, per os Tobie, sic filium suum instruētis, lib. suo c. 4. [Quomodo potueris, ita esto misericors: si multum tibi fuerit, abundanter tribue; si exiguum tibi fuerit, etiam exiguum libenter impertiri stude.]

Nihilominus colligimus tertio, vanis angere timoribus eos, qui ne omnia Reipublicæ bona temporalia in manus Ecclesiastici status tandem deueniant, & timent, & nobilitati, laicis, ac Principibus maxime; existimant, esse consulendum, cum legibus, vltiorem dictorum bonorum acquisitionem, eidem statui interdicientibus. Similes enim homines, pro statu Coniugali sancto; contra sanctiorem Virginitatis statum uelantes irridunt Augusti de bono Cōiug. cap. 10. Chrysostomi de Virginit. c. 13. qui docet, eos, non boni communis studio, id facere: sed suæ pigritiæ, ac negligentia prætextum querere: & de terrarum orbe conseruando sollicitos, quod ad ipsos nihil pertinet, animæ suæ, tamquam alienæ rei, curam in vltimas curas reiecisse. Sic certe, vel irridendi, vel potius dolendi, qui quò tempore abundare adeo cœpit iniquitas, vt multorum refrigeret charitas versùs pauperes, & egentes Christianos: vnde debuisse nobiles, & pecuniosos ciues ad eleemosynarum erogationem, & ad status Ecclesiastici redditus augendos exhortari, quo eidem pauperibus res tutiori essent loco constitutæ: illos potius à benefaciendo deterrenti, & à statu Ecclesiastico bonis temporalibus ampliando, totis nituntur conatibus auocare.

Fundamentum ex dictis stabilitur.

PRÆMISSIS his, Fundamentum dictum sic sternimus: Quicquid Ecclesia bonorum habet, præter id, quod ex eorum prouentibus Ecclesiasticorum vsui decenti necessarium est, & id quodd ad cultus Diuini externi splendorem separatur, in pauperam, peregrinorum, viduarum, virginum, omnis generis egenorum non solum domesticorum fidei, sed etiam infidelium, vsum, & commodum, sacris id Canonibus sic disponentibus, habet: quorum omnium cura, nisi ab Ecclesiasticis gereretur, & ab Ecclesia, à laicis esset omnino gerenda: nam hæc sunt res, quæ quotidianam, & manualement præuentionem, & subuentio nem requirunt: Ergo ex hoc capite, in fauorem laicorum cedit, Ecclesiam bonis mobilibus, & immobilibus, quibus tot seculares gaudeant, cumulari. Quod si viri Ecclesiastici aliquid à suo munere, & debito degenerant, & in laicorum, etiam proximorum, ac sanguine coniunctorum, ac domesticorum, (id aliàs iustitia, & charitate non exigentibus) dictos prouentus consummant, fortius tenet nostrum Fundamentum, & eorum abusus, ex occasione, argumento Politico illud corroborat, omnino laicorum rem, & negotium agi, si Ecclesia crescat opibus, & bonis immobilibus augeatur.

Hoc Fundamentum adhuc sic firmamus, ex doctrina D. Thomæ dicto loco. 2. 2. q. 183. art. 7. ad 4. Ex qua, & eius Commentatore Card. Caietano clarè perspicitur, quàm in fauorem manualement, & quotidianum laicorum, hæc bona Ecclesiæ sint attributæ; quibus tam sedula cura

debent Ecclesiastici, secularium diuitum, quantum possunt, curas, pauperum verò miserias, subleuare. Sic ergo ibi docet sanctus Doctor: [Bona Ecclesiarum, vñbus pauperum deseruire debent. Et ideo si quis, necessitate non imminente prouidendi pauperibus, de his quæ superflua sunt ex prouentibus Ecclesiæ, possessiones emat, vel in thesauro reponat in futurum, utilitati Ecclesiæ, & necessitatibus pauperum, laudabiliter facit. Si verò necessitas immineat, pauperibus erogandi, superflua cura est, & inordinata, vt aliquis in futurum conseruet: quod Dominus prohibet, Matth. c. 6. dicens. Nolite solliciti esse in crastinum.] Et commentario marginali sic ibi docet Caietan. [Videte, qui augendis Ecclesiarum prouentibus tam laudabiliter creditis vos vacare, tabescentibus pauperibus, & vtinam non arescentibus: quoniam peccatis, iuxta Auctoris sententiam, tot pauperes puellas nobiles, tot pauperes ciues pupillos, orphanos, viduasque posthabendo.]

TERTIVM FVNDAMENTVM.



TERTIVM sit fundamentum consequens, seu annexum. Ecclesia non est fundata in bonorum temporalium possessione: sed in eorum contemptu. Hæc doctrina attingit secundum, & quintum Principia huius Tractatus; & pro ea, peruidenda sunt ea, quæ diximus supra Conclus. 1. huius 3. Partis, octauo Subnotando. §. Nam primò Christus, & seq. Attamen. fol. 192. & 193. & doctrina huius ea, est ratio; quia Ecclesia habet pro capite, & fundamento, Christum Dominum; [neque fundamentum aliud potest poni, præter id quod positum est, quod est ipse Christus:] ex Paulo 1. ad Corinth. c. 3. sed Christus Dominus dicebat de se verè, iuxta Vatis Regij scriptum: Psalm. 39. [Ego autem mendicus sum, & pauper:] cum dixit Matth. c. 8. Vulpes foueas habent, & volucres cæli nidus; filius autem hominis non habet, vbi caput suum reclinet.] Et Paulus idem sic de eo loquitur 2. ad Coriath. c. 8. [Qui cum esset diues, propter vos factus est egenus.] Membra verò huic capiti respondentia, & ab eo dependentia, libenter illius, & imitari, & excipere paupertatem, sic sunt professi semel, & semper repetere debent eandem professionem: sic dixit Petrus, omnium Ecclesiasticorum nomine: cuiusque, videlicet, in suo ordine: Matth. c. 19. [Ecce nos reliquimus omnia, & sequuti sumus te.]

Vnde insurgat, oportet, etiam apud sapientes, & prudentes, ingens admiratio, dum Ecclesiam, & Ecclesiasticos videmus, diuitijs copiosis, & facultatibus affluentibus abundare: itaut, præter aliarum Ecclesiarum, & ceterorum Ecclesiasticorum, per orbem, thesauros, redditus, emolumenta, & prouentus, sola vna Romana Ecclesia, & illius Beatiss. Pontifex summus, cum tot Illustrissimis, & Reuerendissimis Cardinalibus, quasi cum tot Proceribus, Senatoribus, immò Principibus, Ecclesiæ vni-

persæ ius dicens, cum tot tribunalibus, tot Prælatibus, tot Ministris suo splendore, sua maiestate, & magnificentia Catholicorum oculos delectet, Hæreticorum perstringat, Iudæorum pudefaciat, Machometanorum confundat, Gentilium in admirationem rapiat, & denique inimicorum omnium perterrefaciat; & tantus hic splendor, tanta maiestas, tam excellens magnificentia, eius thesauri, diuitiæ, gazæ per vndas, & super vndas maris, suo Ecclesiæ Romanæ ad ima pondere non trahentia, grâdi possunt; quia his affluendo diuitijs, noluit cor apponere; ex Psalm. 61. parata cum suo Pontifice Petri successore, sicuti in Primatus dignitate, sic, & in miraculorum gloria, vicariam ei operam præstare: & vndas maris calcando, ad Christum tantorum operum Auctorem, sicis gressibus peruenire.

Ardua res hæc est, opibus non tradere mores.

Immo cum diuitiæ, & earum splendor sit quædam æternorum vmbra bonorum, quod plus Ecclesiæ, & Ecclesiastici rebus æternis, & bonis veris, ac permanentibus acquirendis, studuerunt, eò plus illos rerum, & diuitiarum vmbra, quam fugiebant, temporalium est sequuta.

Hinc aliquando mirabamur, Paulum Apostolum, inter alias Episcopi conditiones, illas Epist. 1. ad Timoth. c. 3. & ad Tit. c. 1. tam anxie postulasæ, vt, scilicet, esset hospitælis, & benignus; & vt se gerat, sicut Dei dispensator, & suæ esset domui benè præpositus; nesi domi nesciat præesse suæ, Ecclesiæ Dei diligentiam non habiturum, consequentia Apostolica, colligatur. Mirabamur, inquam, super quibus prouentibus temporalibus, vel à Christo, vel ab ipsis Apostolis, & Paulo super Prouinciarum, Regnorum, Ciuitatum, Rerum publicarum secularium iuribus signatis, certis, & statis ab statu laico ipsis Episcopis tribuendis, seu reddendis, hanc curam bonorum externorum benignè dispensandorum commendassæt. Nam de portione, qua, de lure diuino, erat Episcopus à suis ouibus sustendendus, vt quæ tantæ partitionis non esset futura capax, nihil erat opus, tot documenta replicare. Celsauit tamen admiratio, postquam legimus apud ipsum Apostolum 2. ad Corinth. c. 6. [Quasi nihil habentes, & omnia possidentes:] in quo docuit, ab hoc diuitiarum neglectu, diuitiarum Ecclesiasticarum copiam expectandam. Quid hic de S. P. N. Benedicti Regula dici posset?

Q V A R T V M F V N D A M E N T V M.



Q V A R T V M sic fundamentum. Loquendo in vniuersum, non solum lex aliqua asserri non potest, qua ostendatur, omnium rerum dominia fuisse, ab ipsa origine, Principis, seu Regis solius, non etiam priuatorum hominum: verum neque hucusque clarè constitit, quando, iam hominibus suarum rerum à mundi initio dominium tenentibus, postea Reges, & eorum inceperunt potestates. Pro

quibus fundamenti veritate demonstranda, notauimus: primum Regnum, de quo in Scriptura sacra fit mentio, tyrannide Nembroth, fuisse erectum: ex Genes. 10. quia, iniusta violentia, multos hominum suo subdidit imperio. Id enim Expositores sacri illius ibi assertam venationem, id est, innocentium hominum oppressionem, explicant: de qua dicitur ibi: [Nembroth cepit esse potens in terra, & erat robustus venator coram Domino. Ab hoc exiuit prouerbum: Quasi Nembroth, robustus venator coram Domino. Fuit autem principium Regni eius Babylon.] Hunc sunt imitati illi, qui nefarijs artibus, prodicionibus, insidijs, corruptelis, nobilium hominum cædibus, imperium, vel in suos, vel in alienos vsurparunt; vt apud Græcos Pisistratus, Nearchus, Dionysius, Phalaris, Gelo, & tyranni similes alij computandi.

Ex hac ignoratione originis regie potestatis, quidam eam, ad astrorum motum, & causam, retulerunt: quasi ex constellationibus siderum, & signorum varia positione, nascentibus fatalis regnandi auctoritas præberetur. Hanc vanitatem redarguit D. Gregorius Homil. 10. in Euangelia, eos irridens Hæreticos, qui Christo regnum, stellam, de qua Matth. c. 2. fit mentio, dicebant, præsignasse: vnde Magos, siderum scientia præclaros, illius ortum regium, asseriebant, cognouisse. Reddit hanc causam Glossa celebrandi Pharaonem Genes. c. 40. & Herodem Marc. cap. 6. dies suos natalitios: cum existimarent, regiam suam Maiestatem à sui ortus horoscopo dependere.

Censuerunt nonnulli, & melius, homines, quos, ad hauriendam prudentiam, Spiritus sanctus per Salomonem, ad formicam misit, Prouer. c. 6. ad sibi de rege prouidendum, qui eorum pacis, & belli negotia, tractaret, naturæ ipsius instinctum, ad mundi totius, cuius homo est primaria pars, considerationem remisit. Cum enim omnes creaturæ ordine quodam dirigantur; cum cælorum orbis ab vno motore circumferantur; cum in elementis sit vnus super alterum dignitas, & excellentia; cum in bestijs, in volatilibus, in ipsis apibus, vnus certus detur gubernator, & ductor: cum in piscibus; cum in ipsis metallis gradus diuersitas, & perfectionum distinctiones reperiantur: cum in omnibus Vniuersi rebus, aliz emineant, aliz subsidant: aliz suo modo imperent, aliz pareant; esset monstrosus, si homo solus, cuius vsui creaturæ omnes seruiunt sublimares, & qui rerum est finis omnium, ex ipso Aristot. etiam 1. Physic. sine rectore viveret, sine ordine vagaretur. Hæc fuit Hieronymi sententia, Epist. 4. ad Rusticum, & ex eo 7. q. 1. c. in apibus, adnotatur.

Et prætermisissa Plinij Athei opinione, qui lib. 2. c. 7. Deorum, & inuentum, & nomen ad hominum, retulit necessitates; quasi pro earum numero, Deorum fuisset numerus inuentus, & auctus: dum quisque iuxta suam indigentiam, Deum qui illi succurreret, inuenisset. Cicero

acutiùs, & prudentiùs philosophatus, lib. 1. de Offic. hinc originem credit Regù emanasse, quòd pauperes ad diuitem aliquem potentiorè, qui eos à violètijs aliorum diuitem tutaretur, se conferentes, & illius se defensionì còmendantes, tamdè more, & dominandi hac consuetudine paulatim introducta, ad regiam maiestatem potentes illi benefactores adspirarunt. Et feliciter quidem regimen successit, quousque regia auctoritate in tyrannidem degenerante, ne Reges voluntate propria, vel voluptate potiùs, ad illicita liberè traherentur, de legibus per Respublicas fuit prouisum: cum aureis, & primis illis seculis, ex Seneca Epist. 91. sapientibus aliorum regimen obeuntibus, Leges, & Reges diuersis nominibus, seu vnius solùm litterarum diuersitate, ipsi tamen carceribus tenerentur.

Ciceronis locus est insignis, qui sic habet: [Iustitiarum fruendarum causa, apud maiores nostros, & in Asia, & in Europa, bene morati Reges, olim sunt constituti. Nam cum premeretur initio multitudo ab ijs, qui maiores opes habebant; ad vnum aliquem confugiebant virtute præstantè, qui cum prohiberet iniuria tenuiores, æquitatem constituenda, summos cum infimis pari iure retinebat. At, quia non semper ius æquabile ab vno viro consequerentur, leges sunt inuentæ, quæ cum omnibus semper vna, atque eadem voce loquerentur.] Et lib. 3. de Leg. ait idem Cicero: [Omnes antiquæ Gentes Regibus quondam paruerunt: quod genus imperij primùm ad homines iustissimos, & sapientissimos deferrebat. Deinde etiam posteris eorum prodebat; quod & in ijs etiam, qui nunc regnant, manet. Quibus autem regia potestas non placuit: sed eam se abdicare voluerunt, non ij nemini, sed non semper vni parere voluerunt.]

Refert Plutarchus in vita Romuli, pauperum, & seruatorum adunatas copias, Romulo, contra Regem Amulium conspirandi, & regium Romanum thronum conscendendi, fundamenta præstitisse. Cæsar 6. de Bello Gallico narrat, se Galliam factionibus, & dissidijs inuenisse discissam, quia pauperibus sub potentiorum protectionem se recipientibus, hi auctoritate pollebant, ceteris omnibus, ea remanentibus, destitutis. Vnde ponderat Budæus in Pandect. feudorum initia traducta; dum hinc vassalli subiectionem, illinc tutelam, & protectionem, illorum Domini, sponderunt. Et omnino Reges, à Republica, & à civibus habuisse auctoritatem, illaque esse posteriores, neutiquam autem Rempublicam à Regibus, est asseuerandum, dependere. l. 1. ff. de Const. Princip.

Iactum præterea fundamentum, eiusque etiam rationem adhuc clariùs verè esse constat hinc; quòd antiquo populo Hebræo sic promissit Deus, regia dignitate nondum in coerectis: [Omnis locus, quem calcauerit pes vester, vester erit.] Deut. c. 11. & Iosue c. 1. Ecce quot seculis dominia priuatorum hominum, Iudæorum Regum, super eos directuam, & coerectiuam potestatem præcesserunt; Deinde populo Iudicum imperio

fastidito, Regemque, unanimi consensu, efflagitante, 1. Reg. c. 8. & Saule, primo sibi Rege à Deo creato, ibi c. 10. illius id demeritis exigentibus, à Domino ipso reiecto: quantumcumque futurum Regem Dauidem, per Samuelem, Prophetico spiritu, ibi c. 16. designasset idem Dominus; ut tamen quæ esset causa, qua homines ducti, hominem alium in suum superiorem, & Regem eligerent, fieret nota; dum Dauidi promissa à Deo Prophetica in cunctis parabatur, refert sacra Historia de eius successibus, ibidem c. 22. [Et conuenerunt ad David omnes, qui erant in angustia constituti, & oppressi ære alieno, & amaro animo; & factus est eorum Princeps.]

Hinc ipse Dauid, iam quietè folio Regio inauguratus, & experientia edoctus, & spiritu afflatus Prophetico, Regiam Christi dignitatem in suo Regno excelsiori, & æterno describens, & omnium Regum, & omnium Gentium ad illam submissionem: sic dixit, Psalm. 71. [Et adorabunt eum omnes Reges; omnes Gentes seruient ei: quia liberabit pauperem à potente; & pauperem, cui non erat adiutor. Pareet pauperi, & inopi; & animas pauperum saluas faciet. Ex vsuris, & iniquitate redimet animas eorum: & honorabile nomen eorum coram illo.]

Et forsitan Messias, & Prophetæ magno, quem expectabāt Iudæi, plures ex illis temporali in Regno sedenti, eam esse Prophetiam aptandam, intellexerunt; cum turbæ illæ, Ioan. c. 6. ex paucis panibus, paucis etiam piscibus, satiata, quæsiuerunt, Christum tanti operis patratorem, quasi, cui illa Davidis Prophetia quadraret, in Regem constituere. Ipse tamen, qui consilij sui altitudine, non humanarum cogitationum humilitate, & æconomiam grandem nostræ redemptionis, & salutis meriebatur, qui in Maiestate, & potentia ab hominibus in Regem exaltari deuotaui, in vilitate, & præsepis angustia, immò in crucis ignominia, voluit ostendere, se Regem à Patre æterno fuisse constitutum: ex Psalm. 2. dum Matth. c. 2. Rex quæsitus à Magis Regibus, etiam coram Herode Rege: & Rex regū, & Dominus dominantium, in summa paupertate ab illis, in Bethleem, adoratus; & dum Matth. c. 27. à Centurione filius Dei verus, cognitus, & proclamatus, & ex consequio, & hæres vniuersorum, ad Hebr. c. 1. & ad Galat. c. 4. paupertatem, & vilitatem, docuit, fuisse, & olim futuram Regum stirpem: quæ si non præcessisset, illorum Regia potestas, & auctoritas, numquàm fuisset subsequuta. De quo adhuc 4. Parte, infra c. 3. vberior sermo redibit.

Q V I N T V M F V N D A M E N T V M.



V I N T V M sit fundamentum consequens. Homines, qui ciuitatem, regnum, Rempub. efficiunt, & integrant, tamquam ciues honesti, etiam honestis, & ingenuis immunitatibus sunt donandi; & ab Imperatoribus, Regibus, Principibus, & Reipublicæ Magistrati-

bus,

bus, ipsa que Republica tuendi sunt; & iniuria afficiuntur insigni, si super eorum bonis, leges ab eis præscribantur, quæ in mancipia potius, quam in honestos ciues, conditæ esse videantur. Hoc esse verum inde constat, quod ciues honesti, & probi, omnium antiquarum, & bonarum legum, omnium iustorum Legumlatorum auctoritate, & fauore, suarum rerum domini absoluti sunt, & constituti, & conseruati; adeo, vt tantisper dum Rempublicam non perturbant, vel aliquod designant facinus, cuius causa, vel ipsa, vel alter conciuvis, vel perturbetur, vel discrimini graui, aut leui, maximo, minimoue subiaceat; aut aliquod aliud detrimentum patiat; persolutis etiam, quæ iuste, siue iniuste, (de quo modo non differimus) exigerentur à Magistratibus, & Principibus vestigalibus, in reliquis, de suis rebus, prout animo fuerit collibitum, statuere viucentes, ac morientes possint. Cuius enim mortalium, (modo liber sit, & ingenuus) iure naturæ licet emere, vendere, permutare, donare, acquirere, & parta retinere, & rursus in vsus cuiusque Reipublicæ statui vtiles distribuere.

Doctrina hæc colligitur ex Apostolo Paulo, ad Rom. c. 13. sic scribente. [Principes non sunt timori boni operis, sed mali. Vis autem non timere potestatem? bonum fac, & habebis laudem ex illa; Dei enim minister est tibi, in bonum. Si autem malum feceris, time. Non enim sine causa gladium portat; Dei enim minister est, vindex in iram ei, qui malum agit.] Non permisit ergo Paulus, neque promisit Imperatoribus, Regibus, Principibus, & Magistratibus absolutam potestatem: vt promiscue, pro sua libidine, in omnes mortales, vel sequerent, vel eorum bona inuaderent, vel dispensarent; nec illis est datus gladius à Deo in omnes absolute, sed in eos tantum, qui male agunt. Petrus verò Apostolus idem docet, 1. Epist. c. 2. sic dicens: [Subiecti estote omni humanæ creaturæ, propter Deum; siue Regi, quasi præcellenti; siue Ducibus, tamquam ab eo missis ad vindictam malefactorum, laudem verò bonorum.] De quo loco est inferius 4. Parte profundius disputandum.

Sed ipsemet Christus Dominus huius ciuilis libertatis accedat prædicator, dñ Mat. c. 19. sic docuit quendam adolescentem: [Si vis perfectus esse, vade, vende omnia, quæ habes, & da pauperibus: & habebis thesaurum in celo: & veni, sequere me.] Ex quibus verbis, solis luce elarior, conuincitur, iure diuino, & naturali, hanc esse Ecclesiæ tributam potestatem, vt quis Christianus liberè se, suæque, Deo possit deuouere.

Inde licet colligere, quod tantisper dum ciuis nihil mali operatur, Diuina constitutione, Diuino, ac naturali iure, suas fortunas, potestati, cura, ac imperio Magistratus, Principis, Regis, & Imperatoris, habet immunes; possuntque ciues tam viucentes donando, quam moribundi suis vltimis tabulis, quibus voluerint, suorum bonorum, & possessionem, & dominium, (si aliis à suis maioribus non sint iuste ad id efficiendum,

prohibiti, vel impediti,) curam, & dispositionem, exclusa quacumq; alia Magistratus auctoritate, relinquere. Itaque Imperatores, Reges, Principes, Respublicæ, & Magistratus, in legibus condendis Politicis, quæ statû, & cōmodum concernant cōmune, tenent principatû. Attamen in re œconomica, & domestica, ciuis Paterfamilias Principē personā sustinet; domique statuit quid velit fieri, & à suis domesticis, circa res proprias, custodiri. Et ut ciuibz, in suis ædibus, hæc auctoritas illa sit constet, Magistratus secularis eis suum patrocinium, suam, ex omni iure, debent protectionem: ut eorum seueritate, omnes, ad quos spectat, talium ciuium parere cogantur voluntati. Quæ omnia, ea lege communi intelligenda censemus dummodo ciuitati, regno, Reipublicæ aliquod detrimentum graue non immineret, quod Magistratus seculares, ad maiorem, circa ciuium priuatorum fortunas, sicut in extremis sit casibus, auctoritatem gerendam conuocaret.

S E X T U M F U N D A M E N T U M.

SEXTUM sit Fundamentum consequens. Cum Apostoli edocti à Christo, fideles omnes ad debitam Potestatibus sublimioribus, subiectionem, & obedientiam præstandam, & præcipue Paul, ad Rom. c. 13. docuerint: ut in superioribus latissime explicuimus; nihilominus in oculis Magistratus secularis, etiam Gentilium Principum, quibus maxime, ad omne vitandum scandalum, dicti Apostoli volebant, & docebant, à Christianis esse obediendum; Christiani diuites liberè de suis facultatibus disponentes, suas domos esse Ecclesias, & pro peregrinis, & pauperibus Xenodochia simul esse voluerunt. Hoc probatur ex Hieronymo, qui Epistola ad Eustochium, seu Epitaphio Paulæ matris, de ea, refert, visitante sancta Palæstina loca, Cæsareæ Cornelij domum vidisse, Christi factam Ecclesiam: & Philippi Diaconi ædículas, & cubicula, quattuor virginum Prophetissarum, eius filiarum. Sic docet Thomas VValden. de Sacramental. tit. 17. c. 47. vbi cumque in nouo Testamento verbum hoc, Ecclesia, reperiatur, intelligendum esse, domum, vbi familia fidelium diues, & Deum colens, morabatur.

Paulus Apostolus hanc doctrinam mirè illustrat, ad Rom. c. 16. sic scribens: [Salutate Priscam, & Aquilam adiutores meos in Christo IESU, &c. & domesticam eorum Ecclesiam:] vbi Theophylactus, Ecclesiam vocari, dixit, non eo solum, quia Christi doctrinam susceperat, sed etiam, quia erat Xenodochium, seu cōmune Hospitale Credentium: iuxta quod idem Apostolus scripsit ad Corinth. 1. c. vlt. dicens: [Salutant vos Aquila, & Priscilla, cum domestica sua Ecclesia, apud quos & hospitor.] Et dicto c. 16. ad Roman. sic scripsit: [Salutant vos omnes Ecclesie Christi.] Et dicto cap. vlt. ad Corinth. [Salutant vos omnes Ecclesie Asia:] id est, omnes domus Christianorum diuitum, & potentium; circa quas, ut habe-

tur Act. c. 2. frangebant panem, scilicet, vitz, sacram Eucharistiam, fideles; & in quibus verbi Dei prædicatores, & pauperes, & peregrini Christiani hospitabantur.

Cuius doctrinæ, & Fundamenti si altius eruere voluerimus rudera, reperiemus in lege veteri quid simile: Deus enim, qui iniunxerat Iudæis, Deuter. c. 15. ne omnino indigens, & mendicus esset inter eos; præter alia remedia, egenis providendi, apposita ibi, c. 14. iussit, ut adducerent in domos suas peregrinos, pupillos, & viduas, ut comederent ibi, & saturarentur: iuxta quod Tob. c. 3. legitur, Sanctum illum senem, diebus festis, ad prandium timentes Deum, & egentes ex sua tribu, fuisse solitum invitare. Et qui illam legem tulerat, factus tandem homo, ad eius insigniter morem, apud Luc. c. 14. sic hortabatur: [Cum facis prandium, aut cenam, noli vocare amicos tuos, neque fratres tuos, neque cognatos, neque vicinos diuites: ne fortè te & ipsi reinuitent, & fiat tibi retributio. Sed cum facis conuiuium, voca pauperes, debiles, claudos, & cæcos, & beatus eris: quia non habent retribuere tibi: retribuetur enim tibi in resurrectione iustorum.] Hoc maxime confirmat id, quod superius dicebamus, hæc bona temporalia inter Ecclesiasticos, & pauperes distributa, plus utilitatis afferre dantibus, quam accipientibus; iuxta illud etiam, Pauli ad Philipp. c. 4. [Scitis autem & vos Philipenses, quod in principio Euangelij, quando profectus sum à Macedonia, nulla mihi Ecclesia communicauit in ratione dati, & accepti, nisi vos soli: quia & Thessalonicam semel, & bis, in usum mihi misistis. Non quod quero datum, sed requiro fructum abundantem in rationem vestram.]

Insigne etiam est huius rei exemplum 4. Reg. c. 4. duorum coniugum, diuitum, & charitate præstantium, qui Eliseo Prophetæ sancto, suæ in domo sua, congruum, & perpetuum hospitium assignarunt; quibus Eliseus *artiduper* exhibuit; primò desideratam prolem masculam illis, orationibus à Deo obtinens: & deinde illa mortua, eiusdem exsuscitationem impetrando. Qui mos agendi, maiorem arguit antiquitatem in Dei cultoribus; cum Abrahamus, Genes. c. 18. in ipso diei seruire, secus viam, ad ilicem Mambre federet, peregrinos, quos susceperet conuiuium, expectans; quem ibi latuit, ut ponderat Paulus Apostolus, ad Hebr. c. 13. Angelos hospitio suscepisse.

Quò tamen, quam fuerit vsus hic, & consuetudo primitiuæ Ecclesiæ rationi congruens, & faciles se præbere Christianos in suis domibus, in Ecclesiis; etiam, & Hospitalia, dedicandis, non solum ex charitate, & cultu Christiano; non solum ex legis antiquæ imitatione, sed à Gentili ritu, quodammodo possit videri, non abhorruisse; animaduertendum est, qualiter ex Homero, Odys. lib. 14. collegit, & probauit Iulianus Imperator Apostata, referente Histor. Tripartita, lib. 6. c. 19. apud Ethnicos, ad quorum vomitum, per Apostasiam fuerat reuersus, erigenda commu-

nia Xenodochia, quæ etiam institui præcepit; licet ex illo Homeri loco melius nos colligamus, domus proprias, Hospitia peregrinorû existisse. Vnde, quàm dignus fuit vituperari à Laetantio, lib. 6. c. 11. M. Cicero, qui domos Principum, & Magnatum, non pauperum, sed Illustrium, & similium Principum, docuerat, fore vîsibus, ministerijs, & hospitijis aperiendas: tam dignus fuit laude Cimon Atheniensis, qui, referente Plutarcho in eo, domum propriam, quasi publicum peregrinorum, & pauperum receptaculum, dedicauit.

Auctore Diodoro Siculo lib. 6. de Antiq. gest. in Hispanijs olim, amica disceptabatur contentione, quis peregrinos primus hospitio exciperet; dataque ipsis optione, ad quem diuertere præferbant, eum, tamquàm Dijs charum, reliqui venerabantur. Vt constet, hodiernum Hispanorum genium, in externis Nationibus, & facili, & comiter excipiendis, & cum eis Prouinciæ, immò latissimi sui Catholici Imperij opibus, ac diuitijs communicandi, Maiorû suorum, à Patriarcha Thubal existisse, quasi extremis tabulis, speciale legatum: à quorum exsequendis vltimis voluntatibus resiliere, grande, apud Catholicam Gentem, piaculum iudicetur.

Et omissa in imaginarijs, seu Idealibus Platonis legibus, lib. earum 12. hospites, & peregrinos suscipiendi, data forma; etiam modum, quo Indi, ex Strabone lib. 15. cum illis se humanè gerebant, præterlabentes: ad Romanos priscos, prudentissimos Politicos, veniamus; & ex Cicerone ad Attic. lib. 13. Epist. 1. videbimus, fuisse, per Magistratus, in domibus certis, hospitia designata ijs, qui, ad eam Republica agendum, quotidiè consuebant: quæ appellabantur, Parochiæ, & qui illis assidebant, Parochi: & hi ex Horatio lib. 1. Sermon. Satyr. 5. ligna, salemq; illis gratis præbere tenebantur. Hinc Parochiæ Christianorum, quæ ab Euaristo Papa I. anno à Christo nato Centesimo, sunt diuisæ, iuxta Budæum in Pandect. sic appellantur à *παροῖχος*, verbo Græco, id est, præbeo, quia in his viaticû Sacramenti Angustissimæ Eucharistiæ asseruatur: de qua prouisione fidelibus iam morituris, seu etiam viuentibus, ad animæ cibum præbeatur. Neque incongruè possunt, ab eo etiam trahi etymo, quia peregrinorum erant hospitia, & mansiones, in quibus Parochi debebant congruam illis sustentationem exhibere. Licet alijs, Paræcias esse dicendas, & à *παροικία*, id est, simul habito, nominis etymologiam esse placeat deriuandam.

Hinc licet considerare, priores illos nummos, & Illustres Romanos ad Christi fidem conuersos, valde curasse: domos suas in Ecclesiarum conuerti vsum: vbi & Diuina peragerentur mysteria, & pauperum, & peregrinorum consolationi occursum esset; vt hic Romæ inter plura alia exempla, in S. Pudentianæ Ecclesia conspicimus originalem illam Cappellam S. Petri: primum, videlicet, locum, vbi apud Romanos fideles ex Gentibus conuersos, Christi sacer Vicarius Missam celebravit. Nam

alids in Tranſlyberina regione, apud ſuos contribules Hebræos, qui ibi degebant ſimul, ſicuti hodie degunt apud Aſculapij inſulam, ſimile verò eſt, primò Petrum Apoſtolum ſacra Miſſarum myſteria peregiſſe. Similiter videmus S. Cæcilie Virginis, & Martyris domū in Campo Martio, ſub iſſdem antiquis materia, & forma, in Eccleſiam propè Excellentiſſimæ, ac Illuſtriſſimæ Burghefiorum familiz Palatia, (quæ quondam Illuſtriſſimi, & Reuerendiſſimi Petri Cardinalis Dezæ Hiſpani bon. mem. fuerant,) erectā, & conſervatam: ſicuti ipſa, à Deo triduanis inducijs mortis obtentis, voluit dictam domum propriam in Eccleſiam conſecrari. Quæ non minus, contra impios Hæreticos Eccleſiarum vaſtatores, oſtendit priſcorum deuotionem ſeculorum: quàm templi S. Petri in Vaticano miranda moles præſentium etiam arguit maieltatem.

SEPTIMUM FUNDAMENTUM.

SEPTIMUM ſit Fundamentum. Euangelij luce per orbem, vniuerſum coruſcante, & Eccleſia felicibus auſpicijs dilatata, hic mos, nullo Principe ſeculari impediẽte, in ea inualuit: vt quicumque fidelis, ſiue viuens, ſiue moriens, rerum, ſuarumque facultatū, & bonorum propriorum Eccleſiā, & Loca pia, & Eccleſiaſtica families hæredes inſtituere, vel quomodolibet bona ſua illis poſſet adiudicare. Hoc Fundamentum habetur expreſſè, ex pluribus Imperatorum legibus, etiam in corpore Iuris contentis, quas referre prætermittimus; quia nõ eget alia probatione, quàm oculata experientia, qua conſpicimus in provincijs Catholicis, Eccleſiam, & Eccleſiaſtica loca, & eorum Miniſtros opibus ingentibus ditari. Quas quidem non armis, aut bello, non uſurpatione, non occupatione, non ex lucro, non ex negotiatione illicita, nõ cum alterius iniuria, non mala fide; ſed ex antiquorum, ſeu præſentium fidelium dotationibus, largitionibus, eleemoſynis, reſtitutionibus, oblationibus, donationibus, legatis, vltimis voluntatibus, decimis, primitiis, vel ex propriæ indiſtriæ augmentationibus: vt loquitur S. Urbanus I. c. Videntes. 12. q. 2. ſuperius recitato.

Vbi poſtulamꝯ aduerti, idèõ nos affirmare, Eccleſiam liberè hæredem dictorum bonorum inſtitutam: ne legem Valentiniani ſupra relataꝯ nõ bis opponant. Nam illa, vt iam diximus, perſonarum ſordidus quaſtus fuit taxatus, circa hæreditates pupillorum, & viduarum: non autem Eccleſiæ vſus interceptus, habendi immobilia bona, ad miniſteria in ſacris Canonibus inſtituta. Nam de legibus Imperatorum Romani Senioris, & Nicephori, Phocæ, & Manuëlis Comneni de hac re diſponentibus, tamquàm de iniuſtiſſimis, nihil curamus; contra quas eſt ſatis ab alijs actū Scriptoribus. Illa verò Valentiniani lex, ab eodem fuit abrogata l. 28. eodem 2. tit. de Episc. & Cler. lib. 16. C. Theod.

RATIO DVBITANDI, CIRCA LEGES POSTERIORES,
de bonis Ecclesie acquirendis.

SED de legibus posterioribus seculis editis, vel edendis, circa prohibitionem faciendam Ecclesie, habendi bona plura immobilia, & de Amortizatione, de quibus differimus, ferre iudicium, satis est periculosum: cum prima facie videatur, vel Ecclesie libertatem, & immunitatem, cui Christianos omnes, & Catholicos pios fauere æquum est, vel Principum religionem, pietatem, & potestatem in discrimen esse vocandas. Adsit tamen Deus Pater, adsit Christus, Deus idem, & Dei filius, qui pro utroque statu, Ecclesiastico, & seculari, mortuus est: adsit Spiritus sanctus idem Deus, qui, iuxta Christi Domini promissionem, Ioann. cap. 14. doceat nos omnem veritatem: adsit Sanctissima Trinitas, vnus Deus, qui non solum omnes homines vult saluos fieri, ex Paulo 1. ad Tim. c. 2. sed etiam ad agnitionem veritatis venire: quæ dubio procul ex propositis Fundamentis difficiliori videtur inuenienda, vt propositæ Quæstionis, & Dubij exitus reperiatur.

Nam si quicquid bonorum Ecclesia habet, in seculariū, vel potiori pro ratione, vel saltem magna, cedit vtilitatem: vt habetur ex 2. Fundamento; Ecclesia enim cum suis Ecclesiasticis Ministris, super diuitiarum est fundata neglectione, ex 3. Si Imperatores, Reges, Principes, cuius subditis, & Rebus publicis fuere posteriores: & ab eis, iam in suorum bonorum dominij constitutis, regendi potestatem acceperunt: ex 4. Itaut priuati ciues, de bonis, & rebus suis, etiam inuitis Principibus, possint dispendere, ex 5. Vnde fuit ortum, vt Ecclesia nascente, quicumque Christianus diues ad libitum domus suæ, & Ecclesiam, & Hospitale, ex suis bonis sustentanda, consecrari procuraret, ex 6. Si temporis tractu id in Ecclesia, absque aliquo Principum secularium impedimento, feliciter admissum, & obseruatum fuit: vt Christiani omnes suorum bonorum siue mobilium, siue immobilium, Ecclesiam, & Ecclesiastica, & pia Loca, possent pro hereditibus constituere: ex 7. Hoc enim continent sex vltima præiacta Fundamenta. Et nihilominus, iuxta primum Fundamentū, posteriores hæc leges Amortizationis, bono animo sunt à secularibus Principibus excogitata: oportet, vt aliquis hic lateat error, qui explicatus doceat, æquo, & bono apparenti harum legum haud facile esse credendum: quò ad Principes seculares: saltem quò ad futurum rerum statum; & quò ad Ecclesiasticos Prælatos, & maxime summos Pontifices suadeat, vt melioribus, & iustioribus via, forma, & modis prouideant, qua ratione status secularis Principes pauidi, & ibi trepidantes timore, vbi non est timor, ex Psalm. 13. quiescant. Neque enim res hæc maiorem habet difficultatem, quàm aliæ multæ, quæ ex charitate, & iustitia, æquo, & bono, inter vtrumque ordinem transiguntur.

RATIO, ET IUDICIUM de his legibus editis.



IGITUR vel de his legibus resoluendum est, iam olim in provincijs Catholicis editis, vel de in posterum edendis. De legibus editis, censemus: vel fuisse editas, abusu aliquo Ecclesiasticorum earum legum conditionem exigente: sicuti superius dictum est, Valentiniani legem illam, hac occasione, fuisse latam. Nam si ea distribuendi bona Ecclesiastica ratio, a nobis supra ex sacris Canonibus expressa, modeste, sancteque seruata fuisset: forte neque tot hostes hodie Ecclesia pateretur; neque huiusmodi legibus diuitiarum, possessio, neque illius essent circumscriptæ. Attamen ex hoc capite hæc leges non possunt iustificari. Quia, vt supra ex D. Thom. & sæpissimè ex Iurisprudentium doctrina, cum Felino, c. Ecclesia S. Mariæ. de Constit. colligitur, frustra de honestate, & utilitate legis disceptatur, si potestas, legis non subfit, proferendæ.

Vnde existimamus secunda alia ratione, has leges fuisse editas: videlicet, propter locorum angustiam; nam quantumcumque Ecclesiasticæ personæ bonis suis honestissimè vterentur; adhuc in regnis, provincijs, Rebus publicis, & ciuitatibus, quæ strictioribus spatijs, & terminis angustioribus circumscribuntur, nihil mirum est, Principes seculares, aliquod ineonueniens reputasse; si Ecclesiæ, & pijs Locis, plura immobilia accrescerent bona; maximè, quia, cum de ijs legibus serendis tractauere, Ecclesiæ in dictis regnis, & provincijs, tam pro Ministrorum alimonia, quam pro externo Diuino cultu conseruando, diuitijs, ac facultatibus erat sufficientissimè decorata.

Ad hanc causam iudicamus referendas supra relatas leges Angliæ, & Lusitaniæ, & Genuensis Reipublicæ, & status Senensis, seu antiquæ eius Reipublicæ, quæ sunt, scilicet, regna, & loca minus spatiosa. Et in Anglia tunc temporis tertia pars bonorum temporalium totius Insulæ, in Ecclesiæ, & Monachorum vsum cesserat. In Lusitania verò Ecclesiasticus status, quæ Lusitanorum semper fuit insignis, & nota pietas, diuitijs erat copiosissimè honestatus. Genuensis Reipublica, & Senensis territorius angustis spatijs terminantur.

Verum quia ad dictas leges iustificandas, auctoritas in contentibus deficiebat: in Anglia, Ecclesiæ ipsius consensum, & Ecclesiasticorum, in Parliamentis ex maxima illorum parte constantibus, credimus accessisse. Quod idem de Genuæ, & Senæ legibus existimamus. In Lusitania autem Rex Alfonso III. per pactum nouum eas, referente Francisco Cohelio vbi supra, cum summo Pontifice, & Ecclesia transiegit: vnde iustæ, & iam non seculares, sed Pontificiæ permanserunt.

Tertia alia ratio iustificandi has leges est, si quod olim ex Genes. c.

47. Iosephi industria, ac diligentia in Aegypti regno accepimus cōtigisse, priuatorum bona Regibus, peculiari quodam iure, obstringerentur: & sic Princeps directum dominium bonorum totius regni, vel status, haberet: & Ecclesiarum aliis de necessarijs ad Ministros alendos, pauperes, proportionem suae dignitatis seruata, iuuandos; & cultum externum Diuinum instituendum, & seruandū, sufficienter, per certam dotacionem, prouidisset. His enim datis, nulla Ecclesia fieret iniuria, si Princeps, lege lata, illi, vltiori bonorum immobilium interdicere acquisitioni.

Ex hoc capite sunt iustae leges similes regni Valentini in Hispanijs: cum enim Rex Aragonum Iacobus, cum ingenti Christianorum manu, ad regnum Valentinum, à Maurorum manibus impijs eripiendum, pergeret; in Villa Alcañizes, Historiographis Hispanis referentibus, & quidem ex quodam illius Priuilegio id probantibus, votum simile emisit, quale olim Iacob Genes. c. 28. his conceptis emiserat verbis: [Si fuerit Deus mecum, & custodierit me in via, per quam ego ambulo, & dederit mihi panem ad vescendum, & vestimentum ad induendum, reuersusque fuero prosperè ad domum Patris mei, erit mihi Dominus in Deum: & lapis iste, quem erexi in titulum, vocabitur Domus Dei: cunctorumque, quae dederis mihi, decimas offeram tibi.]

Quo in loco haud est intelligendum, Iacob, ea conditione, Deum in Dominum se habiturū vouisse: si ea quae ab eo postulabat, ei benignè largiretur. Deus enim, & viuificans, & occidens, & pauperè faciens, & ditās, ex Iob c. 13. 1. Reg. c. 2. Deut. c. 32. & Sap. c. 16. Deus noster omnino est, & in ipso debemus sperare. Sed votū sic est cōceptum, Hebraico sermone id declarante: Si Dominus Deus, &c. reuersusque fuero prosperè, &c. & erit mihi Dominus in Deum; id est, si Deus hoc, & hoc fecerit, & se meum esse Deum demonstrauerit: *Se Iddio darà ad intendere al mondo, qualmente lui è mio Iddio, & io son seruo suo; & lapis iste, quem erexi, seu posui statuam, erit Domus Dei: id est, lui farà quella, & io in ricompensa, & in riconoscimento, farò un tempio, ex voto; il quale farà doue è questo falso drizzato. Id est, lui si mostrerà Iddio benefattore, & io se ben son seruo suo, pur mi mostrerò grato, &c.*

Similibus ergo votis se obstringens piissimus, & Catholicus Iacobus Rex, promisit Deo, si illi Saracenos regno Valentino expellere, & Christianos suos vassallos, illo concederet, posse potiri, se quamprimum Ecclesias, per regnum inuersum, sufficienter dotaturum. Deus igitur votis annuens Regis, victoriam illi de Machometanis tribuit; vnde directus Dominus totius regni euasit Valentini. Ipse autem votorum memor, Ecclesias totius dicti regni fundauit, & dotauit largissimè, fructuum omnium decimis ipsis integrè adiudicatis: quas summus Pontifex prius ipsi Regi speciali gratia concesserat. De quibus habemus in no-

stris serinijs relationem, seu Informationem missam à Rege Catholico Philippo II. clar. memor. ad prudentissimum suum Legatum Comitem de Oliuares : quòd, tēpore Sixti V. immortalis mem. Pontificis, & Principis, circa quamdam Decimarum litem, ab Episcopo Oriolen. motam, sanctissimum Pontificem, & S. Rotæ Auditorium, ampla satisfactione, quietaret. Rex autē successiuē suis subditis regionis illius spatia possidenda distribuit. Nihil proinde factum est præiudicii, nulla Ecclesia postea affecta est iniuria, si bona immobilia prohibita fuerit deinceps, Amortizatione non intercedente, possidere.

Ex quā doctrinā colligimus, quòd, ubicumque terrarum Ecclesiastici orbis, similes leges inueniantur : si Principes possunt probare, omnium rerum dominia fuisse eorum tantum, non etiam priuatorum hominum ; & quando spatia provinciarum, vel regionis, vel regni fuere per priuatos homines occupata, id beneficio Principum habuisse : qui sibi, iuxta cuiusque conditionem, Ecclesiæ verò, iuxta illius statum, de bonis temporalibus necessarijs prouiderent ; tunc certè tales leges, nulla essent ratione ab Ecclesiā, tuncquā iniuste, condemnandæ. Principes verò id probare non valentes, ad similes leges condendas, haud fortiori inducent ratione, quā si, ius illud Aegyptiorum, quod retulimus, ius, omnibus commune esse Regibus, induxissent.

Quarta ratione, hæc hucusque factæ Constitutiones, de bonis Ecclesiæ non ulterius adiudicandis immobilibus, Principum Amortizatione non interueniente, possunt iustificari ; quia, scilicet, ab ipsa Ecclesiā, & Ecclesiasticis Proceribus probatæ, & admissæ sint ; rogantibusque eas Principibus, à tot annis propalam, & publicè in vsum sint receptæ ; non quòd in aliquibus locis, ab initio contradictionem aliquam passæ non fuerint ; ut ait Papo, ad Consuetud. Borbon. §. 479. in initio : Sed quòd ab ea contradictione totus Clerus postea recesserit ; & tam longa annorum serie Amortizationem bonorum acquistorum impetrauit. Hoc sensit Petrus Belluga citatus, dictæ rubricæ, 14. num. 37. ubi citans Forum Valentinum editum super hac prohibitionem successionis, in Foro incipiente ; Si Algonorra de intestatis, asserit, fuisse factum cum consensu Curie, seu Comitiolorum, & consequenter cum consensu Brachij Ecclesiastici, qui pro bonis suis, & interesse proprio in Curiam, seu Comitiam, conuocatur.

Hæc ratio confert omnino ad excusationē fori regni Valentie, quando alia superius adducta legitima (sicut erat) non fuisset. Confert etiam ad Galliarum, & Burgundiæ leges iustificandas : quantumcumque aliàs Galliarum Regum non se suis Concordatis, seu Regalium iure, (de quouidendi Arnulphus Rufus de Amortizat. Grassal. lib. Regalium Franciæ, & Copinus de eius Regum dominio :) tueretur. Arg. cap. Inter corporalia, de translat. Episc. Gloss. in c. 1. de post. prælat. in.

6. & in c. Aqua. de celebrat. Missar. Et ad probandam Cleri consensus perennitatem, hæc tam à longe ducta Amortizationis postulatio mirificè facit. Tandem cum nemo sua bona iactare præsumatur, l. Cum de indebito. ff. de probat. dubium non est, quin aliquid fuerit, tamen si nos lateat, per quod ad consentiendum Clerus, & Episcopi, & summi Pontifices fuerint inducti.

RATIO, ET IUDICIUM

de legibus similibus edendis.

DE legibus, & similibus constitutionibus edendis, sic videtur dicendum. Rationes illæ decem, quibus moti aliqui Iurisprudentes latas has leges nituntur iustificare, & quibus inhærendo, in prouincijs, & Dominijs Christianorum, Principes, seu Respublicæ alias similes ferre vellent; illæ, inquam, rationes, quantumcumque ex capitibus, relatis etiam in discursu huius Tractatus, conditæ leges libertati, & immunitati Ecclesiasticæ non derogarent, iam olim neque placuerunt Abb. Panorm. Conf. 26. 62. & 63. & ad cap. Relatum. de testam. neque Felin. ad cap. Quæ in Ecclesiarum. de constitut. neque Federic. Conf. 86. neque Angel. ad l. Filius familias. §. Diui. ff. delegat. 1. neque Io. Andreæ ad cap. fin. de immun. Eccles. lib. 6. neque Cassaneo ad Consuet. Burgun. tit. des mains mortes. §. 10. num. 45. & 50. neque Euerard. Conf. 239. col. vlt. Immo nec Bart. quidem sibi contrario ad l. fin. C. de exact. Quorum vestigijs insistendo, neque nobis placere possunt: quasi quæ plus habeant apparentiæ, quàm existentiæ; & quæ, ut ex responsionibus ad illas constabit, Rhetoricum potius colorem, quàm calorem Christianæ antiquitatis, & charitatis, quæ sunt optimi textus iuris, videantur demonstrare.

SOLUTIONES AD ARGUMENTA.

AD primam ergo rationem respondetur: Difficillimè repèriendum Principem secularem, qui directum habeat bonorum omnium dominium, & cuius beneficio subditi ea habuerint bona; & casu admissio, procedendum est, sicuti supra. §. Tertia alia ratio, & seq. immediatè diximus. Immo magnam affert hodie admirationem: velle Principes ad originem suorum Principatuum confugere, à qua toties, suis posterioribus legibus in fauorem Ecclesiæ editis, recesserunt; & potestatem adeò vehementer vrgere, cuius initium, vel nescimus, vel si scimus, eorum, circa harum legum lationem, arguit potius impotentiam, quorum maiores olim summa veneratione, religione ducti, non solum ea vti non sunt, verumetiam cuiuscumque generis bonorum acquisitionem Ecclesiæ, & liberè permiserunt, & liberaliter adiecerunt.

AD secundam respondetur, Omnino res temporales ad laicos potius, quam ad Ecclesiasticos pertinere, & istis illos esse in eis præferendos: quæ benedictio de pinguedine terræ non idè illis decrevit, quia Ecclesia plura, & plura immobilia possideat bona; siquidem ex sacrorum Canonum statutis, in ipsorum laicorum magna ex parte cedunt utilitatem.

AD tertiam respondetur primò, Admittendo, quòd huiusmodi Constitutiones odio Ecclesiæ non edantur; sed quonià Ecclesia per eas sola excluditur, & ea sit earum ferendarum, pro potissima accepta causa: ut ipsa ultra non acquirat, ut ad dictum §. 479. ait Papo: certè unde Ecclesia vulnus accipiat, iuxta Hieronymi sententiam supra citatam, non multum interest: si tamen manifestè vulneratur.

Respondetur secundò, nimium extolli hic bonum publicum, cum tamen in quo consistat, neutiquam explicetur. Neque enim est intellectu difficile, plus hoc bonum publicum referre, ut multi pauperes ab Ecclesia sustententur, quam ut pauci diuites seculares agrum agro, domum, cupidissimè, domui coniungentes, & copulantes, ex Isai. cap. 2. tenaci opulentia, ingentibus opibus perfruantur. Et cum supra præcedenti Dubio, Considerat. 4. circa hoc multa dixerimus, nunc tantum exponimus contrà sentientibus præ oculis, exercitus hominum mendicantium, non solum ad fores Cœnobiorum Monasticam Religionem profitentium, qui maioribus in communi opibus abundant; sed etiam ad fores ipsorum Religiosorum Mendicantium, singulis diebus stipem accipientes, & magno gaudio refectos.

Quàm verò nulla, vel exigua sit earum eleemosynarum comparatio cum his, quas ab illis pauperes accipiunt, qui nunc in Ecclesiæ bona (proh dolor!) conuolarunt, sibi quæ tamquam propria, & auita adscripserunt, testes sunt illæ omnes prouinciæ, in quibus olim antiqui earum cultores Catholici, amplificandis Ecclesijs, earumque prouentibus intenti, verè commune bonum, hoc est pacem, & tranquillitatem, publicam, fidei vnitatem, & contordiam, fructuum ubertatem, commerciorum abundantiam, & facilem commutationem, & omnium denique rerum prosperitatem, Dei Opt. Max. beneficijs, obtinebant.

AD appendicem autem rationis tertiæ respondetur oculatissima experiètia, Plus multo utilitatis laicis accrescere ex bonis, quibus Ecclesia ditatur, quam illis decrevit utilitatis ex eo, quòd onera, de quibus conqueruntur, debeant supportare. Licet in hoc facillimè possit remedium adhiberi; rebus enim omnibus immobilibus nondum ad Ecclesiam translatis, possunt onera aliqua generaliter realia imponi, cum quo ad Ecclesiam transire debeant: ex Bart. ad l. Rescripta. de muner. & honor. Felin. & Panorm. d. c. Ecclesia Sanctæ Mariæ. Qua cautione, adhibita, ut est Auctor Matth. de Afflict. ad Constitut. incipien. Præde-

cessorum nostrorum. p. 3. col. 1. Carolus II. Siciliae Rex similem legem, ad eas, de quibus agimus, reuocauit: satis esse arbitratus, si bona immobilia ad Ecclesiam, cum antiquis suis oneribus, sicuti & honoribus, pertransirent. l. fin. C. de exact. tribut.

AD quartam respondetur, Leges has neque res, neque personas Principibus secularibus subiectas in his respicere. Circà quam rationem, doctrina quartò, & sequentibus Fundamentis posita, circà hoc Dubium, est notanda, & etiam solutio ad primam rationem. Adhuc tamen aduertimus, non solum dicta bona, & personas non subiaceri seculari Potestati in hoc, verumetiam Dei Opt. Max. singulari misericordia, & liberalitate, seu potius altiori, quàm quod homines, vel edere, vel intelligere possunt regimine, à secularium Principum fuisse subtracta potestate. Nam cum Ecclesia ex Decimis, & primitijs, & Christianorum his dotationibus, & donationibus, & legatis, tantæ Ministrorum, & Religiosorum, & pauperum, & peregrinorum, & secularis status, ex varijs causis, & rationibus, hominum multitudini (præter cultus Diuini externi auctoritatem magnificentissimè conseruatam) provideat: quibus omnibus, iuxta cuiusque conditionem, Politia secularis, cum diuitijs, in proportionem decupla, non provideret; immò numquam prouideret; quia hæc opera tanta ab Ecclesiasticis personis, per inter nos Spiritus sancti fieri solum possunt ductus, eorum charitatem inflammantes, secularibus neque sic affluenter communicatos, neque ratione status, communicandos: donum ingenis fuit Dei summi Gubernatoris, in hac parte ciuium fortunas à seculari Potestate subducere, ne omnes tantæ curæ in eorum solos humeros voluerentur.

ALids, quæ est etiam responsio ad quintam rationem, Principes seculares, omnes eorum Respublicæ, & vniuersus secularis status hanc, exempli gratia, subeant in Christianis regnis, & dominijs, prouinciam; vt Ecclesiastico vniuerso statui per singulas personas, iuxta cuiusque munus, qualitatem, officium, & conditionem, de victu, & vestitu congruo, & decenti provideant, in quibus cetera circumstantia intelligimus, (quod de iure diuino facere tenentur: vt in superioribus latè deductum fuit,) & deinde templa erigant, erecta conseruent, destructa restaurent, & eis necessaria impendant ornamenta, & quicquid ad cultum Diuinum, pro Ecclesiæ more, est opus contribuant; ædes capaces, & pauperibus suscipiendis opportunas ædificet, necessarijs suppellectilibus ornent, prouentibus annuis sufficientibus multitudini pauperum, & peregrinorum, qui conuenerint, curandæ, atque alendæ, & excipiendæ, ipsasque sufficienter dotent: Xenodochia, Orphanotrophia, Brephotrophia, Gerontocomia, & similia instituunt opera pia, ab Imperatore Iustiniano, & sequentibus in corpore Iuris supra relatâ, & vel ex eo, vel aliunde referenda: Monasteria verò tot Ordinum approbatorum viro-

rum, & mulierum conseruent; & ubi opus fuerit, alia de nouo erigant; & hæc omnia in omnibus ciuitatibus, villis, castellis, locis, vbicumque denique Christiani orbis multitudo Christianorum coaluit, cuiusque loci obseruata proportionem; & tunc nedum leges edant, Ecclesiæ vltiorem immobilium bonorum possessionem vetantes, verum omnia Ecclesiæ bona capiant, curent, dispensent, administrent.

Sicuti tamen sumus certi, hoc ad praxim, & exercitium numquam fore deducendum: & quia neque fieri potest; aut debet, immò inaginarium includit solum conceptum: & tandem inter alias rationes, ne prædestinatorum numerus tardissimè, multitudinem Ecclesiasticorum, ac Religiosorum, quæ tunc absque dubio nimis esset imminuenda, completeretur; sic sumus certissimi, tanto rerum ponderi mundi totius Imperatores, Reges, Principes, Respublicas, Senatus, Parlamenta, Consilia, Curias, Consistoria, præsentem denique, præteritos, & futuros homines seculares numquam fuisse, esse, vel fore suffecturos.

Cum igitur plura ex his operibus fuerint, per Christianum orbem, instituta à fidelibus Catholicis, & pijs, & in dies instituantur, tamquam medicinæ à Christo Domino adhibitæ, per eleemosynarum largitionem, seu alias restitutionem, animarum vulneribus curandis; neque simul, & semel debuerunt, aut potuerunt in Ecclesiastico orbe institui: neque est cur laica Potestas, eam sibi in personas, & in bona, arroget facultatem, ut animarum intercipiat suorum ciuium subditorum medicinas; quæ plusquam totius status secularis, & Reipublicæ diuturnitas sunt æstimandæ; cum [mundus transeat, & concupiscentia eius; Jex Ioan. 1. c. 2. & [prætereat figura huius mundi; Jex Apost. Paulo 1. Corinth. c. 7. animæ autem, pro quibus Christus passus est, cum ipse non constituerit vane filios hominum, ex Psalm. 88. eadem cum Christo sint æternitate duraturæ.

AD sextam, & septimam rationem ex proximè dictis etiam respondetur; & addimus adhuc: si tam ingens est periculum, ne sola Ecclesia omnia bona sibi accumulet, cur non ab ijs secularibus quoque sibi metuunt, & eos à plurium bonorum coaceruatione arcant, de quibus scripsit Isai. c. 2. [Vx qui coniungitis domum domui, & agrum agro copulatis, numquid vos soli habitabitis super terram?] Cur legibus similibus non obuiant illis, quibus auri sacra fames adeo infedit, ut, præter vicinorum agrorum cõemptionem, nihil cogitent diu, nihil noctu somnient, qui nihil quod vnum effertur, non illico sibi comparant, & totos penè pagos possident? Præterà quis vmquam, antè leges huiusmodi latas, Ecclesiam omnium rerum immobilium possessionem ad se traxisse vidit? etiam cum deuotio maior, & maior in Christianis charitas resplenderet. Immò non esset difficile probare, plus, in ijs quingentis vltimis annis, Ecclesiastica pia Loca perdidisse, quam in mille sequen-

tibus, si tot daret mundus, sit acquisitura: etiamsi nullæ similes leges intercedant.

Respondetur ergo strictissime, Quod cum ex Fundamentis præiactis, eo iure gaudeat Ecclesia, ut libere bona immobilia accipere, possidere, & retinere possit: nihil habet rationis, nihil continet energia, aut momenti, illud quod dicitur exaduerso, nihil Ecclesie detrahi, sed aliena tantum illi non communicari. Detrahitur enim multum Ecclesie, per has Constitutiones, cui potestas acquirendi, quæ iure communi ei concessa est, disertim adimitur: offenditur certe multum Ecclesia in quæsitis, per has leges, cum ei ius commune tot legibus, tot quæsitum titulis, versus acquirenda eripiat: quæ pluries sunt necessaria, ad conseruationem quæsitorum.

AD octauam rationem respondetur, Neque semper esse verum, Iura confiscationis in hisce bonis fisco Principis secularis adimi, ut ex l. iubemus. C. de sacr. Eccles. constat: neque hæc consideratio antiquos deterruit Principes, quominus illam, quarumcumque rerum acquirendarum, libertatem Ecclesie concederent. Confiscationes certe, Iura, Dominicalia, & similia contemnere, quam eo prætextu, Ecclesiasticum statum à commercio (ad quod vel infimus quisque laicus admittitur) arcere maluerunt. Sciebant enim optimè, Ecclesias Cathedralis diuites, Monasteria opulenta, & quæcumque Loca pia in subita egestate, in hostium insultibus, in quibuscumque ingruentibus periculis, quanto ipsis essent Principibus subsidio, quamque liberaliter tunc thesauros suos, siue æraria, quæ diximus, publica auri, & argenti sibi mutuarent, & absque usura concederent, vel omnino condonarent.

AD nonam rationem respondetur: Duci quidem argumentum à patetio, & voluntate defuncti, ad legem, seu statutum; sed rationis diuersitas inducit sæpissime iuris diuersitatem: l. Adigere. ff. de iur. patron. Nam qui paciscitur, & testatur, rebus suis legem, quam vult, absque alicuius alterius præiudicio, præscribit. l. In re. C. de testam. Principes autem seculares, has leges ferre non possunt; quia iurisdictionem quidem habent super subditos ciues, & vassallos; nequaquam verò directum dominium habent bonorum eorundem, ut est demonstratū. Vnde sine graui præiudicio, & Ecclesie offensa, leges has nequeunt promulgare.

Respondetur secundò, Quod paucorum testatorum prohibitio non potuit esse tanto Ecclesie præiudicio, quanto vniuersalis, & indistincta Principis, seu Reipublicæ interdictio, quæ non solum pauca quædam, immobilia, quæ defuncti in eam transferri vetuerunt, illi non addit, verumetiam omnium omnino bonorum constituit incapacem.

Tertio respondetur, Iure ipso naturæ considerato, diuersam esse rationem ciuium particularium, suarum familiarum conseruationi, & Principum, seu Rerumpublicarum, regnorum, ciuitatum, vel vniuersi

dominij, diuturnitati consulendi. Nam cum ciuis particularis in alterius ciuis domum, & bona nullum ius habeat, ad suæ familiæ, & eius posterorum diuturnitati, & ad eam necessarijs, succurrendum, quæ est ius naturæ commune, quod in extremis casibus, omnia ciuium bona, facit communia; faciliè, nisi ea prohibitione, filiorum, & posterorum prouideret perennitati, vel familia exstingeretur, vel in maximam paupertatem deueniret cui ex fortunis Concium, nequaquam ipsa Respublica, neque ipsi Principes mederentur. Ad quos cum particularium ciuium cura non tantum spectet, quotidiè experimur, plures homines, etiam nobiles, sua bona usque ad proteruiam, quod in sacrificijs olim dicebatur, faciendam, consumpsisse, neque id Principes curasse; qui vident ex illis bonis, hac familia, sine hoc ciue deficientibus; alias novas familias, nouos alios ciues excitari. Quæ ratio in Principibus, & Rebus publicis non militat: nam cum habeant facultatem, & auctoritatem extremis regnorum, ciuitatum, Rerum publicarum casibus, necessitatibus, & periculis, prouidendi ex ciuium, & hominum status cuiuscumque bonis, nihil subit Princeps, vel Respublica detrimenti, si Ecclesiæ bona immobilia accrescant quæcumque, neque eam translatio nem bonorum in eam, possunt umquam legitime prohibere.

AD decimam rationem respondetur: Toto cælo esse diuersum argumentum Pontificis, & Ecclesiæ bona sua alienari, per leges, prohibentium, & Principum secularium, similibus legibus, subditorum suorum bona non alienanda affectantium. Primò enim Principes non habent directum dominium bonorum, & rerum, quæ sui subditi habent, neque illis ea sunt obnoxia, ut est probatum; & ubi illud haberent, alijs supra dictis conditionibus in Ecclesiæ beneficium accedentibus, congruæ dotationis, &c. possent ad similiū legum procedere conditionem. Summus autem Pontifex, & Ecclesia habent dominium bonorum Ecclesiasticorum, ad suam, & pauperum sustentationem, & ad cultus Diuini externi auctoritatem, attributorum. Vnde illa possunt, & debent, legibus, alienationem eorum prohibentibus, conseruare.

Secundò seculares homines sua tractant bona, quasi propria, vti reuera sunt; & ideo non egent, veluti pupilli, & paruuli heredes, sub Principum potestate, quasi sub tutoribus, & actoribus, usque ad præfinitum tempus à Patribus, esse: sicuti docet Apostolus Paulus, ad Galat. c. 4. Immo nullus secularis bona sua iactare præsumitur: ex d. l. Cum de indebito. Ecclesiastici verò cum cælibatum profiteantur, inter alias rationes, ne ut docet D. Bonauentura 4. Sententiarum. dist. 37. q. 2. filijs bona Ecclesiæ usurparent, & qui Ecclesiam habent pro spiritali sponsa, & pauperes pro filijs, ad vxoris secundæ carnalis, eiusque carnalium filiorum affectum, ut in more est frequenti secundo alligatis matrimonio, dos prioris sponsæ, scilicet, diuitiæ Ecclesiasticæ traherentur: hinc fuit opus, ut quasi ho-

ntinibus, qui propria bona non tractant, hæredibus relinquenda: sed bona Christi, per Ecclesiam illis omnino, bonorum talium, quæ ad vitam, possident, alienationem prohiberi.

Tertiò, abundante in dies iniquitate, & charitate hominum refrigerante, nihil opus est, Principes seculares arctare subditorum manus, per se satis parcas, ne Ecclesiæ possint immobilia bona relinquere. Immo faciliè intelligitur, sola æternorum bonorum præuia consideratione, à secularibus similia hodie opera fieri, quæ à Principibus, nisi animorum prius immortalitate negata, nullis queant rationibus impediri. Eadem tamen assignata causa defectus charitatis, & iustitiæ in multis Ecclesiasticis vigente, omnino debuerunt omnes, ne Ecclesiæ bona distrahant, alienationis vitandæ legibus præueniri.

Quarò, Ecclesia non solum nulli non facit iniuriam, Ecclesiastica sua bona prohibens alienari; verumetiam consulit maximè status laici indemnitati: vt minoribus Respublica curis, circa pauperum subuentione, & Ministrorum victum, & cultus Diuini conseruationem, detineatur. Atamen Principes seculares, his legibus, sunt iniuri in suos subditos, eos vti mancipia tractantes, & quod in se est, effectus plures prædestinationis impediunt, Deoque volunt modum præfinire, homines vocandi, iustificandi, & glorificandi: ne omnino adspiret, & applicet hæc gratiosa munera, & vel per elemosynarum media, vel per illas de bonis suis, vel potius non suis, restitutiones, ad ea reseruet tempora maximè, quando vltimis tabulis suis homines Christiani sunt soliti donationibus, largitionibus, & pijs legatis, præteritorum labes criminum expurgare.

Conseclarium ex prædictis.

EX quibus omnibus id esse videtur consequens, vt si tam auitæ pietatis, quàm auitæ essent seculares studiosi nobilitatis, ferrent æquo animo, etiam cum aliquo incommodo, Ecclesiam in temporalibus bonis augeri: à cuius Prælati, & summis Pontificibus solum exoptarent, solum expeterent, Ecclesiæ reformationem, & sacrorum Conciliorum, & Tridèntini, quod est Ecclesiæ quasi oculi, maximam obseruationem: quò prædestinatorum numerus augeretur, & ea felicia accelerarentur tempora, quando Christus, ex Apostolo Paulo, ad Ephes. c. 5. Ecclesiam Deo Patri speciosam, & non habentem maculam, neque rugam, esset exhibiturus.

PERORATIO TRACTATVS IN COMMVNI,
de Politia, & Immunitate Ecclesiastica.



ET nos quidem, quia rem hanc, tantum in communi, & vniuersè, fuit mens pertractare, iam diximus. Diximus inquam, quia, quicquid ad leges Amortizationis editas, vel edendas iuste, est consequens, ab illis, qui materiam hanc in sua latitudine, tractauere, est

postulandum. Igitur in vniuersum de Politia Ecclesiastica, respectu Ciui-
lium legum secularium, & de Immunitate personarū Ecclesiasticarum,
& de Immunitate bonorum Ecclesiæ, a nobis, vt statui vtrique, & Eccle-
siastico, & seculari, cum veritate, & pro veritate, faceremus satis, tracta-
tum est, præcipuè ex sacræ Scripturæ, & Theologiæ fontibus, & locis; ex
cuius Tractatus discursu, credimus, fuisse satis explicatum, & demon-
stratum, quod si hodie Christianismi corpus denuò creandum, statuen-
dum, & per summum Pontificem, Prælatos Ecclesiæ, statum vniuersum,
Ecclesiasticum, Imperatorem, Reges, Principes, Republicas, statum vni-
uersum secularem, & denique ministerio ipsorum Angelorum esset, ex
Christi IESV Dei, & hominis cōmissione, erigendū, ordinandū, & dispo-
nendū; si hæc omnia essent facienda iuxta exemplar, quod nobis in
monte præsentia corporalis Christi in carne, & eius Apostolorum, qui-
bus aperuit sensum, vt intelligerent Scripturas, & eius Euangelicam do-
ctrinam omni mundi creaturæ prædicarent, monstratum est; essent om-
nino sic facienda, vt in nostris Conclusionibus, & resolutionibus explica-
ta sunt: quò illa constarent Principia, pro Fundamentis iacta, & Euange-
lica, Apostolicaque Decreta, inter vtrumque, & Ecclesiasticum, & lai-
cum ordinem firmarentur.

Cum enim nihil aliud vel proposuerimus, vel censuerimus, quàm id
quod in Scripturæ veritatis, & propositum, & iudicatum est; nihil inso-
lens affirmamus, iuxta prædicta a nobis, fuisse millies Ecclesiasticæ Im-
munitatis rationem disponendam, seu reponendam, ac redintegrandam:
si millies suis loco, & terminis, a quibuscumque, vel secularibus Princi-
pibus, per violentiam, vel ab Ecclesiasticis, per desidia moueretur.
Quis enim ignorat, de Ecclesiæ origine si instructus sit, Apostolos fan-
ctos, post illas illas litteras ab Ierosolymis, cum suo Decreto de cessa-
tione legalium, ad Antiochenes, remansisse ibi multis diebus, conquiren-
tes, vt docet Clemens lib. 6. c. 12. Apostolicarum Constit. vnâ omnes, quæ
ad communem vtilitatem, & correctionem necessaria esse iudicarunt?
Tunc Canones, seu regulas, Typos, seu formas, *Διατάξεις*, seu Constitu-
tiones ediderunt, Spiritu sancto illas iisdem suggerente, quibus omnis
Christiana disciplina a posteris obseruanda contineretur.

Hoc sensu scripsit Innocentius I. Viâtrico Episcopo Rhotomagensi,
etiam mittens illi sexdecim Capitula, ordinis Ecclesiastici conseruandis
quasi quæ Apostolica traditione Ecclesia Romana suscepisset: in cuius
Epistola sic habetur: [Digestas vitæ, & morum probabiliū disciplinas,
annexas litteris meis misi: per quas aduertant regionis vestræ populi,
quibus rebus, & regulis, Christianorum vitæ, in sua cuiusque professione,
debeat contineri: qualisque seruetur in Vrbe Romæ Ecclesijs discipli-
na.] & infra: [Propter eos ergo, qui vel ignorantia, vel desidia, non te-
nent Ecclesiasticam disciplinam, rectè postulasti, vt in partibus istiusmo-

di, quam tenet Ecclesia Romana, forma seruetur.] & subiungit: [Non quod noua præcepta aliqua impetentur: sed ea, quæ per desidi-um aliquorum neglecta sunt, ab omnibus obseruari cupiamus: quæ tamen Apostolica, & Patrum traditione sunt constituta: Paulo monente, State, & tenete traditiones, quas didicistis, siue per sermonem, siue per Epistolam nostram.]

Ex quibus missis Capitulis, tertium sic habet: [Si quæ autem causæ, vel contentiones inter Clericos, vel inter laicos fuerint exortæ, placuit, vt secundum Synodum Nicænam, congregatis omnibus eiusdem prouinciæ Episcopis, iudicium terminetur.] Quod Capitulum ex Apostolica traditione, quæ est in Can. 37. duxit ortum: cum iubeatur ibi, vt in Synodo prouinciali, quæ bis singulis annis habenda sit, Ecclesiasticorū causæ, quæ inciderint, & controuersæ dirimantur. Similiter & illud decretum, quod Innocentius refert eodem capitulo: [Vt si maiores causæ in medium fuerint deuolutæ, ad Sedem Apostolicam, sicut, inquit, Synodus statuit, & beata consuetudo exigit, post iudicium Episcopale referantur:] ex Apostolica item traditione est profectum, quæ Can. 34. habetur: in quo præcipiunt Apostoli, vt omnes Episcopi cuiusque nationis agnoscant suum primum, & eum tamquam caput habeant, & nihil ex maioribus causis, sine illius sententia agant. Vnde est consequens, multò magis eum cognoscendum, ac tamquam caput habendum, qui omnium, & primus, & summus est: qualis semper fuit Romanus Pontifex æstimatus.

Scribit Sophronius Patriarcha Ierosolymitanus, in Homil. de Agone Petri, & Pauli: [Postquam Beatus Petrus catenis illis, quibus, iussu Herodis, victus fuerat, fuisset Angeli manu, & potentia liberatus; multas eū regiones, propter Simonem Magum, perambulasse, verbum Dei prædicando: ac tandem, inquit, rediit Ierosolymam tertio anno vocationis Pauli; de quo ipse Paulus ait; Post tres annos ascendi Ierosolymam, videre Petrum, & mansi cum eo diebus quindecim: vbi (addit Sophronius) Canones, & Constitutiones fecerunt. Et Paulus quidem ad opus, ad quod vocatus fuerat, profectus est, Petrus verò iterum reuersus Antiochiam.] Hucusque Sophronius.

Hoc ergo officium Canonum Ecclesiasticorum effecere tunc Apostoli, sicuti in toto nostro Tractatu habitum est, διορθωτ, id est, corrigere praua: & hic eorum Canonum fuit vsus, præscribere ad communem vtilitatem Ecclesiæ, quomodo oporteat, in Ecclesia Dei conuersari; sicut Apostolus ad Timotheum docuit, 1. c. 3. Postquam enim præscripsit, quales esse deberent, secundum Ecclesiasticos Canones, qui essent Episcopi, aut Presbyteri, aut Diaconi ordinandi, addit: [Hæc tibi scribo, fili Timothee, vt scias, quomodo oporteat te in domo Dei conuersari; quæ est Ecclesia Dei viui.] & 2. ad Corinth. cap. 14. postquam præcepta de officio pronunciandi sacras lectiones in Ecclesia, quod ordinatis solum conue-

nit; & de docendo verbum Dei, quod est Sacerdotum; interdixit etiam mulieribus docendi exercitium in Ecclesia: subiungit, [omnia honestè; & secundum ordinem, fiant in vobis.] κατὰ τάξιν, Græcè, quod si nullè essent διατάξεις, id est, dispositiones; seu Constitutiones, quos, Canones, vocant, quomodo Apostolus, secundum ordinem fieri, præcepisset? Rufus 2. ad Timoth. c. 2. [Sollicitè, inquit, curâ, telpsum probabiliem, exhibere Deo: operarium inconfusibilem, rectè tractantem verbum veritatis.] Græcè habetur ἰσοπέδιον, quod verbum significat, siue in moribus, siue in verbo, non esse recedendum à regulis Ecclesiasticis: sed potius iuxta eas dirigendam esse vitam, & doctrinam. Mutuatque sènt Apostolus phrasim ex Salomonis Proverbijs, dicentis, c. 11. [Iustitia innocentis ὁρθοπέδιον ἰδίου, id est, rectâ incedit iustus, non declinans ad dexteram, neque ad sinistram, ad nimium, videlicet, quia, [ne quid nimis,] (ex antiqua Philosophia) neque ad parum, quia, [qui minima spernit, paulatim defluit,] ex eodem Sapiente: quæ sunt vitia; sed potius mediam ingreditur virtutis viam, ut tutissimus progrediatur.

Has Ecclesiasticas regulas, vivendi, degendi, gubernandi, ac in vniuersum Ecclesiæ impunitatem, siue quò ad personas, siue quò ad bonâ, obseruari, & optabat, & commendabat Paulus, ad Philip. p. scribens sic, c. 3. [Verumtamen ad quod peruenimus, ut idem sapiamus, in eadem permaneamus: regula.] Græcè est, in eodem ἁρμό. Est autem permanere in eodem Canone, ex Photij Patriarchæ Constantinopolitani interpretatione, eosdem mores seruare; & vnum, idemque sentire, tum in vita degenda, tum in doctrina. [Quemadmodum enim, inquit, qui aliquod dogma mutat, superiora etiam mutat, ac dissolvit: sic in vita, qui aliquid mutat, & relaxat, ac non potius eandem limam seruat, etiam antegressa lædit.] Addit Apostolus: [Imitatores mei estote fratres: & obseruate eos, qui ita ambulant; sicuti habetis formam nos. Multi enim ambulant, quos sæpè dicebam vobis, (nunc autem & flens dico.) Inimicos crucis Christi: quorum finis interitus; quorum Deus venter est; & gloria in confusione ipsorum, qui terrena sapiunt.] Quo loco ex peroratione, ad orationem esset nobis prolixiorem redeundum: si nonus Poliricoscū hisce Pauli verbis, vellemus vrgere, & convincere, ab Ecclesia illud regimen expellere nitentes, cuius formam, & scriptis, & sua persona ipsa, Paulus præstitit, & ad cuius imitationem omnes Christianos ebhortatur.

Non sumus tamen nescij, vnum hoc esse maximè necessarium, quo deficiente hæc optima pars doctrinæ à nobis proposita, difficillimè est, ab his quibus incumbit, vel approbanda, vel eligenda. Est quidem hoc vnum necessarium, in secularibus hominibus pietas; in Ecclesiasticis æquitas; in vtrisque charitas. Colligimus hoc ex Apostolis Petro, & Paulo, quorū hic, sic 1. ad Timoth. c. 4. scribit: [Spiritus autem manifestè dicit, quia, in nouissimis temporibus discedent quidam à fide, attendentes spiritibus

erroris, & doctrinis Dæmoniorum, in hypocrisi loquentium mendacium, & cauteriatam habentium suam conscientiam.] Et paulò post: [Ineptas autem, & aniles fabulas deuita; exerce autem teipsum ad pietatē: &c.] & 1. ad Timoth. c. 6. [Est magnus quæstus, pietas cum sufficientia.] & ad Hebr. c. 1. agens de Christo Ecclesiæ capite, ait, ex Psal. 44. [Virga æquitatis, virga regni tui:] alludens ad Psal. 118. [Æquitas iudicia tua.]

Petrus verò Apost. sic loquitur, 2. Epist. c. 1. [Vos autem curam omnē subinferentes ministrare, in fide vestra virtutem, in virtute autē scientiā, in scientia autem abstinentiā, in abstinentia autem patientiam, in patientia autem pietatē, in pietate autem amorē fraternitatis, in amore autem fraternitatis charitatem. Hæc enim si vobiscum adsint, & superent, non vacuos, nec sine fructu vos constituent in Domini nostri IESU Christi cognitione. Cui enim nō præsto sunt hæc, cæcus est, & manu tentans, obliuionem accipiens purgationis veterum suorum delictorum.]

Docent ergo nos hi diuini sermones, immunitatem Ecclesiæ, & Ecclesiasticorum regnum esse, & libertatem æquitatis, & idē cum æquitate, tam in spiritualibus, quā in temporalibus administranda. Docent nos, gradatione hac, seculares ad charitatis esse terminum peruenturos, fide, virtute, scientia, abstinentia, patientia, pietate, quæ ad omnia utilis est, & sufficiens: cum amorem pariat fraternitatis proximi, qui secum coniunctam habet charitatem Dei; immò quæ totum Euangelium in vnico hoc iustaurat præcepto, iuxta Apostolū, ad Rom. c. 13. scilicet: [Diliges proximum tuum, sicut teipsum: plenitudo enim legis est dilectio:] vt Dei, & proximi charitatē, quasi causam, & effectū, inuicem coherere necēssū sit.

Vt igitur huius corporis Ecclesiæ, quod ex Ecclesiastico, & seculari statu formatum est, compago firmiter hæreat, hæc in eo charitas ex Apostolo Paulo ad Corinth. 1. c. 13. oportet inueniatur, & duret; quæ in secularibus hominibus sit patiens, in Ecclesiasticis sit benigna: in illis non æmuletur, in his non agat perperam; in illis non infletur; in his non sit ambiciosa; in illis non irritetur, in his non querat, quæ sua sunt; in illis non cogitet malum, in his non gaudeat super iniquitate; in vtrisque tandem congaudeat veritati; omnia sufferat, omnia credat, omnia speret, omnia sustineat; quò hac charitate, quæ maior est, & omnibus virtutibus excellentior, in Ecclesiæ hoc sicuti specioso, sic & mirabili, corpore non excidente, sequatur deinde, ex eodem Apostolo, ad Hebr. c. 2. & eadem 1. ad Corinth. c. 15. finis: cum Christus vnus Pastor vnus ouilis, ex Ioan. c. 10. tradiderit regnum Deo, & Patri: cum euacauerit omnem Principatum, & potestatem, & virtutem. Oportet enim illum regnare, donec ponat omnes inimicos suos sub pedibus suis:] ex Psalm. 109. vt [nouissimè inimica destruaturs mors:] & omnia, iuxta Psalm. 8. prædictionem, Christi Dei, & hominis pedibus subijciantur.

TRACTATUS,
DE POLITICA,
ET IMMUNITATE
ECCLESIASTICA,
QUARTA PARS.

INTRODVCTIO AD RESPONDENDVM
quibusdam Propositionibus Auctoris Anonymi,
scribentis contra Immunitatem Ecclesiasticam:
Et Christiana Paranesis ad Potestates seculares.

Cap. I. §. I.



RECTVM est iudex sui, & obliqui:] vt iam olim sum-
mus Philosophus Aristoteles docuit. Hinc si rectè in-
superioribus nostri Tractatus processimus Partibus,
obliquam quorumcumque aliter scribentium, seu sen-
tientium sententiam, credimus, fuisse sufficientissimè
confutatam. Nihilominus visis, quibusdam Propositio-
nibus, quæ, de Iurisdictione seculari, contra Ecclesiasti-

cos, A despote nuper in publicum prodierunt, nostra adhuc interesse iu-
dicauimus, vel superiorem à nobis vniuersè traditam doctrinam, per
nos ipsos in specie, ad quædam, in dictis Assertionibus, scripta prauæ do-
ctrinæ conuincenda, applicare; vel quædam etiam alia addere, forsitan
non contemnenda: quibus dicta scripta, nedum acui tangere, verum &
compungere, valeamus. Nam si omnia, quæ de hac materia dicenda no-
bis suppetebant, proferremus, multi, quibus consultò parcimus, fuissent,
nobis inuitis, appellandi.

1. De ardua ergo, & subtili materia, origine, videlicet, Ecclesiasticæ
& laicæ scripturis potestatis, est nobis purgatam crebrò qui personat
aurem, vt qui plura adduxerimus ex sacra Scriptura testimonia, quibus

potestatem Ciuilem Ecclesiasticam, esse de Iure diuino, confirmaremus; nunc singulari consideratione Apost. Pauli 2. ad Corinth. cap. 13. denuo integrum euoluemus. Cum enim ex eo, quasi valido argumento, induxerimus in 2. Parte, hanc Ecclesiasticam iurisdictionem, ex illis verbis: [Prædixi enim, & prædico, ut præsens vobis, & nunc absens, ijs, qui ante peccauerunt, & ceteris omnibus, quoniã si venero iterum, non parco.] & rursum: [Ideo hæc absens scribo, ut non præsens durius agam, secundum potestatem, quam Dominus dedit mihi in ædificationem, non in destructionem.] Eo, rursum capite euoluto, (repetimus, quod supra adnotauimus,) maxima dignum esse consideratione, censemus, Apostolum, dum de hac loquitur potestate, se non loqui, sed ipsum eius Auctorem loqui Christum, his verbis æternæ memoriæ consignasse: [An experimentum queritis eius, qui in me loquitur Christus?] O mira verba, & nullibi ab Apostoto, nisi de iurisdictione Ecclesiastica differendo, prolata!

3. Ergo Imperatores, Reges, & Principes seculares, quibuscum in sequentibus nobis agendum est, si quæ nostra est curia, & scientiæ, & sanctitatis suspellex, nequimus cum Apostolo dicere: [An experimentum queritis eius, qui in me loquitur Christus?] attamen eum, per suos sanctiores Ministros, loquentem, præcatur, audiat; audietis enim absque dubio: [quoniam loquitur pacem in plebem suam:] ex Psalm. 84. ad utrumque statum, & secularem, & Ecclesiasticum conuocatam.

4. Persuadere verò hanc pacem, hisce vltimis diebus, alicubi seculari Potestati, rem esse cum difficultate coniunctam, hinc colligimus: quia, ni nos fallit animus, ea nouissima instant tempora, de quibus Apostolus ad Timoth. 2. c. 4. sic Prophetice scripsit spiritu, [Erit enim tempus, eum, sanam doctrinam non sustinebunt; sed ad sua desideria coercerabunt sibi Magistros, prurientes auribus:] est casus recti Græcè *ἡρώδης οὐκ ἔχων*, id est, qui titillatur, & pruriunt auribus: quærentes, scilicet, qui sibi abblandiantur, impunitatem promittentes, & leniter aures scalpant, non veritate, & gehennæ terrore radant: vnde sequitur, [& à veritate quidem auditum auertent, ad fabulas autem conuerterentur.] Quibus verbis præstrinxerat eam doctrinam Apostolus, ut Episcopus Timotheus seipsum, circa Ciuilis potestatis facultatem arguendo, & increpando, instanter sicque & fortiter gereret: exteriorem, videlicet, iurisdictionem fori, exteriùs exercendo: de qua conceptis verbis, 1. ad eum cap. 3. si dixerat: [Peccantes coram omnibus argue, ut ceteri timorem habeant.] Contra quam Politicam potestatem Ecclesiæ, quattuor, quasi agmine facto, illas grauissimas insurrectiones statim prædixit: persecutiones, quæ sunt, videlicet, sanæ doctrinæ intolerantia, Magistrorum placencia loquendi prurigo, audiendæ veritatis fuga, & fabularum sequela.

5. Quibus persecutionibus obuiam iri posse, Apostolus ijs verbis docuit ibidem: [Tu verò vigila, in omnibus labora: Græcè mala

patere, opus fac Evangelizæ, ministeriū tuum imple.] Quattuor iostigna remedia, totidem illis morbis à Prælaris Ecclesiæ adhiberi postulauit: sunt hæc: vigilia: labor, seu malorum perpersio: constans Euangelij propositio: & sui muneris implementum. Vigiliam requirit tempus illud, quando sanam doctrinam, de potestate Ecclesiastica, Principes seculares non sustinebunt; ne forsan Pastoribus Ecclesiæ super suis gregibus, in re tanti ponderis, nō vigilantibus, vel forsan dormientibus, maiorē à Christianis Principibus Ecclesia in hoc, quā passa est ab Infidelibus, persecutionē patiatur. Cōstanti labore, quæcumq; mala patiēdo, illis est insudandū: vt acerrus ille Magistrorum blanda loquentium, auribus secularis Potestatis ea audire prurientibus, cū sit acerrus testimonij falsi, & cum Mercurij, (qui saltem viam, olim, iter agentibus, demonstrabat,) qui compareretur aceruo indignus, funditus destruatur. Euangelij doctrinā præ oculis, præ auribus laicæ Potestatis, semel, iterū, tertio, & sine numero repetita propositione per se, per Concionatores, per Doctores Ecclesiæ opponant: vt ad veritatem oculis perspicendam, auribus percipiendam, conuertantur. Et vltimò, muneris, & sui ministerij, & verbo, & exemplo velint implementum applicare: quo remedio, nedum fabularum sequela in secularibus plurimū cessaret Principibus; verū & ipsi, & eorum subditi ad Ecclesiasticam Maiestatem non solum agnoscendam, verū, & cumulatissimè augendam, conuolarent.

6. Et quidem assentionem ministrorum Principibus aperuisse ianuam, ad Ecclesiæ inuadendam iurisdictionem, iam ab hinc quingentis annis, de Imperatoribus Græcis agens, deplorabat Simeon Thessalonicensis, lib. 8. de Mysterijs, & cerem. Ecclesiæ ruinas, quas iam tunc sentiebat illud Imperium, impurans Imperatorum præsumptuosæ audaciæ, dum Ecclesiasticā occupabant iurisdictionem: neque quæ erant Dei, Deo reddebāt, sibi verò, quæ erant Cæsaris reseruabant: [vt omnia (verba sunt Simeonis) sint digna gratia Dei, res sacra constituta, ac secularis aucta, ac non potius contra, alterum ab altero intreat.]

7. Præterea, negligentiam Prælatorum suggessisse causam, vt plurimum potestas Ecclesiastica obnubiletur, grauissimè dixit Soto in 4. d. 25. q. 2. art. 2. in fine. addidit tamen diligentiam Potestatis secularis excessisse sæpius: inter quas, illorum videlicet negligentiam, & horum diligentiam, tertiam, qui posset auream, & inuenire, & applicare medio-critatem ex sacre Scripturæ fontibus, is beatam, & felicem sortem nactus fuisset, vltimis hisq; calamitosisque temporibus, putaretur.

8. Igitur cū Præfectorum Ecclesiasticorum exposuerimus munus, in hac Civili sacra potestate Principibus proponenda, eaque exercenda: ipsis Principibus legendum iam in primis proponimus Ezechielem Prophetam, c. 3. sic introducentem. Dominum sibi comminantem; [Et linguam tuam adhærere faciam palato tuo: & eris mutus, nec quasi vir

obiurgans, quia domus exasperans est,] Super quo loco dicit Glossa, Deum aliquando auferre doctrinam propter malos Doctores, aliquando propter prauos auscultatores, Attamen ibi mitius minatur Deus, qui maioribus Doctorem, & populorum id demeritis exigentibus, terribilior, iuxta Glossam in c. 10. Epist. ad Rom. introducit ab Apostolo 2. ad Thessal. c. 2. his verbis: [Eò quòd charitatem veritatis non receperunt, vt salui fierent; idè mittet illis Deus operationem erroris, vt credant mendacio, vt iudicentur omnes qui non credunt veritati, sed consenserunt iniquitati.]

9 Itaque aliud est, Deum, Doctores Theologos, seu Iurisprudentes Principum secularium Consiliarios mutos, & non obiurgantes reddere: aliud est, occulta sua nobis permissione, eos loquaces, & sacrorum Canonum, & eorum Auctorum, & defensorum compati obiurgatores; vt non solum veritatem Dei in iniustitia detineant; iuxta Apostoli dictum ad Rom. c. 1. verumetiam videantur, in sanctissimæ Trinitatis simili Consistorio, quale 3. Regum. cap. 22. refertur, cum simili alio effectu, confedissee. Nam sicuti ibi Domino dicente: [Quis decipiet Achab, Regem Israel? &c. Egressus est spiritus,] & ingeniosum, sicuti promptum, sese obtulit illius deceptorem: addens ad illam Domini interrogationem, qua nam versutia esset huiusmodi deceptio peragenda? [Egrediar, & ero spiritus mendax in ore omnium Prophetarum eius:] Dominus illius spontaneam suscepit obedientiam, & subitam oblationem, dicens, [Decipies, & praualebis; egredere, & fac ita:] simili discursu videtur Dominus, propter occultas nobis causas, siue peccata sint populorum, seu errata Principum; siue in nostri malè collocati temporis vltionem, siue ad Ecclesiasticorum probandam patientiam, siue ad totius Ecclesiæ exercitium: ne, non afflicti persecutionibus, otio Christiani torpeamus: videtur, inquam, Dominus, hisce nouissimis temporibus, ad generale Concilium Doctores nonnullis Neotericis, Angelis etiam desertoribus conuocatis, proposuisse sic: Quis decipiet status secularis Christianos Principes aliquos? &c. & Dæmonibus, (qui credunt quod de iurisdictione Ecclesiastica credendum est, & contremiscunt,) præ pudore, & timore, tacentibus, homines quosdam, se voluntarios, & promptos Magistros errorum, & deceptionum, iisdem, quibus Sathan sese ibi obtulit, verbis vtentes obtulisse. Nos, scilicet, subiungentes, decipiemus eos: & Domino rogante, In quo? Egrediemur, dixerunt, & erimus spiritus mendaces, & iuxta illud Ezechielis, cap. 13. [addentes loquemur de corde nostro: videbimus vana, & diuinabimus mendacia, dicentes: Ait Dominus, cum Dominus non miserit nos, & perseuerabimus, confirmâtes sermonem: Principes ædificabunt legem contra Ecclesiam immunitatē parietem, & nos liniemus eam luto, absq; paleis, & absq; tēperatura:] Ex quo tamē fiet consequens, iram Dei super talium Do-

ctorum impietate, iuxta Paulum, ad Rom. c. 1. esse seueriffimè reuelandā.
 10 Meliora tamen de vobis, Christiani Principes, exspectamus, meliora nobis de omnipotentis Dei promittimus misericordia; qui etsi Doctores hos egredi permiserit, at non addet eorum Doctorum, & ductorum, seu seductorum, spontaneam oblationem acceptare; dicendo; Egredimini, & facite ita: speramus enim casurum, secundum Ezechielis ibidē prädictionem, parietem dispositionū quarumcunq; Ecclesiasticā Maiestatem violantium, imbre inundante, seu flumine de sacræ Scripturæ ventre fluente, prægrandibus etiam lapidibus Doctorum piorum, Catholicorum desuper irruentibus, & vento procelle Diuinæ veritatis dissipante. [Audite ergo] ex Jeremia cap. 13. [& auribus percipite, & nolite eleuari: Date Domino Deo vestro gloriam, antequam contenebreat, & antequam offendant pedes vestri ad montes caliginosos. Expectabitis lucem, & ponet eam in umbrā mortis, & in caliginē. &c. Dic Regi, & dominatrici, humiliamini; sedete: quoniam descendet de capite vestro corona gloriæ vestræ,] Cauete ne illud Isai. c. 29. in vobis compleatur, [Claudet oculos vestros, Prophetas, & Principes vestros, qui vident visiones, operiet.]

11 Immo supplicamus, consulatis Hadrianum VI. piissimum, & doctissimum Pontificem, tractantem hunc locum, Quodlib. 4. & dicentem: nedum esse ingentem temeritatem, rei cuiusque iustum, vel iniustum, fas, vel nefas, non adhibitis necessarijs consilio, & Consiliarijs, suo proprio homines metiri iudicio, verumetiam in Consulentiū, iurare verba, & consilia, Domino Deo ad illa, orationibus humilibus, & cordis vera contritione, non vocato: quam doctrinam fuerat Alexander Alenfis 3. p. q. 30. memb. 3. art. 2. optimè prosequutus. Constat verò, illam, esse Spiritus sancti, per Ezechielem, c. 14. dicentis. [Homo, homo, de domo Israel, qui posuerit immunditias suas in corde suo; & scandalum impietatis suæ statuerit contra faciem suam; & venerit ad Prophetam, interrogans, per eum, me; ego Dominus respondebo ei, in multitudine immunditiarum suarum. Ut capiatur domus Israel in corde suo, quo recesserunt à me in cunctis Idolis suis.

12 Neque dedignemini, legere apud Herodotum lib. 2. Cræsum regem Apollinis Oraculum super negotijs grauissimis, consuluisse; quibus postea, præter eius ex Oraculi responsione conceptam spem, malè vertentibus, vehementer de Apolline conquebatur, illius responsa deceptionis insimulando; in super & loco auri, & argenti, & donorum, quæ, Voti nomine, illius erat solitus nuncupare templo: partem catenarum, & compedum ferreorum, quibus implicitus tenebatur, remisit, cum hac Epigrapha, seu hoc, Ex voto: Deos ingratos, & fallaces, alijs non debere muneribus honorari. Quam culpam cum Apollo in Regis incogitantiam reieccisset, qui suas non integras, in re adeo graui, partes

præstitisset, responsum dictionem, vim, & amphibologiam penitus examinando, coegit Cræsum ad Apollinis excusationem acceptandam.

13 Cum igitur, Christiani Principes, quid vobis opus sit facto, quod tunc inter vestram, & Ecclesiasticam potestatem emergunt dubia, ad consilia sana capiendâ, præfixerimus: is ultimus sit vobis lapis Lydius præ oculis, ad aurum seu stannum doctrinæ, & consilij vestrorum Doctorum, & Consulentiū probandum: An, scilicet, illi proprijs attendant commodis, suæ prospiciant utilitati, gloriæ inhiant inanitati, ambitioni studeant; his enim apud illos intercedentibus morbis vehementibus, intercessionē vehementi apud vos, orationum Sanctarum, instantium, precum, piarum actionum, eleemosynarum, ieiuniorum, & sacrificiorum, est opus, ut talium Consulentiū euitetis malignitatem; ne vestra, & consilia, & Dominia ad profundum errorum barathrum detraherentur.

14 Hinc S. Anselmus super illis verbis Apostoli. 1. ad Thessal. c. 3: [Gratis panem non manducauimus ab aliquo: sed in labore, & in fatigatione, nocte, & die operantes, ne quem vestrum grauaremus,] docet, Paulum ea ratione, nihil ab illis, quibus verbum Dei annuntiabat, accipere voluisse, ut liberioribus reprehensionibus illorum vitia notaret, neque munera ab illis accepta, Evangelio diffeminando obstitaret, aut Apostolicam correptionem impedirent.

15 Hinc Augustinus lib. de Utilitate credendi, c. 17 & refertur 14. q. 3. [Hæreticus, dixit, est, qui alicuius temporalis commodi, & maxime gloriæ, principatusque sui gratia, falsas, ac novas opiniones, vel gignit, vel sequitur; ille autem qui huiusmodi hominibus credit, homo est imaginatione quadam virtutis, & pietatis illusor.]

16 Valeant igitur Consulentes Principum mercenarij, qui sub nomine Magistrorum loquentes, quod munus secundum tempus nosse, & exercere debuissent, ex Apostolo ad Heb. c. 1. rursus egent, quæ sint elementa Dei sermonis edoceri: valeant, cum inter potestatem, & Policiam Ecclesiasticam, & secularem dissidia querant, discordias seminant, controuersias procurent: & qualiter à Christianis Principibus, & eorum Ministris, proprii Pastoris, cui dictum fuit à Christo Domino Ioan. c. ult. [Pasce oves meas,] Romani videlicet, Pontificis audienda sit vox, in sequentibus particulariùs demonstramus.

Occasione Propositionis prima Auctoris Anonymi, duæ extrema vitiose sententia, de Principum in Republicas potestate, referuntur.

Cap. II. §. 1.



VCTOR quidam Anonymus quarundam Propositionum, de Iurisdictione secularium Principum, agentium, campum latissimum nobis aperuit, ad hanc quartam Partem Tractatus circa consutationem primæ suæ Propositionis exornandam, & sic habet.

Pro-

Propositio Auctoris Anonymi.

POTESTA S, quam habent Principes seculares super suis statibus, & prouincijs, est illis concessa à Deo immediatè, absque aliqua exceptione.

1 **C**VIVS Propositionis illi duo termini, scilicet, [immediatè,] & [sine, vel, absq; aliqua exceptione,] infelicitè fuere à suo Auctore in Propositionis fastigio constituti: ut grauiori, eodem non consideratè, ruina, per suam sequentem explicationem cadendo, opprimerentur. Si enim, ut ipse statim explicat, quadruplici titulo Principatus acquiruntur: electione, videlicet, successione, donatione, & iusto bello, quoniam pacto à Deo immediatè Principibus conferuntur?

3 Terminus autem ille [absq; aliqua exceptione,] penitus consideratus, si eius sensus sit, nullum hominum statum, à seculari Principum iurisdictione esse liberum: ut minimum est erroneus; iuxta quorumcumq; Catholicorum Doctorum doctrinam: iuxta nostram autè, superius Parte 2. explicatam sententiam, est Hæreticus: cum in omni doctrina Catholica, Ecclesiasticus status, sit à secularium Principum iurisdictione saltem exemptus: in nostra autem, ex Christi institutione, & Apostolorum decretis, esse ab ea de iure Diuino immunem, ut credimus, comprobatur. Si ille terminus significet, absque vlla exceptione potestatis alterius, vel rerum, aut negotiorum; est omnino illius sensus Hæreticus: nulla est enim Christiani cuiusque Principis potestas, quæ iuxta nostræ 1. Partis Tractatus vnicam Conclusionem, & iuxta 1. assignatum Principium, aliqua ratione summi Pontificis, & Ecclesiæ non subijciatur potestati.

4 Circa priorem illum terminum, scilicet [immediatè:] cum fusius versari vellemus, negotio hoc semel, & iterum, & sæpius considerato, animaduertimus, rem omnem inter Politicam Ecclesiasticam, & secularem ubicumque controuersam, ad eò ad huius Propositionis veritatem, vel falsitatem esse restrictam; ut ea vel consistente, vel ruète, causam à quocumq; seculari supremo Principe, vel à sancta Sede Apostolica, & ab Ecclesia, quomodocumque de hoc controuertentibus, stare sit necessum: hinc, circa illius confutationem, erit operæ pretium prolixius immorari. Igitur hæc Anonymi Propositio simpliciter est falsa, quod faciliè probabitur: sed est absolutè hæretica: quod maiori eget probatione: nam esse piarum aurium offensiuam, scandalosam, temerariam, & erroneam, ex dictis, & dicendis manifestissimè cognoscetur.

5 Pro ea verò cōuincenda falsitatis, si adhuc nō exstaret lex Christiana, & hæresis, ea exstante, notamus: quosdam præsentium temporum Politicos, Atheismum quemdam, seu Idololatriam quādam in hoc seculorum sine, voluisse in orbe vniuerso, circa Principum, & Regum Maiestatem,

& auctoritatem renouare, Plinij impietate parem, qui hominem homini esse Deum, ipse cuiusque in verum, siue in falsum Deum, fidei expers, asseruit; & ea non inferiorem, quæ lib. Sapientię c. 13. 14. & 15. descripta reperitur. Sic enim pro Regibus, & Principibus causam agunt secularibus, vt non modò personas omnium subditorum, esse Regibus, & Potestatibus laicis supremis obnoxias, & mancipio, nexuque teneri: verumetiam res omnes populorum; atque fortunas ita Principum esse proprias; vt fructu dumtaxat singulorum esse videantur: Principum omnia esse dominio, singulorū vsu: illorum proprietate, horū verò possessione.

6 Ab his ergo si queratur, quis fuerit illius legis Auctor, per quā Austriaca familia cum Layni Calui, & Nunnij Rasueræ Castellæ antiquissimorum ludicum, vel Pelagij Infantis Gothi familijs, Hispaniarum, Borbonia familia Galliarum, Stuarda Scotiæ, & modo etiam Angliæ regna obtineant: similiter Dux perpetuus Reipublicæ Venetæ, Dux ad biennium creatus Genuensi, cum suis Senatibus præfideant: alijs prætermissis exemplis: respondent primò; quia, videlicet, legis Auctor est idem qui regnorum, qui Rerumpublicarum, Auctor est Deus, qui solus eam & potest antiquare. Respondent etiam secundò, sicuti Propositionis, quam redarguimus, Anonymus Scriptor, quia, videlicet, potestates, & iura, Imperatorum, Regum, Principum, Rerumpublicarum sunt à Deo illis immediatè concessa, sine exceptione, super suis statibus, & prouincijs.

7 Neque sibi ex sacra etiā Pagina auctoritates deesse credunt, quibus hæc somnia, quasi celsissima Oracula, confirmetur: [Per me Reges regnāt.] Inquit Diuina sapientia, Prouerb. c. 8. [Vt viuentes intelligant, Altissimum dominari in regno hominum, & dare ipsum cui vult:] dicitur à Deo, Daniel. cap. 4. Item Eccles. cap. 10. dicitur, [Deum transferre regnum à gente in gentem.] [Feci terram, & hominem, & bestiam quæ est in superficie terræ potentia mea, & dedi eam cui visum est dare: &c.] Ierem. cap. 7. Comminari Deus sic scribitur: [Dabo tibi regem in furore meo:] Osee c. 13. Et tandem habetur. Iob c. 34. [Facit, vt regnet hypocrita, propter peccata populi.] Item ad Rom. cap. 12. scribitur: [Omnis anima Potestatibus sublimioribus subdita sit.] Quibus addunt Isidori sententiam referri à Gratiano, dicentis: [Difficile est reuocare Principem in melius, si vitijs deditus est: quia populares metuunt Magistratū, Reges autem nisi retrahantur solo timore Dei, & tormentorum infernalium metu, præcipitant se in omnem licentiam: & se abire sinunt in abyssum peccati.] Neque est contemnendum, Reges ab Homero totius antiquæ Philosophiæ ferè Principe, *Διττοπότης*, & *Διττοπότης* vocari, idest, à Deo genitos, ac Dei nutritios, vt Iliad. 2. & alibi. Ad quæ Argumenta omnia, infra c. 5. plenissimè satisfaciemus.

8 Ex qua doctrina colligunt interim, numquid Reges, Principes, & Duces Rerumpublicarum supremos, cum suis Rebuspublicis accepisse,

vel accipere debere legem aliquam, ſuz ſupremæ poteſtatis, atque ditionis moderatricem: Principem enim animatam legem eſſe in terris, cuiusque poteſtatem, & iuriſdictionem nulla alia lege, quàm ipſius voluntate, in anguſtum poſſe cogi: & qui populi, vel effectus, vel affectu Numinis, in Regum, Ducum, Rerum publicarum poteſtatem conceſſerunt, nec ſibi parendi, nec Principibus imperandi modum vllum lege præſcribere potuiſſe: ſed vel ſponte ſua, vel inuitos, in eorum verba iurare coactos, legum quarumcumque vinculis ſolutum eis imperium reliquiſſe.

9 Non eſt nobis mens cum Catholicis velitare Doctõribus, qui pia, vt credimus, conſideratione, Regum poteſtatem extollunt, quò populi obſequentiores regibus redditi, Deo Regi regum ſeruentius obſequantur. Quo ſenſu, iuxta patrias leges, & antiquas conſuetudines, tanta eſt regis Galliarum in ſubditos poteſtas, & auctoritas; vt cum Baldus in Authent. Hoc amplius. verſ. quæro an filijs. C. de fideicommiſſ. [Corporatẽ in ſuo regno Deum,] appellarit: qui certè loqui modèſtiùs debuifſet. [Monarcham, & abſolutum dominum,] eum vocat Socin. Conf. 77. in 1. col. & Conſil. 175. in 2. col. Card. Alex. ad c. 1. Quæ ſunt regalia in viſib. fœdus. Franciſ. Curtius Conſ. 49. col. 33. & 34. ibi. Nono oſtenditur. Anton. Corſet. in addition. ad Panor. in c. Quæ in Eccleſiarum. in 2. col. de Conſtit. [Polum, ad cuius nutum regnum regitur, & dirigitur:] idem Bald. Conſ. 416. in 1. part. Quæ omnia Caſſan. 5. part. Catalog. Conſider. 30. Gregorius Tholoſan. lib. 33. c. 5. atque alij antiqui, & recentiores Gallici Auctores totidem verbis referunt, & ſequuntur.

10 Loquimur ergo de illorũ Politicorum, quos ſupra taxauimus, placitis, qui eam legum condendarum, & exſequendarum licentiam Regibus eſſe annexam edocent, vt quacumque impunitatẽ regiminis præpoſita, liberè poſſint per ſuarum propriarum voluntatum, libidinum, & appetituum, latiſſimos campos ſpatiari.

11 Alij rursùs Ethnicos, ſeu veriùs loquendo, barbaros mores renouantes, ſocietatum hominum poteſtatem, ſiue regnorum ſint, ſiue Rerum publicarum, ſiue quocũq; alio definiantur nomine, ſuper Reges, & Principes ſuos ad eò extollunt, ad eò exaltant, vt ſuperbè Regum diadematis, Ducum, & Principum ſceptris inſultent: & penes promiſcuam hominum multitudinem velint reſidere; vt ſupremos ſuos Principes in ordinem cogant, & ſuis e ſedibus, eos poſſe aſſerant, deturbare.

12 Pro hæc vtraque ſententia præcedenti ſeculo, poſt illius inſignem, euerſorem Lutherum, acriter à multis, qui ex illius popina prodierunt, pugnatum eſt: vi quidem & armis, luſuofiffimis exemplis, quæ apud Hiſtoriographos eſt facilè legere; ſcriptis autem, pluribus Libris, & Apologijs de regni, & Regum iure agentibus: quæ ſi ab hominibus exiſſent Catholicis, non mediocrem apud Reges, & Principes Chriſtianos, quæ eorum extollunt potentiam; vel apud populares homines, quæ eam de-

primunt, auctoritatem comparassent.

13 Huius utriusque sententiae Auctores, ea moti ratione, illius potius renouatores nuncupamus : quia prioris illius inconsideratissimi tenores, ne modò grauiori eos censura notemus, iam olim nequissimos Romanos Imperatores Caium Caligulam, Neronem, Domitianum, & similia monstra in tantæ avaritiæ hominum despicientiam, & totius Diuinitatis contemptum, extulerunt, ut inter eos Caligula, referente Suetonio in eo, num. 27. & 28, optaret, vniuersam Romanæ populi multitudinem, vna ceruice, vno citius ictu abscindenda, contineri. Nero autem, scribente Dione, Teridaten Parthorum Regem constituerit, quod illum quasi Mithram; seu illius gentis Deum Solem, adorarit; ipsum Neronem, suum esse fatum, suam esse fortunam, confitendo. Nostris verò temporibus, similes sermones, posteriores Anglorum Reges Henricum VIII. eius filium Eduardum, etiam filiam Elisabetham à moderato maiorum suorum imperio, in efferatam, & barbaricam tyrannidem ad eò transformauerunt; ut post proiectas antiquas patriæ leges, post oppressum Clerum, exinanitam plebem, spoliatam, fugatam, & concisam nobilitatem, ipsas tandem Ecclesias non solum auarissimè expilauerint, verum euerterint, & Catholicam religionem fœdissimè conculcauerint : religionis etiam, quoties libuit, innouandę, blasphemia ineffabili, sibi auctoritatem arrogantes.

14 Posterioris autem sententię placita, seu deliria, quos hodierna die effectus infelices pepererint, inter plura quæ adduci possent, vnicum sto exemplum Caluinistarum in Scotia rebellium facinus, contrà Maiestatem Catholicę, & piissimę Regiņ Marię presentis Regis Anglię, & Scotię matris: quod ipsemet impius Buchannanus latissimè suis in Historijs Scoticis enarravit. Primò enim Regina in Gallijs agente, ab ea facultatem, Comitia Parliamentaria, impetrarunt, conuocandi, & in ijs, quod è Republica videretur, constituendi. Ibi Catholicam religionem è tota Scotia decreuerunt profigendam : quod neq; è Republica erat, neq; de illo vmquam Regina cogitauerat. Deindè, Reginam è Gallijs illuc traicientem, sub eo exceperunt pacto, ne in statu iam recepto religionis quicquam immutaret : ipsi tantum, eiusq; familię vna permetteretur Missa, eaq; priuata. Tertiò, quia Kal. Nouembris in Sanctorum omnium festo die, eius Sacellani apparatus, de more, celebriorem, rei faciendę sacrę, adhibuissent, illud idololatriam esse interpretati, quæ erat Catholica religio à plusquàm mille annis, à prima eius conuersione in Scotia perpetuata, post Regiņ caput eorum Anathematis deuotum, Proceres ad eam bello domandam, & regno spoliandam inflammauerunt : ut tandem ab Anglię Regina Elisabetha impiè trucidaretur: qua iustitia id effecerit, æternis iam, cum impia altera Jezabela, quibus est addicta, flammis edocenda.

15. Si verò ad antiquos respiciamus mores, super falsis huius sententia fundamentis introductis, mirabilis venit considerata Asiaticorum Regum varietas: quorum alij, alterius extremi iudicii sectatores, adeò effrenati sunt tyranni, ut impunè quidvis perpetrent: & pro libidine, in omnium subditorum fortunas, & sanguinem grassentur: alij in aliud declinantes iudicium extremum, adeò seruiliter quorundam Procuratorum imperijs obnoxij viuunt, ut quindecim simul Reges Goz in eandem arcem inclusos, oculis orbatos, & regio expulsos throno ab ijs, qui, ipsorum uomine, regnum administrabant, narrante Otorio lib. 10. Hist. Emmanuelis Regis, primo suo in Indiam appulsu, fortissimi repperint Lusitani.

16. Horum extremorum duplicem eminentem scopulum, & vtrumque valdè periculosum, Catholici Doctores ex alto videntes, sanis, & sacris doctrinis efficiant, æquum est, ut media via Christiani omnes populi tutissimè gradientes, ad extremas errorum minimè dilabantur.

De Regum. & Principum secularium, seu Rerumpublicarum origine. Cap. III. §. 1.



NE QVE Tractatus præsentis contextus, neq; nostri suscepti argumenti, vel postulat ratio, vel admittit, ut longiorem instituamus sermonem, de Monarchia præstantia: de Rerumpublicarum siue Aristocraticæ, vel Oligarchicæ, siue Democraticæ gubernentur, ad Monarchiam comparatione: de Regum iuribus: de Principum secularium, superiorem non agnoscentium, statu: de cuiusq; laicæ Potestatis auctoritate: de legum fendarum origine, & causis: & alijs id genus nonnullis, de quibus, si per tempus, & vitam licuerit, in nostris Christianis Magnis Politicis olim fusissimè disseremus; & inferiùs aliqua etiam licet breuiùs adnotabimus: cùm eò tantùm nostra nunc properet oratio, ut assertam Anonymi Propositionem, quatenùs Principes seculi res in legibus condendis ab Ecclesiæ, & summi Pontificis nititur examine omninò subducere, Hæreticam, nedùm esse falsam, comprobemus. Sed ad ea quæ in præseti Cap. dicèda erunt, cùm optimè faciant illa, quæ superius. Parte, Dub. 3. Fundamento 4. adducta sunt, illis adhuc sequentia subtexamus: & quasi gradum quemdam, atque aditum, ad cetera dicenda, congruè fuisse præstructum, colligemus.

2. Si ab antiquioribus igitur Philosophis, & Philosophorum Principe, in rebus Politicis describendis, Aristotele, & eius sectatoribus Philosophis Gentilibus essent initia regnorum, Rerumpublicarum, seu ciuitatù exquirenda: qui mundum fuisse ab æterno, ex Sacra Scripturæ, & fidei mysteriorum ignoracione, asseruerunt, & ciuitates, seu Respublicas, &

regna ab æterno etiam dicerent exstitisse. Plato lib. 4. de Legibus, Aristocratiam laudans, eam, dixit, esse simulacrum, & imitationem quãdam iustissimi, & beatissimi imperij: quod aureo seculo sub Saturno Poëtæ tradiderunt: is enim Deus, immortales quosdam, quos Græci Dæmones vocant, dicitur constituisse; qui in officio mortales omnes continerent. Quam fabulam penitiùs perferutando, explicant Platonici Philosophi, iuxta suum sentiendi, & Philosophandi modum, vt nihil aliud ipsa fuerit significatum: nisi animum nostrum in partes distributum duas, quarum altera est rationis particeps, & immortalis, alia verò eiusdem expers, & morti obnoxia: quando igitur, dicunt, Dæmon, hoc est, sciens ille qui est, & sempiternus animus, in sciz, & mortali parti, idest, libidini imperat, & dominatur, non est dubium, quin siue indiuiduus homo, siue domus, siue ciuitas sit, summam beatitatem consequantur.

3 Neq; feliciùs, aut veriùs Poëtarum priores de hac re, vel luserunt suo seculo, vel præfenti luxerunt. Sicuti enim à Ioue Saturni filio principium Musas, sic ab eo principium autumant habuisse ciuitates: & cum postea in Deum sacranter, etiam sub illius solùm imperio Reges incepisse, docuerunt. Sic Horatius lib. 3. Carm. Od. 1. scripsit.

Regum timendorum in proprios greges,

Reges in ipsos imperium est Iouis,

Clari Gyganteo triumpho,

Cuncta supercilio mouentis.

Attamen Iouis tempora descensus Iacobi Patriarchæ in Aegyptum, tempus non antecesserunt; ciuitates verò, ex sacra narratione, constat antecessisse: cùm Cain ex nomine filij sui Enoch, Genes. c. 4. Mose referente, & Psal. 48. id ipsi, & sibi similibus, iuxta Hieronymi translationem, sic exprobrante: [Vocauerunt nomine suo terras suas;] ciuitatem Enoch ædificauerit Orbis primam; immò aui; vt sensit Reuer. Episcopus Tostatus, lib. de Optima Politia, neq; legitur, neq; creditur aliam, vsq; ad Noë tempora, fuisse secundam. Maxima tamen versatur difficultas, in regiminis reperienda forma, qua vel ciuitas Enoch à Caino constructa, vel illæ, quæ iam post Noë tempora ædificari cœperunt, utebantur.

4 Præsides hominibus datos, [ad vindictam malefactorum, laudem verò bonorum,] affirmat Petrus Apostolus 1. Epist. c. 2. Super quibus verbis sensit Innocentius IV. ad c. Quod super his. de voto, & vot. re. dempt. firmissimè Principum iurisdictionem fundari: sic dicens num. 2. [Iurisdictionem enim iustam, & rectam lego; vbi dicitur datus gladius ad vindictam, supra, de maior. & obed. solitz. sed quando cœperit, nescio: nisi fortè, quod Deus dedit aliquem, vel aliquos, qui facerent iustitiam super delinquentes: vel iure naturæ Paterfamilias super familiam suam habebat iurisdictionem omnem à principio: sed hodie non habet, nisi in paucis, & modicis: ff. de furt. respiciendum. & C. de pa. po. per

totum. Hoc autem certum est, quod ipse Deus per se à principio exercuit iurisdictionem: vt not. de for. compet. licet.] Cuius eruditissimi Doctoris, & pijsissimi Pontificis sententiam, suis verbis, ideò recitamus: quia ad sequentia magno est nobis vsui profutura.

5 Ipse ergo Deus, qui à principio per seipsum, vt inquit Innocent. exercuit iurisdictionem, vt patet in Caini sententia, pro fratricidio: potestatem regiminis ipsi hominibus naturaliter dedit: iubens namq; eorum multiplicationem, Gen. c. 1. & 2. voluit consequenter, hominum cœtus, & congregationes fieri: & inde vt haberent facultatem se gubernandi, leges necessarias constituendi, & iudicandi, ordinemq; Reipublicæ condendi: sine quibus, confusio, hominum congressus funditus labefactaret: dicente Salomone. Prouerb. c. 14. [Vbi non est gubernator dissipabitur populus.] De quo habetur insignis doctrina, in c. fin. 89. dist. tam in principio, quàm cum deinde dicitur; [Neq; enim vniuersitas, alia potest ratione constare, quàm si eiusmodi magnus eam differentiarum ordo seruaret.]

6 Discursus huius hoc est fundamentum; quia qui voluit finem, hominum videlicet societates, intelligitur, & voluisse illa media prædicta, sine quibus is esse nequiret. c. præterea. de offic. deleg. l. 2. ff. de iurisd. omn. iud. Præterea, fecit Deus hominem animal rationale Politicum: iuxta Arist. & S. Thom. illum explicantem, 1. Polit. quod idem siue is, siue alius Auctor inter eius Opuscula comprobatur, lib. 1. de Regim. Princip. c. 2. & 4. at hominum societas, sine tali gubernatione, neq; augeri, neq; posset conseruari. Et cum habeat homo, ipso Cicerone lib. 1. Offic. referente, quod & docetur l. Vt vim. ff. de iust. & iure. insitam naturaliter potestatem se, vitam suam, corpusq; tuendi, cum moderamine, videlicet, inculpatæ tutelæ: absq; dubio habet facultatem in societate, ac congregatione hominum ea disponere, quæ, congruo medio regimine, efficiant, vt inter eos pax mutua consequatur. Immò sufficit, Deum hominibus rationem naturalem indulsisse, vt omnia, quæ à ratione nativa oriuntur, qualis est ordo gubernationis, ac iurisdictionis, & ad eam necessaria facultatis, ac potestatis, ipsi naturaliter fuisse concessa censcantur.

7 Iure Gentium fuisse instituta dominia, & regna, habetur l. Ex hoc iure. ff. de iustitia, & iure. A mundi namque conditione, nulla inter homines excellentiæ distinctio præcesserat: vt §. 1. in Authen. Quibus mod. effic. sed cum homines inuicem aduersari, & bellare cœpissent, ad diuisiones ideò Gentium deuentum fuit: & necessitate cogente, ne minor à maiore, pauper à diuite, debilis à fortiore grauaretur, capite indigerunt, & Reges fuere creati: vt dicta l. Ex hoc iure. docuit optimè Bald. Vtilitatis ergo, ac necessitatis ratione, multitudini, & populo Magistratus præponi, oportuit, qui cum moderarentur, regerent, & gubernarent.

8 Quòd si res altioribus à principiis sit petenda, certum est, aut omnes homines oportere esse iustos, & probos, quique seiplos præclare regant, & agant ea quæ sunt rationi consentanea: aut necesse esse, alios ab alijs gubernari: si vlla sit societas constituenda. At omnes rationi obsequi, hominum corrupta natura, & mores prauī non patiuntur: cū ne metus quidem legum, Magistratum, ac Potestatum timor, aut prompta supplicia, satis retinere, vel coercere possint nefariorum hominum impetus, & conatus: vnde necessum est, nullam societatem, neq; etiam latronum, sine Præfecto exsistere posse diuturnam.

9 Hinc Cicero 3. lib. de Legibus, ait, [Sine imperio, nec domus vlla, nec ciuitas, nec gens, nec hominum vniuersum genus stare, nec rerum natura omnis, nec ipse mundus potest.] Et ex eodem Cicerone lib. 3. de Repub. sic refert. Augustinus lib. 4. contra Iulianum, c. 12. [An non cernimus, optimo cuiq; dominatum, ab ipsa natura, cum summa vtilitate infimorum, datum?] Aristoteles 3. lib. Polit. c. 4. dixit: [Hominem esse natura ciuile animal exposuimus: ac proindè homines etiam si ope mutua nihil indigeant, nihilosecius ad conuictum esse præliues. Oportuit igitur, vt præter id quod homines ad proprium mouebat bonum, vniuersiufq; esset etiam aliud, quod moueret eos, ad bonum commune multorum: propter quod & in omnibus, quæ in vnum ordiuntur, aliquid inuenitur, quod alia regat.]

10 Hæc doctrina est etiam A Egidij Romani Tract. de Regim. Principum, lib. 2. par. 1. c. 1. quæ habet insigne fundamentum, illud Spiritus sancti proloquium, Prouerb. cap. 11. [Vbi non est gubernator, dissipabitur populus.] Vnde Chrysostomus, in cap. 3. Isaia, dixit: [Nihil vniquam est intractabilius, quàm Respublica, quæ vacat Principatu quemadmodum neq; periculosius quicquam est, naui suo gubernatore destituta.] Et ad populum Antiochenum Homil. 6. [Si Principes de ciuitatibus abstuleris, feris irrationabilibus similem irrationalem vitā degemus, inter nos mordentes, & nos deuorantes, pauperiorem potentior, mansuetiorem audacior.] Seneca 1. lib. de Clementia, dixit: [Imperium, est vinculum, per quod Respublica coheret.] Et Plato tandem in Protagora sic prius docuerat: [Congregati homines sibi inuicem nocebant, se inuicem iniurijs, & damnis afficiebant: quare dispersi iterum à feris lacerabantur. Necesse igitur fuit, vt congregati, in officio, per vnius imperium, continerentur.]

11 De nomine verò horum Præsidum, seu iurisdictionem exercentium, si queramus; Augustinus 15. de Ciuit. Dei cap. 20. non dubitat, eos Reges appellare; & eorum primum Cainum, qui in dicta ciuitate Enoch regnauerit: addens, non fuisse consequens, vt primogeniti in regnum regnantibus succederent patribus: sed quos regnandi meritum, propter virtutem terrenæ vtili ciuitati, vel fors aliqua reperiret: vel ille po-

tissimum succederet Patri, hereditario quodam jure regnandi, quem præ ceteris filijs dilexisset.

12 Et quantum ex antiquioribus Historicis Gentilibus elicere possumus, Reges etiam fuisse nominatos, primos illos Præfectos, scripsit Dionys. Halycarnas. lib. 5. sic dicens: [Omnes Græciæ ciuitates initio sub Regibus erant; sed posteaquàm eorum nonnulli abuti potestate ceperunt, & in rebus admiuistrandis, non tam rationem, quàm suam libidinem consecrari, regni tadio, magna pars statum publicum mutauit: in leges, & magistratus, omni potestate, ac dominandi ratione transcripta.] Sequitur Corn. Tacitus sic lib. 3. dicens: [Vetustissimi mortalium nulla adhuc mala libidine sine probro, sine scelere, ideoq; sine pœna, aut castigationibus agebant. At postquàm pro modestia, & pudore, vis, & ambitio ingruerat, prouenire dominationes, multosq; apud populos æternum manserunt. Quidam statim, aut postquàm Regum pertæsum est, leges maluerunt.]

13 Itaq; ut ex dictis omnibus colligi potest, primò Ciuiles hominum societates, vnum aliquem virum bonum, qui ius illis diceret, Reges creabant. Is cum temporis interuallo degeneraret, neq; ab eo semper ius æquabile consequeretur, sed ex odio, auaritia, vindictaq; cupiditate, iniquè, & factiosè iustitiam administraret; eadem societates, legibus, à quibus non recederet, constitutis, eius potentiam aliquantisper infringebat. Cum autem ne sic quidem officio fungeretur, aliæ societates eum nouis sanctionibus, & regularum vinculis fratrarent, aliæ penitus tollentes, novos Magistratus instituerent Aristocratiæ, vel Democratiæ, Rerum publicarumve alias mixtas formas eligentes.

14 Colligitur etiam secundò, populorum, qui Reges, Principes, seu quoscumque imperantes Magistratus, sibi constituerunt, aliam esse habendam rationem ab ipsis imperantibus, quàm Politici homines asserunt: cum constituentes illi, quæ constituentes fuerunt, essent eminentiores: nequè ex eo, quòd potestatem suam in Præfectos illos, ut sibi æquabile dicerent, transfulerunt: sint non quasi homines, sed quasi pecudes gubernandi. Absit autem, ut cum populi potestatem supra prædictos Præsides declaramus, inconditam, ac confusam turbam, multorum caput belluam, quam vulgus nominant, intelligamus: quæ insipientis sumi cuiusquam furias, ferè semper, sequitur: apud quem sine rationis discrimine, sine iudicij ordine, sine mentis consideratione sepius oritur.

*Seditio, faustiq; animis ignobile vulgus
Lamq; facies, & saxa volant; furor arma ministrat.*
ex Virgil. Aen. 2. Huius enim captare auram, animi corrupti, maliciosi, & iniusti semper fuit vitium, apud Ethnicos etiam sapientes, reputatum. Sit ergo propria, germana, ac Christianæ disciplinæ, post veram Politicam, populi acceptio, ut Procerum, Senatorum, ac eximia virtutis

probitatis iudicij, ac dignitatis auctoritate hominum prudentem, ac iure coalescentem multitudinem intelligamus: ex eo genere, videlicet, de quo ille apud eundem Poëtam

Tum pietate grauem, ac meritis, si forte virum quem

Conspexere, silent; arreptisque auribus astant:

Ille regit dictis animus, & pectora mulcet

15 Populi ergo talis, regni talis; seu talis Reipublica; quæ omnia idē esse indicamus, constitutis sibi Principē, quocumq; nomine constituitur, partes potiores fuisse, intelligitur, constituto sicuti Genes. 39. Puti-
far constitutus Ioseph, in Agypto suæ familiæ Occonomus, & Pharaonori prouinciæ Proregem: & Nabuchodonosor Danielem constitutus super Babylonem: Daniel. c. 2. & Darius. 120. Optimares super regnum; ibidem c. 6. Et vt minor sine contradictione à maiori benedicitur; ex Paulo ad Heb. c. 7. sic & constituitur. Hinc est consequens, vt tunc Regibus populi esse possint, Reges sine populo esse nō possint: cū fuerit liberū populis, quālibet aliā natura liberi, ne eniq; diceret quod liberet, sed cōmuni omnes vno vterentur iure, alio, quā Regio, vt regimine: sicuti Thebæi tempore Nini, Rhodij, Massilienses, Romani, Carthaginenses, vt habetur ex Eusebio, in Chron. & Strabone. lib. 4. & 14. & alijs, Aristocratiæ fuere potius quā Monarchia delectati. Quod si populus decesset, quasi Colossus basi destructa corruit, sic Rex, cuius est fundamentum, & basis populus, laberetur.

16 Ergo institutiones regnorū, ex electione humana originē ducere, & ad ius Gentium pertinere, omnibus persua sunt esse, necesse est: neque enim iure naturali, quod est à Deo immediatē, sit, vt gemas humanum, per Monarchiam potius, quā per Aristocratiam, aut Democratiam, vel aliam aliquam formam regiminis gubernetur. Si igitur constituta sint regna, siue Respublicæ, hoc vel illo regimine, floreat; non est à Deo immediatē factum, vt hæc familia potius, quā illa, regnū, siue Vnicatum, siue quæcumq; Principatum administret, sed populi consensu, & voluntate Reges, Vices, Principes sunt constituti; siue initio electione libertas, quod minus frequens fuit, populus in aliquem vnum virum bonum, grauem, & sapientem ius suum transtulerit: siue quod frequentius acceidit, tyrannicē, ac violenter oppressus, atq; armis, & potentia domitus, paulatim domitoris sui Regiam, siue quæcumq; aliam potestatem approbare cœperit, & amare.

17 Sic Iustinianus, ex Iuriconsulti sententia, Instit. de iur. nat. gent. & ciuil. §. Sed & quod Principi. & l. 1. ff. de Constit. populo suam omnē auctoritatem refert, dicens. [Sed & quod Principi placuit, legis habet vigorem; quia populus lege Regia; quæ de eius Imperio lata est, ei, & in eum omnem suam auctoritatem, & iurisdictionem transtulit.] Vnde Seneca Epist. 108. vltra mediocritatem ad populum, etiam à

Regibus fuisse: tamquam videlicet, ad fontem, unde eorum auctoritas dimanaret: quod ipsum Regis Talli Hostilij exemplo, Linius lib. 8. Dec. 1. confirmavit. *an. 100. 200. 300. 400. 500. 600. 700. 800. 900. 1000.*
 1. & Breviter eandem Reges ferè vel usurpatione, vt Nemroth, Dionysius tyrannus: vel impositione Divina, vt Saul, & David, & prius Moses: vel impositione hominum, vt Herodes, & Archelaus eius filius: vel electione, vt Reges Hungariæ: iunt regni: item & reges Poloniæ: vel sortibus augurio, vt olim inter Scythas is rex cuius sagitta è thodio ceterarum extraxit: ex Guillelmo Tyrrio, lib. de Sacr. bello, de Scythis: Darius Rex Persarum, cum eius equus, (iuxta pactum) arce quadam adhibita: primus post solis ortum hinnisset: ex Ctesia in Persis, de Dario: Romulus Remo fratri prælatus, auihus ad illi quæ pluribus consolantibus, ex Cicer. 1. de Divin. de Romulo: & ex Iulio Decad. 1. vel successione, vt Salomon succedens Davidi, & Philippus III. Rex Catholicus, successor alterius Philippi II. æternæ memoriæ, & terè omnes Europæ Reges: vel ultimò natiuitate, vt Christus Dominus sine patre in humanis, vt qui ex regibus posthumi nascuntur: si ædema mysterijs altissimis licet aliqua ex parte comparare: *an. 100. 200. 300. 400. 500. 600. 700. 800. 900. 1000.*

Propositio Anonymi adhuc convincitur esse falsa. Cap. IV. §. 1.



VAE omnia si cum superius dictis, Part. dub. 3. Fundam. 4. coniungantur, optimè Propositionem illam Anonymi, falsissimam esse demonstrabunt. Quanteunque enim populos, & hominum societates Magistratibus subesse necessarium sit: & lumen ipsum naturam consequens, id suo digico in hominum cordibus inscribat, vt vitari, quando viget eorum mutua communitio, non possit: immò Principes omnes seculares, quæ ratione iam superiores sunt, habéant à Deo in genere, & in uniuersum, ius immediatè subditis imperandi quia, videlicet, est his obtemperandi præceptum imposuit à Deo immediatè: (quod latius inferius, & clarius explicabitur): neq; aliis essent illi Domini, nisi præcipere possent, neque hi essent subditi, nisi necessariò deberent obedire: attamen hos vel illos populos, esse immediatè à Deo huic, vel illi subditos Principi, Regi, Duci, Republicæ, omninò est falsum, asserere: Quemadmodum enim iurè Gentium dominia vniuersa fere distincta, quod verò hæc res sentia, illa tua, humanis est effectum legibus: sic etiam in vniuersum quod regna sunt, siue Reges, iure gentium effectum est: quod verò hi, vel illi sunt Reges, seu Duces, &c. à ciuitatum, prouinciari, vel à populari electionibus, seu institutionibus dimanauit.
 Nam prætermisissis Gentibus bello subactis, siue iniusto, sicuti olim Alexander Magnus Asiã tenuit: immò sicuti, vt sentit Turrecr. in c. Duo sunt. num. 2. versic. Secundo spiritualis, & diff. & in Sum. de Eccl. lib. 1.

cap. 90. omnia quattuor Imperia fuere per violentiam vsurpata: & sicuti hodierna die Turca, communis hostis, Græcorum Imperium suo dominatu premit: siue iusto, sicuti olim Clarissimus Gothifredus Bullonius Dux, & alij sequentes Reges Palæstinam subiugarūt; Principes illi, qui à populo volente, & consentiente, ad regale fastigium, vel Principatum quemcumq; sunt euecti, ab ipsis populis, ab ipsis hominum societatibus, sub varijs regendi formis, dominium habuerunt.

3. Castellani in Hispanijs populi olim Iudicibus, Comitibus deinde, etiam cum alia iam in prouincia erant erecta regna, subdebantur: hodie Regnum Castellæ latissimæ Regis Catholici Monarchiæ obtinet principem locum. Galliarum regnum olim inter quattuor liberos, & supremos reges fuit dispersitum; quorum sedes regiz, ciuitates Parisiorum, Suëssionum, & Mediomatricum, vel Rhemorum frequentibus Historiographorum monumentis, referuntur: hodiè vni Christianissimo subditur Regi. Anglia antiquitus varijs suberat regulis, nunc vnum agnoscit Principem. Italia contra, quæ olim vnius populi Romani imperio, postea Gothorum, & Longobardorum Regum ferè tota continebatur, nostra hac tempestate inter plures est Principes distributa. Ligures Ducem habent, sed qui biennio imperet tantum, & multis Reipublice illorum adstrictus legibus. Brabant, & Saxones item Ducibus parent, sed perpetuis, & multo liberioribus. Hybernia Insula hodiè Angliæ Regibus subiecta est: quæ olim summis Romanis Pontificibus subdebatur.

4. Angli rursus, Galli, & Hispani Regibus, sed diuersis conditionibus imperantibus obsecundant. Heluetij, antè hos trecentos annos, Austriæ Ducibus subiciebantur; hodiè non Duces, sed populares habent Magistratus, & pro vna Republica, quæ tunc regionem omnem complectebatur, nunc in tredecim Respublicas diuiduntur: Veneri populi Ducem habent, sed pluribus deuinctum legibus; quæ tamen sunt vniuersales, castis, & discriminata, publicarum; quid mirum, si iterum vel Pontifici Maximo, vel Principibus, qui diuersis per Italiam locis dominantur, subessent? sicuti eorum maiores illis, antè annum quadringentesimum quinquagesimum secundum, (quando ex occasione vallationum Attilæ Hunnorum Regis, ex illorum ditionibus confluerunt in Venetas Insulas, inter æstuarium maris Barbaris inaccessa) obtemperabant.

5. Discant interim, & Anonymus scriptor, & omnes qui de hac Principum agentes potestate, vel matetia, vel ignoratione, hallucinantur: potestatem regiminis passiuam, esse omnino immediatè à Deo: actiuam autem in genere, in communi, & vniuersà, quæ ratione dicit relationem ad passiuam, esse etiam immediatè à Deo: parere enim, & imperare, cum sint, ex τὸν πρὸς τὸ, seu, relata, ab eodem principio, eadem dimanatione, oriri necessum est; quod appellauit Turrecrin Sum. de Eccles. c. 92. v. 25. Ad secundam rationem, lib. 1. omnem potestatem quò ad essen-

tiam esse à Deo immediatè. Attamen subiecta huius actiuz potestatis. illi, videlicet, qui eam exercent, quòd sint Imperatores, Reges, Principes, Ducès, Senatus, & similes imperantes, non sunt à natura, non sunt à Deo immediatè, non ab eius verbo, non ab eius veniunt præscripto, quòd vnum, & immutabile sit: sed à populorum originem ducunt moribus varijs, qui necessarijs causis, iuxta temporum, ac rerum circumstantias, & Reipublicæ promptioribus commodis incitati, parendi, & imperandi formas commutatas assumpserunt. Quod appellauit Turrecr. ibidem, potestatem, quòd ad modum illam acquirendi, non esse à Deo immediatè. De quò optimè discribit Nauarr. in Rele&. cap. Nouit. num. 147. vers. Sexagesimo infertur. de iudicijs.

6 Quam veritatem id maxime illustrat, quòd si vniuersum orbem, mente, & cogitatione perlustremus; non solum vbi Christiana religio, & disciplina vigent humaniores, sed etiam vbi rustica barbaries, vbi morum immanitas, & turpis Idolatriæ adhuc perstat cultus, vt in vltimis Indiarum Orientalis, & Occidentalis terminis, expressa cernuntur exempla ipsius naturalis luminis: subditis, vt ipsis Magistratibus, & Principibus pareant, commendantis: neutiquam tamen huius, vel illius Principatus, seu regiminis formam immediatè statuentis. Apud Calicutum, Narisingam, & longissimam Africæ, & Asiæ litora, apud Iaponenses, & Sinas, in America, antè nostrorum Hispanorum in eas terras appulsum, dominationes, & Principatus, & reperiuntur, & semper fuere reperti; attamen non quos immediatè Deus Principibus tradidisset, sed quos diuersi populi creassent: vno loco Monarchiam meram, alio mixtam, alio Aristocratiam, alio Democratiam, pluris, nostri Hemispherij, & Christianorum Principum regiminis instar, varijs rationibus æstimantes.

Respondetur Obiectionibus, Cap. 2. adductis. Cap. V. S. I.



NE Q V E erit difficile hanc doctrinam, ex illis ipsis testimonijs Scripturæ sacræ confirmare, quæ aduersarios pro se, Cap. 2. diximus attulisse. Primus namq; ille locus ex 8. cap. Proverbiorum, [Per me Reges regnant, & legum conditores iusta decernunt:] sic docet Reges à Deo habere, vt regnent, quemadmodum habent ab ipso, vt iustas leges condant. Porro vt leges condant iustas, non habent à Deo immediatè: quasi Deus illis dormientibus, vt quondam Salomoni, sapientiam infundat, aut leges dicat: sed consilio, prudentia, industria, & labore suo, Deo opitulante, legum conditores, iusta decernere consuevere: vnde etiam humanæ, non Diuinæ, leges similes appellantur. Hoc dicendi charactere, Reges dicuntur, à Deo habere vt regnent: quia cum sapientiæ donum, quod eo in loco præcipue commendatur, illis adest, tum

dum vel ad regnum legitimè iussq; perueniunt, vel regnum iam adeptum probè gubernant, & moderantur.

2. Locus alter ex Danielis, c. 4. de prouidentia Dei concionatur, quæ regna subinde mutantur, & de gente in gentem, de prouincia in prouinciam transferuntur. Prouidentia autem non tollit, sed regit humana, consilia, Itaque non illa solum dicitur Deus facere, quæ, nulla interiecta causa, facit: sed ea quoque, quæ prouidentia ipsius dirigente, vel permitte, suo labore, & consilio homines faciunt. Id quod in regnis Babyloniorum, & Assyriorum, de quibus Diuinæ plenæ sunt Scripturæ, manifestè conspiciamus. Certè enim Nabuchdonosor, de quo Daniel ibi loquitur, tam ampli regni habenas non à Deo immediatè habuerat: qui irrita oppositione, ac resistentia Gentium plurimarum, vi & armis ad eam fuerat euectus potentiam, ob quam etià seuerè à Deo punitus fuit: & tamen quia Diuina prouidentia, quæ rebus etià malis benè uti nouit, improba illa regnandi cupiditate, quam in Nabuchdonosor esse videbat, tamquàm virga furoris sui, ad Gentes alias puniendas, uti voluit; dicitur, Deum illi regnum illud maximum, & nobilissimum concessisse, Ierem. c. 7. [Ego dedi, ait Dominus, omnes terras in manu Nabuchdonosor Regis Babylonis.] Quomodo verò dederit, audiamus Isaiam cap. 10. [Assur, inquit, virga furoris mei, baculus ipse est: in manu eorum indignatio mea, Ad gentem fallacem mittam eum, & contra populum furoris mandabo illi: ut auferat spolia, & diripiat prædam, & ponam illum in conculcationem, quasi lutum platearum. Ipse autem non sic arbitrabitur, & cor eius non sic existimabit: &c.]

3. Ecce missum videmus dici à Deo Regem Assyriorum, ad occupandam, & diripiendam Palæstinam; non quod præceptum habuerit, ubi obedientia laudaretur: sed quia permisit Deus, ut cupiditatem expleret suam, in eum populum, qui tali pœna dignus erat, puniendus etiam ipse postea, quod alienam prouinciam nullo sibi iure vendicasset. Vnde in Isaiâ sequitur: [Et erit cum impleuerit Dominus cuncta opera sua in monte Sion, & in Ierusalem, visitabo super fructum magnifici cordis regis Assur, & super gloriam altitudinis oculorum eius: &c.]

4. A Deo igitur regna concedi, Reges esse timendos, & honorificandos, legimus in Scriptura sacra, regna verò ipsis, seu quibusque Principibus secularem potestatem immediatè à Deo esse donatam, non legimus: unde præsumatur, Ecclesiasticam disciplinam, non posse suis iustis legibus, eorum potestatem, in rebus Ecclesiasticis, & quæ ad Ecclesiasticos, iuxta superius dicta, pertinent, inhibere. Si enim sic liceret argumentari, consequens profectò esset, priuatis hominibus, quicquid tandem habent, immediatè à Deo dari: nec posse vlla de causa per ipsos seculares Principes, legibus latis, suorum ipsis possessione honorum interdici. Pauli Apostoli est insignis illa ponderatio, Act. 17. [Et quidem non

sine testimonio; semetipsum relinquit, bene faciens, detranso-dans pluvias, & tempora fructifera, implens cibo, & lætitia corda nostra:] Et cap. 17. sic loquitur: [Deus, qui fecit mundum, & omnia quæ in eo sunt, hic cæli, & terræ cum sit Dominus, non in manufactis templis habitat: nec manibus humanis colitur, indigens aliquo; cum ipse det omnibus vitam, & inspirationem, & omnia.]

3 Colligamus nunc, iuxta Aduersariorum Dialecticam, argumentum hæc ratione: Deus dat omnibus vitam, inspirationem, cibum, & omnia: Ergo nullam possunt seculares Principes edere legem, per quam, & causa ex quacumque, eorum subditi, vitæ, inspirationis, cibi, & suarum facultatum omnium usu priuentur: Ergo iniusti sunt omnes Magistratus, qui latrones, adulteros, proditores, maleficos, aliosque id genus homines, vel bonorum multant ablatione, vel in eos mortis etiam pœna censent animaduertendum. Vitiosum sanè argumentum, cuius absurditas, falsam illam de regibus à Deo immediatè datis, & ex consequio, nullo modo ad observationem legum Ecclesiasticarum adstringendos, sententiam grandi demonstrat absurditate laborare.

6 Immo si hæc loca Scripturæ aliquid cōtra allatam doctrinam probarent, eodem modo, neque genitos à parentibus filios esse, ex eadem Scriptura probaretur: cum Christus Dominus, Matth. c. 13. nominari in terra patrem, prohibuerit: vniique patrem, qui in cælis est, asseruerit, tantum esse. Quo dicendi characterē, Deū præcipue esse, & agnoscendum, & inuocandum, quis nesciat, explicari? An quia mater septem iuuenum sanctorum Machabæorum, lib. corum 2. et 7. asseruit, se ignorasse, quomodo in vtero suo apparuerint, & singulorum membra hæc ab ipsa tulisse compacta, ad Creatorem omnium, illorum referens originem, ex illi-manda est, non illos genuisse, non tulisse in vtero, non peperisse, aluisse, eruduisse?

7 Neque verò si Deus Iosephum, Genes. c. 45. pro salu te patris, suorumque fratrum præmisit, idè qui eum venderunt fratres, aut scelere non fuisse contaminati, aut reprehensione caruerunt quasi nihil per eos factum sit in eo, quod pœna grauissima meruerit vindicare? Similiter quod decem tribubus à Roboamo deficientibus, 3. Reg. c. 10. verbum hoc Deus à se factum esse affirmet, haud dicendus est, Rex imprudens, & superbus, & causam non dedisse, aut non grassæ in eo grauiter, quod iuuenum fuerit consilij, iam spretis sanis Seniorum monitis, obsequens? Neque si Deus est, qui dat incrementum, ex 1. ad Corinth. c. 3. inde Paulus plañtando, & Apollo rigando, nihil omnino fecisse dicendi sunt: cum Paulus certissimum se, secundum suum laborem, præmij recepturum fateatur. Error certè crassus nimium hic est, quod Deo permittente, siue etiam inspirante, ac promouente, ac tandem ubique, & in omnibus prouidente, sit, ipsi soli Deo tribuere, vt causis medijs, suis agen-

di cursus, siue cōcursus denegetur. Sunt ergo Reges à Deo, sūt ab eo geniti, & eius nutritij, ex Honiero, à quo omne bonum, seu [datum optimū, & donum perfectum est:] ex Iacobo sua Epist. Canon. c. 1. quod nō vetat, intermedio iure Gēcium, & per populos fuisse suis ab initijs cōstitutos.

8. Neque in illo antiquo populo, cui Deus, ex speciali priuilegio, de Regibus aliquando prouidit, fuit Iudaeorum alia mens, quā Reges habere aliarum nationum instar: expōnentibus illis sic Samueli, 1. Reg. c. 8. [Constituē nobis Regem, sicut habent vniuersæ per circuitum nationes.] Iam verò certum est, apud Medos Deiocem, quōd primò amicorum, & vicinorum rixas componebat, iudicem, deinde Regem electum fuisse: vt post Herod. lib. 1. Cicer. 1. Offic. recenser. Romani autem primos suos Reges suffragijs populi communibus constituerunt. Quin & Iulius Cæsar, ex Sueton. arrepto Imperio, quō tutius regnaret, à populo se fuisse creatum, credi volebat: quem sequuti sunt Augustus, Tiberius, Caligula, & Claudius, populi consensum, suo firmando Imperio, postulantes. Neque modò pergimus vltcrius proferre, quānam in populo perstet auctoritas, post Regem creatum: quia haud ad Regum, seu Principum scribimus enervandam maiestatem: sed hoc intendimus probare, eos non immediatē à Deo; vt docet Anonymus falsò, sed à Republica gubernandi facultatem habuisse.

9. Ad præfatum similiter modū intelligenda sunt alia loca, ex Ieremia, Osea, & Iob, superius allata. Illud autem Isidori penultimo loco positum, nihil efficit aliud, nisi Reges potentes, si probi esse nolint, vix posse, & ne vix quidem, experientia ipsa Magistra, ad rectam reduci viā; cum plerumque contingat, vt nemo sit, qui eos, licet iure damnatos, re ipsa cogere, & coercere queat: quod in Ludouico 14. Friderico 11. Imperatoribus, in Boleslao Poloniae, Henrico 8. Angliæ Regibus, immò in pluribus alijs iniustis Principibus fuit olim cumulatissimè comprobatum. Neque silendum est, Isidorum non scribere, notum esse à quo Reges in ordinem cogi possint, eò quod à Deo sint regnis immediatē præfecti: sed ait, difficile esse renocare Principem in melius: quod vt verum est, ita nihil contra nostram veram pugnat sententiam, Reges videlicet, & Principes seculares, non à Deo immediatē, sed ab hominibus fuisse regnis, seu Rebus publicis institutos.

10. Tandem, vt multa paucis perstringamus: Potestas temporalis in genere, est à Deo immediatē: [Per me,] dicente eius Sapientia, Prouerbior. cap. 8. [Reges regnant, &c.] quod & Augustin, latè, probat, 4. de Ciuit. Dei, cap. 5. quod cum S. Thom. 1. p. q. 96. eius Interpretes demonstrāt similemque potestatem in statu innocentiae addunt perfectissimè fuisse, reperiendam, & experiendam.

11. Præterea, potestatem temporālē, esse in genere, & in specie à Deo, speculatiua ratione, verum est; quia eū Deus ipse infuderit Protoplasti.

Adami intellectui omnium scientiarum habitus: nihil est dubium, inter eorum latitudinem omnia genera, & species omnes habituum scientiarum Erharum, & Politicarum contineri. Attamen, practica ratio ne, rem considerando, omnino falsum est, dictam potestatem à Deo immediate in specie effluxisse; potest enim esse alicuius speciei Politicæ administrationis adhuc incognitæ, vel ex pluribus coalescere cognitæ regiminis Politici, quæ omnia omnipotentia, & omniprouidentia Creatoris hominum commodis, arbitrio, & inuentioni seruauit; cum illos in manu sui consilij dereliquit; vnde tot, ac tam multiplices regiminum formæ, à varijs hominum nationibus, varijs fuisse temporibus introductæ. Quod si in indiuiduo tandem de hac sit agendum potestate temporali, est plusquam falsum, in vniuersum loquendo, illam immediate à Deo Principibus concessam; quantumvis aliquibus veluti Moyse, Sauli, Dauidi, alijsque nonnullis à Deo dictam secularem potestatem fuisse, ex priuilegio, immediate traditam cognoscamus.

12 Doctrinam hanc, alijs Scholasticis etiam loquendi formis, tradunt insignes Doctores. super vltima distinct. 2. Sentent. occasione quæstionis per Magistrum excitatæ, de potestate Dæmonum: Bonauent. Art. 2. q. 1. Durand q. 2. n. 6. Aegidius q. 13. Carthusian q. 4. Docent enim in potestate præsentis tria posse, immò debere, considerari: primò, eius essentiam: secundò modum, quo acquiritur: tertio illius vsum. Quò ad primum, esse à Deo immediate, certum est: quò ad alia haud est necesse, vt ab eo emanent absque medio; dicente Propheta Osea, c. 8. [Ipsi regnauerunt, & non ex me; Principes exsiterunt, & non cognoui.] Firmum igitur persistet apud Catholicos de potestate seculari sentientes, eam quò ad productionem in genere, à Dei, scilicet, voluntate, & instituto processisse immediate; at quò ad exsequutionem, & suam operationem, de lege communi, ab hominum institutione dependere.

13 Hinc qui ex-professo de potestatibus Ecclesiastica, & Laica tractarunt, hanc definiunt esse, potestatem naturaliter à Deo immediate datam hominum communitati, ad sese gubernandam in rebus naturalibus, & bene beateq; viuendum, secundum rationem naturalem: potestatem autem Ecclesiasticam: hac-explicarunt definitione; esse videlicet, potestatem à Christo immediate, & supernaturaliter institutam, ad fideles, iuxta legem Euangelicam, in rebus supernaturalibus, & quatenus ad illa est opus etiam in naturalibus, gubernandos. Cum hac tamen distinctione, quòd cuiuscumque Laicæ potestatis caput, ex rei natura, & secluso priuilegio, Dei; singulari facto, non est ab ipso Deo immediate erectum; cum in Ecclesiastica potestate, eius primum, ac fundamentale caput, quod est summus Pontifex Petri successor, & Christi Domini Vicarius, sit ab ipso Christo immediate, ac diuinitus constitutum. De quo suo loco infra pluribus erit dicendum.

Christi Domini doctrina, prædicta confirmantur. Cap. VI. §. I.



N 2. Parte huius Tractatus, dum II. Conclusionem exponeremus, illam sufficienter in genere, ex Christi Domini illo ad Phariseos prudenti responso, Matth. c. 22. [Reddite quæ sunt Cæsaris, Cæsari: & quæ sunt Dei, Deo;] asseruimus, comprobari. Quod si iam attentius, & specialius eam dispiciamus, vniuersas, de Politia Ecclesiastica, controuersias, semel cum omnibus secularibus Principibus dirimemus. Pro qua auctoritate, ad Anonymi falsam, & Hæreticam esse doctrinam, demonstrandum, inducenda, erit operæpretium aduertere: triplicem, inter alias, grauem, quæstionem, fuisse Christo Domino, dum in terris visus, & cum hominibus fuit conuersatus, ex Baruch, c. 3. propositam: primam Facti, secundam Iuris, tertiam, vtriusque, & Facti, & Iuris difficultatibus innodatas.

Prima quæstio Christo proposita.

2 **M**ATTHÆI igitur cap. 17. sic habetur: [Cum venisset Capharnaum, accesserunt, qui didrachma accipiebant, ad Petrum, & dixerunt ei: Magister vester non soluit didrachma? Ait, Etiam. Et cum intrasset in domum, præuenit eum Iesus, dicens: Quid tibi videtur Simon? Reges terræ à quibus accipiunt didrachma, vel census, à filiis suis, an ab alienis? Et ille dixit: Ab alienis. Dixit illi Iesus: Ergo liberi sunt filij. Vt autem non scandalizemus eos, vade ad mare, & mitte hamum, cum piscem, qui primus ascenderit tolle, & aperto ore eius, inuenies staterem, illum sumens, da eis pro me, & te.] Hæc fuit, quam consideramus, prima quæstio, & fuit Facti: ea, scilicet, An Christus, vel solitus esset didrachma census soluere Imperatoris Romani, publicanis eius exactoribus? vel illud tunc vellet factò soluere? & tandem, si quantumcumque soluere vellet, adhuc tunc esset, vel non esset soluendo?

3 Et prætermittamus modo Petri subitam, & parum consideratam, licet humilem, & piam responsionem; qui iuris, per Christum Præceptorem, quæstione non decisa, spontaneum illum obtulit census exactoribus debitorem, quem Filium Dei viui, primò, Matth. c. 16. ex ipsius æterni Patris fuerat confessus reuelatione: immò super quem, vt ex eodem c. 17. habetur, in Thabor monte glorificatum etiam corpore, eundem Patrem æternæ illius, sicut instantis semper & generationis, & natiuitatis audierat testatorem: quod certè, propter plures rationes, quas, ne longius euagemur, facere non debuisset: ne sua illa liberalitas, illiberalis, immò sanctorum iniuriam prodiga videretur. Ad Christi Domini doctrinam attendentes, in hac Facti quæstione, qualiter Diuinissima sua sapientia se gesserit, consideremus: ex hoc enim plura documenta Ecclesiastico statui valdè necessaria deducuntur.

SEX DOCUMENTA NOTANDA.

4



AM primò, Christus Dominus in rebus, quæ non personam vnâ, sed totum Ecclesiasticum concernunt statum, noluit, vt singulis vna persona facilitate, seu humilitate sua, siue obedientiæ, siue demissionis prætextu, vniuerso præiudicaret statui: secularium iniquis prætensionibus, seu postulationibus conuiuendo, vel annuendo, vel non obstando, vel modo quocumque omissione, siue commissione, iura Ecclesiastica violando; sicuti Petrus, nimia illa sua festinatione, seu festinata animi demissione admisit, Magistrum didrachma soluturum; immò inter ipsum Magistrum, & census publicanos exactores, se medium interposuit exactorem.

5 Secundò, vult Christus Dominus, vt iuris Ecclesiastici status, siue ad personas, siue ad bona spectet, talis omnino habeatur ratio, vt illius quicumque professores illud tueantur, defendant, & explicant, & explicari faciant, pro secularibus satisfaciendo: vt si quid de illius rigore, quacumque ex causa, fuerit remissum, vbi remitti potest: id sibi persuadeant, Ecclesiæ prudenti considerationi, & dispositioni, non ipsorum secularium præsumptuosæ, esse attribuendum facultati.

6 Tertiò, vult Christus Dominus, vt in ijs, quæ Facti quæstionem concernunt, Ecclesiastici, & eorum Prælati, & maximè Pontifex summus scādalo studeant vitando: actiuo scilicet, vt supra, Parte 1. dictum fuit; qua animaduersione præuia, multa, quæ de facto in orbe Christiano contingunt facinora, in quibus dijudicandis Ecclesiastica Politia, & immunitas à laica Potestate, vel præuenitur, vel opprimitur, seu opprimi videtur, vel omnino violatur; stante adhuc illius status iure, & à dicta Potestate non negato, licet his, vel illis occasionibus intercepto, possunt, aurea quadam inter vtriusque status iudices interueniente mediocritate, quietari.

7 Mirum est enim, & summa dignum consideratione: quod cum idem Dominus IESVS, apud eundem Matth. c. 15. docuisset sic turbas: [Non quod intrat in os, coquinat hominem: sed quod procedit ex ore, hoc coquinat hominem:] & statim illius aurem Discipulî vellicassent, dicentes: [Scis, quia Pharisei, audito verbo hoc, scandalizati sunt;] ipse Præceptor sic responderit: [Sinite illos, cæci sunt, & duces cæcorû;] eundem tamen de solutione didrachmatis postulatum, illud dari iussisse: ne modo quocumque census scandalizaret collectores.

8 Cuius doctrinæ Dominicæ, ea videtur esse dubio procul ratio; ibi, videlicet, rem cum doctis Phariseis, hic autem cum indoctis Gentilibus, vel idiotis actitatem fuisse publicanis. Apud doctos enim illos, scandalum erat passiuum, & ideo spernendum: vt cui non sit necessum, immò sit impossibile, homines medicari: apud hos idiotas, & solum sapientes

menfarios, ſcandalum fuiſſet actiū; & ideo voluit illud Chriſtus euitari.

9 Poſſent enim publicani illi hac, vel ſimili ratione, Petrum forſan conuenire; ſi Chriſtum iam intus, & ſecreto conſultum retuliſſet, immunem ſe eſſe à cenſus ſolutione aſſeuerare, dicētes: Veſtras Philoſophicas, Metaphyſicas, ſeu Theologicas excuſationes, ſeu quomodocūque prætenſa iura, non intelligimus: Cæſarem agnoſcimus Regem, cum potestate à Deo ſibi immediatè conſeſſa, in omnes ſtatus hominum, ſine exceptione: (ſicuti modò aſſerit hic Anonymus) ceteros æſtimamus vaſallos, & tributo ei reddendo obnoxios; quicquid Pharifæi contra ſentiant: ſi liber eſt Magiſter veſter, id nunc exſoluat, eam libertatem ignorantibus, quod poſtea coram ſua iura ſcientibus repetat: quia hæc erunt ſigna iuſti, & æqui Magiſtri, & viam Dei, in veritate ſincerius odocentis, ſi Principi velit, ſua eſſe veſtigalia perſoluta.

10 Quartò, vult Chriſtus Dominus, vt antequàm, vel ad vitandum, ſcandalum, vel ex condeſcenſione, vel ex humilitate, vel quacumque alia ex conſideratione, Eccleſiaſtici viri, & eorum Prælati in facto, in ſententiam ſecularis eant Potestatis, Eccleſiaſtica omninò, circa ſubiectam materiam, iura firmentur. Alio enim modo res ſe habebunt, ſi tam circa perſonas Eccleſiaſticas, quàm circa eorum bona, aliquid fuerit inter Eccleſiaſticos, & ſeculares ex æquo & bono, & quaſi per gratiam, & charam Concordiam tranſactum: immò aliter ſe gerent, in condendis legibus Politicis laicæ Potestates, ſi ab Eccleſia, & legis Chriſtianæ examine eas, vel ſciant, vel ſibi perſuadeant, dependere: alia verò ratione, hæc omnia ſe habebunt negotia: ſi præiudicata vana ſententia, in ſuos induxerint animos, ſeipſos immediatè, ſine exceptione, in ſtatus omnis generis dominari.

11 Quintò, voluit Chriſtus Dominus, vt horum iurium, & ſacræ hominum, & bonorum immunitatis iudicium, tenes ipſos Eccleſiaſticos, penes ſummum Pontificem, penes ſacra Concilia reſideret: ipſi ſoli de ijs decernerent, ipſi deciderent: qui non remiſit Petrum ad quemquàm hominum alium conſulendum, circa ſuam, & ſuæ ſamiliz Eccleſiaſticæ immunitatem: ſed conſulto Petro, ſtatim decretum tulit, iuxta illius ſententiam, de hac Eccleſiaſtica immunitate, dicendo: [Ergo liberi ſunt filij;] vt ſupra fuit latiùs explicatum.

12 Ex quo ſextò colligimus, valdè decipi, qui materiam vbicumque controuerſam inter S. Sedem Apoſtolicam, ſeu Eccleſiaſticos, & ſeculares Principes, de Eccleſiaſtica iuriſdictione, aſſerunt, eſſe facilem, leuem, & inferioris momenti, quàm quæ tam efficaciſus debeat tractari medijs, qualia ſunt Excommunicatio, & Interdictum. Nam ſummus Pontifex Romano præit doctrinà Chriſti, cui debet inſiſtere; & ſicuti ex parte materiæ, & obiecti, de quo inter Sedem Apoſtolicam, ſeu Eccleſiaſticos, & Potestatem laicam, de prædicta Politia, verſatur quandoque quaſtio,

est res facilis compositionis ; quia habet latitudinem ; non enim in Mathematicis consistit immotis , vel proportionibus , vel adnumerationibus : sic ex parte efficientis causæ , est difficilis , & cui firmandæ , decidendæ , & explicandæ omnes debeat summus Pontifex nervos intendere , vt semel intelligant seculares Principes , haud se habituros propria manu , & auctoritate , quod illis est ab Ecclesia , & a suo supremo Rectore , rerum necessarijs omnibus circumstantijs perspectis , vel expectandum , vel expectendum .

Secunda questio Christo Domino proposita . Cap. VII. §. 1.



RAEMEDITATA ratione diximus statim , tributum Cæsarei exactores potuisse Petro , Phariseorum contrariam sententiam , de censu Imperatori Romano præstando , commemorare : vt ad secundam Christo Domino de Iure propositam questionem , aditum faceremus . Pro qua legimus inducenda , ipsius Reparatoris nostri in carne mortali degentis tempore , vel circa il-

lud , Rempublicam Hebræorum nouis , & iniquis fuisse oppressam vestigalibus : sic scribente Cornelio Tacito , 2. lib. Annal. [Per id tempus Antiocho Comagenorū , Philopatre Cilicum , Regibus defunctis , turbabantur nationes ; plerisq; Romanis , alijs regiū imperium cupientibus , Et prouinciarū Syria , atque Iudæa sexsæ oneribus , diminutionem tributum orabāt .]

2 Hinc verò sumenda videtur ratio , quare apud Iudæos , publicanorū , qui erant horum vestigalium exactores , nomen malè audiret ; vt Christo opponeretur illorum consuetæ conuersatio , etiam conuiuijs approbata ; Luc. c. 5. eos enim peccatoribus publicis exæquabant : immò vt ipse Christus Dominus , Matth. c. 18. Christianum Ecclesiæ non parentem cum Ethnicis , & publicanis iusserit numerari .

3 Certum namque est , publicanorum ordinem Romæ honestissimum , ac Equestris dignitatis existisse : referente pluries Cicerone ; sed præcipue dum sic scripsit pro Plancio . [Flos enim Equitum Romanorum , ornamentum ciuitatis , firmamentum Reipub. publicanorum ordine continetur .]

4 Apud Iudæos verò contra adeò se res habebat , vt Thalmudici Doctores agentes de iudicum reiectione , asserant , reiiciendos esse in iudicio , pastores , פקדנים vegabbain , idest , & publicanos , & שוחדים , idest , negotiorum gestores , in Pandect. dispensatores , seu procuratores : hi enim vnà cum furibus , & sceneratoribus , impostoribus , alijsque infamia notatis personis , eadem Categoria claudebantur . Horum est ratio , quia cum Iudæi decimas tantum in lege præscriptas , & vestigalia sancta pendere quotannis solerent : inuiti Romanorum publicanos , censum extra-

neo Principi corrogantes, videbant: siue illi Romani essent, siue ciuitate donati Romana, vt moris erat publicanis dominis, inferiores publicanos ex vrbe, vel prouincia, vbi debebant, electos, in partem suæ administrationis cum eo honore vocare: siue quomodocumque illorum, essent socij: de quibus l. 1. §. hic. ff. de public. & vect. & com. Vnde etiam si dicti publicani Iudæi essent, ob præfatam causam, quasi publica notatos infamia auersabantur.

5 Populum ergo Iudæorum, seu Principes Sacerdotum, Scribas, & Phariseos, qui cum omnē repræsentabant, misisse videmus apud Matth. c. 21. & 22. Marc. c. 11. & 12. & Luc. c. 20. ad Christum quosdam ex Phariseis, cum Herodianis, vt super grauissima iuris quæstione illum consulerent: sicuti, & consuluerunt; sic illi exponentes, post longum suarum integerrimarum qualitarum exordium declamatum: [Magister, licet census dari Cæsari, an non?]

6 Et priusquam Christi Domini prudentissimam responsionem referamus, noscendæ sunt quæstionem proponentium, & eorum, quos sibi socios asciuerunt, conditiones; vt discrimen eluceat, in quod Christum conijcere nitebantur. De Phariseis sic scribit Iosephus lib. 17. Antiq. c. 3. [Erat, inquit, quædam Iudæorum secta, exactiorem patriæ legis cognitionem sibi vendicans: quibus tamquam Deo, vt videri volebant, charis, additum erat hoc mulierum sodalitiū. Hi Pharisei vocantur. genus hominum astutum, arrogans, & interdum Regibus quoque infestum: vt eos etiam aperte impugnare non vereatur. Nam cum tota gens Iudæorum fidem suam iureiurando obligasset Regi, & Cæsari, hi solum non iurauerunt, excedentes sex millium numerum: quibus hoc nomine à Rege multatis, Pherore vxor pro ijs multam perfoluit.]

7 Herodiani autem fuere appellati, qui Cæsari, tributum contendebant, esse soluendum; ea verò videtur fuisse eorum nomenclaturæ ratio; quod Herodes Cæsari faueret impensè; & vti Iosephus ait, Cæsaris tributis in Iudæa quodammodò præfesset. Hæc fuit sententia Origenis, Traët. 2. 1. in Matth. & Hieronymi in illius Commentarijs. Immo addit Cyrillus Alexandrinus lib. 2. in Isaiam c. 11. Herodianos fuisse publicanos ipsos, qui illa tributa colligebant.

8 Ecce quam aleam erat Christus Dominus inter Phariseos, & Herodianos, seu publicanos, in proposita decidenda quæstione, subiturus. Nam Pharisei, qui Herodi, vti ex Iosepho retulimus, aduersabantur, finxere, se huius quæstionis, quæ cum Herodianis ab eis agitabatur, Christum iudicem constituisse: cum, malignitate alias occultata, ideò illam ei proponerent, vt omnino vndecumque, & pro quacumque parte Christus quæstionem dilueret, possent illum in inuidiam conuocare. Et quidem si à parte stetisset negante, duplici ouarent victoria, & suam apud populum sententiam grauiorem reddentes, vt cui tantus Doctor adhæ-

fisset & Doctorem læsæ Maiestatis protinus apud Herodianos incusantes: vt Luc. c. 23. postea falsò eum insimularunt, quasi populum; & gentem à soluendis Cæsari vectigalibus subuertisset. Si verò Christus à parte stetisset aiente, firma apud Phariseos staret consequentia, illum, scilicet, non esse Messiam, & promissum Iudæis Regem, qui tantum abesset, vt eos, sicuti sperabant, ex Isai. cap. 14. à tributis soluendis liberaret; vt porius demonstraretur, & patriæ legis contemptor, & Gentilis regis blandus adulator: vnde dubio procul apud plebem nimium Christi esset auctoritati derogatum.

9 Erat & secunda, pro respondendæ quæstioni, Christo oblata difficultas; iam antiquis cognita Prophetis, difficilibus, sicuti, & iniustis, experientijs; & quæ futura esset etiam Euangelij Prædicatoribus, & Apostolis cum illis communis: hæc est de Regibus, & Principibus, & laicis, in frequenti concione ad populum, agere Potestatibus: ac tandem de omnibus Præfectis, à quibus vtriusque ordinis, & Ecclesiastici, & secularis gubernacula diriguntur. Res quidem non solum difficilis, sed & periculosa, à paucissimis intellecta Concionatoribus, à paucioribus feliciter tractata, & à paucis in posterum, si ex præteritis licet præsumere, pro rei dignitate, æquitate, & maiestate tractanda: Spiritu Christi IESV ardenti oratione non præconcepto.

10 Attamen tertia alia difficultas, & Phariseorum, & Herodianorum malitiam, & temperati de Regibus sermonis in publico proferendi, excedens difficultatem, Anonymi, contrà quem agimus, petit doctrinam: cum seclusis malignantibus illis percontatoribus, Cæsaris etiam seclusa causa, quæ quasi de Principe in Rempublicam Hebræam tyrannide dominante, vel reijci posset à Christo verbo, vel contemni silentio: hoc vnum poterat tunc à Christo peti, & hoc nunc petimus: Republica Hebræorum sic instituta, vt à Deo tam passiuæ, quàm actiuæ regiminis immediatè acceperit potestatem: vt constat ex tota antiquæ Paginæ serie, & ex Paulo Apostolo ad Galat. c. 3. affirmante; [legem fuisse illi ordinatam per Angelos in manu Mediatoris;] quod dixerat sic Stephanus ad ipsos Hebræos Act. c. 7. [Qui accepistis legem in dispositione Angelorum:] & deinde doctrina hac Anonymi stante, Cæsarem scilicet, qui iure belli alijs principatum in dictam Rempublicam exercebat, à Deo immediatè, eo ipso habuisse ius imperandi super illam: ad quem videlicet, tunc ex ijs hoc ius, & hæc gubernandi facultas, & auctoritas pertinebant, ad laicamne Iudaicam Potestatem, an ad Cæsarem Imperatorem? Rogabant ergo, & rogamus, Christe Domine, licet ne, censum dari Cæsari, qui à te Deo habet immediatam potestatem, an licet, censum ipsi denegari à laica Potestate Iudaica, à te immediatè condita: vt illud Isai, adimpleretur vaticinium, cap. 9. dicentis: [Iugum enim oneris eius, & virgam humeri eius, & sceptrum exactoris

eius superasti : sicut in die Madian .]

11 Hic Christus Dominus, cum [frustra iaciatur rete antè oculos penitatorum:] ex Prouerb. cap. 1. non tantum hypocritarum, ad quos tunc habuit sermonem, vt constat ex ipso responsionis hoc exordio: [Hypocritæ, ostendite mihi numisma census:] sed huius Anonymi doctrinæ, & omnium Principum secularium proprijs cancellis retinendæ potestati, præparans, & receptans generale remedium, adeò prudenter responsionem temperauit: vt si semel intelligatur, omnis per eam, de status Ecclesiastici, & Secularis immunitate, & prætensione, controuersia dirimatur. [Reddite, inquit, quæ sunt Cæsaris, Cæsari; & quæ sunt Dei, Deo.] Breuis ratio, & oratio, longissimis tamen, sicuti & grauissimis mysterijs onerata.

12 Deo enim, quasi immediato Imperatori, Regi, & Domino, quæ sua sunt, reddenda esse, docuit Christus: quoniam [Domini est regnum, & ipse dominabitur Gentium:] ex Psalm. 29. Cæsari, & cuiuscumque Principi seculari, quæ sua sunt, reddenda esse, etiam docuit: quod & postea ex eius ore insigniter docuerunt Petrus, & Paulus Apostoli, latissimè ad hoc à nobis supra 2. Part. induci. Difficultas tamen in eo maximè versatur, quòd Christus Dominus adeò fuerit generali sermone loquutus, vt nihil de hac & Dei, & hominis Principis potestate, indiuidua contrahens ratione, videatur ad spectu primò insinuassee, cultum Deo Diuinum tantum, quod aliàs videbatur esse manifestum, perhibendum: cetera cuncta temporalia Cæsari tunc, & Principibus alijs secularibus, tamquam in suis iuribus exercendis Deo immediatis, in posterum reliquisse.

13 Nihilominus, qui sic Christi responsum, & explicarent, & applicarent, & ipsum Deum esse, & Dominum Sacramentorum, seu rerum, merè spiritualium assererent, ceteris nuncium remisisse, vt ea immediatè à Principibus in omnes status hominum, sine exceptione, gererentur, illud ipsum cum Syris illis 3. Reg. lib. cap. 20. sentirent, qui de Israele vincente, sic dixerunt: [Dij montium sunt Dij eorum:] immò breui temporis progressu, cum illis apud Iob cap. 22. delirarent, dicentes de Deo: [Circa cardines cæli perambulat, nec nostra considerat.] Vndè quo vela contrahamus, est plusquam certum, Christum Dominum respondisse, Cæsari censum reddendum: quia licèt non haberet à Deo immediatam potestatem, cum tyrannicè, & iniusti belli iure Hebræorum regnum inuasisset, in illius tamen dominium populus iurauerat, & illum in pace conseruabat; immò ab ipso populo quasi spontaneè in Regem fuerat exceptus; sic apud Ioannem c. 19. dicente ad Pilatum, [Non habemus Regem, nisi Cæsarem.]

14 In altera autem parte responsi, adeò clarè, adeò amplè Iudæos non solum in rebus religionem concernentibus, verum in temporalibus per legem, per suas congruas, & honestas traditiones, per suos vsus,

suas

suas praxes, & consuetudines æquas, & iustas; tam in statu Levitico, & Ecclesiastico, quam in statu seculari, iussis, statutis, & observatis, voluit esse liberos; ut ea omnia tamquam à Deo profecta, & Deo debita, Deo responderit persoluenda.

15 Quæ doctrina cum à Christo Domino, non propter Iudaicum populum præcipue, peyus, ob sua scelera immania, immanibus tradendum hostibus, & ad sinem usque seculorum dispergendum, tradita fuerit; sed ad instruendum Christianum, & omnes illius status professores; hinc omnino & facit, & facere debet, sicuti & semper faciet apud quoscumque Catholicos, & populos, & Principes sensum: Dictis, videlicet, Principibus reddenda fore à Christianis vestigalia; præstandum eis ab omnibus honorem; reverentiam exhibendam; eorum obediendum legibus, quæ iniuste non suo ab Ecclesia declarata; respectu ab omni hominum statu; iuxta superiorem à Patris doctrinam: hoc tamen, iuxta cuiusque Principis, non à se sibi arrogatum, sed à Republica, & legibus concessam potestatem; à qua habent, ut sint Principes, ut dictum est, & clarius infra deducetur. In reliquis ordinem Ecclesiasticum esse, tamquam ministrorum Dei peculiarem statum, Deo, ab ipsis Principibus, immunem, conferuendum, & reddendum.

16 Præterea, quod etiam in responsione ipsa Christi Domini includitur, statum ipsum secularem Principi subditum, non esse perinde, ac si totidem essent manubie, & virgibus Regum armis acquisitæ; quas propterea, suo arbitrio, possent distribuere, ac dissipare; non esse perinde, ac si Principes Discessendi, statique possent suo nutu subditis dispensare, eosque haberent uti, mera mancipia, in eum finem condita, ut Regum solum usus inseruirent. Immo valde mirum est, Principibus Christianis, eorum prave Consiliarios, & Doctores exponere, in illorum invenisse iuribus, post Christi lucem, & Evangelij veritatem, & doctrinam mundo affulgentem, eam potestatem à Ecclesiasticis personas, quæ Ethnicis, & præcipue Imperatores Romani, iurisdictionis, & imperij attributam, nunquam in gentem Iudaicam inveniunt, nunquam in gentem Christianam inveniunt. Ut tamen Christi Domini hæc decisio, & ad dubium hoc secundum responsio adhuc clarius explicetur, ad tertiam questionis, oportet, tractationem accedamus.

Tertia questio Christo Domino proposita. Cap. VIII. §. 1.



VIA verò posset Anonymus adhuc instare: Christum Phariseos, & Herodianos in illa responsione docuisse: eorum tantum Deo ab ipsis esse tribuenda, quæ Leviticæ, seu Sacerdotali tribui erant, ex lege, commissa; circa sacrificiorum, videlicet, oblationem, templi cultum, Dei latriam, & ceremonialium præceptorum auctoritatem;

videtur consequens, apud Christianum populum, similes spirituales functiones, esse statui Ecclesiastico administrandas; & ad hoc esse à statu laico illi afferendam immunitatem: quo facto, reddet Deo, quæ Dei sunt; opportunè tertia quaestio, eidem Christo Domino proposita in Facto; & in iure ab eisdem Phariseis, & Sacerdotibus offerri petenda.

2. Ergo Ioan. cap. 8. Pharisei, & Scriba tenet in templo coram Christo. Domino quadam muliere adultera præsentata, ab eo, sub hoc tenore verborum; quaerunt: [Magister, hæc mulier modo comprehensa est in adulterio: In lege autem Moyses mandavit nobis, huiusmodi lapidare. Tu ergo quid dicis?] Quam quaestionem, additum ibi fuit ab Evangelista, eo sine fuisse ab istis Christo proposita: ut ex responsione, ipsam eum arripere ac confundere muros; nichilominus prædictorum; motum.

3. Quod loco, & casui pluribus, quæ à re nostra non valde distant, circumstantiis, quia ad alia pergitur, præternitis: Facti quidem quaestio hic erat in confesso, quaestio de iure solutio à Magistro expectabatur: dolum retractorum ex temptatione, quasi securam promittebat victoriam: cum precipiente sententia, lege Moyses expressa, (statem de poena capitis, quæ quædam de genere mortis, per lapidationem, non laxasset) Christi responsionem occupantes, id tandem efficiendum sperabant complexionem suam, ut vel legis rous, si ad Imperatoris Procuratorem Pilatum causam remitteret, vel Imperatoris contemptor iurisdictionis, item & durus, si per illos, legem exequi iuberet; & tandem, si mulierem absolueret, utriusque; & Dei legis, & huius Regis transgressionem haberet.

4. Accedit his, geminam præcedentem quaestionem fuisse in causis civilibus, hanc in facto, & in iure criminis versari: quod sicuti est Reipublicæ noxius, sic supplicium de eo ab omnibus desideratur avidius, & in iudiciis, minus tunc arbitrii; qui ceteris deficientibus, ipse ex officio, quod Respublica pacem degat, illius in similibus integras debent partes sustinere. Quas inter angustias, & alias infra dicendas, latissimum Christus Dominus sua patientia campum aperiens, respondit: [Qui sine peccato est vestrum, primus in illam lapideum iacet. Et iterum se inclinans, scribebat in terram:] digito, videlicet, sicuti priusquam responderet, illum reulit Evangelista descripsit. Quo responso, innoxium, & innocuum, aliquem ex circumstantibus accusatorem, in adultera mulieris primum aduocans lapidatorem: illorum interim, ex grauissimorum Doctrinæ secedia, scelusque, in templi puteo, & in pauperum domicilio desertis, sollicitos, & malignos accusatores, sollicitè à templo, à propriis conscientijs, exire compulsi, accusatores. Hinc sibi equat quidam, ut mulier libera ab illis coram Christo reddita, libera, & iustis, & graui accepta ab eo reprehensione, discesserit: cum non videretur decens, ut quam multatitia Phariseorum, & Scribarum deficiens absoluerat, Christi abundantia, & iustitia & misericordia condemnaret.

Primum Documentum oriens ex hac Christi Domini actione.

Cap. I X. §. 1.



X qua tertia signata quaestione, & ad eam responsione, cum
omnis Christi actio nostra sit, ex regula Sanctorum, insti-
tutio, hęc sequentia ad rem nostram licuit argumenta
seu Documenta deriuare. Primò enim, hęc responsio Chri-
sti Domini, fuit Glossa magna, & mirabilis illius textus,
seu Canonis eiusdem Auctoris, ex Decretis, apud Matth.
relatis, scilicet: [Reddite quę sunt Cæsaris, Cæsari; & quę sunt Dei,
Deo:] ibi enim, & quęrentibus cauillos legis Moyſis, exsequutoribus, &
ipsi legi præcipienti, & Cæsari Imperatori, eiusque Procuratori Pilato,
secularem in Iudæa exercitiis jurisdictionem, integerrimè suum
æquum & fas, & suum decore fuit, Christi responsione, reseruatum.
Ad Phariseos enim, & Scribas, ut mitterent in adulteram lapides, respon-
dit; quo & legem, & legis exsequutores approbauit. Sed quia excepit
tantum, ut mulieris peccatricis punitionem, propriarum in punituris
inspectio præcederet conscientiarum; ne forte de illis diceretur illud,
[qui prædicas non merchantum, merchantis;] vel quid simile; ecce ten-
tatores Christi, aliqua relictæ causæ, conuersi ad suas interiores ipsos
malitias arguentes, quasi comprehensi, & inde confusi, ab illius se præsen-
tia subdixerunt.

2. Neutrquam tamen causæ mulieris ad statum etas absolutionis de-
ducta; nam delicti corpore constante, cum per Romanos Imperatores,
Iudæis, in causis sanguinis, fuisset prohibitum, iudicare ipsis coram
Pilato veritatem hanc sic, dum pro Christi damnatione instarent, confi-
tentibus; Ioan. cap. 18. [Nobis non licet, interficere quemquam:] ubi
Chrysostomus asserit, multum fuisse Iudæis à Romanis de potestate
ablatum: si criminis cognitio illius ex eo fuisset, à Deo, Romano Impe-
ratori immediatè concessa, ut asserit Anonymus, & ex consequenti, ipsius
Procuratoris Pilati rem interesset delicti punizio; ipsi dem, qui tunc Chri-
sti præsentiam vitauerant, Iudæis, ubi iam, à secretiorum suorum crimi-
num inspectore Christo, redargui nequirent, accusationem mulieris re-
petentibus, eam quantumcumque à Christo absolutam, à Romana effi-
cere possent Potestate condemnari: insuper & Christo culpam, quasi qui
criminolos absolueret, arrogando.

3. Christi ergo Domini illa responsio, seu iuris decisio Ecclesiastici,
& secularis, [Reddite quę sunt Cæsaris, Cæsari; & quę sunt Dei, Deo;]
sic præsentī fuit tacitè applicata quaestioni. Si Cæsar vobis prohibuit,
causas sanguinis exercere; ut quid ad me deferitis adulteram hanc, mor-
tis ream, quasi pro lege, & legis exsequutoribus, causam hanc contra

Cæsaris si non constituta defensusus? Abite ad Cæsarem, ad eius, scilicet, Procuratorem quia quamvis tyrannide Princeps occupet Imperium, in criminosos tamen iuste per eum, legum præscriptis, vindicatur: quo facto reddeti, Cæsari, quæ secundum præsentem vestræ Reipublicæ statum, sunt Cæsaris.

4 Si non placeat, ad Cæsarem deferre adulteram castigandam, legem habetis, & secundum legem debet mori, lapidare eam; quia quantum cumque sit vobis votum; per homines, ultimo suppolicio noxios afficere, Dei tamen exstat decretum de eo; & sic quæ Dei sunt, eritis Deo redditori. Hoc tamen vos primò admonitos velim; nihil contrarietatis intercedere inter Deum, per legem adulterium à vobis morte plesti iubentem, & Deum permittentem Romanam potestatem, iure belli, vobis dominantem, huius iudicij exercitium alijs, quam à se constitutis Procuratoribus, interdixisse: quia rei natura considerata, quò ad Reipublice regimen, neque vobis lex à Deo data immediate debebatur; neque Cæsari; aut Principi cuiumque seculari à Deo immediate regimen potestas, & ius tribuitur imperandi; quæ omnia à Rerum publicarum varijs institutionum rationibus oriuntur.

5 Hinc est, quòd absolute, neque vos contra Cæsarem, neque Cæsar contra vos, ab hoc termino, immediationis ad Deum, argumentum vllum firmum inducere poteritis. Interim admoheamini secundò, Deo vehementer displicere, criminum aliorum puntores, & iudices, criminibus, vel similibus, vel æqualibus contaminari: quod licet eorum sententias, & applicatas ad culpas poenas non reddat iniustas in effectu, at in affectu, eos iniustos satis arguit. Vnde vestræ hypocrisis, & procuratoris mee accusationis sit, in presentiarum hæc exceptio, satisfactio, & ille, qui inter vos, me de vestris conscientijs indicante, quas an noverim, poluis hic, terra hæc, in qua vos, tamquam à Deo recedentes, inscribo, ferat testimonij, delicti & confidui innocenti, adulteræ huius primus in campum prodeat lapidator.

1. Secundum Documentum ex eodem de Strima Christi oriens.

Cap. X. §. 1.



DOCUMENTUM secundum, quod ex Christi Domini doctrina hæc colligitur; est gravissimum & Ecclesiasticis, quæ frequenter cum laicis agitantur, apertissimum controuersijs dirimendis. Pro quo ernestius notamus primò, adhuc in Pharisaorum, & Scribarum questione hæc, de adulteræ mulieris punitione, visus grande hoc lætæ. Nam in primâ, & secunda quæstionibus Christo supra positis, de Facto ista, & altera de iure, nullam rogatores expressum fecerunt mentione Mosæicæ legis: cuius

contrapositio et ad solvendum de facto didrachma tributi, vel ad declarandum, illud de iure esse Cæsari reddendum, præiudicium Christo responsuro, si non oculare, implicitum tamen ingeneraret: at in hac tertia quaestione legis Mosaicæ explicatus apponitur rigor, expressum inducitur præceptum: ut legis Divinæ, ad Cæsaris, vel legem, vel prohibitionem, intrante comparatione, Christo responsuro discrimen grauius, & difficilius redundaret.

1. Verumtamen venalitosam horum Iudæorum mentem inspicimus penitus, meminisse oportet, hunc textum expressum in lege Mosaica Deuteronomij cap. 17. reperiri: [Cum ingressus, inquit, fueris terram, quam Dominus Deus dabit tibi, &c. & dixeris; Constituam super me Regem, sicuti habent omnes per circuitum nationes: eum constituēs, quem Dominus Deus tuus elegerit de numero fratrum tuorum? Non poteris alterius gentis hominem Regem facere, qui non sit frater tuus.] Ex quo loco facile scilicet Iudæis, Christum accusare querentibus, quando de lapidatione huius adulteræ mulieris; & præcipue quando de iure census dandi Cæsari, illum interrogarunt, hunc expressum legis textum, induxisse, in terminis causam terminantem: & Cæsarem ab omni iure census exigendi, siue potestatem illis, in sanguinis causa, impediendi, inhibentem. Ab eo tamen inducendo caute, sicuti Politicè, abstinuerunt: verentes, ne si ad nati Regis Iudæorum confusam vocem, Herodes tot millium innocentium effuderat infantium sanguinem, de eripiendo sibi regno anxie cogitans, ad vocem expressam Iudæorum assentium, ex lege Divina, quodcumque Cæsaris, vel gentis cuiusque alterius generis, prætensum ius, antiquante, Regem ex numero fratrum suorum sibi deberi: Christo forsan ad illorum rogata omnino tacente, auditorum, qui eos ad Procuratorem Pilatum deferre possent, calumnia, læsæ Maiestatis subitò dammandi, subiacerent.

3. Immo et ita fuit gentis illius in Deum impietas, in Christum feritas, & in se ipsos atrocitas, ut qui sanguinis proprii consules indemnitati, ab usu, & collatione textus huius abstinuerunt, & Christum vel legem, vel Regem contemnere, insidias parauerunt; alio textu legis arrepto, de quo Cæsare etiam curante, nihil illis fieret præiudicij: iam præsentis calumnia incassum, per Christi Domini sapientiam, vertente: ut ipsi manifestè, non solum inferrent, sed etiam accelerarent in sanguine ipsius innocentissimo, sed grauius, super se ipsos excepto, & super suorum filiorum humeros, Cæsari etiam regnum vnanimi vocè coram Pilato asserentes, sacratissimi dicti textus, quantum in ipsis fuit, tam vanè quàm procaciter auctoritati abrogarunt.

4. Dixerintus vanes nam cum omnia in figura in antiqua Pagina, ut ait Apostolus 1. ad Corinth. c. 10. contigerint: velint, nolint Iudæi perfidi, Gentiles etiam, Infidelesque quicumque crepent profani, Hæreti-

ei quantumvis tabescant impij, in Christiana, & Catholica republica fuit ad litteram adimpletum, Regem nobis à Domino Deo fuisse constitutum illum, quem elegit Dominus de numero fratrum suorum: neque habemus Regem, qui sit alterius gentis, qui non sit frater noster, qui est Christus Dominus; Deus, cuius naturæ non sumus: homo, cuius naturæ sumus: iuxta huius Tractatus 2. & 3. Principium, qui propter hoc non confunditur, iuxta Paulum ad Hebræos cap. 2. nos vocare fratres, dicens: [Narrabo nomen tuum fratribus meis; Iuxta Psalm. 21.

5. Igitur omni se malitia munientes, & omni circumscripti cautela, rogaturi accesserunt Christum Dominum, quorum questio erat, quasi hæc durissima coarctatio. Quod solueris didrachma cæsus Imperatoris, accusationi nostræ non subest; neque alicuius alterius: nam vexationem tuam redimere potuisti; & Cæsari parens, forsitan, sicuti & nos, fecisti iustus. Quod Cæsari, quæ sunt Cæsaris, Deo, quæ Dei sunt, reddenda pronunciaueris, totius nostræ positionis vires succidit; cum id & Dei, & Cæsaris vigentibus legibus, videatur posse in vniuersum custodiri. At nunc Dei legis specificæ, in casu hoc individuo, & ad effectum de quo agitur, ad Cæsaris legem specificam stante collatione, quid iuris, quid facti, à te postulamus declarari? ut qualiter, quæ Cæsaris sunt, Cæsari sint reddenda, & quæ Dei sunt, Deo sint reddenda pernoscamus. Hinc est orta illa instans perseverantia, querendi solutionem difficultati propositæ; quasi essent certi, inde sequuturam fuisse, illum accusandi, occasionem; dicente Ioanne; [Cum ergo perseverarent, interrogantes eum. &c.]

6. Insurgit hinc locus præfato Documento: Ad Christum fuit per Phariseos, & Scribas recursum: ut suæ doctrinæ huius explicaret rationem, negotijs Diuinæ, & humanæ legi subiectis specificè distinctis, & utrique suis partibus adiudicatis: quis ergo inficias eat, simili ratione, ad summum Pontificem Christi ipsius Vicarium esse recurrendum: ut ipse decideret, quæ negotia, ex præscripto Evangelicæ legis, ex Ecclesiæ usu, ex traditione, ex iure diuino, seu Canonico, ad Ecclesiasticum tribunal spectent, quæ verò ad laicam pertineant iurisdictionem? Vnde videtur, Hæreticum esse, asserere, seculares Principes in omnes subditos, sine exceptione, à Deo habere immediatam potestatem.

7. Pro quo Documento firmando, adhuc secundo notamus: magnam versari differentiam, inter regulam, & usum regulæ; inter instrumentum, & instrumenti usum, discrimen ingens considerari: quod manuali exemplo, in artificialium, seu Mechanicarum rerum materia contremamus. Habet enim artifex quicumque varia in officina apta instrumenta, ad opera, iuxta suæ artis regulas, efficienda: quibus ipse, utens, felici successu, vel imaginem, si pictor sit, depingit ad vivum: vel vas aureum, si aurifex sit, affabre conflat, & ornat; quod similiter, de qui-

buscunque potest artificibus enunciari. Accedat interitum artis inscius quidam, & instrumentis utatur iisdem, nihil efficiet, quod artis regulas imitetur: & tamen instrumenta illa in potentia sunt obedientia, & ut illis, ignarus etiam artis operetur. Hoc tamen ibi discriminis intercedit, quod instrumentum in potentia illa, non est ad effectum absolutum, incomplexum, & regularem; sed ad effectum, relativum ad causam efficientem, complexum, & distinctum, regularem, id est, vel irregularem: nam manus artificis formaliter, & iuxta artis regulas, operantis, obediunt regulariter: secus manui ignari, & prater, vel contra dictas regulas, efficientis, a qua mota talia instrumenta, irregulares effectus sortiuntur.

8 Neque desunt exempla in rebus moralibus, quæ idem demonstrant: & sit hoc vnum ex sacra Scriptura desumptum. [Cani,] inquit Spiritus sanctus, Sapient. c. 4. [sunt] senes hominis: & ætas senectutis vita immaculata. [Hæc est quædam regula generalis, & quoddam instrumentum factum] attribuit ab ipso Deo; & in sacrorum eloquiorum penu repositum, ad iuvenum bene morigeratorem, consolatorem; & ad seniorum, qui his sunt pueri, terrorem, et illi animo, bene operando, crescant, hi a peccando desistant; illi de virtute in virtutem eant, dum hi a virtutum semitis deviant: neque temporis. Intelligamus, cursu merita hominum dimetiendi, quæ ex Paulo Apostolo 1. ad Timothe. cap. 1. amulsi charitatis puræ, & consentiunt bonæ, & non sicut fidei mensurantur.

9 Ne tamen hoc Divinum instrumentum, siue hunc clypeum intermisisset alios, Cantic. c. 4. pendente ex turri Davidica, crederent Christiani, in eadem esse potentia, respectu omnium illo uti volentium, ad cuiusque hominis, siue iunioris, siue senioris facta indicanda: cum esset futurus Christianæ disciplinæ peritus; & sciens [supereminentem] scientiæ charitatem Christi, [ex Paulo ad Ephes. cap. 3. qui illo accepto] instrumento; inter dicendum, vel de fratrum, vel de subditorum, gelis, sciret optime edere censuram: esset etiam rursus spiritus inscius, imperitus, & audax, qui eodem non accepto, sed atrepto instrumento, non eo usus, sed abusus, in illis iudicandis, non fratrum, vel subditorum seniorum, vel iuniorum vitia, vel virtutes, sed tantum potius ignorantiam manifestans, inter eos dissingeret charitatem. Christus Dominus docet, non quocumque scire tractare hæc, & similia Divina prologia, seu instrumenta, in argumentario, ut illeque Testamento regenda, & aservata, dixit Matth. c. 7. [Nolite iudicare, & non iudicabimini. Nolite condemnare, & non condemnabimini.] Paulus etiam Apostolus Christi imitator, & ab ipso acceptæ doctrinæ tam studiosus, quam intelligens Commementor, sic adiunxit, 1. ad Corinth. c. 4. [Nolite ante tempus iudicare: quousque veniat Dominus, &c.]

10 Et hæc sunt illa exempla, quod ab hisce ultimo Pauli Apostoli

doctrina, & verbis, sumptum est. Exstat enim celebris sententia illa Marci Eremitæ, viri, & antiquitate, & vitæ sanctimonij venerandi, in Sermone de Pœnitentia, de abusu horum instrumentorum, quæ in sacra Scriptura continentur. [Cum quempiam ex ditionibus, inquit, delinquentem videmus, corripere non audemus; sed dicimus, scriptum esse; Nolite ante tempus iudicare: quoadusque veniat Dominus. At in abiectionibus erant aliquid leue nati, mox insurgimus, euulgantes, ac dicimus, esse scriptum: Peccantes coram omnibus argue. Atque ita nostrâ hypocrisis, siue malitiam, Scripturæ testimonijs perversè tegimus.]

11 Ratione simili, Christus Dominus in hac difficili quæstione, de Ecclesiastica immunitate, & Principum secularium iuribus, voluit hæc regulam perpetuò coram Christianorum oculis deponere; scilicet, [Reddite quæ sunt Cæsaris, Cæsari, & quæ sunt Dei, Deo.] Vnus tamen regulæ, noluit ut cuique laico, cuique Principi seculari esset communis, & in procinctu; immò noluit, ut quicumque Ecclesiasticus, etiam si sit Prælati, illa regula indifferenter vteretur. Esset enim tunc facilè, regula existente recta, iniquum ad effectum applicari.

12 Sciant ergo, oportet, laicæ Potestates, huius regulæ vsum, & applicationem, sibi ipsi Christum, regulæ Auctorem, reuerasse: & ex consequenti, sacris Concilijs legitime congregatis, quibus assistit Spiritus sanctus, docens omnem veritatem, & suggerens explicationem omnium, quæ Christus dixit: atque etiam summo Pontifici suo Vicario, qui à Christo habet potestatem, ad Ecclesiæ directionem, regimen, & instructionem: qui vices gerit Christi Domini, & habet clauēs Regni celorum: hoc est, Ecclesiæ triumphantis, in quod nullus admittitur, cui ille portas, clauē non errante, clausit: hoc est, militantis Ecclesiæ, cuius est Pontifex, Rex, & Imperator in spiritualibus, & ad ea in sua consummatione, iuxta 2. Partē dictā, & explicatā, pertinentibus; in quibus omnes Christiani, siue Principes, siue subditi, illius sunt oues, & ipse est eorum Pastor, cui dictum est à Christo absque status, & personarum discrimine. [Pasce oues meas.] Ioan. c. vlt. hoc est, clauēs habet potentis, & scientis; illius ad condonanda delicta, huius ad sacræ Scripturæ thesauros aperiendo: ut sciant omnes Christiani Principes, quæ sint illorum partes in Republica gubernanda; quò interim Reipublicæ Christianæ status in vniuersum, haud, Ecclesiasticæ læsæ immunitate, perturbetur.

Tertium Documentum ex Christi Domini illa oriens

doctrina. Cap. XI. §. I.



DOCUMENTVM hoc aliud tertium, ex hac Christi responsione, seu Glossa magna illius Regulæ, [Reddite quæ sunt Cæsaris, Cæsari; &c.] resultat, valde etiam adnotandum. Non, ex natura legis humana ciuilis, neque ex natura iuris, & po-

testatis Regum, seu Principum secularium; sed ex natura legis Eua-
gelicæ, & Christianæ sumendum est, quid sit Cæsari, seu secularibus Prin-
cipibus, & quid sit Deo reddendum.

2 Hoc ut explicetur, notamus, Pilatum Procuratorem Imperij Ro-
mani, apud Ioannem, cap. 18. & 19. Iudæis Christi Domini causam, &
etiam usque ad mortis supplicium, iudicandam, seu exsequendam, remi-
sisse, hac concessione: [Accipite eum vos, & secundum legem vestram
iudicate eum.] & iterum: [Accipite eum vos, & crucifigite.] Cui Iudæi
semel responderunt: [Nobis non licet, interficere quemquam.] & iterum,
causam vrgendo, subiunxerunt: [Nos legem habemus, & secundum legem
debet mori; quia Filium Dei se fecit.] utroque loco ius sibi, &
potestatem, mortis supplicium de noxijs sumendi, fuisse abrogata faten-
tes, & ex legis præscripto, eam pœnam ultimam Christo irrogandam, &
ad Pilatum protestantes.

3 Si tamen Iudæorum gesta penitus, circa suæ legis obseruantiam, ex
ipso sacro textu perquiramus, inueniemus: eos Ioan. c. 8. tulisse lapides,
ut iacerent in IESVM, quasi in blasphemum, post Diuinissimam illam
ab eo habitam concionem de mysterio sanctissimæ Trinitatis, & de ipsius
Christi Incarnatione, olim promissa Abraham, & iam exhibita. Et c. 10.
Concione alia Christi de prædestinatione hominum, & de personarum in
Diuinis distinctione, cum essentis vnitatis à Iudæis auscultata, mercedem
Christo prædicanti lapidum imbrem parauerunt: vel saltem illum ap-
prehendere quæsierunt: nisi, quia nondum venerat hora eius, è manibus
illorum diuinitus euasisset. Et c. 7. iam miserant ministros ad IESVM
apprehendendum, & carceri mancipandum. Et cap. 11. dederunt man-
datum, ut indicaretur IESVS, ut apprehenderetur. Actuum similiter c. 7.
Stephanus Diaconus à Iudæis, tãquàm blasphemus, fuit lapidibus obru-
tus. Et cap. 9. Saulus spirans minarum, & cædis in discipulos Domini,
Christianam viam viros, & mulieres sectantes, vinculis iniectis, in Ieru-
salem vndeumque adducere conabatur. Idem Paulus describit, 2. ad
Corinth. cap. 11. se ter virgis cæsum à Iudæis, & quadragenis semper vna
minus plagis acceptis, quinquies fuisse flagellatum. Actuum etiam
cap. 5. Apostoli omnes cæsi, & propter nomē IESV contumelijs affecti, à
Sacerdotum Principibus è carcere fuerunt liberati.

4 Et tandem si sub hac quæstione, de adulteræ punitioe, non latebat
illa calumnia, de Cæsaris contemnenda iurisdictione, quæ colligitur ex
Chrysostomo, quem videmus sensisse, causas sanguinis Romanos Pro-
curatores ad suam aduocasse potestatem: sicuti superius Parte 2. circa
probationem Conclusionis 2. tit. De iudicio, à nobis dictum fuit: sed iux-
ta sanctorum Ambrosij, & Augustini, & aliorum sententiam, argumen-
tum hoc Phariseorum erat cornutum, & duplici hoc solum periculo clau-
debat; ut vel Christum, si ex misericordia mulierem absolueret, legis

violatorem; vel si dampnaret, ex rigore, durum, & crudelem iudicaret: hoc certe casu, præcedentibus adiunctis, habebimus, Iudeos, & legis illius observatores extitisse, & legis cuiusque poenalis exsequutionem, iuxta illius præscripta, in fragrantibus saltem criminibus, habuisse: Cæsaris iurisdictione illam sibi, in reliquis salua obedientia, non vetante.

5 Fingamus ergo, ad Christi Domini prædicationem, gentem Iudaicam, tenebris mentis depulsis, & cordis cæcitate deposita, suæ tempus visitationis cognovisse, & Christum Dominum, sicuti erat, pro Messia à se exspectato suscepisse: vel quia OEconomia nostræ Redemptionis, ex antiquis Prophetarum prædictionibus, in Christi præsentia corporali passibili, ut in effectu demonstrante eas esse, veras, constans, huic obstat fictioni, id fingamus, quod effici facillimum fuisset; hanc suam visitationem Ierosolymis dictam gentem Iudaicam, agnovisse, quo tempore Actuum cap. 3. appositæ sunt ad Christianam professionem, animæ circiter tria millia, audita Petri summi Ecclesiæ Pontificis prædicatione: Iudaicæ verò gentis reliquum per uniuersam Palesthinam Metropolis Ierosolymorum audita à Christi conuersione, illius doctrinæ, simili consensu, credidisse.

6 Tunc quidem gens Iudaica, & Israelitæ illucisque secundum carnem, iam etiam secundum spiritum, ut docet Apostolus Paulus, ad Rom. cap. 2. viri Iudæi Deum verum conspicientes, & veri Israelitæ, Deum verum, saltem per fidem, & in ænigmate, videntes euasissent: [Translato igitur Sacerdotio, necesse esset, ut legis translatio fieret.] ex Augustino, cap. Translatio, de Constitut. Apostoli Pauli doctrinam, ad Hebr. c. 7. sequente: ceremonialia omnino cessare deberent: Decalogi sola perstaret, ex antiqua lege, obseruantia: non quia ex lege illa, sed quia præceptorum illorum vis ex naturæ lege dependet: iuxta quorum primum, & secundum, præceptum, templum illud Ierosolymitanum Augustissimum Christo venturo, & eius significatiuis sacrificijs dicatum, in Christi iam passi esset honorem commutandum.

7 Hoc verò difficultatem assert non leuem, quid tunc de legis esset præceptis agendum iudicialibus in illa Republica, quantumvis animæ, ex vi legis antiquæ, nihil fuisset de illis curandum vigerius; ex Christianæ tamen legis disciplina, & iustitia, adulteria essent punienda, latrocinia, vindicanda, castiganda homicidia, & omne denique malefactorum genus, poenis foret debitis coercendum. Ergo vel iisdem materialiter, quibus lex vetus illa, crimina puniri iubebat à Christianis, vel alijs similibus punirentur.

8 Quo supposito, interrogamus ab hoc Anonymo Scriptore, interrogamus à quocumque Principe seculari, siue Republica Christianis, interrogamus ab omnibus Catholicis Doctoribus; An hæc Respublica Hebræorum, facta Christiana Respublica, ius haberet, & potestatem, seipsam illis legibus

gubernandi? an verò Cæsari, & Imperatoribus Romanis nouum ius aliquod, immediatè à Deo sibi concessum, accreuerit, ad hanc Rempublicam gubernandam? Certè, si sapiunt, respondebunt, Christi Domini in mundum aduentum, & illius pro hominibus susceptam passionem, nihil fuisse operatam ad effectum nouæ alicuius iurisdictionis Principibus secularibus in Christianos, & fideles exercendæ. Neque enim ad regnum temporalium, vel instituenda iura, vel augendam potestatem, Christus venit in mundum: quantumcumque veniens in illum, vt peccatores saluos faceret, ex Apostolo Paulo, 1. ad Timoth. cap. 1. indè tuerit consequutum, vt si regna, & Reges non crexerit, at correxerit, si non instituerit, at statuerit, & restituerit.

9 Potuisset igitur, suppositione hæc stante, Romanus Imperator, ius habere, exigendi censum à Republica illa per capita; quò Cæsari integra constarent, quæ erant Cæsaris; & potuisset, & debuisset illa Respublica ius habere, seipsam per leges Christianas Deo; iuxta nouæ legis instituta, suum cultum exhibendo, gubernari; quò Deo, quæ Dei erant redderentur. Neque si Romanus Imperator ad maiorem in gentem illam potestatem aspiraret, minus ab ea, ex legis Christianæ rigorosa iustitia, esset illi obstandum; quàm hodie à quocumque Rege Christiano, alteri Regi Christiano in suas ditiones, eis poriturus, irrupenti, vel in Republica aliqua libera, Duci eiusdem, Monarchiam in eam inuhere conati, iustissimè à plebe, & Senatoribus obstaretur. Neque tantum esset insipientia, non solum esset audacia, sed extremum esset delirium, eleboro curandum, affirmare, ex Christianæ legis humilitate, charitate, & patientia, arma voluisse Christum Gentili Imperatori parari: vt inmediatione noua, in antiquam gentem, noua Christiana imbutam disciplina, ampliorem iurisdictionem exerceret.

10 Quæ fictio, & suppositio, cum eo, quod ex ipsis colligimus, clariùs illustrabuntur, si meminerimus, quanta constantia, gens Iudaica, pro sua esset solita lege pugnare: vt ex illius temporis constat Historijs, & maxime ex Philone in descriptione suæ ad Caium Caligulam Imperatorem, legationis, pro sua gente, omni prætendente conatu, ne in templo Salomonio, contra legis præceptum, Imperatoris dedicaretur statua; quibus actis, satis Iudaica fuisset apud posteros Respublica nobilitata: nisi ex Christi in crucem acti facinore impio, ad extremam iam vilitatem deuenisset. Quid enim fuisset, si non iam pro legis Mosæicæ, sed pro Christianæ disciplinæ obseruantia, Romano Imperatori supplicasset?

Obiectio quadam soluitur. Cap. XII. S. 1.



IDE MVR tamen in eadem, circa hoc Documentum, hærere solebra. Nam seclufa Cæsaris iurisdictione, quam in ficta hæc à nobis Respublica, iam erat cōsequutus: adhuc in ea duplex hic

status distinctus, incontestatusq; daretur: Ecclesiasticus, videlicet, & laicus: ille Leuitico Sacerdotio, hic seculari antiquorum Regum, iudicium, seu Ducum, & suorum subditorum, ex vndecim tribubus alijs à Leuitica, succedens. Vnde Ecclesiastici Christiani, omninò deberent esse contenti suo foro, in rebus, videlicet, spiritualibus, veluti Sacramenta, & similia concernentibus: & cum hoc, Deo, quæ Dei erant redderentur: in reliquis autem statu seculari Christiano, etià Romano Imperatori subdito, circa res alias temporales, & ciuiles tam in causis laicorum, quàm in Ecclesiasticorum causis, siue circa personas, siue circa eorum bona, sine exceptione, forum integrum exterius à Deo immediatè ipsi concessum permaneret: vt posset Christi regulæ illa pars, [Reddite quæ sunt Cæsaris, Cæsari;] non solum ad Romanum Imperatorem, sed etiam per translationem, (sicuti ea nunc vtimur, ad cuiuscumque laici Principis iura tuenda:) statui tunc alium secularium Christianorum applicari.

2 Pro qua obiectione dissoluenda; siquidem agimus cum Catholicis hominibus, hoc solum Catholicum fundamentum, ex Apostolo Paulo, 1. ad Corinth. cap. 10. pramittamus: Genti Iudaicæ [omnia olim in figura contigisse: scripta autem esse ad correptionem nostram, in quos fines seculorum deueniunt.] Esto igitur, controuersia, de iurisdictione Ecclesiastica, & seculari, tunc inter vtrumque illum statum fuisset exorta; & vtraque pars regula illa Christi, [Reddite quæ sunt Cæsaris, Cæsari: &c.] se, suæque iura tueretur: quibus iudiciis, qua lege, quibus medijs esset controuersia dirimenda? Nam si status secularis habuisset hunc Anonymum Aduocatam, ad Dei confugeret immediationem: per quam assereret, ius, & potestatem, sine exceptione, Principibus, seu Magistratibus illis secularibus, etiam in personas Ecclesiasticas, etiam in eorum bona Ecclesiastica, fuisse à Deo contributa. Contra verò Ecclesiasticus status, si Nos haberet cum veritate, & pro veritate Aduocatam, affirmaret, dubio procul, immunitatem, tam quò ad personas, quàm quò ad bona, sibi fuisse à Christo Domino stabilitam de iure Diuino: & in ijs nihil laicam habere commune Potestatem.

3 Esset igitur tunc omninò recurrendum, ad Scripturæ sacræ, & actorum ipsorum Apostolorum fundamentum, & Documenti inducti doctrina persistet solidè: ad legi, videlicet, Christianæ iudicium, & præscriptum hæc tractanda fore: certum est, non ex Regum, vel Principum arbitrio, aut sensu, aut prætenso immediationis iure, illam fuisse controuersiam decidendam. Consequentèrque ea loca sacræ nouæ Paginæ à nobis supra inducta Parte, 2. essent producenda: ex quibus manifestè constaret, suum peculiare forum Politicum, seu ciuile statui Ecclesiastico fore de iure Diuino adiudicandum, & dispensationis suorum bonorum, & rerum, & circa eam legislationis iura sibi solum de iure Diuino conseruanda. Quòd si Anonymus hic Consiliarius, dictorum focorum sacræ

Scripturæ se gereret alienus, & extraneus à SS. Patribus, à Doctoribus Catholicis Commentator, non esset tamen adeò refractarius, vel si esset, facile à Catholico quocumque Principe seculari sperneretur, qui hanc Apostolici illius fundamenti sequentem inductionem pernegaret.

4. Legis scriptæ, Prophetiæ priscæ, seu antiqui populi Iudaici decreta, doctrina, & gesta, exemplaria quædam erant, & typus eorum, quæ, per eundem populum Iudaicum iam factum Christianum, erant gerenda: Sed apud Aggeum c. 2. sic habetur, [Interroga Sacerdotes legem. &c.] & Malac. cap. 2. dicitur, [Labia Sacerdotis custodiunt scientiam, & legem requirent ex ore eius; quia Angelus Domini exercituum est.] Prius verò in Deut. c. 17. sic fuerat præceptum: [Si difficile, & ambiguum apud te iudicium esse perspexeris inter sanguinem, & sanguinem, causam, & causam, lepram, & lepram; & iudicium intra portas tuas videris verba variare: surge, & ascende ad locum, quem elegerit Dominus Deus tuus; veniesque ad Sacerdotes Levitici generis: & ad Iudicem, qui fuerit illo tempore, quæresque ab eis; qui indicabunt tibi iudicii veritatem; & facies quæcumque dixerint, qui præ sunt loco, quem elegerit Dominus, & docuerint te iuxta legem eius, sequerisque sententiam eorum, neque declinabis ad dexteram, neque ad sinistram. Qui autem, superbie rit, nolens obedire Sacerdotis imperio, qui eo tempore ministrat Domino Deo suo, & decreto Iudicis, morietur homo ille, & auferes malum de Israel. Cunctusque populus audiens timebit: ut nullus deinceps intumescat superbia.]

5. Si ergo hæc sic se habebant in populo antiquo Hebræo, est consequens, ac necessarium, ut in eodem populo per Christi Domini pretiosum sanguinem à veteribus delictis emundato, & in sanctitate, & iustitia novæ disciplinæ Evangelicæ constituto, quæ in antiqua lege tam sanctè præcipiebatur, tam sanctè custodiebatur, tam sanctè gerebantur, potiori ratione, non ut ex vi legis præcepta, sed ut legis novæ perfectioni conformia, custodirentur sanctius, & sanctius gererentur.

6. Aliis Catholicorum omnium Doctorum iudicium, immò Christianorum Principum appellamus rationi consonum discursum, quam consequentia liceret arguere Hebræicæ genti illi sic: Lex antiqua Christo in carne per passionem consummato, fuit abrogata: vnde non sumus iam populus Iudaicus, carne solum sed verius sumus Iudaicus populus, quia Christum Christiani confitemur: Ergo status secularis apud nostram Reipublicam omne regimen in omnes tam laicas, quàm Ecclesiasticas personas, & in eorum bona, omne ius, & potestatem omnem, in omnes fuit hominum status consequutus. Disparata certè consequentia. Hæcine essent opera translationis legis, translationis Sacerdotij in excellentiorem legem, in sublimius Sacerdotium Christi Dei & hominis, Ecclesiæ hostiæ, & Sacerdotis? legem, scilicet, nouo populo Chri-

stiano reliquisse imperfectiorem ea, quæ antiquabatur, quia ex Paulo Apostolo ad Hebræos cap. 7. nihil ad perfectum attulisset.

Corollarium, quod ex dictis colligitur. Cap. XIII. §. 1.



IRMVM igitur, & constans manet Documentum; iura, & facultates status secularis, & Ecclesiastici, ex legis Evangelicæ fontibus esse hauriendas, & difficultatum circa hæc emergentium resolutiones, ex illius præscriptis, si expressa reperiantur, esse sumendas: sin minus ad Ecclesiæ Prælatos, & præcipuè ad Prælatorum Prælatum, summum Pontificem esse recurrendum: qui dubia declaret, & regulam illam, [Reddite quæ sunt Cæsaris. &c.] applicet ad indiuiduos casus; tamquam, qui scientiæ clarè habeat, ad absconditos Scripturarum aperiendos sensus: grauissima pœna reo dubio procul futuro quocumque Christiano, qui illius explicationem, & imperium, circa iudicium difficile, & ambiguum, subterfugere procuraret.

2. Hinc colligendum est, hac lege expressa, hoc pacto claro, & hac numquam abroganda conuentione, cum omnibus Christianis prouincijs, earumque incolis, siue Principibus imperantibus, siue obsequentibus subditis, lex gratiæ, & Evangelica transegit; vt Christi Euangelium, regna, & Republicas dirigeret, erigeret, regeret eo regimine, quo in Republica Hebræorum iam facta Christiana, iuxta nostram suppositionem, fieri omninò debebat: vt non duodecim Tabularum leges, non Aristotelis, non Platonis, Lycurgi, Solonis, Legumlatorum Edicta, non Liuij Decades, Taciti Annales, vel Historiæ, Plutarchi Parallela, Philosophi Gentiles, Oratores, seu Poetæ profani, Græcæ denique, vel Latine linguæ humaniores, & politiores traditæ disciplinæ regna, & Republicas Christianas gubernent: vel potius eas transuersum agant, & pessumdent.

3. Et sicuti lex Christiana nihil circa regimen regnorum, & Rerum publicarum attingit, vt vel ex Democratia, Aristocratia, vel è conuerso, vel ex vtraque Monarchiâ, vel ex Monarchia altera ex illis, vel vtraque resulet gubernandi forma, vel quomodocumque mixtum aliquod coalescat regimen, quod antiquitus in prouincijs receptum labefaceret: cum de his non tractet Christiana disciplina: sic hoc solum curat, disponit, & ordinat, vt regimen temporale, & ciuile prouinciæ, vel regni, vbi est admissa, vel admittenda, processus ipsius legis non solum non impediat, verum illos promoueat, illius ordinationes, decreta, statuta custodiat, & ea omnia quæ de illius sunt decore, æquo, & bono amplectatur, reddendo Deo in status Ecclesiastici conseruanda immunitate, quæ Dei sunt: vti quæ sunt Cæsaris Principibus secularibus ab ipsa lege incolumia conseruantur.

4 Quo loco tractando, ad illam responſionem Chriſti Domini, [Reddite quæ ſunt Cæſaris, Cæſari. &c.] cùm longiores, quàm voluiſſemus, fuerimus: hoc capite placet concludere, breui ſermone Principes ſeculares admonendo: ipſos in hac controuerſia, de Eccleſiaſtica Politica poteſtate, à ſuis Doctõribus, ſi contrà ſedem Apoſtolicam ſentiant, non ſecus quàm ab Hæreticis, impiè veneno illita doctrina circumueniri: Dæmone, ad quem fructus huius ſeminis Theologiæ corruptæ ſpectant, exſpectante; dum quærunt, ſtatum Eccleſiaſticum, & ſecularem, quò ad iuriſdictiones omninò permisceri: & hoc loco Chriſti, [Reddite quæ ſunt Cæſaris, Cæſari. &c.] ignoranter, immò dolosè abuti: vt hoc altero brachio ſtatus Eccleſiaſtici cadente; qui ſi vigeat, Principes, & Republicæ ſtabunt, obedientia ſecularium ſubditorum florebit, & omnia erunt, & imperantibus, & obſequentibus pacata: Hæretici ipſi, qui in ſpeciem Principibus blandiuntur, illis ius, & poteſtatem, quam non habent, immediatam à Deo in omnes, ſine exceptione, arrogantes, poſtmodum, (qui talium Doctõrum, ſeu Hæreticorum eſt mos) eoſdem Principes in ſuis regnis, & Rebus publicis apud ſuos ſubditos in odium primò, & inuidiam vocantes, dum iam non habeant hoc brachium Eccleſiaſticum, cui fidant, & innitantur, tandem eos proteruè, & inhumani-ter è ſuis ſolijs valeant exigere, excludere, perturbare.

5 Et cùm Canones plures ſacri huc ſpectantes poſſent adduci, relati 24. q. 11. hic pro omnibus D. Hieronymi recitetur, ex lib. 2. Comment. ſuper Oſæ. c. 5. [Transferunt, inquit, Principes Iuda terminos, quos poſuerunt patres eorum, quando immutant mendacio veritatem, & aliud prædicant, quàm ab Apoſtolis acceperunt.] Et infra, eod. cap. [De Hæreticis manifeſtus eſt ſenſus, quòd ſophiſmatibus ſuis, & arte Dia-lectica ſæpè opprimunt Eccleſiaſticos.] Item ad cap. 9. [Veteres ſcrutans Hiſtorias, inuenire non poſſum, ſciſſiſſe Eccleſiam, & de domo Domini populos ſeduxiſſe, præter eos, qui Sacerdotes à Deo poſiti fuerant, & Prophetæ, id eſt, ſpeculatores. Iſti ergo vertantur in laqueum tortuoſum, in omnibus locis ponentes ſcandalum.]

Doctrina Petri Apoſtoli, & ad eius explicationem præludia, pro Anonymi illa Propoſitione hæreſis conuincenda. Cap. XIV. S. 1.



CHRISTE Domini primus Vicarius Petrus Apoſtolus, contrà hunc Anonymum, & ſimiles præſumptuoſos Scriptores ſic rem hanc, de qua controvertimus, diffiniuit: omnes Chriſtianos exhortans, ad ſubiectionem debitam Principibus ſecularibus exhibendam. [Subiecti,] inquit, 1. Epiſt. cap 2. [eſtote omni humanæ creaturæ; propter Deum:] ſiue Regi, tamquàm præcellenti: ſiue Ducibus, tamquàm ab eo miſſis, ad vindictam malefactorum, laudem verò bonorum.] Hic, humanæ crea-

6 Qui enim docent, homines super homines ius, & potestatem gubernandi à Deo immediatè suscepisse, in omnes suæ respectuè ditionis, sine exceptione: ut verum fateamur, neque sciunt, quid sit homines hominibus dominari; neque intelligunt, quæ consilij altitudine præuia, Deus condiderit hominem: neque æstimant, quam voluerit ipsemet Deus, hominem ad Deum habere continui passivi immediatam relationem: neque penetrant, quæ Diuina sapientia circa hominis suauitate se gesserit voluntatem: neque admirantur Diuinam potentiam, quæ ut maior efflueret, ad maximam hominis potentiam, exercendam, voluit efferre: Dei denique eiusdem bonitatem aspernantur: qui ne homines, quibus ipse dominaretur, desissent, homines dum condere decreuit, humanis futuris miserijs, criminis excepta labe, liberalissimè voluit subiacere.

7 De quibus cum plura sint adhuc dicenda, ut Petrum Apostolum, Principes, & eorum ministros appellentem, Humanam creaturam, explicemus, Dei Opt. Max. verba, in consilio de homine creando, proposita perpendamus. Nam si sempiterni Patris Maiestas, Filio sempiterno, & sempiterno Spiritui, induceretur à Moyse solùm dixisse: [Faciamus hominem:] illustris quidem, & excellens hominis conditio notaretur: ut potè ad quem creandum, totius Trinitatis tam grande consilium præcessisset: quod, ad ceterarum rerum creationem, nusquam legebatur applicatum. Esset insuper ex parte rei adeò eminentis, hominis, videlicet, conditi, eius conditio mirabilis: neque sic innotesceret nobis, quid, ex parte Conditoris, ibi eminentissimum comprehenderetur: neque Regius Vates, Psalm. 138. mirabilem esse factam etiam Dei scientiam, ex homine, encomio tanto prædicaret.

8 Cum verò inducitur Deus, in tribus illis inconfusis, & æterna vna, Deitate constantibus, trino ineffabili, & reali numero condistinctis, consilium inijsse personis, hisce verbis: [Faciamus hominem ad imaginem, & similitudinem nostram:] ratio quædam altissima inuitur, Deum mouens ad consiliū, nostro intelligendi humano, seu crasso modo, conuocandum, quæ dubias in partē utramq; & aſcentem, & negantē potuisset inclinare personas; ut sicuti homo, decreto affirmatē sequuto, fuit creatus; sic caussis, illum non creandi, potioribus iudicatis, negante intercedente decreto, homo à Deo minime conderetur.

9 Doctores igitur Hebræi, & alij eiusdem sermonis periti, & pij, (aliijs nunc locum hunc prætermisſis explicandi rationibus, quas adducunt multi Patres, & eas suo ordine veneramur:) docent, consilium illud (quod nos concipimus,) de hac præcipuè fuisse difficultate superanda coactum; An homo ad imaginem, & similitudinē Christi Dei, & hominis, & ad eius humanitatis, quam fuisset assumpturus, creari deberet? Cum enim Isaias dicat de Deo, capit. 40. [Cui ergo similem fecistis Deum? aut quam imaginem ponetis ei?] & cap. 44. dicat ipse Deus: [Quis similis mei?]

& 2. Paralip. cap. 6 habeatur sic: [Domine Deus Israel, non est similis tui in cælo, & in terra:] Deo, secundum Diuinitatem, simpliciter illa verba nequeunt adaptari.

10 Sic allegat locum hunc Magister Petrus Alfonsus Neophytus, Dialog. pro fide Christiana, titulo 8. quem sequuntur omnes, qui contra Hebræos scripsere perfidos sed præcipue Baptista, Tract. de Cōfutatione Hebræicæ sectæ, in 1. parte, tertiz partis, inde dicit, hoc valde confirmari: quia vbi nostra Vulgata lectio habet, illud verbum, [ad imaginem,] verbum Hebræum, בצלמות, reddi potest Latine, ad crucem, seu, in crucem nostram: vt sit literæ sensus: Faciamus hominem ad crucifigendi imaginem Verbi, vel ad imaginem humanitatis, quam Deus Verbum est assumpturus, quæ ad modum, & crucis formam est creanda.

11 Qua pijsima, & literali stante explicatione, intelligimus, hominis conditionem ab æterno Patre, Verbo, & Spiritui propositam sancto, illis omnium rerum explicitis successibus, qui homini à gratia, & iustitia lapso originali, pro eius erant reparatione Verbo incarnando, pœnalibus euenturi; quasi Diuinz illius secundæ personæ, Pater hereret expectata sententia, ad quam habebat sermonem: vt in Concilio Sirmienti, cap. 13. diffinitur, Spiritus etiam sancti approbatione, quando implicita, in Adamo in animam faciendo viuente, suæ mortis excepta conditione; ne mundus creatus hominem iustum non haberet, & cælum eo lapso priuaretur: hominis creationem, Patris voluntati conformis, assensus Filij confirmauit.

12 Quo sensu Ioannem, in Apocalypsi, capite. 13. Christum vocasse, Agnum occisum ab origine mundi, facile intelligit, qui Paulum Apostolum, Epist. ad Hebræos, altissimè hæc mysteria, tamquam cum eruditiori gente tractantem attendat. Is enim Psalmum 39. versans, eundem explicandi tenorem fuit sequutus, sic illum literalibus Commentarijs illustrando. c. 10.

13 Ideo, inquit, ingrediens mundum, dicit: Hostiam; & oblationem noluisti, corpus autem apasti mihi. Holocaustomata, & pro peccato non tibi placuerunt: tunc dixi, Ecce venio. In capite libri scriptum est de me: vt faciam Deus voluntatem tuam.] Quis enim iam poterit dubitare, regium Psalmem, ad primum Libri Genesis, Caput alluisse: quo loco Deus Pater, iuxta prædicta, optionem dedit Filio, vel hominē non creandi, vel creandi, sed ipsius Filij præmissa, vsque ad crucis morrem, obedientia recreandum: cum sic eum locum Paulus Apostolus explicarit?

14 Itaque, quod retulit Moyses, dixisse Deum, [Faciamus hominē ad imaginē, & similitudinem nostram:] dixit David: [In capite libri scriptū est de me: vt facerem voluntatem tuam:] idest, in principio Genesis, seu, בראשית, scriptum fuisse de Christo, ipsi Patrem proposuisse, vt in conditione hominis, eius morem gereret voluntati. Cum verò additur ibi:

[Et creauit Deus hominem ad imaginem suam:] hic dicitur: [Deus meus volui,] idest, *In forma, Iddio cred' l'huomo, perche cosi volse il suo Figliuolo;* & cum ibi repetitur, [Ad imaginem Dei creauit illum,] hæc dicitur, [Tunc dixi, Ecce venio.] Id est, *Aduertite, quod Deus Pater, Filij auscultata sententia, & parata consensione comprobata, ad imaginem Dei, idest, Filij sui Adamum protoparentem efformauit.*

15 De quo Diuino consilio, & Filij æterni in Patris æterni voluntate, suam, plenissima resignatione, voluntatem conijciente, vt eius plenissime possessionem adipisceretur, gloriatur ipse Filius, & Patris Sapientia, sic dicens, Prouerb.c. 8. [Dominus possedit me in initio viarum suarum: antequam quicquam faceret à principio:] ac si diceret: cum initium, seu caput, seu principium, & præcipuum corporearum creaturarum homo esset creandus, Dominus Pater in casu, & ad effectum, de quo agebatur, plenam meæ voluntatis possessionem acquisiuit.

16 Ad quem locum vltimo, respexisse videtur Iacobus Apostolus, Ep. sua Canonica, cap. 1. dum dixit, [Voluntariè enim genuit nos Verbo veritatis: vt simus initium aliquod creature eius.] Ibi namque, licet de recreatione hominum, per verbum Euangelij, videatur Apostolus Iacobus, iuxta quorundam Doctorem expositionem, egisse: cum tamen gratia hæc naturam præsupponat, & ibi sic prædocuerit, [Omne datum optimum, & omne donum perfectum de sursum est, descendens à Patre luminum: apud quem nõ est transmutatio, neque vicissitudinis obumbratio:] compertum est, etiam apud Auctores sacros, [datum optimum] ibi, pro naturæ operibus, & conditione, & [donum perfectum,] pro gratiæ effectibus, & mysterijs Euangelij capiendum: Iacobus eodem Apostolo ibidem aduertente, apud Deum semel hominem creare, & recreare statuentem, neq; mutationem sententiæ, neque propositi vicissitudinem intercessisse. Vnde est consequens, eum sensum reddere verba sequentia: Pater æternus, Filij accedente consensu, & Spiritus sancti inclinatione comprobato, plena sanctissimæ Trinitatis resultante voluntate, genuit nos, efformauit, & creauit nos [Verbo veritatis,] idest, per Filium suum: vt simus *æpar,* idest, initium, hoc est, primitiæ, seu primi, seu potiores rerum in orbe creaturarum. Et quid mirum, primas homini deferri? numquàm enim Deus Angelos apprehendit, aut alicui eorū dixit, [Filius meus es tu.]

Obiectio quadam soluitur. Cap. XV. §. I.



NEQUE obstat explicationi prædictæ, Beatissimam Triadem, fuisse inductam à Moyse, loquentem in multitudinis numero, dum dixit: [Faciamus hominem ad imaginem, & similitudinem nostram:] cum tamen solus Dei Filius Verbum, humanam esset naturam suscepturus: ad cuius

2 Responderetur enim, Verbi humanitatem, ea ratione, totius Trinitatis imaginem appellari: quia tota Trinitas erat Christi Incarnationem operatura: sicuti & eam fuit operata. Nam Pater Filium suum misit in mundum: Ioan. cap. 3. Christo dicente: [Sic Deus dilexit mundum, ut Filium suum vnigenitum daret: &c.] Filius ipse assumpsit humanitatem: Ioan. cap. 1. [Verbum caro factum est: &c.] & ad Philipp. capit. 2. [Hoc enim sentite in vobis, quod & in Christo IESU: qui cum in forma Dei esset, non rapinam arbitratus est, esse se æqualem Deo: sed semetipsum exinaniuit, formam serui accipiens, in similitudinem hominum factus, & habitu inuentus ut homo.] Spiritus sanctus deniq; operatus est etiam Incarnationem: sic enim Luc. capit. 1. Angelus nunciauit B. Virgini: [Spiritus sanctus superueniet in te, &c.] & Matth. cap. 1. ait idem Angelus ad Ioseph: [Quod enim in Maria natum est, de Spiritu sancto est.] Hinc tota Trinitas, [imaginem, & similitudinem nostram,] appellat humanitatem, quam Filius Dei erat assumpturus.

3 Simili alio loco, hic locus insigniter explicatur: dum Canticor. cap. 8. Trinitatis Deitas, sic loquitur ad Ecclesiam: ex sanctorum Patrum, & Doctorum concordia expositione: [Soror nostra parua: & vbera non habet. Quid ergo faciemus sorori nostræ, &c.] ubi omnes tres persone, Ecclesiā, sororem appellant: propter humanitatem, quam Filius Dei assumpsit, cuius soror, iuxta rei existentem veritatē, sola humana natura reperitur. Sic enim Ioan. c. 1. testimoniū reddit: [Verbū caro factum est: &c.]

Deum immediatè hominibus dominari semper voluisse, declaratur.

Cap. XVI. §. 1.

SI homo in iustitia, & veritatis sanctitate, in qua à Deo fuit conditus, perseverasset: eas omnino in mundo partes exsequi debuisset, quas à Deo sibi impostas legimus, dicto 1. cap. Genesis, hisce verbis: [Crescite, & multiplicamini, & replete terram, & subijcite eam: & dominamini piscibus maris, & volatilibus celi, & vniuersis animantibus, quæ mouentur super terram.] Vnde quantumcumque inter homines fuisset disparitas, quò ad sexum, quò ad ætatē, quò ad corporum complexiones: immò in anima, quò ad notitiam, & scientiā, in quibus homines hominibus præstiterent: ut latè docet S. Th. 1. p. q. 96. art. 3. tamen homines hominibus dominari, qua ratione dominū opponitur seruituti, non concederetur. licet illi, qui maiori iustitia, & scientia pollerent, ad societates, & ciuitates, & Respublicas gubernandas, accedentes, dominū, eius nominis latissima accepta significatione, dici possent exercere: sed sicuti docet ibidem S. Doctor, Art. 4. tamquàm in homines liberos, & quorum spontanæ directioni, & gubernationi,

quæ

quæ nihil de hominis auferret excellentia, præfiderent.

2 Fecerat quidem Deus hominem ad imaginem, & similitudinem suam: ideo similem sibi, dominatus effecit potestate: ut quasi suus Vicarius, mundus minor, seu μικρόκοσμος, in mundo magno, omnibus animantibus præficeret. Quod si vox, dominus, à domo sumpta est, ut is sit dominus, consequium est, cui cura domus incumbit: cumque mundus, magna sit quædam domus, quæcumque in ea sub curam hominis cadere potuerunt, ea domus Auctor hominis imperio subiecit. Exerceret autem, homo imperium hoc in animalia acceptum, non quod ea quasi ratione prædita aliqua, illius fuissent iussibus paritura: sed quod industria, & scientia eximia præstans, cogniturus fuisset, qua ratione animans quodvis, sibi subditum, ac obediens prepararet. Ceterum inter homines esset tunc temporis ordo aliquis, quo alij alijs præfuerint. [Quæ à Deo sunt, ordinatæ sunt:] dixit Paulus Apostolus, ad Rom. c. 13. scilicet, Potestates. Et hæc potestas uedum grata, verum, & iucunda existeret subditis: quæ, post hominis lapsum, imperantibus laboriosa, obtemperantibus, ob utrorumque sæpe superbiam, est molesta.

3 Ex quibus constat, in sacra Scriptura, vocem dominij, latiori summi significatione, quam iuris eam consulti interpretantur. Hi enim illud definiunt, ut sit, [Ius de re corporali perfecte disponendi, aut vindicandi, nisi lege, aut conventionione prohibeatur.] Hanc auctoritatem vocant Græci, κύρις: unde, κύριος, dominus: & inde Galli vocabulum, Sire, tribuunt Regi, quasi supremo regni Domino: sicuti Hispani, Señor, Regem vocamus, non dissimili charactere. Ius ibi, legitimam significat facultatem: sicuti res corporales, ea omnia quæ sub sensum visus, aut tactus cadunt, intelliguntur. Hac namque definitione, hominem ipsum nolunt iuris Antistites comprehendere: cui tanquam domino, est ipsum dominium reservatum. Imperiū autem domini in seruum, & mancipia, reuocant ad ius, quod dicunt, personarū: ea enim propriè possideri non possunt, quorum domini esse, & quibus uti, pro arbitrio, non valent. At nemo unquam homo potuit esse totius hominis dominus: nemo in alterius animā potuit dominari. Hinc verus, & vnus hominis dominus ait: Matth. c. 10. [Nolite timere eos, qui occidunt corpus, animam autem non possunt occidere.] Quis verò potest occidere animam bouis, & agni, cuius dominus est, sicuti & corporis. Partiuntur etiam Morales Philosophi ius, in herile, paternum, mariti in vxorem, & huiusmodi: quæ omnia, & similia, ad idem ius personarum reducuntur.

4 Cum autem dominium triplex sit, scilicet, directum, vtile, & plenum: directum, quod habet dominus superior sine fructu, aut vsu: vtile, quod est cum fructu, & vsu, absque directo: plenum vltimò, quod resultat ex utroque: sanè homo Deo compositus, nullius rei vniquam habuit directum dominium, quod est vnius, soliusque Dei: dicente illo sapius

in sacris Codicibus, [Ego Dominus:] τοῦτο γὰρ πρῶτος ἐστὶ μέγιστος. Iliad. 4. vnde canit Ecclesia, [Tu solus Dominus:] σὺ γὰρ βασιλεύτας εἶπες. Iliad. 9. vtile habuit; quò rebus illis vteretur, quæ à Deo propter eū producta fuerant, & quibus Deus, haud necessitate compellus vteretur: dicēte Regio vate Psal. 115. [Dixi Domino, Deus meus es tu: quoniā bonorum meorum non eges.] Est tamen certum, absolute loquendo, homini datum esse initio plenum dominium eorum, quorum dominus est dictus in sacra relata Scriptura: licet post lapsum, multarum rerum tantum retineat dominium: earum scilicet, quas subditas pacifice possidere potest: cum in ijs, quibus ex arbitrio vti non potest, directe solummodo dominetur.

5 Immo neque Omnipotens Conditor de illa hominum siue directione, siue gubernatione, quæ dominatus fastidiosi in statu integro expers fuisset, vel præceptum tulit, vel dedit consilium: quia iustitia originali, & gratia, in qua fuerat homo conditus, eius animum, & animi facultates omnes, siue formaliter, siue efficienter, sua irrigante scaturigine, nulla sui regiminis à Deo facta mentione, ipse per se homo, quid homini alteri voluntarij deberet obsequij voluntarius intelligeret, & præstaret voluntarius. Præterea cum Deus homini suæ conditionis mysterium (futuri sui casus excepta notitia) reuelasset: dicente Paulo Apostolo, ad Ephes. c. 5. de mulieris ex costa viri ædificatione; & Adami eam præcedente somno, [Sacramentū hoc magnū est: ego autem dico in Christo, & in Ecclesia:] non fuisset à Deo præsumendum, præcepto, seu consilio eguisse illum, ad suam voluntatem Deo obsequentem seruandam, cum alterius hominis non esset importuno obnoxia dominatui futura: in se autem semper eam rationi fuisset subiectam habiturus: vti qui ad Verbi æterni respicere perpetuò deberet exemplar, per cuius Patri certuam æternò voluntatem, se fuisse conditum cognouisset.

6 Verumenimverò illius status felicitate, & de in eo gestis, seu gerendis, si in eo durasset homo, cum non durarit, omisissis disputationibus: ad statum præsentem, in quem per peccatum decedit, & in quo stamus, seu instamus, vti qui omnes in Adamo peccauimus, ex Paulo ad Rom. c. 5. deueniendo: Conditoris tantum fuisse versùs hominem amoris affectum, tam excellentem reperiemus existisse charitatem, de qua ipse dicit per Ieremiam cap. 31. [In charitate perpetua dilexi te:] vt neque hominis occupatus delicto, neque eius ingenti ingratitude præpeditus, ab hominis se continuerit dirigendis particulariter rebus; reformandis negotijs: studijs instruendis; immò illum miserando attrahens, seu miserās attrahendo: vt apud Ieremiam ibidem addit, sibi vni, & suo dominatui præcipuè subdī voluit; varijs medijs, & remedijs, varijs homini indicans doctrinis, eius conditionem magnificam non tulisse, & quod ex Deo erat, in posterum non latòram, homines inuicem, sed adhuc Deum ipsum, me-

dijis à se latis legibus, hominibus dominari.

7 Hinc licet simile vero sit, vt ex Augustino supra retulimus, ab ipso Caino, Reges homines regendi alios homines, fuisse consuetudinem deriuatā: vnde ponderat ipse Augustinus, 19. de Ciuit. Dei, c. 12. de hoc nihil compertum haberi: immò primos homines, & maximè Patriarchas, & res pecudum, non hominum, in Scriptura sacra reperiri: regnum tamen, & eius dominatum grauem, Babylone, tyrannide Nemrothi, iam, ex ipsius sacræ Scripturæ vidimus contextu, erectum; quo loco primo legimus, Deum ab homine impio, quantum, & quatenus valuit, è regno, & dominatu, quæ in homines, legis naturalis illis duobus affirmante, & negante præceptis, de sibi volendo, vel nolendo, quod alteri homines vellent, vel nollent, explicabatur, perturbatum.

8 Et cum procedente tempore, esset Deus populum vnum selecturus, cui singulari amoris vinculo teneretur adstrictus: si ipse Deum, in Dominum, & suum præcipuè Regem, & excipere, & excolere pateretur: Abrahami, ex vniuersa hominum massa, secreta familia, & eius posteris Isaac, Iacobo, & eius duodecim filiis, cum sua sæcunda prole, in grandem gliscentibus populum, & in Rempublicam numerosissimam dilatatis, post longas à Pharaone Aegypti Rege perpeffas iniurias, illis in libertatem assertis, sub Duce Mose, seu suo Prorege, eam, quæ scripta exstat, legem ex litus contulit, sexcentis tredecim constantem præceptis: vt per legem, non per Regem gubernarentur: Regis, & Regni, & dominatus iure, à Legislatore Deo, in suo semper pectore conseruato.

9 Graue quidem consilium! sed quod neutiquam scientiæ naturalis facultatem, sicuti neque notitiam excedit: vt potè à Deo, quatenus naturæ est Auctor, hominibus insinuatum: cum Aristoteles 3. lib. Polit. c. 12. sic docuerit: Qui legē imperare iubet, imperare iubet, & Deū, & legem: qui homini (intelligendum sine lege) mandat imperiū, ad mouet & bestiam. Nā cupiditas veluti quædam bestia est; & ira peruertit eos, qui præ sunt, etiam si optimi sint viri: lex autem mens est affectu nullo perturbata.

10 Hinc dicto populo sub legis Mosaicæ custodia perslanti, ludicibus nunc ex illa, ex alia nunc, è duodecim, in quas dispertiebatur, tribubus, ius dicentibus, vel illum ab hostium iniurijs vindicantibus: cum semel, vt Iudic. c. 8. sacra refert Historia, summus Dux Gedeon Dei monitu, & auxilio mirabili, de Madianitarum quasi innumero exercitu, cum trecentis tantum Israeliticis viris, cum totidem lagenis lucernas arden-tes occultantibus, instructis, ad hostiū fortissimorum tot copias debellandas, insignem de illis victoriam reportasset: insolentis effectus, vel nouitate, vel stupore, fuit populus Israeliticus occupatus. Tribuū etiā primores omnium, in Gedeonis amplitudinem, sibi eam, & honestam, & vtilem futuram persuadentes, conspirarunt: & quasi iure Gentium communi vtentes, Principem sibi quocumque nomine, titulo, ac iure, & quibus-

cumque conditionibus deligendi, sic & electione personarum, & causis electionis, communi auctoramento firmatis, ad præstantissimum Gedeonem omnes viri Israelitici sunt loquuti. [Dominare nostri tu, & filius tuus, & filius filij tui: quia liberaſti nos de manu Madian.]

11 Attamen, ut quemadmodum hæc quæ vulgò maximi ducuntur, maximique fiunt res, à sanctis, & Diuina luce præditis viris, accipiantur, & qualiter Heroes illi Iudaici populi priores, sibi perſuaſerint, Dei mentem fuiſſe, lege lata, per illam ipſummet in populum, non per Reges, dominium exercere; Gedeonis, & iudicium, & reſponſum, de oblato ſibi dominio, penitus conſiderare erit operæpretium. Quibus, inquit ſacer Textus, ille ait: [Non dominabor veſtri, nec dominabitur in vos filius meus: ſed dominabitur vobis Dñs.] Ac ſi diceret: Non debeo vobis dominari: quia non à Deo id munus ſubire ſum iuſſus: non eſt fas: quia, quamquàm frater veſter ſim, quamquàm manifeſta Dei, vobiſque declarata voluntate, ad Regium munus vocatus eſſem: tamen hoc dominandi nec verbum, nec ius uſurpare poſſem lege noſtra Deut. cap. 17. ſic cauente: [Nec cleuetur cor eius ſuperbia ſuper fratres ſuos;] vnde dominium, etiam à vobis liberaliter oblatum, eſt à me liberalius reſuſandum.

12 Mirum eſt etiam, quàm perpetuo tenore, naturæ ipſius luce hominum id mentibus dictante, dominij huius, & rem, & nomen illis fore ſugienda, ipſi potentiores ſolenter intellexerint Principes: cum referente Oroſio lib. 6. cap. 22. Octauianus Imperator Auguſtus, ludos aliquando ſpectans, hiſtrione pronunciante, [O Domini æquum, & bonum!] & populo illud, quæſi de Auguſto dictum, approbante, ipſe manu, vultuque indecoras tunc reprimens adulationes, ſequenti die, re apſe numquàm relictum, Domini ſuperbum cognomentum, grauiffimo Edicto repudiauit.

13 Verumenimvero in populo Hebræorum, qui nobis exemplar, & figura præſuit, & cui eloquia Dei, quæ nos etiam inſtruunt, ſuere concredita, qualiter hæc aliàs cognita iuſtitia, ſeu conſtans, & perpetua non durauerit voluntas, ut explicemus, ſatis mirari nequiremus, vnde illud ſit hominibus rerum optimarum, rerum omninò expetendarum faſtidium: niſi prauitatem humanæ mentis agnoſceremus: quæ ab eo iam tempore imbuta fuit, quo, decipienti potius colubro, quàm iubenti Deo, aſſentiri, & obſequi prætulit, & boni, ac mali affectatam noticiam, ſpontaneè ſtudit uſurpare: Quid enim hominum publicæ, quid priuatæ rei fuiſſet magis exoptandum? quid ei gratius contingere poſſet, quàm, vnius Dei conſilio regi, virtute defendi, manu conſeruari, illuſtrari ſplendore, ornari maiestate? idque omni loco, omni tempore, ac etiam tam domi, quàm foris experiri. [Dixi Domino, Deus meus es tu; quoniam bonorum meorum nõ eges:] protulit Potentiſſimus Rex Propheta, Pſalm. 15. Dixi Domino, Rex meus es tu, oportuiſſet ſemper dixiſſe Hebræam Gentem: quoniam bonorum ſuorum non eges, indeque bona

illorum terrena non appetens, non quærens, non extorquens, per suam legem, ius suum tribui unicuique præcepisset efficiens, legem, per Ministros congruos, suos Locumtenentes, conseruari.

14 Attamen gubernante præfatū populū sic Samuele, felici, sicuti & innocenti, & rarissimo exemplo: præsumptuoso, ac graui displicere cœpit eius animo, proprii potius, quàm Diuini consilij appetenti, & stulta postulatione, ipse, & fastidito Dei uiuentis benignissimo imperio, supremo regno, splendidissimo dominatu, qualiter mortali potius homini rerum summam, & Principatum tribui debere, censuerit, ipsis faceri eloquij verbis. Regum cap. 8. referamus; vt cū asseramus, Deum ipsum hominibus semper dominari, quasi Regem voluisse, non nostras merces, sed Spiritus sancti veriloquia demonstrare vendicare. [Congregari,] inquit sacra Historia, [vniuersi seniores natu Israel, venerunt ad Samuelem, in Ramatha, dixeruntque ei: Ecce tu senuisti, & filij tui non ambulant in vijs tuis: constitue nobis Regem, vt iudicet nos, sicuti & vniuersæ habent nationes. Displacuitque sermo in oculis Samuelis, eò quòd dixissent: Da nobis Regem, vt iudicet nos. Et orauit Samuel ad Dominum. Dixit autem Dominus ad Samuelem: Audi vocem populi in omnibus, quæ loquuti sunt tibi: non enim te abiecerunt, sed me: ne regnem super eos.] Verba admirationis plena.

15 Dominationem ergo, regnum, & imperium in humanum genus omne vni Deo proprium esse, illique soli adscribendum, docet Textus sacer: [Potestas, & terror,] inquit Iob cap. 15. [apud eum est, qui facit concordiam in sublimibus suis. Numquid est numerus militum eius? & super quem non resurget lumen illius?] Et Psalm. 29. dicitur: [Quoniam Domini est regnum; & ipse dominabitur Gentium.] Et Psalm. 65. [Qui dominatur in virtute sua in æternum: oculi eius super Gêtes respiciunt.] Quòd si propria hæc dominandi auctoritas, si hoc ius regni speciale in omnes Gentes, Dei vniusest, quæ ille aliquando legitime constitutis per Respublicas Regibus, certo statutoque modo, legis ipsius naturæ conditionibus signatis, concessit; quàm singulari, ac peculiari quodam iure in populum sibi singulariter dilectum, & curatum; ac præcipuo quodam exemplo dedicatum, huiusmodi auctoritas, & ius tribuenda fuerint, explicuit Rex ille, & Propheta, de Regum iuribus, Spiritus sancti in Schola alicuius informatus, Psalm. 59. dicens: [Et scient, quia Deus dominabitur Iacob.] Cū tamen certum esset, Deum, Dominum esse, fuisseque Iacob, sicuti & omnium Gentium; quod supra dixerat, singulare dominium, in hoc loco, & regni, eiusque auctoritatis rationem peculiarem, asserens, fore in Iacob; Christi Dei, & hominis. & quæ non iam legis Moysi scriptæ populum illum in officio continentis terminis angustaretur; subdidit: [& finium terræ.] Quod idem Psalm. 113. clarius expressit: cū carneis oculis in Israelitici populi, de manu Pharaonis

liberatione, mentis autem altiori perspicatu defixis in mundum vniuersum, ex Dæmonis educum seruitute, & in Christianam gratiæ libertatem assertum, sic idem regius Vates dixit: [Facta est Iudæa sanctificatio eius: Israel potestas eius: Beneficij, & præteriti in primo populo, & in secundo futuri, commemoratione repetita. Psalm. 113.]

Quale fuerit, & sit Christi Regnum. Cap. XVII. §. 1.



HOC Christi regnum Daniel cap. 7. & eius dominium spiritu præuidens Prophetico, sic de eo fuit vaticinatus: [Regnum autem, & potestas, & magnitudo regni, quæ est subter omne cælum, detur populo sanctorum. Altissimi: cuius regnum, regum sempiternum est, & omnes reges seruiant ei, & obediant.] Et Michæas item Propheta cap. 4. sic de eo dixerat, [Et veniet potestas prima, regnum filie Ierusalem.] Ad quas promissiones dubio procul, Virginis Almaz Mariæ cogitationibus dum satisfaceret, respiciens Gabriel Angelus, Luc. c. 1. Diuinam illam exsequens Verbum æternum ipsi annunciandi legationem, sic sermonem institutum copinauit: [Et dabit illi Dominus Deus sedem David Patris eius: & regnabit in domo Iacob in æternum; & regni eius non erit finis.]

2 Neque est nobis mens, longum de Christi regno ordiri sermonem: quod necessarium cum non sit, ad Apostolicam doctrinam D. Petri, quam versamus, explicandam, tardium nobis, nedum ætiori vltius nostrum discursum intelligendi cupido ingeneraret. Breuissimè ergo de hac materia tractantes, quod sit ius, quæ potestas imperantium, & quæ obligatio parentum, cum quibusdam alijs, quæ tractata initio huius 4. Partis confirmet, referemus. Interim meminerit Lector, quædam de hoc Christi regno, quæ ad præsentem disputationem faciant, fuisse à nobis Par. 1. superius pertractata.

3 Igitur, siue antiquis illis consideratis prædictionibus Prophetarum, vt Isai cap. 9. [Multiplicabitur eius imperium; & pacis non erit finis. Super solium David, & super regnum eius sedebit, vt confirmet illud, & corroboret in iudicio, & iustitia, a modò, & vsque in sempiternum.] & infra cap. 3. [Dominus enim iudex noster, Dominus legifer noster, Dominus rex noster, ipse saluabit nos.] & Psalm. 71. [Deus iudicium tuum regi da:] cum reliquis ibi de Christo, seu Messia ad litteram prædictis. & Zachar. cap. 9. [Exsulta filia Sion, iubila filia Ierusalem. Ecce Rex tuus venit tibi iustus, & Saluator.] & Psalm. 2. [Dabo tibi Gentes hereditatem tuam: & possessionem tuam terminos terræ.] & alijs, inquam, pluribus de regno Messie locis inspectis; siue nouo Angeli ad sacram Virginem notato Euangelio, auditis etiam mirabilibus, & rebus æde-

magnificis, quæ in Christi ortu contigerunt; falsa quædam opinio, Christi quorundam consanguineorum mentes inuasisse: & eum tunc mundo ex carnali affectione, vel propagatione regnaturum crediderant. Hæc errore forsan decepta Zebædi vxor, de Christi consanguinitate sumpta audacia, postulauit ab eo, Matth. cap. 20. dextram, & sinistram sedem Iacobo, & Ioanni filiis, in regno temporali ab ipsis æstimato.

4 Fuit, & secunda falsa opinio Gentilium, & Romanorum, apud quos fuerat Christus diffamatus à Iudæis: suggerenti bus, velle eum, potestatem tyrannicam, armorum vi, & ministrorum copia, regnum inuadere: cui, vana licet persuasioni, non leuè fidem, & Christi miræ, sicuti frequentes res gesta, & populi, quæ eum sequebatur, multitudo comparabant. Hac occasione in Magorum aduentu nuntiantium, Regem Iudæorum esse natum: [turbatus est Herodes, & omnis Ierosolyma cum illo;] vt habetur Matth. cap. 2. & Ioan. cap. 19. apud Pilatum Regni affectati sunt Christus infirmulatus à Iudæis, ipsi in hanc formam exponentibus: [Si hunc dimittis, non es amicus Cæsaris. Omnis enim qui se Regem facit, contradicit Cæsari.]

5 Quam verò fuerit difficile, hoc Christi Dei, & hominis regnum, quale esset intelligere olim; cum nobis iam sit manifestum satis, dummodò velimus attendere; Regum, & regnorum temporalium imaginarijs timoribus prætermisissis, ex eo notum erit, quòd etiam credentes ex Iudæis, initio nascentis Ecclesiæ, immò ipso Christo Domino nondum ad cælos assumpto, eum regnaturum temporali quadam successione putauerunt. Sciebant enim, se proprio regno esse priuatos, & ad Romanos Gentiles illud esse deuolutum. Vnde videntes, Christum esse natum de tribu Iuda, ex qua consueuerant esse reges; considerantes eum potentem in opere, & sermone, sibi persuaserunt, illum fore regnum Israel restauraturum: & ab eo Iudaicam gentem, de Romanorum, gente non sancta, manibus liberandam.

6 Hinc in illa cum Christo, post eius resurrectionem peregrini habitata duorum Discipulorum Dialogistica conuersatione, Luc. cap. 24. fusius explicata, post alia, suam tandem regni ab eo reparandi sic desperationem extulerunt: [Nos autem sperabamus, quòd ipse esset redempturus Israel.] Quid? quòd post diuturnam cum eodem Christo in carne passibili de eius rebus seu gestis, seu gerendis, ab Apostolis initam rationem: post ipsius è mortuis gloriosam resurrectionem: instantè etiam ipsa illius ad cælos Ascensione mirabili: eorum animi hac opinione regni Israeliticæ temporalis, æternique ab eis meditati, imbuti, hanc vltimam illi explicandam quæstionem posuere: Actuum c. 1. [Domine si in tempore hoc, restitues regnum Israel?]

7 Quibus falsis tribus opinionibus ab hominum mentibus euellendis, adstans Christus Dominus, iniquè indicandus coram Procuratore.

Romani Imperatoris Pilato, cum in alijs multis, miro causam suæ accusationis silentio transegisset: de regno, & sua regia potestate rogatus, sic habuit ad eum orationem: Ioan. cap. 18. [Regnum meum non est de hoc mundo.] Quo verbo primam falsam conuulsit opinionem: mundum enim, iuxta Chrysostomum, mundanam sui generis parentelam nominauit: ex qua haud virtutem, & regnandi acceperat potestatem: sed potius infirmitatem moriendi: quia ex forma serui fuit crucifixus, qui regnat ex virtute Dei ex Apostolo Paulo.

8 Vel dicendum, secundum Augustinum: regnum Christi, super quo regnauit, fideles ejus esse credentes in eum: quibus dixit; [Vos de hoc mundo non estis: quia si de hoc mundo fuissetis, mundus, quod suum erat, diligeret.] Christus ergo non dixit: Regnum meum non est in hoc mundo: quia in hoc mundo, & in futuro regnat super fideles suos, hic per gratiam, & in futuro per gloriam: sed dixit, [Non est de hoc mundo:] quia de hoc mundo est, quicquid hominum est à Deo creatum, & ex vitiosa stirpe Adæ generatum. Sed iam factum est regnum non de hoc mundo, quicquid de ipsis hominibus per Christum regeneratum est: dicente Apostolo: [Eripuit nos de potestate tenebrarum, & transtulit nos in regnum filij dilectionis suæ.] ad Colossic. 1.

9 Aut facilius dicendum, verba hæc Christi apud Pilatum, [Regnum meum non est de hoc mundo:] non negare regnum suum in hoc mundo: etsi dicat, [non est ex hoc mundo,] & ipse non attigerit ciuilem, quam sui contribules expectabant in suo Rege promisso administrationem. Differunt namque permultū ista, esse ex hoc, & esse in hoc: quod & Aristot. docuit 5. Metaph. & inde hauserunt Iureconsulti, in bonis esse aliquid, & ex bonis: Vlpian. in l. 1. de vi bonorū raptorum. Aliud est enim, esse ex Italia: aliud, in Italia: aliud, hic esse, vel, hinc esse: quod & Græca vox, quæ apud Euangelistam habetur, ἐκ τούτου, quæ motū à loco significat, demonstrat. [Regnum, inquit, meum non est ἐκ τούτου,] id est [hinc], neque enim Christi regnum ex his originem duxit terris, sed à Patre, & à se ipso, & altissimo, & æterno illo loco. [Dominus] inquit, Deus, filius, apud Vate Regiū Psal. 2. [dixit ad me, Filius meus es tu: ego hodie genui te. Postula à me, & dabo tibi Gentes hæreditatem tuam: & possessionem tuam terminos terræ. Reges eos in virga ferrea: & tamquam vas figuli confriges eos. Et nunc Reges intelligite: erudimini qui iudicatis terrā. Seruite Domino, &c. Apprehendite disciplinam, &c.]

10 Addidit Christus: [Si ex hoc mundo esset regnum meum, ministri vtrique mei decertarent, vt non traderer Iudæis.] Quo verbo, falsitatis secundam conuicit opinionem: ministros namque, ex eodem Chrysostomo, Apostolos, & Angelos dixit, quorum vt regnaret, auxilium recusauit. Apostolorum quidem, cum Matth. cap. 26. illorum compe-scuit impetum in ministros Iudæorum, Malchi iam abscissa auricula

prorumpentem: dicens Petro, aggressionis prohibita auctore, [Conuer-
te gladium tuum in vaginam, &c. Angelorum autem, cum destitit roga-
re Patrem, qui sibi plusquam duodecim eorum legiones, si armorum,
vi, res esset agenda, exhibuisset.

11 Tertiam tandem eradicaturus opinionem falsam, sic conclusit:
[Nunc autem regnum meum non est hinc. [Ac si diceret: Regnum meum
non ordino ad successionem temporalem: sed redempturus sum regnum Israe-
litarum, id est, videntium Deum: seu Iudaeorum, id est, Deum verum consentientium
per orbem vniuersum, ut eternas valeant mansiones possidere. Ex quibus col-
ligitur vltimo, qualiter Christi potestas, & Maiestas Regia erat futura
in Ecclesia, super suos fideles, non ex carnali propagatione, seu affectione,
ut fuit opinio eius consanguineorum, sed spiritualis: non ex armorum,
potentia, ut fuit sententia Gentilium Romanorum, sed virtualis, & Di-
uina, animorum regimen, & optans, & aptans; non ex successionem tem-
porali, ut fuit iudicium credentium Iudaeorum, sed perpetua, & eternalis:
quae Reges omnes constituens homines, gratia sua instanti, eternam glo-
riam quasi in semine continente, omnes Reges, hominibus, & ab homi-
nibus constitutos, ut Ecclesia alicubi de illo canit, a timore eripiendo-
rum sibi per Christum regnorum temporalium liberaret.

12 Inficiari igitur nullo modo potest, Christum Dominum, Regem
fuisse, dicente Patre eterno, ad Filium eternum, etiam ut erat homo, sic
Psalm. 44. illud Apostolo Paulo explicante, ad Hebr. c. 1. [Thronus tuus
Deus in seculum seculi; virga aequitatis, virga regni tui.] De quo argu-
mento bene disserit Turrecr. in Sum. de Eccles. c. 47. vers. Ad 2. responde-
tur, lib. 3. Immo fuisse Regem, & tunc etiam possedisse regnum mundi,
quando nihil minus, quam mundi regnum, se querere demonstrauit, te-
statur Chrysostom. Homil. 83. super cap. 18. Ioan. sic docens: [An non est
mundi huius Christi regnum? quid nunc? Quomodo, inquit, non esse? non
quod hoc etiam non possideat: sed quod in caelo habeat imperium, non
humanum, sed longe maius, atque praestantius.] Et paulo inferius, sic ait,
[Et regnum suum dicit, hinc non esse; non quod mundum prouidentia,
ac protectione sua priuet; sed, ut dixi, neque humanum, neque caducum
esse demonstrat. Quid ergo Pilatus, Ergo Rex es tu? Respondit IESVS;
Tu dicis, quia Rex sum. Ego in hoc natus sum. Si ergo Rex natus est, &
omnia alia nata sunt; & nihil habet, quod acceperit. Itaque cum audis,
Sicut Pater habet vitam in semetipso, sic dedit & Filio vitam habere:
nihil aliud quam generationem arbitraris: & in alijs similiter.] Probat
ergo Chrysostomus, quod Christus, dum erat in mundo, erat Rex mundi,
& illud possidebat.

13 Quibus est addendum, illud Christi Domini assertum, Matth. c. 28.
[Data est mihi omnis potestas in caelo, & in terra.] & illud Ioan. cap. 13.
[Sciens, quia omnia dedit ei Pater in manus.] & illud Luc. c. 10. [Om-

nia mihi tradita sunt à Patre meo.] & illud ad Hebr.c.1. [Quem constituit hæredem vniuersorum.] & illud Petri Apostoli documentum, Act. cap.10.de Christo: [Qui constitutus est à Deo iudex viuorum, & mortuorum.] & illud etiam Apostoli Pauli, ad Hebr.c.1. explicantis Psalmi 8.verba illa: [Omnia subiecisti sub pedibus eius.] dum ait. In eo enim, quòd omnia ei subiecit; nihil omisit non subiectum ei.] hæc, inquit, & similia loca, Scholasticos Doctores optinè explicare: vt Christus Dominus, ab instanti suæ conceptionis, in quo fuit homo, hæc potestas, & auctoritas, & hæc omnium creaturarum competierit subiectio. De quo videndus Turrecremat.in Sum.de Eccles.capit.96. vers.Secundo potest. lib.2.& S.Th.3.p.q.54.art.4.cum suis Interpretibus.

14 Hæc tamen potestas haud fuit caduca, & temporalis, ad modum aliorum Regum; neque per homines introducta; sed ordinis cuiusdam altioris, in ipso Christo, à Deo in res omnes creatas immediatè manans, & super omnes omnium hominum, & Angelorum actiones: & proinde media erat, hinc Diuinæ subdita potestati, hinc cuiusque potestati creatæ superior: suprema ad iussum creatam, & infima ad supremam, & increatam collata potestatem. Quæ fuit expressa doctrina Apostoli Pauli, qui explicans rursus de Christo illud Psalmi 8. [Omnia subiecisti sub pedibus eius,] 1.ad Corinth. cap.15. ne quis putaret, per illam diuisionem, omnia, intelligi etiam Deum, ideò signanter à dominio Christi, eiusque potestate Deum excepit, subdens, [Cum autem dicit, omnia subiecta sunt ei, sine dubio præter eum, qui subiecit ei omnia.]

15 Hanc autem tantam auctoritatem habuisse Christum, fuit necessarium, & conueniens, ob excellentiam, & eminentiam personæ, & ob causam conuersionis, & redemptionis totius mundi; ita vt omnis in eo potestas essentialiter resideret super omnes, & de omnibus, siue spiritualibus, siue temporalibus: vt homines ex potestate sua, in cælo, & in terra illi crederent, & in eum sperarent: & ex non vsu illius voluntario, ipsiusque abiectione, qui humillimam, & pauperrimam duxit vitam, ad sui omnes homines imitationem induceret, & ad rerum humanarum despectionem incitaret. [Scitis,] inquit Apostolus, 2.ad Corinth. cap.8. [gratiã Domini nostri IESV Christi: quoniam propter nos egenus factus est; cum esset diues: vt illius inopia vos diuites essetis.]

16 Id tamen perspicuè, hanc Christi Domini arguit summam potestatem, quia si illa non fuisset in eo, sanè paupertas, & illius demissio, non videbatur, tam commendanda, & tanta digna admiratione, quantum fuit. Si enim nihil habebat, nihil esset eius voluntati, non dominandi, gloriosius attribuendum: attamen quia habuit, & noluit, admirabilis exstitit; sese verum esse Deum docens, & super Angelos, & homines Regem & Dominum, & interim exemplum humilitatis nobis relinquendo, vt illius semper vestigia consectemur. Hoc sensit Cyprian. citatus, c. Domi-

nus. distinct. 93. dicens: [Quæ omnia ab eo ideo facta sunt humiliter, atque patienter, ut nos humilitatis, & patientiæ haberemus exemplum: & non ex eo, quia noluit exercere, propterea non erat iam omnium Dominus, omnemque potestatem non habebat.] Circa quam rationem, Aluar. Pelag. de planctu Eccles. lib. 1. c. 59. col. 8. vers. Non enim est æquum, est omnino consulendus.

17 His accinit Augustinus, Tractat. 50. in Ioan. dicens: [Sed quid fuit Domino Regem esse Israel?] explicat Augustinus verba populi Iudaici, Christum triumphantem, cum palmarum ramis excipientis, scilicet: [Benedictus, qui venit in nomine Domini Rex Israel.] Pergit. A. [Quid magnū fuit Regi seculorum, Regem fieri hominum? Non enim Rex Israel Christus, ad exigendum tributum, vel exercitum ferro armandū, hostesque visibilibus debellandos: sed Rex Israel, quod mentes regat, quod in æternū consulat, quod in regnum cælorum credentes, sperantes, amantesque perducatur.]

Petrum, & ex consequio, eius successores Pontifices Romanos, habere à Deo immediatè potestatem, Ecclesiam gubernandi, ostenditur.

Cap. XV lll. §. 1.



V M Christus Dominus, apud Matth. capit. 16. dixit Petro, [Tibi dabo claves regni cælorum:] id est, Ecclesie: sic enim Matth. cap. 20. Regnum cælorum presentis temporis militans Ecclesia, à Gloss. interlineali, ex omnibus antiquis Patribus explicatur: affirmari potest, tunc illis verbis, actu, & re ipsa potestatem eam illi, tamquam suo futuro Vicario, prestitisse, qua caput esset Ecclesie: eaq; sibi, & suis successoribus legitimis Romanis Pontificibus Diuino iure teneretur obedire; eo usitatissimo more loquendi Hebraico, quo futura pro presentibus usurpantur. Vnde Hieronym. sic ibi dicit: [Loquitur de potestate promissa, ac si data esset:] quæ refert, & sequitur Cardinal. Turrecr. in cap. Ita Dominus. sub nu. 20. vers. Ad 1. respondetur. 19. distinct. & idem sentit Ferret. Vincentin. in cap. Canonum statuta. nu. 8. & 9. de Constit. Vel certè fuit solū, promissio, quæ postea Ioan. c. ult. in effectu exsisterit adimpleta: cum dixit ibi idem Dominus Petro: [Pascue oves meas.]

2 Quomodo cumque tamen se res hæc habeat, nihil apud Catholicos Doctores, nihil apud Christianos omnes, & ab initio nascentis Ecclesie fuit, & nunc est, & perpetuò erit compertius, quam Petrum Apostolum, & in eo omnes eius Romanos Episcopos, seu Pontifices summos, successores, à Christo ius, & potestatem immediatè habuisse, & habere, tamquam ipsius Christi Vicarios, super omnibus, & singulis hominum Christianorum orbis vniuersis statibus, absque aliqua exceptione rerum, negotiorum, aut personarum, ad omnium hominum gressus in viam

pacis,

pacis, & æternæ beatitudinis dirigendos.

3 Sic habetur ex sacra Pagina: sic ex Apostolica traditione; sic docent omnes Patres, & Doctores: sic loquuntur omnia Canonica iura: sic explicant omnes eorum Interpretes; immò esse omnium Catholicorum concordem sententiam, testatur Alfonso de Castro, de Iusta Hæreticorū punitione, capit. 11. col. 14. vers. Demum quando Christus. lib. 2. De quo argumento: videatur saltem, S. Th. Tractat. contra errores Græcorum, cap. 66. & in Sum. contra Gent. lib. 3. c. 76. & determinatio Concil. Florent. in fin. in Bulla Vnionis, &c. & inferius hæc omnia latius deducemus.

4 Erat hæc tanti momenti res, vt mirum fuisset, de illa in antiqua Pagina allatas, voluntate Diuina, claras non præcessisse Prophetias, quæ rerum succedente effectu, non iam prædictiones, sed ipsum possent verum Euangelium, in nouissimis manifestatum temporibus, appellari. Ergo Isai. cap. 28. sic promisit Deus: [Ecce ego mittā in fundamentis Sion lapidem: lapidē probatum, angularē, pretiosum, in fundamēto fundatum:] id est, ad tuniculum, & ad amussim, moli totius Ecclesiæ, cui lex de Sion erat exitura, supponendus. Quē lapidē, esse seipsum Christum Dominū, ipsemet explicuit: Matth. c. 21 dicens: [Numquam legistis in Scripturis, Lapidem, quem reprobauerunt ædificantes, hic factus est in caput angulæ?] Quo Diuino huius Prophetiæ Enarratore præeunte, quid aliud diceret Paulus, 1. ad Corinth. capit. 10. nisi, [Petra autem erat Christus,] & ad Ephesios, cap. 2. [Estis ciues Sanctorum, & domestici Dei, super ædificati supra fundamentum Apostolorum, & Prophetarum, ipso summo angulari lapide, Christo IESU.]

5 Sed ecce Christus Dominus, qui ex Basilio, Homil. de Pœnit. & Homil. contra Sabel. & Arian. [Axiomata sua largitur alijs, non euacuans, sed nihilominus retinens:] hoc tantum Axioma Petro soli, & in eo suis successoribus Romanis Pontificibus impertiuit. Audita enim illustri ea confessione, quam Petrus de eo ediderat dicens, Matth. capit. 16. [Tu es Christus, Filius Dei viui:] sic excepit statim Christus, [Beatus es Simon Bar Iona; quia caro, & sanguis non reuelauit tibi: sed Pater meus, qui in cælis est. Et ego dico tibi, quia tu es Petrus, & super hanc petram ædificabo Ecclesiam meam: & portæ inferi nō præualebunt aduersus eam,] cum sequentibus.

6 Fuerat quidem illucuscque Petrus, quasi vnus ex duodecim Apostolis, nulla inter eos excellentia, seu prærogatiua signatus: & cum alijs, nullo interiecto discrimine, vnus gregis Dominici futurus Episcopus: & ad cuius curam, quasi præconcepta ratione, Christus Dominus nostro intelligendi modo, Romanæ vrbs incolæ, seu Diocesanos destinarat. Insigni verò illa sequuta Verbi Incarnati Diuinitatis confessione, & inter ceteros Apostolos per Petrum, eiusdem prolata manifestatione, idē Verbum Christus Dominus, illum ex Simone faciens petram, super eam,

seu super Petrum, illi fidei inhzrentem, suam voluit vniuersam Ecclesiā ædificari: vt deinceps Petro, & eius successoribus Romanis Pontificibus, non iam vrbs Roma, sed cunctæ per mundum Ecclesiæ subiacerent.

7 Præcesserat certè huius facti, Genes. cap. 17. insigne exemplum: nam cum Deus Abrahami fuisset expertus Fidem, Spem, & Charitatem: decreuissetque, illius semini largam benedictionem impertiri: vt tandem ex eo, secundum carnem, olim mundum redempturus nasceretur: hunc ad illum habuit sermonem: [Nec vltra vocabitur nomen tuum Abram, (id est, Pater excelsus,) sed appellaberis Abraham: quia Patrem multarum gentium constitui te.] & infra: [Sarai vxorem tuam non vocabis Sarai, sed Saram:] id est, non vocabis eam, Principem meam, sed Principē, hunc enim verba Hebræa sensum faciunt. Quod nihil fuit aliud, cum omnia illi ex Apostolo in figura contigerint, 2. ad Corinth. cap. 10. quàm dicere Christum Simoni: Non eris, seu vocaberis Abram, id est, Pater excelsus, seu solius Romæ, id enim Hebraicè illud significat nomen, & punctorum facili mutatione, Romæ: nomen ibi continetur: sed vocaberis, seu eris Abraham: id est, multarum Gentium, quæ in Ecclesiam sunt introitura, Pater: id est, non Vrbs, sed Orbis, Patrem, & Pastorē te noueris constitutum. Similiter Sarai nomenis mutatio, nihil fuit aliud, quàm dicere Christum: Non vocabis Romanam urbē, Principem meam, sed, Principē: cum super omnes orbis Ecclesias sit habitura Principatum.

8 Ecce ergo qua mira symphonia, Abraham, & Petrus duorum Testamentorum, veteris, ac noui Patriarchæ, & quasi fundamenta, collocentur. Abraham veteris, quia sibi generatio fuit larga antiqui illius populi repromissa: Petrus verò noui, cui generatio largior Christiani fuit commissa populi gubernanda. Ab illo iustificanda procedunt: in hoc iustificata fundantur. Ita, quod ille anxius expectauit, hic se gaudet suscepisse. Illi dicitur, [Faciā te in gentem magnam:] huic dicitur, [Faciā te piscatorem hominum.] Illi dicitur, [In semine tuo benedicentur omnes nationes Gentium:] huic dicitur, [Iudicabis duodecim tribus Israel.] Illi dicitur, [Sicut stellas cæli ponā semen tuum:] huic dicitur, [Tibi dabo clauēs regni cælorum.] Ac per hoc ille fecunditate seminis benedicti impletur: hic ante semen ipsum euangelizaturus affilitur. Abraham pro filijs claritas monstratur astrorum: sed Petro traduntur regna cælorum: vt, videlicet, in eos, sine Petro, nec ipsi sint filij Abraham admittendi. Quamuis enim vetus Testamentum tēpore fuerit prius: nouum tamen anteponendum est: cum illa vetera, præconia sint nouorū.

9 Est hæc potestas Petri, & summorum Pontificū eius successorum, tã ampla in rebus spiritualibus administrandis, gubernandis, & disponendis: & in omnibus, quæ fini huic salutis hominum spiritualis, & æternæ, possunt ob stare, directè, & simpliciter remouendis: vt crescente Hæreticorum, & numero, & sectarum diuersitate, & animos Catholicorum ho-

minum, maximè Principum, zelo, circa suas ditiones conseruandas, instigante, quibus summi Pontificis potestas in suspensione forsan, quasi affectata illorum statuum temporalis dominationis, cepit deuenire; vt cum grauissimi Doctores Catholici, in hoc præcipuè opus insudarint, explicandi, videlicet, orbi Christiano, quæ, qualis, & quanta sit hæc Papæ potestas, idque sufficientissimè præstiterint: nos aliam decreuerimus inire ratione, hoc negotium breuiter tractandi: prius ostenso, Christum Dominum Pontificatum hunc summum, cum potestate prædicta immediatè, iuxta assertam Propositionem, instituisse.

10 Primò quidè illum instituit immediatè causaliter, & effectiue: quantumcumque enim omnis potestas sit à Deo, vt supra 2. Parte, & dictum, fuit ex Paulo Apostolo, ad Rom. cap. 13. & inferius adhuc declarabitur vberius: singulariter tamen Papalè potestatem Christus Petro tribuit, verbis supra relatis, ex Matth. super quibus Chrysostomus, sic Homil. ibi. 55. philosophatur. [Tibi dabo clauis regni calorum: nam Filius, quæ Patris est, & ipsius Filij potestatem Petro, ubique terrarum concessit, & homini mortali, omnium, quæ in cælo sunt, dedit auctoritatem Dei: vt per potestatem clauium, ubique terrarum Ecclesiam amplificaret.]

11 Concessit Christus secundò Petro, & suis successoribus Pontificatū immediatè, materialiter, & subiectiue: quia, cum omnis potestas inter homines exercita, Diuinæ innitatur potestati, tamquam fundamento, singulariter tamen potestas summi Pontificis, Christi Vicarij, fundata est super Christum, Apostolo Paulo sic docente, 1. ad Corinth. cap. 8. [Fundamentum aliud nemo potest ponere, præter id quod positum est, quod est Christus I E S V S.] Ad quod facit Chrysostomi illa explicatio loci, ex Matth. c. 16. adducti, quæ Serm. de Pentecost. to. 3. sic habet: [Ideò dixit Christus, nō super Petrum, sed super petram fundatam esse Ecclesiam; quia non super homines, sed super fidem Christi, potestatem Ecclesiæ fundauit.]

12 Tertiò, eandem Petro, summiſque Pontificibus Romanis suis successoribus potestatem Christus fuit largitus immediatè formaliter, & quidditatiue: nam etsi omnis potestas formaliter consistit in quodam ordine superioris ad inferiorem; (vnde cum Apostolus docuisset ad Romanos, dicto cap. 13. omnem potestatem esse à Deo, statim subdidit: [Quæ à Deo sunt ordinatæ sunt,] videlicet, Potestates:) singulari tamen ratione, potestas Ecclesiæ sic est à Deo ordinata, vt de ea dicatur, Cantic. capit. 4. [Est terribilis, vt castrorum acies ordinata.] Hinc colligitur ex ipsius Christi promissione, aduersus eam, sempiternam inferarum potestatum confusionem, ubi nullus est ordo, ex Iob c. 10. minimè fore præualiturā.

13 Vltimò dedit Christus immediatè Ecclesiæ Papalem potestatem finaliter, & gubernatiue: sic enim docet Augustinus, super illo verbo Apostoli, 1. ad Corinth. cap. 2. [Numquid de nobis cura est Deo?] explicans

Psal. 145. quod prouidentia quidem generali, Deus habet curam de bonis, & de omnibus creaturis: cum dicat Propheta, Psal. 146. [Qui dat iumentis escam ipsorum, & pullis coruorum inuocantibus eum:] attamen quamdam singularem curam habet de sua Ecclesia, quam ad creaturas irracionales non extendit. De qua optime potest explicari illud, quod Isai. cap. 49. scriptum est: [In manibus meis descripsi te,] quasi, quam in manibus habet Christus, Ecclesiam, etiam proprio vulnerum descriptam, olim sanguine, & eorum cicatricibus, ad rei perpetuam memoriam, gloriose asseruatis, presentioribus prouidentia oculis gubernet, custodiat, & contutetur.

14 Sed regno Christi Domini partim constituto: ac, illius in terris Vicarium existere visibilem, declarato, antequam hæc omnia fusiùs probemus, ad imperantium, & subditorum hominum in genere pernolescenda officia transeamus: ut de Christi eodem regno, & sua Ecclesiastica Hierarchia, ac Politia habita maiori notitia, quo pacto Christianis, subiectos esse omni Humane creature, à Petro iniunctum sit, faciliùs explicemus.

De potestate imperantium, ac subditorum obedientia, inter homines exercenda. Cap. X I X. §. 1.



EGOTIVM aggredimur grande, sed occasione prædictorum, necessario tractandum: vnde operæpretium erit, rem totam altioribus à principiis exordiri. Politia igitur in vniuersum ratione, quò ad parendi, & imperandi necessitatem, inter homines perspecta; quicumque Hæretico, vel alias barbaro, inculto, inhumanoque prorsus non falsus spiritu, fateatur opus est, omnem Potestatem, modo superiùs à nobis explicato, à Deo esse: ac tamquam Dei ministrum, qui eam exercet, vel spiritualè, vel corporalem gestare gladium: tum hominem quemcumque, suo Magistratus, siue Ecclesiastico, siue seculari obtemperare, & honorè, ac tributum reddere debere.

2 Hæc est doctrina Spiritus sancti, & per illius inspirationem Litteris sacris luculentissimè consignata. Exod. capit. 12. [Dijs non detrahes, & Principi populi tui non maledices.] 3. Reg. cap. 10. [Constituit te Deus regè: ut faceres iudicium, & iustitiam.] Prouerbior. c. 8. [Per me reges regnant, & legum conditores iusta decernunt.] Sapient. cap. 6. [Audite, reges, & intelligite; discite iudices finium terræ. Præbete aures, vos, qui continetis multitudines, & placetis vobis in turbis nationum; quoniam data est à Domino potestas vobis, & virtus ab Altissimo, qui interrogabit opera vestra, & cogitationes scrutabitur; quoniam cum effectis ministri eius, non rectè iudicastis, neque custodistis legem iustitiæ, neque secundum voluntatem Dei ambulastis. Horrendè, & citò apparebit

vobis: quoniam iudicium durissimum his qui præsumunt fiet. Exiguo enim conceditur misericordia, Potentes autē, potenter tormenta patientur. Non enim subtrahet personam cuiusquam Dominus, nec reuerbitur cuiusquam magnitudinē; quoniam pusillum, & magnum ipse fecit, & æqualiter pro omnibus cura est illi. Fortioribus autē fortior instat cruciatio.] & infra: [Multitudo sapientium, sanitas est orbis terrarum, & rex sapiēs stabilimentum populi est.]

3 In noua Pagina, Matth. cap. 17. docuit sic Christus: [Liberi sunt filij. Vt autem non scandalizemuseos, vade ad mare (loquebatur Petro) & mitte hamum, & eum piscē, qui primus ascenderit, tolle, & aperto ore eius, inuenies statuerem, illum sumens, da eis pro me, & te.] Et capit. 22. [Reddite, inquit, quæ sunt Cæsaris, Cæsari; & quæ sunt Dei, Deo.] Luc. cap. 2. narratur Iosephum, & S. Virginē Mariam paruissē Edicto Imperatoris Cæsaris Augusti, vt irent describendi in ciuitatē suam Bethlehem. Ioan. cap. 19. dixit Christus Pilato: [Non haberes potestatem aduersum me ullam; nisi tibi datum esset desuper.] Ad Rom. c. 13. [Omnia anima potestatibus sublimioribus subdita sit. Non est enim potestas nisi à Deo; Quæ autem à Deo sunt, ordinatæ sunt. Itaque qui resistit potestati, Dei ordinationi resistit.] Et infra: [Reddite omnibus debita, cui tributum, tributum; cui honorem, honorem.] Et i. ad Timoth. c. 2. [Obsecro igitur primum omnium, fieri obsecrationes, orationes, postulationes, gratiarum actiones, pro omnibus hominibus, pro regibus, & omnibus, qui in sublimitate sunt: vt quietam, & tranquillam vitam agamus.] Et ad Tit. c. 13. [Admone illos, Principibus, & Potestatibus subditos esse; dicto obedire: ad omne opus bonum paratos esse: neminē blasphemare.] Et ad Hebr. cap. 13. [Obedite Præpositis vestris, & subiaccete eis, ipsi enim peruiolant, quasi rationem pro animabus vestris reddituri.] Et i. Petr. c. 2. [Subiecti estote omni humanæ creaturæ, propter Deum; siue Regi, quasi præcellenti; siue Ducibus, tamquam ab eo missis ad vindictam malefactorum, laudem verò bonorum.] Et infra: [Regem honorificate.] Serui subditi estote dominis, non tantum bonis, & modestis; sed etiam, dyscolis,]

4 Circa quam Spiritus sancti doctrinā, illis locis prætermisiss, quæ de Ecclesiastica præcisē loquuntur præfectura, vt est, [Reddite quæ sunt Dei, Deo.] & item; [Obedite præpositis vestris, &c.] hæc enim, iam superius sunt tractata; pro ea parte Scripturarum, quæ vel præcipuē præfecturam secularē commendant; vt est, [Subditi estote omni humanæ creaturæ. &c.] vel licet commendent etiam Ecclesiasticam, vt est, [Dijs non detrahes. &c.] & [Omnia anima potestatibus sublimioribus subdita sit. &c.] ab illa interim abstrahendo, primò notandum valdē est, eam, tantum ab Spiritu sancto subditorum versus Principes obedientiam secularē, & Principum versus subditos præfecturam commendari, præci-

pi, & approbati, quæ omnino sine cum iudicio, iustitia, & pietate in Deū, & proximum colligata. Quod habetur expressè ex verbis illis. 3. Reg. cap. 10. [Constituit eū Deus regem: vt facerēs iudicium, & iustitiam.] & ex loco Sapient. 6. & ex Paulo; ad Titū. [Ad omne opus bonum paratos esse.] Habetur etiam tacitè insinuatū ipso nomine, quo Præfector dignatus est Diuinus spiritus nominare; dum dicitur, [Dijs non detrahes;] solo enim dicendū modo declarauit, Præpositis obediendum, vice Dei, sed non contra Deum. Hoc sic explicuit optime Theodoretus, super illud locum dicens: [Dijs non detrahes iudices Deorum nomine appellat, propterea quod, ad vniuersorum iudicis imitationem, iudicia illis credita sunt. Hoc manifestè docet nos Propheta Dauid: nam cum dixisset, Stetit Deus in Synagoga Deorum: mox subiunxit, Vsq̃e quod iudicatis iniquitatem, & facies peccatorū sumitis. Iudicate pupillo, & inopem humilem, & pauperem iustificat. Eripite pauperem: & in opem de manu peccatoris liberat. Deinde illos accusans, subiunxit: Nescierunt, neque intellexerunt: in tenebris ambulant.]

Docuit idem Spiritus manifestè, ministerium Regis quale esse debeat, exemplo, & ore S. Iob, sic dicentis, cap. 29. [Cumque sederem, quasi Rex circumstante exercitu, eram tamen mœrentium consolator. Auris audiens beatificabat me, & oculus videns testimoniū reddebat mihi: eō quod liberassem pauperē vociferantem, & pupillū, cui non esset adiutor. Benedictio persturi super me veniebat: & cor viduæ consolatus sum. Iustitia indutus sum, & vestui, sicut vestimētos.] (quid aliud prædixit Isai. de Christo; cap. 11. [Et erit iustitia cingulum lumborū eius.]) & Paulus Apostolus Christianis præcipit, dicens, [Induimini Dominū. IESVM Christum;] ad Rom. cap. 13. [& diademate iudicio meo. Oculi sui cæcō, & pedes claudō. Pater eram pauperum, & causā, quam nesciebam, diligentissimè inuestigabam. Conterebam molas iniqui, & de dentibus illius auferēbam prædam.] Et Prouerb. cap. 20. [Rex qui sedet in folio iudicij, dissipat omne malum intuitu suo.] Itē, [Dissipat impios rex sapiens, & curuat super eos fornicem.] & cap. 19. [Rex iustus eriget terrā: & vir avarus destruet eam.] Itē, [Rex qui iudicat in veritate pauperes, thronus eius in æternum firmabitur.] Et Sap. cap. 1. [Diligite iustitiam, qui iudicatis terrā, sentite de Domino in bonitate, & in simplicitate cordis querite illū.] Denique Paulus Titum docuit, vt vidimus, admonere Christianos, ad omne opus bonum, & Principibus sibi iniunctum, paratos esse.

Hoc Apostoli præcepto præuio, sacra Thebæorum militū legio, ad militiā pro Imperatoris, ac Romanæ rei incrementō, non ad malitiam pro Christianæ legis abnegatione, se esse paratam, ceruicibus martyrio expositis, comprobauit. Item, & Martinus non hasta, gladio, & clypeo fidens, sed Christi IESV inuocatione, hostium Apostatæ Imperatoris

penetraturumque nos scirent, ipsi Imperatori promisit. De qua obedientia, qualis versus Principes debeat esse, quale item eorum imperium, habemus explicationem perpetuam sacra Scriptura, à sanctis Patribus expressam; de qua partim à nobis eriam. Parte ætium est, partim statim est agendum.

7^o Aduertendum est secundò, hanc iustitiam in Præfectorum secularium administratione ab Spiritu sancto requisitam, non solum esse, virtutem eam particularem, Moralium aliarum Principem, communi utilitati seruientem; quam, illa de causa, popularem virtutem, Philosophus appellauit; quamque Iuris definiunt prudentes, [esse, constantem, ac perpetuam voluntatem, ius suum unicuique tribuentem:] hac enim per Principes hos, in suis Rebus publicis obseruata, parti sui muneris, non autem vniuerso, ac integro esset pro meritis satisfactum. Comprehendit ergo iustitia ab Imperantibus suis administranda subditis, eam illius iustitiæ ambitus rationem; quæ omnes virtutes, quæ Reipublicæ, & regunt, & firmant statum, intelliguntur; & quibus subditi sobrie, in ordine ad se, iuste, ad proximum; pie, ad Deum viuunt; quarum obseruantia, per Principes, est in Republica diligentissimè prouidendum: & inde iustitia hæc, Vniuersalis, à Philosophis nuncupatur.

8^o Adnotandum est terciò, hominum origine, & conditione considerata, facile nedum à Christianis Theologis, Philosophis, & Iuris utriusque prudentibus; nedum ab excellentibus ingenij acumine antiquis Philosophis, sed à quibuscumque mediocri intelligentia præditis, & qui res obuias, ac communem vitæ consuetudinem tritas percipiunt, fuisse semper intellectum, homines, à natura ipsa, ad ciuilem societatem fuisse factos, ordinatos, & institutos. Hinc tot hominum cœtus, & communiones, hinc eorum tot congregationes, hinc ciuitates fabricatæ, constitutæ Respublicæ: vterius ipsa natura proficiente, vt homines ibidem congregatos, pacis inter se, ac tranquillitatis, & optandæ, & obtinendæ, opportunis vinculis colligaret. Factum est hoc, legum, ac Magistratum auctoritate; ne sinerentur homines agere, quod voluntas imperaret effrans; neque cuique quod liberet, & liceret; esset enim aliàs impossibile, istiusmodi hominum cœtus, in statu suo, vel ad breue tempus conservari.

9^o Ratio igitur communis, quæ Respublicas finxit, & ordinum distinctiones, & Magistratum iurisdictiones vnâ refinxit: quas nisi adiunxisset, satius multo esset hominibus, vel dispersos vagari, vel ferarum more, in latibulis, lustrisque degere: quàm hac ratione in vnum confluere, vbi iniurijs accipiendis essent expositi; si interim nullis remedijs, ad iniurias, essent instructi; propulsandas. Certum est etiam, exceptis Gentibus iure belli subactis, & Regibus, seu Principibus, qui vi, & ferro regiones occuparunt, & inuitis populis dominationis iugum imposuerunt, alias hominum congregationes, ciuitates, prouincias, vel nationes, pa-

rendi, & imperandi diuersas formas habuisse; dum alij Reges, alij Dictatores, alij Consules, vel similes Magistratus præfecerunt; eosque alij annuos, alij perpetuos sibi præfixerunt: cum eius potestatis, ac auctoritatis limitibus, vel laxioribus, vel angustioribus, (quod supra dicebamus,) qui a populorū fuerunt voluntatibus, & electionibus approbati. Quæ ratione, vel electione, Principes ad sublimem hæc imperij efferebantur celsitudinem, vel sint esserendi, nihil moramur; cum, ad alia, quæ ad rem faciant, orationis nostræ series dirigatur.

10 Habemus interim orsa, media, & fines, propter quos humanæ Societates sunt institutæ. Orsa habemus, scilicet, ut ab iniurijs tuti sint in eis congregi, ut cum liberis, & vxoribus uiuant tranquille, & solitudinem communioni permittant, & cum bono priuato, bonum ab eis etiam publicum procuretur. Media habemus, quibus tam excellens consequatur bonum; leges Politicas inferiores, ac superiores Magistratus: amorem ciuium mutuum: concordiam publicam. Habemus fines, ad quos tendit hæc medijs Respublica; & eos Ciceronis ad Articum verbis referamus. [Ut gubernatori, inquit, cursus secundus, medico salus, Imperatori victoria: sic Reipublicæ moderatoribus beata ciuium vita propo- sita est: ut ea opibus firma, copijs locuples, gloria ampla, virtute honesta sit.] Hucusque Cicero.

11 Et sufficisset quidem Spiritus sancti adducta superius doctrina, & hoc præfatum à natura commune insitum hominibus magisterium: placuit tamen quartò, ex Patribus, & Ecclesiæ Doctoribus, considerare, qualem, & quantam coherentiam, & Dei mens, & hominum vita habeant, in Magistratum, ac Præfectorum constitutione, quamque in ea firmissimè copulentur. Clemens Const. Apost. lib. 4. cap. 12. sic docet: [Estote, subiecti omni Regi, & Potestati, in ijs, quæ Deo placent; tamquam ministris Dei, & impiorum vindicibus, & vltoribus.] Quod & lib. 7. cap. 17. repetit ferè iisdem verbis. & Canon. Apost. 84. [Quisquis Imperatorem, aut Magistratum contumelia affecerit, supplicium laico: si clericus sit, deponitor: si laicus sit, à communione remouetur.] Ignatius Epist. ad Smyrnenes, [Honorare oportet, & regem, & c.] ac Episcopo excepto, addit: [Nec inter Principes quisquam similis Regi, qui in pace, & optimis legibus subditos moderatur.] Et Epist. ad Antiochenos [Cæsari subiecti estote in ijs, in quibus subdi nullum animæ periculum est. Principes nolite irritare, ut exacerbentur: ne anam detis ijs, qui illam contra nos querunt.]

12 Hoc docuerunt omnes Patres Græci, summa consensione: à quorum adducendis testimonijs, ad vitandum lectoris tadium abstinemus, hoc vnum Demetrii Cydonij, de Contemnenda morte, non prætermisso. [Non reperies, inquit, Respublicas leonum, aut elefantorum, aut a librum animantium: sed ciuitates solum hominum sunt operari qui-

bus sapientia sua inuenta, & multa beneficia deponunt, atque ijs, alij leges præscribunt, alij dicto sunt audientes. Ac d. subditis, honores, & tributa Principibus penduntur, quæ virtutis, & inferiorum curæ præmia sunt: Principes autem assiduam eorum sollicitudinem, qui ipsis parent, perpetuamque providentiam conferunt: equam tantam præferunt, ut bonus, & iustus Princeps, suo pte periculo salutem alijs præstet, & multi pro patriæ defensione occubuerunt.]

13 Ex Doctoribus, ac Patribus Latinis, Tertullianus lib. de Idolatria, cap. 11. Igitur, ait, quod attineat ad honorem Regum; vel Imperatorum, satis præscriptum habemus in omni obsequio esse nos oportere, secundum Apostoli præceptum, subditos Magistratibus, & Principibus, & Potestatibus; sed intra limites disciplinæ; quousque ab Idolatria separamur. Propterea enim, & illud exemplum trium fratrum præcurrit, qui alijs obsequentes erga Regem Nabuchodonosor, honorem imaginis eius constantissimè respuerunt,] Hieronymus ad cap. 3. ad Titum: [Paulus docet, inquit, credentes Principibus, & Potestatibus debere esse subditos: Sed quia dixerat: Admone illos, Principibus, & Potestatibus subditos esse, poterat his, qui tormēta formidant, occasio ad negandū dari; dū, iuxta Apostoli dictum, se assererent, Principatibus, & Potestatibus esse subiectos, & facere quod iuberēt: propterea subiecit, obedire ad omne opus bonū, &c.] August. de C. Dei lib. 5. c. 21. [Nō tribuamus dādi regnā, & Imperij potestātē, nisi Deo vero, qui dat felicitatē in regno cælorum solijs pijs, regnū verò terrenū, & pijs, & impijs, sicuti ei placet, cui nihil iniuste placet. Qui Mario, ipse C. Cæsari, qui Augusto, ipse & Neroni, qui Vespasianis, vel patri, vel filio suauissimis Imperatoribus, ipse & Domitiano crudelissimo. Et ne per singulos ire necesse sit, qui Constantino Christiano, ipse & Apostata Iuliano. Hæc planè vnus Deus, & verus regit, & gubernat, ut placet: etsi occultis causis, numquid iniustis?]

14 Circa cuius auctoritatis primam partem, videndus omnino est Irenæus, lib. 5. c. 24. impugnans illam Sathanicam assertionem, Matth. cap. 4. relata, & Luc. cap. 4. [Hæc omnia mihi tradita sunt:] agebat de mundi regnis; [& cui volo, do ea:] vel, [Hæc omnia tibi dabo. &c.] alloquens Christum Dominum. Circa vltimam partem legendus Salomus, qui, paucis post Augustinum scripsit annis, in Parabolas Salomonis: ubi, quasi illum explicans, sic ait, [Numquid Christus omnibus tyrannis, impijs & Principibus dat regnum, & imperium? non utique: verumtamen, ipso permittēte, impij Reges, & Principes suscipiunt regna, vel imperia: iuxta illud Iob, Permittit regnare hypocritam, propter peccata populi.] cap. 34. Videndus etiam Haymo, quasi Augustinum explicans. ad c. 13. Epist. ad Romanos, dicens: [Omnis potestas, siue maior, siue minor, quæ hominibus præstatur, aut ex voluntate Dei, aut ex permissione constituta est: sicuti dicitur per Salomonem: Per me Reges regnant, & Prin-

cipes docuerunt iustitiam, &c. Idem docet Bruho Carthusi abas, super eundem Pauli locum. Gregorius Magnus lib. 7. Epistol. 10. [Summum in regibus, ait, bonum est, iustitiam colere, ac sua cuique inuaseruare, & subiectis non finere, quod potestatis est fieri.] sed quod quum est, custodire. Neque opus est per alios discurrere Doctores: cum omnes, id ipsum quod ab alijs prius dictum est, reperiunt: & superius hoc idem fuit à nobis tractatum: ac ultimò, potius cum regibus loquantur Christianis: & statim inter ipsos, & reges qui Euangelium Christi nunquam receperunt, sit discrimen ingens adnotandum.

15 Quinto est considerandum, ex Philosophorum Ethnicorum, immò & Christianorum, atque Theologorum, turisq; ac Civilis administrationis prudentium sententia, nullum esse in quacumque Reipublice formam, officium, aut nomèn regali augustius, vel maiore cum honore coniunctum. Nam quàmvis Democraticus, seu popularis Magistratus, & Aristocraticus, seu Optimatum Principatus; eo sensu, quo superius explicuimus; à Deo sit hominibus contributus: regimèn tamen diadema longè est quacumque alia dominatione diuinius, prastabilius, & hominum generi salutarius; quod qui vel imminuunt, vel contra illud seditiose conspiciunt; Diuinæ voluntatis hostes, humanæ societatis inimici; publicæ quietis, & pacis turbatores iudicandi sunt: & vltèrius, sunt ferro, ac flamma persequendi.

16 Non eleuamus reliquorum Principatum auctoritatem, quos certè natura inclinando constituit, crexerunt hominum cordatæ congregationes, Deus approbanit: vt de obedientia eis à subditis præstanda, velimus aliquid esse diminutum, quibus nefarium censemus facinus repugnare. Regius tamen splendor, expressius multò Dei vnus vniverso Præsidentis mundo repræsentat imaginem: hic illustrius multò; & solis vnus, sidera cetera suo lumine collustrantis, & mentis vnus, omnia corporis membra, atque officia dirigentis, & vnus Patris familias, domum, & vnus Imperatoris, exercitum, & vnus naucleri, nauem, & in ipsis denique rationis expertibus animantibus, vnus arctis, ouium gregem, & vnus regis, examen apum, figuram gerit, gubernantis. Quibus similitudinibus vsi sunt antiqui Poetæ, & Philosophi proximè citandi: eisdemque postea Christiani Patres ab illis, vt infra explicabitur, conduxerunt. At tamen hanc vltimam partem huius Notabilis, sequenti cap. & Notabili prosequemur.

In omni Magistratu, Principatu, & Monarchicæ regimen esse optimum, breuiter exponitur. Cap. XX. §. 1.



VAESTIONEM hanc, de Monarchicæ, ad ceteras regiminis à Philosophis descriptas formas, principatu, ac excellentia, non est animus, prolixè tractare: eam potius supponimus, quam

disputamus. Et quicquid Zuinglius, Bucerus, & Calvinus, cum suis ob-
gāniant asseclis, & discipulis Hæreticis: Politici omnes Scriptores rectè
sentientes, & sic quintum Notandum, Principatus regimen, omnibus alijs
longè excellere docuerunt. Gentiles id Philosophi, Historici, ac Poetæ
antiquissimi senserunt. Homerus Iliad. lib. 2. Euripides in Andromacha.
Act. 2. Isocrates in Nicocle. Plato in Politic. ultra medium. Demosthenes
Olynthiac. 1. de Philippo. Aristoteles lib. 12. Primæ Philosophiæ. Liuius
Decad. 1. lib. 4. Seneca lib. 2. de Beneficijs. cap. 20. Lucanus lib. 1. Plutar-
chus De tribus Reipublicæ generibus, Monarchia, Democratia, & Oli-
garchia: & item, De Fortuna Romanorum. Plinius Natur. hist. lib. 11. c.
3. Pomponius in Pandectis, De origine Iuris. Dion. Cassius Romanæ Hi-
storiæ lib. 44.

2. Hinc ab antiquitate primò, satis Principatus Monarchicus com-
mendatur: homines enim primi, & origini suæ, hoc est, Deo Conditori
proximiores, malis artibus, fraudibusque nondum corrupti, optima ut
elegerint, censendi sunt, qui tamen Principatum elegerunt. In familijs
singulis, quod primum Imperij exemplum fuit, vnus Pater familias illud
in omnes domesticos exercebat. Deinde plures familiæ cognationibus
iunctæ, vnum habuerunt imperantem, & ex illis societates, congregatio-
nes, oppida cum orirentur, & vnum Præsidentem: donec magna imperia na-
ta, & oppressio cepit ab ambitione exorta. Vnde, vt fusè supra tracta-
tum est, vnus Præsidentis originem expressiorè habuit dominatus. Sene-
ca hoc verissimè docuit, Epist. 91. [Primi mortalium, inquit, quique ex
ijs geniti, naturam incorrupti sequebantur, eandem habebant, & du-
cem, & legem: commissi melioris arbitrio. Et inde natura commenta
est Regem: quod & ex alijs animalibus licet cognoscere, & ex apibus,
quarum regi amplissimum cubile est, medioque, ac tutissimo loco.] Qui-
bus autem alijs animalibus, partim dicta Epistola explicat, dicens:
[Mutuis gregibus, aut maxima corpora præfunt, aut vehementissima:
non præcedit armenta de generis taurus, elephantorum gregem excel-
sissimus ducit. In ouibus, in auibis, & alio quocumque congregum genere
idem est videre.]

3. A communitate secundò, etià Principatus æstimanda est dignitas:
est enim, ac fuit in orbe cõmunissimum, vnus imperio ditiones cõtineri.
Hinc Monarchiæ illæ antiquissimæ, Assyriorum, Medorum, ac Persarum,
Græcorum, & Romanorum: nisi enim à Deo, & eius præcipua Principa-
tus electione hæ Potestates essent, haud tot sæculis consistere potuissent.
De ijs autem Monarchijs, sic Daniel ait ad Nabuchodonosor: cap. 3. [Tu
Rex regum es, & Deus cæli regnum, & fortitudinem, & imperium, &
gloriam dedit tibi, & omnia, in quibus habitant filij hominum, & bestię
agri: volucres quoque cæli dedit in manu tua, & sub ditione tua vniuer-
sa, constituit. Tu es ergo caput aurum, & post te cõsurgēt regna alia, &

ninus te, & regnum tertium aliud arcum, quod insuperabit vniuersæ terræ, & regnum quartum erit, velut ferrum: quomodo ferrum comminuit, & domat omnia, sic comminuet, & conteret omnia hæc. &c.]

4 Sic Iudæi à Samuele regem poscentes, argumēto, à ceterarū nationum simili, vti sunt, dicentes. 1. Reg. cap. 8. [Constitue nobis Regem, sicut & vniuersæ habent nationes.] In Italiā primi illi Romani, ex Livio lib. 1. [In varijs voluntatibus, regem tamen omnes volebant.] Quod si postea mutarunt, Aristocraticum eligentes imperiū, rerum continuæ vicissitudini, & naturali mutationi tribuendum est: vt à Rege in tyrannum, à tyranno ad Optimates, aut populum Respublica transeat: iterumque ab his ad tyrannum, & Regem: contingit hoc fastidio, & odio, aut odio non Principatus, sed Principis alicuius eo abutentis. Ceterum vbi paucā loca, neque diu, excipiamus, vetus hic orbis Monarchas ferē ubique habuit, in Asia, Africa, & Europa: & nouus item orbis repertus sic est, aut fuit. Argumentum sanē validum, optimū vsu, ac ratione, & ab ipsa natura esse profectum, quod tam diu, & tam multis ostenditur placuisse.

5 Quod si rationem tertio exquiramus, ecce à nobis stat: à maiori primò iustitiæ exercitio in Principatus imperio. Diximus superiùs, iustitiæ fruendæ causa imperia primū reperta fuisse. Ea autem in Monarchia, magis floret, ac viger; ab eaque absunt noxæ, & corruptelæ, quæ in alijs illis formis, illarum regimen sunt solitæ deturpare. Rex si præsit, vel ipse ius dicit, (sicuti olim sæpius fiebat, & nunc alicubi fit) aut qui dicant, eligit, & designat. Si ipse, super metum, super gratiam, super auaritiā omnino est: & nihil istis, quæ sunt solitæ oculos iudicantium perstringere, donat: Si alij, sunt tamen ab ipso, & eos cura eligit, & electis iam superest, & intendit. Non sunt ijs vices Principis tenentibus libera iudiciā, vt non iudicium huius metuant, & si quid iniustius agant, etiam promptam pœnam. In alijs regiminis formis nihil simile reperiatur. Si ad Optimates veniamus, fastidio, & agnati, & amici occurrent, & alternis inter se ius, aut iniuriā gratificantes. Si ad Democratiam, seu populare regimen eamus, magis, ac magis peccabitur; & ira, furore præcipiti, aut rapido affectu damnatos, aut dimissos passim videbimus. Fuere Atheniensium, & Romanorum Respublicæ, oculare huius veritatis exemplū; dum ostracismi, exilia, & multæ existerunt toties Optimatū; contra verò pessimis honores erant delati, & iudicijs per vim, & manum etiam erepti. Ac tandem corruptelæ ibi liberrimè semper regnauerūt.

6 Secundò, à tranquillitatis, & concordie cultu: id enim in societate, & hominum conuentu optimum, id optatissimum est: quietam, & tranquillam vitam agere, (quod desiderabat, ac postulabat Apostolus) à vi, & iniuria tutos. Hoc maximè efficit metus, vel auctoritas Principis, quem vnum omnes colunt, ac respiciunt, qui vnus omnia administrat, &

potest, apud quem vnum ius vitæ, necisque residet. Hinc subditorum animi magis domiti sunt, ac fracti, & iugo facilius colla submittunt. Non itidem hoc vsu venit inter plures dominos: eorum enim potentia, est sparsa, & inde minor: ut flumen in plures diductum riuos. Alios alium colit, & respicit, patronumque contra hunc, vel illum habet. Correctio ibi scelerum minus seuera, ac libera: quia in suffragijs, aut Comitijs, popularium egent opera: vnde, & conuiueant, & indulgeant, singulorumque exquirant gratiam, necesse est: sic minuitur auctoritas: hincque sequitur, ut reuerentia, & metus langueant, obedientia, & quietis force in Republica semper vinculum æstimata.

7 Est præterea certissimum, minus esse tranquillos, cum ad Rempublicam sepe auocentur: ubi cum sint Comiticia, fiant leges, in quibus iure suffragandi gaudent, in ijs ambitio, in ijs factio magnas vires habent: vnde seditiones sepe, turbæ, ac pugnæ succedunt. Neque ubi Comitiorum potestas est, maior tranquillitas, quam apud mare: quod raro est quietum: utpote ventis plurimum, ac sepe procellis agitarum. Tacitus Annal. 1. rem breuiter complexus, sic ait: [Suspectum Senatus, populi que imperium, ob certamina potentium, & auaritiâ Magistratû.] O quales duo scopuli! ad quos allisa Respublica, factionibus intestinis, ac ciuilibus bellis, nundinationibus, rapinis, corruptelis, in Magistratibus, in prouincijs, in iudicijs subruatur.

8 Hinc Iulianus Orat. cohortatoria ad Gentiles, ex suorum prudentium testimonijs, colligit Monarchici excellenciam Principatus, dicens: [Homerus sub persona Mÿsis, Græcorum exercitum alloquens, ait:

Non bene regnabunt multi, Rex vnicus esto

Atque equidem ille, non bonum esse regimen multorum, sed è diuerso malum, re ipsa ostendere constitutum habens, eam ob causam, bella illorum propter multitudinem, & prælia, & factiones, & mutuas insidias passim commemorat. Nam Monarchia, siue vnus imperium, pacatum esse consuevit.] Eandem doctrinam, & eisdem serè verbis Theodoretus, lib. 3. de Angelis, collaudauit.

9 Tertiò, à meliori, tutiori que agendi modo: Monarcha Princeps imperat diutius, vnus, & idem semper manet, assidueque ipso vsu magis discit, & rem ut propriam cordi habet: contra omnia sunt in Magistratibus, qui mutantur. Annui enim cum sint, serè tunc ab imperio discedunt, cum discere ceperant imperare. Intentio verò, aut cura nõ eadem est in breui, & alieno imperio, quod sepe; aut ignotis, aut inuisis tradunt successoribus: vnde illis satis est, quacumque meliori via, in posterum securitate defungi: cum Princeps non se solum cogitet, sed hæredes, non sibi solum, sed futuræ consulat successioni.

10 Quid de arcanis consilijs, quartò dicemus? de litteris, quæ in regimine interueniunt? quid de passionibus, & cum vicinis Principibus

tractatibus? quæ omnia oporteat haud intempestivè vulgari? Inter plures secretum haud requirendum est: nemo liber accedit, aut tuto credit: quæ in Principatu locum non habent: in quo, aut unus ipse tractat, aut fide vitur ministrorum, quibus ea tractanda committit.

11 Inter plures quinto, pluries secreta intercedit corruptela; immò unus aliquis faciliè emi contra Rempublicam potest, & sana consilia, sub prætextu communis boni, aut evertere, aut impedire. Conquerebatur olim Demosthenes, Athenis id factum ab astuto Philippo: & hunc esse scòpulum, ut ipse loquitur, ad quem res allidantur. Nec Romana res melius habuit, ubi Tribunus aliquis emptus, negotia turbabat, & hunc aut illum callidè super capita civium imponebat. Sic ille Poëta brevis sermone longani retulit historiam, dicens:

Mutatusq; fuit momentum Curio rerum.

Ecce unus Curio, à Cesare corruptus, Caesarem Pompeio prætulit: Reipublicæ, & libertati finem, ac ultimum exitum comparavit.

12 Quarto, & ultimo præcipuo argumento, à diuturnitate, est Monarchicum imperium antecferendum: illud natura fovet, illi ratio favet, & Deus unus, unum illud non insigniter foueat? Si status alios consideremus, Sparta, quæ moribus, & viris florebat, ut diurnaturam longius crederetur, vix quingentos annos fuit libertate potita. Athenæ sapè mutarunt, & oppressæ denuò respirarunt: turbidis tamen rerum successibus agitatae, & continenti in metu, ac potentioribus obnoxie. Roma, quod forsàn admiratione non caret, ob plurà, quæ silentio inuoluimus, quadringentos paulò plus annos liberum statum conservavit.

13 Quid hæc ad Principatus? Assyriorum antiquissimus, à Nino Beli filio incipiens, perpetua successione duravit, usque ad Sardnapalum, annis mille ducentis quadraginta; ut vult Eusebius: vel, ut colligit Iustinus, lib. 1. mille trecentis: vel, ut Auctor est Diodorus, lib. 2. c. 7. mille quadringentis. Secunda Monarchia, quæ fuit Medorum, ac Persarum, annis quingentis viginti duobus circiter continetur; ex quibus Medis plusquam ducentos ac sexaginta sibi vendicant, Persæ reliquos. Quamquam de ijs, & mirum, & notatione dignum est, haud diu ab Alexandro reuixisse: & vires regnumque, & recepsisse, & reintegrasse, duce quodam Arsacio: qui, quoniam fuit Parthus, & initium regnum rursus in libertatē asserendi fuit à Parthis, Romani, atque alij, Parthorum id regnum nuncuparunt: reuera tamen in iisdem serè gentibus, & finibus; & permansit ad Imperatorem Alexandrum Mameæ filium. per annos circiter quadringentis octoginta: quando iterum nomen Persarum surrexit Duce Artaxerxe, qui Artabanum ultimum Parthorum Regē loco movit, & sustulit. Inde ad præsens ævi, quo multiplicatis legationibus S. D. N. Paulum V. summum Pontificem, illius, & sanctitatis, & animi magnitudinis fama permoti, Persæ adierunt, (mira diuturnitas!) Persæ viuunt.

14 Tertia Monarchia Græcorum, si non tot computat annos, cum ab Alexandro, qui Monarchiam Persarum, Medorum, ac Babyloniorum, transtulit in Græcos, usque in finem regni Persis, ultimi regis Macedonum per Romanos superati, circiter primum annum Ducatus Iudæ Machabæi, fuerint anni solum centum septuagintaquattuor, & à fine regni Macedonum, seu à primo anno Ducatus Iudæ, usque ad Iulium Cæsarem centum quindecim, & à Cæsaris primo anno, ad Christi natiuitatem, fuerint anni quadraginta sex: quarta tamen Imperatorum Romanorum ab Augusto Cæsare, notum est, quam longos habeat. Aegyptij olim suis regibus, ad ultimam Cleopatram, annorum millia plura numerabāt. Millia etiam annorum multa suis hodie Sinarum populi adiudicant regibus. Et Hispanorū, ac Gallorum Monarchias pluribus annorum seculis, & durasse scimus, & duraturas speramus. Cum alijs in minoribus Principatibus similibus exēplis; quæ tamen alij regiminis status, vnam si excipiamus Republicā Venetam, (de cuius diuturnitatis ratione non est mens disputare) difficile, immò est impossibile demonstrare.

15 Habemus ex Stobæo, serm. 45. quòd Cræso Lydorum regi fratrem in consortium Imperij assumenti, quidam Lydus sapienter dixerit: [Omnium in terra bonorum ò Rex, maximum, est Sol; neque quicquam existeret in terra; Sole non illustrante. Ac si gemini Soles forent, periculum immineret, ne omniā consagrantia pessum irent.

16 Quòd in deliberando de statu Politicæ Persis conuenientiori, ex septem Proceribus illorum, qui Magos interfecerant, & qui consilij, ubi quæstio fuit agitata, erant Auctores, non Otano, popularē gubernationē suadenti, non Magabyzo, qui Optimatum, ac paucorum regimen Democratico præferens, illud introducere conabatur, sed Dario, vtrique huic administrationis formæ Monarchicam esse meliorem, grauib. rationibus persuadenti, fuerit per socios alios, assensum: refert Herodotus in Thalia. Quòd post consultationem habitam per Augustum Cæsarem cum M. Agrippa, & C. Mæcenate illo Principatum ei dissuadente, ac vt Republicam Romanis redderet Senatoribus liberam: huic consilium de retinendo principatum dante, ita tamen vt optimum Principem, non autem se gereret tyrannum, huic acquieuerit Augustus: refert Dion. lib. 52. orationibus Agrippæ, & Mæcenatis contrarijs, quæ omninò legi merentur, dilatatis. Lydi autem illius sapientis, & huius Mæcenatis approbata consilia, bene vertisse Augusto Cæsari, certum est.

17 Sententiam hanc tenere Patres, ac Ecclesiæ Doctores, vt Athanasius, contra Idolat. Chrysof. Hom. 34. in 1. ad Corinth. & Homil. 34. in Epist. ad Hebr. Euthymius in Panoplia. tit. 1. Cyprianus de Idolorum, vanitate. Hieron. Epist. 4. ad Rusticum. Thomas. 1. p. q. 103. art. 3. Philosophicè, ac subtiliter à bonitate vnitatis, procedit ad Monarchiam extollendam: & addit, [Vnitatis autem causa est vnum. Manifestum est

enim,

enim, quòd plures, multa vnire, & concordare non possunt: nisi ipsi aliquo modo vniantur. Illud autem quod est per se vnum, potest esse causa vnitatis conuenientiùs, quàm multi vniti: vnde multitudo meliùs gubernatur per vnum, quàm per plures.] Immò Eusebius Cæsariensis, qui ià Orat. de laudibus Constantini Monarchiam, alijs regiminibus prætulerat, de Demonstratione Euangelica, lib. 3. c. 9. Leo Max. Serm. 1. in Nat. Apostolorum. Eucherius Lugdunen. Epist. ad Valerianum, probant Monarchiam Romani Imperij, pro faciliore Euangelij diuulgatione, Diuina fuisse prouidentia præparatam.

Vnum Monarchiam secularem, post Adamum, in orbe vniuerso non fuisse: docetur. Cap. XXI. §. 1.



SUFFICIENTER probato, Monarchiam gubernandi formam præstare ceteris, eamque supremum Deum ipsum mundi totius Conditorem, præ alijs, etiam in secularibus Potestatibus, elegisse, ponderandum est sexto, in illis per partes fuisse, respectu tamen orbis vniuersi, hucusque exercitam, à Protoparentis Adami conditione, non fuisse: cum neque Romani, quando sui Imperij limites longius produxerunt, omnibus eius provincijs, ac regionibus imperauerint: neque postea vnquam Rex, vel Imperator vnus, earum dominium fuerit consequutus. An autem talis Monarchia sit aliquando in mundo sequutura, neque scimus, neque de hoc quicquam nobis credendum, scriptum, aut traditum est: neque an eam introduci possibile sit, hucusque, vrgentibus sumus. aliquibus rationibus assequuti.

2 Scripsit certè Engelbertus Abbas Admontensis, iam ab hinc trecentis annis, Lib. de Ortu, & fine Imperij Romani, in hunc modum: [Tutius, & melius est, omnia regna, & omnes reges subesse vni Monarchiæ, quia prima inuentio, & constitutio regnorum, & regum emanauit à natura: sicuti patet in feris, in quarum genere, leo est rex omnium ferarum, & in auibus, aquila est rex ceterarum voluerum omnium: ars verò, & ratio imitatur naturam.] Et cap. 18. ait: [Melius, & iustius est, semperque erit, quamdiu secundum præsumum à Deo, cursum rerum mundi, ipsi Deo placuerit, omnia regna, & omnes reges subesse vni Imperio, & Imperatori Christiano: quantum de iure, consuetudine rationabili, & præscripta competit, & conuenit vnicuique regno subesse, & obedire Imperio, quàm si singula regna, & reges per se starent, sine omni subiectione, & obedientia Imperij: tanquàm multa capita, in vno corpore Christianæ Reipublicæ: quæ est vna, & vnus populi Christiani: & pro tanto habens vnum caput omnium, nisi de illa Republica, & vno populo Christiano, quis velit facere multorum caput vnum monstrum.]

3. Circa quam doctrinam, videtur Auctorem, neque exēplis suis, neque rationibus, quam in orbe desiderabat Monarchiam, esse meliorem, induxisse. Et quidem primò, natura ipsa, & ducente, & instigante, Monarchiam esse cunctis gubernationis formis præferendam, & supra scriptum, & denuò Engelberto concedimus; artem verò, & rationem imitari naturam, Axioma est tam notum, quàm certum, apud mediocriter intelligentes; dum verò & leonis versùs feras, & aquilæ versùs aues, Monarchicum distinguit imperium, specierum atomarum, in speciebus atomis: vnius generis hoc exemplar ad homines transferens vniuersos, indiuidua, videlicet, plura vnius etiam speciei atomæ, & sub vnius regimine, conuenientius asserit militaturos: tangit, hæc tamē quò vult pertingit: sicuti pertingeret, si probaret, animantibus cunctis, animans vnū, ab homine aliud, imperare. Sufficit ergo vt ars, & ratio naturam imitentur, diuersas in orbe, per eius partes, Monarchias, huius, & illius, & aliorum regnorum reperiri: sicuti animantium volatiliū, vñum animal, terrestrium aliud, Principatum in cetera illius generis asseritur obtinere.

4. Secundo, si regna, & Reges, Imperatori vni Christiano subijci sūt melius, ac tamē quantum de iure, aut consuetudine præscripta, & rationali subesse illi debeant, vbi nam inuenit Auctor ille, vel aliquis inueniet, de iure, vel de tali consuetudine, obsequi vni Imperatori, omnibus regibus, & eorum regibus competere, aut conuenire?

5. Tertio, quanam ratione diuiso Christiano orbe, vno Reipublicæ Christianæ corpore, in plures particulares Monarchias seculares, præterea nota illi potest iniuri: cum nullibi, vel in Scriptura sacra, vel in eius Enarratoribus vñquam reperiatur scriptum, caput vñum seculare Christianis omnibus præficiendum?

6. Quarto, qui colligendi modus est, quòd qui non admiserit vñum caput seculare, vni populo Christiano, vni Christianæ Reipublicæ præfici, esse melius, ac iustius, quàm in plura secularia per tot, seu tot prouincias capita dispartiri: velit, multorum capieum vñum monstrum coaptare? Sunt equidem capita Monarchiarum inter Christianos, Imperator, & Reges, non sunt tamen capita vnius illius populi Christiani, & vnius Reipublicæ particularis Christianæ, cui in secularibus præsideat, quatenus est Christiana. Immo sub hac reduplicante ratione, & imperantes, & subditi membra sunt omnes totius corporis Christiani, quod est Ecclesia, cuius caput Primarium, est Christus, Vicarium, fuisse ab ipso Christo Petrus, & eius successores Romani Pontifices constituti.

7. Postremo, si vnus populus Christianus, ac vna ex eius hominibus fidelibus constans Respublica, quia non habeant vñum seculare caput, multorum capieum vñum est monstrum, dubio procū Ecclesia, ab eius ortu, per mille sexcentos annos, non solū monstruosa, sed & monstrum

est. Cum totius Christiani orbis Imperium, nullus solus hucusque gesserit Imperator.

8 Ecce quot absurda ! ecce qua mente, huius doctrinae falsae subsidio, seculares Imperij auidi possent imbui reges; ut scilicet, de suis proferendis, ac dilatandis, eo titulo, procurarent, ditionibus: etiam cum Christianorum Principatum, ac Rerum publicarum Christianarum iniuria: ne Ecclesia monstro similis diceretur: sed ut plenam suam perfectionem assequeretur. Nullus ergo mentis compos affirmabit unquam, Gallicam, Italiam, Germanam, Hispanamque gentes, non fuisse olim, Christianissimam primam, Religiosissimam sequentem; Piissimam tertiam; Catholicam ultimam; nec regimine optimo potitas: ex eo, quod, vel tunc in Regum plurium Monarchias scinderentur, vel nunc non omnes sub vno Imperatore, & capite confundantur.

9 Optimè certè cum uniuerso ageretur orbe, si vnus in eo, vnoque ordine Princeps, ac Monarcha praeficeretur: nam non haberet hostem, neque populus alium, quam suum Principem, neque Princeps alios, quam suos populos, pertimeret. Hominum tamen, ac nationum, quae nunc est, & in dies erit maior diuersitas, ut cetera praetermittamus, vix quod nunquam antea, erit in posterum perpeſſura. Sapientissimè certè Deut. c. 32. [quādo diuidebat Altissimus Gentes, quādo separabat filios Adam: constituit terminos populorū, iuxta numerum filiorum Israel:] seu [Angelorum Dei;] Jex Septuaginta: quibus regionū curam demandauit: ut ex Daniel. cap. 10. constat: quō Monarchias, & Principatus, ac Respublicas, in Christiano orbe conseruari, omnes Christiani, sicuti & in praesenti consistunt, optent, & à Deo, ut id efficiat, pijs obtineant precibus; dummodo sit [Pars Domini populus eius: Iacob funiculus hereditatis eius:] habeat, videlicet, Christus Dominus eā in hisce Regnis, Rebus publicis, Principatibusque partem, ut omnes legi Euangelicae obsequētes, Catholicamque religionem profitentes, vnam Monarchiam spirituales in terris agnoscant Christianam, sub vno Pontifice Romano Petri successore, & Christi Vicario constitutam: cuius quasi supremi Pastoris omnes etiam mundi singulares Monarchae, eius se esse oues fateantur, & ad hoc Ecclesiae Catholicae Romanae vnum ouile omnes, cum suis omnibus subditis, pertinere.

10 In reliquis nulli est dubium, ob praefatam etiam rationem, Principum raritatem pacatiorem esse, ac salubriorem vbique terrarum: maximeque rem interesse populi, amplitudinem Regum, Principumque: tueri: ne plures succrescant hostes, eiusque subinde calamitas augeatur. Populi maxime interest, ne familiarum heriscundae iudicium, ita in regnis, sicuti in priuatorum hereditatibus habeat locum: ac Regum liberi, quasi pro portionibus totius assis succedant, unde facile bella post excitent: sed vnus sit Rex, cui omnes debeant obedire. Interest tandem regni totius,

ne Reges, quæ regni sunt, ac Coronæ, vel distrahant, vel alienent: ne regni vires eneruent, magnitudinem minuant, dirimant vnitatem. Quapropter Apostolus, 1. ad Timoth. cap. 2. hortabatur Christianos omnes, ad preces, & obsecrationes, pro Regum, & Principum salute, ac incolumitate fundendas, ipsa illa addita ratione: [Vt tranquillam, ac quietam vitam agamus.] Eterant Ethnici Imperatores, quibus salutem à Deo iubebat Paulus precari; intelligebat nihilominus, nedum Diuinus, verum & Status Politici, eiusque boni prudentissimus vir, quâti referat, paucos habere Principes: ne plures inter se hostes habeamus.

Monarchiam Ecclesiasticam, ab orbe condito, vsque ad Christum existisse, ostenditur. Cap. XXXII. §. 1.



BSERVANDVM est sextò, aliter se omninò rem habere Ecclesiasticæ Reipublicæ respectu: est namque certissimum, ab orbe condito, vsque ad præsentem annû M. DC. X. successionē perpetua semper fuisse vnû Ecclesiæ Præsidentē, & Monarchā: & consequenter, quæ tuncq; in Politica seculari administratione, vnum totius orbis esse Moderatorem nō expediret: (de qua re nihil ponimus) secus tamen in Ecclesiastica Politia, & Hierarchia, vbi Monarchiā, optimam esse gubernationem constanter affirmamus. Hæc doctrina est contradiçtoria pestilentissimi Caluini scriptis: qui lib. 4. Instit. c. 6. §. 9. cum Monarchiam, non esse optimum regimen, docuisset; addidit statim: [Etiamsi esset in Politica administratione regimen optimum, Monarchiā tamen in Ecclesia non esse: neque vnum hominem dici debere caput Ecclesiæ, non solum principale, sed neque ministeriale.] De qua materia cum alibi etiā idem sentiret, super c. 6. Amos scribens, mirū est, quali inuectiua contra eos detonerit, qui Henricum VII. Angliæ Regem Ecclesiæ caput appellabant.

2 Siste gradum, Lector Christiane, obsecramus; & vnā fidem Catholicā, in bifidā fidem deplora, socius omnium piorum id deplorantiū, commutatam. Habent Reges Angliæ iam ab anno 1535. exceptis Regibus Clar. Mem. Philippo, & Maria Catholicæ, & Apostolicæ fidei Defensoribus, pro Apostolis fidei, & confessionis suæ, Martinum Bucerum, & Peterum Martyrem Vermiliū, seu potius Ioannem Calvinum humani generis Megaram: huius hæreticam doctrinā plurimū, & credant, & tuerentur: ab ea interim eius parte, qua ipsis esse Ecclesiæ caput prædixit, adeò abhorrent, vt horreant aures, eorum referre Catholicorum numerum, quibus ob negatum illis hoc caput, capita, immò cuncta minuatim, membra, immaniter præciderunt. Ecce fidem bifidā, ecce ab vno eodemque ore calidi, & frigidi simultaneam efflationem. Ergo Reges Se-

renissi-

renissimi, si Catholicam vnam per Apostolos, & Apostolicos Prædicatores annunciatam vestris maioribus, & vobis fidem, & doctrinam, non recipitis: si hæreticam per Apostatas à fide, & Ministros Sathanæ propositam vobis fidem, & doctrinam, illius facta partitione, pro parte vobis tantum placente recipitis; oportet, vt religio hæc, neque cum priorum vestrorum Apostolorum, neque cum posteriorum Apostatarum fide, dixerimus melius, infidelitate, & doctrina conueniens, arbitrii omnino vestri sit, cum antiquo nouum Euangelium permutare.

3 Quòd si cuique Regi est integrum, fidem suam ad libitum edere, vana certè fuit Apostolorum Christi prædicatio: inanis fuit & fides eorum omnium, qui illam ab eorum ore susceperunt, vitæque suas pro illius defensione nulle martyrijs consecrarunt. Siccine tot sapientissimi Græci, siccine tot prudentissimi Itali, siccine tot acutissimi Galli, siccine tot fortissimi Germani, siccine tot grauisissimi Hispani, vt de ceteris intermitteamus Nationibus, Apostolicæ fidei vniformis prædicatione, & susceptione desperent, infatuarentur, hebescerent, deficerent, ac leues agerentur; vt si fidem semel susceptam, ad proprium nutum, biforcem, vel septiformem efficere potuissent: viam, fornamque ignorassent, quibus, absque charissimi sui sanguinis effusione prodiga, & Christianam, nouam religionem susciperent, & antiquam Ethnicam non repudiarent? & Christum non vt vnum colerent Deum, sed vt suis Laribus additum: (quod ex Lampridio in Alexandro, Imperatorem illud efficere voluisse, scimus,) quò & verè, & falsè, & sanè, & vanè doctrinæ, vino & fidei, vno, & pluribus dijs, Arcæ denique Testamenti, & Dagon Idolo, statuis pariticas seruaretur? Sed iam ad præcedentis sexti Notandi probationem accedamus.

4 Ergo proposita Catholica doctrina, suo ordine, sic probatur: primum facto ipso, sicuti loquimur in genere, & de facto in ea. Vnde ad Adamum protoplastum, oportet, veniamus. Est quidem vnus Deus tantum, qui solus cælum, terram, & cuncta, quæ terræ, cælique ambitu continentur, creauit, conseruat, regit, & moderatur: neque in hac amplissima dignitate, & maiestate Deorum aliorum consortium patitur. Patris enim, & Filij, ac Spiritus sancti discretæ proprietates, in personis quidem realem numerum, in Deitate autem, cum Pater, & Filius, & Spiritus sanctus, sint vnus idemque Deus, nullum numerum induxere. Hic vnus Deus primo homini Adamo creato, & ex eius costa formata Eua, illi tandem, potestatem dedit, & dominium, huic subiectionem, vt suo obtemperaret viro, iniunxit, sic dicens Genes. capit. 3. [Sub viri potestate eris, & ipse dominabitur tui.] Ab illo deinde sæculo, vt verbis expressis S. Marcialis Epist. ad Burdegalenses, cap. 1. loquamur: [Ex quo primus homo cæpit, à Deo formatus de limo, congregatio filiorum Dei, quæ iam cōgregabatur, proclamabatur.] Addit Epiphanius: [Sancta, & Catholica Ecclesia principium omnium est. Adam nouit Deum Patrem, & Filium, &

spiritum sanctum: Propheta enim erat, neque circumcissionem habens, neque simulacra colens: sed Christianismi formam ostendens.]

5 Quod si Adamus præ se ferebat hanc Reipublicę Christianę formā, opus est, ut & Sacerdos existeret, & tamquā Pontifex summus, Ecclesię præfuerit vniuersę: sicuti Pontifex Max. Romanus successor Petri, qui fuit Sacerdos, & Vicarius Christi, qui fuit Ecclesię, & Ecclesiasticę Monarchię, & Institutor, & Rector, & summus Sacerdos, & supremus Rex; ipsius Christi Domini præcedente ordinatione, toti Ecclesię noscitur præsidere. Alijs Laicocephali Nouatores, hæresi infanda, sine capite capicosa, caput Ecclesię sui secularibus arrogantes Principibus, fortissimum, immo altissimum posuissent refugium, tam alto à principio, Adamum Regem secularem, Ecclesię fuisse caput asserentes: neque Protestantes Principes Germani, hoc, inter alia, de Elisabetha Anglię Regina tulissent aliquando iudicium, scilicet: [Quæ formineo, & à seculis inaudito fastu, se Papißam, & caput Ecclesię fecit.]

6 Verūntamen Adamo isthæc non defuerunt, sic referente Mose Bar Cepha doctissimo Hebræo Rabino, de Paradiso, part. 1. capit. 28. [Auxit Adamum Deus Sacerdotij munere. Nam fuisse Sacerdotem, ex David Psalmitę verbis, Psal. 139. cognoscitur qui, veluti loquentem Adamum cum Deo inducens, ait: Finxisti me, & posuisti super me manum tuam. Sacerdotium enim, manuum impositione confertur.] hucusque Rabinus. Non obstat, non legi in scriptura sacra, Adamum Deo sacrificium obtulisse: est enim verisimile, eū Domino Deo sæpius sacrificasse: quem nouerat omni cultu, tam interiori, quā exteriori ab omni homine, & venerandum, & colendum: tacuit tamen de Adami sacrificio pagina Diuina, cuius Auctori, neque decens, neque conueniens visum fuit, ut in quo peccati origo monstrabatur, sanctitatis, ac religionis origo monstraretur. Vel suę certē culpę conscius, eamque contra se habens semper, præ animi humilitate, ab offerendis Deo sacrificijs abstinuit, contentus, quodd præceptore Deo didicerat, suos filios instruere; oportere, videlicet, omnes homines interiūs, & exteriūs venerari Deum: proferentes, ac testificantes ea re, ipsum Dominum omnium, sese autem seruos eius: qui nisi eius potentia, eius benignitate, neque quibus premuntur malis liberari, neque optata bona consequi, neque ad æternam vitā, & vltimam felicitatem valeant peruenire. Fuit igitur noster Protoparens Adamus, quoad vixit, hoc est, nongentis triginta annis, à tota Ecclesiā summus Sacerdos, & Pontifex veneratus.

7 Centum & viginti annis superbiuit Seth Adamo parenti; cuius insignem virtutē Iosephus, libr. 1. Antiq. cōmendat: cui tamquā homini optimo, ac loco Abelis sancti, semen sanctū à Deo Eux positū, Sacerdotale, ac Pontificiam dignitatē Adamus tradiderat. Vnde per illos annos eodē iure, quo Adamus, Ecclesię Monarchiam gubernauit. Post Seth mor-

tem, vixit Enos eius filius annos nonaginta octo, etiam dictæ Monarchiæ clarissimus administrator: cum ei hoc reddat Spiritus sanctus testimonium, Genes. cap. 4. [Enos cepit inuocare nomen Domini:] non quod illuc usque nullus sacrum illud inuocauerit nomen; sed quod magis ante humano genere, ille plus Diuino dilatando cultui laborauit. Ab Enos nati sunt filij Dei: sicuti à Caino filij hominum: ex Genes. cap. 6. Superuixit Enos parēti, filius Cainam annis centum & quinque, ac inter primogenitos filiorum Dei fuit maior natus; & tamdiu, eodem, quo priores, iure, populi Dei tenuit Monarchiam, Cainam patri, filius Malaleel quadraginta quinque superstes annis, per eos, Princeps Sacerdos Ecclesiæ floruit. Defuncto Malaleel Patre, Iared eius filius, per sequentes centum quinquaginta & duos viuens annos, Monarchiam eandem obtinuit. Mathusalem, post Iared auum suum, vixit ducentis quinquaginta & quattuor annis, vsque ad ipsum annum diluuij; quo temporis spatio hoc Monarchicum Ecclesiæ imperium summa cum potestate rexit.

8 Attamen Enoch pater Mathusalem, & Lamech pater Noë, hoc primatu fungi non potuerunt: ille quia ante maiorum suorum funera, in exilium, paradysum, videlicet, translatus fuit: alter quia quinquennio ante patrem suum Mathusalem, vitæ fuit subductus: & hinc in hac Monarchiæ Noë octauum locum obtinuit: qui post aui Mathusalem obitum, solus trecentis quinquaginta annis Ecclesiæ præfuit.

9 Hinc D. Petrus 2. Epist. c. 1. intelligitur dicens: [Originali mundo non peperit, sed octauum Noë iustitiæ præconem custoduit:] Erat quidem ab Adamo Noë generatione decimus: quia tamen neque Enoch. neque Lamech summo hoc sacre Pontificatu potiti, à quo iustitiæ præconium nascebatur, dicendum esse videtur, Adamum fuisse primum iustitiæ præconem, Seth secundum, Enos tertium, Cainam quartum, Malaleel quintum, Iared sextum, Mathusalem septimum. Noë octauum: vt Petri difficillimus ille locus explicetur.

10 Noë è viujs sublato, illi Sem eius pijsimus filius, cui viuens primas semper detulerat, centum viginti annos superuixit; ipse suis posteris, qui pietatem insigniter coluerunt, & nonus iustitiæ præcon antestitit, & Altissimi Dei Sacerdos fuit: qui in Salé egit ciuitate, quæ postea fuit Ierosalé, referente Hieronymo, in Quæst. Hebraicis. Melchisedech, id est, Rex iustitiæ dictus. De quo Genes. cap. 14. sic habetur: [At verò Melchisedech rex Salem proferens panem, & vinum; (erat enim Sacerdos Dei Altissimi) benedixit Abraham, & ait: Benedictus Abraham Deo excelso, qui creauit cælum, & terram: & benedictus Deus excelsus, quo protegente, hostes in manibus tuis sunt: & dedit ei decimas ex omnibus.] Vnde Paulus ad Heb. cap. 7. dixit: [Hic enim Melchisedech Rex Salem Sacerdos Dei summi, qui obuiauit Abraham, egresso à corde regum, & benedixit ei.] Et infra: [Sinè vlla autem contradictione, quod minus est, à

meliore benedicatur. J. Hieronymus autem de Tradition. Hebraeis in Genesim, refert, ex mente Hebræorum, Melchisedech, esse Sem, filium Noë: & annis vitæ ipsius computatis, eum ad Isaac vsque ætæpora peruenisse: omnesque primogenitos stirpis Noë, donec sacerdotio fungeretur Aaron, Pontifices exstitisse.

11 Hæc igitur Monarchia prima durauit vsque ad obitum Sem, duobus millibus centum quinquaginta octo annis. Et quia vita hominum, post diluuium, minore annorum spatio claudebatur, & ante Sem omnes eiusdem filij, nepotes, abnepotes, & trinepotes fato concesserant, & ipse Abraham annis quinquaginta sex, seu, secundum Hieronymum, Epist. ad Euagrium, annis 46, vel secundum Caietanum super Genesim, annis 35, ante Sem decesserat, prima hæc Monarchia Ecclesiæ, eam materialiter, per partes temporis, diuidendo, fuit in Sem, novo præcone iustitiæ terminata.

12 Cùm ergo post Sem nulli iam ex longæuis reperirentur hominibus; & Idololatria, etiã viuente Sem, radices agere cœpisset: Deus omnipotens Abrahamo ex Hur Chaldæorum, ex patris etiam domo, suæque, eduatio: cognatione, & pietatem colere, & docere, & iussu, circumcisionis etiam veteri Sacramento instituto, & per Abrahamum, factæ etiam, & sibi, & suæ excepto familiæ, tandem instruxit illum, quibus sacrificijs se Deum vnum coleret. Hinc in sua amplissima familia primus exstitit Monarcha: solumque Melchisedech superiorem agnouit, ac ab eo, quasi minor à maiore, fuit, iuxta mox dicta, benedictione cumulatus. Obijt Abrahamus, & Isaac eius filius omni hereditate, ac benedictione paternæ accepta, simili modo præfuit suis, & Ecclesiæ summus exstitit Patriarcha. Habebat Isaac duos filios vterinos, Esau, scilicet, natum maiorem, & Iacob; ille parui faciens primogenituræ illustre illud ius, quo iam à Noë, in Sacerdotio, & Pontificatu primogeniti per ordinem patribus succedebant, huiusmodi prærogatiuam, cum Iacob fratre, vili edulio commutauit: & Iacob præcepta inde paternæ benedictione, in huiusmodi Sacerdotio legitimus Monarcha successit.

13 Et quidem Alcuinus Quæstion. in Genesim, referens, ex Hieronymo, quam de Melchisedech supra attulimus sententiam, cum eo addit ex Hebræorum sensu, hoc ius, & hanc Sacerdotij prærogatiuam, esse primogenita, quæ Esau fratri suo Iacob vendidit: vnde congruè fuit ab Apostolo, profanus, appellatus. E duodecim postea Iacob filiis, omnibus verè religionis cultoribus Leui in Sacerdotio fuit patri subrogatus post hunc Caath, post Caath; Amram pater Moïsis, & Aaronis perpetua successione Ecclesiasticæ Hierarchiæ Principes exstiterunt. Hæc secunda Monarchia in terra peregrinationis, annis quadringētis triginta, à tempore promissionis factæ Abrahamo, vsque ad exitum filiorum Israel de Aegypto continuata est.

14 Ecclesiæ tertia Monarchia, ab exitu Israel de illo populo barbaro, perstitit vsque ad Christum Seruatorem nostrum: cuius summorum Pontificum Catalogum, ordine illo, quo ab Aarone, ad postremum Ierosolymitanum excidium, alijs alijs successerunt, referunt Iosephus, & plurimi ex modernis Scriptoribus, ibi videndus.

De prædictionibus Monarchiæ Ecclesiasticæ præsentis.

Cap. XXXIII. §. 1.



EXSTITISSE igitur Ecclesiasticum Monarchicum regimen à mundi origine, iam facto, & rebus gestis declaratum est: at si de nostra Catholica Monarchia præsentis Ecclesiæ sermo sit, habemus expressam ipsius promissionem, tamquam de re optima, ingentique Dei munere, ac beneficio, cuius prælectione, & consideratione, antiqui populi Hebræi patres longam suam expectationem solabantur. Et primò Regius Vates Psalm 2. de Christo futuro Ecclesiasticæ Monarchiæ fundatore, institutore, & capite, sic loquitur, sub illius persona; [Ego autem constitutus sum rex ab eo super Sion montem sanctum eius; prædicans præceptum eius.] Et æterna sua generatione declarata, subditur, sub persona æterni Patris, [Postula à me, & dabo tibi Gentes hæreditatem tuam. &c. Reges eos in virga ferrea. &c.] & additur. [Et nunc Reges intelligite: erudimini, qui iudicatis terram.]

2 Ecce admonitio, ecce exhortatio generalis ad Monarchicam, ad Aristocraticam, seu Oligarchicam, & ad Democraticam gerentes seculares administrationes, ministerialiter Dei Locumtenentes: quibus præcipit: [Seruite Domino in timore: & exultate ei cum tremore. Apprehendite disciplinam: ne quando irascatur Dominus. &c.] Ezechiel. cap. 37. [Ecce ego assumam filios Israel de medio nationum, ad quas abierunt: & congregabo eos vndique, & adducam eos ad humum suam. Et faciam eos in gentem vnā in terra, in montibus Israel: & Rex erit vnus omnibus imperans: & non erunt vltra duæ gentes, nec diuidentur amplius in duo regna.] & infra: [Seruus meus Dauid Rex super eos, & pastor erit vnus omnium eorum.]

3 Daniel, cap. 2. post quattuor Monarchiarum mentionem, de quibus supra retulimus, subdit: [In diebus autem regnorum illorum, suscitabit Deus celi regnum, quod in æternum non dissipabitur: & regnum eius alteri populo non tradetur: comminuet autem, & consumet vniuersa regna hæc: & ipsum stabit in æternum. Secundum quod vidisti, quod de monte abscissus est lapis sine manibus, & comminuit testam, & ferrum, & æs, & argentum, & aurum. Deus magnus ostendit regi, quæ ventura sunt postea, & verum est somnium, & fidelis interpretatio eius.] Osee c.

1. habetur, [Congregabuntur filij Iuda, & filij Israel pariter: & ponent sibi met caput vnum, & ascendent de terra: quia magnus dies Iezrahel.]

4. Tandem Christus IESVS harum omnium Monarchiarum institutor, & auctor, priorum in lege naturæ, & scripta, quatenus Deus, & futurus homo, vltimæ quatenus Deus simul & homo in vna existens Diuina persona, Ezechielis superscriptam Prophetiam elucidans, explicans, exsequensque, & quod exsequendum restabat, futurum omnino confirmans, Ioan. cap. 10. sic loquutus fuit: [Et alias oves habeo, quæ non sunt ex hoc ouili: & illas oportet me adducere, & vocem meam audient, & fiet vnum ouile, & vnus pastor.]

5. Ex quibus Prophetis locis, fortissima argumenta, ad confirmandam Monarchiam Ecclesiæ Catholicæ, desumuntur. Circa locum Psalm. 2. noscimus, Christum Dominum constitutum fuisse Regem, solum, seu vnum, seu inauguratum, vt explicat Hebraicum verbum Melchi, Regem, videlicet, non quemcumque, sed illo significatum rege, cuius diadematum nomen ibi referebatur, scilicet Melchisedech: ad quem omnino alludit Psalmus, qui fuit, & Rex, & Sacerdos: vt supra explicatum est: de quo Psalm. 109. habetur: [Tu es Sacerdos in æternum: secundum ordinem Melchisedech.] Agitur ergo ibi de illo Rege, cuius typus esset Melchisedech. Noscimus etiam Christum vnum, seu inauguratum fuisse Regem super Sion, hoc est Ecclesiam, cuius initium, fundamentum, & mater est Sion: dicente Isaia, c. 2. [De Sion exibit lex, &c.]

6. Quod si Ierusalem eadem erat, licet auctorior ciuitas, quæ olim Salem regia Melchisedech, vt Chaldaicæ placuit interpretationi, Genes. c. 14. & affirmat Hieronymus, Epist. ad Euagrium, sensisse sex Commentatores Græcos grauissimos, allusio regni Christi ad illius regnum mirifice currit. Huius Ierusalem erat Sion mons biuagus, in cuius vno colle erat arx Dauidis, in alio templum Salomonis: utroque enim Magistratu Ecclesia continetur, munitur, & viget. [Super montem sanctum eius:] scilicet, Patris: siue Christi; nam & Hebraicè habetur, meum, quod est certè idem: namque mons est sacer Patri, & Filio, qui est cum Patre vnus Deus. Finis autem huius vnctionis Christi in Regem, & Sacerdotem, [prædicans, inquit, præceptum eius:] vt, scilicet, enarrem Dei statutum, & decretum. Ecce, inter alia, necessitas constituendi Christi in Regem, & Sacerdotem, mundo: vt, scilicet, doctrinam Euangelicam, ac cælestem mundo narraret, prædicaret, annuntiaret, & diulgaret: vt Sacerdos, & iustitiæ præco; & quatenus Rex Omnipotens, iuxta suæ voluntatis consilium, illius assisteret protectioni, contra quorumcumque Monarcharum, Potentatum, Optimatum, siue populorum violentam contradictionem. Vnde illos statim admonet, de suæ huius tantæ Monarchiæ potentia, addens: [Et nunc Reges intelligite, erudimini, &c.] vsque ad Psalmi finem.

7. Eandem Monarchiam Ecclesiæ, per Christum erigendam, significa-

uit idem regius Vates Psalm. citato 109. cum dixit: [Tu es Sacerdos in æternum: secundum ordinem Melchisedech.] Ecce qualiter promittit Deus Pater Deo Filio, homini facto, quod antiquato Sacerdotio, & Pontificatu tertie Aaronice Monarchie, æternum hoc Evangelicum esset substitutus Sacerdotium: secundum ordinem, vel negotium, quod etiam explicat verbum Hebræum, Melchisedech. Ordo igitur, & negotium in eo erant: primò fuit rex Salè, idest, pacis, & iustitiæ: secundò fuit Sacerdos Altissimi, ac Pontifex Monarcha, offerens panem, & vinum, incruentum sacrificium inter Chananæos, & Hebræos, ea communicaturis fideliter dispensando: tertio fuit benedicens utrique populo, ante legem datam, proque eis interpellans; seorsum autem Abraham, & eius posteris: quarto ab eis decimas accipiens: quinto ex Apostolo; [sine patre, sine matre, sine genealogia, neque initium dierum, neque finem vitæ habens:] sacris litteris, scilicet, expressa.

8 Hic ergo est ordo, hoc est Christi negotium, hic est ritus, iuxta quem regnat in Ecclesia vera Salem, iustè, & pacificè. Est primò Sacerdos, & Pontifex summus, assidue pro nobis, è Iudæis, & Gentibus collectis, apud Patrem in cælis interpellat: secundò se, sub panis, & vini speciebus, incruentè Deo offert; (immò & inde exorsus fuit suum Sacerdotium, ex Theodoro,) & fidelibus distribuit; tertio affert in terris benedictionem utriusque populo, gratiam, scilicet, Dei, & peccatorum remissionem: quarto in terris natus sine patre, in cælis sine matre: æternus à parte principij, & finis: cuius generatio, & ineffabilis, & incomprehensibilis est: denique, verus Rex, & verus Sacerdos, cui nullus umquam in eius locum succedet: ut verus rex legibus, & armis congruis salutem, & pacem suorum; aduersus hostes visibiles, & inuisibiles, tuetur, & conseruat: ut verus Sacerdos salutari religione, & Diuinarum rerum noticia populum inuabit, eiusque peccata donis, & sacrificijs expiat iugibus, Deumque; pro ipsorum salute continenter deprecatur. Ecce collatio Melchisedech, & Christi, à nomine, genere, loco, conditione, ritu sacrificandi, desumpta est.

9 Daniel loco citato, hanc æternam Christi Monarchiam, secundum ordinem, ac negotium Melchisedech, vocat etiam regnum æternum, cui nullum aliud succedet: regnum, videlicet, & Monarchiam Ecclesie, cuius effectum, esse ait, futurum, ut cum sit Diuinum, comminuat, & consumat regna, & Monarchias illas, de quibus fuerat loquutus: ut sciamus, in regnis, & Regibus terrenis, sub hoc æterno regno, & Rege militaturis, quicquid illius cælestis, & Evangelicæ legis statutis, decretis, ac ordinationibus contrarium est, quantumuis aurum, argentum, & ferrum priorum Monarchiarum redoleat, & sapiat, esse funditus dissipandum.

10 Quòd si querat aliquis, qua ratione de Ecclesiasticæ præsentis Monarchiæ efficacia à Daniele prædicatur, aurum, argentum, &c. præcedentium Monarchiarum dissipaturam; quæ omnino esse desierant:

respondemus, earum adhuc reliquias remansisse: quæ per Christi regnū, & Monarchiam, essent vltimò debellandæ. Remanserunt certè reliquæ: quia remanserunt Dæmones, qui maiori ex parte Monarchias Chaldæorum, & Assyriorum, Medorum, & Persarum, Græcorum denique sub Alexandro Magno, ad vitia plurima excitabant; permittente Deo, etiam ob scelus populorum; qui adhuc non sunt à sua arrogantia deiectione, necdum sunt omnino ad vltimum supplicium demandati, ignem, videlicet, inferni, qui, vt Christus ipse dixit, Matth. cap. 25. est Diabolo, & eius angelis præparatus. Huius ergo vitia, & Monarchiarum, cum in terris regnarent, prædixit Daniel regnum Christi comminuturum: vt arrogantiam Assyriorum, humilitate: Medorum, & Persarum dolositatem, fraudem, & astutiam, qua rebellauerunt contra Assyrium, simplicitate, rectitudine, & obedientia: Græcorum impetum, & ferocitatem, qua nec iam deuictio Dario, pepercerunt, sustinentia, & patientia; Romanorum verò superstitione, & auaritiā paupertate, & fide, quam docuit, quamq; per orbem Apostoli prædicarūt, eorumq; etiā hodie profitentur successores.

11 Per hos tandem Christus Dominus iugiter comminuit, & vsque in seculi finem comminuet omnia regna hæc, quæ in filiis, secundum vitia adhuc intelliguntur perdurare. Hac enim ratione præmisit: [In diebus autem regnorum illorum;] & non, In diebus Romani Imperij, quod simul, ex parte, hæ antiquæ Monarchiæ in prauis, ac similibus existerent, & essent in Paganis, Sarracenis, Turcis, Hæreticisq; ac primorum, Romanorum vitia Imperatoribus etiam multis adhæserint posterioribus; neque alio quā lapide abscisso desuper de monte sine manibus abolenda. Hic est Christus Dominus, hic est Petrus eius Vicarius, hic est summus Romanus Pontifex eius successor, cui regni huius Monarchici est omnis cura, ac sollicitudo commendata.

*De exhibitione præsentis per Christum Ecclesiastica
Monarchia. Cap. XXIV. §. 1.*



CHRISTO Domino humani generis Salvatore adueniente, quarta illa Monarchia cessabat, vltima verò instituebatur: quæ ortum habens in Petro Apostolorum Principe, in eius successoribus Romanis Pontificibus ad hæc vsque tempora durauit: estq; inuitis inferiorum portis, ad seculi consummationem duratura. Nullius enim alterius regnum in æternum non dissipandum, prophetauit Daniel, nisi Christi Domini, cuius regni nullum futurum finem Angelus Luc. c. 2. Virgini Mariæ nunciavit. Quod ipsum declarauit Christus, quando Pilato apud Ioan. cap. 18. respondit: [Regnum meum non est de hoc mundo. Si ex hoc mundo esset regnum meum, mini-

nistri mei vtique decertarent, vt non traderer Iudæis. Nunc autem regnum meum non est hinc.] Hoc est, vt supra dicebamus, à mundi caduca potentia non pender, nec terrenis, sed spiritualibus viribus firmatur; spirituale est, spiritualibus vtitur, & spiritualium mensuram habet æternitatem. Denique discors omnino, & dissona à regnis mundi est hæreditas, quam Pater æternus voluit adire, & cernere Christum eius dilectum Filium, quando illum constituit hæredem vniuersorum: cum ex præfato Daniele, dederit ei potestatem æternam, & regnum haud corruptioni obnoxium: vt pote contrario carens, cum sit ipsissima pax, vnitas, & concordia: omnibus vni Christo obedientibus, & Christo vno omnibus imperante.

2 Volens igitur Christus Dominus omnes electos secum regnare, homo factus, inter hominesq; visus, & conuersatus; [fecit nos Deo nostro,] vt ait Ioan. Apocal. cap. 5. [regnum, & Sacerdotes;] idem, etiam in vita præfenti, supremi Regis nos participes effecit, donorum spiritualium influxu: quem ab institutis à se Sacramentis pendere ordinans, Mi nistros, vt ad nostrum deueniamus intentum, visibiles ordinauit: vt regnum spirituale, natura inuisibile, signis, & ministerio visibile fieret, & ad maiorem electorum firmitatē: & quò à vanissimo mundi huius regno, & Diaboli cœtibus, Sanctorum Ecclesia discernatur. Hoc ergo tantum, tamque excellens Christi regnum, quatenus visibile est, & per fidem in eo ambulamus, includit Rempulicam Christianam, cum Decalogi, ac Euangelij legibus: comprehendit Sacramenta visibilia, rerum inuisibilium Symbola: continet ministerium Hierarchicum, & Politicū; omnia à Christo ordinata, ab Apostolis vsque ad nostra tempora conseruata à veris fidelibus: & à futuris, si Catholicæ Ecclesiæ membra esse velint, tenore simili conseruanda.

3 Est ergo Christus Dominus datus à Deo Patre caput super omnem Ecclesiā: Ephes. c. 1. est caput corporis Ecclesiæ, 1. ad Corinth. cap. 15. & ad Coloss. cap. 1. est caput totius orbis, ex Psalm. 2. & Matth. cap. 28. est caput omnis viri. 1. ad Corinth. cap. 11. attamen est caput, & Rex immortalis, & inuisibilis, vt habetur ex Paulo ad Timoth. sæpè: est Imperator immortalis, vt dicitur ad Hebr. cap. 6. Vnde suo corpori mystico, Ecclesiæ, videlicet, mortali, & visibili in statu militanti, oportuit, vt de capite prouideret visibili: cum in potestatibus à Deo congruentissime ordinatis, ex Paulo ad Rom. cap. 13. corpus visibile, caput etiam à quo regeretur, visibile postularet.

4 Quo circa fides Catholica docet, D. Petrum Apostolum Ecclesiæ vniuersæ Principem, summum Pontificem, ac Pastorem fuisse à Christo Salvatore constitutū. Habetur hæc doctrina Matth. c. 16. Rogāte namq; Christo suos discipulos; [Vos autem quem me esse dicitis? Respondens

Simon Petrus dixit; Tu es Christus filius Dei viui. Respondens autem, IESVS, dixit ei: Beatus es Simon Bar Iona, quia caro, & sanguis non reuelauit tibi: sed Pater meus, qui in cælis est. Et ego dico tibi: quia tu es Petrus, & super hanc petram ædificabo Ecclesiam meam; & portæ inferi non præualebunt aduersus eam. Et tibi dabo clauēs regni cælorum: & quodcumque ligaueris super terram, erit ligatū & in cælis: & quodcumque solueris super terram, erit solutum & in cælis.] Item Luc. cap. 22. quod 2. Parte supra latè explicuimus: [Simon, Simon, ecce Sathanas expetiuit vos, vt cribraret sicut triticum. Ego autem rogaui pro te, vt non deficiat fides tua: Et tu aliquādo conuersus, confirma fratres tuos.] & Ioan. c. 1. [Cū prædisserent, dicit Simoni Petro IESVS, Simō Ioannis diligis me plus his? Dicit ei: Etiā Dñe; Tu scis, quia amo te. Dicit ei: Pasce agnos meos. Dicit ei iterū: Simō Ioānis diligis me? Ait illi: Etiam Dñe, Tu scis, quia amo te. Dicit ei: Pasce agnos meos. Dicit ei tertio, Simō Ioānis amas me? Cōtristatus est Petrus, quia dixit ei tertio, amas me? & dixit ei: Dñe tu omnia scis; tu scis, quia amo te. Dicit ei: Pasce oues meas.]

5 Hoc idē supra collegimus ex Act. c. 3. quando clauē sanauit Petrus, ad portam templi Speciosam. Et cap. 5. Ananiam, & Sapphyram subita castigauit morte. Capit. 15. in primo Concilio Ierosolymitano, primus Petrus, tamquam Primarius, sententiam dixit: cui omnes Patres Conciliares consenserunt. Et cap. 18. Paulus Ierosolymam ascendit, Petrum videre: de sua etiam cum eo Euangelica doctrinā collaturus. Ac tandem cap. 14. suæ summæ Pontificatus functionis clarum Petrus specimen dedit; quando, [Stans cum vndecim, leuauit vocem suam, & sic loquutus est: [Viri Iudæi, & qui habitatis Ierusalem vniuersi, &c.] His auditis compuncti sunt corde, & dixerunt ad Petrum, & ad reliquos Apostolos: Quid faciemus viri fratres? Petrus verò ad illos: Pœnitentiam, inquit, agite, &c.]

6 Immo maxima animaduersione dignum est, pro satisfaciendo argumento eorum, qui omnes Apostolos, æquales in omnibus contendunt fuisse: hac eximia præfectura D. Petro, & eius successoribus Romanis Pontificibus denegata, quod alibi etiam infra attingimus: nihil cum Petro, & ceteris eius Coapostolis fuisse à Christo Domino excellenter gestum, quod sigillatim ab eodem cum Petro non fuerit actitatum. Orauit Dominus, Ioan. c. 17. pro omnibus Apostolis, Patrem, dicens, [Ego pro eis rogo. Non pro mundo rogo: sed pro his, quos dedi mihi, &c. Non rogo, vt tollas eos de mundo: sed vt serues eos à malo:] Lucæ verò c. 22. ad Petrum sic loquitur Christus, [Ego rogaui pro te: vt non deficiat fides tua.] Matth. c. 4. promisit omnibus Apostolis sic: [Faciam vos fieri piscatores hominum.] Lucæ verò cap. 5. promisit Petro: [Ex hoc nāc eris homines capiens.] Marc. c. 14. cū paulò ante passionem suam oratum introisset hortum, tres discipulos aliquantulum prætergressus, qui-

bus vigilare iniunxerat, eosq; , dum rediret, inueniens dormientes, ad omnes quidem dixit: [Vigilate, & orate, &c.] ad Petrum autem: [Simon, dormis? Non potuisti vna hora vigilare?] Marc. cap. vlt. præcepit omnibus Apostolis: [Euntes in mundum vniuersum, prædicate Euangelium omni creaturæ:] Ioannis verò c. 21. præcepit Petro: [Pasce oues meas.] Ioann. c. 20. communicauit illud grande imperium Apostolis omnibus: [Quorum remisieritis peccata, remittuntur eis; & quorum retinueritis, retenta sunt:] Matth. verò cap. 16. sic hoc imperium speciali ratione Petro communicauit: [Tibi dabo clauēs regni cælorum. Et quodcumque ligaueris super terram, erit ligatum, & in cælis; & quodcumque solueris super terram, erit solutum, & in cælis.]

7 Huius specialis Petri Apostoli potestatis memor Angelus, Marci cap. vlt. Christi Domini resurrectionem sanctis illis annuncians mulieribus, & iniungens eis, sicuti Apostolis indulgens, vt eos de tanto mysterio certiores facerent: [Ite,] addidit, [dicite discipulis eius:] quò tamen intelligerent, corpus illud Ecclesiæ haud sine capite remansisse: subiunxit statim, [& Petro, quòd præcedet vos in Galilæam:] quasi clarè significans, muneris esse Petri, dispersos cōgregare discipulos, quo nouus visibilis Pastor, & Episcopus Ecclesiæ cū suis ouibus in Galilæa pergeret, ab immortalis Pastore, & animarū Episcopo Christo Domino tā sibi, quā illis, vale vltimum, solemnī, ac magnifica cum benedictione, recepturus.

8 Hæc omnia manifestè arguunt, Christum aliquid magnum, & singulare, tamquam suæ fidei confessionis proprium præmium, Petro & promississe primò, & postea concessisse: quod nihil est aliud, quàm illa eximia, & excellens dignitas, ac, inter ceteras Apostolis collatas, singularis: vt super eum Ecclesiam suam fundaret; id est, eum Ecclesiæ suæ Caput constitueret: suūque in ea Vicarium efficeret. Erat hoc præcedenti, de qua superius dicebamus, Abrahami figuræ cōuenientissimum: vt quē admodum Christus duodecim Apostolos ad similitudinem duodecim Patriarcharum elegerat, ita vnum, veluti Abrahamum eligeret: qui, propter maiorem fidem, omnium erigeretur caput; & vt Abrahamus veteris, ita Petrus Euangelicæ Ecclesiæ fundamentum iaceretur.

*Probatur doctrina præcedentis Capitis, ex SS. Patribus, &
Ecclesiæ Loçtoribus. Cap. XXV. §. 1.*



AN C veritatem docuerunt omnes Patres, tam Græci, quàm Latini: sic Clemens, Epist. 1. scribens: [Simon, Petrus verè fidei merito, & integrè prædicationis obtentu, fundamentum Ecclesiæ esse definitus est.] Vocans eum deinde, Primitias electionis Domini. Dionysius Arcopagita cap. 3. de Diuin. nomin. [Aderat Petrus su-

premiū decus, & antiquissimū Theologorum cōlumen.] Hippolytus Orat. de Consummat. mundi: [Princeps Petrus fidei petra, quem Beatum iudicauit Christus Deus noster. Ille Doctor Ecclesiæ, ille primus discipulorum: qui regni clauēs habuit, &c.] Origenes Homil. 5. in Exodum: [Vide magno illi Ecclesiæ fundamento, & petre solidissimæ, super quam Christus fundauit Ecclesiam, &c.] Ad Psal. 1. [Petrus super quem Christi Ecclesia, contra quam inferiorum portæ non præualebunt, ædificata est, &c.] Homil. 17. in Lucam: [Ergo scandalizati sunt vniuersi, in tantum, vt Petrus quoque Apostolorum Princeps tertio denegarit.] ad cap. 6. ad Rom. [Et Petro cum summa rerum de pascendis ouibus traderetur, & super ipsum, velut super terram, fundaretur Ecclesia; nullius cōfessio virtutis alterius ab eo, nisi Charitas exigitur.] Eusebius Alexandrinus explanans illud: [Dicite discipulis eius, & Petro:] Hom. de Resurrectione: [Veni, inquit, ne timeas: nihil tibi de gloria Apostolici Chori minui: non te à dignitate remoueri: non feci te secundum infra alterum: non dedi alteri clauēs: ne timeas, quod promisi, impleo: super tuam fidem, quæ sit petra, ædificabo Ecclesiam meam.] Eusebius Cæsariensis loquitur consequenter, Eccles. histor. lib. 2. capit. 13. & 14. & in Chronicis, [Petrus, inquit, Romanorum Pontifex Primus, cum primum Antiochiæ Ecclesiam fundasset, Romam proficiscitur.]

Concilium Nicænum I. Canon 39. Arabico, [Ille, qui tenet sedem Romæ, Caput est, & Princeps omnium Patriarcharum: quandoquidem ipse est primus: sicut Petrus, cui data est potestas in omnes Principes Christianos, & omnes populos eorum: vt qui sit Vicarius Christi Domini, super cunctos populos, & vniuersam Ecclesiam Christianam, Et quicumq; contradixerit, à Synodo excommunicatur.] Videndus Athanasius, Epist. ad Felicem. Dorotheus Tyrius in Synopsi. Basilii Magnus ad cap. 2. Isaia. & in proœmio de Iudicio Dei, vbi sic ait: [Beatus Petrus, qui & ceteris antelatus fuit Discipulis, cuique magnificentius, quàm reliquis omnibus datum testimonium est: magisque, quàm reliqui omnes, Beatus appellatus; cui clauēs regni cælestis commissi.] Idem docet Orat. 3. de Peccato. & lib. 2. cōtra Eunomium. & in proœmio Præceptionum latius disputarū. Cyrillus Ierosolymitanus Catech. 11. [Omnibus Apostolis reticentibus, supra vires enim hæc erat doctrina, Petrus Princeps Apostolorum, & supremus Ecclesiæ præco, non comminiscens sibi, neque ratione humana persuasus, sed à Patre Deo in mente illuminatus, dicit ad ipsum: Tu es Christus Filius Dei viui.] Idem sentit Catech. 17. Et Efram Syrus in Panoplia. siue armatura spiritali; & itē de Varijs tormentis inferni. appellat Petrum, Apostolorum Principem, & verticem. Et sermone de Transfiguratione Domini: [Sicut Moyses, inquit, Societatis illius, & cōiunctionis Hebræorū, iussis Dei, Princeps fuit, ita Petrus Ecclesiæ Christianorū: atq; vt ille veteris, sic hic noui Testamēti Princeps.]

3 Gregorius Nazianzenus videndus, Orat. 7. seu Apologetico ad patrem Gregorium, cū Episcopus Sasimorum creatus est. & Orat. 26. quę est, de Moderatione in disputationibus seruanda. Epiphanius hæresi 51. & in Ancorato. Ioannes Chrysostomus Orat. 5. in Iudaos. & Orat. Encomiastica in Petrum, & Paulum. & Hom. in Petrum Apostolum, & Eliam Prophetam. & Homil. 33. & 85. in Matth. & Homil. 87. in Ioan. & Homil. 80. ad populum Antiochenum. & Homil. 9. ad Penitentia. & super Psal. 50. Philo Carpathius super illis verbis Canticorum: [Caput eius aurum Cephas.] Nilus Epist. ad Eusebium. & Epistol. ad Magnam. Ioann. Cassianus de Incarnatione Domini. lib. 3. capit. 12. Cyrillus Alexand. lib. 1. in Ioan. cap. 12. & 4. cap. 28. & 10. cap. 41. & 12. cap. 64. & lib. 14. Theauri. capit. 2. Maximus Constantinop. Patriarch. Epist. ad Orientales. Paulus Emissenus Homil. habita Alexandriæ, de Christi Natiuitate, deque Beati Cyrilli, qui ibi præsto erat, præstantia, & fide. Basilii Diaconus, & Archimandrita Epist. ad Theodosium, & Valentinianum AA. Isidorus Pelusiota lib. 1. Epistol. 142. & 285. & lib. 2. Epistol. 58. & 99. Sozomenus, lib. 7. c. 4. Theodoret. ad cap. 1. ad Galatas, Basilii Seleucius Serm. 1. & Serm. 4. in Dauidem.

4 Synodus Chalcedonensis Actiōe 3. sic habet: [Ter Beatissimus, & omni laude dignus, Beatus Petrus Apostolus, qui est petra, & crepido Catholicę Ecclesię, & rectę fidei fundamentum.] Galla Placidia Epist. ad Theodosium Imperatorem. Victor Antiochenus ad Marci, cap. 3. & 8. Iuuenalis Episcopus Ierosolymitanus Epist. ad Presbyteros Palestinos. Episcopi Orientales ad Symmachum Papam: [Sicut, inquit, docuit gloriosus Apostolorum Princeps Petrus, cuius Cathedram Beatitudini tuę credidit Christus.] Andreas Cæsariensis ad cap. 13. & 21. Apocalyp. Anastasius Imper. Epist. ad Hormisdam. Procopius Gazæus ad cap. 62. Isaie. Andreas Cretensis Orat. de Transfiguratione Domini. Euagrius lib. 2. cap. 4. Sophronius Ierosolymitanus De laboribus, certaminibus, & peregrinationibus sanctorum Petri, & Pauli. Maximus Monachus Dialog. de Incarnat. Verbi. Stephanus Dorensis Epist. ad Martinum Papam. Constantinus 1V. Imper. in Edict. pro 6. vniuersali Synodo. Germanus Constantinop. in Theoria rerum Ecclesiasticarum. Ioannes Damasceus. Orat. de Transfiguratione Domini. & Historiæ Barlaam capit. 11. Elias Cretensis in Orat. 1. Nazianzeni. Constantinus, & Irenes. AA. ad

5 Synod. 2. Nicęn. & ibi Can. 4. [Pręcepit enim & Petrus Apostolus summus, Pascite gregem Domini, Episcopatum gerentes non per vim, sed sponte, ac voluntate, secundum Deum.] Theophanes Cerameus Sermone de 56. Apostolis. Theodorus Studites Epist. ad Paschalem Papam. & Epist. de Imaginibus. Methodius Constantinop. in Martyrio Dionysij Arcopagite. Michael Syngehus in Dionysio Arcopagita. Ignatius Cōstantinopoli. Epist. ad Adrianum 1L. Leo VI. Imper. in Serm. de Petro. Theo-

Phylactus ad cap. 16. Matthæi, & ad c. 22. Luc. & ad c. 22. Ioann. & ad c. 1. Epist. ad Galat. Simeon Metaphrastes, in vita Iacobi Apostoli, & in Encomio Ioannis. Psellus in Cantic. ad illud, [Crura eius sunt colunæ marinores:] per crura, inquit, Petrum intellige Apostolorum Principem, super quem Dominus in Euangelio Ecclesiam se edificaturum promisit.

6 OEcumenius sequitur, ad cap. 1. Actuum, & ad c. 1. Epist. ad Galatas. Euthymius ad cap. 16. Matth. & ad cap. 21. Ioann. & ad c. 16. Marti. Georgius Cedrenus in Compendio Historiarum, fol. 375. Nylus Thessalonicensis de Primatu Papæ. Theodorus Balsamon ad Canon. 16. Synod. Carthaginen. Nicephorus Callistus lib. 2. Histor. cap. 14. & 44. Genadius Scholarius de Primatu Papæ, sect. 2. Gregorius Trapezuntius ad illud Ioannis: Sic eū volo manere, &c. Zaga Zabo, Episcopus Aethiops in Confessione fidei Aethiopicæ. Et tandem Ieremias Patriarcha Constantinopolitan. respon. 2. cap. de Iustitia fidei, & bonis operibus. & responsion. 3. qui omnes, alius hoc, alius illo dicēdi caractere, Petrum esse Principem Apostolorum, & fundamentum Ecclesiæ, consentunt.

7 Nec Patres Latini fuere segniores in hoc Petri asserendo Primatu, eum admittit, & describit Tertull. de Præscript. Hæreticorum, c. 22. de Monogamia. cap. 8. & de Pudicitia. cap. 21. Cyprianus Epist. 40. & 55. & 69. & 70. & 71. & 73. & de unitate Ecclesiæ Catholicæ. & Exhortatione ad Martyrium. cap. 11. Zeno Veronen. Serm. de Circumcisione. Marcellus I. Epist. 5. Melchiades Epist. ad Episcop. Campaniæ. Iulius I. Epist. 1. ad Episcopos Orientales. Hilarius ad Psal. 131. & in Matthæum, Canon. 16. Ambrosius Sermon. 11. de Mirabilibus. & Sermon. 47. & 68. & ad cap. 24. Luc. & ad cap. 1. & 2. Epist. ad Galatas. & ad cap. 12. posterioris ad Corinthios. & in Hymno inquit (de gallo)

Hoc nauta vires colligit,

Hoc ipsa Petra Ecclesia

Pontique mitescunt freta,

Canendo, culpam diluit.

Prudentius Hymno de S. Laurentio.

Et iam tenemus obsides

Alter vocator Gentium,

Fidissimos huius spei:

Alter Cathedram possidens

Hic namque iam regnant duo

Primam, recludit creditas

Apostolorum Principes:

Aeternitatis ianuas.

8 Optatus Milevit. cōtra Donatist. lib. 2. & lib. 7. Patianus Epist. 3. ad Symphro. Damasus Epist. 2. Syritius Epist. 4. Hiero. ad Psal. 13. & ad c. 16. Matthæi. & ad c. 2. Epist. ad Galat. & lib. 1. aduersus Iovinianum. c. 14. & lib. 1. Dialog. aduersus Pelagianos. c. 4. & Epist. 54. ad Marcell. & 89. ad Augustinum. c. 2. Augustinus ipse q. 75. Veteris, & noui Testamenti. & Tractat. 56. & 124. in Ioann. & de Baptismo, contra Donatistas. lib. 2. c. 1. & Sermone 5. in festo Petri, & Pauli. & lib. 1. Retractat. cap. 21. Innocentius I. Ep. ad Victricium. Paulinus Nolanus Natali 4. S. Felicis. Maximus Taurinensis Hom. 1. in natali Petri, & Pauli, & Hom. 3. de iisdem.

9 Philippus Presbyter in Concilio Ephesino, tom. 2. c. 16. [Nulli dubium, immo seculis omnibus notum est, Sanctum, Beatissimumq; Petrum Apostolorum Principem, & Caput, fideique columnam, Ecclesie Catholice fundamentum a Domino I E S V Christo Salvatore nostro, humaniq; generis Redemptore celestis regni clauces accepisse: soluendique, atque ligandi potestate, quam acceperat usum fuisse: nec non per successores suos, hucusque semper viuere.] Sixtus 11. de malis Doctoribus, & operibus fidei. Petrus Chrysologus Serm. 78. & 107. & 134. Anobius Romanus ad Psal. 138. Eucherius Lugdunensis in vigilia sancti Petri: [Dicite, inquit, ei, Pasce oues meas: prius agnos, deinde oues commisit ei: quia non solum Pastorem, sed Pastorum Pastorem eum constituit. Pasceit igitur Petrus agnos, pasceit, & oues: pasceit filios, pasceit & matres: regit & subditos, & Prælatos. Omnis igitur Pastor est: quia præter agnos, & oues in Ecclesia nihil est.]

10 Leo Maximus Serm. 2. in Anniversario die sue Assumptionis: ite Serm. 3. & Homil. de Transfiguratione. & Epist. 81. & 89. cap. 1. Prosper Aquitanicus de Vocatione gentium. lib. 2. cap. 28. Felix 11. Epist. 1. ad Petrum Episcopum Antiochenum. Gelasius Epist. 11. ad Episcopos Iordanie. Possessor Episcopus Epist. ad Hormisdam Papam. Aurelius Cassiodorus lib. de Amicitia. cap. Quali discretione beneficiendi sunt amici. Arator Histor. Apostolor. lib. 1. 2. lib. 2. Pelagius Epist. 1. ad Vigilium Episcopum. Ioannes 11. Epist. ad Episcopos Germanie, & Gallie. Gildas Sapiens Correptione in Ecclesiasticum ordinem. Fortunatus lib. 3. Carminum in honorem Petri, & Pauli Apostolorum. & lib. 11. ad Chilpericum Regem. Gregorius Magnus lib. 1. Epist. 248. & lib. 3. Epist. 33. & lib. 4. Epist. 32. & lib. 6. Epist. 37. & Homil. 21. super 16. cap. Marci. Isidorus Hispalensis de Vita, & morte Sanctorum. cap. 69. & de Officijs Ecclesiasticis. lib. 2. c. 5. Hdephonus Toletanus Serm. 5. de Assumptione B. Mariæ. Adhelmus de Laudibus Virginitatis, ad sacras Virgines cap. 28. & Epist. ad Gerunthium. Agatho Epist. ad Constantinum, Heraclium, & Tiberium AAA. Iulianus Pomerius contra Iudæos lib. 3. Apónius lib. 2. in Cantica. Beda ad cap. 22. Lucæ. & ad cap. 13. Ioannis. & Homil. in vigilia Apost. Petri, & Pauli. & Homil. in die ipsorum. Zacharias Papa Epist. ad Vittam. Alcuinus ad cap. 21. Ioannis. Stephanus 11. Epist. ad Carolum, & Carolomannum Regem Francorum. Hadrianus I. Epistol. 3. Haymo. Dominica 2. post Pascha. Valfridus Strabo de rebus Ecclesiasticis. cap. 22. Rabanus Maurus ad Math. c. 16. & ad c. ult. Ioannis. Lupus Ferrariensis. Epist. 84. Nicolaus I. Epist. 6. & Epist. ad Mediolan. Iohannes 11. Epist. 75.

11 Eulogius etiam Toletanus, in Memorial. Sanctorum, sic loquitur: [Nam & B. Petrus Princeps Apostolorum, firmissimum Ecclesie Catholice fundamentum, utpote cui ab ipso Redemptore dictum est: Tu es Petrus, & super hanc petram ædificabo Ecclesiam meam, &c.] Altercatio

Synagoga, & Ecclesie cap. 19. Luitprandus Ticinensis lib. 6. c. 8. Smaragdus ad c. vlt. Marci. Leo IX. ad Michaellem Imperatorem, & Leonem Acridanum. cap. 7. & Epist. ad Petrum, Episcop. Antiochen. Petrus Damianus Sermone 1. de B. Andrea Apostolo. Alexander II. in Concilio Romæ celebrato. Gregorius VII. lib. 8. Epist. 21. Anselmus ad caput. 16. Matthæi. Iuo Carnotensis Epist. 54. Honorius Augustodunensis Sermone, de Petro, & Paulo, & Sermone, de Decollatione Ioannis Baptistæ. Rupertus Tuitiensis de Trinitate, & operibus eius. lib. 1. c. 25. & de Procession. Spiritus sancti. lib. 9. c. 28. Hugo Victorinus Sermone 64. de Apostolis Petro, & Paulo. Bernardus Serm. 3. de Septem misericordiarum fragmentis. & de Considerat. ad Eugenium lib. 2. c. 9. & Sermone 1. in die Petri, & Pauli, & Epist. 37. ad Eugenium Papam. Otto Frisingensis lib. 3. Chronicorum cap. 15. Phot. Prumienis de Statu Domus Dei. libr. 1. Hugo Etherianus de Procession. Spiritus sancti. libr. 3. c. 17. Guerrius Igniacensis de Assumpt. B. Mariæ. Serm. 4. & Serm. ad Excitandam deuotionem in Psalmodiam. Godfridus Viterbiensis par. 14. Chronicorum. de Simone Petro. Adam Victorinus Prosa de Petro, & Paulo. & Prosa de S. Petro. Innocentius 111. Serm. 1. in festo S. Gregorij Papæ. & lib. 1. Mysteriorum Missæ. cap. 8. Albertus Magnus ad c. 10. & 16. Matthæi. S. Thomas lib. 1. contra errores Græcorum. c. 32. Post quem omnes DD. Theologi, tam super sacra Biblia, quam de Theologia Scholastica scribentes Commentarios, eandem Petro Apostolo, in Ecclesiam Catholicam, auctoritatem, & potestatem, asseruerunt: sicuti & Iurisprudentes.

13 Hinc bene docent dicentes, esse concessum Petro, vt inter omnes Prophetas, & Apostolos. primum, post Christum, Ecclesie fundamentum sit: & locum, & vicem illius absentis replicet: nam illis verbis Christi, Matth. cap. 16. [Tu es Petrus, & super hanc petram edificabo Ecclesiam meam:] significatum fuit absque dubio, hanc se illi eximiam, & singularem dignitatem concessurum: vt super eum Ecclesiam suam ædificaret: id est, cum Ecclesie caput constitueret, suumque in ea Vicarium faceret. Hinc credimus certissime cum prædictis Doctoribus, orbem pugnaturum esse terrarum pro Petro, contra Hæreticos impios, indoctos, & insensatos, hanc illi potestatem denegantes.

Petrum Apostolum Ecclesiam Romanam fundasse, gubernasse, ac suo sanguine consecrassse, demonstratur. Cap. XXVI. §. 1.



MPH Hæretici Guillelmus quidam Ioan. Vuicleui præceptor, & Martinus Lutherus, & similia mundi monstra huic obstrepuunt veritati: quorum Dogmata alij ex eorum Scholis male sani homines iunt sequuti: Petrum Apostolum nec Romæ fuisse Episcopum, neque ibi prædicasse, asseruerunt: contra quos exstat manifesta veritas,

vt ex sequentibus apparebit.

2 Fuit ergo hæc prædictio Sibyllæ ex Chaldeo sermone in Græcū, & tandem in Latinum translata: quæ sic habet: [Elegit sibi ex piscatoribus, & delectis numerum diodenarium: vnumque Diabolum: (Iudam scilicet.) Non in gladio, bellone Aeneadem urbem, (Romam) Regesque subiciet: sed in hamo piscantis: (scilicet Petri.) Citatur hæc Prophætia à Francisco Petrarca de Otio Religioso. libr. 1. & subiungit, quæ Erythræz proculdubio Sibyllæ sunt: vt quæ ex illius libro ad contextum eliciui. Citantur eadem à B. Bernardino Senense, 6. par. Serm. 1. de festiuitate B. Mariæ, & ab Antonino in Chronicis. par. 1. tit. 3. c. 9. §. 1.

3 Afferuerunt hoc Patres Græci: Linus de passione Petri. Clemens Epist. 1. ad Iacobum. Papias in Explanationibus Sermonum Dñi. Egesippus de Excidio Ierosolymitano. lib. 3. c. 2. Dionysius Corinthiacus Epist. ad Romanos. Irenæus lib. 3. cap. 1. & 3. Clemens Alexandrinus lib. Hypotyposon. Origenes lib. 3. in Genesim. Pètrus Alexandrinus de Pœnitentia. Canon. 9. Eusebius Cæsariensis in Chronicis. & Ecclesiast. Histor. lib. 2. cap. 13. & c. 24. & lib. 3. c. 1. Athanasius in Apologia de fuga sua. Dorotheus Tyrius in Synopsi. Cyrillus Ierosolymitanus Catechesi 6. Epiphanius hæresi 27. Valentinianus, Gratianus, & Theodosius A. A. A. de summ. Trinit. & Fid. Cath. Gregorius Nazianzenus Iambico 1. Ioannes Chrysostomus Homil. 32. in Epist. ad Romanos. & in Encomio 12. Apostolorum. & in Encomio Petri, & Pauli. Ioannes Cassianus de Incarnatione Verbi. lib. 3. cap. 12. Sozomenus lib. 4. cap. 14. & lib. 9. cap. 9. Theodoretus ad Psal. 116. & ad cap. 1. ad Romanos. & Epist. ad Leonem Papā. & libr. 1. Hæreticarum fabularum. Galla Placidia Imperatrix Epist. ad Pulcheriam Augustam. Victor Antiochenus in Euangelium Marci. paulo post principium. Andreas Cæsariensis ad c. 17. Apocalypsis. Epiphanius Archiepiscopus Constantinopolitanus Epist. ad Hormisdam Pont. Romanum. Iustinianus in Authentica. Vt Ecclesia Romanā cœntum annorum priuilegio gaudeat. Marianus Archimandrita, & ceteri, supplicatione ad Iustinianum Imperatorem. Procopius Chartophylax in Encomio Diui Marci. Maximus Monachus ad c. 4. Dionysij de Diuinis nominibus. Ioannes Damascenus Epist. de Trisagio. Tarasius Constantinopolit. Epist. ad Adrian. Papā. de non faciendo pecunia ordination. Elias Creten. in Orat. 3. Nazianzen. Nicephorus Constantinop. in Chronolog. Methodius Constantinop. in Martyrio Dionysij Areopag. Michael Syngeles ibid. Theophylactus ad c. 1. Epist. ad Rom. Simeon Metaphrast. in Comment. de certaminib. Iab. & peregr. Petri, & Pauli. & in vita S. Siluestri. cap. 6. Suidas in Nerone. OEcumenius de 12. Apostolis. Euthymius Proœmio in Marcum. Ioann. Zonaras. tom. 2. Georg. Cedrenus in Nerone. Michael Glycas Parte 3. Annal. Nylus Thessalonic. de Primatu Papæ. Theodorus Balsamon in Commentarijs ad Synodum Carthagenen. Nj-

cetas Choniātes Orthodoxæ fidei lib. 4. c. 1. Nicephorus Callistus libr. 2. cap. 15. & cap. 35.

4 Idem affirmarunt Patres Latini: Anacletus Epist. 3. Pius I. Epistol. ad Iustum Episc. Tertullianus de Præscription. aduersus Hæretic. & contra Gnosticos. ad Scorpium. c. 15. De Baptismo. c. 4. contra Marcionē: lib. 4. c. 5. in Carminib. contra Marcion. lib. 3. c. 9.

Ex quibus electum magnum, plebique probatum,

Hæc Cathedra, Petrus qua sederet ipse, locatum,

Maxima Roma Linum primum confidere iussit,

Callistus Epist. ad Proclum Cataphrygam, Cyprianus libr. 1. Epist. 3. & lib. 4. Epist. 2. & libr. de Vnitate Eccles. Arnobius lib. 2. aduers. Gentes. Marcellus I. Epist. ad Antiochenos. Eusebius Papa Epist. 3. Lactantius Diuin. Institut. lib. 4. cap. 21. Ambrosius lib. 3. de Sacramentis. c. 1. & lib. 5. Epist. 32. vet. edit. Optatus Mileuitan. lib. 2. contra Donatistas. Phylastus de Simone Mago. Damasus in vita D. Petri. Prudentius Hymno 12. de passione Petri, & Pauli. & Hymno 2. de S. Laurentio. Hieronymus ad c. 52. Isaic. & ad c. 2. ad Galatas. & lib. de Viris illustrib. c. 1. Rufinus Inuestiua. 2. in Hieronymum. Augustinus contra litteras Petiliani. libr. 2. c. 51. & cōtra Iulianum Pelagian. lib. 1. c. 4. Ad Quoduultdeum. Hæresi 1. & Epist. 165. Innocentius I. Epist. 1. ad Decennium Eugubinum. & 14. ad Bonificacium Presbyterum. Paulinus Nolanus Natali 3.

5 Sequuntur Seuerus Sulpitius, sacra Historiæ lib. 2. Orosius lib. 7. c. 6. & 7. Maximus Taurinensis in Natali Petri, & Pauli. Arnobius ad Psal. 106. Philippus Præbyter in Concil. Ephesino. tom. 2. c. 16. Petrus Chrysologus Epist. ad Eutychem. Leo I. Serm. 1. in Natali Petri, & Pauli. c. 1. 3. & 4. & Epist. 61. c. 2. Prosper de Promission. & prædiction dimidij temporis. Gelasius in Decreto de Apocryphis Scripturæ libris. Fulgentius de Incarnat. & gratia IESV Christi. c. 11. Elpis vxor Boethij Hymn. de Apostolis Petro, & Paulo. Symmachus Apologet. ad Anastasium Imp. Synod. Romana 3. sub Symmacho. Possessor Africanus Epist. ad Hormisdam Papam. Iornandes lib. de Regnorum, & tēporum successione. Marcellinus Comes in Chronico. Arator in Acta Apost. ad finē. Cassiodorus in Chronicis. in Claudio. Fortunatus vitæ S. Martini lib. 3. Gregorius Turonen. Histor. Francorum. lib. 1. c. 25. Gregorius Magnus. ad Psal. 4. Pœnit. & lib. 6. Epist. 37. Isidorus Hispalen. de Vita & morte SS. c. 60. Beda de sex ætatibus mundi. & Prologo super Marcum. & ad c. 5. 1. Petri. & ad c. 15. Actorum. Paulus Diaconus de Vita SS. Syri, & Iuuentij. Paulinus Aquilegien. lib. 8. Historiæ. Haymo Hom. Dominicæ 3. in Quadrages. Froculphus Lexioun. tom. 2. lib. 1. cap. 12. Dreperius Floro. Hymno ad Michaelē Archangelum. Rabanus Maurus ad c. 12. Iudith. Hingmarus Epist. de Dionysio Areopag. Nicolaus I. Epist. 7. & 32. & ad cōsulta Bulgarorum. c. 92. Hadrianus II. Epist. 3. Ioannes vi I. Epist. 76. Ado Viennen. Etate 6. de

anno 45. Regino Prumiren. lib. 1. Annaliū. Luitprandus Ticinen. lib. 1. c. 8. & lib. 4. cap. 3. Hugo Floriacen. in Chronicis. Aetate 6. Petrus Dami-
 anus Serm. de S. Marco. Hermannus Contractus in Chron. de Nerone.
 Marianns Scotus. Aetate 6. Florentius V Vigorniciensis lib. 2. Chronicorū.
 Honorius Augustodunensis Serm. de Petro, & Paulo. Rupertus Tuitigen-
 sis ad cap. 3. Ionæ. Bernardus epist. 237. Hugo Victorinus Institutionis
 Monasticæ, de vanitate mundi, lib. 4. & Institut. Monast. excerptorum,
 priorum lib. 6. cap. 6.

6 Petrus Cluniacensis ait, Epist. 1. [Quid enim! numquid per 25. an-
 nos, quibus Romæ Petrus Apostolus sedet, absque templo, vel Ecclesia,
 id est, orationis domo, vel paruo saltem Oratorio fuit? Non ne vt gesto-
 rum veracium series narrat, primus ipse Princeps Apostolorum Petrus,
 in Vrbe orbis capite, templum Christo, inter innumera Gentilium tem-
 pla, construxit? Non ne & nos ipsi Romæ positi frequenter vidimus in-
 cryptis antiquissimis Oratoria, & Altaria, qualia eo tempore fieri pote-
 rant: quæ ab eodem Apostolo constructa, sicut per successionem fama
 consentiens, ac celeberrima protestatur, in monumentum tantæ sanctita-
 tis fidelibus ostenduntur, ac deuotissimè exoscilantur.] Cuius testimonio
 quis fidē non adhibebit, & securè, & sincerè, si nobiscū viginti ab hinc an-
 nis horum sanctorum locorum, quæ Petrus sua illustrauit præsentia, ex-
 stiterit venerator? Quæ loca, & reliquias horū sanctorum Apostolorum
 videre, legimus, D. Chrysostomum anxie desiderasse.

7 Accedunt Otto Frisingensis lib. 3. Chronicorum cap. 15. Egbertus
 Presbyter aduersus Catharos. Serm. 3. Petrus Comestor in Histor. Scho-
 lastica. lib. Actuum Apost. cap. 127. Godfridus Viterbien. part. 14. Chro-
 nicorum. Petrus de Riga ad finem Actuum Apostolorum. Gunterus lib.
 4. Ligurini. Adam Victorinus Prosa de sanctis Apostolis Petro, & Paulo.
 Innocentius III. Serm. 2. de festo SS. Petri, & Pauli. Conradus Abbas
 Vrspergensis in Chronicis. de anno 43. Iacobus Vitriacus in Historia
 Orientali. cap. 78. Albertus Scandensis in Chronicis. Thomas Canti-
 petranus lib. 2. Miraculorum. cap. 53. Guilielmus Durandus in Ratio-
 nali Diuinorum. lib. 7. cap. 43. Nicolaus III. de electione, & electi pote-
 state. cap. 17. Nicolaus Lyranus ad c. 1. posterioris Epistolæ Petri. Mar-
 tintus Polonus in Chronicis. in Petro, & in Nerone. Aluarus Pelagius de
 Planctu Ecclesiæ lib. 1. art. 68. Matthæus V Vestmonasteriensis in Chro-
 nicis. de anno 41. Thomas V Valdensis Doctrinalis fidei lib. 2. art. 2. c.
 7. Martinus V. Constit. 4. Aeneas Silvius Epist. 130. V Vernerus Role-
 uingius in Fasciculo temporum. Petrus Apollonius Collatis in Fastis.
 in Natalitijs Petri, & Pauli Apostolorum Marcus Antonius Sabellicus
 Aeneadis 7. lib. 2. Albertus Crantzius in Metropoli. lib. 2. c. 1. Baptista
 Mantuanus lib. 6. Fastorum.

8 Tantorum Auctorum, sola Hæretica perfidia, auctoritati refragatur:

quæ postquam in calum sacræ Scripturæ posuit os suum, eamque profanis, & vocum, & sensuum novitatibus adulterata est; lingua sua transiit in terram: nihil, quod suo non sapiat palato, in sacris Scriptoribus, non aut negando, aut damnando, aut irridendo.

Pontificem Romanum esse B. Petri successorem, eandemque cum illa in Ecclesia uniuersa ligandi, & soluendi habere potestatem; probatur. Cap. XXVII. §. 1.



QUANDO Christus Dominus Petro commisit gubernandam Ecclesiam, ei que ad hoc munus plenè exercendū tradidit calorum clauēs, quis tam sit amens, vt credat, Christum Dominum, Ecclesiam, domum suam immortalem, super mortalem hominem ædificasse: quo mortuo totius ædificij molem corruere necesse esset? Non ergo super solum Petrum, sed super illum, & super omnes eius successores Ecclesiā fundauit: qui, quoniā defuturi numquā sunt, Ecclesia non corruet. Quorsum enim Christus, soli Petro, non autem eius etiam successoribus, tantam, ac talem, qualem Petro concediderat, non concederet auctoritatem? Constituebat namque Ecclesiam, instituebat officia, munera diuidebat: quæ, vel imprudentissimus quisque, non in personarum honorem, sed in eiusdem Ecclesiæ utilitatem instituisse. Tandem ergo erant, quamdiū Ecclesia ipsa duratura: maximeque illud, quod, vt omnium maximum, ita omnium erat maximè necessarium, capitis, ac Principis Ecclesiæ; qui eius erat substernendus fundamentū. Itaque, vt alia officia minora, non essent in posteros transferenda, hoc tamen, necesse erat omnino ad successores transmitti: sicut omnes veteres Auctores docuerunt, Catholici, videlicet: nam de Hæreticorum turba, hanc veritatem negante, nihil à viris Orthodoxis est curandum: & à Græcis Patribus, & Scriptoribus ordiamur.

2 Ignatius in inscriptione Epistolæ ad Romanos sic habet, [Ignatius Ecclesiæ sanctificatæ, ἱερεὺς προκαθήμενος τοῦ πνεύματος ῥωμαίων. id est, [quæ præsidet in loco regionis Romanorum Polycarpus, vt refert Hieronymus de Viris illustribus. in Polycarpo. Irenæus lib. 3. c. 3. Origenes, referent Eusebio, lib. 6. Hist. cap. 12. & idem Eusebius lib. 7. Hist. cap. 24.

3 Conc. Nicænū I. in Canonibus collectis ex Epist. Iulij Papæ, Canon. 1. [Non debent, præter sententiam Romani Pontificis, Concilia celebrari.] Canon. 2. [Vt omnes Episcopi, qui in quibusdam grauioribus pulsantur, vel criminantur causis, quoties necesse fuerit, liberè Apostolicam appellent Sedem: atque ad eam, quasi ad matrem, confugiant; vt ab ea, sicut semper fuit, piè fulciantur, defendantur, & liberentur: cuius dispositioni omnes maiores Ecclesiasticas causas, & Episcoporum iudicia, anti-

qua Apostolorum, eorumque successorum, & Canonum auctoritas referuauit. Quoniam culpantur Episcopi, qui aliter erga fratres egerint, quam eiusdem Sedis Papæ fieri placuit.] Et in Canonibus ex Arabico translatis. Canon. 39. [Consideret Patriarcha ea, quæ Archiepiscopi, & Episcopi in prouincijs suis faciunt; & si quid reperiatur secus, quam oporteat, factum mutet: & disponat, prout sibi videbitur: siquidem ipse est Pater omnium, & illi filij eius. Et quamuis sit Archiepiscopus inter Episcopos, tamquam frater maior, qui curam habet fratrum suorum, & ei debent obedientiam, quia præest: est tamen Patriarcha ijs omnibus, qui sub potestate eius sunt, sicut ille, qui tenet sedem Romæ, caput, & Princeps est omnium Patriarcharum: quandoquidem ipse est primus: sicut Petrus, cui data est potestas in omnes Principes Christianos, & omnes Populos eorum: ut qui sit Vicarius Christi Domini nostri, super cunctos Populos, & vniuersam Ecclesiam Christianam. Et quicumque contradixerit, à Synodo excommunicatur.]

4 Athanasius Apolog. 2. contra Arianos. & Epist. ad Marcum Papam. Idem Athanasius, & vniuersi Aegyptiorum, Thebaidorum, & Libyorum, Episcopi Epist. ad Felicem II. Papam. quæ exstat tom. 1. Conciliorum. Constantinus Cæsar Epist. ad solitariam vitam agentes.

5 Concilium Sardicense cap. 5. [Hosius Episcopus dixit: Quod si aliquis Episcopus adiudicatus fuerit in aliqua causa, & putat se bonam causam habere: ut iterum iudicium renouetur: si vobis placet, sancti Petri Apostoli memoriam honoremus: ut scribatur, vel ab ijs, qui examinauerunt, vel etiam ab alijs Episcopis, qui in propinquo morantur, Romano Episcopo: & si iudicauerit, renouandum esse iudicium, renouetur; & det iudices: si autem probauerit talem causam, ut ea non refrenetur, quæ acta sunt, quæ decreuerit Romanus Episcopus, confirmata erunt. Si ergo omnibus placet, statuatur. Synodus respondit, Placet.]

6 Et cap. 7. [Hosius Episcopus dixit, Placuit autem, ut si Episcopus accusatus fuerit, & iudicauerint congregati Episcopi regionis ipsius, & de gradu suo eum deiecerint si appellauerit qui deiectus est, & confugerit ad Episcopum Romanæ Ecclesiæ, & voluerit se audiri: si iussu putauerit, ut renouetur iudicium, vel discussionis examen, scribere ijs Episcopis dignetur, qui in finitima, & propinqua prouincia sunt: ut ipsi diligenter omnino requirant, & iuxta fidem veritatis, definiant. Quod si is, qui rogat causam suam iterum audiri, deprecatione sua mouerit Episcopum Romanum, ut à latere suo Presbyterum mittat, erit in potestate Episcopi, quid velit, & quid adiuuet. Et si decreuerit, mittendos esse, qui præsentibus cum Episcopis indicent, habentes eius auctoritatem, à quo de iudicio sunt, erit in suo arbitrio: si verò crediderit, Episcopos sufficere, ut negotio terminum imponant, faciet quod sapientissimo consilio suo iudicauerit.]

7. Basilii Magni Epist. 32. ad Athanasium. & Epist. data Sabino
 Diacono, ad Pont. Roman. Gregorius Nazianzenus Oratione 23. quæ est
 in laudem Heronis Alexandrini in exilium missi. & Oratione 52. quæ
 est Epist. 2. ad Cledonium. Gratianus, Valentinianus, & Theodosius AAA.
 dicto ad Populum Urbis Constantinopolitanæ. & habetur C. de summ.
 trinit. & fid. Cathol. & apud Sozomenum lib. 7. cap. 4. Concilium Con-
 stantinop. I. Can. 3. [Constantinopolitanus Episcopus habeat priores ho-
 noris partes, post Romanum Episcopum: eo quod sit ipsa noua Roma.]
8. Ioannes Chrysostomus Epist. ad Innocentium Papam. Palladius
 Callinopolitanus in Vita D. Ioannis Chrysostomi. Synodus Ephesina
 Epist. ad Cælestinum Papam: [Quia verò necessitas exigebat, ut omnia
 que in hac sacra Synodo acciderunt, Sanctitati Tuæ declararentur, non po-
 tuimus, his litteris nostris ad Sanctitatem Tuam, non perscribere, secun-
 dum Seruatoris nostri omnium voluntatem, Pijssimorumque, ac Christi-
 mantium Imperatorum nostrorum sanctionem, ex multis, variisque pro-
 uincijs Episcopos supra 200. in Ephesiorum ciuitate conuenisse, & fue-
 rint in cõfess. nostro, & illi quoque, qui a Sanctitate Tua missi fuerant:
 videlicet, pientissimi Episcopi Arcadius, & Proiectus, vnaque cum illis
 religiosissimus Presbyter Philippus; qui sua presentia, tuam nobis præ-
 sentiam exhibuerunt, Apostolicæque sedis locum tenuerunt. &c. Vt autem
 omnia, quæ hic gesta sunt, cognoscas, integros Actorum Commentarios
 misimus, & Synodi subscriptiones.]
9. Cyrillus Alexandrinus Epist. ad Cælestinum Papam. Maximianus
 Constantinop. Episcopus Epist. ad Orientales. Socrates Ecclesiast. Hist.
 lib. 2. cap. 5. & 11. lib. 4. cap. 30. & lib. 5. cap. 8. Sozomenus lib. 3. cap. 7.
 & cap. 9. & lib. 6. cap. 22. Theodoretus Epist. ad Leonem Papam. & Epist.
 ad Renatum Presbyterum. & Ecclesiast. Hist. lib. 2. cap. 22. & lib. 3. c. 10.
10. Concilium Chalcedonense Act. 1. [Et post hæc, residentibus ma-
 nificentissimis, & gloriosissimis iudicibus, &c. & ex læua quidem par-
 te sedentibus Sanctissimis, & Reuerendissimis Episcopis, & Vicarijs
 Deo amicissimis Sanctissimi, & Reuerendissimi Leonis Antistitis priscæ
 Urbis Romæ, &c. Paschasius verò Vicarius Sedis Apostolicæ cum in-
 medio vna cum his viris Reuerendiss. collegis suis stetisset, dixit: Bea-
 tissimi, atque Apostolici viri, Papæ Urbis Romæ, quæ est caput omnium
 ecclesiarum, præcepta habemus præ manibus, &c.] & Actione 3. Legati
 Romani Pontificis primi subscribunt, [Paschasius Episcopus, &c. Vice-
 ceatissimi, atque Apostolici Vniuersalis Papæ Urbis Romæ, &c.]
11. Anastasius Ierosolymitanus Patriarcha Epistola ad Felicem Pa-
 pam. Achatus Constantinop. Epist. ad Simplicium Papam. Ioannes Con-
 stantinop. Epist. ad Hormisdam Papam. Archimandritæ, & monachi se-
 cundæ Syriæ, Epist. ad Hormisdam Papam. quæ exstat inter eius Episto-
 las. Theodorus Lector lib. 1. Coll. & lib. 2. Martianus Monachus, & ceteri

Archinādrizæ Orientales ſupplicatione ad Iuſtinianum Imperatorem. & Epiſt. ad Agapetum. Mēnas Patriarcha Conſtanti-
nop. de quattuor Cōcilijſ Oecumenicis. Procopius Cæſarienſis lib. 1. de Bello Gothorum.
cap. 2. Iuſtinianus Imperator C. de ſumm. Trinit. & ſid. Cath. epiſt. ad
Ioan. Papam. Eutychiuſ Patriarcha Conſtant. epiſt. ad Vigilium Papam.

12 Synodus Mopſueſtana epiſt. ad Vigilium Papam [Decebat, cū-
primam Sacerdotis dignitatem ſortiti eſtis, ea, quæ ad ſanctarum Eccle-
ſiarum ſtatum reſpiciunt, manifeſta veſtræ diutius honoratæ Beatitudi-
ni fieri.] Euthathiuſ in vita S. Eutychij. Maximuſ monachuſ Diſputa-
tione cum Theodoſio Cæſarienſi Epiſcopo. Anaſtaſiuſ diſcipuluſ ſancti
Maximi, apud Gennadium Scholarium de Primatu Papæ. ſect. 8. Sophro-
niuſ Ieroſolymitan. Epiſt. ad Stephanū Epiſcopum. Stephanuſ Doreniſ
libello ad Martinum Papam Sergiuſ Cypriuſ Epiſt. ad Theodorū Papā.

13 Synoduſ item 6. Conſtant. Aēt. 17. ſubſcriptioneſ. [Theodoruſ
humiliſ Preſbyter S. R. E. Locumgerenſ Agathonis Terbeatiffimi Vni-
verſaliſ Papæ Urbis Romæ, ſubſcripſi. Georgiuſ miſericordia Dei Epi-
ſcopuſ Conſtanti-nopoleoſ nouæ Romæ, definienſ ſubſcripſi.] Et Aētione
18. [Proinde inſpiratione ſancti Spirituſ conſpiranteſ, & ad invicem
omneſ conſonanteſ, atque conſentienteſ, & Agathonis ſanctiſſimi Patris
noſtri, & ſummi Papæ dogmaticiſ litteriſ ad veſtram fortitudinem
miſiſſiſ conſentienteſ, vnum de ſancta Trinitate Dominuſ noſtrū IESVM
Chriſtuſ etiam incarnatuſ prædicamuſ, in duabuſ perfectiſ naturiſ
induiſe. &c. Summuſ autem nobiſcū concertabat Apoſtoloruſ Prin-
ceps: illiuſ enim imitatoreſ, & Sedis ſucceſſoreſ habuimus fautoreſ;
& Diuini Sacramenti myſterioruſ illuſtranteſ per litteraſ confeſſio-
nem, ſibi à Deo inſcriptam, illa Romana antiqua Ciuitaſ obrulit, &
dogmatuſ diem à veſpertiniſ partibuſ extulit. Charta, & atramentuſ
videbatur, & per Agathonem Petruſ loquebatur.]

14 Conſtanti-nuſ Imperator Epiſt. ad Synoduſ Apoſt. Sedis antiquæ
Romæ. Ioanneſ Patriarcha Conſtanti-nop. epiſt. ad Conſtanti-nuſ Pa-
pam. Tarasiuſ Patriarcha Conſtanti-nopolit. in Synodo Nicæna 2. Aēt. 2.
& Epiſt. ad Hadrianuſ Papam. Conciliuſ 2. Nicænuſ, Aētione 2. [Ec-
cleſia Romana, eſt caput omniuſ Eccleſiaruſ.] Aēt. 6. [Exſecrabilis eſt,
& profana, & adulterina ſeptima Synoduſ Conſtanti-nopolitana: non
enim habuit cooperariuſ, vt hæc, quæ nunc celebratur, Romanuſ Pon-
tificem, neque illiuſ Sacerdoteſ, neque per Vicariuſ, neque per Prouin-
cialiſ litteraſ, quemadmoduſ fieri in Synodiſ debet. &c.] & Aētione
7. legati Romani Pontificiſ primi ſubſcribunt. Nicephoruſ Patriarcha
Conſtanti-nop. Epiſt. ad Leonem III. Papam Theodoruſ Studiceſ Epiſt. ad
Paſchaleſ Papam. Methodiuſ Patriarcha Conſtanti-nop. in martyrio D.
Dionyſij Areopagite. Phoriuſ Patriarcha Conſtanti-nop. Epiſt. ad Nico-
laū Papam. Ignatiuſ Conſtant. epiſt. ad Nicolaū Papā. Aēt. 3. 8. Synodi.

15 Cōstantinopolitana & generalis Synodus Canon. 21. [Definimus, neminem prorsus mundi potentium, quemque eorum, qui Patriarchalibus Sedibus præsunt, inhonorare, aut mouere à proprio throno tentare; sed omni reuerentia, & honore dignos iudicare: præcipuè quidem Sanctissimum Papam senioris Romæ: deinceps etiam Cōstantinopoleos Patriarcham: deinde verò Alexandriæ, & Antiochiæ, atque Ierosolymorū. Sed nec alium quemquam conscriptiones contra Sanctissimum Papam senioris Romæ, ac verba complicare, vel cōponere liceat: sub occasione, quasi diffamator quorundam criminum: quod & nuper Photius fecit, & multò ante Dioscorus. Quisquis autem tale facinus, contra fidem Petri Principis Apostolorum, ausus fuerit intentare, æqualem, & eandem, quam ille, condemnationem recipiat.] Præfederunt in hac Synodo Donatus, ac Stephanus Episcopi Hadriani Pontificis Romani, & subscripserunt hac forma. [Ego Donatus Episcopus Hostien. Ecclesiæ, Locumtenens Domini mei Hadriani Pontificis, & vniuersalis Papæ, omnia quæ superius leguntur, huic sanctæ, & vniuersali Synodo Prædens, ad voluntatem eximij Præsulis, promulgavi, & manu propria subscripsi.] quæ forma subscribendi & eius Collegæ vti sunt.

16 Leo Imperator cognomento, Sapiens, sequitur idem sentiens in quodā Sermone. Simeon Metaphrastes vitæ Gregorij Agrigentini Episcopi cap. 27. & vitæ Pauli Cōstantinop. Patriarchæ cap. 4. & vitæ sancti Stephani Junioris c. 30. Ioan. Zonaras in Cōstantino. Prælati Græciæ Epist. ad Gregorium X. Georgius Pachimerius lib. 5. Historiarum, recenset capita pacis Græcorum, & Latinorum: [Principatus sit Romanæ Sedis: ad eam appellare liceat Græcis: & memoria Romani Pontificis vna cum Patriarchis celebretur.] Nicephorus Callistas lib. 6. cap. 29. & lib. 9. cap. 8. & lib. 17. cap. 9. Nicephorus Gregoras lib. 5. Historiæ cap. 1. Ioseph Patriarcha Cōstantinop. in Conc. Florentino sess. vi. Armeniorum Oratores in Conc. Florentino, in Decreto Eugenij IV. Iſai. Archiepiscopus Ierosolymitan. Epist. ad Eugenium IV. Ioan. Patriarcha Alexandrinus, referente Iacobo Nauarcho, in Epist. Asiatica. Nicodemus Abbas Aethiops. Epist. ad Eugenium. Gennadius Scholarius de Primatu Papæ, cap. 9. & cap. 16. Georgius Trapezuntius Epist. ad Cretenſes. & Opusculo de dicto Christi. Sic eum volo manere. &c. ad Nicolaum V. Leonardus Chienſis Mitylæneus Episcopus de Vrbe Cōstantinopoleos iactura, ad Nicolaum V. Petrus Patriarcha Maronitarum Epist. ad Leonem X. Zaga Zabo Episcopus Aethiops in confessione fidei Aethiopice, Petrus Abbas Aethiops Epist. ad Paulum III. P. M. Moses Mandenus Antiochenus in fidei professione. Nestoriani in Seleucia Parthorū Epist. ad Pont. Romanum, pro Patriarcha initiando. de anno 1532. Siud, sive Sulacha Patriarcha Nestorianorum in professione fidei. de anno 1551. Abdissus Patriarcha Assyriorum in sua fidei professione. de anno 1562. Ga-

brici Patriarcha Alexandrinus Epist. ad Clementem VIII. P.M. de anno 1597. & in confessione sue fidei. Michael Metropoli- ta Chioniensis. Hypathion Episcopus VVlodimiriens. Cyrillus Episcopus Lucioriensis, & ceteri Russorum Episcopi Epist. ad eund. Clementem VIII. Hypathion Protochro- nius VVlodimiriensis Episcopus ad eund. in fidei professione.

Latinorum SS. Patrum, & Doctorum de hoc eodem, sententia.

Cap. XXVIII. §. 1.



DE M. senserunt mente vna antiqui, & vltimi Ecclesie Patres, & Doctores Latini. Tertullianus de Prescriptioni. aduersus Hereticos. c. 36. licet lib. de Pudicitia. iam factus Hareticus aliter senserit. Cyprianus lib. 1. Epist. 3. seu 55. & lib. 3. Epist. 1. seu 67. & lib. 4. Epist. 2. seu 52. & 8. seu 45. Synodus Romana sub Siluestro cap. 20. Ambrosius Oratione funebri de obitu fratris sui Satyri & ad cap. 3. prioris ad Timotheum. & epist. 78. ad Theophilum Alexandrinum. & Epist. 87. ad Syricium. Optatus Mileuitanus lib. 2. aduersus Parmenian. Prudentius Carmine de S. Hippolyto. Stephanus Mauritanie in Africa Episcopus Epist. ad Damasum. Hieronym. Epist. 57. ad Damasum. & Epist. 8. ad Demetriadem. cap. 9. & Epist. 16. ad Principiam. cap. 3. & aduersus Rufinum lib. 3. cap. 5. & 6. Rufinus ipse in explicatione Symboli. August. contra Iulianum Pelagianum. lib. 1. c. 4. & lib. 2. contra Pelagium, & Caelestium. c. 7. & Epist. 106. 157. 162. & 163.

2. Concilium item Tolerantium sub finem assertionis fidei. Concil. Africanum c. 35. Concil. Mileuitanum Epist. ad Innocentium Papam. est apud Augustinum epist. 92. Concilium Carthagenense epist. ad Innocentium Papam. est apud Augustinum epist. 90. Severus Sulpicius sacre Historie lib. 2. Possidius vice S. Augustini cap. 14. & 18. Philippus Presbyter in Conc. Ephesino. tom. 2. cap. 161. Maximus Taurinensis Homilia 20. de Natali sancti Laurentii. Vincentius Lyrinensis contra Hareses. cap. 42. Petrus Chrysologus epist. ad Eutychem. & Serm. 185. Garetius, Salonius, & Veranius Episcopi Gallie epist. ad Leonem Papam. quae habetur inter eius Epistolas Colonie impressas. Episcopi Metropolis Arelatensis epist. ad Leonem Papam. Prosper Aquitanicus de Ingratis. cap. 2.

pestem subuentem prima recidit

*Sedes Romae Petri, qua pastoralis honoris
Facta caput mundo, quicquid non possidet armis,
Religione tenet.*

Et contra Collatorem. cap. 47. & de vocatione Gentium. lib. 2. c. 161. & in Chronicis. Afenius, & ceteri Episcopi Tarraconenses epist. ad Hilarium Papam. Victor Vicensis de persecutione Vandalica. lib. 1. Episcopi Dardaniae epist. ad Gelasium Papam. quae exstat inter eius opi-

Epistolae. Fulgentius de Incarnatione, & gratia IESV Christi, cap. 10.
 3. Accedunt Synodus Romana 3. sub Symmacho. & 4. sub eod. c. 3.
 Ennodius Diaconus lib. de Synodis sub Symmacho habitis. Possessor
 Episcopus epist. ad Hormisdam Papam. Concilium habitum in Epiro,
 epist. ad Hormisdam Papam. Eulalius Carthaginensis epist. ad Bonifa-
 cium II. Cassiodorus lib. 11. epist. 2. ad Iohannem Papam. Amator Episcopus
 epist. ad Siluerium Papam. Arator in dedicatione Aëtorum Apo-
 stolicorum Heroico à se carmine conscriptorum. Liberatus Archidia-
 conus Carthaginensis in Breuiario. Cap. 20. 21. & 22. Gildas Badonicus
 Correptione in Ecclesiasticum ordinem. Concilium 4. Aurelianense. c. 1.
 [Quoties aliquid, inquit, de solemnitate Paschatis dubitatur, inqui-
 sita, vel agnita, per Metropolitanos à Sede Apostolica sacra Constitu-
 tio teneatur.] Concilium 2. Turonense cap. 21. [Quis inquit, Sacerdo-
 tum contra Decreta talia, quæ à Sede Apostolica præcesserunt, agere
 præsumat? Et quorum Auctorum valere possit prædicatio, nisi quæ
 Sedes Apostolica semper intromisit? Et Patres nostri hoc semper culli-
 dierunt, quod eorum præcepit auctoritas.] Concilium 3. Bracharense.
 cap. 22. [Placuit, ut eodem ordine Missæ celebrentur ab omnibus, quo-
 modo Profuturus quondam huius Metropolitanæ Ecclesiæ Episcopus,
 ab ipsa Apostolici Sedis auctoritate suscepit scriptum.] Videndum etiam
 de hoc cap. 23.

4. Ioan. Episcopus Rauennaten. epist. ad Gregorium Magnum. est in-
 ter ipsius epistolae lib. 2. Indict. 11. epist. 55. Isidorus Hispalensis præla-
 tione in opus Conciliorum: [Subiecipimus, inquit, reliqua Præfatum Ro-
 manorum decreta, usque ad S. Gregorium: & quasdam ipsius epistolae:
 in quibus, pro culmine Sedis Apostolicæ, non impar Conciliorum exstat
 auctoritas. & c.] (Quanti Doctoris de quanto Doctore iudicium!) sequi-
 tur, [Nullâ Synodum ratam esse legimus, quæ non fuerit Apostolicæ Se-
 dis auctoritate congregata, vel fulta.] Columbus, & ceteri Primates
 Episcopi prouinciarum Africæ, Numidiæ, Mizazeni, & Mauritanicæ epist.
 ad Theodorum Papam, quæ exstat in Concilio Lateranensi sub Martino
 I. Consultatione 2. Maurus Episcopus Rauennatensis epist. ad Martinum
 Papam, quæ exstat in Synodo prædicta Lateranensi. Ionas Monachus in-
 vita sancti Eustachij cap. 5. Aldelmus epist. ad Geruntium. Beda vese-
 rabilis Hist. Anglicanæ lib. 2. cap. 1. & lib. 3. cap. 3. & cap. 15. & 29. &
 Homil. in Natali S. P. N. Benedicti. & de ratione temporum. Bonifacius
 Moguntinus Episcopus epist. ad Zachariam Papam. & epist. ad Stephanum
 II. quæ exstat apud Nauclerum Generatione 26. Alewinus lib. de
 Dininis officiis cap. 19. Paul. Diaconus de Gestis Longobardorum lib.
 6. c. 4. aliàs 15. & cap. 10. aliàs 28. Paulinus Aquilegensis aduersus Fe-
 licem Vrgelitanum. Ambrosius Ansuertus epist. ad Stephanum Papam.
 præfixa Commentariis in Apocalypsin. & in fine Commentariorum.

Concilium Caroli Imperatoris apud Gratianum dist. 19. In memoriam.
 quæ dist. tota facit ad rei, de qua agimus, confirmationem. Haymonius
 Historiæ Francorum lib. 2. c. 1. VVallafridus Strabo de Rebus Ecclesiæ.
 c. 22. & cap. 31. Ionas Aurelianus lib. 1. de Cultu imaginum. & lib. 3.
 5. Præterea Strabus Fuldenfis in Gloss. ordinaria 2. Paralip. c. 17. Ra-
 banus Maurus ad Matthei c. 17. & de laude S. Crucis. ad Gregorium 1 V.
 P. M. Hingmarus in Synod. apud S. Medardum. & Epist. ad Hadrianum II.
 Hildoinus in Arcopagiticiis. Landramus Turonensis, & Epist. ad Nu-
 menium Priorem gentis Britannicæ. Anastasius Bibliothecarius Præfat.
 ad Pont. M. ni vitam Ioann. Eleemosynarij, a se versam. Rochaldus Sue-
 sioensis appellat. ad Nicolaum Papam. Synodus Triburiensis capit. 30.
 repetitis verbis citatis Concilij Caroli Imperatoris: [In memoriam]
 B. Petri Apostoli, honoremus sanctam Romanam, & Apostolicam Sedem:
 ut quæ nobis Sacerdotalis mater est dignitatis, esse debeat magistra.
 Ecclesiasticæ rationis:] Regino Prumiensis in Chronicis de anno 842.
 865. & 866. Luitprandus Ticinensis lib. 1. c. 8. & lib. 2. c. 13. & lib. 6. cap. 6.
 Notgerus Leodiensis in vita S. Ludoaldi. Burcardus V Vormatiensis lib.
 1. c. 42. Beruo Augiensis libello de quibusdam ad Missas spectantibus. Pe-
 trus Damianus in vita S. Barbatiani. & in vita S. Vitalis. & Epist. 11. ad
 Nicolaum Papam. c. 3. Lanfrancus Cantuariensis de Eucharistia contra
 Berengarium. Gujmundus Auerfianus de Sacramento Altaris. Anselm.
 Cantuariensis de Incarnat. Verbi. c. 1. & in Præfatione in Epist. ad Rom.
 & super Caput illius. 1. Aldebertus Cenomaniensis Epistol. 19. Edinurus
 Anglus vitæ S. Anselmi lib. 2. Iuo Carnotensis Epist. 48. ad Paschalem.
 P. M. & Epist. 71. & 183. Leodienses Clerici Epist. ad Paschalem Papam.
 Otto Banibergensis Epist. ad eundem. Rupertus Tuitiensis in Ioan. lib. 2.
 c. 3. & de Diuinis officiis. lib. 1. c. 27. & lib. 2. c. 22. Hugo Victorinus lib. 1.
 de Sacramentis Ecclesiæ. c. 43.
 6. Bernardus omnino videndus de Considerat. ad Eugenium Papam.
 libr. 3. cap. 8. & Epistol. 123. 131. 183. 190. & 237. & Serm. de privile-
 gijs B. Ioannis Baptiste. Guigo Carthusianus prologo in vitam S. Hugo-
 nis Episcopi ad Innocentium 1. Petrus Lombardus 4. Sententiar. distin.
 14. Ioan. Gratianus distinct. 93. per totam. Petrus Cluniacensis lib. 6. Epi-
 stol. 14. ad Eugenium Papam. & Epist. 44. Ildegardis Epist. ad Eugenium
 P. M. & Epist. ad Alexandrum 11. P. M. Otto Frisingensis in Chronicis.
 lib. 7. c. 32. Roto Prumensis de statu Domus Dei. lib. 3. & 4. Petrus Blesen-
 sis Epist. 45. ad Pont. Rom. Arnulphus Lexouiensis Epist. ad Alexandrum
 Pont. Max. de promotione sua. Hugo Erierianus de Spiritu sancti proces-
 sion. lib. 3. c. 17. Ioannes Salisberiensis lib. 8. Policratici. Capit. 17. & 23.
 Godfridus Wytherbiensis in proemio Histor. vniuersalis ad Vrbanum
 11. Guillelmus Tyrius Belli sacri lib. 11. c. 28. & lib. 13. cap. 15. Culter-
 rus lib. 1. Dodochinus de anno 1099. Joachim Abbas Florent. Prologo

in Apocalyp. Ioann. Beatus de Diuinis officijs. c. 13. & 14. Saxo Graticus Histor. Danicę lib. 13. Conc. Lateranenſe c. 5. de anno 1215. Conradus Abbas VVrspergęſis in Chronicis. de anno 1107. Iacobus Vitriacus Histor. Orientalis c. 75. Alex. Alenſis p. 3. q. 40. memb. 2.

7. Rodericus Toletanus ſic refert Rerum Hiſpanicarum lib. 6. cap. 26. Gregorius vi I. Papa, ad petitionem Regis Aldeſonſi, miſit quemdam Ricardum Abbatem S. Victoris Maſſilienſis, vt Eccleſias Hiſpaniæ, tot perſecutionibus perturbatas, Eccleſiaſtico moderamine ordinaret. Qui ſinus religioſe officium peragens, cępit irregulariũs ſe habere. Quod attendens Toletanus electus, per maris, & terrę pericula, ſe Romani Pontificis conſpectui præſentauit. Et Gregorio vi I. viam vniuerſæ carnis inreſſo, inuenit Urbanum II. in Sede Apoſtolica ſubſtitutum: a quo grauer & benignę ſuſceptus, conſecrationem, Pallium, & Priuilegium obtinuit: & Primas inſtitutus Hiſpaniarum, Apoſtolice Sedis benedictionem ſuſcepit.]

8. Vincentius Burgundus Prologo in quattuor ſpecula doctrin. c. 13. & lib. 30. c. 61. Hugo Card. ad c. 17. Deuter. Henricus Hoſtien. Card. in Summa. §. Vnde. in fine Proceſſij. & de Aucto. & uſu pallij. §. Et quo loco. Albertus Magnus ad c. 16. Matth. S. Thom. ſeu Aucto. Opusculi ſibi adſcripſi de Regim. Princip. lib. 1. cap. 14. ſed ipſe Thom. 2. 2. q. 39. art. 1. & contra impugnantes Religionem. c. 3. Poſt quem omnes eius Interpretes, omnes Scholaſtici Doctores, Iuris prudẽtes veriuſque, ſacrorum Bibliorum Enarratores, & Hiſtoriographi, mira conſenſione, hanc aſſertam, veritatem acerrimę contra impios Hæreticos defenderunt.

9. Longum eſſet, etiam referre ſuo ordine Romanorum Pontificum, Petri ſucceſſorum teſtimonia, quę ex eorum Epistoſis Decretalibus habentur, ab Anacleto, uſque ad præſens xui: quibus tam verę, quàm grauius, ſapienter, & ſanctę hanc ſuam auctoritatem profitentur. Attamen pro Catholicis haud illa apponere neceſſarium eſt: qui autem torrenti ſſ. Patrum, & Doctorum, ac Conciliorum reſiſtere ſemel deſectuerunt, quique commotionem nubis tot, ac tantorum teſtium nobis impoſitz, non ſuſtinent; neque ſummorum Pontificum ſcripta, quę quaſi aque Siloę, cum maiori currunt ſilentio, neque eorum aurę tenuis ſibilum, ſuſtinebunt.

Imperatores Chriſtianos, Reges, Principes, & Magiſtratus ſeculares, agnouiſſe ſemper Eccleſia Romana Primatum, deſcribitur.

Cap. XXIX. §. I.

REFERVNT Eusebius Cęſarienſis lib. 6. c. 27. Hiſtor. & Nicephor. Calliſtus lib. 5. c. 25. Imperatorem Philippũ & fuiſſe primum ex Chriſtianiſ Imperatoribus, & B. Fabiano ſummo Ponti-

fici humiliter obediuisse; duni cum inter Christianos collocauit poenitentes, poenitentia cum illis, pro suis agenda delictis, participem, ac confcium futurum: ac Imperatorem summam hanc in Romano Episcopo auctoritatem cognouisse. Constantinus Magnus rescripto ad S. Siluestrum eandem luculentissimè fuit professus. Gratianus, Valentinianus, & Theodosius A A A. libr. 1. C. de Summ. Trinit. & Fid. Cathol. I. Cunctos populos. idem, Damasus Petri reuerentes successorem, demonstrarunt. Honorius Augustus ad Bonifacium Papam. Valentinianus 111. Epist. ad Theodosium Imper. quæ exstat in Concilio Chalcedon. Valentinianus, & Martianus A A. Epist. ad Leonem P. M. Martianus Imper. ad Leonem Papam. Galla Placidia Imperatrix Epist. ad Pulcheriam Augustam. Pulcheria Augusta epist. ad Leonem P. M. Anastasius Imper. epist. ad Hormisdam Papam. Iustinus Imp. epist. ad eundem. Ashalaricus Rex epist. ad Clerum Ecclesiæ Romanæ.

2 Est celebris Iustiniani epist. ad Ioannem Papam. & refertur C. de Summ. Trinit. & Fid. Cathol. item & rescriptio eiusdem ad eundem. in principio Authent. Vt Ecclesia Romana centum annorum gaudeat præscriptione. & in Authent. de Ecclesiasticis titulis, & privilegiis c. 2. & ad Bonifacium Papam. & in eius Decretis exstat. Sequuti sunt eadem mente Constantinus V. Imper. epist. ad Dominum Papam. Iustinianus 11. Imper. referente Beda de Sex ætatibus. de anno 4665. Luitprandus Longobardorum Rex in legibus Longobard. tit. 23. §. 5. Carolus Magnus epist. ad Elipandum Toletanum. & in privilegio Ecclesiæ Bremensis. apud Crætium in Metropol. lib. 1. cap. 7. & libr. 5. legum Franciæ. cap. 167. & lib. 7. cap. 235.

3 Kenulphus Rex Merciorum apud Anglos in hanc formam Leoni 134. scripsit Pontifici: [Vnde merito omnis per orbem exsultat Ecclesia: quia cum omnium vetus remunerator bonorum, gloriosissimum gregis sui Pastorem Hadrianum perpetuo remunerandum, super æthera duxisset: suis tamen ouibus pia crexit: providentia præuium, qui se it ouile Dominiæ ad caulas non inferius vitæ agitare. Nos quoque merito, quos extremas ovis tenet, eodem modo præ ceteris gloriamur; quia illius sublimitas, nostra salus est; illius procetitas, nobis perennis exultatio: quia vnde tibi Apostolica dignitas, inde nobis fidei veritas innotuit.] Et plura quæ ibi sequuntur ostendentia clarè Angliæ insulam ab Apostolica Sede Evangelij lucem, quæ illam extolleret, eius verò tenebras, quæ illam deprimerent, à Petro Martyre, à Bucero, & Caluino impijs, & audacibus Hæreticis suscepisse.

4. Eduardus Rex Angliæ sic scripsit ad Nicolaum 11. P. M. [Summo vniuersalis Ecclesiæ Pontificis Nicolao; Eduardus gratia Dei Anglorum Rex, debitam & subiectionem, & obedientiam. Glorificamus Deum, quia curam habet suæ electæ Ecclesiæ: quoniam in loco boni prædeces-

foris, vos optimum successorem constituit. Quapropter iustum iudicamus; apud vos, veluti ad solidam petram, acuire, & probare omnes bonas actiones nostras, & vestram notitiam, & societatem in bono habere; quatenus eas donationes, & privilegia, quæ obtinuimus apud prædecessores vestros, renouetis, atque augeatis nobis; videlicet, vt quod ille, iniunxerat nobis, sub nomine obedientiæ, & penitentia, propter votum, quod voueram ire Romam, &, in remissionem omnium peccatorum meorum, construere Cænobium Monachorum, in honore Apostoli Petri, ratum faciatis: & privilegia possessionum, & dignitatum eiusdem loci confirmetis, renouetis, & decernatis. Ego quoque pro modulo meo augeo, & confirmo donationes, & consuetudines pecuniarum, quas habet S. Petrus in Anglia: & ipsas pecunias collectas, cum regalibus donis mitto vobis: vt oretis pro me, & pro pace regni mei: & continuam, & solemnem memoriam instituatis totius gentis Angliæ, coram corporibus sanctorum Apostolorum.]

5 Quæ certè sola verba sufficere deberent, vt Serenissimi Angliæ Reges, Nouatorum suorum Doctorum, seu vilium, & ex plebis fæce seductorum, prætermisiss falsis suggestionibus, prædecessorum Regum insisterent vestigijs, quam illi Catholicam sunt venerati religionem venerantes: ac summum Pontificem Romanum Ecclesiæ agnoscere visibile caput, quod inuisibili Christo Domino visibiliter copulati, tandem eo, in cælesti Ierusalem, & Ecclesia triumphante, Hæreticis peccatoribus videtibus, & irascentibus fruerentur. Sed pro maiore Ecclesiæ Romanæ, eiusque summi Pontificis circa hæc iustificanda causa, semel, quid alij Angliæ Reges de hoc & senserint, & scripserint, proferamus.

6 Regina Angliæ epist. ad Cælestinum Papā. quæ est 144. inter epist. Petri Blesensis: sic ait: [Gentes diuulsæ, populi lacerati, prouinciæ desolatæ, & generaliter tota Occidentalis Ecclesia confecta lamentis, in spiritu contrito, & humiliato supplicat Vobis, quem constituit Deus super gentes, & regna in omni plenitudine potestatis. Afflictorum, quæso, clamor introcat in aures Vestras: calamitates enim nostræ multiplicatæ sunt super numerum: nec ista dissimulare potestis, citra criminis, & infamiæ notam; cum sitis Vicarius Crucifixi successor Petri, Sacerdos Christi, Christus Domini, Deus etiam Pharaonis. &c. Vbi est zelus Eliæ, in Achab? zelus Ioannis in Herodem? zelus Ambrosij in Valentem? zelus Alexandri in I. qui, sicut audiuius, & vidimus, patriam istius Principis Fridericum, plena auctoritate Apostolicæ Sedis, à fidelium communione præcidit? Porro tyrannus Apostolicas clauas habet ludibrio: nec, nisi verba, reputat legem Dei. Scriptum est enim: Qui vos spernit, me spernit. Ideo si vestram non vultis, aut Ecclesiæ Romanæ iniuriam persequi; vobis tamen dissimulare non licet Petri opprobrium, & iniuriam Christi.

7 Eduardus Rex Angliz epist. ad Bonifacium VI II. P. M. sic inscripsit: [Sanctissimo in Christo Patri Domino Bonifacio Diuina prouidentia, Eduardus, &c. Conferuetur Paternitas vestra, ad regimen Ecclesiz sue sancte, per tempora prospera, & longeva.]

8 Comites, & Barones Angliz sic ad Bonifacium VI II. P. M. scripserunt: [Sanctissimo in Christo Patri D. Bonifacio, Diuina prouidentia, S. Romanæ, ac Vniuersalis Ecclesie summo Pontifici, sui deuoti filii] Ioannes Comes Varran. Thomas Comes Glocestrie, & Hertfordie, deuota pedum oscula beatorum. S. Romana mater Ecclesia, per cuius ministerium, fides Catholica, in suis actibus, cum ea, vt firmiter credimus, & tenemus, maturitate procedit; quod nulli preiudicare, sed singulorum iura seruari velit illæsa, &c. Sanctitati V. reuerenter, & humiliter supplicamus, quatenus Dominum nostrum Regem, qui inter alios Principes orbis terræ, Catholicum se exhibet, & Romanæ Ecclesie deuotum, iura sua, & libertates, & consuetudines, & leges, absque diminutione, & iniquitate pacifice possidere, & illibata persistere, benignius permittatis.]

9 Eduardus Rex Francie, & Anglie epist. ad Clementem VI. sic scripsit: [Sanctissimo Patri, ac Domino D. Clementi Diuina Dei prouidentia, Romano, ac vniuersalis Ecclesie summo Pontifici, Eduardus Dei gratia Rex Francie, & Anglie, Dominus Hibernie, deuota pedum oscula beatorum.]

10 Henricus VI II. Rex Angliz in Assertionem. 7. Sacramentorum, aduersus Lutherum. Art. 1. sic docuit: [Negare Lutherus non potest, quin omnis Ecclesia fidelium, sacrosanctam sedem Romanam, velut matrem, Primatemque recognoscat, ac veneretur: quæcumque saltem, neque locorum distantia, neque periculis interiacentibus, prohibetur accessu. Quamquam, si vera dicunt, qui ex India quoque veniunt huc, Indi etiam ipsi, tot terrarum, tot marium, tot solitudinum plagis disuncti, Romano tamen Pontifici se submitunt. Ergo si tantam, & tam latè fusam potestatem, neque Dei iussu Pontifex, neque hominum voluntate consequutus est, sed sua sibi vi vindicauit; dicat, velim, Lutherus, quando in tantæ ditionis erupit possessionem? Non potest obscurum initium esse, tam immensæ potentie: præsertim, si intra hominum memoriam, nata sit. Quod si rem dixerit, vnâ fortasse, aut duas ætates, superare: in memoriam, nobis redigat, ex historiis: alioquin, si tam vetusta sit, vt rei etiam tantæ oblitterata sit origo, legibus omnino cautum esse cognoscit, vt cuius ius omnem hominum memoriam ita supergreditur, vt sciri non possit cuiusmodi habuerit initium, censeatur habuisse legitimum: vetitumque esse constat omnium consensu gentium, ne, quæ diu manserunt immota, moueantur. Certè si quis rerum gestarum monumenta euoluat, inueniet, iam olim protinus post pacatum orbem, plerasque omnes Christiani orbis Ecclesias obtinuisse Romanæ. Quin Græciam ipsam, quam-

quam ad ipsam commigrasset Imperium, reperiemus tamen, quòd ad Romanæ Ecclesiæ Primatum pertinebat: &c. præterquam dum Schismate laborabat, Romanæ Ecclesiæ celsisse.]

11 Liceat nobis hic proclamare cū Paulo, ad Galat. c. 5. Rex infelix, [carrebatis bene, quis vos impediuit veritati non obedire?] & cum eodem. c. 4. [O insensati] Hæretici Angli, & Scoti, [quis vos fascinauit, non obedire veritati: ante quorum oculos,] iam ab ipsa prima in Britannia, Anglia, & Scotia prædicatione Euangelij facta, [Christus proscriptus est, & in vobis crucifixus?] Hoc solum à vobis volumus discere: ex operibus Petri Martyris, Bucer, Caluini, & similium Sycophantarum, spiritum Christianum accepistis, an ex auditu fidei, per S. Iosephum ab Arimathia nobilem Decurionem, & nobiliorem Apostolum in Britannia primò prædicatæ, & deinde per SS. Damianum, & Fugatium, missos à S. Eleutherio Papa, & in Anglia primò per sanctos Apostolos, Augustinum, Laurentium, Iustum, Mellitum, & Petrum Abbatem, omnes Benedictinos Monachos, à Monacho Benedictino eorum speciali, & orbis Christiani communi Patre, summo Pontifice Gregorio Magno destinatos? Certè oportuisset, Vestrorum imitari maiorum pietatem: & Apologias & *Thapades* scriptas contra veritatem, in illorum conuertere Eulogias, qui Vos è tenebris infidelitatis, in admirabile Catholicæ fidei lumen vocauerunt: eorum inhærere vestigijs, in eorum sepeliri sepulchris; (quæ fuit ingens Patrum, & Regum benedictio sub priori Testamento,) qui Pontifices Romanos successores Petri, Vicarios Christi Domini, Ecclesiæque capita cognouerunt. Hæresibus nuncium remittere oporteret, easque abiurare, & Catholicam fidem à vestris regnis exsulem, domum postliminio reducere: vt æternis Elogijs in terra nobilitaremini, in cælis verò gaudiū, quod ex peccatorum conuersione nouum sequitur, Angelis crearetis.

12 Et quid opus est, Apologijs contra Reges illarum Insularum agere? Vos ipsos vobis ipsis, Reges Regibus opponimus: & non iam tot SS. Patres, & Doctores, ex Vestra gente: sed supplicamus, vt ad acta Regum Anglorum, & Scotorum auorum, proauorum, & atatorum Vestrorum Sanctissim. Prudentissim. & Fortissimorum, oculos conuertatis: eorum imitemini facta, veneremini scripta, studia consecutemini. Ac tandem ad ea, quæ Henricus Angliæ Rex vi. l. Ecclesiam Romanam, amans, scripserit, non ad ea, quæ amens fecerit, attendatis.

13 Quid senserit Ludouicus Imp. habetur apud Gratian. d. 93. Ego Ludouicus. Atē Ludonicus, & Lotharius A. A. epist. ad Eugenium P. M. Lotharius Rex epist. ad Hadrianum I. P. M. Basilius Imper. Constantinop. in Concil. 8. generali. Act. 6. Carolus Rex Franciæ epist. ad Hadrianum 13. Leo Imper. Serm. de S. Petro. Otho I. Imper. apud Gratianum. distinct. 63. Tibi Domino Papæ Ioanni. Hugo Rex Franciæ epist. ad Ioannem Papam. Fredericus I. Imp. epist. ad Emmanuelem Imp. Græcorum. Ludouicus Rex

Francorum epist. ad Alexandrum P.M. Alexius Imper. Græcorum epist. ad Innocentium 11. P.M. Leo Rex Armeniorum epist. ad eundem Innocentium. Reginaldus Rex Insularum epist. ad Honorium 11. Frideric. 11. Imper. in Constitutionibus, de Statutis, & Consuetudinibus, &c. Carolus Rex Siciliæ epist. ad Clementem 1 V. S. Ludouicus Rex Franciæ in Documentis scriptis filio suo Philippo ante mortem. exstant apud Guiljelmum Nangium. de Gestis S. Ludouici. Michael Palæologus epistol. ad Gregorium X. Andronicus Imper. Græcorum epist. quæ exstat Græcè in Bibliotheca Palatina. Henricus Dux Heluiz epistol. ad Ioannem xx1. Vladislaus Rex Poloniæ epist. ad eundem Ioannem. P.M. Sigismundus Imper. epist. ad Pontificem Romanum. quæ exstat in Appendice Concilij Basiliensis. Ladislaus Rex Hungariæ, & Bohemiæ Orat. Romæ habita. ad Nicolaum V. P.M. exstat apud Cochleum Histor. Hussitarum lib. 2. Ludouicus Rex Francorum epist. ad Pium 11. Sigismundus Rex Polonia epist. ad Concil. Lateranen. David Rex Æthiopiz epist. ad Ioannem Regem Portugalliæ. & epist. 1. & 2. ad Pontificem Romanum. Damianus à Coa epist. ad Paulū P.M. [Æthiopum Imperator, eum omnibus suis regnis, sub eua disciplina viuere cupit: nec quicquam magis optat.] Carolus V. Imp. in Concil. Vvormacien. Claudius Imp. Æthiopū epist. ad Paulum 11. P.M. Franciscus Rex Bungi in Iapponia epist. ad Gregorium x1. P.M. Procasius Rex Armeniorum epist. 1. ad eundem Gregorium P.M. Bartholomæus Omuranorum Princeps epist. ad eundem Gregorium. P.M. Sigismundus 11. Poloniæ Rex epist. ad Sixtum V. P.M.

14 Omnes Imperatores, Reges, Principes relati, in suis scriptis mira consensione, summum Pontificem Romanum, Ecclesiæ vniuersæ Caput, & Primum Ecclesiasticum Principem, & Patrem esse consensunt, & se ipsos illi, tamquam filios, omni animi demissione subiecerunt.

De Christi regno adhuc, & de Ecclesiæ potestate agitur, ex Mat. c. xlii.
Cap. XXX. §. 1.



DE Christo Domino in mundum passibili, & mortali ingrediente, & in eo conuersante, aliter fuisse loquutos, siue antiquos Prophetas, siue ipsos Euangelistas, & Apostolos, aliter verò de eo à mundo ad Patrem regrediente, iam immortalis, ac passionibus non obnoxio, facile perspiciet quicumque in sacræ Scripturæ lectione mediocriter versatus. Et pro antiquæ Paginæ pluribus locis hoc explicantibus, sit modo satis vnus Isaias. c. 33. de Christo passuro, sic loquens: [Domine, quis credidit auditui nostro? Et brachium Domini cui reuelatum est? Et ascendet sicut virgultum coram eo, & sicut radix de terra sitienti. Non est species ei, neque decor: & vidimus eum, & non erat aspectus;] & plura huiusmodi

quæ sequuntur. Ipse tamen Propheta de Christo, post passionem, & resurrectionem, ad caelos ascendente scribens, sic ait, cap. 63. [Quis est iste qui venit de Edom, tinctis vestibus de Bosra? Iste formosus in stola sua, gradiens in multitudine fortitudinis suæ? &c.]

2. Pro noui Testamenti testimonijs, seu exemplis, accedat ipsemet Christus, Matth. c. 20. sic docens Discipulos suos: [Filius hominis non venit ministrari, sed ministrare:] &c. 11. [Discite à me, quia mitis sum, & humilis corde.] Attamen discessurus è mundo, & ad Patrem reuersurus, Oeconomia nostræ redemptionis peracta, quàm magnifica de se protulerit, & quæ mandata Apostolis, de sua prædicanda per orbem, ac celebranda potestate, dederit, ex Matth. c. ultimo copiosè comprobatur. [Data est mihi,] dixit Apostolis, [omnis potestas in cælo, & in terra. Euntes ergo, docete omnes gentes, baptizantes eos in nomine Patris, & Filij, & Spiritus sancti. Docentes eos, seruare omnia quæcumque mandauì vobis.]

3. Quidam Interpretes de ea doctrina aiunt, Christum hic loquentum, quam in monte, vt habetur c. 5. apud eundem Euangelistam, nouam, ac inauditam illucisque attulerat. Latissimè tamen, ex communi sententia SS. Patrum, & Enarratorum Euangelij, illa Christi mandata se extendunt: cum plura, quàm illa eis aliàs proposuisset; cum multa etià illis solùm insinuasset: quorum intelligendorum, ac percipiendorum tunc essent incapaces, quæ postea erant illis clariùs, Spiritus sancti aduentu, fuggerenda. Quæ omnia voluit, & præcepit Christus, vt Apostoli per orbem cunctos mortales edocerept. Talia erant mandata, quæ Apostolus 1. ad Corinth. c. 11. scribebat, se illis allaturum dicens: [Cetera cum venero disponam.] Et de quibus ibi dixerat, [Laudo vos fratres, quòd per omnia mei memores estis; & sicut tradidi vobis, præcepta mea tenetis.] Et cap. 14 sic scripsit: [Si quis videtur Propheta esse, aut spiritualis, agnoscat quæ scribo; quia Domini sunt mandata.]

4. Data est mihi, dixit, omnis potestas in cælo, & in terra.] Lege cælitus accepta, descendit semel, & iterum Moyses ad populum, quò eam curiosius obseruaret, nihil, præter Dei præcepta, in ea contineri, spiritus illum obtestando. Christus Dominus summus noster Legislator, id primum discipulos admonet; potestatem, videlicet, illam, quam erat nactus, & in qua, & cum qua, per orbem, operis sui eos Vicarios destinabat, non esse præsumptam, nihil, sibi temerè arrogare: neque dare illis, quòd aliàs ipse non haberet. Data quidem fuerat omnis potestas Christo, quatenus Deus erat, à Patre eterno, qui fons totius Diuinitatis existens, per æternam generationem, potestatem omnem, sicuti & naturam ipsam Diuinam, dedit Filio, vt eum, [Deum de Deo, lumen de lumine, Deum verum, de Deo vero,] crederemus: sic dixit [Omnia tradita mihi sunt à Patre meo.] Luc. c. 10.

5 Item data est omnis potestas Christo quia quando homo factus est, eam cum natura accepit humana: ut nobiscum illam communicaret: ut dixit Athanasius. Accepit præterea potestatem Christus, quatenus homo erat, quam, quatenus erat Deus, naturaliter habebat: sicuti Gregorius Nissenus, & Cyrillus Alexandrinus explicarunt. Attamen, quod ad hunc locum propriè facit, non loquitur Christus hic de quacumque potestate, sed de ea, quam Apostolis tribuebat: id est, de potestate sui regni spiritualis acquirendi, colligendi, & veluti recuperandi: ad quem effectum ad orbem Apostolos trans mittebat. Sic loquitur Christus, tamquam de re noua, & quam ante resurrectionem, quasi non fuisset assequutus. Hoc & Athanasius adnotauit: ut eum sensum reddat, se de ea instituisse sermone potestate, quam habebat, tamquam hominum redemptor, quamque per mortem, ac suam resurrectionem compararat. Ius namque hoc sibi perpetuum firmauerat, ut quia sui effusione sanguinis; magno pretio non auro, vel argento, de vana conuersatione genus redemerat humanum, homines cunctos in regnum congregaret suum, eosque sibi subditos, ac morigeros efficeret.

6 De illa certe loquutus fuit potestate, quam ei Pater, quasi per nouam, ac miram generationem à mortuis suscitato, ut explicat Psalm. 2. Petrus Apostolus Act. cap. 2. promiserat, dicens ibi; [Filius meus es tu: ego hodie genui te. Postula à me, & dabo tibi gentes hæreditatem tuam: & possessionem tuam terminos terræ. &c.] Et Psalm. 71. de ea dicitur: [Dominabitur à mari vsque ad mare; & à flumine vsque ad terminos orbis terrarum.] & Psalm. 88. [Et ego Primogenitum ponam illum: excelsum præ Regibus terræ.] & Psalm. 109. [Dixit Dominus Domino meo:] Pater, videlicet, Filio, sic explicante Christo Domino, Matth. cap. 22. [Sede à dextris meis: Donec ponam inimicos tuos, scabellum pedum tuorum.] De qua etiam per Isaiam cap. 49. prædictum fuerat. [Ecce dedi te in lucem gentium; ut sis salus mea vsque ad extremum terræ. Hæc dixit Dominus: In tempore placito exaudiui te, & in die salutis auxiliatus sum tui. Et seruauit te, & dedi te in fœdus populi: ut suscitares terram, & possideres hæreditates dissipatas. Et diceres his, qui vincti sunt, exire, & his, qui in tenebris, reuelamini.]

7 De ea dubio procul loquutus fuit potestate, de qua Daniel prædixit cap. 7. [Aspiciebam in visione noctis; & ecce cum nubibus cæli quasi filius hominis veniebat; & vsque ad antiquum dierum peruenit. Et in conspectu eius obtulerunt eum; & dedit ei potestatem, & honorem, & regnum; & omnes populi, tribus, & linguæ seruient ei. Potestas eius, potestas æterna, quæ non auferetur: & regnum eius, quod non corrumpetur.]

8 De illa tandem egit potestate, de qua apud Ioann. c. 16. dixerat: [Confidite, ego vici mundum.] Hanc sibi affirmat Christus potestatem, per mortem, & resurrectionem suam, datam; quia eam cumulatissime

meruit: dicente Paulo ad Philip. cap. 2. [Humiliauit semetipsum, factus obediens usque ad mortem, mortem autem crucis. Propter quod, & Deus exaltauit illum, & donauit illi nomen, quod est super omne nomen: ut in nomine IESV omne genu flectatur, caelestium, terrestrium, & infernorum.] Ea potestas data est Christo in caelo, & in terra; de qua, dixit Apostolus, ad Rom. c. 14. [In hoc enim Christus & mortuus est, & resurrexit, ut viuorum, & mortuorum dominetur.] Qua potestate instructos, ad regni sui fines propagandos, Apostolos misit: ut optimè aduersus Eutychem lib. 5. Vigilius Papa fuit interpretatus.

9 Data est mihi, dixit, omnis potestas in caelo, & in terra:] ut significaret, se ubique Dominum, ubique Regem constitutum: quod Paulus ibi expressit. Attamen insinuauit Apostolis, alteram regni partem, eam, videlicet, quae erat in caelo, iam penitus acquisitam, iam exstare paratam: alteram, quae erat in terris residua, per Apostolos, quos ad id mittebat, spiritualibus bellis acquirendam.

10 Qui ergo in eam regni partem, nullis miserijs, difficultatibus nullis obnoxiam, sed quietam, paceque fruenter, ascendeat, in solio suo ad dexteram Patris confessus, Apostolos in alteram, curis, sollicitudinibus, contradictionibus, luctibus, mortibus, omni que poenarum, nedum delictorum, genere refertissimam, direxit; ea dispositione, qua sibi disposuit Pater aeternus regnum: ut irent in mundum vniuersum, & fructum afferrent, & fructus eorum maneret: quasi cum illis imperium diuidendo, ut ipse scanderet astra caelestibus imperaturus, ipsi non iam Iudaeam solam, sicuti olim eis praeceperat, praedicando peragrarent, ut in qua fuisset Deus notus, eiusque nomen magnum ibi habitum, quae etiam hereditario quasi iure, suum erat peculiare regnum: sed ex Psalm. 13. in omnem terram eorum exiret sonus: & in fines orbis terrae eorum verba personarent.

11 Data est Christo omnis potestas, qua & ipse potentes misit Apostolos in opere, & sermone, per mundum praedicaturos: ut populus incognitus Christo seruiret, ipsiusque dicto audiens esset: ex Psalm. 75. & illud Isaiae cap. 65. impleteretur. [Quaesierunt me, qui ante non interrogabant: inuenerunt, qui non quaesierunt me.] & illud Osee cap. 13. ab Apostolo ad Rom. cap. 9. celebratum: [Vocabo non plebem meam, plebem meam.] Ergo, dixit Christus Apostolis, ut intentum concludamus, quandoquidem à me mittimini, cui data est omnis potestas in caelo, & in terra, & à me est vobis communicata, (eam enim habet emphasim illa particula illatiua, [Ergo: docete omnes gentes.] Quod autem erant docturi, erat Euangelium: dicente Marco c. ultimo. [Praedicate Euangelium omni creaturæ.] addit Mattheus, Baptizantes eos in nomine Patris, & Filij, & Spiritus sancti.] Ecce ianua, per quam erant homines admittendi, ad sequetia, scilicet, [Docentes eos, seruare omnia quaecumque mandauimus vobis.]

12 Hinc est consequens, eodem præcepto teneri Christianos omnes excipiendi, ac seruandi Apostolorum mandata ab ore Christi proficiscientia, quo adstricti erant Apostoli ea hominibus publicare; eoque de eis copiosius instituire. Hinc est consequens, sanctiorem legem Deum hominibus cum Euangelio tribuisse, quam in Codicibus antiquis, per Moysen, populo Hebræorum descripsit: quò maior est Christus Filius, & Dominus in domo, quam Moyses, solum famulus reputatus. Hinc est consequens, non plus obligasse sexcenta & tredecim præcepta data illi carnali populo, ad sui obliuantiam, quam Euangelij mandata suos obligant professores; & tamen, firmitatem quis faciens legem Moysi, sine ulla misericordia, duobus, aut tribus testibus moriebatur: quanto magis, inquit Apostolus ad Hebræos c. 10. [maiora meretur supplicia, qui Filium Dei conculcauerit, eiusque sanguinem pollutum duxerit?] eius mandata, per Apostolos nobis tradita, contemnendo.

13 Docentes eos seruare omnia, quaecumque mandavi vobis.] Moysi dictum olim fuit à Deo, Exod. c. 25. [Inspice, & fac secundum exemplar, quod tibi in monte monstratum est.] Apostolis dicitur, [Docetes eos seruare, quæ mandavi vobis.] Vt omnia, scilicet, facerent secundum exemplar, quod ab ipso perceperant Christo. Vbi manifestè relucet potestas illis data, nouam hanc Christianam Rempubicam constituendi: eius tot negotia, sustinendi: eam armis legum sanctarum, etiam ciuilium, tuendi, moribus ornandi, statutis, decretis, Canonibus emendandi. Inter quæ celestia sancita, statim illud se præstat obuium, quo Christus vni Petro clauis huius regni tribuendo, cunctumque gregem pascendum eius committendo curæ, eum constituit fidelium omnium caput: quod ex primis est Christi mandatis, quod ceteri Apostoli mundum vniuersum seruadum docuerunt.

14 Mandatum igitur hoc habuerunt Apostoli publicandum: ut in prædicationis Euangelicæ limine, totius domus, quæ est Ecclesia Dei, ex Paulo, interior ornatus appareret: dum quò omnes domus incolæ pacis, & concordie arctiori vinculo adstringerentur, vnum sunt iussi habere caput, Principem vnum venerari. Nam si inter se dissiderent: si hæreses essent: (erant autem etiam Apostolis superstites, ut Nicolaus narratur à Ioanne in Apocalypsi: & ab ipso, ex Hieronymo in Prologo, fuit Euangelium conscriptum, propter Cerinthum, & Hebionem Hæreticos: & Paulus, epist. ad Timotheum, de Hymenæo refert, & Philetus. & epist. ad Galatas, de alijs: & Ignatius Petri discipulus, multos tum cauponari Euangelium docere, in Epistola ad Trallianos,) quis fuisset inter eos iudex, & arbiter? Quem in hisce questionibus, ac difficultatibus adibant? Apud quem conquirebantur? Quis coerceret, aut coerceret imperio patres? An Titus Timotheum, is Titum, vel vterque Episcopus Iacobum Ierosolymorum Episcopum conuenirent, suarum Ecclesiarum quieti consulturi?

Quam potestatem, se à Christo Domino accepisse, intellexerint Apostolis manifestatur. Cap. XXXI. §. 1.



CLEMENS discipulus Petri Apostoli, immò ab ipso Primitiæ eorum, quos ad fidem conuertit, vocatus non quòd primus, sed quòd fuerit potior. quique eiusdem Petri gessit summum Pontificatum, epist. ad Iacobum, fratrem Domini scripsit, ipsum Petrum docuisse: eunctorum Sacerdotum vitam superiorem, sanctioremque, atque discretam à secularibus, & laicis omnibus esse: & spirituales, (seu Pneumaticos, quos supra dicebamus,) quosque, atque Sacerdotes, super carnales, atque laicos semper constituendos, docebat. Quod cum scripsit Clemens, nulli erit dubium, ex doctrina eiusdem Petri, qui Christum Magistrum habuerat, & ratione, & verbis eiusdem Christi fuisse usum, quibus Luc. cap. 12. sic docuit. [Quis putas est fidelis seruus, & prudens, quem constituit Dominus super familiam suam?] 2 Eandem præfecturam Apostolorum, ac eorum successorum, super omnes fideles, etiam Principes, & Magistratus, idem Clemens ibidem tradere prosequens; postquam docuerat, Episcopos exorbitantes, non esse à laicis reprehendendos, vel arguendos: sed supportandos, nisi in fide errauerint: subiunxit: [Illi ergo super istis sunt, non isti super illos: quoniam maior à minore, nec argui, neque iudicari potest. Nullus se extollat super Doctores, & magistros suos: quia discipulus super magistrum esse non potest.]

3 Anacletus Pontifex item summus epist. 1. eodem magisterio Apostolico imbutus, ait: [Omnis oppressus, liberè Sacerdotum, si voluerit, appellet iudicium; & à nullo prohibeatur; sed ab ijs fulciatur, & liberetur.] Quo loco, certum est, Anacletum, non de oppressis ab Ethnica Potestate agere, in quam, nullam ipse, neque ceteri Præfecti Ecclesiastici potestatem exercebant; neque illius valebant oppressiones impedire. Loquebatur ergo de Apostolica potestate, qua, ex Christi institutione, Præfecti Ecclesiastici iudices seculares Christianos, ipsis Christianis constituebant; à quibus docuit, integrum fore, vim, seu iniuriam patientibus, ad ipsos Præfectos Ecclesiasticos prouocare.

4 Habetur etiam 2. lib. Const. Apost. cap. 34. huius doctrinæ Apostolicæ traditio, quam omnes Ecclesiæ Orientis, & Occidentis tenent, obseruant, & venerantur. Caput ergo illud sic habet: [Nam si de parentibus secundum carnem, ait Diuina Scriptura: Honora patrem tuum, & matrem tuam: vt benè sit tibi: & Qui maledixerit patri, aut matri, morte moriatur: quantò magis de patribus spiritualibus verbi Dei moneamur, honore, & charitate eos prosequi; vt beneficos, & nostros ad Deum

legatos! qui nos per aquam Deo regenerarunt; Spiritu sancto in pleuerunt: lacte verbi Dei aluerunt: & doctrinæ alimento nutriuerunt: monitis stabilierunt: corpore salutari, & pretioso sanguine nos dignati sunt; nobisque peccata remisierunt: & sanctæ, ac sacræ Eucharistiæ participes fecerunt: ac promissionis Dei consortes, & Christi coheredes constituerunt. His igitur reuerentiam adhibentes, omni eos genere honoris afficite: siquidem hi potestatem vitæ, & mortis à Deo acceperunt, in ijs iudicandis, qui deliquerunt: & in damnandis ad mortem ignis sempiterni: & ijs, qui se ad rectè vivendum convertunt, absolvendis, & vivificandis: &c. 34. Hos existimate vestros Praefides; hos putate Reges; his quasi Regibus vestigalia offerre; eos enim, eorumque domesticos alere debetis. Ve enim Samuel in 1. de Regibus lib. de Rege alendo sanxit populo: & Moyses Sacerdotibus in Levitico; sic nos vobis, de Episcopis sancimus. Nam si illic populus tanti Regis, pro viribus, seruitia, quæ vocant, præstabat, an non multo magis debet nunc Episcopos accipere ea, quæ sunt à Deo constituta, ad alendum eum, & Clericos eius? Ita modo si an plius aliquod dicendum est. plius hic accipiat, quàm ille olim accipiebat. Siquidem ille militaria tantum administrabat, bello, & pace; ad custodiendum corporis, susceptis: hic verò Sacerdoti, ad Dei honorem, administrat; ve pericula ab anima, & corpore præpulset. Quanto ergo animæ corpore præstantior est, tanto est Sacerdotium regno excellentius: ligat enim, atque soluit supplicio, vel remissione dignos. Quo circa Episcopum, oportet, ut patrem diligere, ut regem, metuere ut dominum honorare, offerendo ei in benedictionem vestram, fructus vestros, & opera manuum vestrarum; tribuendo, inquam, ut Sacerdoti Dei primitias vestras, & decimas vestras; primitias frumenti, vini, olei, pomorum, lanæ, & quicquid Dominus Lucas vobis suppeditat: & erit oblatio tua accepta in odorem suavitatis, Domino Deo tuo. Benedicet Dominus operibus manuum tuarum, & multiplicabit bona terræ tuæ, quia benedictio super caput impertientis:] Hucusque Apostolica Constitutio.

5 Hæc doctrina non solum tradita fuit à SS. Apostolis per sermonem, sed est facta Christi IESV Euangelium, ex litis Apostolo Paulo revelatum, & epist. ad Hebr. cap. 13. sic descriptum: [Obcedite Præpositis vestris, & subiaceite eis: ipsi enim pervigilant, quasi rationem pro animabus vestris reddituri.] Loquutus fuit ibi Apostolus de Præpositis illis, de quibus initio Capitis dixerat, [Memorote Præpositorum vestrorum, qui vobis loquuti sunt verbum Dei.] & hi certe non seculares erant Magistratus, non seculi Principes, sed Apostoli; & eorum discipuli Ecclesiastici Præfecti: quos, speciali ratione, non *seculares* vocavit, id est, Potestates, sicuti Lucas, c. 12. primò, & deinde idem Paulus ad Rom. c. 13. agens in genere de Præfectis, siue Laici, siue Ecclesiastici essent, illos nuncupaverat: sed appellavit eos. *ἡγεμῶνες*, id est, duces, & quasi præcursus: cum ad

Præpositos spirituales magis pertineat, ut exemplo præcant: quemadmodum & ipse Apostolus 1. ad Timoth. c. 4. scripsit: [Exemplum esto fidelium, in verbo, & conuersatione, in charitate, & fide, & in castitate.] Similiter etiam Petrus, dicens Episcopos, 1. p. 5. [Forma sadii gregis ex animo.] Iulij, faciendo prius, quod a iudicibus effici possunt, dicentes cum eximio illo iudice, Cædione, Iudic. cap. 7. [Quod me uiditis facere, hoc facite.] sicuti Paulus epist. ad Philip. cap. 4. [Quæ, inquit, & didicistis, & accepistis, & audistis, & uidistis in me, hæc agite.] Hæc autem omnia ad animarum curam spectant, & referuntur: pro quibus illi vigilant, ut ait Apostolus, Tamquam de eis Deo iudici supremo rationem reddituri.

6. Pauli Apostoli hæc doctrina duce, querendum est à quibuscomque, etiam superiis, in Christiano orbe Principibus, secularibus, An ad hos Igumenos, ad hos Duces, ad hos animatum Præpositos pertineant, an non? Haud credimus, responsuros, non pertinere; ne prioris conditionis haberentur, quam reliqui fideles non Magistratus mundi, non Principes seculi, non Potestates orbis; cum, qui pro animabus eorum vigilarent, quasi de eis rationem reddaturi, ut ceteri omnes habent Credentes, Igumenos, & Præpositos non haberent. Omisetas, & infelices Germania, veriusque, Angliæ, Scotia, Hibernia, Geneva, Ruspelæ, Sedanii &c. Principes, & Magistratus, quorum animas, Christi IESU sanguine redemptas de vana conuersatione, vigilijs pastorum, medicorum remedijs, cura patrum, impoltores, & illusores Hæretici vestri Ministri spoliant, & nudant: eas præcipientes agentes, ut rursus ad vomitum Atheismi reuertatur.

7. Sin verò pertinent Principum animæ ad dictos Igumenos, seu Duces, & Præpositos, ut necesse est fateantur: opadire ei go eis, & subiacere, sicut Apostolus præcepit, debent. Sunt ergo maiores eis: minores enim, nullus ordo petitur, minoribus subiacere. Deinde, cum Apostolos Petrus Episcopos conuectatur, ut pascant gregem, qui in eis est, erudendum est in eo grege, quem pascere iuber, Magistratus, Potestates, Principes, Reges seculi contineri. Neque hoc Christiani Principes, Christianorum, omnium Principi Episcopo est negandum. Locum igitur ouium tenent: ex quo sit rursus, ut sub potestate sint spiritualis Pastoris, ut Gregorius Nazianzenus, supra citatus, ad Imperatorem loquebatur: fund ergo Episcopi, & Episcoporum, ac Christianorum omnium summus Pontifex, maiores, quam Magistratus, Potestates, & Principes seculi: ad nosque omne ius Ecclesiasticarum rerum, & causarum, & eorum omnium, quæ quantumvis Politica sint, ad eorum salutem animarum spectant. In de quibus eorum æternus Pastor à Pastoribus dictis, quos sui operis Vicarios constituit, est summam, sicuti diligentem, rationem quaſiturus.

8. Præterea cum Christus Dominus ait Luc. cap. 12. [Quis putas est fidelis dispensator, & prudens, quem constituit Dominus super familiam

suam,

suauit, vt det illis in tempore, tritici mensuram?] nullo modo dici potest, hunc dispensatorem, Principem esse secularem; sed Ecclesiasticum, esse. Præfectum: non Magistratum Civilem, sed spirituales esse Præpositum, omnino fatendum est. Dispensator namque spiritualis; in domo Dei, quæ est Ecclesia, mensuram tritici Christianæ familiæ distribuit, congruo tempore; ne laboret fame illa, de qua minatus fuit Paterfamilias Iudæis; Amos cap. 8. dicens: [Ecce venient dies, dicit Dominus, & mittam famem in terram; non famem panis, neque sitim aquæ, sed audiendi verbum Domini.] Quod Cyrillus explicans, clarissime in Iudæis impletum esse dixit; qui Propheta, & Magistro carent, scientie, crassitudinem detrahare historiæ, & sub littera latetia mysteria eruere, ac propagare. Cum enim non admiserint Christum, dicentem Ioan. cap. 6. [Ego sum panis viuus, qui de celo descendi,] necessum est, vt in illis impleatur illud Isaia cap. 3. [Ecce serui mei comedent, vos autem esurietis: serui mei bibent, vos autem sitiētis.] hæc tamen ex mente Cyrilli.

9. Doctrinam ergo verbi, & mandata, quæ Apostoli à Christo Domino euulganda acceperunt, cum speciali potestate; ea Christianos omnes edocendi, & cum speciali mandato, ea recipiendi, & obseruandi, Christianis iniungo, quibusque Episcopi, & Sacerdotes, & præcipue Sacerdotum summus Romanus Pontifex, ministrant, vnde Christus ipse ait hic, [mensuram tritici:] quæ accommodanda est, ad vsum, & necessitatem eorum, qui sunt pascendi, cum non omnes, eadem sine ratione, per Ecclesiastica, ac Euangelica pascua recreandi. Quis enim ignorat, præsertim Pauli magisterio, consulta victus ratione, alijs lacte opus esse, alijs solido cibo, qui perfectorum est? Temporis deinde notata circumstantia, certum est, ex Ecclesiaste dicente cap. 3. [Tempus tacendi, & tempus loquendi:] in tempore esse adhibendam verbi doctrinam, quæ veluti tritici mensura habetur: accinente Ecclesiastico c. 31. [Vbi auditus non est, non effundas sermonem.]

10. Ad hæc, illud etiam maxime declarat, hunc dispensatorem, quem constituit Dominus super familiam suam, quod ei opportunè de tritici demenso prouideret, non esse Civilem, sed Ecclesiasticum Magistratum; quod difficilis, & ardua res sit, ipso Domino testante, huiusmodi dispensatorem fidelem, ac prudentem reperire. Hoc intelligitur, ex Idiomate Scripturæ sacræ, quæ has difficiles inuentu res, percontando est solita enunciare. [Mulierem fortem, quis inueniet?] dictum fuit, Proverb. cap. ult. [Verumtamen Filius hominis veniens, putas inueniet fidem in terra?] dixit Christus Dominus, Luc. cap. 18. sic & hic percontatus fuit: [Quis putas est fidelis dispensator, & prudens, quem constituit dominus? &c.] Quod claro, & affirmante sermone Proverb. cap. 20. sic scriptum fuit: [Virum fidelem, opus inuenire. Id est, arduum, summaque cum difficultate coniunctum est. Hoc enim significat hic, opus, vt illud Poe-

ta, [Hoc opus: hic labor. &c.] & idem, Isidorus Pelusiota epist. ad Palladium Diaconum, adnotauit.

11. Haud tamen sic est difficilis inuentu dispensator Civilis, fidus, & prudens: id est, Rector, aut Præfector ciuitatis, regni, vel prouinciæ, qui fide, prudentia, necessariaque animi dexteritate, legibus eam moderetur, & regat; cum sola homini insita ratio de eo, quod unusquisque non vult affici iniuria, omnes doceat; sicuti, neque alios ab eo iniuria fore, afficiendos. Hinc plures præcesserunt filij huius seculi, quales vocabat Christus Dominus, in generationibus suis fidi, & prudentes ciuitatum, immò Rerum publicarum, & regnorum institutores, ac Legum lattores, ut Solon, Lycurgus, &c. qui quidē veritatem hanc non cognouerunt, quā solus Deus docet, quæque solū habetur eius magisteri o: eam enim, ut de Gentium Philosophis docuit Petrus Apostolus, apud Clementem, ab alio, qui eorum similis esset, discere non potuerunt. *πλὴν πολιτείας*, dixit, *μόνος ὁ ταῦτα, ἐκείνης διὰ τοῦ λόγου γινώσκονται δυναμίτες, αἷτις ἐλάτω, ἐκ τοῦ μὴ θέλει ἀδικεῖσθαι, τοῦ μὴ δύναιτο ἀδικεῖν, τὴν γὰρ πᾶσαν παρισσύν.* hoc est, [præter solam illam Politiam, quæ propter rationis conuenientiam, cognosci potest: quæ unicuique, hoc ipso, quod iniuriam pati non vult, indicat, non esse alijs iniuriam irrogandam.] His accedit, Paulum Apostolum, secularia iudicare; facile esse censuisse, 1. ad Corinth. cap. 6. inter eos maximè, qui Christiana imbuti disciplina, non pro suorum actionum fine, sed pro suarum passionum medio, ad pacem Euangelicā fruendum, lites essent habituri.

12. Opus igitur, illud, ille labor: dispensatorem reperire prudentem, qui, ut oportet, præesse valeat Ecclesiæ; in quā administranda, tanta, tanq; excellens spiritualis est requisita prudentia, ad diiudicandum ne dum de spiritualibus, verūm de Civilibus Ecclesiasticis; ac secularibus legibus; ex quarum conditione iusta, & obseruantia debita, pax, & tranquillitas animorum Christiani populi pendet; pro quibus est Deo rationem redditurus: tanta, & tam eximia fidelitas, erga Deum, est necessaria, qui ei familiam suam concredidit; & eum domini suæ ad Sacramenta dispensanda præfecit: eumq; ad ea dispensandum, charismate potestatis, & doctrinæ ampliissimè cumulauit. [Data est mihi omnis potestas in cælo, & in terra. &c.] dixit Christus Dominus: [Sicut misit me Pater, & ego mitto vos. Euntes ergo docete omnes gentes, baptizantes. &c. Docentes eos, seruare omnia, quæcumque mandavi vobis.]

13. Potestatem hanc, cum doctrina, à Christo Domino Apostolis communicatam, ad prædicandum Euangelium, baptizandum, docendum, gentes omnes, seruare ea mandata, quæ illis tradiderat, inter quæ tot præcepta de Hierarchia, ac Politia Ecclesiastica, à nobis supra relatæ, continentur, appellauit Apostolus, scribens 2. ad Timoth. cap. 1. verbo

concepto, ac mysterij pleno, [Depositum;] sic dicens, [Bonum depositum custodi.] Est autem in confesso apud omnes Doctores, etiam Philosophos Ethnicos, de iustitiæ specialis virtutis partibus tractantes, ad custodiendum depositum, magna opus esse fidelitate. Hinc Isaias, eos, qui docent alios, quæ ad salutem animæ spectant, quales sunt Ecclesiastici Præsides, Custodes, vocavit, dicens, c. 52. [Quoniam vox Custodientium exaltata est:] quæ est. Cyrilli etiam observatio. Neque silendum est, Prophetam eundem, c. 12. Sobnam Pontificem, qui in ijs, quæ ad Deum pertinebāt, summo præerat Sacerdotio; vocasse, Hebraicè *סוֹבְנָם*, Græcè translatum, apud Septuaginta Interpretes, *ραββας*, id est, Thesaurarium, seu Custodem, eorum, videlicet, quæ fidei eius, tamquam depositum, commissa erant, nempe præcepta, caeremoniæ, & quæ modo quocumque Dei cultū concernebant. Et hunc optimè noster vulgatus Interpres: [Præpositum:] nominavit.

14. Ergo cum prudens, & fidelis dispensator ille apud Lucam, qui Custos, Thesaurarius, seu Præpositus est apud Isaiam, in illa Parabola à Christo Domino super familiam suam constitutus, si Scripturæ sacræ loquendi modus, si rei intima consideretur ratio, nequeat convenienter Potestas quæcumque secularis, & civilis intelligi, esse: sed omnino sit Præfectus Ecclesiasticus explicandus: optimè Apostoli intra illius potestatis, quam missi fuerunt à Christo exercere per orbem uniuersum, intellexerunt contineri eam rationem, Ecclesiam cum sua Hierarchia, ac Politia instituendi, quam ei à suis initijs tradiderunt; quamque perpetuo ordine conservauit; quò Apostoli fidem suam apud Ecclesiæ Institutorem Christum Dominum, ac præcepti illius Auctorem, scilicet, [Euntes ergo, docete, &c.] illud sic adimplendo, liberarunt: sicuti eorum successores, continenti seculorum serie eiusdem præcepti exsequutores, fidem, quam similem Christo debebant, liberantes, exemplum præcessere suis posteris, quò eiusdem exsequutioni incumbentes, fidem similem Christo debitam acerrimè liberabunt. Habent enim sicuti promptum, sic & securum iubentis Christi ipsius, ad tanti muneris functionem, auxilium; qui eo tempore, quo prouinciam adeò arduam illorum imposuit humeris, ut docerent omnes gentes, seruare ea, quæ in Euangelio à se prædicato, & cælitus deportato, mandauerat, sic illis promisit: [Et ecce ego vobiscum sum omnibus diebus, usque ad consummationem seculi.] Et hinc constat manifestè, doctrinam Petri illam à Clemente relata, qua Spirituales quosq; atq; Sacerdotes, super carnales, & laicos semper esse constituendos; docuit, mira concordantiâ, cum Parabola Evangelica, de dispensatore super Domini familiam constituendo, conuenire. Constat etiam, Hæreticos callidè docere, nō obligari peccato Potestatibus secularibus nō obediētes, ne contrario ab eis admissis, concedere cogantur, peccare eos, qui spirituali non obediunt Potestati.

*Assumptum precedentis Cap. adhuc probatur, & quadam Obiectio
dissolvitur. Cap. XXXII. S. 1.*



POTESTATEM talem se recepisse, intellexerunt Apostoli, quando Christus Dominus eos in orbem, prædicaturos Evangelium, destinavit; ut essent Ecclesiarum Episcopi, quasi novi Moyses, & Aaron, ut sicuti illi in veteri Hierarchia, & Politia, sic & ipsi essent primi, & summi Sacerdotes in noua; & præset ex eis vnus caput totius Hierarchiæ, qui tunc erat Iesus, eorum, & Christianorum omnium Princeps, & deinde eiusdem potestatem exercerent Romani Pontifices, eiusdem legitimi successores. Sic figuræ, erat decens, correspondere veritatem, vmbra ipsam rerum imaginem: ut sicuti erat Moyses Hierarcharum legis primus Mysta, & Dux, ut Dionysius Areopagita Eccles. Hierarch. c. 4. ait, in lege perfectiore vnus summus Mysta, & Dux, omnibus præficeretur. Hoc certè ratio concordie, ac animorum vnitatis, quam Christus suis discipulis adeo enixè commendauerat, postulabat: ut sicut erant super singulas Ecclesias, tamquam super singulas familias Christi, singuli dispensatores constituti, quibus sua cuique familia obsequeretur, ut concors esset: sic super vniuersos dispensatores esset vnus etiam constitutus, cui ceteri omnes dispensatores, & familie Domini eis commissæ obtemperarent; ut esset hæc ratione Monarchiæ, vna omnium membrorum, vnus corporis arcta compago, stricta, connexio, & concors coniunctio; neque, quod Paulus tantum vetabat, in varias sectas, hic nexus quasi cælestis Christiani corporis, scinderetur.

2. Tantam, ac talem potestatem se à Christo Domino suscepisse, docuit Petrus, apud Clementem, cum Zachæum, Episcopum ordinare vellet, sic dicens: [Oportet multitudinem fidelium vni parere: ut hoc modo valeat in concordia persistere. Quod enim desinit in Principatum vnus Potestatis, ad similitudinem Monarchiæ, facit, ut qui ei obediunt, propter conseruationem ordinis, pace fruantur. Contra verò, nolle vni obedire, cupiditate inperandi, causâ plenè existit & discordiæ, & ruinæ.]

3. De hoc omnino videnda est Apostolica Constitutio. 2. earum libr. c. 28. de honore Episcopis tribuendo, agens ex collatione ad ipsos Idolorum sacerdotes. Legendus est etiam Gregorius Magnus epist. ad Mauritiū Imper. qui & ex illo Exod. c. 22. [Applica illum ad deos:] & ex illo Malach. c. 2. [Labia enim Sacerdotis custodient scientiam, & legem requirent ex ore eius: quia Angelus Domini exercituum est:] & ex relatione Eccles. Historiæ. de Constantino Magno, causas Episcoporum, ad Episcopos, tamquam ad Deos, reijciente; de qua supra, & ex Paganorum religione falsa, honore verò maximo suos Sacerdotes dignante colligit,

& Prefectorum Ecclesie potestatem, & venerationem, quæ eis à summis debetur Principibus: quam cum illis exhibent, sibi magis ex humilitate, quam illis ex reuerentia præstare impensa, verissime Diuinus Gregorius æstimauit.

4. Neque est intelligendum, cum Apostoli hanc à Domino potestatem acceperunt, sibi umquam persuasisse, Politiam, ciuilemque administrationem, hominum quibuscumque congressibus, & congregationibus necessariam, sua illa tanta potestate iri disrumpendam, aut modo quocumque violandam: cum licet ore vno Pauli, adducto cap. 13. ad Romanos testimonio, communi tamen cunctorum consensu, Christianis fuerit omnibus suo iniunctum: [Omnis anima Potestatibus: sublimioribus subdita sit.] Verum illam ciuilem facultatem secularibus Christianis Principibus, immò Ethnicis suo tempore, respectiue, in ijs, in quibus subijci nullum esset animæ periculum, relinquendo, sese negotijs secularibus non implicantes, vt Deo placerent, cui se probarunt, seu delegerunt, ex Paul. 2. ad Timo. cap. 2. ab eorum tractatione, quantum poterant, abstinebant.

5. Intellexerunt ergo Apostoli, sibi eam à Domino potestatem communicatam, quæ Ecclesie corpus, etiam Politicè, consisteret, eò modo, quò & Euangelium ipsius Christi Domini de hoc disponens, supra à nobis explicatum, prædicandum assumpsere: quò tandem tandem, variisque potestatis, & spiritualis, & secularis officia, & munera actibus proprijs, & dignitatibus distinctis, discreta remanerent: vt Nicolaus Magnus Pontifex, itemque eruditissimus, ad Michaellem scripsit Imperatorem, de Discrimine potestatis Imperatoris, & Pontificalis differendo. Cuius discriminis hæc est summa, vt & seculares Potestates, pro æterna vita, vt ille ait, spiritualibus Potestatibus indigerent: & spiritualis Potestas pro cursu temporalium tantummodo rerum, Magistratum, & Potestatum legibus secularium vteretur: vt sic, additis militans Deo minimè se negotijs secularibus implicaret: neque rebus Diuinis perfidere videretur, qui esset negotijs secularibus implicatus. Et modestia vtriusque ordinis curaretur, ne exolleretur vtroque suffultus: & competens qualitatibus actionum professio specialiter appareretur.

6. Obligant igitur, colligendo ex dictis, leges Potestatis secularium, quibus illæ qualitates Concl. vnica. 1. Partis. supra attributa sunt, conscientiam secularium, ad eorum, respectiue, obseruationem, ætente Paulo, dicto cap. 13. ad Rom. [Ideoque necessitate subditi estote, non solum propter iram, sed etiam propter conscientiam:] id est, ne non obediendo, peccatum admittamus, de quo nos conscientia nostra accuset: & fiduciam apud Deum amittamus, impetrandi quod petierimus: sicut Ioannes, 1. c. 3. omnes Christianos erudiuit. Obligant ergo ex consequito necessario, multò magis leges spirituales eorum, qui Ecclesiasticam, & Apostolicam naturam sunt potestatem, omnes Christianos, ad sui obseruan-

tiam, hoc quoque dicente Petro, qui illam potestatem primus, inter primos, accepit, apud Clementem, cum Zachæo, non quidem opus, & laborem Ecclesiam gubernandi, defugienti, sed ex nimia humilitate, Episcopatum recusanti, ne præesse diceretur. Petri sunt hæc verba, summa digna animaduersione: [Sin verò prorsus non vis sciri, quòd potestatem habeas gubernationis; videris mihi nescire, ad contemnendum in metu, & pudore multitudinem, multum valere, potestatem Præpositi manifestam. Vnusquisque enim ei, qui potestatem accepit, obtemperat, quippè cum magnam obtemperandi necessitatem conscientia imponat.]

7 Isthæc est, Auctore Clemente; D. Petri sententia, de spiritali, & Ecclesiastica potestate, quam à Christo, siue simul cum alijs Apostolis, siue speciali ratione, quatenus & illorum, & totius Ecclesiæ Caput, pro se, & suis successoribus Romanis Pontificibus, à Christo Domino accepit, & de qua loquebatur: quæque, si qualis, & quanta est, à Christianis omnibus nosceretur, haud Hæretici assererent, Ecclesiasticos Præfectos dominatum, & tyrannidem in conscientias exercere, doctrinam à Paulo Apostolo, & ab alijs suis Coapostolis scriptam, ad suam, & aliorum perditionem, pro more deprauantes; errantes, neque Scripturas sacras intelligentes: neque scientes virtutem, quam Apostolis, & eorum successoribus Præfectis Ecclesiasticis Deus administravit: neque veterum Patrum, & Sanctorum sequentes interpretationes, qui dono intellectus illuminati, Ecclesiam non solum sanctis suis actionibus, sed etiam doctrinis salubrioribus illustrarunt.

8 Is certè est verus dominatus, ea est vera tyrannis, huic Apostolicæ potestati, nedum Hæreticos, vbi potentiores sunt, aditum interclusisse, verum fidei Catholicæ Orthodoxæ, & Apostolicæ professoribus, illius expressam, & publicam, immò, quæ crudelior tyrannis est, secretam confessionem denegasse: vt, sub ciuilibus conuersationis tuendæ prætextu, solus Christus, & eius Christiana, Euangelicaque doctrina, exsulet: vbi plus quam centum & septuaginta nouarum hæreseon innumeris professoribus, earum clara, & publica professio non negatur.

9 Scimus etiam, quosdam Hæreticos, ex Lutheranis maxime, argumenti à Christi Domini doctrina desumpti, de dispensatore prudente, & fideli, vi, & efficacia conuictos, vt nihil intactum relinquant, de Præfectorum Ecclesiæ non solum potestate, sed etiam fidelitate, & prudentia disseruisse: sicuti supra Molinæum vidimus disputantem: quibus occurrèndum etià est: hocq; est habendū pro certo, nihilo à nobis, vt vt sint, minore esse afficiendos honore, quam si omnes qualitates à Christo Domino requisitæ illorum animos, & actiones exornarent. Hoc docuit ipse Christus, hoc monuit, hoc nobis facere præcepit toto suo Euangelio, hoc rebus à se ipso gestis, exemplo suis discipulis præcundo, declarauit. Ad

Sacerdotes mittebat leproſos à ſe mandatos, & illis ex lege Moſaica debitum obſequium exhiberent. Coram Pontificibus, & Sacerdotibus iudicandus adſtans, non tantum infidelibus ſibi, & imprudentibus, ſed & ſummè impijs, eorum fuit præſentiam reueritus. Sed illa generali doctrina, Matth. 23. Chriſtus plures in Eccleſia de Præſectorum ſuorum exortitur, quæſelas, & quæſtiones ſemel amputans, & decidens, ſic dixit: [Super Cathedram Moysi ſederunt Scribæ, & Phariſæi. Omnia ergo quæcumque dixerint vobis, ſervate, & facite; ſecundum opera verò eorū nolite facere; dicunt enim, & non faciunt.] Quod certè Chriſtus Dominus non propter Moysen tantum dixit, cuius lex breviffimè erat ſpatio temporis antiquanda: ſed propter Eccleſiæ ſuæ futuros Episcopos, & Præſectos quoscumque Eccleſiaſticos. Et hoc ipſum docuit Petrus, referente Clemente, in ordinatione Zachariæ, in Episcopū Caſaræ, omnes Chriſtianos exhortans ad Episcopos honorandos: [Audite, inquit, Episcopū veſtrum, & ne pigeat, omnem ei honorem exhibere: non ignaros, quod ei præſtatis, Chriſto præſtari: & quod, hac occasione, Chriſto præſtatis, ad Deum referri: & ei, qui præſtiterit, multò amplius eſſe reddendum.] & ſublungit: [Thronum ergo Chriſti honorate: quia & Moysi Cathedram honorare iuſſi eſtis: quibus, qui ſederent, peccatores eſſe exiſtimaretur.]

Et quia non ſcribimus Locos communes, ſufficiat, pro hac perſuadenda veritate, Gregorij Magni teſtimonium illud, graviffimum, ex eadem Episcopica ad Mauritium Imper. Poſtquam enim Pontificiam, Sacerdotalem, & viſueret Eccleſiaſticam extulerat dignitatem: ne quis bonos Sacerdotes honorandos eſſe putaret, nialos contra, non honorandos, ſubiungit prudentiſſimus, & fideliffimus domus Dei diſpenſator, & Pontifex. [Hæc ergo non tantum ſpecialiter, quantum generaliter, pro omnibus aſſerimus Sacerdotibus; quoniam adhuc niſcimus, quis in terribili iudicio Dei, qualis futurus ſit. Etenim Paſſus egregius Prædicator dicit: [Nolite ante tempus iudicare, quoaduſque veniat Dominus,] & reliqua. Nam ſunt multa, quæ de iudicio illius homines ignorant, quia forteſſe, quæ vos laudatis ille reprehendens, & quæ vos reprehenditis, ille laudabit.]

Qualiter Apoſtoli illud Chriſti Domini præceptum: [Euntes ergo, docete, &c.] exſequuti ſuerint, explanatur. Cap. XXXIII. §. 1.



GOMMUNI. Viget ſibi à Chriſto, Apoſtoli poteſtate, Euangelium per orbem prædicandi, Gentes, pedum, iudeos, edocendi, ſervare omnia mandata, quæ ab eo acceperunt: eam conſervationis in Eccleſia formam, & plantarunt, & conſtituerunt, ut omnibus innotſceret Chriſtianis, ut Cretæ, exempli gratia, Episcopi omnes Titum à Pau-

lo primatum illis Episcopum creatum. Titus ipsum Paulum, Paulus ipse Petrum considerant, ac cum eis de gravibus Ecclesie negotijs, semper conferrent: Roma Petrus, & Paulus de rebus, tamquam ex Pontificia, ac suprema Petri Cathedra, decernebant; novam Rempublicam instituebant, non solum religionis legibus, sed etiam Civilibus omnibus, quæ ad honestum vitæ genus pertinerent: quibus Petri, & Pauli Epistolæ referta sunt.

Interdixit Paulus, Christi hac potestate prævia, Christianis foro Echnicæ, iussit Christianum constitui iudicem, i. ad Corinth. cap. 6 quod prius latè sumus prosequuti: sicuti quod à Petro, Clemente, &c. Republica hac in dies Christiana augeſcente, fuit constitutum, ut primatum civitatum: primarij Episcopi, & essent, & dicerentur Metropolitanis, ceterisque præſent. Hæc omnia clarè demonstrant Apostolorum summam in huius Reipublicæ erigendæ, ac conservandæ potestatem, ab ipso Christo Domino sibi traditam. Condere enim novam Rempublicam, iurisdictionem Echnicis adimere, Christianis attribueret, sub ea, videlicet, forma superius à nobis descripta, & à Christo Domino designata, hoc certè Principis hominis erat: est namque summi Imperij, hæc summa iurisdictione. Petrus similiter cum Clementem sibi soscicavit, vetuit, ne in profanis negotijs versaretur: neve secularium causarum, rerumve iudex, esset, aut cognitor; sed laicis ipsis Christianis inter se relinqueret; qui si ignorarent, à Diaconis edocerentur: unde omnino prohibuit, ne ad iudicia externa laici vocarentur: sed inter ipsos, iudices ab Episcopo sibi dari iussit: quod ex Epist. 1. Clementis, habetur etiam 1. r. q. 1. Te quidem, quæ tota est videnda: ut, quæ, & Concilia, & Pontifices, Imperatoresq; de hac iurisdictione sanxerint, considerentur, & superius satis de hoc dictum est.

Attamen iurisdictionem omnem, ut docent Iureconsulti, vel legatam, seu mandatam esse oportet, vel ordinariam. Hæc datur à Principe, vel à lege, illa ab habetè ordinariam, vel à Legato Principis. Quis ergo hisce Christianis laicis, quis hisce sapientibus, vel etiam ex Paulo contemptibilibus iudicibus hanc tribuerat iurisdictionem? Ut inde, erat ordinaria, an mandata? Quis illis iudicibus mandaverat? Si ordinaria, quis concessit? Si mandata, aliena erat: cuius ergo? Ecce est necessum, omnino ad hoc venire principium: [Data est mihi omnis potestas in celo, & in terra. Euntes ergo, docete omnes gentes, baptizantes, &c. Docentes eos, servare omnia, quæcunque mandavi vobis.] Ut intel ligamus, à Christo, inter alia, hoc fuisse Apostoli mandatum, ut Ecclesie Christianæ Rempublicam eo ordine constituerent, quo inter se haberet, & leges, & earum ex sequutores; quibus absq; secularis Potestatis interuentu, posset iustissimè gubernari.

Immo in eadem Clementis Epistola, dixit Petrus, Ecclesiam esse,

nauium: eius gubernatores, Episcopum, Presbyteros, & Diaconos esse; nauigantes autem, seu vectores, Græco vocabulo appellatur, *ἡνίκας*, laicos ait esse. Quis ergo regebat illam nauim? quibus Iudicibus gubernatio nauis, & Magistrorum; ac inter vectores cum ipsis, & inuicem, rerum; ac causarum cognitio competeat? Certè ex Petri, & Pauli, certè ex Christi sententia, ad Ecclesiam, eiusque Prælatos générale nauis regimen pertinebat.

5 Quod si dixerit quis, Apostolis imposuisse Christum, docendi gentes, illud onus, ad cælum iam iam discesurum: Paulum verò tantæ huius Ecclesiasticæ iurisdictionis, ac potestatis descriptorè, haud ad Christum Præceptorem, sic potuisse suas dispositiones reuocare: accedat ipse Paulus, pro se respondens, etiam eum de iurisdictionis materia erat specialiter tractaturus: ad Corinth. cap. 13. [An experimentum quæritis, inquit, eius, qui in me loquitur Christus?] Poterant quidem ceteri Apostoli dicere, Omnia facimus in Reipublicæ Christianæ conditione, secundum exemplar, quod à Christo, adhuc in terris agente, nobis monstratum est. Dicebat Paulus, 1. ad Corinth. cap. 12. [Raptum se fuisse, usque in tertium cælum, & audiuisse in paradiso arcana verba, quæ non licet homini loqui.] Ibi didicit Euangelium, ibi hausit inaudata, leges, statuta, decreta, quæ Ecclesiæ obseruanda proposuit: ut posset dicere etiam, Omnia facio iuxta exemplar, quod mihi in cælo monstratum est.

6 Ad hæc, peculiari Christi Domini providentiâ gestum est, ut Paulus, Ecclesiasticæ potestatis, & iurisdictionis esset singularis; & asserptor, & descriptor, & enarrator; qui acerrimus exsisteret, Iudaicæ iurisdictionis tutor, & obseruator, & defensor; cum non aliter, quam acceptis patentibus Litteris à Principe Sacerdotum, Act. cap. 9. Damascum pergeret, victos in Ierusalem, Christianæ viæ professores quoscumque reperisset, adducturus. Sciebat ergo optimè Sanctus, paternarum suarum traditionum, cum erat zelantissimus amulator, quid Cæsari Iudæorum tunc regi; quid Deo esset reddendum? Sciuit postea Paulus: [vas electionis factus Christo, ut portaret nomen illius coram regibus, & Gentibus, & filiis Israel.] Act. cap. 9. quid Cæsari, quid Regibus, circa iurisdictionem, ac potestatem in Christianos esset reddendum; quid interim Deo; cum Ethnico foro Christianis interdixit.

7 Neque inde colligendum est, Petrum, & Paulum, quæ dudum ædificauerant, rursus voluisse destruere: qui adeo studiosi erant honoris Regum, qui Christianis tam enixè commendabāt, ut essent eis subiecti: eos, obsecratione premissa, hortabatur ad orandum, postulandum, obsecrandum, & gratias agendum, in Diuinæ conspectu Maiestatis assidue, pro Regibus, pro Principibus, pro ijs, qui erāt in sublimi constituti loco: ut quietam, tranquillam, & pacificam vitam agerent omnes; hos ergo Apostolos, sic Rempublicam suam novam instrucentes, haud est credendum, eam

alibi de noluisse confundere statum Politicum Regum eū, Christianis, ne illorum in suis litibus adirent ministros, ac Magistratus, deterritis, perturbando: Sed, sicuti legem Evangelicam, sine fictione, à Christo didicerant, sic eam, absque Principum etiam Ethnecorum, circa hanc Ecclesiam, eiusque Præfectorum potestatem, inuidia, in concionem, seu Ecclesiam hanc noiam concuntibus fidelibus, communicabant.

8 Hinc olim referente Luca, Act. cap. 5. Theudas, qui se magnum, Iudæorum, iactauerat ducentis eorumque libertatis assertorem, certicem, cum quadringentis viris, qui ei adhaeserunt, contra Magistratum Romanum erigens, fuit ab eo subito dissipatus. Iudas deinde Galileus tempore illius generalis, sub Augusto Imper. descriptionis orbis, auersa magna populi parte, illi persuasit, ut excusso Romanorum iugo, sese in libertatem vendicarent. Hic tamen non solum seipsum perdidit, sed & omnes illi consentientes in extremum exitium pertraxit. Contra verò Petrus, & Paulus, nedum Palæstina, & alijs remotioribus, Romano Imperio parentibus, prouincijs, verum in ipso urbis Romæ, seu orbis medio, Claudio, & subinde Nerone Imperatoribus, Euāgelij doctrinam inuexere: Ibi leges spirituales ediderunt, totius religionis cultum continentes, ibi leges ciuiles totius Ecclesie, ac Christianorum Reipublice statum, ac ordinem spectantes, diuulgauerunt: nequequam tamen ob id à Magistratibus reprehensi Gentilibus, quasi ab eorum iurisdictione populos auerterent, vel in materiā adeo sicuti Politicæ, scrupulosa, Imperatoriam vel læderent, vel imminuerent Maiestatem.

9 Et quid facilius Romanis Imperatoribus, potestatis audis, imperij cupidis, ditionis sitibundis, quam si in animum semel inducerent, leges Christianæ Reipublice Ciuiles, suis esse do minis vel noxiæ, vel insidiosas, Apostolos, eorumque affectas, ac discipulos Christianos hoc delere prætextu, quod rebelles Imperio, sacram Romanam ditionem violarent? Hoc tamen neque Petro, neque Paulo à Gentium Magistratibus imposuim fuit, quorum doctrina, quorum Epistolæ, & in eis leges Christianis præscriptæ Politicæ, haud Romanos latebant curiosos Iudices, ac Præfectos. Et praxis saltem, earumque exsequutio, haud latere illos poterat, qui eorum notabant gesta, quasi hominum, qui noua Dogmata, siue, ut Athenis Paulo dictum fuit, Damonia, noua nunciabāt.

10 Narrat Egeſippus, nepotes quosdam Iudæi Apostoli, Domitianum Christianis iratum adijſſe: illique exposuisse Christi regnum, non mundanum, non terrenum esse, sed celeste, & æternum, & sese illius sectatores, non arma, non gladios, non bella, non conspirationes tractare, sed orationes tantum, ac preces; & à summo Deo quieram, ac pacatam vitam, tam sibi, quam Imperatoribus impetrare. Qua ratione, ac oratione, Domitiani animus recōciliatus est, haud interim affectat, seu præsumptæ iurisdictionis Christianos, umquam inuoluendo. Sic Qua-

dratus,

draeus, & Ariſtides, Hadrianum in Chriſtianos ardentèr concitatum, ſuis orationibus, libris, & Apologijs placarunt; & Ediſtum ab eo in Chriſtianorum gratiam tenuerunt. Iuſtini Apologia ad Antoninum Pium tantum valuit, vt edixerit Imperator, ne Chriſtiani amplius vlla moleſtia afficerentur. Apollinaris Hieropolitanus Apologia quadam, ſimilem gratiam à Vero Caſare, ſui ſeculi Chriſtianiſ adeptus eſt. Similiter Tertullianus in Apoſogetico, Chriſtianos à rebellionis crimine vindicauit. Themifiſius libro Valenti dedicato, pacatum eum reddidit, còque adegit, vt pœnam mortis in Chriſtianos latam, in exſilium commutarit.

11. Simili ratione alij Eccleſiæ Procere, ſorationibus, precibus, ſcriptis declamationibus, ſeſe Caſaribus expurgarunt, & eos ex iratis, ac exacerbatis, ſibi beneuolos reddiderunt. Nullibi tamẽ, neque apud delatorum querelas, neque apud Principum iras, neque apud Chriſtianorum ſcriptas ſatiſfactiones apparebit, Ciuilis adminiſtrationis præſumptæ, aut uſurpata iuriſdictionis roxa, fuiſſe Rempubicam Chriſtianam, damnatam, aut eius Præfectos inſimulatos, & conuiſtos: cum tamen iuriſdictionem ſæpe à nobis prætatam, ſicuti à Petro, & Paulo, & ceteris Apoſtoliſ, ex Chriſti Domini ore illam acceperant, exercerent. Hac via gens Chriſtiana altàs egit radices, res Credentium auctæ ſunt, Reſpublica Euangelica creuit, ac paulatim ipſos domans, ac vincens ſuos perſequentores, Idolorum proculeato honore, Chriſti crucem, in ipſis Imperatorum diadematiſ collocarunt.

Animaduerſio differentia legis ſcriptæ, & Euangelicæ: & confirmatio prædictorum: & quale regnum Eccleſiæ ſit dicendum.

Cap. XXXIV. §. I.



TERTIO huius Traſtatus Principio, de dignitate Legislatoris Chriſti, de eius legis quædam præmiſimus perfectione: quæ viam ſternunt, vt breuiſſimè ſubiungamus id, quod huius regni, ac poteſtati in Eccleſiæ cauſam ſoueat, ac faueat. Statuunt Diuini Theologi, inter alias, hanc non mediocrem differentiam inter ſcriptam legem, ac Euangelicam, quòd lex, ſit doctrina inchoata, Euangelium autem, doctrina perfecta.

In tribus autem verſatur tota Scriptura; in Credendis, Sperandis, & Faciendis: ſeu in Myſterijs fidei, Promiſſionibus, & Præceptis. Sed in omnibus hiſ tribus, longè præſtat Euangelica noui Teſtamenti doctrina, legis antiquæ magiſterio. At hæc conſtabat iudicijs, Ciuilibus legibus, varijs, ac multiplicibus ordinibus, ac ſtatutis, & decretis, quibus Hebræorum Reſpublica gubernabatur. Oportet ergo, concedere legi Euan-

gelicæ, etiam in hac parte, excellentiam, felicioraque, ac faciliora accepisse à Christo Legislatore mandata, quibus moles eminentissima huius Euangelicæ Reipublicæ sarta, ac tecta seruarietur. Hæc autem sunt illa, quæ sparsim per Euangelij sacros Codices continentur, quæq; Apostoli iussu à Domino prædicare Gentibus, eis in regnum Christi colligendis, ac congregandis exposuerunt: ac potestate sibi ab eo communicata, interriti, nullis Regibus, nullis circa hoc, eos impediendis Principibus, plantauerunt.

3 Neque sumus inmemores, Principio, huius Tractatus initio à nobis præposito, firmatum fuisse, hanc Christi Domini nouam legem antequamque Scripturæ, ad nouam Paginam pertinentis, editionem, perfectam, suisque numeris absolutam existisse. Quo supposito, eosequens est, hæc omnia, quæ ex Euangelij, ex Apostolorum siue gestis, siue scriptis, colligimus, ad Politiam, Ecclesiasticamque immunitatem firmandam, hæc scripta præcessisse, nedum Practicæ, verumetiam & Theoricæ. Et promissus esto de iurisdictione Ecclesiastica, etiam in Laicos, exemplum Scribit Paulus, ut vidimus 1. ad Corinth. c. 6. audaciam Christianorum Corinthiorum esse, aliquem fratrem conuenire alium fratrem, iniuriarum quarumcumque actione, coram iudice infideli, Sanctis, iudicibus prætermisissis. Rogamus ergo pium Lectorem, quantæ vrgenti, seu congrua ratione, Paulus cum Corinthijs ageret, sic ex abrupto eos audaciæ arguens, si hoc illis non fuisset cum ipso Euangelicæ prædicationis laudæ suggestum, ne Christianus Ethnicorum forum adiret, ut contra Christianum causam agigaret?

4 Diximus, non latuisse Iudices, ac Præfectos Ethnicos, qua Politica gubernatione Christianorum regnum, seu cætus, & congressus eorum regerentur; indeque facile potuisse ansam sumere, eos inhibendi, si iurisdictionis laicæ violatores, & fori Principum vsurpatores reperirentur. Hoc autem verosimillimum esse, ostendit Epistola Plinij Secundi Ethnicis, lib. 10. epist. ad Traianum Imperatorem; cum Proconsul regeret provinciam Ponti, & Bithyniæ. [Stato die, (inquit, de Christianis referens:) soliti sunt ante lucem conuenire; carmenque Christo quasi Deo dicere, secum iniicem: sequi sacramento, non in scelus aliquod obstringere: sed ne furta, ne latrocinia, ne adulteria committerent: ne fidem fallerent; ne depositum appellati denegarent: quibus peractis, morem sibi discendendi fuisse, post Edictum meum: rursusque coeundi, ad capiendum cibum, promiscuum tamen, & innoxium: quod ipsum facere desissem, post Edictum meum, quo, secundum mandata tua, Hæterias esse vetueram.] *Vebetrias*. dicunt Castellani, corrupto vocabulo: quæ sunt hominum amicæ societates, ac coitiones.

5 Et quidem Politicarum legum illam dispositionem, quibus Christiana Respublica gubernabatur, non taxauit Plinius: quæ leges, haud solum ad actum Theoricum pertinebant, sed etiam ad Practicum: & qui

prohibebant furta, adulteria, &c. actu, & re ipsa in suis Hereticijs, & damnum ferentibus restitutione, & inferentibus separationis à cœtu Christiano poenam iuridicis actionibus, irrogabant. Et hoc Romanam Plinij, & aliorum Praefectorum, & disquisitionem, & indagacionem curiosa non latebat; à cuius iurisdictionis exercitio, numquam, quasi inofficiosi, fuere Christiani per Ethnicos perturbati.

6 Quòd si quæ Christus de hoc regno Ecclesiae dixit, & docuit, & quæ sui Discipuli ab eo acceperunt, de hoc regno prædicando, madata consuegamus, & comparemus, videbimus, Christum, Matth. cap. 4. ad poenitentiam homines inuitasse, appropinquatione regni cælorum illos exhortando: ubi Gloss. interl. regnum, ipsum Christum, qui dat, vel Ecclesiam, cui erat promissum, intellexit. Sed in processu Capituli docet Matth.

Christum per totam Galilæam Evangelium regni prædicasse: quem locum optimè explicuit Apostolus Act. cap. 10. idem esse dicens, Evangelium regni prædicare, & testificari Evangelium gratiæ Dei: & ad Timoth. 1. cap. 1. appellat idem, Evangelium gloriæ Beati Dei. Et cum Christus homines vellet à terrenarum rerum cura auocare, & ad seriam, & æternam duraturam, quærenda transferre, sic docuit, Matth. cap. 6. [Quærite primum regnum Dei, & iusticiam eius, & hæc omnia adicientur vobis.] Quod regnum rursus explicuit Apostolus ad Rom. c. 14. [non esse escam, & potum, sed iusticiam, & pacem, & gaudium in Spiritu sancto.]

7 Hæc igitur Christi regnum Apostolis, & Christianis certo modo communicatum, non fuit quid temporale; ad aliorum modum regnorum, seu Regum; quæ eius potestas, non fuit caduca, & transitoria: neque per homines, in statum terrenarum potestatum, introducta: sed superioris cuiusdam fuit ordinis, à Deo procedens immediatè in omnes res creatas, & super omnes omnium hominum, & omnium Angelorum actiones; & illud explicat dictio illa, [omnis;] dum dicit Christus, [Data est mihi omnis potestas in cælo, & in terra:] eundem enim sensum facit illud signum [omnis;] ac si omnes per species singulas recenserentur à Christo potestates. Quod idem docuerat, Luc. cap. 10. dicens: [Omnia mihi tradita sunt à Patre meo;] & instante iam sua morte spontanea, ac voluntaria, sic dixit, Ioan. cap. 18. [Sciens, quia omnia dedit ei Pater in manus.]

8 Paulus verò Apostolus hæc loca miris his Commentarijs illustravit, ad Hebræos cap. 1. dicens: [Quem constituit hæredem vniuersorum.] & cap. 2. exponens illud Psalm. 8. [Omnia subieciisti sub pedibus eius:] subdit, [In eo enim, quod omnia ei subieci, nihil omisit non subiectum ei.] Et eundem ad Corinth. cap. 15. idem vellet docere, quod se explicaret, & exceptione firmaret regulam in contrarium, eundem locum Psalmi tractans, signanter Deum solum ab hac Christi potestate, & ab eius dominio excepit dicens. [Cum autem dicat, omnia subiecta sunt ei sine dubio, præter eum, qui subiecit ei omnia.]

Etiam si non esset summus in Ecclesia Pontifex, seu Papa, adhuc fore in ea illius potestatem summam, docetur. Cap. XXXV. §. 1.



QUA veritate cōstāte, noster dicēdi de hac potestate Petri, & brevis accedat discursus, Principū seculariū omninō vānis elmoribus satisfactorius. Esto, Christus, sicuti reuerā instituit summi Pontificis auctoritatem; & potestatem immediatē: demus, illam non instituisse; & qui de eius qualitate seu malint, quantitate, vel Principes seculares, vel eorū Consiliarij, & a seientia, seu conscientia Doctores, & Theologi, de illius quidditate, & substantia, vel disputant, vel disputamus, omnes consensu vno, non esse in Ecclesia Papam, & vnum summum Pontificē, admittamus. Esset tamen Ecclesia? esset lex Christiana? esset Euangelium, quod Christus docuit? esset regnum Ecclesiasticum? si non generale, ac vniuersum, Monarchieūque sub vno capite summo Pontifice Romano, saltem in partes plures diuisum per prouincias, vel aliās, cum suis congruis sēpioribus ex Apostolo ad Ephes. cap. 4. relatis ministris? an non esset? Certē apud Catholicos esset; apud impios Hērēticos, si non est in hoc seculo, eorum obstinatam compescens audaciam, erit in futuro, pēnas igneas tot, ac tantis eorum sceleribus, perpetuas infligendo. Igitur hæc lex Christiana, hoc Christi certum, & indubitatum Euangelium, hæc sacra, nouæ Paginæ scriptura, docent expressē, in Ecclesia Catholica esse quamdam potestatem, esse quoddam ius regni, esse quoddam regnum, cui immediatē omnes Christiani, siue subditi sint, siue ipsi supremi Dominatores immediatē, sine exceptione, debeant obedire.

1 Hæc fuit primò prædictio Isaia: Propheta: seu Quinti Euangelistæ expressa sententia: qui præuidens in spiritu hanc Ecclesiæ Christianæ potestatem, & hoc eius regnum, & dominiū, sic cap. 60. fuit vaticinatus. [Et ædificabunt filij peregrinorum muros tuos, & reges eorum ministrabunt tibi, &c. Et aperientur portæ tuæ iugiter, die, ac nocte non claudentur: vt afferatur ad te fortitudo gentium, & reges earum adducantur. Gens enim, & regnum, quod non seruiert tibi, peribit: & gentes fortitudine vastabuntur. &c. Et venient ad te curui filij eorum, qui humiliauerunt te; & adorabunt vestigia pedum tuorum omnes, qui detrahebant tibi, &c. Et suges lac gentium, & mammilla regum lactaberis. Et ponam visitationem tuam pacem, & Præpositos tuos, iusticiam.]

3 Ecce, omnibus Catholicis Doctoribus explicantibus, Ecclesiæ regnum, & potestas, & maiestas, quæ lacte gentium, & mammilla earum regum, id est, diuitijs populorum, & regum, erat satianda; Septuaginta Interpretibus sic vertentibus; [& diuitias regum comedes:] & Chaldaico textu id similiter explicante. Hæc tamen omnia de statu Ecclesiastico

in lege Christi, & de Ministris Ecclesiæ esse specialiter dicta, explicuit idem Propheta, dum cap. sequenti, eadem, quæ successuræ Ecclesiæ prædixerat, in eius Ministris Ecclesiasticis esse adimplenda, sic dicens, confirmavit: [Et vocabuntur in ea fortes iustitiæ, plantatio Domini, ad glorificandum.] Quæ verba de Ecclesiâ ipsâ superiori capite prædixerat, sic dicens: [Populus autem tuus omnes iusti, in perpetuum hereditabunt terram: germen plantationis meæ, opus manû meæ ad glorificandum.]

4 Sequitur dicto capite 61. dicens: [Vos autem Sacerdotes Domini vocabimini: Ministri Dei nostri: dicetur vobis: Fortitudinē Genti ū comedetis;] vel, vt habet Hebræica dictio, opes, seu facultatem Gentium, comedetis: [& in gloria earum superbiētis:] seu ex Hebræo etiam Idiomate, lætabimini, seu splendidi, seu admirabiles, seu gloriosi eritis: vertōtibz sic etiam Septuaginta Interpretibus: [in diuitijs earum eritis admirabiles.] Quo charactere dicendi, Ecclesiæ Catholicæ Ministros, cum sua maiestate, & immunitate videmus significatos, & eorū bonā inuoluntaria, ab ipsiſ etiam Regibus, illis nedum tuenda, verum etiā liberalissimē fore præstanda; cum omnibus Patribz sic exponētibz, consideramus.

5 Deinde, vt loquamur ex nouæ Paginæ testimonijs, quando Christus Dominus in longinquam regionem discessurus ex Luc. c. 19. dixit Petro, Ioan. cap. vlt: [Pascē oues meas:] non arctauit suarum ouium, vsque ad finem seculi futurarum, custodiam, ad personalem Petri præsentiam, qui paulo post erat Christum per crucis ignominiam, seu veriùs gloriam, sequuturus: ita vt, Petro vita functo, Fideles, eius oues, essent sine pastore permansuri: ergo præceptum illud ad Petrum Episcopum semper videntem, id est, ad munus, & illius officium semper viuens; id est, ad Petri, ordine suo, successores illud tractaturos fuit directum: immo omnes Episcopos suarum ouium respectu, idem est intelligendum, à Christo eas pascendi, id est, gubernandi, & regendi præceptum habuisse. Vnde est consequens, de iure Diuino esse in Ecclesiâ hanc potestatem; & hoc regnum, cui omnes Christiani debeant obtemperare.

6 Sic rem hanc intellexit ipse Petrus; Diuinus Christi Domini Euangelicæ doctrinæ Scholiastes, dum 1. epist. cap. 5. sic scribit ad omnes Episcopos, immo etiam ad Presbyteros: [Pascite, qui in vobis est gregem Dei.] Idem docet Apostolus Paulus, Actuum cap. 15. sic exhortans Ecclesiæ Ephesinæ maiores natu: [Attendite vobis, & vniuerso gregi, in quo vos Spiritus sanctus posuit Episcopos: regere Ecclesiam Dei, quā acquisiuit sanguine suo.]

7 Et cum superius Parte 2. hoc argumentum latè tractauerimus, per recapitulationē, & breuē additionem, illud ex Scripturis sacris adhuc vrgēam. Deut. cap. 17. sic habetur. [Si difficile, &c. Qui autem superbiērit, nolens obedire Sacerdotis imperio, qui eo tempore ministrat Domino Deo tuo, & decreto iudicis, morietur homo ille; & auferēs malum]

de Israel.] Ex quo loco, & alijs similibus, Philo doctissimus Hebræus lib. de Victimis. & Theodoretus q. 1. in Leviticum. & Procopius Gazus, in Commentar. 4. cap. Levitici. Pontificem Rege præstantiorem fuisse apud Iudæos cōfirmāt. Quod si in antiquo populo erat, in statu Levitico talis, ac tanta potestas, quanto magis eam habent novi Pontifices testamenti?

8 Matth. cap. 16. dictum fuit à Christo Domino Petro: [Quodcumque ligaueris super terram, erit ligatum & in cælis.] Quæ verba, Expositoribus omnibus Catholicis consentientibus, debent referri ad ea omnia, quæ secundum Scripturæ usum, dicuntur ligari: cum ibi Dominus in genere sit loquutus: Sed ligare, significat, etiam imperando leges imponere, dicente Christo, Matth. cap. 23. de Scribis, & Phariseis: [Alligant enim onera gravia:] Ergo ipse Petro promisit, ut quam obligationem, præcipiendo, fidelibus ipse, & Episcopi eius successores imposuerint, rata ab eo simul in cælis habeatur: & ut eorum præceptum, sit etiam præceptum ipsius Christi. Item cap. 18. [Si peccaverit in te. &c.] vsque ad illud, [erunt ligata & in cælis.]

9 Ioan. cap. 20. sic dixit idem Dominus ad Apostolos: [Sicut misit me Pater, & ego mitto vos.] Super quem locum ait Chrysostomus, [suū eis reliquit ministerium:] Sed Christus missus est à Patre cum potestate, etiam præcipiendi, & iudicandi, ut omnes Theologi docent; ergo hanc potestatem Apostolis dedit, præcipiendi, scilicet, & iudicandi, eo modo, quo super ea à vobis declaratum est.

10 Ad Roman. cap. 13. docuit sic Apostolus Paulus: [Omnia anima, Potestatibus sublimioribus subdita sit.] Quæ locum subtilissime supra explicuimus 2. Par. & addit infra: [Ideoque necessitate subditi estote, non solum propter iram,] id est, metu pœnæ: [sed etiam propter conscientiam:] id est, peccati, si non subdmini: ut explicant Theod. Ambros. Beda, Anselmus in hunc locum, & Augustinus epist. 84.

11 Et ad Corinth. 1. cap. 4. idem scribit sic: [Quid vultis, in iuga,] id est, iudiciaria puniendi potestate, ut omnes Expositores Catholici interpretantur, [veniam ad vos?] & c. 11. [Laudo vos, quod præcepta mea teneatis:] & 1. ad Thessal. cap. 4. ait: [Qui hæc spernit, non hominem spernit, sed Deum.] & 2. ad eod. cap. 3. [Si quis non obedit verbo nostro per Epistolam, hunc notate: & ne commisceamini illi.] Quod idem prius Christus Dominus Luc. cap. 10. sic docuerat: [Qui vos audit, me audit, & qui vos spernit, me spernit.]

12 Item ad Hebræos cap. 13. sic docuit: [Obedite Præpositis vestris, & subiaceite eis.] Quæ locū explicans Basilius in Conflut. c. 20. ait, [Apostolū subiunxisse: Id enim vobis non est utile:] Vbi Græcè nō habetur negativè, sed *ἀναγκασιᾶς* id est, incommodum, seu damnosum: seu detrimentosum: propter pœnas videlicet, quibus ab eis, si non obediatis, eritis puniendi in foro externo, & contentioso: ut supra satis probatum fuit.

13 Sic etiam ad Ephes. cap. 4. docuit; agens de Christo Domino, [Ipse] dedit quosdam quidem Apostolos, quosdam autem Prophetas, alios vero Evangelistas, alios autem Pastores & Doctores, ad consummationem Sanctorum, in opus ministerij, in ædificationem corporis Christi; donec occurramus omnes in unitatem fidei, & agnitionem filij Dei.] Quo loco meminisse oportet illius regulæ Tichonij, ab antiquis Patribus adeo approbatæ, de Christi duplici corpore, & reali, & vero; de quo non loquebatur hic Apostolus; & de corpore mystico, scilicet, tota Ecclesia cum Christo suo capite, de quo ibi loquebatur. Hoc corpus erat ædificandum ex duplici statu, & seculari, qui exciperet Apostolos, scilicet, missos, seu legatos, qui legatione, ex eodem Apostolo 2. ad Corinth. c. 5. pro Christo, per mundum vniuersum, fungebantur, vt Deo reconciliaretur; audiret Prophetas, id est, illam legationem explicantes, donis linguarum, & sermonum explanationis donatos; crederet Evangelistis, gesta Christi Domini; & diu legem enarrantibus; Pastoribus denique, id est, Rectores, Ducibus, Prælati docentibus, & præceptis, exsequentibus iurisdictionem prælio, & præna contentam, obtemperaret: & ex alio statu etiam ædificaretur, Ecclesiastico, videlicet, qui ex dictis Apostolis Prophetis, Evangelistis, & Pastoribus, seu Prælati erat integrandus.

14 Ex quibus omnibus locis, & alijs supra Part. 2. Cap. 2. adductis, & alijs adhuc inferias, super hoc eodem argumento, adducendis, negari non potest, in Ecclesia, & eius Prælati esse ius, & potestatem à Christo Deo, & hominibus immediate illis datam, ad leges condendas, etiam coactiuas, præter Ciuiles, humanasque, quæ sint Diuinae, & Evangelicæ, pro Ecclesia bene gubernanda: ad exercendum imperium in omnes omniuin statuum Christianos, sine exceptione, ad præcipiendum etiam actus indifferentes, faciendo, ex vi præcepti, necessarios, ad instituendas denique regulas, quæ humanarum; & Christianarum actionum directiones repræsentant.

15 Sed huius iuris, & potestatis, exercitium, & actus ipse demonstrat clarissime, rationem. Apostoli enim Act. cap. 5. de suffocato, & sanguine, legem ediderunt, de quibus neque à Christo; neque à natura fuerat aliquid institutum. Ad Timotheum cap. 3. legem tulit Paulus, de bigamis non ordinandis. Petrus in hac potestate Ananiam, & Sapphiram occidit. Paulus idem Elimam Magum excoecauit: & Alexandrum, ac Hymenæum excommunicauit; & in Corinthum incestuosum instit. coram Ecclesia Corinthi congregatæ, sententiam ab eo latam excommunicationis promulgari.

16 Hæc tandem eum probent, tam in spiritali iurisdictione exercendam, esse à Christo datam immediate Ecclesiæ Prælati potestatem in omnes Christianos, sine exceptione, quam in externo, & contentioso foro Ecclesiastico, habemus inuentum: quantumcumque non esset vnus summus

Pontifex in Ecclesia, figuri est, qui Christi Domini vices gereret, adhuc
 seculares omnes, etiam Principes, huic esse subiectos potestati, & foro
 Ecclesiastico; in ijs, quæ ad illud respectiue pertinent. Etiam habemus,
 dictos Prælatos posse, & debere simpliciter dici, & appellari, Diuinas
 creaturas; non solum quæ generali ratione, homines omnes, ex dictis,
 quatenus à Deo immediate creati sunt, Diuinæ creaturæ, nuncupantur;
 sed speciali, & indiuidua hæc de causa, quod sint à Christo, non ab ho-
 minibus, constituti in Ecclesia, siue Apostoli, siue Euangelistæ, siue Pro-
 phetæ, siue Pastores, & Doctores; ad quos gradus est omnis Ecclesiasti-
 cus status regentiū reducendus. Habemus tamē hac admissa potestate,
 etiam summi Pontificis Romani potestatem esse admittendam: & hac
 negata, illam Ecclesiæ ex consequo denegari.

*Si Pontificia Romana dignitas esset ab hominibus instituta, ad-
 haberet præfatam potestatem. Cap. XXV. l. 1. §. 1.*



PREDICTIS tamen hanc peculiarem rationem,
 ducimus adiungendam, sed maximopere notandam.
 Nam si, vt demonstrauimus iam, in societatibus homi-
 num, generaliter, & in vniuersum de mundi totius ge-
 stis iudicando, licuit non solum hominibus, verum etiam
 opus fuit, ad tenuiorum res à potentiorem iniuria de-
 fendendas, aliquem, potentioribus potentiorē, inquirere
 hominem, qui ius omnibus alijs æquabile reddens, ab eis, omnis generis
 iniurias propulsaret; Cur id ipsum ergo, in Ecclesiastica non licuisset
 Politia, Ecclesiasticis societatibus, & personis, si à Christo alijs, Caput,
 & Monarcha Petrus, & sui successores Romani Pontifices non fuissent co-
 stituti totius Ecclesiæ; vnam, videlicet, aliquam personam Ecclesiasti-
 cam, potentiorē potentioribus, creare in superiore, & summam po-
 testatem; quæ ex Diuinæ legis Christiænæ præscriptis, omnes Christia-
 nos in officio contineret? Quæ personæ ad hanc amplissimam super alios
 potestatem, ad hoc summum ius in Ecclesia, tam in suis spiritualibus,
 quàm in civilibus rebus, & temporalibus administra da, sic existens cum
 esse deberet Episcopus quidam, & supremus Pastor, & Rector, & Episcopi
 à Deo, ex suppositione facta, immediatam haberent potestatem, & essent
 dubio p̄focul talis potestatis, & tale ius ipsi immediate concessit Eccle-
 siæ vniuersam, quod ad vtrunque statum, in ijs, quæ Ecclesiastica quæcum-
 que concernunt negotia, gubernaret; neque aliter Christus, Dominus Ec-
 clesiæ visus fuisset, de adeo congruo regimine prouidisset.
 Ergo esto, quod non est, quod summi Pontifex Romanus, quam super
 Ecclesiam vniuersam habet potestatem, à Christo Petro, cuius successor
 est, primò traditam, modo prædicto, hominum, scilicet voluntatē, ad po-

teriori

teriori, liberaque eam habuisset electione; esto, quod non est, quod à tempore, quo Phocas Imperator, referente Anastasio, in Vita Bonifacii 111. & Paulo Diacono, de Gestis Longobardi. lib. 4. c. 11. declarauit sua sententia, ab Episcopo Constantinopolitano indebitè usurpari OEcumenici nomen Patriarchæ, quod Romanæ dumtaxat Ecclesiæ deberetur, Romanus Pontifex, quasi summus Christianorum Sacerdos, orbi Christiano præsideret; hæc eius præfectura, perenni continuata consuetudine, præscribi potuisset: ut Ecclesiarum omnium, ac Christianorum cunctorum iustissimè, & Caput, & Princeps haberetur. 1161

3 Itaque si præter Diuini iuris, quò supremi vniuersi Pontificis Romani maiestas, ac potentia est innixa, iuris humani rationem, scita, & constituta desideraremus; repetendus, conferendusque esset ortus huius amplissimi Sacerdotij, cum Imperiorum, Regnorum, Principatum, ac Rerum publicarum initijs: & horum neminem profectò reperiremus, cuius iustior causa Regni, Imperij, aut cuiusvis existeret Principatus. Quid enim iustius, æquius, aut sanctius, quid à quacumque corruptela accipi potest longius, quàm quod nec vi arreptum, neque armis occupatum, neque etiam præsumptum, sed vno omnium suffragio, publica consensione, communi iudicio Imperatorum, Regum, Principum, Rerum publicarum, ac populorum receptum, ac probatum est, quale est summi Romani Pontificis Imperium, per orbem vniuersum dilatatum? Quod optimè Henricus v. Angliæ Rex superius relatus ponderauit. Ut facilius certè sit, Imperatorum, Regum, Principumque, quorum non alia esset iuris causa, possessorum, Imperium, ius, ac dignitatem, quàm vniuersi Romani Pontificis oppugnare. 1162

4 Insuperatus quis res suas præscriptione temporis longi, quod centum non excedat annos, à iure approbata, tuetur, & defendit, easque, aut inuadentes, aut sibi eripientes, ad integrè compellit, per Iudicem, restituentem; huius autem Pontificibus Romanis, qui, post Phocam, annos iam ferè mille cum suprema hac potestate, sine summi computant Pontificatus, lex priuatis assistens hominibus non assistat? Ut interim de retrò actis temporibus, quibus hoc iure ad Petrum sunt usque vsq. Apostolum faciamus. 1163

De Potestate in Ecclesia institutione, ad Synagogam comparata. 1164

Cap. XXXVI. §. 1. 1165

Eorum à nobis solum fuisse habenda Principum secularium ratio, qui Catholici in Ecclesiæ continentur ovili, Ecclesiæ oues, vniuersi summi Pastoris, Romani Pontificis, & pastum ex Euangelico præscripto expectantes, & auctoritatem reuerentes, contenti forsitan esse possemus cum his, quæ superius dicta sunt: credentes, circa potestatem Ecclē

fiasticam ciuilem, cumulatè fuisse cōtrouersantibus; satisfactum: neque quasi *post hoc par spartidas*, esse adhuc à nobis expectandas. At eam, ut qui- cumque huius Ecclesiasticæ iurisdictionis æmuli, vel osiores, modò Christi- tatem recipiant, semel agnoscant, Christi lege inuiolata, haud posse ab Ecclesiasticis eam personis auelli; in quarù statu, est per Christi sangui- nem, cum ipso Euangelij verbo, insita, plantata, irrigata, aucta; & huc- usque in Ecclesia vera conseruata; ea, quæ supra dicebamus, nunc ex- pressiora duximus apponenda.

2 De Synagoga mirabili structura, circa iudicia exercendâ, & de tri- bus Ecclesiæ, & Sacerdotum potestate, de summorum Pontificum eiusdè auctoritate, actum est pluribus supra: & ostensum, qua ratione, per Ba- bylonios olim regio nomine abolito, & populo in captiuitatè abducto, cum post septuaginta annos, Dei benignitate, Judaicæ Reipublicæ res nullas haborent, & eius forma cœpisset innouari, simul ipsius Dei man- datò fuit instauratum Pontificale tribunal, fuitque antiquum Conciliū restitutum. Hoc deinceps multò fuit illustrius, ut nihil maioris alicuius momenti, aut ponderis gestum fuerit, Pontificis summi non interueniète assensu, & facultate. Vleimò, Dei ipsius præiuta voluntate, Regio quoque imperio ad Pontificem summum delatò, (qui, ut ex Iosepho lib. 13. c. 11. constat, utraque, & spirituale, & temporale tenuit, usque ad Herodem tyrannum, qui & Concilio illi, & legitimæ item Pontificum successioni finem imposuit; quantumvis certo modo adhuc, usque ad Ierosolymæ vastationem fuerit conseruata,) potestas Pontifici multò fuit quàm prius amplior; multò fuit à Iudeis, immò ab ipsis Gentibus augustior æstimata.

3 Antiquo huic Testamento, nouum successit, ea differentia, ut cum, illud hircorum, ac vitulorum fuerit sancitū sanguine, hoc Christi IESU, Dei & hominis, fuerit ord institutum, sanguine consecratum, morte sta- bilitum; cui aliud iam non sit amplius Testamentum successurum. In hoc Pontificatus Iudaicus, in Christianum, Moysi Cathedra; in Petri fuerit Cathedram commutata: corpus vmbre, figuræ veritas, Ecclesia Synago- gæ successit. Vnde est necessum, ut per Christum IESUM, in æterno Te- stamento, omnia ad æternam stabilitatem aptissimè fuerint ordinata. Quanto ergo clarius, necessum fuit, subditorum sanciri obedientiam, erga supremos Pastores, regimē Pontificum externum institui, per quod tanti corporis moles cōstaret, ac reformaretur: quãd non de vmbis, & figuris, ut olim, sed de rerum tunc significatarum veritate, de Dei gra- tia, de æterna beatitudine, & sempiternis inferorū suppliciis agebatur?

4 Ad cōdendum ergo, & factum, ac rectum seruandum tantæ magni- tudinis ædificium, Christus ipse Dominus, ut docet eius Apostolus Pau- lus, ad Ephes. c. 4. Dedit quosdam Apostolos, quosdam autem Prophē- tas, alios verò Euangelistas, alios autem Pastores & Doctores, ad con-

summationem sanctorum, in opus ministerij, in edificationem corporis Christi:] mystici, videlicet, quod est Ecclesia: [donec occurramus omnes in unitatem fidei, & agnitionem Filij Dei.] Voluit autem Christus, tantam Ecclesie sue Rectoribus & Doctoribus subiectionem exhiberi, ut si quis illorum imperium spernerit, is Dei Patris, & Filij, & Spiritus sancti, imperium, eadem opera, censetur reiecit: dicente eodem Salvatore, Luc. cap. 10. [Qui vos spernit, me spernit: & qui me spernit, spernit eum, qui me misit.]

5 Hoc ergo Testamentum, cum ex Paulo ad Hebræos, cap. 8. in melioribus sit, sanctum repromissionibus, ideo quæcumque illic, ad veteris Testamenti diuturnitatem, fuerant instituta, æquum est hic in Testamento æterno, multò vigere firmius, multò colligi fortius, multò religiosius observari. Hinc Christus Dominus consultissimè, sicuti abundantissimè, providit Ecclesie de vno Pastore supremo inter Pastores, de vno inter Doctores summo Doctore, tanta, ac tali, diuinitus collata gratia, circumsepto; ut super eum tutò noui Testamenti Ecclesiam ædificaret; cui fundamento, cui ædificio, eam firmitatem tribuit, id robur apposuit; ut ad Ecclesiam, super eo firmatam fundamento, euertendam, omnes & Tyrannorum furores, & Iudeorum rabies, & Hæreticorum fraudes, & Infidelium machinæ, & Demonum vires inanes essent, irritæ cederent, & in cassum laborarent.

6 Licet enim Petrus Apostolus, cuius humeris Christus Dominus, hoc Diuinitus excellens, gravissimumque onus imposuit, homo esset, eiusdem cum ceteris mortalibus fragilis conditionis, eam tamen, participatione quadam à primaria illa petra IESV Christo, accepit soliditatem, eam sortitus fuit firmitudinem: ut sicuti à Christo petra angulari, & Cepha, seu capite, hic, Petrus, seu petra, & Cephas vocatus est; sic item à Christo illam, habuit communicatam virtutem, ut in tradendis Christianæ religionis sanis Dogmatibus, eius fides ab originaria veritatis regula numquam deficeret; eius Cathedra à Spiritu sancto numquam esset deserenda. Et sicuti Christus à Patre, sic Petrus à Christo missus, Ecclesie toti per vniuersum orbem diffusa, est præpositus: quem & agnis, & ouibus suo sanguine redemptis, pascendis, & regendis præfecit, summi Pastoris omniura in eius humeros reclinata.

7 Hæc est certa, hæc est Catholica veritas, in Scripturis sacris luculenter, ut visum est, contenta, & ex iisdem Scripturis inuicem comparatis luculentius deducta; & recepta est, communis sensu Ecclesie, & omnium in ea doctissimorum Patrum, & Episcoporum, quorum loca ex suis Scriptis superius citauimus, & specialiter ratione sunt videndi, Tertullianus de Præscript. Origenes Homil. 5. in Exod. Basiliius lib. 2. contra Eunomium. Cyrillus in Ioann. lib. 3. c. 2. & 12. Epiphanius in Ancor. Chrysostomus in Matth. Homil. 61. & in Psal. 10. Cyprian. de unit. Eccles. & Epist. 75.

Augustinus Serm. 15. 16. 20. & 29. de Sanct. & de Verb. Domini, secundum Ioann. Tractat. 49. Annot. in Iob cap. 30. & in Psalm. 69. Hieronym. lib. 1. in Iovinianum. & cap. 2. in Isai. & cap. 16. Ieremiz. Leo Serm. 2. de Annivers. suæ Assumption. & Epist. 89. Ambrosius Serm. 47. Hilarius in Matth. c. 16. Prosper de Vocat. Gent. lib. 2. c. 28. Gregorius lib. 4. Epist. 32. & 76. Veritas hæc non solum prædictorum Patrum ibi, & alibi plurimè, & aliorum dictorum, veram omnium Catholicorum Doctorem, & antiquorum, & recentium est, & scriptis, & confessione roborata: ut etiam nihil sit in Christiana Theologia clariùs, nihil magis munitum, & inuictum, nihil, cõtra quorumcumque Hæreticorum impias assertiones, habeamus fortius roboratum.

8. Erat hæc & difficilis, & immensa ferè provincia Petro aliàs administranda: nisi Auctor doni, tantam illi auctoritatem donasset, tam ingentem facultatem tribuisset: ne quid tanto muneri optimè deesset perfungendo. Et quid? Claves regni cælorum illi concedidit; verbo unico eam, quæ maxima poterat excogitari, designans potestatem: tum eam, quæ Ecclesia, cæleste in terra Christi regnum, gubernetur: tum eam rursus, quæ Ecclesia ad æternum cælorum regnum perducatur. Ut enim ciuitatum Rectores, victorum quorumcumque voluntate se dederes, traditis earum clauibus, quæ, summæ rerum omnium in ciuitatibus, quasi Emblemata sunt, se totos illis regendos permittunt: sic eandem potestatem clauium cõgruentissima Metaphora, Scriptura sancta significante, Christus Dominus regni sui clauibus summo Pastori Petro collatis, Matth. cap. 18. & Ioann. cap. 21. summam, & absolutam eidem, Ecclesiæ vniuersæ regendæ, potestatem concessit: illi se neque metas rerum, neque tempora ponere, tunc vberius explicando, quando, ut omnis, siue dubitandi, siue euulsandi præcideretur occasio, adiecit: ita Deum in cælis perpetuo Pastoris huius in terra prælatam sententiam firmaturum: ut quodcumque is ligaret in terra, id item Deus ligaret, & adstringeret in cælis; & quodcumque is rursus solueret in terra, id quoque a Deo solutum in cælis haberetur. Illis enim verbis manifestè continetur, quicquid ad Ecclesiæ est bonum regimen requisitum, quicquid ad fidem est stabilendam necessarium, quicquid ad disciplinam sanciendam, est commodum, quicquid ad profigandos à Christiano ouili lupos, Hæreticos, videlicet, est vtile; siue seneritate opus sit ad restringendum, siue lenitate ad relaxandum: quod ad ista enim omnia, quodcumque in terris soluitur, vel adstringitur, idem in cælis quoque vel soluitur, vel ligatur.

9. Hinc Chrysostomus in illa verba Christi scripsit, aureo suo dicendi flumine: [A terra iudicandi, principalem auctoritatem sumit cælum: nam index sedet in terra, Dominus sequitur seruum, & quicquid hic in inferioribus iudicabit, hæc ille in supernis comprobabit.]

10. Huc etiam spectat extremum illud Christi Domini è mundo ad

Patrem ascensuri præceptum, quo Petrus oues, agnosque suos *Biens*, & *paupers*, pascere, scilicet, & regere, fuit iussus; id enim totum vox ea Christi manifestè comprehendit. Pascendi verò, & regendi humanas oues, officium quid efflagitet, vitæ communis consuetudo, communis ciuitatum, & Rerum publicarum gubernatio faciliè declarat: cum sit, leges iustas ferre, iniustas tollere; artes honestas alere, inhonestas prohibere; instruere etiam, à quorum commercijs abstinendum sit, quibus studijs incumbendum: qui amandi sint, vt ciues, qui cauendi, vt proditores: quando contra inimicos pugnandum, quādo vt in alta pace quiescendum: hæc enim omnia ciuibz suis Reipublicæ rectorem debere præscribere, tam est manifestum, quā euidens est, pastoris officium exigere, vt à sanis ouibus morbosas arceat: vt salutaria ijs pascua provideat: vt ouile contra lupos probè sepiat: vt eos à caulis suis baculi signo à longè fuget: etiam, si quando ad mactandas oues irruant præsumptuosè, eos pastoralis gladio iugulando.

11 Addidit autem Christus, dum Petro excellentiam hanc vniuersalis concessit regiminis: [Quodcumque ligaueris super terram, erit ligatum & in cælis: & quodcumq; solueris super terram, erit solutum & in cælis.] Quibus in verbis Petro promissa fuit potestas, non solum ligandi, & soluendi in foro siue exteriori, siue interno: quæ vtraque sunt partiales tantum actus dictarum clauium: sed quia clauis ipsæ indefinitè promissæ, nec ad vnum aliquod aperiendi, vel claudendi genus determinatæ sunt, profectò promissa est illi tota potestas, quanta, & qualis illa esset, quæ clauibus contineretur.

12 Clauis ergo regni cælorum Petrum accepisse, idem fuit ac, potestatem accepisse aperiendi, & claudendi regnum cælorum, seu vitæ æternæ: siue communionem Ecclesiæ militantis ligandi, & soluendi; in vtroque foro gubernando Ecclesiastico, & spiritali, & ciuili gubernatione, doctrina, prædicatione, Sacramentorum dispensatione, legum constitutione, sacra Scripturæ interpretatione, Articulorum fidei declaratione, dubij cuiuscumque Dogmatis controversi decisione, & quacumque alia ratione opus sit: siue exercendo ad ædificationem, siue subtrahendo ad perniciem: vel suam, si culpa, vel negligentia propria, id fiat, vel aliorum, quando eorum salus illud requireret, ac postularet. De quo Paulus Timotheū. 1. ad illū. c. 4. hisce breuibus cōmonefaciebat verbis: [Hæc faciens, te ipsum saluum facies, & eos qui te audiunt.] Admonuit autē doctē Tertullianus, lib. de Pudicitia. tam in primo Baptismo, quā in disceptione illa, de non seruanda lege veteri, Act. cap. 15. Petrum Apostolum tum refferasse aditum ad regna cælorum: tum & soluissē, quæ omissa sunt legis, & alligasse, quæ seruata sunt: vt iam superius dicebamus.

13 Præcesserat insignis tantæ huius rei gestæ figura, dum Isai. cap. 22.

summo Sacerdoti Eliachim, Christum Dominum adumbranti, dictum fuisse: [Dabo clauem domus David super humerum eius:] explicuit statim Scriptura clauis eius usum, dicens: [& aperiet, & nemo erit qui claudat: & claudet, & nemo erit qui aperiat.] Quod idem totidem verbis de persona Christi in Apocalypsi. cap. 3. sic à Ioanne repetitur: [Sanctus ille, & verus, qui habet clauem David: qui aperit, & nemo claudit: claudit, & nemo aperit.] Sicut ergo in figura Eliachim, in veritate Christus, accipiens clauem domus David, id est, Ecclesie, aut regni cælorum, accepit eadem opera potestatem claudendi, & aperiendi: sic etiam Petrus Ecclesie, loco Christi, Pastor susceptus, accepit ab eo potestatem clauium, scientie, & potentie: potestatem, videlicet, Ordinis, potestatem Iurisdictionis: & huius tam in foro externo excommunicandi, suspendendi ab officio, Indulgentias concedendi, leges ferendi, & exsequendi, docendi, & gubernandi: quàm in foro interno, crimina remittendi: quibus exercitijs, clauium ampla, & adæquata potestas continetur.

14 Vbi omnino aduertendum est, hanc potestatem, quæ in Petro eiusque successoribus Romanis Pontificibus singulari excellit modo, certâ quadam ratione Apostolis omnibus, & eorum successoribus Episcopis, fuisse ab eodem Christo Domino communicatam: dicente ad eos Matth. c. 18. [Quæcumque alligaueritis super terram, erunt ligata, & in cælo: & quæcumque solueritis super terram, erunt soluta, & in cælo.] Haud enim sine grandi mysterio gestum est, ut eo tempore Simoni nouum nomen, Petrus, seu, Cephæ, imponeretur, Marc. cap. 3. & Luc. cap. 6. quo duodecim designauit Christus Apostolos: ut, videlicet, eodem momento de capite, Petro, & de corpore, alijs, videlicet, etiam Pastoribus, Apostolis, prospiceret: neque prius, cum non sit usus capitis sine corpore: neque posterius, cum sine capite nequeat corpus adaptari. Non quòd tunc completa nouæ Ecclesie esset forma: sed quia tunc formari cœpit, quasque in Christi vtero parturiri, quæ in die Pentecostes, per Spiritus sancti aduentum, qui est tamquam anima Ecclesie, ea esset vltimam suam formam acceptura.

Obiectio, de potestate ceterorum Apostolorum, ad Petri, eiusque successorum potestatem comparata, dissoluitur.

Cap. XXXV lll. §. 1.



ERVMTAMEN hanc Ecclesie potestatem, quæ reuera omnis fctionibus, seu suppositionibus, supra factis, in summo Pontifice Papa Romano, tamquam, in capite, in tota verò Ecclesia, tamquam in corpore mystico, capite & membris integrè constante residet, ab eo tempore, quo Christus Petro, cuius verus successor in Pontificatu, & Pri-

matu est Episcopus, & Papa Romanus, clauēs regni cælorum dedit: vt Ecclesia in Capite, & Caput, propter Ecclesiam, scientiæ, ac potentiæ clauēs haberent, ad cælestes Ianuas, fidelibus, vel referendas, vel claudendas: hanc, inquam, potestatem, vt dicto Romano Pontifici inuidè, malitiosèque, seu propriùs hæretico spiritu, quidam Nouatores negotium facerent, asseruerunt, æquè in omnibus Apostolis, eorumque successoribus Episcopis, quos Petro in omnibus æquales esse autumant, resedisse. Probant id, quia omnibus discipulis dictum fuit à Christo, Matth. ca. 18. [Quæcumque alligaueritis super terram, erunt ligata, & in cælo.] Et iterum dicit omnibus Apostolis, Ioann. cap. 30. [Quorum remiseritis peccata, remittuntur eis.] Vbi Ecclesiæ potestas, & clauēs illis datæ fuisse videntur.

2 Et Hieronymum hunc sensum admittere dicunt, dum ait: [At dicis, super Petrum fundatam Ecclesiam, &c.] & addit: [Licet id ipsum alio loco (Ioan. videlicet, cap. 20.) super omnes Apostolos fiat, & cuncti clauēs regni cælorum accipiant, & ex æquo super eos Ecclesiæ fortitudo solidetur.] His similia habet Cyprianus, citatus. 4. q. 1. c. Loquitur, dum ait, [Christum, videlicet, Apostolis omnibus, post resurrectionem suam, parem potestatem tribuisse: dicendo, Quorum remiseritis peccata, &c.] & mox subiungit: [Hoc erant vtiq; ceteri Apostoli, quod erat Petrus, pari consortio præditi, & honoris, & potestatis.]

3 Huic obiectioni breuiter respondebimus, si, ad prædictorum corroborationem, rem totam cum ipsorum Patrum, quos nobis opponunt, confessionibus conferamus. Esto ergo, & omnibus Apostolis potestas præfata, sit æqualiter contributa: triplici tamen intercedente discrimine, erit hoc omnino intelligendum. Est primum, quia ipse Apostolatus non erat successio; parem enim habebant potestatem, quatenus Apostoli, in suis personis, non tamen in successores deriuandam. Apostoli namque, iuxta nominis etymologiam, erant legati, seu missi, ex Matth. cap. 10. & Ioan. c. 13. [Legatione fungimur, &c.] dicebat etiam Paulus, 2. ad Corinth. c. 5. & ad Ephes. c. 6. cum plena potestate, ad Ecclesiam, post Christum, inchoandam, augendam, & statuendam: priuilegio tamen singulari, atque extra ordinem. Quod expressit Seruator ipse dicens: [Sicut misit me Pater, & ego mitto vos.] Ioan. c. 20. Sed alia fuit præterea in illis Episcopalis, & iurisdictionis singularis potestas, propria vnicuique eo in loco, vbi sedem suit specialem assequutus; vt Ephesi Ioannes, Hispaniæ Iacobus eius frater, Ierosolymæ Iacobus minor, Romæ Petrus, &c. [In ijs locis, seu sedibus,] inquit Irenæus, lib. 3. c. 3. [successores relinquebant, suum ipsorum magisterij locum ipsis tradentes.] Quo sensu, Hieronymus Epist. ad Euagrium, Episcopos, & Presbyteros, vocat successores Apostolorum: & Augustinus, Enarratione in Psalm. 44. pro Apostolis constitutos esse in Ecclesia Episcopos, scripsit. At hoc respectu,

Episcopalis, scilicet, ordinariæ potestatis, inferiores erant Petro alijs Apostoli. Hinc Andream, Iacobum, Ioannem, vocat Gregorius lib. 4. Epist. 38. singularum plebium capita, & sub vno capite Petro omnes membra Ecclesiæ. Hinc Petri successor Romanus Pontifex, statim ab ipsorum Apostolorum temporibus, Episcopus Episcoporum, & summus Pontifex est appellatus: vt habetur ex Tertulliano, lib. de Pudicitia. Igitur finita legatione Apostolorum, cum ipsi legatis, in qua erant, quatenus Apostoli, omnes pares, Petrus, qui hanc potestatem plenam acceperat, non vt legatus, non vt Apostolus, non vt missus extra ordinem, sed vt Pastor ordinarius Ecclesiæ, eam ad suos transmisit successores Romanos Pontifices, in eis perpetuò duraturam.

4 Discrimen secundum est, ratione amplitudinis, & extensionis rerum gerendarum. Habuerunt enim omnes Apostoli parem potestatem, quò ad res cunctas administrandas, quæ Ecclesiæ concernerent stabilitutem; non habebant tamen eam, quò ad superioritatem, & amplitudinem, in ordine eas gerendi. Respectu itaque aliorum omnium Christianorum, plenam singuli Apostoli, & supremam nacti fuere à Christo potestatem, non autem respectu ad se inuicem: quia Petrus erat caput, & omnium fidelium, & ipsorum Apostolorum. Hæc est doctrina Hieronymi in ipsis sequentibus verbis ad ea, quæ in argumento supra referuntur: dum ait: [Tamen inter duodecim vnus eligitur, vt capite constituto, schismatis tollatur occasio.]

5 Sic & Cyprianus post verba citata, subdit, [Sed exordium ab vnitatem proficiscitur, Petro Primatus datur, vt vna Christi Ecclesia, & Cathedra vna monstretur.] Qui Cypriani locus, si integer legatur, nihil Nouatorum oppositionem adiuuabit. Sicuti neque Epist. 2. Anacleti Papæ, ex qua 21. d. c. In nouo testamento. & 22. d. c. Sacrosancta Romana. sumuntur: vnde & Cyprianus postea sua videtur deprompsisse. Qui Patres si attentè, & piè legantur, seipso clarissimè explicant. Potestas verò, quæ ex Ioan. cap. 20. colligitur Apostolis data, quantum ad ligandum, & soluendum fideles subditos, non autem, quantum ad accipiendas elanes, est intelligenda. Ergo Apostoli, qui respectu Ecclesiæ reliquæ, & suæ legationis, erant paræ omnes potestatis: respectu tamen ipsorum mutuo, & ad inuicem, ac respectu Pastoralis administrationis, Petrum pro capite habuerunt. Et in hoc sensu, passim à veteribus Patribus, ipse Petrus, Princeps, Caput, & Coryphæus vocatur Apostolorum: immò Epiphanius in Anchorato, Coryphæotaton, illum nominat, id est, excellenti gradu, summum Apostolorum Coryphæum.

6 Tertium, idemque præcipuum discrimen est, quòd Petro data fuit potestas præceptiua, alijs autem tantum exsequutiua. Itaque habuerunt Apostoli à Christo immediatè parem cum Petro potestatem faciendi ea omnia, & exsequendi, quæ ad ædificandam Ecclesiam pertinebant,

soli tamen Petro sic ista plena potestas data fuit à Christo, ut in ipso Ecclesiastico regimine, ipse præscriberet illa, quæ agenda, & exsequutioni essent committenda; ideoque omnis ab illo gubernandi potestas ad alios deriuaretur. Et hoc est, quod dixit Augustinus super Ioan. citatus 24. q. 1. cap. Quodcumque. [Petrus quando clauces accepit, Ecclesiam sanctam significauit.] Cui accinit Hieronymus ead. q. cap. Omnibus. Item; hoc est, caput ceterorum fuisse, & unitatem Ecclesie significasse, figurasse, & verè inchoasse: dum, quasi fundamentum, ac principium Ecclesie, & primus in ea, supremusque Pastor existens, hanc regiminis potestatem ad suos nedom moriens successores, sed etiam viuens, ad Ecclesie alios omnes Pastores deriuauit.

7 Hinc ait Cyprianus, lib. de Vnit. Ecclesie: [Vt unitatem Christus manifestaret, vnam Cathedram constituit, & unitatis eiusdem originem ab vno incipientem, sua auctoritate disposuit.] Id est, ab vno illo Capite in Ecclesia, suo Vicario Petro, actu incipientem: quod Act. cap. 2. factum est, ut notauit Ambros. Serm. 47. & Eutymius in Comment. ad Matth. cap. 16. Et Optatus lib. 2. contra Parmenianum, ait. [Apostolorum Caput Petrus Romæ sedet; ut in illa vna Cathedra, unitas ab omnibus feruaretur: ne ceteri Apostoli singulas Cathedras sibi quisque defenderet.] In hoc sensu loquitur Cyprianus, cum docet, Petrum esse originem unitatis Ecclesie, & à Petri Cathedra unitatem Sacerdotalem oriri. Et Leo Maximus scribit: [Firmitas, quæ per Christum Petro tribuitur, per Petrum Apostolis confertur.]

8 Ad hanc autem unitatem inchoandam, haud esset satis, ut ad vnum Christum referantur, qui clauces acceperunt: sed hoc vnum, ad quod referuntur ceteri, oportet, ut sit eiusdem generis caput: terrenum, scilicet, vel temporale, sicut hoc militantis Ecclesie corpus, temporale est. Ne corpus Ecclesie visibile, *ἐκράνον*, id est, capitis corpori conformis, & proportionati esset expers; ut que corporis veram rationem non haberet, aut monstro simile videretur.

9 Quæ omnia adhuc vberius explicantur, si consideremus, unitatem Ecclesie, non solum hæresi, sed etiam Schismati opponi. Nam ad illam, conservandam, & sana fide in Deum opus est, & vera obedientia, & communione, ac ne in vniuersam Ecclesiam, & eius præcipuè Principes: & cum illis, circa eundem religionis cultum, coherentia. Hinc dicuntur Schismatici, qui adhuc retenta fide, à communione fidelium, & præsertim à suis segregant se Pastoribus, & maxime ab unitate sedis Apostolicæ: Romanæ. Quod Schisma, ex Cypriano, inde committitur, lib. 1. epist. 3. & lib. 4. epist. 9. quia vnus in Ecclesia ad tempus Sacerdos, & ad tempus iudex, vice Christi, non cogitur.

10 Concludendo ergo, pro responsione argumenti, notandum est: quod sicuti in hominum generatione, ex Augustino lib. 12. de Ciuit. Dei

cap. 21. ad vehementius commendandam humanæ societatis unitatem, & vinculum concordie, vnum, ac singularem hominem Deus creauit, vt ab illo vno homine omne diffunderetur genus humanum: sic in hominum regeneratione, ad unitatem fidei fortius retinendam, & vehementius commendandam, vni Petro fides est primum altissima de Christo reuelata. Vnus Petrus ceterorum omnium caput, & pater statuitur: sic per vnum Petrum, quasi super petram solidam, fundatur Ecclesia: vnus Petrus accipit eorum clauis; pro vnus Petri fide, ne deficiat, oratur: vni Petro oues suas pascendas Christus commisit: vt unitatis origo ab vno capite Petro tot modis, & inciperet, & propagaretur, & denique in alios omnes fideles dimanaret.

11 Ex quibus hoc tandem efficitur, non sic ceteris Apostolis, vt Petro, collatas fuisse Ecclesie potestatem, & clauis; sed solum Petrum pro se primum, & suis successoribus; deinde in ordine, etiam super Apostolos alios: tertio tandem, vt ab illo in vniuersam Ecclesiam, suo ordine, deriuandas, accepisse.

12 Et sufficientissima sunt hæc, ad Petri asserendum Primatum, item, & Romani Pontificis, eius successoris: sed proteruis æqualitatis Apostolicæ defensoribus, excluso vno Principe, orbem vniuersum singulis Apostolis, eorumque successoribus, pro eorum Episcopatum districto, seu Diocesi tribuentibus respondemus: iam Romanum Pontificem primum probari, ex concessis ab illis, totius mundi Apostolum, seu Episcopum, cui vt tali parendum ab omnibus esset; Deinde de Petri Principatu, & a eius successoribus, vt Principibus, esset obediendum, disceptaretur ab ijs, qui in Apostolorum succedere locum, non a contumacibus Hæreticis, qui illorum non sunt successores. Vnde vertant se in omne latus, ratio adducta semper vigeat: & cum Romani Pontificis auctoritatem, ac potestatem, seculis omnibus testatissimam, negant, omnium aliorum Episcoporum, quæ non ita ab Apostolis per Classicos Scriptores celebretur emanasse, negari necesse est. Nam si admittunt, alios posse quicquam, quod ita certum nobis traditum est, & hunc maxime posse, certissimum: quod si nec hunc, nec vllum nisi minus certa certioribus potiora debeant iudicari. De qua inter Petrum, & ceteros Apostolos differentia, cum plures antiqui Patres, & Doctores multa Diuine dixerint, D. Bernardus libris de Consider. ad Eugenium P. M. est, pro piorum consolatione Christianorum, perlegendus.

13 Ceterum dum Apostolorum successores appellantur Episcopi ab Anacleto Pontifice epist. 21. Augustino, super illa verba Psalm. 44. [Pro patribus tuis, nati sunt tibi filij.] Concil. Florentino. in Armeniorum instructione, & Concil. Trident. Sess. 23. cap. 4. ea ducimus, hoc, ratione intelligendum esse, vt dicantur Episcopi, succedere Apostolis, non proprie, eo modo, quo Episcopus Episcopo, Rex succedit regi: sed duplici-

ter: Primò, ratione sacri Episcopalis ordinis: secundò per quamdam similitudinè, & Analogiam: quia, scilicet, sicuti Christo Domino commorante in terris, primi sub eo erant duodecim Apostoli; deinde Septuaginta duo discipuli; sic & nunc, primi sub Romano Pontifice sunt Episcopi, deinde Presbyteri, tertio Diaconi. &c.

14 Aliàs enim Episcopi nullam Apostolicæ alterius auctoritatis habent partem. Apostoli enim, ut habemus ex Matth. & Marco cap. ult. fuere à Christo Prædicatores in orbem vniuersum destinati: vnde alias, atque alias Ecclesias fundare, & libros poterant Canonicos scribere: horum verò nullum Episcopi efficere vniquam potuerunt. Dono præterea linguarum fuere Apostoli insigniti, quod non omnes Episcopi possederunt. Christus Apostolis, vniuersam Ecclesiam gubernandi, amplissimam contulit facultatem, & iurisdictionem: illis verbis apud Ioan-nem, cap. 20. [Sicut misit me Pater, & ego mitto vos:] (tametsi ordinaria iurisdic-tio, quæ in posteros, per successionem transferretur, soli Petro, extraordinaria reliquis etiam Apostolis concessa sit:) Episcopi autem à Petri successore Romano Pontifice, cui dictum est, [Pasc-o-ues meas; pasc-agnos meos:] suam iurisdictionem immediatè, vel à suis Patriarchis, quos suam habent immediatè à Romano Pontifice, certis limitibus definitam consequuntur. Ac tandem non succeditur propriè, nisi præcedenti: at simul cum Apostolis exstiterent plures alij Episcopi, in Ecclesia: ut Timotheus, Titus, Euodius, alijque plures. Si ergo alijs, à definitis, modis successores Apostolorum dicerentur, cui Apostolo Timotheus, cui Tirus, cui Euodius succedere?

15 Prædicta igitur in hoc Capite, est legitima, Christiana, Catholicaque doctrina, est regia ab omnibus fidelibus terenda via: & cuicumque audaci Doctore, seu seductori aliter docenti, vel dicenti, est dicendum, breuiter illud, quod S. Vitalianus Papa, ante hos mille annos ferè, Archiepiscopo Cretensi scripsit, epist. 1. eum iniuste, & iniquè cum quodam suo suffraganeo Episcopo se gessisset: [Quæ ergo, inquit, sancti statuerunt Patres, indecentia sunt? an placentia tibi decentia sunt?]

*De exercitio huius Potestatis Petri, eiusque successorum, ad huc per com-
parationem ad Synagoga. Cap. XX XIX. S. 1.*



DE hac potestate, qualiter circa Ciuilem administrationem iurisdictionis fuerit in Ecclesiam introducta, diximus plura supra Part. 3. argum. 2. & 3. principali, contra personarum Ecclesiasticarum immunitatem, & totam Politiam: eius autem vsum, & praxim in illius Apostolicæ Ecclesiæ moribus originarijs si consideremus, fieri nequit, quin admiremur Dei in seruis suis potentiam, eamque suspiciamus, nobisque ipsis imitandam

representemus egregiam primitiuorum Christianorum, erga Patres suos, reuerentiam, & mirabilem subiectionem. Ergo si quis hæresim aliquam docebat, neque, monitus, ab ea volebat desistere, tradebatur Sathanae, vt disceret non blasphemare: vt 1. ad Timoth. cap. 1. factum, videmus per Paulum Apostolum rei indicem, contigisse.

2. Reum autem ex Chrysostomo Homil. 5. in illum locum, & Homil. 15. in 1. ad Corinth. cap. 5. visibili quadam operatione inuadebat Dæmon, aliquādo, & eum adeo miserè vexabat, vt Hæreticus ille, seu excommunicatus, iam quasi inferni ipsas pœnas persentisceret: immò hac erant Christiani imbuti opinione, eum Christi speciali esse præsidio orbatum: vnde illius consortium exhorrebant, & quasi Diaboli membrum, luctu, & inuicere vir ille ad desperationem ferè, ex 2. ad Corinth. c. 2. adigebatur.

3. Diuerso præterea agendi ordine, Act. cap. 13. Elimas Magus cæcitate fuit à Paulo percussus: & Petrus Act. cap. 5. Ananiam. & Sapphiram morte multauit. Denique Pastores illi primi, Christianos, siue ob hæreticam doctrinam, siue ob nefariam vitam, fratres à communione priuabant Ecclesiastica: reliquos Christianos ita instituentes, vt cum eis, vel cibum capere, vel in domo eadem manere, vel familiariter colloqui, vel prætereuntes salutare, vel vllum ciuile officium exercere, nefas existimarent: sicut certum est, Ioannem Apostolum balnei vsum, vbi Cherintus casu intrauerat, deuicasse.

4. Sicuti verò Apostoli hac summa à Christo facultate præditi, non iactatione, sed veritate, illud de se prædicabant, 1. ad Corinth. cap. 6. [Nescitis, quoniam Angelos iudicabimus? quantò magis secularia?] & 2. ad eosdem, c. 10. [Arma militiæ nostræ non carnalia, sed potentia Deo ad destructionem munitio: consilia destruentes, & omnem altitudinem, extollentem se aduersus scientiam Dei; & in captiuitatem redigentes omnem intellectum, in obsequium Christi. Et in promptu habentes, vlcisci omnem inobedientiam, cum impleta fuerit vestra obedientia.] & eadem 1. c. 4. [Quid vultis? in virga veniam ad vos?] Sicuti, inquam, hæc, & similia non gloriose de se iactabant Apostoli, sed verè efferebant, suam Christianos cortigendi, & castigandi potentiam significantes; sic in Christianis ipsis, nihil magis quam summam erga suos Pastores humilitatem, & reuerentiam, commendabant. Adstet pro omnibus testis idem Apostolus Paulus, hisce verbis Romanorum obedientiam extollens, epist. ad ipsos cap. 16. [Vestra enim obedientia in omni loco diuulgata est.] Eandemque obedientiam constantem à Philippenis exigebat, ad ipsos c. 2. scribens. [Itaque charissimi mei, sicut semper obedistis, non vt in præsentia mei tantum, sed multò magis nunc in absentia mea, cum metu, & timore vestram salutem operamini.] Et generali præcepto, ad omnes sic habuit sermonem Christianos, scribens ad Hebr. cap. 10. [Obedite Præpositis vestris, & subiaceite illis: ipsi enim peruigilant, quasi rationem,

pro animabus vestris reddituri.]

5 His igitur imperandi, parendique moribus inchoata, & perfecta. Christi IESV Ecclesia, ab Ierosolymis incipiens, in omnes Asia, Africa, & Europae Prouincias, immò in ipsam forsitan sese effudit Americam, & orbis extremas partes: doctissimosque Philosophos, eloquentissimos Oratores, acutissimos Iurisprudètes, sciètiarum omniùm professione eminentissimos Doctores, Augures, Magos, Aruspices, Druidas, Brachmanes, falsæ licèt Religionis, apud populos tamen venerandos Sacerdotes sibi subiecit; ac tamdè etiã Principes, Reges, ipsos denique orbis terrarum Imperatores, iuxta Prophetarum antiqua vaticinia, subiugauit. Sic namque perspicuè de Ecclesia prædixerat Isaias c. 60. [Aedificabunt filij peregrinorum muros tuos: & reges eorum ministrabunt tibi. Aperientur portæ tuæ iugiter: vt afferatur ad te fortitudo Gentium, & Reges earum adducantur. Cens enim, & regnum, quod non seruiert tibi, peribit.]

6 Ita nimirum Dei Omnipotentis admiranda factum est prouidentia: nam certè in antiquo Testamèto, post sacerdotum ordinatum, leges descriptas, institutas cæremonias, distributa sacrificia, quibus Synagoga constabat harmonia, plura interiecta fuere secula, priusquam Regium nomen, auribus olim solum perceptum, ad rei exsecutionem deueniret; quo toto tempore, nihil, ad sui seu institutionem, seu perfectionem, Synagoga desiderauit. Et postea, Babylonica sequuta captiuitate, deletis Regibus; eorundem imperio obliterato, eiusdem Synagoga status, post populi Iudaici reditum in patrias sedes, nihil propterea imminutus, nihil est immutatus: immò antiquam suam conseruauit formam, adhuc per tempus sine Regibus: donec Christi aduentu, qui priorum erat promissionum terminus, & legis finis, legi, & promissionem fuit suus exitus præstitutus: Nò aliter in nouo Testamento Christi eiusdem sponsa Ecclesia perfecta, suisque omnibus numeris absoluta, plerasque omnes cogniti, seu, si placet, incogniti terrarum orbis prouincias complexa est; & tamquam fructuosa arbor altis defixa radicibus, à paruis initijs exorsa, amplissimè suos dilatauit ramos: vt Christus ipse, Marci cap. 4. eam descripsit: trecentis fere annis, priusquam, vel Rex, vel Imperator aliquis publico, & generali Edicto, in ipsius communionem adscriberetur. Quin immò cum Reges terræ, cum Imperatores adstarent, & in vnum aduersus Dominum, & aduersus Christum eius, iuxta Psalm. 2 prædictionem, omnesque Regnorum, & Imperiorum suorum neruos intèderent, vt quibuscumque possent artibus, & viribus, arborem hanc exscinderent: iuxta Christi ea sanguinis decursum plantata, fructum suum, in tempore suo, numquam destitit præstitisse.

7 Successere tempora temporibus, & , quæ humanarum est rerum vicissitudo, Imperium Romanum in varias fuit partes diuisum, nunc in Oriente, nunc in Occidente, aliquando inter duos, aliquando inter tres,

ternam inuicem Ecclesiasticam administrationem; sine qua cetera haud congruè consisteret. Quorum Curionum officium, quia circa sublimia, & valde recondita mysteria versatur, ideoque perpetuò præsentem Diuini Numinis gratiam singularem postulabat, idcirco Christus ipse, *Matth. c. 28.* promissit, se illis assuturum omnibus diebus, ad seculi vsque consumptionem: & *Ioan. c. 14. & 16.* ab eis numquam recessurum Spiritum veritatis, qui eos in omnem duceret veritatem: qui per os Ieremix, *cap. 31.* asseruerat, priùs futurum, vt Sol, & Luna è medio tollerentur; quàm vt hæc promissio sua vi, & effectu destitueretur: aut leges istæ, de quibus ibi loquebatur, essent coram eo defecturæ.

10 Principes verò, & Reges, & seculares Potestates, & denique omnem civilem Magistratum iuxta & naturæ, & cuiusque gentis, seu provincie mores ordinatum, ita iam gratiæ lege succedente reformauit, vt tum demum munere suo perfectè fungerentur, cum mystica, ac noua natiuitate in Ecclesiam infusi, Episcopis, ac Prælati regenerantibus, vt filij patribus, & oves pastoribus, vt discipuli magistris, iuxta Christi præceptum, se subdentes, Politicum suum gladium dirigere it, ad eam extrinsecam Ecclesiæ pacem procurandam, cuius interna Sacramenta, & civilem Ecclesiasticorum administrationem externam, ad ea facta testanda necessariam, diximus, Episcoporum fidei commississe. Quod Principum secularium munus, cum iam supra per *Isaiam cap. 60.* fuisse prædictum ostenderimus, adhuc ex ipso *cap. 49.* illud colligimus dicente: [Reges videbunt, & consurgent Principes; & adorabunt, propter Dominum, quia fidelis est, & sanctum Israel, qui elegit te.] Quod idem cecinerat regius Vates, *Psal. 2. & 71.* Christi, videlicet, iugo fore Reges, & colla, & sua scepra submisuros.

11 De prædictorum consequentia nullus dubitabit, qui Christiana, vel leuiter sit imbutus disciplina, [Gregis enim mei ouis es,] dicebat, vt supra retulimus, Gregorius Theologus ad Imperatorè suum Theodosium, & [Quid Imperatori honorificetius est, quàm vt dicatur filius Ecclesiæ?] ad Valentinianum item Imperatorem còstantissimus Ambrosius perorabat. Quòd si quæ latent in hac Principum secularium, ad Ecclesiam, & eius Prælatos, altissima subiectione mysteria propalare velimus, consequenter ad superius dicta reperiemus: fuisse hoc excellentissimum beneficium Regibus Infidelibus ad Christum conuersis, per eius fidem, & doctrinam Evangelicam contributum; quòd cum priùs, cuiusque eorum regnum, etiam cum optimè administraretur, esset Politicum merè, & mundanum, profanum, ac carnale, à veraque sicut religione, sic & sanctitate alienum: iam per Christianam professionem, qua ipsi in filios Dei, & Ecclesiæ adsciti sunt, eorum quoque sceptrum, sacrum, religiosum, Ecclesiasticum, immò spirituale, & sacerdotale quodammodo effectum est; quia ad eandem Christi Ecclesiam cum Episcopis, & Sacerdotibus,

Veterum Imperatorum, & Regum Hispaniarum sententia de prædictis, proponitur. Cap. XL. §. 1.



ANC doctrinam Optimi, Maximiq; illi Orientis, & Occidentis priores Christiani Imperatores firmiter amplexi sunt: in hunc sensum, in hanc venere sententiam, eanq; suis in imperando legibus, & moribus, roborarunt. Erat solitus dictitare Constantinus Magnus, referente Eusebio lib. 4. eius vitæ. cap. 24. [Vos, ô Episcopi, intra Ecclesiam, ego extra Ecclesiam à Deo Episcopus constitutus sum.] Theodosius mittens suo nomine Comitem Candidianum, ad generale Concilium Ephesinum, expressè ei præcepit, ut nullo modo se interponeret in illis, quæ de pijs Dogmatibus erant controuersa: hac addita ratione: [Illicitum est enim, qui non sit ex Ordine sanctissimorum Episcoporum, sese Ecclesiasticis immiscere tractatibus.] Imperator Martianus, ut ex Concil. Chalcedonensi habetur A. 1. & 6. protestatus fuit, se illuc accessisse, ut Constantini Magni exemplo, quæ Episcopi Diuina auctoritate sacrosancta esse decernerent, ipse Imperiali potestate populis seruanda ediceret: & Decretis Concilij repugnantes, legitimis castigare supplicijs: sicuti Constantinus damnatos à Concilio Nicæno in exilium eiecerat, Arii libros igni tradiderat, & qui eos celauerant, comprehensos capitali supplicio affecerat.

2. Ea igitur, quæ de rebus Ecclesiasticis Episcopi concluderant, suis Edictis firmabant Imperatores: & ad ea seruanda, pœnas insuper Ciuiles adiiciendo, populos reddebant propensiores. Habemus insigne exemplum etiam Iustiniani Imperatoris (quantumcumque postea, ut supra dictum est, aliquid in rebus tractandis Ecclesiasticis deuiauerit,) is enim in Concil. 5. OEcumenico Constantinopolitano Actiōe. 1. enumeratis alijs quattuor prioribus Concilijs, sic loquitur in quadam forma ad Concilium missa: [His omnibus per diuersa tempora subsequutis, prædicti piæ recordationis nostri Patres, ea quæ in vnoquoque Concilio iudicata sunt, legibus suis corroborauerunt, & confirmauerunt: & Hæreticos, qui definitionibus sanctorum prædictorum quattuor Conciliorum resistere, & Ecclesias conturbare conati sunt, expulerunt.]

3. Inspiciamus autem leges aliquas, in iure Ciuili contentas, hanc priorum, & piorum Imperatorum praxim declarantes. Ut Conciliorum generalium illibata maneat auctoritas; quod est Christianæ pacis, & vnitatis fundamentum, sic edicunt Theodosius, Valentinianus, & Martianus AAA. C. tit. de Sum. Trinit. & c. §. [Nemo Clericus, vel militaris, vel alterius cuiuslibet conditionis, de fide Christiana publicè tractare conetur in posterum, & c. Nam & iniuriam facit iudicio Reuerendissimæ

Synodi, si quis, semel iudicata, ac rectè disposita, reuoluerit, & publicè disputare contenderit. Et contemptoribus huius legis pœna non deerit.] Ut autem Hæretici cuiuscumque generis comprimentur, edicunt ibidè. §. Sancimus. Quò ad libros verò hæreticè, & suspiciosè conscriptos incendendos, & eos vel legere, vel habere sustinentes ultimo supplicio afficiendos, edicunt ibidem. Hæreticorum, & Conciones, & conuenticula funditus interdiciuntur ibi. §. Nullus.

4. Exstat denique, ut cetera prætereamus, illud Theodosij, & Valentiniani A. A. Edictum, de Hæreticorum nuncupatione, ibidem. tit. 5. de Hæreticis, §. Damnato. dignum quod hodie in Germania, Polonia, Anglia, Scotia, & similibus prouincijs hæresibus infectis, seruaretur: quò Gentes illæ, quæ olim fidem Catholicam gloriosè profitebantur, suorum nouorum Doctorum nomine ipso (Euangelicorum relicta falsa nuncupatione) admoniti, intelligerent, se tales esse, qui Deo, qui Christo Domino deserto, ad Lutheri, Bucer, Caluini, Zuinglij, Beza, &c. luxuriz, & libidinis mancipia profugerunt. Edicunt ergo sic Imperatores: [Damnato portentosa superstitionis Austore Nestorio, nota congrui nominis eius inuratur gregalibus: nec Christianorum appellatione abutantur. Sed quemadmodum Ariani, ab Ario, lege Diuæ memoriæ Constantini, ob similitudinem impietatis, & Porphyriani, à Porphyrio nuncupantur, sic vbique participes nefariæ sectæ Nestorij (Lutheri, Caluini, &c.) Nestoriani, (Lutherani, Calvinistæ, &c.) vocentur: ut cuius scelus sunt in, deferendo Deum imitati, eius vocabulum iure videantur esse sortiti.]

5. Est autem in hisce Edictis i. l. maximè suspiciendum, quòd Imperatores in illis edicendis ab Episcopis instructi, & à sacris Concilijs edocti, Episcoporum, & Conciliorum Canonibus suas has leges conformauerunt. Immò Iustinianus, hanc eandem clausulam suis Edictis, frequenter erat solitus attexere: [Sancimus,] inquit Constit. 5. & 6. [sacras sequentes regulas: ne quis bigamus Sacerdos ordinetur.] & Constit. 131. [Sancimus, ut sancti Ecclesiastici Canones, qui à sanctis quattuor Concilijs expositi, & confirmati sunt, vicem legum obtineant. Prædictorum enim sanctorum Conciliorum decreta, perinde ut sacras Scripturas suscipimus, & Canones, ut leges custodimus. Ac propterea sancimus, ut secundum eorum diffinitiones, sanctissimus veteris Romæ Papa primus sit omnium Sacerdotum, &c.] & Constit. 109. [Veterumque Patrum,] inquit, decretis inhærendo, Hæreticos illi dixerunt, & nos dicimus, quicumque; diuersarum Sectarum sunt, Eutyichiani, Acephali, Manichæi, &c. & quicumque membrum sanctæ Dei Catholicæ, & Apostolicæ Ecclesiæ non sunt; in qua & omnes sanctissimi totius orbis habitati Patriarchæ, & omnes sub ijs constituti religiosissimi Episcopi, vno ore Apostolorum fidem, & traditionem prædicant.]

6. Et cum summus Pontifex Agapetus, Anthimum Constantinopoli-

tanum Patriarcham, propter hæresis reatum, ab Ecclesia expulisset: [Hanc.] inquit Iustinianus Constit. 14. [sententiam, tamen per se satis valentem, multò tamen adhuc valètiorem reddit Maiestas Imperatoris, quæ Regia hac vrbe ipsum expellit.] Ob quam verò rationem, adeò studiosè sanctiones Ecclesiasticas legibus cõfirket Ciuilibus, & vè ipse ait ibidem, quæ summum Sacerdotium decreuit, ea etiam Maiestas Imperatoria corroboraret, optamus, à Principibus Christianis maximè considerari. [Si enim,] Constit. 127. inquit ille, [leges Ciuiles, quarum potestatem fidei nostræ Deus concedidit, per omnia firmas, & stabiles conseruari, ad subditorum securitatem, studemus, quantò plus studij debemus, circa sacrarum regularum, & Diuinarum legum obseruationem, ponere: quæ pro salute animarum nostrarum definitæ, & constitutæ sunt?]

7 Quibus addendum est, præfatos Imperatores, ex præiudicata hac sententia, & Sacerdotij, & Imperij forè semper limites discernendos, quò ad Sacerdotio, & Imperio debitam à subditis obedientiam; item & nullum esse suis absolutum numeris, & Christianum in ciuilibus obsequium, quod in fide non esset Catholica fundatum; quoties Christianum hominem, ad munus aliquod publicum gerendum, efferebant, eum continuò ad fidei Catholicæ perpetuum cultum, sub Iurifurandis formis, hac, coarctabant. [Testor ego,] ex Nouel. Constit. 80. [iurando omnipotentem Deum, & vnigenitum Filium eius IESVM Christum, & Spiritum sanctum, ac gloriosam Dei Genitricem, & perpetuò Virginem Mariam, & quattuor Euangelia, quæ hisce manibus teneo, & sanctos Archàngelos, Michaellem, & Gabrielem: quòd occasione concessi mihi officij, puram conscientiam, & genuinum præstiturus sum seruitium, &c. & quòd cum sanctissima Dei Catholica, & Apostolica Ecclesia communionem habeo: neque ei vlla vnquam in re, aut modo aduersabor: neque (quantum in me erit) alicui alij permittam. &c. Quòd si hoc non obseruauero, omnibus incommodis ero expositus, tam hic, quàm in futuro seculo, in horrendo iudicio Magni Domini Dei, & Seruatoris nostri IESV: habebodq; partem cum Iuda, & lepram Giezi, & tremorem Cain: vltra hoc, quòd etiam, pœnis lege Imperatorum comprehensis, ero obnoxius.]

8 Hoc modo in primitiua illa, & purissima Ecclesia optimi Imperatores de sua, quanta quanta erat, Imperatorum potentia, & crediderunt, & intellexerunt, & senserunt: hoc suis rebus gestis, & actionibus docuerunt: hoc exemplo glorioso, posteritati Christianæ, vniuersisque secularibus Principibus consecrarunt.

9 Regum Catholicorum Hispaniarum, de Hierarchia, & Politia Ecclesiastica constans iudicium Orthodoxum hic addere, per singulorum enumerationem, superuacaneum, sicuti prolium esset opus; eum corum, & totius provincię, & spatiofissimæ illius Monarchię Acta, Scripta, Dicta, nihil sint aliud, quàm consequa, & continens quædam Catholicæ,

& Apostolica fidei professio: Ordinis autem Ecclesiastici eiusque Romani summi Pontificis veneratio. Nihil patriæ indulgemus affectui: consulat Lector leges Hispaniarum Fundamentales, agentes de Hierarchiz, & Politig, in Ecclesia, institutione: quas supra 3. Part. 2. respons. ad 2. Argum. principale commemorauimus: & videbit: (quod & exteriam Doctores Iurisprudentes prudentissime adnotarunt,) nullibi forsan clarijs, aut maiori cum pietate, apud Scriptores, de Ordinis Ecclesiastici auctoritate, & functionibus disputari.

10 Quod si antiquiorum Regum Hispaniarum, & inter eos, plurimum etiam Sanctorum, res gestæ, pro vniuersa prouincia, à Saracenorum infidelitate, à Iudorum perfidia, ab Hæreticorum expurganda, fraude, non sufficerent, ad illorum, ac suorum fidelium subditorum perpetuam Catholicam confessionem fidei commendandam: Ecce præsentis Catholici nostri Regis Philippi 11. Leui Deus Opt. Max. quasi à se Optimo, & Maximo constituto Regi, Nestoreos concedat annos, factum mirandum, cuius sola consideratio, instantis seculi, per orbem vniuersum, mortales in admirationem ingentem rapit: futura forsan, quantumcumque certis, fidisque historijs consignetur, ad, de illius veritate, (tantum enim, ac tale est,) dubitandum incitabit. Cum enim ab vltima prouinciæ totius è manibus Saracenorum recuperatione, per Reges Catholicos Clar. & Sanctæ Memor. Ferdinandum, & Elisabetham de anno 1492. facta, in regni Granatæ expugnatione, plurimum fuerit, per omnes, tam Ecclesiasticos, quàm, seculares Magistratus, laboratum; vt à Saracenis, seu Mauris, (*Moriscos*, appellant Indigetes,) qui in sedibus antiquis, Baptismi sacri lauacro suscepto, permanserunt, superstitionis Mahometicæ rubigo detergeretur: & vt sectam suorum parentum impuram abnegarent: neque innumeris, sicuti varijs, & alijs efficacibus medicinis curata, infanda illius gentis, nomine tenus Christianæ, Babylon fuerit, desideratæ ab vniuersa prouincia, sanitati restituta: tandem, tamdem, hoc anno M. DC. X. quasi noua quadam creatione, post sexdecim à Christo Domino nato secula annorū, sequentis in primo denario, Omnipotens Deus Hispanis quasi cælum nouum, nouamq; terram recreauit.

11 Hoc enim anno M. DC. X. octingentis nonaginta octo, vel, vt alij supputant, nongentis nonaginta sex, ab occupata per ipsos Saracenos Hispania, ne vsurpatio indecora, cum prouinciæ dedecore, ad mille annos, sicut æternitatis vnā diem, accederet, iustissimis titulis, (quos modò, ex præiudicata faciētium, Regis Catholici, suorumq; grauissimorum Consiliorum, sententia supponimus, eosque Doctores Theologi, & Iurisprudentes, ac Historiographi propediem publicabunt,) conclusum est, vt gens infidelis, & barbara, non patrijs, sed vsurpatis sedibus pelle-retur: sicuti expulsa est.

12 Ab exitu forsan Israel de Ægypto, & domus Iacob de populo bar-

baro:

baro: cuius ad sexcenta hominum millia, ex ijs, qui iuxta scripturam sacrae morem, computabantur, numerus ascendebar, usque ad praesens, cui tantam, ac tam numerosam gentis, seu coloniae expulsionem, seu deductionem haud credimus inueniendam: eum ferè horum Saracenorum, numerus ad totidem accedat capitum millia, quot inter praefatos Israel fuere filios numerata. Quos omnes, suis etiam opibus, ac pecunijs onustos, (ingens, in gètem adhuc lese maiestatis obnoxiam crimine, liberalitas, ac Christiana, & Hispana Charitas) pro fidei Catholicae conseruanda puritate, pro religionis Orthodoxae augenda maiestate, pro Maiorum suorum Regum à D. Recaredo, à Gregorio Magnosatis cõmendato, usq; ad Philippum II. parentem, emulanda pietate, tam facili, & hilariter Rex Catholicus Philippus III. ab Hispania, & suis omnibus Regnis expulit, quam facili, & hilariter Rex quicumque infidelis eos in suarum ditionum sedibus collocasset.

13 Erit tamen, ut speramus, quando, sine quando, qui Rex noster Catholicus, separans pretiosum à vili, ex Ieremias cap. 17. quasi os Omnipotentis Dei est; coronam aliam immarcescibilem, sibi in caelis, ex Petri Apostoli 1. c. 1. & 6. conseruatam, percipiat: ipso Petro, ex Christi Domini praecepto, pro quorum fide Catholica, & Hierarchiae, & Politiae auctoritate tuendis, augendis, & prosperandis laborat, illius pretioso, sicuti Deo amantissimo capiti eam imponente: & experientia felici cognoscat, quem asserit fructum Regibus Christianis, eos, suaque Regna, Regi Regum Christo Domino, ac Regno ipsius sponsae dilectissimae Ecclesiae famulari.

De institutione Imperij, & aliorum Regnorum, per Ecclesiam, sequentibus temporibus. Cap. XLI. S. 1.



Ex praedictis verò Christianis fundamentis, & ex illo precipue inter Christianos millicies repetendo, scilicet: [Salus animarum suprema lex esto:] effluxit illa in plurimis regionibus praxis: vt populi non nisi Ecclesiastica auctoritate, Principes, & Reges, sibi voluerint praestare. Quamuis enim, vt supra latè propositum fuit, Regia Maiestas non à fide Christiana, sed à natura suam duxerit originem; omnesque legitimae hominum societates eam habeant vim à natura ipsis insitam, vt ad commune, & tuendum, & promouendum bonum, & publica arcenda detrimenta, Magistratus sibi possint adsciscere pro sua voluntate: post Romanitamen Imperij inclinationem, quod Saracenorum potentia, sic fuit confractum, vt ducentis post Mahometum annis, vel corruisse visum sit, vel ad summas saltem angustias, quòd ad Occidentem attinet, fuerit redactum, Regna, & Im-

peria, quæ inter Christianos emergere, pleraquæ non tam populorum, ea erigentium voluntate, quàm Ecclesiastica potestate, populis tamen idipsum volentibus, & vt fieret esslagitantibus, sunt instituta.

2 Etsi enim publicæ rei commoditas populari prudentia, & acumine discerni poterat; atque naturali sagacitate, rerum adiuncta necessaria experientia, provideri, vtrum Regnum, vel alter cuiusque generis Principatus futurus esset salubrior; tamen, quia iidem Christiani videbant, suam regionem membrum esse particulare vniuersi corporis Reipublicæ Christianæ, cuius communi bono prius, quam priuato sui status erat consulendum: idcirco regem postulabant ab Ecclesia, & eius supremo Pastore, quem ex Augustino, contra Epist. Pelagian. lib. 1. cap. 7. Christus ipse totius Ecclesiæ, quasi in sublimi arce speculatorem posuit: quod ille matura animaduerneret cum Ecclesia consideratione, quemadmodum cum illius vniuerso bono, bonum, & vtile illius particularis provinciæ conueniret.

3 Anno à Christo nato octingentesimo, referentibus Paulo A Emilio, libr. 3. Auentin. in Annal. libr. 4. Paul. Diac. Rer. Rom. lib. 23. Regin. lib. 2. anno 801. Zonara, Cedreno, Adon. Crant. Othon. Scoto, & alijs Historiographis, & Platina in Leone 11. & Innocent. cap. Venerabilem. de elect. 12 in Hispania, & Insulis maris Mediterranei nimis Saracenorum excreuerant opes; & potentia: immò bonam etiam partem Galliarum occuparant. Per Italiam verò omnia effusè Longobardi populabantur: afflictisq; provincijs Latinis miserabilem in modum, nullam opem Imperatores præstabant Græci: partim, quoniam in hæresim erant lapsi; partim, quia Reipublicæ, stupiditate animi præpediti, omnem quasi curam à se abiecerant. Tunc Italiæ, Galliæ, & Germaniæ Christiani, communi quodam desiderio, ac voto, diuidendum ab Orientali, Occidentale Imperium censuerunt: & nouo Imperatori Occidentale sceptrum committendum; ac in Leonem 11. summum ea ætate Pontificem, reigerendæ curam vltimam reiecerunt. Translationis huius Græci Imperij ad Latinos fundamēta, Philippico excommunicato, olim iecerat Gregorius 11. Leo autem expendit maturè, quasi Pontifex prudentissimus, Christianorum miras difficultates præsentēs; vidit Imperij Græci onus imbecillis in feminæ, neque Cæsareo sanguine ortæ, humeris resēdisse: quæ ad Europam contra Barbaros defendendam, haud sufficientem haberet facultatem. Considerauit insignem Francorum pietatem, & in bello gerendo mirabilem fortitudinem: perspexit præclaras victorias, contra Saracenos, Germanos, Saxones, Bauaros, Hungaros, & Longobardos, ipsis à Deo datas fuisse. Et tandem communi prudentissimorum Romæ, Italiæq; Senatorum consilio, in eam accessit sententiam: Italiam numquam fore quietam, nisi Carolus vrbis Romæ Consul, & Tribunus perpetuus creatus, præsens in Italia operâ daret, ne quid illa

detrimenti caperet, & sua auctoritate Reipublicæ statum componeret.

4. Carolo igitur Romam aduenienti dictus Pontifex diademæ Imperatorium; solemnî ritu imposuit, ingenti assensu Procerum, qui in Urbem conuenerant: populo vniuerso faustis vocibus acclamante: Carolo Augusto; à Deo coronato, Magno, & Pacifico Imperatori Romanorum, vitæ, & victoriæ. Quin & idem Pontifex, Pipinum Caroli filium inuexit, ac decreto, & consensione communi, Italix Regem pronunciauit. Tantæ huius rei gestæ nemo bonus hucusque exstitit improbator: neque ad nostram vsque ætatem quisquam, præter communem hostem Turcam, ei; fauentes quosdam Lucheranos, dubitauit, quin, hoc tamquam plenissimo iure, Carolus Imperij habenas tenuisset. Immo ipsa Imperatrix Græcorum tunc, & paulò post Nicephorus Imperator, missis protinus in Italiam Legatis, cum Carolo fœdus, & pacem statuerunt, Imperium certis terminis separantes: quam diuisionem Michael Cæsaropales, & alij, qui in Græcorum successerunt Imperio, comprobarunt.

5. Quamuis autem deinceps Caroli posteris hæc Imperialis dignitas, Ecclesiastico decreto, facta est perpetua: ea tamen fuit conditio adiecta, vt nec sine Pontificis assensu honor ille tribueretur, & penes eundem Pontificem remaneret libera iudicandi facultas, an is, qui successionem sanguinis proximus erat, ingenio item, ac prudentia, valebat munus Imperatorium exercere. Defixerunt oculos attentè summus Pontifex, & Ecclesiasticus, ac Christianus vniuersè Senatus in hac Imperij, seu noua institutione; seu potius restitutione, in Catholicæ doctrinæ æternam, & immobilem veritatem, à Deo Opt. Max. profectam: & simul ponderarunt vetustissimorum Patrum perpetuam, de Imperiali dominatus finibus, prædicationem, ipsorumque Imperatorum Constantini, Theodosij, Martiani, Iustiniani, &c. quorum gloria fuit in orbe Christiano clarissima, professionem, & consuetudinem; & qua ratione, sub illo Diuino Principum cum piscopis, & cum summo Pontifice Romano nexu, Ecclesia Christi ad plurimorū fuisset aucta salutem, Respublica Christiana seditionibus caruerit, moresque hominum singulorum, magis ad pietatem exstitissent compositi: vnaque aduerterunt, quantopere illa contraria Constantij, Iuliani, Valentis, & similibus peruersitas, omni hominum exosa generi, fructus prædictis contrarios attulisset. Quam ob causam, Imperatores illos sibi in posterum fore præfixerunt, qui Ecclesiam venerarentur, armis tutaretur, & suis, & subditorum moribus exornarent.

6. Debit quidem in hac Imperij, vel creatione, vel recreatione, hominum illa tanta societas, quod vitæ Ciuilis consuleret inuicè directioni, cum Philosophis, & vetustis Legumlatoribus, ad naturalem Reipublicæ suæ finem, qui in externa iustitia, & morum probitate positus est, tantæ molis erigere opus: Imperij, videlicet, scindendo partes, & nouum Occidentem Imperatorem ereand; & non deberet, considerando, se esse ho-

minum Christianorum societatem, (ad supernaturalem finem æternæ vitæ, ad quem sola fides Christiana ducit, attendendo :) hanc cōditionem futuris suis adijcere Imperatoribus, ut nihil à fide Catholica admitterent dissentaneum, & ita circa utriusque finis assequutionem, supremi semper Pontificis sententia spectaretur? Hinc illa apud sequentes Pontifices consuetudo retenta fuit, ut ipsi Romanum inungerent Imperatorem, eique manu sua Augustæ Maiestatis traderent insignia: ut Stephanus Pontifex dedit Ludovico Pio, eius etiam filio Lothario, Italiæ Rege, socio in Imperio patris declarato. Cuius filio Ludovico, postea Eugēnius II. quia cum Imperio gerendo prævidebat ineptum, patre licet summis id contendente precibus, Imperij coronam denegavit. Habentur hæc omnia apud Haymonium, lib. 3. c. 111. & lib. 5. cap. 28. & Platinam, in Paschali I. & Eugēnio II.

7 Perseveravit ergo Imperium hoc modo ad aliquot annos in Caroli posteritate. Sed ut est Imperiorum continua vicissitudo, in varios Principatus diuisa Germania, Gallia, & Italia, Carolique posteris à maiorum pietate, & fortitudine degenerantibus, cum propter multitudinem Tyrannorum, qui undique emergebant, res & in Italia, & in Germania valde turbarentur, de Imperio rursus instaurando, cœperunt Christiani Proceres cogitare. Erat ea tempestate magnum Othonis nomen in Germania, & propter religionis Catholicæ venerationem, & propter bellicam fortitudinē, qui ex Italia Saracenos, illisque ad hærentes proligans Græcos, Ecclesiæque Romanæ pace, & tranquillitate restituta, primus Germanorum Principum, à Ioanne summo Pontifice Imperiali corona fuit donatus. Quamvis enim Othonis maiores Conradus, & Henricus magni Principes, egregium nomen, famæque celebritatem, rebus præclare gestis fuissent adepti, tamē post Imperium à iusta sobole, & agnatione Caroli Magni ablatum, primus hic Otho iustus, legitimusque Imperator numeratur: eò quod prædicti eius maiores Pontificis auctoritate, benedictione, & consecratione caruerunt. Hæc omnia ita sequitur Genebrardus in Chronico: post antiquiores Historiographos Bapt. Almagium, Arnulphum, Lambertum, Schafnaburg. Sigbertum, & Paulum AEmilium, & Platinam.

8 Neque existimet aliquis, hanc Othonis Imperatoris Germani Pontificia auctoritate creationem, vel reliquos Christianos Principes male habuisse, aut ipsos Francos, quorum maxime intererat, cum Pontifice exposulasse, quasi iniuria illis fuisset illata, quod à Caroli Magni progenie, ad Othonis stirpem, suprema illa Imperij Maiestas transferretur. Immo Othoni scotos, celebresque dies agentis, quod Nicēphorus Græcorum Augustus, Theophaniam filiam suo filio per Oratores despondebat, totius Latini nominis Proceres, ipseque Francus Rex, cum Galliæ Principibus, Græci ipsi etiam affuerunt, publica gratulatione iudicio

Pontificis deferentes, illudque summa ratione nixum, communi testimonio comprobantes.

9 Ceterum, quia proclivis erat Reipublice Christiane lapsus in calamitates pristinas, nisi certus iniretur ordo, eos deinceps ab Imperio excludendi, qui tales essent, quales Caroli illi posterius, ex quo priores illae miseriae dimanarant: Gregorius V. sapientissimus Pontifex, ut deinceps certa, & stabilis esset Imperatoris eligendi ratio, qui & Christiana cum primis polleret Religione, & proximo loco virtutibus in Imperatore requisitis conscreret: cum Christianorum Principum, & Ecclesiae assensu, legem eam promulgavit, qua Germanorum nobilitati (qui eo tempore erant de Christiana Republica, sicuti olim Franci, praclare promeriti:) Imperialem dignitatem perpetuam assignavit. Durat haec lex in hodiernam usque diem: qua tribus Archiepiscopis, Moguntino, Treuirensi, Colonienfi, & totidem secularibus Germaniae Principibus, Saxoniae Duci, Palatino Comiti, & Brandeburgensi Marchioni, & (si quando horum in diversis eligendis Imperatoribus suffragia essent paria) Duci Bohemiae electio attribuitur: ita nimirum, ut quem electores illi designarent, is diceretur Caesar, & electus: & cum a Romano Pontifice confirmatus esset, & coronatus, tunc Imperator Augustus haberetur. De quo post Platina in Gregorio V. & Onufr. Panuin. in Chronic. Genebrardus in Chronolog. de anno 995. est videndus, & maxime dictum cap. Venerabilem. de elect.

10 Per eadem tempora Hungaria fidem Christi suscepit, singulari diligentia, ac studio Stephani Principis, quem Hungarorum communis benevolentia, & consensu Regia Maiestate dignum indicavit. Ipse tamen optimus Princeps, & ob eximiam pietatem, ac religionem, post mortem ab Ecclesia in Sanctorum adscriptus Catalogum, oblatae tenuit accipere dignitatem, priusquam consultus per Oratores summus Pontifex Romanus, Apostolicae Sedis decreto, tum illi honorem assignavit. Auctor Cromer. de rebus Polon. lib. 3. Genebrard. anno 984.

11 Ceperat bello Rogerius Siciliæ Comes Pontificem Romanum Innocentium II. cum suis Cardinalibus: miraque modestia usus, eos protinus liberarat: quam ob causam, facile multa quae optabat, a Pontifice obtinuit; regni tamen Siciliæ, & Regis titulum, quem maximis praemijs, & sollicitationibus impetrare contendebat, ab illo nunquam potuit obtinere. Successit illi haeres Guillelmus, qui magnam Apuliae, Calabriaeque partem armis occupaverat: qui ab Hadriano IV. utriusque regni, & Neapolitani, & Siculi titulos assequutus fuit: quantumvis Imperatoris Constantinopolitani Legatus ad Pontificem Beneventum veniens, huius Regis titulo Maiestatis intercederet. Refert Platina in Hadriano IV.

12 Alfonso similiter Portugalliae Dux, cum post devictos quinque simul Saracenorum Reges, eorumque innumeras copias profligatas, Rex

ab vniuerso exercitu salutaretur, per plures annos sequentes, in Principatu gloriolis degens progressibus, numquam se Regem nominari fuit passus: donec, ab Alexandro III. fuit Regiū & nomen, & diadema consequutus. Refert Innocentius III. in quadam epist. ad Regem Portugalliz Sanctium. & Genebrard. in Chronol. & fufius Roderic. Toletan. Histor. Hispan. lib. 2. cap. 26.

13. Hiberni, opera ministrorum, quos misit Snn. Pontifex, ad fidem Christi conuersi, se, suaque omnia in Romanæ Ecclesiæ ditionem, & potestatem tradiderunt: nullum alium, præter Pontificem Romanum, Hiberniæ Principem recognoscere volentes: & quos ille, suo nomine, Insulam gubernare deligebat. Vltimò ab Hadriano IV. postularunt anno 1156, vt Henricus II. Anglorum Rex totius Hiberniæ haberet dominium: quod Pontifex ipse Anglus illi concessit, ea conditione, vt illud, beneficio Ecclesiæ Romanæ donatum, profiteretur: immò alijs multis, quas Angliæ Reges seruare noluerunt. De qua re habentur testimonia Historicorum, Guillelmi Neobrigensis, lib. 3. cap. 9. Polydori Virgilij, lib. 13. Nicolai Sanderi, de Schismate Anglicano, ad annum 1542. & Genebrardi. Denique existant de hoc Apostolicæ litteræ Ioannis. XXII. datæ ad Regem Eduardum II.

14. Ab alijs exemplis, adducendis ex Croatia, Dalmatia, & Bulgaria, de Regio per Pontifices erecto nomine, & munere, consultò, quia ab alijs multis adducta sunt, super sedemus.

De Imperatorum, & Regum per Ecclesiam, eiusque summas Pontifices, destitutione. Cap. XLII. S. 1.

SAEPIVS in superioribus à nobis assertum fuit, ipsas Respublicas à natura edoctas, ad Reges, seu Magistratus, quocumque censeantur nomine, præficiendos sufficere: neque aliqua Christiana lege, aut Diuina, vel (vt existimamus) humana, esse adstrictas, ad summorum Pontificum sequendam voluntatem, in Rege, Duce, vel quocumque sibi Principe adoptando; modò tamen eorum priuata electio, in Reipublicæ, & Religionis Catholicæ detrimentum non vergeret. Sic olim Hispania à Saracenis oppressa, Pelagium Regē constituit, qui, felicibus auspicijs, eius recuperationem inchoauit. Sic Aragonij, & Nauarrenses, Garciam Regem elegerunt: de quibus Ioan. Vaszus in Chron. Hispan. cap. 17. & alij eiusdem provincie Historiographi. Sic Otho III. Imperator, referente Guagin. rer. Polon. Tom. 1. in Boleslao. Principem Poloniæ tunc Imperio Germanico subiectum, ab obedientia exemptum Imperatorum, ad Regiam extulit dignitatem. Refert similiter Aeneas Silu. Hist. Bohem. cap. 21. Vratislauum eo tempore Bohemiæ Ducem

ab Henrico Imperatore Moguntiz in Comitibus Imperialibus Regē fuisse declaratum; quem Praga, Treuitorum Archiepiscopus, coram suis Prouincialibus regem inunxit, & regalibus insignibus adornauit. Immo quin alij Duces, seu Principes similibus modis, honoribus amplificati fuerint talibus, haud valde controuersum est.

2 Atramen ut omnes illi, modo quocūque honores assequantur illos, si Christiani sint, quin Ecclesie, eiusque summo Pontifici subsint, ita ut, si delinquant contra Reipublice Christiane generale bonum, possint, iuxta Euangelij, & regularum Ecclesiasticarum prescriptionem, corrigi, tam est certum, quam est certum, tales Reges esse Christianos, esse omnes Christiani gregis, esse filios Ecclesie, esse in Ecclesia Christi baptizatos, esse Ecclesiasticę disciplinę subditos, eisque pręesse in Ecclesia Catholica Episcopum, summum Pontificem Romanum, qui pro eorum animabus, Christo earum supremo Pastori, & Episcopo, omniumq; summo ludici sit rationem redditurus. Est enim hoc non humani, sed Diuini iuris; non mutationi subiectum, sed stabile, ac æternū: nō in cuiuscumque vel Regis, vel gentis libera positum voluntate: sed est præceptū expressē à Christo Domino, eiusque sanctis Apostolis commendatum. De qua materia S. Thom. & eius Interpretes 2. 2. q. 73. Art. 2. sunt videndi.

3 Huius Dogmatis, huius rei praxis, fuit in orbe Christiano ab antiquis eius seculis tam illustris, quam demonstrat exemplum adductum, de Imperio Græcis erepto, & Francis in persona Magni Caroli contributo. Haud enim Pontifex Romanus Imperium instituerat Constantinopolitanum: sed postquam in Constantino I. Christianum effectum est, illius posteros siue successione, siue electione, siue aliis Imperatores, vt legitimos Ecclesia tota venerabatur. Cum verò Philippicus, Leo Isaurus, Constantinus Copronymus, eiusque filius Leo in hæreses varias incidissent, statumque Ecclesie Orientalis, & Occidentalis insigniter turbassent: postquam moniti, & correcti à summis Pontificibus, & præcipuè Constantino VI. Gregorio II. & Gregorio III. ab hæresi, & à suis flagitijs alij non destiterunt; Christiani Occidentales, de Imperatore alio sibi deligendo, cogitarunt. Tunc Leo III. vt dicebamus, Romanus Pontifex, Imperium à Græcis iustissimè auulsum, apud Francos perpetuò administrandum collocauit.

4 Zacharias summus Pontifex, Francorum Regem Childericum, eo quod ad priuatas libidines intentus, regni curam abiiecisset, Gallicano populo petente, nobilitate adiuuante, Ecclesia Christiana comprobante, & tandem Zachariā ipso summo Pontifice decernente, à Regali fastigio fuit submotus. Auctores sunt Paul. Diac. de Gest. Longob. lib. 6. cap. 5. Regin. scotus, & post eos, & alios plures, Paulus Aemilius. De quo cap. Alius. 15. quæst. 6.

5 Cum Sanctius II. Portugallie Rex, pessimè regnum administraret,

bona pars nobilitatis, & Cleri, fratrem eius Altonsum Comitem Bolenensem, Vicarium, seu Coadiutorem, (vt sic dicamus) Regem elegit; quam electionem Innocentius IV. summus Pontifex confirmavit. De quo Odoardus Nonius in Hist. Reg. Portugall. & cap. Gradni. de supplen. neglig. Præl. in 6.

6. Boleslaum Poloniae Regem, ob infamem libidinem, & nimiam crudelitatem, & impie occisum Stanislau Episcopum Cracouie. Gregorius VII. Pont. Rom. regno priuauit; immo, & prouinciae ius conferendi Regalis Coronae abstulit: in qua per ducentos annos sequentes, vsque ad Primiſlaum XI. nullus Princeps Regio fuit nomine decoratus. Reſerunt Cromer. de reb. Polon. lib. 4. Crant. Vandal. lib. 3. cap. 13. & 14. & Munſter. Cosmograph. lib. 4.

7. Ioannes Angliae Rex, propter indigna, & nimis atrocita Ecclesiarum spolia, atque sacrilegia, per Innocentium XII. Pontificem, & excommunicatus, & regali in subditos iure priuatus fuit; licet vltimo Pontifici se submiserit. Auctor Polydorus lib. 15. Hist. Angliae.

8. Imperatores Ludouicus IV. Otho item IV. & Henricus XII. d. suorum temporum Pontificibus Alexandro XII. Ioanne XXII. Clemente VI. Innocentio XII. & Gregorio VII. Imperio fuisse exautorati. Sunt in his referendis rebus gestis Historiographi frequentes; & videndi Turrecrem. in cap. Alius. num. 5. & 6. 15. q. 6. Ioan. Quintin. Hed. in cap. Nouit. num. 127. cum duob. sequen. de Iudic. Paul. Grisald. in Decis. fidei Cathol. & Apostol. in verb. Papa. num. 25.

9. Vnica tamen Friderici II. Historia docet manifestè, quæ sit Pontificum in Imperatores, & Principes seculares auctoritas, & quæ fuerit Christiani orbis de ea fides. Habetur res gesta apud Palmeriū in Chronico. & cap. Ad Apostolicæ. de sent. & re iud. Excommunicauerat Fridericum iam Honorius III. & deinde Gregorius IX. cumque adhuc vi retineret Imperium, atque in Germania, & Italia, multi propterea cruentissimi suborirentur tumultus; Innocentius IV. succedens, in Concilio Lugdunensi Fridericum, missis ad eum, orbis Christiani nominis, Legatis, ad pacem ipsi satis proficuum inuitauit. Contempsit Fridericus omnis pacificationis formam, & hæresis suspicione, ac sacrilegiorum admissione, usurpatione etiam Ecclesiasticorum iurium, omni condonationi sibi faciendæ aditum interclusit. Ergo ob hos, & ob alios eius resandos excessus, [Nos, cum patribus nostris (inquit Innocentius Pontifex,) & sancto Concilio, post diligentem deliberationem, ea auctoritate, quæ Christus IESVS in B. Petri persona Pontificibus tradidit, memoratum Principem, qui se Imperio, & Regnis, omniq. honore, & dignitate reddidit tam indignum, omni honore, ac dignitate priuatum à Domino ostendimus, denunciamus, & simul sententiando priuamus; omnes qui ei fidelitatis iuramento tenentur adstricti, ab huiusmodi iuramento absol-

uentes: auctoritate Apostolica firmiter inhiſcendo, ne quiſquam deinceps ei tamquam Imperatori, vel Regi pareat. Decernendo, quoslibet, qui ei deinceps, velut Imperatori, vel Regi, conſilium auxiliumue præſtiterint, ſeu fauorem, ipſo facto excommunicationis ſententiæ ſubiacere.] Hæc Pontifex ſupremus.

10 Quibus rebus per Pontificem, & ſacrum Concilium tam ſanctè, quàm fortiter geſtis, nullus fuit in orbe Chriſtiano Princeps, nulla fuit in eo Reſpublica, quæ Pontificis ſententiam improbarit: præter ipſus Friderici milites, & Duces quosdam aſſeclas coniuratos. Electores tum Principes Henricum Lantgrauium ei ſucceſſorem dederunt; ipſoque vita ſuncto, Guillelmum Comitem Hollandiæ. Galliæ Rex Ludouicus ſanctus iudiciũ ſummi Pontificis approbavit: & denique ipſe Fridericus ab exercitu Pontificis, copijs multò minoribus, quàm erant illius copijs, proſtigatus, fugiens in Apuliam, morte violenta à filio ſpurio Manfredo de medio ſublatus fuit. Auctor Nauclerus Gener. 42. & alij multi.

11 Quinimmò eſt animaduerſione dignũ, ipſos Imperatores Græcos, inter hos Patris, & filij, & cum Romanis Pontificibus, tumultus, referente Platina in Alexandro 111. & Nauclero Gener. 39. Legatos ad Pontificem miſiſſe, qui ei pollicerentur, & magnas copias contra Fridericum, & mentem omnium Græcorum cum Eccleſia Romana conuenientem, vt Occidentalis, & Orientalis eadem ſeretur: ſi pateretur, Imperium Romanum antea diuiſum, in vnum corpus redintegrari. Verumtamen id facere renuit Pontifex, maxima grauitate, & animi conſtantia, non tam quid ſibi in præſens, quàm quid in poſteritatem, & vniuerſè rebus Chriſtianis vtile futurum eſſet, conſiderans; ac tamdè iteratæ legationi Græcorum reſpondens, ſe nolle in vnum coniungere, quod olim haud de induſtria ſui Maiores, ſed grauiffimis cauſis intercedentibus, diſiunxiſſent. Redierunt ergo Legati, re infecta, Conſtantinopolim; ita tamen, vt certum argumentum relinquerent, eam fuiſſe hac tempeſtate Eccleſiæ Græcæ fidem certam, ac perſuaſionem conſtantem, quòd Pontifex Romanus iuſtis de cauſis, ea, quam à Chriſto deriuatam habebat, poteſtate, Imperium Occidentis, & Orientis, vel diſiunctum colligare, vel colligatum potuerit diſiungere: eademque ratione, duò Imperia in vnum contrahere, quæ maiores eius, vnius facta partitione, ſepararant.

12 Neque ſilentio prætereundum eſt, omnibus Pontificibus, qui vel in Imperio transferendo, vel Regibus, & Imperatoribus dictis excommunicandis, deponendis, mutandis, adeò infracto animo laborarunt, nihil vmqũ Rempublicam Chriſtianam per plura præcedentia ſecula vidiffè ſanctius, nihil prudentius, nihil religioſius: vt omnes, affectibus carentes, eorum, & ſequentium temporum Hiſtoriographi conteſtantur. Sicuti enim in veteri Teſtamento, illis Prophetis, Pontificibusque, qui, in prædictorum ſummorum Pontificum figura, contra ſuorum temporum,

Tyrannicos, vel impios Reges eadem fecerunt, nihil fuit tunc magis Diuinum, & beneficium: vt constat in Samuele, Saulem, propter peccatum admissum, regno priuante, Dauide in eius locum successore. 1. Reg. cap. 15. & 16. in Elia Diuino spiritu, non modo in Israel, sed & in Syria Reges deponente, & alios creante. 3. Reg. cap. 19. in Pontifice Regem Oziam, eo quod Sacerdotis officium usurpasset, eiiciente, & sententia lata eum, vti leprosum Vrbe, & regni administratioe priuante. 2. Paralip. cap. 26. in Ioiada Pontifice Athalias regnum tyrannide occupantem, occidi præcipiente. 2. Paralip. cap. 23. sic præfatis summis Pontificibus nihil fuit diuinus, nihil beneficentius: vt, si per singulos oporteret discurrere, rebus eorum sanctè gestis, facile nobis esset declarare.

13 Exstat tandem, vltimis hisce temporibus, insigne exemplum Pontificiæ auctoritatis: dum Diplomate suo Pontifex Alexander VI. orbis noui incolas Regibus Catholicis Castellæ concessit, contulit, assignauit. De quo qualiter fuerit intelligendum, Doctores plures Theologi, & Iurisprudentes sapienter disputarunt; ad quos Lectorem remittimus.

14 Sunt hæc quidem maxima supremæ auctoritatis, ac Pontificiæ iurisdictionis exempla: quibus addere possemus innumera alia, in rebus Principum secularium grauissimis, vel iudicandis, vel disponendis: à quibus referendis, quia Historias, & iura Canonica euoluentibus, sunt passim obuia, consulta super sedemus ratione, cum minora facile ex maioribus colligantur.

15 Vbi pro huius de Ecclesiæ, eiusque supremi Pontificis potestatis, confirmatione, optamus maximè notari: numquam nostram esse mentem asserere, Pontifices supremos habere potestatem, Reges, seu Principes Christianos exauctorandi, suisque Imperijs, & solijs deturbandi, voluntate antecedente: ita vt liberum sit Papæ, hunc vel illum Regem, seu Principem, Dominio priuare. Absit hoc ab Ecclesiæ, & Christi Euangelij regulis: quæ semper docuerunt, Christum non eripere mortalia, qui Regnat dat cælestia. Ergo ad voluntatem consequentem Pontificis, est illa iurisdictionis, & potestas alligata; quando, scilicet, præcedente Regum, seu Principum secularium culpa, de qua puniendâ Ecclesiastica disponunt, & Euangelicæ leges, & Ecclesiæ consensionem voluntate Pontificis subsequente, iuxta mensuram delicti, plagarum ab eo modus, etiam vsque ad regnorum, Imperij, vel cuiuscumque Principatus priuationem applicatur.

16 Vnde Nauarrus relect. super c. Nouit. de Iudici. s. notab. 3. num. 99. & 100. sic formaliter scripsit. [Vigesimo primo colligitur ratio, quare Papa deponere potest Reges, ad eò negligentes in regendis regnis suis; vt ob id populus Dei subditus illis, retrahatur à consequenda vita æterna; dum delicta ipsius non castigantur, boni scandalizantur, sive offenduntur, unicuique suum ius non redditur: est enim illa quod talis depositio, est necessaria in eo regno, ad tollenda impedimenta vitæ æter-

na consequenda : quo sensu simili , & germano accipi potest illud cap. Alius. 17. q. 6. Colligitur etiam ratio, quare Papam, quando cum auctoritate ipsius populus audet deponere Regem, potius deceret, deponentibus consentire, quam deponere : quod Glossa solemniter in dicto c. Alius. sensit : quia tunc non est necessaria depositio : sed consensus in depositionem, iuxta eorum opinionem, qui putant, regna non esse inducenda propter Reges : sed Reges propter regna. Et ideo regna esse Regibus suis potiora, immodò, & superiora, casibus illis, quibus Reges potestate sibi concessa abuterentur, ad eorum destructionem, vel ad finem contrarium illius, ad quem regna illa se, ipsis Regibus concesserunt, vel cōcedere debuerunt.] Hucusque Nauarr. Qui, extra hæreses, schismata, & similes casus, de quibus cap. sequenti dicemus, est intelligendus loqui : in illis enim non opus est populorum consensu, ad Regum depositionem : sed etiam sine illo summus Pontifex, ut caput Ecclesiæ, & eius legum, & Evangelicæ doctrinæ exsecutor, & conservator, & fidei confirmator, Reges Hæreticos propria deponere potest auctoritate. De quo, propter malitiosam Hæreticorum doctrinam, qua Regum animos vanè inquietant, quasi Ecclesiastica potestas eorum sit Coronis insidiosa, adhuc infra nonnulla addemus.

17 Persistat ergo firmum, apud quoscumque de fide Catholica benemerentes, totis ferè trecentis annis, usque ad Constantini magni ætatē, Christianam fidem absque Regum auxilio, cura, aut industria floruisse : pluresque gentes nihilominus illam accepisse : quo tempore in Ecclesia perfecta semper extitit Politia. Tempestate sequenti etiam, non semper Reges, ad studium Orthodoxæ Religionis propagandæ, animum adiecerunt ; sed ubi id factum est, floruit feliciter Religio Catholica ; ut temporibus Constantini Magni, Theodosij Magni, Iustiniani I. & Caroli Magni : ut de Imperatore etiam Emmanuele refert Nicephorus, in Præfatione suæ Ecclesiasticæ Historiæ, & de Imperatore Alexio tradit Euthymius, in Præfatione suæ Panopliæ. At ubi id factum non est, adhuc erat populorum fides, erant leges Ecclesiasticæ, erant Dogmata Catholica, rata, erant Canones stabiliti, Sanctiones constantes, disciplinæ conservatio, per excommunicationes, degradationes, & pœnarum assignationes, quibus lupi ab ovili Christi arcebantur, eiiciebantur latrones, castigabantur delinquentes, præmio, & pœna Reipublicæ Christianæ moles continebatur : auctoritate sanè iudicio, ministerio, cura, & regimine Sacerdotum, & Pastorum, quibus fuerat hæc omnia à Christo in Evangelio demandata. In hac denique Ecclesiæ Politia Principum secularium potestas, arma, leges ei, ut cetera omnia, necessum est deferuire. Ipsa autē, & sine ipsis integra iam sæpe stetit, & cum ipsis nunc integra stat, & adhuc si iterum esset sine ipsis, cum suis proprijs Apostolis Evangelistis, Prophetis, Pastoribus & Doctoribus erit olim perpetuò permanens.

*De speciali Ecclesiæ potestate, circa Regum Christianorum
abdicationem. Cap. XLIII. §. 1.*



ST adeò grauis hæc materia , vt opus sit eam vberiùs explicare . Habemus ergo certissimum, in Ecclesia esse à Christo Domino relictam facultatem, eiq; concessum ius integrum , Reges Christianos exauctorandi : si id illorum in Christianam disciplinam, culpæ, vt dictum est , & ampliùs adhuc explicabitur, mereantur . Non comparamus modò Ecclesiæ , ac Christianorum ius ad Ethnicorum Principum iura, & præfecturam; nihil de obedientia, & subiectione à fidelibus, qui sunt illorum ditionû membra, illis debita disputamus: cum sufficiant, quæ supra 3. Parte Argum. 3. principali dicta sunt, ad intelligendum, quod ius habeat Ecclesia in regionibus, seu locis Ethnicorum conuersandi ; & quo pacto, scandalo vitando, ab omnibus sit Christianis in medio prauæ Ethnicorum nationis, laborandum.

2 Hoc solùm aduertere necessarium esse existimamus ; neque Ethnicos Principes, neque Turcam, & Sophum , & ceteras Mahometanz Sectæ additas sublimes Potestates, haud eos Christianos, qui ad eas Respublicas, quibus præsident, tamquam illarum membra pertinent, siue Clerici, siue Laici sint, habere simpliciter subditos ex iure naturæ: neque aliquis SS. Patrum, explicando Christianam doctrinam, hoc vñquam sensit : neque id Doctores Theologi Scholastici, aut Iuris vtriusque periti docuerunt. Est enim naturæ ius inuiolabile, quod Euangelica nedum lex non sustulit, verùm , & perfecit: neque Christus Dominus , qui de lege veteri in tabulis descripta lapideis, Matth. cap. 5. dixit, [Non veni soluere legem; sed adimplere:] legem naturalem hominum innatam mentibus, lege Euangelica dissoluisset.

3 Alias damnandi omninò fuissent Armenij illi antiqui Christiani, qui referente Eusebio lib. 9. cap. 6. & 7. armis se contra Maximinum, suum Imperatorem defenderunt , & vt pace Christiana fruerentur , eius exercitum magna cum clade , & ignominia profligarunt . Damnandus esset etiam Constantinus Magnus Imperator, qui ex Nicephoro, lib. 7. c. 28. ea potissimùm ratione, contra Maxentium, arma mouit, vt afflictæ per eum Christianæ religioni succurreret. Esset insuper incusandus, tamquam iuris naturalis violator , Atticus Constantinop. Episcopus , qui Persas Christianos, à rege suo infideli profugientes, & auxilium à Christiano Sacerdote suppliciter implorantes, non solùm eos, quibus potuit, opibus subleuauit ; sed etiam Theodosium ad eorum suscipiendam defensionem, bellumq; propterea cum Persarum Rege gerendum, incitauit . Quo tandem magna cum Persarum strage, victo, & regni gubernacula

culis priuato, quietam deinceps in Perfide Christiani vitam transegerunt. Est Historię huius Auctor, Nicephorus lib. 14. c. 21. Hi tamen omnes, & subditi Christiani Ethnicorum, & illorum fautores Principes, tam Ecclesiastici, quàm Laici, propter has res gestas, miris in Ecclesia laudibus commendantur.

4 Prætermittimus fufius explicare, aliã esse rationē in Turca, Sopho, & quibuscumque Principibus Saracenis, Paganis, seu Ethnicis, terras, quæ olim Christianorum fuere, occupantibus: nam cum ijs, quasi cum vsurpatoribus, ac iniquis detentoribus, ex lege Diuina, Naturali, Canonica, & Ciuili agendum est. Ac tandem nolumus differere modò, de iure, quod habent Christiani, bellum infidelibus inferendi: quæ questio à S. Thoma. 2. 2. q. 10. Art. 8. ad 3. fuit hisce verbis resoluta.

5 Infidelium quidam sunt, qui numquã susceperunt fidem, sicut Gentiles, & Iudæi: & tales, nullo modo sunt ad fidem compellendi: vt ipsi credant: quia credere, voluntatis est: sunt tamen cõpellendi à fidelibus, si adsit facultas, vt fidem non impediunt: vel blasphemijs, vel malis persuasionibus, vel etiam apertis persecutionibus. Et propter hoc fideles Christi, frequenter contra infideles bellum mouent: non quidem vt eos ad credendum cogant: quia si eos etiam vicissent, & captiuos haberent, in eorum libertate relinquerent, an credere vellent: sed propter hoc, vt eos compellant, ne fidem Christi impediunt. Alij verò sunt infideles, qui quandoque fidem susceperunt, & eam profitentur, sicut Hæretici, & quandoque Apostata: & tales sunt, etiam corporaliter compellendi, vt implcant quod promiserunt, & teneant, quod semel susceperunt.] Hactenus Angelicus Doctor.

6 Super quam auream doctrinam, Card. Caiet. Commentar. marginalibus, sic scripsit: [Considera diligenter causam iustam belli contra infideles, & compulsionis eorum: ne, scilicet, fidem IESV Christi impediunt aliquo trium modorum: vel blasphemijs, putã, dicendo mala de Christo IESV, aut Sanctis eius: vel persuasionibus, inducendo nostros ad infidelitatem: vel persecutionibus, siue in communi, vt quotidie videmus, Turcas inuadere Christiani nominis gentes: vel in particulari, si Christianos, aut prædicatores fidei occidant. Et fabrica super illam: quoniam ad impedimẽta fidei spectat, quòd non sufferunt in terris suis prædicationem publicam fidei: quòd præmiant abnegantes Christum, & accedentes ad eorum fidem, & alia huiusmodi. Ex hac quippè radice multæ quæstiones soluantur.] Hactenus argentea Caietani doctrina. Ecce, Catholice Lector, nihil deest, nisi in Catholicis Principibus animorum consensio, vt Christo IESV auspice, Hæreticorum, & Saraceno- rum potentia conteratur.

7 Quibus præmissis, ad propositionem initio Capitis assertam, deuenientes, de iure, quod legitimum habet Ecclesia, Reges Christianos, ab-

dicandi; & comparando Ciuilem eorum facultatem, ad Ecclesiæ facultatem, cui coniuncta, & subordinata est; nihil ab initio nascentis Ecclesiæ apud eam est notius, si materiam, & obiectum sui regiminis consideremus: quidm Reges, Christianosq; Principes, posse ab ea ad Euangelicæ legis obseruantiam compelli: & resistentes, posse ab Ecclesia in ordinem cogi: ac vltimò, Principatu iustissimè denudari. Hoc cum dicimus, haud intendimus, quod manifesta calumnia, nos dicere, obijciunt Hæretici: penes Romanum Pontificem esse, vt Principes suo arbitratu, throno mouere, ditionum, ac Regnorum illorum iura immutare, abrogare leges, ac tandem in eos, vt in Episcopos, & reliquos Ecclesiasticos Ordinis homines, plenam, & directam possit iurisdictionem exercere.

8 Animaduertite, Christiani Principes, nihil aliud nos velle, aut asserere, quàm id, quod vult, & asserit Christi I E S V Euangelium, cuius summi Pastoris oues estis, sicuti, & ceteri Christiani vestri subditi. Ex Euangelio ergo Christi, hoc ad Petrum Ecclesiæ Pontificem, suumq; Vicarium, hoc ad Romanos Pontifices illius successores spectat, cū Christi ipsius gerant vices: vt videant, ne quid Christo, ne quid eius Ecclesiæ, ac religioni iniuriæ fiat: ne quid vel populi, ac regni, vel Regum ipsorum salutem impediatur; cuiusmodi sunt hæresis, schisma, periurium, apostasia, & similia quæ sinè graui iniuria Christi, & Ecclesiæ detrimento, in Principibus esse nequeunt. Tunc enim Ecclesiæ, eiusque summo Pontifici licet, vt cum leniter admonuisse nihil profuerit, cum censuram sacram contemni sciuerit, cum periculum graue, ex tali regimine, Ecclesiæ intellexerit imminere, deponique talem Principem, vtile, commodum, ac necessarium esse agnouerit; tum populos obedientiæ, ac cuiusque iuramenti vinculo eximat, idque curet, vt Principi alteri commodiori pascendus grex Christi redemptus sanguine committatur.

9 Hoc verò ius Ecclesiæ, eiusque summo Pontifici, propterea in solos Christianos Principes concessum est, quòd sicuti Ethnici Principes nullo se iure Ecclesiæ subiecerunt, (vnde Deus solus de illis, vt qui foris sint, ex Apostolo 1. ad Corinth cap. 5. iudicabit:) sic ei Reges, ac Principes Christiani se, suaq; id est, vniuersum suum imperiū submiserunt. Sicuti enim illi, qui ciuitati alicui adscribuntur, & incorporantur; necesse est, vt se, suaq; omnia subijciant Magistratui eiusdem ciuitatis: sic & Reges, dum Ecclesiæ albo fuere adscripti, se, sua Regna, suas Coronas subiecerunt Ecclesiæ, vt ipsa suarum animarum, & omnium suarum ditionum subditorum curam susceperet: quòd regnum illud maius cæleste, ac perpetuum, tam Reges, quàm ab ipsis recti ceteri possiderent. Hinc de iure, nō aliter Christianis imperandi, Principi cuiquam competit, quàm si Christo Regi Regum, eiusq; sponsæ Ecclesiæ, obedientiam & promittat, & obseruet.

10 Et ne ad gesta in antiquo populo, cum Regibus exlegibus, ac Dei summi præcepta Diuina spernentibus, diuertamus: quæ in libris Regum

& Paralip. passim occurrunt : cum Principibus agimus Christianis , ad eos ex Christiana loquamur disciplina . Prædixerat certe Isaias de noui populi Christiani integro statu , cap. 49. [Et erunt Reges nutritij tui , & Reginz nutrices tuæ : vultu in terram demisso adorabunt te : & puluerem pedum tuorum lingent : & scies , quia ego Dominus.] & rursus . cap. 60. [Gens enim , & regnū , quod nō seruiert tibi , peribit.] Psal. 2. scriptū est : [Reges eos in virga ferrea : & tamquam vas figuli confringes eos. &c.] & Psal. 75. [Adorabunt eum omnes Reges : omnes Gentes seruiert ei.]

11 Hæc omnia , quæ tam magnificam , tam Augustam Ecclesiæ personabant maiestatem , quæ quasi perterrefacere poterant Reges terræ , ne Ecclesiæ virentur cœtui , suorum timentes Imperiorum concisioni , ac suæ à suis ditionibus abdicationi : Christus Dominus , cui data fuit à Patre æterno omnis potestas in cælo , & in terra , nedum rebus , verumetiam verbis ipsis adeo leniuit , vt miram tanta Ecclesiæ potentia suauitatem , spiraret , suauem pacis , quietique imperij fragrantiam redoleret . Ecclesiæ Prælatos appellauit Christus , Matth. c. 5. sal terræ , lucem mundi , ciuitatem super montem positam : & quando Petrum Ecclesiæ vniuersæ , sicuti eius legitimum successorem Romanum Pontificem , præfecit : primò Matth. cap. 16. eum petram , id est , solidum Ecclesiæ fundamentum iecit : deinde , ianitorem cæli effecit : & tandem Ioan. cap. 20. eum Pastorem , constituit . [Tu es Petrus , dixit , & super hanc petram ædificabo Ecclesiā meā. &c. Et tibi dabo clauēs regni cælorum , &c. Pasce agnos meos : Pasce oues meas.] Ergo si Principes , Christiani sunt , super Petrum oportet ædificati consistant : si cælum appetunt , per Petrum est illis aperiendum . Ergo oues sunt ; nam præter oues , seu agnos , & Pastores in Ecclesia nihil est . Ergo à Petro per pasqua convenientia sunt ducendi .

12 Si Ecclesiam non audierit ,] docuit Christus Matth. c. 18. [sit tibi tamquam Ethnicus , & publicanus.] Ergo Reges , & Principes , Ecclesiam eiusque summum Pontificem non audientes , excommunicari possunt : & à cœtu piorum arceri . Vterius , Ioannes docuit , 2. Epist. [Omnis qui recedit , & non permanet in doctrina Christi , Deum non habet . Qui permanet in doctrina , hic Patrem , & Filium habet . Si quis venit ad vos , & hanc doctrinam nō affert , nolite recipere eum in domum : neque , Aue , ei dixeritis . Qui enim dicit illi , Aue , communicat operibus eius malignis.] Docuit Paulus , scribens ad Tit. c. 3. [Hæreticum hominem , post vnam , & secundam correptionem deuita.] Et ad Roman. cap. 16. [Rego autem vos fratres , vt obseruetis eos , qui dissensiones , & offendicula , præter doctrinam , quam vos didicistis , faciunt , & declinate ab illis.] Et 1. ad Corinth. cap. 5. [Nunc autem scripsi vobis : non commiseri , si is qui frater nominatur inter vos , est fornicator , aut auarus , aut idolis seruiens , aut maledicus , aut ebriosus , aut rapax : cum eiusmodi nec cibum sumere.] Quod Pauli dictum , qualiter sit intelligendum , de Christiano

nominatim excommunicato, supra ex SS. Patribus explicuimus.

13 Idem Paulus scribens ad Galat. cap. 1. sic ait: [Sed licet nos, aut Angelus de cælo euangelizet vobis, præterquam quod euangelizauimus vobis, Anathema sit: sicut prædiximus, & nunc iterum dico. Si quis vobis euangelizauerit, præter id quod accepistis, Anathema sit.] Et ad Thessalonic. 2. cap. 3. [Denunciamus autem vobis, fratres, in nomine Domini nostri IESV Christi: vt subtrahatis vos ab omni fratre ambulante inordinatè, & non secundum traditionem, quam acceperunt à nobis.] Et infra: [Quòd si quis non obedit verbo nostro per Epistolam, hunc notate: & ne commisceamini cum illo, vt confundatur.]

14 Haud diuertimus nunc ad iura Canonica, & positiua, hoc idem, luculentissimè constituentia; de quibus infra: sed præcisè, & formaliter, & strictissimè, ex hoc Christi IESV Euangelio, postulamus à Principibus Christianis, & eorum quibuscumq; Consiliarijs, quo modo hæc doctrina posset ad praxim in Ecclesia reduci, nisi in ea, & eius Præfatis, & præcipuè summo Pontifice resideret potestas, absoluendi vassallos ab obedientia Regū, & Principū, qui sese ijs delictis contaminarent, supra relatis, & quibus ex antiquo Ecclesiasticæ ordine disciplinz, aliud, quàm depositionis Principis, congruum nequit remedium adhiberi?

15 Præterea sic docuit Apostolus ad Roman. capit. 13. sicuti superius Part. 2. latè declaratum est: [Omnis anima Potestatibus sublimioribus subdita sit. &c.] Hoc autem non intelligitur, vt quisque Christianus cumq; potestatem haberi subdatur; alijs & à Gallis Anglis, & ab Anglis Gallis, & simili confusione, omnibus Principibus, ab omnibus esset Christianis obediendum. Cum ergo nulla sit Potestas secularis vniuersæ, vel locorum, vel personarum, oportet, vt Paulus id velit solum docere, quemque in suo genere, sui generis Potestati, ex lege Christiana, esse obtemperaturum. Cum ergo summus Pontifex Romanus, vniuersæ sit Ecclesiæ Potestas sublimior spiritualis à Christo Domino constitutus, necessum est, omnes Christianos Principes, ex vi Paulini, dixerimus melius, Diuini præcepti, illi obedire, eumque tamquam Patrem, ac mentis Diuinæ Interpretem, & Euangelicæ legis explicatorem venerari.

16 Scripsit adhuc idem Paulus, ad Hebræos. cap. 12. [Obedite Præpositis vestris, & subiaceat illis, ipsi enim peruigilant, quasi rationem pro animabus vestris reddituri.] Quem locum, de Præsidibus esse intelligendum spiritualibus, supra probauimus: qui sunt Curiones animarum; cum seculares Principes, ex doctrina Petri Apostoli, corporibus tantum attendant custodiendis. Ergo cum summus Pontifex, pro muneris excellentia, de omnium Christianorum animabus, quatenus ab illius exercitio pendent, sit Deo rationem redditurus; oportet, vt Principum Christianorum curandis intendat animabus, etiam vsque ad illorum ab Ecclesia separationem, & vassallorum ab illorum obedientia subtractionem:

si opus fuerit: vt illorū spiritus, quò omnia Prælatorum Ecclesiasticorū acta debent collimare, in die Domini salui fiant.

17 Iam verò Principes seculares Christiani, Ecclesiæ sunt membra, quæ communionem quadam, quasi nexu, & vinculo colligata sunt. Certum est autem, multorum vnionem haud posse consistere, nisi sit vnus Princeps: aliàs si quoduis per se, non solum luxatum, verum & abscessum, ac separatam pro arbitrio suo, huius mystici corporis membrum feratur, Ecclesiæ, quæ regnum Christi est, vnitas solueretur. Attamen, ex Christi promissione, Matth. cap. vlt. dicentis: [Ecce ego vobiscum sum omnibus diebus, vsque ad consummationem seculi:] certum habemus, hoc regnum duraturum perpetuò, etiam in cælesti Ierusalem continuandum; addente Paulo. 1. ad Corinth. c. 15. [Oportet autem illum regnare,] agit de Christo regnante, in hoc, videlicet, statu, ante mortis extremam vastationem, quam sequetur regnum Ecclesiæ triumphantis: [donec ponat omnes inimicos sub pedibus eius.] Cùm ergo Ecclesiæ, non Babylon ciuitas, sed regnum sit Christi: cuius ciues in vnum coeunt, & in quod ascendunt tribus tribus Domini, ex Psalm. 120. ad nomen eius confitendum; sit etiam iudicij solium; oportuit, vt iudicem haberet vnum supremum, qui Christianum quemcumque, etiam Principem, non habentem vestem nuptialem, posset à communi Christianorum conuiuio, etiam per obedientiæ suorum subditorum vinculi solutionem, separare.

18 Deinde, etiamsi in hoc Ecclesiæ regno, vnus Christus Dominus illius institutor, & auctor, dominari debeat: cui potestas in cælo, & in terra fuit ab æterno Patre, per mortem, & resurrectionem eiusdem contri buta: recedens tamen in regionem longinquam, ex Luc. c. 19. & Mat. cap. 25. Petrum, & eius successorem Romanum Pontificem, sibi Vicariū substituit: vt vnio, & communitas vniuersæ in orbe Christiano seruarietur: sicut in superioribus, ex loco Matth. cap. 16. [Tu es Petrus, &c. Et tibi dabo clauēs, &c.] & ex loco Luc. c. 22. [Confirma fratres tuos, &c.] & ex loco Ioan. c. 21. [Pascue oues meas:] est sufficientissimè demonstratū. Quibus est addendum, quò plus prætenditur, & probatur à Catholicis Doctoribus, regnum hoc Christi Domini, Ecclesiæ etiam suæ, eiusq; summo Pontifici communicatum, esse spirituale, non carnale: cæleste, non terrestre; æternum, non temporale: Diuinum, non humanum: eò probari fortius, illud, ad Reges humanos, & terrestres in ordinem cogendos, si illorum exigant demerita, amplissimam habere potestatem.

19 Horum est perspicua ratio: nam quia talis potestas non est supra humanum, sed Diuinum regnum, à Deo omnino est: à Christo Domino immediatè, qui Diuinorum est Auctor, est Ecclesiæ, eiusque summo Pastori, ac Principi concessa: neque aliquis hominum, vel illam sibi potest arrogare, vel illam ab hominibus expectare: vel alteri homini tribuere. Hinc ouibus omnibus, etiam Regibus, incumbit necessitas, Eccle-

sia, ac in ea Christi Vicario obtemperandi; quia eorum regnum temporale, Christi spirituali, & æterno debet, iuxta legis Evangelicæ regulas, inseruire.

20 Præterea, sicuti Deus vnus est, & Deus & homo vnus est Christus, sic eius Ecclesia vna est, fides vna est, Baptisma vnum est, lex Evangelica vna est; oportuit ergo, vt vnum haberet Ducem, ac Principem, qui Principes omnes Christianos, provincijs diffitos, legibus ciuilibus differentes, potentia pares, sibi inuicem non subiectos, ad communem Ecclesiæ vtilitatem vniret; sub legis Christianæ obseruantia concordaret; obedientia æqualiter vni subditos efficeret; ac ab hac harmonia disciplinæ Christianæ discordantes, vt contentus perseveraret Christianus, etiam per obedientiz suorum subditorum subtractionem, à totius connexionē corporis Ecclesiastici remoueret. Neque inde colligendum est, Principes seculares ab Ecclesia, eiusque summo Pontifice suo iure priuari: quia vtrò, nullaque vi adacti, Ecclesiæ se dediderunt: & quia hoc eius Imperium in animas est, & super peccata, quatenus Deum offendunt, & quatenus Ecclesiasticam congregationem, ac Christianam perturbant pietatem.

21 Ac tandem meminisse iuuabit 3. Principij huius Tractatus, immò superioris in eo totius discursus: ex quo habemus certum, quatenus Potestas ciuilis, ac secularis, terrena sit, & ab hominibus accepta terrenis, subditos habens terrenos, & finem sibi præfigens terrenum: id est, mundanam pacem, Reipublicæq; Politicæ temporalis quietem, & media illis consona: id est, leges, ac ciuiles virtutes, seu Politicas facultates. Atta men Christi, eius Ecclesiæ, eius summi Pontificis Vicarij potestas, spiritualis est, ac cælestis; subditi Diuini sunt, hoc est, filij Dei: hanc enim potestatem dedit Christianis suus Auctor, vt filij Dei fiant, nominentur, & sint: ex Ioanne, in Euangel. c. 1. & 1. Epist. cap. 3. finis denique est cælestis: vita, scilicet, æterna, cuius adipiscendæ media, lex Diuina, ac virtutes sunt infusæ, nullis humanis rationibus acquisitæ. Vnde hæc potestas nedum priorem illam Ciuilem non tollit, sed non valentē per se subsistere, ob naturæ lapsæ corruptionē, Principum quādoq; tyrannidē, subditorum rebellionē, ac frequentia exterorū bella; illam perficit; homines, ad suis parendum Principibus, accendendo; Principes, ad suis cum charitate imperando subditis illuminando; ex quo illa Reipublicæ Christianæ per suas confurgit partes tranquillitas, quæ illam infidelibus reddunt terribilem, vt castrorum aciem ordinatam, ac ipsius inferorum liminibus formidandam.

22 Hac mira potestate muniti summi Ecclesiæ Pontifices, Reges, ac Principes, de quibus iam diximus deposuere: sed & tam ipsi, quàm alij inferiores Episcopi, Imperatores, & Reges à communione fidelium separarunt. S. Felix II. excommunicauit tandem Constantium Impera-

tores : Innocentius I. Arcadium : Anastasius I. Anastasium : Gelasius I. eundem : Hadrianus I. Desiderium Longobardorum Regem : Gregorius II. Leonem III. Imperatorem : Nicolaus I. vtrumque, & Orientalem, & Occidentalem AA. Gregorius VII. Henricum Imperatorem : Alexander III. Fridericum Ahenobarbum : Ambrosius denique Archiepiscopus Mediolanen. Theodosium Imperatorem Anathematis mucrone percussit : vt ab vltimis Romanorum Pontificum similibus gestis rebus referendis sileamus. Si autem Lector desiderat mira de hac Ecclesiâ, eiusq; supremi Pontificis potestate legere, consulat Eusebium libr. 10. Hystor. Eccles. cap. 2. & lib. 2. cap. 2. Hystor. Tripart. & lib. 7. Gregor. Nazianzen. in Apologetico. Chrysostomum lib. 3. de Sacerdotio. Ambrosium lib. de Dignitate Sacerdotali. & Epist. 33. Vet. edit. Augustinum Epist. 48. 50. & 166. Nicolaum P. M. Epistolâ ad Michaelem Imperatorem. Gregoriû I. Epistol. ad Gennadium. Gregorium VII. in Regist. lib. 4. Epist. 2. & lib. 6. Epist. 47. Sed pro omnibus oramus legi S. Ignatium, Epist. 9. ad Philadelphen. & Epist. 10. ad Smyrneses.

Vt comparetur circa Regum, &c. potestatem, & ministerium doctrina Catholicorum, & Hæreticorum, horum aliqua placita, & acta narrantur. Cap. XLIV. S. 1.



APOSTOLVS Iudas in sua Canon. iam ipsius nascentis Ecclesiâ exordijs docuit, qualis esset Hæreticorum mens, dum de eis dixit : [Similiter & hi, carnem quidem maculant, dominationem autē spernunt, maiestatem autem blasphemant.] Scripsit Augustinus contra Cresconium Grammaticum. & ex eius lib. 3. cap. 51. habemus hoc Hæretici illius assertum : [Dedit Deus homini liberum arbitrium, Magistratus igitur non est, in impios animaduertere.] Guido de Vualdensibus Hæreticis, & Antoninus. 4. Part. tit. 11. c. 7. §. 2. de eisdem referunt; nullum eos omnino iudicium sanguinis, aut casus-cumque corporalis supplicij ferre : abutentes illa Christi doctrina : [Nolite iudicare.] Luc. cap. 6. Affirmabant Begardi, eos qui sunt in gradu perfectionis, & spiritu libertatis; non esse subiectos humanæ obedienciæ, neque ad aliqua præcepta Ecclesiæ obligari : ex eo loco Pauli, 2. ad Corinth. c. 3. perperam intellecto : [Vbi autem spiritus Domini, ibi libertas.] contra quos habetur. Clement. 5. Extra. de Hæreticis. cap. 4. & de his referunt Aluar. Pelag. de Planctu Ecclesiæ. lib. 2. art. 52. Antoninus vbi supra. §. 4. Ioannes Vuicleuus in Articulis damnatis in Conc. Constantien. nullum admittit esse dominum ciuilem, dum est in mortali peccato. O semen Chanaan ?

2 Et hæc quidem sunt antiquiora : at Martinus Lutherus, qui primus

præcedenti seculo mutationem doctrinæ Catholicæ, & Apostolicæ instituit: lib. de Seculari potestate. inter Christianos nullam posse superioritatem esse, docuit: sed æqualiter vnum alteri subijci. Ac deinceps, pluribus in Principes seculares vsus Inuestiuis, exemplum præiit Thomæ Muntzero, seu Monetario, & Philippo Melancthon, & Anabaptistis, ac Libertinis, & Pukardicis Hæreticis, dicendi, scribendi, & agendi, etiam armorum vi, contra Principes seculares ea, quæ dicto seculo Germaniæ, & alias provincias tunc Christianas, peregrinis, & sanguinolentis seditionibus grauissimè affligerunt, & magnam earum partem à communionem fidei auitæ, & Orthodoxæ segregarunt.

3 Præfata gliscente doctrina Diabolica, inter plura, sequētia ex pijs, & grauibz descriptimus Auctōribz. Anno 1560. habitum fuit Geneuæ consilium, de Francorum Rege, Regina vxore, Regina matre, eius liberis, Procēribz, & Catholicis Magistratibus, ad certam diem, per insidias trucidandis: Theodoro Beza Principe, Ioanne Caluino Auctore, Ottomanō subsignante, Epifamio suadente; omnibz Galliz prædonibz, & lanistis conscijs. Huius consilij, & conspirationis inuenta est, & typis excussa Epistola Caluini ad Virerū Lausannæ, sicut habet Boleseus c. 21. vitæ Caluini & refert Genebrardus in Chron. 740.

4 Launeus lib. 2. Apologiz. scribit, ministros Euangelicos, Basileæ consilium habuisse, vt Turca, contra Pontificem, & Reges accerferetur. Refert idē Genebrardus in Chron. 757. Prodiit olim exhortatio quædā ad Regis Galliz Consiliarios, cuius Auctorem, Bezam fuisse, existimāt. Inter alia prætegit, docere se velle, quo pacto obuiam possit iri seditionibz, ob Religionem, suscitatis: sublati, scilicet, è medio Principibus, qui suæ factionis non essent: promittitque futurum, vt existant aliqui Scæuolæ, qui, se putent sacrificium exhibere Deo, si vnus, aut alterius Principis nece, qui contrarium suaserit, socijs suis parentauerint. Profert deinde Minardi casum, qui cum, (vt fuisse dicitur vir, magno quodam Catholicæ fidei tuendæ zelo præditus,) contra sectatores quosdam Caluini, duriores in Consilio sententiam protulisset: egressus inde, statim fuit ex insidijs à quodam proditore trucidatus.

5 Non dissimile quidam, Iuliano Imperatori, idem scribit, accidisse: quasi conferre cum Christo Caluinum, cum Iuliano Apostata Regem suum vellet. Similiter & Regi Galliarum Sigisberto, ac propemodum tale quid, etiam contigisse Regi Macedonum Alexandro. Ac, ne videatur absq; Scripturis rem agere, quò magis incitet homines ad eiusmodi parricidia designanda, & simul Magistratui terrorem incutiat, ne suæ sententiz contradicere, dequæ Hæreticis supplicium sumere audeat, exemplum etiam Petri Apostoli producit, quòd is manum armis admoouerit, ad resistendum Iudaici Magistratus Ministris, qui ad capiendum ipsius Præceptorem venerant. Assert etiam Assassinatorum, siue Beduinorum,

exemplum, qui proposita sibi spe voluptatis Paradisi à se consequenda, solemni voto spondebant, se in Principes omnes scuturos, qui sectæ ipsorum aduersarentur. Deinde Colam quemdam Mantuanum litterarum Mediolani professorem, qui prædicabat, eos, & in hac, & in futura vita fore Beatissimos, quorum manibus aliqua tyrannis opprimeretur.

6 Sanctius in responsione Bezam, & Bezitas appellans, sic habet: Vos non nisi per discordias regna vestra propagatis, & aliena occupatis. Vestramque doctrinam promoueri pridem declarastis, ex insigni, ense, quem libris vestris Genevæ impressis initio appinxistis, cum isto Elogio: Non veni pacem mittere, sed gladium. Et iacta fuisse in Gallia, per bellicas strages, Religionis tuæ in campis Druidum fundamenta gloriaris.

7 Meminit quoque Alanus Copus, in 1. suo Dialogo, Angli cuiusdam seditiosissimi, qui ut subditos in Principem irritaret, & armaret, locum illum Petri: [Regem honorificate:] sic interpretatur, ut ex eo vellet statuere, quemlibet in sua Republica Regem, & Caput Ecclesiæ esse, & haberi posse. O infanda Hæreticorum ambitio!

8 Georgius Buchananus Iacobi Angliæ nunc, & Scotiæ Regis præceptor, & Poeta, libellum edidit seditiosissimum, in quò docet, quo modo Reges imperare populis suis debeant: & quatenus illis obedire vicissim subditi teneantur: quæue esse causæ possint, ut Reges, & Principes Catholici, Orthodoxi à subditis suis loco suo moueantur, deiciantur, in carceres compingantur, & mactentur: & quales in eorum loco reponantur. Cui respondit doctissime Vinzeius Abbas, apud Scotos eruditissimus. Stephanus etiam Iunius Brutus Celta libellum edidit, quem inscripsit, Vindiciæ contra Tyrannos. siue, de Principis in populum, populi que in Principem legitima potestate. impressum anno 1580. in quo vnum agit, ut in Regiam auctoritatem subditos irriter; Principum autem potestatem certis cancellis, & legibus circumscribat: extra quas, si quo casu sese efferat, liberum esse vult subditis, Principem suum omni dignitate, & auctoritate spoliare.

9 Calvinus scribit in cap. 6. Danielis sic: [Abdicant se potestate terreni Principes, dum infurgunt contra Deum: immò indigni sunt, qui censeantur in hominum numero. Potius ergo conspuere oportet, in illorum capita, quàm illis parere: ubi sic proteruiunt, ut velint spoliare Deum, iure suo.] Idem in c. 4. eiusdem Prophetæ. [Hodie, inquit, Monarchæ semper in suis litteris hoc obtendunt, se esse Reges, & Duces, & Comites, Dei gratia: sed quàm multi falsò nomen Dei prætexunt in hunc finem, ut sibi asserant summum imperium. Quid enim valet sæpè in Regum, & Principum titulis Dei gratia, nempe ne agnoscant superiorem, quemadmodum dicunt. Interea libenter Deum, cuius clypeo se protegunt, calcarent pedibus: tantum abest, ut serio reputent, se habere eius beneficio, ut regnent. Merus igitur fucus est, quod dicunt, se Dei gratia pollere do-

minatione; quod cum ita sit, facile hinc iudicium ferri potest, quam superbe contemnant Deum profani Reges, etiamsi non abijciant eius nomen fallaciter. quemadmodum isti nebulones, qui palam Deum substant, & ita profanant nomen gratiæ.] Et iterum.

10 Hodie, (ne repetamus veteres historias:) ut Reges ferè omnes fatui sunt, & bruti, ita etiam sunt quasi equi, & asini brutorum animalium. Quò igitur quisque audacior, atque proteruior, eò plus auctoritatis consequitur in aulis. Merito nobis defendenda est hæc Regum socordia, qui superbe contemnant Dei dona in optimis quibusque, qui possent præesse in maximam utilitatem populi: & interim habent in delicijs homines stupidos, & sui similes, & non efferunt, nisi suos lenones, & scurras, & homines nihili, quos Deus ignominia notauit.]

11 Ministri Ecclesiæ Gallicanæ præsentis reformatæ, multos, per uniuersum regnum, seditiosissimos libellos partim Latinos, partim Gallicos conscripserunt, & euulgarunt: ut homines contra legitimam potestatem incenderent. Exstat etiã confessio generalis, quam regi suo Carolo IX. Hugonoti obtulerunt in Gallia: in ea Articulus 39. talis habetur. [Affirmamus parandum esse legibus, & statutis: soluenda tributa, & reliqua onera perferenda: subiectionis denique iugum voluntariè tolerandum, etiamsi infideles fuerint Magistratus: dummodo Dei summum imperium, integrum, & illibatum maneat.]

12 Habita est Synodus Evangelicorum Bernæ, anno 1572. in ea decretum est Canon. 3. [Ut in singulis ciuitatibus omnes iurent, se suosq; posteroribus, ea, quæ sequuntur capita rata, & inuiolata seruaturus.] & Canon. 4. [Donec placuerit Domino, in cuius manu sunt corda Regum, mutare cor Tyrannis Gallicanis, & statum regni in meliorem ordinem constituere: aut exsuscitare Principem aliquem vicinum, quem cognoscamus, (per virtutem suam, & notas insignes,) esse liberatorem huius calamitosi populi interim singulæ ciuitates singulis annis eligent sibi Praetorem, qui illos regat tam in bello, quam in pace.] Id effecerunt Hugonoti Lugduni, nouo instituto Senatu, ne quicquam Christianissimo Rege Carolo IX. reclamante. & Canon. 5. [Illi adiungatur Consiliũ 24. prudentium, qui ex nobilibus, & ignobilibus eligentur promiscuè;] & Canon. 6. [Eligetur præterea Consilium 72. quorum in rebus grauioribus, ubi de morte, vel vita agitur, in primis requiretur consensus.]

13 Sed eiusdem Synodi Canon. vltimus longè dignissimus est, cuius verba Christiani Principes alta mente reponant, de illorum enim pelle agitur. [Habeant, ait, Duces, & Præfecti omnes hoc Axioma instar indubitati, & certissimi cuiusdam Oraculi: numquam, ut fidant ijs, (Regi, & Regijs) qui toties, tamque insigniter, fidem violarunt, quietemque, & pacem publicam: nec vmquam arma deponant, quamdiu viderint eos persequi doctrinam salutis, aut eiusdem doctrinæ discipulos. Quòd si aga-

tur aliquando de pacificando, primum omnium illud constitutur, quod gloriæ Dei promouendæ conuenienter. Deinde diligentissimè caueatur securitati Ecclesiarum, ne deinceps exponantur immisericordiæ luporum, & tygrum: & si Deo placuerit, mollire corda Tyrannorum, eosque mutare, tum, bona cum voluntate, omnes se submittant ijs, quos Deus nobis dedit Principes naturales, quibus omne obsequium præstabit: sin verò malum sit insanabile, & Diuinæ voluntatis sit, eos exterminare, tum, si Domino placuerit, aliquem Principem Christianum suscitare, ad peccata istorum vlciscenda, & populum suum liberandum, ei se Principi subiectos tradant, tamquàm alteri Cyro diuinitus ad eos misso. Inter cæta his regulis se gubernent, quas nos illis tamquam leges præscripsimus. &c.]

14 Zuinglius quoque Martis, & Bellonæ Sacerdos lib. 4. Epistolarum. fol. 186. [Romanum, inquit, Imperium, immò quodcumque Imperium, vbi sinceram Religionem opprimere cœperit, si nos illud negligenter patimur, non minus contemptæ Religionis rei erimus, quàm ipsi oppressores. Exemplum est Ieremiæ 15. vbi exterminationem comminatur Deus Israël, quòd Manassen permisissent impunè esse pessimū.] Et alibi paulò manifestius. [Quando Rex perfidè, & extra regulam Christi egerit, potest cum Deo deponi: cum autem in manifestè impios, & delinquentes nò animaduertit, extra regulam Christi ambulat: magis verò cum sceleratos prouehit, & innoxios prægrauat. &c. Dum hæc, inquam, facit, præter regulam Christi facit. Quòd autè deponi ab officio possit, Saulis exemplum manifestè docet 1. Regum cap. 15. & 16. Quia dum flagitiosi Principes, & Reges loco non mouentur, totus populus à Deo punitur; ut patet Ieremiæ 15. In summa, si Iudæi Regem suum non ita impunè consecraturum esse permisissent, à Deo non tam grauiter fuissent puniti: nec filij Israël, si exaudivissent Manassen. Oportet, oculum offendentem, effodere, & abicere: sic de manu, & pede. &c.]

15 Meminit Cochleus, Iacobi cuiusdam Kautij, Evangelici Ministri, qui docebat, omnem potestatem, ac regimen Principum, ex vero Diabolo, non ex Deo esse: & his præterea verbis contra Ludouicū Palat. Rheni, & Electorem vsus fuisse memorat: [Non expelles me, inquit, Non permittam me à te expelli. Immò si velis me expellere, non permitturus sum ego: etiamsi mille capita propter hoc perire debeant. At dicis, me nihil aliud, nisi quod ad seditionem, Potestatumque oppressionem, tendat, prædicasse, ac docuisse: ob id nimirum, quòd dicotibi, regimen, ac potestatem tuam esse contra verbum Dei: & non ex Deo, sed ex viuo Diabolo esse. Non igitur expelles me hinc, nisi priùs hæc regio tota, ac regna insuper aliquot propterea deualsentur. Dico tibi, quia huc à Deo destinatus sum, ad te docendum.]

16 Eandem ferè seditionis, & rebellionis cantilenam cecinit in Polonia, Christi, Principisque sui perduellis Stankarus, cum in Præfatione

suorum Canonum, & Reformationis in Regno institutę, sic ad Sigismundum Augustum Polonię Regem loquitur. [Quod si Maiestas tua, hæc Sacrosanctum, & necessarium Reformationis officium neglexerit, Nobiles tui, qui, & ipsi gladium gestant auctoritate Diuina, tenebuntur, & debent, Sathanę, & eius Religioni valedicere, atque Christo, & verbo eius se totos consecrare. Immò quilibet à Deo mandatum habet, vt inuito etiam toto mundo, (in causa Religionis loquor) doctrinam filij Dei amplectatur: attestante voce illa cęlitis delata: Hunc audite. Vnde, Apostoli dixerunt Principibus Sacerdotum. Obedire Deo magis oportet, quàm hominibus. Est enim Christus Rex Regum, & Dominus dominantium: Reges autem, & Principes, & Magistratus, Locumtenentes eius. Quod si supremus Rex, nempe Christus, præcipit populis suis, vt Euangelium audiant, Idololatriam abijciant, & purum cultum amplectantur: Contrà, Reges hæc prohibent: nonne supremo Magistratui, nempe Christo, parendum est magis, quàm Locumtenentibus, qui in supremum Regem suum sunt rebelles? Maximè.]

17 Lepidum quoque est illud exemplum, quod Hesselius Magdeburgi accidisse scribit, inter ipsos Sathanę verbi ministros. Fungebatur Hesselius Superintendentis munere, multaquę in Senatum seditiosa verba pro Concione, more suo, vomuit. Rem eam quidam ex verbi Ministris probabant, quidam improbant. Coactus est Senatus, Hesselium abdicare, ne tumultus fieret in populo. Eo abdicato, Capellanus ad D. Iacobi, nulla præmissa priuata admonitione, ministros omnes Hesselio contradicentes, & cum illis Senatum ciuitatis, pro concione excommunicauit, Diaboloque tradidit. Aderat tum præsens concionantis Capellani Pastor, qui sulmen excommunicationis vibratum audiens, admodum, vt habet Hesselius, commotus est, plenisque faucibus, voce quantum potuit intenta, clamauit: Mentiris, mentiris, scelesse, nebulo, fur: defendes te in domo Senatoria. Quin, & cultro euaginato ad suggestum properauit, vt Capellanium suum Bartholum e cathedra deturbaret: verùm ciues quidam eum tenuerunt, & e templo duxerunt. in lib. German. quem, Necessariam admonitionem, inscripsit, contra Senatum Magdeburgensem.

Quadam peculiaria de regnis Anglię, & Scotia, circa prædicta, adducuntur. Cap. XLV. §. 1.



N præfatione libri, quem Geneuę edidit Goodmanus præcipuus Anglicanus apud Geneuę. Ecclesię minister: Quemadmodum superioribus Magistratibus obediendum sit. &c. his verbis prouocantur subditi ad seditionem, & rebellionem contra Principes. [Quamdiũ, inquit, Principes, & Magistratus, etiã si coram Deo impij sint, scelesti, & reprobi, exterius

tamen curant, Dei leges custodiri, & obseruari ab alijs, tamdiu debemus illis obedientiam: sin verò audacter, & ipsi leges Dei transgrediantur, & alijs id ipsum præcipiant, tum perdidit cum honorem, & obedientiam, quam alijs subditi eis præstare tenebantur: neque deinceps habendi sunt pro Magistratibus: sed puniendi tamquam priuati homines.

2 Ioannes Knoxius, primarius Patriarcha Euangelicorum in Scotia, edidit Geneuæ libellum, quem vocant: Appellatio ad Nobilitatē, & populum Scotorum. in eo plena sunt omnia seditiosissimorum consiliorum contra Catholicos: sed præcipuè in Mariam, Angliæ tunc Reginam, Catholicissimam, acerrimè subditos incendit, his verbis: [Illud audacter affirmauerim, debuisse Nobiles, Rectores, Iudices, populumque Anglicanum, non modo resistere, & repugnare Mariæ Iezabeli, quam vocant, Reginam suam, verumetiam, de ea, & Sacerdotibus eius, & alijs omnibus, quotquot ei auxilium tulerunt, mortis supplicium sumere, vt primum apertè cœperunt Christi Euangelium suppressere.]

3 Scribit Auctor Responſionis ad persequutores Anglos, pro Catholicis. quòd cum rebelles subditi, in Regem, & Reginam Scotiæ, nefaria arma caperent, Ministri Euangelici totius seditionis præcipui auctores, & fautores exstiterunt. Et initio, contra Regem in ciuitate Sterlingi consilio, postea, & in acie gladijs, & bombardis armati, cū Comitibus Angliæ, & Maræ steterunt, turbatoque patriæ suæ statu, pelli suæ metuentes in Angliam profugerunt: vbi in summo adhuc otio, & securitate viuunt. Talis fuit Patricius Gallouarus, in vrbe sancti Ioan. Minister, Andreas Polardus Subdiaconus Glasguensis, Iacobus Carmihel minister Haddingtoniæ, Andreas Harus Rector Renfroensis, Andreas Meluinus Theologiæ professor.

4 Talium Ministrorum, & aliorum istius farinae hominum, adeò fuerunt seditiosa, & inquieta ingenia, & consilia, vt Regnum illud Scotiæ necesse habuerit in publicis Comitijs trium Ordinum leges sancire, quibus Ministrorum insolentia reprimeretur: & Episcopi quisque sui iurisdictioni, & auctoritati subijceretur: quæ tamen cū in foro Aedimburgensi per Fæcialem Regium promulgabantur, ausi sunt illi ipsi Ministri, Regis, & Comitiorum auctoritati sese opponere. Iacobus enim Laufonius, Robertus Pontus, & Gualtherus Bacaquellus multis, & contumeliosis verbis leges laticius prosciderunt, contra eas protestati sunt, & audaciam præterea suam, seditiosissimosque conatus à Georgio Notario in Acta publica referri voluerunt.

5 In alijs præterea Regni eiusdem Comitijs insolentissimè efflagitarunt, vt ipsi quoque in Regium Consilium, Parlamentum vocant, admitterentur: tamquam Episcopis suis, & Superintendentibus pares: cū Episcopi Diuina lege reliquis Pastoribus, & Ministris non præstent, sed

eiusdem sint omnes, & auctoritatis, & potestatis, quicumque ad verbi ministerium accesserunt. Quam eorum præsumptionem, ut frangeret omnium supremus Superintendens, qui se Archiepiscopum sancti Andree vocat, multa conatus est: & in Angliam præterea profectus, ut illius Ecclesiæ Sectariorum de hac quæstione cõsuleret, neque tamẽ adhuc quicquam profecit. Inter eos autem articulos, quos pro sua auctoritate, & potestate, defendendos, ordo ille Sathanæ Ministrorum edidit, quàm pleni sint seditionis spiritu, quàm cædibus, & seditionibus delectentur, ostenderunt. Aiunt enim, posse Regem à suis Ministris excommunicari, immò, & à Regali folio deiici. Idque etiam in altero Superintendente Roberto Montgomeron, quem Archiepiscopum Glascoensem vocant, re ipsa exequuti sunt. Nam à sede sua toto biennio, vi, & armis excluserunt, publicè excommunicarunt, ob hoc solum, quòd non illorum auctoritate, & approbatione, sed Regis solius potestate, & denunciatione, illorum Archiepiscopus fuerit constitutus.

6 Quamobrem etiam Ninianus Vinzetus, Abbas Scotus, testatur in suo Flagello, quòd illius Regni Ministri seditionum Architecti, tam in Scholis, quàm in Cathedris, nullam quæstionem sæpius, & vehementius agitent, quàm hanc, Deo ne magis, an Principibus obedire oporteat? Citat etiam hæc illorum verba, e vulgari quodam libello Latina facta. Vtrum subditi debeant, suo Principi obedientiam præstare: quando quicquam contra mandatum Dei præcipit,] hoc est: Vtrum Deo, an Cæsari, siue Regi, in rebus fidei, & Religionis magis obediendum sit: deliberatum est ostendere: non ad excitandos illos in populo tumultus, sed ad homines ab errore liberandos. &c.] Et addunt.

7 Videtur quidem quasi non esset necesse, præsentem quæstionem tractare: siquidem expressum Dei verbum habemus, Deo nos obedire magis oportere, quàm hominibus. At tamen mundus hic improbus, & sceleratus, ita affectus est: ut cum doctrinæ huius mentio fit, statim ansam arripiat calumniandi: quasi homines hac doctrina contra legitimum Magistratum, & Potestatem à Deo constitutam, turbendam, & euertendam incitentur. Operæpretium, ut in hac quæstione, verus inuestigetur scopus, & intentio, ut limites æquitatis non transiliantur: neve minus, neve nimium agatur: neque sub libertate Evangelica pacis turbatores, & manifestos hostes Reipub. neque rursus sub obedientia erga Reges, & Magistratum inobedientiam contra Deum queramus: sed Christianè, & modestè, secundum doctrinam Christi, dentur Deo, quæ Dei sunt: & Cæsari, quæ sunt Cæsaris.] & paulò post.

8 Quattuor propositiones asserunt, quasi in Regum capita quattuor dispositas Machinas. 1. [Neque solus partus, neque sanguinis propinquitas, est qua efficitur, ut Rex legitimè imperet populo, Christum IESVM, æternamque eius veritatem profitenti: sed & in eius electione, quem or-

dinem instituit Deus in inferiorum iudicum electione, obseruari oportet. 2. Nullus manifestus Idololatra neque notorius Sanctorum Dei preceptorum transgressor, promoueri debet ad quoduis publicum regimen, honorem, seu dignitatem, in quodcumque Regnum, Prouinciam, aut Ciuitatem, quæ se Christo IESV, Sacrosancto quæ eius Euangelio subdiderit. 3. Neque potest iusiurandum, votum, seu promissio constringere quemquam populum, ut Tyrannis obediat, eosque in Deum, & agnitam eius veritatem tueatur. 4. Sed si vel ineircumspectè promouerint quemlibet manifestè impium, vel ignoranter delegerint talem, qui post, indignum se prodat auctoritate in Dei populum, (quales sunt omnes Idololatæ, crudelesve persecutores,) æquissimè possent iidem deponere, & castigare etiam eum, quem inconsultè ante nominauerant, & delegerant.]

9 Rectè itaque in eodè libro, ait Ninianus, [Ministros istos, non Ministros, sed iudices, sed vindices, sed rerum dominos, sed Reges Regum, & Dominos dominantium esse velle: ob eam potestatem, & auctoritatem, quam sibi luciferico fastu arrogat, non solum in omnia sacra, sed in Reges, & Principes: quos ponendos, amouendos, obtruncandos, censent: si non iuxta verbum Dei dominantur. Vtrum autem iuxta illud, an contra illud stet, penès se esse volunt iudicandi, decernendique facultatem.] Libet adhuc ipsorum verba prosequi.

10 Quemadmodum, aiunt, vassallus, cum se Principi suo opponit, vel Regnum eius affectat, hac ipsa noxa ius amittit, & extremam incurrit penam: ita quoque Reges, & Principes quando iurisdictionem Diuinam violant, & super animas, & conscientias hominum, dominium arripiunt, ius suum amittunt, & in iram Dei incidunt, & indignationem. Quando enim Princeps quispiam tacitus, secum cogitat, ut est in Isaia 14. capite. Ascendam in cælum, & solium meum super sidera collocabo: & similis ero Altissimo: Huic responderet Deus: Ego contra te insurgam, & teuelam, & extirpabo cum omnibus posteris tuis: immò ad inferos te deturbabo, & scepro ferreo te comminuam.] Nec his contentus addit.

11 Et quando Pharaon dicit Exodi 5. & 8. Quis est Dominus Deus qui mihi mandat, ut dimittam populum suum, ut ipsi seruiant? Non noui dominum. Tum denique venit Dominus Deus, & præcipit eum in mare Rubrum: ut se agnoscere cum doceat: scriptum est enim, Qui me glorificat, hunc, & ego glorificabo: qui verò me spernit, spretus esto. Ex quibus omnibus ait, non solum Principes, & Potestates discere debent, quousque potentia illorum præcipuè in rebus Dei, & conscientiarum se se extendat, sed etiam subditi quousque ipsi Principibus obedientiam præstare debent: nimirum non vltra, quàm quousque nihil sit contra verbum Dei: alioqui qui Deo hoc præcipiente pro se, illud verò pro persona Cæsaris, illud quod Cæsaris est, postponendum erit illi, quod iubet Deus pro se, ne seruus præponatur Domino, vassallus suo Principi. Et licet hac in parte,

accusetur quis, crimine læsæ Maiestatis, ipsemet tamen intelligit, multò maius crimen læsæ Maiestatis Diuinæ esse, quàm humanæ.] Plura huiusmodi poteramus inde, his scriptis addere, hæc ad præsens sufficiant: & ad specialiora de regno Scotiæ referenda descendamus.

Peculiariora adhuc alia Acta, in regno Scotiæ: ex libello Proditionis Scoticæ. Cap. XLVI. §. 1.



INTELLECTVM est à multis, quòd anno superiore Comites de Mora, & de Arguilles, cum nonnullis Scotiæ Nobilibus, & Optimatibus, à Sereniss. sua Regina, specie Religionis, denuò defecerunt. Cumque res eò tandem recidisset, ut vtrunque arma sumpta esset: perduelles, vel indignissimi sceleris conscientia debilitati, vel suis, & suorum viribus, atque animis diffidentes, in Angliam profugerunt. Postea illi gratia, & deprecatione Reginæ Anglicanæ usi, de reditu in Scotiam cogitarunt: & hoc sæpius impetrare sunt adnixi, ut postquam de sua culpa, & maleficio confessi essent, patriæ, fortunis, honoribus in integrum denique restituerentur. Sed Sereniss. Scotiæ Regina toties ab illis delusa, eorum verbis, & pollicitis fidem amplius habere noluit: statuitque (prout meriti videbantur) de trium Regni ordinum consensu, ac consilio, pœnas recidiuæ perduellionis reposcere. Hoc cum illi animaduertissent, Regis animum tentare, ac perimovere, cœperunt: & (ut homines facili ambitionis impotenti cupiditate obcæcantur,) cum eo pacificationis aliquot condiciones, & tamquam *συλλαγμα* quoddam, clam Regina inierunt.

2 Erant autem mutui fœderis leges huiusmodi: Quòd Rex præterita rebellionis culpam illis condonaret; bonis, & muneribus eosdem redderet: antiquam, & Catholicam Religionem ipse omninò abiceret; eaque toto Regno extincta, Calvinismum inuehendum curaret: vicissimque illi se esse facturos, ac præstituros pollicerentur, ut Rex, si Reginam sine liberis decedere contingeret) iam inde non Regni hæres, & successor modò diceretur, sed etiam ad eius familiam, ius successionis, repulso Reginæ genere deuolueretur.

3 His pactionibus ita vtrunque constitutis; cum interim Regibus istarum rerum nescia, trium Ordinum conuentus, ad initium Martij superioris cœgisset, Rex summam beneuolentiam, & voluntatem uxori suæ ostendebat, omnemque in Religione antiqua, quoad fieri posset, restauranda, perduellibusque puniendis, operam, & constantiam spondebat. Primum in Comitij negotium Religionis tractatum est: & communi voce, ac consensione omnium Ordinum, exercitium antiquæ pietatis passim Episcopis, & Ecclesiæ Pastoribus concessum. Deinde perduellium

caussa

caussa publicè agenda, & disceptanda sequebatur. Sed pridè quàm id fieri debebat, id est, 10. die Martij, hoc Tragico, atrociq̃ facinore, tota tractatio interrupta est. Aedimburgi Rex, & Regina Scotiz vnà cœnabant, multis ex nobilitate, & ex Aulico comitatu primarijs viris, (vt in Regijs Principum, honoris gratia fieri solet) circumstantibus, sub horam septimam domini de Lunen. & de Lindsan. & Comes de Morton, qui paulò ante à Regina bonis, & famæ fuerat restitutus, ac præterea Cancellarius munere cohonestatus, aliq̃ complures armati in cœnaculum irruerunt. Primò impetu in oculis Regis, & Reginæ quemdam Secretarium, nomine Dauidem, hominem propè quinquagenarium, sexaginta vulneribus confoderunt. Fû vel ideò inuisum, præter ceteros, habebant, quòd in Religione antiqua, & Reginæ seruitio, ac obseruatiâ, constantissimè toto defectionum tempore permanisset, summaq̃ prudentia, & vsu rerum Scotticarum, quo valebat plurimùm, perditis factionibus obstitisset.

4 Hac eade perpetrata, omnibus, qui aderant, territis, Reginæ dira, & atrociora quæque minitantur: quodque longè indignius fuit, conuiciando, pulsando, grauidam, metuq̃ penè consternatam, in cubiculum tamquàm in carcerem detrudunt: & octoginta milites cubuli foribus apponunt; qui famulos, & famulas aditu ad Reginam prohiberent.

5 Trium noctium, & duorum dierû spatio, Regina ita arctè conclusa, & asservata, cum interim Comites de Mora, & de Arguilles, aliq̃ transfugæ ex Anglia in vrbe appulissent perduelles, de toto factionis, & machinationis suæ negotio cum Rege seriò colloqui, & agere cœperunt: apertèq̃ denunciare, Reginam cōfessim de medio esse tollendam, & adulterij causam comminiscendam, huicq̃ parricidio velando prætexendam: Catholicos omnes, aut similiter interficiendos, aut aliquot interfectis, reliquos regno profligandos: Missam abolendam, & Evangelicam doctrinam (sic enim lubet illis appellare Caluinismum) diligentissimè, seuerissimèque confirmandam. Quæ cum perfectæ essent, tum demum se illum pro Rege admissuros, & omnem illi potestatem, ac auctoritatem concessuros recipiebant: eamq̃ spem, vt firmius illi iniiceret, quædã Edicta, sub eius solo nomine sanciri, & palàm per vrbis compita promulgari voluerunt.

6 Enumerò Rex, siue prodicionis crudelitate obstupescens, siue quòd eò audaciè perduelles numquam fuisse progressuros existimarat, vel etià quòd idem periculum sibi ab istis impendere prospiceret: longè satiùs videri respondit, antequam quid aduersus Reginam tentaretur, vt capta religionis probanda, & subscribenda ei proponerentur. Itaque per duellium nomine eam provinciam suscepit, vt Reginam accederet, ab eaq̃ partim minis, partim precibus, assensum extorqueret. Rex in cubiculum vxoris ingressus, flens, de sua culpa ingenuè confiteri, & identidè

veniam sui peccati, quod gravissimum esse non incipiebatur, velut supplex implorare cepit: posteaq; totam conspirationem aperire. Ac inter cetera, hoc perduellibus constitutum fuisse, dixit, ut Tamerio Balfour, & dominis de Flamy, & Leuiston ceruices amputarentur, multi ex Primoribus caderentur, & ex nobilissimis Reginae puellis, nonnullae inprofuentem proijcerentur. Tum verò Rex, etiamsi ab illis, & Regni obtinendi, & benevolentiae cum Regina Anglicana conciliandae, summorumq; auxiliorum spe laeteretur, tamen se intelligere affirmavit, quòd tandem sua opinione, eorumdem perfidia, non solum deiceretur, verum etiam in simile capitis sui periculum cum Regina vxore veniret. Sed iam se cogitare, quemadmodum illas insidias, quae sibi, & vxori struuntur, effugiat.

7 Regina ubi coniurationis mysteria cognouit, maritum suum hortari, & rogare cepit, ut ad socios rediret, seq; cò faciliè adductam renuntiaret, ut eorum postularis omnibus subscriberet: sed tamen quò hæc decreta maioris in posterum momenti, & auctoritatis essent, neve per vim, & minas ab ea, quae velut in custodia teneretur, expressa, & extorta putarentur, ipsam Reginam aliquantulum laxandam, & milites dimittendos suaderet. Rex ad perduelles, qui responsum cupidius expectabant, illicò reuersus, docuit, se propensum Reginae animum, & ad omnia quae peterent, vltro concedenda, faciliè comperisse: sed tamen se consuhere, ut illa paulò laxius, & liberius ad vnà dumtaxat noctem haberetur.

8 Ea de re inter illos diù, multumq; deliberatum est: cum alij, non esse Reginae occidendae amittendam occasionem, censerent: alij, si id fieret, populi arma, & motus pertimescerent: alij, prius omninò Reginae consensum exprimendum, suaderent. Quare tandem Regi permissum est, ut ipse, remotis militibus, suae vxoris custodiam vnus noctis spatio in se reciperet: idq; propterea est ab illis indultum, quòd Reginam ita deplorata, & afflicta valetudine esse audiebant, ut vix eam noctem integram esset transmissura.

9 Sepositis ergo perduellium satellitibus, & sub mediam noctem aliquot ex Reginae praesidiarijs custodibus intromissis, Rex, Reginam extra castrum Aedimburgi secum vnà cum tribus Nobilibus eduxit: cumque equos ascendissent, reliqua nocte ita eorum cursum concitarunt, ut sub auroram, ad munitissimam Dombarij arcem peruaderent.

10 Hac ratione Sereniss. Scoriae Regina perduellium cruentas manus, praesentissimumq; mortis discrimen declinauit. Postridie cum id perduelles cognouissent; suam omnes imprudentiam grauius culpasse, feruntur; quòd se vnus mulieris promissis, & verbis deludendos esse, non praesensissent. Et interea rei bene gerendae eam occasionem amisissent, quae numquam sese oblatura esset. At nihilominus quantos maximos possunt, suae factionis hominum greges, collegere, ut, & Regi, cui iam,

se quoque infestos esse ostendebant, & Regina, si quid moliretur, obfisterent, suamq; conspirationem corroborarent.

11 Sed notandum est, eo ipso die, quo Regina in custodiam coniecta est, aliquot clarissimos, & fidelissimos eius Serenit. Clientes, & in ijs Comites de Boduel, Hontlaij, & Athel, per fenestras euasisse, breuiq; tempore, ad dominam, & Reginam suam liberandam, serè nouem hominum millia consecisse: quorum auxilio perduelles ipsos in Angliam eiecerunt, & Reginam Ædiburgum reuocarunt: vbi de aliquot ciuibus conspirationis huiusce socijs sumpta supplicia fuere.

12 Hoc exemplo, (siquidem benè, feliciterq; cum illis agatur, qui alieno periculo, & infortunio cautiore sunt:) hoc, inquam, exemplo, quod vsque adeò portentosum posteris videbitur, vt vix ea immanitate homines inuentos fuisse, (nisi ad temporū nostrorum crudelissima quæq; spectacula respiciunt:) sint vñquam credituri: Reges, & Principes admoneantur, vt insidias, & machinationes, quæ religionis velo teguntur, tandem aliquando denudent: meminerintq; quid à viginti annis Caluinismus mali, & detrimenti orbi Christiano importauit. Fas sanè huiusmodi Scholæ homines esse putant, quiduis in Reges, & Principes suos machinari: de eorum iure, ac auctoritate in dies aliquid cōuellere: ac, dummodo Euangelium (speciosus nimirum, & popularis prætextus) obtepdatur, testata, & occulta sua esse consilia, & maleficia, neque à quouam redargui posse, sibi persuadent.

13 Sensim sese primò insinuantes, & quasi irrepentes, vñam conscientiz libertatem sibi dari postulant. At vbi inualuerunt, viresq; crescendo acceperunt, non eandem ipsam vitæ, & religionis libertatem, solum, sed & vitam, & dignitatem Regibus, & Principibus suis eripere conantur: vt nuper admodum quidam Calviniani furoris patronus, publicè edito scripto orbi legendum proposuit; Regum videlicet, mortibus, Euangelio aditum faciendum fuisse.]

14 Attamè huius narrationis accedat hæc Parenthesis, ex Genebrardo: vt, quo pacto cum ipso Rege se gesserint perduelles isti, Lectorem hic nō lateat. [Igitur cum prius Regem, vt vidimus, corripissent, ac per eum, tamen frustrati essent: ipsum quoq; summopere tunc exosi, quod contra promissum ipsis factum, & omnia Regina indicauerit, & Catholicam fidē sequeretur: ad Iacobum se conuerterunt Regina fratrem, nothum, qui ab ipsa nuper fuerat in honore constitutus: tamquam fidelis ei futurus, & sanguinis coniunctione, & tanti honoris, beneficiorumq; accessione. Ille verò spe regnandi, ad illorum partes facilè adducitur. Itaq; non diu post, paulò ante Quadragesimam, anni 1567. cum iam omnia magis conciliata viderentur; inter Bachanalia illius tempestatis, vocati sunt ad conuiuium à quibusdam confederatis Nobilibus, & Rex, & Regina, quæ infantulum Principem nondum bimū, simul videbatur allatura.

15 Illa verò siue, quòd perfidis hominibus assueta, nonnihil tale suspicaretur: siue, quòd valetudinis ratione, curaq; infantis Principis, aut alia quauis causa, auocaretur, subito ab illo conuiuio abstinuit: atque aliò se interim remotius contulit.

16 Eadem nocte confederati, puluere tormentario, domum ipsam, & cubiculum, in quo Rex erat dormiturus, euertendum curauerunt. Itaq; cum exacto conuiuio, Rex dormitum abiisset, solusq; iam cum famulo cubiculario versaretur, siue quòd prius è fenestra desilierit, tale quid præsentiens, siue quod simul cum ædibus in aera sublatus fuerit, in hortum proximum elapsus, atque ibi à confederatis comprehensus, qui omnia vigilantissimè custodiebant, inter ipsorum manus suffocatus est.] Prosequamur ex præfato libello Proditionis, &c.

17 Cuius quidem foelera cupiditatis inmanitatem, non ita multò post iidem, post effracta semel mentis, ac conscientiae repagula, Scoti perduelles in Reginam suam denuò exercuerunt. Quam post mariti noui Regis obitum captam, Angliæ Reginae tradunt, non solum propter hereditarium quoddam odium inimicæ, sed etiam ob diuersum Religionis studium insensissimæ.

18 Omnem porrò istius captiuitatis persecutionem, ærumnarum, progressum, quas optima Regina per nouemdecim annos pertulit, & mortis crudelissimæ historiam, quam sustinuit, descripsit Nicolaus Sanderus lib. 3. de Schismate Anglicano. ex quo hæc pauca excerpimus, & citantur in concertatione Ecclesiæ Anglicanæ.

19 Maria Stuarta Scotorum Regina, cum multa, vt dictum est, fanda, & infanda ab Euangelicis subditis suis pertulisset: Elisabethæ Angliæ Reginae blandis litteris, nuncijs, muneribus, in Angliam inuitata, promissioq; militum præsidio, quò in Regnum restitueretur, adducta, fide publica accepta, in Angliam profecta est.

20 Sed non ita multò post ingressum, traditur nobilissimo Comiti Sallofuenfi seruanda: apud quem, propter constantem Catholicæ fidei confessionem, durius semper tractata fuit. Sed maximè postremis diebus alijs custodibus difficilioribus tradita, varijs, & indignis modis agitata, ac calumnijs indignissimis impetita, vitam parum iucundam ad multos annos duxit.

21 Quæ, cum Princeps fuerit, nec legibus, Regibusque Anglicanis obnoxia: tamè (quòd Principibus exteris, Regumq; omnium Oratoribus permittitur) vt auito more Deum coleret, Sacerdotemq; haberet, qui sacrum faceret, & Sacramenta administraret, nullo modo concessum est: quare magis, quàm exilio, aut carcere, aut calumnijs aduersariorum affligebatur. Vbi & illud permirum, ac planè barbarum exstiterit: quòd Regina cum fuerit, & omnium mortalium Elisabethæ sanguine coniunctissima, atque ab illa in Angliam, ita vt cōmemorauimus, inuitata,

numquam tamen, licet id obnixiſſimè ſæpè poſtulaſſet, vel in colloquiũ, vel in conſpectũ ipſius venire, his decem & nouem annis fuerit permiſſa.

23 Nec mirum ſanè hoc videri debet, ſi vel Eliſabethæ crudele ingenium, & conſilium iam ſuſceptum, ſive Leceſtrij, & ſociorum, in pelliſſimis ſtabiliendis, ac propagandis hæreſibus obſtinatum animum, ſive immane odium, quo ſanctiſſimam Reginam, ob fidei Catholicæ conſtantiam, proſequuti ſunt, attendas. Nam illa, de ſolio ſuo confirmando, vitæque tuenda, (quam iuſtis ex cauſis in magno discrimine arbitrabatur verſari) ſollicita, ob barbaram Reginæ Scotiæ tractationem, crudelemque Scotiæ, & perturbationem, & deuſtationem: tum ob ſeditiones, & tumultus ſubditorum, contra potentiſſimos Reges Hiſpaniarum, & Galliarum, ſuo, ac Oratorum ſuorum conſilij, excitatos, id vnicè expediuit, vt Regina Scotiæ, quam vinculis iam haberet conſtrictam, quæcumque tandem ratione, è medio tolleretur: exiſtians miſera, ſe tunc futuram ſecuram, ſi illam ſepultam cerneret, quam ſibi aliquando ſueceſſuram, ope, & auxilio Chriſtianorum Principum timebat. Leceſtrius etiam, Cæcilij, & reliqua turba orbis perturbatorum, cum optimam Principem ad perfidas ſuas partes pertrahere, aut animũ planè Heroicum, hæreſeos veneno inſicere non poſſent, tum demum in apertam rabiem conuerſi, & optimam Reginam Scotiæ à cõſpectu Eliſabethæ arcere, & crudeliſſimæ neci dare ſtatuērunt.

23 Quod vt in ſpeciem iuſtiũ præſtarent, viri ad fraudes nati, miras excogitarunt coniurationes, in Principem ſuam, à Sereniſſ. Regina Scotiæ, eiufque amicis ſuſceptas: quòd, ſcilicet, decreuiſſent, Eliſabetham de ſolio ſuo deturbare: Catholicam Religionem, relicto crudeli Caluinismo, in Inſulam reuocare; & id gẽnus alia, quæ aliter quàm vanis quibuſdam litteris, more Caluiniano fictis, & excogitatis, probari non poterant: quæ tamen Leceſtrio, eiufque ſocijs (quibus nec conſcientia eſt, nec religio, per ſummum ſcelus, Principes trucidare, eorumque ditiones per tyrannidem inuadere) iuſtæ ſatis videbantur.

24 Ergo Catholica, ac Sereniſſima Maria Scotiæ Regina, in arce Northamptoniæ Fotheringamo, die 8. Febr. iuxta veterem annorum ſupputationem, impiæ Eliſabethæ, ſeu Iezabelis Angliæ aſſertæ Reginæ imperio, ſecuri percuffa eſt: ætatis ſuæ anno 44. à nece Regis ſui mariti, 20.

25 Ecce, Lector prudens, per quam vaſſallorum verſus ſuos Reges Scotos obedientiam legitimam, ac ſolemnnem ſubiectionem, Reformatæ religio, quam (ſi dijs placet, immò quia dijs talium gentium placet) Rex Angliæ, & Scotiæ vocat, in ſuâ Scotiâ Diuino planè miraculo introducta eſt: vt ipſe aſſerit. Miraculo? immò abſque miraculo: ea enim Ariſtoreles non nouit, nouit tamen ἡ ἐκ τῶν ἀρχαίων δοξά, τοις πολλὰ συμβαίνον. Eo enim admiſſo abſurdo, vt ſubditi contra Reges ſuos legitimos, & naturales, iuſtos, pacificos, Catholicos rebellauerint, eoſque nedum coegerint in

ordinem, verum etiam vnus ambitiosi nothi, & alterius crudelis femina assertæ Principis efficacitate, ac prodicione, trucidauerint, nihil est mirum populum Scotiæ fuisse misere dissipatum.

26 Ecce qua præeunte in Regno Scotiæ cum vtroq; parête rerum Catastrophe, communem, & quæ ad ius, dignitatēq; pertineat omnium, non modo Regum, sed aliorum etiam quibuscumque suprema est à Deo rerum Ciuiliū demandata potestas, causam agit Angliæ Rex; eos vt expurgiscantur exhortatus, dū tempus est: neque sinant somno diuturniori, incidi in singulis, ad ruinā vniuersorum, auctoritatis suæ neruos. Quasi noui Gregorij Apostolus insonuerit auribus. [Iu verò vigila; opus fac Euāgeliste. vel quasi de ipso solo Græcus decētauerit Poeta: *Ilia. β.*

Οὐ χρὴ παντὺ χιόν ἰσθύν βουλφορέον διδρα,

ἢ λαοὶ τ' ἐπιτετραφῆται, καὶ τ' ὅσα μέμνηται.

27 Supplicamus ergo considerari, quæ nam ex ijs Consequutionibus ab Aristotele fuisset quasi legitima admissa? in lib. prioris Analyseos. Ecclesiastica vigente in Scotia disciplina, ac fide Catholica conseruata, Pontifice Romano, pro Christi Domini Vicario, sicuti reuera est, habito, subditi Scoti suorum erant Regum dicto obediētes: Reges in alta pace degebant: ac pro patribus Regibus, Reges filij sub eadem vitæ tranquillitate nascebantur: Contra: Hæretica Caluinistica, &c. in Scotia introducta apostasia, fide Catholica violata, Pontificis Romani auctoritate negata, subditi Scoti à suorum se Regum obedientia subduxerunt: Reges, intestinis eorum agitati motibus, non solum in pace, sed neque in bello viuere permisi sunt, sed suorum fuere vassallorum manibus, vel auxilio, consilio, ope, & opera trucidati: successisse verò in Regio Scotiæ solio, in trucidatorum suorum parentum locum, Iacobum vi. Diuino planè miraculo effectum est: cum semel, iterum, & tertio, de ventre etiā matris Reginæ, fuerit ab Hæreticorum insidijs, & manibus liberatus: Ergo: A supremi Pontificis Romani auctoritate, quam vt Ecclesiæ Caput in Reges Christianos habet, & à Catholicis subditis, est à Regibus timendum; vel, Ergo: A subditis Hæreticis, Caluinistis, &c. est à Regibus formidandum.

28 Sed tempus iam nos admonet, vt qualis sit doctrina Ecclesiastica, subditis Regum, ac Principum iniuncta: circa obedientiam ipsis præstendam, breuiter proferamus.

Catholicorum doctrina circa Regum ministerium, & potestatem.

Cap. XLVII. §. I.



AB ENT Ecclesia Catholica, Apostolica, Romana, & eius summus Pontifex, & vniuersè omnes Ecclesiastici Pastores & Doctores Christum Dominum Regem Regum, & Dominum do-

minantium, pro pace sua propria: euni vt Deum pacis, & non dissensionis venerantur: vnde neque in rebus gestis, neque in doctrinis, neque in dictis ab eis, vel à Catholicæ fidei professoribus verendū est, vt ex ea aliquid iniustū, contra Reges, Principes, seu seculares Potestates moliatūr. Doctrinam Euangelicam, & Apostolicam de Regum, ac Principum ministerijs, vbicumque reperiantur, honorandis, in superioribus sapius commemorauimus. Interim videndū omninò, qua pietate, ac gravitate simul cum animorum demissione, egerint Concilia, Parisiense habitum, de anno 819. sub Ludouico, & Lothario Imperatoribus, lib. 2. c. 2. 3. 4. & 5. & Moguntiense de anno 888. celebratum. Et in illo Parisiensi c. 2. commendatur Isidori sententia, supra integrè allata ex Grat. 23. q. 5. Principes. & innuitur ibi, ex natura legis Euangelicæ, ac intra Ecclesiā, Potestates haud fuisse necessarias: nisi, vt quod non praualeat Sacerdos efficere, per doctrinæ sermonem, Potestas hoc secularis, per disciplinæ terrorem, exsequatur.

2 Exstat in Concilio 4. Toletano c. 74. vel ex noua Edit. 75. insignis doctrina, de Regibus debita ab omnibus subditis Ecclesiasticis, siue Laicis veneratione, ac fidelitate: digna certè quæ legatur semel, iterum, & tertio: sicuti statuto, decreto, & Anathemate, primò, secundò, & tertio repetitis, Patres de prædictis obseruandis constituerunt. Immo eo tempore, eaque occasione Ecclesiastica tam graui lege, de tanti sceleris cauerunt negorio, cum Rex Semithilana priorum conscius scelerum, indeq; sibi metuens, seipsum regno priuauit, eiusque potestatis fascibus, vt Patres ibi loquuntur, exsist.

3 Attamen ne crescat hic Tractatus immensè, sufficiat, citasse loca, quæ videant, quicumque de Christiana meriti benè pietate, contra præfatos Hæreticos, qui dominationem spernentes, Dominationes à summi Pontificis, & Ecclesiæ obedientia separantes, eis verbis solū, ac in speciem adulantur. Ergo viden. ex Græcis. Canon. Apostol. 84. Clemens Constit. Apost. lib. 4. c. 12. & lib. 7. c. 17. Dionys. Arcopag. de Diuin. nom. cap. 12. Ignatius Epistol. ad Smyrnen. & Epistol. ad Antiochenos. Iustinus Orat. ad Antoninum Pium. Theophilus Antiochen. lib. 2. ad Autolicum: & lib. 3. Irenæus. lib. 5. c. 24. Origenes lib. 9. in Epistol. ad Rom. Euseb. lib. 4. Hist. cap. 14. Basilii in Moral. cap. 79. Oridymus Alexandrinus in 1. Epistol. Petri. Gregor. Nazianz. Orat. 17. ad ciues Nazianz. graui timore percussos. Epiphanius hæresi 40. Gregorius Nyssenus Orat. aduersus eos, qui ægrè ferunt reprehensiones. Ioan. Chrysostom. Homil. in Psalm. 148. & ad c. 13. Epistol. ad Rom. Hom. 23. Cyrillus Alexandrinus de Recta in Deum fide ad Theodosium Imperatorem. Isidorus Pelusiota lib. 2. Epistol. 216. Theodoret. ad c. 13. ad Rom. Epiphanius Constantinopolitan. Epistol. ad Hormisdam P. M. Procopius Gazzus ad Exod. illud c. 12. Dijs non detrahes. Maximus Serm. 9. Ioan. Damascen. Orat. 2. de Imaginib.

Photius apud Occumen. & ipse Auctor ad cap. 13. Epist. ad Rom. Theophylactus, & Theodulus ibidem. Simeon Metaphrastes de S. Melania. Euthymius ad Psal. 148. & Præfatione in Panopliam. Demetrius Cydonius de Contemnenda morte. Ieremias Constant. Respon. 1. c. 16.

4 Ex Latinis Auctoribus videndi, Martialis Epistol. ad Tholosanos. c. 8. Tertullianus ad Scapulam. c. 2. & in Apologet. c. 30. & 31. & de Idolatria. c. 15. Cyprian. de Baptismo Christi. & c. & lib. 3. Testimoniorum ad Quirinum. c. 38. Ambrosius ad c. 5. Lucæ. Optatus Milevit. lib. 3. Hieronym. ad c. 3. Epist. ad Titum. Augustinus Epist. 48. & 54. de Ciuit. Dei. lib. 5. c. 2. & in Exposition. quarundam Propositionum ex Epist. ad Roman. Propos. 71. & 74. & lib. 3. Confess. c. 8. Innocentius I. Epistol. 2. ad Exuperium. cap. 3. Leo I. Epist. 82. Sedulius ad c. 13. ad Rom. & ibidem. Primasius, Haymo, Anselmus, & Bruno & arthufianus. Gregorius Magnus in lib. 1. Reg. c. 10. & lib. 4. Epist. 52. & lib. 7. Epist. 120. Isidorus Hispalensis. lib. 3. de Summo bono. c. 49. Concil. Toletan. 6. c. 13. & Concil. Tolet. 12. c. 1. Beda ad c. 12. Marc. Alcuinus Præfat. in lib. de S. Trinit. ad Carolum Magnum. Prædictum Concil. Parisien. lib. 2. c. 8. Concil. Meldense c. 15. Remigius ad Psalm. 88. Altercatio Eccles. & Synagog. c. 13. Radulph. Flauiacen. lib. 3. in Leuit. c. 4. Petrus Damian. Epist. ad Carolum. & Epistol. ad Henricum Regem. Radulphus Ardens Domin. 23. post Trinit. Iuo Carnoten. Epistol. 241. & 250. Hugo Victorinus de Sacram. fidei. lib. 2. Part. 2. c. 8. & 9. Bernardus Epistol. 170. Petrus Blesen. Epist. 30. Ioannes Salisberien. lib. 4. Polycratici, de Curialib. nugis. c. 2. & lib. 6. c. 24. Guillelmus Parisien. lib. 1. de Sacramentis. Alex. Alensis. 3. p. q. 137. memb. 3. Iacobus Vitriacus Domin. in Sexagesima. Albertus Magnus 2. Sentent. dist. 44. Thom. Aquinas, seu Auctor Opuscul. de Regimin. Princip. lib. 1. c. 8. & lib. 2. cap. 15. Bonauentura lib. de Ecclesiastica Hierarchia. Par. 2. Iacobus Genuen. Domin. 23. post Trinit. Serm. 3. Durandus à S. Portiano 2. Sent. dist. 44. q. 3. Petrus Bertrandus Tractatu de Origine, & vsu Iurisdictionis. Thomas Argentinens. 2. Sent. d. 44. q. 1. Art. 4. Ioan. Gerson. in Compendio Theologiæ. in expositione 5. Præcepti. & in Regulis moralibus. de Auaritia. Laurentius Iustinianus de Triumphali Christi agone. c. 12. Aeneas Syluius Libello de Aulicorum miserijs. Dionys. Carthusianus ad c. 22. Matth. & ad c. 13. Epist. ad Rom.

5 Hi omnes Patres, & Scriptores miro in præfatis locis consensu, Majestatem Regum, Principum, immò quorumcumq; imperantium extollunt: docent eis omnem esse honorem exhibendum, tributa pendenda, exfoluenda vestigalia: eis auxilio, consilio, fauore ab omnibus adstantum esse subditis: vt quietam, & pacificam vitam, iuxta Pauli Apostoli vota, omnes in Republica agant; quorum Scriptorum, ac Patrum dicendi stilus quantum dillet à filo loquendi, ac docendi præfatorum audacium, præsumptuosorum, ac impiorum Sectariorum, facile considerabit Lector, ma-

nualique praxi experietur, quznam versetur differentia inter eos Scriptores, qui ad agendum de sacra Regum, ac Principum Maiestate in superbo spiritus perduellis, iam ab ipso secundo suæ creationis instante, atramento, atra mente, calamus intinxerunt, & eos, qui donorum Spiritus sancti participes, de eadem Regia Maiestate disputarunt.

6 Attamen quia dictum est, in Ecclesia, eiusque summo Pontifice Romano residere potestatem, abdicandi Reges, & Principes Christianos: cum illud postulauerit Euangelij, ac Regularis Ecclesiæ disciplina: ut quo modo sit intelligendum, hanc Principum obedientiam, cum Ecclesiæ illa potestate, eiusque exercitio convenire, sequenti Capite quadam communiora apponentur, ut ad peculiariora postea veniamus.

De Ecclesiastica disciplina, circa conuersationem cum Hæreticis, & Excommunicatis vitandam. Cap. XLVIII. §. 1.



VID in sacra noua Pagina de hoc sit dispositum, diximus cap. 43. §. 12. & 13. quod si quæ Ecclesiastica deinceps docuerit disciplina, de Hæreticis, ac Excommunicatis vitandis, cõsulamus, Apostolorum Can. 45. sic decretum est: [Episcopus, vel Presbyter, vel Diaconus, qui cum Hæreticis, vel solum comprecatus est, segregetur. Si autem illis, tamquam Clericis aliquid operari permiserit, deponatur.] Quo loco notanda est Balsamonis expositio: [Comprecari, ait, est, simpliciter communicare, & in Hæreticorum preces mitius affectum esse: eos enim tamquam execrabiles habere, nec eis familiariter uti debemus.] Conciliū 1. Nicæn. idē statuit Can. 5. Antiochen. Can. 2. Laodicen. Can. 33. Eliber. Can. 13. Arelat. 2. Can. 8. & in Epist. Sardicen. Concilij ad omnes Episcopos. vbi Patres complura Diuinæ scripturæ testimonia, quibus fidelium communio Excommunicatis interdicitur, adducunt. Et Toletanum 1. Canon. 12. & 15. Aquisgran. Can. 75. Antifiodoren. Can. 38. & 39. Bracharen. 1. cap. 33. Parisinum 1. cap. 7. Casar-Augustan. cap. 5. & Turonen. 2. cap. 9. Triburien. cap. 11. quod Nicæni, & Antiocheni, & Callixti Pontificis decreti mentionem facit. Et Canon. 9. Concilij apud Paladium Vernis sub Pipino Rege, ad annum Domini 755. celebrati. Denique de hoc videndus Gratianus tota Causa 11. q. 3. vbi copiosa adducit testimonia, idem confirmantia.

2 Habentur etiam innumera serè summorum Pontificum similia Decreta. Quod si antiquissima repetamus, Clemens Romanus successor Petri 3. & ipse vberibus, ut ait Origenes, ablaetatus, ad fugiendam Hæreticorum communionem, fideles adhortatur, lib. 6. Constit. Apost. Cap. 13. 18. & 27. Sequenti seculo Callixtus in Epist. ad Galliarum Episcopos, quam penè integram in suis Collectaneis habent Gratianus vbi su-

pra, Polycarpus, Anselmus, Burchardus, & Iuo. [Cum excommunicatis, inquit, nullus, nec in oratione, aut cibo, aut potu, aut osculo communicet: nec, Aue, eis dicat: quia quicumque in his, vel alijs prohibitis scienter excommunicatis communicauerit, iuxta Apostolorum institutionem, & ipse simili excommunicationi subiacet.] Fabianus mirabili electione, ut est Auctor Eusebius lib. 6. cap. 20. Callixti in eadem Petri sede successor, Epist. 1. cuius pars est apud Gratianum, Capite, Sicut. 1. q. 3. idem docet, ex Apostolorum traditione. Gelasius, qui fidei zelo, ac doctrinae praestantia in Ecclesia excelluit, legendus in Epist. ad Anastasium Augustum, & Epist. ad Euphemianum. & ad Episcopos Dardaniz. Similis Callixto Nicolaus I. in epist. ad Michaellem Imperatorem, hanc eandem, Apostolicam doctrinam tradit: quam refert Gratianus c. 3. distinct. 72.

3 Ex antiquis Patribus plura possent addi similia documenta, sed omnino audiendus est Tertullianus apud Latinos, libro de Praescript. aduersus Haereticos. cap. enim 30. loquens de Martione, & ostendens Ecclesiae communionem, ob haeresim, priuatum fuisse: [In perpetuum, inquit, dissidium relegatus est.] & lib. 1. ad uxorem. cap. 3. ab omni fraternitatis consortio excommunicatos arcendos esse, dicit: confirmans id Apostoli doctrina 1. ad Corinth. cap. 3. & cap. 12. de Praescription. &c. sic habet: [Apud Haereticos omnia extranea sunt, & aduersaria nostrae veritati: ad quos veramur accedere. Quis seruus cibaria ab extraneo, ne dicam, ab inimico Domini sui, sperat? Quis miles ab infederatis, ne dicam ab hostibus, donarium, & stipendium capiat: nisi planè desertor, & transfuga, & rebellis? Nemo inde instrui potest, unde destruitur. Nemo ab eo illuminatur, à quo contenebratur.]

4 Leo item Apostolico spiritu praeditus, ita concionatur Serm. 28. de Passione Domini. [Viperea Haereticorum vitate colloquia. Nihil vobis commune sit cum eis, qui Catholicæ aduersantes fidei, solo sunt nomine Christiani.] Cyprianus lib. 1. Epist. 3. prope finem sic praedicat: [Declinent autem fortiter, & euitent dilectissimi fratres nostri verba, & colloquia eorum, quorum sermo, ut cancer serpit.] & item; [Nulla cum talibus commercia copulentur: nulla conuiuia, vel colloquia miscantur: simulque ab eis tam separati, quam sunt illi de Ecclesia profugae.] & rursus: [Nulla societas fidei, & perfidiae potest esse: qui cum Christo non est, qui aduersarius Christi est, qui unitatis, & pacis inimicus est, nobiscum non potest coherere.] Habetur autem apud Athanasium in vita Antonij, illum Magnum Abbatem, & insignem Christi Ecclesiae columnam, nunquam Haereticis amabilia verba dixisse: discipulis verò etiam praecipere solitum, ne prope Haereticos quidem accedendum: non secus, ac prope eos accedere formidamus, qui peste laborant. Est enim haereticis pestis in primis perniciofa; adhæret verbis, adhæret libris, solis colloquijs inspiratur.

5 Ex Græcis Patribus legendus est Gregorius Nazianzenus Orat. in funere patris; ubi Nonnam commendat, quod, ne coacta quidem, domum Idololatrarum conspiciere sustinuerit. Item, & Basilii ipse, ad quem eam Orationem habuit Nazianzenus, in Epist. ad Patrophilum. ubi scribit copiosè de eodem argumento.

6 Et omisissis exemplis eorum Patrum, qui nimij, ac indiscreti huius disciplinz zeli fuere ab Ecclesia notati: ut constat in Meletio, ab Eusebio aliàs commendato, lib. 7. Histor. Eccles. cap. ultimo, qui se ab Ecclesiæ communione separavit: ex Epiphanio lib. 2. tom. 2. c. 68. & cū S. Petro Alexandrino communicare noluit, eo nomine solum, quod is communionem eis dedisset, qui in persecutione Diocletiani ceciderant: Similiter in Lucifero Calaritano, vitæ innocentissimæ, & fidei integerrimæ Episcopo, ut ex Theodoro, Socrate, & Sozomeno habetur, & eius præcipuè operibus elucet: denique qui fuit vir tantus, ut à Hieronymo in Dialog. etiā post Schisma Beatus appelletur, & honorificis celebretur encomijs: qui tamē Schisma, in Ecclesia fecit: quia Episcopos, qui Arimini ceciderant, post eorū resipiscentiam, & dignam pœnitentiā communicaret. His, inquam, omisissis, qui nimium emungentes Ecclesiasticam disciplinam, Schismatis sanguinem eliquerunt, suppetunt exempla Athanasij Alexandrini in Ecclesiasticis Historijs notissimi, in Arianorum tolerandæ communione inexorabilis: Apollinaris, & Catholicorum, Montanistarum conuersationem deuitantium: de quibus Euseb. lib. 3. Eccl. Hist. cap. 15. Origenis etiā Pauli Hæretici communione se subducentis: de quo idem Euseb. lib. 6. cap. 3.

7 Hunc Ecclesiasticum Canonem, utpotè in Ecclesia antiquissimum, Dionysius Alexandrinus, referente eodem Euseb. lib. 7. cap. 6. ab Heraclæ Episcopo accepisse se scribit, nempe ut eos, (cū essent accusati, qui consuetudine cuiuspiam eorum, qui alienam, & diuersam à fide doctrinā tuebantur, multum vsi fuissent:) ab Ecclesia eijceret. Iuxta quem eundem Canonē, Marcellus Ancyra Episcopus Catholicus, neque Synodo Tyrensi, neque Ierosolymitanæ, neque consecrationi magni templi à Constantino ædificati interesse voluit, ea sola causâ, ut Arianorum Episcoporum vitaret communionem: ut testatur Sozomen. lib. 2. Hist. cap. 31. Narrat Athanasius de suis Alexandrinis Catholicis, qui quidem optabant, & grotare potius, & periclitari sinè visitatione, quàm, Arianorum manus suis capitibus imponi, sustinere. Quorum plebei quidam, (ut idem in Epist. ad Solitar. vitam agētes, scribit,) cū ab Arianis verberibus compellerentur, ut eorum sequerentur communionem: [Non communicamus (respondebant) cum Hæreticis: verberate, ut lubet: Deus ob ista vos iudicabit.] Quibus addendū est exemplum notandum, apud Pratum Spirituale, (qui liber eò quod Sophronio dicatus sit, eius nomine circumfertur, & præter antiquorū Patrum commendationes, à sextæ

Synodi generalis à Patribus honorificè citatur.) c. 177. de Monacho, qui in Euagrij cellula Hæretici habitare præsumens, paulò post, fure se ipsū suffocauit. Vltimoque referemus, quod primum, & mirandum, ac memorizæ perpetuò commendandum est, exemplum Ioannis Apostoli, & Euangelistæ: qui in balneum intrare, vbi se Cerinthus Hæreticus lauerat, recusauit. Ecclesiasticæ verò disciplinæ conseruatrici Hispania, de hac Excommunicatorum conuersatione vitanda, lege etiam Regia 34. tit. 9. Part. 1. consultissimè, sicuti, & Catholicè cauit.

8. Ergo Evangelicæ lege, & Apostolorum doctrina, immò, & ea quam ex Concilijs, ex summis Pontificibus, ex Patribus, etiam quæ in iuris corpore habetur, considerata prudenter per Iuris prudentissimum, ac piissimum Episcopum Couarruiam, super cap. Alma mater. §. 1. num. 1. sic scripsit: [Hinc deducitur, cõmunionem cum Excommunicatis, prohibitam esse iure Diuino legis Evangelicæ. Id patet ex dicto c. Matthei 18. & ex alijs Pauli, ac Ioannis Apostolorum locis. Hanc opinionem tenet Cosmas in Pragmatica Sanction. tit. de Excommunicat. & c. verbo. nisi. Felin. post alios in cap. Nulli. de sent. excomm. & Theologi, qui nostra ætate aduersus Lutherum scripsere. Illud tamen est in hac re obseruandum: lege Evangelica prohiberi communionem cum Excommunicatis in his, quæ ad Diuina pertinent: in alijs autem prohiberi lege humana. Etenim in Euangelio illa communicatio prohibetur, quæ verè, & propriè Christianorum est, & spiritualia respicit: & sic illa, quæ circa Diuina contingit, Auctore Thoma, in Addition. ad 3. Part. q. 23. Art. 3. Igitur communicatio in Diuinis, est cum excommunicato prohibita, lege Euangelicæ, non in alijs: sicuti adnotarunt Ioan. Maior. in 4. distinct. 18. q. 4. & Driedo in lib. de Libert. Christiana. pagina 137. Huc pertinent multa, quæ in præcitatis paulò antea locis, frequentissimè à viris sanctitate, & doctrina celebratissimis traduntur.] Hactenus Couarruias.

9. Distinctionem hanc de communicatione in Diuinis, vel in reliquis Ciuilibus. & c. admittunt, & sequuntur Doctissimi Theologi, & Iurisprudentes posteriores: cui & nos accedimus; & miramur, Doctum aliàs, & Nobilem quemdam Hispanum, admissa distinctione hac, asserere, à dicto Episcopo falsò adduci pro ea approbata D. Thom. eo loco allegato: cum clara sit littera hoc affirmans, tam in corpore Articuli, quàm ad 1. & 2. argum. immò potuisset etiam citari S. Thom. 2. 2. q. 12. art. 2. vt inde, si bene intelligatur, Couarruiæ distinctio confirmetur. Hac doctrina præuia, quietantur animi tot Catholicorum, qui inter Hæreticos degunt, ab illorum oppressi tyrannide: intelligant enim cum Hæreticis in Diuinis nullo modo esse communicandum, neque in illorum hæresis crimine, neque in contemptum Ecclesiæ. In reliquis, veluti Ciuili tractatu, & conuersatione, & quæ ad Rempubicam pertinent cætibus, seu congressibus adeundis, dummodo non sint tales, qui sint hæresis, & eius con-

fessionis, protestatiua signa, (tunc enim idem est, ac de prædictis Diuinis iudicium ferendum) agere, & conuenire cum Hæreticis haud iure Diuino Euangelico prohibentur: sed Canonico positiuo.

10 Hic videtur similis casus expressus hoc confirmans, & doctrina clara Apostoli Pauli, 1. ad Corinth. cap. 5. [Scripsi vobis, inquit, in Epistola: Ne commisceamini fornicarijs: non utique fornicarijs huius mundi, aut avaris, aut rapacibus, aut Idolis seruientibus; alioquin debuistis de hoc mundo exiisse. Nunc autem scripsi vobis, non commisceri, si is, qui frater nominatur, est fornicator, aut avarus, aut Idolis seruens, aut maledicus, aut ebriosus, aut rapax: cum eiusmodi, nec cibum sumere.] Vbi omisso, de qua Epistola faciat mentionem Apostolus: videtur enim aliam Corinthijs scripsisse, quæ perierit: quia hoc nihil ad sensum: sententia Pauli hæc est: Non inhibui vobis conuersari cum fornicarijs Gentilibus, sed si quis fratrum, id est Christianorum, huiusmodi est, qui nominatur, & notatur in Ecclesia tali crimine, volo vos ab illo fugere. Alioquin si fugiendi vobis essent Gentiles fornicarij, &c. ab hoc mundo exiendum vobis esset, qui totus plenus est huiusmodi hominum.

11 Triplex igitur hominum genus distinguitur ab Apostolo, Gentilium, Christianorum excommunicatorum, & aliorum Christianorum: quo casu admissa in his communicatione ciuili cum Gentilibus, cum fratribus inordinatè, ut alibi dixit, ambulanti, illis prohibet commisceri: sed quid si in Regno, Prouincia, vel Ciuitate, non sint nisi Hæretici, qui exierunt ex nobis, & Catholici? Certè, si à Catholicis ab Hæreticis oppressis, eorum est vitanda ciuilis cōuersatio: oportet, ex doctrina Apostoli, illos de illa Prouincia, Regno, vel Ciuitate exiisse: quòd haud est Euangelica lege commendatum. Et succedit regula generalis de vitandis excommunicatis, hac, inter ceteras, adiuncta exceptione, vtiles, & necessario, exceptis casibus: qui ambo coeunt tunc temporis: cum ex parte Catholici aditet necessitas, qui alio modo viuere in loco non potest: ex parte Hæretici expectetur utilitas; qui forsan sancta Catholici conuersatione motus aliquando, totius immunditiæ matrem hæresim, abiurabit. Sed vt proprius ad nostrum accedamus intentum, de communionem subditorum cum infideli Principe, ex D. Ithoma quæstionem hanc securius dissoluamus.

Vtrum Princeps, propter Apostasiam à fide, amittat dominium in subditos: ita quod ei obedire non teneantur? ex 2. 2. D. Tb. q. 12. Art. secundus integer: cum expositione Card. Caiet. Cap. XLIX. S. 1.



D secundum sic proceditur. Videtur quòd Princeps propter Apostasiam à fide, non amittat dominium in subditos: quin ei teneantur obedire. Dicit enim Ambrosius, & habetur, 1. q. 4.

quod Iulianus Imperator, quamvis esset Apostata, habuit tamen sub se Christianos milites: quibus cum dicebat, Producite aciem pro defensione Reipubl. obediebant ei: Ergo propter Apostasiam Principis subditi non absoluntur ab eius dominio.

2. Secundò præterea, Apostata à fide infidelis est: sed infidelibus dominis inveniuntur aliqui sancti viri fideliter servisse, sicut Ioseph Pharaoni, & Daniel Nabuchodonosor, & Mardocheus Assuero: Ergo propter Apostasiam à fide, non est dimittendū, quin Principi obediatur à subditis.

3. Tertiò præterea, Sicut per Apostasiam à fide receditur à Deo, ita, per quodlibet peccatum. Si ergo propter Apostasiam à fide perderent Principes ius imperandi subditis fidelibus, pari ratione propter peccata alia hoc amitterent: Sed hoc patet esse falsum: Non ergo propter Apostasiam à fide, est recedendum ab obedientia Principum.

4. Sed contra est, quod Greg. VII. dicit: Nos sanctorum prædecessorum statuta tenentes, eos, qui excommunicatis fidelitate, aut iuramenti Sacramento sunt constricti, Apostolica auctoritate à Sacramento absolvimus; & ne sibi fidelitatem observent, omnibus modis prohibemus, quousque ad satisfactionem veniant: (habetur 25. q. 6. cap. Nos sanctorum.) Sed Apostata à fide, sunt excommunicati, sicut & Hæretici: ut dicit Decretalis extra. de Hæreticis. Ad abolendam. (habetur lib. 5. tit. 7. cap. 9.) Ergo Principibus Apostantibus à fide non est obediendum.

5. Respondeo, dicendum, Quod sicut supradictum est, infidelitas secundum se ipsam non repugnat dominio: eò quod dominium introducitur, est de Iure gentium, quod est ius humanum. Distinctio autem Fidelium, & Infidelium, est secundum ius Divinum: per quod non tollitur ius humanum. Sed aliquis per infidelitatem peccans, potest sententialiter ius dominij amittere: sicut etiam quandoque propter alias culpas. Ad Ecclesiam autem non pertinet punire infidelitatem in illis, qui nunquam fidem susceperunt: secundum illud Apost. 1. ad Corinth. cap. 5. Quid mihi de his, qui foris sunt iudicare? Sed infidelitatem illorum, qui fidem susceperunt potest sententialiter punire: & convenienter in hoc puniuntur, quod subditis fidelibus dominari non possint. Hoc enim vergere posset in magnam fidei corruptionem: quia, ut dictum est, homo Apostata, pravo corde machinatur malum, & iurgia seminat, intendens homines separare à fide. Et ideo quàm citò aliquis per sententiam denunciatur excommunicatus, propter Apostasiam à fide, ipso facto eius subditi sunt absoluti à dominio eius, & iuramento fidelitatis, quo ei tenebantur.

6. Ad primum ergo dicendum, Quod illo tempore Ecclesia in sui novitate nondum habebat potestatem, terrenos Principes compescendi; & ideo toleravit, fideles Iuliano Apostata obedire in his, quæ nondum erant contra fidem: ut maius periculum fidei vitaretur.

7. Ad secundum dicendum, Quod alia ratio est de infidelibus alijs,

qui numquam fidem susceperunt; vt dictum est.

8 Ad tertium dicendum, Quòd Apostasia à fide totaliter separat hominem à Deo: vt dictum est; quod non contingit in quibuscumque alijs peccatis. Quo loco sic habet Card. Caiet.

An necesse sit, vt denunciatio excommunicationis precedat, ad hoc, vt subditi sint absoluti à dominio excommunicati.

9 In eodẽ Art. circa illa verba, [Et ideò quàm citò aliquis per sententiam denunciatur excommunicatus, propter Apostasiam à fide, ipso facto eius subditi sunt absoluti à dominio, & iuramento, &c.] Dubium duplex occurrit. Primum est, An exigatur denunciatio, ad hoc, quòd subditi absoluti sint à dominio, & iuramento?

An necesse sit, vt declaretur Princeps priuatus dominio, ad hoc, vt subditi sint absoluti.

10 Secundò, supposito quòd sic: An exigatur denunciatio talis pœnæ, scilicet, quòd est priuatus dominio, & iure fidelitatis: vel sufficiat denunciatio censuræ, scilicet, quòd est excommunicatus? &c. Et est ratio Dubij vtriusque ex littera, quia exprimitur denunciatio; & hoc quòd ad primum; & denunciatio solius censuræ; & hoc quòd ad secundum.

11 In oppositum autem est; quia aut ad obligationem pœnarum à iure per latam sententiam diffinitarum exigatur declaratio, aut non? Si non exigitur, ergo non est expectanda denunciatio: sed quilibet, cui constat, Principem fecisse aliquid, propter quod perseuerat in excommunicatione, est absolutus. &c. Si verò exigitur, ergo non sufficit declaratio, quòd est excommunicatus: sed exigitur declaratio, quòd incurreret pœnas consequentes.

12 Ad hoc Dubium, quamvis Canonistarum sit, pro simplicium tamen instructione, & ne exsurgat scrupulus sollicitans, & vexans conscientias timoratas, dicitur: Quòd quia regulariter in pœnis, quæ non sunt Ecclesiasticarum censurarum, requiritur declaratio Iudicis, ad exsecutionem pœnarum: vt in cap. Cum secundum de Hæreticis. in 6. habetur, & sufficiat, vt ibidem dicitur, sententia Iudicis super crimine, ad exsecutionem: ideò indubiè tenendum est, & quòd exigitur declaratio, seu denunciatio Iudicis, & quòd sufficit declaratio criminis, seu excommunicationis, cui coniuncta est à iure talis pœna. Tunc enim in suo principali, intelligitur declaratum accessorium.

13 Dixi autem regulariter, quia Panormit. in cap. Cum non ab homine. extra. de Iudicijs. excipit casum, quando factum est notorium, vt nulla sit opus declaratione: & à Felino in cap. Rodolphus. de rescript. multa ad hoc firmandum afferuntur. Periculosa tamen videtur mihi huiusmodi exceptio: quia quamdiu notorium facti toleratur à Iudice, tolerandum quoque insinuat priuatis. Peruersusque ordo statuatur, vt priuati teneantur facere, quod superior timet attentare. Quod eueniret,

si Principe existente notoriè Hæretico, Ecclesia tacens vellet subditos illi non parere.

14 Accedit ad hæc, quod sententia declaratoria non semper exigitur propter facti, aut iuris incertitudinem: alioquin quando esset euidentia facti absque hoc, quod esset notorium, non esset opus declaratione: quod est falsum. Sed exigitur propter auctoritativam manifestationem: ut quoddam auctoritas publica inchoavit Lege, auctoritas publica perficiat Iudice. Quo fit, ut alterum de duobus dicendum sit, Post factum damnatum à iure, euidenter etiam constans: Aut iudicis sententiam declarationem requiri: Aut notorietatem æquiparare sententiæ declarationis Iudicis. Quod quantum ad claritatem notitiæ, est verum; sed quantum ad auctoritatem claritatis, nescio esse, nec credo verum.

15 Puto tamen distinguendum inter posse, & debere; & quòd quando est ita notorium, quòd nulla possit tergiversatione excusari, possit executionio fieri: non tamen teneantur ad exsequendum, quamdiu Iudex tolerat; ut sic notorium facti sortiatur effectum sententiæ declarationis, quantum ad manifestationem, & non quantum ad auctoritatem. Et in materia præsentis pœnæ diligenter aduerte, quòd oportet, perseverantiam censuræ esse notoriam: quia textus dicit, [Vsq; ad satisfactionem, & quamdiu excommunicatus est.]

16 Hæc Card. Caiet. expositio, tam solidè, acutè, & prudenter D. Thomæ doctrinam interpretatur, quàm solidè, acutè, & prudenter ab Angelico Doctore, qui nouerat bene iura Canonica, fuit per omnia sua membra Theologicè distributa, & explicata. Habemus ergo ex solutione D. Thom. ad. 1. distinctionem statuum Ecclesiæ, & quid ratione, cuiusque status sit ab illa tolerandum, ubi potestatem non habet ad Principes infideles compescendos. Quam doctrinam plures summi Pontifices Romani, utpotè qui clauēs à Christo Domino nō solum potentis, sed & scientis habeant, rebus gestis esse sanctam, securam, ac solidam ostenderunt: Inter quos Ioannis P. M. & tandem Martyris, tempore Theodorici Regis Ariani, historia est notanda. &c.

17 Doctrina Card. Caietani, dicimus iterum, est tota aurea; & est quæ summorum Pontificum, & Ecclesiæ consulit auctoritati: & clauium conseruat energiam, & efficacitatem: quæ omninò sunt verendæ, honorandæ, suspiciendæ, & expectandæ: ne tumultus, illis contemptis, vel non expectatis, in populis aliis fiant: quibus haud facile iudicium de suorum Principum delictis est deferendum. Et qui Doctores hac procedunt via, Sedeni Apostolicam tutius venerantur: docentes ab illius executione iurium Canonicorum esse expectandum, quod alij minus consultè à populorum docent esse manibus præsumendum. Sed hæc omnia, cum pluribus circumstantijs, etiam moralibus, subiaceant, eam habent latitudinē, quæ haud facilè regulis specialibus subiiciuntur. Et Caietani

cenſura illa §. 13. huius Cap. eſt notāda. Meminiſſe etiam erit operaprecium, doctrinæ illius à nobis aſſignatæ, de differentia Regulæ, & illius vſus: ſupra hac Part. cap. 10. §. 7. 8. 9. & 10.

18 Interim experientiā didicimus, quosdam ſummos Pontifices, quia tunc illud & temporis, & rerum geſtarum circumſtantiæ ſic exigebant, Principes quosdam denunciaviſſe ſententialiter excommunicatos, & ab eorum obedientiæ vinculo ſubditos exemiſſe: quosdam alios, quia temporis, ac aliarū circumſtantiarum illud poſtulabat ratio, ab hac ſententiali abſtiniſſe, & abſtinere denunciatione, ac vaſſallorum quaſi manuſſione: quia lenioribus remedijs credebant, Principes Hæreticos aliàs ad mentem ſaniorē reducendos: inſuper attendentes, iuxta doctrinam D. Thom. hic ad 1. ſemper maius fidei periculum devitandum.

19 Quo loco haud eſt ſilentio inuoluenda doctrina cæleſtis, ſancti illius Pontificis Gregorij vii. quam cū olim inchoatū, ex diſcretionē præcipua, Regula S. P. N. Benediſti, Ordinis cuius fuerat Monachus, & ex Scriptis Paſtoralis Regulæ S. Gregorij Magni ſui Prædeceſſoris habuiſſet, vltima ſua perfectione eam haurit, & expreſſit ex Spiritus ſancti, Romanis Pontificibus, ad Eccleſiæ regimen aſſiſtentis, magiſterio, & inſpiratione. Is ergo Pontifex lib. 9. l. piſt. 5. præcipiens cuidam ſuo Legato, vt reſtitueret piſcopos Normannos, quos aliàs depoſuerat, ne Regem Angliæ, qui in Sedē Apoſtolicam, præ ceteris Regibus, obſequentior erat, exaſperaret: & iubens, vt circa illius ſubditos mitiùs agat, ſic habet: [Rex Anglorum, licet in quibuſdā non ita religioſè (ſicut optamus) ſe habeat: tamen in hoc, quod Eccleſias Dei non deſtruit, neque vendit: & pacem, iuſtitiamq; in ſubditis ſuis moderari procurat: & quia cōtra Apoſtolicam Sedē, rogatus à quibuſdam inimicis Crucis Chriſti, pactum inire, conſentire noluit: Presbyteros vxores, Laicos decimas, quas detinebant, etiam iuramento dimittere compulſit: ceteris Regibus ſe ſatis probabiliorem, ac magis honorandum oſtendit. Vnde non indignum debet exiſtimari, poteſtatem illius mitiùs eſſe tractandam: atque reſpectu probitatis ipſius, ſubditorum, & eorum, quos diligit, negligentias ex parte fore portandas. Denique meminiſſe poteſt Dilectio Vetræ, qualiter & B. Leo Papa Neophytos, & B. Gregorius Venantium expatrium, quem ſuus Epicoſpus iniuſtè corripuerat, ſuſtinuit: & quemadmodū clementia Domini, Iſaſaphat Regi Iuda, qui impio Achab auxilium præbens, iram Diuinam meruerat, indulſit.]

20 Hactenus ſummi Pontificis Gregorij propoſuimus doctrinam; ex qua colligere poſſunt Angliæ Reges, an deſtruere Eccleſias, aut vendere; contra Apoſtolicam Sedem, rogatu inimicorum Crucis Chriſti, pactum inire, ſtatus Eccleſiaſtici ſuccidiſſe cœlibatū; laicis & decimas, & bona Eccleſiaſticorum contribuſſe; ac tandem Eccleſiæ Romanæ, & Chriſti IESV eius ſponſi ſcidiſſe veſtem, ſummiſſis eius Pontificibus obedientia

negata,

negata, & sibi ipsis esse Caput Ecclesiæ suæ Prouinciæ præsumpto: colligere, inquam possunt, an hæc omnia cum Regum suorum Maiorum, nedum qui sanctorum Catalogo adscripti sunt; verum, & cum illis, qui ut ait Gregorius, non ita religiosè in quibusdam se habebant, aliqua valeant similitudine coherere. Sed adhuc pauca, quæ circa hoc sese nobis dicenda offerunt, ex charitatis zelo, quo, ratione speciali proprii Monachatus Benedictini, in gentem Anglicanam ducimur, in Capita peculiararia referuamus.

Hanc Ecclesiæ, & Pontificis Romani potestatem, in beneficium Regum, ac Principum Christianorum cedere: declaratur. Cap. L. §. 1.



ONSIDERANDVM tamen est maximè, circa D. Thomæ, & Cardin. Caietan. adductam doctrinam, inter Ecclesiam, eiusq; summum Pontificem Romanum, & Principes seculares Christianos, hanc quasi consistere mutuam, ac reciprocam obligationem: ut sicuti Principes Ecclesiæ, se suaq; subiecere scepra, in quos nisi per Baptismi susceptionem, & in Christi Ecclesiæque filiorum adscriptionem, nullum Ecclesia formaliter, & præcisè, & seclusis tribus illis prædictis causis, de eis bello etiam impetendis, ex eodem S. Thom. supra relatis c. 43. §. 5. ius haberet: sic Ecclesia Principes Christianos à suorum vassallorum inobedientia, rebellionibus, ac iniurijs tueatur, ac defendat: neque patiatur omni suorum armorum, spiritualium penu exprompto, contra dictos Principes Christianos Christianorum subditorum perduellionem roborari.

2 Elucent hic certè cælestis huius in terris Ecclesiasticæ Hierarchiæ, ac Politicæ præconia; hic altissima, in hac status secularis ad Ecclesiasticum subiectione, mysteria propalantur. Si enim Reipublicæ cuiuscunque cum suo Rege, seu Principe constitutionem consideremus; præmeditatis illis, quæ existisse diximus causas, homines sub vno Duce, Principe, aut Rege conueniendi, statim sese offert hæc naturalis ratio: Principes suis subditis, ac illis subditos hac lege nedum tacita, verum expressissima coherere: ut subditis, omni obediëntia, ac subiectione suis præstita Principibus, Principes omnem protectionem, ac defensionem successiue impertiantur. Horum altero in altera deficiente parte, totum ut corrumpat obediëntiæ, & imperij ædificium necesse est: quasi fundamēto altero, ex necessarijs ad illius molis integritatem, destitutum. Est enim hæc velut *αὐτοχθον*, indigenaq; lex Principatuum, eorumq; innata sceptris, (ait Aristoteles 5. Polit.) ut ea ipsa, Rempublicam, ac Imperij sui iura Princeps labefactans, publicis sceleribus, subditorum oppressione,

tyran-

tyrannicaq; administratione, Corona mulctetur.

3 Romanis legibus tutor, qui in re pupillari grassatur, officio suo abusus, remoueri potest, accusatione suspecti: Princeps, qui populi tutor publicus est, si iniquè in officio versetur, tutelari regimine poterit abdicari. Duodecim tabularum legibus, patronus clienti fraudem faciens, Sacer esse iubetur; id in Principe, ut teneat æquius est, quāto verius ille patroni totius populi gerit locum; & priuatè, vniuersitatì totius caussa præstat. Fœdistica præterea lege constat, quibus caussis fœdum, amittitur à vassallo, iisdem, & à patrono amitti: quod cliētela fœdalis, pari vtrinq; fide, & benevolentia nitatur: dominusq; in omnibus vicem suo fœdali reddere debeat: ne si non reddat, malè fidus ex consequo censeatur. Quod si Claudij Imperatoris rescripto, peræquè ins amittitur patronatus, liberto à patrono alimētis denegatis, ut libertus, iniuria facta patrono, in seruitutem reuocatur: certè hæc in Principe idē habere debent ius, quem iuramenti Sacramento, ut ei populum, sic vicissim populo relatio vna & eadem obligauit.

4 Igitur si Principum potestas, non qua Christiani sunt, sed qua Ciuiles Ciuilibus præpositi hominum congregationibus consideretur: quasi inter patronos, & clientes, mutua inter ipsos, & subditos consurgit obligatio: metuum etiam Fellohiæ crimen, ut subditi erga dominum, sic & Domini erga subditum. Hinc perit ius domino contra subiectos, præter cum eis pacta, aliquid in eorum perniciem innouanti. Est enim certum in Principatus cuiusq; erectione, nec populos creasse, aut recepisse Principes, nisi certis fundamentalibus conditionibus: quibus à Magistratu summo manifestè violatis, sit consequens, illos ius eorum abdicandorum habere, qui habuerant creandorum.

5 Et quidem hæc omnia in communi, ac generali doctrina vera cum sint, quantumcumq; in particulari applicatione illius errare sit facilè; si iam Reges, Christianosq; Principes, sub Christi Euangelio, cum Ethnicis in lege naturæ conferamus, hoc solum inter eos discriminis intercedit, quod Christiani ad iustè, pieq; imperandum, multò sunt quā, illi arctius obligati: sicuti & eorum subditi Christiani, ad illis modeste, ac patienter parendum, multò quā Ethnicici arctius obligantur. Illi à Republica, & ob publicum bonum creabantur; creantur & isti. Illi legum erant custodes, quibus ipsi etiam subdebantur; subduntur & isti. Illi cōtempo bono publico, ad priuatum commodum omnia referētes, à Rebus publicis deponebantur, ut in Græca, & Romana, ex varijs cōstat historijs; & apud Christianos Respublicæ aliquando per varias prouincias, ut est notissimum, suos Principes deposuerunt. Si qui ergo sigillatim Regum voluerit percurrere iura, ratio, & natura communis omnium parens nihil Christianis Regibus indulsit supra Ethnicos veteres Romanos, & Græcos singulare, si solam naturæ, & rationis legem intueamur,

& primam dignitatis Regiz originem consideremus .

6 At si ad Euangelicam legem oculos conuertamus: vbi tot sunt precepta diuinitus edita, de Fide, Spe, Charitate, Iustitia; de vita beata, & inferorum supplicijs æternis; vbi Regia dignitas erroribus purgata Paganis, ad vnicam Christianę disciplinę veritatem instituitur, & ad cęlestem refertur beatitudinem; vbi nulla est alia in ea promissę felicitatis adipiscendę via, nisi per Ecclesiam Catholicam; vndę Regia auctoritas in primis, debet Ecclesię bonum intendere, Ecclesię statum tueri; Ecclesię Canones promulgare, Ecclesię aduersarios expellere, Ecclesię seruandę, propagandę, amplificandę omnibus modis studere; quando tot sunt vincula, obligationes, conditiones, pacta, iuramenta, de hac Ecclesia tuenda, eiusque Catholica fide, ad extremum vitę spiritum, etiam cum sanguinis, nedum fortunarum omniũ dispendio, conseruanda: clarum est, Christianis Regibus tanto maiorem impositam esse iustę, pięq; reguandi necessitatę, quanto Christianę Religionis sacra, vota, iuramęta, quantũ Christus Deus, vera fides diuinitus infusa, æterna exspectata felicitas, magis conscientias Regum Christianorum deuinxerunt .

7 Tantę in Regibus, & Principibus Christianis versũ Sanctam, Catholicam, & Apostolicam, Romanamq; Ecclesiam subiectioni, vt ex Ecclesię parte aliquod magnum responderet, quasi primum quoddam oculare, opus fuit: quod & Principes iam ipsius vniti communioni, suo Politico imperio ingentem fuisse auctoritatis, ac honoris factam accessionem cognoscerent, & adhuc non vniti, ex Principum Christianorum, prospera, sui status Politici cũ lege Euangelica, & Ecclesia, cõiunctione, ad fidem similiter suscipiendam, exemplo glorioso, mouerentur . Ergo priusquam Principum Christianorum Regna, & Imperia Ecclesię, incorporarentur, erant Politica, principijs, medijs, finibusq; continebantur, quę naturali ab inclinatione, Gentium iure, communi hominum agendi ordine fundata, haud subditos arctiori ad Regna, & Principatus suis Regibus, ac Principibus asserendis, vinculo colligabant, quàm quo Politicę gubernata, inter imperantes, & parentes, Reipublicę valeret persistere disciplina . Inferiora sunt hæc, comparata ad Regnorum, ac Principatuum Euangelicę legis acceptantium amplitudinem, & maiestatem, ac illius conseruationis directionem: tum enim ex Politicis hæc Imperia facta Christiana, quicquid à natura, quicquid à Gentium iure, quicquid ab speciali Nationis, Regni, vel Prouincię indole boni fuerunt adepta, ex noua illa ad Christi legē adiunctione, ijs incrementis earũ omniũ virtutum, ac facultatum, quę ad sui regiminis integritatē in eis erant necessaria, fuere aucta, vt quasi altioris effecta ordinis, non iam Politica simpliciter, sed Politica dicantur Christiana, & quę prius quasi moles quędam erant lapidea, vnctione Christiani Charismatis delibuta, quasi aula Christi, & domus Dei, gloriosis, sicuti nouis titulis nuncupantur .

8 Protegit igitur Ecclesia Principes, quos suscepit Protectores: quos admisit Defensores, defendit: suos tuetur Tutores: nutrit Nutritios: Altores alit: quia quos populi, ac Ciuiles subditorum congressus, suæ pristinæ libertatis memores, facilius vel fictis, vel veris acti rationibus, ac prætextibus, sicuti instituerunt, forsân destituerent: vt ab Ecclesia, cuius iudicio, & Reges, & subditi se submiserunt, defensus, ac protectos, veneratores Ecclesiæ, vel sponte amant, vel verentur inuiti. Antiqua ex Aristotele docuit Philosophia, eos Principes, maiori esse apud populos in veneratione, quos à dijs intellexerint amari: & Christiana non docuisset lex, Christianum Principem, Christi Ecclesiæ filium, quiq; eam, temporali qua pollet facultate, à Paganorum, ab Hæreticorum potentia, & iniurijs defendit, esse speciali cultu à suis subditis prosequendum? Docet certè disciplina Christiana subditos, ad cum Principibus, etiam Politicè, agendum, eam vitæ conuersationem, quæ eos reddit morigeros, obsequētes, tolerantes, quam ex communi Politicæ vitæ forma numquā expressissent: vnde Principes multò facilius, à tantis suorum munerum supportandis oneribus, subleuantur.

9 Ergo in regimine Christiano, hæc suo ordine consideranda veniunt. Primò, est status Politicus: qui, præcisè sumptus, ijs subest regulis agēdi inter Principes, & subditos, quæ humana prudentia reperit: vt congregationes, ac hominum coitiones, iure Gentium, sub vno capite, iuxta Reipublicæ cuiusq; gubernationem, vnitè, quietè, ac pacificè, & inter se, & cum proximis alijs quibuscumq; Rebus publicis conuersentur. Succedēte verò, statum Politicum Christianæ annecti legi, sicut noua illi obligatio, & noua itidem accreuit perfectio: vt non iam regulis Moralibus, & Politicis solū, ab imperantibus, & parentibus conuersetur: sed ab illis, maior animorum propensio, etiam in Politicis tractandis suis negotijs, sit exspectanda, ad horum obedientiæ præstationem: rursus hi ab illis, nedum iustitiæ vniuersæ administrationem maiorem exspectent, sed &, quod Politica gubernandi non pertinebat ratio, amplissimam, in subditos omnes, sint exspectaturi charitatem.

10 Vtteriùs, quò noster tendit discursus, nouis regulis, nouis legibus doctrinæ Christianæ institutus Politicus status, noua relatione inter imperantes, ac parentes agendum est: si de illorum oriatur difficultas gubernatione. Sic iam ab ipsis regnorum oribus, sub Euangelij Verbo, à Christianis omnibus subditis intellectum fuit, cum Ecclesia, eiusque summo Pontifice peragenda suorum Principum negotia, quæ illorum, vel requirerent, vel mererentur abdicationem; neque iam eadem sola, libertate à populis deliberandum de re tanta esse, qua, non intercedēte Christiana lege, antiquitùs agebatur. Hinc, vt exemplis supra adductis, probatum est, Christiana regna, quoties suorum Regum experta sunt, in Politica etiam administratione, negligentiam, grauiter culpandam,

summorum Pontificum expectauere decreta, & consensionem: qui Christiani populi, qua Christianus est, Principes, Principes illos Christianos in ordinem etiam cogerent, populisq; Christianis, qui, qua Politici solum erant, hac prætermissa diligentia deliberare possent, qua erant Christiani, per summum Pontificem, iuxta rei, ac negotij rationem prouideretur.

11 Hoc non est certè, Euangelicam legem, Ecclesiam, & eius summum Pontificem Romanum, iura Regum, ac Principum infringere, Coronas deprimere, Maiestatem violare; est eorum conseruare iura, sublimare Coronas, sacrare Maiestatem: quod solum Hæreticos malè habet dolentes, ab eorum manibus, per Ecclesiam tum, eam eripi præsumptam potentiam, qua non erubescunt, vt vidit Lector, suorum se Regum, ac Principum, Reges, Principes, Iudices, ac vindices constituere: sacra profanis miscentes, muscæ in agendo cum suis Principibus, circa Philosophicas Politicas solum viuendi regulas morientes, ac sacræ Scripturæ abutentes doctrinis, vnguenti Spiritus cælestis perdentes suauitatem. Singula quæq; in Ecclesia locum tenent, circa regimen etiam Regum, ac Principum Politicum, sortita decenter: omnia in Hæreticorum Synagoga loco mouentur indecora sorte, pro eodem regimine perturbata. Videt Christianorum quædam Respublica subditorum, sui Principis eas res gestas, circa eius regimen, quæ Ethnicam, vel Infidelem alias hominum cōgregationem, vel ad minus patientem animum, vel ad agentem durius cum suo Principe manum incitarent: pietate tamen imbuta Christiana, quæ docet, non tantum dominos modestos, sed etiam discipulos, esse sufferendos, sustinet expectans in Principe prænitentiam; quia, etsi in ea sit iudicij solium, sui tamen Capitis, & Auctoris memor, & imitatrix est, de quo dixit Isaias c. 30. [Expectat Dominus, vt misceatur vestri; & ideo exaltabitur, parcens vobis.] Audit tamen solum Hæreticorum subditorum turba quædam, suum Principem, eius non ferri impotenter affectibus, & omni proiecta modestia, contra eum rebellionem suscitatur: ac armatura illa fortium Diuinæ Scripturæ, clypeis in Dauidica, videlicet, turri aureis mille pendentibus, sacris Axiomatibus millies in ferreos, suorum Seductorum Doctorum falsis dogmatibus, ac explicationibus tortuosis, conuersis, ferro etiam alias innoxium persequuta.

12 Ecce, Lector Christiane, quanta cum sacræ Theologiæ præmeditatione diximus supra: inter regulam, & regulæ vsum, instrumentum, & instrumenti, ad agendum ex arte, applicationem, maximam differentiam adnotari. A Principibus iustitiam esse in Republica administrandam, Philosophia docuit Ethnicorum naturalis: dicente Cicerone, in Paradoxi, esse [ius, & æquitatem vincula ciuitatis:] quibus remotis, regna magna esse latrocinia, asseruit Augustinus lib. 4. de Ciuit. Dei. cap. 4. Spiritus item sanctus dixit, Sap. cap. 1. [Diligite iustitiam, qui iudicatis terram.]

Religionem esse ab omnibus, sed præcipuè à Principibus, colendam, etiã eam vera incognita, vana Dæmonum detinebantur homines superstitione, eorum Philosophi, ac Philologi docuerunt. Liu. libr. 5. [Omnia prospera eueniunt colentibus deos: aduersa spernentibus.] Horat.

Di, multa neglecti dederunt

Hesperia mala luctuosa.

Vnde I actan. lib. 5. Instit. cap. 8. dixit: [Ideò mala omnia rebus humanis quotidie ingrauescere, quia Deus mundi huius effector, & gubernator derelictus est: quia susceptæ sunt, cõtra quam fas est, impię religiones.] Quod idem prosequitur Spiritus sanctus, ubi supra, docere, dicens Principibus, [Sentite de Domino in bonitate, & in simplicitate cordis quærite illum: quoniam inuenitur ab his, qui non tentant eum; apparet autẽ eis, qui fidem habent in illum.] Paulus sic docuit: [Omnis anima Potestariis sublimioribus subdita sit, &c.] & item, [Obedite Præpositis vestris, &c.] Apostoli docuerunt, [Obedire oportere Deo, plusquam hominibus.]

13 Hæc omnia, & similia supra adducta, sunt Axiomata vera, & doctrina certissima: sunt instrumenta, quibus, moris ab Ecclesia Prælati, Diuinis Architectis, ac eloquij mystici Prudentibus, & præcipuè à supremis eorum, Pontificibus Romanis, ad Euangelicę, & Ecclesiasticę disciplinæ regulas, suis loco, & tempore, & debitis alijs circumstantijs, applicatis, illud in tractando negotio tam graui, quale est Regum, ac Principum abdicatio, iudicium in terra proferunt, quod Christi Domini in cælis rati habitio consequatur. Eadem verò instrumenta ab Hæreticis eloquij Diuini mystici imprudentibus, ac sacram Theologiam ignorantibus, tractata: vt qui sine Regibus, ac Principibus viuere vellent, contra Reges, & Principes ad libitum interpretantur; an sint iniusti, vel iniusti: an Reipublicæ proficui, vel noxij: an Dei cultores, vel contemptores: an veram, vel falsam fidem profiteantur: non ex sacri Euangelij, ac antiquæ Christianæ disciplinæ fontibus haurientes, sed ex suarum, cisternarum dissipatarum lacubus, & turbidis, & turbatoribus: vt qui quietas, & silentes aquas Siloë Diuinæ Scripturæ, aquas sapientię salutaris Catholicæ conuersationis nequeunt continere. Sic Diuinis oraculis abutuntur Magi, ad Dæmonum inuocationes: sic sortes è sacris literis Euangeliorum, & Prophetarum petuntur: sic per ludum, & iocum, impietate obstetricante, sacras sententias ad Principum mores, & actiones, vel explicandas, vel insectandas, & irridendas Hæretici, ac dominationis olores, sunt soliti accommodare. Vnde est necessum, intelligant Christiani Reges, & Principes, in quantum, ac quale suorum regnorum, ac Principatum bonum cedat, Ecclesię iudicio, & eius summi Pontificis deliberationi esse remissam illorum abdicationem: qui ea maturitate, prudentia, & sanctitate in ea exsequenda procedit, quæ ex Sancto

Thoma. & Caietan. fuit cap. 49. demonstrata.

14 Et, quia dum hæc scripta meditaremur, fuit nobis, horū occasione, propositum à quodam grauissimo, & doctissimo Pastore & Doctore, quid sentiremus de hisce duabus Propositionibus, scilicet, Summus Pontifex Romanus est successor Petri, & Vicarius Christi. & Summus Pontifex Romanus potest deponere Reges Christianos. in eodem ne essent veritatis gradu, & qua fide essent excipienda: Respondemus scripto, quod tunc verbo: Primam esse Theologicam quæstionem; secundam, potius esse Hæreticorum conquæstionem. Primæ quæstionis pars affirmans, est de fide: de qua in superioribus actū est copiosè. De secūda, in eo sensu, quo ab Hæreticis, Regum, ac Principum auribus instillatur, quasi odiosa, & inuidiosa, scripsit Apostolus 2. ad Timoth. cap. 1. [Stultas autem, & sine disciplina quæstiones deuota: sciens quia generant lites.] & vt docuit 1. ad ipsum c. 1. [non præstant ædificationem Dei, quæ est in fide.] & ad Tit. cap. 1. [Stultas autem quæstiones, &c. deuota: sunt enim inutiles, & vanæ.]

15 Sit tamen quæstio, & sincero esset animo ab ipsis Hæreticis proposita: instruxit nos iam Christus Dominus, Matth. c. 21. & 22. quæstiones similes, quæstionibus alijs propositis diuertere, quæ eorundem, quærentium sint tacitæ, vel responsiones, vel confusiones. Et cum disputatum fusiùs à nobis sit, ac declaratum, quo sensu, hæc summa Ecclesiæ, Pontificisq; supremi potestas, in destitutione Principum Christianorū sit accipienda: rogamus ab his quærentibus, vel conquærentibus, An Christo sit data à Patre omnis potestas in cælo, & in terra? An Christus hanc potestatem communicauerit Ecclesiæ, & Apostolis? An Christus inter eos vnum elegerit Petrum, cui tradidit clauēs regni cælorum? An Christus prouiderit Ecclesiæ de vno Pastore & Doctore, qui eam doceret, regeret, & gubernaret? An hic Pastor & Doctor, fuerit Petrus Apostolus? An hoc munus fuerit illi iniunctum ratione personæ, an vt in suos etiam transmittendum successores? An Romanam Petrus erexit, & tenuerit Ecclesiam, eiusq; fuerit peculiaris Episcopus? An eius sint legitimi in eadem potestate successores Romani Pontifices? An Ecclesia sit Christi ouile, in quo nihil est aliud, quàm Christus Pastor æternus principalis, & summus Pontifex, Papa Romanus temporalis, & ministerialis Pastor, & ceteri omnes Christiani, etiā Principes, oues? Quibus quæstionibus, ex superioribus, iuxta Euangelicam, & Apostolicam doctrinam, iuxta sacrorum Conciliorum decreta, Pontificum statuta, Patrum scripta, Doctorum testimonia, Ecclesiæ vniuersæ consensionem, decisim affirmanter: tum ad Quæstionem, iuxta veritatem à nobis explicatam, non in Hæretico superbo spiritu, suos Reges, & Principes substantante, & per armorum vim, è proprijs solijs expellente, sed in spiritu Christiano, hoc est māsuetudinis, ac veræ Theologiæ poterit responderi:

16 Sit tandem in communi huius negotij conclusio: Rempubicam quamcumque Chriſtianam, ſub Rege, vel Principe Chriſtiano agentem, haud poſſe iam, nec debere, Politicè ſolùm conſiderari, aut traſtari: immò grauiffimam ipſi irrogari iniuriam ab illis, qui Status, quam vocant, rationi præciſè innixi, de illius regimine agunt moderando; cùm reuerà videantur, redemptionis per Chriſtum Dominum factæ, inanem reddere effectum, euacuare Sacramentum, & ſenſcentes iam Reſpublicas Chriſtianas, ad initia ſuæ retrahere infantix, ſub Ethnica, ac ſola naturalis rationis olim cognita diſciplina: quod numquam fiet, niſi apud eas Chriſtianorum Congregationes, de quibus prædixit Chriſtus Dominus, [Cùm venerit filius hominis, putas inueniet fidem in terra?]

17 In reliquis, Rex, & Princeps, cum ſuis ſubditis hac lege ſibi eſſe viuendum intelligat, vt nullam ab eis ſubiectionis relationem exſpectare debeat, cui in eo non reſpondeat protectionis ſuorum ſubditorum mutua relatio; quòd ſi, quæ amore, ab illis ſperanda ſunt, terrore, vel etiam medio iuriſiurandi velit efficere Sacramento, ſubdito iurante quæcumque nouā legitimam obedientiam Ciuilis fidelitatis Principi, Princeps reciproca obligatione noua cōſtringitur, ſubditum ab omni iniuria defendendi: vt ne quid in Spirituali, ſiue Politica conuerſatione detrimēti patiatur. Quòd ſi in iuramenti propoſitione, Euangelicæ, & Eccleſiaſticæ diſciplinæ violatio, vel contineatur, vel inſinuetur, à ſubdito ſuſcipi Chriſtiano non poteſt: qui, ex ſupradictis, iuri ſuæ conſeruationis naturalis non cedens, dū Principē ſibi, etiā præſtito iuramento, Politicè deligit, vt ſupra eſt probatū: multò minus poterit à iure ſuæ ſupernaturalis conſeruationis reſceſſiſſe. Vanè ergo laborant Hæretici Principes, à Catholicis poſtulantes fidelitatis, ac Ciuilis obedientiæ, ac ſubiectionis iuramentum: nam eſto, tam ſummi Pontificis, & Eccleſiæ, quàm ſuorum ſubditorum id ferret Catholica patientia, conſideratis temporis, ac rerum omnium neceſſarijs circumſtantijs, attamen eſt iuſtum, vt ſi, vltra Politica, in iuramento ſuſcipiendo à ſubditis, circa ſupernaturalia, & Euangelicam, ac Eccleſiaſticam diſciplinam prodāt Dominum, perdat dominium.

De celeſti protectione Regni Angliæ, & Regum eius reuerentia ad S. ſedem Apoſtolicam, & deuotione ad Monaſticum Ordinem

S.P.N. Benediſti. Cap. L I. §. 1.



MATTHAEVS VVeſtmonaſterien. in ſuo, Flores Hiftoriarum. agens de S. Ina Confefſore Angliæ Rege, ſic ſcribit. [Anno 727. Ina Rex felix, & potens, Adelardo cognato ſuo regnum ſuum relinquens, Romam petijt: vt pro regno temporalī commutaret æternum. Quò cū perueſſet, fecit in Ciuitate domum, conſenſu, & voluntate,

Gregorij Papæ: quàm, Scholam Anglorum, appellari fecit: ad quã Rege Angliæ, & genus Regium, cum Episcopis, Presbyteris, & Clericis, in doctrina, & fide Catholica erudiendi, venirent: & sic in fide stabili roborati, ad propria remearent. Fecit præterea iuxta domum præfatam, Ecclesiam, in honorem B. Virginis Mariæ fabricari; in qua, Anglis Romam aduenientibus, Diuina celebrarentur myſteria; & in qua poſſent, ſi quæ ex illis Romæ mori contingeret, ſepeliri. Et hæc omnia, vt perpetuæ firmitatis robur obtinerent, ſtatutum eſt generali decreto, per totum regnum Occidentale Saxonum, in quo Ina regnabat, vt à ſingulis familijs denarius vnus, qui Angliæ, *Romſcot*, appellatur, Beato Petro, & Eccleſiæ Romanæ mitteretur: vt Angli ibidem commorantes, vitale ſubſidium inde haberent.]

2 Continuator Bedæ, qui eſt Guillelmus Monachus Malmesburienſis, de Geſtis Anglorum, Continuationis lib. 2. cap. 4. ſic habet. [Anno Dominicæ Incarnationis octingenteſimo ſeptuageſimo ſecundo, Elfredus filius Ethelnulfi iunioris, qui vnctionem Regiam, & Coronam à Papa Leone Romæ olim ſuſceperat, regnum accepit.] Et paulò poſt.

3 Solebat ipſe poſtea in tempora feliciora reductus, caſus ſuos inqũda, hilariq̃ue comitate familiaribus exponere: qualiterq̃ue per Beati Cuthberti meritum, eos euaserit. &c. Nam cum quadam die in Inſula incluſus, ſolus domi eſſet, ſocijs per oram fluminis ad piſcandum diſperſis, corpus curis ægrum ſopori commiſit. Et ecce Cuthbertus Lindiſfarrenſis quondam Episcopus,] ex ordine S. P. N. Benedicti Monafterij Mailrorenſis aſſumptus [his dormientẽ alloquitur: Ego ſum Cuthbertus, ſi audiſti miſit tunc Dominus, vt tibi proſpera annunciarẽ: quia enim Anglia iam dudum peccatorum pœnas enormiter luit, modò tandem, indigenarum Sanctorum meritis, ſuper eam miſericordiæ ſuæ oculo reſpicit. Tu quoque tam miſerabiliter regno extorris, glorioſè poſt paucum tempus, in ſolio reponeris: atq̃ue à Deo ſignum eximiũ tibi dabo. Venient hodie piſcatores tui, magnam vim gradium piſcium corbis euehentes: quod eò erit mirabilius, quia his diebus, gelante aqua, fluuius aſperatus, nihil tale ſperari permittit. Super hæc, hodie gelido rore ſtillans aer, omnem piſcantium artem deludit. Verũ tu fortunæ ſecundæ compos, Regaliter feceris, ſi adiutorem tuum Deum, & me eius nuncium competentem deuotione demeruẽris. Hæc dicens Sanctus, Regem, ſoporatum ſolicitudinibus exſuit: matremq̃ue prope cubantem, tenuẽſq̃ ſomnos, propter curarum leuamen, ad durum cubile inuitantem, eiũdẽ nuncij confortauit lætitiã. Experrecti ambo, vnum, & idem ſe ſomniaſſe, frequenti verborum recurſu, iterabant: cum piſcatores ingreſſi, tantam piſcium copiam exhibũere, vt, cuiusuis magni exercitus ingluuiẽ poſſe exſaturare, videretur. &c.] Proſequens victoriã Elfredi de Danis paratam, & in regnum reſtitutionem. &c. Meminerunt, etiã huius Hiſtoriz

Vincētiū lib. 24. cap. 40. ex Helinando, & Vuilhelmus lib. 2. cap. 14. de Gessis Anglorum. & Ranulphus lib. 6. cap. 20.

4 Idem eodem libro cap. 34. scribens de temporibus Regis Angliæ S. Eduardi confessoris, & eius patris Etheldridi Anglorum etiam Regis, qui in exsilium cum liberis eiectus erat à Suenone Danorum Rege: [Viderat, inquit, quondam somnij reuelatione, seculi huius felicitatem, Birtuoldus, Guiltonensis Episcopus:] assumptus ex Monacho Benedictino Monasterij Glasconensis: [Viderat, & annunciauerat. Nam dum tempore Regis Cnutonis, cælestibus apud Glastoniam lucubraret excubijs, subiissetque illum cogitatio, quæ frequenter angebat, de Regia stirpe Anglorum penè deleta: hæc meditati sopor erepsit. Et ecce in superna raptus, videt Apostolorum Principem Petrum, Eduardum, qui tunc in Normannia exsulabat, in Regem cōsecrare: ex libe designata vita; certo viginti quattuor annorum numero computato. Eidemque conquerenti de posteritate, respondere; Regnum Anglorum est Dei, post te prouidet Regem ad placitum suum. &c.] Idem refert Polydor. Virg. lib. 8.

5 Sedente Eduardo, Episcopo Exoniense, certior factus est Heinrichus V. Angliæ Rex, Monasticam in suo regno disciplinam valde collapsam, & ab antiquis institutis nimium deflexisse. Cui malo vt maturius obuiâ iretur, acciuit Londinum maximam Abbatum, & Conuentualium, vt appellant, Priorum frequentiam: illi sexagesimum, isti trecentissimum, & ampliorem numerum impleuerunt. Cui cum Vnestmonasterij simul conuenissent: adiit eos Rex, cum Eduardo Episcopo: quos cum benignè, & submissè Rex salutasset: concionem apud eos Eduardus habuit, quæ tota huc spectauit, vt omnes ingenij, industriæque suæ neruos, ad restauranda, & reparanda Monasticæ disciplinæ damna, ex dissolutiore viuēdi genere recentius illata, intenderent. Post quæ, & Rex eos paucis affatus, hortatus eos est, vt veterum Patrum Monasticæ disciplinæ cultorum vestigijs accuratè insisterent, qui exactè disciplinæ suæ præcepta, & ex quâsitè obseruauerunt: quos propterea maiores sui Reges mirificè suspexere; & singulari obseruantia coluere; & numerosa Monachorum, maximis sumptibus, Cœnobia condidere; amplisque prouentibus, annuisque redditibus ornarunt. Recessum iam nimis esse, recentioribus temporibus, ab antiqua illa pietate, & Monasticæ vitæ seueritate: quam si strenuè, & impigrè æmularentur, pietatis, & orationum, à quibus vnice pendebat, illorum præsidio septum, nullum se, aiebat, hostem veritutum. Tradidit deinde scripto, quod potissimum emendari postularet. Quibus illi emendandis, curam; vt tempus pariebatur, promiserunt.] Hæc Nicolaus Harpsfeldus Anglus in Histor. sua Ecclesiastica Gentis Anglorum. Seculo. 15. cap. 33. fol. in Manuscript. 754. vbi citat Thomam Vualsingamum. ad Annum 1421.

6 Hæc inter plura alia selecta visum fuit, satis ad rem, hisce scriptis

apponere exempla reuerentię, quam Reges, & regnum Anglię ad S. sedem Apostolicam, Romanam olim habuerunt: vtilitatis, quam, ex speciali cum ea communione, sibi prouenturę sperarūt: maiestatis æstimate, Pōtificum Romanorum manibus, etiā cum longissimę peregrinationis tēdio, Regio diademate redimiri. Demonstrant etiam perspicuē, militantis, ac triumphantis Ecclesię nedum communionem, verū & ipsissimam vnitatem, cum familiaria illa Sanctorum præfata colloquia, qui iam, cælestem incolunt Ierusalem, cum familiaribus Regibus terrestribus Ierusalem, Ecclesię Apostolicę Romanę, sint habita, ac quasi cum ciuibus Sanctorum, & domesticis Dei: quę Schismaticis, & Hæreticis alijs Regibus denegantur.

7 Habemus etiam ex his, quod maximè considerari, supplicamus, ab Anglię Regibus, vniuersoque regno: Regnum illud, ex Apostoli Petri assertionem, Regnum esse Dei: & ad Dei placitum, de Rege, regno illi amplissimo prouideri. Habemus etiā, vbi humanum Regibus Anglię deesse funditus videbatur auxilium, haud Diuinum, ne Regia stirps deficeret, defuisse: ac quasi delicias, & Deum, & cælestes Indigetes reputasse, & esse, & vel insomnis, cum Anglię Regibus conuersari. Habemus etiam hoc *θεῶν δῶρον*, Reges Anglię, *βασιλικὴ ἀντιδότης*, quod Reges homines, ad Regem Deum, ad donantem redonantes, comparare fas est, compensasse: dum Romę, Scholam crexere externam, vbi Semen sanctum Verbi Dei, Hæreticis non corrupti, aut commixti zizanijs, & Apostolicę Catholicęque conseruaretur fidei, ac disciplinę: vt in Angliam translatum, in domestica illa Schola sacra Religionis Monasticę D.P.N. Benedicti maximè insitum, & cum mansuetudine, ac pietate, à numerofo illo Monachorum Insulę exercitu susceptū, ad salutem animarum Anglię gentis cresceret, ac fructus faceret in Domino, quibus, & Anglia, & Scotia, & Hibernia, omnes denique adiacentes, ab exteris etiam Nationibus, Sanctorum Insulę, vocarentur.

8 Vera scribimus, & vera reperientur, si consulantur historię. Et absque cuiusquam inuidia, cum S. P. N. Benedictum, & eius Monachos Anglos, Scotos, Hibernos laudamus, ex præiudicata sanctorum Patrum sententia, Deum laudamus: ad cuius laudem, certum esse asserimus, omnes ferè Sanctorum Catalogo, per Ecclesiam, adscriptos ex illis insulis, à primo in Angliam appulsu Augustini, & Ioannis, & aliorum supradictorum Apostolorum, quos ex ordine Benedictino illuc S. Gregorius misit, (de quo post antiquiores scribit Polydorus Virg. lib. 4.) fuisse, vel Monachos Benedictinos, vel Reges Anglię, Monachos etiam eiusdem Ordinis, vel à Monachis ipsis educatos in ea Catholicę fidei doctrina, & morum sanctitate, quę eos ciues Sanctorum, cum Ecclesię publica, sicuti Apostolica manifestatione, fecerunt. Vnde habemus vltimò, quo zelo sancto Eduardus V. curauit, vt Monastica disciplina, Anglię tunc pro-

lapsa,

Iapfa, ad pristinum splendorem restitueretur; vt qui sibi facillè persuaderet, omnia prosperè, & Regijs consilijs, & Insulæ incolis successura; si Religione S. P. N. Benedicti florente, quasi aliam Iacobo demonstratam, cælitus haberent scalam, Monachorum cum Cælestibus, & increato, & creatis spiritibus conuersationem, per quam orationum sanctarum virgula ascendens fumi, ad humana Anglorum Regum, & Regni totius postulata, cælestem misericordiam deriuaret.

9 Neque præterire silentio iustum esset, in regno Scotiæ, (quod referente Hectore Boëthio lib. 5. auctore Donaldto Rege, ad Christianam fuit fidem conuersum, Anno salutis ducentesimo tertio, neque ab ea post ullis persecutionibus, vsque ad scribentis tempora, potuit dimoueri; cum percerebuisse morem, vt exorto bello, ac Regijs instructis copijs, noua, sicuti fortissima, militum phalange exercitus aueretur: nam Monachi Benedictini in grandi cum Rege exhibant numero, orando contra inimicos pugnaturi: sicut apparet in bello inter Edilfredum Northymbrorum, & Ean Scotorum Regem, in quo centum & viginti Monachi orantes, trucidati leguntur: apud Bedam lib. 2. cap. 2. Similibus enim præcipuis sanctarum orationum copijs pugnarunt, Israelitæ contra Amalechitas Exod. cap. 17. contra Philisthæos 1. Reg. cap. 7. contra Arad Regem, Num cap. 21. Iosaphat Rex, contra Mohabitas, & Asa contra Aethiopes, Israelitæ ipsi, & Iuditha contra Holophernem, Machabæi contra tot hostes, Constantinus Magnus contra Maxentium, Theodosius contra Eugenium tyrannum, & Arbogastem, & alij multi tam Ecclesiastici, quam seculares Christiani, salutem à Deo præcipuè, suis collabentibus, seu bello, ac inimicorum persecutionibus, afflictis Rebus publicis impetrarunt.

De rebus in Anglia temporibus ultimis gestis: Et Parænesis ad Regem eius Iacobum, & eius Regna. Cap. LII. §. 1.



Hæc quidem sic olim, siue in bello, siue in pace, ab Angliæ, & Scotiæ Regibus gerebantur. Vltimis tamen hisce temporibus quid? Deducunt, testor Aeterni Patris, quam misit in mundum, Charitatem, oculi mei lacrymarum fontem, quarum litura, litteræ atramento designatæ delentur: quasi hoc ipsum scriptum confundatur, confusurum se Angliæ, & Scotiæ regna: cum isthæc commemoratio, exprobratio sit immemorum Christi IESV, eiusq; Sanctorum tanti antiqui beneficij. Considerando dolemus, & dolendo consideramus pro his, qui spirituali, ac temporali morte, iam à Schismate per Henricum VIII. Regem olim Christianissimum, & doctissimum Theologum, inducto, mortui sunt super excelsa tua vulnerati, An-

glia fortissima Insula . Inelyti tui super montes tuos interfecisti sunt Quomodo ceciderunt fortes, Catholici tot Cardinales, Archiepiscopi Episcopi, Abbates, Priores, & Monachi Benedictini, & Carthusiani, tot Ecclesiastici, tot alij religiosi viri, tot seculares Christianissimi, & auit fidei Catholicæ tenacissimi ! ficto etiam in multis ex illis perduellioni crimine capite suere diminuti, securi percussi, strangulati, in frustra coacti, flammis, ferroq; pasti, exquisitissimisq; tormentis de medio sublati: quibus reuera ea sola culpa fuit, (etiam quo tempore sui imperij, impia Elisabetha, persecutionem Anglicanam & fouit, & crudeliter auxit,) non cum Rege Henrico postea Hæreticè desipuisset, sicuti prius cum illo Catholicè sapiebant .

2 Et hi quidem temporali vita, pro Christo, eiusque fidei Catholicæ confessione, contempta, æternam sunt consequuti; tunc incipientes sine fine viuere, quando finientes, viuere desierunt. At illi desendi sunt, quasi miseri, qui præsentem, ac terrenam vitam Catholicis adimentes, se ipsos æternis Manium mortibus destinarunt . Occisi illi in terra, cælo sunt orti: occidentes hi, inferorum desinunt in occasu. Illis mortuis, eorum vita cum Christo in Deo, iuxta Pauli doctrinam, abscondita fuit, cùm Christus apparuerit, simul cum illo in gloria apparitura: his viuentibus, ipsa vita, cùm æternam subierint pœnam, præ oculis, conscientia propriæ confusionis onere grauis, adstans perpetuò, quasi perpetuò disperebit. Illi mortui sunt, vt meliorem inuenirent resurrectionem: hi natiuntur, vt non resurgant in iudicio, tamquam impij, hoc est, à mala resurrectione inueniantur .

3 Præterita, tamen, & facta præterlabentes, ad præsentia, & futura vertentes animum, & sermonem, scire auemus ab Angliæ, & Scotiæ, Sublimiori Potestate, quæ se, Dei Vicarium esse, affirmat, quas vices Deigerit, dum Prædecessorum Regum Hæreticorum vestigia insequens, Catholicæ Dei fidei, haud finit liberè per regna Angliæ, Scotiæ, & Hiberniæ, professionem spatari? Et quidem, si de nomine agendum est, scimus à D. Bernardo, nihil tunc ab Hæreticis in hac materia æquiuocationibus verente, scriptum esse lib. de Præcept. & dispens. [Sive Deus, siue homo Vicarius Dei, mandatum quodcumque tradiderit, pari proscò prosequendum est cura, pari reuerentia deferendum. &c. Quicquid vice Dei præcipit homo, quod tamen non sit certum displicere Deo, haud secus omnino accipiendum est, quàm si præcipiat Deus. Quid enim interest, vtrum per se, vel suos ministros, homines, vel Angelos, hominibus innotescat suum beneplacitum Deus?] Ecclesiastico tamen iam, & Christiano loquendi more, Vicarius Dei, complexus est terminus, summo Pontifice, ac Prælato cuiusque Ecclesiastico, conceptè attributus, de quibus canit tam piè, quàm grauitè Mater Ecclesia, agendo cum Christo suo Capite, in Apostolorum solemnij, ab Hæreticis reprobatis: [Di-

gnum est, te Domine suppliciter exorare: vt gregem tuum Pastor æterne non deferas: sed per Beatos Apostolos tuos, continua protectione custodias. Vt ipsdem Reſtoribus gubernetur, quos operis tui Vicarios eidem contuisti, præſſe Paſtores.] Sed esto, quæcumque Sublimior Potestas, quæ congruentius ab Apostolo Paulo, Minister Dei, appellatur, ex lib. Sapientiz, Reges vocante, Regni Dei Ministros, vicem Dei gerat in sui dominatus exercitio: esto, quod retulimus, Petrum Apostolum edixisse, Regnum Angliz, esse Dei, & ad eius placitum de Rege illi prouisum esse Regno: an inde in superbiam efferetur Rex Angliz, Ecclesiz, eiusque summi Pontificis Romani contemnens iura, violans disciplinam, traducens Maieſtatem?

4 Ad hæc, meminisse oportet, doctrinz D. Augustini de Regum potestate, supra adductæ cap. 19. §. 13. ex qua illud ad Regis Angliz intentum vltimò colligi potest, Deum videlicet, qui in illa Prouincia dedit S. Sigebertum V. Regem Anglorum Orientalium, S. Alſredum, siue Ealfridum Northumbriæ Regem XIII. etiam doctissimum, S. Inam Saxonum Occidentalium Regem XI. S. Ceoluulfum Northumbriæ Regem XVII. omnes etiam Monachos Benedictinos, & S. Eduardum Angliz Regem, Confessorem, ipse quoque dedit Regem Henricum II. Episcoporum oppressorem, Henricum VIII. & Elisabetham eius filiam Angliz ruinas, & fidei Catholicæ perſequutores, suis occultis, haud tamen iniustis iudicijs. Ipse denique post varios casus, post tot discrimina rerum, parentum suorum Henrici Stuardi, & Mariæ Stuardæ Scotiæ Regum, quæ supra descripsimus, dedit nunc Iacobum VI. illis Insulis Regem: vel, vt conuertatur, vt inquit Augustinus, vel, vt per eum Catholici exerceantur.

5 Quòd si præfatus Rex, in animum inducit suum, se Catholicam Religionem in regnis illis extirpaturum, incassum laborat: neque quod eo potentiores Còstantius, & Iulianus AA. efficere nequuerunt, ipse, quantumcumq; conetur, efficiet. Conuentu Mediolanensi à Constantio Imperatore Ariano indicto, ante omnia postulatum est, vt Catholici, Athanasij damnationi subſcriberent, & communionem cum Arianis inirent. Eusebius Vercellarum, Paulinus Treuironum, Hilarius Pictauorum, & Lucifer Caralis Sardiniz, Episcopi, qui constantes in fidei Nicænæ defensione manebant, à Constantio iussu, vt postulata perſicerent, haud quaquàm se facturos, dixerunt, quòd ab Ecclesiasticis alienum legibus foret. Quibus Constantius: Atqui mea mandata pro lege habenda sunt, inquit: aut obtemperate igitur, aut in exilium ite. Tum illi: Atqui regnum tuum non est, sed Dei, qui tradidit: vide autem etiam atque etiam, ne, qui dedit, eripiat: atque extremi iudicij memor, caue, ne morem Ecclesiasticum soluas, atque Imperium in Ecclesiasticas constitutiones inducas. Quibus verbis Constantius exacerbatus, ipsos plura dicere inhibuit, atque in exilium exire præcepit: illi verò læti, quòd veritatem non pro-

didissent; puluere excusso, atque oculis in Deum conuersis abierunt. Refert post alios, Sigon. lib. 6. Imper. Occidental.

6 Iulianus Imperator Apostata, referente Theodoro, legem tulit Ne Christiani Grammaticam, aliasque artes liberales vel docerent, vel discerent. Nam nostris ipsorum, inquebat, pennis percellimur: ut est in Prouerbio: siquidem, nostrorum scriptorum prædijs muniti, bellum contra nos suscipiunt. Christianos etiam aula sua, militiaque expulit; inter quos fuerunt Iouinianus, Valentinianus, & Valens, qui post ipsum imperarunt. Odio præterea Christianorum permisit Iudæis Salomonij templi reedificationem; quam cum illi magno animorum ardore aggredierentur horrendi flammarum globi à fundamentis erumpentes, exustis aliquoties operantibus, locum illum fecere inaccessum. Acciderunt & alia prodigia, quibus Iudæi ab opere cæpto sunt repulsi, atque deterriti. Referunt Ammian. lib. 23. Socrat. 3. & Theodoret.

7 Adstiterunt ecce Reges, & Principes conuenerunt in vnum, aduersus Dominum, & aduersus Christum eius. & [qui habitat in celis] irrisit eos. Nunc autem adstans denuò aduersus Dominum, & aduersus Christum eius summum Pontificem Romanum, eiusque notissimam, ac testatissimam in vniuersa Ecclesia potestatem, quid sperat Iacobus Angliæ Rex vel Calvinismi professionem, mandatis Regijs, & suis propositis iuramentis, à Catholicis extorquere, vel illius non Iudaicæ, sed Turcicæ fidei, & doctrinæ erigere, ac sustinere molem, Spiritu sancto, qui illarum Insularum curam gerit peculiarem, renitente? Vicit Constantium Christi Diuinitas, ac cum Patre consubstantialitas: vincet & Iacobum. Vicit Iulianum Christi Humanitas, cum eadem Diuinitate in vna subsistens persona: [Vicisti Galilæe:] dicente blasphemo, & impio Apostata: vincet & Iacobum. Et cum, neque grassante Anglicana persecutione contra Catholicos, tempore Henrici VIII. neque eadem immanissimè aucta tempore Elisabethæ, effectum fuerit, ut vna Religio S. P. N. Benedicti penitus in Anglia defecere: cum hucusque Semen sanctum Monasticæ discipline, ex Monachis illorum temporum fuerit conseruatum, cui in dies cum Regis, & regnorum illorum & honore, & spirituali sit accessio utilitate, minus multò effici poterit, ut Catholicæ fidei professores vniquam deficiant, qui ex omnium statuum fidelibus aggregantur.

8 Quod si miramini Monachorum constantiam Ordinis Benedictini in curando per Angliam, Semen Sanctis tot suis fratribus, qui videbantur iam decessisse sine liberis instituti sui spiritualibus, suscitare, memineritis ex Beda, dum agit de S. Laurentio Archiepiscopo Cantuariensi vno ex Monachis primis Angliæ Apostolis: illum, acerbissimis etiam plagis prius acceptis Petri Apostoli manibus, nocte quadam, quia desperans de cōuersione Regis successoris Edilbercthi, qui primus in Anglia Christo nomen dederat, de Insula deferenda cogitabat; ab eo in me-

dati habuisse: ne, in medio luporum oves posita, absque pastore relinqueret, sed ad quidvis, suo exemplo, pro illis se perferendum animaret. Apostolice ergo Petri præceptum; ad Laurentium suum fratrem factum; ad se, omnes Monachi Benedictini, factum esse intelligunt. Sapientibus, illud dictum Petri sat est: ut per mille mortes, mille, si oporteat martyria, neque fidem Catholicam in Anglia prodant, neque illius, protectionem deserant, neque spem, Monastici ibi recuperandi splendoris, amittant.

9 Quid proderet? quid deserere? quid amittere? Immo constitutum, & certum habent, edocui ab Apostolo Paulo, 2. ad Corinth. cap. 6. nemini dantes ullam offensionem; ut eorum ministerium non vituperetur: in omnibus, de Omnipotentis Dei sperantes auxilio, & quod in se erit, exhibere seipso, sicut Dei ministros, in multa patientia, in tribulationibus, in necessitatibus, in angustiis, in plagis, in carceribus, &c. in Charitate non ficta, in verbo veritatis, &c. per gloriam, & ignobilitatem, per infamiam, & bonam famam, ut seductores, & veraces, sicut qui ignoti, & cogniti, quasi morientes, & ecce viventes, &c. sicut egentes, multos autem locupletantes: ac tandem, (cum ad imitationem eiusdem Apostoli, non querant, Angli, vestra, sed vos:) tamquam nihil habentes, & omnia possidentes.

10 Vos igitur alloquitur Monastica S. P. N. Benedicti Religio, fortissimi Angli; per os indigni alius eiusdem Monachi, dignis tamen Apostoli Filioli verbis, quæ in Christianorum animis, & aculeos relinquerent, & altissime defigerentur. [Os nostrum patet ad vos, o Angli: cor nostrum dilatatum est: Non angustiamini in nobis; angustiamini autem in visceribus vestris. Christiani estis, eandem oportet, habeatis nobiscum, remunerationem: tamquam filiis dico: Dilatamini & vos. Nolite iugum ducere cum Calvinistis, vel quibuscumque Hæreticis. Filioli mei, quos iterum parturio, donec Christus formetur in vobis: non ut confundam vos, hæc scribo: sed ut filios meos charissimos moneo. Nam si decem millia pedagorum habeatis in Christo, sed non multos patres. Nam in Christo IESU, per Evangelium, ego vos genui. De cetero ergo rogamus vos, & obsecramus in Domino IESU, ut quemadmodum accepistis à nobis, quomodo oporteat vos ambulare, & placere Deo, sic & ambuletis, ut abundetis magis. Scitis enim quæ præcepta dederim vobis, per Dominum IESUM.]

11 Quod si præcepta, quæ Christianè, & Catholicè vitæ tradidere Monachi sancti Apostoli Angliæ, & Regibus, & vassallis essent nobis modo per singula repetenda, & è regione, ea, quæ modo à Rege Angliæ, & Hæreticis alijs suis subditis geruntur, essent cum illis comparanda, longum esset negotium, & actum videremur agere, ostendendo, in quibus à Catholica deviant disciplina. Breuiter tamen rogamus à Rege An-

gliz considerari, quid habeat commune cum fide Catholica, & doctrina Ecclesiastica, à suis maioribus recepta, cum ipsa Euangelij vera luce, inter alia, negare transsubstantiationem in Augustissimo Eucharistiz Sacramento, Missam abrogare priuatam, vsum inhibere sacrarum imaginum, intercessionem Sanctorum, & Indulgentiarum concessionem, nouitia, & nuptia vocare, ac esse Antichristum summum Pontificem commentari. Hi sunt effectus Reformatz religionis, quam, Diuino plane miraculo, asserit in suam Scotiam introductam? sunt certè effectus deformatz religionis, & in Turcicum Alcoranum conuersz, quz speciosas alias prouincias Christianas Angliam, Septiam, Hiberniam, Germaniã vtramque, Poloniam, & alias plures Lutheranismò primùm, & Calvinismo deinde infectas, ex parte maxima deformaturunt. Quando enim, referente Beda lib. 1. & 2. de Gest. Anglorum, S. Augustinus Monachus, & sui socij à D. Gregorio missi, Anglos cum Rege Edelbertho, ad fidem conuerterunt Christianam, Crucem pro vexillo ferebant argenteam, & imaginem Domini in tabula depictam, vt qui non ignorabant, ex ipsa Aristotelis Philosophia naturali, eundem esse motum in imaginem, & in rē, cuius est imago, & certum sit, Ecclesiam Catholicam, iam auditis, perspectis, ac cum Spiritu sancto communicatis omnibus Iconomachorum, ac suorum Parentum Iudæorum rationibus, sapius sacrarum vsum imaginum approbasse.

12 Eandem esse Ecclesiam hodiè Romanam, quę erat, quo tempore Eleutherius P. M. SS. Damianum, & Fugatium ad conuertendos ad fidē misit Britannos, & Gregorius item I. P. M. Monachos supradictos, ad conuertendos destinauit Anglos, nemo negabit: eosdem esse officio, ac munere hodie Pontifices Romanos, qui erant Eleutherius, & Gregorius, quis inficias ibit? At neque Britanni, neque Angli, Antichristi opera, & industria, fatebuntur, se Christi fidem, ac religionem suscepisse. Quid ergo habet hodie nouum sacra Scripturā, quid Nouatores in ea mysterij à seculis absconditi reppererunt, per quod, Vicarius Christi Domini summus Pontifex Romanus, Antichristus, ab Hæreticis adeò procaciter nuncupetur? Ad summum Pontificem Romanum Bonifacium IV. veni S. Mellitus, vnus ex primis Angliz Apostolis, Londinensis Episcopus, referente Beda lib. 1. de Gest. Angl. cap. 29. & 30. & lib. 2. cap. 3. de necessarijs quibusdam Ecclesiz Anglorum, cum Christi Domini Vicario tractaturus. Et cum idem P. M. cogeret Synodum Episcoporum Italiz, de vita, & quiete Monachorū ordinaturus, Mellitus inter eos assedit, Anno octauo Phocæ Imperatoris, vt quęcumq; erant regulariter decreta, sua quoque auctoritate subscribens, confirmaret, ac Britanniam rediens, secum Anglorum Ecclesiz mandanda, atque obseruanda deferret. Neque tamen tamquam ad Antichristum venit, neque Antichristi ordines ad suos detulit obseruandos.

13 S. Theodorus Monachus à Vitaliano Papa Romano Auctore eodem Beda libr. 3. & 4. Hittor. Ecclesi. Anglicanz. Septimus Archiepiscopus Cantuariensis in Anglia destinatus, Insulam, in omni ecclesiastica mirum in modum exornauit disciplina; neque tamen, ait Beda, ex quo Britanniam peruenierunt Angli, feliciora fuisse tempora: dum fortissimos, Christianosq; habentes Reges, cunctis barbaris nationibus essent terrori, & omnium vota, ad nuper audita celestis regni gaudia, penderent. Neque interim Reges, aut Regnum Angliæ, ab Antichristo, Pontifice, scilicet, Romano, se tam sanctum habuisse Archiepiscopum, aut eius doctrinam Ecclesiasticam per Insulam publicatam, Roma allatam, vt ab Antichristo sibi communicatam, querebantur.

Respondetur Hæreticorum tacita obiectioni. & continuatur Paranesis ad Regem Angliæ, &c. Cap. LIII. S. 1.



DICENT forsàn Hæretici, qui Regi suggessere hanc de Antichristo, ad Pontificem Romanum, applicatam doctrinam: dicetq; cum eis eorum affecta Rex: Haud se esse tam stupidos, qui intelligant, vel Ioannem Euangelistam, vel Apostolum Paulum, agere ad litteram de Pontifice Romano: neque priores Hæreticos, qui hac vsi sunt, dicēdi *uajjioia*, verè autem, blasphemia, hominem illum verum, & realem, qui ab Apostolis illis designatur, esse Papam intellexisse: sed tam se, quàm illos, de Antichristo Tropico intelligere: quasi Pōtifici Romano, veri futuri Antichristi mores velint assimilari. Et hac quidem via, antiquus est in Hæreticis mos, Catholicorum in Ecclesia, à supremo Pastore, vsque ad infimam ouem, carpere mores, taxare defectus, vitia declamare. Quibus pijsimè, sicuti doctissimè respondit, inter alios, Sanct. Mem. Cardin. Hosius S. Concilij Tridentini Præses, tam lib. de Legitim. Iudiciis. quàm in Iudicio, & censura, Ministr. Tigurin. &c. de Dogmate contra adorandam Trinitatem. Et quidem, si responsio ad similia Hæreticorum lamenta brevis esset petēda ab Erasmo, (qui vtinam haud se tam beneuolum, ac mitem in Lutherum præstitisset, quique multum, ac diu inter illius discipulos versatus, haud valde visus fuit nonnullis, ab illorum dissidere doctrina,) is Epistol. in Pseudoeuangelicos, sic habet: [Vos strenuè clamaris in luxum Sacerdotum, in ambitionem Episcoporum, in tyrannidem Romani Pontificis, in garrulitatem Sophistarum, in præctis, ieiunia, & Missas; nec ista purgari vultis, sed tolli: nec omninò quicquàm in receptis placet: sed zizaniam euellitis cum tritico: aut, vt melius dicam, triticum euellitis pro zizania. Circumspice populum istum Euangelicum, & obserua: num minus illic indulgetur luxui, libidini, & pecunia, quàm faciunt hi, quos detestamini?] Plura alia similia habet hic Auctor ibi, & vñijs locis alijs: qui, serò sapuit, se desipuisse, scri-

bendo,

lando; quæ ut ipse fatetur, si quis Deus, illi prædixisset, exoriturum tale seculum, vel non scripsisset, vel scripsisset aliter.

3 Hæc tamen omissa friuola satis excusatione, cum nullum numen absit, si sit prudentia; & multò minus in Catholico Doctore, qui haud unquam ea est doctrinæ, siue scribendo, siue loquendo, sparsurus semina ex quibus Hæretici melle valeant cumulari secunda: ad ea, quæ ad nostram doctrinam scripta sunt diuinitus, [ut per patientiam, & consolationem Scripturarum spem habeamus,] ex Paulo ad Roman. c. 15. stilum vertentes, ab orbe condito, semper in Ecclesia boni malis permixti fuerunt. Neque nato ipso Christo, qui tantam, ac tam grandem iustitiam orbi attulit, vitia esse desierunt: etiam inter eius Apostolicæ Scholæ professores. In cælum oportet conscendat, qui vult locum, ubi nulli reperiantur mali: quamquam & ex cælo Angeli ceciderunt. In terra omnes declinauimus, simul inutiles facti sumus; non est qui faciat bonum; non est usque ad vnum: dixit Regius Vates ante hos bis mille annos: & fuit multò ante verum, quàm dictum esset; & est nunc verius, quàm vellemus.

3 At si de status Ecclesiastici Prælati agendū sit, sunt inter eos multi, ac multi boni, ac suis Euangelicè satisfaciunt muneribus: neque si ab hoc adhuc deficiunt, insectandi sunt, vel contemnendi: quamuis enim, non habeant spiritum, quo ipsi sancti sint, habent tamen spiritum, quo sanctos alios faciant, siue Sacramenta ministrando, siue prædicando verbum Dei, siue alias functiones Ecclesiasticas exercendo. Cum enim Euangelium, & Sacramenta efficacia sint, propter promissionem Dei, nō propter ministri personam; Euangelij, & Sacramentorum energiam, noluit Christus, ex ministrorum dignitate dependere. Neque enim Euangelium, est illorum, sed Christi dicentis: [Qui vos audit, me audit:] nec illorum est opus, saluos facere auditores, & Credentes: sed Dei est opus, hoc mirabili artificio, æternam sibi Ecclesiam colligentis.

4 Docuit autem Augustinus, scribens contra Parmenianum, lib. 3. c. 1. in disciplina Christiana, quid primum Credentibus propositum esse debeat, dicens inter alia: [Cum omnis pia ratio, & modus Ecclesiasticæ disciplinæ, vnitatem spiritus, in vinculo pacis, maxime debeat intueri quod Apostolus, sufferendo inuicem, præcipit custodiri; & quo non custodito, medicinæ vindicta non tantum superflua, sed etiam perniciofa, & propterea iam nec medicina esse conuincitur: illi filij mali, qui non odio iniquitatum alienarum, sed studio contentionum suarum, infirmas plebes, iactantia sui nominis irretitas, vel totas trahere, vel certè diuidere affectant: superbia tumidi, pertinacia yefani, calumnijs insidiosi, seditionibus turbulenti. Ne luce veritatis carere ostendantur, vmbra rigidæ seueritatis obtendunt; & quæ in Scripturis sanctis, salua dilectionis sinceritate, & custodita pacis vnitatem, ad corrigenda frater na vicia, moderatori curatione fieri præcepta sunt, ad sacrilegium Schif-

matiss, & ad occasionem præcisionis vsurpant.]

5 Deinde, cū cōsilia separationis, & inania, & perniciosa, & sacrilega esse dixisset: quia, & inopia, & superbia sunt, & plus perturbāt infirmos bonos, quā corrigunt animosos malos, Cypriani proponit exemplum, qui quamvis pessimos Cōepiscoporum suorum descripsisset mores: quōd cū & ornamento esse ceteris deberent, & exemplo, Diuina procuratione contempta, procuratores rerum secularium fiebant, derelicta Cathedra, plebe deserta, per alienas Prouincias oberrantes, negotiationis quæstuosæ nundinas aucupabantur, esurientibus in Ecclesia fratribus, habere largiter argentum volebant: fundos, insidiosis fraudibus, rapiebant: vsuris multiplicantibus, scenus augebant: tales cū eos descripsisset, non se tamen separabat ab illis: verū hæc illorum peccata deslebat: ac Diuinæ censuræ, iudicioque permittebat. Quin & in Epistola quadam, cū illa Pauli verba produxisset: [In magna domo, non solum vasa sunt aurea, & argentea: sed & lignea, & fictilia. Et quædam quidem honorata, quædam verò inhonorata.] Nos operam demus, inquit, & quantum possumus, laboremus: vt vas aureum, vel argenteum simus: Ceterum fictilia vasa confringere, Domino soli concessum est: cui & virga ferrea data est. Esse non potest maior Domino suo seruus: nec quisquam sibi, quod soli filio Patri tribuit, vendicare potest: vt putet, aut ad arcem ventillandam, & purgandam, palam ferre se iam posse: aut à frumento, vniuersa zizania humano iudicio, segregare. Superba est ista obstinatio, & sacrilega præsumptio, quam sibi furor prauus assumit. Et dum sibi semper quidam plus, quā mitis iustitia deposcit, sumunt, de Ecclesia pereunt: & dum se insolenter extollunt, ipso suo tumore cæcati, veritatis lumen amittunt.]

6 Hic docet Cyprianus, perire de Ecclesia, lumēque veritatis amittere, qui sibi superba quadam obstinatione, plus assumunt, quā deposcit mitis iustitia: & quod soli Filio tributum est à Patre, sibi vendicant: vt à tritico zizania suo iudicio segregent. Quamobrem optimum est hac in re cōsiliū Augustini, vt misericorditer corripiat homo, quod potest: quod autē non potest, patienter ferat: & cū dilectione gemat, atque lugeat, dum, aut Deus desuper emendet, & corrigat: aut vsque ad messē differat eradicare zizaniā, & paleā ventillare. Vt tamen securi de salute sua, bonæ spei Christiani, inter desperatos, quos corripere non valent, in vnitatem versentur, auferant malum à se ipsis: id est, vt in ipsis non inueniatur, quod in moribus aliorum eis displicet. Diuinum est hoc sancti Patris Augustini cōsiliū: & nobis ipsis malum, vt auferamus: quandoquidem ab Ecclesia, vniuersa mala tollere non possumus. Veniet suo tempore, qui, & zizania eradicabit, & paleā ventillabit.

7 Nescimus tamen, (immò scimus, cōsiderata naturæ lapsæ conditione, nisi summo studio conemur, Christi IESV Euangelicis eam docu-

mentis reformare,) quomodo prouiores sumus ad malum ex alijs, quàm ex nobis ipsis auferendū: cū qui ferre nō possunt mala, quibus laborat Ecclesia, multò ipsi sint grauiora soliti designare. Fuit quidem, vt superius diximus, Hæreticorum quorundam placitum, seu delitium, Piccardorum videlicet, siue fratrum VValdensium, quòd nullus est Dominus Ciuilis, nullus est Prælatus, nullus est Episcopus, dum est in peccato mortali: sed eam doctrinam, tamquam seditiosam, quamnis à Ioanne VVicleffo approbatam, non solū Ecclesia Catholica in Synodo Constantiensi congregata, verū & ipsi nostri temporis Hæretici alij condemnarunt: sic enim ea de re scribit, qui primus fuit, memoria nostra, hæreseon Architectus: [Hæc ideo, inquit, commemoro, ne Piccardi nostri vicini Hæretici, infelix populus, qui factore Romano gaudet, sicut Pharisæus super Publicanum: non autem compatitur: ne, inquam, illi nos crederent nescire vitia, & labes nostras, & immensum aduersus nostram miseriam superbirent: si nos ista tacere, & approbare videremur. Scimus, heu, nostram causam, & dolemus: non autem sicut Hæretici fugimus, & semiuuium transimus: tamquam alienis peccatis pollui timeamus. Quo furioso timore illi sic timent: vt non pudeat gloriari, sese ideo fugere, ne polluantur: tanta est charitas. Nos verò quò miserius laborat Ecclesia, cò fideliùs assistimus, & accurrimus, flendo, orando, monendo, obsecrando. Sic enim charitas iubet, alterum alterius onera portare. Non sicut Hæreticorū charitas facit, quæ solū commoda quærit alterius, vt potius portetur, & nihil molesti sustineat à peccatis aliorū. O blasphematores Dei, & proditores Christi! Si Christus fecisset, sicut vos facitis, quis vñquam saluatus esset?] Hæc, de Piccardis, Lutheri fuit sententia: quos vocat Hæreticos, vocat infelicem populum, vocat blasphematores Dei, & proditores Christi: Neque tamen desunt interea meretrices, quæ sub his quoque lignis frondosis prosteruantur.

8 Sed audiat Rex Angliæ eundem, hac ipsa de re loquentem in alio quodam libro: [Quòd Romana Ecclesia, à LEO sit, præ alijs omnibus, honorata, non est dubium. Ibi enim sancti Petrus, & Paulus, quadraginta sex Romani Pontifices, ac tot centena millia Martyrum, sanguinem suū fuderunt: infernum, & mortem vicerunt: vt, et palpari queat, quàm singularem habeat ad eam Ecclesiam respectum Deus. Quòd si nunc, pro dolor! res habet Romæ, vt expediret habere melius: attamen neque hæc, neque alia causa vlla tam grandis est, nec esse potest; vt ab Ecclesia illa separatio, aut discessio vlla fieri debeat. Immo quò peius res ibi habet, tantò magis accurrendum, & adhaerendum est. Per separationem enim, & contemptum, non fit melius. Nec dimittendus est Deus, propter diabolum: nec vitandi reliqui boni, propter turbam prauam: immò propter nullum peccatum, aut malum, quodcumque excogitari, aut nominari potest, debet rescindi charitas, nec spiritalis vnitas diuidi. Cha-

ritas enim omnia potest, & vnitati nihil nimium graue est. Modica enim charitas, & vnitas est, quæ finit se, propter aliena peccata diuidi.]

9 Nec diuersum à Luthero sensit Ioannes quoque Calvinus, cum scribit c. 8. Symbol. Sect. 10. [Horrendæ sunt illæ descriptiones, quibus Isaias, Ieremias, Ioel, Habacuc, & alij, Ecclesiæ Ierosolymitanæ morbos deplorant: in plebe, in Magistratibus, omnia vsque ad eod corrupta erant, vt clamet Isaias: A vertice capitis vsque ad calcem pedis, nihil esse illic sanum. Religio partim contempta, partim contaminata. In moribus partim referuntur furta, rapinæ, cædes, & similia scelera. Neque tamen propterea, aut nouas sibi Ecclesias erigebant, aut noua altaria exstruebant Prophetæ, in quibus separata sacrificia haberent: sed qualescumque essent homines, quia tamen reputabant, Dominum apud eos verbum suum deposuisse, & cætemonias instituisse, quibus illic colebatur, in medio impiorum cætu, puras manus ad Deum extendebant. Certè si putassent, aliquid inde se cõtagionis cõtrahere; cõtines potius mortui fuissent, quàm passi fuisset illuc se pertrahi. Nihil ergo eos retinebat, quominus discessionem facerent; quàm seruandæ vnitatis studium. Quod si religio sanctis Prophetis fuit, ob plurima, & maxima scelera non vnius, aut alterius hominis, sed propemodum totius populi, se ab Ecclesiâ alienare: nimium nobis arrogamus, si protinus audemus, ab Ecclesiæ communionem desicere: vbi non omnium mores, vel nostro iudicio, vel Christianæ etiam professioni satisfaciunt. Iam Christi, & Apostolorum seculum quale fuit? neque tamen impedire potuit desperata illa Pharisæorum impietas, & quæ tum passim regnabat, dissoluta viuendi licentia, quin iisdem sacris cum populo vterentur, & in vnũ cum reliquis templum, ad publica religionis exercitia, conuenirent. Vnde id? nisi quia sciebant, malorum societate minimè pollui, qui pura conscientia, iisdem sacris communirent. Si quæ parum mouent Prophetæ, & Apostoli, ille saltem Christi auctoritati acquiescat:] Hactenus Calvinus.

10 Fuere quidè hæc ab vtroque valde piè, valde verè, ac circumspectè scripta: sed interea tamè vtrumque Prophetæ, Apostoli, & Christus parum mouerunt: impiissimè enim factum est ab vtroque, quod se ipsos tandem tam sancta, tamque salubria monentes non audierunt: & ab Ecclesiâ Catholica, per summum sacrilegium, discessionem facientes, alijs, vt idem facerent exemplum, & auctores præiuere: Quæ res quantas orbi Christiano calamitates attulerit, quantas ediderit strages, lingua nostra, immò nullo humano sermone facis poterit explicari. Quid autem eo esse potest in hac controuersia verius, quàm, quod scribit Lutherus? [Nullam esse posse tam grandem causam, vt, propter eam, ab Ecclesiâ Romana separationem, aut discessionem facere liceat.] Et quid vbi neque parua est causa? Quid ad vos Rex Angliæ, de Romanæ Curie Cardinalium dignitate? Quid de summi Pontificis electione? Extremo cum sitis

orbe diffusi Britannii, nihil miramur, grandi harum rerum ignorantia teneri: quæ visa, ingentem in vestris animis reuerentiam ad Romanam Curiam, & eius Ecclesiasticam amplitudinem, generarent; considerantibus, immò manuali praxi experientibus, summam, (quæ certè summa est,) Pontificis Curie Maiestatem, super admiranda summi Pontificis humilitate fundari, super incredibili Cardinaliū requiescere comitatibus.

11 Quia tamen ad finem nostri Tractatus properamus: neque scribere animus est Apologias, hæc pauca, quæ charitas Christi vrgens nos, nostro extorsit calamo, obsecramus, vt Regio animo excipiat, ac mineritis dictum, & doctum à Platone, *αἰνῆτα μὴ κινῆτα*. Quæ ergo Ecclesiastica Romana efficienda, circa suum regimen, præscripsit disciplina, magno illi constitere: sudauit, & alit Curia vniuersa, pluribus maximisque edocta experientijs, priusquàm ad illum agendi ordinem & splendorem, quo res omnes in ea administrantur, attingeret: modum non est inquietandus à Principibus Christianis: sed potius in sui decoris perseverantia conseruandus.

12 Deinde cum, de reque Enoch, & Eliz, vos videmus differere, haud obliuisci possumus Thaletis Milesij, de quo fertur, dum noctu cælum contempleretur, in scrobem incidisse, quod ridens ancilla, *δὴ ναὶ τὰ οὐρα, ἔσθ' ἡ τὰ παρὰ τοῦ ἀγροῦ, τὰ ἐν οὐρανῷ κινῆται*, intima ea, quæ Romanae cuiusque sunt peruia, ac cognita extero, ignoratis: altissima, & nobis extrema: inquiritis: in quibus quæstionibus, vel ipsis sacris Doctoribus, qui spiritu Intellectus à Deo fuere donati, tuta dubitatio; quo genere philosophari, & cautè indocti possunt, & docti gloriosè. Hoc vnus certissimè scimus, plus esse Enoch, & Eliam, de vestro, quàm vos, de illorum Paradiso sollicitos. Neque enim, vt ex Erasmi *ἀμυσίου*, hausistis illi scriptis, (de quibus ipse fassus est, si Astrologicam consulisset pietatem vel numquam, vel aliter ab eo fuisse scribenda,) quæ in cælis in æterni Sæctorum animarum receptaculo, in æternam est felicitatem collocata. Virgo Theotocos, est vniquàm à terrenis gaudijs, vlla terrenarum rerum cura, aut sollicitudine auocanda: vt, scilicet, ab aliqua, siue Angelica, Apostolica facultate, siue humana intercedente iniuria, à Patris, & Filii, & Spiritus sancti possit dimoueri glorioso conspectu; quod, & ceteri Sanctis cælestibus Indigetibus, cum illa commune est. Hoc tamen non solum non vetat, & eam, & eos, nostra curare, vt contra vestra verba, verba hæc protulerit Cyprianus, libr. de Mortal. Serm. 4. [Magnus illi numerus charorum numerus expectat: parentum, fratrum, filiorum, & quæ nos, & copiosa turba desiderat: iam de sua immortalitate secura, & adhuc de nostra salute sollicita.] Sic S. Cuthbertus olim, vt legistis, De fruens, afflicti Regis Angliæ curabat gemitus, & suspiria; sic Petrus Apostolus alterius Regis, sine cura, posteritatem procurabat.

13 Curant ergo Sancti perpetua quiete fruētes de nobis, sine cura

sine sollicitudine, solliciti sunt; neque, cum ex doctrina lib. Tob. ad aliquem Sanctorum conuertimur, illius nos precibus commendantes, cum a cælestibus gaudijs, vel auocamus, vel impedimus: neque est in illa suæ felicitatis æternitate momentum, in quo tot sancti Reges Britanniz, & Scotiz prædecessores vestri, quasi qui in Verbo ea, quæ ad Angliz, & Scotiz statum pertinent, vt propria, proprius ac clarius intuentur, non nouas ad Deum preces fundant: vt vobis eam inspiret mentem, qua ipsos, veluti amicos Dei, & ab Regis Regum secretis, adeatis, humiliter eos deprecantes, vt quam, charitate propria, pro vobis orandi Deum, prouinciam susceperunt, propensius eam suscipiant beneuolentia, a vestrijs pijs precibus incitati.

14 Ergo hac præuia Ecclesiastica, ac Christiana doctrina, vera narrantur, Enoch, scilicet, & Eliam, qui siue in Paradiso terrestri primò creato, siue in aliquo refrigerij loco, quem illis Deus, Paradisum, ac requiẽ destinari, ea præstantes charitate, quæ cum Deo vnians, omnes mortales vellent, eodem amoris nexu cum eo vniri, & pro regnis, & pro Regibus Angliz, & Scotiz Deo Omnipotenti supplicare sollicitè, ea sollicitudinis differentia, quod vos Theoricè, de illorum disputatis mansionibus, otij multum, curæ plus, quasi in ijs, quæ vt *ὁ πῶς ἡμᾶς, οὐ πρὸς ἡμᾶς*, vt dicebat Socrates, infumatis, vtilitatis nihil inde percipientes: illi Practicè, vobis commodi sint multum, si nostris acquiescatis monitis, allaturi.

15 Forsan, vel contempnetis, vel irridebitis hæc; neque ad vos accedere patiemini; at nos scimus, charitati inuiam nullam esse viam: ridete igitur, qui transubstantiationem totius substantiz panis, & vini, in totum corpus, & totum Christi Domini sanguinem, in Augustissimo Eucharistiz Sacramento negatis, quam Patres tercentum duodeuiginti in sacro Concilio 1. Nicæno, & Patres in Ephesino. 1. (de re loquimur, non de nomine) cõfessi sunt: (quæ Concilia vos suscipere fatemini) ridete, inquam, vestros Anglos, Henrici Regis auspicijs, (referente Aenea Sylvio, lib. 3. Cõm. in Panor.) in Gallia ab hoste circumuentos, nullas pacis condiciones admittente, mutua peccatorum confessione lustratos, pauxillum terræ in memoriam SS. Sacramenti, in quo Christus ipse Dominus verè, & realiter sumitur, deuorasse; cum infighem de superbo hoste victoriam reportarunt. Quod si hæc ridetis, rideatis oportet, sub Matthia Hungariz Rege, Stephani Batori Transyluaniz Præfeti, ductu, Milites cum hoste congressuros, mysticam terram, pro Eucharistiz Sacramento, sumpsisse. Autore Bonfinio, libr. 6. Decad. 4. Rideatis insuper Andronicum seniore Imperatorem, decumbentem, cum ad restinguendum feruorem sanguinis, frigida, pro more, vsus esset: eaque occasione, spiritus etiam deficere cerneret, & propter intempestam noctem, neminem reperiret, qui sibi Diuina mysteria impertiretur, surrexisse, & gra-

tias egisse Deo; atque pro salute animæ suæ, cum multis lacrymis deprecatur, sacram Dei genitricis imaginem, (qui irridetis etiam imagines) quam in sinu gestabat, loco Diuinorum mysteriorum in os infuisse: cumq; in lecto confedisset, statim priusquam diluxisset, ingenti, ex hac diligentia, recreatione consolatum, exspirasse. Auctor est Gregoras lib. 9. Scimus scriptum esse ab Augustino, de similibus casibus: [Crede & manducasti:] sed hoc ferebat tanta deuotio.

16 Quod si semel Christianorum Patrum nostrorum bene gesta irridenda sunt, quæ debgissimus potius, & venerari, & imitari, irridete etiam, apud vestros Anglos, referente Balzo, Centur. 3. cap. 32. de Anno nongentesimo quinquagesimo, cœpisse Sanctorū corpora è terris eleuari, & certis cæremonijs, ac religione singulari in capsas aureas reponi. Et Archiepiscopus Cantuariensis Odo, Vuilfridi, & Andoëni Monachorum nostrorum, ac Beatorum Episcoporum corpora Cantuariam transferri fecit. Hæc omnia si irrideantur, & vniuersa Ecclesiæ institutio, & Rerū publicarum constitutio, & mundi vniuersi per Christum facta restitutio, quia humano, vel non capitur, vel mensuratur ingenio, irrideatur: & omnia tandem, quæ Caluini non redolcant bimestres, vel trimestres, vel annuas Institutiones, risui habeantur, quasi insipientia: nam interim Diuina Sapiëntia suis stans promissis in Gentium est interitu talium, cum tempus acceperit, irrisura.

17 Interim igitur dum Scholâ Anglicam à S. Ina Rege prædecessore vestro Romæ collapsam reedificatis; in qua Regum filij, ac multi futuri in Anglia Episcopi, & Sacerdotes, Ecclesiastica instituantur, iuxta mentes pristinos disciplina, secundum dies, quibus Deus singularissima protectione vestrorum Maiorum Regum merita, ac sua dona coronans, cunctodiebat eos: Quando splendebat lucerna eius super capita eorum, & ad lumen illius ambulabant in tenebris: Sicut fuit in diebus adolescentiæ conuersionis Angliæ gentis, quando Deus erat secretò in tabernaculis eius: Quando erat Omnipotens cum Regibus, & in circuitu eorum, absque vlla formidine, pueri eorum: Quando lauabant butyro innocentie pedes suos, & Romanæ Ecclesiæ petra fundebat illis riuos olei, Pastorum & Doctorum, ad eorum, & totius gentis consummationem: Quando Principes exteri ad tantæ Diuinæ beneficentiæ manifestationem, cessabant loqui, & digitum imponebant ori suo: Vocem suam cohibebant Regum hostium duces, & lingua eorum gutturi suo adhærebat: Auris per orbem audiens, beatificabat eos, & oculus videns, testimonium reddebat eis: Eò quod fidem Catholicam, Apostolicam, Romanam inuiolatam conseruarent, ac summis Pontificibus in omnibus, quod Reges deceat, se deuotos exhiberent. Interim igitur dum hæc cum Rege B. Iob cap. 29. habeant dicti Reges communia; sicuti sui habuerunt Maiores, præsentis status abiecta conuersatione, fide Catholica, quæ exultat, in

Prouincias illas publicè restituta, omni abiurata hæresi, atque à summo Pontifice benedictione percepta, obsecramus vos, Rex Serenissime, in Domino IESV Nazareno, Rege eius nomini contentiū, vt ex præiudicato Angliæ more, & exemplo, quod vobis præ oculis exponemus, facinus gloriosum, ac Rege docto dignum efficere aggrediamini.

18 Sed adhuc priuquam nos exponendum hoc Regium opus aggrediamur: vobis in memoriam reducimus, quando de Anno 1554. Philippus 11. Rex Catholicus Aetern. Memor. in Angliam venit, Mariam Reginam optimam in matrimonium ducturus, secum ex Hispania adduxisse viros quosdam, & religione, & doctrina insignes, quales quidem, viri omni veneratione dignissimi, non minorem sanè decorem Regio afferrunt Comitatu, quàm vilis adstantium stipatorum, Magnatumve, seu Megistanon Illustrissimorum splendor; arma namq; exalta Mineruæ, seu Mineruæ armata, eas res faciunt in orbe, quas inermis prudentia, vel imprudens haud vniquam potentia consecissent. Fuere inter hos Doctores F. Petrus de Soto, ex Dominicana Religione, vir & grauitate, & sanctitate celebris, qui Tridenti in Concilio defunctus est, & Fr. Alfonsus de Castro, ex Ordine S. Francisci, cuius pieras, & doctrina ex libris suis, & præcipuè quos aduersus Hæreticos edidit notæ sunt, quique contra eos pugnans Bruxellis obiit: tum etiam Fr. Ioannes de Villagarcia, etiam Dominicanus, vir omni eruditione, ac facundia incomparabilis: qui omnes & sanctitatis, & eruditionis singularis gratissimam apud bonos omnes sui memoriam reliquerunt. Ex his Pater Ioan. de Villagarcia aliquot annis Oxonijs sacras Litteras, magno studio, ac labore perlegit, disputationes exercuit, veraq; Theologiæ quasi fundamenta quædam restituit. Qui cum toto illo tempore, his studijs Orthodoxæ doctrinæ tradendæ, hæresumq; confutandarum operâ dedisset, permultosq; haberet in illa Academia discipulos, quos ille vnicè diligebat, quasi speciem alteram Angliæ, in pristinum Catholicæ fidei statum, per eorum doctrinam, & prædicationem, restituendæ; ad postremum, cum defuncta iam pijsima Regina Maria, animaduertetet, quò se Religionis status inclinaret, nullam prætermisit occasionem, (quantum in ipso fuit homine extero) Hæreticorum, Insulam doctrinis falsis, & peregrinis à vera fide abducentium, conatibus obuiandi.

19 Ab eo tempore, numquam vel Oxonijs, vel alibi in illis Insulis sacra doctrina, Orthodoxa disciplina, ac Theologica sapientia floruit, immò ipsa Philosophia naturalis, illius Ancilla, ad Dominæ casum cecidit: vnde nihil est mirum, Regem Angliæ, arguta effugia, & Sophisticas appellare distinctiunculas, eam doctrinam, qua sacri Doctores feliciora, quàm sint nostra, ex Græciâ, ac latior Ethnicorum Philosophorum ingenia, ad fidei Catholicæ, ac Theologiæ sacræ adoranda adytà perdu-
xere. Nec ideo illis regnis homines detuere, & sanctitate, & scientia il-

Iustres, qui quantumvis patrijs sedibus, propter Christi fidē extorres, & monitis, & libris, tam proprio, quā Latino idiomate, scriptis, fratres suos Catholicos in fide solidarent, Hæreticos ad fidem reducerēt. Existere, inter alios, grauissimī, ac sapientissimī Theologiæ, & Iurisprudentiæ Doctores commendandi Thomas Hardingus, Nicolaus Sanderus, Thomas Heskyus, Alanus Copius, Ioannes Rastellus, Thomas Dörmarus, Ioannes Martialis, Georgius Bullogus, Edmundus Campianus, Thomas Stapletonus, Vinzetus Abbas, D. Gregorius Sayrus, Monachus Calsinen. & Piæ Mem. clarissimī, ac doctissimī Cardinales Reginaldus Polus, & Alanus. Sed quid? Horum libri postremis his annis in Anglia interdicti sunt: idque grauissimis Edictis, multisque magnis additis tantaque seueritate id ab illis hoc tempore observatur, ut nullum, ferē angulum non perferatatum relinquunt. At qui viri? quā egregij? Euangelij sui, videlicet, nōn Christi Domini Euangelij defensores. Et qui prius Catholicos, non aliquot, sed omnes, ad scribendum, coram populo frequentissimo, summa vocis contentione, vultu, & audaci, & confidenti, sæpius prouocabant; iidem nunc non permittunt, vel vllum Catholicorum librum in vulgari lingua à populo legi: & quod veritate nōn valent efficere, populi abutentes ignorantia consequuntur.

20 Atqui olim æquum putabant, ut sui libri, saltem vulgo permitterentur, Catholicosque maximē in simulabant iniustitiz, quod & Hæreticos libros, & ipsos Auctores simul passim comburebant. Quod si iniquum vmquam, aut iniustum in alijs fuit, quod certē non fuit, cur ipsi nunc id ipsum quod reuerā iniquum est, committunt? Sed scopum intentum, ut pertingamus, prætermittimus multa, quæ commemorari poterant, quæ cum in Catholicis iniquissima esse calumniarentur, eadem tamen cum ipsi faciunt, probant maximē: talis enim est apud illos legis naturalis commentatio. Illis bellum gerere contra quemlibet licet; de medio quoque tollere, per insidias, quos velint, etiam viros Principes: Catholicis nec iustissima arma suscipere in Sectarios fas erit, immō vix contra oppugnatorem Turcam, se suosque defendere. Illi non debere se, aiebant antea, ad fidem vlla ratione cogi: nunc ipsi quosuis trahunt ad inaudita quædam, & perabsurda præstanda iuramenta contra fidem, ac S. sedem Apostolicam, fidelitatis Ciuilis insignita in fronte, sed quibus interiūs ipsius fidei Catholicæ ædificium quatitur. Ergo sic vobis imponi sinetis Reges, & Principes Angliæ, & Scotiæ ab his seductoribus Sectarijs? eorum, dicetis, esse Reformatam religionem, qui Punica, seu Turcica fide, quam in Principes, & vniuersē in omnes homines seruant, noui Euangelij constituendi initia, & successus, à seditione, conspiratione, Principum Parentum vestrorum oppugnatione, circumuentione, profugatione, calumnia, ac tandem crudeli occisione sunt auspicati? Caue Rex; nec dicas, tibi non prædictum:

Non alio tali sperabis ab arbore fructus.

21 Neque sumus obliti, nobis opponi posse, Catholicos aliquot, (quod facere nō debuissent) conspirationis in Regē Angliæ extitisse Auctores, hisce vltimis annis: nam aliud est, quod homines proprijs affectibus indulgentes præstant, aliud quod ex præscripto alicuius institutionis: neque de statu, propter stātes, sed de stantibus, propter statum, iudicandum est. Catholica disciplina non docet, Reges, aut Principes, subditorum, manibus è medio tollendos: tumultus cōtinet, cōspiraciones vetat, inhibet seditiones, modestis, & discolis Dominis, præcipit, ab omnibus Christianis obtemperari. Hic est status; Hunc, vel illum Christianū, suæ fidei, & obligationis oblitum, in suum Principem conspirare, ad stantes pertinet: nec magis inde licet, contra statum arguere, quā licet, vniuersam Dei Omnipotentis hominibus impositam legem traducere, quod tot homines exleges, à Protoplasto Adamo, illam contemnant, innumeris flagitijs designatis.

22 Hinc miramur, Regem aliqd, ex attentatis, & præsumptis quorūdam Imperatorum gestis, contra sumorum Pontificum Romanorum, auctoritatem, collegisse argumentum, ad eam vel deprimendam, vel abnegandam: cū simili consequutione, posset, contra Regis, vel Principis cuiusq; Ediēta iusta, immō contra Regis Regum sacra, mandata, arguere ex eo, quod procaces aliqui ea prætereant subditi, sceleratiuē homines transgrediantur. Et quid est opus aliundē consequentias inuestigare? hac enim arguendi forma probata, sic licet colligere: Subditi, & vassalli Regum Scotiæ Henrici Stuarti, & Mariæ Stuartæ, contra eos rebellarunt: Ergo non erant legitimi Scotiæ Reges. Et vlteriū, Ergo Iacobus eorum filius, non est legitimus Scotiæ Rex. Valeant ergo hæ collectiones, à lege, vel Principibus violatis, ad legis, vel Principum infringendam Maiestatem.

23 Igitur cū Christiana institutio suos hortetur professores, ad summam obedientiam Principibus exhibendam: ad quid verō Hæreticorum incitet doctrina, ostenderimus supra; quid scripserit de hoc Erasmus in Epistola illa ad Pseudoeuangelicos, non pigeat audire: [Numquam eorū Ecclesias, inquit, sum ingressus; sed aliquando vidi redeuntes à concione, veluti malo spiritu afflatos, vultibus omnium, iracundiam, ac ferociam miram præ se ferentibus.] Apud hos ergo, & concionatores, & auditores, conspiraciones in Principes & inspirantur, & perficiuntur; si apud Catholicos, aliquis simili reperiatur implicitus culpa, desperationi forsan, conceptę ex iniustis gestis Principis, (quamq; sicuti scit Princeps, ex lib. 1. Reg. cap. 1. esse periculosa, scire debebat Catholicus, esse modestia Christiana refrenanda;) adscribendum est: neque inde, totus est status Catholicus subfannāndus. Et pro vno hoc exemplo, succedant plura Catholicorum, qui Reges Angliæ venerantes, ab eis iniuste occisi sunt.

Quid sit Regi Angliæ faciendum, pro exstirpatione hærese, & ab illis Insulis: & concluditur Parænesis ad eum. Cap. LIV. §. 1.



ET vt ad Thema, à nobis Regi Serenissimo proponendum, accedamus; meminisse oportet, Polydor. Virgil. lib. 26. Angliæ Histor. sic scripsisse: [Tantum apud Anglos ordini tribuitur, vt Sacerdoti, vel de Maiestate damnato, alijsve fontibus, qui reliquis initiati sunt Ordinibus, vita concedatur: ijs etiam, qui legere sciunt, præter Maiestatis crimen, damnatis, vita conceditur, carceribus inclusis. Quòd si casu euaserint, ne spes vlla vitæ ampliùs sit, in palma manus sinistra, sub pollice inuitur homicidis M. littera: quia Anglicè *Murdre*, homicidium dicitur: furibus verò T. quòd fur *Theft*, vocatur. Qui sic Stigmatiæ effecti, si in peccato rursus inuenti fuerint, tum meritis illicò dant pœnas. Cuius instituti Auctor fuit Henricus VI. in Consilio. Anno regni 2.] Tantum apud Anglos Sacerdotali concessum ordini! Tanti Ecclesiastici status venerata maiestas! Tanti. Et scientes solum legere, & Alphabetarij, qui tam longè distant, vt inter Ecclesiasticos censeantur, eo, Regibus, & genti Anglorum visi sunt, in honore habendi, vt Ecclesiasticos in spe, Ecclesiasticorum in re, eadem, vel similia priuilegia tuerentur. Et quid hisce vltimis temporibus factum est cum doctissimis, & sanctissimis viris. Aliquid in superioribus delibauimus; & credimus, haud vrgendo rem, sed tacendo, plus nos esse dicturos: cum negligentiùs, & in propriis lingua depingenda, sub velo silentij sint penitiùs explicanda.

2 Diximus ergo, ex præiudicato Anglorum Gentis facto, quod Regi facinus Regium aggrediendum fore censeremus. Esto enim, Principibus, (vniuersè loquamur,) nolentibus suorum subditorum, & domesticorum, vt ministerijs quibusq;: vel quia, ex Christi Domini doctrina: [Propheta nemo acceptus est in patria sua:] nam hominum est, facile eos, quos domesticè agnoscunt, contemnere: vel quia, etiam imaginatione comprehensæ, sæpiùs illis suffragentur eorum culpæ, in quibus culpas optassent, verius reperiri: vel quia, quibus domesticè vilescunt, oportet, vt, vel ex India, desideratæ merces accersantur; vel vltimò, quia id sic ferat rei, & temporis ratio, & necessitas: saltem ad nostrum propositum, vt ceterorū nullum hic concurrat, hoc habemus exemplum rei sequentis gestæ in Anglia: referente Sigonio lib. 12. Imperij Occidentalis.

3 Agricola Seueriani filius, Britanniam Pelagiana hæresi maculauit. Britanni, cum neque peruersam doctrinam, qua gratia Christi peruerteratur, suscipere vellent; neque fallacias contrariæ opinionis refutare verbis valerent: auxilium à Gallicanis Episcopis postularunt. Illi Germanum Antisiodorenses, & Lupum Trecaasinum Episcopos, ad id mu-

neris delegerunt. Qui, teste Beda, iussis eorum obedientes, continuo iter ingressi sunt, atque ad portum profecti, traijciendi causa, oram soluerunt. Dum autem cursum prosperè tenerent, ecce derepentè, summæ cæli, marisque tranquillitatem, sua adèò ventorum, vndarumque tempestas inuoluit, ut parum abesset, quin naus obrueretur. Tum S. Germanus, à ceteris metu trepidantibus, excitatus, Christi nomen implorat, atque aspergine aquæ accepto, in nomine S. Trinitatis, ventos, fluctusque perfurantes compescuit: quo facto, secundo rursus aspirante vento, reliquum nauigationis confectum est. Sacerdotes, benigno incolarum occurso excepti, statim populum illum, opinione, prædicatione, ac virtutibus impleuerunt. Cum immundos spiritus ex obfessis corporibus pellerent, ipsos audierunt, apertè concitatam à se tempestatem, & illa constata pericula, confitentes. Cum autem plerique ciuium, rectæ assensu doctrinæ fuissent: tandem, qui in pertinacia manserant, benè culti, ac comitati processere in medium. Et cum, ad insignis colloquij spectaculum, omnis ætatis, sexus, gradusque homines confluxissent, à Sacerdotibus copiam disputandi obtinuerunt. demum autem, cum nuda, & inania verba loquuti, ac certis subinde Diuinæ Scripturæ testimonijs conuicti, respondere non possent, se errasse confessi sunt. Ita Concilium, ingenti populi clamore dimissum.]

4 Neque segnius Scotica Gens (cum vtraque enim est nobis sermo,) vtilitatem ab exteris, quando, & rei occasio, & præsens illud postularet commoditas, procurauit. Sic enim scribit Heët, Boet. lib. 2. de Rebus eorum gestis. [Hispani duo Philosophi Athenas profecturi, vi tempestatis in Scotorum littus eiekti, & ad Regem Iosinā ducti, hospitalitatis ergò, solum Scoticum, maiores diuitias intra sua viscera, quàm in superficie, continere edocuerunt, & ad metalla inquirenda animos addidere: quin etiam, ut, ferarum abdicato cultu, (quem à maioribus suis, Aegypto oriundis, acceperant,) vnum Deum cæli colerent, non paucis persuaserunt.] Felices, ac veri Philosophi, verè sapientiæ amici, qui vanitatem forsàn plurium scientiarum, ut discipuli, Athenis edocendi, veritatem vnus Dei, ut Magistri, Gentem Scoticam docuerunt.

5 Ecce Britannia, ecce Scotia Prouinciz, à Gallis, ab Hispanis haurire non erubuerunt institutionem, ac pietatem, circa gratiæ Christi IESV efficacitatem, ac vnus Dei cultum; quæ hodie quantum egeant Catholicæ, Apostolicæque; veræ, audiendæ, ac percipiendæ fidei, considerent Rex, & sua Regna, cum Caluini profiteantur doctrinam: hoc est, non vnā hæresim Pelagianā, sed eam, in qua omnes veteres hæreses, simul penè ab inferis suscitantur: in compendium antiqui Protophæreticorum, omnes errores reducuntur: ac quicquid vel illi dixerunt, vel errando plus dicerent, vel posteriores, ac futuri, sunt Hæretici, contra veram, Catholicā fidem, Orthodoxamque; prolaturi doctrinam, id omne Cal-

nini Institutiones, vel in messe produnt, vel in semine præstant. Neque enim opus est, aliundè Christianismi per partes querere abolitionem: cum eam simultaneam, vnius Caluini scripta, vna Synopsi valeant demonstrare. Qua præmissa veritate, Regium erit opus, ac suis dignum Maioribus, si Rex Britanniz, & Scotiz, & sua Parlamenta, & Regna, à Summo Pontifice Romæ postulent, Ecclesiz, cui præsidet, communioni restitui; & sibi Doctores Catholicos, ac Orthodoxos Predicatores mitti ex Italia, Gallia, Hispania, & vbiq; Apostolica viget disciplina; qui simul cum pluribus Catholicis Doctoribus, & Predicatoribus, quos habent illæ Prouinciæ, vel extorres sedibus proprijs, propter fidem, vel occultè ibidem commorantes, tantam Christianorum multitudinem, cum suis falsis prophetis, ad Matris Ecclesiz gremium reducant, vera luce Euangelij, post tot, ac tantas tenebras, pro maiori parte Schismaticis, & Hæreticis illis Insulis, restituta.

6 Hoc postulatum, Rex Serenissime, est tam iustum, quàm est certum, ex Caluini perdita vita, nefarijs conatibus, & sanguinarijs in leges, & Reges susceptis consilijs, Regnorum, ac Rerumpublicarum plurimum miseranda excidia successisse. Non Rex, non Lex, non Respublica, non Principatus, vbiq; Caluinus fuit exceptus, vel eius fuit auscultata doctrina, immanem vim, Tartareasq; hominis furias euadere potuerunt: quo minùs imà summis, in vtraq; Republica, & Spirituali, & Politica, verteret: quo effectum est, vt florentissimæ alias prouinciæ, sanguinarijs Caluini consilijs, sint vsque ad proteruiam, (quod in sacrificijs olim dicebatur,) deuastatæ. Esto ergo, & Turcæ communi inimico esset propositum, Doctorem quemdam, similia, in pluribus ex suis ditionibus, occasione explicationis sui Alcorani, perpetrasse: & post illius sepultos Manes, ad eius discipulos, eiusdem doctrinæ hæredes, eundem simul spiritum, quasi cum ea legatum infociabile deriuatum; an Turcæ hoc denegaret, vt cum antiquis Alcorani Enarratoribus sentiretur, ac eorum discipuli audirentur, & doctrina illa noua expelleretur, quæ ea in sua Republica excidia, eas vastationes, & discordias, ea dissidia generasset?

7 Quod ergo Barbara Potestas efficeret, à Rege fieri, ex cultu disciplinis humanioribus, postulamus; ne, doctrinam Caluini in illis receptam regnis, Caluinoturcisticam iam à doctissimis Theologis æstimatâ, ipsum Mahomethi Alcoranum potiùs æstimemus, belli iure, non rationum pondere contutatum. Et quidem, si cum Caluino, lege præfata Henrici VI. Angliæ Regis, fuisset actum, quem è carceribus Galliz Stigmatiam, (siue vt Cicero loquitur, Stigmaticum,) exteræ susceperet Nationes, non ad illius credenda dogmata, sed ad flammis semel eradenda stigmata, excipere debuissent: ne doctrina Christi, super cuius dorsum fabricauerunt peccatores, propter delicta aliena, doctrina Caluini super cuius dorsum fabricauerunt iusti, propter scelera propria, tam impiè fuisset

conspurcata. Sed hoc, est orsa respicere, quæ tamquam facta, fieri nequeunt infecta: cum, qui instant, optemus, finibus medicari. Portet ergo, Rex Serenissime, & Regna fortissima, in suis animis stigmata Caluini, Calvinistæ, Calvinistæ pacifici, Calvinistæ causarii, Calvinistæ liberi, Calvinopapistæ: vos portate, cum Apostolo Paulo, in corporibus vestris, immò & in animis stigmata Domini IESV: ut nemo ex illis vobis ulterius molestus sit. Filij Sanctorum estis, nolite in impietate hæresis perdurare. Filij estis eorum, qui olim Catholici, ambulabant in luce, ut filij illorum luminis ambulate. Abijcite opera tenebrarum, & induimini arma lucis: neque, ut ex Tertulliano vidistis, à quibus estis semel contentebati, spe retis, vos esse in posterum illustrandos.

8 Et quid, Rex Serenissime? hanc ne laudem velletis, ab Henrico Friderico filio Principe, vobis esse præreptam: ut per illum gloriosè, ad Ecclesiæ Catholicæ, Apostolicæ, Romanæ vnionem, fiat omnium vestrarum ditionam reconciliatio, quod per vos gloriosius præstari potest? Pater estis, ille filius: non filij parentibus, sed parentes filijs *ὁ πατήρ τῶν υἱῶν*, Thesauros, videlicet, est à natura insitum, corrogare. Et quod nam *ΒΑΣΙΛΙΚΟΝ ΔΑΠΟΝ* illustrius Principi, futuro Regi, relinquetis, quàm Catholicæ Apostolicæ Romanæ fidei professionem? Audite Regem, facientem Principem, successurum sibi Regem, Regio dono ditissimum, immò ditiozem ditissimis Regibus, Dei veri, fidei certæ, doctrinæ solidæ, semitas declinantibus. [Audi, fili mi, disciplinam patris tui:] Prouerb. cap. i. [& ne dimittas legem matris tuæ: ut addatur gratia capiti tuo, & torques collo tuo. Fili mi, si te lactauerint peccatores, ne acquiescas. Si dixerint, Veni nobiscum: insidiemur sanguini, abscondamus tendiculas contra insontem frustra: deglutiamus eum sicut infernus viuentem, & integrum, quasi descendentem in lacum. Omnem pretiosam substantiam reperiemus, implebimus domos nostras spolijs. Sortem mitte nobiscum, marsupium vnum sit omnium nostrum. Fili mi, ne ambules cum eis: prohibe pedem tuum à semitis eorum. Pedes enim illorum, ad malum currunt, & festinant, ut effundant sanguinem.] Habebat certè quasi præ oculis sapiens Rex, quicquid cōtra Reges, & regna, insipientes, & fraudulentis Hæretici, & Calvinistæ maximè, hisce vltimis temporibus, in Prouincijs, ad quas eorū peruasit contagio, effecerunt, & per singula, quæ explicare esset longum, eorum impiè res obitas præfabatur.

9 Si autè hæc longiora videntur Monita, ecce aliud breuius Tob. c. 4. ad filiū: [Omnibus autè diebus vitæ tuæ, in mente habeto Deum: & caue, ne aliquando peccato consentias, & prætermittas præcepta Domini Dei nostri.] Tandem si breuissimè *ΒΑΣΙΛΙΚΟΝ ΔΑΠΟΝ* Principis vultis auribus instillare, ecce Regis extremū illud, de re totius hominis, ad imaginem, & similitudinem Dei effigiati, iudicium: ecce finitio, infinitam quasi hominis cogitationem, fastum superbum, ac illam paulò

minus ab Angelis, seu à Deo, ex Hebræo, circumscribens imminutam, maiestatem; [Finem loquendi pariter omnes audiamus: Deum time, & mandata eius obserua: hoc est omnis homo. Et cuncta quæ sunt, adducet Deus in iudicium pro omni errato, siue bonum, siue malum sit.] Timere autem Deum, & mandata eius obseruare, & Caluinisticam, à Demone in mundo sparſam, venerari doctrinam, tunc coibunt, quando.

Frigida constabunt calidis, humentia siccis.

10 Hæc sunt Monita, Philosophica, hæc sunt Politicæ Notationes, hæc Regia Mandata, quæ viuente vos deceat, præeuntẽ exemplo, ab Ecclesia, & eius summo Pontifice, schismatis, hæresis, ac totius præteritæ in vestris Regnis ab vnione Catholicorum secretionis, labis, purgatione, obtenta, filio Principi exsequẽda donare. Nā de Regio munere, quod ex magisterio Apostatæ Buchananian haustis, siue Græcis, siue Latinis exaratum notis, cum in Catholica disciplina nothum sit, & ab excucillato profectũ Minorita, haud erit Henricus Fridericus, tam inẽtis impos, qui non intelligat, Principes, ac Reges maiores, ab impijs haud esse minoribus benedicendos, vel instruendos. Erit certẽ, quod speramus, cordatus ac quadratus vir, & quod vestra (quod vtina n̄ non contingat) mentis non effecerit obstinatio, illius bonæ indolis efficiet, cum Dei gratia, facilitas: & legens ex Euangelio Christi Matth. cap. 10. [Inimici hominis domestici eius:] de vestro ΒΑΣΙΛΙΚΗ ΔΑΠΑΝ, eo perpetuis deuoto flammis, illud pronuntiabit antiquum, ἡ χθρὰν ἂν δῶρα δῶρα, & fidem, quæ ex Apostolo Paulo, est donum Dei, ab Ecclesia Catholica, Romana, exquiret: per calcatum Iacobum patrem, per calcatam Annam matrem; (nisi etiam respuerit,) ex D. Hieronymi consilio, ad eum viuendi contendet statum, qui eum, ex vnione cum Deo, ex cõmunionem cum Ecclesia Catholica Apostolica Romana, reddat securum, & de rebellibus quibusque subditis, & de inuidis quibusque inimicis, & de sceleratis, & audacibus Hereticis se triumphaturum in terris, & in cælis æterna gloria, Caluino, & eius sequacibus vidẽtibus, & irascẽtibus, coronandũ.

11 Sed iam tempus est, vt quæ nos ad hæc scribendum impulit charitas, vela contrahat, & ad finem Parænesi imponendum, compellat: nam licet ad agendum Monacho cum Rege Catholico parum, ad agendum cum Rege à verẽ Catholica fide alienum, & Monachismum negligẽte, multũ forsan ipsi, seu nimium iam negotij, ad nostri præcedẽtis discursus seriem, adiectum esse videbitur: & cui hæc pauca, ex domesticis adducta rebus gestis, non sufficiunt, externarum appositio, erit superuacanea iudicanda. Ergo Catholica Religio, de Angliæ, Scotiæ, & Hiberniæ Regibus, & Regnis antiquissimẽ benemerita, nouissimẽ ab ipsis tam impiẽ deformata, Monastica S. P. N. institutio, olim à Regibus, & Regnis illis tam æstimata, hodie tam miserẽ conculcata, illa mater communis, hæc speciosa, tot pugionibus à vobis confossa, considerantes se,

sicuti in extremis tabulis Cæsar Bruto , serè ex asse integro Catholici eos honores, Monasticamque gloriam Regibus Angliæ, Scotiæ, & Hiberniæ reliquisse , à quibus tam malè habeantur: illis iam oblitis, quorum res gesta contra eas, apud Deum in obliuione non sunt; prætermittam Henrici VIII. asse Ætæ, & Eduardi VI. quasi infanti, & Elisabethæ muliebri ignorantia , ad vos Regem doctum Iacobum V I. inter præsentium inflictorum vulnere se conuertit dolorem , & οὐ πικρὸν! iterans, eodicièdi Charactere, quo Reges à fidei Catholica professione sequestres, ea dictionis licet dulcedine nūcupare. *Proſſee tela manu, sanguis meus:* iteratis inclamat vocibus, Iacobe , & ab Hæreticis supplantate, eorum te præbe, iuxta nomen tuum, supplantatorem . Quid supplantatorem? immò Doctorem. ea enim hoc negotium facilitate perſcietur , vt sicuti

Quicquid delirant Reges, plectuntur Achiui:

sic quicquid boni agunt Reges, in subditos facillima transmittatur imitatione : vt, quorum ad exemplum, orbis totus , bene attestante Clauiano, componatur .

12 Tandem, si Maiorum vestrorum gesta, Rex, & gens Anglica, reuoluamus , ecce, referente Aemil. lib. 9. calcaria aurata Francorum in Curtracensi prælio cæſorum Curtraci in templo, ad victoriæ perpetuam memoriam suspendere: & de gloria solum agebatur temporali: hoc est, quæ, tota perpetuitatis præſentis duratione percepta, momentum, quasi, ad æternitatem collata, erat temporis duratura . Et, de gloria animorum sempiterna, dum agitur , à Caluino Gallo, apposita vobis fuisse calcaria, ad efficiendum, vt templa sanctissima, & apud vos antiquissima conflagrarent , quò calcarium Curtracensium etiam perierit memoria , & simul omnis Catholice fidei , & disciplinæ decor à vobis egressus fuerit, non curabitis ? Et qui Gallis, pedem terræ in vestris non concederitis ditionibus , Gallo Magistro, cælum vobis dispensandum traditis, vt ab eo, per illius hæresim, perpetuò exclusis,

Vestris illuſerit aduena regnis ?

13 Haud sic illuſisse potuit Regis Præceptor Georgius Buchananus Almaz Vniuersitati, ac celeberrimæ Scholæ, quæ Salmantica, nobilissima mei ortus Ciuitate, floret; eosq; torius Diuinæ, & Humanæ sapientiæ fructus profert, qui non solum Hispaniam, verum & vniuersum exſaturant orbem. Appulit illuc infelix Apostata, in Humana notus Poëſi, in Diuina nothus: florebat eo temporis in Scholâ, Magister Leo à Castro Grammaticus celebris, Philosophus insignis, Theologus Scholasticus doctus, & Bibliorum sacrorum Trilinguis purissimus Interpres, vt eius scripta in Cantica Canticorum, in Isaiam , in duodecim Prophetas Minores , in Matthæum, & Apologeticū volumen pro Vulgata editione, (quorū aliqua nondum sunt typis excussa,) manifestè demonstrant; item, & Magister Ioannes Scribanus, Philologus illustis, Philosophus clarus, Mathe-

maticus excellens, Theologus, ac Iurisprudens modestus, ac totius antiquitatis, Hebraica, Græca, & Latina lingua, eminens indagator: item, & Magister Franciscus Sanctius Brocenlis, Philosophus, ac Philologus illustris, triū linguarum notitia clarissimus, Criticus oculatissimus: ut illius elucet scriptis varijs, circa humaniores disciplinas: in quibus, tres omnes fuere Magistri mei colendissimi: (nam Philosophiam, & S. Theologiam, in Monasticis nostri Ordinis Scholis, quas habemus Hispaniæ florētissimas, etiam Salmanticæ addidici,) ex dictis ergo Magistris, Ioannes Scribanus, cuius assueueram præcipuè disciplinæ, ut qui in Collegio eiusdē Vniuersitatis Trilingui, nobis Collegis domi aderat instituendis, mihi retulit, se Buchananum pauca dicentem, quasi ex vngue leonem, cognouisse: qui nisi cursu propero, à tantorum virorum, & ceterorum Magistrorum, ac Doctorum se subduxisset conspectu, Hispaniæ purgatus, haud veneno Calvinianæ, quam profitebatur, doctrinæ, innocentem, Iacobi post Scotiæ Principis, infantiam temerasset.

14 Supplicamus ergo regi docto, & Scriptori, ut Scriptorem Ecclesiasticum, eiusque scripta, in bonam excipiat partem, animo legat Regio, eligat docto, diligat Christiano, breuissimè vltimò ipsi proponentem, ut iterum, & tertio, & millies consideret; se asserere, quattuor priora venerari, & suscipere Concilia Oecumenica; nā si hanc propositionem intimè notet, omnis, de fide inter eum, & S. sedem Apostolicam, & Ecclesiā, quæstio erit facilè, sicut feliciter terminanda. Et huius consequentis sentiat vim. Spiritus est Deus: Deus vnus est: ergo eius Spiritus vnus est. Hic vnus Deus, & eius Spiritus, Concilijs interfuit quattuor generalibus: ergo idem Spiritus & adstitit ceteris Concilijs vniuersis legitimis: nam ab illis prioribus generalibus Ecclesiæ Synodis, Spiritum hunc Christi Dei, ceteris Congregationibus similibus, vel in vniuersum, ab Ecclesia abfuisse, haud cohæret cum illius promissione, [Ego vobiscū sum vsq; ad consumationē seculi:] & Ecclesiæ domus, fuisset quasi Synagoga domus, deserta. Ergo hic vnus Deus, & eius Spiritus S. interfuit Tridentinæ Synodo celebrandæ: ut Ecclesia Catholica verè clamat, se fuisse ibi, in Spiritu sancto legitimè congregatam. Ergo tenetur Rex, si, quattuor priora acceptare sacra Concilia, certus esset, & S. Concilium Tridentinum, eiusque definitiones acceptare. Quod si non acceptet, ergo quattuor Concilia generalia non acceptat. Constat, quia ex Philosophia Aristotelis, ab ipsa natura sacrata: [In simplicibus, error consistit, in non apprehendendo totaliter.] Deus, ex prædictis, vnus est: Spiritus eius vnus est: qui negat Spiritum Dei adstitisse Cōcilio Tridentino celebrando; & eum ab quattuor Cōciliis celebrationibus, est consequens, affirmet, abfuisse. Qui enim non credit Spiritum sanctum, & interfuisse illis Cōcilijs, ut, alijs etiam legitimis similibus, interfuturū, & de facto, cum habita fuere, præsentem: & cum Patribus ibidem definientem, Spiri-

tum sanctum indiuisibilem diuidit. Ergo, vel neque illi, neque prioribus Concilijs quattuor fidem habet, vel ceteris oportet habeat: quia, ex prædicta Philosophica regula, qui Spiritus sancti diuidit unitatem, et separat simplicitatem, Spiritus autem, qui simplex, & vnus non est. Spiritus sanctus non est. 311

15 Sed quia dicit Rex: Se haud negare, Spiritum sanctum Concilio assistere legitime congregato: sed id habendum, modo, & forma, [Vt loco indictum commodò, nec suspecto conuentu, Christiani omnes Principes, aut per se, aut per Legatos, possent adesse: & Ecclesiastici omnes, qui Christianam Religionem profitentur, illisq; veteribus, veræ, antiquæ, Catholicæ, & Apostolicæ fidei fundamentis adhærescunt, tutū accessum, ac comitatum haberent, &c.] Certè oportuisset, Regem addere aliquod exemplum Concilij, in Ecclesia hucusq; sub hisce forma, & modo, celebrati: in quo omnes Ecclesiastici conuenerent. Et dum disceptaretur, qui essent, qui fundamentis Catholicæ fidei adhærerent: & cetera comuntur, & moluntur, seculorū finis est: & Concilium, in valle Iosaphat celebrabitur: quādo indutis immortalitatem, apparebit omnibus, qui veræ fidei adhæserint fundamentis, vt possessione creditorum gaudeant: qui ab eis recesserint, vt sera pœnitentia, incipiant credere cum Angelis Apostaticis, & contremiscere: ac, ex antecedentibus, & consequentibus, illam formare æternò iterandam consequutionem: [Ergo errauimus à via veritatis; & iustitiæ lumen non luxit nobis. &c.]

16 Concilia in Ecclesia, ad Episcopos, Prælatosque eius pertinent: de quibus dixit Apostolus, [Et alios quidem dedit Apostolos, alios autē Euangelistas, alios autem Pastores & Doctores, ad consummationem Sanctorum.] Illi ergo sunt in Concilio Consummatores, ceteri omnes Christiani, sunt consummandi: expectet domi quasi sancti, quid Spiritui sancto, & Pastoribus, & Doctoribus Ecclesiæ visum est, ab omnibus Christianis, in rebus fidei credi, in morum necessaria disciplina teneri, in Politicæ Ecclesiæ administratione, temporum considerationis circumstantijs, observari. Principes Christiani adeunt per se, vel per Legatos sacra Concilia: vt audiant, quid loquatur in illis Spiritus sanctus: vt supra ex Imperatorū vidimus confessione: & vt quod Pastores & Doctores Ecclesiæ ibi congregati nequeunt exsequi in ea per doctrinæ sermonem, exsequantur illi per disciplinæ terrorem: ex videro supra citato. Et tandem quos S. Concilium Tridentinum, in Spiritu sancto legitime congregatum, (quod ibi susceptum, & asseruatum est, miris fructus parit totius reformationis, Ecclesiasticæ disciplinæ,) non quiescat, neq; quiescabit mille alia Concilia, suis imaginarijs formis, ac Ideis Platoniceis, celebrata.

17 Summa rerum hæc est, Rex Serenissime. Hæretici hi vestri Doctores, & suggestores, & omnes vniuersæ tales. Vobis, ac Principibus omnibus potentiam, summo Pontifici Romano, ac Episcopis inuident at. Sori-

tatem. In Regno non est nisi vnus Rex: quilibet, Rex ille esse velle: etiā legitimo, ac naturali abdicato Principe: in Ecclesia non est nisi vnus supremus Pontifex: in vna Diœcesi vnus Episcopus: omnes Hæretici Ministri appetunt illum summum Pontificatum, seu Episcopatum: has dignitates Ecclesiasticas, qui attingere nequiverunt, cōfuderunt: alijs sibi superioritibus, ac præfectorijs crectis: super quibus inter illos mirificè digladiatur. Hæc ambitio iam olim Ecclesiam turbauit non semel, & hodie conturbat: quam licet radicitus amputare in Ecclesia impossibile sit, esset tamen magna ex parte facile, Christianos omnes ad consensum in Religionem adduci: si Principes omnes Christiani, sacri Concilij Tridentini obseruantiam generalem suis in dominijs indicerent: vt antiqua Ecclesiæ Hierarchia, & Politia restituta, Hæretica Babylon in tot diuisa credendi linguas corrueret, & Christianorum Terrā labij vnus, vni Deo, vni Christo capiti inuisibili inseruiret, vni summo Pontifici, visibili in ea capiti, ac Christi Vicario obtemperaret: quæ essent certa signa, nedum acceptationis quatuor priorum generalium Conciliorum, verum, & totius & credite, & admittæ Euangelicæ maiestatis. Hæc est via tuta conseruandi Principes suæ Imperia: nam qui ab illis expectant fidem, qui eam Deo Principi æternon seruant, suo malo discent, confidere in homine, propter brachium carneum, Domini brachio derelicto. Ieremia eos maledicente. c. 17.

18 Quæ omnia, si quasi argutias, & sophismata, Rex cum suis Doctoribus, iudicauerit: neque (quod, in spiritu contrito, & animo humiliato obsecramus Christi Domini, Dei, & hominis omnipotentem misericordiam, & pro nobis verum pretiosum sanguinem, ne fiat.) Romanæ, hoc est Apostolicæ Ecclesiæ reconciliari voluerit: sciat saltem, sic de eius, & illorum regnorum rebus gestis eam iustissimè clamatoram:

Perfidia cumulum lacrymis ego perluo ΠΙΣΤΙΣ,

Heu miser! ornatas dilacerata comas.

Scilicet hoc reflat adhuc: vt Principe docto

Vinceret, & caussa stet potiore dolus.

19 Attendite ergo, Rex Serenissime, ad petram, vnde excisi estis, & ad cauernam laci, de qua præcisi estis. [ex Isai. c. 51. Attendite ad Henricum patrem vestrum, & Mariam, quæ peperit vos. Huic Heroinæ, moueat Vos, Angliæ, vbi regnatis, mors crudeliter inflicta: & hæc sit infligentibus, seu eorum posteris poenitentia: vt ad fidem Catholicam, vobiscum veniant, profitendam: quò illud compleatur ex Isaiâ, vbi supra: Vt consoletur Dominus præfata Regna, & consoletur omnes ruinas eorum: & ponat deserta eorum, quasi delicias: & solitudinem eorum, quasi hortum Domini. Gaudium, & læticia inueniantur in eis, & gratiarum actio, & vox laudis. Quod vtinam videat S. Mater Ecclesiæ: & omnes eius filij Catholici, congaudentes de fratrum nostrorum, qui perierant, inuentio-

fecit sic Deus cæli regnum, quod in æternum non dissipabitur. Et regnum eius, alteri populo non tradetur.] Regnum enim hoc, nihil est aliud, quam Imperium Christi Lei, & hominis; inde vero Daniel illud sustentandum dixit; quia cum Deus, vt in superioribus demonstratum fuit, voluisset, in homines per suas leges dominari, & à Populo Hebræo Regem hominem postulante, quasi fuisset abiectus, ne super illos regnaret, illius regnum fuerat quasi sopitum somno; hinc prædixit propriissime Daniel, fore omnino sustentandum. Dicitum fuit autem, regnum in æternum non dissipandum: quia Ecclesia, quæ est regnum Christi, numquam deficiet; & sicut ipse Rex Christus ex Apostolo Paulo ad Roman. cap. 6 [resurgens ex mortuis, iam non moritur:] sed [sedet ad dexteram Maiestatis in excelsis:] ad Hebr. cap. 1. sic Ecclesia numquam deficiet: immò post seculorum finem, in cælo, cumulatissima subditorum gloria, Regis Christi regnum æternò est duraturum. Quamdiù autem peregrinamur à Domino, habet huius regni Christus Vicarium summum Pontificem, qui iura illius, Ecclesiæ explicat vniuersæ: dicente ipso Christo, Petro, & suis successoribus: [Tibi dabo claves regni cælorum. Matth. c. 16. vt superius fuit latius declaratum: & [Pasce oues meas. &c.] vt supra.

5 Docent nos quartò, quanta consideratione S. Bernard. lib. 4. de Considerat. cap. 4. tractans illa verba Christi ad Petrum, Ioann. c. 18. [Mitte gladium tuum in vaginam: sic docuerit:] Tuus ergo, & ipse tuo forsitan nutu, & si non tua manu, euaginandus: alioquin si nullo modo ad te pertinet: Ecce duo gladij hic. non respondisset Dominus: Satis est: sed. Nimis est. Vterque ergo Ecclesiæ, & spiritualis, & materialis: sed is quidem pro Ecclesia, ille verò ab Ecclesia exercendus: ille Sacerdotis, is militis manu; sed sanè ad nutum Sacerdotis, & iussu Imperatoris.]

6 Quo Doctore prævio, illum locum Euangelicum sic explicante, etiam Epist. 256. ad Eugenium Papam, eiusque interpretationi, per spiritum intellectus cælestis sibi communicatæ, accedentibus Doct. Theologis, S. Thom. in 4. dist. 45. q. ult. in fine Henrico Gandau. quodlib. 6. q. 23. Augustino de Anc. S. Antonino, Siluestro, & alijs: item, & Doctoribus Iurisprud. Innocent. cap. Licet ex suscepto. de for. compet. Panormit. ibidem, num. 8. & cap. Caussam. 2. qui filij sint legitimi. num. 6. & cap. per venerabilem. cod. num. 15. & cap. Nouit. de iudic. mun. 12. 13. & 16. quid vel impij Hæretici, vel parum sobrij Auctores aliqui Catholici, doctrinam Gregorij IX. Epist. ad Germanum Patriarcham Constantinopolitanum, & Bonifacij VIII. de hoc utroque gladio optimè traditam in Extrauag. Vnam sanctam. de maior. & obed. vel contemnunt, vel traducunt? Cum Spiritus Christi, qui Ecclesiæ assistit regimini, & directioni, & eius Prælatorum summorum Pontificum, in docendis fidelibus, specialiter mouet linguas, & ora tractat, & in ad illos scribendis documentis temperat calamus; sic Bonifacio summo Pontifici illam doctrinam

declaramus, dicimus, diffinimus, & pronunciamus omnino esse de necessitate salutis.] Hucusq; Pontifex.

9 Cuius Pontificis Decisionis veritatem prioribus seculis Hugo de S. Victore adstruxerat, Auctor tantæ auctoritatis D. Bernardi tempore, vt, Augustini lingua, ab ipsis Doctores vocaretur. Is igitur 2. libr. de Sacram. part. 2. c. 4. sic scripsit: [Quanto autem vita spiritualis dignior est, quàm terrena, & spiritus quàm corpus, tanto spiritualis potestas, terrenam, siue secularem potestatem honore, ac dignitate præcedit. Nam spiritualis potestas, terrenam potestatem instituere habet, & iudicare, si bona non fuerit: ipsa verò, à Deo primò instituta est; & cum deuiat, à solo Deo iudicari potest.] Quem fuit sequutus, illum citans, Alex. Aleu. 3. p. q. 48. memb. 1. art. 3.

10 Sed dictæ Decisionis fundamentum si altius eruamus, omnes Philosophos, & Theologos, inueniemus, Doctores explicantes, scientias inuicè subalternari: si vnus scientiæ finis, alterius subordinetur fini. Vnde simili ratione est consequens, has geminas in Ecclesia potestates, haud duo corpora constituere separata, & distincta: sed vnicum, & solum, imò: solidum corpus: cum debita inter eas subordinatione, seu subalternatione; cum vtriusq; eodem fine, qui est, vt per vtramque, diuersis medijs, differentijs modis, animorum, hoc corpus mysticum efficiant, hominum salutem in omnibus sit consulendum. Quæ videtur expressa mens Diuini Spiritus, per Isaiam Prophetam, sic loquentis, cap. 28. [Ecce ego nitam in fundamento suadatum.] Quem lapidem, cum Christus, Matth. c. 21. de se ipso, explicauerit, fuisse prædictum, dum dixit: [Lapidem quem reprobauerunt ædificantes, hic factus est in caput anguli.] Psalm. 117. etiam citato; Paulus Apostolus Christi seclator, Christum esse docuit, 1. ad Corinth. cap. 10. dicens: [Petra autem erat Christus.] Super quam, voluit ipso, Ecclesiam suam in persona Petri ædificari, Matth. capit. 16. dicens: [Tu es Petrus: & super hanc petram ædificabo Ecclesiam meam.] eo modo, quo à nobis iam superius explicatum fuit. Hoc idem vnicum dominium, exercitijs subordinationis distinctum, inquisse etiam videtur idem Spiritus celestis, dum sic Ierem. capit. 30. promissit: [Non dominabuntur ei amplius alieni. Sed seruient Domino Deo suo, & David Regi suo, quem suscitabo eis.] Quod & Daniel, cap. 7. repeti videtur, dum scribitur: [Regnum, & potestas, & magnitudo regni, quæ est subter omne cælum, datur populo sanctorum Altissimi: cuius regnum sempiternum est: & omnes Reges seruient ei, & obedient.]

11 In quam sententiam, quàm facile coeant omnes Doctores Theologi, de Auctoritate, & Potestate Pontificis scribentes, videbit Lector, si illorum Tractatus, qui præ manibus sunt passim, mediocri euolut diligencia.

Quintum documentum sequens ex dictis proponitur.

Cap. LV. I. §. 1.

DOCENT nos quintò prædicta, quàm profunda Theologia, S. Thomas hanc definiorit Ecclesie potestatem 2. Sent. d. 44. ultimis illius lineis, sic argumentum & proponens, & soluens: [Potestas, inquit, spiritalis, est altior seculari: Si ergo maiori potestati magis est obediendum, Prælatus spiritalis semper absoluerè poterit à præcepto secularis potestatis: quòd est falsum.] & sic respondet: [Ad quartum] dicendum, quòd potestas spiritalis & secularis, utraque deducitur à potestate Divina: & ideo inter tantam secularis potestas, est sub spiritali, in quantum est ei à Deo supposita: scilicet, in his, quæ ad salutem animæ pertinent: & ideo in his, magis est obediendum potestati spiritali, quàm seculari; in his autem, quæ ad bonum civile pertinent, est magis obediendum potestati seculari: secundum illud Matth. c. 20. Reddite, quæ sunt Cæsaris, Cæsari: & quæ sunt Dei, Deo: nisi forsitan potestati spiritali, etiam secularis potestas commingatur, sicut in Papa, qui utriusq; potestatis apicem tenet, scilicet spiritalis, & temporalis.]

Quæ ultimà verba, sunt valde notanda: dum apex utriusque potestatis, Papa tribuitur. Quam locum Ferrariensis, 4. contra Gentiles. c. 76. sic explicat. Ex doctrina S. Thomæ 2. Sent. d. ultima: [Papa præ omnibus obediendum est & in his, quæ ad salutem animæ pertinent, & in his, quæ ad bonum pertinent civile.] Et subiungit: [Similiter, ut docet idemmet S. Thomas, potestati ratione huius supremæ potestatis, unumquodque ratione dei debet puniri, & tallas, atque gabellæ, pro Reipublice Christianæ continuatione, imponere: sicut Rex in suo regno.] Et deinde dicit etiam S. Thomas, super Epistol. ad Corinth. c. 11. Lect. 2. [Quòd pro necessitate vnius patriæ; potest suscipere subsidium ab alijs partibus mundi: quia Ecclesia est unum corpus.] De quo videndus idem S. Thom. vel Auctor Opusc. 20. de Reg. Prin. lib. 3. c. 10. & 19.

Hanc etiam doctrinam S. Thom. prius tradiderat Alexander A. l. p. 3. q. 40. membr. 4. dicens: [Collatione facta potestatis spiritalis ad secularem, potestas spiritalis, est super secularem: sicut anima super corpus.] Vnde Ieremiæ primo dicitur: Ecce constitui te hodie super Geres, & regna, &c.] Et sequitur Henric. Gandavens. Quodlibet. 4. q. 23. sic dicens: [In Ecclesia militante, sub Deo Christus est Hierarcha primus; post Christum, Petrus; cui ambas claves tradidit, & duos gladios commisit. Vnde Papa habet utrumq; gladium, spirituale, & temporalem in auctoritate quadam prima, & superiore.]

Quòd ipsum, suffus est adhuc à nobis declarandum. Nam licet po-

testas Ecclesiastica, quæ in summo Pontifice potissimum, & in alijs Ecclesiæ Prælatiſ successeſſiue reſidet, & poteſtas Politica, quæ in Imperatore, Regibus, & alijs quibuſcumq; Politicis ſita eſt Principibus, non modo dux ſint, ac diſtinctæ ſinibus, & officijs; ſed etiam ſeparatæ interdum inueniantur: (aliquando enim Eccleſia nullas habuit Politicos Principes Chriſtianos: & nunc etiam multi ſunt Principes, ac Reges extra Eccleſiam) tamen quando Principes ſunt Chriſtiani, & in Eccleſiæ Catholice membris, ac filijs numerantur, dux illæ poteſtates ita coniunguntur, ac conueniunt inter ſe, ut vnā Rempublicam, vnum Regnum, vnam Familiam, vnum & vnum Corpus efficiant. [Vnum] inquit Apoſtoliſ, ad Rom. capit. 12. [ſumus Corpus in Chriſto: ſinguli autem, alter alterius membra.] Quo in corpore myſtico Eccleſiæ, eſt poteſtas Eccleſiaſtica, veluti animus; & Politica, veluti corpus: ut optimè docet Gregorius Nazianzenus, in Oratione ad populum timore percuſum, & Imperatorem irascentem.

5 Eſſe verò hoc extrâ controuerſiam, id eſt argumento, quòd Eccleſiaſtica, etiam Ciuilis, poteſtas, ſpiritualis, & celeſtis ſit, vel formaliter, vel ſaltem origine: Politica autem ſit humana, & terrena; rursus, ut ex tertio Fundamento Traſtatuſ huius conſtat, etiam, illius ſinis, æterna ſit beatitudo; huius autem, pax, & tranquillitas temporalis: illa animos, & corda potiffimū regat: illa in corporibus vim ſuam habeat: illa legibus Diuinis, & celeſtibus Oraclis, iſta iure Ciuili, ac Gentium traſtatur: illa denique Auctorem immediatum habeat Deum, iſta per ius Gentium, ac populorum, ad quoscuq; Principes deriuetur.

6 Quemadmodum igitur ſciūcta ſunt animi, & corporis munera: & ſeparata etiam inueniuntur in Angelis, qui mole carent corporea, & belluis, quæ rationis ſunt expertes: & tamen in homine, quia vnā hypoſtaſim efficiunt; vnus hominis rationis compoſitis, ita conueniunt, ac coniunguntur, ut animus præſit, corpus ſubijciatur; ſpiritus intus alar, & regat, caro exterius obſeruetur, & poſſit animus, iure ſuo, carnem ieiunijs, vigilijs, alijsq; coercere laboribus, ne impediatur ſpiritus functiones: vel etiam, ſi opus ſit, ad ſuam ipſius ſpiritus, poſſit carni imperare, ut ſe, ac ſua exponat omnia, etiam cum detrimento vitæ, quod ſanctos Martyres legimus eſſe ſeſſe; quæ omnia Apoſtoliſ Paulus in vno, & eodem homine, qualiſ duo eſſent, interior, ſcilicet, vnus, alter exterior, Diuine ſecreſſit ſapiſ; pari ratione in Eccleſia Chriſti, ſiquidem vnum corpus myſticū eſt, tantum oportet, eſſe conſunctionem Eccleſiaſtica, ac Politicæ poteſtatis; tantum inter eas ordinem, & vnus ad alteram intercedere ſubiectionem; ut in ijs, quæ modo quocumq; ad æternam ſalutem pertinent ad diſciendam, Eccleſiaſtica poteſtas Politicam dirigat, eiq; iuxta ſuperius dicta, & explicata, imperet: & ſi opus ſit, inhibeat, & coercet, ne proprii ſinis aſſeſſutionem impediatur: etiam cum detrimento

(ſi tale eo caſu dicendū eſt,) propriæ poteſtatis: vt eo modo, iuxta Gre-
gorij ſententiam, libr. 2. Epist. 61. [terreſtre regnum, cęleſti & man-
ſuro in ſecula famuletur.]

7 Hoc ipſum piſſimè, & doctiſſimè Innocent. cap. Solitz. de maior. &
obed. h. ſce aureis verbis declarauit. [Ad firmamentum cęli, hoc eſt,
vniuerſalis Eccleſiæ, fecit duo luminaria magna: id eſt, duas inſtituit
Dignitates: quæ ſunt, Pontificalis auctoritas, & Regalis poteſtas; ſed
illa, quæ præeſt diebus, id eſt, ſpiritualibus, maior eſt: quæ verò carnali-
bus, minor: vt quanta eſt inter Solem, & Lunam, tanta inter Pontifices,
& Reges differentia cognoscatur: &c.] Cui ſimilitudini inhærens Soto
in 4. d. 25. q. 1. art. 1. ab vnione, quā Luna cū luce habet Solis, ſic colligit:
[Nā ſic Rex tēporalia regere debet: vt ſpirituali religioni ſubſeruiat.]

8 Hic omnis diſcurſus, & præfata doctrina S. Thomæ, & Alenſis huic
innititur fundamento: quia omnia, quæ ſummus Pontifex agit, ad verā
fidei Catholice obſervationem, quæ ſine operibus eſt mortua, dirigun-
tur. Cumq; ad Pontificem ea omnia ſpectent, quæ ſpectant ad Euan-
gelium, & ſupernaturalem conuerſationem; & ſic eius muneris ſit, Chri-
ſtianum populum, oues ſibi commiſſas, per vtilia agendo paſcua, ad fidē
dirigere fructuoſam, ſeu [operationis Dei,] vt loquitur Paulus ad Co-
loſſ. cap. 2. ex operibus naſcentem: ideo ad tanti negotij exſequutionem,
oportuit, eſſe vtroque dicto gladio communitum. Eſt tamen inter Chri-
ſtum Dominum, & Pontificem, eius in terris Vicarium, hæc apprime no-
tanda differentia: nam donum excellentiæ conceſſum Chriſto, vtendi ab-
ſolute gladio temporali abſque vlla limitatione, propter vnionem hu-
manæ naturæ cū perſona Diuina, vnde habuit abſolute & poſſe, & velle;
hoc, inquam, donum, non fuit à Chriſto Pontifici communicatū: eſt enim
homo purus, & illius incapax; ſed tantūm fuit illi conceſſum poſſe, cum
inſtructione tamen, & limitatione vſus illius: quo ſi abuteretur, non de-
fectui gladij: penes ipſum exiſtentis, ſed Diuini præcepti transgreſſioni,
eſſet imputandum.

9 Impertiuie ergo Dominus Petro, & ſuis conſequenter ſucceſſoribus
Romanis Pontificibus illum gladium ſpiritualem, ac eam poteſtatem,
ſuper omnes oues Chriſtiani ouilis: gladium autem temporale abſo-
lutè non conſulit: neque poteſtatem temporalem directam ſuper Regna,
& Principatus; ſed illa ſpiritualis, ea ratione fit directā in tēporalibus,
& ſecundus inde reſultat gladius; vt Regna, & Imperia, & quocumque
Principatus mundi, ſi id gloria Chriſti, & vtilitas Eccleſiæ poſtulent,
mutare, transferre, & à poſſidentibus poſſit alienare. Hinc, vt ſcripſi-
mus ſuprà, ab Oriente in Occidentem, Apoſtolica Romana Poteſtas
Imperium tranſtulit: depoſuit Imperatores, & Reges: & iuſtis de cauſis,
excommunicationis vinculis innodauit.

10 Neque opus fuit, vt Chriſtus Dominus iu Petrum, & eius ſucceſſo-

res, omnem, quam habebat à Patre, potestatem, transferret, ut functiones prædictas valeant exercere. Habuit enim Christus potestatem super omnes Angelos, super Beatos, & damnatos: quam eius Vicarij in terra non habent: quia ad excellentiam, de qua iam diximus, pertinet: eam tamen sufficit habeant auctoritatem spiritualement, quæ continetur illis verbis Christi, explicatis iam, [Data est mihi omnis potestas, &c. euntes ergo, &c. docentes eos, seruare omnia, quæcumq; mandauimus vobis. &c.] quæ potestas, videlicet, necessaria est, ad Christiani orbis molem sartam & rectam seruandam: etiam cum Regum, & Principum Christianorum, si id Euangelij regulæ postulent, Politico aliàs temporali detrimento; quod haud censendum est, nisi æternum commodum: cum [nihil proficit homini, si vniuersum mundum lucretur, (Christo ipso docente) animæ verò suæ detrimentum faciat.] Marc. c. 8. & Luc. c. 9.

11 Ceterum quod habet summus Pontifex bonorum, ac ditionum temporalium, id sibi donatum fuit, vel à Constantino Imperatore, vel ab alijs Principibus, vel à liberis Ciuitatibus: vel habet legitimis titulis, sicuti quicumque Principes seculares, hos, vel illos possident alios similes Principatus: in quibus vsum gladij habet, sicuti & ceteri, temporales: quem per suos Ministros, propter suæ altissimæ vñctionis decorem, est solitus exercere. Dicebamus enim supra, hanc geminam potestatem, posse in vna eademque persona concurrere: ut constat in Melchisedech Rege & Sacerdote, in Heli, in Samuele, in Machabæis, in Moyse, in Regibus etiam Aegypti, qui simulerant Sacerdotes, ut Mercurius Trismegistus ostendit. Druidæ etiam erant Sacerdotes apud Gallos, & ad illos causæ temporales deferrebantur cognoscendæ. Immo Principes quoque dicebantur Sacerdotes: teste Hieronymo Epist. 126. ad Euagriū. quod ex 2. Reg. c. 8. desumpsit, dicente Historiographo: [Porro filij Dauid erant Sacerdotes.]

12 Hæc autem potestas temporalis collata est summo Pontifici, & alijs Episcopis, ac Ecclesiasticis Prælati, à populis, seu à Principibus, &c. ut melius, iustius, ac tranquillius, quàm sub secularibus solum Principibus, earum ditiones gubernarentur: cum deceat eos, quasi celestibus plus assuetos conuersationibus, maiori sapientia, prudentia, & clementia præditos esse; non quia non habeant eundem vsum gladij, quem ceteri temporales Principes: sed quia edocti speciali Christi IESV Evangelica doctrina, debeant, animum dominandi, aut malè tractandi subditos, non habere. Et sicuti supra, examinantes causas diuiciarum Ecclesiarum, earum legitimum vsum, explicabamus, vnam ex potioribus existisse: sic & censemus, collatam fuisse potestatem illam temporalem summo Pontifici Romano, & ceteris multis per orbem Christianum Episcopis, ac Ecclesiasticis Prælati: ut melius, ac facilius possent, suam spiritualement Hierarchiam, ac Politicam potestatem administrare: & ut in maiori essent apud

populū veneratione, & vt magis benefici, & hospitales in pauperes monſtrarentur. Vbi admiranda Chriſti IEſV elucet ſapientia: qui Apoſtolos pauperes, ſine pera, baculo, & calceamentis, mundi ſcientijs deſtitutos, in mundum vniuerſum, eum conuerſuros, deſtinavit: vt humilitate, & paupertate, & infirmitate mundum vinceret, & humanis viribus fides non eſſet adſcribenda. Temporis verò progreſſu, ac fide in Chriſtianorum peccatoribus fundata, voluit, Prælatos, ſapientes eſſe, eloquentes, diuitijs, & facultatibus cōſpicuos: vt tenaciùs hereret fides, & minus ab illa recederent apoſtataſ: & hoc, propter metum etiam gladij, ac temporalis poteſtatis, quę Miniſtris adſtans Chriſti, Chriſtianos, ad Euangelij præſcriptum non ambulantes, vel pœna valeat detertere.

Per Parergon, ex Iure Canonico, & eius Prudentibus, de poteſtate Pontificis dicta ſuperiùs comprobantur. Cap. LVII. §. 1.



HINC Iuris Canonici Doctores (& ſic quaſi Parergon, ad illos enim hic fuit nobis neceſſariò conſugiendum, vt res hæc faciliùs intelligatur) dixerunt, in ſummo Pontifice vtrumque gladium coniungi, ſpiritualem actum & habitu, temporalem habitu: ſed actum illius, ligatum in vagina, ea ratione, remanere, quia Pontifex, niſi in quibuſdam grauiffimis caſibus, illum nequit exſerere. Docet verò Abb. Panorm. cap. Licet ex ſuſcepto. de for. competent. hanc habitualem in. Papa exiſtere poteſtatem: ſed cap. Cauſam quæ. extra. qui filij ſint legitimi. addit, illam reduci ad actum in arduis, & maximis difficultatibus, generantibus ſcandalum in Chriſtianitate; in quibus, inquit, Papa potuit, etiam inter laicos, huiuſmodi maioritatis ratione, ſe intromittere, & exercere iſtam poteſtatem, ſibi à Deo attributam; vt optimè patet in cap. Pro humani. de homic. in 6. & in Clement. Paſtoralis. de Sent. & re. iud. Cui veritati Decius, alijs Pontificiæ inferiior auctoritati, vt ex Cōſil. ſuo 151. conſtat, adſtipulatur in capit. Nouit. à num. 54. vſque ad 63. de Iudic.

1 Qui autem ſint ij caſus, docet optimè Turrecrem. in capit. Cū ad verum. & de hoc omninò videndi Soc. in c. Licet ex ſuſcepto. de for. compet. Imol. Anan. Barbat. & Felin. Et quia hi caſus rarò contingunt, illam Papæ poteſtatem, ſeu iuriſdictionem temporalem, Canones ſacri, caſualem, appellauerunt. notab. tex. c. Per venerabilem. in verb. rationibus. qui filij ſint legitimi. cuius ſunt ſequentia verba.

3 Rationibus igitur his inducti, Regi gratiam facimus requiſiti, cauſam tam ex veteri, quàm ex nouo Teſtamento trahentes: quòd non ſolùm in Eccleſiæ patrimonio, ſuper quo plenam in temporalibus gerimus poteſtatem; verum etiam in alijs regionibus, certis cauſis inſpectis, tem-

poralem iurisdictionē casualiter excreemus: non quòd alieno iuri præiudicare velimus: sed quia, sicut in Deuteronomio continetur, Si difficile, & ambiguum apud te iudicium esse perspexeris inter sanguinem, & sanguinem: causam, & causam: leprā, & lepram: & iudicium intra portas verba videris variari; venies ad Sacerdotes Leuitici generis, & ad iudicem, qui fuerit illò tempore: qui iudicabunt tibi iudicij veritatem, & facies quæcumque dixerint, qui præsumt loco, quem elegerit Dominus: sequerisq; eorum sententiam. Qui autem superbierit, nolens obedire Sacerdotis imperio, qui eo tempore ministrat Domino Deo tuo, & decreto Iudicis, morietur. Sanè cùm, Deuteronomium, Lex secunda, interpretetur, ex vi vocabuli comprobatur, vt quod ibi decernitur, in nouo Testamento debeat obseruari. Locus enim, quem elegit Dominus, Apostolica Sedes esse cognoscitur. Cùm enim Petrus urbem fugiens, exiisset: volens eum Dominus ad locum, quem elegerat, reuocare; interrogatus ab eo: Domine quo vadis? respondit, Venio Romam iterum crucifigi: quod, intelligens, pro se dictum, ad locum ipsum protinus est reuersus. Sunt autem Sacerdotes Leuitici generis fratres nostri, qui nobis iure Leuitico, in exsequutione Sacerdotalis officij coadiutores existunt. Is verò super eos Sacerdos, siue Iudex existit, cui Dominus, inquit, Petrus: Quodcumque ligaueris super terram, erit ligatum, & in cælis: eius Vicarius, qui est Sacerdos in æternum, secundum ordinem Melchisedech, constitutus à Deo iudex viuorum, & mortuorum. Tria quippè distinguit iudicia: Primum, inter sanguinem, & sanguinem: per quod criminale intelligitur: Vltimum, inter lepram, & lepram: per quod Ecclesiasticum, & criminale notatur: Medium, inter causam, & causam: quod ad vtrumque refertur, tã Ecclesiasticum, quàm Civile. In quibus cùm aliquid fuerit difficile, vel ambiguum, ad iudicium est Sedis Apostolicæ recurrendum; cuius sententiam, qui superbiens contempserit obseruare, mori præcipitur: id est, per excommunicationis sententiam, velut mortuus, à communione fidelium separari. Paulus etiam, vt plenitudinem potestatis exponeret, ad Corinthios scribens, ait: Nescitis, quoniam Angelos iudicabimus, quantò magis secularia?]

4 Hæc Innocentius III. numquam satis laudatus, siue pietatem, siue doctrinam viri consideremus: super quem textum, est aduertenda Glossa, quæ innuit plura notanda loca, mirè hanc materiam illustrantia; supposita ea radicali, ac fundamētali à nobis explicata doctrina, de hac Ecclesiastica iurisdictione, de iure Diuino à Christo Domino cõstitutæ. Quatenus verò hæc colliguntur à Canonū sacròrum Interpretibus, ex Ecclesiastici, seu positiuī iuris fontibus, ad eos Lectorē remittimus: qui etiā habet supra plures casus descriptos, in quibus summi Pontifices Romanæ suæ illa habituali vtentes iurisdictione, temporalia notanda iudicia, cum Ecclesiæ & consensu, & applausu iustissimè exercere.

Tria alia documenta sequentia ex dictis proponuntur.

Cap. LVIII. §. 1.

DOCEANT nos sexto prædicta, potestatem Ecclesiæ, & eius summi Pontificis, non solum in spiritualibus, sed etiam in temporalibus, esse amplissimam: & non solum in his esse indirectum illius dominium, sed esse directissimum: quatenus ad spiritualia diriguntur. Quæ doctrina nihil debet turbare Principes seculares; neque enim dicimus, aut asserimus, Papam ab illis, vel velle, vel posse simpliciter ad libitum auferre Regna, & Principatus, quos Christus illis non eripuit, neque vult, ut a suo Vicario illis eripiatur: longè sumus ab hoc sensu: sed id sentimus cum D. Gregorio lib. 2. Epist. 61. [terrenum Regnum cælesti famulari:] immò cum Apostolo ad Rom. cap. 11. [vnum nos omnes corpus esse in Christo.]

2 Quo supposito, dicere, quòd summus Pontifex habet directum dominium in temporalibus, prout ad cælestia, & æterna diriguntur: est dicere, Christi IESV, & eius redemptionis gratiam, & Euangelij regnum, & gloriam, primas debere omnino tenere partes in mundo: & omnes omnium hominum status, legi gratiæ, & Euangelicæ, esse subditos: neque illius cursum, progressum, & exercitium, posse à quoquam hominum retardari, impediri, vel inhiberi, quin habeat summum Pontificem Christi Vicarium directum vltorem; quin habeat Christum ipsum, cuius est regnum Ecclesiæ, & qui est Rex Regum, & Dominus Dominantium promptum sui Vicarij Papæ defensorem; dicentem, non sicuti olim dixit Deus ad Samuelem 1. Reg. cap. 8. [Audi vocem populi huius, non enim te abiecerunt, sed me, ne regnem super eos:] sed: Ne audias vocem cuiusque hominis Euangelicæ legis cursum, & vltimum retardantis: non enim te abijciunt homines aliqui, aut spernent, sed me, ne regnem super eos: Luc. cap. 11. Et tamen velint nolint, ego constitutus sum Rex super eos: Psalm. 2. & sum omnino regnaturus; [Pasce oves meas.] In quo sensu, optimè docuit Augustinus Triumphus, in Proæmio lib. de Potest. Eccles. dum dixit, [Error est, pertinaci mente non credere, summum Pontificem super spiritualia, & temporalia habere primatum.]

3 Docent nos septimo, quòd omnes homines, omnes Prouinciæ, omnes Principes, Reges, Duces, omnes denique imperantes, & obsequentes, quando recepere, vel recipiunt Christi fidem, & sacrum Baptisma, vel expressa, vel saltem tacita conditione promiserunt, & promittunt Christo, & Ecclesiæ, obedientiam, & illi suam defensionem, ut perseueret Euangelium in suis ditionibus, præstituros: ita ut, nisi id fecerint, puniri possint, etiam regni amissione: neque esset vmq̃uam admittendus ad Ecclesiam Princeps, qui non haberet, saltē virtualiter, & in præparatione

animum perdendi & vitam, & si Rex esset, ipsum regnum, ad dictum effectum: dicente Christo Luc. cap. 16. [Si quis venit ad me, & non odit patrem suum, & matrem, & uxorem, & filios, & fratres; adhuc autem, & animam suam, non potest meus esse discipulus.] Et rursus eodem cap. [Qui non renunciat omnibus, quæ possidet, non potest meus esse discipulus:] quæ loca ad hoc propositum optimè explicat Augustinus Epist. 5. ad Marcellinum: ut is non possit Christi esse discipulus, qui non est paratus, carere potius uxore, liberis, parentibus, opibus, honoribus, & ipsa etiam vita, quàm ut Christum offendant.

4 Vbi omninò miramur secularium Principum, vel timorem, vel tumorem: quibus, vel timent hanc Ecclesiæ, & sui summi Pontificis auctoritatem, & potestatem, illorum insidiari potestati: cum nihil diligentius curent Ecclesia, & summus Pontifex, quàm subditos, ad omnem Principibus obedientiam, & subiectionem præstandam, exhortari, incitare, & compellere: vel adeò tument, ut non meminerint, se esse Ministros Dei, non Deos, & hominum rectores, non erectores; unde ad Creatoris Dei nutum, & voluntatem, in lege Evangelica ab ipso explicatam, non ad illorum placita, ea neglecta, sunt regna, & eorum omnis res publica gubernanda.

5 Si enim Imperij Romani, sub Gentili ritu, gloria vigente, Pontificis Maximi tanti fuit æstimata maiestas, excellentia, & facultas; de quibus Fenestella de Sacerdot. Roman. cap. 6. & 8. Pomponius Latus eod. fra. & cap. 10. Panvinus lib. 4. Fastorum c. de Pont. Maximo. ut sua intercessione, sub illius, non religionis, sed superstitionis, prætextu, Imperatorum in multis valeret obstare conatibus: unde visum fuit, Imperatoriam interesse potestatem, & maiestatem: ut Imperatores simul etiam Pontifices Maximi crearentur: si augurum Romanorum adeò grande illud erat ius in Imperijs, in Potestatibus, in Comitijs, in Concilijs, in institutis, &c. de quo latè Cicero 2. lib. de Legib. quid mirum est, sub ritu Christiano Principibus secularibus conuersantibus, Evangelicam legem, Christumque eius Auctorem, & summum Pontificem illius Vicarium, & legis Interpretem, posse, & debere illorum actiones dirigere, ut ad Evangelici verbi, & eius gladii aciem, eorum temporalis gladius acuatur?

6 Dolemus quædam, & rogamus pro remedio Christum summum Sacerdotem, & summum Regem supplicari ab omnibus Fidelibus, ut inter Principes Ecclesiasticos, & seculares iam statuatur circa iurisdictionum suarum exercitium, perpetuam pacem; cum ad Christianæ legis profectum, inter utrosque, utrorumque iuribus inconfusis, de humilitate, ut Evangelij doctrina utrisque præderet, esset frequentius decertandum. Unde si Deus nobis aliquando ab importunis, & improprijs occupationibus otia fecerit, in nostris Christianis Politicis dicemus, qualiter hæc, quæ de immunitate, & iurisdictione Ecclesiastica disputamus, apud secula-

res Principes integro, & voluntario ad eam respectu, valeant emolliri.

7 Docent nos octauò, vt ad locum Petri Apostoli, cap. 14. supra propositi, vnde ortus est longus hic discursus, redeamus: Ecclesiæ potestatem, summique eius Pontificis, esse immediatè à Deo: Principes verò seculares, non illam habere ab ipso immediatè; sed à populis, & Rebus publicis: ideoque congruè à D. Petro, Humanas creaturas nuncupari: nullamque illis à Principe supremo Ecclesiastico iniuriam fieri: si eos admoneat, illisque imperet, vt Politica sua potestate rectè vtantur, legibus, & pœnis impios coërceant, ac blasphemos; fidem Catholicam protegant: aduersus infideles Ecclesiam oppugnantes arma suscipiant: Iura Ecclesiastica agnoscant, & reuerentur: ac denique, tam quò ad bona, quàm quò ad personas, forum Ecclesiasticum exterius, Diuina ordinatione constitutum, tueantur.

D. Petri cap. 14. supra adducta doctrina ultimò explicatur.

Cap. LIX. §. 1.



V M Petrus Apostolus omnes fideles fuit exhortatus, vt subiecti essent omni humanæ creaturæ, id est, Principibus secularibus, & eorum ministris, ab hominibus, non à Deo, immediatè constitutis; vt est latissimè explicatum: protinus addidit: [propter Deum,] quod verbum sic explicat Glossa: [In quantum eius imago relucet in ea,] scilicet, in humana dicta creatura, seu in Magistratibus ab hominibus creatis. Addit Gloss. [& potissimè superioribus, personam Dei representantibus.] Quod Glossæ dictum viam nobis aperit, ad declarandum illud assertum Pauli Apostoli ad Rom. cap. 13. [Non est Potestas nisi à Deo;] non solum non esse his, quæ diximus, contrarium: immò adductam à nobis sententiam D. Petri explicationem, per Paulum vberiùs explicari.

2 Ergo Tertullianus in Apologetico sic loquitur: [Inde est Imperator, vnde & homo antequàm Imperator. Inde potestas illi, vnde & spiritus: Jalludens, scilicet, ad dictum locum Apostoli ad Roman. cap. 13. & paulò post subdit: [Nos iudicium Dei suspicimus in Imperatoribus, qui Gentibus illos præfecit.] Irenæus lib. 5. aduersus Hæres. Valent. cap. 14. sic habet, [Ad vtilitatem Gentilium, terrenum regnum positum est à Deo: cuius enim iussu homines nascuntur, huius iussu & Reges constituntur, apti ijs, qui in illo tempore ab ipsis regnantur.] Et rursus, mentitum fuisse Dæmonem, asserit, qui sibi Imperia partiendi ius, atque auctoritatem arrogauerit: quippe id esse Diuinæ prouidentia eximium, & singulare munus.

3 Quæ dicta non obstant superiùs à nobis adductis. Et in primis, non negamus, Deum aliquando nominatim præscripsisse antiquis temporibus

bus aliquos, qui aliquibus præessent, & dominarentur: id tamen perraro, & non nisi extraordinariæ tantum mutationis, rei quæ alicuius ingentis efficiendæ, vel perficiendæ causæ, nouimus accidisse. Adhuc tamen notauimus, numquam eum, quem tali imperio Deus destinauerat, Regem antea fuisse, quam populi consensus accessisset: qui eum super se Regem constitueret, & quasi in Regni possessionem, externis etiam adhibitis cæremoniis, induceret. Sic Moysen, quem Hebræi populi Ducem elegerat, signo mirabili, & thesiera illa populo repræsentatis, scilicet: [Quæ est, misit me ad vos:] Exod. cap. 3. Deo cor multitudinis mouente, in illius Ducatum eam effecit consentire. Sic Saulem electum à Domino 1. Reg. c. 10. populi postea suffragiis Regem factum fuisse constat. Sic Dauidem, Saule adhuc regnante, vnctum, & electum, non tamen Regem, nisi ab illius obitu, & voluntaria suæ gentis in eum consensione, existisse scimus: vt ex 1. Reg. cap. 16. & 2. cap. 1. & 9. habetur. Sic licet Elia Propheta 3. Reg. cap. 19. iussus fuisset, ungere Hazaelem, Regem super Syriam, viuente adhuc, & rerum potiente Benadad; anno tamen post octauo circiter decimo, ipso, mortifero decumbente morbo, Elifæus iterum Propheta 4. Reg. cap. 8. sub hoc verborum tenore eundem Hazaelem, affatus est: [Ostendit mihi Dominus, te Regem Syriæ fore:] non dixisse: non, esse: sed fore: quantumuis tot retrò annis eum Dominus elegisset, & per Eliam vngi præcepisset.

4 Hæc omnia ei consentaneæ rationi nituntur, quia ipse Dominus vult, quos delegit Reges, offerre populis, non obtrudere; & hominum societatem spontis suæ ductu, sub vnus Imperium, & legitimam redigere conditionem: vt quem suo opte nutu super se constituit, ei non solum amorem beneuolentiam, consilium, auxilium, & quicquid officij potis est, liberè deferat; verum etiam auctoritate Diuina, & iure Gentium, subiectam planè, & parendi necessitate sciat, agnoscatque, se esse constrictam.

5 Hinc est consequens, non quasi in re, sed secundum spem potius, Regem dici posse, quem Deus elegit, & designauit Imperio; donec à populo aut populi totius nomine, & consensu, Proceribus, qui multitudinem repræsentant, Rex constituatur: vt olim Dauid 1. Reg. cap. 29. euenit: quod ob hanc spem, & regni promissionem, vocat Regem Athanasius Epist. a solit. vitam agentes; quo dicendi charactere, dominum dici aliquando eum, qui nondum reuerà dominus est, iuris Ciuilis Auctores tradiderunt. Paul. In l. In suis. ff. de lib. & posth. Alciat. lib. 2. Parerg. cap. 1. Quapropter, vt deberi talibus regnum rectè quis dixerit; ita eosdem interea esse, vel vocari Reges, nisi per anticipationem, spe regni incundæ perperam contendet: quod enim nobis debetur, id nostrum non esse Prudentes definierunt: Mutius, Vlpianus, Paulus, Scauola l. 27. §. 2. l. 3. ff. de aur. & arg. leg. l. 28. §. 4. de lib. leg. l. 15. ff. de reb. cred. Ex quo eodem rationis fonte dimanat, vt quisquis, Dei permissu, viam sibi a

Imporium vi, & armis munierit: quantumvis moderatè, leniterque subactis à se popùlis dominetur, Tyrannus & sit, & habeatur, tantisperdum mitigatis, & flexis in fauorem animis, Rex, communi Ordinum conspiratione, atque consensu, declaretur.

6 Quod igitur Tèrtullianus, quod Irenæus suprà relati dixerunt, quod vniuersè apud graues Auctores reperitur assertum, vel communenunciatur sermone, Regnum à Deo esse, Dei iussu Reges constitui, & Reges per Deum regnare, & quæ sunt id genus; summa beneficia Dei largitione consequi: id eò pertinet primò, vt intelligamus, Deum Regibus, siue instinctu, siue permissu Diuino, ab hominum societatibus legitime constitutis, eam auctoritatis prærogatiuam impertiri, quæ omnem populi potestatem superet, & amplitudine, ac excellètia maiestatis tanta ornare, vt Regis, quàm populi, celsius quoddam, atque augustius imperium conspiciatur.

7 Hac itaq; ratione, à Deo constituti esse dicuntur; hanc ab ipso habere potestatem, docet Paulus; quòd ipse Deus, potestatis à multitudine in illos collatæ, summus & Auctor, & approbator sit: vt quamuis eius potentia largitor videatur populus, qui Regem super se constituit, & suum omne imperium, & potestatem in eum transfert; tamen id, donum, atque Dei beneficium frequentius, quàm populi, in ipis sacris Litteris nuncupetur. [Scidit Dominus regnù Israel à te hodie;] dixit Samuel 1. Reg. cap. 15. ad Saulem: [& tradidit illud proximo tuo, meliori te.] & [Egredere te,] ait Dominus ad Dauidem, per Nathan 2. Reg. cap. 12. [in Regem super Israel: dedi que tibi domum Israel, & Iuda.] sic 3. Reg. cap. 2. loquitur Salomon: [Viuit Dominus, qui firmauit me, & collocauit me super solium Dauid Patris mei:] sic eod. lib. c. 13. dicit Deus: [Ecce ego scindà regnù de manu Salomonis, & dabo tibi decem tribus.] Et paulò post cap. 14. [Quia exaltaui te de medio populi, & dedi te ducem super populum meum Israel: & scidi regnum domus Dauid, & dedi illud tibi.] Et cap. 16. [Pro eo quod exaltaui te de puluere, & posui te Ducem super populum meum Israel.]

8 Secundo, Deus etiam constituere Regem dicitur, & ab eo omnem Regum potestatem esse, & dependere: ne quis forsàn putaret, id esse multitudinis proprium. Sic namque hæc duo, Regem à multitudine, & item, à Deo constitui, simul coniuncta, Deut. cap. 17. sunt intelligenda. Sic Ahias Propheta. 2. Paralip. cap. 22. dixit: [Constituit sibi Dominus Regem super Israel, qui percutiet domum Ieroboam in hac die.] Id nimirum hac dictione significante; Deum ipsum, Regis constituendi, principem esse Auctorem; populum verò, esse etiam Auctore, sed causam secundam: vt quamuis pro immensæ Maiestatis suæ imperio, regnum in quemcumque, absque vllis populi suffragijs, vllouè delectu, transferre possit: non secùs, ac Rex, Præfides, Prætores, Proreges cum imperio in singulas

regni provincias mittere, vel mutare, Provincialium neque rogata, neque expectata sententia: tamen, quæ sua est, in rebus humanis disponendis, & dirigendis, benigna providentia, & provida sapientia, [attingens à fine usque ad finem fortiter, & disponens omnia suaviter,] Sapient. cap. 8. non nisi isto Regis constituendi, vel accipiendi ordine servato, summam illam in populos potestatem homini cuiquam velit demandare. Quemadmodum enim, à prima mundi origine, res à rebus, seu causis secundis, certo, & perenni ordine oriri, ac procedere voluit; cum per se potis esset, omnes rerum naturalium effectus, nulla intercedente alia causa, procurare: ita Regem à populo, & per populum fieri, quem ipse sine populo facere posset, ad illustriorem gloriæ suæ magnificentiam, mirabili hoc dispensationis artificio, declarandam.

9 Tertiò, dicitur etiam Deus, Regem constituere, quod potentiam dominationis instituto Regi delatam, ita confirmat, ut infringi à populo, aut infirmari amplius ad libitum nequeat: haud enim sicut Reges creare, ita, & creatos abdicare, aut in ordinem cogere, populorum arbitrio libero commissum est. Unde colligitur, quanta cum proprietate, quantumcumque Reges ab hominum sint societatibus constituti, suis titulis inscribendis, hac non solum grata, sed & iusta utantur loquendi forma; (quicquid exlex, & exrex Caluinus irrideat;) videlicet, PHILIPPVS, DEI GRATIA, HISPANIARVM REX. &c.

10 Quibus adhuc planius intelligendis, visitata, & trita illa apud Philosophos inserviet doctrina, qua causas diuidunt, in eas, à quibus effectus dependant in fieri; ut ipsi loquuntur: & in eas, à quibus dependant etiam in conservari. Itaque causis nonnullis efficientia rerum est quædã, dum illæ fiunt, & producuntur tantum: alijs verò, rerum, quamdiu fiunt, & manent, & producendarum, & conservandarum, vis ac potestas tribuitur. Sic templi, domusue faber, aurei, argenteiue vasis aurifex, donec isthæc fiunt, & coagmentantur, causæ sunt; quibus consummatis, & perfectis, artificum nihil egent opera, quibus sine consistunt, & suum esse retinent, etiam multoties illis nolentibus, ac inuitis: at corpus lucisum, gignendi simul, & conservandi luminis in alio causa est; ut Sol, lucē calō diffusa, diem nobis producit, quamdiu per nostrum hemisphæriū currit, subiecta sive terrarum plagas illuminat; & statim atque abscedit, effectū defectum, cassum, atque orbatum lumine, corpus antea illustratum, reddit. Ob quam harum causarum differentiam, qui de illarum natura ex professo tractant, has quidem causas secundum esse, merito vocant; quia sine ijs produci effectus, neque consistere producti possunt: illas verò, causas secundum fieri, propria ratione nominant; quod, scilicet, ad constituendum, non item ad conservandum, necessariæ sint.

11 Cum ergo hæc ita sint, in priore causarum genere populus, in posteriori Deus omnipotens, quantum ad Regnum attinet, iure optimo

collocandus est; populi enim non ut in constituendo, ita in conseruando Rege consensus, conatusque est necessarius. Neque tamen negamus, populum suo Regi infensum, regnum facile conuassare, & totius Reipublicæ statum turbare sapere, atque euertere solere. Neque inficiamur, ad Imperij diuturnitatem, valere plurimum, diligi, atque amari ab ijs, quibus imperatur: est enim satis ab antiquis Philosophis, & Historicis decantatum: Optimum regnandi præsidium, ciuium esse beneuolentiam. Id verò quod asserimus est, dissensum, defectionem, atque rebellionem, populi, nihil pristini iuris Regi adimere: nec, quominus Rex sit, efficere posse: & quin, sine ciuilibus armis appetitus succumbat Fortunæ, vique Regno excludatur, retineat dominium, & ius regnandi in se collatum, quamuis metu, vel impotentia possessione cedat: siue compressa, atque edomita subditorum quoquo pacto temeritate, inuitis dominari persequeretur; & suo dominio, hoc est, regni in se collato, vtatur.

12 Et ut facilius rem expediamus totam, populus constituere Regem potest, sceptro autem, & corona destituere, minimè: neque sicuti consensu populi fit, ita contrario consensu definit esse Rex, qui legitimè semel regno præfectus est; quippe post acceptum, & inauguratum Regem, populo, quod ei amplius de iuris, nihil est reliqui; quodque adimat, citrà iniuriam, nihil: ijs exceptis casibus, de quibus diximus supra, ut si infidelis sit, à pactis cum populo fundamentalibus exorbitet conditionibus, illiusque detrimentum intendat: si verò Christianus est, adhuc, ne sit ab Evangelij, & Ecclesiæ regulis discessurus.

13 Igitur quod Petrus Apostolus dixit, [Subiecti estote omni humane creature, propter Deum;] & quod Apostolus Paulus docuit: [Non est potestas nisi à Deo] hunc omnino facit sensum Catholicum: Principum secularium subditos, Regum vassallos, Principibus, & Regibus debere, subijci: qui, quod Principatum, vel regnū sint adepti, Deo simul & populo, quod autem rerum potiti, Regali, vel principi in solio sedent, permaneatque, soli Deo constitutori, & conseruatori esse acceptū referendū.

14 Hoc autem in huius Capituli calce admonuisse Lectores volumus, malè Hæreticos ex his locis Apostolorū Petri, & Pauli dictis colligere, subdi non debere homines Principibus, qui Deum non repræsentent iustitia, & bonitate, propter quam repræsentatam, iubet Petrus, illis Christianos esse subiectos: O cæcorum hominum, & in sacras Principum, Christianorum Coronas conspirantium, delirium! Repræsentabant ne iustitia, & bonitate Deum Ethnici Imperatores, & Reges, quibus, Apostoli sancti, obediri à Christianis præcipiebant? O cæci Principes, qui *ὁρι ἐν τῇ κίλκῃ θάλλετε*, rebelles complectimini Hæreticos: qui postquam Ecclesiasticam prostrauerunt immunitatē, vestra industria, vestras inuasere iurisdictiones seculares, sicuti erunt in posterum inuasuri. Expergiscimini tandem, ac cauete, ne sicut *καὶ πολλοὶ ἐπιθυμήσαντα κατὰ τὸν*,

ἡ τὰ ἑταῖρα πάλαι: sic vos noui camelī desiderantes cornua, perdatis etiam aures: iurisdictionem, videlicet, sacram iniuste inuadentes, per iniustos etiam propriam amittatis.

15 Admonemus deinde, neque Catholicos, sicuti alicubi legimus, nimium debere premere contra Patres Græcos supra 2. Part. in Opposit. contra 2. Conclusionem citatos, argumentum; reiicientes illorum expositionem loci Paulini ad Rom. cap. 13. [Non est potestas, nisi à Deo.] Vbi dicti Patres, Paulum, de ipso Magistratum munere, non de Magistratum gerentibus, docēt, intelligendum. Siuē enim ibi verbum [Potestas] Græcè ἐξουσία, accipiat, pro ipso imperandi officio; siue more Latinorum, ad quos scribebat Paulus, accipiat, pro persona ipsa imperium gerente, ut accipitur à Plinio lib. 24. cap. 4. Sueton. in Claud. cap. 23. Modest. l. 27. de pignor. Vlpian. l. 17. §. penult. de ædil. edict. Tertull. aduersus Gent. Augustino Epist. 48. dicente, [Potestatem esse, aliquando inimicā veritatis.] Vnde ipse Paulus statim, [Potestatem,] quasi Synonymē, explicat per verbum, [minister,] dicens, [Dei enim minister est.] cui Potestati in concreto, & gladium portare attribuit, & tributa præstari: quomodocumque tandem intelligatur, tam Patrum Græcorum, quam Latinorum is & est, & esse debet sensus, Principes, Reges, Imperatores, non esse à Deo immediatē constitutos: eorum tamen munus, & officium, esse à Deo immediatē ortum: sed omnino Dei imaginem gerere, & propter Deum, à quo etiā habent potestatem, ipsis esse Christianos subiiciendos.

16 Hinc tandem stringimus argumentum, contra Propositionem illam Anonymi, quæ ex dictis, si à Cicerone, & Philosophis antiquis esset iudicanda, dubio procul illam, ut falsissimam, ab Schola Philosophiæ eliminarent; à Catholicis verò Doctoribus, & ab omnibus Christianis est Hæretica reputāda: uti damnata cū suis Auctoribus Marfilio de Padua, Ioanne de Ianduno, & Vuicello, à Ioann. xxii. & in Concil. Constantiensi. Omnesq; debent docere, & doceri, in Ecclesia esse unicam potestatem, & vnum gladiū simpliciter: scilicet, Legem Evangelij; ad cuius amussim leges omnes humanæ debent dirigi; deinde, sub hac Evangelica lege, Christianos homines, sub duplici hac potestate, Ecclesiastica, videlicet, & seculari, contineri: sed potestatem Ecclesiasticā, esse simpliciter & immediatē à Deo: potestatem verò secularem, quò ad munus, & officium, esse immediatē à Deo, qui in cordibus populorū, & multitudinis immediatam sui regiminis passiuam potestatem insculpsit; cui & actiua potestas in genere, & relatiua debeat emanatione eadem respondere; Principes tamē, & Imperantes, actiuē illa potestate vtentes, haud à Deo esse immediatē constitutos.

17 Vltimò sunt edocendi, quod memoria maxime ducimus commendandum; potestatem Ecclesiasticā, simpliciter esse dicendam, Diuinā potestatem: secularem, potius esse dicendā, Humanam; & omnino, Potestatem

Ecclesiasticam, esse Potestatem potestantem, (vt in re necessaria terminis nouis utamur) Potestatem autem secularem, esse Potestatem potestatam: ex quo illa dirigere, hæc dirigi; illa regere, hæc regi; illa ordinare, hæc ordinari; illa disponere, hæc debet disponi: quò vtriusq; status ac ordinis, & secularis, & Ecclesiastici professores à medijs nulla deuiant ratione, quibus beato, sicuti æterno fini, & copulentur, & perfruantur.

Quid colligebat ex notata Propositione Anonymus Auctor; & ad illud Responsio; per sex Considerationes. Cap. LX. §. 1.



N V M hoc præcipuè ex impugnata Propositione Anonymus colligebat; posse videlicet, Principè supremum secularem, legitimum sui dominijs Dominum, legem ferre de Ecclesiasticis bonis, quæ subduntur suo dominio; & posse disponere de bonis, quæ nondum in potestatem Ecclesiasticorum peruenierunt; posse denique Ecclesiasticas personas, in grauib; & atrocibus casibus punire, auctoritate sibi à Deo immediatè data.

2 Blandus sermo; subdola, & palps Principibus secularibus non solum scripta, sed & inculcata adulatio: & quæ in eorum animis non Dei timorem generet, eiusque Ministrorum sacrorum amorem conciliet, vtriusq; Ordinis Ecclesiastici, & Secularis pacem coagmentet, concordiam nutriat, firmet regimen: sed quæ ordinem confundat, statum evertat, odia querat, discordias seminet, & turbet imperia. Et omissa longiori huius Hæreticæ assertionis cõsutatione, quæ, ex superius dictis, manet euidentissimè confutata; ad Principes seculares noster modo dirigatur sermo, qui Catholici, Catholicæ Ecclesiæ communis Matris sunt filij. Et supponamus, eos, hæc audita doctrina, aliquid boni ex ea elicere desiderasse: supponamus, eos existimare, si hæc doctrina verà esset, pacem, commodum, & vtilitatem interesse suorum Regnorum, suarum Rerum-publicarum, quibus à Principibus, & Imperantibus est omninò consulendum, vt ipsi essent supremi ad vtrumque statum Legulatores; præcedente antiquæ Reipublicæ Romanæ Constituto illo; [Salus populi suprema lex esto.] Credimus certè, Catholicis, iustis, & prudentibus Principibus, hunc omninò finem in suis gubernandis dominijs esse præfixum: vt Respublica pacatè degat, iustitia suum obtineat locum, vnicuique suum reddatur ius, & speciali ratione curare, vt iniuriam fieri nemini, sub prætextu præsatæ immunitatis Ecclesiasticæ, permittatur.

3 Excellens finis sanè, & dignus, qui Christianis Legumlatoribus, in suis ferendis legibus præstatuatur; indignus tamen, immò impossibilis, qui existimeretur, illius Hæreticæ doctrinæ iniustis medijs, ac rationibus obtinendus. Pro quo argumento tractando, sex sese nobis offerunt bre-

uiter consideranda : Primò , Quid sanctum Concilium Tridentinum, post alia, circa hæc decreuerit . Secundò , Quid inde colligatur Principibus Christianis secularibus faciendum . Tertio , Vnde præcipue Christiani dicti Principes hauserint hoc votum, commodi , & utilis suarum Rerum publicarum procurandi . Quarto, Qualiter, si ius, æquum, & fas consulantur, id non per nouas suas, quòd ad Ecclesiastica negotia spectat, sed per antiquas Canonicas leges, & earum obseruantiam, seu nouas ab Ecclesia editas, sit exsequendum . Quintò, Per nouas suas leges, quæ Ecclesiam comprehendant, non solum huius finis compotes non euasuros, verumetiam, certo exemplo præcunte, omne commodum, vtile omne Reipublicæ secularis labefactandum . Et vltimò, Fini eorum, alium Ecclesiæ, & eius capitis summi Pontificis finem, parallela ratione, opponemus: vt inde aliquid in specie, contra quosdam speciales Principes seculares inducamus.

PRIMA CONSIDERATIO.

P RIMO igitur omnino, sicuti considerandum, sic & describendum hic est, Decretum S. Concilij Tridentini. Sess. 22. cap. 11. de Reformat. quod sic habet .

Si quem Clericorum, vel Laicorum, quacumque is dignitate, etiam Imperiali, aut Regali præfulgeat, in tantum malorum omnium radix, cupiditas occupauerit, vt alicuius Ecclesiæ, seu cuiusvis Secularis, vel Regularis Beneficij, &c. aliorumque; piorum locorum iurisdictiones, bona, census, ac iura, etiam feudalia, & emphyteotica, fructus, emolumenta, seu quascumque obventiones, quæ in Ministrorum, & pauperum necessitates conuerti debent, per se, vel per alios, vi, vel timore incusso, seu etiam per suppositas personas Clericorum, aut Laicorum, seu quacumque arte, aut quocumque quæsito colore, in proprios vsus conuertere, illosque usurpare præsumperit, seu impedire, ne ab ijs, ad quos iure pertinent, percipiantur; is Anathemati tamdiu subiaceat, quamdiu iurisdictiones, bona, res, iura, fructus, & redditus, quos occupauerit, vel qui ad eum, quomodo cumque, etiam ex donatione suppositæ personæ, peruenierint, Ecclesiæ, eiusque administratori, siue Beneficiato integrè restituerit, ac deinde à Romano Pontifice absolutionem obtinuerit .]

6 Diuinus sermo, & omni acceptione dignus: & quem si Principes Christiani non veneratione, excipiant, & obseruent, vt Catholice Ecclesiæ filij, immò vt Christiani quasi esse definant necessum sit. Quod tamen decretum, neque facto, neque lege esse violandum, contra lata ab eis, vt de iustissimis, ac Christianissimis Principibus sperandum est, qui sacri Concilij decreta, etiam iuramento adhibito, susceperunt. Valeant enim Principes, qui illud ibi non admiscere: donec valeant, & velint ei, alijs non somnariis Concilij, obedire .

SECUNDA CONSIDERATIO.

7 SECUNDA iam Consideratione est reuocandum in memoriā : lib. Iosue. c. 6. illius Ducis speciali praecepto, fuisse ciuitatem, Iericho, cum omnibus suis incolis, eorumque bonis, & rebus, Deuorā, Sacra, & Anathema Deo factā. Rē gestā hīc verbis Historiographus describit. [Sitq; ciuitas hāc Anathema, & omnia, quę in ea sunt, Domino. Sola Raab meretrix uiuat, cum vniuersis, qui cum ea in domo sunt; abscondit enim nuncios, quos direximus. Vos autem caute, ne de his, quę praecepta sunt, quicquā contingatis, & sis prauaricationis rei, & omnia castra Israel sub peccato sint, atque turbentur. Quicquid autem auri, & argenti fuerit, & vasorum aueorū, ac ferri, Domino consecratur, repositum in thesauris eius.] Cum ergo, vt cap. 7. refertur, Achan, ex spolijs occisorum in dicta ciuitate Iericho, tulisset pallium coccineū, & ducentos siclos argenti, virgāq; aureā quinquaginta siclorum pōdo, illaq; sibi abscondisset: de ingenti hoc in populo admissō peccato, sic habetur sequenti c. 7. [Filij autem Israel prauaricati sunt mandatum, & vsurpauerunt de Anathemate. Dixitq; Dominus ad Iosue, &c. Peccauit Israel, & prauaricatus est pactum meum: tuleruntq; de Anathemate, & furati sunt, atque mentiti, & absconderunt inter vasa sua.] En quanta ponderatione dictum est à Deo: [Peccauit Israel,] ac si dixisset: [Populus, prae ceteris hominibus, à me ornatus, auctus, & amplificatus: vnde suam dignitatem diligentius, purius, & sanctius tueri, conseruareque debuit; quippe Israel Semen sanctum; quemq; ego prae monueram, [Sancti eritis mihi: quia ego Sanctus sum Dominus Deus vester:] is tamen, turpius, grauius, & impotentius illam polluit, & contaminauit, nō vno tantum crimine, sed pluribus se ac scdissimis implicando.

8. Haud certē extra chorum saltamus, cum longa huius facti narratione: ad vos enim, Principes seculares Christiani, Diuinus hic dirigitur sermo, quoties Christos Domini, Ecclesiasticos Ministros tangere audetis: quoties in eius Prophetis, Sacerdotibus, ac Hierarchiā, & Politicā Ecclesiasticā sacris personis aliquid, vel exsequendo, vel leges ferendo, eorum contempta, vel vsurpata Iurisdictione, malignamini: & quoties de bonis Ecclesiae, vel acquisitis, vel acquirendis, facto vel edito, exsequutione vel lege, vsu vel praecepto, actu vel statuto, aliquid molimini: & tandem quoties contra iurisdictionem Ecclesiasticā, Diuina ordinatione constitutam, & contra bona temporalia Ecclesiastica, quae Dominus Deus Omnipotens, cuius est terra, & plenitudo eius, sibi voluit speciali ratione deseruire, prae id, quod sanctionibus, & Canonibus sacris, vsu & consuetudine receptis, vobis concessum est, contra mini prae sumptuose aliquid innouare.

9 Contra vos, (vniuersē loquimur) Christiani Principes, praedictus

sermo,

sermo, memoriae sempiternae in sacris Codicibus asseruatus, declamabit; si statum & ordinem Ecclesiasticum, si eius negotia, siue spiritualia, purè, siue Civilem fori exterioris iustitiae administrationem, & bonorum Ecclesiae, & acquisitorum, & acquirendorum dispositionem concernentia, post Consilia sacrilega, manu (dicere liceat) sacrilegiori contrectetis. Tali enim casu (quem optamus numquam succedere) succedente, cuiuscumque Christiano Principi, cuiuscumque seculari Dominio legem, Christi profrenti totidè verbis dicendum esset, (Christo Domino Evangelicæ legis Auctore loquente, per suum Vicarium summum Pontificem Romanum; Hierarchiæ, sacræque Politicæ Ecclesiasticæ caput, per Episcopos, Pastores & Doctores; videlicet, ab ipso Christo Reipublicæ Christianæ contributos, [Peccauit] hic Christianus Princeps; qui cum Evangelicæ legis imbutus sit disciplina, eamque, hæreditario quasi iure, a suis habuerit maioribus; & primis Christianis, qui illam excellenti plurimum Martyrio confirmatam, vel illustri omnium confessione stabilitam, per manus suis præsentibus successoribus tradiderit. [Peccauit] ille Princeps, quem ego cum suis Prædecessoribus, cum suo Dominio singulari foueram; prouidentia, eximia extuleram cura; præcipua amplificaueram dignitate, insigni conseruaueram protectione,

io Atque si graue est, peccasse Principem, sen Principes eorumque Senatus in ijs, quæ illis, uti Christiani, & Catholici sunt, singulariter erant obseruanda; deliquisse est multò grauius: nam [præuicatus est pactum meum:] cum enim ego illis sancta esse & iurisdictiones, & bona Ecclesiarum indicarem, & expressè cauerim in Concilio Tridentino, mihi sacrata, & deuota esse; quod obseruandum aliàs erat ex vi plurimum Canonum præcedentium, & ex vi directionis meæ Evangelicæ legis, quamquam in eo meus Spiritus id specialiter non cauisset: tamen ibi exceptum tentauit, & contaminauit pactum meum: id est, quod in Concilio illi præceperam, & de quo obseruando ipse sponte, & iureiurando adhibito, religiosam præstiterat cautionem: [tuleruntque de Anathemate:] sacra, scilicet personarum, & rerum immunitate: [& furati sunt,] vel legislationem, vel usum, vel dispensationem circa personas Ecclesiasticas, & eorum bona, sacra eorum immunitate posthabita; [& mentiti sunt,] id est, contra veritatem, & definitionem rei egere: [& absconderunt inter vasa sua:] ea, videlicet, quæ per Ecclesiæ Ministros erant præstanda, cum sua profana Politia, & iurisdictione miscuere.

TERTIA CONSIDERATIO.

II TERTIO deinde est considerandum, Imperia, Regna, Dominia, quæ sub Christiana militant disciplina; hinc hausisse præcipuè vnumquodque eorum ingens hoc suæ conseruationis desiderium, sui commodi, & vtilis acquirendi, augendi, vel propagandi quasi innatum

votum,

votum, quia Evangelicā legē profitentur. Catholicorum namque Principum Imperia, Regna, & Dominia, tanto altius & excellentius, tantò enixius & vehementius suæ incumbunt conseruationi, quantò veram, & eminentem, quàm Gentium dominia, Religionem profitētes, non solum medio, vtili, delectabili, & honesto bono; videlicet, naturali, & naturæ viribus appetibili; suas leges, suas dirigunt actiones; sed etiam bonum æternum, & quod omnem naturæ excedit facultatem, habentes pro cynosura, & ad finem altiore adspirantes; proprijs secretis commodis, in id ciuium, in id Senatorum, in id Principum, & quarumcumq; Potestatum sublimium collimant acta, vt in re nulla, Religio, quies, & libertas publica violentur.

12 Cui sibi proposito fini adipiscendo, post tot annorum secula, à suis ad fidem Catholicam conuersionis initijs, experientia ipsa luculentissimum testimoniū præbente, vident, hæc media inferuisse, suo ordine; Summo Pontifici, & Ecclesiæ Romanæ attributa obedientia: Hæreticorum hominum vitatio: cū Catholicis alijs Regnis, seu Dominijs inuicem confœderatio: Hostium Christiani nominis, cū id tulit occasio, persecutio: Ordinis ac status Ecclesiastici veneratio: Canonum tandem, & sacrorum Conciliorum perpes obseruantia: quæ omnia; vsque in præsentem diem, tantum quodcumque Imperium, Regnum, Dominium gloriosum reddiderūt; quantum quoties, Principibus renitentibus, ab horum integra præstatione in eis (quæ vel temporum, vel hominum infelix exstitit cōditio, vt tempore Constantij, Iuliani, Valentis, Constantini V. & similium Imperatorum) deuiatum est, illa & dedecori exposuerunt, & ad summas reducerunt angustias: donec omnia fuerunt ad statum pristinum restituta.

Q V A R T A C O N S I D E R A T I O.

13 **Q** V A R T A sit Consideratio, qua optamus, & supplicamus, Principes Catholicos, eorumq; graues Consiliarios, & Senatores, pios etiam, ac eruditos Theologos, & Iurisprudentes Doctores, ubicūq; & quomodocumq; Ecclesiasticæ immunitatis causam tractātes, animo reputare; Maiores nostros sapientissimos Rerū publicarum gubernatores, id in primis cauendum in eis admonuisse; ne vllius aut edicti, aut legis, aut consuetudinis, aut disciplinæ, aut moris, vel regiminis mutatio temerè tentaretur. Sic enim constituendum fore, prudenter perspexerunt; vt sicuti corpora, cū à consueto, & familiari victu, ad nouum, & insolitum traducerentur, conturbata, in morbos inciderent graues: ita Respublica perniciosi seditio, factiosarumq; cupiditatum motibus esset laboratura; si vetustis suis legibus conuulsis, antiquis repudiatis institutis, abrogata diuturni temporis viuendi consuetudine, sursum in ea, ac deorsum omnia miscerentur.

14 Non mouenda, ne moueris:] docuit Plato, docuerunt omnes, de Rerum publicarum, recta agentes gubernatione, antiqui Philosophi, ac constantes Politici: vnde illa, apud Dionem, Mæcenatis ad Augustum, sapiens, & elegans Oratio: qua Imperatorem monet, nullam fore in Republica pestem capitaliorem, magisq; auertendam, quam vt veterem, in ea formam perueriti, nouamq; introduci patiatur. Hinc illa Persarum, Locrensium, omnium ferè Gentium, immò Iurisconsultorum & veterum, & recentiorum, immò omnium hominum rationis vsu constantium sententia: quæque mille posset testimonijs confirmari, & quasi vulgaria, non recensemus: [In nouis rebus constituendis, euidentem, perspectamq; vtilitatem esse oportere; antequàm ab eo iure, quod diu receptum sit, recedendi deliberatio instituatur.]

15 Scripsit Maximus ad Valentinianum Augustum, & habetur Tom. 1. Concil. inter Syricij Papæ Epistolæ: [Audiui enim, (nam fama non patitur occultari, præsertim quod agitur in populo) nouis Clemætiæ tuæ Edictis, Ecclesijs Catholicis vim illatam fuisse obsideri in Basilicis Sacerdotes: multam esse propositam: pœnam capitis adiectam: & legem sanctissimam, sub nomine nescio cuius legis, euerti. Hoc quam graue sit, poteris intueri: si Dei magnitudinem volueris cogitare, Erubescò, si quam crediderit Serenitas tua, adstruere vellem rationem, & Dei agere causam. Quid enim si hoc solum esset? si enim iam per tot secula coalita, & confirmata mutare, paruam ne excitare discordiam videreris? Ipsis humanis legibus, in hac mortalitate, habet nostra reuerentiam consuetudo: & in re iam vetusta, atque vsitata aliquid nouum fecisse, reprehensio est. Italia omnis, atque Africa hoc Sacramento credunt; hæc fide gloriantur Gallia, Aquitania, omnis Hispania, Roma ipsa venerabilis: cuius etiam in hac parte principatus est, quòd Deum, sicut sequi voluit, agnouit.]

16 Caprzolus Episcopus Carthaginensis scripsit ad sacram Synodum Ephesinam OEcumenicam, inter alia: & habetur inter eius Acta. Tom. 2. c. 9. [At verò, si quis ea, quæ ià olim dijudicata sunt, denuò inquirere tentauerit, is sanè aliud nihil facere censebitur, quam de fide, quæ hæcenus valuit, apertè dubitare. Vnde ad posteritatis exemplum, tum vt ea quoque, quæ iam olim pro Catholica fide definita, & constituta sunt, perpetuam firmitatem obtinere valeant; oportet, ea omnia inconcussa, immotaq; conseruare, quæ superioribus temporibus à sanctis Patribus constituta sunt. Porro qui illa perpetuam stabilitatem retinere voluerit, quæ de Catholice fidei ratione statuerit; is non propria auctoritate, sed antiquorum Patrum iudicio, sententiam suam corroborare debet; ita vt partim veterum, partim recentiorum sanctorum, & sententijs placita sua comprobans, vnâ, eandemq; Ecclesiæ veritatem inde ab initio, ad præsentem vsque temporis articulum, simplici pu-

ritate,

ritate, inuictaq; constantia, & auctoritate decurrentem, se docere, & tenere ostendat.

17 Ergo, Catholici Principes, vt Ecclesiæ filij vestras Respublicas gubernate, ex Diuini Euangelij præceptis; ex Apostolorum institutis, & traditionibus; ex sanctorum Patrum, ad legem Euangelicam, adhibitis explicationibus; ex sacrorum Conciliorum decretis; ex summorum Pontificum, & Doctorum Canonibus; ex maiorum vestrorum iustis legibus, & exemplis; ac tandem, ex puro Christianismo: in quo cōtinentur verè, ac solidæ Politicæ disciplinæ. At quia nolumus, Philosophorum, & Prudentium antiquorum, siue Legumlatorum, siue Senatorum, siue etiam Politicorum à vestrarum Rerūpublicarum abesse regimine gesta, & Documenta; audite hoc vnum, Vos obsecramus, Valerio Max. lib. 4. capit. 1. referente.

18 P. Scipio, cū Censor, de more notum carmen, scriba ex publicis tabulis præunte, pronuntiaret: ventumq; esset illuc: Iupiter, auge Rempublicam: numquam sic precari in animum induxit; monente multum scriba, atque exhortante, sed sic: Iupiter, conserua Rempublicam. Satis esse auctam, dicens, modò conseruaretur. Ac protinùs in publicis tabulis, ad hunc modum carmen emendari iussit: qua verborum verecundia deinceps Censores, in condendis lustris vsi sunt.]

19 Hinc, quæ vobis sint concipienda vota, circa vestrorum dominiorum statum, animo præcogitate, Catholici Principes. Nam si eorum, augmentum procuraueritis, & pro eo supplicaueritis; vel sunt versùs Christianorum aliorum Principum, vel versùs hostis communis Turcæ confinia, & ceterorum Infidelium amplianda. Non credimus, prudentes, iustos, & Catholicos homines eam subituram mentem, vt à prudentibus, iustis, & Catholicis similibus Principibus existiment, suarum ditionum vel minimam partem extorquendam. Si augeri debent vestra dominia, Turcarum, & Infidelium infringendo potētiam, & ab eis iniquè possessa plura loca Christianorum in vestras ditiones redigendo: hoc numquam est optatus exitus consequuturus; nisi supremum Pontificem Romanum, & Christianos alios, Principes, & adiutores, & propitios habeatis. Vnde est consequens, summo Pontifici esse à vobis semper summam obedientiam, quæ Principes decet Christianos, exhibendam.

20 Dixerimus nō otiosè, Principatus, & Principes Christianos supremo Pontifici adiutore egere, ad hostium communium conatus reprimendos; cū præcedenti seculo experientijs oculatis, ac felicibus didicerint, quam ex deuotione, & reuerentia ad S. Sedem Apostolicam Romanam, vsuram fecerint Germani, Galli, & Respublica Veneta: qui victorias insignes, percusso cum summis Pontificibus fœdere, de Hæreticis, & Turcæ hostibus immanibus reportarunt. Considerent enim, oportet, Imperator, Reges, Principes, sicuti est certū, (vniuersè loquēdo).

Ecclesiæ thesauros (quod supra dicebamus,) proflare, particulare, ac promptum remedium in communibus Regni, & ditionis calamitatibus: sic esse certissimum, Romanæ singularis Ecclesiæ thesauros, exstare quoddam commune refugium singularibus cuiusq; Christiani, ac Catholici Regni, seu Principatus miserijs; quos summi Pontifices liberaliter effundunt, rebus Christianorum ubicumq; publicis, ab Hæreticorum, & Turcarum vastationibus, defendendis.

21 Si autem conseruatio vestrorum Dominiorum solim, cū Scipione, est à vobis expetenda; ijsdem est medijs procuranda, quibus per annos, & secula, ab origine eorum ad Euangelij lucem vocatione fuisse conseruata: fidei, videlicet, Catholicę conseruatione; veri Christianismi professione; status Ecclesiastici reuerentia; Locorum piorum, & eorum bonorum, sacrarumq; personarum immunitate; hostium Christiani nominis persecutione, Hæreticorum vitiatione, & iusta punitione; & cōsæderatione mutua Principum Christianorum: quæ omnia tam sunt vera, quàm verum, & antiquis experientijs vobis est compertum, eos omnes Magistros, Senatores, Politicos, qui olim quomodocunque Patres, & Maiores vestros ab aliqua ex ijs vijs tenenda deterruerunt, eos dum beatos prædicabant, insigniter decepisse.

Q V I N T A C O N S I D E R A T I O .

22 **Q** V I N T A sit Consideratio; quantumcumq; Principes seculares sibi persuaderent, suorum Dominiorum vile, & commodū augendum, & amplificandum, per leges à se editas, Ecclesiastica spreta immunitate sacra, id certè non obtinebunt: immò omnia in peius ruent, omnia corruent, id melius Reipublicæ regimen, ad quod adspirarent, numquā essent adepturi, & funditùs bono consuetudo, atque antiquo, quod contemnerent, priuarentur. Comperimus enim, id omni experientia in hominū gubernatione demonstrante, summo, non adeò mediū opponi notum regimen, quàm conceptum melius: dum Reipublicæ meliori statui eius Rectores inhiantes, imaginatione comprehensum melius regimen & appetentes, & exsequentes, bonum felicibus experientijs cōprobaturum elabi manibus prætermittunt. Sed esto: hæc Philosophia aliquando sit fallax: fallaciæ ne arguetur Christiana Theologia, quæ optimè docet, id quod ipsa bonum inchoauit, haud esse Gentilium Philosophorum placitis perficiendum? Culmen enim ædificij, fundamento vt correspondeat, est necesse. Christianos autem, non ciues Platonice, aut Gentilis alicuius Reipublicæ esse docuit Paulus: sed, esse ciues sanctorum, & domesticos Dei; quasi ædificatos super fundamentum Apostolorum & Prophetarum, ipso summo angulari lapide Christo IESV. ad Ephes. cap. 2.

23 Christiana ergo Regna, & Dominia, cum vtriusq; fori Ecclesiæ-
rii,

ſtici, ac Secularis, iuxta Canonicas Sanctiones, diſcrimine, hucufque proceſſerunt; hucufque gubernata ſunt: Eccleſiæ, Tempſa, Monaſteria, Loca pia Auguſtiſſima fuere liberè, ad ſanctam fundatorum mètem, ædificata: Eccleſiaſtica perſonæ, ac Societates, nullo intercedente, bona temporalia habuerunt, poſſederunt, & acquiſiuerunt; quæ ab illis cum adeo ingenti totius Reipublicæ vtili, & comodo, in ſacros uſus, in pauperum ſubuentiõnem, in Miniſtrorum Eccleſiæ ſemper fuere ſuſtentationem diſtributa. Hanc Philoſophiam doctus Plato neſciuit; eam Ariſtoteles eloquens ignorauit. [Perdã] dixit Deus, referente Paulo 1. ad Corinth. cap. 1. ex Iſai. c. 29. & c. [ſapientiã ſapientium, & prudẽtiã prudentium reprobabo.] Ergo ſpiritum, quem à lege Chriſtiana mutuati ſunt Catholici Principes, cultui incũbendi Diuino, pauperibus ſubueniendi, Miniſtros Eccleſiaſticos ſuſtentandi, per media Eccleſiæ conſueta, cum uiuium, cum ardentem cõſeruabit Platonis, vel omnium Philoſophorum Gentilium, ſeu præſumptuoſa Politicorum Reſtorum doctrina? & non potius illum paulatim exſtinguet paulatim cõtrahet, vt ſemel tandem ſit in Regno, vel Republica deſecturus?

24 Cui addendum Conſiderationi exemplum ſuppetit adeò quadrans, ad cõ rem hanc ponens præ oculis, in imò doctrinam totam in manibus ſculpens, vt niſil poſſit amplius deſiderari. Erat Imperator Iulianus Apoſtata, Philoſophus inſignis, Rhetor acutus, Orator eloquens, & ſacræ Euangelicæ legis myſterijs ſufficienter inſtructus: ita vt, ad ſtatus Eccleſiaſtici & primæ tonſuram, & gradus quattuor etiã, eſſet admiſſus; quod beatis illis ſeculis maximo erat cū honore coniunctũ: vt quibus rerum ſacrarum quæcumque obitio plurimi æſtimaretur. Decidit tamen miſer in Apoſtaſiam à Catholica fide: cuius impietatem, Imperij obtentis habenis, mille fraudibus, mille in Chriſtianos & apertis, & occultis technis cumulauit. Et tamen cū in Chriſtianismi lacte ſpiritum dilectionis proximi combibiſſet, effectus Apoſtata, quam in eo mutuam charitatem fraternitatis Chriſtus plantauerat, Platonis, & aliorum Philoſophorum, ſub Gentilis ritus legibus, credidit audax, impius, ac toto cælo errans, humanè irrigatam, felicius optatos fructus producturam.

25 Refert ergo Hiſtoria Tripartita lib. 6. cap. 29. eum enixè curaffe, apud Gentiles, (ad quorum ſuperſtitionem, quaſi canis ad vomitum, fuerat reuerſus) Xenodochia, & Loca pia inſtitui, & charitatem exerceri, aliãque pietatis munia; quæ apud Chriſtianos, nedum inuicem, verũ verſus Iudæos, & Idololatræ animaduertent frequentari. Hinc ſcribens ad Arſaſium Pontificẽ falſum Idolorum, eumque ad hoſpitalitatis officia Paganis promptè exhibenda hortatus, ſic eſt conſeſſus. [Turpe namque eſt, vt Iudæos quidem non abijciant, ſed potius nutriant impij Galilæi, (ſic enim per contemptum Chriſtianos vocabat) & ſuos pariter, nec non etiam noſtros: noſtri verò noſtrorum ſolatio deſtituantur. [Pietatem,

ergo, & charitatem, beneficentiam, communionem, & liberalitatem, quā in Schola Christi impius Apostata didicerat, coniungere cum Ethnicis optavit legibus, Gentilibus affectavit ampliare institutis, Politicis prætendit consilijs adaptare, rānum viridem putri radici studuit inferere: & tandem reprobis Philosophus, quā ut Christianus & didicerat, & efficere incēperat, ut Ethnicus docere, & perficere procuravit. Hæc omnia tamen irritō voto, zelo cāssō, affectu impotē; neque enim illi datum fuit, sicuti nulli hominum olim dabitur; ut quod Christus incēpit, quod eius lex, eius inchoavit doctrina cælestis, humana vñquam, & Politica perficiat disciplina.

26 Sciāt ergo, & compertissimū habeant Serenissimi Principes omnes Catholici, doctrinā Christianā constantissimo tenore, simplicissimo passū, ductū sincerissimo, eam tenuisse viam, eam tenere, eam perpetuō tēturam, quō ad spiritualem, & temporalē utilitatem, quō ad cælestē, & terrenum commodum, Imperijs, Rebus publicis, Regnis, Dominijs, Provincijs Catholicis procuranda; ut illuc vñque numquam benē instituta, instiguet; & destituta, restituat; & restituta, conseruet. Sciāt, esse gravissimū errorem, asserere, Euangelicā legem Politicę obstare disciplinę; etiā si cum suis specialibus capiatur consilijs, Paupertatis, Obedientię, & Castitatis, etiā virgineę, professione: quæ, quicquid Doctores quidam Catholici renitantur, non solum non obstant simpliciter Politicis progressibus, verum etiā illos amplissimē exornāt. Sciāt, sacrorum Canonum obseruationem, Ecclesiastici status immunitatem, ac libertatem, non solum impedimento non esse, quominus Respublicę, Regna, Provincię, in quibus Christus viuit, & regnat, in pace degant, floreat, augeantur, & amplificentur: verū insigniter felicibus earum, auspicijs deservire.

SEXTA CONSIDERATIO.

27 **V**LTIMA hæc sexta Consideratione concludimus huius Capituli institutam enarrationem; nobis firmiter persuadēdo, Christianis Principibus hunc finem omnino esse, & fore propositum, quoties, etiā per errorem, aliquid statuendo, vel edicendo, contra Ecclesiasticā procederent immunitatem: ut, videlicet, Respublica pacatē degat, cum ceteris, quæ §. 1. huius Capituli sunt relata. Et abstrahimus nunc ab huius effectus, seu prætextus veritate, & certitudine, quæ sunt soliti prætereundere, laicę quædam Potestates; crimina, videlicet, gravia, seu quæ ipsi nuncupant, atrocias, Ecclesiasticorum hominum, haud rigorosis nonnumquam pœnis ab Ecclesiasticis Iudicibus puniri: & circa bona Ecclesię temporalia, vel acquisita, vel acquirenda, ab eisdem Ecclesiasticis vel delinqui, vel excessus aliquos committi. Prætermittimus etiā notā doctrinā, à Theologis, & Iurisprudentibus Doctoribus, immō, & ab

ipsis laicis Potestatibus satis approbatam; cum Ecclesiasticorum, scilicet, delictis, & criminibus mitius esse agendum; & circa bonorum, temporalium administrationem, meliorem esse canem vinū leone mortuo: Ecclesi. cap. 9. secularesque personas, in suis bonis administrandis, quasi leones esse mortuos: Ecclesiasticos verò, in bonorum Ecclesiæ distributione, quascanones esse viuos reputandas. Fini ergo illi à dictis Principibus Catholicis concepto, finem alium à Summo Pontifice, & ab Ecclesia intentum, immò, & ab ipsis Principibus, & eorum Ministris intendendum, opponemus: & qua ratione se gerant & status Ecclesiasticus, & Papa eius caput, in eo & insequendo, & adipiscendo, & qua ratione se gerant Principes Christiani, in eis specialiter dominijs, quæ Hæreticorum nõ defugiunt communionem, seu conuersationem, inspiciamus.

28 Finis igitur grandis, à Christo Domino operis suæ redemptionis, per crucis mortem, intentus; fuit, exhibere in conspectu sui æterni Patris [Ecclesiam speciosam, non habentem maculam, neque rugam:] ex Apostolo ad Ephes. cap. 5. Cui fini summus Pontifex, Ecclesiæ Prælati omnes, status secularis Principes cuncti, quilibet denique in dominijs Christianis imperantes, debent suas integrè operas præstare: vt Christianæ hominum Societates, ex eodem Apostolo ad Tit. c. 2. [sobriè, & iuste, & piè viuant in hoc sæculo:] alterius præmia suo tempore recepturæ. Cùm verò, si de moribus sit sermo, homines, quæ homines sumus, circumdati sumus infirmitatibus; quibus à legibus, in praxi & vfu, salutaris prouenit medicina, in quocumque statu siue Ecclesiastico, siue seculari respectiue, versùs personas delinquentes, seu moribus agram à Superioribus applicanda: huic certè vni rei maximè Ecclesiasticæ Hierarchiæ, ac Politicæ, & summi Pontificis eius capitis, reliquorumque Pastorum & Doctorum, oportet, labor, & cura defudent; vt Hæretici in Imperio, Regno, Ducatu, Principatu, Republica, Dominatu quocumque Christiano, & Catholico deuitentur. Cùm enim, ex eodem Apostolo 2. ad Timoth. cap. 2. [sermo eorum, vt cancer serpat;] nulla est Prouincia, nullus est locus Catholicus, vbi fuerint conuersati, quem non dederint pessum, quem non confuderint, peruerterint, euerterint.

29 Quo supposito, attendant, obsecramus, omnes Christiani Principes, in quorum Dominijs Hæretici degunt liberè, & promiscuè conuersantur impunitè. quid fieret, si summus Pontifex, si Ecclesia scrutaretur eorum Dominia in lucernis? ex Sophon. cap. 1. Quòd si in re tam graui, & quæ ad Reipublicæ certam salutem, ac perpetuam adeò spectat securitatem, Ecclesiasticus status, & summus Pontifex, ea ratione, seu moderatione se gerunt, quæ ea Dominia experiuntur: ne nimis curiosè se ingerere rebus Politicis aliàs videatur: eum tamè id superiori sphaera, quàm Politicæ sit regimen, contiberetur; altiori certè, & secretiori consilio rem hanc metientes: deberent proinde, ac debent dicti Principes, effectus

aprandos ad præstitutum sibi finem assequendum, qui multò est inferior hoc fine Ecclesiæ, & sui supremi Pastoris relato, candidiori linea, & faciliiori regula dimitiri. Deberent, & debent, sicuti quæ medicorum sunt, ad medicos, ut ea promittit; quæ fabrorum, ad fabros reijciunt tractanda: sic, quæ iurisdictionis, ac Politicæ Ciuilib Ecclesiasticæ sunt, quæ bonorum Ecclesiæ quæcumque dispositionem, & legislationem attingunt, Ecclesiasticæ Hierarchiæ, & Politicæ, ac eius summo Pontifici prorsus gerenda, & administranda reliquisse.

30 Neque velint, vel ignorantiam rei tantæ prætere, vel sic eam considerare, ut hominum in homines admissa facinora, quasi Reipublicæ perniciosa, paratiori iudicent pœna vindicanda: in Deum verò Apostatiæ à fide Catholica admissum facinus, quasi quid secretius, & quod statum Politicum non inficiat, Deo castigandum remittant, qui suam causam iudicet: dicentes interim illud Israelitici illius quondam Iudicis Heli, 1. Regum cap. 3. audientis ex ore Domini, quæ illum, & domum suam pœna maneret; eò quòd sciens, filios suos Sacerdotes indigna agere, & sua ministeria in còspectu Deitatis gerere & procaciter, & fraudulenter, eos non corripuerit: sic enim Samueli verba Domini exponenti arrogans Heli respondit: [Dominus est: quod bonum est in oculis suis faciat.] Ac si diceret, iuxta S. Ephrem Syri explicationem, Apologia ad fratrem quemdam, de Heli-Sacerdote; Ego filijs meis molestiam afferre non possum: si illum offendunt, ipse de illis supplicium sumat; causa est sua, illam agat, id est, *se la veggia di la*, id est, *allà se lo baya*.

31 Ergo ne Heli instar, dicant Deo præinsinuati Christiani Principes de falsis fratribus Hæreticis, in eorum dominijs quietè degentibus, [Dominus est: quod bonum est in oculis suis faciat:] meminisse iuuabit, Heli Iudicem cap. 4. sequenti, audito nuncio de belli aduerso successu, arca Dei capta, & filijs discoloris interfectis, cecidisse retrorsum de sella, in qua sedebat, & fractis subito ceruicibus obijisse. Vnde factum fuit, ut neque numerum, neque locum inter Seniores duodecim, ex antiquo Testamento coram agno in cælis coronis redimitos, stantes, ex Apocalyp. c. 4. inuenerit: utpote qui confracto capite, ubi coronam ad tantum spectaculum imponeret, non haberet. Haud dissimili ratione, quicumque Christianus Princeps, ad quem prædicta modo aliquo spectent, facile in eam potest deuenire suspicionem; ne forsan coram agno eterno absque Corona compareat, si ea ab eius capite ceciderit: ex Thren. cap. 5. immò si capite confracto, sui regiminis gesserit administrationem: dum Ecclesiæ caput, Petri successorem, & Christi Vicarium summum Pontificem, Romanum, dum Ecclesiam ipsam contentiosè contempserit admonentem, & ei iuste iubenti, proteruè aliquando renuerit obedire.

32 Quòd si mentem nostram in superius dictis aperuimus, non sumus illius sententiæ, ut velimus ad Ecclesiasticarum personarum vitia con-

niueri: vel bona Ecclesiastica temporalia, liberè (iniquè dixerimus), dispensari: vel Ecclesiasticos, diuitijs studere augendis, & cum Reipublicæ secularis damno procurandis; quæ certè non probamus: & Ministrorum Ecclesiæ, siquæ sunt, circa præfata, negligentiz; vel siue commissione, siue omissione, delicta, optamus maximè, corrigi, & emendari: per eos tamen, quibus id muneris de iure incumbit; per Prælatos, & alios Prælatos Ecclesiasticos; per sanctas Synodos; per sacra Concilia; & per Prælatorum Prælatum, summum Pontificem: per ipsum, scilicet, statum & ordinem Ecclesiasticum: ut utriusque status sine præsupposito stante, ad illius assequutionem, fratres adiuti à fratribus, Ecclesiam, quæ ex eis coalescit, valeant terribilem, ut castrorum aciem ordinatam, & ut ciuitatem inexpugnabilem conseruare.

Theologia, & Iuris quædā specialis prudentia, pro similibus legibus vel instituendis, vel abrogandis, valde notanda. Cap. LXI. §. 1.



IN Reipublicæ, in Regni, vel Prouinciæ, vel Ciuitatis, in Monarchiæ, vel cuiusque regiminis forma, utilissimum, & populorum æquo, & iusto, commodum semper existimauimus ingens futurum; si inter tot Principum Consilia, Consultationes, Cōgregationes, Senatus, seu Plebiscita, iuxta cuiusque loci, Regni, vel Reipublicæ qualicatem, aliquot Consiliarij à rebus Cōscientiæ, in Cōsilio, ab ipsa etiam sic denominato, Principibus assisterent: sicuti in regno Lusitaniz nouimus institutum. Hoc enim Consilium & Reipublicæ multa onera subleuaret, & Principibus nedum viā, sed etiam campum latum aperiret, ad, sine inuidia minorum, aut cuiuscumque status, & fiscos augendos, & publicis necessitatibus occurrendum. Eset etiam rigidum frænum, quo Ministrorum efferata potentia, iustis coërceretur carceribus, limitibus circūscriberetur æquis; ne Principum abusa benignitate, & ipsorum Principum imperantium, & subditorum obsequentium res audacissimè prosterneret, ac pessumdaret.

2 Eset quidem hæc Theologia cælestis, esset Iuris excellens quædam prudētia, quæ rerum quotidianis instans successibus, præteritos semper attendens, præsentis dirigeret, eos bonos reddendo; futuros malos, quod in se esset, præueniret. Cum tamen hoc vel persuasum impossibile, vel effectum difficile sit; sequens Theologia, & Iuris certa, & vera semper Imperatoribus, Regibus, Principibus, & Rerum publicarum assistat, oportet, sublimibus Potestatibus, & hæc sit, [Mors,] eiusque iugis meditatio. Hanc secum, scimus, talem doctrinam hominibus importare, quam forsitan neque benè valentes didicerunt: neque benè valituros sperantes addiscent: eam tamen moribundi, vel re, vel opinione, morte, vltima veritatis magistra, instante, sic imbibunt, sic intelligunt, sic penetrant; ut Doctorem euadant Doctores: immò saltem sibi docti, si sani, & valen-

es eorum esse discipuli recusarint.

3 Non latuit Diuinum hoc documentum, Stoicum illum Hispanum Philosophum Senecam, lib. 4. de Benefic. cap. 11. quo loco docuit, de pauperum agens specialiter subuentione; antè mortis accessum, homines, iniustos esse iudices, affectibus præpeditos humanis; spe, timore, gaudio, dolore; qui mortales huc illuc transuersos agunt, qua temporalia meditantur: quibus, morte instante, valere iussis, incorruptè de rerum verisimilibus rationibus iudicamus. Haussit hanc numquam satis laudatam doctrinam Seneca, à sui præceptoris Platonis scriptis lib. 1. de Repub. ubi hunc ferè modum docet. Quando mors imminet, statim timor homines occupat, & de ijs etiam curant, quorum antea profunda obliuione tenebantur: dum iam sibi persuadent, inferorum veras, & certas esse penas, quas prius, quasi fabulas reputabant. Haud sciebam, an eas acutius videant, subtilitate, in tanta senectute, corpoream crassitiem, quæ nimorum obstat perspicacitati, absument: an verò, quia ipsis sunt proximiores. Discutiunt quos læserunt, quosue affecerint iniuria: sunt vetati pueri infantes, qui euigilantes, timent, & lacrymantur: sic negligentes, obliuionem, in qua versabantur, reijciunt, mortis præsentia transformati; & mentis oculis tunc apertis, timor, veluti pueros, eos est solitus occupare.

4 Hoc argumentum, tam facilè esset dilatare, quàm norunt, qui sacræ scripturæ, & eius Interpretum inuigilant lectioni: nobis non est propositum longas texere Homilias: sit sat Stoica hæc doctrina, ad eorum principum, quibus antiquorum Philosophorum valdè Politicæ placent Decisiones, gestæ, ad saniozem reducere mentem, & trutinam iustiozem, in legibus ferendis, quæ statum possint Ecclesiasticum scandalizare. Morte namque, vltima linea rerum, nedum Politicarum cogitationum, & legislationis consilium adhibita, credimus, si Catholici, si pij sint, nihil fore ab illis admittendum, quod Christi IESU Dei & hominis, cui pro utroque statu, Ecclesiastico, scilicet, & Seculari, & eius delictis assensus est, oculis valeat displicere.

Hæreticos callidè velle Catholicis Prouincijs, & earum Principibus, circa legum, contra immunitatem Ecclesiasticam, conditionem, imponere. Cap. LXII. §. 1.



CONSTITVERUNT Hæretici, Diabolico furore arrepti, communi sententia, in legitimos Dei filios seuire; eos propria eicere, maternaq; donio, & corâ loco carnalis ancillæ substituere filios, seu nothos; vnde anxie semper rimantur, qua ratione hos alere, & illos miserranda possint, vel inedia omninò necare, vel inopia negligentia præterire. Ut autem votorum potiantur,

hoc

hoc opportunum, & præfens satis eis visum est remedium, ubicumque illis fuit auscultatum: si bona Ecclesiastica, quæ maiores nostri sancti, & pii alendis pauperibus, & Ministris Ecclesiasticis sustentandis, & cultui Divino externo conferuando, reliquerunt; in eorum Ministrorum alimoniam conuerterent, qui ante Baal essent genua curuaturi. Id, cum viderent, auctoritate propria obtineri non posse, populisq; futurum graue, & arduum: Principum secularium fauorem, & auctoritatem sunt conati sibi conciliare. Quod ut facilius assequerentur, ceperunt apud populos clamare; hanc prærogatiuam, quam veriùs appellassent, ministeriũ, hos redditus Ecclesiasticos dispensandi, non Ecclesiasticis viris, sed profanis incũbere Magistratibus obeundam. Ceterũ Ecclesiasticas personas, quò Resp. pacatiùs degat, in seculari foro Principũ iudicandas.

2 Incidit hæc malè sana Hæreticorum cogitatio, hisce miseris, & calamitosi temporibus; quibus, si vnquã aliàs, Magistratus limitibus ullis suam sepiri potestatem difficilè patiuntur: quin de ea amplificanda semper sunt solliciti. Hinc multis in locis, vtrò potestatem oblatam, inaudita temeritate Ecclesiæ ademptam, & ipsis attributam amplecti, sibi deberi, quamuis iniquo iure, defendunt, ac retinent. Ne tamen, siue ex Primatibus, siue ex inferioris ordinis hominibus, aliqui huic sacrilego reclamarent insultui; Hæretici in Clerum debacchari ceperunt; ipsum rapinarum, malæ fidei, luxus, & criminum aliorum apud populos insimulantes; ac tandem suis maledictis, & conitijs grauissimam inuidiam Ecclesiasticis personis conlanerunt. Ergo Magistratibus, & populis multis in suam sententiam inductis, iam rem intentatam ad exitum perduxerunt; Principibus, & bona omnia Ecclesiarum, & piorum Locorum, quin & omnem in omnium statuum homines iurisdictionem arrogantes, Ministros Ecclesiæ in exiliũ egere; pauperes fame, & nuditate interemere; tristissimis habuere modis eos omnes, qui de eorum malè sentiebant insolentia; & quæcumque potuerunt bona Ecclesiastica, in sua priuata commoda abligurienda conuerterunt.

3 Hisce artibus tam ingentem vtriusq; Germaniæ partem Hæretici destruxerunt, & à fide Catholica dimouerunt. Idem in Anglia, Scotia, Hibernia, alijsq; locis effecere. Vnde exempla numerosa suppetunt; quæ doceant Prouincias Catholicas, hoc hominum genus, & Ecclesiæ, & rebus ipsis Politicis perniciosissimum, vitare, & statum Ecclesiasticum, quantumuis aliquot singulares personæ ab orbita sui perficiendi muneris deuiant, reuereri. Satis est ergo despicabilis, & contemptus Ecclesiasticus status, apud Hæreticos; & apud illas Prouincias, quæ ab illis se passæ sunt seduci; non est, quò Catholici etiam doceant, vel doceri permittant populũ, indignum Ecclesiasticorũ contemptum. Imperator, Reges, Principes, Respublicæ Catholicæ Religionẽ profitẽtes, Sacerdotes, Monachos, Prælatos Ecclesiæ tuendos, atque extollendos, suscipere

debent. quod est Catholicorū, & bonorum imperantiū officium: non autē pati, illos fannis, conuitijs, & libris scriptis proscindi, impeti, derideri.

4 Quod si Christi de hoc Domini doctrina, si sanctorum Patrum monita, si antiquorum non adessent Christianorum instituta; debuissent, apud Magistratus seculares, (ad verecūdiam hoc illis dicimus, Paulum imitati) Gentium, & Saracenorum sat esse exempla: apud quos tantū commentitij Sacerdotij valuit auctoritas; vt neque Romani suos Flamīnes, neque Apennini Galli suos Druidas, neque Chaldæi suos Magos, neque Mahumetani suos Alfaquinos, æquo animo tulissent, inproperijs affici, vel indignis nuncupationibus, à priuatis quibuscumque, etiam iustam causam tuentibus, dehonestari. Curare maximè debent Imperator, Reges, Principes, Respublicæ; ne Ecclesiæ Prælati, & Sacerdotes, & vniuersè, Ecclesiasticus status, malam, à quibus bonam sperabant, ineant gratiam; ne succedat tandem, vt populus, concepta animo semel de Ecclesiastico ordine sinistra opinione, præsumat ab eius cultu, amore, & reuerentia dimoueri.

5 Ceterarum Propositionum, quæ contra sacrorum hominum, & bonorum immunitatem circumferuntur, confutationem, in tempus commodius referuamus: quamuis, si præfata legantur attentè, credimus, eas sufficientissimè confutatas.

Tractatus Theologici, de Politia, & Immunitate Ecclesiastica, Magistri F. Laurentij Ortiz de Ibarrola, & Ayala, Benedictini.

P E R O R A T I O.



EXIGE AM Tractatum hunc; at quàm exaltè, Catholici pietate, & doctrina nobiles Lectores inducent. Quos, per viscera misericordie Christi Domini, oro, & obsecro; vi qua breuitati Operis consulens, vel prætermisi, vel obiter attigi, ipsi copiosius, & operosius trallent; ad Ecclesiæ iniua nitentes, senescentia eius hac secula reuocare. Iussus sic Moses Doctor, & Duclor, omnia facere, secundum exemplar in monte sibi monstratum; Doctores præiuit figura Christianis; vt eam doceant, defendant, tueantur doctrinam, quam & Christus Dominus, & Primitiuorum cætus Christianorum docuit: Ducloribus præiuit figura Catholicis; vt eam opere prællent, protegant, & conseruent. Hierarchia Ecclesiæ, eiusq; hac visibili perstante Politia, Hæreticis, ac Infidelibus alijs erit terribilis: immò eos in suū ouile vel reducet, vel inducet: vt omnis spiritus, & velit, & valeat, Dominum Mundi totius & Conditorem, & Insaurorem collaudare.

Quæcumque in hoc Tractatu continentur, subiycio Censuræ
S. Matris Ecclesiæ Catholicæ Romanæ.

Omnipotenti Deo Trino & Vno, qui donauit cogitare, describere, & in lucem proferre, bonor & gloria, in secula seculorum. Amen.

INDEX EORVM.

Quae in quattuor Partibus huius Tractatus,
per capita rerum, comprehenduntur.

IN PRIMAE PARTE.

SEPTEM Principia, & Prolegomena totius Tractatus. pag. 1
*Quaestio I. Ad quid se extendat Ecclesiastica Potestas, circa re-
 ges humanas, & Ciuiles secularis Potestatis. Vnica Conclusio.* 6

IN SECVNDA PARTE.

| | |
|--|--|
| Q VAESTIO II. An persona Ecclesiastica sint immunes, & li- bera, iure Diuino, à Ciuili Principum laicorum potestate, in ijs, quae criminalia, & ciuilia, siue quocumq; modo temporalia sunt? 14 | |
| Eius occasione, primò qualis administratio caussarum, apud Christianos, ex Euangelij forma praescripta fuerit, explicatur. I. Conclusio. 14 | |
| Explicatur locus Euangelij, Si peccauerit in te frater tuus, &c. 17 | |
| Argumentum graue diluitur. 20 | |
| Summorum Pontificum doctrina, pro explicatione, Si peccauerit, &c. 22 | |
| Sanctorum Patrum doctrina, pro ead. loci Euangelici explicatione. 26 | |
| Explicatio eiusdem loci, ex Euangelio Lucae, & Fabiano Papa. 32 | |
| Doct. Driedonis doctrina, pro eodem loco, Si peccauerit, &c. 33 | |
| Quattuor Dogmata, quae ex illo loco, Si peccauerit, &c. colliguntur. 34 | |
| Pauli Apostoli doctrina circa praedicta. 41 | |
| Ex eodem Paulo dicta confirmantur. 45 | |
| Ex eodem Apostolo comprobantur praedicta. 47 | |
| Insignis locus Pauli, pro eadem doctrina. 49 | |
| Sanctorum Patrum doctrina, circa locum praefatum Pauli. 53 | |
| Parergon, de Ecclesiasticis Iudicibus, & Consultoribus. 57 | |
| Diluitur quadam obiectio. 61 | |
| Ecclesiasticorum hoc iudicarium tribunal adhuc ostenditur. 62 | |
| Ex eodem Paulo praedicta roborantur. 63 | |
| Locus Euangelij, Si peccauerit, &c. ex Euangelio Lucae. 64 | |
| Pro Ecclesiasticis, circa iudicia secularia occupatio, ex officio. 66 | |
| Sacerdotes apud Gentiles erant Iudices. 67 | |
| Apud Hebraeos erant Iudices Sacerdotes. 68 | |
| Primum Consecrarium ex praedictis notandum. 68 | |
| Obiectioni cuidam respondetur. 68 | |
| Consecrarium secundum notandum. 69 | |
| Confirmatur ultimò Conclusio. 69 | |
| Argumenta duo ex Euangelio soluantur. 70 | |

| | |
|--|-----|
| Secunda Conclusio, & eius probatio. | 71 |
| Explicatur fundamentaliter Conclusio, ex Petri Primatu. | 73 |
| Exsecutio precepti. Confirma fratres tuos, per Petrum facta theoretice. | 77 |
| Exsecutio precepti. Confirma fratres tuos, per Petrum facta practice. | 80 |
| Maximum exemplum quoddam in Petro, exsequutionis mandati. Confirma fratres tuos. | 83 |
| Maximum aliud secundum exemplum exsequutionis, per Petrum facta, mandati, Confirma fratres tuos. | 86 |
| Quinque Corollaria ex praesatis excerpta. | 90 |
| Confirmatio Politiae Ecclesiasticae, ex alijs Scripturae locis. | 94 |
| Quid colligatur ex praedictis: & circa explicitam à Petro faciendam fratrum confirmationem, SS. Patrum sententia. | 96 |
| Dissolvitur Argumentum, contra probationem Conclusionis, sumptam ab illo loco Lucae. cap. 22. Vos autem non sic, &c. | 98 |
| Explicatur adhuc locus Lucae c. 22. pro confirmatione Conclusionis. | 100 |
| Probatio praeposita Conclusionis, & eius veritas, Petri sententia secundò confirmatur. | 105 |
| Ex Apostolo, Conclusio, & eius praesata explicatio, tertio probatur. | 108 |
| Probatur Conclusio quarto, ex lege naturae, & scripta. | 109 |
| Confirmatur adhuc quarta probatio Conclusionis, ex lege scripta. | 111 |
| Indiciorum qualis fuerit ordo apud Hebraeos. | 112 |
| Confirmatur adhuc probatio quarta Conclusionis, ex lege naturae. | 116 |
| Probatur praesata Conclusio, ex Christi Domini doctrina, apud Matth. | 118 |
| Probatur septimo Conclusio, Christi Domini facto. | 118 |
| Probatur octavo Conclusio, ex Apostolo, Epist. ad Timoth. | 119 |
| Conclusio probatur nono, ex Apostolo, Epist. ad Hebraeos. | 122 |
| Probatur decimo Conclusio, ab effectu. | 124 |
| Probatur undecimo Conclusio, ex eis prioris Conclusionis. | 127 |
| Conclusio probatur duodecimo, ab inconuenienti. | 128 |
| Probatur decimotertio Conclusio, ex Christi doctrina, Matth. cap. 18. Si Ecclesiam non audierit, &c. | 129 |
| Ex duobus Notandis collectio valde attendenda, pro Conclusionis confirmatione. | 131 |
| Oppositiones contra secundam Conclusionem. Primum Argumentum ab exemplo, & facto Salomonis, circa Abiathar Pontificem. | 135 |
| Alia exempla, & facta in lege antiqua, contra assertum Conclusionis asseruntur, & dissoluntur. | 138 |
| Pro solutione horum argumentorum generali, Notandum. | 142 |
| Secundum Argumentum, à termino spiritualitatis. | 143 |
| Secunda responsio, à coniunctione Politiae Ecclesiasticae cum Hierarchia. | 144 |
| Argumentum contra hanc solutionem dissolvitur. | 146 |

| | |
|--|-----|
| Confirmatur secunda Argumenti responsio, ex lumine natura, & Romanorum antiqua lege, & ab inconuenienti. | 146 |
| Confirmantur hec, sacra Scriptura testimonijs. | 147 |
| Contra Politicorum heresim. | 148 |
| Tertium Argumentum, ex loco Pauli ad Rom. 13. Omnis anima. | 149 |
| Ex Basilio, solutio præfata confirmatur. | 152 |
| Primum Notandū, circa que sit sublimioribus Potestatibus obediendū. | 153 |
| Secundum Notandum, explicatur, quæ Potestas sit à Deo. | 153 |
| II. Responsio ad Argumentum, ex D. Petro, & SS. Patribus. | 154 |
| Tertium Notandum, circa statum Evangelicæ promulgationis. | 156 |
| III. Responsio ad principale argumentum, ex iustitia, & prudentia publicationis Evangelij. | 157 |
| Respondetur oppositioni contra solutionem loci Paulini. | 157 |
| Explicatur Innocentius cap. Nouerit. de sent. excom. | 161 |
| Explicatur S. Ioannes Chrysostomus. | 163 |
| Quartum Argumentum, à iudicio exercito in Christum coram Pilato. | 164 |
| Quintū Argum. ex appellatione Pauli Apostoli ad Cæsare interposita. | 166 |
| Sextum Argumentum, à varia administratione huius Politicæ potestatis, per summos facta Pontifices. | 168 |
| Prima pars solutionis ad Argumentum. | 169 |
| Secunda pars responsionis ad Argumentum. | 172 |
| Tertia pars responsionis ad Argumentum. | 173 |
| Quarta pars responsionis ad Argumentum. | 173 |
| Pro generali responsione ad Argumentum, Notandum. | 173 |
| Iudicium de Imperatorum, & maxime Iustiniani Constitutionibus, de rebus sacris, &c. | 175 |
| Notandum, pro usu Ecclesiastica huius immunitatis, &c. | 176 |
| Suppositum notandum, pro legibus à quacunque Potestate ferendis. | 177 |

I N T E R T I A P A R T E.

| | |
|---|-----|
| Q V AESTIO III. An immunitas bonorum Ecclesiasticorum ad Ecclesias, Loca pia, & Clericos pertinentiū, quæ quomodocūq; miniſterij, & vſibus Diuinis deputatur, sit statuta de iure Diuino. | 178 |
| Prima Conclusio. | 178 |
| Probat̃ur primò Conclusio, ex confessione secularium Principum. | 179 |
| Probat̃ur secundo Conclusio, ex Lege veteri. | 180 |
| Probat̃ur tertio Conclusio, ex Concilio Lateranen. | 180 |
| Octo Notanda, pro quarta probatione Conclusionis. | 181 |
| Ex his Notandis Conclusionis colligit̃ur probatio. | 193 |
| Oppositiones contra Conclusionem. Primum Argumentum, à concessione priuilegiorum Principum Speciali. | 194 |

| | |
|--|-----|
| Secundum Argumentum, contra immunitatem personarum, à simili Privilegijs concessione. | 195 |
| Prima Responſio ad Argumenta. | 195 |
| Primum Notandum, circa Evangelij per orbem plantationem. | 196 |
| Colligitur confirmatio 11. Conclusionis 2. Partis. | 198 |
| Obiectio contra prædicta diluitur. | 200 |
| 11. Notandum, seu ad 1. consequutio. | 201 |
| Obiectio contra prædicta ex ipſo Paulo, diſſolvitur. | 205 |
| Tertium Notandum, circa ſtatum Chriſtianorum initio Eccleſiæ. | 206 |
| 11. Responſio ad Argumenta. | 207 |
| Tertium Argumentum, contra totam Politiam Eccleſiaſticam. | 211 |
| Molineus urget hoc Argumento, & eius euasiones, contra Politiam Eccleſiæ. | 212 |
| Contra euasiones Molinai. | 213 |
| Pro explicatione Argumenti, & Eccleſiaſt. immunitatis. Notanda duo de viginti. | 214 |
| Animaduerſio pro his, qua de poena Anathematis, seu ignis gladio, tam hic, quam 2. Parte dicta ſunt. | 245 |
| Argumenti conclusio. | 245 |
| Secunda Conclusio. | 246 |
| Novem Notanda, pro explicatione Conclusionis. | 246 |
| Colligitur Conclusionis integra prima probatio. | 262 |
| Decimum Notandum, pro 2. & 3. integra Conclusionis probatione. | 263 |
| 11. probatio integra Conclusionis. | 267 |
| Obiectio quedam ſolvitur. | 267 |
| 11. probatio integra Conclusionis. | 268 |
| Leges de bonorum Eccleſiæ diſpenſatione. | 268 |
| Epiſcopus unde dictus. | 270 |
| Primum ex quattuor Corollarijs, qua colliguntur notanda. | 271 |
| Secundum Corollarium. | 271 |
| Exempla duo adminiſtrandi Eccleſiæ bona, pro ſequentibus Corollarijs notanda. | 273 |
| Tertium Corollarium. | 274 |
| Quartum Corollarium. | 275 |
| Explicatur ultima pars Conclusionis. | 275 |
| Dubia quedam circa prædicta. 1. circa Eccleſiæ bona, & maxime immobilia. 11. circa bonorum Eccleſiæ acquiſitorum diſpenſationem. | 276 |
| 111. circa Legislationem de bonis Eccleſiæ acquirendis. | 276 |
| Dubium 1. circa Eccleſiæ bona, & maxime immobilia. | 276 |
| Decem Notanda, pro explicatione dubij. | 276 |
| Conſeſſaria decem ex prædictis habita. | 285 |
| Dubium 11. circa bonorum Eccleſiæ acquiſitorum diſpenſationem. | 294 |

| | |
|---|-----|
| <i>Suppositum ad sequentes Considerationes .</i> | 298 |
| <i>Prima Consideratio, circa OEconomiam difficilem diuitiarū Ecclesia.</i> | 298 |
| <i>Secunda Consideratio, circa causam Ecclesias locupletandi, & earum bona iuste expendendi .</i> | 301 |
| <i>Tertia Consideratio, circa tempus, & modum Ecclesie diuitias, &c. pauperibus, &c. erogandi .</i> | 304 |
| <i>Quarta Consideratio, circa, presenti tempore, Ecclesiasticorum bonorum dispensationem .</i> | 313 |
| <i>Quinta Consideratio, circa ea, quae ab Ecclesiasticis praestanda sunt, in Principum, ac Rerumpublicarum necessitatibus .</i> | 316 |
| <i>Argumentum pro causa Laicorum Principum .</i> | 319 |
| <i>Responsio, & difficultatis resolutio .</i> | 320 |
| <i>Conclusio considerationis, cum appendice notando .</i> | 325 |
| <i>Sexta Consideratio, circa Ecclesie thesauros: qualiter sint araris publicis .</i> | 326 |
| <i>Dubium tertium, circa Legislationem de bonis Ecclesia acquirendis.</i> | 330 |
| <i>Argumenta pro his legibus instituendis .</i> | 333 |
| <i>Septem Fundamenta, pro dubij explanatione.</i> | 334 |
| <i>Ratio dubitandi, circa leges posteriores, de bonis Ecclesia acquirēdis.</i> | 348 |
| <i>Ratio, & iudicium de his legibus editis .</i> | 349 |
| <i>Ratio, & iudicium de legibus similibus edendis .</i> | 352 |
| <i>Solutiones ad Argumenta .</i> | 352 |
| <i>Consuetarium ex praedictis .</i> | 358 |
| <i>Peroratio Tractatus, in communi, de Politia, & Immunitate Ecclesiastica .</i> | 358 |

I N Q V A R T A P A R T E .

| | |
|---|-----|
| I N T R O D U C T I O ad respondendum quibusdam Propositionibus Auctoris Anonymi, scribentis contra immunitatem Ecclesiasticam: & Christiana Paranesis ad Potestates seculares . Cap. I. | 363 |
| <i>Occasione Propositionis I. Auctoris Anonymi duae extremae vitiosae sententiae, de Principum in Respublicas potestate, referuntur. Cap. ij.</i> | 368 |
| <i>Propositio Auctoris Anonymi .</i> | 369 |
| <i>De Regum, & Principum secularium, seu Rerumpublicarum origine .</i> | |
| Cap. ij. | 373 |
| <i>Propositio Anonymi adhuc conuincitur esse falsa . Cap. iiij.</i> | 379 |
| <i>Respondetur obiectionibus Cap. 2. adductis . Cap. v.</i> | 381 |
| <i>Christi Domini doctrina, praedicta confirmantur . Cap. vi.</i> | 386 |
| <i>Prima quaestio Christo proposita .</i> | 386 |
| <i>Sex Documenta notanda .</i> | 387 |
| <i>Secunda quaestio Christo Domino proposita . Cap. vij.</i> | 389 |

| | | |
|---|---------------------|------------|
| <i>Tertia questio Christo Domino proposita</i> | <i>Cap. xiiij.</i> | <i>393</i> |
| <i>Primum Documentum oriens ex hac Christi Domini actione</i> | <i>Cap. ix.</i> | <i>395</i> |
| <i>Secundum Documentum ex eadem doctrina Christi oriens</i> | <i>Cap. x.</i> | <i>396</i> |
| <i>Tertium Documentum, ex Christi D. illa oriens doctrina</i> | <i>Cap. xi.</i> | <i>400</i> |
| <i>Obiectio quaedam soluitur</i> | <i>Cap. xij.</i> | <i>403</i> |
| <i>Corollarium, quod ex dictis colligitur</i> | <i>Cap. xij.</i> | <i>406</i> |
| <i>Doctrina Petri Apostoli, & ad eius explicationem preludeia, pro Anonymi illa Propositione haresis conuincenda</i> | <i>Cap. xiiij.</i> | <i>407</i> |
| <i>Obiectio quaedam soluitur</i> | <i>Cap. xv.</i> | <i>411</i> |
| <i>Præ immediatè hominibus dominari se per voluisse declaratur</i> | <i>C. xvi.</i> | <i>412</i> |
| <i>Quale fuerit, & sit Christi Regnum</i> | <i>Cap. xvij.</i> | <i>418</i> |
| <i>Petrum, & ex consequo eius successores Pontifices Romanos, habere à Deo immediatè potestatem Ecclesiam gubernandi ostenditur</i> | <i>Cap. xvij.</i> | <i>423</i> |
| <i>De potestate imperantium, ac subditorum obedientia, inter homines exercenda</i> | <i>Cap. xix.</i> | <i>427</i> |
| <i>In omni Magistratu, Principatu, & Monarchicum regimen, esse optimum, breuiter exponitur</i> | <i>Cap. xx.</i> | <i>433</i> |
| <i>Vnum Monarcham secularem, post Adamum, in orbe uniuerso non fuisse docetur</i> | <i>Cap. xxi.</i> | <i>439</i> |
| <i>Monarchiam Ecclesiasticam ab ære condito, usque ad Christum existisse ostenditur</i> | <i>Cap. xxij.</i> | <i>442</i> |
| <i>De prædictionibus Monarchia Ecclesiastica presentis</i> | <i>Cap. xxij.</i> | <i>447</i> |
| <i>De exhibitione presentis per Christum Ecclesiastica Monarchia</i> | <i>Cap. xxij.</i> | <i>450</i> |
| <i>Probatur doctrina precedentis Capitis, ex SS. Patribus, & Ecclesia Doctoribus</i> | <i>Cap. xxv.</i> | <i>453</i> |
| <i>Petrum Apostolum Ecclesiam Romanam fundasse, gubernasse, ac suo sanguine consecrasse demonstratur</i> | <i>Cap. xxvi.</i> | <i>458</i> |
| <i>Pontificem Romanum, esse B. Petri successorem, eandemque cum illo in Ecclesia uniuersa ligandi, & soluendi habere potestatem: probatur</i> | <i>Cap. xxvij.</i> | <i>462</i> |
| <i>Latinorum SS. Patrum, & Doctorum, de hoc eodem sententia</i> | <i>Cap. xxvij.</i> | <i>467</i> |
| <i>Imperatores Christianos, Reges, Principes, & Magistratus seculares agnouisse semper Ecclesiam Romanam primatui deferuntur</i> | <i>Cap. xxviii.</i> | <i>472</i> |
| <i>De Christi Regno adhuc, & de Ecclesia potestate agitur, ex Mat. c. vlt.</i> | <i>Cap. xxx.</i> | <i>475</i> |
| <i>Quædam prædictiones, à Christo Domino acceptis, intellexerint Apostoli: manifestatur</i> | <i>Cap. xxxi.</i> | <i>480</i> |
| <i>Assumptum precedentis Cap. adhuc probatur: & quaedam obiectio dissoluitur</i> | <i>Cap. xxxij.</i> | <i>486</i> |
| <i>Qualiter Apostoli illud Christi Domini præceptum: Euntes ergo doce-</i> | | |

| | |
|--|-----|
| <i>te, &c. exsequuti fuerint: explanatur. Cap. xxxij.</i> | 489 |
| <i>Animaduersiono differentia legis Scripta, & Euangelica: & confirmatio prædictorum: & quale Regnū Ecclesiæ sit dicendum. Cap. xxxiv.</i> | 493 |
| <i>Etiā si non esset summus in Ecclesiā Pontifex, seu Papa, adhuc fore in ea illius potestatem summam: docetur. Cap. xxxv.</i> | 496 |
| <i>Si Pontificia Romana dignitas esset ab hominibus instituta, adhuc haberet præfatam potestatem. Cap. xxxvi.</i> | 500 |
| <i>De Politia in Ecclesiā institutione, ad Synagoga comparata. Caput. xxxvij.</i> | 501 |
| <i>Obiectio de potestate ceterorum Apostolorum, ad Petri, eiusq; successorum potestatem comparata, dissolvitur. Cap. xxxviii.</i> | 506 |
| <i>De exercitio huius potestatis Petri, eiusq; successorum, adhuc per compara- tionem ad Synagoga. Cap. xxxix.</i> | 511 |
| <i>Veterum Imperatorum, & Regum Hispaniarum sententia de prædictis: proponitur. Cap. xl.</i> | 517 |
| <i>De institutione Imperij, & aliorum Regnorum, per Ecclesiā sequenti- bus temporibus. Cap. xli.</i> | 521 |
| <i>De Imperatorum, & Regum per Ecclesiā, eiusque summos Pontifices destitutione. Cap. xlii.</i> | 526 |
| <i>De speciali Ecclesiæ potestate, circa Regum Christianorum abdicatio- nem. Cap. xliii.</i> | 532 |
| <i>Vt comparetur, circa Regum, &c. potestatem, & ministerium doctrina Catholicorum, & Hæreticorum, horum aliqua placita, & acta nar- rantur. Cap. xlii.</i> | 539 |
| <i>Quædam peculiaria de Regnis Angliæ, & Scotiæ, circa prædicta addu- cuntur. Cap. xlv.</i> | 544 |
| <i>Peculiaria adhuc alia acta, in Regno Scotiæ; ex libello Proditionis Sco- ticæ. Cap. xlvi.</i> | 548 |
| <i>Catholicorum doctrina, circa Regum ministerium, & potestatem. Cap. xlvii.</i> | 554 |
| <i>De Ecclesiastica disciplina, circa conversationem cum Hæreticis, & ex- communicatis vitandam. Cap. xlviii.</i> | 557 |
| <i>Vtrum Princeps, propter Apostasiam à fide, amittat dominium in subdi- tos: ita quod ei obedire non teneantur? ex 2. 2. D. Thom. q. 12. Art. secundus integer: cum expositione Card. Caiet. Cap. xlix.</i> | 561 |
| <i>Hanc Ecclesiā, & Pontificis Romani potestatem in beneficium Regum, ac Principum Christianorum cedere: declaratur. Cap. l.</i> | 566 |
| <i>De celestii protectione Regni Angliæ, & Regum eius reverentia ad S. Se- dem Apostolicam, & deuotione ad Monasticum Ordinem S. P. N. Be- nedicti. Cap. li.</i> | 573 |
| <i>De rebus in Angliā temporibus ultimis gestis; Et Parænesis ad Regem eius Iacobum, & eius Regna. Cap. lii.</i> | 577 |

| | |
|--|-----|
| <i>Respondetur Hæreticorum tacita obiectioni : & continuatur Paranesis ad Regem Angliæ, &c. Cap. liij.</i> | 583 |
| <i>Quid sit Regi Angliæ faciendum, pro extirpatione hæresæ ab illis Insulis : & concluditur Paranesis ad eum. Cap. liij.</i> | 594 |
| <i>Quattuor Documenta colliguntur ex prædictis de Regno Christi, & Ecclesia. Cap. lv.</i> | 603 |
| <i>Quintum Documentum sequens ex dictis proponitur. Cap. lvi.</i> | 607 |
| <i>Per Parergon, ex iure Canonico, & eius Prudentibus, de potestate Pontificis dicta superius comprobantur. Cap. lvij.</i> | 611 |
| <i>Tria alia Documenta sequentia ex dictis proponuntur. Cap. lvij.</i> | 613 |
| <i>D. Petri Cap. 14. supra adducta doctrina ultimo explicatur. Cap. lix.</i> | 615 |
| <i>Quid colligebat ex notata propositione Anonymus Auctor, & ad illud Responsio, per sex Considerationes. Cap. lx.</i> | 621 |
| <i>Theologia, & Iuris quadam specialis prudentia, pro similibus legibus, vel instituendis, vel abrogandis, valde notanda. Cap. lxi.</i> | 633 |
| <i>Hæreticos callide velle Catholicis prouincijs, & earum Principibus, circa legum contra Immunitatem Ecclesiasticam, conditionem, imponere. Cap. lxy.</i> | 634 |
| <i>Peroratio Tractatus.</i> | 636 |

R O M A E,
Apud Stephanum Paulinum.
M D C X.

SUPERIORVM PERMISSV.



PRAECIPVE CASTIGANDA.

| <i>Fol. Lin. Erratum</i> | <i>Lego :</i> |
|----------------------------|---|
| 4 40 quoad | quò ad |
| 41 quoad | quò ad |
| 5 1 quoad | quò ad |
| 8 31 quoad | quò ad |
| 11 17 custodiunt | custodiene |
| | requirunt |
| 15 39 riguroso | rigoroso |
| 19 19 Senatotes | Senatores |
| 23 14 reddix | reddite |
| 35 36 quamquam | quaquam |
| 38 optatum | optatum |
| 44 38 Saphyræ | Sapphiræ |
| 46 Saphyra | Sapphira |
| 101 24 Chariatsepher | Chariath Sepher |
| 25 Chariatsepher | Chariath Sepher |
| 118 33 post castigauit | addo Ioan. c. a. |
| 121 18 quit | inquit |
| | Alienigenarum |
| 133 8 discissa | discissa |
| 112 40 quoad | quò ad |
| 121 17 superaunda | separanda |
| 135 16 neque | atque |
| 184 3 Berythum | Pellam pro maiore parte |
| 315 12 neque | etiam |
| 324 14 euauerunt: illis | decreuerunt: locis, & substantiis nouè. |
| 31 illis | acquisitis, pro maxima parte. |
| 378 13 maiori | instituti Militaris religionis, |
| 405 9 custodiunt | meliore |
| 10 requirunt | custodient |
| 14 variare | requirunt |
| 441 13 sextò | variari |
| 443 15 Sexti | septimò |
| 481 31 cum | Septimi |
| 491 1 centum | dele |
| 493 11 procere, sorat, &c. | ducentum |
| 16 usurpata | proceres, orat. &c. |
| 23 collocarunt | usurpatæ |
| 531 16 neque | collocauit |
| 17 neque | vel |
| 541 13 Vinzeius | vel |
| 576 41 Eduardus | Vinzerus |
| 590 11 post Anglicam | Henricus |
| 591 8 i. l. | addo constructam |
| | i. l. |





